

清  
實  
錄



高宗純皇帝實錄(一六)

卷一一九六至卷一二七一  
乾隆四十九年至五十一年

# 清實錄

第二四冊

中華書局影印

清 實 錄

(第 二 四 冊)

高 宗 實 錄 (一六)

\*

中 華 書 局 出 版

(北京王府井大街 36 號)

北京市中國書店發行

中國建築工業出版社印刷廠印刷

\*

787×1092 毫米 1/16·72 1 8 印張

1986年 4 月第 1 版 1986 年 4 月北京第 1 次印刷

印數 0,001—1,500 冊

統一書號: 11018·1355—24 定價: 34.00 元

# 清實錄第二四冊目錄

## 高宗純皇帝實錄（一六）

卷一一九六	乾隆四十九年正月上	一
卷一一九七	乾隆四十九年正月下	九
卷一一九八	乾隆四十九年二月上	二〇
卷一一九九	乾隆四十九年二月下	三〇
卷一二〇〇	乾隆四十九年三月上	四〇
卷一二〇一	乾隆四十九年三月下	五〇
卷一二〇二	乾隆四十九年閏三月上	七二
卷一二〇三	乾隆四十九年閏三月下	八七
卷一二〇四	乾隆四十九年四月上	一〇〇
卷一二〇五	乾隆四十九年四月下	一二五
卷一二〇六	乾隆四十九年五月上	一三〇
卷一二〇七	乾隆四十九年五月下	一四九
卷一二〇八	乾隆四十九年六月上	一七八
卷一二〇九	乾隆四十九年六月下	一九八
卷一二一〇	乾隆四十九年七月上	二二七

卷一二一一	乾隆四十九年七月下	二三二
卷一二一二	乾隆四十九年八月上	二五一
卷一二一三	乾隆四十九年八月下	二六三
卷一二一四	乾隆四十九年九月上	二七六
卷一二一五	乾隆四十九年九月下	二九一
卷一二一六	乾隆四十九年十月上	三〇一
卷一二一七	乾隆四十九年十月下	三三一
卷一二一八	乾隆四十九年十一月上	三三一
卷一二一九	乾隆四十九年十一月下	三四五
卷一二二〇	乾隆四十九年十二月上	三六一
卷一二二一	乾隆四十九年十二月下	三七四
卷一二二二	乾隆五十年正月上	三八五
卷一二二三	乾隆五十年正月下	三九四
卷一二二四	乾隆五十年二月上	四〇三
卷一二二五	乾隆五十年二月下	四二一
卷一二二六	乾隆五十年三月上	四三二
卷一二二七	乾隆五十年三月下	四四二
卷一二二八	乾隆五十年四月上	四五四
卷一二二九	乾隆五十年四月下	四六八



卷一二三〇	乾隆五十年五月上	四九六
卷一二三一	乾隆五十年五月下	五一〇
卷一二三二	乾隆五十年六月上	五三〇
卷一二三三	乾隆五十年六月下	五五一
卷一二三四	乾隆五十年七月上	五七六
卷一二三五	乾隆五十年七月下	五八八
卷一二三六	乾隆五十年八月上	六〇七
卷一二三七	乾隆五十年八月下	六二九
卷一二三八	乾隆五十年九月上	六四四
卷一二三九	乾隆五十年九月下	六六三
卷一二四〇	乾隆五十年十月上	六七八
卷一二四一	乾隆五十年十月下	六九〇
卷一二四二	乾隆五十年十一月上	七〇一
卷一二四三	乾隆五十年十一月下	七一〇
卷一二四四	乾隆五十年十二月上	七三一
卷一二四五	乾隆五十年十二月下	七三〇
卷一二四六	乾隆五十一年正月上	七四二
卷一二四七	乾隆五十一年正月下	七五〇
卷一二四八	乾隆五十一年二月上	七六四
卷一二四九	乾隆五十一年二月下	七七八
卷一二五〇	乾隆五十一年三月上	七九六
卷一二五一	乾隆五十一年三月下	八〇八
卷一二五二	乾隆五十一年四月上	八二三
卷一二五三	乾隆五十一年四月下	八三四
卷一二五四	乾隆五十一年五月上	八四五
卷一二五五	乾隆五十一年五月下	八五七
卷一二五六	乾隆五十一年六月上	八七二
卷一二五七	乾隆五十一年六月下	八八六
卷一二五八	乾隆五十一年七月上	九〇三
卷一二五九	乾隆五十一年七月下	九二三
卷一二六〇	乾隆五十一年閏七月上	九三八
卷一二六一	乾隆五十一年閏七月下	九五九
卷一二六二	乾隆五十一年八月上	九八八
卷一二六三	乾隆五十一年八月下	一〇〇八
卷一二六四	乾隆五十一年九月上	一〇三四
卷一二六五	乾隆五十一年九月下	一〇四一
卷一二六六	乾隆五十一年十月上	一〇六三
卷一二六七	乾隆五十一年十月下	一〇八二



大清高宗法天隆運至誠先覺體元立極敷文奮武孝慈神聖純皇帝實錄卷之一千一百九十六

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣謹誌

總裁官經筵講官太子太傅大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣謹誌內大臣戶部尚書鑲黃旗滿洲都統軍功紀錄五次

尋常紀錄十四次臣謹誌經筵講官太子少保工部尚書紀錄六次臣謹誌領侍衛內大臣

秋修

乾隆四十九年甲辰春正月丁亥朔

上詣

奉先殿行禮○御太和殿受朝作樂宣表如儀

○遣官祭

太廟後殿○御乾清宮賜皇子皇孫親王等宴

○戊子諭朕臨御以來祇承寅畏於

郊

壇大典罔不恪恭將事親詣行禮本年正月初

五日上辛

祈穀因去歲所患氣滯舊恙偶發誠恐登降儀

節或愆轉不足以申誠敬此次著派皇六子永琮恭代行禮朕仍於齋宮敬謹齋宿屆期親詣

大高殿行禮○又諭上年陝西榆林綏德二屬

秋禾歉收節經降旨令該撫加意撫卹並加

恩照乾隆二十四年散給折色之例優予賑

銀災黎自可不致失所第念今春正賑已畢

沿邊地氣寒冷並無冬麥大田收穫較遲民

食仍未免拮据著再加恩將榆林府屬之榆

林葭州懷遠府谷神木綏德州並所屬之米

脂吳堡所有被災極貧戶口著展賑四個月

次貧戶口展賑兩個月以資接濟至被災較

輕地方有需酌借口糧籽種者並著該撫察

看情形分別酌量辦理該撫務督飭所屬實

心經理俾邊地災黎均霑實惠副朕惠普春

祺有加無已至意該部即遵諭行○又諭上

年湖北黃梅廣濟黃岡江夏四縣因六月間

江水盛漲濱江地畝均被淹浸致成偏災業



經降旨。令該督撫實力撫卹。俾無失所。第念今春正賑已畢。距麥收尚遠。正屆青黃不接之時。民食未免拮据。著再加恩。將黃梅廣濟成災八九分之極次貧軍民。展賑一個月。俾資餬口。其餘被災較輕地方。有應於今春酌借口糧籽種。以資接濟之處。並著該督撫察看情形。分別辦理。該督撫其董率各屬實力妥辦。俾窮簷均霑渥澤。副朕軫恤災黎。用普春祺至意。該部即遵諭行。○是日起

上以祈穀於

上帝。齋戒三日。○己丑。諭前因江蘇之上元句容。丹徒。三縣。因六月間江水盛漲。濱江地畝被淹。致成偏災。降旨令該督撫實力撫卹。並令查明於青黃不接時。是否應需展賑。蠲緩。茲據薩載等奏稱。該三縣業經分別給賑。蠲緩。現在水淹地畝。業已涸出。佈種二麥。收成在望。毋庸再予展賑等語。該督等所奏。雖係實在情形。但念該處地畝。甫經涸出。民食究

未免拮据。況新歲南巡。蹕路經臨。尤宜倍加渥澤。所有江蘇之上元。句容。丹徒。三縣。毋論極次貧民。俱著加恩。加賑兩個月。用昭省方行慶。加惠黎元至意。該部即遵諭行。○辛卯。祈穀於

上帝。遣皇六子永璿。恭代行禮。○

上詣

大高殿行禮。○諭軍機大臣等。據薩載等奏。秦鏞次子秦鴻甲。因在四庫館効力。居住京中。

已飛咨順天府尹查辦。本日又據胡季堂等奏。秦鴻甲已經出京。查有編修秦泉。秦潮。係秦鏞之姪。隨即親往查詢等語。秦泉等係秦鏞之姪。並非父子同居可比。況久經分析。自可無庸查辦。已就近諭知該府尹。並秦泉等矣。惟秦鴻甲。因上年冬間。謄錄報滿。於臘月初一日。在館告假。回籍一節。其時日不先不後。竟係秦鴻甲在京。聞知伊父秦鏞獲罪之信。是以起身回籍。不可不切實根究。著傳諭

薩載等將秦鴻甲是否係聞信回籍並應行究訊之處訊明據實具奏。胡季堂等摺並著鈔寄閱看。將此由四百里諭令知之。○壬辰諭朕今歲巡幸江浙原擇本月十一日啟鑾但節候在立春以前天氣尚寒著諏吉於二十一日啟鑾。○諭軍機大臣等據孫士毅奏派委委員伴同岑宜棟到省其土田州印務已檄委土州判岑熙就近兼署計本案定擬行知時岑宜棟已在省城自可不動聲色即令遷移等語此亦可不必已於摺內批示矣前因岑宜棟於伊子代倩賄囑之處訊不知情若因此罪及其父將土知州另行更換轉恐伊管轄人等心懷疑懼續經傳諭該撫檄調岑宜棟赴省諭以不加伊罪令其倍加謹飭照舊供職部議進呈時亦已降旨將該土司留任孫士毅此奏自係未經接奉時拜發著再傳諭該撫仍遵續降前旨辦理如岑宜棟現已到省該撫將朕恩旨向其宣諭將此

由四百里諭令知之。○癸巳。

世祖章皇帝忌辰遣官祭

孝陵。○陝甘總督李侍堯奏甘省營制既多近又添補額兵歲需礦餉應寬為備貯向於皋蘭縣騷狐泉地方開採現查礦苗已衰不敷供用查玉門縣牛尾山前經奏明開採分貯肅州玉門二處擬將肅州礦斤撥運三十萬存貯蘭州如騷狐泉採礦不敷即於此內售給至肅州運缺礦餉即令在牛尾山招商採買肅州為新疆門戶亦可備關外撥用玉門地方亦屬緊要皆應貯備寬裕俟採足停止其開採事宜照原議章程辦理并責令該處鎮道稽查報聞。○甲午諭據農起奏靈邱縣民劉榮妻王氏現年一百二歲劉榮亦九十六歲夫婦齊眉孫曾繞膝可否懇恩雙旌等語劉榮夫婦年臻大耋唱隨協慶五世一堂實為吉祥盛事著加恩准其特予雙旌用彰恩錫以副朕加惠耆齡至意。○諭軍機大臣

等京師於上年十二月下旬連得瑞雪甚為優渥直隸省各屬亦據該督奏到得雪自二三寸至四五寸不等昨據豫省奏報二麥情形於立春前再得瑞雪普霑更有裨益等語看來河南雪澤竟未霑足而山東山西亦未據奏報十二月得雪各該省田功有無妨礙近日是否續得甘雪朕心深為廑念著傳諭明興農起何裕城將現在各屬曾否據報得雪之處迅速具奏以慰廑念將此由四百里各傳諭知之尋明興奏濟南武定沂州青州萊州登州六府於十二月十一二十二等日先後得雪三四寸至六七寸不等其未得雪各屬土膏尚潤正在望澤得旨覽農起奏太原府以北於上年十一月初三四十五六七十二月初四五二十一二等日據大同朔平寧武及歸綏道屬先後報得雪二三寸至七八寸不等該處地土較寒不種冬麥汾州蒲州平定等府州報上年十二月初九二十二

及新正初一等日得雪二三四寸不等雪澤雖覺微稀田功無礙又現據澤州大同朔平等府屬報正月初七初十等日得雪二三寸不等得旨知道了何裕城奏開封歸德懷慶河南彰德南陽汝寧各府許汝陝光各州屬報於正月初九初十十一等日得雪二三寸及四五寸不等間有未經得雪者土膏亦屬潤澤得旨覽奏稍慰○乙未享

太廟遣和郡王綿備恭代行禮○遣官祭

太歲之神○

上御撫辰殿大幄次賜蒙古王貝勒額駙台吉及年班杜爾伯特公烏呼斯等二人烏什等處回子伯克塞普拉等十六人朝鮮國陪臣黃仁點等四人琉球國陪臣毛廷棟等二人宴○御重華宮召大學士及內廷翰林等茶宴以五經萃室聯句○諭據福崧奏癸卯科浙闈鄉試有年屆九十之張本並年屆八十以上之毛德成等共六名三場完卷未經中



式等語。張本。毛德成。朱紹璧。翁體貴。吳家仁。董德潤。年俱耄耄。踴躍觀光。殊堪嘉尚。著加恩賞給舉人。一體會試。以示加惠耆年之至意。○諭軍機大臣等。據劉我奏。山永協副將劉之仁。堪勝總兵之任。給咨送部引見等語。現屆南巡。啟鑒。著傳諭劉我。將該副將劉之仁。送行在兵部帶領引見。除就近傳知兵部外。將此諭劉我知之。○浙江巡撫福崧奏。臣標左右二營。應添新兵六百名。內馬兵六十名。步兵五百四十名。並無守兵。臣酌令於兩營原設步守兵丁內。擇其材技較優者拔補。所遺額缺。即以新募餘丁。交該管各官勒限訓練。陸續拔補。現已足額。臣惟有督同兩營將備認真訓練。務成勁旅。得旨覽。○丙申。諭前因廣西永安州知州葉道和。與岑照科場舞弊。藐法營私。經該撫孫士毅奏請。將葉道和家產查抄入官。茲據江西巡撫郝碩奏。准咨訊。據葉道和之兄撫州府照磨葉道中。供

稱伊兄弟兩人。並未分家。亦無銀錢什物寄到。現將葉道中署內財物。悉行查封等語。從來緣事獲罪之人。兄弟本不相及。如因一人獲罪。將其兄弟貲產。概行查抄。辦理未免過當。若以未經分析。盡免入官。則應行查封者。皆將託詞財產未分。任意隱匿。使貪吏子孫。仍復坐擁厚貲。亦復何以示警。嗣後如有緣事獲罪。應行查抄。而兄弟未經分產者。著將所有產業。按其兄弟人數。分股計算。如家產值銀十萬。兄弟五人。每股應得二萬。祇將本犯名下應得一股入官。其餘兄弟名下應得者。概行給予。以昭平允。朕辦理庶務。一秉大公。至正。從不肯故為姑息。使墨吏無所敬畏。亦不肯稍事苛刻。以致波及無辜。所有葉道和一案。即照此辦理。並著為令。○丁酉。諭前擬本年六月初四日。仲巴呼圖克圖等迎請班禪額爾德尼之呼畢勒罕入寺。朕方欲遣員齎送賞賀物件。適據博清額等奏。仲巴呼

圖克圖。綏綳堪布等稱。據達賴喇嘛。拉穆吹忠。選得八月十三條上吉之日。奏請改期迎請等語。深愜朕懷。班禪額爾德尼。前世廣敷黃教。誠切皈依。又感激朕恩。尋即轉世。既據達賴喇嘛檢查。應於八月十三迎請入寺。是日值朕壽辰。允稱祥瑞。除令齋送賞件侍衛。改期起程外。此旨著交達賴喇嘛閱看。並傳諭仲巴呼圖克圖。綏綳堪布。知之。○戊戌。諭軍機大臣等。據巴延三等奏。海豐縣民人呂邦球。控告鍾亞金。符水迷人。輪姦呂謝氏一案。究出同夥之江亞武。黃亞水。並鍾亞金。曾同陳亞六。赴福建詔安縣。投拜黃江水為師。又黃亞水。供出故父黃學貴。傳授茅山符咒。串同鍾亞金等。在呂邦球家焚符作祟。乘間輪姦。並據黃亞水供出。伊父遺有符書神像。及郭亞牒。黃亞佐等。均係建醮誦經夥伴等語。邪術迷人。大干法禁。此案鍾亞金等學習邪術。焚符作祟。輪姦婦女。索詐錢文。情罪實

為可惡。必須徹底嚴行查辦。著傳諭巴延三。尚安提集已獲各犯。嚴切訊明。即行按律定擬具奏。所有神像經卷。並行查明銷燬。其未獲餘黨。務飭文武員弁。按名查拏。迅速就獲。毋使一名漏網。至福建詔安縣民黃江水一犯。據鍾亞金供。符咒係該犯傳授。黃亞水又供。符咒傳自伊父。至黃江水。曾於四十五年來過海豐。自言能畫符咒。因圖卸已罪。是以私囑鍾亞金供。扳為師等語。該二犯所供。雖屬互異。但黃江水既經到過海豐。又能畫符咒。是此等邪教。自係起於福建。必須切實根究。並傳諭富勒渾雅德。一體飭屬查拏到案。嚴訊實情。並究明有無夥黨。一併審辦。務盡根株。將此由五百里各傳諭知之。巴延三等摺。並鈔寄富勒渾雅德閱看。○庚子。上御重華宮。賜皇子諸王及廷臣等宴。并命以觀燈火聯句。○御撫辰殿大幄次。賜蒙古王貝勒額駙台吉。及年班杜爾伯特公烏呼斯

等二人。烏什等處回子伯克塞普拉等十六人。朝鮮國陪臣黃仁點等四人。琉球國陪臣毛廷棟等二人宴。○諭曰。皇長孫綿德前因與革職禮部郎中秦雄褒往來餽遺書畫。革去承襲定郡王。嗣復加恩封為公爵。綿德為皇長子定安親王嫡長子。係朕長孫。設如書生拘迂之見。若明洪武時。懿文太子既歿。劉三吾建議。謂皇孫世嫡。禮宜承統。洪武泥於法古。遂立建文為皇太孫。其後釀成永樂靖

難之變。禍亂相尋。臣民荼毒。皆劉三吾一言喪邦之所致也。朕惟深鑒於歷代建儲之失。是以再三宣諭。並令纂輯儲貳金鑑一書。為萬世法戒。若如洪武之泥古立儲封建。以祖宗神器之重。輕為付託。豈我大清宗社萬年之福乎。今念綿德之子奕純。新歲可以得子。朕慶抱元孫。五世一堂。實為古稀盛事。自應特沛恩施。以衍奕禩。雲初之慶。綿德著加恩。晉封固山貝子。嗣後宜益加謹飭。常存敬畏。

以期永承恩澤。副朕諄切訓勉之至意。此旨並著入於儲貳金鑑。○又諭朕此次南巡。所有步軍統領事務。著定郡王綿恩署理。○是日立春。順天府進土牛春山寶座。○辛丑。

### 上詣大高殿

壽皇殿行禮。○御乾清宮。賜皇子皇孫諸王等宴。○御保和殿。賜朝正外藩等宴。召左翼科爾沁和碩親王旺扎勒多爾濟。多羅貝勒三音察

袞。烏珠穆沁和碩親王瑪哈索哈。巴林親王品級多羅郡王巴圖。固山貝子德勒克。奈曼多羅郡王拉旺喇布坦。教漢多羅郡王齊默特魯瓦。固山貝子桑濟扎勒。阿巴噶多羅郡王喇特納什第。土默特多羅貝勒索諾木巴勒珠爾。右翼喀爾喀車臣汗車布登扎布。多羅貝勒車布登納木扎勒。袞布多爾濟。固山貝子德沁喇木丕勒。一等台吉格齊多爾濟喀喇沁親王品級多羅郡王喇特納錫第。翁



牛特固山貝子圖們巴顏鄂爾多斯固山貝子丹巴達爾濟等至御座前賜酒成禮○諭朕啟鑾後兵部印務著劉墉兼署理藩院印務著伍彌泰兼署○又諭曰黃仕簡著加恩在御前侍衛上行走○諭軍機大臣等據伊齡阿奏仿照安福艦樣式新造寶蓮航御舟一隻現已工竣擬送至直隸廠豫備乘坐等語又多一事覽奏不為欣悅已於摺內批示矣朕自辛未以後五次南巡乘坐安福艦甚為安適此次南巡上年冬間業令長蘆鹽政將御舟送至直隸廠豫備舟中向列御筆詩章今若改乘伊齡阿所造之舟豈竟將安福艦內御筆移掛耶抑另行特製耶伊齡阿小有聰明每每高興取巧朕屢加訓飭仍不知悛改復作此無益虛糜之舉著傳旨嚴行申飭況伊齡阿成造此舟必非自捐廉俸不過交與商人承辦若此事該鹽政先行奏聞朕必諭令停止今業已製造完竣只須將此舟

停泊揚州候朕經過時閱看必不可送至直隸廠豫備將此傳諭知之

大清高宗法天隆運至誠先覺體元立極敷文奮武孝慈神聖純皇帝實錄卷之一千一百九十六

大清高宗法天隆運至誠先覺體元立極敷文  
奮武孝慈神聖純皇帝實錄卷之一千一百九十七

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆四十九年甲辰正月壬寅成都將軍特

成額四川總督李世傑奏新疆種地降番數  
年來丁口漸增飭委道員挨查較初編戶口  
原數實多一千一百六十餘名口其中因叔  
姪兄弟親戚應分戶者計四百一十一戶今  
屈升科年分人數滋多以一戶之糧供數家  
之食自屬不敷查山頭地角儘可墾耕自應  
一律均分請將應分各戶每戶再撥給地三  
十畝賞給籽種二石存屯空倉房一間不必  
折與銀兩仍令自備牛具開墾限年升科得

旨好依議行○癸卯諭軍機大臣等前據伊

齡阿奏仿照安福艦式樣成造寶蓮航送至

直隸廠豫備乘坐一摺已降旨嚴行申飭並

傳諭該鹽政必不可將此舟送至直隸廠矣

昨復將所進船式取進閱看船身笨重內河

駕駛尤多不便朕自辛未以後五次南巡乘

坐安福艦甚為安吉況安福艦之外尚有翔

鳳艇豫備乘坐已極便適至御舟之後尚有

內廷皇子等乘坐及豹尾槍各項近御差使

船今若復添此舟內河行走勢必在眾船之

前不免遲滯況添設一船水手河兵人等又

需另行添派其一切工價犒賞等項更多糜

費將來安置何處又須另建船塢種種不便

竟全未計及總之伊齡阿小有聰明每每高

興取巧經朕屢加訓飭不知悛改且此船亦

非伊齡阿自捐廉俸不過虛糜商力意在獻

勤作此無益之舉甚屬非是伊齡阿著再傳

旨嚴行申飭並諭令將此舟仍遵前旨只須

停泊揚州。候朕經過閱看。斷斷不可送至直隸。厥豫備如未經接奉前旨。業已牽挽北上。亦必遵旨趕回具奏。將此傳諭知之。尋奏。現已飛飭承辦工員。即於揚州停泊。臣辦理冒昧之處。愧悔莫及。得旨覽。又諭。前因甘肅革職通判佟躍岱。將家產變賣。串通趙龐任董四姓。藉詞隱匿。並不完繳官項。傳諭李侍堯。及陝西。山西各省巡撫。就近詢問。佟躍岱所有趙龐任董。係屬何人。拏解送京審訊。茲據李侍堯奏。此內惟趙姓一名。徧查並無其人。聞係勒爾謹之長隨。趙姓曾與佟躍岱有借貸情事。係山東人。現住京城等語。該犯既係勒爾謹長隨。敢與職官串通隱匿。尤為可惡。除就近傳知步軍統領衙門。並五城順天府嚴拏外。但該犯籍隸山東。或潛回本籍。亦未可定。並傳諭劉我明興。一體飭屬嚴密查拏。務獲解京歸案審辦。將此傳諭知之。李侍堯摺。鈔寄閱看。甲辰。諭。日。姜晟現在出差。

刑部漢侍郎乏人。姜晟未回京之前。著彭元瑞暫行署理。○諭軍機大臣曰。閔鶚元奏。江蘇省各屬新舊錢糧。已未徵完一摺。內稱應徵地丁。屯折漕項等款。未完銀二十六萬四千九百餘兩。未完地漕等銀三萬九千一百餘兩。又未完災緩漕糧米一萬七百餘石。現在督飭催徵。務於本年奏銷以前。掃數清完等語。朕巡幸江浙。蹕路所經。宜加恩渥。所有此項未完各款銀糧。該撫既經飭屬徵催。著傳諭該撫。即飭屬查明。現又徵收若干。其未完之數。並著該撫查明。酌量各該處情形。應否加恩豁免之處。即行據實速奏。俟入江南境時。再降恩旨。○乙巳。諭據海祿奏。鎮西府知府兼攝宜禾縣事祥泰。於宜禾縣採買兵糧價值。捏報浮多。豫留冒銷地步。且上年採買。尚未具詳。輒擅動庫項。發給該商戶民將豆石折收小麥。又私將銀兩放債取利。種種玩法。請旨革職嚴審等語。祥泰著革職。交

與該都統提同案內犯證將所叅各款逐一  
秉公嚴訊確情。究擬具奏。該部知道。○諭軍  
機大臣等。據海祿奏。迪化州知州員缺。及哈  
密通判宜木縣缺。俱應揀員調補。其已補綏  
來縣知縣持蔭。至今尚未到任。已飛咨李侍  
堯。委員接署。並揀選調補等語。新疆地方。最  
關緊要。現在懸缺甚多。著傳諭李侍堯。即速  
揀選幹員調補。其未到任者。飭令即行赴任。  
無使遲延。致滋貽誤。○烏魯木齊都統海祿  
奏。古城迤北瑚圖斯地方。拏獲私開金廠各  
犯治罪。得旨。此案著該部覈擬速奏。至古城  
迤北瑚圖斯地方。逼近土爾扈特游牧。與腹  
裏不同。豈容聚集多人。在彼私開金廠。海祿  
能留心訪察。委員前往該處。將該犯等按名  
拏獲。辦理認真。實屬可嘉。海祿著交部議敘。  
○丙午。鴻臚寺奏。向例凡遇行幸。沿途地方  
官員。於百里內接送。乾隆四十一年。四十五  
年。俱遵旨於三十里內接送。此次

皇上親詣

闕里後。巡幸江浙。應請旨。臣等行文知照。得  
旨。著三十里以內接送。○丁未。

上南巡。車駕發京師。命皇十一子永理。

皇十五子。皇十七子永璘。隨駕。○諭朕巡

幸江浙。省方觀民。鑒輅所經。宜施渥澤。用溥  
春祺。所有經過直隸。山東。地方。本年應徵地

丁錢糧。俱著加恩蠲免十分之三。該部即遵  
諭行。○又諭。現在吏刑兩部。滿侍郎乏人。諾

穆親不必署理。兵部侍郎著暫署刑部侍郎  
事務。俟穆精阿回京後。諾穆親即著署理吏  
部侍郎事務。所有兵部侍郎著保泰署理。○  
是日。駐蹕黃新莊行宮。○戊申。諭。此次南巡。  
經過直隸。山東。二省。所有辦差文武各官。住  
俸。罰俸。降級之案。俱著加恩。准其開復。如無  
此等叅罰案件者。各加一級。○又諭。朕清蹕  
時。巡道經畿輔。昨已特沛恩膏。將所過地方  
本年額賦。蠲免十分之三。第念該省尚有積

年欠項。皆因從前偶被偏災較重地方隨時出借。今若按限催科。民力恐不無拮据。著再加恩。將順天。保定。河間。天津。正定。順德。廣平。大名。宣化。遵化。趙州。深州等十二府州屬未完積年因災出借倉穀一十五萬五千二百四十石。概予豁免。該督其實力稽查。妥協辦理。俾閭閻均霑實惠。該部即遵諭行。○署河東河道總督蘭第錫。巡漕御史佛喜保奏。運河大挑工程。臣等趕催濟寧以北。至臨清一帶。及韓莊以南八閘內工。俱於正月十八日完竣。其濟寧南至沛。滕兩縣受淤頗厚。亦嚴催勒限。定於二十三。四日。可一律歲工。南糧首幫。現已過淮。臣等飭將韓莊湖口壩。先行啟放。其迤北南旺大壩。酌定正月二十八日開放。俾蜀山等湖。可以多為收水。報聞。○是日。駐蹕涿州行宮。翼日如之。○己酉。

孝聖憲皇后忌辰。遣官祭。

泰東陵。○諭軍機大臣等。姚成烈奏。安南國使

臣。於二月初旬。可出楚省之蘄州境。復自江西安徽等省。從容前進。務令於三月初。閏三月初間。行抵江寧等語。朕此次駐蹕江寧。計在閏三月初十日。該使臣若於三月初。閏三月初間。到彼祇候。途次未免匆迫。祇須飭令伴送人員。途次緩程行走。於閏三月初五。六間。行抵江寧省城。祇候瞻覲。更覺從容。著傳諭姚成烈。即遵照辦理。並諭薩載知之。○又諭曰。行聖公孔憲培。現在制中。到曲阜時。並其本家官員人等。毋庸賜宴。並著於中水地方送駕。○庚戌。賜扈從王公大臣。及直隸官員等食。○諭此次南巡。所有直隸。山東。派出辦差兵丁。著加恩賞給兩月錢糧。○是日。駐蹕紫泉行宮。○辛亥。諭朕巡幸江浙。上年業經降旨。照從前之例。於江浙兩省。冬兌漕糧內。各截留十萬石。豫備臨時平糶之用。所有此次減歇漕船。向例止給一半月糧。於該丁等生計。未免拮据。著加恩於應給月糧外。再

賞給十分之二。以示體恤。該部即遵諭行。○諭軍機大臣等。在京步軍統領衙門奏。滿斗毆死僕婦鄭劉氏之夫鄭榮。復將有夫之女收用為妾一摺。此等事從前如舒寧祖尚德俱經犯案。雖無甚奇。但滿斗年逾八旬。尚有此少年無恥之事。實屬可笑。著傳諭阿桂。將此案人證。提集刑部。秉公研審。定擬具奏。勿稍瞻徇。步軍統領衙門原摺。並著發交閱看。○又諭穆精阿等奏。查審盛京翔鳳閣被竊銀兩一摺。已批交該部議奏矣。此案前經該將軍等屢次審訊。未能得實。為時已久。該犯等扶同串供。無隙可抵。前派穆精阿前往審訊時。已豫料其未必能究出實情。今穆精阿就現在情形。將失於防範各員。及兵役等。先行分別治罪。亦止可就案完結。此事自係該將軍等平時不能嚴加查察所致。所有失去銀兩。即著永瑋照數三倍罰出賠補。以示懲儆。至穆精阿請赴行在復命之處。可以不必要。

該侍郎於此案。既未能究出行竊正犯。俾案情畢露。又何必趨赴行在耶。現在刑部滿侍郎乏人。穆精阿即著回京辦理部務。將此各諭令知之。○又諭。據畢沅覆奏。審訊佟躍岱。將伊名下分得地畝。變賣還債。至其所借各鋪銀兩細數帳目。據供前在蘭州。適遇逆回滋事。城外寓所行李等物。俱被搶去。帳目亦致遺失等語。蘭州逆回滋事之時。佟躍岱所借各鋪銀兩細數帳目。或被搶失。亦情理所有。或竟係該員藉此無質證之事。希圖掩飾。均未可定。但佟躍岱拖欠官項。至九千八百餘兩之多。既將地畝變售。自應先公後私。何以賣地價銀一萬九千餘兩。先還私債。轉置官項於不問。明係將應得產業變價清還借項。將來催迫官項時。又得以藉口家產盡絕。希冀攤賠。轉可脫然事外。居心殊屬巧詐。總之佟躍岱解京後。並將各鋪戶拏解到京。經刑部審訊。自無難水落石出也。將此傳諭。

阿桂並諭刑部堂官知之。○是日駐蹕趙北口行宮。○壬子諭貴州提督敖成前在金川軍營著有勞績擢任提督於營務亦能實心整飭今聞溘逝深為軫惜著加恩晉贈太子太保所有應得卹典著該部察例具奏。○以貴州鎮遠鎮總兵保成為貴州提督江西九江協副將李杰龍為鎮遠鎮總兵。○是日駐蹕思賢村行宮。○癸丑遣官祭先儒毛萇祠。○諭曰湖廣提督李國梁之父李瑞年屆九旬李國梁著加恩調補直隸提督俾得就近侍養其湖廣提督地居衝要兼轄水陸馬彪在提督任內有年頗為出力著調補湖廣提督所遺陝西固原提督著剛塔調補剛塔於交界處送駕後即行速赴新任馬彪李國梁俱俟新任接印交代後再行起程各赴新任李國梁未到任以前其直隸提督著李奉堯暫行署理。○是日駐蹕太平莊行宮。○甲寅諭曰廣東巡撫尚安現在丁憂孫士毅著調

補廣東巡撫所遺廣西巡撫員缺著吳垣補授廣西布政使瑞齡去冬陞辭此時諒已抵任孫士毅接奉此旨著將巡撫印務即交瑞齡護理速行馳赴新任彭元瑞著調補吏部右侍郎金士松著調補兵部右侍郎所遺禮部侍郎員缺著陸費墀補授。○又諭曰安徽按察使福寧前在甘肅於冒賑案內濫冒出結本有應得之罪因其首先陳出實情且搜捕賊黨甚為出力是以加恩仍留甘肅臬司之任祇將其廉俸全數扣賠軍需項下濫行動用銀兩但念該員廉俸若全行坐扣於辦公未免掣肘所有福寧安徽按察使任內每年應得廉俸著加恩於養廉內准其支領二千兩其餘仍行坐扣抵項該員務須潔已奉公倍加謹飭毋負朕格外體卹之至意。○諭軍機大臣等據李世傑覆奏審訊葉體仁與范軫夥開鹽井一節查係范軫賒欠莊宏遠貨錢一千三百餘千無償將開鑿鹽井契約

項與莊宏遠嗣莊宏遠至武昌盤費短少。因向葉體仁家人耿責。借銀八十兩。復將此約為質。實未同葉體仁夥開鹽井等語。是葉體仁並無與敘州所轄民人范鞍合夥營運情事。至伊子葉道和在場中貌法舞弊。粵西相隔遙遠。葉體仁亦並不知情。所有任所貲財衣物。自應仍行給與。其原籍查抄家產。並著傳諭姚成烈。遵照前降諭旨。將葉道和應得一股產業。查明分晰入官。此外係葉體仁名下之產。著加恩一併給還。○以光祿寺卿藍應元為大理寺卿。○是日。駐蹕紅杏園行宮。○乙卯。諭曰。李世傑奏。查明軍需案內。修理橋梁道路。請銷銀三十三萬一千九百四十餘兩。米三萬六千九百九十餘石。麪十三石八斗八升。准工部以原冊內並未將丈尺工料做法。詳晰開明。與例不符。請交督臣另行詳查覈減。茲據委員等查明。前用工程銀兩等項。委係費歸實用。懇恩查照原冊。一體准

銷等語。此項橋梁道路工程。當軍興之際。文報往來。承修各員。支給工費。自不免有逾例限。以致報銷時。屢干部駁。但金川軍需項下。歷經豁免者。已不下千百餘萬兩。此項工程。既據查明費歸實用。且閱時已久。塵案亦早應完結。所有李世傑請銷銀三十三萬一千九百四十一兩零。米三萬六千九百九十四石九斗零。麪十三石八斗八升。俱著加恩全行豁免。該部知道。○諭軍機大臣等。前據永德奏。粵東鹽商派捐公費一案。曾降旨令將案內應訊犯證。先行審訊。並恐已延三。尚安李質穎。或有通同染指。瞻徇情事。亦著據實先行奏聞。為時既久。總未據永德覆奏。而此時福康安到粵已久。該省鹽商。私自派捐。該管官有無抑勒分肥情事。自己得大概情形。即應迅速馳奏。何以未據奏到。盼望殊為懸切。現在尚安業已丁憂。如尚有應行質訊之處。即將伊暫留粵中。若已訊明定案。與尚安



無涉。再令其回旗守制。又本日據富勒渾覆奏。拏獲符水迷人鍾亞金案內之黃江水。黃水二犯一併押解赴粵質審等語。邪術迷人為害最大。必須嚴行追究。以盡根株。此案亦著福康安會同該省督撫切實查辦。定擬具奏。如福康安業已事畢。起身前赴行在。亦不必趕回。即交該督撫等辦理具奏。將此由六百里傳諭知之。仍著迅速覆奏。是日駐蹕絳河行宮。○丙辰諭。朕清蹕時巡道經山左。昨已特沛恩膏。將所過地方本年額賦蠲免十分之三。茲當入疆伊始。疇咨民瘼。該省尚有未完款項。著再加恩。將山東省利津霑化等二十一州縣衛。因災出借籽種牛具銀十萬八千六百一十九兩零。並因災出借倉穀十萬一千一百餘石。概予豁免。該撫務須率屬實力奉行。俾閭閻均霑實惠。副朕行慶施惠有加無已之至意。該部即遵諭行。又諭所有長蘆商人恭進銀十萬兩。著賞給山

東三萬兩。以為辦差之費。其餘七萬兩著解交浙江海塘工次備用。○又諭。前據永德奏。廣東鹽商派捐公費一案。因降旨令福康安前往審辦。茲據奏查訊此案大概情形一摺。於總督已延。雖未據審有染指分肥情事。但已延三身任總督。於此等商總派累亦照積弊辦理。並未據實奏明。顯有迴護。其咎已無可辭。且為人拘懦。難勝煩劇。若仍留總督之任。將來辦理諸事。必多貽誤。已延三著來京候旨。兩廣總督員缺著舒常調補。其湖廣總督員缺著特成額補授。舒常接奉此旨。即著交印。馳赴新任。不必前來請訓。舒常未到任之先。兩廣總督印務著永德暫行署理。其湖廣總督印務。特成額未到之先。即著舒常就近交伊星阿暫行兼署。○諭軍機大臣曰。福康安奏查審譚達元呈控總商沈冀川勒派銀兩一摺。據稱軍需銀兩已於四十三年全數歸款。譚體元實無欠繳軍需之項。從前

承審各員。聽信沈冀川等一面之詞。輒將譚體元朦朧定罪。難辭偏聽誤斷之咎。其中有無徇庇欺飾。現在嚴加究訊等語。此案前據譚體元在京控告。因係總督專政。是以特交尚安李質穎審辦。自應秉公研訊。徹底根究。乃心存徇庇迴護。朦朧問擬。非尋常聽斷不實可比。定案時。自當將尚安李質穎交部嚴加議處。候朕另降諭旨。至福康安清字另摺所奏公費一項。係採買貢物之用。由來已久。

將來結案時。可以無須敘入等語。此事不應如此辦理。商人等資藉官鹽營運。滋息獲利甚厚。如果情殷報効。備物輸忱。亦屬分所應有。如兩淮長蘆河東等省。俱係該鹽政等摺內聲明。代為呈進。朕亦鑒其悃忱。屢加恩賚。原不應司鹽務者。攘為己有。且致藉詞勒派。今粵東事已破露。自不得因相沿年久置之不問。所有此項公費銀兩。著傳諭福康安等查明。始自何年。歷任總督。有無染指分肥之

處。據實具奏。即使無別項情弊。而並不奏明。派敘商人銀兩。採買物料。以為己物呈進。即其罪也。應於定案聲明。交部治罪。尚安李質穎俱經署理督篆。任內有無此等情事。亦著一併查奏。毋得含糊了事。將此由六百里加緊傳諭福康安永德。仍將查審情形。迅速定案奏聞。○又諭。據福康安奏稱。查審監生譚達元所控一案。請將商人所出公費銀兩。永行停止。似無庸於摺內瑣瑣聲明等語。所奏

非是。此事若不明白曉示。轉似廣東歷任督臣密進貢物。朕亦為之徇庇矣。是以諭令歸案辦理。此事已延三縱。無肥己等情。已將商人之物。作為己物入貢。自不便仍留總督之任。已降旨令已延三來京候旨。所遺員缺。著舒常調補。並令速赴新任矣。廣東鹽務之弊。皆自二十四年設立商頭所致。自係由李侍堯任內創始。該督等俱不無指稱採買貢物。以圖肥己。若不查辦。何以示懲。著傳諭福康

安將二十四年以來歷任督臣有無藉端肥已情事確查奏聞交部議罪候朕酌量辦理至尚安李質穎承審此案時姑容徇隱咎亦難辭豈可僅照部議止令解任著福康安傳諭已延三尚安李質穎於案結時除將欠項賠補外仍令自行議罪代為轉奏現雖剔除鹽弊然該處洋行中亦必有弊福康安起程之時朕已有旨理應一併查明定擬章程俾永絕弊竇但此事非舒常所能獨辦舒常現已馳驛前往福康安或迎舒常前來或在彼稍候數日俟舒常到時徹底查明洋行弊端熟籌辦理定有章程著舒常會同穆騰額遵照妥協辦理再行前赴行在將此傳諭福康安並令舒常知之又諭據李侍堯奏巴里坤總兵佛喜於鎮標中營千總善豐阿墜馬跌傷既不照例給限令其調治繼又以割已截角迴護前錯實屬冒昧請旨將佛喜交部議處一摺此奏甚公已批交該部議奏矣

佛喜辦理此案冒昧迴護自有應得處分然其咎尚屬因公將來部議亦不至革職離任該督摺內所稱善豐阿傷已全愈弓馬如舊應仍留千總原任是善豐阿仍係佛喜所轄彼此挾有嫌怨易啟釁端殊多未便著傳諭李侍堯即將千總善豐阿調回口內補用將此侍諭該督並兵部堂官知之大學士會同禮部議覆福建道御史李嗣奏申定殿試規條一士子不得豫行撰擬策聯分送請託策冒不拘字數至數行後泛寫套語頌揚者不准濫廁前茅臣等查此係舊例但恐行之日久復開僥倖之端應請申明乾隆四年所奉

聖諭嚴切飭禁一試卷請自第一名起至二甲末通行進呈臣等查歷來辦理俱於傳臚後另派大臣覆行察看近科每有將二甲卷奏明移置三甲末者是二甲試卷原聽欽派大臣察看所奏應毋庸議一殿試策草本官

為辦理。即將策內款式。開具首頁。鈐用印信。與正卷一同給發。如查有用坊間草本者。以夾帶論。交卷時。將草本另行彌封。俟發榜後。交察看標識。大臣查覈。應如所奏。一策題請於文華殿刊刻。臣等查向例。閱卷大臣。於殿試前一日。恭領題目。即繕寫連夜刊刻。文華殿兩廊。勢難容匠役人等。所奏似不可行。至稱士子內。由中書及謄錄中式者。每在誥勅房。國史館等處。住宿探聽。應交該管官於殿

實錄卷一百七

三

試前一日。除各處值宿官役外。倘有在內私自逗留者。察出交部治罪。得旨。依議。其內閣刊刻題紙時。著添派護軍統領一員。帶領護軍校等。在彼稽查。著為令。○禮部題朝鮮國王李祘。遣使表賀。

萬壽冬至元旦三大節。及進歲貢方物。賞賚筵宴如例。○琉球國中山王尚穆。遣使表貢方物。賞賚筵宴如例。○以江南提督保寧為成都將軍。○以山東登州鎮總兵柯藩充州鎮

總兵馬如麟對調。是日駐蹕德州行宮。是月兩江總督薩載奏。遵旨飭禁鹽規。查武職緝私。分所當為。現已議給養廉。其離汛遙遠。及專員巡緝之處。仍酌給盤費。臣於遴委時。嚴行飭禁。毋許絲毫需索。但恐日久玩生。請嗣後。責成該管上司。每年出具並無需索切實印結。并飭各官互相糾察。報聞。○調任成都將軍特成額。四川總督李世傑奏。東科爾呼圖克圖。遣回本處。住持管束。番民臣等

實錄卷一百七

三

派都司張維伴送。並令傳集四土百戶番眾。暨緊鄰竹窩春科等土司。剴切宣諭。據該四土百戶等。僉稱實在感激。竹窩春科等土司。亦稱實在歡幸。斷不敢稍有侵凌。其原派長官司阿克溫布。據稱情願仍回西寧。臣等已咨西寧大臣。妥為管束。得旨嘉獎。○粵海關監督穆騰額奏。現查商欠稅項。酌議勒具限狀。飭令照限清完。海疆權政。責任重大。惟有恪守章程。盡心辦理。得旨。好勉為之。亦不必

欲速見長久而勿懈可也

實錄卷一百九十七

三

大清高宗法天隆運至誠先覺體元立極敷文奮武孝慈神聖純皇帝實錄卷之一千一百九十七

大清高宗法天隆運至誠先覺體元立極敷文奮武孝慈神聖純皇帝實錄卷之一千一百九十八

監修總裁官謹議官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲副都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文學殿大學士文淵閣領閣事領侍衛內大臣稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲黃旗滿洲副都統軍功紀錄五次

尋常紀錄十四次臣德齡經筵講官太子太保工部尚書紀錄六次臣曹振鏞等奉

敕修

乾隆四十九年甲辰二月丁巳朔祭

實錄卷一百九十八

二

先師孔子。遣大學士三寶行禮。○諭軍機大臣等。昨在德州境內。有叩閭之直隸廣宗縣民人李知止。直至轎前。非僅如在道旁喊叫者可比。雖經審訊。以不干己事之窪地。妄思興修河道工程。希圖牟利。尚無別故。但其情節可惡。若僅照衝突儀仗例定擬。尚不足以蔽辜。著傳諭劉綬。將該犯從重治罪。定擬具奏。○四庫全書館總裁質郡王永瑤等奏。遵旨恭辦江浙三分四庫全書。前經挑選書手

一千名。每月寫書四千本。又奏定分校之翰林中書等五十七員。每月校書一千一百餘本。計須八年始竣。臣等公酌此三分書。原為嘉惠士子。擬即於生監中募添校對每一人。三年內校書五千餘本。得二十一人。足敷辦理。告竣後。仰懇賞給舉人。准其會試。其潦草錯誤者。照七品官罰俸例。繳充本館公用。再校對後。擬即發交各該省。陸續照式裝潢。從之。○以江南壽春鎮總兵任承恩為江南提督。調河南南陽鎮總兵郭元凱為壽春鎮總兵。以湖南沅州協副將黃秉淳為南陽鎮總兵。○是日。駐蹕曲陸店行宮。○戊午。祭

大社。

大稷。遣果郡王永璫恭代行禮。○諭。據鑲黃旗漢軍都統叅奏。三元佐領下已革步甲唐立仁逃逸。該叅佐領遺漏未曾查報。又三元佐領下病故之馬甲唐通。原與伊子福海同移居安定門外。請將失察之叅佐領等官。交部

查議。領催以下人等處分革退等語。已革步甲唐立仁逃逸之處。遺漏未報。失察之叅佐領等。交部分別查議外。其馬甲唐通與伊子福海同居城外一事。因德保未曾詳悉。朕四十六年所降諭旨。故含糊叅奏耳。若旗人果有借端在前三門外。優唱匪類。地方居住。花費銀錢。任意流蕩。或移居穢污之地。戀娼妄為者。查出理宜嚴加治罪。若因城外房租價賤。久已安居者。朕施恩不究。已於四十六年

七月降旨。通諭知之矣。已故馬甲唐通與伊子福海同居安定門外。並未生事。德保等含糊叅奏。與朕所降恩旨不符。將此通諭八旗滿洲。蒙古。漢軍。俱各遵朕所降恩旨辦理。不必似德保等紛紛從事。至旗人內若有在前三門外居住。混行生事者。該都統等不可稍存隱匿。必嚴行查出。叅奏從重治罪。諭軍機大臣等。刑部奏滿斗毆死家人鄭榮。并將其有夫之女收用為妾。請將滿斗革職審訊。

一摺。滿斗毆斃家人。姦占其女。自應先行革職。照從前舒寧祖尚德之案。按例定擬。但滿斗毆斃鄭榮致死。係上年五月之事。鄭榮之妻劉氏。彼時何以不行首告。即云被家主管束嚴緊。不能出外呈控。上年五月。滿斗隨圍熱河。至八月始回。此三月中。鄭劉氏何以無隙可乘。而此次控告。轉係滿斗在家之時。殊不可解。雖滿斗罪之出入。不係於此。而此等情節。亦係此案關鍵。不可不詳加質訊。以成信讞。至鄭榮之死。業經檢驗傷痕明確。且衆供如一。自無疑義。原不能任其狡賴。滿斗應得之罪。著阿桂等遵照前旨辦理。勿稍迴護。將此傳諭知之。○兩江總督薩載奏。江寧省城。及上下江各府州屬。均於正月初十。十一日。得雪二三寸至八九寸不等。十九日。江寧續得雪六寸。並據蘇州。松江。揚州。淮安。鳳陽。各府報稱十八。十九等日。得雪二。三。四。五寸不等。惟下江徐州府。海州。上江潁州。尚未報

到。批。於農功有礙否。桃源一帶得雨。緣何未奏。又奏。江西省各府屬稟。十二月二十三。二十四。正月初九。初十等日。得雪五六寸至尺餘不等。報聞。○是日。駐蹕李劉莊行宮。○已未。諭。據明興奏。癸卯科山東鄉試。年屆八十以上之生員焦會塗等六名。三場完卷。未經中式等語。該生等俱年逾八旬。踴躍觀光。深堪嘉尚。茲當鑒輅經臨。允宜特沛恩施。以示獎勵。焦會塗。趙象觀。張申。張自道。徐簡。颺。梁重華。俱著加恩賞給舉人。准其一體會試用。昭省方作人。優惠耆齡之至意。○河南巡撫何裕成奏。省城於正月二十六日。復得春雨。入土三寸有餘。附近州縣。大畧相同。其餘各屬。俟查明另奏。得旨。欣慰覽之。○是日。駐蹕晏子祠行宮。○庚申。御製濟水考曰。濟為四瀆之一。禹貢導沔為濟。以至會汶入海。不過八語。而窮源至委。昭垂千古。為不易之恒流。向嘗賦四瀆詩。雖加考

證。祇以漢志。及水經注。酈道元。李濂輩。各持已見。究之其身並未歷其地。遵耳食而相齟齬。蓋因濟流伏見原無定。是以展轉紛歧。無足怪者。即如禹貢所云入於河者。非濟之清流。入黃也。蓋即伏於黃之底。所謂入也。溢為榮。則又見而出為榮。地志所謂即榮波之榮。見豫州者。三伏三見。此其一證。然其伏見原亦無定處。而無定數也。東出陶邱。則今之曹州。又至於荷。則今之荷澤縣。蔡沈所謂濟陰縣自有荷派也。又東北會於汶。汶自有源。宋樂史所云清河。即今之大清河。唐李賢所謂濟水東貫滑曹鄆青以入於海者也。是則濟之源委。實不出禹貢數語。以解之者愈多。而考之者愈紊。乃致人但知大清河而反不知濟。遂若靈潰有不可復求者然。蓋嘗論之。禹貢所言。乃本然之形勢。今則時代變遷。伏見靡定。亦理之所必有。而以禹貢八語證之。總不出敷土奠川之本來。其紛然口舌之論。偶

藉以資多聞亦可。即付之不求甚解亦可。論所有長蘆應解浙江海塘銀七萬兩。著再賞給山東三萬兩。以為辦差之用。其餘四萬兩。仍遵前旨。解赴海塘工程備用。又諭曰。貴州提督教成。老成歷練。出力行間。正資倚畀。遽聞溘逝。深為悼惜。前於該督奏到。已加恩晉贈太子太保。交部議卹。今披閱遺疏。追念前勞。並因伊子均未服官。著再加恩賞給雲騎尉世職。照例襲替。其應承襲之子。著原籍督撫。俟服闋時。擬定正陪送部引見。所有任內降革處分。概予開復。以示朕眷念成勞。有加無已之至意。○以病休廣西那地土知州羅元善子起城襲職。○是日。駐蹕潘村行宮。○辛酉。諭據福崧奏。石門縣知縣朱麟徵。因地保張奕高。承催錢糧。多未完納。令役責處。張奕高推諉不服。出言唐突。該令將張奕高重責三十板。旋因傷重斃命。請將朱麟徵革職等語。所辦未免過當。知縣身膺民社。



如於所管人役。有因私扶念。責處致斃情事。自應叅奏革職治罪。今朱麟徵於地保徵催錢糧。多未交納。且又挺撞本官。責處本屬分內應辦之事。而該地保既已承催不力。又復出言頂觸。已有應得之罪。況該令將該地保責處三十板。亦係如法決責。不得謂之濫刑。若因此而槩請革職。則將來州縣所管吏役保約。皆得有所倚恃。扶制本官。於實力辦公之道。殊多未便。嗣後如扶嫌逞忿致斃人命者。仍照例辦理外。如事屬因公。按法責斃所屬人役。該督撫止須奏請交部議處。部議時亦不過議以降級留任。已足示儆。不得遽行革職。致啟胥役刁惡之漸。所有此案朱麟徵應得處分。即照此辦理。著為令。諭軍機大臣等。據富勒渾奏。拏獲符水迷人鍾亞金。案內之黃江水。黃水二犯。一併押解赴粵質審。曾降旨令福康安會同該省督撫。切實查辦。定擬具奏。本日又據雅德奏。拏獲黃江水等。

訊取供詞。並稱先據廣東咨稱鍾亞金供出。曾赴福建詔安縣投拜黃江水為師。繼又咨稱鍾亞金在縣所供。邪術傳自黃江水之處。係聽黃亞水私囑誤扳。其實邪術係黃亞水之父黃學貴傳習。前後情節互異等語。黃亞水既供曾在海豐縣公平墟地方與黃江水祈禳一次。即黃水一犯亦經鍾亞金等供指確鑿。該二犯自俱係此案邪術黨羽。不可不嚴行追究。以盡根株。著傳諭福康安會同該省督撫將該犯等詳加審訊。毋得任其狡賴。至粵東鹽商派捐公費一案。計自正月十五日發摺之後。為日已久。自必得其切實底裏。續行迅速馳奏。一面即行速回。將此由六百里傳諭知之。雅德摺並著鈔寄閱看。是日駐蹕靈巖寺行宮。○壬戌。上至泰安府。詣岱廟行禮。○遣官祭關帝廟。○諭各省督撫等。年終彙奏事件。向

由軍機處將有無遲延遺漏查明具奏。原以專責成而重考覈。但該督撫等奏報發鈔後。各部院不過照常彙題存案備查。而軍機處名為彙總。實不過循例奏明。仍屬具文。於覈實辦公之道均屬未協。即如各省拏獲命盜各案。已未結數目及盜竊案已未緝獲。記功記過各款。該督撫等均於年終彙奏一次。但此等案件。如果事隔數十年。實在無從督緝。竟應查明酌與開除。以清塵案。其餘未結未獲各款。自應分別款案。定以處分。庶承辦之員。自顧考成。俱知上緊辦理。依限完結。而督撫等亦不能以一奏了事。嗣後各督撫年終彙奏各項。均著各部院衙門詳晰查覈後。彙送軍機處覆加考覈。於三月間彙齊辦理具奏。如各該部有疎忽遺漏。軍機處又不能詳加覈正。經朕看出。惟軍機大臣是問。○諭軍機大臣等。據留京辦事王大臣奏。訊取秦泉等供詞。並請將該二員革職。俟秦鴻甲解到

時再行質訊一摺。固應如此辦理。但念秦泉等前於秦鴻甲出京日期。代為捏改。顧念兄弟私情。尚屬情理所有。至薩載前奏。秦鴻甲供係秦潮在國史館上聽見欽差赴廣東之信。回家向伊說過。今據秦泉等供。秦鴻甲是否確知譚姓告狀之事。他並未說起。實在不知道等語。供詞仍屬閃爍。其中顯有推諉躲避情事。秦泉等係讀書居官之人。應知大義。今朕加恩。再令王大臣訊問。伊等稍有人心。自當逐一據實供出。其咎尚輕。若復仍前掩飾。將來秦鴻甲解到後。嚴切質訊。自無難水落石出。彼時究出實情。則小事轉為大事。秦泉等恐不能當其咎也。此時秦泉等姑免革職。著留京王大臣再行反覆開導。令其據實供明。毋稍隱飾。自罹咎戾。○刑部奏。臣部辦理贖罪各案。俱專摺奏請覈定。至情罪較重。未能准贖。向例即由臣部議駁。未經與准贖各犯一體奏明。誠恐所議未必平允。應請嗣

後除筭杖人犯照舊辦理並由各省具奏交部叢議之案仍逐案奏覆外其外遣軍流以下罪犯在部呈請贖罪者俱開明案情分別似應准贖似不應准贖兩項按月彙奏如一月僅止一件歸入下月彙奏從之○是日駐蹕泰安府行宮翼日如之○癸亥

上命皇十一子永理祭

少昊陵

皇十五子祭

甲辰三月十六

十二

元聖周公廟○遣官祭昭忠祠○賜卮從王公大臣及山東官員等食○甲子遣官祭先醫之神○是日駐蹕魏家莊行宮○乙丑諭前歲堵築青龍岡壩工時漫水業已斷流旋因西壩陡壑大溜下注河道總督李奉翰在工竭力搶護以致跌入金門被纜格傷若非有人拯救幾至殞命該督以總河大員身先督率經此危險實堪嘉尚從前薩載因辦理陶莊引河甚為出力曾經賞給騎都尉世

甲辰三月十六

十三

職今李奉翰前來行在接駕朕軫念前勞宜膺懋賞李奉翰著照薩載之例加恩賞給騎都尉世職以示優眷○諭軍機大臣曰福康安奏奏始興縣知縣衛克墳向埠商挪借銀兩一摺已批交該部知道矣衛克墳身為縣令輒敢向商人勒借銀兩實屬有干例禁已革運使秦鏞於該商呈控時並不嚴查揭報顯係有心庇護自應嚴切究訊歸案辦理又福康安等奏查抄秦鏞寓所貲財一摺秦鏞久任運使其寓所貲財什物何止此數自係聞有欽差之信豫行隱匿今既已如此止可毋庸深究其案內應訊情節仍著福康安等切實查審毋任匿飾一面定案具奏一面趕赴行在將此由五百里傳諭知之○又諭昨入山東境後經過德州一帶途次農田不無待澤情形看來直隸保定以北附京一帶各屬得有雪澤土膏尚屬滋潤至河間景州等處與東省毗連地土殊覺乾燥現在該處曾否續得雨雪於農功有無妨礙著傳諭劉綬將

現在情形速行據實覆奏尋奏直屬正月以來天津永平所屬於正月二十六七等日各得雪一。二寸不等。河間等處未得雨雪。今歲節氣較晚現在尚無妨礙得旨。一得甘澤即速奏聞。刑部奏定擬滿斗罪名一案得旨。滿斗本應照例發往伊犁第念其年逾八旬著加恩准其照三品以上罪犯軍流者捐贖銀七千二百兩照數繳出仍著內務府大臣該叅佐領嚴行管束令其安分家居不許出外滋事並著罰出銀二

聖錄卷二百五十八

十四

十兩給付鄭榮之家以示懲儆餘依議。○行在軍機大臣以李奉翰世職情愿兼銜請得旨。騎都尉世職著加恩以李奉翰長子鑾儀衛治儀正李慶徵承襲。○戶部議准四川總督李世傑疏稱四川打箭鑪及口外官兵口糧向由天金雅安清溪榮經蘆山等五州縣採辦供支嗣督臣文綬奏准以金川存剩米支放暫停辦運現查該處存米不敷來歲支用請照舊例交原派五州縣分年採買碾運打箭鑪以資接濟從之

○是日駐蹕中水行宮。○丙寅上謁

少昊陵。○至曲阜謁

先師廟。○遣官祭啟聖林及顏子曾子子思孟子祠。○吏部議奏各部院額外學習人員有因降革援例開復者向因例無明文准其接算從前行走日期報滿今查實授人員降革開復不計前俸此項學習人員亦應仿照辦理均以開復到部之日另行扣限報滿從

聖錄卷二百五十八

十五

之。○是日駐蹕古泮池行宮。○丁卯

孝康章皇后忌辰遣官祭

孝陵。○

上詣

先師廟行釋奠禮。○詣

孔林酌酒。○詣

元聖周公廟行禮。○諭曰李侍堯奏蘭州城守營叅將德海等拏獲發遣新疆逃犯楊三一摺訊據該犯供係由嘉峪關混進請將嘉

峪關巡檢王岳揚署游擊楊廷弼交部嚴加議處等語。王岳揚楊廷弼俱著交部嚴加議處。至嘉峪關係肅州所管地方。該知州並不實力查察。以致該犯得以潛入關內。並著該部查明。一併議處。○諭軍機大臣曰。李侍堯奏蘭州城守營叅將德海等。挈獲新疆逃犯楊三據供。由嘉峪關混進。請將巡檢王岳揚署游擊楊廷弼。交部嚴加議處一摺。已降旨將王岳揚等。交部嚴加議處矣。但關隘要地稽察出入責任綦重。原不應僅委之於巡檢微員。嘉峪關係肅州知州所管地方。自應督率所屬實力查察。今已將巡檢王岳揚等叅奏。而該知州轉得脫然事外。未為允當。除現已降旨將肅州知州交部查明議處外。著傳諭李侍堯嗣後稽查嘉峪關事務。應令該知州會同該關員弁一體實力留心盤詰。如有私行偷越等事。即將該知州一併叅處。以重責成。○是日駐蹕中水行宮。○戊辰遣官祭黑龍潭。

昭靈沛澤龍王之神。玉泉山惠濟慈佑龍王之神。○旌表守正捐軀四川南充縣民韓智女韓氏。○是日駐蹕泉林寺行宮。○己巳駐蹕註經臺行宮。○庚午吏部議覆御史費孝昌奏稱。近見廣西巡撫孫士毅因所屬武宣縣知縣郎士貴有師生之誼。奏請迴避。經部議准。查京師向有運氣通選廣東之謗。若照例以廣東員缺對調。恐啟趨避。應令吏部另掣他省。並請嗣後例不迴避。奏請迴避之員。均照此辦理。伏查兩廣缺分均有美惡。且迴避之員皆以原缺繁簡對調。豈能揀擇趨避。且令各省如此分別。亦屬瑣屑。所奏毋庸議。惟查近年多有藉稱情誼親切。奏請迴避。致與定例不符。應請令親族師生例不迴避者。不得違例奏請。如有瞻徇等弊發覺。該督撫從重議處。從之。○是日駐蹕萬松山行宮。○辛未諭昨召見沂州府知府尹文炳。詢及從前國泰在巡撫任內。勒派各

屬銀兩。伊曾否餽送。據稱並未送過。復詢以國泰勒派銀兩。各府州縣皆所不免。何以伊一人獨無。則稱沂州缺分平常。並無出息。平日潔清自守。實在未曾餽送。并稱兗州府知府王祿朋。亦未送過銀兩等語。因令軍機大臣檢查原案。則尹文炳曾交銀二千兩。王祿朋曾交銀一千二百兩。是尹文炳所奏全屬虛捏。當國泰勒索屬員之時。各府州縣無不趨承迎合。如尹文炳果能守正不阿。獨無餽

平定縣志卷之六

六

送。則該員尚有氣節。朕必加獎擢。即藩臬大員。俱可簡任。乃尹文炳既經餽送於前。及朕詢問時。復捏詞具奏。且不但自為欺飾。并代人隱瞞。若果如伊所云。平日操守清廉。又無出息。則所交出之二千兩。從何而得。此等矯飾之詞。即施於朋友。尚且不可。乃竟於君父之前。巧為嘗試。猶得謂之有人心者乎。伊等餽送一案。朕以人數衆多。且出於上司抑勒。是以前此免其深究。乃尹文炳尚欲飾詞見

好。居心如此。何以勝表率民社之任。著交部

嚴加議處。至兗州府知府王祿朋。亦曾送過

銀一千二百兩。前經面詢時。並未據實陳奏。

但未如尹文炳之飾詞屢奏耳。亦有應得之

咎。著一併交部議處。所有沂州府知府員缺

著以袁鑒補授。○又諭據慶玉等奏稱。拏獲

伊犁逃犯夏東兒。訊與伊犁將軍原咨相符。

將該犯即行正法等語。夏東兒係免死減等

發往伊犁與兵丁為奴之犯。由遣所脫逃。慶

平定縣志卷之六

七

玉等自應於拏獲時。一面正法。一面咨行伊犁將軍處。以為伊犁所有遣犯人等懲戒。不然。是夏東兒在哈密正法。伊犁各犯毫無知覺。其何以示儆耶。著通飭哈密烏嚕木齊等處駐劄大臣等嗣後拏獲此等人犯。訊明正法。一面奏聞。一面咨行伊犁將軍。曉示該處。以為彼處各犯懲戒。其未拏獲之遣犯張三。仍交慶玉等嚴行查拏。將此併傳諭伊犁勒圖知之。○豁免江南安慶前幫糧船乾隆四十

七年遭風漂沒額糧七百四十四石有奇。  
是日。駐蹕問官里行宮。

大清高宗法天隆運至誠先覺體元立極敷文  
奮武孝慈神聖純皇帝實錄卷之一千一百九十八

大清高宗法天隆運至誠先覺體元立極敷文  
奮武孝慈神聖純皇帝實錄卷之一千一百九十九

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理  
吏部理藩院事務正黃旗滿洲都統世襲騎都尉軍功加七級隨帶加一級奉常加二級軍功紀錄一次臣慶桂  
總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務  
世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次  
尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆四十九年甲辰二月壬申諭朕翠華南

實錄卷一百一十九

幸慶典時行蹕路所經已降旨將直隸山東  
二省因災積欠銀糧概予蠲除江省為財賦  
重地茲入疆伊始渥澤宜覃著加恩將江寧  
藩司所屬積欠地丁漕項等款未完銀三十  
六萬七千五百十兩零民借籽種口糧未完  
銀一十五萬一千九百五十九兩零漕糧漕  
項等款未完米麥豆一十八萬九千七百二  
十六石零蘇州藩司所屬地丁漕項等款未  
完銀四萬五百五十四兩零民借籽種口糧

未完銀一千二百四十八兩零。漕糧漕項等款。未完米豆三萬八千九百六十四石零。安徽藩司所屬地丁等項。未完銀三十七萬三千二百六十一兩零。民借籽種口糧。未完銀六萬一千九百兩零。漕倉等項。未完銀八萬三千一百六十三兩零。漕糧漕項等款。未完米麥豆六萬五千七百四十餘石零。俱著全行豁免。用敷愷澤。副朕行慶施惠之至意。該部即遵諭行。○又諭。前因李奉翰於堵築青

龍岡壩工時。落水被傷。勞績懋著。曾降旨加恩賞給騎都尉世職。今總兵銜副將李永吉。前赴行在迎駕。伊前於搶護壩工時。亦曾隨埽落水。幾致不救。甚為出力。自應特沛恩施。用獎勤奮。李永吉著加恩賞給雲騎尉世職。照例襲替。仍令伊長子李琰承襲。該部知道。○又諭。朕因東南士庶。籲幸情殷。且河工海塘。以次告竣。一切善後機宜。均須親臨指示。爰循舊典。六巡江浙。茲當入疆伊始。慶澤宜

覃。所有江南浙江水陸經過地方。本年應徵地丁錢糧。俱著加恩蠲免十分之三。該部即遵諭行。○又諭。曰。李本現已病故。貴州巡撫員缺。著永保補授。李慶葵著調補江蘇布政使。其河南布政使員缺。江蘭服亦將滿。著伊署理。服滿再行實授。○刑部議覆。江西巡撫郝碩奏稱。查刑部咨行各省決囚釘封公文。向交本省提塘官加封轉遞。計期遲緩。且提塘係本省人。併恐滋沉擱漏洩之弊。請嗣後

概令兵部加封。由驛馳遞。應如所奏。臣部一應立決人犯咨文。俱於封面註明件數。及馬上飛遞字樣。派筆帖式送交兵部發遞。從之。○是日。駐蹕郊子花園行宮。○癸酉。諭朕翠華南幸。周諮民隱。渥澤覃敷。蘇州藩司所屬地丁漕項。公用餘租等款。積欠銀糧。業經概予蠲除。因思吳縣公田。已與民田一律交納條銀漕米。並加徵義租。嗣因該縣有節年無著田糧。復於公田徵收餘租米二千二百二



十餘石。抵補無著。虛糧七百餘石外。尚餘米一千四百餘石。留為該縣地方公用。歷年均有拖欠。民力未免拮据。自應特沛恩施。俾閭閻永資樂利。所有該縣無著田糧。除照舊於此項餘租徵收抵補。其留備地方公用。應徵米一千四百餘石。著加恩永免徵收。以示省儉。惠民有加。無已之至意。該部即遵諭行。○又諭。朕巡幸江浙。所有該二省辦差文武各官。任內罰俸。住俸降級之案。俱著加恩。准其開復。其無此等參罰案件者。各加一級。○又諭。朕清蹕時巡。恩施宜溥。所有江浙二省。派出辦差兵丁。著加恩賞給兩月錢糧。○又諭。朕翠華南莅。慶典覃施。優惠耆年。宜加渥澤。所有江南浙江二省老民。老婦。俱著加恩賞賚。○是日。駐蹕龍泉莊行宮。○甲戌。諭。據毓奇奏。鎮江後幫旗丁薛七。襄等。漕船六隻。至臨黃壩。陡遇暴風。救護不及。船身碎裂。淹斃男女二名口。漂沒正耗米四千二百九十四

石七斗零。請分作四年。令該旗丁買補米石。搭運交通等語。此次鎮江後幫漕船。猝遇風暴。人力難施。以致登時沉溺。情殊可憫。所有漂沒米石。著加恩寬免。其淹斃人口。並著照例賞卹。該部即遵諭行。○諭軍機大臣曰。雅德奏。臺灣械鬪焚殺案內各犯。應從重改發伊犁。烏魯木齊者。共二百八十九名口。現准部咨。伊犁遣犯過多。酌擬改發。請將此案人犯。發極邊烟瘴充軍等語。所辦太屬拘泥。已於摺內批示矣。前伊犁圖因該處遣犯過多。酌請分別停遣。原指積匪及竊盜等犯而言。今此案人犯。均屬械鬪焚殺。獷悍不逞之徒。豈可容留內地。況該犯等犯事。係在例前。又何得援新定之例。率擬改發。且案犯不過二百八十餘名。伊犁等處。亦何至難於安插。不能容留耶。雅德所奏。實屬太不曉事。著傳旨嚴行申飭。所有此案人犯。仍照原擬發遣。將此傳諭雅德。並諭伊犁圖海祿知之。○又諭

昨已降旨。將永保補授貴州巡撫。李慶棠調補江蘇布政使。其河南布政使。已令江蘭署理矣。除將蘇州藩司。暫令永保留辦外。著傳諭何裕城。即令李慶棠迅速起程。前赴蘇州接受交代。以便令永保赴貴州新任。再豫省上年臘雪較少。望澤頗殷。前據該撫奏省城於正月下旬。得有雨澤。其餘各府州屬。是否一律普霑。俟查明另奏等語。距今已閱兩旬。未據續奏。深為懸注。著該撫即將各屬曾否得雨霑足。農田有無妨礙之處。速行馳奏。以慰廑念。將此由五百里諭令知之。尋奏。省城得雨之後。開封歸德。衛輝河南。汝寧南陽。陳州七府。許光二州屬。均於正月二十六。二月初二。初三。及初九。初十等日。得雨自二三寸。至四五寸不等。彰德懷慶。及汝陝二州。雨澤稀少。今年節氣較遲。三月得雨。二麥仍可豐收。批。雖云如此。汝不應先事誠求乎。又奏。農田現均無礙。恭摺由驛馳奏。得旨。覽。未得優

需。何須由驛馳奏。○戶部議覆。四川總督李世傑奏。稱銅鉛到川。應需船隻。遵旨交沈清任率屬妥辦。惟查重慶以上雇船之事。沈清任止能於所轄之重慶地方照料。其自永寧至瀘州。瀘州至重慶。皆永寧道專管。應責令該道督同各該地方官代為雇備。並用諸練舵水管駕。如有疎虞。即將船戶舵水。追價枷示。應如所奏。再查銅鉛經過漢口。儀徵兩處。向係運員自行換船裝運。亦應照此辦理。請飭下湖北。江蘇巡撫。飭屬妥辦。從之。○是日。駐蹕順河集行宮。○乙亥。命禮部右侍郎陸費墀充四庫全書館副總裁。○是日。駐蹕林家莊行宮。○丙子。賜扈從王公大臣。及江南官員等食。○諭。昨緯克托奏。接得霍罕伯克那爾巴圖呈文。內稱伯爾克既逃在彼處。即請留住等語。此案從前那爾巴圖。遣都官伯克和卓賚木求稟保成等云。伯爾克如果到彼。必逐回原處。又云。伯爾克實係伊之仇敵。

斷不肯收留等語。今復代伯爾克乞請免罪。前後所呈全然不符。那爾巴圖非有意嘗試而何。著傳諭伊勒圖速發嚴諭索取。但那爾巴圖初次呈文並無不給伯爾克之語。實因綽克托等後諭之言過軟。故那爾巴圖輒敢如此嘗試。朕料那爾巴圖若再遣使自必違其信任之人。若已送出伯爾克則已。倘復閃爍其詞。或遣使人如前歲入覲之鄂布勒克色木等大頭人來見。則綽克托保成等可諭以伯爾克之事。爾伯克那爾巴圖並不恭順獻出。我等亦不得專辦。今將汝送至伊犁將軍處。俟將軍酌定辦理。即派委幹員迅速解往伊犁。伊勒圖接到時。即將該使留住。並仍令留跟役一兩名。派委幹員管束外。再繕寫嚴飭諭文。令其隨從人帶回。諭以爾負大皇帝之恩。並不恭順。送出伯爾克。今以爾使為質。爾若獻出伯爾克。不獨遣回爾使。並將爾恭順之處。奏聞大皇帝。仍可格外施恩。今不

過索取伯爾克一人。其餘屬人物件。皆歸於爾。於爾甚有利益。爾何故堅執不給。以致自取罪戾。大皇帝現在所以不即從重辦理。但向爾索取者。不忍因一逃遁之伯爾克。擾累布魯特全部人眾耳。爾乃受大皇帝重恩之臣僕。何故行此不知理之事。如此。則那爾巴圖斷無不送出之理。倘仍不遵行。或竟敢領眾前來索取。則伊犁等處大兵。足以勦辦。伊等豈能微倖乎。著傳諭伊勒圖。綽克托。保成等接奉此旨。乘機妥協辦理。毋得稍事姑息。將此由六百里加緊發往。○補行吉林乾隆四十七年軍政卓異官三員。罷軟官二員。有疾官一員。才力不及官四員。分別議敘處分如例。○是日。駐蹕陳家莊行宮。○丁丑。諭。前因江浙為人文淵藪。特降諭旨。發給內帑。繕寫四庫全書三分。於揚州文匯閣。鎮江文宗閣。杭州文瀾閣。各藏度一分。原以嘉惠士林。俾得就近鈔錄傳觀。用光文治。第恐地方大

吏過於珍護。讀書嗜古之士。無由得窺美富。廣布流傳。是千緡萬帙。徒為插架之供。無裨觀摩之實。殊非朕崇文典學。傳示無窮之意。將來全書繕竣。分貯三閣後。如有願讀中秘書者。許其陸續領出。廣為傳寫。全書本有總目。易於檢查。祇須派委妥員。董司其事。設立收發檔案。登註明晰。並曉諭借鈔士子。加意珍惜。毋致遺失污損。俾藝林多士。均得殫見洽聞。以副朕樂育人材。稽古右文之至意。○

諭軍機大臣等。旨音吉圖為國捐軀。深為可憫。伊子英貴。雖現承襲騎都尉。年齒尚幼。仍在官學行走。著傳諭恒秀。查音吉圖家中。現在胞兄弟內。有情願効力者。今年令其隨往木蘭。○是日。駐蹕楊家莊行宮。○戊寅。

上祭河神。渡河。詣陶莊。

河神廟。

風神廟行禮。○命皇十一子永璉。祭河瀆之神。

皇十五子 祭

淮瀆之神。皇十七子永璘。祭順黃壩。

河神廟。睿親王淳穎。祭楊莊。

金龍大王廟。○遣官祭故河道總督靳輔。齊

蘇勒。嵇曾筠。高斌等祠。○諭江浙兩省文風

素盛。前次翠華臨幸。曾降旨增廣試額。茲舉

六巡慶典。允宜特沛恩施。所有江蘇安徽浙

江三省。本年應試文章。府學及州縣大學。著

增取五名。中學增取四名。小學增取三名。各

該學政務宜遴拔真才。副朕嘉惠膠庠。樂育

甄陶之至意。○又諭朕清蹕巡方。順時行慶。

而矜卹庶獄。屢念尤深。宜沛德音。用敷愷澤。

所有江蘇安徽浙江三省。軍流以下人犯。俱

著加恩各予減等發落。用昭肆育施惠至意。

○是日。御舟駐蹕直隸廠大營。○己卯。諭據

恒秀奏。墨爾根城副都統公景惠。現患痰疾。

等語。景惠患病。不能辦事。著回京調治。墨爾

根城副都統員缺。著僧保補授。○是日。御舟

駐蹕平橋大營。庚辰遣莊親王永瑞祭寶應縣。

湖神。諭據富勒渾等叅奏江山縣知縣王昭麟於該縣生員毛德聰呈首鄭濤等延請吳文世在家著造雲氏草書本語多悖逆一案並不詳報嚴辦教諭鄒啟耀訓導施鳳起典史姚承華扶同隱匿請旨一併革職審辦等語。此案吳文世編造逆書發往江西進賢縣售賣除就近諭令郝碩回任查辦外所有

王昭麟鄒啟耀施鳳起姚承華俱著革職交與該督等提同案內人犯一併嚴審定擬具奏。諭軍機大臣等據佛喜保奏濟寧衛前幫旗丁呈控頭丁吞帑累丁一案撫臣明興因差在即未及會審飭委知州王道亨等查審尚未訊出實情應俟撫臣到濟會同嚴審定擬具奏等語。明興現已差竣回省所有此案應訊各款著傳諭該撫即赴濟寧會同佛喜保秉公審訊迅速定擬具奏毋任支延牽

累並諭佛喜保知之。○是日御舟駐蹕海棠巷大營。○辛巳諭軍機大臣等據劉我奏保定省城於二十一二等日雨雪兼施共有三寸地氣潤澤麥苗大有裨益等語覽奏深為欣慰前渡黃之日見西北雲陰遠布朕意直省一帶自必得有雨澤茲劉我奏報雨雪情形雖未能霑足而麥苗濡潤於農功自為有益現在曾否續沛甘膏及別府州屬是否一律均霑著傳諭劉我據實迅速奏聞以慰厯注再保定迤北距京師不遠所有雨澤京城是否同霑著留京王大臣及山東巡撫明興即將現在情形查明具奏並將此由四百里諭令知之。○是日御舟駐蹕崇家灣大營。○壬午。

孝昭仁皇后忌辰遣官祭

景陵。○諭朕巡幸江浙已降旨將經過地方本年額賦蠲免十分之三而省會駐蹕之地恩膏更宜優渥著將江南之江寧蘇州浙江之

杭州。所有附郭諸縣。本年應徵地丁錢糧。概予豁免。俾近光黎庶。無事輸將。益享盈寧之福。該部即遵諭行。○又諭。此次南巡。所有江寧京口。杭州乍浦等處。駐防之老人。老婦。著加恩一體賞賚。用宣慶澤。○又諭。朕翠華南幸。取道維揚。兩淮商衆。踴躍抒忱。自應特沛恩膏。俾霑慶澤。所有該商等未完提引餘利銀一百六十三萬二千七百七十四兩零。著加恩全行豁免。俾淮揚商衆。益資饒裕。該部即遵諭行。○是日。駐蹕天寧寺行宮。至甲申。皆如之。○癸未。賜扈從王公大臣。及江南官員等食。○吏部等部議准。署河東河道總督蘭第錫。奏定河南新築隄工。移改文武各員劃汎管理事宜。蘭儀通判都司。管蘭陽儀封及睢州上汎。共三汎。其蘭陽一汎。自舊隄頭堡。至睢寧界止。蘭陽縣丞一員。陳蘭分防外委一員。改為專管蘭陽分防外委。其陳留境內隄工十九里零。改歸祥符下汎把總。同陳

留縣丞經管。又儀封縣丞。及上汎把總。下汎千總。睢州州同。及上汎千總。各一員。文武七汎兵丁堡夫。俱歸管轄。考城南面地方。作為睢州下汎。同寧陵界內隄工。俱屬新設睢寧通判。及協辦守備管理。自睢州下汎。至寧陵商邱界止。睢寧縣丞。睢州下汎分防外委。寧陵主簿。把總。文武四汎兵丁堡夫。俱歸管轄。其商邱新隄。仍歸商虞廳營經管。以上除廳員都司守備。有錢糧冊籍。准附村居。駐其汎員千把外委。均移駐隄頂。再考城縣城。移建北岸。該縣主簿。應改歸北岸。移駐順黃壩適中之地。歸曹考廳管轄。其北岸新築隄壩。自蘭陽六堡。至李六口大壩。迤北止。撥歸蘭陽上汎。主簿千總。同管。自李六口大壩。迤北。至土山。及東南二壩。馬家店。迤東。撥歸蘭考巡檢。同蘭陽北汎外委經管。又自蘭考巡檢交界。至新築橫隄。山東交界止。歸考城主簿千總。同管。自考城主簿汎至曹縣主簿汎止。歸

曹縣巡檢外委經管統計南岸屬南河者管河道統轄北岸屬河南者河北道統轄屬山東者兗沂曹道統轄至祥符縣縣丞移駐北岸陳橋改設蘭陽縣縣丞應駐劄北岸銅瓦廂從之甲申遣官祭賢良祠賜兩淮鹽政伊齡阿等食諭朕此次南巡勤求民隱翠華所莅慶典時行因念兩淮竈戶僻處海濱亦應一體加恩俾得均霑渥澤所有乾隆四十五四十六等年各場因災帶徵遞緩未完銀七千九百餘兩著加恩全行豁免以廣惠澤戶部議准山西巡撫農起奏稱遵旨查晉省各營弁兵向無鹽規亦無需索商人之事惟河東鹽池禁牆外設三十六鋪分隸三巡檢管轄前撫臣和其衷因原額弓兵議裁一百四十餘名不敷巡緝奏撥運城平垣二營兵六十名分駐巡防查所撥兵雖有都司督率稽查但離汎寫遠巡檢因事權不一每致辦理兩歧請將此項兵撤歸本營差操

其巡防禁牆事宜飭各商自雇巡役協同弓兵巡緝統歸巡檢管轄從之○以少詹事朱珪為內閣學士兼禮部侍郎○以翰林院侍讀學士吳省欽為光祿寺卿○乙酉春分朝日於東郊遣豫親王修齡恭代行禮○諭軍機大臣等李侍堯奏茶務商人蘇允恭差商夥劉洪志至涇陽縣配茶日久茶引尚未到涇復差商夥訪至陝西長武縣之亭口地方聞河灘內有屍身在彼據劉洪志之弟劉洪恩認係伊兄身屍隨身衣物盤費俱未遺失惟所帶引張三千七百八道無存現飭屬詳細根查辦理等語此項茶引現在尚未查明下落自應由部補給以便該商配銷交課除將原摺批交該部速議具奏外所有蘇允恭具報遺失引張三千七百八道著傳諭戶部堂官即行議覆補給交該督轉發該商承領至商夥劉洪志在陝西亭口地方身死後衣物盤費俱存何以茶引獨至遺失茶引與鹽引

相同。非本商自行配領。雖有引張。亦屬無用。其中恐有別項情節。著傳諭畢沅。飭屬詳細根究。並查明引張下落。據實具奏。將此由四百里并諭李侍堯知之。尋奏。劉洪志委係墮水淹斃。並無別故。所有茶引。已於下游沙泥中撈獲。雖被水浸。尚屬完好。報聞。○是日。駐蹕高旻寺行宮。○是月。署河東河道總督蘭第錫奏。豫東黃河兩岸。綿長一千餘里。文武員弁。六十餘人。按州縣疆界。劃分汛地。伏秋大汛。率領堡夫兵丁。駐壩霜降。則散居村落。查防護機宜。必須朝夕在隄。隨時查驗。應請嗣後除道廳外。文武員弁。俱令於隄工緊要之處。蓋房居住。至隄頂二里一堡。額夫二三名。每名每月工食五錢。勢難責令終年住隄。請於夫堡二座之間。添設兵堡一處。派兵二名。常川居住。並將隄頂土牛。子捻。柳株等項。責成分駐之員兼管。如兵丁懈怠。即令文員究報。堡夫曠誤。亦令武弁詳革。惟工食餉銀。

仍令分司其事。得旨。好。如所議行。○又奏。黃河大隄北。有太行隄一道。起河南武陟。經直隸。山東。至江南沛縣止。計長八百餘里。因道路踐踏多年。間有殘缺。應令地方官確勘。趁此春融。勸民補修。為有舉無廢之計。得旨。不必欲速。而為之以妥實可也。

大清高宗法天隆運至誠先覺體元立極敷文奮武孝慈神聖純皇帝實錄卷之一千一百九十九



大清高宗法天隆運至誠先覺體元立極敷文奮武孝慈神聖純皇帝實錄卷之一千二百

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣履桂  
總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次尋常紀錄十四次臣德瑛經筵講官太子少保工部尚書紀錄六次臣曹振鏞等奉

教修

乾隆四十九年甲辰三月丙戌朔

上祭

江神。渡江幸金山。○命皇十一子永理祭

江濱之神。

皇十五子祭

金山之神。○遣官祭吳李札祠。宋臣宗澤祠。明臣史可法墓。故大學士張玉書祠。劉綸墓。尚書趙申喬祠。巡撫潘思榘祠。○諭曰。伊星阿。叅奏代理咸豐縣事宜。恩縣知縣溫鉞。於川民皮恒泰等糾眾放火燒房一案。並不迅

速追拏。又不即時通報。反將禦暴之無辜民人王可富收禁。種種謬誤。請將代理咸豐縣事宜恩縣知縣溫鉞。及分防守備汪雲龍。一併革職等語。此案川民皮恒泰等膽敢糾眾焚燒。肆行搶掠。乃該縣溫鉞既會營勘明。並不上緊嚴拏。又復匿不通報。反將擲石拏賊之民人王可富濫行收禁。實屬謬誤。守備汪雲龍有防守之責。亦並不即時稟報。均屬玩視重案。溫鉞汪雲龍俱著革職。拏交刑部治罪。該部知道。○又諭朕以本年八月十三日仲巴呼圖克圖等迎請班禪額爾德尼之呼畢勒罕入扎什倫布寺因賞呼畢勒罕法衣鈴杵如意數珠緞匹玻璃磁器等物派出乾清門侍衛伊嚕勒圖同果莽呼圖克圖赴藏齋送並賞達賴喇嘛如意數珠緞匹玻璃磁器等物錫以冊寶俱著伊嚕勒圖等齋往各宣諭賞給仍諭綏綢堪布等前世之班禪額爾德尼感曼殊師利大皇帝天恩轉世甚速

大皇帝甚為嘉悅。今以呼畢勒罕入寺。特命往賀。尚其感戴皇恩。益加恪謹。入寺之後。著博清額等將呼畢勒罕性情舉止情形。詳察密奏。○諭軍機大臣等。據伊星阿奏。川民皮恒泰等。用鎗傷人。焚燒房屋一案。訊據現經拏獲之何勝秀供稱。上年十一月二十三日。有川民皮恒泰糾夥三十五人。帶有烏鎗十桿。在荊竹泉地方劫掠。現在飭屬嚴拏。並飛咨川省。一體搜捕等語。此案皮恒泰等。膽敢糾衆三十餘名。放鎗傷人。焚燒劫掠。不法已極。該縣溫鈺及營員汪雲龍。並不立時稟報追拏。以致該犯等得以四散逃逸。反將擲石拏賊之民人王可富收禁。辦理實出情理之外。已降旨將溫鈺。汪雲龍革職。拏交刑部治罪矣。至川省囑匪。甫經大加懲創之後。復有此等焚燒劫掠之事。不可不嚴行跟究。務盡根株。著傳諭李世傑。即督率文武員弁。設法搜緝。並飛咨遠近各省。一體查拏。從重辦理。

母使一名漏網。伊星阿原摺鈔寄李世傑閱看。將此由五百里發往。並諭伊星阿知之。○又諭據金簡奏。履勘盧溝橋石道工程。橋石淤沙過甚。創驗至七八尺之深。始見裝板石。是橋券分位半為積沙所淤。河水不能暢流。擬於中流五孔各為抽溝一道。俾大溜直達。始無阻滯。請旨飭交劉莪相度情形。辦理等語。盧溝橋洞積沙漸淤。自應挑濬寬深。俾河流暢達。就勢可以刷沙。於河道橋工均有裨益。但劉莪於辦理河務。素未深悉。自不如蘭第錫之熟諳。且此事年久。非不可緩之緊要工程。著蘭第錫於今年籌辦防汛事宜。伏秋兩汛已過之後。至朕熱河回鑾時。即行往盧溝橋。會同金簡。劉莪相度情形。妥協辦理具奏。將此各遇便傳諭知之。○調鑲藍旗滿洲都統和珅為正白旗滿洲都統。正白旗蒙古都統修齡為鑲藍旗滿洲都統。以理藩院尚書博清額為正白旗蒙古都統。○是日。駐蹕

金山行宮。翼日如之。○丁亥。祭

先農之神。遣恒郡王永昭行禮。○

上幸焦山。○調兵部尚書周煒為左都御史。○

戊子。遣官祭故大學士史貽直墓。○諭據巴

延三奏。廣東雷瓊鎮總兵李銓現患氣喘病

症。不能速痊。請解任回籍調理等語。李銓准

其解任回籍調理。所有廣東雷瓊鎮總兵員

缺。著葉至剛補授。○又諭曰。福康安、永德奏

查審粵東鹽商派捐公費。分別定擬一摺。已

批交留京辦事王大臣會同該部議奏矣。此

案前據譚達元呈控。後朕即疑有藉端派斂

等事。是以特命福康安、永德先後馳赴粵東

查辦。今據福康安等徹底查明。已延三於公

費一項。雖別無侵漁等事。而因循積弊。任聽

該商等派捐公費。採買物件。據為己之貢物。

情弊顯然。向來各省督撫。備貢土物。抒忱以

聯上下之情。原所不禁。在本人惟應將廉俸

所餘自行置備。派令屬員代辦。尚且不可。而

況商人乎。即不進貢。有何不可。乃粵省自二

十四年立總商以後。竟公然派令商人私捐

公費。津貼價值。已屬有干禁例。該督等又攘

為己物進貢。並未奏明。以致積弊相沿。竟成

派累。尤屬不成事體。今據該商等呈出貼補

公費清單。歷任總督俱用銀自三萬餘兩。至

五六萬兩不等。而楊景素在任未及一年。竟

倍用至六萬餘兩之多。其借端勒索。侵貪入

己。更出情理之外。今楊景素等業已身故。姑

免深究。所有歷任總督等派捐銀兩。自應令

其照數繳出。解交浙江省。以備海塘應用。又

福康安等另摺所奏商人幫辦物件一事。請

俟一二年後。商力充裕。督臣代為奏進貢物

等語。此奏更為不可。商人等承領帑項。營運

交課。不過微末之人。原不得越分進呈貢物。

近如兩淮。浙江。長蘆商人。間有豫備行宮等

事。亦因官方問俗。經過該處。疊沛恩施。該商

等自抒忱悃。是以准其呈進豫備。仍優加恩

賚。其獲利均不啻數百倍。從粵東商人本無此等事。自不得援以為例。即使資藉官鹽。營運獲利。高力益得寬裕。亦藏富於民之道。且各省商人。有因偶值軍需公捐者。無不交部議敘。廣東亦曾有其事也。倘將來該省附近等處。設有地方公事需費。該商等所獲贏餘。積累日久。報効便民之事。該督等彼時再據情奏聞。亦無不可。所有福康安等所奏。督臣代進貢物之處。竟應議駁。將此通諭中外知之。○諭軍機大臣等。據畢沅奏。陝西腹地各屬。今春均霑雪澤。惟延榆綏三屬。冬春總未得雪。該處並無冬麥。今年節氣較遲。若三月內得有春雨。儘可不誤春耕等語。上年十月間。因榆林懷遠葭州神木綏德米脂吳堡府谷等。八州縣秋禾偶被偏災。曾降旨撥銀賑卹。並將應徵錢糧。分別蠲緩。至本年新正復經加恩。增給折賑銀兩。茲據畢沅奏到。延榆綏等屬。未經得雪。朕心深為廕念。未知現在

曾否得有雨澤。著傳諭畢沅。查明迅速覆奏。並即率屬虔誠祈禱。庶甘霖早霽。俾農民得及時播種。無誤春疇。其望雨各屬。是否於新正加恩折賑之外。尚須接濟。著查明實在情形。據實具奏。尋奏據榆林府屬報。於二月二十一日。得雪三。四。五寸不等。延安綏德三屬。雖止得二寸。而土氣尚潤。現正散給展賑銀糧。倘展賑完畢。尚須接濟。另行奏聞。批。是不可諱飾。又奏。腹地各屬。今春普被雨膏。二麥新苗。漸見起發。報聞。○又諭據姚成烈奏。川民皮恒泰等。在咸豐縣荆竹泉地方。劫掠用鎗傷人。焚燒房屋。現飭荆宜施道陳大文。施南府知府李經芳。前赴該處查勘情形。嚴拏審究等語。此案皮恒泰等。糾集多人。膽敢放鎗燒屋。實屬目無法紀。前據伊星阿奏報。已降旨四川總督李世傑等。督飭所屬嚴緝匪犯。並令飛咨遠近各省。一體查拏。今姚成烈派委陳大文。李經芳。前往查拏。訊辦。即著該

道府等查明起釁緣由。將案內逞兇要犯。迅速擒捕。從重究辦。毋使一名漏網。將此由五百里傳諭姚成烈。並諭李世傑。伊星阿。知之。○是日。駐蹕三義閣大營。○己丑。諭曰。兵部尚書員缺。著王杰補授。仍著在籍守制。俟服滿來京供職。王杰未到以前。所有兵部尚書事務。即著劉墉兼署。○諭軍機大臣等。據巴延三等奏。內地民人唐阿矮。私越外番。聽受偽職。甘為役使。復商同陳阿千等。將陳永興貨船。掠回內地。售賣俵分。現將該犯拏獲。儼底根究。其在逃未獲各犯。飭屬按名嚴拏等語。內地與外番毗連地方。此等漢奸私行偷越。亦不能保其必無。但唐阿矮。以內地民人。膽敢受外番偽職。娶妻生女。任聽役使。代為剽掠船隻。又復將所掠貨船。載回內地。售賣俵分。此等狡獪奸徒。情節甚為可惡。不可不嚴行懲創。現在該犯既經拏獲。著傳諭舒常孫士毅。即行嚴切根究。從重辦理。其未獲各

犯。並著飭屬迅速擒捕。一併定擬具奏。○又諭據姚良奏。靜宜園碧雲寺之泉。自上年十一月以後。竟無來水。現將山石拆開。淤泥渣土。全行出淨。究不能得水等語。所奏殊無是理。碧雲泉水。自前明以來。源源不竭。且舊有砌築溝槽。以及寺內僧房。俱接引此水。以資灌溉。此係有源之水。與玉泉趵突泉相同。從來未至枯竭。此時或來源不能旺發。泉源細微。尚屬事之所有。斷無竟成乾涸之理。自係伊等辦理不善。見水源甚微。即稱不能得水。或因該處附近泉水上游。開挖煤窯。洩水。以致泉水不能接續而至。俱未可定。著傳諭綿恩。會同金蘭。前赴該處。帶領營汛園庭官員人等。細加履勘。其泉口淤塞。究係何故。並將如何疏濬流通之處。即行據實酌辦。奏聞。再交姚良遵照辦理。○兵部議准。河南巡撫何裕城奏。稱陽武封邱考城三汛。向係開封歸德二營管轄。今各該縣已改隸衛輝懷慶二

府其汎升亦應改撥移駐請將河北鎮左營清化汎把總移駐陽武作為王祿營協防該營守備專汎左營遊擊兼轄其開封營馬守兵十一名仍留陽武撥歸鎮標左營衛輝營新鄉汎把總移駐封邱作為封邱汎駐防衛輝營外委移駐新鄉作為獲嘉汎協防該汎把總專汎均令衛輝營叅將兼轄其開封營馬守兵二十二名仍留封邱撥歸衛輝營又衛輝營外委一員移駐考城作為封邱汎協防於該營存城兵內抽撥馬守兵十二名移駐其開封營原設封邱汎千總撤回本營原設陽武縣外委改駐陳留作為開封營協防杞縣千總專汎開封營遊擊兼轄從之○旌表守正捐軀山西馬邑縣民王相妻賈氏○是日御舟駐蹕政成橋大營○庚寅諭軍機大臣等前於渡黃之日見雲勢俱往西北曾降旨詢問劉莪明興何裕城該三省曾否續得雨澤各府州屬是否一律均霑令其據實

覆奏昨劉莪已奏宣化府各屬曾得雨一二寸至三五寸不等前何裕城奏開封得有雨雪自二三寸至四五寸不等山東較直隸河南為近何以明興尚未覆奏豈不知朕念切雨暘時深屢注耶著再傳諭明興即將該省曾否續霑甘膏各屬是否同霑及麥苗長發情形迅速由驛馳奏尋奏二十一二等日據德州平原禹城長清各州縣報霑有微雨不成分寸現在望雨正殷臣督率虔禱務祈速霑甘霖報聞○又諭前郝碩迎赴行在接駕經朕召見該撫於本省地方事務一無建白其屬員賢否亦僅於朕詢及時塞責登答無所可否旋因該省尚有逆書之案令其回任伊即於東中送駕嘿然而去郝碩係封疆大吏如此舉動於地方事務自有廢弛著傳旨申飭本不值賞給詩章特以此次隨行各督撫俱曾製詩頒賞所賜郝碩之詩亦一例書就朕之詩翰未便存而不論是以仍行賞給

該撫宜自知分量。不可以倖邀寵錫。自矜得意。嗣後辦理公事。應倍加勉勵。實力振作。倘仍似前番舉動。以致地方有廢弛之處。恐該撫獲咎滋深也。將此諭令知之。御製詩一併發往。○以故阿巴噶扎薩克多羅郡王鼎布坦常忠子衮布扎布襲爵。○是日。御舟駐蹕十里亭大營。○辛卯。遣官祭周泰伯祠。先賢言子祠。宋臣范仲淹祠。韓世忠祠。故大學士蔣溥墓。巡撫湯斌祠。張伯行祠。總河陳鵬年祠。○諭據海祿奏稱。烏嚕木齊滿官內多有懦弱年老之人。請將操演兵丁不按隊伍之佐領阿達布等五員革職。併請於烏嚕木齊古城。巴里坤。吐魯番。共派兵五百名。交妥幹領隊大臣協領等。照伊犁每年秋間在喀什地方行圍之例。沿山尋擇水草地方。前往伊犁學習行營射獵之事。數年一換。其歷練者換回。即就近率領演習訓練。未經學習之人。庶可鼓舞奮發。胥歸精銳等語。海祿此奏可

嘉。伊既為烏嚕木齊都統。所有該處駐防滿洲兵丁。自應如此嚴加訓練。苟存姑息之見。邀名市譽。不肯實力操練。久之。兵丁技藝必致廢弛。成何事體。海祿感激朕恩。能如此奮勉盡職。使兵丁等日見強盛。所辦甚是。非甫經到任。博取虛名者可比。伊係由兵丁擢至大員。在烏嚕木齊地方未久。即能實力妥協。經理而各省將軍。副都統等。何竟不能似此留心辦理。加意訓練耶。除將海祿原摺發交現隨行在之將軍。萬福。長清。保寧等閱看外。各省將軍。大臣等。多係勲舊後裔。乃竟不如海祿。豈不可愧乎。訓練兵丁之道。各省與新疆情形。雖有不同。而管理滿兵將軍。大臣等。要當因地制宜。實心訓練。著將海祿摺奏鈔錄一通。行知各省駐防將軍。大臣。及新疆大臣等。令其各按地方情形。將所管兵丁一體留心訓練。務使精銳。至向來烏嚕木齊地方。操練兵丁。廢弛至於此極。明亮本係糊塗無

能固不足論。至奎林非他人可比。伊久歷戎行。豈操練兵丁之事。竟未諳習耶。看來奎林在烏魯木齊時。不過專務沽名。果能如海祿善為料理。該處兵丁。何至如此。是其隨衆塞責。情尤可惡。實辜負朕恩。奎林著嚴行申飭。並將海祿此摺。鈔寄閱看。奎林知愧與否。令其自矢天良。明白回奏。○以禮部右侍郎莊存與為會試知貢舉。大學士蔡新。禮部尚書德保。為正考官。兵部左侍郎紀昀。工部左侍郎胡高望。為副考官。○是日。駐蹕蘇州府行宮。翼日如之。○壬辰。豁免湖北江夏興國通山。大冶。沔陽。麻城。鍾祥。京山。荊門。當陽。安陸。雲夢。應城。江陵。監利。遠安。宜城。嘉魚。漢陽。黃坡等二十州縣。武左。沔陽。荊州。荊左等四衛。乾隆三十年至四十四年。出借民欠無著穀十五萬二千八百五十石有奇。銀六千七百五兩有奇。○以故喀爾喀賽因諾顏部一等台吉車布登子固木扎布襲職。○癸巳。祭

先蠶之神。遣妃行禮。○諭據福康安舒常奏。酌議粵省洋行應行事宜摺。已批交原議大臣議奏矣。摺內所稱洋商備物。應交監督代為呈進一條。仍與前議鹽行無異。斷不可行。洋行與夷人交易貨物。不過微末商人。自不得越分呈進貢物。即伊等獲利豐厚。亦應藏富於民。俾商力益得寬裕。昨因福康安等奏。鹽商豫備貢物。交督臣代進。事屬非體。已降旨明切曉諭。並令留京辦事王大臣議駁。所有本日奏到洋行備物代進之處。事同一例。並著一併議駁。○又諭。前據許祖京奏。審擬王元珍。用刀背毆傷事主胡有相一案。先據該府州縣等問擬發遣。該司改擬斬候。經部駁飭。遵照改正。並自請交部議處。茲據吏部會同刑部。照例議以降一級調用。固屬分所應得。但許祖京將此案自行改議失當之處。據實奏明。並不推諉迴護。尚屬得體。許祖京著加恩免其降調。○諭軍機大臣等。據佛喜



保奏查辦各省漕船旗丁行月米石及潤耗加增各款請勅交倉場侍郎等實力嚴查其各省幫衛有無包攬侵扣及餽送陋規情節請勅交漕臣查禁並稱餘米不准變賣等語旗丁若盜賣正供自應按例嚴辦至此項餘米每年到通後皆降旨准其變賣即沿途或有因剝淺等項一時需用先將餘米售賣應付亦屬情理所有原可不必深究看來佛喜保查辦一切漕務不免意存搜索是因見前任巡漕毓奇擢用總漕該御史急於見長遂不免有希冀陞擢之意殊不知毓奇彼時正值山東運河一切事宜籌辦妥協且量其材具可用是以擢為總漕况毓奇辦理漕務未嘗不嚴若後之司事者更復意存刻覈致令各省旗丁手足無措豈朕辦理庶務期於適中不為己甚之意耶至各省衛幫如有包攬侵扣及餽送陋規情弊該總漕自應實力查禁其摺內所奏各條除就近傳詢倉場侍郎

蔣賜榮外並著傳諭該總漕悉心體察逐條酌量是否可行之處據實具奏將此由四百里諭令知之佛喜保摺並著鈔寄閱看尋奏潤耗加增各款例由各糧道先發一半交殷實頭伍給丁所餘一半由臣衙門於過淮時按名發給應通飭各員弁嚴查剋扣侵漁之弊至餘米向准售賣若必顆米不許擅動轉恐一時缺乏無項可用丁力易疲惟令運員查明需用定數許糴既可杜偷賣之弊仍不使貧丁受累報聞○又諭據劉墉德保奏辟雍工程一摺內稱據該監督等呈現在剏出之土多係沙性除將堪用土方抵用外尚需添買黃土五百八方又應出運沙土九百五十五方運至安定門北城根平墊二共需銀三千九百六十五兩等語所奏甚屬非是殿腳地基固應堅築但河內既有剏出之土亦何至不堪築打轉欲將剏出土方運至城根平墊另買黃土添用往返運送徒滋糜費且

將來打土入地。不能再為創看。最易作弊。況京城各處工程。俱築地基。從未見有添買土方之事。自係該監督等。因德成奉差在外。即藉詞出運添買。為開銷運價地步。總未能絕弊。而劉墉等。不俟德成回京。商酌辦理。即行據呈具奏。自係為其所愚。劉墉於工程本未諳悉。朕自不加責備。至德保原屬無用之人。其於工程。自更懵然罔覺。更不足責。此事著添派金蘭將此項土方。切實查勘。如該監督等。果有藉詞開銷情弊。即行據實奏。俟德成回京後。此項工程。即責成伊二人辦理。將此傳諭金蘭。並諭劉墉德保。德成知之。○是日。駐蹕靈巖行宮。翼日如之。○甲午。山東巡撫明興奏。山東上年秋禾收成。雖八分有餘。此時青黃不接。糧價昂貴。民食拮据。請照例平糶。每石酌減價銀。自五分至二錢五分不等。其貧農需借口糧者。照例借給。再東省惟登萊青三府。雨水調勻。濟南泰安武定沂州。

四府。雨雪雖未深透。尚無礙田功。其兗州曹州。東昌。濟寧。臨清等五府州屬。雨雪稀少。將來一得透雨。即須趕種秋禾。並請查明地在三十畝以下無力之戶。再借籽種銀。每畝五分。以資耕作。得旨。如所議施行。○乙未。上詣蘇州府。

文廟行禮。○遣官祭

歷代帝王廟。○鑄給四川新疆管屯同知佐雜各官關防。從調任成都將軍特成額請也。

○豁免江西吉安幫糧船。乾隆四十八年。遭風漂沒額糧。一十七十六石有奇。○予故貴州提督敦成祭葬。如例。謚勇愬。○旌表守正被戕山東鄒縣民楊明子媳劉氏。○以巡捕中營副將蘇靈。為甘肅涼州鎮總兵。甘肅安西協副將雙喜。為西寧鎮總兵。○是日。駐蹕蘇州府行宮。○丙申。孝賢皇后忌辰。遣官祭

陵寢。○諭軍機大臣曰。伊勒圖奏。遣犯王三兒。

於本年正月初四日。在伊犁乘間脫逃等語。王三兒係奪犯傷差案內為從之犯。膽敢在配脫逃。情殊可惡。除另降清字諭旨。於新疆查拏外。該犯係四川人。自必潛回本省。著傳諭李世傑。即飭屬嚴密查拏務獲。沿途地方。並著李侍堯。畢沅。一體飭屬查拏。毋任遠颺漏網。所有該犯年貌單。一併鈔寄。將此各諭令知之。○留京辦事王大臣等議奏。已革鹽運使秦鏞之子秦鴻甲。捏飾回籍日期。應革去舉人治罪。聽從捏飾之編修秦泉。秦潮。應並行革職。得旨。此案秦鴻甲。於出京時。囑堂兄秦泉等。代為捏改日期。且捏稱十一月始知譚達元告狀之事。殊屬狡詐。但革去舉人。已足蔽辜。著加恩免其杖責。至秦泉等。聽從捏飾。亦有不合。但究係顧念兄弟私情。著加恩改為革職留任。○軍機大臣議奏。山東沂州府知府尹文炳。於國泰勒派之事。捏詞具奏。應革職治罪。兗州府知府王祿朋。意存隱

飾。併請革職。得旨。此案尹文炳捏詞具奏。議以革職。已足蔽辜。所有問擬徒罪。著加恩寬免。至王祿朋。於奏對時。亦意存隱飾。固有應得之咎。但與尹文炳之飾詞屢奏者。尚屬有間。王祿朋著加恩降為通判。仍留山東委用。○是日御舟駐蹕南斗圩大營。○丁酉。諭朕翠華莅浙。愷澤覃敷。前已降旨。將經過地方本年額賦蠲免十分之三。並省城駐蹕之仁和錢塘二縣。本年應徵地丁錢糧。概予豁免。今入疆伊始。周諮民隱。再沛恩綏。所有杭州嘉興湖州三府屬。本年應徵地丁錢糧。共一百九萬餘兩。著再加恩普免十分之三。俾近光黎庶。益享盈寧。以副朕省方問俗。施惠閭閻有加無已之至意。○又諭。據福崧奏。兩浙商人何永和等。欣逢翠華幸浙。惠洽東南。又於范公塘改建魚鱗石塘。永資保衛。該商等情愿依照老鹽倉改建鱗塘捐款。共捐輸銀六十萬兩。以効下忱等語。兩浙商人。資藉官

鹽營運獲息。今因范公塘一律改建石工。閭閻得資保護。永慶安瀾。伊等桑梓情殷。輸忱報効。甚屬可嘉。自應俯從所請。所有此項銀兩。連前次陸續發交公項。一併歸入海塘工程應用。工竣照例覈銷。該商人等並著加恩交部議敘。該部知道。○諭軍機大臣等。保成奏稱。據鄂斯瑞告稱。薩木薩克私遣回人托克托素丕。巴爾哈特素丕。寄與喀什噶爾回人默羅色帕爾等五人書信。後隨即回去。書

內稱。從前默羅色帕爾等。曾給薩木薩克物件。隨將默羅色帕爾等交鄂斯瑞看守。俟拏獲托克托素丕。巴爾哈特素丕時。審究另奏等語。保成所奏。甚屬非是。托克托素丕等。雖尚未獲。現有默羅色帕爾等五人。何不審訊。況薩木薩克所給書信。有收得物件之語。即可據此究訊。何必欲俟拏獲二回人。方可審辦耶。薩木薩克與彼處回人。私通書信。互相餽送。自屬必有之事。今默羅色帕爾等。呈出

此情。伊等平日私相通信。恐人首告。故將薩木薩克所使回人。暗行放去。後始行呈出。保成久任軍機章京。何不曉事。如此保成。著傳旨申飭。此事著交伊勒圖相機辦理。保成等即會同鄂斯瑞。將默羅色帕爾等五回人。何故給薩木薩克物件。併薩木薩克所使二回人。潛蹤何處。審明各情節。一面即速奏聞。一面派妥幹侍衛章京。解送伊犁。勿致逃遁。俟二回人拏獲。亦一併審訊具奏。即解送伊犁。

交伊勒圖妥協辦理。迅速奏聞。此事鄂斯瑞感戴朕恩。如此詳悉查辦。雖是。但伊一人更張衆回之事。與伊甚無裨益。且亦不便因此一事。盡究彼處回人。著傳諭保成等。令其曉諭鄂斯瑞。務須不動聲色。酌派幹人。將薩木薩克所使二回人。嚴查拏獲。并將現在默羅色帕爾等五人。明白審訊。遵旨辦理。不可苟且從事。此旨著由六百里發往。○是日。御舟駐蹕嘉興府北教場大營。○戊戌。遣官祭海。

寧

海神廟。並唐臣張巡。許遠祠。故大學士陳元龍墓。陳世倌墓。○諭軍機大臣等。據佛喜保奏。濮州幫千總董天桂。恃酒逞兇。與兗州府糧捕通判鳴謙。揪扭毆打一案。現經撫臣查辦。該管漕運各官。聽其玩延滋事。均屬不合。請交部分別議處等語。押運幫弁逞兇與職官扭毆。固有應得之罪。但既經該撫查辦。俟明興奏到。自可一併交部覈辦。未便因有佛喜保此奏。以致重複交部。著傳諭明興。即將此案秉公辦理具奏。再行交部覈議。並諭佛喜保知之。○是日。御舟駐蹕石門鎮大營。○己亥。

上幸海寧州詣

海神廟行禮。○諭曰。福建欽賜進士郭鍾岳。年屆一百四歲。茲來浙迎鑒。皓首龐眉。允稱人瑞。著加恩賞給國子監司業職銜。以示朕嘉惠耄頤至意。○諭軍機大臣等。前據福康

安查辦粵東歷任總督。派令商總捐貼公費一案。楊景素在任未及一年。用至六萬餘兩之多。其借端婪索侵貪入己情弊。已屬顯然。調任閩浙直隸。又復不謹廉隅。用招物議。因其已故。不忍追治其罪。僅就近令伊齡阿前赴楊州。將楊景素原籍財產查抄。賠抵官項。昨據伊齡阿查明。田房什物等項。約共值銀二萬一千餘兩。楊景素久歷外任。貪黷營私。其原籍貲財。必不止僅有此數。楊景素之子楊昭。現任兵部主事。本應將其京寓財產查抄入官。但念楊昭在京當差。不無日用之需。加恩免其查辦。嗣後務宜倍加感激。勤奮供職。毋負格外施恩之意。至楊景素在兩廣總督任內。所用商捐銀六萬餘兩。未便任其懸宕。自應照數繳出。解交浙省。以備海塘公用。著傳諭阿桂。即將楊昭傳至。面宣諭旨。除已將楊州查出財產入官。其廣東省應賠鹽商墊補銀六萬餘兩。著阿桂飭令楊昭。作速分

限湊繳以清官項。毋得延緩滋咎。○又諭前據保成奏稱。薩木薩克私遣回人與喀什噶爾回人書信等語。奏到時朕已降旨訓飭矣。薩木薩克係布拉呢敦之子。至今回衆等未免依戀。薩木薩克又思故土。彼此私通信息。酬酢物件。皆屬必有之事。伊等懼人首告。故默羅色帕爾等將薩木薩克所使二回人暗放。始呈出此情。作一不了之局。保成等當即將默羅色帕爾等五回人究訊。便可得實。乃

但交鄂斯瑞看守。必待拏獲二回人時。始對質審訊。甚屬不曉事體。倘不能拏獲二回人。即如此完結乎。已令將默羅色帕爾等審訊得供。即解伊犁。交伊勒圖辦理。鄂斯瑞感戴朕恩。理宜如此查辦。但伊雖心誠。倘衆回生疑。伊孤身亦難以撫衆。應曉諭鄂斯瑞。但令訊問默羅色帕爾等五人。不必根究各回衆。再鄂斯瑞平素用人。保成等自必察覈。准駁。此刻正在辦事之際。伊所有保用革退之人。

無妨暫從所請。不可拘泥改駁。總之辦理諸事。皆當因時制宜。保成等知朕此意。惟當留心妥協辦理。并著傳諭伊勒圖。緯克托等。知之。此旨著六百里發往。○是日駐蹕安瀾園行宮。翼日如之。○庚子清明節。遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵○遣官祭

孝賢皇后陵

端慧皇太子園寢○

上幸尖山觀潮。閱視塘工。○賜扈從王公大臣

及浙江官員等食。○陝甘總督李侍堯奏查

嘉峪關至哈密一帶。戈壁重重。水泉稀少。向例運糧腳費。每百里以一兩六錢定價。今據烏魯木齊查明。近年歲豐糧賤。每百里給銀一兩。已敷雇覓。奏准減給。嘉峪關至哈密。亦屬相仿。自應一體議減。倘年歲不齊。或有急需不敷。再行覈辦。下部知之。

字錄卷一百

三

大清高宗法天隆運至誠先覺體元立極敷文奮武孝慈神聖純皇帝實錄卷之一千二百

大清高宗法天隆運至誠先覺體元立極敷文奮武孝慈神聖純皇帝實錄卷之一千二百一

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂  
總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆四十九年甲辰三月辛丑遣官祭

禹陵

南鎮之神。○遣官祭

海潮神廟。

江潮神廟。並唐臣陸贄祠。五代錢鏐祠。宋臣岳飛墓。明臣于謙祠。故大學士徐本墓。梁詩正墓。尚書徐潮墓。錢陳羣墓。○諭。浙江建築石塘。所以保障民生。關係甚重。前庚子南巡時。朕親臨閱視。指示機宜。於老鹽倉舊有柴塘後。一律添建石塘四千二百餘丈。次第興

修於上年七月間告竣。因其砌築堅整。如期歲工。原欲將該督撫及承辦文武官員。交部分別議叙。今抵浙後。親臨閱看。乃所辦工程。不惟不應邀叙。並多未協之處。蓋朕於老鹽倉添建石塘。固以衛護民生。亦因浙省柴薪日益昂貴。歲修柴塘。採辦薪芻。致小民日用維艱。是以建築石工。為一勞永逸之計。庶於閭閻生計有益。然石塘既建。自應砌築坦水。保護塘根。乃陳輝祖。王亶望。並未籌畫。及此而後之督撫。亦皆置之不論。惟云柴塘必不可廢。此乃受工員慫恿。為日後歲修冒銷地步。況朕添建石塘。原留柴塘為重門保障。並未令拆去柴塘。前降諭旨甚明也。若如該督撫所言。復加歲修。又安用費此數百萬帑金。添築石塘為耶。又石塘之前。柴塘之後。見有溝槽一道。現有積水。並無去路。將來日積日甚。石塘根腳。勢必淹浸滲漏。該督撫亦並未慮及。又石塘上有堆積土牛。甚屬無謂。不過

為適觀起見。無當實際。設果遇異漲。又豈幾尺浮土所能抵禦耶。所有塘上土牛。即著填入積水溝槽之內。仍將柴塘後之土。順坡斜做。祇需露出石塘三四層為度。並於其上栽種柳樹。俾根株蟠結。塘工益資鞏固。如此則石柴連為一勢。即以柴塘為石塘之坦水。且今柴塘亦時見其有坦水也。總之現在柴塘。不加歲修。二三十年。可保安然無事。即如范公塘尚歷多年。況此歷年添建工程。更為堅實耶。至范公塘一帶。亦必需一律接建石工。方於省城足資永遠鞏護。著自新築石塘工止處之現做柴塘及挑水段落起。接築至硃筆圈記處止。再接築至烏龍廟止。亦照老鹽倉一帶做法。於舊有柴塘土塘後。一體添築石塘。將溝槽填實種柳。並著撥給部庫銀五百萬兩。連從前發交各項帑銀。交該督撫據實覈算。分限分年。董率承辦工員。實力堅築。仍予限五年。分段從東而西。陸續修築。俟工



程全竣後。朕另行簡派親信大臣閱看收工。以期海疆永慶安恬。民生益資樂利。該部即遵諭行。○又諭。本日據永德李天培奏。到三摺。一係拏獲脫逃遣犯謝亞二。審明正法。一係軍犯譚亞浩。在監逃逸。一係符咒迷人案內。首犯黃亞水病故。可見現在該省吏治廢弛。擬遣人犯在途在監。地方官果能加意防範。何致屢有脫逃。甚至如黃亞水一犯。係邪術姦騙案內。傳習符咒首犯。尚未據嚴訊定擬。該地方官亦並不小心防範。以致要犯監斃。均屬不成事體。粵東大小官員。怠玩因循。相沿已久。署任總督永德。存五日京兆之見。並不實力整頓。至李天培久任該省府道。又係朕加恩擢用藩司之人。現在護理巡撫印務。尤不應玩忽若此。均著交部分別議處。李天培仍再傳旨嚴行申飭。至所奏軍犯譚亞浩越獄逃走。請將高明縣知縣于煌革職。留於地方協緝。典史劉庚生革職拏問。並護肇

羅道知府袁樹。交部嚴加議處。及李天培自請與巴延三。衛詣交部一摺。並著照所請行。所有奏到各摺。並發交該部知道。○諭軍機大臣等。據永德李天培奏。拏獲逃遣及監犯越獄。並首犯病故各摺。現已明降諭旨。將永德等交部議處矣。粵東吏治廢弛。已成積習。即如現在所奏。遣犯監犯屢有脫逃。甚至以未經審明。為首用藥迷人要犯。亦不加意照料。以致監斃。此等地方官員。怠忽相習成風。竟致視為故常。不可不實心整頓。力挽頹風。著傳諭舒常孫士毅。抵任後。於地方一切公務。嚴飭各屬。加意認真辦理。俾各知振作。毋致仍前玩愒。方為無忝委任。所有永德等所奏。譚亞浩脫逃一犯。即著舒常等迅飭各屬。上緊擒捕。毋使漏網。其黃亞水病故緣由。有無別故。並著委員驗明。據實具奏。○是日駐蹕杭州府行宮。翼日如之。○癸卯。上詣聖因寺恭瞻。

聖祖仁皇帝神御行禮○閱杭州駐防兵○命  
皇十一子永瑆

皇十五子○皇十七子永璘射○諭軍機大臣等浙江杭州海寧一帶於十五十六兩日連得透雨見雲氣皆向東北江蘇各屬似應一律均霑本日據薩載奏報蘇州於十四五兩日得有微雨數陣十五夜間得雨二寸等語看來尚欠霑透不如此間優渥江南如此則山東直隸此次雨澤未能一律普徧可知

實錄卷千二百一

六

朕心深為廕念著傳諭薩載將現在江南各屬是否續得透雨並諭明興劉我將山東直隸曾否得有雨澤之處查明迅速覆奏以慰懸注將此由四百里各諭令知之尋薩載奏蘇城得雨後據常州鎮江揚州淮安徐州各府屬報到得雨自二三寸至五六寸不等宿遷界連山東該縣得雨六寸山東直隸當已普徧得旨覽奏稍慰明興奏省城於三月十五日得雨二寸各府州屬具報十五六日各得雨一二三四五寸

不等得旨但俟二十八日之雨信如何耳劉我奏省城於三月十四日得雨寸許復據保定順

天河間正定永平順德宣化廣平天津各府易冀趙深各州屬報三月十一二及十四五等日各得雨自一二寸至四五寸不等得旨究非渥澤何足為慰但佇望二十五等日之信耳○又諭本日刑部定擬川匪周仕貴等結衆搶劫一本此案李世傑僅具疏題報並未具摺陳奏況該犯楊帽亮子邀同周仕貴等至十一人之多

實錄卷千二百一

七

行至空野地方搶奪俵分即與囑匪無異且近日又有搶奪湖北一案川省此等匪徒經福康安大加懲創之後兇頑甫知斂戢今福康安離任未久即連有此聚衆劫財之案則該督未認真督辦已可概見李世傑係由佐雜微員經朕加恩特擢用至總督於地方匪徒滋擾案件理應實力整飭遵照福康安在任時一體認真辦理若惟效外省因循陋習則大負朕不次超擢之恩矣李世傑著傳旨申飭所有此案未獲首

犯楊帽壳子。夥犯李木匠等。現在曾否就獲。並著該督飭屬擒拏。據實具奏。尋奏。二月初十日。查獲楊帽壳子。該犯捏名楊春。堅不承認。嗣於新繁縣。漢州。將李木匠。夏老。公。拏獲。令將楊春認識。實係楊帽壳子。現正審訊。得旨。覽。○江西巡撫郝碩奏。接奉諭旨。申飭。惶悚莫措。臣忝任封圻。夙夜冰兢。批。二字。最要緊。莫為空言。又奏。前以恭聆

聖訓。惟當敬承。不敢多有陳奏。以致江西現在

軍機處

八

辦理。如屯田餘租等事。未經面陳。屬員賢否。亦未奏及。批。究為何事。又奏。惟有盡心竭力。隨時整頓。不敢少有懈弛。得旨。訓之在朕。行之在汝。慎之。○旌表守正捐軀河南扶溝縣民許發成妻梁氏。○是日。駐蹕聖因寺行宮。至己酉。皆如之。○甲辰。諭。據農起。叅奏。襄垣縣知縣李廷芳。於地方事務。毫無整飭。以致案多拖累。百姓嘖有煩言。請旨革職等語。李廷芳著革職。此等闡茸不職之員。該管道府。

自應即時揭報。未便稍事姑容。乃當該撫詢問時。該管道府。俱稱其尚知奮勉。實屬有心。徇庇於吏治。大有關係。著將該管道府交部嚴加議處。○諭。軍機大臣等。據閔鶚元奏。十五日。震澤縣地方。得有大雨。入土深透。吳江蘇城一帶。均各霑足等語。昨據薩載奏報。蘇州於十四五兩日。得有微雨。十五夜間。得雨二寸。看來尚未能霑足。震澤地方。距蘇城僅四十里。或迤北微小。亦未可定。至蘇州雨澤情形。何以薩載與閔鶚元所奏互異。著傳諭薩載。閔鶚元。即將該省得雨實在分寸。曾否霑足之處。迅速具奏。尋閔鶚元奏。臣於十五日晚。行至吳江之梅園地方。去蘇州一百十里。風雨甚大。詢之農民。咸稱得雨三四寸。次日抵蘇。據報得雨二寸有餘。前此聲叙未明。近據常州鎮江揚州淮安徐州等屬。續報各得雨自二三寸。至五六寸不等。得旨。此間復得蘇州定亦優霑矣。○又諭。曰。郝碩覆奏接

軍機處

九

奉訓飭諭旨一摺。已於摺內批示矣。據稱恭聆聖訓。惟當敬承。不敢多有陳奏。以致江西現在辦理。如屯田餘租等事。未經面陳。屬員賢否。亦未一一奏及等語。該撫所稱屯田餘租等事。究為何事。郝碩前於行在召見時。經朕屢加詢問。該省有無應奏事件。據稱實無可奏之件。即使屯田餘租等事。該撫於朕前不能詳晰面陳。回任後自應將如何籌辦緣由。隨此次覆奏之摺。一同具奏。何以該撫僅

字樣卷下宣

十

於覆奏內聲叙了事。是其種種錯謬糊塗。愈出愈奇。郝碩膺封疆重任。乃顛倒昏憤。至於此極。於地方事務。安望其能料理裕如耶。著再傳旨嚴行申飭。仍著明白回奏。尋奏。江西軍田。向於屯糧外。每畝徵餘租三分。以為造運之費。前撫臣阿思哈奏准清理。每畝增至三錢。及二錢不等。嗣因軍佃不能完納。經前督臣高晉等奏減租八分。四分不等。而節年仍多懸欠。實因田多磽瘠。租額太重。必須再

行普減八分。六分。四分不等。方能稍紓軍力。現在甫經勘丈完竣。而所減之租。尚未籌有款項抵補。但亦應先奏大概。乃既未面奏。又未於覆奏摺內聲叙。顛倒昏憤。實難自解。批。果然。又奏。惟有痛自策勵。湔滌前愆。批。空言無益。看爾福分耳。○乙巳。賜扈從王公大臣等食。○諭軍機大臣等。前據雅德叅奏漳州府知府李浚原。於詔安縣民許烈。共毆楊愿身死一案。批解到司。計逾分限十九日。實屬

字樣卷下宣

十一

易結不結。已明降諭旨革職矣。茲李浚原前來行在接駕。因詢問富勒渾。據稱該員才力強幹。辦事勇往。熟悉閩地情形。其承審詔安縣一案。實因漳州案犯每多狡黠。屢經飭駁。是以逾違二叅分限。不得不照例查叅等語。似與雅德所奏未免不符。著傳諭雅德將李浚原從前辦理詔安一案。究竟因何遲延。並在閩省居官。究係如何之處。即查明秉公據實覆奏。毋得稍存迴護。○丙午。諭浙江福建

進獻詩冊。考取一等之張師誠。費錫章。何金。姚祖同。俱著特賜舉人。授為內閣中書。學習行走。與考取候補人員。挨次補用。浙江省考列二等之吳純。張廷桂。張彤。王觀。沈澍。錢枚。朱光烈。汪步瀛。黃絲。凌鉞。朱孫垣。應澧。許翼。宗楊本。翁樹。沈珏。翁瀛。陸以誠。福建省列為二等之鄭光策。詹碧炎。王上泰。俱著各賞緞二疋。○又諭據伊犁圖奏。鉛廠効力遣犯。八年期滿之潘善長等十四名。摘錄案由。可否

伊犁奏稿

下

准令一體回籍。一摺。詳閱單內。有原犯情節稍輕。及本發伊犁充當苦差之王藥賈棟。扎坤珠。蘇元章。四名。已用硃筆圈出。准其回籍外。至其餘潘善長等十名。係改發伊犁給兵丁為奴之犯。其原犯情節較重。即使該犯等發遣為奴後。果能奮勉自効。投入鉛廠出力。當差有年。准其在彼為民。已屬寬貸。若與僅止充當苦差者。一體准令回籍。未免漫無區別。嗣後應如何酌定條例。分別在彼為民。及

伊犁奏稿

下

准回原籍之處。著交刑部另行妥議具奏。後潘善長十犯。即照新例辦理。尋議嗣後解到遣犯。先派入廠効力。情罪重大者。定以五年期滿。止准為民。毋庸在廠。永遠不准回籍。其情輕者。五年期滿。如願為民。一體安插。如願在廠捐資効力。再限十年。期滿。令其回籍。從之。○又諭據伊犁圖奏。在伊犁地方永遠枷號之魁亮。已經六年。痛悔罪尤。深知懼改。請旨可否釋放。長枷。令其在伊犁効力行走等語。從前魁亮。令其所屬之卡上厄魯特等。在卡外打牲。猝遇賊人。遽無蹤影。而又捏報尋馬未回。是以令在彼處永遠枷號。但既經枷號六年。自知懼改。著加恩。即照伊犁圖所奏。准其釋放。枷號。留在伊犁効力行走。仍交伊犁圖嚴行管束。其因遇賊。遽無蹤影之厄魯特。豁屯。阿勒塔海二人。究竟查獲與否之處。著交伊犁圖。遇便奏聞。○丁未。江西巡撫郝碩奏。查訊雲氏草書一案。委員密赴李俊傑

家搜查。並無書本板片。拘獲親族。訊明李俊傑並未回家。亦無寄回書籍。訊問何聖符。據稱向在浙江西安縣排譜生理。不會刻字。雖與李俊傑認識。並無同刻雲氏草書之事。何雲漢孔在雖亦供並未知此書名。並據委員於縣境書鋪及藏書之家訪查。亦無此書。應將何聖符等解往浙江質訊。仍飭屬嚴查此書。得旨詳查。固應。亦不必過於滋擾。○戊申。上閱福建水師。○諭據李世傑奏。酉陽州知州

吳受申。於楚民楊魁林等來川爭界放火傷人一案。意存觀望。及至稟報。又與湖北來咨所稱。川民皮恒泰等在楚搶刦情節迥異。請將該州知州吳受申革職。留於該處緝拏各犯。俟本案審明後。果有捏報情事。再行從重辦理。署知州竇絙。不查案情輕重。移交卸責。咎亦難辭。請交部嚴加議處等語。吳受申著革職。留於該處緝拏。竇絙著交部嚴加議處。該部知道。○諭軍機大臣曰。李世傑

奏。接據酉陽州知州吳受申稟報。楚民楊魁林等來川爭界放火傷人。與湖北來咨所稱。川民皮恒泰等在楚刦掠情節互異。且該知州吳受申。於此案並不即行稟報。請旨革職留緝。俟本案審明。再行從重辦理。知州竇絙不察案情輕重。移交卸責。請交部嚴加議處等語。此案前據伊星阿姚成烈前後奏報。已經降旨。令李世傑迅速擒捕。從重審辦矣。川省匪徒滋擾。經前此大加懲創之後。地方稍得安靜。何以甫隔年餘。連有此等焚殺搶刦之案。自係李世傑抵任後。並不照前實力整飭。留心查辦。以致屬員怠玩廢弛。觀望不報。是以川省復有此等案件。皆由該督平昔因循玩愒。釀成事端。此豈叅處屬員所可了事者。且近日川匪逞兇。亦不止此一案。即如周仕貴楊帽壳子等聚眾搶奪。該督僅具疏題報。亦未專摺奏聞。是李世傑玩視重案。並不認真督辦。更復何辭。看來李世傑器小易盈。

深染外省陋習。著傳旨令其明白回奏。所有此案人犯。即著上緊督率擒獲。毋使一名漏網。仍會同湖北督撫嚴審確情。速行據實具奏。將此由五百里發往。並諭令伊星阿姚成烈知之。○吏部等部議覆調任湖廣總督舒常奏稱。湖南巴陵縣當長江洞庭湖交會之衝。所管湖面向有塘汛保甲稽查。所管江岸西至荊河腦。東至城陵磯為止。下至荷葉洲九十里。西岸隸湖北監利縣。東岸隸湖南臨湘縣。水面則均係巴陵管轄。此一帶觀音洲。白螺磯。象骨港。道人磯等處。商船停泊。匪徒攬竊巡緝難周。請將該處水面於江心分界。西歸監利。東歸臨湘。各設卡派兵巡查。應如所奏從之。○以侍衛什長哈清阿為鑲紅旗漢軍副都統。○己酉。

御製南巡記曰。舉大事者。有宜速而莫遲。有宜遲而莫速。於宜速而遲。必昧機以無成。於宜遲而速。必草就以不達。能合其宜者。其惟敬

與明乎。敬者敬

天。明者明理。敬

天。斯能愛民。明理。斯能體物。千古不易之理也。

予臨御五十年。凡舉二大事。一曰西師。一曰

南巡。西師之事。所為宜速而莫遲者。幸賴

天恩有成。二十餘年。疆宇安晏。茲不絮言。若夫

南巡之事。則所為宜遲而莫速者。我

皇祖六度南巡。予藐躬敬以法之。茲六度之典

幸成。亦不可以無言。我

皇祖六度南巡

予藐躬

敬以法之

皇祖蕩蕩難名。予藐躬瞠乎景仰。述且弗能作。於何有。然而宜遲莫速之義。則不可不明示。予意也。蓋南巡之典。始行於十六年辛未。是即遲也。南巡之事。莫大於河工。而辛未丁丑兩度。不過勅河臣慎守修防。無多指示。亦所謂遲也。至於壬午。始有定清口水誌之諭。丙申。乃有改遷陶莊河流之為庚子。遂有改築浙江石塘之工。今甲辰。更有接築浙江石塘之諭。至於高堰之增卑易磚。徐州之接築石

堤並山。無不籌度咨諏。得宜而後行。是皆遲之又遲。不敢欲速之為。夫臣之事君。其有知不可而強諍者鮮矣。河工關係民命。未深知而謬定之。庸碌者惟遵旨而謬行之。其害可勝言哉。故予之遲之又遲者。以此而深懼予之子孫。自以為是。而後之司河者之隨聲附和。而且牟利其間也。與其有聚斂之臣。寧有盜臣。在他事則可。在河工則不可。河工而牟利。宣洩必不合宜。修防必不堅固。一有疎虞。民命繫焉。此而不慎可乎。然而為君者一二日萬幾。胥待躬親臨勘。而後剔其弊。日不暇給焉。則仍應於敬。

天明理根本處求之。思過半矣。予之舉兩大事而皆幸以有成者。其在斯乎。其在斯乎。若夫察吏安民。行慶施惠。羣臣所頌以為亟美者。皆人君本分之應為。所謂有孚惠心。勿問元吉。予嘗以此自勗也。至於克己無欲。以身率先。千乘萬騎。雖非扈蹕所能減。而體大役衆。

俾皆循法而不擾民。亦亟其難矣。斯必有以振其綱而絜其要。然後可以行無事而胥得宜。實總不出敬明兩字而已。故茲六度之巡。攜諸皇子以來。俾視予躬之如何。無欲也。視扈蹕諸臣以至僕役之如何。守法也。視地方大小吏之如何。奉公也。視各省民人之如何。瞻覲親近也。一有不如此。未可言南巡而西師之事。更不必言矣。敬告後人。以明予志。○召見皇子及軍機大臣等。諭曰。我

皇祖臨御六十一年。六巡江浙。深仁厚澤。浹髓淪肌。臣民愛戴思慕。出於至誠。杭州省城行宮及聖因寺。均有恭奉

神牌。每來展禮。倍增感慕。朕纘緒以來。敬紹前謨。亦六度南巡。凡籌辦河工海塘事宜。無一不仰承

彛訓。奉揚

先烈。今歲甲辰。並攜諸皇子以來。俾視予躬之如何。無欲。扈蹕諸臣及僕役之如何。守法地



方大吏之如何奉公。民人之如何瞻覲親近。有如此。未可言南巡。已於南巡記內詳晰宣諭矣。茲復召見諸皇子。及軍機大臣。並諭該督撫等。密行存記。以朕所懷而未曾明諭者。杭州及聖因寺行宮。經朕六度親臨。行慶施惠。官民瞻就依戀。具見惻忱。將來億萬年後。臣民等自必仰遵。

聖祖成規。添安供奉。用致思慕。但禮因義起。如御園之安佑宮。熱河之永佑寺。

皇祖

皇考神御。皆合奉一殿而各為室。足昭如在之誠。現在杭城行宮。及聖因寺。既恭奉。

皇祖神牌。將來設欲供奉。止須於殿內之東室安設。不得於現在行宮內別致尊崇。方協朕永依侍。

皇祖之心而愉快矣。必當遵此諭旨而行。此方臣民。必蒙其福。著將此旨密行封記。交富勒渾。福崧。敬謹供奉。入於交代。仍錄二通。交尚

書房軍機處。一體欽遵存記。○諭軍機大臣等。本日留京王大臣。及順天府尹奏報京師及昌平等州縣。於本月十四日。得雨二寸等語。現在駐蹕杭州。連日得有透雨。雲氣濃厚。俱自西北一帶。甚為廣遠。直隸省。昨雖據劉戡奏報。得雨一二寸至四五寸不等。但尚未普霑。究於何日。續得透雨。山東一省。曾否得有渥澤。並未據該撫奏到。朕心深為廕切。著傳諭劉戡。明興。即將該二省。曾否得雨。霑足之處。迅速由驛覆奏。以慰懸注。○定郡王綿恩等奏。遵旨查辦碧雲寺泉水。督令員弁。即於姚良開創之處。往下試創二尺餘。即覺潮潤。後又挖至四尺餘。有石一塊。將石移去。水即湧注。深三尺有餘。臣等即帶同姚良。看視水已長至五尺有餘。茲於十五日。水已充足。從前實係淤塞。姚良冒昧糊塗之處。請交內務府嚴加議處。得旨。姚良。於碧雲寺泉水淤塞。並未設法疏濬。遽行冒昧陳奏。實屬糊塗。

即著革去頂帶。仍留管清漪園等處事務。餘著內務府嚴查議奏。○軍機大臣議覆烏嚕木齊都統海祿奏。哈密等處。每年接運物件。需用車輛較多。若必臨時雇覓。必致耽延。兼多糜費。請安設台車三百五十輛。並於該處抽撥馬匹兵丁。酌定銀糧。以資運送。又烏嚕木齊輓運滿營糧石。官車不敷應用。又雇商車費逾數萬。請安設車一百五十輛。並將屯兵所收糧石。令其輓運。以重錢糧。又古城應須兵糧一萬餘石。查附近戶民。可以交納六千石。又有戶民春借秋還糧一萬餘石。自應就近交收。免致浮銷。均應如所請。從之。○調鑲紅旗護軍統領塔永阿為鑲黃旗護軍統領。以鑲黃旗護軍叅領瑪朗阿為鑲紅旗護軍統領。○庚戌。

上自杭州迴鑾。○諭朕巡幸浙江。所有該省辦差各兵。業已加恩賞賚。其福建綠營兵丁。調至浙省辦差。並著一體加恩賞給兩月錢糧。

○又諭曰。土爾扈特親王奇哩布。自承襲王爵。管理盟長事務以來。約束屬下。辦理游牧。均甚妥協。今聞溘逝。朕心深為軫念。著派乾清門侍衛巴圖蒙克。馳驛前往。賜奠茶酒。仍著加恩賞銀五百兩。以作善事。所賞銀兩。即由塔爾巴哈台庫貯銀兩動用賞給。奇哩布所襲之親王。即著伊子一等台吉車陵烏巴什承襲。其游牧人數眾多。辦理管轄。俱為緊要。從前奇哩布之弟。副盟長一等扎薩克台

吉阿克薩哈勒。來木蘭朝覲時。見其人尚明白能事。阿克薩哈勒。即著補授正盟長。其副盟長員缺。即著與伊兄策伯克多爾濟為嗣之公銜。一等台吉恭格車凌補授。○諭軍機大臣等。據特成額奏。接據川東道沈清任稟報。楚民楊魁林等。在青草塘地方。因爭界放火。燒燬房屋。搶掠物件。並用烏鎗傷人一案。現即馳赴該處。督率文武。實力搜拏。從嚴辦理等語。所奏甚是。川楚接壤之區。既有聚眾

搶刦之案。自應就近即行前往嚴速查辦。方足以懲兇頑而靖地方。特成額甫由將軍擢任總督。即能留心查辦。具見認真。李世傑歷任巡撫。有年用為總督。乃於此等重案。並不切實督辦。何轉不如特成額之新加擢用耶。川省匪徒滋擾。經前此大加懲創之後。地方稍得寧靜。今復有糾集搶刦之案。自係李世傑抵任後。並不照前實力整飭所致。看來李世傑器小易盈。深負委任。著將特成額摺鈔寄李世傑閱看。令其即行督辦。所有此案人犯。即著特成額。李世傑不分疆界。上緊實力督率擒拏。務獲嚴審究辦。迅速具奏。將此由五百里發往。傳諭李世傑並諭特成額知之。○是日。御舟駐蹕塘棲大營。○辛亥。諭據李奉堯奏。石門工部郎中宗室蒙泰。由部領出陵寢更換舊幃幙各項需用綢緞等物。盡行存貯伊家。並未更換。請將宗室蒙泰等革職。嚴

訊等語。此事殊堪駭異。承辦

陵寢器用之員。理應敬謹辦理。蒙泰竟將綢緞等項存貯私宅。明欲侵蝕。蒙泰身係宗室。尤非他人可比。諸事自應倍加誠敬。且朕以宗室等陞途較少。故於

陵寢添設宗室額缺。蒙泰不思感激。反欲侵蝕。綢疋等物。大傷宗室顏面。殊屬不堪。可恨之至。著李奉堯將蒙泰即行革職。拏問與員外郎崇福等一併解京。交留京辦事王大臣會

同宗人府。刑部。嚴加審訊。從重定擬具奏。○又諭據允祁等奏。稱清明節

孝東陵所供餽餽物件。均不齊整。請將員外郎百歲。主事德綢額。管領來存等。交內務府嚴加議處等語。此皆由伊等平素管理不嚴所致。今不過因李奉堯據實查覈。伊等方有此奏。否則潦草含糊矣。員外郎百歲等著照所請。交內務府嚴加議處。○又諭曰。永德年老。著留京在散秩大臣上行走。福州將軍員缺。

著慶桂調補吉林將軍員缺。著都爾嘉補授密雲副都統員缺。著恒山保補授正藍旗滿洲副都統員缺。著阿彌達補授恒山保接到此旨。即速赴密雲之任。都爾嘉交明彼處事務。即馳驛赴吉林將軍之任。俟都爾嘉到時。慶桂即將一切應交事件。交代明白。作速馳驛前來陞見。請訓後再赴新任。○又諭西安今又添駐滿兵。副都統一人。不敷管轄訓練。應再添設一員。即著永鐸調補。永鐸所遺寧

平集卷之十一

夏副都統員缺。著阿拉善厄魯特親王旺沁班巴爾補授。學習辦事。○諭軍機大臣等。本日據柯藩奏到濟寧州地方。於三月十四五日得雨。八土四五寸不等。查問兗州一帶相同等語。覽奏欣慰。昨據明興奏得雨情形。一摺。內稱兗州府屬及臨清濟寧兩州。均於十五日得雨一二寸。與柯藩所奏不符。柯藩以總兵在濟寧督養馬匹。於地方得雨情形。尚能詳晰陳奏。明興身任封疆。轉不能確實具

奏。豈於朕厪念民依之意。竟不能仰體耶。昨二十二。二十三。四等日。杭州一帶。連得透雨。甚為霑濡。且雲氣皆向西北。勢甚濃厚。該省自必一律普霑。著再傳諭明興。將該處究竟得雨若干寸。及通省各屬。曾否續得透雨之處。迅速確實分晰開單具奏。尋奏三月十六日各屬報雨。共五十州縣。內濟寧初報一寸。續報二寸。並無八土四五寸之語。至兗州惟滋陽曲阜寧陽滕縣得雨一寸。嶧縣得雨

三寸。亦不能同。嗣於二十七日。濟南等府報到三十六州縣。得雨二。三。五寸。至七寸不等。得旨。總未普遍深透。益切懸望。於農功究竟如何。○又諭曰。成德奏楚民楊朝珍。王正明等。因互爭地界。焚搶傷人一案。現在馳往徹底嚴查辦理等語。此案節據伊星阿等奏報。已降旨令李世傑等嚴拏審辦矣。昨復據特成額奏。接據稟報。即馳往川楚交界地方。督率搜拏。特成額由將軍擢用。隔省總督。尚能

留心查辦。成德係本省提督。緝匪尤其專責。於此等聚衆焚搶之案。一有所聞。即應前往查拏。何遲至此。始行奏報起程。殊屬延緩。且川省匪徒滋擾。當大加懲創之後。該督提等若果能照前實力查辦。何至復有逞兇之事。是此案皆係該省文武平日怠玩因循。以致釀成事端。成德係專閫大員。咎無可辭。著傳旨申飭。即著會同李世傑。實力緝拏。案犯毋使一名漏網。將此由五百里諭令知之。○又

平糶全案

卷八

諭西安添設副都統。已令永鐸調補。彼處舊有衙署。無需另造。即令在原署居住。著傳諭傅玉。畢沅。知之。○戶部等部議准。陝甘總督李侍堯疏稱。准烏魯木齊都統咨。查庫爾喀喇烏蘇新設同知。業已裁汰。照例奏派廢員賞銜管理。所有原議官役俸工銀兩。毋庸添設。至遂成舊堡內倉廩。係設屯之初。用兵力建蓋。仍應留貯屯糧。再該處間有命案。雖向例解迪化州審辦。但必由効力糧員及營員

驗報批解。原建監獄。亦應留資防範。其衙署旁有銀庫。收貯歲支經費俸餉三萬有奇。應作為糧員辦事公署。從之。○是日。御舟駐蹕石門鎮大營。○壬子。諭各省督撫。膺封疆重寄。藩臬為通省錢穀刑名總匯。皆朕特加簡畀。委任非輕。自當仰體朕懷。勤卹民隱。俾所轄地方。獄訟平允。方為無忝厥職。乃近來民間詞訟。經州縣審斷後。復赴上司衙門控告者。該督撫司道等。往往仍批交原審之府州縣審辦。在該州縣等。心存迴護。斷不肯自翻前案。即派委鄰近之府州縣會辦。亦不免官官相護。瞻徇扶同。無論其審斷不公。民情屈抑。即使所辦允當。而形跡之間。易涉嫌疑。亦不足以服告者之心。又何怪小民之紛紛瀆訴耶。嗣後各省案件。如有赴上司衙門控告者。其距省較近地方。該督撫即應親提人證卷宗至省。發交藩臬。親率臬公審辦。設或道路遙遠。人證較多。恐致拖累。通省內豈無公

平糶全案

卷八

正明幹熟諳刑名之道。府大員。即當遴委前往。研訊確實。毋枉毋縱。庶各得其平。自不致藉口銜冤。復行瀆控。著將此宣諭各督撫等。轉飭所屬。均宜勉矢公正。詳慎聽斷。庶不負朕諄諄告誡。無使一夫失所之至意。如有仍蹈徇隱故轍。發交原審官。以致案情出入。小民屈抑求伸。赴京控告者。一經欽派大臣審出實情。惟該督撫是問。並通諭中外知之。○又諭。內閣學士巴忠著在軍機章京上行走。

○旌表守正捐軀四川富順縣民郭殿榮女郭氏。○是日。御舟駐蹕嘉興府北教場大營。○癸丑。兵部等部議覆。河南巡撫何裕城奏。定豫省添兵事宜。一。各標營應添馬兵三百一十八名。守兵五百九十四名。所需軍裝器械。於營貯官莊租銀內動製。又新添兵。非兵家子弟。即土著民人。毋庸議添兵房。一。馬兵應需騎操馬。照數購買。價銀於朋扣銀內動用。一。應添額外外委。南陽鎮左右二營各二

員。汝寧營一員。河北鎮左右二營各一員。均應如所奏。從之。○是日。御舟駐蹕南斗圩大營。○甲寅。諭曰。留京辦事王大臣會同該部議覆。欽差尚書福康安等。審擬廣東監生譚達元。呈控總商沈冀川。勒派伊弟譚體元公費銀兩。承辦各官枉斷擬軍一案。將巴延三。李侍堯。照因公科斂所屬財物律革職。問擬杖徒。因屬分所應得。第念李侍堯久任封疆。素能辦事。是以加恩復行錄用。自簡任陝甘

總督以來。於勦捕逆回。查辦監糧二事。尤能認真出力。而地方諸務亦俱實心整頓。其令總商派斂公費。購買物件。與枉法受財者有間。所用過公費銀兩。議令按數賠繳。亦足蔽辜。李侍堯著加恩免其治罪。從寬改為革職留任。巴延三。人本拘懦。朕早知其不能勝任。緊劇。曾向彼云。若用爾為陝甘總督。亦必如勒爾謹之庸劣。無能養癰債事。但伊倖遇地方無事。所以不致貽誤。即公費一項。亦係因

循積弊。究非藉端婪索。已議將用過銀數追繳。亦足蔽辜。巴延三亦著照議革職。加恩免其治罪。仍俟到京後再行酌量差遣。另降諭旨。至尚安。李質穎於譚體元初控時。經朕特交伊二人審辦。自應秉公研訊。徹底根究。乃心存瞻徇。朦混定案。其咎轉較李侍堯巴延三為重。尚安。李質穎俱著照部議革任。尚安俟伊百日滿後酌派前往新疆辦事。効力贖罪。李質穎係內務府人員。候朕另行於內務

實錄卷二〇一

三

一

府差遣。○又諭曰。留京辦事王大臣議覆。福康安舒常等籌酌粵省洋行事宜一摺。內稱該督撫及監督等土貢內。購買洋貨鐘表等物。務令洋行各商公同定價。又洋貨內珍珠寶石等項。抽稅易於偷漏。應令新任總督監督等。悉心籌酌。以期永久無弊等語。國家撫卹外洋。不貴異物。每歲番民與內地洋行交易貨物。俾霑利益。原所以體卹商夷。至洋貨內鐘表等物。不過備驗時刻。向來粵海關原

實錄卷二〇一

三

一

有官買之例。而廣東督撫監督等。往往於土貢內。亦有呈進者。今內務府造辦處。皆所優為。更無事外洋購覓。既經查明。自應嚴諭裁禁。嗣後督撫等於鐘表一項。永遠不准再行呈進。至珍珠寶石等項。原無需用之處。向來海關抽稅。亦屬無多。況此等物件。本難定價。易至居奇。且便於攜帶藏匿。勢難保無偷漏分肥。否則過於吹求。若設法嚴禁。逐項搜查。實屬不成事體。現在京師及各處關隘商稅則例內。本無此項稅課。不如聽商人等自行交易。免其收稅。則諸弊悉清。更無庸多為防範。嗣後粵海關珍珠寶石。概不准徵收稅課。著為令。○又諭曰。明安近來尚屬奮勉。伊又係阿里衮之孫。豐昇額之子。將阿彌達所出頭等侍衛尚茶正員缺。加恩著明安補授。○是日駐蹕蘇州府行宮。翼日如之。○是月署河東河道總督蘭第錫奏。自韓莊赴豫查工。曹縣六堡險工一處。今掃前掛淤。可化險為

平。飭於隄後加倍防護。其商邱隄工。河身比前寬深。再加疏濬。益臻暢順。睢寧蘭儀兩廳新隄等工。現已築有三四分。臣隨工試驗。務令堅實。至史村鋪險工。並無變遷。應挑挖引河。前將處所奏明。復經撫臣何裕城。請於對岸添挑水壩工。計應挑長一千四百八十丈。現於二月二十七日興工。其挑水壩亦次第辦理。統限大汛前完竣。批。俟迴鑒時。爾具圖面奏。又奏。所有新隄上下各段防風掃工。臣

書

言

逐一親驗。不使稍涉虛糜。得旨。覽奏俱悉。○河南巡撫何裕城奏。桃汎以來。河流暢順。工程穩固。上游南岸楊橋黑堽。北岸銅瓦廂。十二堡十八堡等。均經河臣蘭第錫履勘覈辦。極為鞏固。史村鋪各工緊要。臣與蘭第錫商添練習河務道員等。督辦挑挖引河。已有七分工程。挑水壩工亦已趕做。河頭河尾現灘處所。逐加挑濬。即日亦可完工。得旨。覽奏俱悉。○廣東巡撫孫士毅奏。調任以來。查粵東

地廣案多。加以海洋交錯。奸匪易藏。惟有潔以持身。嚴以察吏。不敢稍涉因循。諱飾得旨。廣東諸事廢弛。一切勉力。效李湖為之。

大清高宗法天隆運至誠先覺體元立極敷文奮武孝慈神聖純皇帝實錄卷之一千二百一



大清高宗法天隆運至誠先覺體元立極敷文奮武孝慈神聖純皇帝實錄卷之一千二百二

監修總纂官經筵講官太子太傅文淵閣大學士文淵閣領閣事領侍衛內大臣稽察欽奉 上諭事付處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領閣事稽察欽奉 上諭事付處管理刑部戶部三庫事務

世襲騎都尉軍功加十九級隨帶加二級又加二級臣董浩內大臣戶部尚書鑲黃旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆四十九年甲辰閏三月丙辰朔諭曰尚

書額駙公福隆安醇良謹飭勤慎小心綜理

一

一

部務宣力有年昨歲因舊症復發屢經給假調理賜藥賜醫方冀年力尚強可以漸次平復倚畀正殷近聞病體加劇即令伊子豐紳濟倫馳驛回京省視日內自己到京茲遽聞溘逝深為悼惜著皇八子親往奠醊並賞給內庫銀五千兩派金簡經理喪事任內降革處分概予開復前此伊家奴犯罪伊自請議罰公俸十年之處亦著加恩寬免所有應得

卹典該部察例具奏○又諭曰兵部尚書員缺著福康安補授工部尚書事務即著復興署理福康安仍行兼管○諭軍機大臣等據保成奏稱審訊拿獲薩木薩克所遣送書回人托克托素丕等同來之回人默羅呢咱爾供稱薩木薩克現住色默爾罕地方同行祇十餘人求乞度日鄂斯瑞意欲遣可信回人往彼貿易相機將薩木薩克誘來或用計勦除等語又密奏布魯特散秩大臣阿其睦之弟額穆爾請暫緩辦理之處所辦尚是鄂斯瑞之意更屬可嘉朕心甚喜著加恩賞給大荷包一對小荷包二對但將薩木薩克誘來尚屬可行至用計將伊勦除則非天朝體統亦非邊疆大臣辦事之道蓋薩木薩克係布拉呢敦之子喀什噶爾有舊隨布拉呢敦回人皆有想望薩木薩克之意故互相勾通往來餽送如暗中將薩木薩克勦辦衆回人必至疑懼恐於鄂斯瑞亦多不便鄂斯瑞感朕

深恩。可密遣人將薩木薩克誘來。送至京師。候朕加恩。照霍集斯例。賞給職銜安置。既以昭懷遠之仁。兼可絕回衆之望。而保成鄂斯瑞等在該處辦事。亦足以服衆心。至鄂斯瑞道人前往色默爾罕地方。設法引誘時。或竟作一書。寄與薩木薩克云。我今在喀什噶爾辦事。汝與其在色默爾罕求乞度日。莫若來喀什噶爾。為汝代謀衣食。汝尚可安逸。如此將薩木薩克誘來。即速送京。更屬妥協。鄂斯瑞接到朕旨。務相機妥辦。果能將薩木薩克誘到解京。朕必格外施恩。至布魯特散秩大臣阿其睦之弟額穆爾。雖有隱匿托克托素不。巴爾哈特素不之事。如即究辦。必至連及伊兄。布魯特性最愚蠢。不可使其驚擾生疑。設復逃竄遠方。更屬不成事體。暫且不必辦理。尤不可顯露。誠能得薩木薩克。則他事皆易辦矣。再昨曾降旨。令保成將默羅色帕爾等解交伊犁。此時如已解送。自不必追回。如

未起程。則不必解往。可留於彼處備質。此等事皆應與鄂斯瑞會銜具奏。著傳諭保成。鄂斯瑞併令伊勒圖知之。將此旨著鈔寄阿桂閱看。○是日御舟駐蹕十里亭大營。○丁巳諭軍機大臣等。據李奉翰奏。黃河於三月二十三。日長水五寸。二十四日長水六寸等語。黃河水勢驟長。必係河南上游一帶。得有雨澤。何以尚未據何裕城奏報。豈不知朕心懸厪之切耶。著傳諭該撫。即將該省於何日得雨。是否通省霑足之處。開具清單。迅速由驛覆奏。以慰廑注。將此由四百里傳諭知之。○是日御舟駐蹕政成橋大營。○戊午。諭曰。毓奇奏。江西安福。南昌。九江。前後等幫漕船。於三月十四日亥時。在新建縣鄱陽湖地方。陡遇風暴雷電交作。燒燬漕船十七隻。裝運漕米一萬七千六百六十四石五斗零。並燒斃淹沒男婦大小共三十一名口。請將被燬之糧船十七隻。及焚失米石。責令旗丁賠補。所

有督運各員。請交部分別議處等語。漕船在湖面。夜值雷雨。風火迅烈。人力難施。以致焚失漕米。燒斃人口。殊堪憫惻。所有被燒船隻米石等項。著加恩概免賠補。其燒斃淹沒人口。著該部照例賞卹。所有督運文武員弁。尚非有心貽誤。並著加恩免其議處。○諭軍機大臣等。據伊勒圖奏稱薩木薩克一案。已接到保成咨文。即寄覆保成。應將接受書信之默羅色帕爾等五人究訊。鄂斯瑞為人明白。應與伊商辦等語。所見甚是。保成原奏實係錯謬。曾降旨令將該回人解交伊勒圖審辦。昨又據保成奏。審訊拿獲回人時。鄂斯瑞意欲遣人至色默爾罕地方。將薩木薩克誘來。或相機勦除。朕以為不必勦除。祇可誘來送京。默羅色帕爾如未解往伊犁。即留之備質。並此等事。理宜同鄂斯瑞列名具奏。降旨迅速發往矣。計此刻鄂斯瑞已派人前往。俟得薩木薩克確信時。朕再指示辦理。著再傳諭

伊勒圖。保成鄂斯瑞遵辦。默羅色帕爾等如已解至伊犁。伊勒圖即悉心辦理具奏。其鄂斯瑞所遣之人回到時。亦著將情形即速奏聞。○禮部以會試中額請得旨。這會試滿洲蒙古取中三名。漢軍取中一名。直隸取中十三名。奉天取中一名。山東取中十名。山西取中七名。河南取中六名。陝西取中三名。江南取中二十名。浙江取中十七名。江西取中十名。湖北取中三名。湖南取中二名。福建取中六名。廣東取中三名。廣西取中一名。四川取中二名。貴州取中一名。雲南取中一名。○以兵部尚書福康安為總管內務府大臣。○以故四川毛阿按寨土千戶沙克嘉子郎哥扎化。故四川口外合壩奪雜寨土百戶噶獨亞克子王慶保。故青海蒙古巴彥囊謙桑色爾族百長得木楚克子他旺策爾扎病休青海蒙古下扎武族百戶噶布藏子綽爾羣恭布各襲職。以四川巴塘頭人成彩春平為巴塘

副土司。○是日御舟駐蹕三義閣大營。○已未諭朕鑾輅時巡普施慶惠。前長蘆山東商衆踴躍抒忱。自應一體加恩。俾霑渥澤。所有長蘆應徵引課銀四十九萬餘兩。山東應徵兩年引課銀三十六萬餘兩。俱加恩分作八年帶徵。俾商力益資饒裕。該部即遵諭行。○又諭葦蕩營守備張燭。身係職官。應知法度。當御前大臣等前往管船。並不幫同查管。轉敢出言頂撞。甚屬可惡。張燭著革職。並交該督等監看。重責四十板示衆。○諭軍機大臣等。刑部議覆。屈開文毆傷大功服兄屈開勲身死一本。照該督問擬斬決。已照簽發矣。但查屈開文之父屈添爵。先用拐棍毆傷屈開勲。被屈開勲拉跌倒地。屈開文又用鋤毆傷屈開勲。腦後殞命。若果屈開文慮父年老。恐被毆傷。亦祇須勸阻。拉開。何得用鋤毆傷。致令逾時殞命。閱其情節。明係父子共毆一人。而貼黃內。又復叙入情殷救護字樣。殊未允。

當嗣後如有此等案件。不得遽行牽敘。朕從來批閱一切事件。總不肯朦混看過也。將此諭令刑部堂官知之。○又諭本日明興奏報東省得雨情形一摺。雖非霑渥。畧可慰矣。細閱摺內。惟濟南省城。及迤東之泰安武定各屬。得雨較為優渥。此外各府州屬。尚未能一律霑濡。現在麥苗長發之際。農民望澤正殷。朕心深為廕念。著傳諭明興。仍督率所屬。再行虔誠祈禱。務冀甘霖大霑。並將各屬於何日續得透雨之處。迅速查明。分晰開單。據實具奏。將此由四百里諭令知之。○又諭前因川楚民人爭界。放火搶掠一案。疊經降旨。令李世傑督率緝拿。從嚴辦理。茲據李世傑覆奏。摺內僅稱飛飭臬司鎮道等督屬查拏等語。此事李世傑不應前往乎。昨據特成額奏稱。接據川東道稟報。即馳赴該處。督率文武實力搜捕。特成額聞信。即能親身前往查辦。具見認真。李世傑身任總督。何以安住省城。

僅委之臬司鎮道各員。殊屬非是。看來李世傑自滿好逸。非復前此之李世傑矣。川省匪徒甫經懲創。復有此聚眾焚搶之案。亟宜上緊嚴緝。務絕根株。豈可一任延玩。致令遠颺。僅以飭屬辦理了事耶。李世傑著再傳旨申飭。并著接奉此旨後。即馳赴該處。親督文武員弁。迅速查拏。嚴行審辦。毋使一名漏網。並將現在已經緝獲案犯幾名之處。據實覆奏。將此由五百里諭令知之。尋奏前赴該處查

高宗實錄

卷二二〇二

明人犯實止二十七名。除鎗斃一名。逃回湖南原籍一名。現在關拏。所有人犯二十五名。俱已全數弋獲。現會同湖廣督臣特成額。撫臣姚成烈審辦。得旨覽。○是日駐蹕錢家港行宮。○庚申。刑部會同鑲黃旗漢軍都統奏。白雲從贖罪銀兩。逾限未完。請著落伊子白豐追繳。其代為具呈之伊婿范樹廷。議以杖徒。產業免其入官。又范樹廷之父范建中。及承追不力之叅佐領等官。請交部議處。得旨

此案范樹廷代伊妻父白雲從具呈贖罪。業經代交銀二千兩。已可不必深求。其餘未交銀六千兩。現有白雲從之子白豐。任山東曹州府通判。自應著落照數繳出。豈得置身事外。轉令范姓將祖遺產業變抵入官。該部所議范樹廷呈出地畝人丁。免其查辦之處。甚為允協。應如所議辦理。其范樹廷現議杖徒。並該旗所請將伊父副都統范建中。及承追不力之叅佐領等官。交部議處之處。俱著加

高宗實錄

卷二二〇二

恩一併寬免。○是日駐蹕棲霞行宮。翼日如之。○辛酉。軍機大臣議奏。四川總督李世傑奏稱。將阿爾古屯存米二十石。撥至噶喇依查該處米石不敷。即支稞麥。久經特成額奏定章程。乃李世傑並不查照原奏辦理。率行運往。除米石即存噶喇依以備支放。其用過腳費。令該督照數認賠示懲。至各屯存剩軍米八千八百九十石。積存已久。應如該督所請。先儘借領。易稞麥還倉。再將逐年陞科之

糧亦易收。稞麥每年照常平倉收新出陳。以免徽變。從之。○禮部奏吏部咨稱。候補學正學錄人員。不敷應用。應請令此次會試主考官。酌留闈中數日。知貢舉於落卷內。扣出現任候補候選小京官。其餘彌封移送內簾。挑取二十卷。與朝考入選。未經錄用之新進士。一併帶領引見。簡用十名。交部銓選。報聞。○旌表守正捐軀四川犍為縣民李全復妻李氏。守正被戕。四川三臺縣民馬榮俸妻賴氏。

○壬戌

上幸江寧府。安南國陪臣黃仲政黎有容阮鏜迎駕。○遣官祭明太祖陵。晉臣卞壺祠。宋臣曹彬祠。明臣徐達墓。常遇春墓。李文忠墓。方孝孺等祠。故總督于成龍祠。傳臘塔祠。○諭曰。禮部奏詣明太祖陵儀注。三奠酒。每奠行一叩禮等語。前代陵寢於經過時。親詣拈香。自應較本朝

陵寢儀節有別。然朕加隆前代。禮數從優。昨經

過曲阜。親詣少昊陵。孔林。皆行二跪六叩禮。嗣後遇親詣前代陵寢拈香。俱照此行禮。不必奠酒。著為令。○諭軍機大臣等。本日據姚成烈奏報。查辦川匪焚搶一案。據稱於三月三十日拜摺後。即馳赴咸豐縣。會同李世傑督緝嚴審等語。同日又據伊星阿。姚成烈會奏。川匪案內現獲人犯。錄取供詞一摺。亦係於三月三十日拜發。彼時伊星阿遠在湖南。姚成烈現在湖北。何以所奏兩摺。同日拜發。

自相矛盾。是伊星阿拜摺之時。姚成烈並未知之。若姚成烈知有會奏之摺。斷不復為此奏。可見外省列銜會奏之事。竟係具文。若地方尋常事件。督撫札商。合詞題奏。尚屬可行。至此等要案。各有承辦之責。何得率行列名會奏。豈謂朕披閱奏摺。於此等處。亦如伊等漫不留意耶。伊星阿。姚成烈均著傳旨申飭。○軍機大臣議覆。調任成都將軍特成額奏。稱促浸降番。既經改土為屯。現在額設土守

備等官。自應照償拉之例。但促浸地方廣濶。寨落零星。非償拉僅分四屯者可比。請酌量遠近多寡。安屯守備。千總把總外委等三十名。每名管領二三寨不等。擇素行誠謹。番衆悅服之人充補。應如所奏。從之。○是日駐蹕江寧府行宮。至乙丑皆如之。○癸亥。皇元孫生。命名載錫。○

御製留京王大臣飛報得五代元孫之喜詩以誌意。詩曰。飛章報喜達行軒。歡動中朝及外藩。曾以古稀數六帝。何期今復抱元孫。百男周室非五代。三祝堯封是一言。耄耄人多茲鮮遇。獲茲惟益凜。

天恩。○諭軍機大臣曰。海祿奏鎮西府知府祥泰。於兼攝宜禾縣時。捏報糧價。擅動庫項。在鎮西府任內。又將不應抵交各項混抵交代。致銀糧俱有虧短。除任所貲財。業經嚴密查封外。請飭部行知該旗。將該參員家產一併查封等語。倉庫錢糧。不容絲毫短少。乃祥

泰以知府大員。於屬員侵虧帑項。既不能查明揭報。又復自行舞弊。將不應抵交之項混抵交代。以致公項虛懸。自應將伊家產查抄。賠抵著傳諭綿恩會同該旗前往嚴密查抄。毋任隱匿寄頓。海祿原摺著鈔寄閱看。將此由四百里諭令知之。○又諭曰。李侍堯奏。河州回民馬成基等呈控馬來遲之孫馬五一。並同黨馬國甫。馬萬德等堅守改教一案。因該州出示。不許回民從習新教。脫鞋念經。令各出具甘結。馬五一始則隨同具結。繼乃詭言奉官飭取不許念經甘結。即係不念沐浴經文。妄欲衆回民隨伊具結。藉以行其祖父之教。并在該犯家內起獲明沙經一本。當即銷燬外。請將馬五一。馬國甫。馬萬德三犯發往瓊南百色烟瘴地方。分別安插等語。亦祇可如此辦理。已於摺內批示。但該犯等由甘肅發往瓊南百色地方。經由陝西。湖廣。河南等省。該處沿途俱有回民居住。誠恐馬五一



等。在途遇見交談。又復互相煽誘。致滋事端。殊屬未便。著傳諭沿途各督撫。於該犯等押解過境時。務飭各該地方官。嚴加管束。毋令馬五一等與該處回民見面通語。仍須不動聲色。俾回衆相安無事。方為妥善。將此由五百里發往。並諭李侍堯知之。○烏魯木齊都統海祿奏。向例各營舊存礮位。內有不堪用。威遠子母等礮。及損壞烏鎗。一體銷燬。並於鐵廠添撥鐵觔。改造大神。劈山礮。由內地調取匠役。經前任都統明亮奏明。嗣調到匠役二名。均稱但能打造烏鎗大神礮。向未製過劈山礮。因發給成式。令其照造。演放總未妥協。查明亮原擬各營應需大神礮二十九位。劈山礮一百二十七位。為數過多。今覈實應造大神礮十七位。劈山礮一百零四位。計算鐵觔價值。炭火人工。較之內地。糜費數倍。兼之所調工匠。難得熟手。大神劈山礮位。為軍營利器。製造必須精良。查內地涼州府匠役

輻輳。產鐵充盈。從前曾經打造各礮位。應請移咨陝甘總督。轉飭涼州鎮會同涼州府。製造各礮位。運送至哈密等處。分給各營。實為省便。報聞。○減額浙江仁和場三圍朝冊正稅銀一百五十八兩有奇。○予故四子部落扎薩克多羅郡王喇什雅木丕勒致祭如例。○旌表守正被戕直隸交河縣民王方照妻王氏。○甲子。

上詣明太祖陵行禮。○賜扈從王公大臣。江南文武官員。及安南國陪臣等宴。並賞賚安南國王黎維禔御筆扁額。曰南交屏翰。并御製古稀說。繒幣。及陪臣等銀幣有差。○諭賞安南國王扁額。所用古稀天子之寶。並非朕自誇。恐該國王不知朕意。故賞給古稀說。令其閱看。即知朕意也。○又諭曰。江蘇安徽進獻詩冊。考取一等之進士莊選辰著授為內閣中書。遇缺即補。劉召揚鄭宗洛黃文輝汪彥博。司馬亶葉銓孫一元。繆炳泰莊復旦程振



甲。張曾獻。鮑勲茂。金應琦。朱承寵。俱著特賜舉人。授為內閣中書學習行走。與考取候補人員。挨次補用。江西省考取一等之譚光祥。吳本。著照上屆之例。賞給舉人。准其一體會試。其江蘇。安徽。江西。三省考列二等之周愛蓮。蔣光世。袁肅。陸甲林。張雲培。周嘉植。唐仁埴。秦智銑。徐準。宜。詹應甲。洪士達。唐廣模。汪文錦。胡鳳儀。印鴻緯。畢敦。吳堦。徐嵩。張詒。顧鳳毛。翟金蘭。黃鉞。王浦。程尚義。吳紹。涑。方熊。唐仁最。已。慰祖。閔道恂。葉棟。蔣知廉。趙本治。方振。伍延昂。黃旭。裴元。巽。著各賞緞二疋。○河南巡撫何裕城奏。豫省開封府屬儀封等縣。並歸德。河南。南陽。汝寧。陳州。五府。許光。二州。各所屬。於三月十四五等日得雨。自二三四寸。至深透不等。麥苗可望豐收。此外如開封府屬祥符等縣。並彰德。衛輝。懷慶三府。汝。陝。二州。各所屬。共三十八州縣。內有得雨一二寸者。有未得雨者。臣與藩司江蘭酌議。除

懷慶府屬濱臨沁河五縣。現在修復水利灌溉。外。其三十三州縣被旱。貧民酌借一月口糧。並每畝借給籽種銀六分。批。好。又奏。被旱各州縣。帶徵及本年應徵。請緩至秋後徵收。批。自然。又奏。民欠新舊出借穀石。寬至來年麥後還倉。批。是。又奏。臣嚴切確查。不使稍有弊混。得旨。俾窮民均霑實惠。毋致吏役侵蝕。慎之。○乙丑。上閱江寧駐防兵。○命皇十一子永璘。皇十五子。皇十七子永璘射。○諭前任福建臺灣道李浚原。於漳州府知府任內。承審案件。遲逾二叅分限。經該撫雅德。奏革職。嗣李浚原前赴行在接駕。因將其平日居官如何之處。詢問富勒渾。並寄詢雅德。前據富勒渾稱。該員才力強幹。尚能熟悉閩地情形。今雅德覆奏。亦稱該員在閩。歷任府縣辦事認真。尚屬有志向上之員等語。李浚原前於審轉之案。遲逾定限。經該撫。奏革職。自屬咎所應得。但念事屬因公。尚非有心貽誤。且據該督撫等。俱

稱其於閩地情形頗能熟悉。李浚原著加恩仍發往福建。以同知通判題補。○諭朕諏吉於五月初八日。前往熱河駐蹕。屆期巡幸木蘭。所有應行豫備事宜。著各該衙門照例辦理。○又諭曰。德風獲罪監禁已逾二載。伊係文職。乃與烏什哈達忿爭。互相訐奏。咎已難辭。又復動用庫項。私蓋官房。是以將伊治罪。然究與侵蝕入己者有間。著加恩釋放。○諭軍機大臣等。據綿恩等奏。碧雲寺泉水自前

丁未年

丁未

次疏濬暢流之後。二十一二等日。該寺官員來報。泉水不見增長。且消去一尺有餘。因前往該處履勘。派人復行疏濬。往下刨至二尺餘。見有油灰麻刀堵塞泉口之內。盡行剔取。則泉水依然暢流。顯有情弊。因問及該寺官員。惟苑副明慶神色沮沮。言語支離。請將明慶革職。併修艫水池之園丁匠役。交部嚴審等語。碧雲寺泉水自前明以來。源源不竭。且舊有砌築溝槽。以及僧房。俱接引此水。以資

灌溉。從來未至乾涸。前經姚良陳奏。竟無來水。朕即疑其斷無是理。因派綿恩等前赴該處履勘疏濬。嗣據奏稱。前往履勘。刨深二尺。見石塊堵塞泥土淤滯泉口。因揭石去泥。遂得泉水湧出。如常暢流。乃甫經疏濬深通之後。復有油灰麻刀堵塞泉口。以致泉水消落。殊堪駭異。泉源或經本處土石淤塞。流行不暢。尚屬事理所有。若油灰麻刀何自而來。況泉源若與試泉悅性山房相近。則園庭禁地

丁未年

丁未

諒難舞弊。自必於園牆之外。另有來源。著傳諭綿恩等前往詳悉履勘。如從前刨挖疏濬之處。本在牆外。則應於該處安設堆撥。派營卒看守。令其小心巡查。看來西山一帶。開挖煤窰。該汛弁兵。畧需餘潤。原所不免。今既能疏濬深通。尚屬有功。無過。其事不必深求。而園庭官員匠役。不能得利。自必挾嫌將泉源堵塞。令窰商已開之窰。封閉不能得利。反致虧折。以洩其勒索不遂之忿。轉致因私債公。

情節較為可惡。且尚飾言因修艚水池。油灰流入。果爾則泉水湧出。油灰等物。皆當隨水外流。斷無轉行流入之理。如此支離。實為欲蓋彌彰。總之該員必有挾嫌圖利。此案不值交部審辦。姚良福善明慶俱著革職鎖拏。交慎刑司。派留京王大臣會同綿恩金簡秉公嚴審。從重定擬具奏。○蠲免江蘇上元句容丹徒銅山豐縣沛縣邳州徐州衛等八州縣衛。乾隆四十八年分。水旱災額賦租課有差。

實錄卷二二〇二

○減豁浙江仁和場二圍潮坍正稅銀八十兩有奇。○以故五經博士韓法祖族孫九齡襲職。○丙寅駐蹕棲霞行宮。○丁卯諭據慶桂等奏。發往吉林賞與旗人為奴之馮亞晚等六人。於上年十一月十二日陸續脫逃。現派官兵查拏等語。馮亞晚等俱係刦奪案內。免死發遣人犯伊等陸續脫逃。該管官員實屬疎忽。去歲冬季脫逃。迄今始派人查拏。更屬延緩。此等人犯若於甫逃之時。即嚴交

各處查拏。何能遠颺。乃遲至兩月有餘。姑以緝捕塞責。是故為遲延。縱令遠遁也。似此越邊遠遁人犯。往往本省始終不能拏獲。反致別省紛紛代捕。殊非事理。所有此案該管官員著交與新任將軍都爾嘉等查叅外。其馮亞晚等六犯。務須嚴行查拏。以期必獲。併轉行盛京黑龍江將軍處一體嚴行查拏。慶桂等原摺著交刑部查明該犯等原籍年貌。速行各該省等。及所過各省督撫嚴拏。此等發遣為奴人犯。各省將軍處俱有。著交各省將軍等。將此發遣為奴人犯。交與各該管官員。俱令毋致脫逃。留心管束。倘有脫逃者。立即嚴拏辦理。斷不可怠緩。以致遠颺。○諭軍機大臣等。據伊星阿奏。湖北咸豐縣民楊正邦等家。被川民邢持試等糾眾爭地。傷人放火一案。因新任督臣特成額已由成都馳赴該處審辦。撫臣姚成烈亦帶同臬司前往。現在湖南省查拏未獲逸犯。未便一時並往等語。

所奏亦是。川楚交界地方。有此聚眾焚搶重案。亟宜實力搜捕。務絕根株。特成額姚成烈業已前後馳往查緝審辦。伊星阿自應在湖南辦理本任事務。不必同時並往。轉致事涉矜張。其未獲逸犯十六名。即著伊星阿嚴督各文武選派員弁兵役。密速跟緝。盡數弋獲。毋使一名漏網。至此等重犯。糾眾搶殺。目無法紀。一經拏獲。審訊其應問擬斬決者。自屬情真罪當。該督撫等。即應一面恭請王命正

乾隆四十九年

三月

法一面奏聞。若具摺請旨。候部覆再行辦理。不特往返需時。致稽顯戮。並恐兇徒久羈囹圄。或有越獄搶犯情節。更屬不成事體。著傳諭各省督撫。嗣後遇有此等聚眾焚殺數命重案。拏獲究審。律應即時正法人犯。審訊確鑿。應行刺字問擬斬決者。於法本無可寬。各督撫即當恭請王命。一面正法。一面奏聞。毋致稽緩滋事。將此由四百里傳諭特成額伊星阿姚成烈。並諭各督撫知之。○是日駐蹕

龍潭行宮。○戊辰

上至張家樓登舟祭

江神渡江。○諭曰。奕純阿哥係朕之曾長孫。今又得生元孫。實為國家祥瑞。朕深為欣悅。奕純阿哥著加恩賞戴寶石頂雙眼花翎。○直隸總督劉綎疏報。宛平大興武清寶坻薊州。唐縣豐寧豐潤等八州縣開墾地一百一十一頃六十九畝有奇。○旌表守正捐軀河南永城縣民王宗賢孫女王氏。○是日駐蹕

乾隆四十九年

三月

金山行宮。○已巳。諭軍機大臣等。據李世傑奏。前署酉陽州知州竇絙等於邢持試等爭界之案。並不速為勘斷。及邢持試等聚眾焚燒房屋。又不親往驗報。請旨一併革職。提解來省。委員嚴訊。一摺。總不成話。已於摺內詳悉嚴切批飭矣。川省匪徒滋擾。經前此大加懲創之後。地方稍得安靜。甫隔年餘。復有此等焚殺搶劫之案。自係李世傑抵任後。並不照前實力整飭。觀望不報。及案情重大。湖

北等省前後奏報特成額姚成烈等俱經馳往查拏李世傑豈不應親身前往會同督緝乃僅以查叅屬員塞責耶此豈叅處屬員所可了事者况糾衆焚殺首夥重犯俱籍隸川省捏混朦蔽吳受申等又係川省之官李世傑豈得諉為不知尚以為事在湖北欲將各犯解歸湖北審辦乎其摺內所稱糊塗二字實莫甚於李世傑伊平素既已因循玩愒釀成事端又復意存推諉玩視重案並不認真督辦是誠何心李世傑由佐雜微員經朕加恩特擢用至總督所辦一切地方事務即大不如前器小易盈真所謂福薄災生不能承受恩眷者矣著再傳旨嚴行申飭仍著明白回奏將此由五百里傳諭知之○又諭據馬彪奏請赴京陛見一摺已批示於明歲冬間來矣既而思之朕於明歲新正舉行十叟宴凡内外文武官員年在六十以上者皆與賜宴之列馬彪年逾七十例得入宴著令於今

歲冬底進京以便新春同入十叟宴既可申其瞻覲之忱且俾得躬逢盛典將此諭令知之○又諭據圖薩布奏陝西省榆綏等八州縣內葭州神木有被災五分貧民共一萬一千八百餘口隨稟報督撫附入次貧展賑兩月之內一體散給等語沿邊州縣既有被災戶口自應量加撫卹圖薩布即稟明該督撫一體散給賑濟俾災黎餬口有資所辦甚好已於摺內批示矣至此此外各州縣有無此等貧民著傳諭畢沅詳晰查明如有被災五分例不加賑者亦即加恩按照戶口一體給予賑卹毋得拘泥成例以副朕格外加恩邊氓有加無已之至意○又諭本日據明興奏自三月二十七日及閏三月初旬山東省各府州屬陸續具報均得雨五六七寸以至盈尺不等麥苗現在長發大田俱已播種等語山東雨澤普遍於大田播種自有裨益但東省如兗州府屬自上年及今春雨雪均未免短

少。致有未種秋麥之處。今雖得雨。亦祇可播種大田。著傳諭明興。將該省各屬麥田實在情形。究係若何。是否不致歉收。及應否借給籽種。趕種大田。並現在曾否續得雨澤之處。據實具奏。以慰廑注。又劉我奏直隸省大興等一百二十州縣。各得雨自五六寸。至八九寸。尺餘不等。霑被優渥。其餘州縣。有得雨止三四寸。尚未霑足者。現在各該處麥苗。是否一律長發。其得雨未透各州縣。曾否續得透

平定奏稿卷之三

雨。著傳諭劉我。一併詳悉具奏。尋明興奏。今春兗曹東昌三府。濟寧臨清二州。雨澤愆期。應借籽種。前於豫籌糶借案內。奏明即飭查明借給。其餘各府。毋庸再借。報聞。劉我奏。閏三月初四。五。六等日。直屬得雨優渥。大名宣化。二府。間未霑足之處。亦於十四。五等日。得雨二。三寸不等。大田均已播種。麥苗亦皆暢發。得旨覽奏稍慰。○是日。駐蹕天寧寺行宮。至辛未。皆如之。○庚午。諭曰。特成額參奏。署

酉陽州知州竇絙。於川匪邢持試等聚眾焚搶一案。並未親勘。僅委州判李世龍前往。見有燒燬形跡。輒信為楚民放火屬實。竇絙即捏稱已經會營查勘。備文移交本任知州吳受申。率行轉報。均屬捏混。請將署酉陽州知州竇絙。州判李世龍。一併革職。審究等語。竇絙。李世龍。俱著革職。交該督等嚴審定擬具奏。該部知道。○諭軍機大臣等。據舒常等奏。審擬久住外番。聽受偽職。甘為役使。幫同劫

平定奏稿卷之三

掠商船之唐阿矮等。分別斬決絞候。一摺。已批交三法司。覈擬速奏矣。摺內所稱安南板玉地方。向為阮姓踞守。阮姓族人。又各自霸占。為王。番人遂有東山王。西山王之稱。彼此不睦。時相爭鬪等語。安南國王現係黎維禰。素稱恭順。昨遣陪臣赴行在朝貢。曾優加恩賚。東山王。西山王。既係阮姓。且各占地方。出兵攻擊。自不服安南國王管束。所稱王號。起自何時。是否本屬舊時國王後裔。或該國權

臣各自霸占稱王。唐阿矮既受東山王偽職。自必悉其原委。著傳諭舒常孫士毅。即提該犯詳悉究問。令其據實供明。具摺覆奏。俟部覆到日。再將該犯正法。將此由五百里傳諭知之。○諭軍機大臣等。現在隨駕之蒙古王貝子等。至揚州。即令其先行各回本處。前因薩載與伊等係同在御前行走之人。聽其致送綢緞土儀。俾盡同僚交誼。至劉綏明與伊等素無交往。不可因聞江南曾有贈送。亦或踵而行之。斷乎不必。況彼等已由揚州先回游牧。尤非隨駕可比。更不應有饋送。將此諭令知之。

高宗實錄

三

大清高宗法天隆運至誠先覺體元立極敷文奮武孝慈神聖純皇帝實錄卷之一千二百二

實錄卷一千二百二

三

大清高宗法天隆運至誠先覺體元立極敷文奮武孝慈神聖純皇帝實錄卷之一千二百三

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內太僕寺卿尚書鑾儀衛滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆四十九年甲辰閏三月辛未諭曰兩淮

鹽政伊齡阿才具素優前本欲用為總管內務府大臣因本年兩淮差務皆係伊齡阿經手承辦是以未經補放今差務已竣伊齡阿著授為總管內務府大臣所有兩淮鹽政著全德補授其淮關監督著福海調補所遺江寧織造員缺著成善補授仍兼管龍江關稅務並著速赴新任福海俟成善到任後即赴淮關任事全德俟交代清楚再赴兩淮鹽政之任伊齡阿將經手事件與全德交代後即

行馳赴行在供職○又諭曰伊星阿奏湖廣

新任提督馬彪於本年三月二十七日到任

因受風寒於閏三月初六日病故等語馬彪

前在軍營勞績懋著簡任西安提督亦能實

力整飭營務昨因湖廣係水陸要地是以將

伊調任不意在途染病甫經到任遽爾溘逝

深堪憫惜著照教成之例加恩晉贈太子太

保賞給雲騎尉世職照例襲替並加賞銀五

百兩以資喪費即著伊星阿就近於藩庫支

給所有應得卹典該部察例具奏○諭軍機

大臣等據保成等奏稱審訊英吉沙爾阿奇

木伯克阿里木布嚕特散秩大臣阿其睦呈

控薩木薩克與鄂斯瑞寄信一案俱屬誣妄

阿其睦猶未心服復領其弟額穆爾於綽克

托處控告請暫行安撫辦理等語所辦甚屬

錯謬阿里木阿其睦等如此控告者特恐薩

木薩克與伊等勾通之事眾皆知曉豫圖立

足之地并欲陷害鄂斯瑞耳保成審既全虛



即當將阿里木阿其睦額穆爾三人拏解來京。辦理甚易。幸伊於綽克托處控告。綽克托能將此事熟思。將伊等拏解來京甚好。但恐未必能思及於此。必將阿其睦額穆爾照舊遣回。倘未過喀什噶爾。保成等即令鄂斯瑞帶領滿兵攔截歸路。拏獲將阿里木一併派幹員解京。若已遠颺。不能拏獲。則不可洩漏。阿里木亦暫不必更動。即速行知伊勒圖。令其作為已意。往喀什噶爾。曉諭阿里木阿其睦額穆爾等。以此事恐喀什噶爾大臣等不能辦理。是以親來判斷。將阿其睦額穆爾傳到時。伊勒圖先大概審問。即諭以汝等此事。我亦難辦。將爾等送京。俟大皇帝以大義裁決。一併將阿里木派令幹員。即速解京。毋使逃遁。若此時阿其睦等仍在烏什。著綽克托即一面將阿其睦額穆爾拏獲。遞送一面行文保成等將阿里木等拏解送京。途間加意防範。斷不可令其逃逸。著由六百里加緊傳

諭伊勒圖。綽克托保成敦福鄂斯瑞等知之。○兵部議奏。吐魯番副都統圖思義等並未查辦該處糧石有無多交。照例降調。得旨。圖思義彭廷棟於該處多交糧石事件。並未查辦。既經失察於前。及海祿查奏時。又復面為懇阻。非尋常瞻徇屬員可比。圖思義彭廷棟俱著照部議降三級調用。其吐魯番領隊大臣員缺。著加恩賞給尚安四品職銜。俟伊百日服滿。前往該處接辦。圖思義俟尚安到彼交代後。再行回京。○河南巡撫何裕城奏省城初六日得雨二寸。各府縣屬均於初四五六七等日得雨二三四五寸至深透。不等。省城復於初九日得雨深透。各處可一律普霑。得旨。欣慰。覽之。○以伊犁屯田總兵劉鑑為烏魯木齊提督。浙江嘉興協副將索費英阿為伊犁屯田總兵。○以福建漳州鎮總兵閔正祥為湖廣提督。調浙江衢州鎮總兵常泰為漳州鎮總兵。以嚴州協副將賈魁武為衢

州鎮總兵○予故固山貝子弘曠祭葬如例  
○壬申諭曰福康安等奏審擬清河縣民劉  
光文等控告縣書王立本杜秀峯冒銷賑銀  
一案實屬虛誣將劉光文依枉告人死罪未  
決應擬杖流律請從重改發伊犁給厄魯特  
為奴武生李枚一併從重發往伊犁充當苦  
差等語所擬未為允協李枚身係武生理應  
安分守法乃因永興鎮勘不成災未經報賑  
輒誣捏縣書冒賑情節架詞妄控希圖訛詐  
分肥其罪與劉光文相同該犯名列膠庠非  
平民可比情節尤屬可惡尚當較常犯加倍  
治罪乃福康安等於劉光文既擬以發遣為  
奴而李枚則定以充當苦差同罪異罰明係  
因李枚身為武生稍從末減殊屬寬縱福康  
安杜玉林閔鶚元永保俱著飭行至縣書王  
立本杜秀峯於災賑重務輒敢營私受賄亦  
非尋常蠹役詐贓可比擬以近邊充軍尚不  
足蔽辜應加重發極邊烟瘴充軍仍枷號三

個月示衆滿日再行發遣餘著行在該部議  
奏○諭軍機大臣曰伊勒圖奏遣犯王玉華  
於本年二月在配脫逃等語王玉華籍隸四  
川係因搶奪數在三人以上發往伊犁給厄  
魯特為奴之犯膽敢乘間脫逃情罪甚為可  
惡計該犯在配脫逃後自必沿途竄匿或潛  
回本籍俱未可定著傳諭李世傑李侍堯畢  
沅督飭文武員弁上緊緝拏務獲照例即行  
正法毋致逋颺漏網○又諭昨據保成等奏  
稱審辦阿里木等誣告鄂斯瑞一案已降諭  
旨逐款指示發往矣保成在軍機章京上行  
走多年何不曉事若此即不將阿其睦等拏  
解來京亦宜將伊等暫留喀什噶爾候朕諭  
旨辦理竟將伊等縱放成何道理保成等著  
嚴行申飭此時阿其睦同伊弟額穆爾往烏  
什控告綽克托誠能拏獲解京甚善不然或  
將伊等留住奏聞候朕諭旨亦可若綽克托  
亦無主見照舊遣回鄂斯瑞即遵旨帶兵斷

伊歸路拏獲。亦甚妥善。若阿其睦等早過喀什噶爾。向游牧處遠颺。保成即速行文知會伊勒圖辦理。著諭知伊勒圖接奉此旨。不必待保成等信息。即可藉稱查邊急速相機帶兵前往喀什噶爾。遵照昨降諭旨不妨故作責怪鄂斯瑞之意。使其不疑。便可乘機拏獲。同阿里木解京。再審與阿里木連名控告之阿奇木伯克遜都拉和卓呼圖魯克多斯薩畢和卓。雖據稱未聽阿里木煽惑。但伊等始則畏勢應承。今懼事變復不承認。亦情之所。有。如果質訊毫無別情。自可不必解京。倘伊等實有連名情事。必需對質。即同阿里木一併解京。但此事喀什噶爾衆人聞知未免猜疑。保成敦福鄂斯瑞務詳細曉諭伊等。使之明白。即布魯特等。亦不可使猜疑畏懼。伊勒圖須熟籌妥酌辦理。又聞阿里木係色提巴爾第近族。色提巴爾第住居葉爾羌。受朕恩甚重。斷不致迴護阿里木。此事與伊無涉。

伊勒圖惟應事事留心。決斷嚴密為之。再鄂斯瑞遣往色默爾罕地方探聽薩木薩克信息之人。此時亦將回歸。情形如何。亦宜即速奏聞。薩木薩克之事。前者保成等密奏鄂斯瑞意欲使人乘機勦除。朕以為非柔遠之意。止令誘至送京。今查出薩木薩克書信言語悖謬。甚屬可恨。即解至京中。亦不能承受朕恩。竟宜照伊等前奏以計勦除。方可永絕愚回妄想。著將此密諭伊勒圖。綽克托。保成。敦福。鄂斯瑞。今其留心相機辦理。所有保成等奏到四篇回字。亦著寄與伊勒圖閱看。此內保成等奏鄂斯瑞呈稱阿里木為英吉沙爾阿奇木伯克。有勒索情事。現在查辦等語。此時若尚未辦。則暫行停止。如已經辦妥。即以阿里木擾累屬人有罪。不可仍留英吉沙爾阿奇木伯克之職。當喚至喀什噶爾嚴加看守。薩木薩克之事。併誣控鄂斯瑞等情。毫不洩露。免致阿其睦等聞知。懼罪遠竄。至鄂

斯瑞。幼時即有長進。今觀此事。彼處回衆咸皆保奏。朕愈加親信。鄂斯瑞如此感恩奮勉。喀什噶爾實可永遠寧謐。著加恩將朕所佩之王徽指發往賞給。朕所批伊原呈一併寄伊閱看。鄂斯瑞接到朕所批諭旨。加意奮勉。可也。即因引誘薩木薩克。與以書札畧送物件。係為國家辦事。亦屬無妨。若懼人誣告。將探聽薩木薩克之人喚回。則斷乎不可。鄂斯瑞誠能將薩木薩克誘來。或能勦除。朕必格外施恩。并著傳諭保成。敦福。鄂斯瑞知之。是日。御舟駐蹕崇家灣大營。○癸酉。御舟駐蹕海棠菴大營。○甲戌。諭據薩載。李奉翰奏江南河工豫籌修防蓄洩機宜。辦理工程三處。繪圖貼說具奏。已於圖內詳晰批示。並面諭該督等遵辦矣。天然閘下。既舊有引河。年久淤墊。理應一律疏濬深通。以備盛漲之年。開放分洩。自當首先辦理。方為有備無患。其所奏外河順黃壩隄工後深塘。用土填平。並

於迤下估築新隄一道。自應次第辦理。以資保障。至該督等所稱高堰石工。子堰尾土尚矮。須一律加高培厚一節。高堰石工既經加高。層數其土堰間有卑矮之處。自應一律加高培厚。接成一勢。並應栽種柳樹。俾根株盤結。更可永遠鞏固。此事與前在海寧令將柴塘石工中間積水溝槽墊平。以資重障之旨。事同一例。應定為再次辦理。將此分晰指示。該督等其仰體朕意。遵照妥辦。所需錢糧。著照所請。於兩淮運庫撥用。○又諭曰。慶玉尚有出息。著馳驛前往烏什。協同綽克托辦事。所遺之缺。著賞給巴延三三品頂帶。前往哈密辦事。其列銜著在穆和蘭之前。○直隸總督劉綎疏報廣昌縣開墾地七畝有奇。○是日。御舟駐蹕平橋大營。○乙亥。諭軍機大臣等曰。瑞齡奏。安南國貢使於本年二月十五日進關。俟抵省後再行恭摺具奏等語。因令軍機大臣查覈。歷次該國使臣行走程途。日

期約於七月內可以到京。彼時正駐蹕熱河。自應令該使臣等即赴熱河瞻覲。毋庸在京候至年底。致需時日。著傳諭瑞齡即遵照傳知護送委員。並咨會沿途各督撫一體交替接護。並扣算程途。令於七月內到京。以便八月初間前赴熱河。將此傳諭瑞齡。並諭禮部堂官知之。○是日御舟駐蹕直隸廠大營。○丙子。

上詣武家墩

龍王廟

風神廟。行禮。○詣陶莊

河神廟。行禮。○祭

河神。渡河。○是日御舟駐蹕新莊大營。○丁

丑。署步軍統領定郡王綿恩等奏查抄已革知府祥泰。并將伊兄弟同居產業開單進呈得旨。此案查抄祥泰名下房地什物。自應入官賠抵帑項。至伊兄弟房地。著照前降諭旨。加恩賞還。○是日御舟駐蹕陳家道口大營。

○戊寅。諭曰。伊齡阿已補授總管內務府大臣。所遺武備院卿員缺。著舒文補授。○諭軍機大臣等。據綽克托奏稱。布魯特散秩大臣阿其睦。同伊弟額穆爾。伊姪燕起。前往烏什控告鄂斯瑞。與薩木薩克勾通書札。親率阿其睦等前往喀什噶爾質對。又據伊勒圖奏稱。此案接得保成等咨文。恐鄂斯瑞生事累眾。惟當安撫辦理。具奏前來。前保成等奏到時。朕即意綽克托必率伊等前往喀什噶爾質對。今不出朕之所料。綽克托總不能妥速辦理。朕前所降令鄂斯瑞率人將阿其睦等拏獲來京之旨。此時諒已接到。正可迅速妥辦。至伊勒圖所奏。恐布魯特等煽動。奏請消弭其事。此決不可。凡事必須果斷。籌畫永遠寧謐之計。鄂斯瑞在喀什噶爾効力年久。感恩奮勉。今阿里木阿其睦等如此誣告。若使其兩敗俱傷。安撫完結。雖暫時消滅。伊等彼此成仇。復生別故。又將如何辦理。伊勒圖平

素諸事俱有主見。此次何不深思如此。如謂將阿其睦等拏獲來京。恐布魯特等煽動。朕料決無此事。前阿其睦欲將伊布魯特等遷移。衆布魯特等並未聽從。尚有何疑。至謂鄂斯瑞滋生事端。尤為非是。不中肯綮。鄂斯瑞毫無隱匿。盡情報出。仍欲將薩木薩克誘辦。保成等早已密奏。是鄂斯瑞深為可信。又綽克托奏稱。現今阿其睦游牧塔什密里克等處緊要。必需阿其睦管理。亦仍欲消弭之意。獨不思將來阿其睦死後。此處即不得管理游牧之人乎。如此姑息辦理。殊屬不成事體。據此看來。伊勒圖竟不必前往喀什噶爾。若去。反致張皇。使衆回布魯特等疑懼。綽克托現今領阿其睦等前往喀什噶爾。途間接到朕旨。即可將阿其睦等拏解前來。倘途間尚未接到諭旨。到喀什噶爾質審時。接到朕旨。可將阿里木。阿其睦。額穆爾。鄂斯瑞等。一併解送前來。過二三站。再將鄂斯瑞放回更妥。

不然。綽克托途間接到伊勒圖之札。將阿其睦帶回烏什。候朕旨到。即將阿其睦。額穆爾。併伊姪燕起。一併拏解來京。辦理亦妥。總之不可任伊等一味姑息。惟求消弭耳。但將阿里木。阿其睦。額穆爾。燕起等拏解後。伊等各屬戶口。必須妥為撫慰。即將色呼庫勒游牧之伊弟昆楚克及伊子一併調至喀什噶爾。加意撫慰看守。不可令即回游牧。致生事端。再阿其睦等拏獲來京後。布魯特游牧事務亦須妥協分晰辦理。方能永遠寧謐。朕思於布魯特中。如察罕雅素者。揀派數人。作為比銜。分設游牧。各自管理。則事權已分。即有事亦易辦理。著傳諭伊勒圖。綽克托。保成。鄂斯瑞等。知之。將此由六百里加緊發往。理藩院奏准。盛京刑部咨稱。據盟長恭格喇布坦等咨稱。永圖郡王羅布藏占散游牧流民。驅逐不去。且持械相拒。請部示遵辦。得旨。此事著賽音伯爾格圖馳驛前往辦理。並咨行永

瑋令帶兵百餘名與賽音伯爾格圖及該盟長會同查拏。但此七十餘人內應有首從亦必有空手附和者。著交永瑋賽音伯爾格圖等拏獲時審明持械首犯即於該處正法以示炯戒。為從者發往新疆給厄魯特兵丁為奴。其餘附和人等皆係久在口外謀生一時盡逐必致失所。著就近分給盛京錦州等處莊頭派令耕作。蠲免安徽懷寧桐城宿松望江貴池東流靈璧泗州盱眙天長等十州縣安慶鳳陽泗州等三衛乾隆四十八年分水旱災額賦其不成災之合肥壽州鳳陽懷遠定遠鳳臺五河長淮等八州縣衛額賦分別蠲緩有差。福建巡撫雅德疏報古田同安霞浦上杭福安漳平等六縣乾隆四十七年分開墾地二頃七十九畝有奇。是日御舟駐蹕中林家莊大營。已卯諭曰莊存與奏本年會試各省舉人年屆九十者一名八十以上者二十名七十五以上者五名皆三場

完竣未經中式等語。此次年老舉子應試者至二十六名之多皆年躋耄耄志切觀光允為昇平人瑞著交吏部查照向例分別賞給京銜以示朕引年勸學嘉惠士林之至意。諭軍機大臣等據金簡奏修建辟雍工程有應行增減更改之處擬將池中蓄水四尺儘足適觀等語朕意止須三尺儘足適觀且易於添換新水可無停蓄垢汙之虞著傳諭金簡遵照妥辦務率同該監督等將灰土磚石如法成做築打堅實不使稍有滲漏方為妥善。至殿座四面仍應添安擎簷庶足以壯觀瞻且所費亦屬無多仍照原奏辦理至德成前往西安查辦城工止須將工程做法砌築一二段即可交畢沅徹照辦理何必等候全完耶伊現在經手工程尚多著傳諭該侍郎接奉諭旨後即迅速起程來京會同妥辦將此傳諭金簡並諭德成知之。諭軍機大臣等昨據伊勒圖奏稱阿里木阿其睦等誣告

鄂斯瑞之事。反稱鄂斯瑞滋生事端等語。甚屬非是。薩木薩克使人與喀什噶爾回人勾通書札。饋贈銀物。若鄂斯瑞不向保成密告。則終不能知矣。設使伊勒圖如鄂斯瑞為喀什噶爾阿奇木伯克。竟不將此事訴知彼處大臣乎。如恐布魯特煽動。消弭辦理。則竟似畏阿其睦者。尤屬不合。況今將阿其睦拏獲前來。布魯特等煽動與否。尚在未定。若令仍回游牧。伊已誣告鄂斯瑞。恐日後鄂斯瑞懷恨。必至煽惑布魯特。激生事端。即使去後。不敢滋事。或竟遠颺。則又添一事矣。現因伯爾克逃遁。尚在未獲。阿其睦倘再奔竄。又需派人索取。事將何所底止。伊勒圖乃經練事務之人。豈不慮及於此。試思此事草率完結後。伊勒圖綽克托二人。能保阿其睦等不互相為仇乎。倘有變動。伊二人能當其罪乎。此並非朕尋阿其睦之疵。必欲如此辦理。乃其自取之辜。以至於此。豈可不加懲戒。如將阿其

睦等解京後。審訊果無甚罪。朕必施恩。將伊仍放散秩大臣。在京居住。於伊無虧。且亦伊之厚幸。著傳諭伊勒圖。此事如此辦理。可以完結。伊不必前往喀什噶爾。即回伊犁。候綽克托保成等咨報時。相機遵照朕前降諭旨。辦理。不可遲疑。將此旨由六百里加緊發往。○漕運總督毓奇。倉場侍郎將賜祭奏。臣蔣賜祭回路。取道楊莊運口。沿河查探水勢。行至宿遷。與臣毓奇會同探量。至黃林莊。復差查韓莊微山湖。水比往年均屬有盈無絀。現經河臣李奉翰。委員將湖口二閘啟板。下注江境。自此源源南來。可一律深暢。仍飛咨河東河臣蘭第錫。相機將湖口雙閘並八閘多啟數板。以資接濟。得旨嘉獎。是日御舟駐蹕順河集大營。○庚辰。御舟駐蹕王家莊大營。○辛巳。諭軍機大臣等。昨自渡黃北上。每日間有古淺處。所看來皆一律長水。自係該總河等啟放湖閘。以備御舟行走。若徒聽其



順流南下。誠為可惜。所有現到停泊各幫糧艘。如在御舟前行走。未免有礙。緯道。莫若趕此水足之時。即令其緊跟御舟後隨行。各船銜尾北上。既可省起剥之費。又得先期交兌。實為兩有裨益。總在後卡之外。何妨著傳諭毓奇。即行親率該管員弁。督催行走。不可停泊久候。以致水退河淺。又費周章也。將此速行傳諭知之。○戶部議准。湖北巡撫姚成烈疏稱。湖北督撫二標新添兵。應需本色月米。

平定縣志卷之三

二

除將裁扣養廉公費抵給。尚不敷一千五百餘石。應於裁扣不添兵之衛昌等營養廉公費。及沔陽等州縣支剩米內派撥。但各該處途遠。致多糜費。應請自四十八年為始。於漢陽應兌湖南漕米內撥出三分之一。就近運貯武昌府倉支放。即以江陵沔陽等州縣裁扣支剩米解荊州倉抵款從之。○是日。御舟駐蹕涪口鎮大營。○壬午。諭軍機大臣等。前據綿恩等奏。碧雲寺泉水有油灰。蘇刀堵塞。

實錄卷一百三

二十

來源。經營各員及匠役等。顯有情弊。已降諭旨。將姚良等革職。拏交慎刑司。派留京王大臣等。會同秉公嚴審。迄今已半月有餘。何以尚未見審明覆奏。此事祇須將園丁匠役等。嚴切根究。無難審出實情。著傳諭留京辦事王大臣等。會同綿恩。迅速審辦。即行覆奏。○又諭。據綽克托奏稱。阿其睦同伊弟額穆爾。至烏什控告鄂斯瑞。所有伊勒圖保成等咨文。皆未聽從。仍將阿其睦帶往喀什噶爾等語。看此奏。綽克托竟不敢違背阿其睦之語。實屬可笑。過於怯懦矣。此事綽克托到時。令阿其睦與鄂斯瑞對質。如各執一詞。綽克托不能剖斷。即接得朕旨。將阿其睦迅速拏解來京。此即

上天默佑事成。甚妥。綽克托如不能問得頭緒。將阿其睦鄂斯瑞一併解送伊犁。交伊勒圖辦理。亦好。此尚係綽克托之福。倘草率完結。已將阿其睦等放回游牧。則又斷不可拘泥。

朕旨。復聲張趕拏。以致驚竄。尚宜不動聲色。暫緩究辦。至英吉沙爾阿奇木伯克阿里木。誣告鄂斯瑞呈內。有遜都拉和卓等三阿奇。木伯克之名。保成初審時。雖以為不相干涉。但原係阿里木與之商同列名。嚴審時。始畏罪將實情供出。不可遂謂無罪也。綽克托。可將伊等阿奇木伯克革退。於回衆中另擇賢能者。奏請補放外。惟將阿里木派侍衛章京拏解來京。其餘實係不相干涉回人。均皆撫

實錄卷一百三

三

綏完案。斷不可多累回衆。錯誤辦理。此事先降之旨未到。恐綽克托等已草率完結。故另降訓諭。由六百里加緊傳諭伊勒圖。綽克托保成。敦福。鄂斯瑞。相機妥辦具奏。綽克托。如已將阿其睦等放回游牧。照常安靜。則已。倘逃往他方。另生事端。朕惟綽克托是問。彼時伊之罪居何等。伊自思之。再綽克托摺內。又稱。伯爾克之事。那爾巴圖所遣之人拜瑪特。已至喀什噶爾。請俟伊勒圖所遣德祿回時。

辦理等語。所奏更屬非是。那爾巴圖既遣使前來。綽克托。至喀什噶爾訊問後。即當遵旨。將伊留以為質。又何必拘執奏聞。著傳諭綽克托。伊至喀什噶爾時。將拜瑪特來意問明。此時德祿亦可回來。必須決斷辦理。將此諭知伊勒圖。遵照辦理外。併諭阿桂知之。○旌表守正被戕直隸東鹿縣民梁時興妻王氏。○是日御舟駐蹕萬年倉大營。○癸未遣官祭徐州。

實錄卷一百三

三

河神廟。○軍機大臣議覆陝甘總督李侍堯等奏。移駐涼州莊浪官兵各事宜。一。官兵應需俸餉糧草。照乾隆三十八年例。酌量借支。俟官兵到齊日。覈數歸還。其每年俸餉。照涼州莊浪舊定科則支給。一。兵丁甫到。日用什物。皆須添置。請各借支一月錢糧。分二年扣還。一。兵丁出差接濟銀兩。請將議裁官兵存項通融酌辦。一。涼州添設佐領二員。莊浪添設佐領一員。應用圖記。照例擬定字樣鑄給。

一馬兵應立馬匹。循例先借給銀十兩購買。分三年扣還。一盛甲。兩處現有贏餘遺存一千九百餘副。應會地方官挑選修補。至弓箭撒袋。令兵丁自帶。一涼州增給威遠礮四位。莊浪增給威遠礮二位。請以涼州現有贏餘礮位分撥。一官兵應用旗纛。交地方官製造。烏鎗按照六分鎗手兵數派旗員會同地方官製造。均應如所請從之。○軍機大臣議覆四川總督李世傑奏。川省銅礦。現查西昌縣金馬廠。冕寧縣金牛廠。會理州金獅廠。產銅旺盛。請派員管理。以專責成。其沙溝廠。紫古喇廠。篋絲羅廠。年久山空。應行封閉。並令刪去舊廠名色。免滋牽混影射之弊。至獲銅轉解。責成道府廳員。查催稽察。仍歸省局考覈。銅勛經過之處。於雅安縣地方。添卡巡查。寧遠府屬各廠產銅。自本年正月為始。儘數解交府局。不得停留。每年獲銅鑄錢存息數目。造冊報銷。務使年清年款。皆為慎重銅務起

實錄卷一百三十三

三

見應如所請。至該督所奏現在各廠僻在山谷。有必須本境地方官專辦者。毋庸另行委員之處。雖屬因時制宜。但未將某廠應屬本任某廠應用委員。分晰聲叙。應俟該督具奏到日再議從之。○是日。駐蹕柳泉行宮。翼日如之。○甲申。

上祭徐州

河神。○是月。署河東河道總督蘭第錫。山東巡撫明興。奏。濟寧以南。運河隄埝。閘壩等工。

實錄卷一百三十三

四

全行完竣。計修復官隄。共長五萬一千八百七十七丈。兩岸民埝。此次統歸官辦。計長一萬四千五百六十三丈。又修復大閘二十四座。單閘十九座。橋二座。滾水壩二座。水口裹頭四十二座。洩水涵洞十二座。俱於閏三月十一日完工。臣等逐段察看。一律堅實。不特緯路通行無阻。而沿河從前被水居民。亦得力作自給。得旨嘉獎。○蘭第錫又奏。黃河南北廳屬各堡。所估春鑲工程。先儘舊料。撙節辦

理其各工貯料逐段抽查存記覆驗以杜弊混查祥符下汛時和驛八堡有外越圈堰一道現今時有積水草工多朽壩根喫重該廳營請加內餞臣思水中築餞未能得力擬於堰外較高處展寬二十餘丈接築圈堰東抵大隄既可省加修草壩而攔禦溝槽更為得勢現在覈實辦理至兩岸各平工多有順隄窪形應將各處防風土壩擇要修整並於灘形低窪處斜挑倒溝通入大河庶可免吸溜

續修志書

卷五

而隄根之水亦有去路又兩岸新植柳樹甚為稠密得旨足見留心知道了河南巡撫何裕城奏懷慶府屬河內濟源武陟孟縣溫縣濱臨沁河向於太行山五龍口石嶺鑿山引水為渠灌田又濟瀆東西兩渠亦資灌溉迨後漸就堙塞臣督率府縣各員親詣該處履勘將五龍口廣濟豐利永利各渠自二月初十日開工三月初二日完竣茲三月以來渠水下注甚為暢達現在濱河各縣麥苗茂

盛秋禾亦均佈植實藉渠水澆灌之力得旨嘉獎

大清高宗法天隆運至誠先覺體元立極敷文奮武孝慈神聖純皇帝實錄卷之一千二百三

大清高宗法天隆運至誠先覺體元立極敷文奮武孝慈神聖純皇帝實錄卷之一千二百四

監修總纂官太子太傅文淵閣大學士文淵閣領侍衛內大臣稽察欽奉 上諭事件處管理

吏部理藩院事務正黃旗滿洲副都統世襲副都統功加七級隨帶加一級尋常加二級軍功紀錄一次歷履

總纂官經筵講官太子太傅文華殿大學士文淵閣領侍衛內大臣稽察欽奉 上諭事件處管理刑部戶部三庫事務

世襲副都統軍功加十九級隨帶加二級人加二級謹詣內大臣戶部尚書鑲藍旗滿洲副都統軍功紀錄五次

尋常紀錄十四次世襲經筵講官太子少保工部尚書紀錄六次世襲振鐸等奉

敕修

乾隆四十九年甲辰夏四月乙酉朔享

實錄卷一千二百四

太廟遣豫親王修齡恭代行禮○遣官祭周先

賢仲子祠任子祠明臣宋禮祠○諭昨據何

裕城奏豫省各項試用人員至二百餘員之

多候補需時不免壅滯除酌量留豫補用外

其餘各員請改發缺多人少之省分照例題

咨補用一摺已批交該部議奏矣因思此項

分發試用人員需次無期自應設法疏通俾

得即時効用但各省正佐雜職自有一定額

缺若以河南一省候補人多改發別省而別

省亦各有分發候補人員不能增出額缺如

以改發之員則此絀彼贏仍不免窮年坐守

於疏通之法終無實際此等人員在省候缺

一切薪水之費雖給有公項需次日久終恐

不敷且該員等分發各省後例應照到省日

期挨次補用與其在省守候資斧維艱莫若

量為變通以示體恤嗣後試用人員除情願

在省候補者仍聽其留省候補外如有因補

期尚遠資用拮据者准其呈明回籍俟班次

實錄卷一千二百四

應行挨補時即由該督撫行文各該員本籍

令其仍赴分發省分補用如此則試用人員

既不致限於額缺擁擠堪虞且回籍後可以

各安家食於生計更覺裕如而一屆應補之

期仍可即時自効其應如何酌定章程之處

著交吏部同何裕城原摺一併詳悉妥議具

奏尋議分發各省人員嗣後每二年按額缺

人數查覈一次有應改發者奏請辦理欲回

籍者准呈明聽其自便再大挑捐納議敘分

發試用正佐各員。亦照新例。准其呈明回籍。此內有從前試用日期。深於現在留省者。遇有缺出。除將留省人員。揆補外。仍行文原籍。令其赴補。到日。按班補用。從之。○又諭山東運河隄岸各工。前經發帑興修。現已一律完竣。辦理甚為妥速。蘭第錫何裕城。明興俱著交部議敘。其道府以下各員。著蘭第錫明興查明具奏。實在奮勉出力者。交部從優議敘。其次出力者。交部議敘。其餘隨同在工未經

實錄卷一百四

三

出力者。亦不必濫行敘入。至効力各員。或留工委用。或留地方差遣。並著蘭第錫明興分別查明。酌議具奏。○又諭曰。李封陳淮前因陳輝祖案內革職。其獲咎尚輕。且在運河工段効力。亦能奮勉。尚可加恩錄用。李封著補授四川寧遠府知府。陳淮著補授山東青州府知府。○又諭曰。僧人珍貴。呈控各款。內有將已免錢糧。仍按戶徵收一節。若果有其事。實屬大干法紀。此案如但交盛京將軍府尹

審辦。未免心存迴護。且不足以服原告之心。至珍貴以僧人挾嫌干與地方。列款首告。非安分之徒。倘所控涉虛。應重治其罪。著派刑部侍郎塔琦。帶同司員馳驛。由行在取道前往該處。提集犯證。秉公嚴審。定擬具奏。所有原告僧人珍貴。著傳諭綿恩。即派員解交山海關副都統果星阿收管。俟塔琦經過時。帶往審辦。○又諭據敦福奏。稱達福已至喀什噶爾。所有應交代之事。盡皆詳細說明。伊即

實錄卷一百四

四

起程進京等語。甚屬謬妄。敦福竟非人類。昧盡天良。現有喀什噶爾之阿里木。阿其睦等控告。並索取伯爾克之事。均未辦結。敦福竟思回家棄置不辦。是何道理。此等案件。皆係伊會同保成。列名具奏者。自當俟奏摺如何批回。乃伊竟安於無用。在彼處儼同局外。設使伊欲塞責。亦應奏請暫留。俟阿其睦伯爾克等案件。辦理妥時。再行回京。伊果如是。朕必獎賞。譬如伍岱。法靈阿。年滿更換人到。並

無現辦要事。理宜交代回京。若亦飾詞奏留。朕必將伊等申飭。今敦福並非無事處可比。此皆敦福在外任時。不知行何等傷天害理之事。神鬼使之如此謬妄。竟欲與達福說明交代了事。實為笑談。況敦福在巡撫任內。辦理不善。朕並未將伊治罪。僅發往喀什噶爾効力。係朕格外施恩。伊毫不知感。種種錯謬。有似瘋癲。大失滿洲體面。糊塗之極。漢大臣內有似此者。朕尚治罪。敦福係滿洲世僕。更

實錄卷二〇四

五

宜從重治罪。以示懲誡。敦福著革職。發往伊犁。交伊勒圖派令充當苦差。聽其遣使將此交陝甘總督哈密吐魯番喀喇沙爾庫車烏什大臣等。俟敦福行至何處。即將此旨傳諭革職。由彼發往伊犁。並著綿恩阿桂查明敦福有無子嗣。若有子。將現當何差具奏。並嚴行查抄敦福家產。以示懲儆。此因敦福平日糊塗。朕姑將伊寬恕。倘係明白曉事之人。敢於如此。朕必將伊正法。○是日。御舟駐蹕韓

實錄卷二〇四

五

家開大營。○丙戌。諭。昨因山東省運河隄岸各工。修理要速。已降旨將蘭第錫。何裕城。明興。及在工出力人員。分別交部議敘矣。因思從前堵築青龍岡壩工時。漫水由微山湖下注。曾降旨命薩載等籌勘去路。旋據該督等將微山湖下游之顧家莊引渠。開挑寬深。及駱馬湖各開壩。次第啟放。分洩水勢。故微山湖運河得以速消。運河乃可興工。則薩載李奉翰之功。亦不可泯。又高堰改砌石工。徐州韓家山接築石隄各工。皆尅期歲事。在工人員均屬奮勉。薩載李奉翰俱著交部議敘。其辦工出力人員。並著薩載等查照昨降諭旨。分別等第一體。交部議敘。○蠲免直隸宛平房山良鄉易州涞水等五州縣乾隆四十八年分額賦有差。○予故兵部尚書額駙公福隆安祭葬。如例。諡勤恪。○是日。御舟駐蹕常家口大營。○丁亥。諭。軍機大臣等。據伊勒圖奏。阿其睦誣控鄂斯瑞一事。意欲消弭殊屬

錯謬著傳諭伊勒圖等即將阿其睦拏解來京。妥密速辦。將此由六百里加緊發往。○又諭據蘊端多爾濟等轉奏。哲布尊丹巴呼圖克圖。替伊弟喇布坦納木扎勒。懇請賞給花翎等語。喇布坦納木扎勒。原係哲布尊丹巴呼圖克圖之弟。又承襲伊父索諾木達什之公爵。著照所請。加恩賞戴花翎。將此併諭博清額等知之。○是日御舟駐蹕新挑河大營。○戊子。諭曰。託雲所遺阿勒楚喀副都統員

缺。著福珠禮調補。福珠禮所遺鑲藍旗漢軍副都統員缺。加恩以敦倫泰補授。○諭軍機大臣等。據保成奏。訊有未經攢斂錢物之回人艾什霍卓等。現交看守等語。此等無過回民。毋庸查拏看守。著傳諭保成等。即行釋放。免致回衆驚疑。綽克托。仍將阿其睦妥速拏解來京。○又諭。今日阿桂奏到。亦知阿其睦誣告鄂斯璘一事。不可消弭。朕於此事。非欲過於搜求。儻令阿其睦等仍回游牧。伊所屬

之布魯特。或構釁端。轉難辦理。著傳諭阿桂外。並將此旨及阿桂摺。寄伊勒圖閱看。仍遵前旨速辦。○是日御舟駐蹕濟寧州大營。○己丑。諭曰。慶玉等奏。三月二十六日。行在發交庫掄報匣。誤遞至吐魯番。經圖思義駁回。已轉齎李侍堯。仍發庫掄等語。哈密為新疆門戶。慶玉。穆和蘭。於誤遞報匣。並未留心查出。迨經圖思義駁回。後始行轉送。往返稽時。慶玉。穆和蘭。俱著交部察議。○諭軍機大臣

等。本年江浙一帶雨澤霑足。二麥極為茂盛。自渡黃以北。麥田稀密不一。地土乾燥。頗覺望澤。近日早晚氣候較涼。自有得雨處。所若德州迤北地方。得雨相去甚近。此時早經奏到。或係江南所屬。續得透雨。亦未可定。何以未據該督等奏報。朕心甚為懸注。昨薩載送駕後回任。自應順道詳悉查看。著傳諭薩載等。將黃河以北。是否得有雨澤。麥收分數如何。及大田有無妨礙。是否尚須緩借加恩之



處即行查明。據實迅速覆奏。不可稍存諱飾。  
○又諭前據李侍堯奏。軍機處自浙江石門鎮。發交庫掄報匣。誤遞至吐魯番地方。經圖思義查出駁回。現在改填。仍發庫掄一摺。已諭令兵部挨站行查矣。此等文報事件。均關緊要。各處驛站接到後。自應照依發單填寫地方。按站遞交。何得任意錯誤。且自浙江至吐魯番。程途甚遠。經過各省驛站。該地方官均未經看出駁回改發。豈於文報經過。竟全不寓目耶。督撫等有地方之責。或未經看出。其咎尚輕。至哈密為新疆門戶。慶玉等並無別事。尤應一切留心。除另降清字諭旨。飭諭外。各省督撫。雖事務較多。文報要件。亦應加意查察。著傳諭江南。河南。陝西。甘肅。各督撫。於庫掄報匣。於何處錯發。挨站查明。叅奏。嗣後遇有緊要文報。務宜留心馳遞。毋得疎忽貽誤。尋兩江總督薩載奏。誤遞庫掄報匣。係委管京口臺把總洪標。首先錯遞。應同稽查

臺站之饒州府同知邢璵。及挨站誤發各員。請交部議處。下部議。尋議。洪標照例降二級調用。邢璵降一級調用。接遞各員。均降一級留任。總理臺站署江寧鹽道王兆崇。罰俸一年。江蘇巡撫閔鶚元。安徽巡撫富躬。均罰俸六個月。從之。○吏部奏。四庫全書處行走已滿五年之騰錄程世英等九十九人。照題定條例。分別議敘。從之。○是日。御舟駐蹕大長溝大營。○庚寅。

上詣

禹王廟。分水

龍王廟行禮。○諭曰。李世傑奏。松潘鎮總兵劉倬。舊傷舉發。動履維艱。請解任調理等語。劉倬准其回籍調理。所有四川松潘鎮總兵員缺。著穆克登阿調補。所遺員缺。著趙邦詔補授。○定綠營告休人員食俸例。諭據李世傑奏。松潘鎮總兵劉倬。舊傷舉發。動履維艱。請解任調理等語。已降旨准其解任回籍調

理矣。向例武職旗員。年至六十以上。因老病告休。曾經出兵打仗受傷者。皆加恩給與全俸。其綠營並無此例。惟念綠營人員。既能効力行間。打仗受傷。為國家出力。後因老病告休。不能與旗員一體邀恩食俸。未免向隅。朕於滿漢官員。從無歧視。嗣後綠營告休人員。除未經受傷者。仍照向例辦理外。其年屆六十以上。因老病乞休。曾經打仗受傷者。俱著照旗員之例。一體給與全俸。著為令。以示朕

實錄卷一百一十五

五

優恤戎行。一視同仁之至意。其總兵劉倬。即照此例辦理。○又諭前據舒常等奏。審擬廣東海豐縣民黃亞水。傳授符術。鍾亞金等暗用隱形法。輪姦呂邦球之童養媳。呂謝氏。將鍾亞金等問擬斬決一摺。已批交三法司覈擬速奏。並據覈覆奏到矣。細覈此案。疑竇尚多。據福康安奏。在粵提犯研鞫時。鍾亞金等從黃亞水學習符術。僅止十餘日。該犯等家中搜出符咒。係祈禳治病所用。藉此騙錢。並

無隱形符術。呂謝氏於八月內被姦。伊翁呂邦球。何以至十一月始行赴縣控告。究詰之下。供詞亦屬游移等語。邪術迷人。最為風俗人心之害。甚至姦污婦女。情罪更重。自應盡法懲治。以除妖妄而安良善。但隱形法術。前所未聞。豈學習旬餘所能精熟。况該督等摺內。又稱隱身之法。黃亞水秘不肯傳。各犯亦未學習。乃臨時給與隱形符。遂能迷人作祟。入室行姦。有是理乎。且呂謝氏與呂邦球之

實錄卷一百一十五

五

母老許氏。同牀睡宿。鍾亞金等既隱其形。何以行姦。若第隱形入室。復又露體行姦。則老許氏豈竟全無知覺。况呂謝氏被姦時。既稱連日昏迷。又何以知輪姦之為鍾亞金。江亞武。而伊翁呂邦球。又復隱忍不言。直至數月後。始行指名控告耶。又稱此術若見官府。及犯姦污。俱不靈驗。豈既有輪姦之事。反能仍舊隱形之理。若黃亞水等實有隱形法術。自可藉此隱身遠遁。豈能即時就獲。亦必當試

驗果能焚符隱形方可憑信摺內俱未訊及種種情節甚屬可疑看來此案竟係李天培迴護原審有意周內而舒常孫士毅俱新蒞粵省未及詳鞫遽爾定案朕矜慎庶獄罪疑惟輕即笞杖小刑亦必斟酌情罪歸於允當不肯使一夫屈抑况首犯黃亞水既已監斃轉使初學無辜之犯情節未真遽忍令駢首就戮耶李天培現於軍犯譚亞浩越獄脫逃及監犯黃亞水病斃一案部議降二級調用著來京候旨所有鍾亞金等一案著交舒常孫士毅虛心訪察再行秉公研鞫務得確情迅速覆奏李天培既已來京其餘司道等自不敢仍行瞻顧該督等又非原奏之人何所用其迴護而不平反此獄以成信讞耶刑部覈覆原摺著暫存軍機處俟該督等覆奏到日再降諭旨○諭軍機大臣等前據綿恩等奏碧雲寺泉水有石塊油灰蔴刀堵塞來源經管各員及匠役等顯有情弊因派留京王

大臣等會同秉公嚴審日久未見奏覆曾降旨令其迅速審辦迄今又閱旬日何以尚未審明覆奏該處泉源或被本山沙石壅塞以致流行不暢尚屬事理所有至於油灰蔴刀等物不應泉內所有明係有人堵塞即使勒捐煤窑稍得餘潤自必歸之該管官員伊等丁役等未必即能得利斷不肯如此舞弊致干重戾自必另有主使之人情弊顯然此案只須將該丁役等切實根究反覆開導諭以此事若將主使之入據實供出即與伊等無涉倘含糊不吐必致嚴行訊問何苦既不得利又代人受罪如此詳悉開導設仍不肯供出即當加以刑訊無難審出實情從前綿恩查奏時自係確有所見况此事與伊無涉綿恩又係曉事之人必不肯有意搜求其中情節易於審辦乃幾及一月尚未究出殊不可解六阿哥素性寬厚又兼管內務府事務金簡即係內務府之人於該園官員或不免意

存瞻顧。阿桂於此案無涉。何以任其遲延。即使未得確供。難以定案。何以不將大概情形。先行寄知。行在軍機大臣。豈終於不結。竟成疑案。可存而不論耶。著傳諭留京王大臣等。會同綿恩。金簡。迅速審辦。即行覆奏。勿任支吾延緩。○又諭連日經過山東地方。風埃甚大。地土乾燥。頗覺望澤。未知京城日內曾否得雨。田禾長發情形若何。若現在亦缺少雨。澤著留京王大臣。即行虔誠祈禱。以期甘霖霑沛。仍著將現在情形。據實覆奏。尋奏。自閏三月得雨後。大田普種。二麥結穗。至本月初五。及初九日。微雨不成。分寸遵旨設壇祈禱。報聞。○是日。御舟駐蹕王老口大營。○辛卯。常雩祀。

天於

園丘。遣肅親王永錫恭代行禮。○諭曰。朕清蹕巡方。優惠耆年。江浙兩省。已普加恩。賚至直隸山東。為經過地方。向來不在此例。茲仰承

天眷。喜得五世元孫嘉慶。駢臻恩施。宜渥所有直隸山東三省老民老婦。俱著加恩一體賞賚。用溥壽祺。○諭曰。朕巡幸江浙。慶典覃敷。於庶獄尤深矜恤。業已降旨。照歷次南巡之例。將江浙二省軍流人犯。減等發落。但念山東直隸二省。現在缺雨。農田望澤。維殷。清理庶獄。亦可感召。

天和。所有該二省軍流以下人犯。亦著一體加恩。減等發落。用普仁施。以期甘霖速霑。○以原任四川布政使陳用敷。為廣東布政使。○是日。御舟駐蹕五里堡大營。○壬辰。諭軍機大臣等。昨因悅性山房泉水堵閉一案。將屆一月。並未審結。曾屢降諭旨。詢問留京辦事王大臣等。令其速行審辦。矣。今乃接前次所降之旨。覆奏。訊據明慶供。因水勢不能蓄高。遂令瓦匠溫進德。將生石灰。放在池內。聽其自行和開。或可彌住罅漏。從無此辦法也。又用長柄茗帚。將灰推入深處。而福善則仍執

煤窰有礙泉水。現有之水。即係窰戶灌入。惟求將窰座暫封。便可明白。至姚良祇稱伊未在前面。並無見聞各等語。此奏更不成話。竟與昨日所降諭旨之意。脗合。想來六阿哥金簡。不免迴護內務府官員。此事又係綿恩辨出。阿桂等難於措手。是以一聽姚良等朦混捏供。總不細心究詰。阿桂素稱曉事。宜有此案終無結局。竟可中止。不辨之理。看來姚良惟認糊塗。直似與己無涉。而明慶令溫進德。

平定縣志卷之四

將石灰攪入池內。欲行彌補罅漏。豈有泉水不通。反用茗帚攪灰塞入之理。福善竟敢仍執已見。堅稱煤窰有碍。若果如所云。窰中之水。可以灌入。如此甚好。是園中從此又添一水來路。可以源源接濟。更屬有益。又何必費力尋源覓水耶。再閱綿恩金簡夾片內。稱此泉與悅性山房相近。不在圍牆之外等語。看來竟與煤窰無涉。况窰內之水。與泉水清濁判然。無從影射。總之窰座封閉。便可遂其勒

索嫌隙之私。所謂欲蓋彌彰。情弊顯然。凡此皆通案緊要關鍵。阿桂等不於此處追求駁詰。惟任其誑供。諉卸。殊不可解。若此時尚未得有確供。阿桂等接奉此旨。即照指出條款。再向姚良等切實根究。倘仍堅供不吐。竟將姚良福善明慶及苑戶匠役等俱加刑訊。無難水落石出。萬一該犯等茹刑不吐。朕意不妨暫將伊等監禁。綿恩金簡既稱泉源在圍牆內。爾二人即可率領妥當監督。親往該處將現挖得泉水。並池水引溝。速行如式修補完整。將來水不乾涸如舊之時。則該犯等之舞弊圖利情節。不待訊而自明矣。又何必意存觀望。竟欲顛預了事耶。阿桂等仍將此旨當面宣諭。令伊等各發天良。據實供吐。將來尚可加恩。末減其罪。倘或怙終不悛。俟綿恩金簡將溝池修竣。泉水不竭之時。朕必將伊等從重治罪。即正法示衆。亦無不可。彼時雖噬臍無及。勿謂言之不豫也。阿桂等接奉此

旨。即行遵照迅速究審。定擬具奏。仍將現在曾否續得確情。即速行覆奏。○是日。御舟駐蹕劉家灣大營。○癸巳。軍機大臣議奏。據烏魯木齊都統海祿奏稱。該處每年實銷經費銀十二萬五千五百餘兩。內運腳一項。既已奏設車輛計節省銀五萬九千九百餘兩。巴里坤檔房各項浮費。應裁計節省銀九千六百餘兩。至巴里坤過往官兵鹽菜各項銀二千一百餘兩。吐魯番古城屯田聽差官鹽菜各項銀一萬八千四百餘兩。宜禾縣吐魯番採買借支滿營兵糧各項銀一萬五六千兩。俱應改於哈密支領。惟該處辦事大臣司員筆帖式。養廉各項銀三萬五千五百餘兩。查有奇台縣濟木薩解交迪化州買補倉糧一項。現在糧足停辦。每年約扣銀七千五百兩。各廳縣租稅銀二萬八千餘兩。足敷支領。所有每年內地例解經費銀二十餘萬兩。應停撥。各屬存有變價等項銀七萬二千六百餘

兩。解貯道庫備用。其累年積存經費四十餘萬。解交伊犁移咨陝甘總督。將內地撥解伊犁銀照數截存。均應如所請從之。○是日。御舟駐蹕朱官屯大營。○甲午。諭山東運河前因豫省浸水下注。湖河一片。緯道開壩俱被淹浸。上年河工合龍後。特降諭旨。將東省運河官民隄堰土石各工一律興修。共用銀五十三萬九千四百餘兩。今因例價不敷。加用津貼銀五十三萬餘兩。據該撫明興奏請分年捐廉歸款。毋庸按例攤徵等語。向來黃運兩河間遇緊要工程。採辦料物雇募人夫。官發例價。本屬優厚。即或因物料昂貴。限期稍緊。一時難以取給。於例價之外。復有津貼。不過加至十分之二三。至多亦不過十分之五。儘足敷用。況運河隄岸工程。尤非若豫省之堵築壩工可比。加價銀兩。何以較正項增至一倍。恐其中不無藉端分潤之弊。但朕軫念羣黎。如河南江南等省。一切河務關係民生。

者不惜數千百萬帑金興工修築以期永資捍衛又何靳此數十萬津貼銀兩至官民竭愛耶所有此次東省運河津貼銀五十三萬餘兩若按例攤徵民力固不免拮据即地方官捐廉歸款亦恐不肖之吏有所藉口致滋派累竟加恩准其一體作正開銷以示朕惠愛黎元有加無已之至意即使工員等果有侵蝕浮開等弊將來別經發覺時必當按律懲治所謂與其有聚斂之臣寧有盜臣自不肯因恐有弊端轉致恩澤不能下逮也將此通諭知之諭軍機大臣等據明興奏上年興修東省運河官民隄堰土石各工共用銀五十三萬九千四百餘兩因例價不敷加用津貼銀五十三萬餘兩請分年捐廉歸款等語已明降諭旨加恩准其作正開銷矣部定例價較民間本屬寬餘向來黃運兩河間遇緊急要工採辦料物雇募人夫誠恐一時難以取給於例價之外酌加津貼亦不能免然

不過加至十分之二三多亦不過十分之五儘足敷用何至如此次多至加倍而上屆豫省堵築青龍岡壩工甚且加至三倍之多雖朕愛民之心有加無已然工程銷算自有一定章程若俱似此任意津貼工竣後即准作正開銷將來遇有要工不但漫無限制無所底止且恐不肖工員恃有加價之例從中侵蝕浮冒開銷以冀恩免又復成何事體耶朕因黃運各工關係運道生民不惜千百萬帑金俾閭閻永資利賴所有數次津貼銀兩業已加恩寬免此後倘遇各工皆不得援以為例著傳諭薩載李奉翰何裕城永遠存記除就近諭知蘭第錫明興外將此各諭令知之○又諭前據海祿奏烏魯木齊節省經費甚多已交軍機大臣議覆准行矣著將原摺鈔寄伊勒圖閱看即將彼處經費可否應行節省之處悉心籌畫具奏定為久遠章程○軍機大臣議奏據烏魯木齊都統海祿奏稱烏

噶木齊。近日人烟稠雜。請照內地編排保甲。設牌頭甲長保長。按戶填寫門牌。隨時稽察。各廠挖金人等。該地方官給票查驗。應如所請。仍禁胥役擾累從之。理藩院奏烏喇特三等台吉達賚病故。其子瓦木丕勒多爾濟。應否承襲。請旨遵行。得旨。達賚之三等台吉著加恩令伊子瓦木丕勒多爾濟承襲。將來瓦木丕勒多爾濟出缺。後若無勞績。該部毋庸請旨。照例給與四等台吉。是日御舟駐蹕新莊大營。

○乙未諭據伊勒圖奏稱。領隊大臣明山墜馬傷腿。未能痊愈。近又時常多病等語。明山著來京調理。此缺著副都統噶塔布前往伊犁。在領隊大臣上行走。諭軍機大臣等。本日召見劉綏奏稱京南一帶廣平順德二府得雨尚屬霑足。惟大名府雖經得雨。不成分寸。又毗連大名之河南衛輝府各屬。較之大名更覺缺雨等語。豫省衛輝一帶。既缺少雨。澤恐於麥田有礙。現在情形若

何。是否應需酌借籽種。何以未據該撫奏辦。著傳諭何裕城。即將該處曾否續得雨澤。或應酌借籽種之處。迅速查明。據實具奏。以慰廑念。○兩江總督薩載覆奏。淮北尚未得雨。二麥雖結密穗。收成數尚在未定。此後續雨。大田自無妨礙。如需緩借。即奏聞。得旨。知道。了。此處尚未得雨。旌表守正捐軀直隸獻縣民李秉仁妻傅氏。是日御舟駐蹕朱全屯大營。

○丙申諭據特成額等審擬四川酉陽州民邢持試等因爭山界糾眾焚搶烏鎗傷人。分別定擬斬決絞候一摺。已批交該部議奏矣。此案楚民王正明楊朝珍與川民邢持試等爭占山界。自乾隆四十一年起。即連年訐訟不休。如果地方官早為勘明界址。審斷完結。何至輾轉構釁。釀成焚搶重案。乃歷任地方官彼此移關。並未勘訊完結。而該管上司亦付之不知。並未查催致該犯等心懷不甘。糾眾焚搶。可見外省推諉遲延積習。



牢不可破若不嚴加懲處何以儆玩愒而肅官方所有此案歷任互相推諉不行勘審之各州縣著交部查明加倍從重議處其不行查催之歷任各該督撫等亦著交部嚴加議處○是日御舟駐蹕甲馬營大營○丁酉諭軍機大臣等據留京王大臣奏查審悅性山房堵閉泉水一案係窰商韓承宗等誤將泉路剝斷於綿恩等前往該處履勘疏濬時該商等復暗中庫水灌注入池等語此案前經綿恩金簡查勘因有油灰麻刀堵塞泉口將該管官員等據實叅奏朕意必係官員匠役等因勒索窰商不遂是以挾嫌將泉源堵塞洩其私忿為情理所有今既審訊明確實係窰商將泉源誤行剝斷又復畏懼私行引水灌注自應詳細履勘以成信讞但此中情弊姚良乃專管之人斷無不知何以到案不即行供明惟認糊塗直似與己無涉況福善既供煤窰與碧雲寺泉道相通有人力灌溉求

將窰座封閉便可明白是福善早已悉其底裏何以不於綿恩等查叅時即行呈明則此案早經明白何致耽延時日牽引多人及到案究審尚復含糊閃爍不肯據實供吐其不是更大至明慶見池內水泉增長即係灌注之水亦可源源接濟自屬有益何以又令瓦匠溫進德將石灰麻刀攪入池內欲行堵塞殊不可解以上各情節王大臣等並未切實根究著再詳悉研鞠務得確情至窰商韓承宗等既將泉源誤行挖斷自應及早稟明乃隱諱不言又引水灌注希圖掩飾直至嚴切審訊始將實情供吐自當治以應得之罪仍照伊所請即令賠修引溝接濟寺內來水務使永遠接濟不致復有乾涸之事至所稱該商等承認設法在窰內接通活水一節是否係窰中新得之水抑係碧雲寺舊有之泉並著綿恩等查勘明確詳悉覆奏至該處有礙泉水之窰俟引溝修竣泉源復舊時再交綿

恩等查明是何窩座。即行封閉。將此諭令知之。○又諭。前據胡季堂等奏。親往順天所屬沿途各州縣。逐加查看。有無蝗孽萌動。督率辦理等語。蝗蝻蠕動。最為農田之害。胡季堂等既有此奏。或恐順天各屬。漸有萌生。昨召見劉綬。何以未據該督奏及。宜必待長成飛翅。食稼成災。始行搜捕。於事又復何濟。耶。況時屆夏令。雨澤愆期。正蝻子發生之時。不可不實力查辦。著傳諭劉綬。即嚴飭所屬。上緊

設法搜捕。務期蝻孽盡除。毋令稍有孳生。致貽禾稼之患。○又諭。據何裕城奏。河南懷慶衛輝府屬武陟。修武。新鄉等縣。雨澤未能普遍。霑足。現設壇祈禱。至被旱稍深。州縣借給籽種口糧。委司道大員監放。並捐運米石。分廠煮賑等語。昨召見劉綬。據稱河南衛輝各屬。較直隸大名。更覺缺雨。朕心甚為廕念。已降旨傳諭何裕城。令將該省麥田。有無妨礙。應否借種加恩之處。據實速奏。今該撫將該

處現在情形。並應行籌辦事宜。分晰奏明。自應如此辦理。該撫務須董飭所屬。實力奉行。務使貧民均霑實惠。毋使失所。以副朕勤恤民隱之意。至山東及直隸。現在待澤情形。與河南衛輝各屬。大約相同。連日甚切盼望。除就近諭知。明與令將應行撫恤事宜。迅速籌畫。並傳諭劉綬。一體查辦外。將此諭令知之。

○戶部奏。果戶趙子孝。控園頭趙聰等。謀奪地畝。請將承審此案。郎中海紹解任。質訊得旨。此案郎中海紹。於園頭爭控地畝一案。並不呈明總管內務府大臣審辦。又不在署斷理。以致趙子孝。明無故自戕。實屬非謬。顯有情弊。未便祇令解任。海紹即著革職。交刑部提同案內人證。東公研審具奏。○是日。御舟駐蹕石屯汛大營。○戊戌。諭。據富綱奏。安插東川府城土目之跟役。嚴望脫逃。該管文武。交部分別議處。一摺。土司安插內地。原為易於防範稽查。乃東川府城。竟有土目跟役脫逃。

之事。非疎防尋常逃犯可比。所有該管文武各官。俱著交部嚴加議處。富綱平日督率不嚴。亦有不合著飭行。其脫逃跟役。並著該督嚴飭各屬一體截拏務獲。按律治罪。毋致遠颺漏網。諭軍機大臣等。據海祿奏。奇台縣知縣揚桑阿。冒銷運腳銀三千八十餘兩。侵蝕租稅銀五千五百餘兩。照侵盜錢糧一十兩以上定議斬候一摺。已批交三法司覈議速奏矣。烏魯木齊自都統索諾木策凌營

平定卷二二四

七

私貪縱。該處州縣通同侵冒。目無法紀。業已按律治罪。明亮又復庸懦無能。毫無整頓。乃甫經懲創之後。揚桑阿復敢仍蹈故轍。既捏造撥運米石。冒銷腳價三千餘兩。又侵蝕稅課銀至五千五百餘兩之多。種種玩法貪婪。實出情理之外。按律定以斬候。將來秋審時亦必予勾。計部覆到彼。已將屆勾到之期。不遠。况該處歷任廢弛已極。今既屢經敗露。不可不從重懲治。以儆將來。所有揚桑阿一犯

平定卷二二四

下

著刑部堂官於議覆時。改擬斬決。並傳知海祿。於部覆到日。即在烏魯木齊將揚桑阿正法示衆。其該犯原旗家產。並著阿桂會同綿恩查抄。備抵歸款。至海祿另摺所奏。查出叅草迪化州知州觀成虧缺庫項各款。觀成前於造銷運腳案內。業經將原旗家產查封備抵。並令海祿將該犯解交李侍堯審辦。今復經海祿查出觀成有虧短庫項。據稱有款可抵。著傳諭海祿即行徹底清查。若果有可抵則已。如有侵蝕入己情弊。即應照揚桑阿之例。審明定擬。觀成即照海祿所奏。留於該處就近查訊。毋庸解送甘省審辦。將此各諭令知之。○又諭。據恒秀奏。呼倫貝爾與俄羅斯接壤之朱爾台等處卡座。每年出派官兵駐劄巡查。仍派總管嚴防等語。所奏尚是。著將此摺鈔寄蘊端多爾濟勒保等閱看。傳諭伊等嚴示駐卡台吉。不時巡防。並諭令恒秀知之。○軍機大臣議覆。據伊犁將軍伊勒圖奏

稱遣犯到配後實在悔過安分方准入廠五年內始終奮勉准為民再効力十年准回籍為奴者期滿止准為民不准回籍應如所請並行知烏魯木齊都統一體遵照從之○是日駐蹕德州行宮○己亥旌表守正捐軀貴州普安州民馮汝潮妻楊氏○是日駐蹕景州絳河行宮

實錄卷一百二十四

五

大清高宗法天隆運至誠先覺體元立極敷文奮武孝慈神聖純皇帝實錄卷之一千二百四

大清高宗法天隆運至誠先覺體元立極敷文奮武孝慈神聖純皇帝實錄卷之一千二百五

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉

吏部理藩院事務正黃旗滿洲副都統世襲騎都尉軍功加七級隨帶加一級事功紀錄三

總裁官經筵講官太子太傅文華殿大學士文淵閣領閣事領侍衛內大臣稽察欽奉

世襲騎都尉軍功加九級隨帶加二級人加二級謹詣內大臣戶部尚書理藩院滿洲副都統軍功紀錄五

尋常紀錄十四次謹將官太子少保工部尚書紀錄六次謹將職等奉

教修

乾隆四十九年甲辰四月庚子諭曰原任禮

實錄卷一百二十五

一

部侍郎加贈尚書蔡世遠之孫蔡本崇前來行在接駕進獻賦冊念伊祖於雍正年間在尚書房講學有年眷懷綦切著加恩將伊孫蔡本崇賞給舉人准其一體會試○又諭曰刑部題覆安徽省程尚儀砍傷小功服孀程劉氏身死定擬斬決一本固屬罪無可加已照簽批發矣但覈其情罪該犯因圖姦姪婦錢氏未成被伊孀程劉氏詈罵反生氣忿頓起殺機砍傷毆死實係因姦故殺尊屬該部

按律定擬僅依卑幼毆本宗小功尊屬死者律擬斬立決。覈之該犯因姦故殺情節尚未允協。嗣後如有此等案犯應將因姦故殺專條援引定罪。如律內未有此條即著刑部堂官另行酌擬添入條例尋議本律上應添卑幼因姦故殺尊長字樣。原定罪止斬候者改斬立決從之。○諭軍機大臣等據劉戡奏新城縣於十三日申時得雨三寸。涿州通州武清各得雨二寸。胡季堂奏報武清得雨分寸相同。又同日據虞鳴球奏昌平州亦於十三日申時得雨二寸。順義縣於十四日得雨二寸。各等語。連日西北一帶雷電間作雲氣甚濃。早晚氣候涼爽。今據胡季堂等具奏近京各屬得雨二三寸不等何以未據留京王大臣奏及。此次得雨雖未霑足究係

天澤安知非京城設壇虔禱感孚靈應即使得雨不及一二寸亦應奏報朕盼望甘澍時屢憂勞王大臣豈念不及此著傳諭留京王大

臣即將十三四日曾否得雨及現在有無續得雨澤之處迅速覆奏以慰懸注將此由四百里諭令知之著即由四百里覆奏尋奏京城十三四兩日得雨未成分寸十八日復雨入土寸餘仍虔誠祈禱報聞○是日駐蹕紅杏園行宮○辛丑

孝端文皇后忌辰遣官祭

昭陵○諭軍機大臣等前據海祿參奏奇台縣知縣楊桑阿冒銷運腳侵蝕租稅共八千五

百餘兩

三

庫項一萬二千餘兩各款已降諭旨令該都統分別嚴辦矣烏魯木齊各州縣因採買穀石一案通同侵冒目無法紀業已按律治罪乃甫經大加懲創之後揚桑阿等復敢朮法侵欺虧那庫項可見種種積弊全未肅除揆厥所由皆因烏魯木齊為新疆門戶差使絡繹酬應紛繁換班官員既不免於例給車馬之外稍有通融而各該州縣又復任情濫應

以至漸形竭蹶。勢不得不那移公項。貪冒侵虧。一經敗露。身罹重辟。業已噬臍無及。烏嚕木齊所屬。既有此等情弊。甘肅一帶衝途各州縣。諒所不免。奉差官員。部給勘合車馬。皆有定數。額外多索。大干禁例。該督即應查明。據實參奏。至自備資斧。効力各員。皆係獲咎之人。罰令出貲自効。若沿途仍復應給車馬。伊等轉得安然就道。資斧裕如是。朕受嚴刻之名。而若輩藉此市情邀譽。且恣侵貪。有是

理乎。況各州縣既欲沽名。又不肯自出已貲。任意虧那。敗露之後。身家不保。該州縣等何苦而出此耶。新疆既有此等侵虧之案。業經海祿查辦。何以未據李侍堯辦及。著傳諭李侍堯。嚴加查察。衝途各州縣。仍有濫支濫應。虧那庫項情弊。立即嚴參。隨時盡法懲治。免致將來復釀成大案也。將此傳諭李侍堯。並諭海祿知之。所有口外一帶臺站。並著李侍堯。海祿。知照一體嚴查辦理。○是日駐蹕太

平莊行宮。○壬寅諭。昨郝碩自江西來接駕。問以地方政務。茫然不中肯綮。看來不勝巡撫之任。著來京候旨。江西巡撫員缺。著李綬補授。李綬赴江西學政任未久。且不必來京請訓。提督江西學政著劉躍雲去。劉躍雲未抵任以前。仍著李綬暫行兼署。○諭軍機大臣等。本日駐蹕直隸任邱縣地方。得雨五寸。雲勢甚廣。自必普遍優霑。因思河南山東及江南徐州一帶。待澤頗殷。朕心甚為廕念。著

傳諭薩載。閔鶚元。何裕城。明興。即將各該處於本日曾否一同得有透雨。現在農田情形若何。迅速查明。據實具奏。○以戶部尚書和坤。兵部尚書福康安。充清字經館總裁。○是日駐蹕思賢村行宮。○癸卯諭。前因河南衛輝一帶。缺少雨澤。恐於麥田有礙。曾降旨詢問何裕城。令其查明具奏。茲據覆奏。該省惟衛輝府屬之汲縣。新鄉。輝縣。獲嘉。淇縣。延津。滑縣。濬縣。封邱。懷慶府屬之修武。原武。陽武。

彰德府屬之內黃及開封府屬之祥符陳留  
滎澤共十六縣被旱較重現在查明散給籽  
種口糧並請將汲縣等十六縣民欠未完銀  
兩緩至秋熟一併徵完報解等語汲縣等十  
六縣既據該撫查明被旱較重自應亟為撫  
恤著該撫督率屬員實力妥辦其民欠未完  
銀兩並著加恩緩至秋熟後徵收以紓民力  
該部即遵諭行○又諭著理藩院查明哲哩  
木等六盟之蒙古王貝勒貝子公扎薩克台  
吉內已經出痘明年之年屆六十者造冊咨  
部入千叟宴○諭軍機大臣等向來京師需  
用麥石俱藉豫東二省接濟本年春夏之間  
該二省得雨稍遲麥收較薄未必更有寬餘  
以資商販糶運直隸大名一帶亦因雨澤愆  
期現在雖得透雨大田足資長發而於二麥  
已覺稍遲收成亦未免歉薄將來麥石入市  
稀少價值或致昂貴於民食攸關不可不設  
法調劑聞永平迤東至奉天各屬雨水調勻

麥收自必豐稔著傳諭永瑋等酌量情形或  
可採辦二十萬石上下之數或十萬石陸續  
運京豫備平糶以資接濟庶市價平減而民  
食寬裕甚為有益倘該處所收麥石止數本  
地需用不能寬餘以供撥運該將軍等亦即  
據實具奏不必因有此旨稍存遷就也○予  
故喀爾喀扎薩克固山貝子伊達木扎布致  
祭如例○旌表守正捐軀直隸雞澤縣民高  
國興妻郭氏○是日駐蹕趙北口行宮○甲  
辰諭昨因河南衛輝一帶缺少雨澤業經降  
旨將被旱較重之汲縣新鄉等十六縣民欠  
未完銀兩緩至秋熟後徵收以紓民力今思  
此項銀兩係四十八年民欠未完各該處被  
旱較重即使此時得有透雨趕種大田秋成  
後亦祇能完納本年錢糧若新舊並徵民力  
仍未免拮据著竟加恩將衛輝府屬之汲縣  
新鄉輝縣獲嘉淇縣延津滑縣濬縣封邱懷  
慶府屬之修武原武武彰德府屬之內黃

開封府屬之祥符陳留滎澤十六縣所有乾隆四十八年民欠未完銀兩全行豁免該撫其督率屬員實力妥辦務俾閭閻均霑實惠以副朕軫念災黎有加無已至意該部即遵諭行○又諭據雅德奏本年三月初六日據兼攝漳州府事汀漳龍道姚茶督同署漳浦縣事福寧府通判陳惇將乾隆三十三年漳浦縣逆匪盧茂案內之逸犯孫躍即孫藥訪聞拏獲審明後恭請王命即行正法梟示等語此等要案逸犯潛匿多年該地方官能督同訪獲辦理尚屬認真但摺內聲敘該犯供詞又稱該犯在附近之竹塔仔鄉村託名賣藥被道府縣訪聞會同營員督率兵役拏獲等語所奏仍未免牽混逸犯就獲必有首先訪聞緝捕之人如道府州縣內實係何員訪獲自應將該員指名具奏在州縣固可望引見陞用即道府亦可得加級紀錄仰邀甄敘方合獎勵之道此案必係該道府訪得道府

不至引見陞用所以讓與屬官冀一體議敘若係知縣所訪必單奏其名求引見矣雅德辦事於此等處所不免近於邀譽不可不知省改並通諭各省督撫一體遵照以示覈實辦公鼓勵人材之意○諭軍機大臣等據鄂寶等奏吉林管卡佐領木通阿於生員劉清選等糧車九輛赴瀋陽賣糧該佐領阻不放行索錢一百千各車戶湊給錢五十千文木通阿因錢少將該生員用木棍連打兩次並摘去頂戴請交新任吉林將軍提審等語管卡佐領不過任稽查之責乃敢倚勢阻住行旅索詐錢文並將生員摘去頂戴連次毆辱殊出情理之外雖所得五十千係盛京錢文數目較少於制錢而詐贓情節可惡此案即著鄂寶帶同原告前往吉林會同都爾嘉提齊人犯嚴審定擬具奏至慶桂前在吉林任內亦有失察之咎將來定案時自應將慶桂一併交部議處將此諭令都爾嘉等知之○



吏部議准廣西巡撫孫士毅奏稱每年廣東撥解廣西巡撫養廉銀一千六百兩請將廣西應解兩廣總督廩工等銀內照數扣抵他省有似此者一體辦理從之○是日駐蹕紫泉行宮○乙巳諭昨因河南衛輝一帶缺少雨澤特降諭旨將汲縣新鄉等十六縣乾隆四十八年分民欠未完銀兩全行豁免因思直隸大名一帶與衛輝境壤毗連本年春雨愆期被旱情形與衛輝大約相似自應一例加恩以紓民力所有大名府屬之大名南樂清豐東明開州長垣元城七州縣乾隆四十八年分民欠未完銀兩亦著加恩全行豁免該督務率屬妥辦俾閭閻均霑實惠以副朕軫念黎元之至意該部即遵諭行○諭軍機大臣等上年陝西延安榆林綏德所屬被災較重各州縣秋禾播種失時節經降旨撫恤加賑並分別緩徵俾免失所嗣因被災各屬冬春未得雨雪復降旨詢問畢沅應否於新

正加恩展賑之外尚需接濟經該撫覆奏各該屬時雨優霑農功大起無需更籌接濟等語第念延安榆林綏德等處上年秋收歉薄邊氓生計艱難雖現在趕種雜糧足資口食亦祇能完納本年錢糧若新舊並徵民力仍不免拮据著傳諭畢沅查明延安等府屬因災緩徵所有民欠未完銀兩共有若干據實具奏候朕降旨加恩一體豁免將此由四百里諭令知之○是日駐蹕涿州行宮○丙午諭軍機大臣等據剛塔奏固原新教回人田五等聚眾滋擾該處與西安府相距不遠而離寧夏尤近亦當豫為籌備著傳玉莽古賚酌量各派兵數百名俟李侍堯咨調時即作速帶兵前往應用至揀派此項兵丁須慎密辦理不可過涉張皇○又諭甘肅逆回新教自前歲大加懲創之後田五等復敢私起新教糾夥聚眾甚至傷害百姓攻破城堡不法已極自係前因人數眾多搜捕未淨所致即

應迅速勦捕。以靖地方。但此案係內地回民。非撒拉爾可比。尚易撲滅。蘭州距該處甚近。李侍堯接據剛塔咨移。自己馳往。會同妥辦。李侍堯係能事之人。剛塔及各鎮亦多係久歷戎行。似此小醜跳梁。無難即速擒捕。況此案係舊教回民稟首。可見舊教回民。原知安分守法。李侍堯等查辦時。務須明切曉諭。慰安舊教。其新教不法之徒。更可搜除淨盡。李侍堯等總以迅速擒捕。毋使蔓延滋事。至西安州止係城堡。賊匪亦不能久占。滋擾萬一有須調集兵力之處。現已另降諭旨。傳知傅玉。莽古賚。先期豫備。並著傳諭畢沅。不動聲色。一體豫為籌辦。以備調用。○兵部議准。陝甘總督李侍堯奏稱。孝義川五郎關二處。萬山叢雜。請移秦嶺千總一員。撥舊縣關營兵五十。駐孝義川。移紫陽營千總一員。撥該營兵五十。駐五郎關。仍於舊縣關撥經制外委一員。分防秦嶺。從之。○是日駐蹕黃新莊行。

宮○丁未

上迴鑾○詰

安佑宮行禮。○幸圓明園。○諭曰。海祿著補放烏什叅贊大臣。總理各回城事務。副都統敦倫泰著前往喀什噶爾辦事。圖思義著加恩賞給二品頂帶。暫往烏魯木齊署理都統事務。効力贖罪。圖思義若不能照海祿妥辦。定行從重治罪。尚安未到任以前。著慶玉由彼速赴吐魯番。暫署領隊大臣事務。○戊申。諭軍機大臣等。據農起奏。太原。平陽。汾州等府屬。於閏三月及四月內。陸續得有雨澤。二麥正在吐穗灌漿之際。得此甘霖。顆粒愈加飽綻。其秋禾雜糧等項。長發甚為暢茂。等語。今年北省雨澤較遲。朕心深為廕念。昨德成回京。詢以沿途麥苗情形。據稱山西雨澤及二麥情形。不及西安。今該撫所奏得雨及二麥情形。是否在德成經過之後。何以與德成所奏不符。朕因農起向能留心民事。於地方公

務辦理尚屬認真是以加恩擢用巡撫今據所奏二麥現在情形與朕面詢德成之言不符豈其意存諱飾耶著傳諭農起即將現在二麥結實是否尚能飽綻收成若何之處即行據實覆奏毋得稍有迴護隱飾致干咎戾尋奏前奏雨澤二麥情形在德成出境以後現在麥粒飽綻秋禾茂發得旨覽奏稍慰又諭據李侍堯奏據平慶道沈鳴臯參將李良輔會稟小山回民田五等已經起事戕傷百姓衙役各一名占據西安州營土堡現在該參將督兵擒拏並據剛塔札稱已調各鎮營兵前往協勦等語小山回民聚眾私立邪教攻破城堡看來此等小醜不但不似撒拉爾之蘇四十三並非王倫王伏林之聚眾滋事者可比今既竄伏西安城堡若官兵四面圍截已成釜底自無難立時撲滅現在李侍堯剛塔已親赴該處相機辦理且各處所調之兵已有二千餘名儘足擒勦不值欽派大

臣往辦但甘肅逆回新教自前歲大加懲創之後為時無幾乃田五等復敢私起新教糾眾攻占城堡不法已極著傳諭李侍堯即督率官兵迅速擒捕審明後必須盡法殲除務淨根株不可藉稱脅從稍存姑息使兇頑得以漏網○江蘇巡撫閔鶚元覆奏徐州府及海州屬閏三月未得雨二麥豐歉不齊高粱粟穀等項望澤甚殷現在行查如有需緩借之處即奏請辦理得旨覽奏俱悉○已酉諭軍機大臣等據李侍堯奏接平慶道沈鳴臯等稟稱回匪李玉化等現已藏匿化山其倡立新教之首犯田五亦竄回山內現在參將李良輔等帶兵前往堵截擒拏等語同日又據剛塔奏賊匪自攻破西安土堡之後由雞高山沙溝店子一帶搶掠竄往西北地方等語是剛塔所奏現在情形賊匪不盡竄匿山內尚有逸在他處滋事者與李侍堯所奏不符且兩摺聲敘亦均未明晰固原鹽茶廳一

帶回民較多。賊匪既竄往雞窩山等處。恐有潛相煽動。糾約入教等情。該督等務宜迅速帶兵堵截擒拏。勦捕淨盡。毋使一名漏網。至此案田五等復敢倡設新教。糾眾滋事。究係從前李侍堯未能殲絕根株。以致復萌餘孽。自難辭辦理不善之咎。而此時緊要關鍵。總以撫安舊教為主。所有稟首之李應得李化雄。應酌量獎賞。並給以外委虛銜頂帶。以示獎勵。即其餘回民內。或有新教之人。現因畏罪。自稱舊教。亦可暫且毋庸深究。再督提各標所屬兵丁內。回居多。其中恐不無暗從新教者。此最緊要。不可不密防。此時伊果係隨同出力。亦祇可置之不問。然李侍堯剛塔。不可不密為留心訪查。隨時防範。總俟此案完結。一半年後。再行嚴查辦理。務令新教名目。淨絕根株。永無後患。方為妥善。將此由六百里加緊傳諭知之。仍將現在辦理情形。迅速覆奏。○又諭據柴大紀等奏緝獲從前械

鬪案內逸匪侯愈。審明係焚搶姦占兇犯。當即恭請王命。將該犯綁赴市曹處斬。梟示訖。奏請勅部議覆施行等語。侯愈於臺灣械鬪案內。焚搶姦淫。不法已極。復敢負罪潛逃。冀漏法網。今既經拏獲。該鎮等業已恭請王命。將侯愈正法。不過奏聞。交該部照例存案。無可覈辦。乃摺內復請勅部議覆。殊不知摺奏體例。柴大紀永福楊廷樺俱著傳旨申飭。其未獲逸犯許悅等。仍著嚴行飭緝。務獲究辦。毋使一名漏網。○以大學士阿桂蔡新內閣學士朱珪吏部尚書劉墉吏部右侍郎彭元瑞戶部右侍郎曹文植禮部左侍郎達椿都察院左副都御史覺羅巴彥學為殿試讀卷官。○調江南提督任承恩為福建陸路提督。以江南蘇松鎮水師總兵藍元枚為江南提督。廣西慶遠協副將愛星阿為廣西左江鎮總兵。○庚戌

上御勤政殿聽政。○策試天下貢士侯健融等

一百十二人於太和殿前制曰朕寅奉丕基仰荷

昊緯純佑吏謹民淳咸知順則比者展義行慶河海奠安五世一堂欣被

景貺用是彌深乾惕式懸凝承劼毖宵旰不敢自康逾厓崇實學昭雅化敦善俗裕民天雖畧臻康乂而猶日孜孜上期淳懿周諮博稽以裨集思廣益之治爾多士其敬聽予詢夫致用在乎通經士自束髮授書思探奧旨先

考蹟文宋儒謂有舉其辭而不能通其義者矣未有通其義而不能舉其辭者也簡策異同微言實關大義諸經互引厥有殊辭唐人刻石猶存或問與今判郭氏之易舉正王氏之詩考雜臚歧出禮之大學書之武成考定紛如春秋經文三傳間別誦習有素其能賅彙而條系歟辟雍之制古者所謂建國君民教學為先也或謂殷無辟雍信歟有文王之辟雍有武王之辟雍於經何據自西自東自

南自北或解以為四學師氏守東南保氏守西北義相通歟辟雍之名或取字義或取地形有達詁歟靈臺明堂清廟太室異名同地說可訂歟三老五更養於太學老更何義各一人或三五人歟今方茂舉鉅典考古證今能通貫其制歟三王不易民而治然淳樸日開奢儉相矯中天盛世已非復狃榛舊俗矣雖風會所關在上者宜引為已責將何以善所導歟王制謂無曠土無游民而周禮則有閒民無常職轉移執事無乃異制歟千畝嘉禾不無稂莠或以邪教鼓愚或以告訐罔利豈民尚未能遷善歟抑親民者化之未浹歟由儉入奢易由奢入儉難顧儉非貌取雕文纂組或資其業以養生澣衣狐裘或矯其行以希世將何以撙節而務實歟積貯者生民之大命常平社倉今久行之毋庸縷述古制矣顧貯則有浥爛之虞出則有那移之虞方其補也市價或因採而昂及其發也奸胥或

冒民以領甚或倉非實儲戶或俵羅將欲杜弊端而經理得宜何道之從朕念切民依截漕平糶動不惜費計期周溥果黎氓實被其澤而吏無中飽商無囤積歟爾多士橫經就塾鼓篋園橋服我教澤將以學古入官講求民生風俗之原養恬之效固仕學所均宜有事也母泛母隱具著於篇朕將親覽焉○諭朕此次巡幸木蘭駐蹕熱河著多羅質郡王克勤郡王大學士阿桂協辦大學士尚書伍彌泰留京辦事所有吏兵二部應行引見官員文職知縣以上武職守備以上著於未啟鑾往木蘭之前該部每月派堂官一員輪流帶赴熱河引見其文員內佐雜等官武弁內八旗護軍校驍騎校及外省送到之補放水手驍騎校並年滿千總等官弁仍著王大臣照例驗放至八月以後月選等官亦照向例辦理其各省督撫提鎮等奏摺著齎摺人前赴行在投遞進哨後著兵部派員駐劄哨門

接遞各省奏摺封送行在候朕批示發回仍於哨門交付齎摺人祇領該部通行傳諭知之○又諭各衙門帶領引見排單不必將各堂官銜名全列此後止寫該衙門領頭大臣某人等○又諭曰海成著賞給員外郎銜在軍機章京上行走候六部員外郎缺出即行坐補○諭軍機大臣等據毓奇奏江淮衛頭幫領運千總王殿魁因頭工周泰成捏詞索賞辱罵本官責處致斃一案已批毋庸治罪矣及閱夾片內該督亦援浙省石門令朱麟徵責斃地保一案為之聲請官弁因公按法責斃所屬人役非任性濫刑可比雖有應得處分原可毋庸治罪朕早見及此是以披閱該督奏摺時即行批示並非因夾片聲請始予寬免也將此諭令知之○又諭回匪田五等由沙溝一帶竄逸不過沿途搶竊且其家口已被拏獲計剛塔此時追躡賊蹤無難即時撲滅但此案回匪復藉新教名色滋事傷

害民兵。恐易於煽動。現在鹽茶衙門監禁多人。李侍堯親往審訊。所有田五蹤跡及起事緣由。均無難徹底根究。著李侍堯於審明後。即將現獲各犯。分別凌遲斬梟。一面奏聞。一面正法。其案內情節較輕。應行緣坐之犯。亦不可從寬。自應牢固監禁。於結案後另降諭旨。再行從嚴辦理。此案關鍵。總以迅速為主。即剛塔此時前往沙溝一帶。勦捕賊匪。亦應速行搜捕淨盡。勿留餘孽。至平慶道沈鳴臯。鹽茶同知敦柱及副將王柱。叅將李良輔等。於此案回匪劫掠情形。隨時稟報。且能拏獲多人。尚屬奮勉。著李侍堯於此案完結後。查明實在出力文武各員。據實奏明。候朕酌量加恩。以示鼓勵。如有庸懦退縮不肯出力者。一併據實奏治罪。如此賞罰嚴明。庶文武員弁。知所勸懲。○軍機大臣議。奏據陝甘總督李侍堯等奏稱。哈密南路。應否照北路亦設臺車等語。查哈密至闐展。吐魯番。各回城。

每年回部伯克往還。屯田換班官兵。及調取經費滿餉等項。應照北路安設臺車運送。其應送南路官物。照所議車價。先行雇運。得旨。依議速行。○四川總督李世傑疏報。冕寧縣報墾下田二頃八十二畝有奇。○豁免陝甘乾隆三十八年至四十六年分民欠銀二十萬一千五百三十五兩有奇。糧一百三十八萬五千三百八十二石有奇。○以江蘇太湖營副將魏轍為蘇松鎮總兵。○旌表守正捐軀河南寶豐縣民李繩妻王氏。雲南通海縣民胡雲龍妻王氏。○辛亥。諭。前已有旨。將李綬補授江西巡撫。但該省巡撫兼管提督事務。李綬係翰林出身。未能諳悉營伍。李綬著調湖南巡撫。其江西巡撫員缺。著伊星阿補授。仍照例兼管提督事務。○前任江西巡撫郝碩疏報。吉水永新廣豐鄱陽德興寧都六州縣。勸墾老荒。新生田地。塘三頃六十三畝有奇。○蠲免湖北黃梅廣濟黃岡江夏四

縣武昌黃州蘄州三衛。乾隆四十八年分水災額徵銀三萬四千二百十兩有奇。米五千八百九十石有奇。並予成熟各鄉村緩徵。○壬子諭直省現在餽養駝隻既足。敷巡幸熱河及木蘭。馱載行裝之用。劉戡所進駝隻自應發還。乃部臣並未留心。因現無需用之處。即將伊所進者仍交本人變價。成何事體。劉戡所進駝隻著發還。○又諭曰李侍堯奏署貴德營遊擊扎倫布私扣兵丁月餉。又派兵砍木割草。及勒收商民羊隻等物。作價扣收銀兩。以致兵丁趙有等挾忿。將營書張有成扎斃。該署千總相昌扶同不報。請旨革審等語。月餉錢糧所以贍養兵丁。絲毫不容剋扣。乃該署遊擊扎倫布竟敢貪黷營私。侵扣肥索。署千總相昌復為扶同匿報。均屬目無法紀。僅予革審不足蔽辜。扎倫布相昌著革職拏問。交該督提同案內人犯嚴審定擬具奏。該部知道。○又諭據李侍堯奏肅州安西

等處雇覓出口車輛。向例每百里以一兩六錢覈給。經海祿查奏止須給銀一兩。續經覈奏每百里止須給銀六錢。應查明歷任報銷車價浮冒之各該州縣一體覈辦。但此項車價原係照例給發。其咎在明知例價有餘不行據實呈出。尚與舞弊侵冒者有間。可否罰令加倍賠繳。勒限嚴追。暫免革職治罪等語。所見甚是。雇用出口車輛從前給價稍優。俾小民運費之外畧得贏餘。以資餬口。相沿日久已視為固然。海祿遽請減去銀一兩。並將歷任經手各員一體革職治罪之處。所奏未免過當。前已據烏什辦事大臣綽克托奏喀喇沙爾以西戈壁頗多車輛甚少。若照新定六錢之例實難雇覓。請仍照從前一兩六錢銀數支給。而塔爾巴哈台辦事大臣惠齡亦復咨請到部。是新定車價減省過多。各處勢有難行。紛紛咨奏。自係實在情形。理應通盤籌畫。覈實酌中定價。方可行之永久。著交李



侍堯綽克托惠齡及各城駐劄大臣各按該處實在情形有無必需仍舊發給車價之處詳籌妥議據實具奏至此項車價其啓在始定例之人其歷任不過照例給發並未從中侵蝕其過在明知有餘不行據實呈出請減較之捏災冒賑憑空舞弊者輕重畧別此項人員俱著免其革職治罪並毋庸罰令加倍賠交即照減定之例按數追出已足示警該部知道○諭軍機大臣等據舒常等奏聽受外番偽職幫同刦掠之要犯唐阿矮在監病重先行正法一摺已批該部知道矣前因該省符咒迷人案內之首犯黃亞水地方官不加意照料以致監斃曾傳諭舒常等抵任後嚴飭各屬認真辦理今相隔未久又有唐阿矮之事監犯偶然病斃原所不免但何至數月之間要犯屢報患病沉重恐係該犯等自知罪重萬無生理賄囑禁卒人等私通信息冀逃顯戮此案唐阿矮業經正法姑免深究

著傳諭該督撫嗣後務宜留心稽察勿任屬員仍前玩視圖圖致滋弊竇○癸丑

上詣

大高殿

壽皇殿行禮○還宮○御乾清宮召讀卷官入親閱定進呈十卷甲第○諭曰據保寧等奏四月初一日四川省城西南三義廟失火因風大不能撲救以致學政衙署及鹽道並提標左營遊擊督標都司守備衙署均被延燒保寧等

實錄卷二一〇五

三

自請交部議處其應議地方官各職名俟督臣查叅等語該省學政等衙門被燬緣隣寺失火延燒又值風大火烈以致救護不及所有保寧佛智成德錢樾王站桂奏請議處之處俱著寬免其地方文武員弁並著免其查叅○甲寅

上御太和殿傳臚賜一甲茹榮邵瑛邵玉清三人進士及第二甲李長森等四十人進士出身三甲陳觀等六十九人同進士出身○諭

軍機大臣等此次逆回聚眾滋擾節經李侍堯等奏報情形尚不至如蘇四十三之猖獗况甘肅省城自四十六年以後城垣已一律修整華林山又增添營堡各營汛亦俱添設額兵河州有總兵固原有提督形勢聯絡足壯聲援似此小醜跳梁無難剋期撲滅陝省相距遙遠亦何必紛紛調集多兵徒滋煩擾且該處將軍都統俱已帶兵起程藩臬兩司又赴交界地方料理護送畢沅復札派興漢

實錄卷三十三

天

延綏兩鎮各帶兵一千名赴鳳翔定邊等處堵禦又復密咨晉省豫備兵二三千名候調所辦殊屬張皇蓋因畢沅本係書生未嫻軍旅所致現在陝省各路官兵業經起程自當聽甘省派撥協同堵禦其山西兵竟可毋庸豫備著傳諭農起即行停止派撥至陝省各屬回民甚多伊等俱係舊教從前曾降旨李侍堯令其明切曉諭慰安舊教嚴辦新教畢沅亦應照此辦理况賊人既已西去自無復

東回之理尤宜不動聲色妥為撫輯又諭曰傳玉奏接到李侍堯調取西安兵咨文即將豫派兵三千與副都統明善分隊帶領前往等語此事甚屬錯誤明善曾經身歷戎行所有前赴甘省兵丁自應明善帶往傳玉若自揣親身帶兵於事有益即當令明善存留防守今西安城中惟有巡撫一人而將軍副都統俱前往甘省並不通盤籌畫以期有濟徒為自占地步傳玉於此事尚不明悉何以

實錄卷三十三

元

辦事且永安奏請陞見業已起程途中聞逆回滋事之信以陞見非甚緊要即奏明前往固原能知事體輕重傳玉何反不如永安乎著傳旨嚴行申飭並諭明善永安知之是月浙江巡撫福崧奏沿海淤漲地畝最啟爭端州縣袒民場員袒竈案延數年批此等外省習氣甚多可惡諸弊皆由此起當力為督辦又奏現委隔屬幹員分往查訊限六個月辦結得旨好實力妥為之○廣東巡撫孫士

殺奏粵省吏治廢弛各屬一月內搶案至三起及易結之案不結代驗人命羈遲者立即題叅至兇徒以假人命詐財許人出首茭塘沙灣透員挨查得旨事在人為勉之以實

實錄卷五十二頁

三

大清高宗法天隆運至誠先覺體元立極敷文奮武孝慈神聖純皇帝實錄卷之一千二百五

大清高宗法天隆運至誠先覺體元立極敷文奮武孝慈神聖純皇帝實錄卷之一千二百六

監修總裁官總纂官太子太傅文淵閣大學士文淵閣領事內閣學士內閣直學士上諭事付處管理吏部理藩院事務正黃旗滿洲副都統世襲騎都尉軍功加七級禮部加一級兵部加一級軍功紀錄一次臣慶桂總裁官經筵講官太子太傅文華殿大學士文淵閣領事稽察院奉 上諭事付處管理刑部戶部工部書院世襲騎都尉軍功加十九級禮部加一級又加二級吏部內大臣戶部尚書漢軍副都統軍功紀錄五次奉 上諭事付處管理工部尚書紀錄六次臣曹振鏞等奉

敕修

乾隆四十九年甲辰五月乙卯朔諭軍機大臣等

本日薩載奏到徐州各屬得雨情形一摺內稱桃源安東海州等處於四月十六等日得雨二寸看來仍未霑透連日直隸山東俱陸續奏報得有透雨江南所屬河北一帶得雨分寸較遜朕心殊為廕念著傳諭薩載再行查明得雨僅及二寸之各州縣刻下是否續得透雨地方實在情形若何於大田有無妨礙即行據實詳晰覆奏以慰廕注尋奏淮安府屬清河桃源二縣徐州府屬宿遷睢

寧三縣續得透雨其餘各州縣及海州五月以後亦一律優霑田禾暢發得旨欣慰覽之○又諭逆回糾衆滋事自打喇赤土堡與官兵接仗後紛紛退據南山既欲回撲鹽茶又欲前往官川可見賊匪倉猝糾合胸無定見至賊人欲回撲鹽茶自因犯屬多被拏收禁欲回搶奪李侍堯在彼即應將所獲賊夥犯屬查明後即行正法以絕賊人搶救之念至勦擊賊匪時遊擊薩炳阿因帶石傷左哨兵丁先行退走綠營怯懦惡習殊堪痛恨兵丁見將領受傷理應奮勇上前救護乃兵不顧將先行退走彼時即應按軍法辦理數人俾衆兵知所儆畏現在事雖已過亦應查明將首先退走之兵正法示衆以肅軍律現在李侍堯檄調各路勦賊官兵俱已陸續到齊而本日又據俞金鰲奏報帶兵兼程赴蘭是西路有俞金鰲哈當阿帶兵堵勦東路有西安續調滿漢官兵可資策應李侍堯剛塔乘此

兵勢厚集合圍勦捕賊匪窮蹙無難剋期撲滅剛塔奮勇殺賊受有箭傷殊屬可嘉加恩賞給御用玉韞並賞給李侍堯剛塔大小荷包用示獎勵其帶兵之遊擊高人傑汪啟果能奮勇出力該督等應存記奏請陞擢又諭據農起奏接准陝西撫臣畢沅札會甘肅省逆回滋事陝省各屬營兵調赴協勦山西省亦須挑兵二三千名豫備調用現於太原鎮派兵一千名大同鎮派兵二千名前赴蒲州聽候調取等語所辦殊屬張皇昨據畢沅具奏密咨晉省派兵候調已傳諭該撫即行停止派撥矣此次乃內地逆回聚衆滋事斷不至如撒拉爾蘇四十三之猖獗現在李侍堯等業經調集兵力四路堵截自可剋期勦滅晉省相距遙遠何必紛紛徵調多兵徒駭觀聽以致懦怯者心存疑畏而幸災樂禍之人並恐藉事生風成何事體該撫摺內所稱俟各起兵丁起程後親往交界之處堵駐更

屬無謂總之督撫等平日辦事於應行出力之處並不知奮勉及遇此等事輕舉妄動意圖豫占地步何不知事理輕重迺爾耶農起著傳旨申飭毋庸親往並令遵照昨降諭旨亦不必派兵豫備又諭曰海祿自到烏魯木齊以來諸事辦理妥協茲已授為烏什叅贊大臣著補放鑲藍旗蒙古都統烏什係回城非烏魯木齊可比海祿當酌量事體輕重妥為經理即如阿其睦一事綽克托一味姑息辦理甚屬錯誤著傳諭海祿到烏什時遇事相機悉心速辦又諭曰綽克托辦理阿其睦一案殊屬乖謬所有將伊革去尚書都統之旨尚未宣諭海祿未到烏什以前綽克托仍辦叅贊大臣事務著傳諭海祿速赴烏什到日即傳旨將綽克托革職內閣翰林院帶領辛丑科散館編修庶吉士引見得旨此次翰林散館之編修陳萬青業經授職其清書庶吉士馮集梧盧蔭溥著授為編修劉

錫五著授為檢討漢書庶吉士俞廷樞吳紹潔吳璫王受秦承業蔡善述俱著授為編修萬承風寇賚言戴斯琿曠楚賢王保許霖張綬俱著授為檢討曾燠蔣子蒲陳廷慶潘紹觀蔣師煥王朝梧屈為鼎沈步垣薩龍光宋澍俱著以部屬用祝德全吳紹浣李銘鄭應元印鴻經周之适俱著仍歸進士原班銓選○授一甲一名進士茹荼為翰林院修撰一甲二名邵瑛一甲三名邵玉清為翰林院編

修○是日起

上以夏至祭

地於

方澤齋戒三日○丙辰諭曰綽克托所遺工部尚書員缺著慶桂補授啟鑒以後並著兼署兵部尚書事務伍彌泰現派留京辦事且係吏部毋庸兼署兵部○又諭曰慶桂已補授工部尚書所遺福州將軍之缺著常青調補常青所遺杭州將軍員缺著永鐸補授永鐸

所遺西安副都統員缺著哈清阿補授西安將軍副都統俱未在任著哈清阿即行馳驛赴任○又諭曰進士倪鶴皋李琦夏炳舉人李縉涂以翰韓怡伊秉綬曹惠華胡楨李見心俱著以學正學錄用○內閣翰林院帶領新進士引見得旨新科進士一甲三名茹菜邵瑛邵玉清業經授職陳萬全王錫奎吳廷選賀賢智周兆基郭縉光溫汝迨劉若琛吳芳培崔景儀文寧蔣攸鈺楊志信李驥元倪恩淳潘奕藻鄭敏行劉圻朱依吳張翽鄧再馨俱著改為翰林院庶吉士魏成憲彭希漁王奉曾李蘅張樹槐魏若虛楊蘊沈維坤焦和生閻學淳德寧都大鐔胡鈞璜俱著分刑部學習李長森習振翎侯健融張德懋陳觀勞瑾關遐年張端誠趙千彤陳霞蔚張至鈐李肖筠張映漢陳漢趙三元成書汪樹銀丁增王善塏俱著分派吏部等部學習章廷楓姚祖恩祝萬年沈肯松史積英龍澍王永俱

著以知縣即用餘俱著歸班選用○軍機大臣議奏據察哈爾都統烏爾圖納遜奏稱鄂永武文官牧廠應分給附近各旗作為察哈爾游牧應如所請辦理從之○江蘇巡撫閔鶚元覆奏徐州府屬邳州銅山蕭縣於四月十八二十兩日得雨數寸惟宿遷睢寧最為深遼海州於十六日得雨大田可望有秋報聞○丁巳

孝誠仁皇后忌辰遣官祭

景陵○諭曰孫汝曾著在尚書房行走遇有侍講缺出即行補用未經得缺以前准其一體食俸○又諭曰塔永阿年力就衰著專辦護軍統領事務不必兼內閣學士其內閣學士員缺著塔彰阿補授所有工部右侍郎員缺著伊齡阿補授○又諭前據李侍堯剛塔奏小山逆回田五阿渾倡設新教糾眾滋事攻破西安土堡往靖遠一帶村莊搶掠已節次降旨令該督等督率官兵迅速擒捕矣本日

李侍堯奏官兵於二十三、四等日兩次打仗殺賊甚多。頭人田介洪、吳二韓二先後被殺。賊匪首犯田五腹中鎗傷在馬營水抹脖子死。埋屍山溝。差守備朱進廷前往驗面貌相符。割取首級。梟示。餘剩有八九十人竄往余家溝一帶。現已添派官兵上緊追拏等語。逆回田五於先天化日之下。膽敢私復新教。糾衆搶掠民間。且抗拒官兵不法。已極提督剛塔一聞稟報。即帶領弁兵馳往勦捕。李侍堯亦往鹽茶廳督率查拏。未及一旬。賊首已受傷自斃。逆黨頭人五犯就戮者三。人大局已定。其竄往余家溝一帶之賊數十人。不過苟延殘喘。無難剋期殲滅。李侍堯等辦理此案甚屬妥速。且鹽茶廳拏禁賊犯及犯屬甚多。昨經降旨令該督先行審明。將各該犯即行正法。以絕賊人窺伺搶救之念。今李侍堯於未奉到諭旨之前。業已籌慮及此。將各要犯四十九名即行正法。與朕所降諭旨符合。

足見其能辦事。而朕前此棄瑕錄用。實能不負委任。本應予以優敘。但此案究係李侍堯前次查辦新教未能淨盡。平日又疎於防範所致。其功過兩不相掩。李侍堯著交部照例議敘。至剛塔奮勇殺賊。親身射死賊目。並經帶有箭傷。前經賞給御用玉韉大小荷包。以示嘉獎。仍著交部從優議敘。給世職。以旌勞勇。其在事將弁著該督等查明實屬奮勇出力。列為超等者。交部從優議敘。其次出力。列為一等者。交部議敘。用示獎勵。至此次賊匪糾衆滋擾。其口食斷不能自行攜帶。自係沿途搶掠焚燒。居民受累在所不免。並著李侍堯查明被擾村莊。如有應行撫卹者。酌量撫卹。毋使失所。副朕軫念體恤之至意。○諭軍機大臣等。逆回首犯業經就戮。其餘匪自成瓦解之勢。即使逃竄他處。亦不過苟延殘喘。無難剋日就擒。此時自可無需多兵。徒滋煩擾。所有李侍堯前調各路官兵除山西省業經

降旨停止外其所調西安滿漢官兵及畢沅所調興安延綏兩鎮帶領各兵並李侍堯檄調甘省提鎮標兵又寧夏涼州莊浪各滿兵均著該督等酌量情形足數截拏搜捕外其餘應即撤回至現在脫逃匪頭人務須督率弁兵速行拏獲其餘新教匪黨亦必須殲除淨盡毋使一名漏網至上次蘇四十三之猖獗不法因新舊爭教互控致起事端即從前王倫倡亂亦由邪教鼓惑現在逆回田五

等斷非無故即能糾合黨羽定期起事衆人亦即附和隨從之理或係該處有水旱災歉貧黎失所以致匪徒從中煽誘抑係地方官勒索苛派擾累閭閻或係豫有謀商情事地方官不能早為覺察養癰貽患均不可不徹底根究現在首犯田五等雖已就戮伊兄田友尚留審訊且續獲餘犯內活口必多著傳諭李侍堯將此事究因何起釁緣由詳悉研鞠務得確情據實覆奏毋得稍存迴護之見

○軍機大臣議奏據察哈爾都統烏爾圖納遜奏稱察哈爾鑲紅旗護軍披甲共懸一百二十三缺開散成丁者不敷挑補請將宗室德齊恒林鄂永武等入官人歸鑲紅旗挑補足額添護軍校二員約束從之○命工部尚書慶桂在軍機處行走○以內閣學士趙鎮為鑲紅旗漢軍副都統○戊午夏至祭

地於方澤

上親詣行禮○幸圓明園○庚申諭今日召見貴州遵義府知府德明詢知伊父年逾八旬著改近調補山西潞安府知府所遺員缺著劉詔陞調補○諭軍機大臣曰何裕城奏豫省被旱各縣普得甘霖一摺據稱開封衛輝懷慶彰德各府屬均於二十九三十日得有霽雨內惟汲縣新鄉獲嘉封邱內黃陳留僅止入土二三寸餘皆四五寸至深透不等等語看來開封所屬得雨較為優渥其衛輝彰



德懷慶各府屬向來雨澤深厪朕懷此次據奏所得雨澤有僅止二三寸仍未能一律霑足乃該撫於摺內含混聲敘殊未明晰何裕城著傳旨申飭仍著將衛輝彰德懷慶各府屬近日曾否續得雨澤及農田有無妨礙之處據實具奏不可稍存諱飾之見○又諭據姚成烈奏拏獲天門縣邀夥結拜弟兄之周谷安阮森等二十五犯並搜起木棍鐵尺等項及各犯姓名年歲清單現在提犯嚴訊等語該犯周谷安等膽敢邀約異姓多人斂錢結拜弟兄且有異籍民人及糾約在配軍犯並開窩年歲名單私藏木棍鐵尺等項實屬目無法紀雖現據該犯供稱並無歃血盟誓焚表及別項不法情事但該犯等輾轉糾約多人入夥結拜私藏器械恐夥犯尚不止二十餘人並另有擾害為匪情事必須嚴拏從重辦理以示懲儆著傳諭特成額姚成烈嚴飭各屬上緊緝拏嚴審定擬速奏將此諭四

百里由驛發往○又諭賊首已殲餘黨竄散現已派添官兵截拏追剿自無難剋期撲滅所有賊人馬鬍子李鬍子務須迅速擒捕審明正法不可復令竄逸自戕幸逃顯戮至賊匪滋擾靖遠時城內竟有回民內應實屬罪不容誅所有拏獲一百餘犯李侍堯於審明賊匪蹤跡後著將各犯即予駢誅以示懲儆漢民展廷隆父子及隣人等因不從逆回俱被被害情殊可憫著李侍堯查明賞卹○辛酉諭山東兗州曹州濟寧三府州屬前因被水節經降旨加恩軫恤並令該撫查明被災地畝內緩徵帶徵錢糧及四十八年新糧一併緩至今年麥收後開徵第念該處從前被災較重元氣未復且本年春夏雨水未能深透麥收稍歉若新舊並徵民力未免拮据著再加恩將充曹濟三屬去歲被災地畝內緩徵帶徵漕米竟普行蠲免至今年新糧漕米倉穀皆緩至明年麥收後帶徵以示軫念窮

黎有加無已之至意該部即遵諭行。又諭喀什噶爾迤外色默爾罕地方有已經伏誅之大和卓布拉尼敦之子薩木薩克叛回潛匿該處遣回人托克托素丕等與喀什噶爾之回人默羅色帕爾私通信息一事布魯特散秩大臣阿其睦之弟額穆爾潛留托克托素丕等。經喀什噶爾之阿奇木伯克鄂斯瑞訪知情形。阿其睦恐伊弟罹罪即稱鄂斯瑞亦與薩木薩克通信。赴綽克托保成處誣告。又英吉沙爾之阿奇木伯克阿里木接受薩木薩克之信亦恐被鄂斯瑞查出至綽克托保成處誣告。綽克托保成審訊所控皆虛並不妥速訊斷一味調停姑息。惟令阿里木阿其睦等與鄂斯瑞賠罪和息完結。奏聞所辦惟冀彌損了事甚屬錯謬。此事保成等初次奏到朕即豫料伊等不能辦理妥協屢次諄諭令將阿其睦等解京。保成接奉諭旨後隨遵旨將阿其睦額穆爾阿里木等並接受薩

木薩克書信之回人默羅色帕爾等一併拏獲分起押解來京。新疆回衆布魯特等受朕深恩安居已久。即將阿其睦等拏解來京有何疑畏。綽克托受朕倚任身為叅贊大臣總理回疆事務。遇此等事件何至昏懦無能一味姑容若是。且綽克托一聞保成將阿其睦等拏解之信即將其親屬布魯特侍衛額森阿三拜等一併拏解更屬荒唐。幸今阿其睦等就獲解京。綽克托尚可儆倖一綫。若阿其睦等竟致逃遁務必將伊正法以申國典。著海祿傳旨即將綽克托革職拏解來京交刑部治罪。仍令海祿將布魯特額森阿三拜即行釋放並諭知此事皆綽克托辦理不善所致。今已將伊治罪與爾等無涉。善為慰撫令其照舊當差。至保成始而未能妥速辦理繼而扶同姑息了事罪亦不在綽克托之下。章接奉諭旨即能將阿其睦遵旨拏解送京辦理妥協功過尚足相抵保成免其同綽克托

一體治罪。仍應交部議處。至阿奇木伯克鄂斯瑞感激朕恩。於薩木薩克與回衆潛通音信之事。毫無隱諱。一經得信。即報知保成。隨同實心查辦。始終奮勉。甚屬可嘉。著加恩晉封貝子。以示獎勵。又保成等奏。行知阿揚阿查拏葉爾羌所屬色呼庫勒地方居住阿其睦之弟昆楚克解送喀什噶爾之處。亦可不必。此事原係額穆爾潛將薩木薩克所遣回人托克托素丕等收留。阿其睦惟恐伊弟獲罪。一時愚昧。將鄂斯瑞誣告。不過欲圖卸罪。其咎尚輕。阿其睦解到時。朕念其原係出力之人。尚可酌量施恩。至伊弟昆楚克既另處居住。尤與此事無涉。豈可因伊兄獲罪。一併株連。即已經拏獲。或到葉爾羌。或到喀什噶爾。著阿揚阿保成明晰慰諭。令其仍回游牧。照舊當差。並將此事罪止額穆爾一人。即阿其睦尚可寬恕之處。偏行曉諭。咸使聞知。其所屬十九部落布魯特人等。令其各安生業。

無須疑畏。仍令喀什噶爾至哈密一帶地方駐劄大臣。俟阿其睦解到時。即將朕已加恩。不將伊從重治罪之處。先行詳悉曉諭。又保成奏。請將布魯特多連等量陞一級。換給頂戴之處。俱如所請。准其陞級。改換頂帶。其塔史密里克等處。請署伯克事務。亦著照所請。行。此案通行完結後。並著揀選布魯特能幹曉事之人。令其分管十九鄂拓克事務。除另行降旨傳諭保成外。所有原摺一併發鈔。朕辦理庶務。惟期執中。以歸至當。即如阿其睦等。必須拏解來京者。實因事理所在。必應如此。辦理方能永遠無事。似此深思遠慮。諸臣何見不及此。蓋此事端倪始由大兵平定。準噶爾以後。所有回衆俱得安居樂業。獨大和卓布拉尼敦不知感戴朕恩。背叛伏誅。其子薩木薩克甫三四歲。伊乳母攜往潛逃。安集延境外。爾時朕仰體

上天好生之德。不忍捕誅。寬赦至今。薩木薩克

現已年屆三十。餬口無資。狀同流丐。伊若早知感戴朕恩。傾心歸附。懇求赦宥。朕必將伊寬貸。加恩贍養。頃鄂斯瑞意欲差人相機勦除。經保成等密奏。朕猶以為勦除薩木薩克。非天朝寬大之體。尚當示以寬仁。宣召薩木薩克。來京瞻覲。酌量加恩。俾令樂享昇平。不意薩木薩克悖妄無知。潛行遣人寄信招致喀什噶爾回子伯克。誘取銀物。幸被鄂斯瑞舉發。徑行申報。保成查辦。兼以所遣回人托克托素丕等。經阿其睦等之弟額穆爾容留事洩。亦被鄂斯瑞訪聞。阿其睦心知事發。恐伊弟額穆爾罹罪。反將鄂斯瑞誣告。設果以阿其睦額穆爾為是。勢必轉將鄂斯瑞誣坐治罪。以快阿其睦等之心。不但從來無此辦事體制。又何足以服人心乎。惟念阿其睦究係布魯特。愚蠢無知。朕仍欲格外從寬辦理。此事初由額穆爾一人造意。俟拏解來京。祇將額穆爾一人治罪。阿其睦仍加恩寬宥。並

賞給房屋廩祿。取其家屬。俾得共獲安居樂業。並降旨。將保成所奏業已查拏阿其睦另居之弟昆楚克。綽克托所奏查拏阿其睦之親屬布魯特額森。阿三拜俱令釋放。照舊當差。即此豈非格外施仁。不肯株連之意乎。此事綽克托始終未能擔承辦理。保成亦不過僅遵諭旨。將阿其睦拏解來京。設如伊等所見姑息了事。且亦必致將來生事。既不足示儆將來。各處新疆駐劄大臣遇事又將如何辦理。綽克托係朕委任邊疆之叅贊大臣。辦理不善若此。若不拏問治罪。何以示懲。保成等具奏此事初到之時。朕悉心籌度。必當將阿其睦等拏解來京。諄諄訓誡。不啻日夜籌畫。今既成事。恐內外臣工不能周悉。著將始終辦理原委。詳晰明發諭旨。徧行曉諭中外知之。○諭軍機大臣等。前據李侍堯奏賊首田五已殲。餘黨竄散。官兵截拏追勦。朕意此時自當早已完結。本日又據奏到馬家堡黑

莊兩處賊匪屯聚約有一千餘人現調取官兵接續以為必勝之計等語此案賊首業經殲斃官兵所殺之賊又有數百名乃此時尚有千餘賊衆自係田五斃後其餘賊李鬍子馬鬍子又復隨處勾結脅誘可見新教煽惑人心牢不可破必當淨絕根株勿留餘孽至此時西安及甘州寧夏各處官兵俱已調集四路進剿堵截總宜迅速辦竣毋使再有蔓延方為妥善○又諭曰阿其睦已獲罪解京著傳諭保成於布魯特十九鄂拓克人內各放一比管轄分其權勢○旌表守正捐軀直隸束鹿縣民李白狼妻馮氏守正被戕湖北南漳縣民蕭應柱妻吳氏○壬戌上以秋獮木蘭自圓明園啟鑾○諭朕此次巡幸木蘭駐蹕熱河所有經過地方著加恩蠲免本年地丁錢糧十分之三○又諭此次密雲縣接駕之兵丁著施恩賞給半個月錢糧○又諭曰恒寧著來京以吏部郎中用仍在

軍機章京上行走其嘉興府知府員缺緊要著該督撫於通省知府內揀選一員調補其所遺員缺著於卓異應陞知府之直隸州同知人員內揀選一二員送部引見候朕簡補此係特旨令該督撫等遴員奏補嗣後遇有請旨缺出不能援以為例○又諭現今保成等已將布魯特阿其睦等拏獲解京敦倫泰不必前往喀什噶爾仍著保成在彼辦事敦倫泰之父母現在西安俱已年老敦倫泰著施恩調補西安副都統明善既有微疾著回京調補敦倫泰所遺鑲藍旗漢軍副都統○以禮部左侍郎達椿內閣學士宜興充經筵講官○是日駐蹕南石槽行宮○癸亥諭前因陝省延寧榆林綏德三府州屬上年秋收歉薄邊民生計維艱若新舊錢糧並徵民力不無拮据曾降旨畢沅令其將該府州屬因災緩徵民欠銀兩查明共有若干據實具奏候朕另降恩旨茲據畢沅查奏延安榆林綏

德。三府州屬。乾隆四十七、八兩年。共緩徵民屯起運等項銀一萬一千八百六兩零糧三萬六千六百五十一石零草二萬五千一百六十一束。共未完耗羨銀一千七百七十兩零。又未完榆林府廣有倉米七十二石俱著加恩。概行豁免。以示朕軫恤窮黎有加無已之至意。該部即遵諭行。○諭軍機大臣等據剛塔奏賊衆占據馬家堡黑莊兩處與李侍堯昨日奏到情形相同。賊匪雖現據大山。官兵難以繞溝前進。然賊既入山中。四面堵截。如釜底游魚。株守空山。食盡自斃。但當嚴密堵截。防其別尋路徑逃逸。況現在西安及甘肅寧夏各處官兵俱已齊集。兵力既厚。自可設法四路合剿。並堵截其去路。無難剋期撲滅。再昨據李侍堯奏。正在派兵進剿。因軍裝火器被雨潮濕。現今弁兵將器械整飭烘烤。再為前進。本日剛塔亦奏稱兵丁收拾器械等語。官兵進剿賊匪。自必攜帶帳房軍裝器

械俱應在帳房內收貯。非同露處。且行軍豈能不遭風雨。若似此需濕火器。尚可用兵乎。況內地。在在皆有房屋。非若口外可比。何致被雨淋濕。可見綠營無用。全不知行軍之道。該督等宜嚴加整飭。毋得仍前疎畧。致滋臨陣周章。○是日駐蹕密雲縣行宮。○甲子諭據海寧奏稱。舍楞呈報瑚圖斯山私行挖金之民人三十餘名。即行差人前往緝拏。業經逐出。續將拏獲復來之七十餘人審訊。彼此抵賴。並不實供。請將王成枷號三個月。其餘按起發回原籍。嚴行約束等語。海寧所奏甚屬含糊。據舍楞初次呈報。業將私行挖金之三十餘人追逐。究係逐往何地。並何人逐去之處。摺內並未聲明。既將復來之七十餘人拏獲。其三十餘人又如何逐往何地。至瑚圖斯山聚集人衆。私行挖金。皆由不豫行嚴禁所致。似此游牧地方。致集多人。與其動衆緝拏。發遣原籍。不若平素即著坐卡官兵。並舍

榜等嚴行查禁。若不隨時將遊民陸續逐去。至人衆聚集。難保不生事端。著交海寧嗣後嚴飭坐卡官兵。勿著民人出卡。以致聚集人衆。留心嚴禁辦理。至舍榜所辦。若果妥協。酌量賞給緞匹。著照所奏行。○是日駐蹕要亭行宮。○乙丑。諭軍機大臣等。賊人屯聚馬家堡。經官兵勦殺後。仍退回堡內。看此光景。賊人既屯聚一處。不能四散劫掠。轉屬易於辦理。此時李侍堯在靖遠駐劄。不過籌辦糧草事務。可以委道員等代辦。李侍堯當前往馬家堡。督率調度。較之剛塔一人在彼呼應。更為得力。況鹽茶監禁。賊回家屬。俱已正法。其靖遠內應回民。亦經按名拘獲。正法賊匪。現退入山內。自不能復至靖遠滋擾。即或拚命回撲。官兵正可就其出巢。半路截殺。更易為力。現在賊匪所據馬家堡。前左右三面俱係深溝大河。官兵嚴密圍攻。已如釜底游魚。困守空山。食盡計窮。自不能長久占據。惟堡後

靠山居險。防其別尋路徑。或由山後逸出。該督等不可專意在前攻圍。疎防後路。致賊人或乘間竄逸。將來虛勞兵力。圍守空堡。竟成笑話。況馬家堡地方。想亦不甚廣濶。所調西安、甘州等處官兵。早已齊集。儘可四面圍堵。將出路悉行截住。無難盡數殲除。此事最關緊要。李侍堯等尤宜加意留心也。至李侍堯辦理地方事務。素稱諳練。而用兵非其所長。現據伍岱奏。明暫留該處協勦。從前伍岱在西路金川。屢著勞績。曾為叅贊大臣。於行軍事宜。最為諳習。朕所深悉。李侍堯正當委其領兵進勦。至賊人屯聚馬家堡。亦不過與蘇四十三之困守華林山。情勢相同。而賊巢中並無烏鎗火器。尤非撒拉爾之以打牲為業者可比。官兵箭鎗齊發。賊人自不能支。但綠營施放烏鎗。往往未見賊衆。混行施放。一經膽怯。則準頭必高。此皆由平時將領不能訓練。嫻習致臨時緩急失宜。該督等務宜飭令

帶兵將弁詳悉曉諭各兵以烏鎗弓箭原為殺賊而設若未見賊面先行遠放則交仗時轉致火藥盡而箭射完無以抵禦如此開導使知準頭施放機宜自更為得力此時賊匪已成窮蹙之勢官兵若能迅速勦除固屬甚善萬一賊人尚敢負隅抗拒該督等又宜嚴守前後路徑轉不必存急於完事之見務將賊衆圍截嚴密盡數勦拏勿使一名兔脫○是日駐蹕兩間房行宮○丙寅諭曰刑部具

平定縣志卷之六

二六

題直隸省王添富毆傷伊妻于氏身死一案又宛平縣陳明貴勒死伊妻林氏一案俱照故殺妻律定擬絞監候自屬照例辦理朕細閱本內兩案罪名雖同而情節各異陳明貴因林氏嫌伊家貧輒與伊母盧氏吵鬧屢欲找房另住經陳明貴責斥林氏復將盧氏大聲辱罵如此悖倫逆理之婦實為法所不容陳明貴一時氣忿將林氏用帶勒死是陳明貴之殺妻實由伊妻忤逆與逞兇故殺有間

娶妻本為養親而明刑即以弼教陳明貴一犯將來秋審時即該部按例入於情實亦不予勾也至王添富因伊妻于氏不肯同寢輒肆行毆踢用大筋燙烙以致遍體傷痕逾時殞命該犯年已三十餘于氏年甫十七乃以不肯與伊同寢頓起殺機毆烙兼施殘忍已極刑部定擬絞候固屬故殺專條將來秋審時自當情實予勾以儆兇殘朕辦理庶獄期於至平至允如此二案罪名雖同而一由忿

平定縣志卷之六

二六

激一由淫兇其間權衡輕重分別辦理無非刑期於中之意將此諭刑部存記並令九卿閱看○諭軍機大臣等據李侍堯奏到賊人分竄蹤跡及官兵追賊打仗情形一摺尚係在靖遠拜發該督於用兵雖非所長而識見尚為明練若親往督率調度較剛塔自為呼應得力且甘肅自逆回蘇四十三滋擾後即責成李侍堯斷除新教今復有田五等謀興新教抗拒官兵之事是該督從前查拏未能



淨盡已難辭辦理疎漏之咎况李侍堯在甘業經數年甘省添設官兵較之他省為多靖遠鹽茶一帶在在皆有營汛官兵似此逆回謀為不軌鄉約尚能舉首其弁兵等即或因賊衆不能擒捕豈有坐視賊匪經過不行稟報之理又焉用此添設多兵為耶李侍堯一聞賊人起事即赴鹽茶一帶迅速查辦並將賊人拏獲正法辦理亦屬奮勉是以朕尚加恩賞賚今靖遠既無所事事該督亟宜前往該處會同伍岱剛塔等相機進剿以期迅速完結庶可將功抵罪何得安坐靖遠將帶兵調度事宜竟諉之剛塔等承辦耶如李侍堯未接昨降諭旨之先已赴馬家堡督剿當遵旨逐一妥辦儻尚未起程即當星馳前往不可藉詞彈壓竟在靖遠駐劄逗留以致老師糜餉自取罪戾若復使賊人等乘間竄逸該督尤不能當其罪也○是日駐蹕常山峪行宮○丁卯遣官祭

關帝廟○諭據李侍堯奏接提臣剛塔咨稱五月初五日據弁兵探得馬家堡內賊匪竄逃惟見空營一座搜獲山溝內避賊回民訊據供稱賊回見官兵勢大黑夜從轍家梁翻山至鐵木山而遁不知去向等語所奏大奇前因該督等奏馬家堡後靠山居險朕即慮其翻山逃逸早經節次傳諭並令李侍堯迅速親赴該處會同剛塔等設法四面嚴密圍堵務將賊匪全行剿殺毋使一名免脫乃本日李侍堯奏賊匪果由山後逸出是朕先幾一動不意竟如所料而剛塔率領數千官兵在彼攻剿止向山前截殺並不慮及山後設法嚴防李侍堯則安坐靖遠並不親身前往相度機宜督率調度雖經朕屢降諭旨令伊等嚴防後路皆已不及朕惟當自愧用人之不當耳前因賊首田五殲斃大局已定曾降旨將李侍堯交部議敘剛塔從優議給世職乃現在所存不過賊人餘黨竟不能即時剿

滅致有逃逸之事。是李侍堯剛塔不但無功而且。有罪。所有議敘之處。著停止。仍令戴罪立功。迅速追勦。務將賊匪盡數擒拏。如有一名漏網。惟李侍堯剛塔是問。仍俟事竣後。覈其功罪。另降諭旨。所有硃批李侍堯摺及節次所降諭旨。著發交行在王大臣等閱看。並著鈔寄阿桂。交在京王大臣等閱看。○補行吉林乾隆四十七年軍政有疾官一員處分如例。○以詹事劉躍雲為內閣學士兼禮部

侍郎。○以故四川龍安府土知事薛丕承子祥襲職。○旌表守正捐軀河南安陽縣民吳萬魁女吳氏。○是日駐蹕喀喇河屯行宮。○戊辰

上詣熱河

文廟行禮。○諭軍機大臣等。據剛塔所奏。總不成話。賊人困守馬家堡。官兵紮營圍攻。自必相距不遠。剛塔等非瞽目之徒。何至於賊匪詭設人形。熟視無覩。致令乘間遠颺。况昨

據李侍堯奏。接據剛塔圖桑阿。俞金鰲札會

始知賊人逃遁之信。是彼時俞金鰲圖桑阿俱在該處帶兵。何以本日摺內祇係剛塔單銜具奏。看此光景。竟係俞金鰲圖桑阿以賊人奔竄。視為與己無涉。將追勦殺賊之事。專委之於剛塔。伊等不過在彼協辦。苟且塞責。而剛塔又惟知遠聽總督調度。並不即刻趕賊。僅止搜拏犯屬。送與李侍堯審辦。李侍堯此時又仍然安坐靖遠。惟以訊供為事。竟如

傳遞文書之人。而於勦辦事宜。似屬剛塔一人承辦。竟與己無涉。全不認真上緊趕辦。伊等彼此推諉。實屬大奇。地方遇有此等重大事件。不特總督應親往籌辦。即通省文武大員。無不當實心出力。視為己事。何得稍存觀望。俞金鰲係本省提督。圖桑阿係本省副都統。俱有勦賊之責。因何摺內並不列名。其意以為賊人業經竄逸。任聽剛塔一人具奏。將來得有却過地步。試思伊等果能却過乎。如

賊不能迅速按名擒捕。非獨李侍堯剛塔不能當此重罪。即俞金鰲圖桑阿亦必一律治罪。並無分別。伊等豈不知朕辦軍務從來嚴明無縱乎。至閱剛塔摺內。現止該提督等在後大隊尾賊。並不分兵繞出賊人前路迎頭邀截。此時賊若往東。至平涼一帶。尚有傳玉所帶滿漢兵丁。可以截擊。使賊竟西向省城一帶。又將使何路官兵攔堵。何以該督等摺內俱不籌及。從前蘇四十三滋事。正當該省

實錄卷二千一百六

三

營伍廢弛之時。蘭州省會尚能保固無虞。現在各營汛在在添設官兵。而省城為尤多。豈可更任賊人來往搶掠滋擾。如行無人之境。李侍堯等乃尚昏如睡夢。安於畏懦。全不籌慮及此。竟以相諉為了事耶。李侍堯剛塔俞金鰲圖桑阿俱著傳旨嚴行申飭。至剛塔等送賊回家屬。皆係首從要犯黨羽。不可不從嚴辦理。以快人心。李侍堯俟其解到。即無分首從。概予駢誅。不可又存姑息之見。○是日

駐蹕避暑山莊。至八月戊戌。皆如之。○已巳。諭曰。李侍堯等於勦捕回匪一案。未能妥協。著派尚書福康安帶欽差大臣關防。同領侍衛內大臣海蘭察帶領巴圖魯侍衛等。分起馳驛前往。勦捕督辦所有隨帶軍機處司員亦著一併馳驛。○又諭曰。福康安現在出差。所有行在兵部印鑰。著和坤兼管。○又諭曰。福康安出差。御前大臣僅和坤一人。福長安著照從前和坤之例。協同御前大臣行走。○

實錄卷二千一百六

三

諭軍機大臣等。據阿桂等奏查明廣寧門外石道工程。實無情弊。一摺。內稱德成於承辦寧壽宮火器營營房二案之加價。則以為拮据情真。於石道工程之加價。則以為藉端浮冒等語。寧壽宮及火器營二處工程。德成承辦者。不過燒造磚瓦。採買虎皮石塊。皆係緩工。且在十年以前。工價尚不至如現今之昂貴。該侍郎猶以定例不敷。奏請加價。何以此次修理廣寧門外石道。需用石料甚多。且係

六面見線之料。工價較十年以前亦自必加增。德成乃稱司員等於例外加價。顯有浮冒情弊。豈非自相矛盾。此案既經阿桂等查明無弊。而德成又復嘵嘵具摺。瀆奏實屬愚執乖謬。朕此時何難即將德成從重治罪。特顧惜國體。斷不肯因工作之事。遽寬大臣於法。非愛惜德成也。德成竟不必管理石道工程。祇照舊辦理辟雍事務。並著阿桂傳旨。將該侍郎嚴行申飭。阿桂等奏到之摺。發給閱看。

實錄卷二百六

五

令其將折角處一併明白回奏。尋奏從前二案內有燒造新樣磚。堅細經久。尺寸較大。採購虎皮石。尤為難辦。運載磚瓦。價值亦昂。是以奏請加價。批。汝之加價。有因他人之加價。獨無因乎。又奏。此次辦理工料。與前稍有不同。得旨。軍機大臣會同該部嚴察議奏。○又諭。本日據畢沅奏。河州回民馬五一等。由甘解至陝西。已於四月十五日解交河南閩鄉縣接收轉遞等語。馬五一黨同馬國甫馬萬

德堅守新教前尚冀其改過自新。是以止令發往瓊南百色煙瘴地方安插。今甘省復有新教回民聚眾滋擾之事。看來此等回匪。改立新教。煽惑人心。牢不可破。恐其到配又復倡教惑眾。斷難望其悔改。復予姑容。著傳諭何裕城將馬五一馬國甫馬萬德三犯於解到地方即行正法。示眾如已出境。即著湖北督撫派員迎赴該犯解到之處。監視正法。仍一面即行具奏。○又諭。據李侍堯奏。現在會

實錄卷二百六

五

勦賊匪。辦理有人。已札知噶塔布令其仍往新疆換班等語。李侍堯於此事又復錯誤。此時勦辦逆回。正當需人之際。噶塔布久歷戎行。於軍旅尚屬明悉。且自請勦賊出力。正宜留在軍營。協同辦理。何以轉令仍赴新疆。想噶塔布接到李侍堯札會。其行程料必不遠。著傳諭噶塔布即速趕回。會同剛塔伍岱等帶領兵丁奮勉進勦。並諭李侍堯知之。○又諭。現已派福康安同海蘭察前往甘省進勦。

回匪從前勦辦撒拉爾逆回時。旺沁班巴爾曾隨伊父帶領所屬厄魯特兵。効力行走。伊所轄之衆。向習騎射。較寧夏兵倍為得力。著傳諭旺沁班巴爾。即前赴游牧處所。於所屬厄魯特兵丁內。挑選一千名。親身帶領前往。若福康安已到。即協同進勦。若到在福康安之先。即同李侍堯進勦。又諭現已派福康安同海蘭察等。前往甘肅保寧著。即照前次勦辦撒拉爾之例。將成都所屬屯練番兵內。挑選一千名。並派穆塔爾丹比西刺布等。幹練員弁數人。帶領迅往鞏昌安定。協同福康安進勦賊衆。

實錄卷二百六

二十六

大清高宗法天隆運至誠先覺體元立極敦文奮武孝慈神聖純皇帝實錄卷之一千二百六

實錄卷二百六

三十七

大清高宗法天隆運至誠先覺體元立極敷文奮武孝慈神聖純皇帝實錄卷之一千二百七

監修總裁官經筵講官太子太傅文淵閣大學士文淵閣領事領侍衛內大臣稽察欽奉 上諭事件處管理

吏部理藩院事務正黃旗滿洲副都統世襲騎都尉軍功加七級隨帶加一級尋常加二級軍功紀錄一次臣等謹

總裁官經筵講官太子太傅文華殿大學士文淵閣領事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣等謹將內大臣戶部尚書理藩院副都統軍功紀錄五次

尋常紀錄十四次臣等謹將經筵講官太子少保工部尚書紀錄六次臣等謹將鑄印奉

敕修

乾隆四十九年甲辰五月庚午諭甘省逆回

實錄卷之二 二百七

田五等滋事經官兵勦拏田五中傷自戕餘賊困守馬家堡已成釜底遊魂俟其力盡計窮別無逃路自必束手就斃前因李侍堯奏馬家堡靠山居險朕即慮其翻山逃逸早經節次降旨傳諭李侍堯迅速親赴該處會同剛塔等設法四面嚴密圍堵毋使賊匪一名免脫乃於朕旨未到之先剛塔惟知在馬家堡圍剿並不嚴防山後去路致賊得以設計乘間奔竄該提督又不星夜帶兵追捕尚咨

會總督來往文移耽延追賊已遠馳止在後

尾追任其肆出剽掠李侍堯又安坐靖遠以

辦理逆犯家屬為畏避地步並不親赴調度

會剿及聞賊人逃逸毫無措置失意張皇並

不即行親往此事若仍交伊二人辦理恐致

貽誤倘日久使賊蔓延尚復成何事體是以

特命尚書福康安帶欽差關防同領侍衛內

大臣海蘭察帶領巴圖魯侍衛章京等馳驛

前往福康安素嫻軍旅且兵力厚集賊匪餘

實錄卷之二 二百七

黨自可剋期撲滅地方百姓亦得早就奠安

似此小醜跳梁原不值特派大臣前往但以

該省督提辦理不善不得不簡重臣督率整

頓以期速於蒞事所有該省辦理不善之文

武各員統俟賊匪勦除淨盡福康安按其功

過覈其情罪詳晰奏聞另降諭旨將此通諭

中外知之○又諭甘肅小山逆回田五等謀

興新教煽誘匪徒搶掠村堡擾害良民現在

賊首雖已就斃而夥黨尚未勦淨其所過地

方百姓田廬牲畜被其搶掠及聞信驚避遷徙流離者均為可憫著福康安到彼即會同該督將該處村莊戶口詳晰查明酌量撫卹其應行蠲免錢糧及給與口糧之處一面辦理一面據實分晰具奏以示朕安撫良民務期得所之至意此旨當先到甘肅李侍堯即騰黃普諭各屬該部遵諭速行○又諭松潘鎮總兵劉倬前因舊傷舉發請解任調理朕念其曾効力戎行打仗受傷已降旨加恩照

實錄卷二十一

三

旗員之例一體給與全俸今據李世傑奏該鎮在省因傷發身故殊為可憫著交部議卹酌量給予千總恩廕以示朕軫念前勞有加無已之至意○又諭據綽克托奏齊哩克部落之布嚕特侍衛額森等未待往拏已自行投到額森等恭順可嘉著交海祿每人各賞庫貯大緞二匹並諭以前此綽克托奏請往喚爾等之時大皇帝早已洞鑒此事與爾等無涉即令遣回嗣後惟宜感激天恩愈加恭

實錄卷二十一

四

順等語撫諭遣回倘已經起解海祿奉到此旨飛飭解員著將額森等即行釋回○諭軍機大臣等據劉戡奏大名府屬於五月十一日得雨五寸已為深透晚穀晚豆正可及時趕種等語覽奏深為欣慰今夏直隸大名等府及河南衛輝等屬雨澤稀少屢為廛念前據何裕城奏該省四月二十九三十等日開封衛輝懷慶彰德等府俱經得雨若五月望前再續得雨澤尚可趕種無誤等語茲直隸大名府屬已於十一日得雨深透河北衛輝彰德等屬境壤毗連想必同霑渥澤且劉戡摺內稱西南一帶雲氣較厚雨勢自必廣遠著傳諭何裕城即將衛輝彰德懷慶及開封府屬各州縣是否一律普霑深透之處速行查明據實覆奏以慰懸注○辛未諭軍機大臣曰剛塔奏初九日馬營街勒賊情形一摺看此光景較前稍有起色但賊現屯聚馬營街剛塔俞金鰲圖桑阿等所帶之兵俱已到

齊。即應各領弁兵分布前後左右。將賊人四面合圍。併力進攻。方能一舉集事。盡數殲除。不致仍前翻山逃竄。乃閱摺內。該提督等仍會集一處。並不籌算。及此若復致賊人翻山而遁。更屬不成事體。又本日據李侍堯奏稱。靖遠現無留辦之事。即起程前赴鞏昌安定。一帶賊蹤較近處。駐劄辦理等語。李侍堯既知應親往辦理。即當星赴馬營街打仗處。所與剛塔等面商妥辦。乃僅於賊蹤較近之處。逗留駐劄。是何言耶。看來此事。剛塔惟知在賊後尾追。全不籌及繞在賊前。並督率官兵分布左右。以期四面圍殺。不使竄逸。俞金鰲圖桑阿等。則以勦賊為剛塔一人專責。伊等如幫辦者。然而李侍堯則一味退縮不前。仍思於賊蹤不到之處。遙遙安駐。似勦賊事宜與伊無涉。彼此推諉。竟無一人實心承辦。李侍堯剛塔俞金鰲圖桑阿著再傳旨嚴行申飭。此時若再不派重臣前往督率。恐有貽誤。

昨已令尚書福康安同領侍衛內大臣海蘭察帶同巴圖魯侍衛章京等。馳驛前往。但福康安到彼。尚需十餘日。而此時勦賊正在緊要之際。伍岱素嫻軍旅。曾為叅贊大臣。福康安未到之先。即著伍岱總理一切。所有彼處帶兵之大臣官員。俱聽其節制調度。伍岱此時務當相度機宜。速籌圍剿。不可使賊人有一名免脫。亦不可因福康安未到。稍存觀望等候之見。至賊人自馬家堡奔竄後。又有楊填四等聚眾接應。並有張阿渾馬建功等亦被賊人糾約入夥。以致復行屯聚。且賊營內俱係新白布帳房。又有烏鎗等項器械。賊人甫經竄逸。各處回民即紛紛接應入夥。帳房器械等物。俱非倉猝可辦。從前蘇四十三滋事。尚因副將新柱知府楊士璣激成。此次賊匪竟係蓄謀已久。暗中勾約豫備。所以能同時聚擾。皆由李侍堯平時不能督率地方文武員弁。漫無防範。覺察所致。俟事竣後。著福



康安查明詳悉。奏另降諭旨。又前此賊人田五等。自小山起事後。其餘賊由鹽茶廳。至西鞏驛一帶。四出奔竄。所經之處。地方已屬遼遠。沿途村堡。被賊搶掠。百姓受害者必多。且前據該督等查有民人展廷隆。因賊脅令入夥。不從。父子被害。可見民人等平時受朕撫恤深恩。雖遭荼毒。仍至死不肯從賊。殊堪嘉憫。昨已降旨。令福康安到彼。會同該督。即詳晰查明。酌量撫卹。李侍堯接奉諭旨。即速先行普諭各屬。務期良民安輯。毋使一人失所。再據李侍堯奏。分竄鷹窩石賊匪。經副將八十五。玉柱等。帶兵迎截。擊斃甚多。所辦尚好。八十五。玉柱等於分竄之賊。能奮勇截殺。亦屬可嘉。著存記。俟事竣後。福康安查明果係出力。奏聞候朕降旨。其餘賊二十餘人。李侍堯仍嚴飭該副將等。上緊擒拏。務獲勿任乘間逃竄。○又諭甘省逆回滋事。節經檄調西安滿漢官兵。及寧夏涼州等滿兵。並各提

鎮所屬兵丁進剿。不下數千人。其如何支給應付之處。總未據李侍堯詳悉。奏及看來。此時李侍堯竟屬張皇失志。一籌莫展。諸事漫無料理。兵丁等追剿賊匪。鹽菜口糧。最關緊要。況今又調川省屯練降番兵。及阿拉善蒙古兵。到彼協剿。此項兵丁。俱從別處徵調前來。應得口糧。必需隨時寬為應付。從前剿捕蘇四十三時。所調川省屯練及阿拉善兵。並陝甘官兵土兵。支給鹽菜口糧。俱辦有章程。著傳諭李侍堯。即派委大員。專司妥協辦理。照前支給。不必拘泥成例。俟事竣後。具奏將必需情由聲明。候朕酌量降旨。庶承辦之員。不虞掣肘。而兵丁等得資飽騰。自必倍加奮勉。勇往從事。並諭福康安知之。○又諭曰。傳五行至會寧地方。聞賊在馬營。即將所領西安兵。交永安帶領。前往殲賊。所有前隊西安兵一千名。著即交永安調用。其明善所帶後隊之兵。著交調任西安副都統敦倫泰。即速

帶領馳赴永安駐劄之處。與伍岱等併力勦賊。傳玉年老。於用兵機宜。未經歷練。著與明善並回西安。同哈清阿守城。至莽古賚亦已年力就衰。著回寧夏駐守。所派寧夏滿兵。著即交旺沁班巴爾。一併帶往馬營等處。協同伍岱等勦賊。○又諭曰。保泰奏至鄂爾多斯游牧會同該盟長貝子丹巴達爾濟。挑選兵丁。並派出領兵貝子等。懇請前往効力等語。逆回即日勒竣。此項兵已可無庸派往。至貝

子丹巴達爾濟真誠可嘉。著加恩賞大荷包一對。小荷包二對。派出帶兵之貝子等。各賞大荷包一對。小荷包一對。至所派之兵。雖令歸伍。不無整裝之費。著加恩賞銀一千兩。保泰即來京供職。並傳諭阿桂。福康安。農起等知之。○壬申。諭軍機大臣等。據伍岱等奏賊人復行竄逸。且有石峯堡等處回民聚集滋擾之事。並稱回匪頭人有馬阿不都馬之元沙之玉。馬世雄。四人都是三掌教頭目。更有

小頭人四名等語。新教匪徒。竟有三掌教名目。可見伊等掌教內。已有等第層次。是其蓄謀已久。必非朝夕所能猝合。李侍堯身為總督。且從前勦除蘇四十三後。所有斷除新教之事。即責成該督專辦。乃該督於新教回匪等。公然自立掌教名目等次之事。毫無覺察。任其煽惑勾結。以致釀成事端。豈封疆大臣。惟知厚享廉俸。安坐衙齋。而於地方此等重大事件。全不知留心防範。有是理乎。福康安

到後。即查明此事。如果係李侍堯平時漫不經心。養癰貽患所致。即據實嚴叅具奏。至賊人屢次逃逸。糾合夥衆。擾害地方。揆度情形。必須滿洲勁旅前往。方能迅速肅清。著傳諭阿桂。於火器健銳兩營內。挑選精兵一千名。豫備聽候諭旨。再行帶領起程。所有分隊帶領之侍衛章京等。並著酌量選派京兵。聲勢壯盛。經阿桂帶領前往。尤足以壯軍勢而懾人心。阿桂所帶京兵一到。自可會同調度。剋

期竣事也。所有沿途應用車輛，著傳諭劉我何裕城畢沅，不動聲色飭屬密行妥備，勿致臨時遲誤。亦不可稍涉張皇，直隸派景祿河南派江蘭陝西派圖薩布專司其事，護送出境。○癸酉，諭軍機大臣曰：綽克托調派伊犁等處兵追擒燕起，實屬張皇，著傳諭海祿等即行文停止。○甲戌，諭甘肅逆回滋事未能迅速剿滅，已派福康安帶領巴圖魯侍衛章京等前往勦辦，著再派阿桂帶領侍衛章京兵一千名，分作五起，阿桂先率領頭起由驛起程，從河南一路行走，前往更足以壯軍威而速藏事。其隨帶之軍機處司員並著一體馳驛如阿桂途次，已得勦賊完結之信，即行帶兵回京。○又諭曰：阿桂現在出差，所有留京事務著派慶桂暫行辦理，俟阿桂回京後，即毋庸兼辦。○又諭本年三月十二日據喀什噶爾辦事大臣保成等奏喀什噶爾迤外色默爾罕地方有前經背叛伏誅之大和卓

布拉尼敦之子薩木薩克潛遣伊親隨回人托克托素丕等，私與喀什噶爾回人默羅色帕爾暗通信息，誘取銀物一事，朕彼時以薩木薩克竄匿遠地，餬口無資，狀同流丐，其與喀什噶爾回人通信不過希圖誘取銀物，但將接受書信之人及薩木薩克所遣通信之托克托素丕查拏懲治已足示儆，乃布魯特散秩大臣阿其睦之弟額穆爾擅將托克托素丕私自容留，經喀什噶爾阿奇木伯克鄂斯瑞訪聞舉發，阿其睦不知感戴朕恩一味偏護伊弟，恐其罹罪，又英吉沙爾之阿奇木伯克阿里木亦曾接受薩木薩克私書，恐鄂斯瑞查辦遂與阿其睦同謀陷害，指稱鄂斯瑞亦曾與薩木薩克私通信息等情。先後至保成處誣告，經保成審出誣捏情節，阿其睦不知愧服，又率伊子燕起前往烏什，綽克托處誣告。其時綽克托並不妥速剖斷，一味調停姑息，帶領阿其睦等前往喀什噶爾會同

保成令阿其睦阿里木等與鄂斯璫賠罪和息完事具奏所辦錯謬之至前此保成初奏此事時朕悉心籌畫若不將阿其睦等擒治不久必至生出事端當即降旨令將阿其睦等拏解來京方為妥善諄諄訓誡至再至三昨保成始將阿其睦等與阿里木及案內有名回人一併拏獲分起押解送京乃綽克托聞知保成如此辦理張皇失措竟將案內毫無關涉之阿其睦親戚布魯特額森阿三拜

卷一百一十五

三

一併拏解具奏所辦更屬荒唐因即降旨令將布魯特額森阿三拜釋放並傳諭新授之叅贊海祿曉諭伊等與此案無涉善為慰撫令其照舊當差並將綽克托革職拏解來京交刑部治罪矣據綽克托奏稱此旨未到之先額森等當差人拘拏時情詞極為恭順並稱被阿其睦株連受累深為怨恨今情願入京朝覲且一面曉諭伊所部之布魯特等此係阿其睦與鄂斯璫構陷以致株連母得妄

生疑慮混行舉動是額森洵屬布魯特中明理安分之人前業經施恩賞給緞匹並予陞級換頂令其仍回游牧節經降旨海祿遵辦矣朕又將保成等所奏拏獲阿其睦之弟昆楚克免其株連亦降旨速行慰諭釋放此事鄂斯璫並不因阿其睦等誣告稍存畏忌隱飾始終奮勉幫同保成擒拏阿其睦是以施恩晉封貝子以示獎勵至保成從前扶同綽克托釋放阿其睦固屬咎無可辭及接奉朕旨即能將阿其睦等拏解功過足以相抵是以止令交部議處以期賞功罰罪咸歸允當至保成拏解阿其睦後其子燕起疑懼潛逃彼時本不必遣人追趕乃保成因遣去之回子伯克呼圖魯克默特等被燕起戕害復欲調烏什等處官兵前往追趕意圖剿滅燕起所辦又屬過當奏到時朕即已降旨海祿保成等將戕害回人家口酌量賞卹此事若因燕起一人逃竄即調兵擒拏甚屬不值詎綽

克托一聞調兵信息。輒輕舉妄動。檄調伊犁烏魯木齊烏什各處官兵。所奏更為謬妄。已有旨令其速行停止。朕因伊等措置乖方。正在憤懣間。據喀喇沙爾辦事大臣福祿奏。保成所調之土爾扈特官兵。已停止不發等語。覽奏深為嘉許。大臣等受朕委任。能如福祿之籌酌得宜。隨時奏聞。方為不負任使。至拏解阿其睦送京一節。諸臣多存畏蒞之見。皆由未嘗深悉事理。惟務姑息調停。即阿桂。伊勒圖。始亦未嘗不欲消弭其事。今燕起逃逸。其追趕之回子伯克。復被戕害。不但綽克托必以為因擒拏阿其睦所致。即阿桂。伊勒圖亦未必不以不聽老成之言。致有此事。豈知擒拏阿其睦。以致燕起脫逃。原朕意中之事。斷不諱也。此實與我

皇祖定計。勦滅吳三桂。出自獨斷者。情事無異。至追趕燕起之回子伯克被傷。亦因燕起情急拒捕。不過欲遠遁偷生。况伊逃遁後。布魯

特人衆並無隨往同逃。其情勢窮蹙。已可想見。從前布魯特之多連來喀什噶爾報信時。伊之屬下布魯特疑懼。將欲遷徙。多連聞信。即往追喚回。茲何必為拏一無關緊要之燕起。張皇發兵。致令布魯特人衆驚疑乎。頃接保成奏。審訊阿其睦親屬及跟隨人等供稱。阿其睦早已向其子弟商議。至八月馬肥時。再尋事端等語。其明驗也。此豈保成豫窺朕旨。捏造此語乎。內外大臣等。試詳思辦理阿其睦之事。若如綽克托等之欲消弭不辦。勢必轉將鄂斯璘治罪。或阿其睦之心乃釋疑。然尚未能保其始終無事。天下有如此是非顛倒辦理者乎。即阿桂。伊勒圖亦始思消弭其事者。所奏雖屬因公。特所見淺近。未嘗深思全局耳。然朕亦不罪伊等。蓋為國家大臣遇事籌度機宜。據實陳奏。原朕所喜也。然使不將阿其睦等速拏解京。至八月間。伊舉事時。喀什噶爾地方必生一事。難於收拾矣。著

將保成等所奏。審訊阿其睦等親屬跟隨等供詞。譯漢通行曉諭。朕總攬萬幾。無事不悉心籌畫。務合機宜。恐內外大臣不能周悉。此事原委。以朕為好興事。朕老矣。欲無事之。不暇戒得在念。何必復興事。自取其勞。然事在不得不辦。朕亦不敢耽逸畏勞。而不盡心辦理也。特將始終辦理情形。詳晰通諭中外知之。○諭軍機大臣等。賊人現在鹿鹿山紮營。剛塔等仍止在對面拏營。又不籌及堵截圍

攻之法。是復縱令賊人得有去路。現已派阿桂、福康安帶同侍衛章京等。並京兵一千名。前往督勦。伍岱等此時雖不能奮勇殺賊。當此兵力厚集之時。自當分撥將領。四面堵圍。防其又從後路竄逸。俟阿桂等到時。再行會合殲擒。再據伍岱等奏。拏獲活賊一名。訊據供稱。現有賊人眷口數千。俱在石峯堡居住。又商議將石峯堡家眷接往伏羌秦州一帶等語。賊匪家眷既有數千口。由石峯堡前往

伏羌秦州。伊等此時何不派兵分路前赴該處。截住賊人。並將賊犯家屬盡數擒斬。勿使又得與賊人會聚。豈伊等不能殲除賊眾。而於賊人留下之老幼眷屬尚不能派兵截殺。必待朕於數千里外。一一為之指示耶。著伍岱等即遵旨於永安。八十五。玉柱等數員內酌派一員。迅速帶兵前往勦辦。勿使一名漏網。至賊匪既攻破通渭城內居民。自必被其擾害。現在作何安撫。庫項錢糧被賊搶去者若干。其放走監犯有自行投回者。著福康安詳晰查明具奏。典史溫模聞城破自縊。歿於王事。尚屬可憫。應予議卹。其訓導因跳樓跌傷。情尚可矜。至知縣王懷因畏死先行逃匿。不能督率兵民在城防護。以致失事。並著阿桂、福康安到彼會同查明。據實參奏。○又諭據陳步瀛奏稱。西安副都統明善帶兵由靜寧前往石峯堡進勦。十二日抵高廟山。擊賊中。矛傷陣亡。前據伍岱等奏稱。傳玉拏獲賊

匪訊據供稱賊人想將官兵誘至石峯堡內裏外夾攻今明善竟於石峯堡被害自係該副都統未悉彼處地勢以致誤中賊人之計殊堪憫惻其所帶官兵內恐亦有受傷陣亡者著阿桂福康安到彼後查明具奏一體優卹至賊人既如此鴟張而彼處又無有主見能辦事之人福康安不可不兼程星赴該處籌辦即阿桂亦當即日帶領京兵分起前往以壯軍勢而懾人心所有帶領之侍衛章京等即著阿桂一面挑帶派往一面奏聞再據陳步瀛奏稱高廟山距靜寧隆德平涼等處僅八九十里至百餘里不等該州縣兵力無多恐賊人乘虛來犯已飛札固原副將張拱酌調兵五百名分撥隆德等處防護並星赴靜寧州收集明善所帶餘兵嚴防要隘以遏賊鋒等語所辦甚好該處兵力既單賊人乘勢搶奪斷不可不防該臬司所辦尚屬能事自當如此嚴密堵禦勿使賊人再行乘間奔

竄○又諭現今阿桂前往甘肅會同福康安辦理勦賊事宜所有福康安佩帶之欽差大臣關防即可令阿桂作為將軍印信福康安海蘭察伍岱等並為叅贊大臣協同經畫至屆期進勦時賊匪內有應誅戮者即行誅戮若俘獲賊匪要犯酌揀數名派委幹練官兵護送迅速解赴熱河務飭該解員等沿途小心防護毋稍疎縱並於起解時飛咨所過省分督撫嚴飭地方文武員弁按站派兵協同護解○河南巡撫何裕城覆奏彰衛懷三府自初一至初十日尚未得透雨農田望澤甚殷得旨知道了想十一日之雨或霑足矣亟望喜音之至○予故湖廣提督馬彪祭葬如例謚勤襄○乙亥諭曰李侍堯等奏賊回滋擾通渭縣城隨經派往勦捕之都司福德保代什衣等奮力擊殺回匪即出城外當經查明知縣王懷在後園中倉房內藏匿訓導劉德跳樓右腿跌傷典史溫模自縊等語王懷

當逆回滋擾。自當率領民夫上城嚴密防守。即或力有不支。亦當罵賊而死。為國捐軀。凡歿於王事者。國家自有議卹之典。乃該令當賊匪攻城不能率眾防護。竟自向倉房藏匿。倖免偷生。實屬無恥。况典史微員。尚知身殉。應有卹典。訓導亦跳樓跌傷。王懷係該縣知縣。乃竟訓導典史之不若。國家安用此等縣令。為耶王懷著革職。拏交刑部照例治罪。其典史溫模並著交部議卹。○諭軍機大臣曰。

閱鶚元奏興武衛旗丁姚恒漕船於四月二十七日被盜。約六七十人。執有火把。刀仗。劫去銀一千一百兩。及衣服等物。並劃傷事主之妾。各盜行劫糧船。何以知此船獨有銀兩。且纏頭塗臉。顯有熟識之人在內。現在飭屬實力跟拏。並飛咨鄰近各省一體密拏等語。此案本日據李奉翰毓奇奏稱。桃源縣捕役盤獲江淮衛二幫糧船水手王相。供出黃永得向伊告知。目擊水手閔四從腰內取出元絲

銀五十兩。願送黃永得二十兩。黃永得不受。隨將黃永得緝獲到案。供亦相同。並據黃永得供在仰化集見孫四劉同夏麻子置買綢被等物。劉同孫四現在脫逃。已起獲小刀二把。繩鞭一條等語。是此案行劫盜犯業經露有端倪。該犯等在糧船充當水手。輒敢起意糾合多人持械行劫。實屬大干法紀。今既查有蹤跡。不難從此根究。購線嚴拏。著傳諭閱鶚元。即速飭屬嚴密訪拏。並移咨鄰省一體

查訪。務將逸犯閔四孫四劉同夏麻子等全行拏獲。從重定擬。毋致有一名漏網。將此傳諭薩載閱鶚元。並諭令李奉翰毓奇知之。○刑部等衙門議。蔡寧因爭塘水。扎斃小功服姪蔡周。事在恩赦以前。流罪應減杖。徒得旨。此案蔡寧扎傷小功服姪蔡周。伊子蔡典扎傷小功服兄蔡仁父子同時致死。蔡周兄弟二命。刑部將蔡典照律擬以斬決。蔡寧一犯則依毆死小功堂姪律擬以杖流。因在本年



恩旨以前減等杖徒固屬照律辦理但蔡寧父子以一人抵人弟兄二命因係尊長毆死卑幼律擬免死杖流已從寬減若復再予減等未為情法之平蔡典著即處斬蔡寧仍著杖一百流三千里照律的決餘依議○欽差大學士公阿桂奏明亮春寧向於行陣勇往現在監禁懇恩釋放隨往軍營効力再滿兵一千名請派領隊大臣約束得旨領隊大臣著派舒亮去明亮春寧著賞給藍翎侍衛隨往打仗効力贖罪○丙子諭軍機大臣等前已有旨諭保寧選派四川屯練番兵一千名帶領赴甘協勦今據傅玉等奏請調取屯練番兵二千名兵勢愈盛則勦捕愈為得力著保寧即遵照辦理其原派之一千名保寧即帶領穆塔爾等星即起程赴甘其續調之一千名著酌派幹練副將統領前往又諭前據陳步瀛奏星赴靜寧州收集明善所帶餘兵嚴防要隘以遏賊鋒該臬司所辦尚屬能

事但伊究係書生未嫻軍旅且此項兵丁既經失利之後則其氣已餒未必即能堵住賊人著再傳諭伍岱等務須迅速派兵分堵要路加意嚴防並宜收集餘兵申明紀律以作士氣○丁丑  
孝恭仁皇后忌辰遣官祭  
景陵○諭據李侍堯奏署安定縣典史費元燈因委赴官川密訪賊蹤至馬家堡遇賊被害所帶衙役吳朝鳳劉剴亦受傷身死等語該典史遇賊捐軀殊為可憫著交部照陣亡例給予卹典至衙役吳朝鳳等同時被害並著李侍堯查明從優賞卹該部知道尋議典史費元燈照例加贈主簿銜廕一子入監讀書並給祭葬銀一百兩從之○諭軍機大臣等昨因賊人藏匿鹿鹿山防其復翻山逃逸已有旨傳諭伍岱李侍堯於賊營前後分兵親往圍堵本日據畢沅奏與漢鎮總兵三德所帶之兵一千名業經剛塔調赴秦州堵禦等

語該鎮此時自己到彼防遏賊人後路是該處已有三德所領弁兵策應而伍岱等之現住營盤在鹿鹿山石峯堡之間密邇賊人正關緊要著傳諭伍岱等如兵力實不能分伍岱竟可不必遵前旨分兵圍繞賊人後路但當於現在紮營處所倍加小心防禦不可致賊人仍由舊路竄回靖遠西鞏一帶並當設法派兵分堵石峯堡賊人要路以斷其互相聯絡之勢勿令賊人繞出官軍之後或至猝不及備為要至軍營內現有伍岱暫行總理一切而帶兵之副都統提鎮大員亦不乏人傳五年老在彼無益且敦倫泰現赴汧陽隴州一帶西安省城止有畢沅一人著傳諭該將軍即將所帶之西安滿漢官兵交與伍岱永安管轄伊遵照前旨一面奏聞一面速行起程回至西安鎮守再本日據李侍堯奏於安定道旁拏獲道士徐璠成據供乃係賊營遣來勾結新教之賊徐璠成既係賊營遣至

安定經李侍堯盤獲何以不將賊營現在詳細情形向其嚴鞫况賊人既令匪徒改裝潛出勾結則其所遣者自不止一人亦必不止安定一處李侍堯尤應逐一研訊飛咨各處嚴密拘拏亦可以斷賊黨羽勾結且此數賊問明後何不即行正法又賊首田五殲斃後祇留餘黨馬鬍子李鬍子二人其被勾結入夥者又有楊填四張阿渾等此時賊營內究係誰為總領頭目何以李侍堯均不向徐璠成訊明具奏此事始終貽誤總由李侍堯不早至軍前調度所致今於此等審訊賊匪事件尚復疎畧若此豈竟張皇失措至於此極耶至剛塔縱令賊人竄逸以致到處聚集滋事肆行無忌該提督此時尚有何面目靦然身列戎行至伊所奏拏獲兵丁馬如林馬如海俱係新教回匪既係新教即當正法何必解交地方官行軍之事豈可拘例若是乎又據李侍堯奏稱現在馬營之賊與石峯堡之

賊互為聯絡等語。賊人各聚一山，彼此何由聯絡？必係暗中差遣匪徒往來通信，始得互相勾結。若官兵果能晝夜嚴密巡邏，並於要隘堵截盤詰，將此等送信之人立時拏獲正法，則賊信既斷，賊勢自孤。豈李侍堯等不能帶兵進攻，勦滅賊衆而於一二來往送信賊匪尚不能設法邀截耶？將此傳諭伍岱等，並阿桂、福康安知之。○又諭曰：畢沅等奏接據剛塔札稱，拏獲賊匪吳金，訊供賊衆即欲搶奪伏羌秦州一帶。現已札知興漢鎮總兵三德帶兵前往秦州堵截。因思汧隴一帶為陝西門戶，現將挑備軍標存營兵五百名交敷倫泰帶領前往相機堵禦等語。所辦甚好。賊匪既有搶奪伏羌秦州之語，該處必須大員帶兵迎截。現在伍岱等在鹿鹿山紮營堵勦，兵勢似單，未便再分三德到彼正可斷賊人南竄之路，並須將該處已入新教回匪詳細查明，概予駢誅，不可稍事姑息。至汧隴一帶

為東來入陝門戶，最關緊要。若賊人由此路竄入，該處山路叢雜，恐其又有煽動勾結之事。著傳諭敷倫泰即帶領官兵將該處通甘隘口嚴行堵截，並隨時偵察奸細，勿使兩省回匪暗相聯絡。其所帶西安兵丁五百名，不敷防守。已據畢沅奏飛調興漢兵五百名迅速前赴隴州。興漢距隴州不遠，此項兵丁想已到齊。敷倫泰即當上緊派撥，令其協同西安兵丁併力防禦，使陝甘交界處所毋有疎虞。方為妥善。敷倫泰既在汧隴防守，不必再行赴甘。將此並諭畢沅知之。○予故和碩鄭親王積哈納祭葬如例。謚曰恭。○以故鎮國將軍弘富子永淳鎮國將軍永瑛子綿僧照例襲輔國將軍。奉恩將軍永增子綿綬奉恩將軍訥穆謹子薩賓圖襲職。○旌表守正捐軀安徽蒙城縣民張成妻任氏。○戊寅諭拏問布魯特散秩大臣阿其睦等一事原因。伊弟額穆爾與薩木薩克潛通阿其睦如將額

穆爾縛獻。朕必加恩。將伊等之罪寬宥。乃袒護其弟。遂與阿里木誣控鄂斯瑞。亦與薩木薩克潛通。既經審虛。阿其睦尚無悔心。合謀遠遁。是以將伊拏問。伊子燕起。旋亦畏罪脫逃。喀什噶爾大臣等奏請調兵數萬追拏。及助力之布魯特等。盡行勦除。所辦未免太過。布魯特等投誠以來。沐恩已久。為燕起一人勦除各屬。朕心深為不忍。即令停止調兵。至額德格訥部落之布魯特比葉爾鐵拜與其兄阿爾體拜。派兵追拏燕起。朕深為嘉悅。已獎賞緞匹。果能拏獲。自當加恩。即或不能。亦不加罪。若不通行曉諭。則各屬布魯特何由知朕矜恤至意。著傳諭海祿保成。將此旨用布魯特字書寫。傳集布魯特比等。令其普為曉示。邊卡內外各鄂拓克所屬之布魯特等。不必畏懼。安常守分。以期永沐朕恩。○已卯諭甘省。逆回滋事。軍行糧餉甚關緊要。原任陝西按察使浦霖現在來京候補。該員曾在

金川辦理軍需。尚為熟練。著即馳驛速赴甘肅。幫辦軍需事務。毋庸至熱河請訓。○諭軍機大臣等。據蘭第錫奏。運河水勢一摺。內稱二進頭幫糧船。已過韓莊。湖水收蓄。挹注足資催送。且可豫籌來年接運之用。現在起程赴豫防工等語。是運河水勢業已充足。糧艘趲運。自可無慮。淺阻本日又據何裕城奏。安陽河內二縣均已連得透雨。現在民田無需灌溉。應將高平閘並九道堰等處民間閘渠概行封閉。使洹丹之水全數濟運。等語。所奏與蘭第錫奏報情形不同。豫省上游各泉源隨時疏閉。原為運道農田均資挹注。自不可稍分畛域。致農漕或有偏枯。今已據蘭第錫奏。運河水勢充裕。且可留為將來接運之用。是運河已無必需上源接濟之處。本年豫省雨澤較稀。自應多為蓄水。以濟農田。現在蘭第錫已起程赴豫。著傳諭何裕城。即與當面酌商。將高平閘及九道堰等處概行開放。使

該處農田得資灌溉於民生更有裨益。又據另摺奏彰、衛等屬被旱之內黃、封邱、汲縣、獲嘉等縣稟報得雨四寸二寸一寸不等。其新鄉、陳留二縣得雨不成分寸等語。該處農田望澤較殷。今所得之雨究未深透。且有僅得一寸及不成分寸者。於農田趕種秋糧不無妨礙。著傳諭何裕城體察情形。不必俟其成災。即行量加撫卹。其有應行酌給籽種口糧者。一面奏聞。一面辦理。毋使歉薄之區稍有失所。將此由五百里傳諭知之。速行放水。以濟民田之用。○以降調山西布政使汪新為湖南按察使。○調甘肅西寧鎮總兵興奎為甘肅河州鎮總兵。○庚辰諭從前甘省蘇四十三。因新舊爭教。地方官辦理不善。致釀事端。小醜跳梁。立時撲滅。節經降旨。李侍堯將通省新教回民當不動聲色密行查辦。斷絕根株。以靖邊疆。而安良善舊教之回民。是查辦新教。乃李侍堯分內專責。經數年間。該督

祇查拏一二人。奏明辦理。乃為時無幾。復有固原所屬小山回民田五等聚眾謀逆之事。攻城掠堡。傷害官兵。因令李侍堯查明賊人起事根由。據奏靖遠城內回民勾通內應一節。本年三月十五日。眾新教回人齊集禮拜寺。將田五糾眾謀逆情節告知。約令臨期內應等語。是賊人多係新教。久蓄逆謀。公然於縣城內齊集糾約。李侍堯安坐省城。毫無聞見。則從前之查拏一二回匪。不過藉以塞責。而其並不實心查辦。已屬顯然。迨賊首田五就斃。餘黨竄入馬家堡。剛塔等帶兵追趕。李侍堯惟知株守靖遠。藉稱審辦賊犯家屬。而於一切攻勦機宜。竟視為非伊總督本分內應辦之事。祇委之提督。以致軍營統攝無人。賊匪乘間翻山而逸。經朕再四訓飭。李侍堯始行移駐安定。仍與剛塔等軍營相距遙遠。彼此信息祇憑文札往來。從來行軍之道。有如此之玩延懦怯者乎。且各處從逆賊匪一

經拏獲即當審明立時正法乃據奏鹽茶靖遠安定地方尚有現審未辦之犯此等為逆回匪有何疑難耽擱李侍堯無非藉以遷延觀望遠避賊鋒巧為却過地步是其避重就輕豫存文飾之見豈能逃朕洞鑒真所謂欲蓋彌彰也此事李侍堯既玩愒於平時又畏蒞於臨事遂使賊勢蔓延猖獗到處勾通李侍堯之罪實無可逭李侍堯著革職暫留甘省帶罪効力辦理軍需事務俟勒減事竣再降諭旨其陝甘總督員缺著福康安補授福康安到甘時再行傳旨接印任事至剛塔於賊匪竄入馬家堡時並不堵截後路縱賊潛逃復札會總督輾轉耽延迨賊遠颺始帶兵尾追以致賊人四出勾結日益滋蔓擾害地方且於賊人攻破通渭縣城及在石峯堡肆行紛擾之處毫無策應失機債事其罪更無可逭剛塔著革職拏問解交刑部治罪其固原提督員缺著哈當阿補授現在河州有防

範事宜哈當阿不宜即離該處其未到任之前著伍岱署理固原提督印務現在各處官兵厚集阿桂福康安先後到彼相機攻勦諒此窮竄公膺自無難即時殄滅所有李侍堯剛塔辦理此事始終貽誤緣由及朕批閱李侍堯原摺著一併發鈔通諭中外知之○諭軍機大臣等前以伍岱等奏賊人藏匿鹿鹿山官軍仍對賊紮營朕恐賊復翻山逃遁並慮石峯堡之賊繞出官軍之後滋擾屢有旨訓諭伍岱等當加意防範今思軍營現在兵力已不為少伍岱等何不分遣游兵於賊人出入要隘四路分投偵探既可以得賊營實在情形並可以斷賊勾結匪徒接濟糧食之路正在降旨飭諭間復據伍岱等續行奏稱十七日據派往探路弁兵報稱有賊千餘名從鹿鹿山後遠出離鹿鹿山七十里之烏家坪紮營該處離伏羌一百餘里想係勾引伏羌回匪滋擾等語賊人狡詐多端於山前牽

緞官軍潛分賊黨從山後赴伏羌滋擾果不出朕之所料該處領兵各大員所司何事竟不及早籌畫分兵堵禦以致賊匪又從山後逸出始行尾追軍營現在官兵已有數千且該督等所調之寧夏阿拉善等處兵丁此時自己陸續到營是該處兵力不為不多並非不敷剿賊之用總由伍岱係客官不能作主而李侍堯剛塔等失志張皇毫無籌辦以致節次俱落賊人之後思之實深憤懣豈每事

平定回疆方略卷一百一十五

三

皆候朕於數千里外為伊等一一指畫耶此時伍岱等務當於要隘處所嚴密防堵或繞出烏家坪之前以截賊人去路勿使又得乘間遠颺四出滋擾看來該處官兵已數剿賊惟無人調度未免氣餒福康安接到此旨務宜加緊晝夜趲行到彼督辦福康安早到一日庶辦賊事宜早得一日之益也本日又據李侍堯因接奉節次飭詢諭旨逐款覆奏所奏總不成事體如所稱本年正月內田五至

靖遠哈得成哈彥家商同謀逆令其轉約新教勾通內應哈得成於三月十五日赴衆新教回人齊集禮拜寺時將田五糾從謀逆情節告知是何言耶從前蘇四十三殄滅後即責成李侍堯斷除新教今哈得成等竟公然於禮拜寺齊集衆新教回人告知田五糾從謀逆情節是該犯等倡教蓄謀已非一日聚集又非一人李侍堯身任封圻平日何以竟毫無覺察以致養癰貽患又據奏稱前歲蘇

平定回疆方略卷一百一十五

三

四十三案內奉有諭旨如有已歸新教而仍自認為舊教者是尚知畏罪亦只可因其避就量子生路詎伊等怙惡不悛改稱舊教仍從新教所奏更屬支離賊人膽敢於禮拜寺糾衆同謀是其逆形已露必非倉猝勾合之事且較蘇四十三為甚該督何得強以前詞藉口欲為卸罪地步又據奏稱鹽茶靖遠安定辦過賊匪統有四百餘名尚有現審未辦者不得不暫留審辦未暇即赴軍營此等從

逆之賊。問明即行正法。有何疑難不決。即或須暫留審辦。數日尚可。何至十日半月之久。此不過該督心存畏怯。借此遷延。以為不往軍前之計耳。近來見朕催往軍前。知其過而強為之辭。欲誰欺耶。此事始終貽誤。皆由李侍堯。平時惟安坐衙署。全不知督率地方文武員弁。稽查回匪。以致新教蔓延。及賊已滋事。又不親身前往軍營。會籌勦捕。反借審訊賊犯家屬為由。於靖遠安定等縣。逗留駐劄。

實錄卷三十三

三十七

致領兵各員。不相上下。互為推諉。羣懷觀望。使賊得乘間四出。勾結滋蔓。經朕降旨飭詢。該督覆奏摺內。尚一味避重就輕。意圖卸罪。試思朕前。豈可以文詞支飾耶。除已將該督誤事緣由。明降諭旨外。並著將本日李侍堯奏到之摺。錄交阿桂。福康安閱看。俾共知此事。貽誤原委。再據李侍堯奏稱。賊犯田重交。供出靖遠內應回匪姓名。維時天已傍晚。有候補吏目朱爾漢。因人眾未敢聲張。暗帶兵

役將各犯誑出。按名擒拏等語。朱爾漢以吏目微員。能將內應賊犯用計妥速。按名密拏。甚屬可嘉。何以李侍堯前在靖遠。竟未奏及。事定後。阿桂福康安即將該吏目出力之處。聲明送部引見。此時若有知縣缺出。即可委署。至策布坦於接剛塔咨後。已帶兵星赴靜寧。即在該處協同防勦。毋庸更赴隴州也。○又諭甘省賊匪跳梁。不法已極。必須多派京兵前往。方可一鼓殲除。著傳諭復興會同慶

實錄卷三十三

三十八

桂將京城火器健銳營兵丁再行添派一千。亦照阿桂所辦成規。分為五隊。俟阿桂第五起兵丁起程後。復興即授為叅贊大臣。帶領頭起兵丁起程。所餘四起。派隨圍護軍統領善德。授為領隊大臣。即赴京城。帶領前往。其應派侍衛章京。著復興於素所熟習人員內酌量帶往。每隊隔日啟行。所有派出官兵應得之項。即著照例辦給。○旌表守正捐軀直隸臨城縣民米可達妻陳氏。河南儀封縣民



孔懷妻楊氏。陝州民郭九丹妻張氏。辛巳諭據喀什噶爾辦事大臣保成等奏稱額德格訥部落布魯特葉爾鐵拜遵檄與伊兄阿爾體拜伊弟沙米爾紮並保成等所遣六品阿奇木伯克沙巴克等率領布魯特騎兵三千餘人奮勇追捕擒獲燕起與額穆爾之子卓木雅爾等男婦子女並將隨同燕起之布魯特黨與全行擒獲等語。此事朕早已料及。從前布魯特散秩大臣阿其睦被拏之後

實錄卷二百七

壬午

其子燕起聞信逃竄。本係無關緊要。且知其斷不能生事。是以諭令無須張皇調兵。自可從容就獲。業經明發諭旨矣。今額德格訥部落布魯特葉爾鐵拜感戴朕恩。遵奉喀什噶爾大臣等劄諭。與伊兄弟率領騎兵三千會同保成等所遣之阿奇木伯克沙巴克奮勇將燕起等擒獲。實屬妥速。遠部之布魯特能如此抒誠宣力。甚屬可嘉。朕深為欣悅。葉爾鐵拜著加恩賞給二品頂帶。授為散秩大臣。

實錄卷二百七

甲

銜併賞戴花翎。伊兄阿爾體拜伊弟沙米爾紮俱著賞給三品頂帶。亦賞戴花翎。仍交保成等於庫貯銀內賞給葉爾鐵拜大元寶五。阿爾體拜沙米爾紮賞給大元寶四。另將大元寶二十交與葉爾鐵拜分賞擒獲燕起出力之衆布魯特等。以示獎勵。其拏獲之燕起並額穆爾之子卓木雅爾等要犯數名及阿其睦額穆爾等親屬解到喀什噶爾時。即行分起。揀派才幹侍衛官兵陸續防護解送。仍由三眼井取路。於沿邊一帶馳驛迅速解熱河。其餘燕起之妻孥暨隨同燕起逃竄之布魯特黨與並查獲阿其睦等游牧處所牲畜及現在俘獲之器用等項俱著全行賞給葉爾鐵拜。至派出追捕燕起之六品阿奇木伯克沙巴克此次甚屬出力。可嘉。著加恩交保成等賞給大緞四匹。仍遇有應陞大伯克缺出。即行請旨陞授。以示獎勵。又緝捕燕起帶兵堵禦要隘防守之充巴噶什部落博什

輝又與沙巴克率兵圍捕燕起。充巴噶什部落之布魯特華特暨額德格訥部落阿哈拉克齊雅科蒲穆拉特格岱等均屬出力報効。俱著交與保成等查明照伊等原品加陞一級。更換頂帶。各賞一大元寶。以示獎勵。此次葉爾鐵拜等感戴朕恩。抒誠宣力。朕加恩分別賞賚之處。著保成等通行曉諭。衆布魯特咸使聞知。至保成等前因燕起逃竄一案。所辦冒昧。曾經降旨令軍機大臣會同該部嚴

實錄卷千三百

聖

察議奏。今將燕起及伊親屬一併拏獲。辦理頗屬妥善。功過尚足相抵。保成達福俱著從寬免其議處。此次鄂斯瑞幫同辦理。始終出力。保成鄂斯瑞著賞給御用大荷包各一對。小荷包各二對。著將此旨及保成等奏摺發欽傳與阿桂福康安伊勒圖海祿等閱看。並將此通諭中外知之。○又諭曰慶桂著調補兵部尚書。其工部尚書員缺著復興調補。復興現在出差。所有工部尚書事務仍著慶桂

兼署。阿楊阿著補授都察院左都御史。其未到任以前著德保兼署。穆精阿著轉補刑部左侍郎。其右侍郎員缺即著塔琦補授。○又諭曰復興現在出差。所有理藩院事務著伍彌泰署理。○又諭曰復興出差。所有健銳營事務著怡親王永琅署理。現今所有優等官兵皆派往軍營。該營兵丁等之操演訓練尚非緊要。而嚴加約束甚為急務。永琅並無兼理職任。常有餘暇。宜不時親往該營。董率章

實錄卷千三百

聖

京加意嚴束兵丁。勿令滋生事端。慎毋苟且塞責。永琅亦不必前來謝恩。○又諭曰福康安所遺正黃旗領侍衛內大臣員缺著誠郡王弘暢調補。弘暢所遺正白旗領侍衛內大臣員缺著伊勒圖補授。伊勒圖現在伊犁將軍任所著阿克棟阿署理。○諭軍機大臣等據李綬奏考試情形一摺。稱考試瑞州府屬查出年貌不符之文童李九臯熊珍聘胡煌胡經吉四名。夾帶武論之武生黃元貴一名。

武童龔煥彩一名。考試臨江府屬時。查出年貌不符之文童李廷弼。蔣維新二名。考試袁州府屬時。查出年貌不符之文童袁震。周光典。孫昂。鄒元亨。李定衡。方學富六名。又查出冒名混入之廣東人李文耀。崇仁縣生員吳元掄二名。覆試卷與正考卷文理不符之文童章廷筠一名。考試吉安府屬時。查出年貌不符之文童王庭植。羅文錦。蕭進。羅魯堂。彭騰。袁煒。彭作霖七名。夾帶詩稿之生員王朝

實錄卷千五

望

儀一名。鎗手二名。考試南昌府屬時。查出年貌不符之文童徐曰邁。鄒鍾嶽二名。當交各該府嚴審。並咨督撫照例辦理等語。李綬到任甫及半年。僅考過五府。而拏獲生童鎗冒等弊。前後已有十案。豈此等情弊。李綬到任後始有耶。該省士子遇考舞弊。已成習慣。前任學政胡高望。在任三年。按歷各府歲科兩次。查閱所奏考試情形之摺。前後雖有數次。而摺內俱稱生童遵守場規。尚無鎗冒代倩

情弊等語。胡高望身為學政。乃於士習文風。毫無整頓。每考一處。竟視為照例辦理之事。全不留心覺察。胡高望著明白回奏。至郝碩係該省巡撫。於各府士風。尤宜隨時整飭。乃竟諉為學政專責。毫不加意體察。並著明白回奏。將此各傳諭知之。李綬摺均著鈔寄閱看。○又諭。據都察院衙門奏。有江西南昌府武寧縣民徐珣。赴京呈控。縣書張澄清等。侵欺倉穀。事後彌補。經伊父徐忠孝在各衙門

實錄卷千五

四

控告。反將伊父照誣告治罪。又銀匠邱璧田等。違例重徵。伊父曾在府三次呈控。並不提審。二案虛實。均應查究等語。茲據薩載奏。稱前赴江西查閱營伍。而伊星阿此時亦當到任。如薩載尚在該省。即著會同伊星阿。提集案卷。秉公審訊。定擬具奏。如該督業經起程。不必復回江西。此案即專交伊星阿審辦。其赴京呈控之徐珣。著都察院堂官。照例交部解往該省質訊。將此傳諭薩載等。並諭都察

院堂官知之。所有原摺及徐珣呈詞鈔案俱著發交薩載等閱看。○又諭據畢沅奏現已飛咨李世傑調川北鎮兵二千名前來鳳翔並飛咨農起調山西兵二千名來至西安聽候調遣所辦甚是。此時賊匪蔓延必得重兵辦理方能速就殄滅而堵塞後路尤關緊要現已續派京兵一千名令復興帶領前往著傳諭李世傑即於附近陝省之川北鎮各營內挑選精兵二千名令川北鎮總兵高祿帶領分起行走由雲棧一帶速赴鳳隴會同西安副都統敦倫泰在汧隴一帶彈壓防堵兼策應三德後路其所調之山西兵丁並著傳諭農起於附近陝省各鎮協標屬挑選兵二千名令太原鎮總兵福敏泰帶領分起行走速赴西安聽候畢沅調撥。○以戶部左侍郎福長安為鑾儀衛掌衛事大臣。○以兵部尚書慶桂為正藍旗滿洲都統。○壬午諭昨據署鑲白旗滿洲都統克勤郡王雅朗阿等奏

實錄卷千五百

聖

稱該旗記名以知縣用之工部筆帖式明住前經吏部以該員有無親老能否久於外任之處咨查該旗時值明住患病該領催詢之伊兄明興據稱伊母現年八十一歲明住不能久任外省該領催即呈明該叅佐領咨覆吏部去後嗣明住病愈復在雅朗阿處呈稱伊母雖係年老身體尚屬康健可以隨任情願外用雅朗阿即據呈准其仍以外用咨行吏部並請將叅佐領交部察議領催責革等語所辦甚屬錯謬夫求忠臣必於孝子之門明住之母年既八十有餘該員自應在京當差以便朝夕侍養况現據伊兄明興告知該旗伊弟不能久於外任則其母之衰邁可知乃明住猶稱可以隨任者其意不過貪圖外任多得廉俸耳設使明住選授遠省以八十歲之老母迎赴任所衰年跋涉豈無意外之虞若明住僅攜其妻孥赴任轉留其母在家不得侍奉於心又何以自安縣令為親民

實錄卷千五百

聖

之官一經除授即當教民以孝悌之義似此忘親貪祿又安能訓迪斯民耶至都統為統轄一旗大員平日應以忠孝訓勵旗人雅朗阿等如果明曉大義當明住具呈時即應將該員嚴行訓飭批駁何得復為據呈咨部且伊等之意尚以明住為該旗叅佐領等所屈抑奏請將叅佐領等察議領催責革有是理乎朕以孝治天下近因提督李國梁之父年逾九十曾往湖南任所一次緣該處炎熱水土潮濕仍回直隸原籍朕體卹伊父年邁特將李國梁調任直隸以遂其就養之私又副都統敦倫泰之父母俱已年老皆在西安先因新疆地方緊急需人不得不令敦倫泰前往旋以該處業經事竣即將伊調任西安使得就近侍養朕於大小臣工欲其盡力宣猷必令其克供子職是以無不曲加體恤至於出征行陣原不在此例者記云戰陣無勇非孝也蓋以勤勞王事即所以顯揚父母不得

實錄卷二十三

四十七

以私情而廢公義若尋常服官凡身為人子者豈可貪戀祿位而不一動桑榆之念耶明住停其十年陞轉永不許保送知縣以示懲儆嗣後各旗文武官員如有父母年至七十五歲以上者均不准保送外任庶旗員共知祿養承歡克敦內行亦移孝作忠之一道也雅朗阿諾穆親將明住咨部仍以外用之處實屬糊塗不曉事理著將伊等申飭交部議處其叅佐領毋庸交部察議領催令照舊當差此事於我滿洲風俗人品大有關係為此明白宣諭中外知之○諭軍機大臣曰阿桂奏查辦新舊教回民必須分晰明確但回民有一家祖孫父子兄弟各從新舊兩教者一時驟難區別若概予駢誅恐人人自危不免聞風疑懼惟有於現在逆回剿除淨盡後即將賊匪所經過及煽誘之處實力搜緝有形跡可疑者多加殄戮此外各州縣惟責成該督飭屬善為化導緩圖消除之法等語自應

實錄卷二十三

四十八

如此辦理。朕用福康安之意。即為此也。已於摺內批示。阿桂到甘省時。各路所謂官兵。陸續齊集。軍勢已盛。賊匪自當速就撲滅。阿桂於剿除淨盡後。所有安定。會寧。通渭。及官川。鹽茶廳。各處。凡賊匪經過煽誘地方。務宜會同福康安。派員詳細訪緝。實力搜捕。遇有形跡可疑之人。殲戮務淨。勿使匪徒得有一人漏網。此外各州縣回民。竟宜嚴飭地方官。多方曉諭。善為開導。仍當隨時周密防範。緩圖

實錄卷五

聖

消滅。所謂為之以漸也。阿桂。福康安等。當詳悉熟籌。妥協密為辦理。不可洩漏。又前據李侍堯等奏。正月內。田五至靖遠。掌教哈得成。頭人哈彥家。商同謀逆。哈得成於三月十五日。趁衆新教回人。齊集禮拜寺。將田五糾從。謀逆情節。告知勾令臨期。內應等語。前此阿桂等於蘇四十三。剿滅後。辦理善後事宜。已奏將新教所建之禮拜寺。盡行拆毀。何以此次新教回匪。又得齊集禮拜寺。潛為勾結。是

否係李侍堯因循不辦。將舊有新教所建之禮拜寺。未經飭屬毀去。抑係新教回匪。於拆毀後。又私行建蓋。而李侍堯及地方官等。竟漫不經心。毫無覺察。並著阿桂。福康安。查明據實覆奏。將此由六百里加緊密行傳諭。知之。阿桂摺。並著鈔寄福康安閱看。○以工部右侍郎伊齡阿。為正藍旗蒙古副都統。調正藍旗蒙古副都統伍岱。為正紅旗滿洲副都統。○癸未。諭。前因郝碩於江南行在。陛見。詢

實錄卷五

平

以地方事務。奏對茫然。不中肯綮。曾降旨申飭。又聞伊在巡撫任內。操守平常。令薩載於赴江西查閱營伍之便。訪查據實具奏。茲據薩載奏到。查得郝碩。聲名甚屬平常。性情猜忌。竟有勒派屬員之事。現據藩司馮應榴等說出。郝碩前因進京。陛見。短少盤費。又因應交海塘公項。屢次向各司道。及各府州縣等。勒派銀各一千餘兩。至數百兩不等。其各府州縣所送銀兩。先後交南昌府知府湯萼棠

黃良棟南昌縣知縣龔珠富森布同知鄭邦桂徐聯奎李洗心等收存隨時取用等語。郝碩受朕厚恩擢任巡撫理應實心任事潔已奉公。乃於地方事務置若罔聞。輒藉進京盤費。海塘交項。屢向屬員婪索。以致合省承風。公幫私派。統計收受饋送銀兩。竟至累萬盈千。敗檢辜恩。莫此為甚。從前國泰在山東時。情性乖張。屢向屬員需索。其時首府呂爾昌馮埏等。為國泰收存銀兩。一經敗露。無不水

實錄卷一百一十二

十一

落石出。此事係在四十七年。其時郝碩豈不聞知畏懼。乃仍敢效尤。復有此貪婪派累之事。覈其款跡。竟與國泰無異。郝碩現在來京候旨。已另有諭旨。交直隸山東督撫沿途迎截。革職拏問。解至熱河審訊治罪。至藩司馮應榴臬司吳之黼廣饒九道額爾登布。均有奏事之責。乃於巡撫貪婪劣蹟。並不據實奏聞。且曾餽送銀兩。豈可復勝司道之任。馮應榴吳之黼額爾登布。應與餽送銀兩之鹽法

道杜憲糧道舒希忠吉南贛道邊學海。一併革職。其餽送銀兩。復代為收存之南昌府知府黃良棟同知徐聯奎李洗心。原任同知鄭邦桂南昌縣知縣富森布。俱著革職。交薩載嚴審定擬具奏。其餘各府州縣。並著薩載審明。照國泰案內屬員餽送銀兩之例。分別辦理具奏。候朕另降諭旨。○又諭。江西布政使員缺。著李承鄴署理。按察使員缺。著姚梁署理。著各速赴新任。不必來熱河請訓。○又諭。

實錄卷一百一十三

十二

曰。馮光熊前於江西按察使任內。曾餽送郝碩銀兩。難以復膺藩司之任。馮光熊著革職。仍留甘省。戴罪効力。協辦軍需事務。其甘肅布政使員缺。著浦霖補授。○諭軍機大臣等。郝碩前已令其來京候旨。於五月初四日。在江西起程。此時諒已行抵山東直隸一帶。著傳諭劉莪明興。即速沿途偵探迎截。將郝碩傳旨革職。拏解熱河審明治罪。並將伊隨身所帶貲財行李。一併嚴密查封。毋稍徇隱。再

郝碩係漢軍人員父子久任督撫直隸地方伊家所置田地房產及寄存物件諒亦不少並著傳諭劉綬屬詳細查明盡數入官勿致稍有遺漏將此由五百里各傳諭知之○又諭據全德奏清查運庫錢糧一摺內稱伊齡阿任內批准濫借商人銀七十六萬八千餘兩並未奏明咨部又另摺奏商借生息銀兩於乾隆四十七八九年分共借過銀四百六十三萬兩除按引歸還銀二百二十九萬九千餘兩外尚未完銀二百三十三萬餘兩又據商人江廣達等稟伊齡阿任內去冬今春購買玉器等各項欠帳約計銀六十餘萬現據各買賣人等索討等語查伊齡阿到任兩年之間即有應辦公事何至商借至四百數十萬兩之多此外復有濫借之庫項七十萬餘兩並未奏咨又有購買物件私欠銀六十餘萬兩亦並未向全德言及前項皆無歸著其故殊不可解全德摺著發伊齡阿閱

實錄卷千五百

五十五

看令其將如何備抵歸著之處據實逐一明白回奏毋得絲毫隱飾至其購買玉器等件既係商辦朕沿途所收無幾其餘若現在仍留揚州即著據實開單奏聞以便飭交全德查明劃抵公項若已隨帶來京及此外別有應行交納之項據實奏出歸公以備抵款伊齡阿受恩深重任意支發公私拖欠已難辭咎若再不激發天良尚有不實不盡續經發覺必將伊加倍治罪恐伊齡阿不能當此重咎也○又諭據傅玉等奏賊匪現占之石峯堡形勢險要請俟所調各處官兵到齊再四面圍攻並用礮轟擊等語總不成話前據伍岱剛塔等會奏十七日有賊千餘名逸出鹿鹿山至離山七十里之烏家坪紮營伍岱剛塔等帶兵前往追剿現在鹿鹿山石峯堡尚有賊數千留傅玉永安在鹿鹿山要口紮營堵禦何以本日傅玉摺內又稱自十三以後連日大雨繼以大霧至十七日霧散賊人乘

實錄卷千五百

五十六



勢逃竄不知去向。是鹿鹿山現已並無賊匪。傳玉雖年老糊塗。豈不知賊已潛逃。斷無坐擁重兵。圍守空山之理。乃該將軍等並不前赴烏家坪。會同協勦。轉思以空言獻策。思為用巧之計。傳玉永安。何不曉事。至於此極。著傳旨嚴行申飭。再據傳玉奏。詢之居民人等。稱石峯堡本係舊時險要處所。上年五月間。新教回人。又加修理。整固。衆回人約定於本年五月初五日起事。是以通渭靜寧各州縣。

實錄卷千二百七

聖

據報均係同日被賊搶劫等語。石峯堡一帶地方。自必設有營汛兵弁。並州縣文員管轄。今賊人於上年公然聚集多人。在該處修理城堡。豫營巢穴。附近居民既經共見。豈有該處員弁兵役等獨無聞見之理。此事以傳玉之無能。尚知詢問土人。訪出情節。何以李侍堯剛塔節次拏獲賊匪。奸細審問供詞。轉無一人將此事供出。伊等又並不訊及至賊人起事。早經定有日期。傳玉以客官甫抵甘境。

即聞紛紛傳說。詢之居民及所獲賊犯。供亦相同。何以李侍堯等屢次摺內。總未據實奏聞。看來李侍堯竟係有心迴護。刪減供詞。以為避罪之計。福康安先抵甘省。即當將傳玉所奏五月五日起事。及去年五月修理石峯堡情節。迅速詳細查明。阿桂亦應於沿途留心訪問。如李侍堯於賊匪謀逆。修理城堡各緣由。果有隱諱不奏之處。是革職不足以蔽辜。著阿桂福康安即將伊等問速解熱河。先

實錄卷千二百七

聖

將此等情節嚴審錄供具奏。其石峯堡係何府縣營汛所轄地方。賊人如此豫謀聚衆。肆逆不法。該管文武員弁所司何事。並著福康安逐一查明。將專管之文武員弁革職。拏問審明治罪。其兼管文武各員亦著一併參奏。又聞傳玉所繪圖內。石峯堡係在衆山之中。想周圍地面亦不甚廣闊。賊人家眷俱藏匿在內。其意似不肯復行遠颺。該處勢如釜底。此時所調之西寧寧夏阿拉善四川屯練各

項兵丁自己陸續到彼兵力既厚自無難於設法堵截圍剿計福康安月內即可行抵該處務宜詳細妥籌迅速蒞事至此事始經發覺時係據紅潞壩鄉約李應得李化雄等稟首嗣又據剛塔奏稱有大莊回民馬世雄帶眷投案稟稱石峯堡回民聚眾謀逆糾伊入夥連夜前來首報等語此等誠實民人既肯舉報賊情李侍堯剛塔若將該民人留於軍營作為鄉導自可得進兵路徑李應得等前已給予外委頂帶著福康安再各拔補千總其馬世雄亦著一體賞給千總以示勸獎並派隨營充當嚮導領路進剿自更得力○諭軍機大臣等隨同永寧追剿燕起之回子伯克呼圖魯克默特遜都勒和卓等被燕起所害殊屬可憫著傳諭保成等將伊等弟兄子姪內挑選可用者補放伯克並免年貢差役又被害之呼達雅爾小回人各家年貢差役一併蠲免其臨時逃歸者查明懲治○是月

實錄卷千五百

五

閩浙總督富勒渾浙江巡撫福崧條奏范公塘魚鱗石工各事宜一柴工易藝應用竹簍石塊擁護並建石壩業已開工一木限二年辦齊石限四年運足遲誤叅處一急工分四限緩工分六限共限五年完竣委同知劉雁題等五員承辦一料價銀藩司親發工員承領即由工員親發該商不經胥吏得旨有治人無治法爾等勉為之○漕運總督毓奇奏邳宿運河淺阻江南浙江兩省糧艘守候一月實形拮据請將例交三升八合餘米暫緩交倉分二年完納得旨允行

實錄卷千五百

六

大清高宗法天隆運至誠先覺體元立極敷文  
奮武孝慈神聖純皇帝實錄卷之一千二百七

第百二十二號

五十九

大清高宗法天隆運至誠先覺體元立極敷文  
奮武孝慈神聖純皇帝實錄卷之一千二百八

監修經筵官經筵講官太子太傅文淵閣大學士文淵閣領閣事領侍衛內大臣稽察欽差  
吏部理藩院事務正黃旗滿洲部統世襲騎都尉軍功加七級隨帶加一級尋常加二級軍功紀錄一次臣等謹  
總校官經筵講官太子太傅文華殿大學士文淵閣領閣事稽察欽差上諭事件處管理刑部戶部庫事務  
世襲騎都尉軍功加十九級隨帶加二級臣等謹將內大臣戶部尚書鑲藍旗滿洲部統軍功紀錄五次  
尋常紀錄十四次臣等謹將經筵講官太子少保工部尚書紀錄六次臣等謹將肅親王奉

救修

乾隆四十九年甲辰六月甲申朔諭甘省逆

寶策卷一百一十八

1

回滋事先經革職總督李侍堯奏稱此事因小山逆回田五等謀興新教起釁經朕以該犯等欲興新教糾衆謀逆遂降旨飭詢始據該督將本年正月內田五在靖遠哈得成哈彥家商同謀逆各情節覆奏又據西安將軍傅玉奏訊之甘省居民僉稱衆回匪於上年五月即修理石峯堡並約定本年五月五日起事通渭等處亦據報同日被賊搶刦等語是賊人肆逆不法早已豫蓄奸謀並非因爭

教起事。夫內地回人其來已久。我國家威棱遠播。平定準部。回部。西域咸隸版圖。新疆回人。年班入覲。往來絡繹。內地民人亦多至回疆貿易。其有查對經卷。講習規條者。相習為常。例所不禁。遂有紅帽。白帽。新教舊教之名。其實新疆之回人。正其舊教也。且現在內地回民所習之教。所講之經。皆與喀什噶爾。葉爾羌等處回人經教無異。原無新舊之別。況內外均屬編氓赤子。順則恩有可加。逆則法無可宥。今賊首田五。已就殲斃。其餘黨馬鬍子。李鬍子等。膽敢於光天化日之下。聚衆鴟張。攻城掠堡。即屬回民中之邪教。如僧中白蓮教之類而已。昨已命大學士阿桂。陝甘總督福康安。前往督辦。並派京兵及飛調四川屯練降番。暨阿拉善。鄂爾多斯。各處蒙古兵丁。到彼協剿。大兵雲集。諒此么麼小醜。自無難速就殲除。至阿桂。福康安於剿滅賊匪後。祇須將賊人經過煽誘之處。所有平時與賊

人勾結知情。及賊人起事後。代為往來送信。接濟糧食之人。即係邪教亂民。必須實力搜捕。正法。勿使復如李侍堯之養癰。其餘並未從逆之回人。不必更分舊教新教。皆係良民。概毋庸波。及以免株連。總之查辦此事。止當分別從逆與否。邪正之殊。不必論其教之新舊。即如僧道。原非例禁。而白蓮等邪教之必應查究者。亦以其左道惑民。聚衆滋事也。嗣後阿桂等奏摺內。凡從逆回匪。俱稱邪教。不必復分新舊名目。俾回民等咸知朕洞悉其教根源。不分畛域。斷不肯因滋事賊匪。將無辜守法良民。一併株連之至意。將此通諭中外知之。並著阿桂。福康安及各直省。於凡有回民處。謄黃遍貼。宣示知之。○又諭據綽克托奏。接准保成等。拏獲燕起咨文一摺。恬不知恥。反稱彼處此時尚有別故。難以調兵。仍自帶兵前往喀什噶爾。以壯聲勢等語。此奏甚屬荒唐。現在保成等已飭交布魯特。葉爾

鐵拜將燕起並伊等妻孥黨與全行拏獲葉爾鐵拜隨將燕起等送至喀什噶爾押解前來辦理已經妥協綽克托何以復稱此時倘有別故難以調兵仍聲揚帶兵前往以壯聲勢如此舉動乖張實不可解蓋因伊從前本欲調停辦理未蒙允准今乃心忌阿其睦燕起等全行就獲事成妥速是以張皇領兵前往喀什噶爾使葉爾鐵拜及衆布魯特等心生疑畏致令燕起等脫逃遠遁或致債事以快其心乎若伊果能奮勉領兵前往意在勦除則從前初辦時何不將阿其睦等擒拏乃一味姑息帶領阿其睦等前往喀什噶爾與鄂斯瑞賠罪調停了事况照伊所辦草率完結設竟如所供俟八月間馬肥時阿其睦生事攪擾喀什噶爾更復成何事體此時若葉爾鐵拜等將燕起妥協送至喀什噶爾則已若因風聞綽克托帶兵前往恐將伊等一併辦理布魯特人衆驚疑或致燕起逃遁朕必

將綽克托即在彼處正法示衆且伊又奏稱前往喀什噶爾會同保成達福等商酌辦理等語尤屬無恥不堪著將此旨並朕硃批綽克托奏摺譯漢遍諭中外臣工其批示原摺著交海祿轉給綽克托閱看此時綽克托若已到喀什噶爾保成等即將伊革職九條鎖拏問解赴熱河治罪○諭軍機大臣等前據何裕城奏豫省彰衛等屬被旱之封邱獲嘉等縣未經得有透雨已傳諭該撫體察情形不必俟其成災即行量加撫恤矣本日據奏彰衛懷三府及開封所屬今年被旱共十六州縣現在得有透雨晚秋種齊長發者十一縣惟衛輝府屬之汲縣新鄉封邱獲嘉及開封府屬之陳留共五縣得雨僅止一二寸及不成分寸等語該處既未得續沛甘霖看來早象已成撫恤難以稍緩著傳諭何裕城即速查明汲縣新鄉封邱獲嘉陳留五縣被旱災區分別賑恤若此時有續得雨澤未種地

畝有可以補種晚田。應行借給籽種口糧者。即當酌量借給。務使災黎均霑實惠。不致失所。仍一面辦理。一面奏聞。以慰廑念。將此由五百里傳諭知之。○乙酉。諭軍機大臣等。賊人於靜寧隆德一帶分出滋擾。福康安前赴伏羌。不但途次或有梗塞。且靜寧迤東亦無重兵防禦。轉恐賊人或躡官軍之後。本日據永鐸奏稱。靜寧州存有守城兵七百名。又前據策布坦奏稱。已帶兵一千名赴靜寧一帶探剿。是該處現有一千七百餘名。而此時鹿鹿山並無賊匪。傅玉等尚有滿兵二千餘名。在彼坐守空山。福康安當迅速札知傅玉等。令其帶兵自西而東。福康安即帶延綏靜寧之兵。自東而西。再飛札旺沁班巴爾帶領寧夏滿兵。及阿拉善蒙古兵。赴靜寧一帶三路夾攻會剿。阿桂帶領京兵。不日抵甘。又可為其後勁。務將隆德靜寧石峯堡等處賊匪剿滅淨盡。如攻搶伏羌之賊。復竄入石峯堡。

會合一處。則勢如釜底。更易於四面堵圍。惟前據傅玉等奏。拏獲奸細供稱。賊人想把官兵誘至石峯堡。裏外夾攻等語。福康安與海蘭察已圖魯侍衛等同行。必能加意防範。自可無虞。賊人奸計。至永鐸奏稱。靜寧一帶已無賊匪。現赴伍岱等打仗處所協剿。此摺係二十四日亥時拜發。而二十五日辰時。靜寧州即有賊匪復來滋擾之事。諒該將軍此時未必即能前往伏羌。自仍在靜寧守城。著即令其幫同福康安。勦辦賊匪。至賊人現在靜寧隆德等處剽掠。幸而未據六盤山。該山為從來險要關隘。福康安尤當即速設法。派兵扼險駐守。斷不可使賊乘間侵占。致東西兩路官兵或有阻隔。又伍岱等奏稱。伏羌城外山梁紮營之賊。防其乘空再竄。但分兵堵截存營兵力較單。不能堵禦。只可臨期偵視相機迎剿等語。所想亦是。伍岱李侍堯等此時竟宜專力勦辦伏羌之賊。牽綴其勢。勿使竄

逃勾結則福康安在東路勦辦石峯堡賊匪尤易為力。倘伏羌之賊亦敗回石峯堡內則伍岱等又可從南面追及彼此知會四面圍堵使賊人困處一隅不戰自斃更不致一名漏網。○丙戌以少詹事翁方綱為詹事。○丁亥諭前因李綬奏考試情形摺內節次查出年貌不符及鎗冒等弊不一而足。曾傳諭胡高望令其將伊任內何以毫無整頓之處明白回奏。茲據胡高望奏覆伊歷考各府曾查出形跡可疑及頂名混考試卷不符之童生歐陽伸等共十三案俱經分別枷責斥革但未將已辦各案一一開列陳奏等語。李綬到任甫及半年考過僅止五府而查出生童鎗冒等弊已有十案之多。胡高望在任三載且按歷各府歲科兩次即據其所陳奏三年內曾經查出生童各弊僅止十三案是其於該省士習不能實力整飭已難辭咎。至胡高望於考試時既查有鎗冒等弊其所奏考試情

形摺內自應明晰聲敘何以從前節次所奏之摺並不提及况考試乃學政分內之事是其應奏不奏亦屬不合。胡高望著交部議處尋議照不實力奉行例降一級調用。有加一級抵銷再照應奏不奏例降二級留任得旨。胡高望著銷去加一級仍降二級留任。○諭軍機大臣等前據全德奏伊齡阿任內批准濫借商人銀七十六萬餘兩並未奏明咨部又商借生息銀四百六十三萬兩除按引歸還二百二十九萬外尚未完銀二百三十三萬餘兩。又商人江廣達代伊齡阿購買玉器等項公帳銀約六十餘萬兩現據各買賣人等索討等語當經降旨詢問伊齡阿以伊到任兩年之間何以借支未完銀兩有如許之多。又私欠銀兩因何並未向全德言及致前項現無歸著令其逐一明白回奏。本日據伊齡阿覆奏兩淮向有賞借銀兩各商每年領借事有大小用銀不無多寡均有原稟原詳

文案可查。其濫借商人銀兩。係衆商辦理廟工。船隻道路等項之用。由運司據情轉詳。批准。至江廣達等購買物件。皆出自商衆誠心。曾據江廣達面稟。尚欠銀六十萬兩。因商衆等會稱。支用屬實。始行批准給領。所有各項支借銀兩。俱有文稟可憑。因交代息迫。未暇告知全德。實係疎畧等語。此事前據全德奏到。意似係伊齡阿任意支發。又不與後任交代清楚。以致公私拖欠。今據伊齡阿覆奏。批借銀兩。俱有案卷可查。且向係隨用隨歸。並不具奏咨部。伊二人所奏互異。事關庫項。不可不查詢明確。若將此事交與薩載查辦。該督與伊齡阿係屬兒女姻親。恐未免意存迴護。閔鶚元平日辦事尚屬持正。著傳諭該撫。即速赴揚州。傳喚總商。並提集運司衙門案卷。逐一清查。東公據實具奏。伊二人究竟孰是孰非。毋得稍有偏袒迴護。伊齡阿奏摺。並著鈔寄閱看。○又諭據福康安奏稱。現在緊

要關鍵。先當救援靜寧等處。肅清後路。正與朕所降諭旨相合。其餘所奏堵截賊人後路。以及曉諭回人之處。所辦俱好。是福康安於勦辦賊匪機宜。大端已得朕覽奏為之稍慰。惟所稱先將靜寧。隆德兩處賊匪。勦盡撥兵駐守。即赴伏羌等處會勦一節。尚未為周妥。靜寧等處賊匪。辦竣後。尚有石峯堡為賊人巢穴。必須勦滅淨盡。福康安再往伏羌。方可後路無虞。况伏羌鹿鹿山。現有傅玉伍岱等。在彼牽掣。賊人自無暇回顧。已有旨諭知福康安。當以次進勦。自必遵照妥辦。計福康安此時早抵平涼。該處離隆德靜寧不遠。就近遣人常川偵探。更可得悉賊營實在情形。相機妥辦。靜寧等處賊匪。諒無難速就撲滅。又料福康安與海蘭察帶領巴圖魯侍衛等。前往督辦。聲勢壯盛。又有阿桂帶領京兵。續至恐賊人聞風膽落。不敢與官軍抗拒。紛紛竄回石峯堡。而傅玉伍岱等駐劄鹿鹿山。伏羌



二處萬一賊人鋌而走險。乘勢兩面夾攻。傳王伍岱等前後兼顧。殊覺費力。深為可慮。福康安此時仍宜沿途偵探賊情。並先札知傅玉伍岱等。令其豫為留心防範後路。最為緊要。○戊子。諭現在甘肅勦捕逆回。一切軍糧臺站。需人辦理。著於各部院京察一等記名。應用道府人員內。派出給事中李殿圖。郎中法海。員外郎舒弼。扎克桑。阿舒。永阿。主事陳科。銅崇文。馳驛前往甘肅。交阿桂。福康安。差遣委用。遇有相當缺出。酌量題補。即日起程。不必來熱河請訓。○己丑。諭據恒山保奏。勦辦甘省新教回匪。伊欲効力。並將所屬密雲縣兵丁內。揀選五百名。帶往等語。而又夾片奏請。恒山保甚屬不曉事體。輕重殊為謬妄。現今勦滅甘省回匪一事。業經由京派兵前往。足以勦滅賊匪。又何至動用密雲縣駐防兵丁。恒山保既欲塞責。奏請効力。僅可於一摺內聲明。而又另行夾片瀆奏。尤屬不堪。謬

妄糊塗之至。恒山保既不能受朕恩。著將黃馬褂。花翎。俱行革去。○諭軍機大臣等。前據何裕城奏。衛輝府屬之汲縣。新鄉。封邱。獲嘉。開封府屬之陳留。共五縣。得雨僅止一二寸。業經降旨。令何裕城。即速查明該五縣被旱災區。分別賑恤矣。本日又據江蘭奏。稱汲縣。新鄉。封邱。已於二十九日。得雨三四五寸。獲嘉。僅得雨一寸。而陳留一縣。是否得雨。未據奏及。朕心深為廕念。著傳諭何裕城。即速查明續得雨澤之汲縣。新鄉。封邱。未種地畝。是否可以補種晚田。並如何撫恤。借給口糧。籽種。其獲嘉。陳留。二縣。此時曾否續得雨澤。該撫如何分別賑恤之處。一併查明。迅速覆奏。○又諭據阿桂奏。京兵所需一切供支。即於陝省代為籌辦。以分甘省之力。自應如此辦理。本日據畢沅奏。稱京兵車馬一項。按站倒換。未免雇備維艱。已飛飭各屬。雇就長驛。應用等語。是甘省過兵事宜。業經畢沅妥為豫

備自可迅速前進至所稱各省解甘餉鞘若照常運往恐有疎虞俟到西安時截留藩庫所辦甚是餉鞘乃陸續支發之項非比軍中大藥等項急於應用况甘省藩庫現在尚有四百餘萬足敷給發此項餉鞘自應暫留陝省俟隆德靜寧一帶勦除賊匪淨盡再行運往未為遲也○又諭此次伍岱等勦擊賊匪殲其頭目三人且慮賊翻山逃遁派兵繞上山梁攻搶賊營較前稍有起色看來伊等因朕以該處領兵大員不能辦賊特遣福康安前往督勦亦知愧激且聞福康安將抵甘境有所倚仗精神俱畧加振作至賊經官兵追擊即棄營南竄自是向秦州而去伍岱等既已派兵前往若能與三德兩面合勦痛加殲洗先肅清一路固屬甚好倘賊人仍竄入石峯堡內該處地勢雖險亦不過如蘇四十三所據之華林山官兵進攻時祇須加意防範據其高處並於左近尋蹤路徑詢之誠實居

民或即令為嚮導帶兵尋逕繞上山頂建瓴而下勢如破竹賊人自無由免脫即使路徑險窄官兵實難前進然官兵既不能進賊亦何從而出果能即其總路帶兵嚴密堵住則賊人困守空山更可不勞窮追而盡數殲除也至伏羌等處賊匪既有伍岱等在彼勦辦牽掣賊勢福康安尤可專心勦辦隆德等處之賊隆德現有莽古賚帶到兵一千名靜寧存有守城兵七百餘名而延綏兵一千名阿拉善蒙古兵一千名自己陸續到彼福康安又帶有山西陝西兵四百名是兵力已不為少福康安與海蘭察及巴圖魯侍衛等竟宜乘此兵力先將隆德潘隴山之賊勦滅淨盡再往靜寧勦捕翠屏山之賊俟此兩處賊匪洗淨然後赴石峯堡設法堵勦但仍應步步留心並派委明幹將領帶兵殿後策應此為最要又據李侍堯奏稱靜寧一帶文報往來恐為賊匪所阻現擬改由蘭州涼州安設軍

臺接到沿邊軍臺馳送等語。此不過一時權宜之計。俟福康安將靜寧隆德等處賊匪辦盡。文報仍宜由舊路馳遞。較為捷近。再據伍岱等奏。在伏羌城外。拏獲賊匪及婦女幼孩。令守城出力之老教鄉約白中偉等。逐一辨認等語。此等老教鄉約。並不為賊人脅誘。且助官兵守城禦賊。著福康安於勦捕石峯堡賊匪完竣。前往伏羌時。查明該鄉約白中偉等。如果實在出力。即應優加獎賞。俾老教回民。均知感奮。○庚寅。諭戶部會同福康安議覆雲貴總督富綱等查明通省廠欠一摺。請於各廠員鑪戶名下。分別追賠。自係照例辦理。第念滇省採辦銅觔。不得不豫發工本。以資接濟。鑪戶等係無業貧民。逋欠自所不免。從前李侍堯任內。查明實在廠欠確數。奏請辦理。曾特降恩旨。豁免銀三十萬餘兩。今據富綱等奏。四十三年以後。各廠虧欠五十餘萬兩。係實欠在民。並非官為影射。自屬實在。

情形。且該省辦運銅觔。自辛丑趕運以來。每年依限掃幫。辦理尚為妥速。所有此次無著廠欠銀三十九萬餘兩。著加恩寬予豁免。其有著銀十二萬餘兩。著照所請。於各領戶名下。照例著追。○又諭。前因甘省逆回滋事。所過地方。百姓田廬牲畜。被其剽掠。及聞信驚避。遷徙流離者。均為可憫。已諭令福康安到彼。即行查明。酌量撫恤。第念該省現在調集官兵。會勦賊匪。一切軍糧料草。雖均係地方官發價購辦。而沿途輓運。未免有需民力。是未經被賊滋擾之處。百姓共効供輸。亦宜一體加恩。均施惠澤。所有該省本年應徵錢糧。著概行豁免。如有本年業經徵收者。著詳悉查明。於下年豁免。該督務宜董率所屬。實力奉行。俾閭閻得霑實惠。以副朕優加軫恤。普沛恩施之至意。此旨到甘省。福康安即謄黃普諭各屬。並著該部遵諭速行。○又諭。曰。福長安著加恩補授內大臣。○又諭。曰。李文英

年力就衰。一切差務不能奮勉。著以原品休致。其鑒儀使員缺著劉峻德補授。所遺福建海壇鎮總兵員缺緊要著富勒渾於通省總兵內揀選一員調補。其所遺員缺著何俊補授。○諭軍機大臣等。向來水師陸路總兵令各省總督出具考語密摺陳奏。乃近年以來各省總督陳奏總兵賢否者寥寥。即文員司道知府賢否。經各督撫奏到者亦少。殊非整飭戎行。鼓勵人材。以備揀擇之意。總督統轄通省文武。於各該總兵賢否。自應隨時舉陳。即提督職分雖大。誼屬平行。而一切操防事宜。仍歸總督節制。亦宜一體留心密行入告。嗣後著各省總督於每年將該省提督是否勝任。及總兵能否整頓營伍。防範地方之處。留心體察。據實密奏一次。若河南山東山西巡撫兼管提督省分。即著該撫將該省總兵賢否之處。據實密奏。其兩司道府賢否亦著各該督撫每年陳奏一次。將此遇便傳諭知

之。○又諭曰。原任雲南騰越鎮許世亨前在。金川曾著勞績。今願赴軍營効力。著即准其馳驛前往甘省聽候阿桂。福康安調遣。○軍機大臣議奏。據察哈爾都統烏爾圖納遜奏。稱阿爾台臺站所有緊要報匣。令該官兵馳遞外。其餘差務派察克達官兵協濟等語。查臺站官兵俱有餉銀。察克達官兵應於察哈爾右翼牧廠租銀內。每年賞給官一員銀十兩。兵一名銀十兩。得旨。察克達官兵得銀較少。若與臺站官兵一體當差。未為平允。此後差務著派臺站官兵十分之六。察克達官兵十分之四。餘依議。○辛卯諭曰。永鐸現在。鹿鹿山等處勦辦回匪。且年力強壯。即著調補西安將軍。傳玉著調補杭州將軍。侯甘肅事竣再赴新任。○諭軍機大臣曰。明興奏據新泰縣知縣稟報。該縣僉派馬夫朱貴等馳遞閱鴉元四百里報匣。於城西四槐樹嶺坡馬滑驚跌。磕傷報匣。經該縣馳驗加封。另派

馬夫飛遞並聲明朱貴傷重俟調治痊愈另行責革知縣僉差疎忽請旨交部議處等語此有何罪所奏又屬糊塗已於摺內批示矣驛站馳遞文報州縣官固當慎選馬夫俾無貽誤至於泥潭驚跌亦非得已若果係藉詞捏飾又非責革所可蔽辜今明興既查明馬夫朱貴實係墜馬傷重何得仍請俟其傷痊愈革且將知縣議處試思馬夫背負報匣自不肯有意跌傷即該縣僉差時何由知馬之必無驚跌殊堪一哂明興不曉事若此著傳旨嚴行申飭其知縣江乾泰馬夫朱貴俱著寬免○又諭據何裕城奏彰衛等屬被旱之封邱汲縣獲嘉新鄉陳留五縣內汲縣新鄉二縣於五月二十九日得雨四五寸不等晚秋雜糧俱可補種齊全其獲嘉封邱陳留三縣得雨僅止二寸尚須甘霽續霑方資接濟等語覽奏稍慰已於摺內批示矣前因彰衛等屬五縣未得透雨屢經降旨詢問該撫並

令其體察情形加意撫恤今汲縣新鄉既已續沛甘膏晚秋悉可補種著傳諭何裕城仍遵照前旨其有應行借給籽種口糧者分別酌量借給至獲嘉封邱陳留三縣得雨較少若日內續有得雨佳音是否尚可趕種收穫等項雜糧著何裕城一面撫恤一面查明據實奏聞不可稍存諱飾○又諭曰李世傑奏拏獲彰縣私販拒捕傷人之伍長子等分別斬梟發遣一案已批交該部議奏矣此案雖非該省囑匪搶劫滋事可比但伍長子等越境私販鹽觔經官商雇人巡查盤獲輒敢起意拒捕殺傷數人其兇惡實與匪徒無異該省經查辦囑匪大加懲創之後為時無幾乃復有此等鹽梟拒捕之案自係該督辦理稍懈不能如前加意整頓地方所致乃僅將疎懈之咎諉之該管地方官豈不思彰縣地方獨非該督所管轄乎李世傑著傳旨申飭嗣後務宜督率所屬於地方事務實力整頓如

或因此旨將來遇此等案件。遂意存隱飾。不行奏聞。則獲咎更大也。○又諭據伍岱等奏。伏羌賊人。經官兵兩次勦殺。遠近逆回。自必聞風膽落。而官軍自有起色。已覺旌旆改觀。計此時福康安早抵隆德。而寧夏滿漢官兵。據陳步瀛奏。於二十六七日。業經到彼。現在賊人屯聚隆德境內。福康安與海蘭察。巴圖魯侍衛等。尤當趁此軍容振作之時。將隆德等處賊匪。以次勦捕淨盡。如賊畏懼先逃。仍必竄入石峯堡內。福康安可遵照前旨。必勦清後路。然後帶兵前往該處。設法四面堵截攻圍。但仍宜嚴防後路為要。至陳步瀛節次所辦。俱合機宜。頗具識見。殊屬能事。可嘉。現據該臬司奏稱。即日馳赴隆德。將賊匪情形。面稟福康安等語。陳步瀛來往安定隆德一帶。於該處賊情及路徑夷險。自能熟悉。伊既親赴隆德。福康安得一能事之員。面加詳細詢問。於勦賊事宜。更為有益。再據陳步

瀛奏。固原州回匪馬昇貴城外靠城屋內挖有地窖。可容數百人。伊子馬漢龍城內靠城屋內亦挖有地窖等語。地窖可容數百人。必非馬昇貴父子數人所能開挖。亦非朝夕所能猝辦之事。是蓄謀已久。於城牆內外暗通。欲為破城之計。逆跡顯然。李侍堯平時竟漫無覺察。以致養癰貽患。其罪實無可逭。而知州應知一州之事。逆回如此近城掘窖。肆行無忌。何至毫無見聞。如馬昇貴開挖地窖。係前任知州任內之事。而該州王琮能盤獲奸細。是不但無過。而且有功。即應專治前任知州之罪。如王琮已經抵任。而馬昇貴猶公然開挖地窖。事後方被查到案。其功過尚兩不相掩。若竟係該州任內之事。賊犯又非其所盤獲。即應將王琮嚴叅治罪。著福康安詳晰詢問。明年月覈其功罪。據實具奏。○又諭曰。伍岱等現在勦辦賊匪。漸有起色。賊人經官兵兩次殲戮。已有五六百名。三德現又帶兵到

彼遇其前路與伍岱等兩路會勦。是伏羌賊匪不滿千名。無難迅速殲除。該處賊匪勦捕淨盡。官兵無庸兼顧南路。更可專心進勦石峯堡之賊。由鄒家河赴隆德縣之潘隴山。勾合底店各處回匪。直撲靜寧州城。經該府王立柱等督率兵民擊斃賊人甚多。賊退至離城三里之翠屏山。是隆德潘隴山等處賊匪此時竟專在靜寧滋擾。福康安至隆德時。如偵探該縣並無賊匪。自必與海蘭察已圖魯侍衛等帶兵速赴靜寧。計福康安此時早抵該處。勦辦賊匪。將次完竣。已可往石峯堡與伍岱等設法會勦。石峯堡地形雖屬險窄。然現在大兵雲集。四面堵截攻圍。並尋驪路徑據其高處。建瓴而下。勢如破竹。即可得勦賊淨盡之喜音也。至賊營內器械馬匹齊備。又於上年糾約訂期起事。並修理石峯堡。是該處竟係賊人豫營巢穴。以為退守地步。蓄謀已久。必非朝夕所能猝辦。其修石峯堡時附

近居民既已共知。而文武員弁何以竟至毫無聞見。任賊如此肆行無忌。若文武各員弁曾經具稟總督提鎮。而總督提鎮等竟置之不辦。其罪自專在總督提鎮。或係該管之知縣聞知信息。曾稟知道府。該管之營員亦曾稟知專轄之副叅。而該道府副叅等竟敢沉匿不為轉稟。或竟係州縣營員聞信並不稟報。各該管上司以致釀成事端。其罪更不可逭。前已有旨令阿桂福康安到彼一併查明。參奏著傳諭阿桂等務宜逐層詳細查明具奏。至伍岱等所奏生擒之馬玉華係賊人頭目。所有賊中情形及起事根由。馬玉華自必知其詳細。伍岱等何以未經奏及。著即速訊供具奏。如尚未正法。即將馬玉華派委幹練員弁妥慎解赴熱河豫備訊問。○壬辰諭本日據伊星阿奏到五月二十四日有發配烟瘴之甘省邪教回匪馬五一等三犯解抵長沙。另有文牌無名跟隨到楚之河州回民丁



正祥馬三格馬五十一等三犯訊係馬五一等親屬一路跟隨做飯所過州縣盤詰俱稱起解時回明跟來並搜獲各犯等隨身俱帶有銀兩帽纓等物等語馬五一等三犯因堅守邪教恐其煽惑人心復為滋擾是以免其一死發往瓊南百色烟瘴地方安插與尋常軍流人犯不同地方官於起解時自應詳細檢點慎重僉差並知照沿途經過地方一體慎密護送乃馬五一等竟敢於臯蘭本地即帶丁正祥等一路行宿藉稱自造飯食以致沿途逐站遞送並不盤詰來歷此總係李侍堯平日辦理邪教漫不經心押解官員於起解時一任該犯等招同黨類一路隨行疎縱已極且各犯隨身攜帶銀至二百餘兩帽纓至六百餘頭之多到配時仍得貿易多貲安居樂業勢必故智復萌又於該處倡興邪教煽誘良民更屬不成事體所有甘省押解馬五一等之員已有旨令福康安查明拏交刑

部治罪嗣後遇有此等免死發配緊要重犯各督撫務宜飭屬嚴密檢查並飭解員沿途小心管押毋得似此玩忽干咎但不得因有此旨將尋常軍流人犯亦一律查點不准其攜帶親屬銀物致令到配無以自存是又非朕法外施仁之意總之朕辦理庶獄寬嚴適中務期情理之平內外問刑衙門其各仰體朕意毋或畸重畸輕以成弼教協中之治將此通諭知之○諭軍機大臣等據伊星阿奏湖北省解到充發烟瘴之甘肅邪教回民馬五一等三犯此外尚有回民丁正祥馬三格馬五十一等隨同到楚係文牌內無名之人訊係馬五一等親屬因迷戀異教情願遠道跟往已將馬五一等即行正法並將丁正祥等均擬絞候又搜出馬五一等所帶銀二百四十餘兩涼纓六百餘頭概行入官等語所辦甚是馬五一等係充發烟瘴重犯其親屬不憚遠道跋涉跟同前往可見邪教煽惑人



心牢不可破。况該犯因邪教惑人竄之遠方，何得任其多帶銀物潛攜黨羽。倘該犯等至配所後，仍得安居樂業，故智復萌，倡興邪教，尚復成何事體。且該犯等僉解時，曾降旨令各該督撫轉飭所過地方，不得令其生事。其銀兩從何而來，而雨纓尤為甘肅所產，必係該犯臨行所攜帶。此在沿途地方官轉解時，或未能詳細檢點，而甘省起解之初，何得竟聽其攜挈親屬同行，多帶財物，非尋常錯誤。

可比著傳諭福康安，即查明馬五一等發遣時，係派何員押解，一面叅奏，一面即將該員拏交刑部治罪。伊星阿摺並著鈔寄閱看。至此案內馬五一等三犯及伊親屬丁正祥均係河州回民，可見該處回民被邪煽誘，執迷不悟，不可因此次未經隨同逆回肆擾，遂信為安靜，良回不加留意。務於此案辦理完竣後，仍宜密飭屬員嚴慎訪察，毋使故智復萌。方為妥善。旌表守正捐軀河南浙川縣民

胡法魁妻王氏，湖南芷江縣民。蒲三多妻龍氏，○癸巳諭據在京步軍統領衙門將郝碩截拏解至熱河經軍機大臣會同刑部審訊錄供具奏。本日朕親行刑訊，據郝碩將收受屬員餽送各款一一供認，俯首無辭。從前因國泰在山東勒索貪婪，劣蹟敗露，當即審明治罪。乃甫經懲創，郝碩即於是年藉斂盤費為名，藐法效尤，派累屬員，朕實不料封疆大吏有如此牟利貪黷者。且恨且愧。郝碩著解交刑部，令留京辦事。王大臣會同大學士九卿嚴審定擬具奏。○諭軍機大臣等據伍岱等奏伏羌城外賊匪經官兵兩次擊殺五六百名，又據三德奏稱於桌子坪山遇見賊匪殺死六七十名，是南路之賊所存無幾，已不難於迅速剿盡。但三德帶兵由秦州前至伏羌，本係在賊前面迎剿，今賊竄回秦安，三德與伍岱等會合俱在後尾追，何以未經兩面夾攻，殊不可解。茲伍岱等又將該鎮派往靜

寧而靜寧之賊已據陳步瀛奏稱於二十七日分竄是三德此時即應前赴隆德隨同福康安勦捕看來賊人因汧隴一帶。有重兵防堵。已不敢再行南竄。惟賊計窮力竭。或又思繞道往西。竄赴河州。勾合邪教匪徒。復至省城滋擾。尤不可不豫為防範。著傳諭伍岱等詳查路徑。設法派兵斷其去路。並飛札哈當阿。馮光熊。令其一體嚴密防範。勿致稍有疎虞。至攻犯靜寧州城之賊。昨據陳步瀛奏稱。

已經平涼府知府王立柱督率兵民擊退賊人。分為三股。一股回石峯堡。一股在底店。一股往雷大灣。又隆德縣稟報賊人現在縣屬之馬家坪。及靜寧州之底店等處屯聚。是靜寧州城外已無賊匪滋擾。此時福康安所至宜勦辦者。又在馬家坪底店。及石峯堡等處賊匪。官兵疊次殺賊。遠近逆回自無不聞聲膽落。福康安正當趁此軍容振作之時。由隆德以次進勦。將後路肅清。再赴石峯堡與伍

岱等四面堵截攻圍。現在鹿鹿山已無賊匪。傅玉等所帶之兵。尚有二千。福康安竟當速將此項官兵調至軍營。會合勦捕。兵力厚集。賊匪更易於迅速殲除。再據保寧奏。土練降番內。尚可得一千六百名。又四川瓦寺土司桑朗榮宗稟稱。該處可得土兵四百名。共計二千名。俱情願跟同赴甘。勦賊等語。此時甘省勦辦賊匪大局已定。而保寧所帶初調之土練降番。二十九日尚在保縣。未能即抵甘省。若續行檄調。更不免有需時日。徒勞往返。著福康安酌量情形。如尚有必需添調此項番土各兵之處。即一面飛咨檄調。一面奏聞。如該處兵力已足。即知照李世傑。停其豫備。○甲午諭軍機大臣等。據伊星阿奏。湖南茶陵地方。於三月二十一日大雨如注。夜半溪河陡漲。漫入州城。城外西北居民房屋大半倒塌。淹斃人口甚多。又攸縣在茶陵州下游。亦因溪河猝漲。城內外房屋約坍三百餘間。

現在水勢已退當委令沅州府知府裴直方署長沙府知府王用錫馳赴該二處勘查。藩司秦承恩亦即馳往董率辦理等語。茶陵攸縣二處因大雨之後溪河猝漲淹及廬舍並損傷人口殊為可憫且兩邑沿河田禾正值吐穗結實之時亦難保無淹損前據李綬奏稱於初一日自江西起程此時自己抵湖南著傳諭該撫督率屬員詳晰查勘所有被淹之房屋人口務查確數加意撫恤勿使稍有失所其淹浸地畝並即勸諭農民速行補種晚禾雜糧如有需借給籽種口糧者亦即據實奏聞酌量借給以副朕軫念災黎至意將此由四百里傳諭李綬並諭伊星阿知之○乙未諭曰特成額奏據湖南藩臬兩司稟報五月二十六日已將逆回馬五一等截留正法並查出回民丁正祥三人隨同行走現已審明定擬因請將湖北湖南兩省各員及委解員弁請旨交部嚴加議處等語所辦過當

已批俱著寬免矣此案前據伊星阿奏到朕業已降旨令福康安將甘省首站起解之員查明叅革拏交刑部治罪並因署長沙府事同知王用錫等能留心盤詰特令送部引見原以疎縱匪徒罪在本省首站押解之員至沿途地方官不過照依上站接遞咎尚可寬是以概不加罪朕辦理庶務寬嚴務協事理之平乃特成額身為總督遇事不權輕重遽將湖北湖南首站及接解之員悉行嚴叅辦理殊屬失當若因該省各員既經叅處而甘肅陝西河南各省聞而效尤紛紛具奏伊於何底總之封疆大吏遇有地方事件必當斟酌事理輕重明示勸懲不可稍涉張皇自占地步特成額甫經擢任總督遇事即不知輕重若此安望其總督兩省辦理裕如耶特成額著嚴行申飭並將此通諭各督撫知之○又諭曰保成等奏鄂斯瑞之母病故等語鄂斯瑞感激朕恩諸事輸誠報効茲聞伊母溘

逝深為憫惻著加恩派領隊大臣達福往奠並賞該處庫貯緞十匹以示朕矜恤至意○陝西巡撫畢沅奏甘省秦州東南為通秦蜀要路平涼東通涇州長武西控瓦亭六盤山北連固原六盤山以外即接隆德靜寧鞏昌西通河州南接秦階各處要隘均須分兵堵塞使賊無路奔竄方為慎重得旨慎重固應慎重若如爾所籌十萬兵亦不敷用有是理乎○旌表守正捐軀直隸威縣民趙成貴妻

實錄卷千頁

高

榮氏○丙申諭軍機大臣等本日據李侍堯奏鞏獲賊犯馬三九子供有賊人欲往蘭州河州勾合新教之語已密札藩司暨河州鎮將供出蘭州河州之犯按名嚴鞏訊辦等語蘭州河州二處經哈當阿設法嚴防又有伍岱等斷賊前往之路而現在供出勾合各犯復已按名查鞏自可不致復行滋擾但該二處回民較多從前蘇四十三滋事時即由河州前至蘭州而該二處亦有回民送賊渡河

餽送糧食之事將來若仍留新教名目不能淨絕根株恐致芽蘖復萌又須另起鑪竈但業經被賊勾合者自即當按名嚴鞏正法其或實係邪教而未露從賊形迹者若一概查鞏辦理未免致回民驚畏實難措手著傳諭阿桂福康安將來辦理善後事宜時應將鞏獲賊目逐一詳細研究令其將邪教一一指名供出不論蘭州河州以及西安各處一經賊目供扳即可按名查鞏嚴辦如此辦理既

實錄卷千頁

奎

不致逆匪漏網而且查辦有因朕輾轉思維此乃善後第一緊要關鍵舍此恐別無善策阿桂福康安素稱能事或別有計議俾得一勞永逸亦未可定伊二人務宜慎密熟籌盡善據實奏聞仍著將鞏獲訊過各賊目酌分一半派委妥員解送熱河以備親行鞠訊其餘一半仍留在營中聽候伊等質問如此將該賊目等兩處嚴訊自可使賊人底裏畢露不致稍有未盡也○丁酉諭據鑲藍旗滿洲

都統奏稱。原任打箭鑪監督滿祿。應賠稅銀四千六百餘兩。除將滿祿房產變價一千餘兩賠交外。尚欠三千餘兩。請於伊諸子錢糧內減半坐扣賠交等語。滿祿所欠銀兩俱係伊任內所收稅銀數目不敷。著落伊身賠交之項。並非浸漁入己者可比。著加恩將滿祿所欠銀三千餘兩悉行寬免。○又諭曰。吳垣奏據鹽法道周廷俊詳稱。於署按察使任內承辦流犯戴變。故殺伊妻梁氏身死一案。該

實錄卷一百一十八

十六

府縣將戴變依故殺妻律擬絞監候。經該署司駁改絞決。今奉部議將戴變仍照律問擬。並查取應議各職名。據實詳請代奏。將署司交部嚴加議處。其並未錯擬之府縣各官。可否免其開叅等語。臬司於審轉各屬案件有自行改擬失當之處。原許據實聲明。不必更存推諉迴護。前因雲南按察使許祖京於錯擬王元珍毆傷事主一案。自行檢舉。尚為得體。是以部議時將該臬司降一級調用。朕特

加恩寬免。但恐各省臬司因朕有此旨。思為屬員等任過。以該司處分部議降調。既可邀恩留任。而府縣各官復得免其開叅相習。效尤轉開取巧沽名之漸。其風亦不可長。此案著吳垣將周廷俊駁改府縣原詳提取全案詳細查閱。若該府縣本將戴變擬絞監候。經周廷俊駁改絞決。則其錯誤自專在臬司。若該府縣即係定擬絞決。周廷俊不過照詳審轉。則該司以及府縣各官均有應得處分。統

實錄卷一百一十八

七

俟該撫查明原卷據實奏聞。候朕再降諭旨。朕於諸臣功過賞罰務歸至當。其有能據實自陳者。必量為原恕。其或有希圖倖免者。亦不容稍為朦混。將此通諭各督撫一體留心遵照辦理。○戊戌諭軍機大臣等。此次福康安甫抵隆德。因躡探路徑。即能擒殺賊匪。趕獲牲畜。可見事機湊合。滅賊佳兆。而先聲所及。已足以破逆回之膽。但慮賊人得信復行逃竄。然料彼亦無路可去矣。據奏現與海蘭

察分派官兵並知會伍岱等於初十日一同  
分路進剿並飛咨傳王永安在石峯堡附近  
堵截如此四面迎剿截殺賊人更無難迅速  
殲除所有擒拏賊匪之侍衛富克精額等甚  
屬奮勉可嘉統俟捷音馳到時一併從優議  
叙再據奏訊之拏獲賊人馬佳英等供稱底  
店為首之賊係馬武舉就是底店回人不知  
名字等語底店賊回為首者竟係武舉實屬  
罪大惡極福康安進剿務當設法將該犯生

實錄卷一百八

天

擒解送熱河審明寸磔以伸國法而快人心  
至武舉例屬總督管轄何以平時漫無約束  
縱令謀逆此非尋常失察可比並著福康安  
查明據實叅奏○工部議准雲南巡撫劉秉  
恬疏稱楚雄縣被水衝塌兵房一百七十四  
間演武廳三間動項興修從之○河南巡撫  
何裕城覆奏汲縣新鄉封邱三縣已得透雨  
無庸撫恤惟前借籽種入土又乾應再借給  
其獲嘉陳留二縣倘立秋後得雨尚可趕種

雜糧現在酌借口糧一月極貧下戶撫恤一  
月報聞○旌表守正捐軀直隸高陽縣民李  
庭妻韓氏河南鄆陵縣民于得育妻張氏

實錄卷一百八

天

大清高宗法天隆運至誠先覺體元立極敷文  
奮武孝慈神聖純皇帝實錄卷之一千二百八

大清高宗法天隆運至誠先覺體元立極敷文  
奮武孝慈神聖純皇帝實錄卷之一千二百九

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆四十九年甲辰六月己亥諭軍機大臣

實錄卷一千二百九

等。近日軍營漸有起色。旗鼓一新。自當立勦  
匪徒。但念此次逆回田五等。豈有無故即能  
糾合黨羽。定期起事。遠近回人。亦即附和隨  
從之理。朕於此事。再四思維。反躬自問。自臨  
御以來。數十年兢兢業業。並不敢稍存滿假。  
於民生疾苦。無不時時厪念。務期得所。而於  
甘省。尤加意撫恤。該省連年以來。並未聞水  
旱災歉。斷無貧黎失所。致匪徒得乘機煽誘。  
或地方官有勒索苛派。苦累百姓。因而賊人

倡亂滋事。抑或李侍堯查辦邪教不密。致逆  
回得謊稱勦洗回民。藉詞煽誘。以上種種各  
情節。思之總不得其故。究竟因何而起。不得  
不徹底根究。著傳諭阿桂。福康安。務向擒獲  
賊目。逐一研鞫。並於該處。詳晰詢訪。起釁緣  
由。據實奏覆。毋得稍存迴護之見。至賊人於  
上年。即豫備石峯堡巢穴。以為退守之地。其  
所積糧食器械必多。自係陸續運往。斷難掩  
人耳目。何以地方文武員弁。竟昏如聾。毫

實錄卷一千二百九

無聞見。此非尋常失察可比。著阿桂。福康安  
查明貽誤之員。嚴參治罪。至賊人前此肆行  
無忌。往來逃竄。其所需糧食等項。尚可向各  
處村莊搶劫。今見官兵聲勢壯盛。又經福康  
安等。痛加勦戮。餘賊自必竄回石峯堡。福康  
安等。派兵四面嚴密圍堵。後賊人及老幼眷  
屬。不下萬人。藏於堡內困守。其積蓄自必立  
形匱乏。無從覓食。惟防各處邪教匪徒。尚有  
為之暗中饋送者。此等為賊接濟之人。罪與

逆賊無異。必當嚴密查捕。一經拏獲。即究訊姓名居址。不可使一名漏網。此係盡絕邪教根株之法。阿桂福康安當留心遵照妥辦。不可稍存姑息。○調黑龍江副都統慶霖為山東青州副都統。○庚子諭。此次甘省剿捕逆回。調取四川屯練降番及阿拉善蒙古兵丁。長塗跋涉。不無勞費。所有屯練降番著賞給一個月錢糧。阿拉善兵著賞給銀一千兩。即著福康安於甘省庫項內動撥。交保寧旺沁班巴爾分別賞給。又據保寧奏穆塔爾現在病中。聞甘省調兵。即起身前往。甚屬急公。穆塔爾前已賞給二品職銜。著再賞給散秩大臣銜。並元寶一個。以示朕體恤戎行。優加獎勵之至意。○辛丑諭。據福康安奏官兵於十一日分為四路。由隆德進剿底店。賊衆千餘。從山梁壓下。官兵鎗箭齊發。殺賊甚多。有騎馬賊首二人。往來指揮。拜唐阿薩克丹布。放鎗打死一人。官兵自辰至酉。殺賊二百餘名。

奪得賊營四座。卡座十餘處。器械帳房牲畜無算。海蘭察帶同巴圖魯侍衛追趕敗竄之賊。又殺一百餘名等語。此次福康安等督率官兵剿殺賊匪。奮勇爭先。殲賊二百餘名。拜唐阿薩克丹布並能鎗斃騎馬賊目一人。甚屬奮勉可嘉。福康安海蘭察著各賞大荷包一對。小荷包二對。薩克丹布著擢授藍翎侍衛。其餘出力之侍衛章京及官弁兵丁等俱著福康安查明咨部議敘。以示獎勵。其有出衆特等奮勇者。仍即指名奏聞。○又諭據圖思義奏阜康縣靈山水渠。經前任都統明亮奏明動項興修。但查該處水渠實與屯田無益。應行停止開挖。以省糜費。所有陸續用過銀兩著落原估承辦各員名下追賠等語。新疆開渠蓄水。原為屯田灌溉起見。今靈山水渠既與屯田無益。明亮在彼時並不體察實在情形。輒奏請動項興修。徒滋勞費。其咎專在明亮一人。與原估承辦各員無涉。所有此



項水渠。著即停止開挖。其用過銀兩著於明亮名下賠繳還項。○諭軍機大臣曰。富勒渾等奏。接據建寧鎮總兵王柄稟報。建寧府於五月十九二十等日。因雨勢較大。東西兩河一時宣洩不及。城外房屋致被衝損。人口亦有淹斃。漫溢入城。衙署倉監亦有間被淹浸。現在水勢已退。隨即飭藩司馳赴該處。會同鎮道悉心查勘等語。建寧郡城因雨後溪河猝漲。淹及官民房屋。並損傷人口。被水貧黎。

殊為可憫。著傳諭富勒渾等督率所屬詳晰查明被淹人口確數。及田禾有無損傷酌量撫卹。勿使稍有失所。至被水衝損之縣營衙署監倉及倉穀有無失損。並著查明據實具奏。○旌表守正捐軀河南靈寶縣民張錫寵妻張氏。○壬寅。諭據蘭第錫奏到。黃河水勢工程平穩一摺。內稱沿河州縣向派民夫在隄守望。現在查看祥符陳留二縣未能齊全。其舊隄兩旁柳行空隙之處。陳留縣民人間。

有侵種耕犁。不無損礙柳株。當即飭縣撥夫上隄嚴禁侵耕。以重河防等語。豫省河工遇伏秋大汛。向來各州縣派撥民夫上隄守望。原為慎重河防。保護民生起見。至隄旁隙地栽種柳株。嚴禁附近民人侵耕礙柳。亦係保護隄工。久經飭禁之條。蘭第錫所奏。自屬河工正辦。但本年豫省河北各州縣雨澤較稀。而陳留一縣比各處得雨尤遲。經朕節次傳諭何裕城確查戶口。加意撫恤。量給口糧籽種。該處民人現在趕種秋糧。希圖廣收地力。其不能多人上隄守望。及畧侵種隄根情事。尚屬可諒。除祥符一縣著蘭第錫何裕城仍飭該縣撥夫上隄守望外。所有陳留縣濱河地方業經侵種之處。著無庸查禁。聽其收穫。其站隄護工民夫亦不必責令齊全。但止准今年如此。嗣後不得援以為例。朕於編氓生計。無時不厯於懷。偶遇州縣薄歛之區。雖有河防要工。亦必曲體民情。酌為變通。以期閭閻。

聞得資口食。無使一夫失所。此旨及朕批閱。蘭第錫摺。著交行在九卿。在京大學士九卿。閱看。並著蘭第錫。何裕城遵辦。○又諭曰。陳大用。現在將屆服滿。著即署理浙江提督印務。俟服闋後。再行實授。○又諭曰。閔正祥。著調補甘肅提督。即行馳驛前往。其湖廣提督員缺。著俞金鰲調補。俞金鰲俟閔正祥抵甘接印後。再赴湖廣新任。○又諭甘肅提督閔正祥。陛見時。將從前業改為民之過繼姪。把

總閔福。仍奏請歸旗等語。著照閔正祥所請。加恩將伊過繼姪閔福一戶。仍准其歸入鑲黃旗漢軍。○東閣大學士三寶遺疏。聞諭曰。大學士三寶。歷任督撫。宣力有年。簡擢綸扉。勤慎供職。方資倚任。此次扈從熱河。因其邁疾。即遣太醫診視。並令回京調養。茲聞溘逝。殊為軫惜。其任內降革處分。均予開復。所有應得卹典。著該部察例具奏。○予故附入察哈爾旗分厄魯特輔國公色布騰。致祭如例。

○癸卯。諭曰。福康安奏賊回自馬家堡。翻山逃竄。後即攻擾通渭。伏羌。秦安各州縣。俱係鞏昌府所屬。鞏秦階道張廷桂。雖於三月中告病。但當地方多事之時。安坐衙署。並不即赴所屬。督同守禦彈壓。請將張廷桂革職。至李侍堯於張廷桂告病後。並不委員接署。以致要缺久懸。應一併據實叅奏等語。鞏秦階道員缺緊要。張廷桂於三月內。已經告病。何以歷久尚無委署之員。以致賊匪滋擾時。竟

無大員在該處稽查彈壓。是李侍堯不但於勦賊機宜。茫無措置。即地方事亦多闕茸。實屬大奇。至張廷桂告病。雖在賊匪未經滋擾以前。但當地方多事之際。即使患病屬實。亦應力疾馳赴該處。督同防禦。乃竟置身事外。其罪斷難姑容。張廷桂著革職。拏交刑部治罪。○諭軍機大臣等。據福康安奏。賊匪陸續投出者。共二百四十餘人。已分起交臬司。於隆德隔別收禁等語。所辦甚是。其底店投順

回民。共有千餘。雖據福康安奏。令俞金鰲帶兵一千三百名。在該處駐劄彈壓。但此等從逆之人。見官兵勢盛。始行投降。其心究不可信。著福康安酌量。或送至省城。或分別就近各府縣監禁。俟事定後。分別正法發遣。總之此次查辦逆黨。務期淨盡。不可姑息。李侍堯即喫此虧。阿桂。福康安。慎勿再留後患也。馬文燾現在隨營効力。此事究險。竟當仍照前旨。即將該犯解送熱河。並於起解時。嚴加鎖鑰。法靈阿。人尚結實。令其酌帶弁兵數名。沿途小心解送。自不至或有疎虞。又據馮光熊奏。莊浪外委黃榮等報稱。在白楊嶺遇賊百餘人。將營盤衝散。守備福泰。夏治。千總趙良樞。外委秦玉等被害等語。玉柱等帶兵五百五十名。搜捕賊匪。何至遇賊百餘人。即被衝散。此或是一處之賊。或是兩處之賊。著阿桂。福康安。查明初九日。白楊嶺遇賊時。若止係福泰等在彼。玉柱或往別處捕賊。尚屬可原。

若彼時玉柱亦在白楊嶺。為賊衝退。或竟躲避。即當將該副將嚴叅治罪。其守備福泰等。雖遇賊被害。但似此庸懦無能。是自取其死。與奮勇陣亡者有間。亦不值交部議卹。至福泰等既於白楊嶺遇賊。而黑砣塔井地方。據馮光熊奏。又有賊匪一百餘人。自萱帽塔北山。白銀廠。竄往藏匿。現在阿桂。福康安等。辦賊將次完竣。豈容此等匪徒。分路滋擾。看來黑砣塔井。白楊嶺。一處賊匪。自亦係底店潰出之賊。玉柱等在彼勦捕。或不能得力。著傳諭阿桂。福康安。即於侍衛章京內。酌派一二。人或即派伍岱。帶兵前往。實力搜捕。務將竄逸餘賊。迅速殲擒。方為妥善。○又諭據福康安奏。賊匪即日勦滅。復興所領京兵。可以回京等語。復興仍同善德。興奎。赴阿桂等軍營。協同勦賊。京兵一千。著撤回。○以怡親王永琅。為鑲藍旗漢軍都統。○甲辰。諭曰。傳玉年老。不勝將軍之任。著授為散秩大臣。暫留甘

省。跟隨阿桂。福康安。勦賊効力。事竣時。來京當差。所遺杭州將軍員缺。著莽古賚調補。寧夏將軍員缺。著嵩椿調補。現今甘肅正在需人之際。嵩椿即由彼處。馳驛前赴新任。綏遠城將軍員缺。著烏爾圖納遜補授。察哈爾都統員缺。著積福調補。○諭軍機大臣等。據傳玉秦。由鹿鹿山帶兵至石峯堡堵截。在石溝莊紮營。有石峯堡賊人。出來打仗。殺賊一百餘名。受傷者二百名等語。是賊人竟思於西

南一帶竄逸。果不出朕之所料。傳玉與賊打仗時。賊勢尚未窮蹙。是以止分其黨羽。先為嘗試。今見底店賊匪。勦盡。福康安統大兵。擣其巢穴。阿桂又帶京兵。續至。賊衆膽喪。必仍思於西南一面。乘間潛逃。此時甚關緊要。斷非傳玉等所能妥辦。著傳諭福康安。即同舒亮。並酌分巴圖魯侍衛章京十餘人。帶兵迅赴石峯堡西南一路嚴堵。或即由彼進勦。其東北一路。專交阿桂。與海蘭察帶同巴圖魯

侍衛章京等。領兵設法進攻。總以四面堵截攻圍。務將賊匪悉數殲擒。勿致一人免脫。○又諭。昨據福康安奏。請將續派之京兵撤回。但據馮光熊奏。黑矧塔井。白楊嶺二處。復有匪徒滋擾。必須速行勦捕。以淨根株。又將來查辦固原開挖地窖諸賊。搜捕黨類。在在需用兵力。計復興所帶續派之四起京兵。現在已可全抵潼關。其陝甘二省沿途一切供應。亦早豫備。潼關距甘省不遠。此時竟可毋庸

停撤。著傳諭復興。於接奉此旨後。仍速行帶赴軍營。會同阿桂等搜捕。俾兵力厚集。於勦洗事宜。益可迅速藏功。將此由六百里加緊傳諭復興。並諭阿桂。福康安。畢沅。知之。○又諭。甘省軍營。節次拏獲賊犯馬文燾。馬玉華。並盤獲逆黨馬昇貴等。已有旨解送熱河。豫備訊問。但甘省現在辦理軍需。一切在在需員差委。除馬文燾一犯。現派法靈阿。解送熱河外。其餘應解各犯。並將來拏獲賊目。應行

解送者。著傳諭福康安。於起程時。俱為嚴加鎖鑰。派令妥幹員弁。解送西安。交與畢沅。另行遴派妥員。轉解熱河。如此接替解送。甘省差委。既不致乏人。而沿途亦更可迅速行走。並諭阿桂知之。○軍機大臣議奏。據庫車辦事大臣雅滿泰奏稱。各城打牲回民。置買鉛觔。行文經過地方查覈等語。所辦未免紛繁。嗣後請由各該大臣處。領票購買。經過各卡稽察。毋庸行文。從之。○添設齊齊哈爾打牲

總管衙門筆帖式四員。從黑龍江將軍恒秀等請也。○命大學士阿桂。嵇璜。教習庶吉士。○乙巳。諭曰。軍機大臣。會同理藩院。查辦內扎薩克源流。所有蒙古王公冊封誥封。閱年已久。字蹟模糊。奏請換給。蒙古王公冊封誥封。皆係從前表彰功勳之遺蹟。伊等多年收藏。以至於今。茲因年久更換。恐遺蹟轉至泯滅。無存。著交理藩院。照冊誥款式。另行辦給一分。舊有冊誥。仍令敬謹收藏。以為億萬年

傳家寶物。將此徧諭蒙古王公知之。○以刑部尚書喀寧阿。為鑲紅旗蒙古都統。○丙午。遣官祭

火神廟。○諭軍機大臣等。昨見福康安所進圖內。西南一面。及賊營東首。並無防堵之兵。而溝壑處所。似有可行路徑。即傳玉一路。亦慮其人本無用。兵力單弱。倘賊復由東竄至。靜寧。或由西南竄至通渭。伏羌等處搶掠。雖斷不至如從前之勾結蔓延。而搜捕究覺費

力。且於沿路村莊。未免復行滋擾。著傳諭阿桂。福康安。會同熟籌妥辦。務派大員。幫助傳玉一路。及東面賊人出路。逐一設法堵截。並不可令賊潛出取水。及匪徒等為之暗送糧食。致賊得資接濟。遷延日久。為要。至石峯堡地既險要。自應相機慎重進剿。閱圖內石峯堡迤東山梁上。有賊營四處。官兵何不先由此攻剿。將此四營占據。則賊人咽喉已斷。更無可出之路。並著阿桂。福康安。酌量辦理。又

石峯堡為向來險隘之地。逆回於上年公然將舊堡重修整固。訂期起事。實屬罪大惡極。務須悉數殲擒。斷不可致有一人漏網。即將此石峯堡底店潰出之賊。亦當實力搜捕。按名拏獲。概予駢誅。而地方文武各官。於舊有險隘。被賊重修。置若罔聞。阿桂福康安必須遵前旨據實查叅治罪。況賊人既豫蓄逆謀。則此外被其煽誘勾合者。自不一而足。即如馬文燾為底店從逆首犯。其手下回匪尚有千餘人。其大通馬阿渾係現在賊營首犯。因何以大通為號。是否係大通之人。如該犯係大通人。則其黨羽居住大通者必多。即田五雖已自戕。其所居小山地方。黨羽亦必不少。阿桂福康安總當趁此兵力詳細查究。勘明各該犯家內。是否有如馬昇貴等開挖地窖之事。逐一履勘。輾轉根究。盡法懲治。務使根株淨絕。不致再生事端。至現在賊勢已蹙。斷無慮其竄入汧隴一帶。敷倫泰福敏泰是否

應各回本任之處。著再傳諭阿桂福康安酌量現在情形。如果無需敷倫泰等在彼帶兵防堵。即一面奏聞。一面行知徹回。○又諭傳景暫護伊犁將軍印務。遽行簡選驍騎校等奏補。此事有何急不能待。著傳旨申飭。○丁未諭廣西布政使員缺。著奇豐額調補。浦霖著調補安徽布政使。即赴新任。不必來熱河請訓。亦無庸馳驛。其甘肅布政使員缺。著陳步瀛補授。汪新著調補甘肅按察使。其湖南按察使員缺。著德克進布補授。○諭軍機大臣曰。保成等奏布魯特比葉爾鐵拜已獲燕起。為阿哈拉克齊穆拉特私放。現為喀哩提金部落布魯特比薩瑪齊容留等語。殊不成事體。綽克托等將沙米爾紮留質。作書曉諭葉爾鐵拜等。所辦尚妥。並當諭以拏獲燕起後。即奉有賞給汝二品頂帶散秩大臣銜花翎元寶等項恩旨。汝弟沙米爾紮亦有陞賞。現已頒到。今燕起逃遁。汝若能再獲。則恩賞

即可發給。其賞件令沙米爾紫閱看。寄信伊兄。伊等望此重賞。或能將燕起拏到。如不能獲。亦不必發兵。著保成等遵指示機宜妥辦。並諭令伊勒圖知之。○以故科爾沁達爾漢三等男庫庫勒圖叔和濟格爾襲爵。○旌表守正捐軀河南西平縣民陳長榮妻孟氏。○戊申。諭前據薩載叅奏。郝碩案內餽送銀兩之司道以下各員。並自請議處一摺。當批交該部議奏。本日據吏刑二部議。將馮應榴吳

實錄卷二百九

七

之黼。額爾登布。發往軍臺効力贖罪。薩載革任。具奏。此案郝碩於巡撫任內。藉斂盤費為名。勒派屬員公幫銀兩。貪婪牟利。數至累萬盈千。且事非一時。派非一次。在同城之藩臬大員。凡有奏事之責者。尚應據實列款陳奏。薩載身為總督。江西係其統轄地方。於該省巡撫聲名操守。豈得諉為並無見聞。乃該督從無一字奏及。經朕得有風聞。令薩載至江西順便查訪。始據將乾隆四十七。八等年。郝

碩勒派款蹟。具摺奏聞。在薩載亦知再有袒護。獲戾更深。故爾據實陳奏。且於摺內聲請議處。其實該督平時因循不奏之罪。不能因此時查辦得實。稍為寬假也。且設立督撫。原令互相稽察。設總督有貪婪之事。巡撫尚應叅奏。豈巡撫有貪婪者。總督當諉為不知乎。況朕以薩載歷任封疆。辦事尚屬安詳諳練。且在各省總督中。年分最久。現在三寶病故。員缺。朕意原欲將伊補授大學士。照尹繼善

實錄卷二百九

六

高晉之例。仍留兩江總督之任。今薩載於郝碩如此贖貨營私。久而不奏。豈尚堪勝綸扉之任。即此案薩載之罪。若竟予從寬革職留任。不足蔽辜。著於總督任內。罰去養廉三年。仍革職留任。以為總督大員。不能舉劾。巡撫貪污。因循瞻徇者戒。○又諭曰。富躬現在患病。准其解任。回旗調理。安徽巡撫員缺。著書麟補授。其倉場侍郎員缺。著保泰補授。保泰所署勒保兵部侍郎員缺。著塔琦署理。其刑



部右侍郎員缺。著景祿補授。伊桑阿著補授直隸布政使。其按察使員缺。著梁肯堂補授。所遺清河道員缺。著朱芑星補授。其前任降級之處。仍著帶於新任。○已酉諭。前因甘省逆回不法。擾害地方。曾降旨令福康安查明被難良民。酌量撫卹。並將該省本年應徵錢糧。概行豁免。本日據福康安奏。現在該省市集糧價較昂。其伏羌一縣。已據該縣開倉減價出糶。其餘靜寧隆德等州縣。曾經賊人經過處所。亦應一體覈實酌減出糶等語。向來出糶倉糧。每以年歲豐歉。照市價量為酌減。今該省因賊人滋擾。小民糶食維艱。安可復拘常例辦理。著福康安。即將應行出糶各地。方一體覈實。照例價大加酌減出糶。期於民食有濟。並著嚴飭該管道府。加意稽查。如有糶多報少。侵冒情弊。即將經手之員。嚴叅治罪。所有朕批閱福康安原摺。一併發鈔。○又諭曰。保泰現在出差。其未到京以前。所有倉

場侍郎事務。著諾穆親前往署理。俟保泰到任後。諾穆親即回本衙門辦事。○又諭官兵進剿石峯堡賊巢。即日可期殲滅。福康安相度機宜。調度有方。海蘭察督率進攻。倍為奮勉。伍岱及旺沁班巴爾。亦甚出力。福康安海蘭察著賞給御用玉韞一枚。大荷包一對。小荷包二對。旺沁班巴爾著賞給御用大荷包一對。小荷包二對。伍岱著賞給御用大荷包一對。小荷包一對。福康安等尤宜各加鼓勵。迅速勦辦。毋使賊匪一名免脫。○又諭。前曾加恩。將海蘭察之子安祿。授為三等侍衛。此次海蘭察進剿底店等處。賊匪踴躍奮勉。伊子安祿著授為二等侍衛。在乾清門學習行走。○又諭。此次巴圖魯侍衛章京兵丁等。竭力殲賊。勤勞奮勉。甚屬可嘉。乾清門侍衛巴圖魯泰。斐英阿。富寧。護軍叅領巴圖魯阿滿泰。俱著賞給副都統職銜。乾清門侍衛巴圖魯額勒登保。著授為二等侍衛。萬濟。柰著賞



給哲克敦巴圖魯。富克精額著賞給奇成額巴圖魯。奇臣保著賞給法式尚阿巴圖魯。武韶著賞給努塔巴圖魯。珠爾杭阿著賞給西里圖巴圖魯。藍翎侍衛色靈額著賞給清達巴圖魯。並各照例賞銀一百兩。三等侍衛遜濟鼐。藍翎侍衛佟保。克星額俱著授為二等侍衛。委署烏鎗護軍叅領達延泰著授為副護軍叅領。健銳營藍翎長德寧親軍滿住前鋒薩隆保俱著遇有本營護軍校缺出即行

補授。○又諭據福康安奏阿拉善公烏爾圖納遜佐領鍾呢於進勒底店賊匪時均各奮勉打仗俱著加恩賞戴花翎。又總兵蘇靈候補遊擊德海及千總等員俱奮勇勦賊蘇靈德海著加恩賞戴花翎。千總喬福祿著補授守備。外委馬敷采著補授把總以示鼓勵。○諭軍機大臣等據閔鶚元奏遵旨前赴揚州將伊齡阿鹽政任內各商領借各卷宗逐一查覈緣兩淮運庫從前陸續奉發賞借本銀

共一百五十六萬餘兩。例聽商人隨時稟借。按引收納歸款。遇有商人接濟課運辦公事。件均准借支。總不離借本之外。本年有應辦工程等事。較之常年借數稍增。統計至乾隆五十年均可一律交清。不致懸宕無著。全德因借放銀款較之原本有溢。是以據實具奏。運使倉聖裔於商借之項先則據情詳借。復因溢額較多。扣留四十萬兩未發。俱屬因公起見。至伊齡阿因商人辦公動借正款。並不奏咨。實有不合。應請與始詳後扣之倉聖裔一併交部議處等語。此案伊齡阿任內批借商人銀兩。俱有卷宗領狀可憑。尚無挪移捏冒情弊。是伊齡阿於此事竟屬無過。惟據全德所奏商人代辦玉器一節。已將伊齡阿於本年南巡途次所進節次貢單發交閔鶚元查對。除伊齡阿自有物件外。其商人代辦之件。曾經進呈未收者。若伊齡阿已交還商人領回。則此時物件自在揚州。設或伊齡阿離

任時。竟將物件存留帶回。則伊便有不是。著傳諭伊齡阿。即將本年商人代辦貢物。經朕駁出。有無帶回京中之件。據實詳晰開具清單。明白奏出。伊齡阿具有天良。經朕加恩詢問。自無絲毫虛捏也。所有現在閱鴉元所請將伊齡阿倉聖裔議處之處。著加恩寬免。至全德初到鹽政之任。因商借溢額過多。遽行陳奏。舉動未免過當。著將此旨並閱鴉元原摺。鈔寄伊齡阿閱看。併諭閱鴉元。全德知之。

○又諭。前閱福康安所進圖內。石峯堡迤東。有賊營四處。當經諭令福康安。何不先占此四營。則賊無可去之路。今據奏到。奪得賊人大營四座。正與朕前降諭旨相合。至所稱此時要著。必先扼要放卡。斷其水道。並周圍剗挖溝壕。使賊無路竄逸。方能制其死命。現於石峯堡東南山梁。設營數處。拏至溝底。再於石峯堡西南山腿。安營三處。即可接至黑風墩山梁。直達傅玉等軍營。會合聯絡等語。並

另據繪圖進呈。閱之一目了然。與朕前次發去硃筆原圖。照合。辦理俱中竅要。此時賊匪已成釜底遊魂。官兵轉不必輕於前進。以致或有損傷。惟當嚴密防範堵截。毋使一名兔脫為要。即為時畧久。勦除自更淨盡。況阿桂帶領京兵。暨保寧所帶屯練降番。日內早已到彼。合力攻圍。亦無難剋期蕆事。佇待捷音之至。至白楊嶺等處逆回。想亦係底店。石峯堡。馬家堡。潰出之賊。自應分兵往捕。速期撲

滅。但策布坦。吉蘭泰二人。向未經歷戎行。況綠營兵丁。又不如京兵嫺習弓馬。著傳諭阿桂。福康安。即於巴圖魯侍衛內。選派精細諳練者數員。並於復興所帶京兵內。每處派撥二百名。令其帶往。幫同策布坦。吉蘭泰。上緊搜捕。自更得力。其馮光熊續調之甘涼等處兵丁。亦當暫緩撤回。以供搜捕堵截之用。此次回匪等。訂期起事。早蓄逆謀。因舉首有人。田五等遂倉猝生變。迨竄往馬家堡時。若剛

塔等能嚴防後路。及早完結。則其餘勾結之回衆。聞風斂跡。逆形未露。轉難查辦。而李侍堯。剛塔。仍然安於本任。或待至一二年後。又不能保無蠢動之事。彼時逆謀愈久。勾結轉多。殲除更為不易。今因馬鬍子等。翻山逃遁。而石峯堡底店之賊。遂紛紛接應。經官兵以次勦捕。遂使回匪逆謀畢露。轉得徹底根查。萌芽淨盡。從此永不至再生事端。此實仰荷上天嘉佑。朕輟轉思維。益深敬畏。又據奏。詢之

石峯堡附近居民。賊匪於四十六年。即修理石峯堡。上年五月。又加葺治。整固衆所共知等語。是此事李侍堯。玩愒貽誤。而剛塔在馬家堡縱賊之罪。亦無可逭。已令軍機大臣。劄飭解員鳳翔等。將伊二人。迅速押解熱河。審訊治罪。但賊匪似此逆蹟昭彰。附近居民。既已共見。督提大員。自有應得之咎。而地方文武員弁。何竟毫無覺察。稟報以致養癰貽患。著阿桂。福康安。務即查明賊匪。修理石峯堡。

時。係何員任內之事。即將貽誤之道府州縣。並專管之武職營汛各員。一面參奏。一面拏問。亦迅速解赴熱河治罪。○庚戌。諭曰。李侍堯久任封疆。歷練地方事務。數十年。受朕恩眷最深。迨調任雲貴總督後。有收受廠銀等事。一經發覺。即將伊拏問。革職治罪。覈其情節。雖非近年王亶望。陳輝祖。國泰。郝碩等之貪婪賄贖。敗檢營私者可比。但其簞簞不飭。已墮名節。而損廉隅。其時彙內外臣工之奏。

將李侍堯加恩。暫緩典刑。適因甘省有蘇四十三之事。需人辦理善後事宜。一時總督驟不得人。李侍堯究屬明白能事。是以復將伊補授陝甘總督。朕於李侍堯。破格加恩。原欲其倍加策勵。查辦邪教。綏靖地方。以贖前愆。李侍堯稍有人心。宜何如感激奮勉。仰答朕恩。乃本年田五於小山起事。作逆。李侍堯並不親帶兵丁。設法勦捕。彼時尚得以審辦賊黨。籌畫軍餉為名。迨賊於馬家堡翻山逃遁。

伊乃逗留靖遠軍營統攝無人賊人遂肆行竄逸勾結經朕於五月十二十三十四等日屢次飭諭始行移駐安定仍與賊蹤遙遠以致賊黨蔓延到處煽誘攻城掠堡擾害良民是李侍堯之畏葸遷延實為失機債事況賊人於四十六年即已修理石峯堡上年五月又加葺治整固且田五陰謀不軌糾眾聚集禮拜寺商同謀逆一切旗幟號衣帳房器械種種齊備足見逆謀已三四年之久李侍堯安坐省城竟同聾瞶是其叅賊養癰釀成事變李侍堯之罪百喙難辭此事辦理始終貽誤使李侍堯平日如勒爾謹之庸懦昏憤尚不能曲宥其罪況李侍堯在各省總督中素稱明白能事人所共知朕之棄瑕錄用亦因其尚有才能冀其感恩出力乃竟於地方大事貽誤若此朕更不能曲為之解抑且深自引咎愧恨也至剛塔身任提督於賊匪起事時未能即時撲滅及在馬家堡復為賊人所

誑致令翻山逃竄四出滋擾惟知在後尾追毫無籌畫其罪實無可逭所有福康安奏李侍堯剛塔之處俱係實在情形諒伊等亦無從諉卸著將原摺發交留京王大臣會同大學士九卿科道覈議定擬具奏○又諭曰舒常參奏龍門協副將承祿任性乖張酒後混行責罵弁兵私役兵丁修理衙署違例坐轎派累營員並將兵丁羅朝陞帶病責傷致斃劣蹟種種請旨將承祿革職嚴審等語承祿以旗員身任副將理應潔已奉公為祿營員弁表率乃敢恣意妄行酗酒濫刑責斃兵役實屬大干法紀承祿著革職拏問交該撫提集犯證嚴審按律定擬具奏○壬子諭軍機大臣等據福康安奏賊人於堡內藏匿為負隅死守之計現在多放卡座開挖溝壕益加嚴密不使一名漏網俟將東南山腿占得即可設法斷其水道並乘勢進逼賊巢等語所辦均為妥協惟所稱賊人取水係在石峯

堡西南砌下。河甚寬廣。貼近堡邊。我兵尚不能近前斷絕。現選派好鎗手在彼伺賊人下砌。即放鎗擊打等語。此亦係一法。但恐賊人仍於官兵防範不到之時。又復乘間取水。得資接濟。未免耽延時日。所慮尚未為周密。朕意現在石峯堡砌下。或係泉水。亦未可定。即係河水。阿桂福康安亦可設法派員前往。囊沙過其上流。或竟開溝。使下流洩往別支。使賊無從汲取。豈不更善。著阿桂福康安即商酌妥辦。至此時賊勢已蹙。藏匿堡內。不過苟延殘喘。官兵進剿。自應計出萬全。不必欲速。以致兵丁或有損傷。現在阿桂帶京兵早抵軍營。屯練降番亦俱到齊。阿桂與福康安會同商辦。兼之大兵雲集。賊人聞風膽落。無難迅速殲除。若已將賊匪搜捕淨盡。固屬甚善。倘賊竟敢仍前死守。官兵四面圍堵。絕其竄逸之路。賊人糧食匱乏。又無從取水。飲食俱絕。自可不攻而潰。阿桂福康安此時宜倍加

慎重。不必輕進。能使賊人盡數殲擒。官兵不致傷損。更為妥善。即如屯練甫經到營打仗。即陣亡一名。殊為可惜。著阿桂福康安優加賞卹。其餘屯練降番奮勉可嘉。前已有旨賞給錢糧一月。著再賞給一次。以示獎勵。至現在尚未出伏。天氣炎熱。朕心甚為軫念。恐官兵或致傷暑。前經由驛發去御藥房所製定中平安丸藥各二千丸。以備散給官兵祛疾之需。福康安接到後。仰體朕意。如何分散。及該處氣候何如。並著奏聞。以慰廛念。又據另摺奏馬昇貴家內所挖地窖。進長三丈五尺。馬漢龍家內地窖。直深五丈。除馬昇貴供出伊婿王舍而巴等幫同開窖外。必尚有同開挖之人。均應嚴究。從重辦理等語。地窖深長至三五丈不等。斷非數人所能開挖。其所供並未告知伊孫馬如林。馬如海之處。亦不可信。著傳諭阿桂福康安於事竣後。務遵前旨親往履勘。並將各犯等種種謀逆情由。訊訪

確實。究出黨羽。按名查拏。嚴辦。毋稍姑息。其挖窖年月。以及該州王琮。是否自行盤獲之處。亦當逐一秉公確查。據實覆奏。又據奏武舉馬文燾。被賊逼迫入夥。時曾於五月十七日。遣人赴隆德縣。將危急苦情稟過。詢之該縣鍾潤。實有此事。並呈出原稟。因馬文燾於十八日。已率衆從逆。是以因循。未曾稟知。李侍堯等語。馬文燾既在縣具稟。該縣鍾潤。即當善為慰諭。並曉以不可從逆大義。或將馬文燾傳到縣中扣留。以遏其從逆之謀。何得一無辦法。惟以馬文燾次日。即行從逆為詞。以為沉擱不報。卸罪地步。著傳諭福康安。即將鍾潤革職。迅速解赴熱河。審明治罪。並將馬文燾原稟。一併進呈。又據奏馬世忠等四犯。畧知賊營情形。豫備解京等語。馬世忠等既知賊營情形。則起事根由。該犯等亦必知悉。福康安曾否向其詳細研鞫。著即錄供。據實覆奏。朕前降諭旨。令將拏獲賊目。解送審

訊。亦不過欲明白賊人起事原委。並究出勾結賊黨。以便盡法懲治。若解送之犯太多。沿途照料。恐難周到。除馬文燾馬昇貴等。已有旨諭令解送外。著傳諭阿桂。福康安。嗣後拏獲賊犯。止須揀其緊要頭目。如馬阿渾。大通阿渾。張阿渾者。數人。可備審訊者。解送熱河。訊供。其餘即於軍營。一面審明起事根由。錄供具奏。一面即行正法。勿任稍稽。顯戮其監禁年歲。幼小之戚屬。馬元一等四十三名。俱係應分賞為奴之犯。但福康安係陝甘總督。及本省地方文武各員。均不可分賞。致犯屬仍得留於甘省。此外如伍岱。暨巴圖魯侍衛等。事竣後回京。以及別省在甘協辦之員。俱可各分賞一人為奴。倘將來拏獲幼小犯屬尚多。即可賞給屯練降番各兵丁為奴。令其嚴加役使也。至浦霖。因其究係生手。是以將伊調任安徽。陳步瀛。此次籌辦一切。尚屬周妥。已將該臬司。揀放甘肅布政使。福康安就

近委辦各件。更為得力。將此由六百里加緊傳諭知之。○癸丑。諭此次逆回滋事。前據奏稱首犯係小山田五。但思田五於上年冬本年春間。始製辦矛子庫刀等物。而現據福康安查明賊人。於四十六年即修理石峯堡。上年又加葺整固。是其逆謀。轉在田五之前。況田五居住小山。離石峯堡約有二三百里之遙。安能遠赴該處。兩次興修。且石峯堡內為賊人巢穴。其中所有糧石器械等物。自必以漸存貯備辦。田五既不居住該處。平時又有何人。在彼製造運貯。調度一切。看來田五亦不過賊中頭目。如張阿渾楊填四者。特因舉首有人。該犯知逆謀敗露。遂爾先行舉事。倉猝生變。若該犯果屬賊目。則伊既經自戕。賊衆即當紛紛潰散。安能復行四出勾結。似此蔓延。即云田五斃後。賊營內尚有李鬍子馬鬍子二人。諒該犯彼此不能相下。則石峯堡底店之賊。又安能咸聽其指使。其中必另有

為首之人。為賊衆所服從。一切修堡挖窖。打造器械蓄積糧食等事。俱係該犯主謀。暗遣黨羽分頭備辦。並定期起事。此係勦辦逆回第一緊要情節。福康安既拏獲賊目馬壯父子等。何不向其詳細訊明。錄供具奏。著傳諭阿桂福康安。務即將拏獲賊犯究明。此事究係何人為首之處。迅速具奏。至馬文燾曾於五月十七日遣人赴隆德縣稟報。朕初意尚欲免其一死。但思該犯於十七日赴縣具稟。十八日即率衆從逆。明係甘心附賊。故投此稟。以為日後被獲卸罪地步。不然。即係馬文燾知該縣鍾潤懦弱無能。故以此信恐嚇。懈其隄防。而該縣亦即被其嚇詐。茫無措置。一籌莫展。所有該犯原稟。甚關緊要。著傳諭阿桂福康安。即速查出。由驛進呈。至鍾潤於馬文燾遣人投稟時。若係曉事之人。即當設法將該犯傳至縣中扣留。使伊黨羽不能附賊。否則亦應善為慰撫。曉以大義。以遏其從逆。



之謀即不然亦當立時通稟上司設法速辦何至因循不報任聽馬文燾公然肆逆為賊又添羽翼至所稱馬文燾十八日從逆之處究係如何情節或係該犯率眾前往石峯堡迎賊或係該犯帶同賊人攻擾城池以上種種各情福康安具奏究未明確著阿桂福康安再會同逐一研訊務得確情勿任絲毫遁飾再前因白楊嶺等處尚有逸出零星賊犯而復興所帶二起京兵已抵西安是以令其

實錄卷一百九

定

仍赴軍營幫同圍剿若阿桂到彼與福康安會同酌量情形如現在勦洗將次完竣各處徵調之兵亦不為少京兵在彼久駐無益阿桂等即可酌留數百名辦理石峯堡及土窖底店等處其餘仍令原帶章京分起陸續緩程回京其如何商酌之處一面辦理一面具奏將此由六百里加緊報便傳諭知之並將日內如何圍剿賊匪情形迅速覆奏以慰懸注○又諭據阿揚阿等奏現在燕起復逃仍

將昆楚克暫留葉爾羌等語著交色提巴爾第開導昆楚克令其奮勉誘拏燕起若此時昆楚克已放回遊牧即作書令昆楚克設法擒拏以圖報効或能拏到亦未可定至色提巴爾第為朕最親信之人與鄂斯瑞無異此後葉爾羌奏事亦令列名將此傳諭阿揚阿等遵照辦理○蠲免安徽懷寧桐城宿松望江貴池東流靈璧泗州盱眙天長十州縣安慶鳳陽泗州三衛乾隆四十八年分水旱災

實錄卷一百九

六

額賦有差○旌表守正捐軀湖北襄陽縣民彭廷富妻李氏○是月盛京將軍宗室永璋盛京戶部侍郎鄂寶奉天府府尹奇臣會奏承德等七州縣新麥價稍平每石一兩六錢八分至二兩二錢不等除留本處一年食用尚可採買三萬石拉運海口用船二十五隻分載送京此次船照運豆例直隸雇辦下部知之○閩浙總督富勒渾福建巡撫雅德會奏閩省彌補倉穀又以平糶短少下游諸郡



產穀祇有此數。不敷調劑。目下臺灣豐熟。招商販運。出口進口。嚴立章程。稽查得旨。好知道了。○浙江巡撫福崧奏。鱗塘後所填新土。未能驟實。窪處甚多。宜一律填平。以免積水。批。是。又奏。范家塢章家灣一帶。亦多坑窪。應令承辦官。賠修平實。又批。正宜如此。又奏。不特塘工穩固。兼便民耕。得旨。覽奏俱悉。○貴州巡撫永保奏。古州鎮遠二處。驟雨漲漫。衝損民居。塘汎鎮遠城。坍丈餘。幸來漸去。速人口無傷。已量加撫恤。給修房費。得旨。妥為之。俾受實惠。

實錄卷一千二百九

三

大清高宗法天隆運至誠先覺體元立極敷文奮武孝慈神聖純皇帝實錄卷之一千二百九

實錄卷一千二百九

三

大清高宗法天隆運至誠先覺體元立極敷文奮武孝慈神聖純皇帝實錄卷之一千二百十

監修總纂官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲副都統加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲副都統軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄交臣曹振鏞等奉

敕修

乾隆四十九年甲辰秋七月甲寅朔日食○

享

太廟遣怡親王永琅恭代行禮○諭據阿桂等

奏稱旺沁班巴爾帶來阿拉善三等台吉班

第海途次得病留居固原病故等語班第海

雖未獲効力究係派往甘肅兵差之人途次

病故甚屬可憫班第海著加恩賞給二等台

吉即令伊子承襲並賞銀二百兩○諭軍機

大臣等據阿桂等奏阿桂於二十三日行抵

軍營察看石峯堡形勢惟有將攻圍之處愈

加逼近設法斷其水道用大礮轟擊賊營製

造火彈拋擲賊壕焚燒令其不能藏身等語

前以賊勢已蹙諭令阿桂福康安此時轉不

必欲速宜籌畫萬全總以賊人悉數殲擒官

兵不致傷損方為妥善現在續派京兵俱已

前赴甘省協剿兵力愈多想勦除更易至賊

雖挑挖深壕以圖據險自守官兵何不拏柵

前進從前阿桂平定金川時即用過此法若

可照辦阿桂福康安即當妥酌辦理並遵前

旨派員前往賊人取水處所於上下流囊沙

開溝將石峯堡下之水瀉往別處則賊人水

道一斷有食無從下咽更可不攻自潰至用

礮轟擊並拋擲火彈雖亦係一法但究宜生

擒一二人俾得訊明起事根由及從逆黨羽

以便盡法懲治況賊勢日就窮蹙凡所脅從

者豈肯尚為之抗拒堡內糧食又豈能供數

千人之坐食是賊衆方將畏懼思散阿桂福

康安何不趁此權為安撫俟其出降將緊要

賊目生致。一面訊取起事根由。一面解送熱河備訊。但受降如受敵。阿桂、福康安仍當慎之又慎。至石峯堡賊匪勦盡後。阿桂、福康安務遵前旨。趁京兵及山陝各兵撤回之便。或即就近親赴底店。固原等處。將賊人種種逆蹟。詳細履勘。並究出黨羽。按名拏辦。阿桂等務須逐一妥辦。剷絕根株。以靖地方。不特福康安係陝甘總督。責任綦重。即阿桂既承辦此事。亦斷不可急於完事。稍為姑息也。○乙

卯。命廷臣更議。

歷代帝王廟祀典。諭朕因覽四庫全書內。大清通禮一書。所列廟祀。

歷代帝王位號。乃依舊會典所定。有所弗愜於心。敬憶

皇祖實錄。有勅議增祀之諭。今查取禮部原議紅本。則係康熙六十一年十一月內具題。爾時諸臣不能仰體

聖懷。詳細討論。未免因陋就簡。我

皇祖諭旨。以凡帝王曾在位者。除無道被弑亡國之主。此外盡應入廟。即一二年者。亦應崇祀。煌煌

聖訓。至大至公。上自義軒。下至勝國。其間聖作明述之君。守文繼體之主。無不馨香妥侑。不特書生臆論。無能仰喻。

高深。即歷代以來。升歆議禮。未有正大光明若此者也。乃會議疏內。聲明偏安亡弑。不入祀典。而仍入遼金二朝。不入東西晉元魏前後

五代。未免意有偏向。視若仰承

聖意。而實顯與

聖諭相背。朕意若謂南北朝偏安。不入正統。則遼金得國。亦未奄有中原。何以一登一點。適足啟後人之訾議。即因東西晉前後五朝。有因篡得國。擯而不列。如操丕。不得為正統之例。殊不知三國時。正統在昭烈。故雖以陳壽三國志之尊魏抑蜀。而卒不能奪萬世之公評。至司馬氏篡竊。以還。南朝神器數易。如宋

武帝崛起丹徒。手移晉祚。自不能掩其篡奪之罪。其他雖祖宗得國不正。而子孫能繼緒承休。即為守文中主。亦不可概從缺畧。況自漢昭烈以至唐高祖。統一區夏。時之相去。三百餘年。其間英毅之辟。節儉之主。史不絕書。又安可置而不論。至於後五代。如朱溫。以及郭威。或起自寇竊。或身為叛臣。五十餘年。更易數姓。中華統緒。不絕如綫。然周世宗承藉郭氏餘業。憑有疆域。尚不失為令主。此而概

不列入。則東西晉前後五代數百年間。創守各主。祀典缺如。何以協千秋公論。他若元魏。雄據河北。地廣勢強。太武道武。勤思政理。講學興農。亦可為偏安英主。並當量入祀典。以示表章。朕前命館臣錄存楊維禎正統辨論。內詳晰宣論。以維禎所辨正統在宋不在遼。金之說為是。所以存春秋綱目之義。見人心天命之攸歸。且檢閱孫承澤春明夢餘錄。所載明代崇祀古帝王位號。原未列遼金二朝。

今

帝王廟崇祀遼金而不入東西晉前後五代。似此互相入主出奴。伊於何底。是皆議禮諸臣有懷偏見。明使後世臆說之徒。謂本朝於歷代帝王未免區分南北。意存軒輊。甚失皇祖降諭之本意也。至明之亡國。由於神熹二宗紀綱隳而法度弛。愍帝嗣統時。國事已不可為。雖十七年身歷勤苦。不能補救傾危。卒且身殉社稷。未可與荒淫失國者一例而論。

是以

皇祖睿裁。將神熹二宗徹出。而愍帝則

特令廟祀。

褒貶予奪。毫釐不爽。實千古大公定論。乃諸臣於定議時。轉復將漢之桓靈增入。豈未思炎漢之亡。亡於桓靈。而不亡於獻帝乎。從前定議。未將東漢全局詳審。論斷轉使昏闇之君。濫叨廟食。所議未為允協。夫自古帝王統緒相傳。易代以後。饗祀廟庭。原以報功崇德。至

於嚴篡竊之防戒守成之主或予或奪要必衷於至當而無所容心於其間方協彰瘝之義所有

歷代帝王廟祀典著大學士九卿更行悉心詳議具奏並著於定議後交四庫館恭錄

皇祖諭旨並朕此旨於通禮廟饗卷首以昭殷鑒歷朝垂示萬年之至意又諭今年赴避暑山莊朝覲之和碩特四等台吉薩爾哈克行至甘肅興武地方患痘身故甚屬可憫著

加恩賞給三等台吉即令伊子承襲仍賞銀一百兩治喪其靈柩著派理藩院筆帖式一員帶銀馳驛往迎由甘肅興武地方妥為照料送至喀喇沙爾原游牧處令福康安稍為照料並咨行伊勒圖福祿先行傳諭該盟長及薩爾哈克家屬知之○丙辰兵部議覆喀喇沙爾辦事大臣福祿條奏派設卡座駐劄官兵稽查鉛廠各事宜一庫穆什阿哈瑪產鉛之山設卡三座每卡駐劄外委把總一員

兵三名以資巡查一近廠地方駐劄外委把總一員兵五名以上所需官兵由城守營備差官兵內酌派一原具呈採鉛商民內委課長一名幫辦課長一名遇鉛廠門毆等事會同外委把總管束辦理應行呈辦事件呈報該處辦事大臣辦理一招募民夫齊全後即於挖鉛商民內擇人老成去得者每五十名揀派頭目一名以資彈壓一民人創獲鉛觔由課長查明數目呈報辦事大臣給票帶往

別城售賣如查出無票私鉛應比照盜掘銅錫等礦砂計贓准竊盜論將鉛觔估值定罪一鉛廠應辦一切事件責成辦理糧餉司員每季將收過稅銀數目造冊報印務處查明咨戶部查覈仍令該大臣歲底查明添裁人數收過稅銀彙總奏銷均應如所請從之○丁巳禮部尚書曹秀先遺疏聞諭曰禮部尚書曹秀先由翰林洊擢正卿曾在尚書房行走教皇子書學問優長奉職勤慎茲聞溘逝

殊為軫惜。著加恩晉贈太子太傅。其任內降革罰俸處分。俱予開復。所有應得卹典。仍著該部察例具奏。○又諭。據阿桂、福康、安泰、上屆勦捕撒拉爾逆回案內。軍需報銷。屯練降番兵丁。所支鹽菜白麵。部覆准銷。其老教土司兵丁。因在本省。經部議駁。止照綠營兵丁之例支給。此次該土兵復經赴調。日支口食等項。若照部議覈給。實有不敷等語。此等老教土兵。經檄調隨征。爭先奮勉。自當從優支給。以示體卹。況該土兵等。與屯練降番相仿。而屯練等月支獨為優厚。辦理殊未盡一。所有此次檄調隨征之老教土司兵丁。應得分例。著加恩照屯練降番之例。一體支給。其上屆給過之項。經部議駁者。並著一律准予開銷。用昭朕軫念土兵。優加體卹之至意。○以

湖北巡撫姚成烈。為禮部尚書。調湖南巡撫李綬。為湖北巡撫。以山東布政使陸燿為湖南巡撫。山東按察使馮晉。作為山東布政使。

○戊午。諭曰。劉秉恬奏。劍川州劍湖。興修水利。開渠築壩。瀕河沮洳田畝。俱可墾耕升科。實屬疏濬有效。請將捐貲倡辦之劍川州知州金之昂。原署州事降調麗江縣知縣任錫紱。量予議敘等語。金之昂著交部議敘。其因公降調。現在送部引見之知縣任錫紱。俟引見後。另降諭旨。○以山東濟東泰武臨道楊鍾嶽。為山東按察使。○已未。諭。前據薩載查奏。郝碩派累屬員。公幫銀兩各款。隨令解至

行在。親加刑訊。伊已逐款供認。復令留京王大臣。會同大學士九卿。審擬具奏。茲據奏。請將郝碩擬斬。即行正法。郝碩係總督郝玉麟之子。在軍機司員上行走。尚屬奮勉。是以加恩。簡用司道。洊擢巡撫。乃不思奉公潔已。整頓地方。輒因進京陛見。藉敘盤費。為名勒派屬員公幫銀兩。以致合省承風。公行賄賂。實屬肆無忌憚。巡撫統轄全省。屬員中有簞簞不飭者。尚應立時叅劾。以儆官邪。乃郝碩首

先勒派。罔顧廉隅。設使該省司道大員。亦以陞見引見為詞。踵智效尤。遞相派累。則屬員輟轉逢迎。終歸累及於民。郝碩貪黷性成。託言缺少盤費。不過見其事出有因。而營私罔利。豁壺難盈。較之從前國泰之罪。實無區別。國泰小有才情。於地方事務。尚知留心辦理。一經劣蹟敗露。立即審明治罪。不稍寬貸。郝碩於今春江南行在陞見時。詢以該省政務。奏對茫然。彼時尚謂其近來昏憤。不勝巡撫

之任。乃不料其恣意貪婪。竟至於此。且伊託詞斂費。即係國泰在山東敗露之時。是其明知故蹈。肆無顧忌。郝碩之罪。即照王大臣等所奏。予以棄市。亦所應得。今仍格外加恩。照國泰之案。姑予全軀。著派穆精阿。前往監視。賜令自盡。國家簡用封疆大員。原欲其整飭官方。身先表率。以期大法小廉。嗣後直省督撫。其各慎持名節。顧畏憲典。毋再如國泰郝碩之牟利營私。自罹罪戾。一經發覺。前事具

在。朕不能曲為寬宥也。○庚申。諭。前據富勒渾等奏。建寧府因雨後溪河猝漲。淹及官民房屋。並損傷人口。業經諭令該督等飭屬詳晰查明。酌量撫卹矣。該處猝被水災。雖經該督等分別撫卹。酌借籽種口糧。貧黎均已得所。但究係被水之後。民力不無拮据。著加恩將建寧府屬之建安。甌寧。二縣。並下游被水之延平府屬南平縣。本年應徵錢糧。緩至乾隆五十年秋成後帶徵。以示朕體卹災黎。有

加無已之至意。○諭軍機大臣等。前據綿恩奏。三等侍衛傅寧義。今改名義寧。代家人李順。呈控。從前李順犯事遞籍後。有典住房屋。被番役變賣等因。一摺。已交該部審辦矣。李順係緣事遞籍。私逃來京。復行遞解回籍之犯。其所住房屋。交原主贖回。將典價入官。辦理皆有稿案可憑。並無屈抑。乃該犯復敢潛逃至京。將妻子典與義寧為奴。慫恿代為控告。而義寧又不察來歷。將屢經遞解潛逃之

犯收買為僕。已屬不合。乃復代李順具呈申訴。是必因綿恩現在管理提督衙門。希冀綿恩顧念姻親。稍存迴護。或將房屋等項。仍行斷給李順。而義寧遂得從中分肥。亦未可定。著傳諭刑部堂官。將此案情節。秉公詳細根究。義寧有無別情。務令水落石出。不得稍有絲毫諱飾。○辛酉。諭據正白旗滿洲都統奏盛京所屬廣寧城世襲佐領七十六病故無嗣。揀選得在京該旗七十六族中應襲之馬

甲保山。養育兵玉山。品貌雖不甚陋。但年幼未更事。以之補授佐領。恐不能管轄兵丁等語。佐領有董率該屬之責。在京旗人。漸已染成漢習。今據該旗奏稱七十六族中保山。玉山二人。皆年幼並未經事。不稱佐領之任。自應就近於該佐領下官員內。揀選一人補授。管理佐領事務。況查七十六佐領。原係努魯地方投順之人。由新滿洲錫伯初立佐領內分出之佐領。承襲至今。並非因功績賞給之

佐領可比。著交盛京將軍永璋等。即於絕嗣之七十六佐領下。現任官員內。揀選能辦理佐領事務者。具奏補放。將此佐領。即改為公中佐領。嗣後缺出。即於該佐領下官員內。揀選具奏補放。○又諭曰。和碩特四等台吉薩爾哈克。行至甘肅出痘身故。經朕降旨加恩。派員送至喀喇沙爾地方。但此等土爾扈特和碩特等。每年輪班來至避暑山莊。隨朕進哨。路經甘省。未出痘者。遇有不虞。朕心深為

不忍。著交伊犁圖。嗣後每年應來之伊犁塔爾巴哈台。喀喇沙爾之土爾扈特。和碩特等。或令由彼處就便道。自巴里坤等處。至烏里雅蘇台。由阿爾台。軍臺前來。或令仍進嘉峪關。由寧夏。阿拉善。鄂爾多斯。歸化城。察哈爾等處前來。詳細酌定。惟期於伊等有益。妥協辦理具奏。○諭軍機大臣等。前據劉我奏。永定河水勢平穩。起程回保定。辦事連日大雨之後。各處山水陡發。河防尤關緊要。想劉我



此時已回至保定。但未知永定河水勢情形。若何。工程是否穩固。著傳諭劉我如探聽該處水已消落。即不必又馳赴長安城一帶。如水勢尚未消落。即速馳赴該處。督率防守。並將水勢工程情形。迅速覆奏。尋奏永定河自立秋後。復長水三尺餘寸。臣仍駐工防守。將迎溜埽灣處。修築穩固。迨河水漸減。臣於初二回省。至近日省南省北一帶。雖時雨時晴。然雨勢微細。今已晴霽。道路雖有泥濘。地內

並無積水。禾稼尚無妨礙。得旨欣慰覽之。○又諭。此次逆回滋事。敢於攻擾城池。傷害官兵。實屬罪大惡極。其遺孽即予以寸磔。亦所應得。但朕心究有所不忍。且首從各犯。一律辦理。亦未免無所區別。前據福康安奏。賊人眷屬。俱藏匿石峯堡內。又向各處裹脅回民入夥。令其男口。隨同打仗。婦女留於堡內作當。是賊人巢穴之內。老弱男婦。正復不少。著傳諭阿桂。福康安。於查辦時。所有石峯堡底

店賊犯如張阿渾。大通阿渾。馬阿渾。楊填四等。為賊營中阿渾者。自不應復留孽種。其名下幼孩。即年未及歲。俱當概予駢誅。其餘各犯。以及被賊擄掠入夥之犯。凡男口年在十五歲以下者。著從寬免其一死。仍遵前旨。賞給別省官兵。及降番屯練為奴。至賊眾婦女。如阿渾妻妾。亦不可赦宥。其餘賊犯名下眷口。并賊所擄掠婦女。雖已從賊者。亦著免其一死。仍遵前旨。分賞為奴。再前降諭旨。令阿

桂等。於拏獲賊目後。使其指名供出。始行拏究。則查辦有因。良善回民。不致疑懼。今思若輾轉根追。未免人數太多。蔓引株連。將來阿桂等辦理善後時。止向現獲賊犯。隔別研鞫。如有供出黨羽。即指名出示。拘拏治罪。不必又向續拏之犯。再令輾轉指供。其中倘有被賊供出。到案後。審明實係賊人仇叛者。亦當分別辦理。不可波及無辜。如此則匪徒黨羽。仍不漏網。而安分回民。亦可不致連累。著阿

桂福康安即悉心妥商據實覆奏至賊人現經官兵四面圍住水道又已斷絕萬無生路何以尚敢負隅死守竟無投出乞降者況賊營人衆不下數千若非有主謀為首之人當此窮蹙之時賊衆豈不立時渙散乃石峯堡內阿渾又有如許之多賊衆仍前齊心死拒其故殊不可解著阿桂福康安訊訪確查一併具奏○壬戌諭前據薩載奏郝碩婪索屬員盤費銀兩案內革職知府黃良棟等餽

送銀兩復代為收存其餘各府州縣亦有餽送銀兩之事當經諭令該督將黃良棟等嚴審定擬具奏其餘各府州縣並著審明照國泰案內屬員餽送銀兩之例辦理茲據薩載奏請將黃良棟等分別問擬新疆杖徒其餘各府州縣例應革職離任請旨施行等語所有革職知府黃良棟等著交該部覈擬具奏其餘各府州縣七十餘員著照國泰案內議罪之案分別定擬具奏再降諭旨○癸亥

孝懿仁皇后忌辰遣官祭

景陵○諭軍機大臣等據全德奏兩淮商捐銀一百萬兩已分起解交內務府等語現在內庫帑項充盈並無需此項銀兩但既已起解亦祇可成事不說朕今春南巡時將該商等未完提引餘利銀一百六十餘萬兩全行豁免原欲使商力益臻饒裕嗣據伊齡阿奏該商等恭備賞賚銀一百萬兩朕本未經賞收因伊齡阿稱出自商衆籲請是以允准然此

項銀兩雖准其交納輸忱亦當留於運庫以備地方公用或解交浙省海塘充款何必又解交內務府此皆由於伊齡阿全德不知事體輕重伊齡阿全德俱著傳旨申飭○甲子甘肅石峯堡逆回平諭曰據阿桂福康安奏初四日石峯堡內投出老弱賊匪一千五百餘名阿桂福康安恐賊人詭譎伎倆希冀官兵見賊衆投出防範稍懈即乘勢撲出竄逸豫派官兵層層分布埋伏豫備初五日子刻

賊首張阿渾果同楊填四等帶領賊衆向外直撲。思欲奪路竄逃。官兵鎗箭如雨。盡力截殺。殲賊千餘。張阿渾等竄回堡內。其時天色黎明。福康安同海蘭察帶領各官兵一湧而上。進堡搜捕。將首逆張阿渾即張文慶。大通阿渾即馬四娃並賊目楊填四黃阿渾即黃明馬建成馬良茂馬金玉楊存義馬見幾馬建業馬保全數擒獲。兩日打仗。殲擒賊回共二千餘名。拏獲首從逆犯及各賊眷屬孩稚共三千餘口等語。覽奏實深欣慰。國家愛養黎元。凡直省編氓。遇有水旱災荒。無不立時蠲賑。至甘省回民。久隸帡幪。食毛踐土。便與齊民無異。該省地方硤瘠。間有不登。即行蠲免賑濟。較他省為尤多。回民等同在編氓之中。百數十年。仰沐膏澤。家給人足。伊等具有天良。豈不當稍知感激。且地方官並無苛徭酷派。激變事端。乃逆回等敢於光天化日之下肆其逆謀。實為國法不容。神人共憤。而前

此李侍堯剛塔等辦理不善。致賊四出勾結。蔓延猖獗。經朕特派大學士阿桂陝甘總督福康安先後帶領巴圖魯侍衛等前往督辦。並諭以底店係賊匪門戶。當先由該處以次進剿。福康安先抵甘省。數日之內。即將底店賊匪。勦辦淨盡。肅清後路。俾賊衆聞風膽落。萌蘖潛消。阿桂抵石峯堡後。復會同福康安遵照朕硃筆圈示之處。安營設卡。將賊匪嚴密圍堵。並斷其水道。辦理均為妥協。且勦辦甫經一月。即能將賊匪迅速殲除。而賊首張文慶等俱悉數生擒。並拏獲活口三千餘名。不使有一人兔脫。此皆仰荷上天嘉佑。是以軍士用命。俾該犯等惡貫滿盈。按名生致。盡法懲治。而諸臣之戡功完善。可不特沛殊恩。以昭懋賞。阿桂前於平定金川時。已封頭等公爵。現為大學士。恩施無可復加。著再給予輕車都尉世職。即令阿桂於伊子孫內揀選一人。奏聞承襲。福康安籌辦

底店賊匪。先得機宜。較為出力。前於平定金川時。已封為嘉勇男。著再晉封嘉勇侯。海蘭察前在金川。起衆奮勉。已封侯爵。今在甘省。節次打仗。復能首先帶領官兵。奮勇殺賊。前已加恩。將伊子安祿。擢授二等侍衛。在乾清門行走。著再給與騎都尉世職。即令安祿承襲。伍岱。係塔爾巴哈台班滿回京之人。路過甘省。即自奏留該處協勦。且於福康安未到之先。在伏羌等處。擊退賊匪。頗為奮勉。著授

為都統。亦給與騎都尉世職。其餘巴圖魯侍衛章京等。及領兵各員。分投勦殺。兼有能不避箭石。殺賊受傷者。均屬奮勇可嘉。所有此次勦賊受傷出力之帶兵大小各員。并著阿桂。福康安。查明出衆特等者。及其餘出力之侍衛章京。官弁兵丁等。分別等第奏聞。交部議敘。以示獎勵。至此次勦辦回匪。三月以來。朕披覽奏章。指示機宜。和珅首承諭旨。繕寫寄發。巨細無遺。一體宣勞。和珅本身現襲輕

車都尉。著再給與輕車都尉世職。歸併前職。照例議襲。其餘在事慶成之軍機大臣。梁國治。董誥。福長安。並軍機章京之勤勞出力者。著一併交部議敘。所有此次賞給各世職。俱著世襲罔替。其應如何議襲之處。俱著該部查例具奏。阿桂。福康安。捐並交發鈔。將此通諭中外知之。

御製遲速論曰。今春為南巡記。亦既詳論宜遲宜速之機。大抵於兵事宜速。河務宜遲。而要

於敬

天明理。非漫論也。蓋屢省而有得於已之言也。歸而有甘肅。逆回田五之事。彼時以為盜弄潢池。不過藉邪教以惑人心。如五斗米。一炷香之類。地方官自能平之。頗不芥於懷。既而思之。不芥於懷。或即違敬明之義。得毋有所失乎。已而剛塔有小勝之報。李侍堯有坐守之乖。以致賊徒翻山而遁。餘黨蔓延猖獗。肆擄民居。攻縣城。西安巡撫畢沅。遂有徵兵防

守之議。蓋恐秦隴煽動。不可收拾。朕閱所奏。即硃批。以為若汝所議。雖十萬兵不敷用。又將何以滅賊乎。然知李侍堯剛塔畢沅及本省綠旗兵。不能了此事。即降旨。用福康安為陝甘總督。同海蘭察領乾清門巴圖魯侍衛章京等二十八人。馳驛先往。並調阿拉善蒙古兵一千。四川降番兵二千。寧夏滿洲兵一千。撒拉爾老教回兵一千。及甘涼兵二千。延綏兵一千。共兵不滿一萬。又命大學士阿桂。

領健銳火器營兵二千。以為後勁。福康安一臨底店。即與海蘭察等率先至之。寧夏阿拉善兵二千。立挫賊鋒。逼之入石峯堡。於是諸路兵陸續畢集。而阿桂所領之京兵亦到。周圍築柵困之。斷其水路。不十日而淨殲餘孽。生獲渠魁。此又南巡記所謂宜速而莫遲。未致昧事機而無成也。夫兵凶戰危。且予老矣。豈更樂於用兵。而有窮黷之為。然事機之來。應之不速。設果致賊氛蔓延。全秦煽動。如畢

沅之所慮者。豈不貽笑無窮。而予肯辭以老。坐視弗理乎。予更思之。勝國之兵。即今之綠旗兵也。而其訓練或尚不如今之綠旗。其董事之臣。似今之李侍堯剛塔畢沅者。或亦少矣。文臣掣肘於中。武臣作偽於外。其君付之不問。弗如是。則我皇清何以得有明之天下乎。雖然。是宜鑒宜懼。而不可恃。

天之寵以自矜。且即小可以喻大。蕞爾逆回。設非應之速而勤以淨。其害有不可勝言者。始之一念之忽。予深自以為過繼之一念之敬。仍蒙

天祐而速歲功。則是遲速之論。可以默置而弗以明示子孫乎。可弗以前明為戒。而急於敬天。暗於明理。而弗慎於用兵乎。用兵固貴速。而不敬不明。未有弗致債事者。是予所以惓惓也。○又諭曰。旺沁班巴爾承襲伊父親王。頗有造就。是以授為寧夏副都統。此次甘肅勦辦逆回。旺沁班巴爾督率寧夏滿兵及伊所

屬之阿拉善兵丁奮力勦賊甚屬可嘉。伊現為親王無可加封。伊有弟數人著加恩賞給一公爵。令旺沁班巴爾擇其賢者奏明承襲。○又諭此次甘省逆回滋事。軍報往還最關緊要。邇來正值伏暑大雨時行沿途驛站馳送文報並無遲誤。今賊匪業經辦竣所有自熱河以至甘省驛站官員著該督撫等查明咨部並兵部捷報處章京奇明噶爾圖音登額一併議敘。馳遞之弁兵人等並酌予賞賚。

又京兵前往軍營協勦經過各省照料妥協俾得遄進無誤均屬可嘉。其派出護送之官員等亦著該督撫等查明具奏交部議敘。○諭軍機大臣等曰阿桂等奏官兵勦洗石峯堡賊巢一摺已明降諭旨交部議敘矣。至張阿渾等敢於到處勾結匪徒肆行滋擾殺害官民實為罪大惡極前節次傳諭阿桂福康安將拏獲賊目詳悉嚴訊有供出黨羽即行指名出示拘拏治罪。今賊首張阿渾等既全

數擒獲著阿桂福康安即速向其詳悉根究並隔別研鞫將供出匪黨指名出示拏獲嚴辦。仍即將張阿渾等選派妥幹大員分起押解沿途嚴密防範迅送熱河嚴鞫治罪以申國法而快人心。又昨據奏到拏獲賊犯李自黨供稱田五係馬明心之徒欲為馬明心報仇所以造反等語。田五縱欲為馬明心報仇遂思謀反而張阿渾大通阿渾等並非馬明心之徒何以亦敢四出勾煽匪黨安心作逆。

況底店石峯堡等處賊衆滋擾俱在田五自戕之後田五雖自戕即應查其緣坐亦不可漏。其張阿渾等仍敢煽誘多人肆行擾害地方尤屬可惡。賊目賊夥俱經拏獲著傳諭阿桂福康安將張阿渾等因何又思謀逆之處詳細嚴訊務令供出實情勿致得有狡展。至阿桂等奏賊匪寅夜撲出保無有乘隙竄逸者現派舒亮等分路搜拏及各州縣一體堵截緝拏等語所辦甚是要犯既全數搜獲即

有一二竄出之犯。經官兵分路搜捕。及各州縣分投截堵。自當陸續就擒。不致漏網。況各處村莊。被賊擄劫殺害。懷恨已深。如有餘賊潛逃到彼。亦必當即時擒獻也。又據奏乾隆四十六年三月。有回民馬正芳。馬壯等。將石峯堡修理。民人董有。赴通渭縣知縣趙元德處控告。該縣查明回民占去地土。將一分斷給回民。後來王懷到任。董有又行控告。王懷說。此事已經前任斷結。遂行批駁。現將王懷及經手胥吏原告等。解赴熱河等語。趙元德已於前年監糧案內正法。將來王懷解到審明後。亦自當明正典刑。但該犯等敢肆行無忌。公然修理城堡。逆蹟昭然。李侍堯係該省總督。毫無見聞。養癰貽患。其罪固無可逭。而該管之道府各員。所司何事。乃竟亦身同聾瞶。茫無覺察。豈此等重大事件。竟諉為該縣未經稟報。伊等遂得卸罪耶。著傳諭阿桂。福康安。查明該管道府。係屬何人任內之事。仍

遵前旨。解赴熱河審明治罪。又前降諭旨。令阿桂。福康安。於事竣後。趁京兵及山陝各兵撤回之便。就近親赴底店等處。將賊人種種逆蹟。詳細履勘。並究出黨羽。按名拏辦。以淨孽種。此時辦賊業經完竣。阿桂。福康安。自能遵照前旨。親往妥協辦理也。○乙丑。吏部議准。直隸總督劉我奏。請各省續派回鑒辦差人員。應行開復叅罰事件。及給予加級。以差竣日起。扣限一個月。造冊詳請咨部。逾限不報。概予銷除。從之。○又議奏。甘肅通渭縣典史溫模。當賊匪入城。能以身殉。應照吏目原銜。加贈府知事銜。准廕一子入監讀書。六月期滿。照例銓選。應得卹賞。照武職把總例。給銀一百兩。從之。○丙寅。諭。副都統明善。前於高廟山。勦殺賊匪。乘勝追趕。因未暗該處地勢。中矛陣亡。甚屬可憫。著交部照例議卹。其同時陣亡之員弁。及滿漢兵丁。並俟阿桂。福康安。查明造冊咨部到日。一併照例議卹。該

部知道。○又諭曰長清著補授烏魯木齊都統。即行馳驛前往赴任。長清到後。圖思義交代事畢。著即來京。○河源紀畧告成。纂修等官議敘有差。○丁卯。諭軍機大臣等。據圖思義奏。節次拏獲私挖金砂人犯二百餘名。現在分別辦理。並飛咨伊里布查明附近瑚圖斯要隘處所。酌量添設卡座數處。每處派外委一員。撥兵十名。輪流更換稽查等語。設卡稽查。自屬圖思義等應辦之事。但從前該處

豈未設有卡座。稽查出入。且上年甫經海祿查辦。拏獲多人。何以此次私挖金砂人犯。又有二百餘名之多。可見全在該管大員平時能督率守卡弁員。稽查嚴密。遊手好閑之徒。自不敢私行偷挖。若稍存大意。不能隨時防範。雖添設卡座。亦屬無益。所謂有治人。無治法也。著傳諭圖思義。務宜董率所屬。實力防閑。使匪徒等不能乘間私行出入。方為妥善。不得因業經添卡安兵。遂爾疎懈。以致再滋

弊竇。將此傳諭圖思義。並遇便諭伊里布知之。○戊辰。月食。○中元節。遣官祭

永陵。

福陵。

昭陵。

昭西陵。

孝陵。

孝東陵。

景陵。

泰陵。

泰東陵。○遣官祭

孝賢皇后陵。

端慧皇太子園寢。○以鑲藍旗蒙古副都統

阿爾薩朗為鑲紅旗護軍統領。○以打牲索

倫總管額勒登布為黑龍江副都統。○予故

大學士三寶。祭葬如例。謚文敬。○予故科爾

沁扎薩克多羅郡王納旺色布騰。致祭如例。

○予故四川松潘鎮總兵劉倬。祭葬如例。入



祀昭忠祠○豁免遭風沉溺之浙江委員石永福運回雲南銅四萬九千五百觔有奇。

大清高宗法天隆運至誠先覺體元立極敷文奮武孝慈神聖純皇帝實錄卷之一千二百十

大清高宗法天隆運至誠先覺體元立極敷文奮武孝慈神聖純皇帝實錄卷之一千二百十一

監修總裁官總纂官太子太傅文淵閣大學士文淵閣領閣事領侍衛內大臣稽察欽奉 上諭事件處管理  
吏部理藩院事務總纂官滿洲副都統世襲騎都尉軍功加七級隨帶加一級尋常加二級軍功紀錄一次臣費桂  
齡纂修總裁官太子太傅文華殿大學士文淵閣領閣事稽察欽奉 上諭事件處管理刑部戶部三庫事務  
世襲騎都尉軍功加十九級隨帶加二級人加二級臣董誥內大臣戶部尚書兼理滿洲副都統軍功紀錄  
太子太傅紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆四十九年甲辰七月己巳諭軍機大臣

等前因奉天本年雨水調勻麥收豐稔傳諭永瑋等酌量採辦陸續運京豫備平糶昨據劉綦奏奉天初次採買麥三萬石分為兩起押運第一起麥一萬四千四百石於七月初九日齊抵天津現飭催趲抵通交倉場侍郎轉運進京等語奉天採買之麥第一起既運解抵通日內諒已運至京城其第二起自即陸續可到此項麥三萬石著傳諭留京王大臣即會同順天府開闢平糶並派妥員實

力嚴密稽查。務俾民間零星分糶。庶市價日臻平減。勿任市儈暗中攪買。囤積居奇。致奸商壟斷漁利。而百姓仍不能得有賤食。辦理方為妥善。○又諭。據戶部錢法堂奏。諾穆親家人。於門前拾有匿名揭帖一張。係寶泉局中廠。西廠。匠役等。控告中廠大使觀麟。私伐官樹。及在西廠時。苦累鑪頭匠役各款。當傳兩廠鑪頭等。僉供並無派累。復訊據觀麟供稱。因南廠大使慶柱。曾向借皮褂質當無償。

將其應領銀兩扣還。並據呈出慶柱。託伊代還甘姓銀兩之信。及清單二紙。查驗字跡。與匿名帖相符等語。看來此事。慶柱情節實有可疑。但其中或尚有別情。亦未可定。著傳諭刑部堂官。即提集案內應訊人證。秉公詳悉研鞫。定擬具奏。匿名揭帖。例應問擬絞候。此事如果係慶柱所為。伊身為職官。輒敢挾嫌傾陷。又復投遞匿名揭帖。殊為可惡。即當按例定擬。趕入本年秋審情實。以懲狡詐而儆。

官邪。○庚午諭。上年因山西河南二省。辦理秋審。經部改駁者甚多。將農起革去頂帶。停止巡撫。養廉三年。何裕城降為三品頂帶。停止養廉二年。此次巴圖魯侍衛章京等。及京兵。山西太原鎮兵。各二千名。赴甘剿辦賊匪。農起。何裕城。辦理兵差事宜。均屬妥協無誤。著加恩復還翎頂。其巡撫養廉。仍准其支領。○又諭。據阿桂。福康。安奏。稱。明亮。春寧。在甘肅軍營。均各竭力奮勉等語。從前明亮。錯辦

任內事件。雖係糊塗。尚屬天良不昧。春寧則係年幼無知。亦無不法之事。是以賞給藍翎侍衛。發往甘肅効力。今既均能竭力奮勉贖罪。著加恩。明亮補授頭等侍衛。春寧補授二等侍衛。○辛未。諭。前據三法司覈覆。舒常等奏。審擬海豐縣民黃亞水。傳授符術。鍾亞金等。暗用隱形法輪。姦呂邦球之童。養媳呂謝氏。將鍾亞金。江亞五。何亞吉。楊亞福。擬斬一摺。經朕以此案疑竇甚多。諭令舒常。孫士毅。

再行秉公研鞠。務得確情。今據該督撫奏鍾亞金等不過假行醫賣卜。騙錢分用。並無隱形輪姦之事。因鍾亞金向呂邦球索謝爭鬭。呂邦球之叔呂鶴書遂代作呈詞。裝點情節。赴縣具控。該縣翟必翔希冀邀功。見長刑逼誣服。錄供解省。又經委員南澳同知齊卬一味刑求。疊加揪耳跪鍊。逼令供認。今覆審明確。將鍾亞金、江亞五、何亞吉、楊亞福改擬近邊充軍。翟必翔擬發伊犁。齊卬問擬杖流。其未能審出實情之督撫司道府州縣等。請交部分別嚴加議處等語。此案因該縣翟必翔邀功刑逼。委員齊卬又勒令成招。定案申詳。舒常孫士毅新莅粵省。遂爾照擬具奏。三法司覈擬時。業已據奏照覆。即朕初亦未知其中詳細情節。因福康奏。由粵馳赴行在復命時。將案內可疑之處。據實面陳。朕亦覺其案情未真。是以部議上時。即交舒常孫士毅虛心覆審。若非福康安豫行奏明。朕令該督撫

等覆加研訊。幾致應擬軍遣之犯駢首就戮。是此案平反。由於福康安細心推究。一得疑竇。即行奏明。深屬可嘉。福康安著交部議敘。至革職海豐縣知縣翟必翔。刑逼邀功。暗遣差役教囑呂鶴書不許翻異。以致入人死罪。若非朕特交督撫等另行覆訊。則鍾亞金等犯早已駢首就戮。翟必翔自不應但照死罪未決例減等問擬。況該叅令於督撫審明後。瞻敢聲言首告。挾制上司。以圖末減。情節尤屬可惡。革職同知齊卬。鍛鍊成招。入人死罪。亦不應照未決例問擬。況此案係李天培首先審轉。該員等因迴護原審。是以不肯究出實情。幸朕將該省督撫更換。並令李天培來京候旨。是以一經覆審。遂爾真情畢露。乃齊卬尚稱李天培並無授意迴護。顯係為上司開脫。翟必翔、齊卬俱著該部即照入人死罪已決例。另行分別定擬具奏。李天培身為藩司大員。於此等案犯生死出入緊要情節。不

能虛心審出。以致屬員迴護原審。周內定案。非尋常錯誤可比。李天培著交部加倍嚴加議處。羅定州知州許鈞。會審多次。不能究出實情。又復聽留空白。甚屬不合。亦著交部加倍嚴加議處。其草率定案之督撫舒常。孫士毅。已延三。尚安。及司道李廷揚。明善。著交部一併嚴加議處。其肇慶府知府袁樹南海縣知縣特通阿。雖未隨同定案。但俱經補行用印。均有不合。並著交部分別議處。所有黃亞

水等犯擬罪之處。仍著該部覈擬具奏。○諭軍機大臣等。本日舒常等奏審擬黃亞水。鍾亞金等傳授符水邪術一案。已明降諭旨交部矣。至片內稱。前此經該縣翟必翔等刑求周內。未能早先覺察。率行據詳定擬入奏。舒常請罰養廉銀三萬兩。孫士毅請罰養廉銀二萬兩等語。此案該督撫等雖未能駁正於前。但一經奉有朕指駁情節之諭旨。即能不迴護原奏。審出實情。俾無冤抑。現雖照例交

部議處。將來覆奏時。尚可加恩原宥。其自請罰養廉銀兩之處。俱著寬免。將此傳諭知之。○旌表守正捐軀河南新鄉縣民劉進都妻朱氏。○壬申。諭戶部議奏鳳陽關徵收盈餘。比較四十二年。短少銀七萬七千七百餘兩。除該監督王懿德自認賠繳銀三萬七千餘兩。餘仍請著落照數賠補一摺。因屬照例辦理。第念該關錢糧盈絀。由於豫省江蘇年成之豐歉。上年豫省各屬。因黃河漫口。甫經堵

合。各處旱澇不齊。所獲籽糧。僅敷本境民食。且淮河水淺。重載難行。而江蘇連年豐稔。糧價平減。商販因無重利可覓。以致過關希少。稅課不能充餘。自係該關實在情節。所有此次鳳陽關短少盈餘銀七萬七千七百餘兩。著令王懿德賠繳銀二萬兩。其餘俱著加恩寬免。○癸酉。諭曰。伍彌泰著補授大學士。和珅著調補吏部尚書。協辦大學士事務。其戶部尚書員缺。著福康安補授。現在甘省地方

緊要福康安著仍留陝甘總督之任。所有戶部尚書事務。仍著和珅兼管。目今京中吏部尚書事務。著慶桂暫行兼署。毋庸署理工部。○又諭前據各館總裁。將纂辦各書。奏明立限完竣。茲令軍機大臣詳加查覈。內如滿洲源流考。日下舊聞考。契丹國志。明唐桂二王本末。河源紀畧。蘭州紀畧。俱能依限完竣。尚為勤勉。除各書內已經議敘總纂謄錄外。其未經議敘之總裁纂修等。著交部分別議敘。

至

開國方畧宗室王公表傳續通志三書。逾限未經辦竣。亦並未聲稱展限。著將該纂修交部照例議處。其總裁等未能督催。亦著一併察議。如此分別勸懲。庶各該館辦書人員。咸知上緊趕辦。得以依限完竣。○甲戌。軍機大臣議覆署烏魯木齊都統圖思義奏。烏魯木齊鐵廠人犯挖礦種地。共需三百名。請嗣後於新到人犯內擇其悔過安分者。准令入廠補

額應如所請從之。○乙亥。諭據富勒渾等奏。粵省黃亞水案內。供扳之閩省民人黃江水一犯。訊無書符念咒騙錢等事。惟該犯在粵時。曾得受黃亞水錢文。幫同打鑼。合依左道惑眾為從例。改發雲貴兩廣烟瘴地方充軍等語。此案鍾亞金等在粵省行醫賣卜。騙錢分用。地方官輒據民人呂邦球原控。擬鍊刑求。將隱形輪姦之處。逼令誣服。經朕降旨。令舒常等覆加研訊。始究出刑逼情節。是本案業已平反。其誣扳之閩省黃江水一犯。先經粵省刑求誣認。及解回閩省。經富勒渾等訊無書符念咒等事。自係實情。所有黃江水定擬之處。著刑部同前案一併覈議具奏。○諭軍機大臣等。本日據明興奏到各摺。俱係地方尋常事件。已逐加批閱。又據將六月分糧價開單呈覽。而於田禾雨水情形。竟未奏及。該省本年春間得雨稍遲。麥收歉薄。朕蹕路所臨。曾經目覩。入夏以後。各省雨澤調勻。東

省亦一律普霑。大田插種後。禾苗是否暢茂。收成約有幾分。秋麥曾否普行布種。該撫自當隨時詳悉具奏。乃無一字提及。明興何又糊塗若此。豈伊竟不知朕念切民依。無時或釋耶。將此傳諭知之。仍著將該省雨水田禾各情形。迅速覆奏。以慰廑念。尋奏東省布種秋麥。在八月中旬以後。現在晚禾尚未全行收穫。未能翻犁布種。各屬雨水俱極調勻。土脈滋潤。自可全行耕犁。報聞。○理藩院議覆

陞任察哈爾都統烏爾圖納遜奏稱。察哈爾正白旗佐領德里克畢里克圖呈稱。台吉佐領下護軍領催。向例每年攢助銀各四兩。馬甲銀各三兩。今本佐領下人牲畜被災。情願將此項銀兩。於本年秋季減半收受等語。又稱。察哈爾正白旗布玉古爾佐領下人。向來亦有攢助銀兩之例。是以本佐領下馬甲。懸缺至十餘名。請嗣後台吉佐領下兵丁缺出。如不得人。准於本旗各佐領下。擇其漢仗好。

騎射可觀者。挑取無庸攢助。台吉銀兩。其餘旗分。均應照此辦理。又稱。察哈爾八旗各佐領下。人數多寡不一。其閒散較少。旗分缺出。請各按本翼挑取。均應如所奏。得旨。依議。台吉佐領德里克畢里克圖。因屬下人等牲畜被災。呈請將兵丁餉銀內。攢助伊等銀數。減半坐扣。殊屬可嘉。加恩各賞緞二匹。以示獎勵。著積福即於該處存貯緞匹內發給。○以故喀爾喀一等台吉齊巴克多爾濟子多爾

濟扎布襲職。○丙子。諭。前據阿桂。福康。安奏。逆回此次滋事。緣田五。張文慶。李可魁等。俱係馬明心徒弟。本年正二月間。田五先與李可魁。商同謀逆。糾約張文慶。及各回匪。訂期起事。欲與馬明心報復等語。可見田五等滋事不法。總由爭教而起。該犯等俱係內地回民。自其祖先以來。食毛踐土。蒙國家養深恩者。已百數十年。同隸編氓。毫無區別。乃馬明心以邪教魁首。甫經正法。田五等尚復私

守其教且敢於光天化日之下聚衆鳴張思為報復不法已極。今石峰堡賊匪業經殲擒淨盡。其底店從逆回匪據阿桂福康奏該犯等曾經攻擾城池搶掠百姓法無可宥。是以遣員往辦亦已辦理完竣。此外凡屬邪教回衆本應徹底根究。但念此次逆回滋事經官兵殲戮及拏獲正法者人數已復不少。雖係該犯等孽由自作朕心究覺惻然不忍且恐輾轉查辦或致良善回民波及株連更非

朕不為已甚之意。是以格外施仁除審明實係平日與逆犯等通同謀逆者查拏治罪外其餘概免追究予以自新。回民等務須革面洗心遵守爾等歷來舊教各安生業永享昇平之福。況田五等糾衆謀逆不過欲倡復新教試思新教起於馬明心馬明心及身既正刑誅妻子靡有子遺。從其教者為蘇四十三蘇四十三則又經官兵殲斃妻妾子女概予駢誅。今田五張文慶馬四娃李可魁等謀興

新教復經官兵拏獲身膺寸磔閭閻俱緣坐正法。是新教不但與回民無益且至喪軀破家其禍尤烈。回衆等何苦甘為所愚執迷不悟受其流毒。若經此次寬免之後尚有陽奉陰違或敢滋生事端則是自外生成斷不能復為曲貸。著阿桂福康安即將此旨謄黃普貼出示曉諭。凡屬良善回民並宜安分守法。即有向從新教者亦當觸目警心及早改悔。勉為順化良民毋負朕法外施仁諄切戒導

之至意。○又諭據福康安等奏陝西署隴州知州高淳於拏獲崇信縣回匪陳四娃一犯訊出同李二等偕往河州行竊路遇逆回馬五招誘入夥等供。該州於五月二十四日獲犯至六月十九日始行具詳並不將該犯解省審辦。續經臬司王昶稟報陳四娃被獲時止有行竊之供經該州棒責百餘始行承認聽從馬五入夥。該犯隨已身死等情。請將詳報遲延嚴刑拷訊斃命之署隴州知州高

淳革職拏問等語。回民陳四娃被拏時。既有聽馬五入夥之供。該州並不一面解審。一面飛稟查拏馬五。實屬玩誤事機。若止係糾夥行竊。該署州輒棒責逼令誣供。以致該犯傷重身死。亦屬濫刑斃命。高淳著革職拏問。交該督撫會同嚴審究擬。並將陳四娃等是否從逆。抑僅係行竊之處。審明具奏。○丁丑山海關副都統果星阿奏。臨榆縣知縣凌世御於民占衙署地基。袒護不辦。得旨著派侍郎

汪承霈馳驛前往山海關。會同伊桑阿秉公查辦。○諭軍機大臣等。據果星阿奏山海關副都統衙署旁。舊有箭道。被旗民侵占。現已令陸續搬移。惟東北一角。尚為旗民趙丕基占住。臨榆縣知縣凌世御並不親往履勘。迴護旗民。不為妥協辦理等語。衙署基址自有四至可查。豈容居民任意侵占。況據奏各旗民舊占官地。均經陸續收還。何以獨東北一角。為趙丕基所占者。經地方官查辦。尚敢占

據不還。即係年經久遠。而當時之私賣私買。皆有應得之咎。現已令汪承霈前往查辦。著傳諭伊桑阿即行帶印馳赴該處。會同查訊。將旗民趙丕基是否侵占官地。因何執有印契。及地方官因何迴護不行妥辦之處。審明據實具奏。伊桑阿新任藩司。自不致少有迴護也。將此傳諭伊桑阿。並諭果星阿知之。○又諭前據剛塔奏。於打喇赤堡遇見賊匪。正在擊勦間。遊擊薩炳阿因帶石傷。所領左哨

兵丁。先行退走等語。曾降旨令李侍堯查明。首先退走之兵。正法示衆。總未據李侍堯查奏。又前據馮光熊奏。守備福泰等於白楊嶺遇見賊匪被害。亦已有旨令阿桂福康安查明。遇賊時。若止係福泰等在彼。玉柱或往別處捕賊。尚屬可原。若玉柱亦在白楊嶺為賊衝退。或竟躲避。即當將該副將嚴參治罪。著再傳諭阿桂福康安。即將玉柱貽誤之處。迅速查參。如該員從前曾經出力。亦著一併據



實查奏候朕酌量降旨。庶功過兩不相掩。使帶兵員弁。共知有所勸懲。至遊擊薩炳阿。帶有石傷。左哨兵丁。竟敢先行退走。緣營怯懦。殊堪痛恨。即福泰等遇害時。雖所帶兵丁。亦有傷亡者。而其餘未經被傷各兵。是否亦係先行退避。均應逐一查明。按法辦理。從來行軍之道。貴在紀律嚴明。我

太祖

太宗開叛時。凡遇用兵。如有臨陣回顧者。許在後之兵。即行砍殺。雖時將士。所以人人効命。奮勇無前。今石峯堡等處賊匪。雖已蕩平。各路官兵。亦經議撤。然兵可百年不用。不可一日無備。況兵丁見將領受傷。理應奮勇上前救護。若兵不顧將。先行退走。此而不查明嚴辦。將來地方遇有不逞。緩急需兵。或皆效尤退縮。豈不至於債事。著傳諭阿桂。福康安。即傳集薩炳阿。勒賊時所領左哨兵丁。並福泰等遇賊時所帶之兵。令其將首先退潰之人。

據實舉出。並諭以如不將首退之人舉出。即將伊等全行治罪。如此曉諭衆兵丁等。共知畏罪。互相指證。必將首先退潰之人供出。阿桂福康安。即當一面奏聞。一面將該兵丁按軍法辦理。以肅戎行。不得以現在軍務已竣。且法不及衆。遂爾置之不辦。○吏部議覆。調任湖南巡撫伊呈阿奏。請將武岡州改為繁疲難要缺。在外揀選題補。永順府通判。刪去苗疆字樣。改為簡缺。歸部銓選。應如所請。從之。○予故禮部尚書曹秀先祭葬如例。謚文恪。○旌表守正被戕山東堂邑縣民解大成妻王氏。四川清溪縣民白瑞采妻李氏。○戊寅。

上御卷阿勝境。賜扈從王公大臣蒙古王公額駙台吉等食。至壬午。皆如之。○命議頒行軍紀律。諭前因甘省勒捕逆回時。綠營官兵。於馬家堡打仗。因軍裝火器。被雨潮濕。俟烘烤完妥。再為前進。並有懦怯退縮者。當經降旨。

通飭各督撫務宜隨時加意整頓。今逆回之事雖完。但思整肅營伍。固在督撫提鎮之實心督飭。而平日操演講習。更在將弁之面為指導。兵丁之明曉軍律。國家累洽重熙。承平無事。兵可百年不用。不可一日無備。與其臨時告誡。不若先事講求。著軍機大臣會同該部將行軍紀律。擇其緊要數條。務須簡切明當。使兵丁人人知曉。盡成勁旅。以示朕整飭戎行之至意。尋軍機大臣等會議。一兵丁隨征勦賊。俱應奮勇直前。其見賊退走者。不過各惜身命。心懷畏怯。試思臨陣退走。律應斬首示衆。若能殺賊立功。必蒙陞賞。即或陣亡。國家自有卹典。子孫俱得邀恩。兵丁等與其臨陣畏蒞。難逃國法。何如爭先殺賊。奮不顧身。況勇往向前。未必即死。一經退後。斷不得生。此理甚明。該管將備等平時將此諄切告誡。務令兵丁等咸知大義。臨陣時自必勇氣百倍。可期殺賊立功。一烏鎗弓箭。最為行軍

利器。若兵丁等臨陣時。尚未見賊。遽將鎗箭施放。及至交戰。火藥箭枝俱已用完。無以禦敵。即同束手待斃。關係甚重。凡領兵將備。平日務須時加講習。令兵丁於臨陣遇賊。鎗箭可及之處。不先不後。一齊施放。庶鎗箭隨聲應手。皆獲實用。一行軍隨帶軍裝火藥。俱應在帳房收貯。毋令潮濕。即或途中遇雨。亦須嚴密遮護。庶遇賊緩急可用。凡帶兵將備等。須嚴加曉諭。勿致潮濕。或須烘烤。以致臨時貽誤。至弓箭鎗刀等項。平日尤須修整堅利。不得廢弛。一臨陣對敵。倘遇將領受傷。隨從兵丁。更當奮勇直前。竭力救護。若兵不顧將。各惜身命。觀望退阻。最為惡習。亟應申明軍紀。俾衆知悉。凡有將領受傷。兵丁不即救護。竟致潰散脫逃者。立即查明。按名處斬。其能奮勇保護者。立即議功優賞。以示鼓勵。該管將備等平時尤當愛惜士卒。臨時賞罰公平。庶兵將同心合力。所向無敵。一兵丁對敵乘

勝追趕。刻不容遲。若兵丁等有貪搶賊人遺棄財物。以致賊衆逃遁。貽誤不小。該將備等於領兵臨陣時。務須通行曉諭。違者立即依律治罪。庶兵丁等各知儆畏。一營卡最關緊要。凡領兵將備等。務嚴飭坐卡兵丁。輪班防守。留心偵探。毋得怠惰偷安。即探察有事。祇須選派明幹一二人。密行飛稟。餘仍嚴整坐守。毋庸輕動。無事時。不許高聲叫喊。致亂營規。違者俱照軍法處治。一兵丁遇有調撥。自

當恪守軍令。即時進行。如敢騷擾地方。欺壓良民。蹂躪田禾。搶掠財物等事。應即按律從重治罪。該管將備等。平日加意教誡。臨時尤當嚴行約束。毋許違犯。一兵丁奮勇殺賊。應予獎賞。但恐兵丁希圖冒功。任意蒙混。不可不豫為防範。凡軍法將他人戰功。冒為己功。及誑稱實在効力。將無作有。以輕報重者。斬。該管將備等。應隨時曉諭。親自稽查。俾立功者得賞。冒功者治罪。以期覈實。一行軍馬駝。

最宜愛惜。凡兵丁等牧放。須揀擇水草。吊臚。須按照時候。遇有疲乏。加意調養。夜間尤宜小心看守。遇有遺失。須立時尋獲。至所挖井泉。不許污穢。飲馬各挨次序。無許爭先。以致壅塞。如有違犯。立即重懲不貸。一劄營後巡邏防守。毋得疎懈。夜間不許無故行走。帳房內更要小心火燭。遇有警報。靜聽將令。不得輕舉妄動。若奉有密令。須各自遵守。毋得私相漏洩。該領兵將備等。尤宜申明號令。隨時曉諭。不得疎懈。從之。○諭軍機大臣等。向來漕運總督。於押運尾幫漕船抵通後。即請馳赴熱河。陞見本年各省糧艘到通較遲。若毓奇循例前來熱河。陞見後。再赴通料理回空。未免耽延時日。於來年糧運。恐致或有遲滯。况今年江南途次。毓奇屢經召見。面為訓諭。伊即來至熱河。現在亦無指示之處。著傳諭毓奇。於漕船全數抵通。交兌完竣後。毋庸馳赴熱河。即速料理回空事宜。俾漕船得早回。

空。各該處收兌啟行。毋致來年糧運。或有遲滯之事。○己卯。諭軍機大臣等。前據福康安查奏。副都統明善。於高廟山剿賊時。乘勢追趕。因未悉地勢。誤中賊人之計。且賊衆自上撲。官兵抵敵不住。猶復力戰。是以陣亡甚多。尚非見敵怯懦。自行潰散等語。已有旨。將明善交部議卹矣。至明善所帶官兵。其陣亡者。固應照例予卹。其退回者。豈可濫邀賞敘。著傳諭阿桂。福康安。此次軍務告竣時。所有

明善帶領之各將弁。退回者。著概行扣除。不得列入議敘。兵丁亦不得加以賞賚。以示懲儆。再。逆回豫修石峯堡一節。屢諭阿桂。福康安。將該管知縣。並貽誤之本管道府查參。乃止。據將通渭縣知縣王懷泰奏。解赴熱河審訊。而於各道府尚未據奏。及回匪等豫修城堡。逆蹟昭然。道府各員。所司何事。豈得以該縣未經稟報。遂可卸罪不知。且賊人修堡。俱已訊明。年月係屬何員任內之事。無難即行

查出。何以至今未見續參。著傳諭阿桂。福康安。迅速將賊人修理石峯堡時。所有本管失察道府。即行查參治罪。勿再遲延。○庚辰。諭據劉綏奏。准山海關副都統果星阿咨稱。七月十八日二更時分。臨榆縣知縣凌世御。因醉率領衙役人等。將該副都統轎房打開。聲稱拘拏人犯。搶去官錢。且聞該縣於命案勒索富戶。及私埋不報。並上年黃夜私出。搶奪賭博錢文。又縱役截拏車輛。訛錢等事。請將

臨榆縣知縣凌世御革職。解交刑部審辦等語。前因果星阿參奏該縣於民占衙門官地。袒護不辦一案。已派侍郎汪承霈前往會同布政使伊桑阿查辦。今據劉綏又將該令各款參奏。凌世御即著革職。交與汪承霈伊桑阿。秉公詳細根究。併案查審具奏。○蠲免陝西榆林懷遠葭州神木府谷綏德米脂吳堡八州縣。乾隆四十八年秋禾被災額賦有差。○辛巳。大學士九卿議奏。

歷代帝王立廟崇祀祇及開創之君實為闕畧茲蒙指示兩晉南北朝後五代創守各主亦宜並膺廟食臣等按代尋繹其宜並膺廟食者如晉元帝明帝成帝康帝穆帝哀帝簡文帝宋文帝孝武帝明帝齊武帝陳文帝宣帝元魏道武帝明元帝太武帝文成帝獻文帝孝文帝宣武帝孝明帝唐明宗周世宗共二十三帝詳列一單至篡竊得國失德亡國未應請記者如西晉武帝惠帝懷帝愍帝東

晉廢帝亦孝武帝安帝恭帝元魏孝莊帝節閔帝孝武帝東魏孝靜帝西魏文帝廢帝欽恭帝宋武帝少帝前廢帝業後廢帝昱順帝齊高帝廢帝鬱林王廢帝海陵王明帝廢帝東昏侯和帝梁武帝簡文帝元帝敬帝陳武帝臨海王後主北齊文宣帝廢帝殷孝昭帝武成帝後主緯幼主恒北周孝愍帝明帝武帝宣帝靜帝後梁太祖末帝後唐莊宗閔帝廢帝從珂後晉高祖出帝後漢高祖隱帝後

周太祖恭帝共五十五帝別為一單呈覽竊見康熙六十一年會議本內唐代增入高祖以下十四帝而不及憲宗金代增入太宗以下三帝而不及哀宗但考史載憲宗削平僭叛不惑羣議功業實不可沒而哀宗圖存於亡從容殉國較之明愍帝更為有光謹以此二帝另為一單可否一體增祀至漢代亡於桓靈不亡於獻帝其桓帝靈帝神牌自應遵古徹出以昭予奪之公得旨大學士九卿等

會議增祀兩晉元魏前後五代各

帝王一摺並聲請唐憲宗金哀宗應否一體增祀等語憲宗處唐中葉各鎮節度憑陵跋扈僭叛不臣憲宗命將專征削平淮西厥功頗偉在有唐一代中尚屬英主其末年被弑係禍變猝乘與荒亂失德召變致衅者不同至金哀宗處衰弱之時國勢已不可問推其致敗之由實因熙宗海陵淫虐階厲哀宗自縊殉國與明之愍帝事同一例自應一體增

祀餘俱著照所議行。○諭軍機大臣等。據蘭第錫等奏。黃河水勢加長。情形一摺。內稱。睢州頭堡至三堡。新隄七百九十餘丈。著溜頗緊。經在工各員鑲護堅實。現在水落工平。安瀾有象等語。覽奏。實深欣慰。但閱圖內高家寨沿南隄一帶。已刷成河身。其迤北舊河。現在淤平。溜勢緊逼。南隄根行走。雖經鑲埽防護。仍恐不免持重。閱圖內舊河淤平處所。相距不遠。段落亦不甚長。自應仍行開挑。再比

舊更加寬深。引溜北注。庶新隄不至喫緊。更可穩固無虞。據奏。史村鋪引河開放後。淘刷寬深。大溜暢順。七堡至九堡一帶。埽前已有停淤。可期化險為平等語。若將高家寨現淤舊河。開挖寬深。則下游一帶。自更得力。況蘭陽以至商邱。全河尚且成功。想此次淤平之河。重加開挑展寬。所費自必不多。更可毋庸靳惜。已於圖內用硃筆批示。著傳諭蘭第錫何裕城。會同酌量妥辦。並將如何辦理之處。

據實覆奏。○壬午。諭。據福康奏。甘省平番縣屬之連城。紅山。並碾伯縣各土司地方。於乾隆四十三年。因災民借籽種口糧銀兩。除歷年徵還外。尚未完銀共九千四百七十兩二錢零。請旨豁免等語。各該土民。由土司管轄。奉公調遣。與編氓無異。此次逆回滋事。該土兵等。或派隨營勦賊。或派防守城池。無不奮勉出力。著加恩。將連城。紅山。並碾伯縣各土民。前欠籽種口糧銀九千四百七十兩二

錢零。一併豁免。○又諭。曰。阿桂。福康。安泰。奏署副將玉柱。勦捕糜子灘。鷹窩石。及白銀廠。黑圪塔井等處賊匪。不能確探賊蹤。設法繞截擒拿。因復派總兵策布坦。前往查辦。該鎮僅分派弁兵四處偵探。伊竟安坐靖遠。遷延觀望。請將署副將玉柱。革職拿問。總兵策布坦。嚴加議處。副將八十五。前於勦捕鷹窩石賊匪。未能悉數殲除。請一併革職等語。玉柱帶兵搜捕賊匪。即當偵探蹤跡。實力查拏。乃

竟徒事尾追。並不上緊搜捕。以致賊人得竄入深山。不能立時勦捕淨盡。罪實難辭。玉柱著革職。拏問交刑部治罪。八十五搜捕賊匪。不能悉數殲除。亦著革職。至策布坦為總兵大員。乃並不督率將備。親身前赴各該處。安速勦辦。竟安坐靖遠。遷延觀望。並著一併革職。拏問交部治罪。○又諭前以甘省逆回滋擾。百姓田廬牲畜。被其剽掠。及聞信驚避。遷徙流離者。均為可憫。曾降旨令福康安查明。

撫卹。並將該省錢糧。普行蠲免。茲據福康安奏。鹽茶等處各廳州縣所屬地方。俱有賊氛。經過其被難各戶人口。及聞風驚避。事後續歸。並靖遠伏羌。靜寧等處。被賊攻圍。比戶驚惶。不能自謀生計。均應酌量分別撫卹。現在將存貯軍糧。按戶散給等語。甘省勦捕逆回。各路官兵雲集。所有需用軍糧。自應多為籌備。現在賊匪已殲擒淨盡。官兵陸續撤回。其餘剩軍糧。若仍運回本處。未免轉滋勞費。自

應即於各該處就近散給被難戶口。以資口食。著福康安督飭該管道府。覈實稽查。務俾災黎均霑實惠。該部知道。○又諭據阿桂福康安奏。稱將逆回賊首張文慶馬四娃等。妻子家屬業經全行誅戮。其餘現在石峯堡底店等處賊回子女。共四千餘犯。內除遵旨賞給現在軍營侍衛章京滿洲兵丁及四川屯練官兵等一千九百餘口外。所餘子女二千餘口。並各州縣搜出之賊回子女五百餘口。

統計二千六百餘人。請旨賞給江寧浙江福建廣東等處駐防滿洲官員兵丁為奴等語。著照阿桂福康安所奏。將現在所餘賊回子女二千六百餘口。發遣江寧杭州福州廣州等處分賞駐防官兵外。並交江寧杭州福州廣州等處將軍。俟此等發遣回犯子女解到。即遵旨賞給該省官員兵丁為奴。該將軍等分賞。務擇堪能約束之官員兵丁賞給。毋致生事。十日半月親身往查一次。斷勿致其脫

逃如有私逃及生事之處。即行審明正法。設有失於覺察。管理不嚴。不惟將該官員兵丁治罪。即該將軍副都統等。亦一併從重治罪。著將阿桂等所奏漢摺鈔錄分寄閱看。並著曉諭阿桂。福康安遵行。又諭據阿桂等查奏。回民馬正芳等。於乾隆四十六年三月。修理石峯堡。係革職鞏秦階道文德任內之事。其四十七年八月。經民人董有復行控告。未經查辦。係前任知府張燮已革道員張廷桂

任內之事。至田五。於本年正二月間謀逆起事。打造器械。係署鹽茶同知敦柱。平涼府知府王立柱。護平慶道永盛。平慶道沈鳴皋。各該員任內之事。請將該員等革職鞏問。審明治罪等語。除文德一犯。就近鞏交刑部審訊外。張燮敦柱王立柱永盛沈鳴皋俱著革職鞏問。解交刑部審明治罪。該部知道。陝甘總督福康安奏。新任甘肅布政使浦霖奉旨調任安徽。所遺員缺。即著陳步瀛補授。查陳

步瀛識見才具。不如浦霖。請仍以浦霖調補甘肅布政使。陳步瀛即以事簡之安徽布政使補授。得旨。著照所請行。○癸未。諭據蘭第錫等奏。本年立秋後。萬錦灘及沁洛諸河。連次陡長。黃河大溜湧激。南北兩岸各工。有蟄陷汕刷之處。均經搶護穩實。現在白露已過。水勢日平。可保無虞等語。覽奏深為欣慰。此次河水陡長。各工險要。賴

河神廟虔誠祭祀。以答嘉庥。至該督撫等董率在工員弁。悉力搶護。通工得以一律平穩。蘭第錫何裕城著交部議敘。其在工奮勉出力之文武員弁。並著查明咨部議敘。○多羅質郡王永瑤等議奏。陝甘總督福康安查參前任總督李侍堯提督剛塔。於甘肅逆回田五等謀逆滋擾。失機債事。請照留京王大臣大學士九卿科道叢議擬斬。即行正法。以為大臣失機觀望者戒。得旨。此案李侍堯身為



總督到甘數年。於回民修堡謀逆。毫無聞見。非從前撒拉爾之變起倉猝者可比。迨賊匪四出奔竄。復逗留靖遠。安定。其於此事始終貽誤。罪實難辭。伊係曾經獲罪之人。朕加恩寬宥。仍用為總督。原令其倍加整頓。以贖前愆。乃竟因循債事。朕實引以為愧。此案經留京王大臣及大學士九卿科道等會議。擬以斬決。復命隨從之王大臣等覆覈照議。本應依擬即行正法。但念地方因有不逞之徒。滋

事擾害。致本省總督。即雁典刑。轉恐起刁風而滋厲階。非所以遏寇虐。靖邊疆也。從前蘇四十三滋事時。將勒爾謹革職拏問。經廷臣覈擬斬決。彼時亦曾加恩。改為監候。後因該省折收監糧案發。是以賜令自盡。原不因蘇四十三之事。今李侍堯玩誤因循。其罪雖浮於勒爾謹。但念其歷任總督多年。於地方事務尚屬諳練通曉。至於軍旅。本非其所嫻。此次若因逆回蠢動。遂誅及總督。轉非綏靖地

方之道。李侍堯著從寬改為應斬監候。秋後處決。令其覲坐圜牆。自思罪戾。至剛塔本係武夫。有勇無謀。甫到固原提督之任。即值逆回起事。不能先期覺察。及賊人竄聚馬家堡時。剛塔在山前紮營。不思設法堵截。後路致墮賊計。迨賊已潛遁。又不能繞出邀截。惟知在後尾追。予以重辟。亦屬罪所應得。但究係甫經到任。未悉地利。其勦賊時。各路官兵尚未到齊。伊所帶之兵。不過數百名。尚能殲斃

賊首田五。并於馬泉灣殺獲賊人家口牲畜。且身受箭傷。覈其情罪。尚可量從末減。剛塔著免其死罪。發往伊犁効力贖罪。以觀後效。朕辦理庶獄。一秉大公。凡臣工功罪。惟視其人之自取。不使一毫畸重畸輕。所有辦理此案緣由。明晰宣諭中外。咸使聞知。○軍機大臣會同理藩院議奏。審訊回子默羅色帕爾等。私通薩木薩克。斂給銀物一案。請將默羅呢咱爾。額穆爾。即行正法。阿其睦。阿里木。控

告鄂斯瑞。審係全虛。應請一併正法。默羅色帕爾。雖將書信呈出。究曾為薩本薩克斂湊銀物。應擬斬監候。其額穆爾家人古車克聽從主使。將托克托素丕勒死。應擬絞監候。其餘阿布拉等五犯。應暫行監禁。俟拏獲燕起時。再行分別治罪。得旨。阿里木。額穆爾。默羅呢。咱爾。俱著照所議。即行正法。至阿其睦。固應一併正法。但念伊從前頗屬出力。現又年老。著加恩改為斬監候。餘依議。○兵部議准。

浙江巡撫福崧奏。浙省范公塘。添建石塘。汛兵不敷。請於李家埠添設一汛。於撫標兩營內。酌撥步兵四十名。守兵六十名。挑選畧悉工程者。派往應需管轄武弁。於撫標酌撥額外。外委一員。海防營原裁員弁額內。酌復把總。併經制外委各一員。統歸海防營守備兼轄。從之。○以雲南督標中軍副將瑪爾洪阿為陝西延綏鎮總兵。○旌表守正捐軀河南汲縣民沙進才妻侯氏。○是月。河南巡撫何

裕城奏。據藩臬兩司。暨各道府詳報。豫省各州縣倉庫正項錢糧。並無虧短。惟雜項內那移墊用。合計通共銀五十三萬四千餘兩。臣密加訪察。實因河南地處衝要。辦理一切公務。及墊借夫役工食。并祥儀大工案內攤扣未解養廉各項。遞年積累。一時未能歸款。尚非各州縣等私自侵蝕可比。仰懇聖恩。准照直隸等省。勒限一年完繳。逾限不清。嚴叅治罪。一面查封任所原籍財產。變抵歸款。如不

奏奉 上諭

主

足數。著落各上司分賠。其已經離任各員。分咨追繳。仍照例嚴辦。得旨。姑如所請。明年此時查明奏聞。汝未經奏明。不為無過也。○欽差大學士公阿桂。陝甘總督福康奏。查此次石峯堡拏獲正法人犯一千四百餘名。底店先後交出。正法人犯一千六百二十一名。李侍堯等拏獲正法賊犯四百七十六名。又底店打仗。殺賊三百四十餘名。石峯堡打仗。前後殺賊一千七百餘名。各處搜山官兵。拏

獲賊匪。當即正法者一千餘名。又前經五代李侍堯。剛塔等。於靖遠。通渭。伏羌。雲霧山。鷹窩石。狼山。打喇赤堡等處。打仗殺賊一千四百五十餘名。又陸續擒獲賊回。即於軍營正法者。四百九十七名。通計拏獲正法。及打仗殺死賊回。共八千餘名。又李侍堯。剛塔等。戮逆回婦女一千餘名。此外尚有各州縣拏獲正法。並現在監禁候訊。應行正法人犯一千餘名。至各州縣被害百姓。並陣亡兵丁。為數無多。現飭詳查確數。續行具奏。得旨。雖皆賊犯等自取。實覺過多。不忍也。

實錄卷二十二

去

大清高宗法天隆運至誠先覺體元立極敷文奮武孝慈神聖純皇帝實錄卷之一千二百十一

實錄卷二十一

三

大清高宗法天隆運至誠先覺體元立極敷文奮武孝慈神聖純皇帝實錄卷之一千二百十二

監修總纂官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲副都統世襲騎都尉軍功加七級隨帶加一級尋常加二級軍功紀錄一次臣慶桂

總纂官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲副都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆四十九年甲辰八月甲申朔遣官祭

關帝廟。○諭稽古明倫設教典重學官國學為首善之區橋門觀聽規制尤宜隆備前命尚書劉墉德保金簡侍郎德成鴻工庀材興建辟雍現在已屆落成朕於明年仲春釋奠禮成即臨雍講學所有應行典禮著各該衙門詳議具奏○吏部議奏廣東海豐縣民黃亞水等行醫騙錢並無隱形輪姦之事該督等擬以斬決非尋常失入可比遵旨加倍照已決例議處得旨李天培於此案不能

審出實情致委員迴護原審周內定案非尋常錯誤可比著照部議革職發往甘省交福

康安差遣委用以同知題補舒常孫士毅始

雖率行定擬經朕指駁即能審出實情並不

迴護原奏著從寬免其革任仍註冊巴延三

尚安現在出差其降職一級之處俟差滿回

京該部再行請旨李廷揚明善俱著降三級

調用○乙酉遣官祭昭忠祠○

上御卷阿勝境賜扈從王公大臣蒙古王公額

駙台吉等食至己丑皆如之○諭此次南巡

接駕廢員據吏兵二部查開履歷案情朕詳

加檢閱其緣事情節稍輕之文職范杜馮兆

甸張雁題沈元振嵇承豫秦筠汪廷舒李法

良八員武職曾佐平一員著該部行文調取

來京俟迴鑾後帶領引見再降諭旨其另單

請旨之革職侍衛蔡本禧亦著帶領引見革

職道周升桓不准帶領引見○諭軍機大臣

等據何裕城奏開封衛輝等府七月初旬得

雨二三四寸。至深透不等。後種之蕎麥菜豆及各項雜糧。當秋陽曝曬之後。得茲渥潤。更可結實等語。近聞衛輝府屬。入秋雖得雨澤。未免稍遲。雜糧等項。尚有不能補種齊全之處。其陳留一縣。情形諒亦相仿。著傳諭何裕城。務即查明得雨較遲之衛輝一帶。及陳留各州縣。如果實有成災。即當加意撫卹。不得以前此業經查辦。稍存諱飾。將此由四百里傳諭知之。仍著將該處實在情形。迅速具奏。

尋奏。查河北衛輝一帶。雨澤愆期。汲縣新鄉獲嘉三處。得雨尤遲。補種晚禾。難以一律成熟。現在委員履勘。分別辦理。至陳留一縣。收成稍歉。前於被旱各縣。借給籽種口糧。緩徵錢糧倉穀。豁免四十八年舊欠。陳留亦在其內。民力已可稍紓。且鄰境豐稔。商販流通。鄉民便於買糴。應毋庸再加撫卹。以杜冒濫。得旨。覽奏俱悉。○以福建汀漳龍道姚榮為廣東按察使。賑卹湖南茶陵攸縣二州縣本

年水災飢民。○丙戌。吏部奏請大學士伍彌泰。應定何殿閣及兼銜。得旨。伍彌泰著授為東閣大學士。兼吏部尚書。○豁免江蘇丹徒縣。乾隆四十三。四。五。六等年。坍沒田地三十頃七十八畝。有奇額賦。○旌表守正捐軀河南新鄉縣民張來香女張氏。○丁亥。祭先師孔子。遣大學士嵇璜行禮。○土爾扈特台吉巴特瑪等六人。杜爾伯特公諤勒哲鄂羅什瑚等八人。入覲。

上召見賜食。至己丑。皆如之。○諭戶工二部議奏。淮安關。短少盈餘銀十四萬八千五百五十三兩零。宿遷關。短少盈餘銀一萬二千三百三十一兩三錢零。請著落該監督照數賠補等語。因屬照例辦理。第念上年山東秋成稍歉。豆貨船隻過關稀少。其西北兩河。本年麥收亦薄。客販無多。以致盈餘短絀。尚屬有因。所有此次淮關。短少銀十四萬八千五百五十三兩零。著全德福海。按其在任徵收日

期分賠銀一萬八千五百五十三兩零其餘十三萬兩著加恩寬免宿遷關短少銀一萬二千三百三十一兩三錢零亦著照上屆之例令全德福海各按徵收日期賠補一半○戊子祭

大社

大稷遣怡親王永琅恭代行禮○諭山海關副都統果星阿因係乾清門行走多年之人將伊擢補副都統未嘗不曉制度今因違例乘

轎令伊明白回奏接奉諭旨並不認罪反自假糊塗奏稱不知有此例等語實屬巧辯各省將軍提督並在京八旗二品文臣俱不准乘轎之例果星阿係內廷行走之人豈有不知是果星阿福薄不能承受朕恩著將伊逐出乾清門並交部嚴加議處果星阿著即回京所有山海關副都統員缺著着綬調補着綬未到任之前該副都統事務著錦州副都統薩克慎暫行兼署着綬所遺福州副都統

員缺著散秩大臣鄂岳補授常青因入千叟宴年終來京伊起程後所有福州將軍及海關事務著雅德暫行署理○諭軍機大臣等前據阿桂等奏親赴固原查勘馬昇貴挖窖等事想此時自當查辦完竣其善後各事宜諒亦已與福康安妥協商辦此外即有零星之賊如鷹窩石等處自己緝擒淨盡設有一二遁逃者福康安在彼督同將弁等實力搜捕無難按名弋獲現在已屆秋錄阿桂總理

刑部事務著傳諭阿桂接奉此旨即起程回京辦理勾到事宜○已丑諭前因蘭第錫等奏白露已過豫省各工平穩已降旨將該督撫及在工員弁交部議敘本日又據奏睢州下汛二堡因大河長水出槽滙注隄根加以昏夜大風搶鑲不住至初二日隄工塌卸漫水正河溜勢幸未全掣等語此次漫口雖因水勢陡長又值昏夜大風以致人力難施但該省既有漫工自不應復予議敘所有前此

交部議敘之處。即著停止。○諭軍機大臣等。據蘭第錫奏。睢州下汎二堡。因大河長水出槽。滙注隄根。加以昏夜大風。船隻捆摟不定。隨鑲隨刷。人力難施。至初二日寅時。已塌寬七八十丈。漫口水深四丈餘尺。其正河溜勢。幸未全掣等語。前因該督等奏。睢州正河淤平。溜勢沿南隄根行走。恐致著重。當即諭令宜將正河重加挑濬。寬深引溜北注。庶新隄不致喫緊。可保無虞。今果於該處有漫口之

事。竟不出朕所料。但究由水勢陡長。又值昏夜大風。以致搶鑲不住。所有蘭第錫等奏。請交部治罪。尚可寬免。惟前據該督等奏。白露已過。秋汎安瀾。是以降旨。將該督等交部議敘。今睢州下汎。隄工又復塌卸。伊等亦無顏復邀議敘。已將伊等及在工各員議敘之處。敕部停止矣。至漫口雖水深四丈。幸正河溜勢尚未全掣。且漫口亦不如正河之寬。自應設法趕緊裹護。不令塌寬。且目下新料已屆

登場。即應及早施工興築。但恐東河將弁。堵築漫口。究不及南河將弁之熟諳。著傳諭李奉翰。親帶前次熟諳將弁兵夫等。星速赴豫。幫同辦理。以期迅速。嚴飭至黃水經過地方。民田廬舍。未免被淹。著傳諭何裕城。即飭派出各員。分投馳往。詳悉確勘。並督率該司道等。實心經理。妥為撫卹。務使災黎均霑實惠。毋致一夫失所。將此由六百里傳諭蘭第錫何裕城。並諭李奉翰知之。仍著蘭第錫等。將

現在漫口。曾否裹住。正河溜勢。是否不致全掣。並查勘下游被水情形。作何撫卹之處。迅速覆奏。尋蘭第錫何裕城奏。查隄工初漫時。溜深沙活。易於塌寬。現已將東西兩隄頭。次第裹住。又於隄北上下水。鑲做護崖邊埽。不復再塌。刻下口門溜勢。雖已掣動。七分有餘。但旬日來。仍有水勢二三分。由隄北河形。歸入正河下注。差查下游河身。直至商邱河尾。水深六七尺至丈餘不等。正河去路。並未淤

塞高昂。堵築似易為力。其漫口正北大河身內改溜折灣處起。至史村鋪引河止。長一千七百八十七丈零。內有四百餘丈。受淤較厚。幾成平陸。其餘河槽深三四五尺。尚有稀淤積水。必須分別挑挖。現在派員集夫分段挑濬。勒限完竣。並將口門上下灘面設法填墊。道路即以接築壩基。並可使運料通行。得旨覽奏俱悉。○又諭。睢州下汛二堡新隄。因大河長水。塌寬七八十丈。雖據蘭第錫等奏正

河溜勢尚未全掣。現趕緊裹護。不令塌寬。以冀易於堵築。但水性就下。隄工既塌。寬七八十丈。漫口水深四丈餘尺。又恐日跌日深。以致掣動全溜。不可不及早籌辦。恐蘭第錫何裕城。於堵築事宜。未能諳練。已有旨令李奉翰帶同南河將備。前往幫辦。昨因秋錄在邇。諭令阿桂趕赴熱河。以便辦理。勾到事宜。但河工關係重大。所有勾到之事。刑部堂官內儘可另派一人。前來豫備。著傳諭阿桂接奉。

此旨。即速赴睢州。督辦堵塞事宜。豫工連年漫溢。自設法在南岸改辦之後。上年始獲安瀾。乃甫開一載。茲睢州又有漫口之事。下游民田廬舍。屢被淹浸。實堪憫惻。朕反覆思維。治河之道。隄防與疏宣並重。南河如蘇家山毛城鋪。峯山閘。鹽河等處。皆有豫備盛漲時啟放宣洩之地。豫省隄防而外。並無可以分洩之路。上游水勢暴漲。河身不能容納。遂往往有潰決之患。況賈魯河。渦河。睢河。皆係從

前黃河所經故路。若仿照南河。於此次堵築工竣時。或在該處就勢建設減水壩。如何。但當務令堅實。使大汛時有所分洩。以殺其橫決之勢。則隄防或可鞏固無虞。此事關係民生者甚鉅。不可不詳細講求。以期萬妥。薩載熟悉河務。著即會同李奉翰。帶領李永吉。及諳練河工之文武員弁。亦即迅赴豫省。與阿桂。蘭第錫。何裕城。五人會同詳悉履勘。虛心商酌。將添設減水壩。是否有益。抑或另有善



策之處。據實具奏。此朕無聊之思。不可因有此旨。稍存遷就也。將此由六百里各傳諭知之。所有前日朕硃批及本日蘭第錫奏到之圖。並兩次奏摺。俱著寄與阿桂等閱看。○又諭。本日李奉翰奏請紫木龍護灘挑溜一摺。所辦好。已於摺內批示。但摺首摘由內稱清口請添木龍一架。初閱之。竟似於清口添設木龍。及閱圖中新紫木龍處所。乃在順黃壩挑水壩之西。去清口甚遠。摺內所稱清口請添木龍。措辭失實。又閱摺內。該處舊有木龍七架。前因豫省青龍岡漫溢。奪溜無水下注。將木龍拆去。嗣經紮復四架。其餘三架。奏明停辦。是此次李奉翰請紫木龍。係復建而非添建。摺內聲敘亦未明晰。李奉翰久任河督。何於奏摺字句。竟不檢點。若此。將此傳諭知之。○庚寅。諭著照富勒渾所請。董果調補福建海壇鎮總兵。其所遺員缺。即著何俊補授。○又諭吏刑兩部。覈覆薩載奏審擬郝碩勒

派案內收存饋送各員。分別治罪革職一摺。請將饋送之府州縣等七十一員。均予以革職離任。在該員等逢迎納賄。即悉行褫革。亦罪所應得。第覈其情節。與黃良棟等之幫同斂派。代為收存者。尚屬有間。且究由郝碩婪索所致。所有顧葵等七十一員。著照山東國泰勒索案內之例。免其革任。遇有缺出。止准予調。不准予陞。其各員中有卓異議敘之案。亦一併註銷。但從前山東饋送多員。其任內俱有勒限賠補虧空之項。現在江西既無應賠銀款。若止停陞。並註銷議敘卓異。該員等既得邀恩留任。仍復安享廉俸。究不足以示懲儆。著交軍機大臣查照該員等所饋銀數。酌量議罰。留充該省公用。以為贖緣饋送者戒。其案內另行緣事離任之員。亦著照此辦理。○諭軍機大臣曰。董果於上年盛京途次召見。奏對尚屬明晰。於軍機大臣進見時。據福康安奏稱。該鎮前在金川軍營打仗平常。

不過善談虛偽。迨回京後。復據阿桂奏稱。亦屬相同。朕以途次偶然召見。不能遽悉底裏。阿桂、福康安在軍營日久。於該鎮才具如何。曾否出力之處。皆所深知。伊二人於董果無所憎嫌。所奏自屬公論。諒不至故為貶抑。是以量將福寧事簡之缺補授。今該督復以該鎮奏調海壇要缺。或亦以其善於應對。失之皮相。但既有此奏。看來董果亦非無能者可比。姑照所請。准其調補海壇鎮總兵。但富勒

渾知人之鑒。究不及阿桂、福康安。久在軍營者。更為親切。著傳諭該督。於董果調任後。務宜倍加留心察看。不可以其應對便捷。善於逢迎。致為朦飾也。○辛卯秋分。夕月於西郊。遣肅親王永錫恭代行禮。○諭軍機大臣等。刑部覈議榮柱題。錦縣捕役李翰音。誣指李義為竊。私行拷打。以致李義被毆。後因跌患。病身死一案。所駁甚是。已依議行矣。捕役誣良斃命。自應按例究擬。今李翰音所

拏之李義。本係竊匪。其身死又屬因病。并在辜限之外。何得仍照誣良為竊。因而致死之例。將李翰音問擬絞候。且將並未幫同拷打之事。主亦擬以充軍。榮柱係刑部司員出身。非不諳律例者可比。何至於罪名生死出入。錯謬若此。著將刑部議駁之處。另行錄出。照朕折角發交閱看。令其明白回奏。○壬辰。

太宗文皇帝忌辰。遣官祭

昭陵。○戶部議准。雲南巡撫劉秉恬奏。黑鹽井內之大新沙三井。乾隆四十七年。被水衝失。鹽二十六萬八千餘觔。應補給薪本等銀五千四百五十三兩零。在於鹽務積餘項下。照數動支。從之。○癸巳。

上御萬樹園。幄次。賜王公大臣。蒙古王公額駙。台吉等。及土爾扈特。台吉。巴特瑪等六人。杜爾伯特公。訥勒哲鄂羅什瑚等八人。安南國陪臣范阮達等三人宴。○諭甘省壓欠起運銀糧。自乾隆三十八年。至四十六年。共計一

百六十餘萬。前經督臣奏請分作八年帶徵。經朕特沛恩綸。將此項銀糧普行豁免。第念該省尚有存留項下民欠銀糧及起運項下民欠草束。未經一體邀免。著再加恩。將三十八年至四十六年民欠存留項下銀五萬一千四十五兩零。民番糧二萬五千六百九十五石零。又起運項下民番未完草束。覈計價銀二十萬四千一百八十餘兩。及二十三年至四十六年民欠未完耗銀一十萬二千一百六十九兩零。耗糧四十五萬二千四百四十五石零。概行豁免。以示朕軫念貧黎有加無已之至意。該部即遵諭行。又諭戶部議覆漕運總督毓奇奏請增給鎮江衛行月糧價一摺。仍行議駁。因屬照例辦理。但該衛兩幫與蘇州太倉等衛俱在大江以南。壤地毗連。今昔糧價不同。生齒浩繁。買食不敷。丁力未免拮据。該督所奏請循照蘇州等衛行糧每石一兩二錢。月糧每石一兩之例一體支

給。係屬體察該衛實在情形。因時調劑。期於運務有濟。所有鎮江衛前後兩幫行月折色價銀。著加恩照蘇州等衛准其一例支給。以示朕體恤運丁一視同仁之至意。○諭軍機大臣等。前據蘭第錫等奏。睢州下沉二堡。因大河長水出槽。塌寬七八十丈。已有旨令阿桂前赴該處督辦。並令薩載、李奉翰星速馳往幫同辦理矣。蘭第錫自奏報後。至今又閱數日。金門自己塌定。口門鑲裹盤頭是否足資保護。現在情形若何。蘭第錫何裕城現在作何籌辦防堵之處。未據續奏。朕心深為廕念。著即行據實覆奏。該處既有漫口之事。蘭第錫等自宜督率所屬。上緊施工鑲築。以期迅速合龍。但總宜處以鎮定。不可稍涉張皇。昨因豫省隄防而外。無可分洩之路。上游水勢暴漲。往往有潰決之患。因思是否可於賈魯河、渦河、睢河等處酌建減水壩。以分水勢。又思減水壩祇應在水勢迴溜處為之。不知

該處有此可以為倒鉤引河處否。然此乃朕出於不得已之見。實不肯自以為是。阿桂現在自必迅赴豫省。薩載、李奉翰亦已有旨令其帶同熟諳河工員弁前往商酌幫辦。再傳諭薩載、李奉翰迅速起程。前赴工所。毋稍遲延。又本日江蘭奏現在水勢係走舊有河身等語。是否即係前歲經行賈魯河一帶故道。或即於此處相度形勢。於迴溜處所修建減水壩。但必當謹避頂衝。堅固鑲築。俟阿桂

薩載、李奉翰到齊。公同相度熟商。倘於地勢稍有未宜。亦著據實覆奏。勿得因有朕旨稍存遷就。也將此由六百里各傳諭知之。仍將現在情形如何防堵之處迅速覆奏。○兵部議奏前因大興縣屬朝陽鋪司沉擱公文至八百餘件。奉旨通查各省。有無似此沉擱之弊。交部妥立章程具奏。今據各該督撫造冊咨部。臣等酌議嗣後應令直省各督撫轉飭各州縣派撥兵房經書一名。設立循環號簿。

遇一切鋪遞公文。按日填註。某日送某衙門公文幾件。係某鋪司承送。該鋪司送交下鋪領取。回照銷號。如無回照及送交遲延。立即嚴辦。該管州縣十日一次調驗號簿。按月申報總理郵傳衙門。年終取具並無遲匿印結送部查覈。其酌派經書由該管州縣房書內撥往。毋庸議添公費。該管州縣倘日久稽查不力。怠慢延擱。每案罰俸一年。五案以上降一級留任。十案以上降一級調用。從之。○甲

午。

太祖高皇帝忌辰遣官祭

福陵。○乙未。

上御卷阿勝境。賜扈從王公大臣蒙古王公額駙台吉等及土爾扈特台吉巴特瑪等六人。杜爾伯特公諤勒哲鄂羅什瑚等八人。安南國陪臣范阮達等三人食。至戊戌皆如之。○諭據何裕城奏偃師縣民任天篤等自四世祖任光玉至四世孫任瑞豐九世同居。洵為

邳治麻徵請旨旌表等語任天篤家庭聚順  
雍睦可風宜推旌淑之恩益廣型仁之化茲  
親製詩一章並書扁額以賜其應賞給緞匹  
建坊旌表之處該部照例具題

御製詩曰三咏同居率西陲茲吟九世乃天中  
清時自是稱盛事豫土由來敦厚風八甯七  
張今過一陳牢楊燮古齊公任隣孝友適為  
姓彰表應教薦慶崇

御書扁曰義門敦族○丙申

萬壽節遣官祭

太廟後殿○遣官祭

福陵

昭陵

昭西陵

孝陵

孝東陵

景陵

泰陵

泰東陵○遣官祭

孝賢皇后陵○遣官祭

顯佑宮

東嶽廟

城隍廟○

上御澹泊敬誠殿扈從王公大臣官員及蒙古  
王公額駙台吉等行慶賀禮○丁酉諭軍機  
大臣等據李奉翰奏接據淮徐道劉錫嘏飛  
稟河南睢州下沉南岸隄工漫溢一面先委

李永吉等帶同兵丁馳赴豫省幫同堵築一  
面委員赴洪湖迤上一帶查探漫水由淮入  
湖情形籌辦下游分洩去路及防護事宜再  
親赴豫省協同趨辦等語前因蘭第錫何裕  
城於堵築事宜恐未能緒練已有旨傳諭李  
奉翰前往豫省幫同辦理並令薩載會同前  
往履勘賈魯河等處將來是否可以酌建減  
水壩以分水勢今李奉翰於未接到諭旨之  
先即派李永吉等帶同兵丁赴豫襄護漫口

並委員馳勘漫水情形。豫為籌辦分洩防護。所辦甚是。豫省漫口業經派令李永吉等帶同兵丁先往設法裹護。又有阿桂等到彼督辦。而漫水下注。統歸洪澤湖。清水自必加長。所有高堰隄工及折展清口各壩。一切防守宣洩事宜。在在均關緊要。著再傳諭薩載李奉翰酌量情形。如南河現在實可放心。伊二人即遵前旨會同赴豫籌辦。如南河必須大員在彼督率照料。伊二人中止。須李奉翰一

人前往幫辦。仍留薩載在江省照料一切。方為兩有裨益也。將此由六百里傳諭薩載。李奉翰並諭阿桂蘭第錫等知之。仍著薩載李奉翰蘭第錫等各將現在商辦情形迅速覆奏。○戊戌諭前因果星阿收受臨榆縣知縣凌世御所送之轎。越分乘坐。已降旨將伊逐出乾清門。交部嚴加議處。昨閱汪承霈等審明具奏摺內稱。該知縣凌世御並未送轎。竟係果星阿向知縣借轎始行送給。伊所揭各

案俱係聽從所屬兵丁及家人慫恿所致等語。果星阿甚屬糊塗。更兼欺誑。尤屬不堪。果星阿在乾清門行走多年。且身任副都統。又經數載。何得如是不知禁例。任意妄為。耶果星阿深負朕恩。著革職發往伊犁効力贖罪。○諭軍機大臣等。據蘭第錫等覆奏籌辦漫口情形一摺。內稱正河去路並未淤塞。堵築似易為力等語。正河幸未淤塞。但仍宜慎重辦理。以期安速集事。不可為滿足之言。至朕

前因豫省隄防而外。無可分洩之路。隄工往往易致潰決。是以降旨令於賈魯河。渦河。睢河等處。詳細履勘。是否可以於倒鈎引河處所酌建減水壩。以分水勢。今蘭第錫等摺內未據覆奏。及此想此事關係重大。伊二人未敢遽定。阿桂接奉前旨。自己迅速赴豫。李奉翰俟河南分洩事宜籌辦停妥。亦必即起程前往。阿桂等一到。自當會同相度熟商。但思河南土性浮鬆。若建立壩座。不能堅固。是欲

減水而轉致掣溜所關匪細著傳諭阿桂等務宜詳細履勘選擇土性堅實並非頂衝處所酌量修建如賈魯河一帶並無膠泥或擇其土性稍堅之處酌建石工一段即於石工之中建壩數座以便相機啟放自更足資鞏固朕臨御之初部庫帑銀祇有三千萬兩現已積至七千餘萬兩前因浙省海塘為民生捍衛是以特發帑項將柴土各塘一律改建石工今河工關係民生者更鉅苟有裨益雖費帑金一二千萬亦非所靳況修建石工數百丈所費亦不至一二百萬又何所靳而不為耶但此事究出於朕不得已之牘見實不肯自以為是著再傳諭阿桂等公同悉心妥商如建立石工有益即當奏明辦理但須十分堅固為要如該省地勢實有難於建築石工減水壩之處亦當據實具奏不可稍存遷就也至豫省庫項據行在戶部查奏實存地丁銀一百四十萬四千兩零又漕項銀四萬

九千餘兩但該省庫項向係協濟甘肅現在大工興舉所存庫銀是否足敷支用著再傳諭何裕城通盤籌畫或將應撥甘餉奏明停撥如停撥之外尚有不敷並著據實奏聞候朕再行飭部發往將此由六百里各傳諭知之

大清高宗法天隆運至誠先覺體元立極敷文奮武孝慈神聖純皇帝實錄卷之一千二百十二

大清高宗法天隆運至誠先覺體元立極敷文奮武孝慈神聖純皇帝實錄卷之一千二百十三

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次並慶柱

總纂官經筵講官太子太傅文華殿大學士文淵閣領閣事稽察欽奉 上諭事件處管理刑部戶部庫事務

世襲騎都尉軍功加十九級隨帶加二級又加二級並黃誥內大臣戶部尚書鑲黃旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆四十九年甲辰八月己亥

上自避暑山莊啟鑒幸木蘭。○諭曰。阿桂福康安。叅奏洮岷協副將趙繼鼎因外委趙宗先搜捕馬家河逃竄賊匪。聲言欲將該處盡行勦洗。致賊匪等逼脅未經從賊回民。齊上空堡抵禦。該副將隨帶兵前往擒拏。賊匪等分投逃竄。該副將將堡內男婦百餘人盡行殺死。並跟蹤追捕。凡遇道塗奔竄窟洞藏匿回民。即行擒戮。計所殺男婦二百餘人。並非全係賊犯。請將趙繼鼎革職發往伊犁効力贖

罪等語。所擬殊失之輕。趙繼鼎為副將大員。帶兵搜勦餘賊。凡遇有擒獲之人。即當詳悉訊明。如實係從賊匪徒。始行正法。即有偽供者。亦當解該督詳審。方為無枉無縱。豈得不問是賊與否。遇有回民。即行擒戮。以致無辜受其戕害者二百餘人。實出情理之外。阿桂等僅擬發往伊犁効力。未為允協。趙繼鼎竟當定為斬監候。秋後處決。餘著覈擬具奏。○是日。駐蹕中關行宮。○庚子。欽差大學士

公阿桂。陝甘總督福康安奏。現在各路官兵俱已撤回。解送賊匪。業經陸續審辦。臣阿桂現自固原起程。馳赴行在復命。臣福康安由鹽茶靖遠一帶巡查。進至蘭州省城。報聞。○是日。駐蹕波羅河屯行宮。○辛丑。諭軍機大臣等。本日據刑部覈擬。阿桂福康安叅奏。洮岷協副將趙繼鼎治罪一摺。細閱摺內。有外委趙宗先前往馬家河拏賊時。賊匪聞信欲逃。被該處地保攔阻。賊匪將地保三人殺害。



並逼脅回民男婦大小一百餘人齊上空堡。以為抵禦之計等語。回民既上堡抵禦官兵。即與從賊無異。不得復稱為良民。因傳詢額勒登保。亦據稱回匪由馬家河搬入堡內。經趙繼鼎等攻打三日。始行打開等語。回匪等屯集堡內。若非齊心抵拒。豈能固守三日之久。況賊匪凡經官兵拏獲者。無不自稱為被賊脅從。以圖末減。即如張文慶馬四娃馬文熹等。尚有馬鬍子裹脅上山之供。豈可輕信。

且外委趙宗先及地保人等俱因拏賊被害。是馬家河回匪竟敢聚眾拒捕傷害官兵。情節斷難寬宥。趙繼鼎之殲戮多人。不得謂之波及無辜。其失不過未取親供。即行正法。以致如此。然罪尚不至於發遣伊犁。况斬罪乎。著將刑部摺內折角處及詢問額勒登保奏片。交福康安閱看。令其將馬家河回人究竟曾否幫賊拒捕之處。詳細查明。據實具奏。此事關係趙繼鼎生死出入。福康安係公正之

人。自不肯迴護前奏也。○刑部奏甘省逆回殺害官兵攻城掠堡罪大惡極。應凌遲處死。其餘黨及緣坐各犯。依律擬斬立決。得旨。張文慶馬四娃李自黨楊填四馬文熹俱著即凌遲處死。馬良茂馬金玉馬建成俱著即處斬。至向來逆案緣坐人犯。經法司按律擬以斬決具奏者。朕每加恩改為監候。此次賊回竟敢豫蓄逆謀。聚集多人。傷害官兵。攻掠城堡。實屬罪大惡極。所有首逆田五張文慶馬

四娃等名下。應行緣坐者。無論男女長幼。自應概予駢誅。其從逆賊匪名下緣坐各犯。男丁十三歲以上者。亦不可復行存留。田五之兄田友馬金玉之父馬壯著即行處斬。其馬見幾一犯。先經從賊。本當一併正法。但念該犯於官兵甫抵石峯堡。即先行投出。欲將首逆張文慶馬四娃擒獻。迨復回石峯堡。於賊人商謀黑夜潛逃時。馬見幾又遣伊家屬到營密稟。官兵得先為豫備。將賊匪痛加殲戮。

並將張文慶馬四娃。按名生擒。械送熱河審明。盡法懲治。尚有一綫可原。馬見幾著從寬免其一死。永遠牢固監禁。遇赦不赦。餘依議。○是日駐蹕張三營行宮。○壬寅。

上行圍。○諭前據汪承霈等奏審擬果星阿。揭報臨榆縣知縣凌世御。乘醉率役打開轎房各款一摺。聲明凌世御雖無索詐情事。但違例送轎。匿賭不報。均干叅處。現已革職。應無庸議等語。此案既經審係果星阿向凌世御

借轎。是以該令送給舊轎一乘。後因轎夫在轎房聚賭。該令於更靜後前往查拏。並無乘醉搶奪情事。乃果星阿始而向地方官索轎。繼而又聽家人等一面之詞。撝拾咨揭。是其過全在果星阿。且該令於更深後率役拏賭。尚屬認真辦事之員。若因其送轎及不報賭博。並民占署基。未經履勘妥辦小過。竟予革職。未免過當。凌世御著送部帶領引見。再降諭旨。○是日駐蹕阿貴圖大營。○癸卯。

上行圍。○諭刑部議駁。福崧條奏臺灣械關匪

犯。請停發新疆一摺。所駁甚是。已依議行矣。前因積匪猾賊。歷年發遣新疆者。為數太多。經伊勒圖具奏。仍改發雲貴兩廣烟瘴地方。至此等械關焚殺。並非事所常有。且案內發往新疆者。不過二百餘犯。何至遽難安插。輒援照積匪猾賊之例。奏請改發內地。況此案人犯業已起解。因甘省有逆回滋擾。是以暫行截留在浙。今回匪剿滅淨盡。福崧止應照

例飭屬妥為轉解。如果該犯等必應改發內地。雅德係福建巡撫。富勒渾係閩浙總督。伊等亦應早行籌辦。及此何必待鄰省撫臣之代為借箸耶。封疆大臣辦理公務。固應隨時留心。然必先盡其職分所當為。不可越俎於境外。福崧此奏。殊覺多事無當。著交部議處。○又諭工部錢法堂奏。寶源局鼓鑄錢文。自乾隆四十四年以來。因滇省解京銅質低潮。每月於應發額銅之外。多發銅觔。交鑪頭鼓

鑄現在統覈銅數實耗折銅十二萬九千八百餘觔折價銀一萬六千五百餘兩請著落歷任監督及各鑪頭分別著賠其現存夾雜鐵沙銅塊五十餘萬觔逐一查驗成色如有不足之數著落雲南歷任承辦各員賠補等語京銅關係鼓鑄銅觔搭配絲毫俱有額例乃因歷年多發銅觔以致銅數折耗自係該監督等辦理不善所致所有此次折耗價銀一萬六千五百餘兩即著於歷任監督及各鑪頭名下賠補其現存夾雜鐵沙銅塊五十餘萬觔俟查明成色覈計虧數若干著落雲南承辦各員名下賠補至工部管理錢法堂事務堂官自四十四年以來已易數任所有現存夾雜鐵沙銅塊五十餘萬觔鎔煉工本並著覈明即令歷任之錢法堂堂官賠補○諭軍機大臣等據伊齡阿奏據寶源局監督恩慶等稟稱自乾隆四十四年以來雲南解京銅質低潮不敷配鑄每月於應發鑪頭額

銅之外多發銅觔搭配日積月累竟有八十餘萬觔之數統計折耗銅十二萬九千八百餘觔請著落分賠並將現存夾雜鐵沙銅塊五十餘萬觔逐一查驗實在有銅若干其餘不足之數著落雲南歷年承辦各員賠補等語前經戶工兩部以滇省解到銅觔不足成色將積年所存餘銅搭配鼓鑄並屢次行文該省督撫令飭承辦各員務將銅觔煎煉足色解京以供配鑄茲伊齡阿奏寶源局自四十四年以來每月於額銅之外多發銅觔搭配鉛錫合鑄現在統覈銅數已耗折十二萬九千八百餘觔總因該省運到銅觔成色低潮不敷配鑄所致如此年復一年將來伊於何底且工部銅觔業經覈有耗折其戶部積存歷年餘銅亦屬無幾若仍復因循遷就勢必有妨鼓鑄滇省自四十四年以後各廠採辦銅觔甫能復卯且節據富綱等奏該處硃老山深不能一律煎煉精純此次姑著加恩

免其治罪。但京鑪鼓鑄如此掣肘。必須設法籌辦。方可不誤錢法。著傳諭富綱。劉秉恬。即嚴飭各廠辦銅官員。於採辦銅京時。必須加工煎煉。傾足向來例定成色。方許運赴瀘店解京。如仍有煎不足色。攪雜鐵沙充額。到京後。一經戶工兩部查驗。叅奏。朕必將富綱。劉秉恬。及辦銅各員治罪。該督等勿謂銅飭復卯。便可塞責。竟不復督飭廠員。加意煎煉也。至該省產銅地方。或果係山深硯老。不能一律採辦高銅。即著該督等估驗虧短成色若干。照依部額。每萬觔酌加耗銅若干。點交運員。一併解京驗兌。並於奏報京銅開幫摺內聲明。此係朕代為酌籌之一法。若銅色果能純淨。即無須另議加耗也。富綱等務詳悉熟籌。即將如何辦理之處。具摺覆奏。工部錢法堂原摺。著發交閱看。○又諭吏部議。廣東商人譚達元。呈控總商沈冀川等。勒派公費。承審各官枉斷一案。請將委審之府縣。率轉之

司道等。俱降三級調用。此案非尋常錯誤可比。所有承審之府縣。已照部議行矣。至藩司鄭源璣。於此案緊要情節。任聽運司秦鏞。將課欠改作未完軍需字樣。扶同定案。有心徇隱。即照部議革任。實屬咎所應得。第念承辦此案之該督撫及道府等。因此獲譴者人數已多。鄭源璣咎止率轉。尚可原宥。著從寬免其革任。○又諭。據特成額奏。盤獲西洋四人。起出書信一封。係廣東羅瑪當家所發。往陝傳教。令蔡伯多祿。送至湖南湘潭暫住。另酌人送樊城。直走西安。札託李姓送往之語。現密飭湖北湖南地方文武。跟捕寄信之蔡伯多祿。及李大。李二。李晚。暨逃走之通事人等。並飛咨廣東督撫。查明羅瑪當其人。分咨陝甘督撫。一體嚴密詳查。咨覆辦理等語。西洋人進京行藝。原所不禁。即如近據舒常奏。德天賜等情願來京。已有旨令其遇便送至京城。但必須報明地方官。代為具奏。始行允准。

今羅瑪當並未稟知督撫。輒遣人私至內地。送信傳教。殊干功令。著傳諭舒常。孫士毅。即傳該西洋人羅瑪當至省。面加嚴飭。以汝等皆係素守禮法之人。向來有願進京者。皆報明地方官送京。豈有私差人札致遠省傳教之理。殊屬不合。並令自行議罪具奏。舒常。孫士毅。係該省督撫。何以任羅瑪當私遣多人。攜帶經卷等項。潛入內地傳教。漫無覺察。著傳旨申飭。至西洋人面貌異樣。無難認識。伊等由粵赴楚。沿途地方員弁。何以一無稽查。至襄陽始行盤獲。著特成額。即向現獲之西洋人。詳細審訊。伊等由粵至楚。係由何處行走。即將失察之各地方官。查明叅奏。所有送信之蔡伯多祿。既查係送至湘潭暫住。此時自必仍在湘潭。著傳諭特成額。即嚴飭湖南各屬。務將該犯拏獲。并其餘送信之犯。及通事人等。一併緝獲。徹底究辦。至書札內有直走西安。札託李姓送往之語。現在李姓或在

西安。著福康安。畢沅。即嚴飭各屬。一體嚴緝。務獲。並究明羅瑪當所發往陝傳教者。欲傳與何人。即按名拏辦。西洋人與回人。向屬一教。恐其得有逆回滋事之信。故遣人赴陝。潛通信息。亦未可定。福康安。畢沅。當密為留心稽查防範也。將此由六百里各傳諭知之。○是日。駐蹕海拉蘇台大營。○甲辰。

上行圍。○遣官祭黑龍潭。

昭靈沛澤龍王之神。玉泉山。

惠濟慈佑龍王之神。○諭軍機大臣等。據孫士毅奏。暹羅國長鄭華。備具表文。馴象等物。差陪臣帕史。滑里那。突等。懇求入貢。並稟請乞恩請封。因其未遵前檄。自行具表。懇求。是以將來使安頓公所。貢品敬謹驗收。俟奉到諭旨。即委員伴送。起程等語。鄭華。遵伊父舊規。虔備職貢。其未遵前檄。具表請封。閱來稟內。及該陪臣稱。恐自行越分。干求。致遭斥責。未敢冒昧聲叙。尚屬恭順小心。自應准其納。

貢輸忱著傳諭孫士毅。即派妥員。將該國陪臣及貢品。照例伴送赴京。其懇賜封號之處。俟該使臣到京後。再降諭旨。將此由四百里傳諭知之。○是日。駐蹕呼魯蘇台大營。○乙巳。諭軍機大臣等。據蘭第錫等覆奏。接奉硃批。將擬挑引河一千七百八十七丈。河頭現估挑寬八十丈。逐段遞減。下至河尾。寬四十丈。掣流暢達。倍加得力等因。一摺。計此摺發回時。阿桂已抵工次。李奉翰於十二日在清江浦起程。此時自早到豫。薩載數日內。亦當續到。朕前降諭旨。令於賈魯河。睢河。渦河等處。酌建減水壩。或添建石工一段。原止據理而論。俾盛漲時有所分洩。庶可以殺其橫決之勢。且因南河向有減水閘壩。而豫省河道甚長。轉無減水之處。第思該省土性鬆浮。賈魯河一帶。恐未必有膠泥堅實處所。若就土隄築壩。萬一不能抵禦。是欲減水而轉致掣溜。所關匪細。若改建石工。即多費可資經久。

朕因豫工連年漫溢。前次所降諭旨。係出於無聊之極思。然未審該處情形。原不肯稍執已見。阿桂等在工日久。於河務皆所諳悉。倘地勢稍有未宜。斷不可因朕有此旨。稍存遷就。著再傳諭阿桂等。務宜會同熟商。集思廣益。如石工減水壩。果有難於建築之處。即當據實具奏。此事關係重大。必當慎之又慎。不可輕為也。至現在急則治標之法。總以合龍。俾河歸故道為要。據蘭第錫等奏。覈定段落。土方。即將疏築工程。分投上緊趕辦。並著阿桂等。即通盤籌算。十一月前後。能否堵合完竣。先行具奏。以慰廑念。至黃河漫溢。從前尚非常有之事。自四十三年以後。隄工屢經衝決。迨設法在南岸改辦後。上年河流方復故道。即不能永慶安瀾。方冀十數年。或可無事。乃甫經一載。而睢州又有漫溢之處。究竟其故安在。是否阿桂等所挑引河稍窄。不能容納。抑係下游尾閭狹窄。及有高墊之處。以致

下墮上潰。著阿桂與薩載等詳細講求。將全河形勢。究在何處受病。據實奏覆。以便設法辦理。薩載等不必因久任河防。稍存迴護也。又據何裕城奏。豫省除應撥甘餉銀二十萬兩外。實存銀二百三十餘萬兩。已足敷用等語。豫省現辦工賑。庫項多為收貯。自更有益。況甘省庫項尚多。亦無需此二十萬之協濟。著再傳諭何裕城。即將此項銀兩。仍留於豫省備用。不必復撥解甘肅也。將此由五百里各傳諭知之。○又諭。向來豫省地丁銀內。每年撥二十萬兩。解交甘肅協濟。現在該省睢州下汛二堡。復有漫口之事。一切堵築辦稽事宜。正需應用。而甘肅存庫銀。前據馮光熊奏。現有四百七十餘萬兩。諒支給兵餉。及新疆經費。並一應撫卹等項。已屬寬裕。現已有旨傳諭何裕城。將此項銀兩。毋庸撥解甘省。並著傳諭福康安。即將藩庫實存銀數。通盤籌畫。是否足敷甘省應用。或因款項較繁。現

存銀兩。尚有不敷支發之處。即行據實具奏。另俟酌撥也。○是日。駐蹕準烏拉岱大營。翼日如之。○丙午。

世宗憲皇帝忌辰。遣官祭。

泰陵。軍機大臣等奏。考試滿洲蒙古繙譯生童。請改為三年一次。報聞。○丁未。

上行圍。○是日。駐蹕都穆達烏拉岱大營。○戊申。

上行圍。○諭曰。福康安奏。逆回攻擾通渭縣時。有告休在籍之知縣李南暉。帶領子姪家丁。督率民夫。上城協力守禦。迨縣城失陷。該縣罵賊格鬪。遂為所害。其子貢生李思沆。同時被殺。伊姪監生李師沆。亦即投繯殞命等語。通渭當賊人滋擾時。該縣知縣王懷尚。覲顏苟活。李南暉以致仕在籍之員。竟能率領子姪家丁。督同民夫。守護城池。迨賊匪進城。復格鬪捐軀。父子暨姪。同時畢命。深堪嘉憫。李南暉著加恩賞給知府職銜。並著該部即照

知府陣亡例議給卹廕。又前據剛塔奏大莊回民馬世雄於賊匪至莊糾約入夥時攜眷赴通渭縣城首告業經降旨將馬世雄拔補千總茲據福康安查奏馬世雄已於賊回攻破縣城時被賊殺害現將伊子馬得榮給予把總頂帶並賞給銀兩等語馬世雄不肯從賊且赴縣舉首以致為賊戕害情亦可憫伊子僅賞給把總頂帶尚覺稍輕著福康安即將馬得榮拔補千總以示獎勵該部知道○

浙江巡撫福崧疏報鄞縣開墾額外田地塗地五十二畝有奇定海縣開墾鹽課項下額外蕩田十一項四十六畝有奇開化縣開墾額外山田七十二畝有奇○是日駐蹕巴顏布爾噶蘇台大營○已酉

上行圍○旌表守正捐軀直隸武強縣民張才祿女張氏○是日駐蹕巴顏溝大營○庚戌上行圍○諭軍機大臣等據毓奇奏籌辦截留江廣漕船事宜一摺內稱本年重運漕船因

沿途阻淺以致抵壩需時等語前年豫省黃河北岸漫口據阿桂等奏微山湖及運河並無淤墊其濟寧以南運河舊歲曲家樓堵閉後又復重加挑濬乃本年春間朕南巡經過時見湖河之內即露有淤淺今復據毓奇奏漕艘因沿途阻淺以致抵壩需時而現在河南睢州下汛二堡黃水漫溢乃在漕船抵濟之後可見運河淤墊已久並非因此次漫工所致漕運為天庾攸關若河道似此淺阻年

復一年伊於何底著傳諭阿桂薩載李奉翰蘭第錫即將微山各湖暨運河究因何受病及如何設法辦理可以蓄水接濟一律深通之處據實覆奏薩載等不必以身任河防稍存迴護也將此由五百里各傳諭知之○命修撰戴衢亨提督山西學政○是日駐蹕額爾克哈達大營○辛亥諭軍機大臣等據毓奇奏江境運中河內淤淺阻運業經會同李奉翰奏請俟回空過完勘估疏挑等語運河



於上年豫省曲家樓堵閉後。今歲春夏。又無河決之事。何致漕運遲誤。其病究在何處。昨已降旨詢問矣。又據奏。江南邳宿一帶河道。挑挖極深。則上游八閘內。地勢愈加高仰。恐微湖放出之水。直洩無餘等語。是疏濬與不疏濬。兩皆違礙。將何適從。且前歲黃河北岸漫口。據阿桂等奏。黃水於金鄉魚臺以上。沿途沉淤。其入湖河者。皆係清水。是以並無淤墊。入運既係清水。則河道自當衝刷益深。何以轉有淺阻。且微湖為濟運水樞。從前運河深通時。並未聞湖水瀉洩無餘。何以現在一加挑挖。即致難以攔蓄。恐係前年豫工北岸漫溢。究不免有黃水灌入。以致湖心何底。俱致墊高。漕運為天庾攸關。若如毓奇所奏。河道不加挑挖。重運既虞淺阻。而河道挑挖極深。湖水又無從攔蓄。則挑與不挑。均無善策。豈有束手坐視不辦之理。雖據奏已將應加挑濬之處。按段記明。咨明蘭第錫。俟回空過

竣。即確加覆勘。大加估挑。但豫省睢州現有堵築漫工之事。蘭第錫勢難分身前往。所有估挑各工。如何辦理。及煞壩興挑之事。係交何員承辦。湖河蓄水利漕。最為緊要。著將硃筆點出毓奇摺。鈔寄阿桂等閱看。令其公同商論。並集思廣益。將如何設法辦理。庶湖河均無妨礙。重運得以通行之處。據實覆奏。將此由五百里傳諭阿桂。並諭毓奇知之。○又諭。前據劉莪面奏。本年宣化一帶。因雨水稍稀。間有旱災處所。欲親往該處履勘等語。其於崖口送駕後。即起程前往。抑或俟朕回鑾後。始行前往之處。未據詳悉奏明。本日據托賓泰奏。宣化所屬收成分數。約有七分八分九分等語。農民心望有秋。往往貪圖少報。是其常情。若果如托賓泰所奏。則該處收成。並非歉薄。何以劉莪又有前奏。著傳諭劉莪。將宣化所屬大田收成。實在分數。並該督何時前往履勘之處。據實覆奏。尋奏。宣化府屬。統

計實收七分有餘。與托賓泰所奏無異。臣原擬九月底由昌平就近取道前往。較開宣鎮官兵並可查看地方情形。得旨覽。○是日駐蹕伊綿峪大營。翼日如之。○壬子。

上行圍。○遣官祭賢良祠。○諭軍機大臣等。據穆精阿等奏。閱看盛京禮部咨到考試助教。繙譯試卷七本。求取通篇穩順者。殊不可得。僅擇其文理稍順。疵謬尚少之卷。擬取二本。等語。助教有教學之責。自應選擇嫻習繙譯

者送考。以便拔補。何至咨到七卷內。竟無通篇穩妥之卷。此項試卷。向例係將軍會同禮部兵部考試。自不應漫無去取。濫行咨送。且此等應試之人。平日豈竟無所講習。遽應考試耶。著傳諭永璋等。即將此次試卷。因何俱屬平常之處。據實覆奏。○是月直隸總督劉綏奏。直屬常平未買平糶穀石。值今歲豐收。應乘時採買。因思粟穀與高粱。價值相倣。且高粱一項。直省種植較多。各屬採買。若專取

粟穀。恐市價昂貴。應請粟穀高粱酌量兼買。明春出借。先儘高粱。秋後以穀徵還。不過一年。仍可易貯粟穀。得旨知道了。○又奏。乾隆四十六年大挑一等舉人。直隸共揀發六十四名。經前督臣袁守侗分別揀選。奏請先以地方佐貳改用者十二員。派撥河工委用者十員。咨發長蘆委用者四員。除河工人員已補用外。其地方鹽場現在共有八員。此等舉人原准視其才具。如漸次明練。例得仍以知

縣題補。今該員等試用已逾兩載。臣留心體察。與藩臬二司。公同揀選得黃虞劉元超李崇趙式四員。練習吏治。有志向上。懇准歸入試用知縣班內。挨次補用。下部知之。○河南巡撫何裕城奏。河工料價。查例每稽一觔價銀九毫。麻一觔價銀一分四釐四毫。俱係分派通省州縣採辦。州縣按糧派之。里下嗣因連年河隄漫口。地方屢被偏災。價增數倍。民間辦運不前。因於辦理青龍岡大工案內。經

前撫臣富勒渾奏明。每稽一觔。給價腳銀四釐。麻一觔。給價腳銀六分。在案。今睢州要工開廠已及旬日。料物未能擁集。緣時價每稽一觔。需銀一二釐不等。麻一觔。需銀三四分不等。加以運送腳價。如距工遠至百里。每百觔。即需運腳銀七八分。及一錢不等。進而愈遠。運費愈多。例價不敷購買。委係實在情形。應請按照實價採買。其運腳亦照里數酌加。如百里外者。每百觔。加運腳銀一錢。進而遞遠。運費遞加。總不得過前此青龍岡加增之數。至向來辦夫。亦按糧派之里下。里下雇夫一名。自本地動身。每名日給錢百文。到工之日。每名日給銀四分。嗣因食用不敷。於例發四分外。里下加給銀一錢。此次應請所需人夫。即在工所招募。除例價四分外。酌增銀八分。所有夫料價值。先於司庫借墊。工竣覈實報銷。至加增各項銀兩。照例歸於里下。分年攤徵還款。得旨。著照所請行。該部知道。○山

東巡撫明興奏。昨工漫口。此時集料鳩工。前聞豫省沿河州縣。得雨較遲。補種晚秋者居多。恐所產秣稭。不敷應用。勢須於鄰省購買。查曹單一帶。與豫省切近。今歲豐收。購辦尚易。現飭地方官設法豫備。如豫省委員到彼採料。即協同趲辦。不得稍分畛域。任聽鄉民擡價。及奸商囤積居奇。得旨。此辦可嘉。知道了。○漕運總督毓奇奏。八閘內大汛口淤淺處所。先經挑挖深通。自江廣各幫一進臺莊開後。即下板擎托。將水勢蓄高。並於各淺處備船起剝。是以重船無阻。惟八閘一帶。本年水勢微弱。必須按塘放閘。擎蓄浮送。未免有需時日。臣嚴督各幫趲行。查浙江幫。日內將次出臨清。其後湖南。江西。共九幫。俱催過濟寧。銜尾行走。不日即可全行趲出臨清。開河至首進回空船。行抵臨清者。共有十七幫。其後亦俱跟接南來。現在督催。俾通漕回空。於十月底渡黃歸次。以符冬兌。冬開。得旨。去歲

以漕運迅速加爾議敘。今歲春夏又無河決之事。何致遲悞。其病在何處。據實奏來。○陝西巡撫畢沅奏。乾隆八年部議常平倉定額。綏德州并所屬清澗米脂吳堡三縣俱額貯穀四萬石。近查綏德一州民物殷繁。較所屬各縣烟戶多至數倍。應請於原定額穀外。再增貯四萬石報聞。○廣西巡撫吳垣奏。岑溪縣流犯戴變故殺伊妻梁氏一案。前據該府縣審轉。均照例擬絞監候。前署司周廷俊因

書卷三十一

七

其情節兇惡。改擬絞決。是錯改罪名。實係前署司周廷俊。是以周廷俊自行檢舉。並非取巧沽名。為屬員任過得旨覽。

大清高宗法天隆運至誠先覺體元立極敷文奮武孝慈神聖純皇帝實錄卷之一千二百十三

實錄卷之一千二百十三

七

大清高宗法天隆運至誠先覺體元立極敷文奮武孝慈神聖純皇帝實錄卷之一千二百十四

監修總裁官經筵講官太子太傅文蔚閣大學士文淵閣領侍衛內大臣稽察纂

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功級錄一次臣慶桂

總裁官經筵講官太子太傅文蔚閣大學士文淵閣領侍衛內大臣稽察纂

世襲騎都尉軍功加九級隨帶加二級又加二級並指內大臣戶部尚書鑲黃旗滿洲都統軍功級錄一次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆四十九年甲辰九月癸丑朔

上行園。○諭軍機大臣等。據何裕城奏。秋禾約收分數一摺。內稱衛輝府屬之汲縣。新鄉。獲嘉。勦明。祇有四分等語。豫省本年秋收。通省合計約及八分。而衛輝所屬。僅有四分。看來已為歉薄。阿桂現由甘赴豫。衛輝所必經由。著傳諭阿桂。即會同何裕城。查明衛輝所屬汲縣。新鄉。獲嘉。三縣。如已成災。即將作何撫卹之處。據實奏聞。候朕降旨酌量加恩。至衛輝一帶。連年每虞乾旱。是否因該府處河北

上游。地勢本屬高燥。抑係府縣各官。不能留心民瘼。以致雨澤愆期。地方既因歲旱。屢致歉收。自應於冬夏之際。虔祈雨雪。以冀感召天和。俾農民得以及時播種。並著傳諭阿桂等。留心訪詢該處情形。及如何設法辦理。可以不至因旱成災之處。一併覆奏。○又諭曰。書麟奏。履勘渦河附近被淹各村莊情形一摺。稱該處因與豫省接壤。黃水下注。低窪地畝。俱被淹浸。居民房屋。隨時保護。並無倒塌。早種秫粟。已經收割。雜豆亦刈獲一半。惟收麥晚。尚未全數成熟。此後上游水不下注。將來消涸自速。仍可播種二麥等語。覽奏稍慰。已於摺內批示。但該處因黃水下注。低窪地畝。既有被淹處所。書麟務宜督率所屬。詳悉查明。其有應行撫卹者。即當加意撫卹。況豫省既有漫口之事。恐旬日不能即行堵合。下注之水。諒難立就消涸。二麥究恐不獲及時播種。齊全。著傳諭書麟。當隨時留心查察。如

或該處被淹地畝。有未經涸出。難於趕種。口食維艱。亦即據實奏聞。候朕加恩撫卹。斷不可稍存諱飾。致災黎或有失所也。將此由四百里傳諭書麟。並諭薩載知之。尋書麟奏。現在被淹低地。尚未涸出。如必需按濟。自當據實奏請。加恩撫卹。至定遠縣低田被淹之處。情形尚輕。宿州被淹之地。現已全行涸出。趕種冬麥。天長縣低下圩田。漫淹情形。亦不甚重。現委員確勘。並將鳳陽。泗州。長淮坐落屯

田。一體分別查明辦理。得旨。一切撫卹事宜。實力妥協為之。○是日。駐蹕安巴。究和羅昂阿大營。○甲寅。

上行團。○諭曰。畢沅等奏。西安副都統敦倫泰。因伊母病故。現已丁憂等語。從前原將敦倫泰補授副都統。令往喀什噶爾辦事。朕特念敦倫泰父母在西安。俱已年邁。曾加恩調補西安副都統。令其終養。今敦倫泰因伊母故。丁憂。例應即行出缺。但伊父尚在西安。著施

恩敦倫泰不必出缺。即照在京副都統例。在任丁憂。俟百日期滿。仍辦理副都統事務。○諭軍機大臣等。據永安奏。拏獲從習天主教之劉繪川。劉十七。當在各該犯家內。搜出經卷佛像等件。並續獲代為送信之劉盛傳。一併解交督臣審辦等語。向來天主教。並未聞有經卷佛像等件。或係外省無識之徒。私為造作。亦未可定。所有拏獲之西洋人四名。前已有旨。令特成額。於取供後。解京審辦。其起

出之西洋經卷。及所畫佛像等物。著一併解京呈覽。至此案。係交特成額辦理。現在代為送信之劉盛傳。劉十七。二犯。俱已拏獲。著即解交該督。究明李姓各犯下落。及西洋人往西安傳教。究欲傳與何人之處。詳細錄供具奏。其未獲之張永信。劉朝和。各犯。並著飭屬嚴密緝拏。務獲歸案辦理。將此由四百里傳諭特成額。並諭永安知之。○是日。駐蹕烏蘭哈達大營。○乙卯。諭禮部奏。據朝鮮國王李

祔奏稱。自守藩封已逾八載。年過三十。尚未有子。前歲始生子。時今已齒及三齡。懇請賞給封號。理合據情轉奏等語。朝鮮於藩服最為恭順。是以恩賚便蕃。疊加優厚。茲因誕育冢嗣。懇請封號。殊堪欣慶。著准其所請。俾益綿宗緒。永守藩封。所有應封典禮。該部察例具奏。○諭軍機大臣等。刑部進呈四川省秋審情實招冊內。由緩決改入情實者六起。朕詳加披閱。如朱希清。朱希倬。兄弟逞兇毆斃。

胡居賢。又龔元瓏。用刀戳死顧廷獻。戳傷顧明彩。又唐文煊。負欠聽囑幫毆伍世雄。斃命。又賴忠。因梅廷碧。索欠無償。將債主鋤斃。致斃。又鄭加才。袒兄抗欠。踢斃馮國義。又陳德向陳一堂。索欠用刀砍戳。以致徒手斃命。細覈案情。俱係傷重情兇。罪無可宥。刑部改入情實。甚得刑法之平。該省辦理秋審時。不問事理輕重。竟將各起列入緩決。試思如朱希清。兄弟二人。共毆一人。斃命。自當一人擬抵。

龔元瓏持刀兇戳。一死一傷。此等兇犯。罪無可疑。該省何所見而概從末減乎。李世傑久任藩臬督撫。於秋讞大典。理宜悉心研究。按律定擬。乃於此等重案。率行列入緩決。是其漫不經心。已可概見。除照例議處外。仍著傳旨嚴行申飭。○吏部奏。勦滅甘肅逆回。辦理妥速之軍機大臣等。遵旨議敘。得旨。和珅著為一等男。梁國治。福長安。董誥。俱著軍功加三級。松筠。吳熊光。俱著軍功加一級。史夢琦。

著軍功紀錄二次。○是日駐蹕伊遜河大營。丙辰。

上行圍。○調河南河北鎮總兵觀成。為江南壽春鎮總兵。以河東河標副將王普。為河北鎮總兵。○予故遭風淹斃運京木植委員外委王魁一員。戰兵彭定國等七名。賞卹如例。○是日駐蹕六道河大營。○丁巳。賜扈從蒙古王公額駙台吉等食。○諭甘省逆回案內革職通渭縣知縣王懷。於縣城失事時。躲避倉

房。不能守城殺賊。効節捐軀。據刑部定擬斬決。請即於該處正法。經朕特降諭旨。令阿桂等將該犯解至行在審訊。今據福康安委員將該犯解到。當交軍機大臣會同刑部訊取供詞進呈。朕復親行廷鞠。加以杖夾。令其羞辱。該犯於原叅各款。不能復置一詞。著即將該犯逮正典刑。以彰國憲。方逆回滋擾通渭縣城時。該縣典史溫模。以佐雜微員。尚能自縊身死。紳衿李南暉。係告休在籍知縣。亦能慷慨同仇。率其子姪。奮身巷戰。迨勢屈力窮。與子姪同時殞命。經該督奏聞。朕即加恩。均予格外卹蔭。王懷以現任縣令。且係進士出身。讀書明理。豈不知城存與存。城亡與亡。為古今通義。乃始則將張文慶之子張太。及掌教張樂等從城中放出。予賊。繼則藏匿倉房。賊退後。逡巡復出。是其忍恥偷生。設使賊人向伊逼脅。伊必頻首降賊。豈能如溫模之義。激投繯。李南暉之挺身罵賊乎。似此覲顏喪

節。實為忝竊科名。貽羞民社。於世道人心。大有關係。其罪實不止於失守城池也。且該犯一念貪生。希圖苟延性命。殊不知死則沒有餘榮。生則身遭顯戮。一榮一辱。所決須臾。況逆回攻城。係在。本年五月。王懷即苟活偷生。亦不過暫延數月。仍正刑誅。又何不為溫模。李南暉之取義舍生。榮邀卹典耶。此等貪生忘義之徒。即身受重辟。尚不足蔽辜。其子孫如有業經出仕。及現為舉監生員者。俱著即查明斥革。永不許登仕版。夫激濁正。所以揚清。朕固不為己甚。但此非牽牛蹊田。奪牛罰重也。其知縣李南暉。已給與知府卹蔭。典史溫模。前已勅部議卹。著加恩賞給知縣職銜。仍著該部照知縣例。議予卹廕。以示善善從長。賞延於世之意。朕辦理庶政。務秉大公。其能死事者。必優予卹廕。思及後嗣。而於遇賊恒怯。畏死倖生之徒。則不但本身重加懲治。並且罰及子孫。所以勵名節而正官方。刑賞



俱視其人之自取。至此案內逆回滋擾處所之各該地方官張廷桂等或藉病玩延。或平時失察。各有應得之罪。然不如王懷之無恥偷生。並著軍機大臣會同刑部按律嚴審定議以蔽其辜。將此通諭中外知之。○是日駐蹕張三營行宮。○戊午。諭據何裕城奏。請將現被水旱之衛輝府屬汲縣新鄉獲嘉三縣懷慶府屬之修武縣開封府屬之陳留縣並歸德府屬之商邱寧陵睢州三州縣本年應徵粟米豆麥緩至五十。五十一兩年分年帶徵等語。本年豫省衛輝懷慶開封等處春夏被旱成災。屢經降旨撫卹歸德等屬亦因漫口被淹。並諭令該撫加意撫卹。若按例徵輸民力未免拮据。著照所請。汲縣新鄉獲嘉修武陳留商邱寧陵睢州等八州縣本年應徵粟米共一萬一千二百八十五石零。豆一萬五千八百五石零。又新鄉汲縣獲嘉修武陳留商邱睢州等七州縣應徵麥一千五百二

十石零。又汲縣新鄉獲嘉修武四縣截存薊糧米六千二百八十五石零。俱緩至五十。五十一兩年分年帶徵。以紓民力。又睢州等州縣緩徵麥豆。請照例於不被災州縣應徵粟米內照數改徵。又獲嘉等縣緩徵薊糧內有搭運天津北倉及密雲兵米於不被災各縣截存薊米內派撥搭運。暨睢州未被災西南二鄉照舊徵收之處俱著照所請行。○諭軍機大臣等朕於明年仲春臨雍講學。鉅典攸關。衍聖公孔憲培現雖持服。但係伊繼高祖母之事。彼時早至百日。自應仍令赴京祇候陪祀。著傳諭明興即告知孔憲培令其屆期到京。以襄盛典。○是日駐蹕波羅河屯行宮。○己未。諭曰。明興奏衍聖公孔憲培呈稱伊曾叔祖繼汾繼涑先於啟聖林墓側營造虛墳。內置衣髮齒甲。現欲將繼高祖母徐氏議葬於所修虛墳之內。竊思祖林乃奉勅建立。從無孔氏附葬之例。仰

祈查奏施行等語。

啟聖王林為

至聖發祥之地。春秋官為致祭。徐氏以一婦人。且係衍聖公孔傳鐸第三繼室。豈容於墓側違例營葬。不特於風水有礙。且揆之典制。亦斷無此理。孔憲培於伊繼高祖母營造虛壙時。雖未經阻止。今既呈明更正。尚屬可原。孔憲培著免其議處。至孔繼汾。孔繼洙。身為聖裔。且曾登仕版。自應恪遵祖制。照例將伊母安葬。乃於徐氏營造虛墳。既不能奉阻於前。仍復固執於後。殊屬非是。孔繼汾。孔繼洙。俱著交部嚴加議處。其虛墳著即剷平。○諭軍機大臣曰。特成額奏。連日審訊西洋四人。語言難辨。訊之劉十七等。供稱張永信。曾言西洋人欲往西安投焦姓秦姓。詰以焦秦二姓實在下落。伊等俱稱未曉。西洋言語不能確切指實。現飛咨廣東撫臣選擇通事。暨拘查蔡伯多祿。謝祿茂。解送來楚。質訊並密咨

陝西撫臣。根查焦姓秦姓等語。前曾有旨。傳諭特成額。令將盤獲之西洋人四名。於訊取確供後。同取出之西洋經卷。及所畫佛像等物。一併解京。現在案內人犯劉十七等。雖據拏獲。而在逃之張永信。粵省之蔡伯多祿。謝祿茂等。及供出之西安焦秦二姓。俱未查拏到案。質訊明確。得其實在情節。著傳諭特成額。如現在西洋四人。業經解送起程。即將案內有名人犯。拘提齊集。一併解京。若尚未起解。且暫留該省。俟人犯拏獲齊全。審訊明確後。再行解京。不必拘泥前旨。將西洋人先行押解。以致案內情節。轉不能水落石出也。至焦秦二姓。現據特成額奏。已密咨陝西撫臣根訪查拏。該犯等曾否拏獲。著傳諭畢沅。即密飭所屬查拏。並訊以汝等如果安分習教。尚在可原。何得招致西洋人往來內地。私傳經教。務得確供具奏。再行解往楚省。歸案辦理。勿致要犯得以免脫。將此由五百里傳諭

特成額並諭畢沅知之。○以江西南贛鎮總兵彭承堯廣東潮州鎮總兵王集對調。○是日駐蹕中關行宮。○庚申遣官祭

歷代帝王廟。○遣官祭

都城隍之神。○貴州巡撫永保疏報黃平麻哈二州。涓潭甕安清平天柱婺川五縣開墾額內田七十二畝有奇。額外田六十五畝有奇。又額外旱田二十四畝有奇。○予故石峯堡出師陣亡西安副都統宗室明善祭葬如

例入祀昭忠祠。○是日駐蹕避暑山莊。至丁卯皆如之。○辛酉諭福州駐防正黃旗馬甲岱隆阿。因姦戕斃人命。懼罪自縊一案。係常青到任以前。眉綬署理將軍印務之時。彼時即應奏聞。乃於常青到後始行辦理具奏。眉綬於有將軍地方。尚不能辦事。山海關副都統係專任地方。更不能勝任矣。所有山海關副都統員缺著寶琳補授。此案眉綬並未專摺請罪。惟夾片入於常青摺內請罪殊屬錯

謬。不曉事體。眉綬著交部嚴加議處。○壬戌諭。本日召見新授蘭州道英善。詢悉親老。難以迎養。著仍留御史之任。○又諭刑部堂官喀寧阿等。上年於審辦福隆安家人富禮善一案。羣懷觀望。不能究出頂兇實情。因降為三品頂戴。并革職留任。以示懲儆。今福隆安業經身故。而本年刑部辦理秋讞。尚為妥協。喀寧阿。胡季堂。穆精阿。姜晟。杜玉林。著加恩復還原品頂戴。塔琦。前在刑部所降頂戴。亦

著一併復還。俱仍著帶革職留任。○諭軍機大臣等。陝西學政溫常綬。上年召見時。朕看其人尚誠實。該學政到任已及一年。畢沅近在同省。其才具若何。自當深悉。福康安雖到任未久。該學政赴甘肅。會見時。亦可留心體察。著傳諭福康安。畢沅。將溫常綬是否堪勝外任之處。據實覆奏。尋畢沅奏。學臣溫常綬。駐劄三原縣。相距數十里。每逢考試往還。道經省會。屢次面晤。察其才具明白。心地樸

誠。洵屬堪膺外任。報聞。○以兵部左侍郎紀昀。知武舉。內閣學士朱珪。為武會試正考官。右庶子曹仁虎。為副考官。○癸亥。

上御依清曠。勾到秋審官犯。服制。及雲南貴州。情實罪犯。停決。官犯七人。服制斬犯三十人。絞婦一口。雲南斬犯一人。絞犯十人。貴州斬犯一人。絞犯七人。餘五十三人。予勾。○甲子。上御依清曠。勾到四川情實罪犯。停決斬犯十二人。絞犯十人。餘一百六十一人。予勾。○諭。

曰。寶琳。已補授山海關副都統。其天津鎮總兵員缺。著王柄調補。因伊父王進泰。年老。是以加恩。將伊調補近京之缺。所遺福建寧鎮總兵員缺。著鄭國卿補授。王柄尚在福建。未能即赴新任。寶琳著即赴山海關副都統之任。其天津鎮員缺。著劉莪。即揀員前往署理。○諭軍機大臣等。據福崧奏。雨暘情形。一摺。內稱。晚禾定獲豐收。晚禾尚在吐穗結實之時。即使晴雨得宜。亦祇當云可卜豐收。何

得遽稱為定獲。詞意頗露滿足。又據奏酌添錢塘江救生船隻一摺。內稱。各該地方。竟有年久破壞未修。及水手並不常川在船守候救援者。水手既不在船。則歷年工食。是否仍行給與。抑係作何冒銷。該撫不應查叅乎。況此事總在地方官平日留心稽查。方收實效。福崧係浙省巡撫。整頓地方。是其專責。乃於救生船隻一事。尚任其廢弛。若此。該撫所司何事。且水手既不守候救援。即加倍增船。亦

不過虛糜工費。其所請添設二隻。自應如所請。但須實力妥辦。朕向聞該撫高興多事。今閱奏到之摺。於雨暘豐收。全無敬畏。意存自滿。而地方船隻。又忘乎其為巡撫任內應管之事。率意陳奏。惟思以空言暢論。即此亦足見其高興之一端。封疆大臣。雖夙稱歷練老成者。尚當時時謹凜自持。庶幾無過。福崧以少年新進。因其前在甘省辦事。尚屬明白奮勉。是以加恩。用為巡撫。乃遽爾志足意滿。其

何以稱封圻重寄。福崧著傳旨嚴行申飭。嗣後該撫務宜速改前習。倍加小心。若再不知改悔。高興妄行。倘稍貽誤地方。則其獲戾必重。恐不能承受朕恩矣。○乙丑。諭察哈爾事。繁。積福稍覺年邁。烏爾圖納遜。仍著調補察哈爾都統。即赴任所。積福著補授綏遠城將軍。不必來京請訓。俟烏爾圖納遜到時。交代畢。即由彼前赴將軍任所。○又諭。保舉副都統。向有成例。著六部都察院等衙門。八旗滿

洲。蒙古漢軍都統等將能辦旗務之給事中。御史。郎中。叅領。堪勝副都統之任者。各揀選保舉。出具考語。照例帶領引見。毋得徇情塞責。濫行保薦。○諭軍機大臣等。據特成額奏。將拏獲西洋人四名。並起出經像等項。派員解京。現提同窩留接引之劉繪川等。悉心研鞫。俟西洋人解抵刑部。訊取供詞。知照到日。再行質審等語。昨因恐特成額拘泥前旨。止將西洋人先行押解。以致案內情節。不能水

落石出。已有旨傳諭該督。如西洋人業經解送起程。即將案內有名人犯一併解京。該督自因未接奉此旨。是以仍將劉繪川等留楚審訊。著再傳諭特成額。即遵續降諭旨。將案內已獲各犯。派委妥幹員弁。迅速解京審辦。其未獲之張永信。暨在逃通事各犯。亦飭屬嚴緝務獲。解京歸案辦理。各犯總在該省。因何遲而未獲。足見外省諸事懈弛。其另片奏稱。訪有劉喜等詐去西洋人元絲銀三十三

錠。現在另行究辦等語。如劉喜等。不過假冒兵役。詐取財物。即著該督嚴審定擬。若此內有關係西洋人傳教通信。緊要情節。即將應訊犯證。解京質審。至蔡伯多祿。謝祿茂。二犯訊係住居廣東。前已令孫士毅。按名逮拏。此時想早經拏獲。並著傳諭該撫。亦即委員解京。不必又解赴楚省審訊。致有擔延。并將該省誠實通曉西洋語音之通事。選派一二人。一併送京。以憑訊供。舒常自京回粵。若路遇

該犯等即可告知委員。令其徑解刑部。毋庸解往楚省也。將此由五百里各傳諭知之。○浙江巡撫福崧疏報定海縣開墾民田民地塗田六十四頃三十九畝有奇。青田縣開墾積荒田十九頃四十一畝有奇。開化縣開墾缺額田地七頃四十一畝有奇。○丙寅。

上御依清贖。勾到廣西廣東情實罪犯。停決廣西新犯五人。絞犯三人。廣東新犯十三人。絞犯十二人。餘一百一人。予勾。諭軍機大臣

等據孫士毅奏。於廣東省城西關外訪獲辦理西洋人寄信事務之艾球三。訊出蔡伯多祿。係福建龍溪縣人。向在白矜觀藥鋪行醫。當拘獲白矜觀。同伊弟白國觀。訊據供稱。本年四月初旬。有湖廣兩人。同蔡伯多祿。到哆囉夷館。延請四個西洋人。同往湖廣。又邀了樂昌縣人謝伯多祿。高要縣人謝祿茂。一同起身。自此蔡伯多祿。不復見面等語。是此事竟係湖廣民人。先赴粵東。與蔡伯多祿串同。

勾引西洋人。潛至各省通信傳教。何以特成額。竟未經查出。至蔡伯多祿各犯。據白矜觀供。自起身後。不復見面。此時自必仍在湘潭一帶。著再傳諭特成額。嚴飭文武員弁。上緊緝拏。務獲解京審辦。毋致日久遠颺。如該犯等聞拏。潛回廣東。及福建原籍。並著富勒渾孫士毅等。飭屬一體慎密查拏。以期速獲。其現獲之艾球三。白矜觀等。及起出經卷畫像等項。著孫士毅即遵前旨。委員先行解京。又

據奏。選派諳練通事二名。委員解赴湖廣。以便訊供等語。西洋人暨案內各犯。既已解京審訊。楚省現無需用通事之處。著傳諭特成額。即將送到之通事二人。轉送來京。粵省不必另行選派也。將此由五百里傳諭知之。○又諭。據留京王大臣奏。五城平糶麥石錢文戶部行令招商領錢易銀。鋪商等以市上換錢銀色參差。礙難交庫。不敢冒昧請領。可否援照向例。仍交戶部搭解兵餉。及交工程處

應用等語。此事原係戶部辦理錯誤。市上換銀俱係零星收買。成色參差。若即將零雜銀色交庫。與庫貯銀色不符。銀庫必不肯收。若傾銷後再行上庫。其火耗工價。在在需費。無怪鋪戶等不敢承領。今此項錢文有九萬餘串之多。商人等既未敢領。變若以之貯庫。不但庫中虛存此錢無益。且恐外間錢價驟昂。於民情亦多未便。即工程處向雖需用錢文。但隨時支放。為數究屬無多。本年冬季搭放

八旗兵餉。奏定十月十一月以二成搭放。十二月以三成搭放。今莫若於十月十一月兩月各加一成。概以三成搭放。則兩月之內。可放去錢七萬六十餘串。其餘撥交工程處應用。錢文既不致存積。而兵民亦兩有裨益。著傳諭戶部堂官遵照辦理。○丁卯。諭昨據留京王大臣奏五城平糶麥石錢文。戶部行令招商領錢易銀。鋪戶不肯承領一摺。朕以戶部辦理本有未協。已降旨令將此項錢文於

本年十月十一月八旗兵餉內作三成搭放。其餘撥交工程處應用矣。更思此事留京王大臣以商人不肯承領錢文。遽行入告。殊為失體。蓋鋪戶等壟斷居奇。固其常技。然遇有官為招領之項。便與民間貿易不同。該鋪戶等一味逐利。不肯承領。是於輦轂之下。顯有把持官府之意。刁風亦不可長。且從前原曾有領換錢文之事。該商人等不過因錢價昂貴。即希圖承領覓利。現在錢數較多。未免銀昂錢賤。該商等即不肯領。實為市井之見。鄙瑣不堪。此種情節。不但不可達之於朕前。並不應達之於留京辦事王大臣。當五城司坊官招領錢文時。該商等不肯承領。自必轉稟五城御史。五城御史於各城所管地方。遇有允竊事件。原許其專摺入奏。至於招領麥石錢文。乃係五城公事。該商等既不肯承領。礙難辦理。隱然於公事阻撓。該衙門尚有都御史。副都御史。該御史等。即應呈知該堂官。

會同戶部設法商辦。即應奏聞之事。亦當由都察院堂官據稟具奏。方為得體。乃以市僧把持之情。一經五城坊官招商不應。王大臣等又無主見。辦法即遽以入奏措辭。乃又失當。殊乖體制。而都察院堂官則毫無見聞。直同贅疣。焉用此風憲臺長為耶。總因德保、巴彥學、哈福納、梁敦書平日闇冗無能。故御史等目無堂官。竟不關白。此事關係國家體制。著留京王大臣傳集都察院堂官、五城御史。

傳旨嚴行申飭。令其明白回奏。○又諭前因各省承緝金川逃兵。覈其拏獲及自行投首者。甚屬寥寥。曾經兩次通行。予以展限。並於上年因承緝逃兵省分各員。應行實降者。為數較多。特降諭旨。加恩將各該員從寬免其降調離任。再予限一年承緝。今年九月又屆限滿。茲據軍機大臣將四川等省歷年拏獲逃兵各數。及上年五月內展限後自首逃兵各數。查明開單具奏。朕詳加覈計。所有各省

逃兵。已經拏獲自首者。尚不及半。逃兵寬以年限。准令自首免死。原係朕法外施仁。於無可末減之中。予以一綫生路。在逃兵等稍有人心。自應及時投首。即地方官節次接奉恩旨。亦當各發天良。深知感奮。設法曉諭。上緊查緝。乃例限已滿。緝獲仍屬無多。可見外省辦事全不認真。不過以海捕具文。因循塞責。如此年復一年。伊於何底。此而不明定處分。該員等竟因知儆惕。即朕又豈能以罰不及

衆。再為寬貸耶。所有承緝逃兵之四川、湖北、湖南、陝西、甘肅、雲南、貴州等省。從前承緝之。歷任州縣各員。無論現任及業經陞調者。俱著革職。從寬留任。八年無過。方准開復。其接緝之州縣各員。到任在半年以上者。並著革職留任。四年無過。方准開復。限內俱准予調。不准陞用。其各員中有到任未及半年者。免其查議。至督緝不力之歷任督撫。著罰養廉二年。其接任之督撫。除到任未及半年者。亦



免其議罰外。餘在半年以上者。俱著罰養廉一年。其歷任承緝之司道府廳各員。並著該督撫查明具奏。另行交部照此辦理。此案歷年既久。竟不必再緝。以致有名無實。此後各該地方官。當諸事認真。遇有查緝事件。不可因有此旨。仍置不問。一經發覺。再不能復為曲貸也。○諭軍機大臣等。據阿桂等覆奏。微山等湖。實無淤墊。其上游各州縣。坡水經行之路。未免受淤。應令撫臣明興。將有名幹渠。及田間澆水支溝。分別疏濬。推原漕船遲誤之故。實由江南邳州宿遷桃源運中河內。自二十五年大挑之後。迄今二十餘年。未經大挑。不能一律深暢。以致淺阻。薩載回江省後。即將邳宿境內。應行挑濬之處。先行勘辦。至微山湖有湖口雙閘鍵束。八閘內又節節關攔。即邳宿一帶。河道挑深。原屬兩不相礙等語。前因毓奇奏。運河挑深。恐湖水洩放無餘。不能攔蓄。是挑與不挑。兩有妨礙。將何所適。

從因降旨詢問阿桂等。並令其公同商辦。茲據查明湖身實未淤墊。惟上游各河受淤。坡水不能疏通。以致下游蓄水未能充裕。而漕船遲滯。總緣江南運道淺阻。本年春間。朕南巡經過時。見楊莊一帶河內。露有草土。該處即係江南境內。草土俱露。則其河底之淤淺可知。即云因山泉長發。挾沙下注。易於停淤。亦應及早疏濬。何以二十餘年之久。竟不奏明大挑。此皆薩載李奉翰之過。目下回空漸次過竣。所有八閘。以及邳宿運河。應挑各工。自當乘時估辦。但李奉翰蘭第錫。現在豫省辦理堵築事宜。不能分身前往。其南運河應行挑濬之處。並酌建閘座等事。著專交薩載辦理。毓奇料理回空事竣。漕務亦無必需。伊回署籌辦之事。其北運河八閘應挑之處。並趙王河各處疏濬等事。著專交毓奇明興辦理。至毓奇前奏。止言南運河挑深。恐湖水直瀉無餘。未將八閘地勢。高於邳宿運河。須一

律挑挖之處。分晰陳明。以致情形不能明悉。今既據奏明。尚無大過。即重運遲誤。究因江南運河淺阻所致。其所請議處之處。可以不。必。至明興既知趙王。牛頭等河。應行疏濬。即應親往履勘。何得僅派員前往。俟委員勘估到日。再行親勘。似此輾轉查勘。公事必至遲誤。最為外省陋習。明興何以竟未能改著傳諭該撫。速赴趙王河等處。上緊趕辦。以期蓄水濟運。所有本日硃批毓奇。明興摺。俱著鈔

寄阿桂等閱看。至阿桂等奏引河增估挑挖。并南隄改築情形一摺。亦祇可如此辦理。惟閱奏到圖內。所挑引河。迤北距隄根。地勢尚遠。何不再向北展開。況伊等現擬於東壩築隄。接至二十堡。此項隄工。何必向別處取土。當即將引河挑出之土。就近建築隄工。則隄工既可省取土之煩。而引河向北展寬。亦可無煩多費。豈不一舉兩得。著傳諭阿桂等。即酌量妥辦。現在壩工最為喫緊。是以運河應

挑工程。不令李奉翰。蘭第錫前往辦理。著傳諭阿桂。李奉翰。蘭第錫。何裕城。伊等四人中。於東西二壩。每壩必須二人。親在該處督率鑲做。勿任工員等稍有草率。務期壩工步步穩實。以期一舉歲工。尋阿桂等覆奏。此次引河。原估長一千七百餘丈。續估加長二千四百七十丈。臣等會勘籌議。復於頭段迤下。徑直估挑。加長一千八百九十餘丈。共計長六千一百餘丈。因原估工段。俱在河身內。及相

近舊河處所。距南隄尚近。恐將來大汛溜行逼近隄根。是以自中段起。改移向北。增估取直。接至舊河深處。既可免向南偏趨之患。且河尾亦為得勢。現在引河相距新隄。惟河頭相近。有一二里者。迤下皆三四五里不等。即遇伏秋水發。防守亦尚易為力。臣等前次奏摺內。未經聲敘明晰。以致上煩睿慮。至引河既離新隄已遠。若以所挑土方。建築隄工。運送往返。未免煩費。已令就近取用好土。堅實

建築。其引河挑出土方。即於迤南三十丈外。灘上堆鋪平整。亦可以資擁護。至現築壩工。西壩已做成一百三十餘丈。東壩盤鑲壩臺。做成二十丈。因河流自西而東。至漫口始折而向南。是以溜勢俱走東厓。若東壩進占太長。不惟壩身著重。兼恐引河河頭必至受淤。擬再做數丈後。即暫行停緩。專從西壩一邊接續進占。俟開放引河。將近合龍時。然後兩壩一齊進埽。趕緊堵閉。現在大工喫緊之時。

實錄卷十二

三

自應遵旨分駐督辦。臣阿桂不諳工程做法。與臣李奉翰駐劄西壩。臣蘭第錫臣何裕城駐劄東壩。一體督率鑲做得好。知道了。○又諭據寶琳奏江西尾幫漕船全數過津。一摺。寶琳前經降旨補授山海關副都統。令其即赴新任。並令劉我揀員前往接署。但念重運尾幫。現在陸續過津。正須該鎮熟手。在彼督率催趲。即回空幫船南下。沿河一帶。亦不可無大員照料。況山海關現有薩克慎在彼。

署理。亦無緊要事件可辦。著傳諭寶琳不必遽赴新任。俟王柄抵津交代後。再行啟程前往山海關任事。劉我亦可毋庸揀員赴津接署。以免檄調之繁。將此傳諭寶琳。並諭劉我知之。○以按察使銜原任福建臺灣道楊廷樺為山東按察使。

實錄卷十二

三

大清高宗法天隆運至誠先覺體元立極敷文奮武孝慈神聖純皇帝實錄卷之一千二百十四

大清高宗法天隆運至誠先覺體元立極敷文奮武孝慈神聖純皇帝實錄卷之一千二百十五

監修總裁官經筵講官太子太傅文淵閣大學士文淵閣領事內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次謹將

總裁官經筵講官太子太傅文華殿大學士文淵閣領事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級謹將內大臣戶部尚書鑲黃旗滿洲都統軍功紀錄五次

尋常紀錄十四次謹將經筵講官太子少保工部尚書紀錄六次謹將振鐸等奉

教修

乾隆四十九年甲辰九月戊辰

上自避暑山莊迴鑾○諭軍機大臣等據李綬

奏湖南湘潭武陵沅江等縣俱有學習天主教之人看來各州縣必皆有傳習之處現飭

各州縣嚴密訪查不動聲色妥為辦理不得

張皇急迫致令吏胥藉端滋事等語所辦是

天主教與回教相仿雖不比別項邪教但究

係違例自應查禁李綬現已調任湖北計日

內陸燿即可抵湖南接任此事著交與陸燿

督率地方官隨時訪察以漸查辦但宜如意

嚴密勿任吏胥從中滋擾以期杜絕根株其

已獲之李大各犯即遵前旨解京審辦未獲

之船戶劉開寅等著飭屬上緊嚴緝務獲至

李大供出之蘇懷德給與伊父畫像經卷自

必係傳習天主教之人該犯先自廣東至楚

撫李大等供聞是眉山人此時諒仍在廣東

四川等處並著李世傑孫士毅飭屬迅速嚴

拏一併解京歸案辦理將此由五百里傳諭

李綬陸燿並諭李世傑孫士毅知之尋陸燿

奏此案已獲之李大等犯業由督臣咨解刑

部其船戶劉開寅劉開遠亦已拏獲現在委

員解京伏思此等傳習天主教之人所存經

卷神像本屬私自收藏不使人知若聞有司

查禁勢必愈加秘惜惟令各州縣因公下鄉

并清查保甲之便隨時隨地留心覺察并不

令隨從胥役人等窺見意指借端生事恐嚇

鄉民則於若不經意之中轉易得其真情底

幾形跡不露摘發易施得旨此係概論至一

二要犯不可不嚴拏務獲也。汝係寬緩之人，不可錯會朕意，以致誤事。慎之。○是日，駐蹕喀喇河屯行宮。○己巳，駐蹕常山峪行宮。○庚午。

上御行殿，勾到福建情實罪犯，停決斬犯八人，絞犯五人，餘九十四人，予勾。○兵部以武會試中額請得旨，這考試漢軍取中二名，直隸取中七名，陝西取中六名，廣東取中六名，河南取中二名，山東取中五名，江南取中二名。

山西取中二名，湖北取中一名，湖南取中一名，四川取中一名，廣西取中一名，福建取中二名，浙江取中二名，江西取中一名，雲南取中一名，貴州取中一名。○是日，駐蹕兩間房行宮。○辛未，諭：「原任雲南劍川州知州嵇承豫前於承辦軍需米石，濫雇貽誤案內革職。本年南巡，該員前來接駕，念其緣事尚屬因公，已降旨俟迴鑾後，交部帶領引見。該員係大學士嵇璜之子，嵇璜年老，嵇承豫著加恩。」

以主事用，以便令其就近侍養。毋庸再行引見。○諭軍機大臣等：「前據保寧等奏本年輪值川省頭班土司入覲，李世傑及總兵馬鎮國均係應入千叟宴之人，即可帶領進京等語。其派出土司名數尚未據開單具奏。此時應行入覲各土司自早經派定，著傳諭保寧、李世傑即將此次派出者俱係何人，並品級、年歲開列清單，及該土司等約於何時在成，都起身之處迅速先行覆奏。」○是日，駐蹕要

亭行宮。○壬申。

上御行殿，勾到奉天、陝西情實罪犯，停決奉天斬犯三人，絞犯八人，陝西斬犯三人，絞犯十人，餘八十五人，予勾。○諭曰：「大學士蔡新之子舉人蔡本椒本年會試，因迴避未經入闈，著加恩照嵇璜之子嵇承豫之例，以主事用，俾得在京侍養，以示朕優眷老臣之至意。」○又諭：「前因閱刑部覈覆阿桂、福康、安參奏洮岷協副將趙繼鼎治罪摺內有外委趙宗

先前往馬家河拏賊時。賊匪聞信。逼脅回民男婦大小一百餘人。齊上空堡抵禦等語。是該處回衆業經聚衆抗拒。不得謂為戮及無辜。當經降旨詢問福康安。茲據覆奏。馬家河回民男婦一百餘人。實係被賊逼脅上堡。惟該副將順道搜捕時。並不訊取親供。一併勒殺。難辭辦理不善之咎。等語。回民從賊上堡抵禦。且外委趙宗先等皆被傷害。是其抗拒傷官。已不得復稱為良民。趙繼鼎於前往搜捕時。不待取供。即如殲戮。固未免失之冒昧。然綠營將弁。往往遇賊怯懦。今該副將能奮勇殺賊。其失尚屬可原。趙繼鼎著加恩免其治罪。留於陝甘。遇有遊擊缺出題補。○是日駐蹕密雲縣行宮。○癸酉。

上御行殿。勾到湖廣情實罪犯。停決斬犯十八人。絞犯十二人。餘八十九人。予勾。○諭軍機大臣等。刑部進呈湖南省秋審情實招冊內。由緩決改入情實者三起。朕詳加披閱。如鄧

步高乘夜行竊。疊戩事主譚自選四傷。又劉么鑽倉行竊。滿貫。復喊夥拒捕。致傷事主。又李尊仁毆傷孫氏。倒地墮胎。致斃二命。細覈案情。均屬兇慘可惡。罪無可逭。自應列入情實。是以本日勾到。已將鄧步高等三犯概行予勾。乃伊星阿前在湖南巡撫任內。竟將各起列入緩決。試思一命一抵。今李尊仁毆傷孫氏。墮胎致斃。是該犯已斃二命。致鄧步高戩傷事主。至四傷之多。劉么係滿貫竊犯。又

復喊夥拒傷事主。此等兇惡重犯。罪無可疑。該撫何所見而欲從末減。即如湖北省本年經刑部改擬情實者。亦有二起。但覈其情節。尚在可實可緩之間。而湖南省所改三起。竟係傷斃多命。行竊拒捕重犯。斷無可緩之理。秋獻大典。自應悉心研究。務協情法之平。伊星阿平日辦事。尚屬認真。何於此等重案。定擬錯誤如此。伊星阿著傳旨嚴行申飭。○是日。駐蹕南石槽行宮。○甲戌。

上迴鑒○詣

安佑宮行禮○幸圓明園○旌表守正被戕河南確山縣民田周來妻丁氏○乙亥諭軍機大臣等據特成額奏將現獲西洋夷人吧咤哩映等四名並究出接引伴送從習天主教之劉繪川等十人解京審訊尚有未獲各犯現在咨拏等語前因伴送夷人之福建人蔡伯多祿及粵省之謝隆茂並在逃之湖北人張永信等俱係要犯未獲業經傳諭各該省督撫嚴行躡緝此時曾否就獲該督撫等必須嚴飭文武員弁上緊查拏毋致日久遠颺至摺內稱在逃張永信遺存經卷箱內查有刷印紙單一張係四川成都縣人黃頌所刻詞語荒謬不經似該省亦有從習天主教之人並著李世傑密緝審明具奏又昨據單沅奏拏獲私奉天主教焦振綱之子焦明貴供稱秦祿係山西祁縣人均與西洋人認識等語著傳諭農起即行緝獲解京歸案辦理再

該督奏稱粵東送到通事柯成陳大祐二人止能通西洋語言現獲之四人係噶喇喇國語人伊等不能通曉等語通事必須曉習該國語言始能明晰前此孫士毅何未詢問遽行咨送以致言語不通無從訊供著傳諭孫士毅選擇通曉噶喇喇國語之通事一二人迅速送京以備質訊將此由五百里各傳諭知之○命兵部尚書慶桂在紫禁城內騎馬○丙子諭本年三月據駐劄喀什噶爾辦事大臣保成等奏到喀什噶爾迤外色默爾罕地方有匪居從前叛逆被戮回匪大和卓布拉尼敦之子薩木薩克潛使伊跟役回子托克托素丕等向喀什噶爾回子默羅色帕爾等通寄書信誘取銀兩一案朕看此事不過將托克托素丕默羅色帕爾等拏獲辦理以示警戒而已不意薩木薩克所使回子托克托素丕等來時因在布魯特散秩大臣阿其睦之弟額穆爾家私行留宿情節被

喀什噶爾阿奇木伯克鄂斯瑞訪出。額穆爾懼其查辦。即私將托克托素丕打死。因此阿其睦。又徇庇伊弟。思為脫罪。向英吉沙爾之阿奇木伯克阿里木合謀。誣告阿奇木伯克鄂斯瑞。亦曾受過薩木薩克書札。而緯克托係總理回疆事務。參贊大臣。並不深究事之情理。冒昧前往喀什噶爾。以圖苟且姑息。令阿其睦等祇與鄂斯瑞賠罪講和。以致紛擾不成事體。故將緯克托革職。拏交刑部治罪。

各情節。前後俱降有諭旨。此事非止緯克托意欲消弭。即阿桂。伊勒圖意見。亦欲將就了局。彼時朕為此。曲盡籌畫。如不將阿其睦等拏辦。不久逃逸。於喀什噶爾。必致有事。故即降旨。令保成等將阿其睦等。拏獲解赴熱河。朕親審訊。阿其睦懼罪。其俟八月馬肥。逃逸生事之說。俱不敢承認。朕以阿其睦前經奮勉出力。又軫念其年老。免死監禁。俟將在逃之伊子燕起。拏獲解送到京時。與阿其睦

一同質審。自可水落石出。幸而經朕屢降諭旨。令保成等如此斷決辦理。若依緯克托之姑容。將來必致如阿其睦跟役人等所供。本年八月馬肥後。生一事端。逃避。或緯克托妄行拏獲。無涉之額森。阿三拜。及昆楚克等。倘不肯從行。亦如燕起震驚。以致各處逃遁。釀成事端。而緯克托又紛紛調集各處兵丁。似喀什噶爾有何等大事。以致震驚回眾。則竟成何事體。彼時如照依緯克托等消弭辦理。

必致將鄂斯瑞曲枉治罪。而阿其睦等始可甘心。將朕此等出力回奴。轉行治罪。有是理乎。今緯克托理應從重治罪。但彼時伊不過糊塗無知。惟圖息事。況此事朕已降旨詳悉訓飭。辦理已結。阿其睦等亦未能滋生事端。而緯克托之罪。較之甘肅辦事不妥。以致該省回民叛逆之李侍堯罪案尚屬微輕。著施恩將緯克托之罪赦免。即行釋放。令其家居省過。反躬愧悔。朕辦理萬幾。無一事不揆度。



機宜。秉公辦理。將此通諭內外臣工。咸使知之。○調鑲黃旗蒙古副都統松筠為正紅旗滿洲副都統。○以管理健銳營大臣普爾普為正白旗護軍統領。○丁丑諭。昨因盧溝橋下淤沙過甚。命金簡會同劉我前往查勘。茲據金簡等奏稱。擬於中泓五孔之上游下游抽溝三道。如川字形。各寬五六丈等語。盧溝橋下積淤年久。必須挑濬寬深。大溜方可直達。若僅抽溝三道。水緩不能刷沙。日久又復淤墊。著依中泓五孔口面。全行相連挑挖。俾上下游一律寬深。河流暢達。永無淤沙停蓄之患。方為有益。此事即交金簡率同永定河道陳琮辦理。並著和珅派撥步軍分段挑挖。所需銀兩。即於五城平糶麥石錢文搭放兵餉餘剩項下動支。如有不敷。即行奏請支領。所有一切估辦事宜。仍著和珅、金簡酌擬具奏。○戊寅

上詣

大高殿。

壽皇殿行禮。○還宮。○諭。刑部覈擬狄福兒行竊致伊父狄和。愧忿自縊身死。問擬絞決一本。細閱本內供詞。有我父親說我不聽教訓。出去做賊。沒臉見人。我說有我承當。與爾無干等語。是其父之愧忿自盡。實由於此。狄福兒出言頂撞。即無行竊情事。已屬忤逆。此係本案緊要關鍵。何以貼黃內轉未聲敘明晰。殊屬疎漏。除狄福兒照擬絞決外。著刑部存記。嗣後遇有此等緊要情節。務於貼黃內詳細摘敘。毋得再有遺漏。○又諭。據孫士毅奏。審擬龍門協副將承祿治罪一摺。已批該部議奏矣。閱其摺內。據承祿供。前在江南遊擊任內。墜馬傷腿。值患處作痛。曾坐轎數次等語。武職人員。違例坐轎。不特滿員在所禁止。即漢員亦向來不准。屢經申明降旨。昨因副都統果星阿。在山海關私自乘轎。復降旨通行飭諭。承祿身為滿洲。由佐領補放遊擊。游

擢副將。自當倍加奮勉。以訓練兵丁弓馬為事。乃該員先自偷安坐轎。又安望其整頓戎行耶。今承祿業經治罪。但該上司等。何以漫無約束。任聽其公然坐轎。所有失察之總督提鎮等。著查明交部議處。經此次重行申禁之後。如武職人員。仍敢有違例乘轎者。一經叅奏。朕必將該員加倍治罪。若督撫提鎮等不行查叅。別經發覺。并將該督提等一併從重議處。將此通諭知之。○又諭。右衛城守尉

常慶。奏請陞見摺內。引用許多成例。而於奏摺前。止寫奴才宗室常慶字樣。其某處城守尉字樣。並不聲明。甚屬含糊。城守尉等微員甚多。其官銜及何地方。不繕寫明白。祇寫其名具奏。竟至無所分別。考據且城守尉職任。事亦無多。三年前已經來京陞見。今又何必巧飾。引用許多成例具奏耶。伊如將地名聲明具奏。朕或有應詢彼處之事。自令伊前來陞見。今如此含糊具奏。實屬昏憤之至。已於

伊摺內批示停止外。著將常慶申飭。○賑卹陝西華州。大荔。華陰三州縣。本年水災飢民。並予緩徵。○己卯。

孝慈高皇后忌辰。遣官祭

福陵。○諭。朕年老寡寐。每日夙興。原可於養心殿視事。諸臣自家入朝趨直。住居稍遠者。其起身必當更早。大學士嵇璜。蔡新。伍彌泰。俱年逾七旬。現交冬令。氣候漸冷。若衝寒早起。於頤養之道。究屬非宜。嗣後嵇璜。蔡新。伍彌

泰。俱著加恩。令其於日出後進朝。如遇風雪。沍寒之日。即不入直亦可。其三品以上七旬以上之大臣。準此。以示朕優眷老臣之至意。○庚辰。諭。朝鮮國王請封世子。正使著派內大臣公西明。副使著派翰林院侍讀學士阿肅。○又諭。朝鮮國進獻年貢陪臣。向例於歲底到京。明正舉千叟宴。中外大小臣工耆庶。年逾週甲者。咸得與宴。用普壽祺。朝鮮國素稱恭順。比於內臣。其陪臣亦應一體入宴。以

昭寵眷。著禮部即速行文該國王。所有今歲年貢正副使內酌派年在六十以上者一二員來京。俾得與茲盛典共沐光榮。以示朕嘉惠遠邦。優禮耆年之至意。○又諭據何裕城奏。豫省各屬於八月得雨之後已種麥苗。惟衛輝一帶待澤甚殷。現在率屬虔禱雨雪等語。豫省衛輝一屬地居河河北上游。本年雨澤愆期。節經降旨賑卹。並傳諭阿桂等就近查明該處因何屢有旱災。設法調劑。虔誠祈禱。現在節已立冬。該處農田尚未得霑渥澤。恐外省設壇誦經。不過虛應故事。不能上感天和。著派理藩院司員即行伴送素能祈雨之回子尼雜爾布庫勒馳驛前往河南。敬謹祈禱。以期速普甘膏。麥田得以一律播種。所有經過地方止須照常供應。並著理藩院司員留心管約。毋任滋事。○以詹事翁方綱右庶子曹仁虎洗馬黃軒右中允李學錦左贊善韋謙恒充日講起居注官。侍讀尚永肩侍講。

劉權之。署日講起居注官。○是日起。上以孟冬享太廟。齋戒三日。○辛巳。孝敬憲皇后忌辰。遣官祭泰陵。○諭翰林院擬撰祭文。向例俱兼清漢。但如壇廟羣祀載在禮官祀典者。自應並用國書。若滿洲大臣亦當用清文。諭祭至漢大臣本不諳清語。諭祭時原可專用漢文。又何必重加翻譯。致滋煩瑣。為耶嗣後翰林院擬撰漢大臣祭文俱著不必兼繕清字。○壬午。諭曰。復興身係公爵。且兼尚書。又係世家。前於軍營頗屬効力。較之奎林和隆武無甚軒輊。復興著加恩賞戴雙眼花翎。○是月。欽差大學士公阿桂兩江總督薩載河東河道總督李奉翰江南河道總督蘭第錫河南巡撫何裕城奏查豫省黃河上自榮澤下至虞城計程五百

餘里。隄長共九萬四千三百大向無分洩之路。似屬前人辦理未周。然建壩必須膠泥。引河尤須倒勾。庶不致掣動溜勢。如南河之毛城鋪。蘇家山。天然峯山等閘。或藉山腳基址建設。或土性堅凝。外灘寬廣。臨黃有倒勾引渠。距隄甚遠。可以分洩。即王營減壩。距河雖近。而內有鹽河橫亘其中。過壩之水。洩入鹽河。以水禦水。是以無掣溜之虞。今臣等勘得豫省隄工。滎澤。鄭州境內。土性尚堅。該處距

廣武山甚近。隄頭至山腳一千四百餘丈。無隄處所。遇黃河水勢長至一丈以外。即由山腳漫灘。其漫水即歸賈魯河下注。是此一帶。本無庸再設減水石壩。其自鄭州以下。中牟。祥符。蘭陽境內。沙土夾雜。蘭陽以下。儀封。考城。睢州。寧陵。商邱等處。因歷次漫口。沙多土少。並有純沙之處。大隄之上。建築減水石壩。既恐不能堅固。測量外灘。距隄遠者不過數段。近則祇數十丈。外灘高於隄南平地七八

尺至丈餘不等。現今河勢日漸南趨。外灘時長時塌。形勢不一。開挑倒勾引河。亦無作準之處。其隄南洩水各河。除灘水河久經淤塞。惟賈魯河一道。係洩水要路。該河發源於滎澤縣之大周山。由鄭州。中牟。祥符。尉氏。扶溝。西華等州縣至周家口入沙河。自沙河經商水入江南太和縣境。至正陽關淮河。歸洪澤湖。又惠濟河一道。即賈魯河之分支。該河歷中牟。祥符。陳留。杞縣。睢州。柘城。鹿邑。入江南

亳州境內之渦河。下達淮河。亦歸洪澤湖。此二河離黃河大隄。自十三四里至四五十里不等。綿長數百里。至千餘里不等。現俱窄狹。間有淤墊。如須減黃。必應大加挑濬。兩岸亦應築堰攔禦。第各河原為分洩各州縣坡水。一經築堰。則坡水無路分洩。必須於河之兩旁。酌建閘座。增挑汊港。以資啟閉。而洩坡水。查臨黃隄工。臣等逐段看視。土性浮鬆。實難建立石壩。外灘亦無可挑倒勾引河之處。若

就外灘寬廣隄工稍堅處所添建既恐盛漲時引水不暢未足以資分洩徒然有名無實若於大汛分洩得力處建設恐壩基不固易致傾圯再四商籌若僅就目前挑濬下游引河趨堵漫口合龍即為了事尚不放心況臣等往來蘭儀一帶察勘高家寨一工即本年河勢坐灣由儀封舊城折轉東南衝出河道該處河內莊基樹根頗多一時難以衝刷寬深溜勢至此奔騰湍激是以高家寨甚為險要。本年伏秋汛內經臣蘭第錫等繪圖具奏蒙硃批指示彼時因水勢瀰漫未能施工今睢州漫口下段應挑引河現在加挑寬深若再將上游儀封境內高家寨河北官亭一帶正河遵奉前諭重加挑深取直引溜北注則上下河道可以暢行新隄不致著重祇可因其勢而利導之舍此別無善策臣等擬俟明春興工挑濬一俟汎水長發即行啟放可望得力得旨祇可如此補救而已○河南巡撫

何裕城奏睢汎堵築漫口引河取直原估續增共應挑土三百二十餘萬方東壩改築南隄共估需土五十三萬一千餘方土方既已加添則委員人夫亦須增益查引河最關緊要於通省州縣中擇其平日能事熟諳挑河者添派來工認辦至改築南隄則於河東文武員弁內酌派分段趕辦所需人夫除在工雇用外仍令於直隸山東近工處所廣為招募每土一方給銀三錢至隄河人夫雲集食物必昂且轉瞬即屆冬令天氣漸寒均應予以棲止臣飭承辦各員先於總局領方價十之二三於附近地方購運米麵食物聽夫買食或即於夫價內照數扣抵商販既不能居奇貧民亦可免食貴並令擇閒曠處所多搭棚廠以資住宿得旨好實力妥為之

大清高宗法天隆運至誠先覺體元立極敷文  
奮武孝慈神聖純皇帝實錄卷之一千二百十五

實錄卷之一千二百十五

主

大清高宗法天隆運至誠先覺體元立極敷文  
奮武孝慈神聖純皇帝實錄卷之一千二百十六

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加二級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣前振鐸等奉

敕修

乾隆四十九年甲辰冬十月癸未朔享

太廟

上親詣行禮 遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵 遣官祭

孝賢皇后陵

端慧皇太子園寢 頒乾隆五十年時憲書

諭朕追維

列祖

列宗朕光大烈敬將自

太祖以來

皇帝

皇后寶冊恭鐫一色純玉換成十六分敬謹於

太廟尊藏所有

太廟原供奉之十六分

寶冊敬謹齋送盛京

太廟尊藏蓋以我大清昌祚垂庥億萬斯年丕

基鞏固朕之子孫世世當仰體朕敬念

列祖

列宗之意將帝后寶冊均造二分一供

太廟一送盛京尊藏永為國家懿典茲照現在

所造之十六分玉色另備十二分玉料編列廟宇號以為將來世世子孫鐫造寶冊之用茲據廣儲司將另備之寶冊玉料呈覽朕閱其質色純潔若日後大臣等將此分為朕鐫造寶冊之用則玉質與現在換造之十六分較美非朕丕承

祖

宗昭示來茲之意所有朕將來鐫造需用之玉著於廟宇號內選用其現在喜字號第一分純潔者著敬謹存貯俟朕將來歸政之期舉行崇上太上皇徽號慶典時所用寶冊即將此分鐫造以彰熙朝盛瑞此外似此純潔玉料尚有五分均編入喜字號交廣儲司敬謹存貯將來我子孫遇有崇上太上皇皇太后徽號並舉行慶典等事當以喜字號玉料鐫用我國家重熙累洽寶祚無疆卜世靈長仰邀

天眷是以葉爾羌和闐等處現又採獲可備廟

字號玉料數十分貯庫以供將來鑄用亦且可不必再遣人往辦恐所遣人往外域滋事或致不當此朕深意也我子孫果能敬念貽謀懷柔保泰永承

上蒼嘉貺即將此項廟字號玉料鑄造冊寶我世世子孫皆當敬凜朕訓篤祜凝庥俾新疆回部永遠救寧以保我萬年基祚用昭我國家一統無外之規我子孫萬禩無疆之福將此著內務府大臣等永遠存記敬謹遵旨辦理

甲申

上御乾清門聽政諭據孫士毅等奏據洋商潘文巖等稟稱於哆囉羅瑪當家住宿行中失於防範任蔡伯多祿來往勾通致有攬送洋人越境之事非尋常玩忽可比情願罰銀十二萬兩備充公用等語著照所請准其認罰所有銀兩即著孫士毅於廣東藩庫內墊項支解河南漫工充用分限四年令該商等繳還舒常孫士毅俱著交部嚴加議處所有

沿途失察之司道府等官並著查明一併參奏又諭據閩鸚元奏儀徵縣典史李先瓚因巡緝地方盤獲宜興縣兇犯卜萬有等三名請將該典史送部引見一摺已照所請批著送部引見矣本年四月江省桃源縣地方興武衛六幫旗丁姚恒糧船被盜刦去借備舵淺等銀一業當經閩鸚元奏稱現有根線飭屬密訪查拏至六月內續據該撫奏此案盜犯閻四張老等俱有年貌籍貫可查地方官自顧考成分頭嚴緝將來不致漏網伊於拜摺後自淮起程回蘇等語此案盜犯行刦事在本年四月至六月內已逾兩月之久乃要犯閻四等並未弋獲一名地方文武員弁不過奉文承緝實為海捕具文該撫奏明後亦即回至蘇州遂致要犯久而無獲最為外省惡習今典史李先瓚於巡緝地方是其分內專責乃甫經拏獲鄰境兇犯一起三名該撫專摺奏請送部引見是地方官承緝要犯



積久玩延該上司並不指名叅劾及偶有盤獲之案即力為保奏思欲超擢似此有過不懲微勞必奏安望其能整飭地方耶所有典史李先瓚姑仍著送部引見嗣後直省各督撫務飭所屬於地方承緝案件必須上緊嚴拏不得以空文了事致命盜犯久而無獲如有故意玩延該督撫即指名嚴叅毋許仍前因循姑息將此通諭各督撫府尹知之諭軍機大臣等據刑部審擬嚴肅聽從王度

主使將假照誘人作保誣借銀兩實屬狡猾異常應從重發遣黑龍江等因一摺已依議行矣此案王度夥同嚴肅捏造執照冒充職官誣借銀兩實屬要犯自應迅速查拏按律定擬該犯係江蘇吳縣人逃逸後自必潛回本籍著傳諭閩鷺元及直隸山東各督撫一體飭屬嚴緝務獲解部審辦完案將此由四百里各傳諭知之刑部摺並鈔寄閱看又諭據孫士毅等奏洋商潘文巖等不能防範

哆囉羅瑪當家任由蔡伯多祿來往勾通情願罰銀十二萬兩等語已准其認罰並令將此項銀兩解交河南漫工充用矣但羅瑪當家聽信內地民人遣洋人前往殊干例禁前因其究係微末洋人不加治罪今既不令議罰所有番舶往來書信自不應仍令管理至蔡伯多祿延請西洋人由楚赴陝係此案要犯何以至今未獲該犯素與夷人熟識見緝拏緊急自必仍逃往廣東或竟在澳門藏匿

著傳諭孫士毅即飭屬嚴密設法躡緝務獲解京審辦毋得日久疎懈致令遠颺乙酉上御懋勤殿勾到浙江江西情實罪犯停決浙江斬犯一人絞犯五人江西斬犯十四人絞犯六人餘八十六人予勾諭據保寧奏川省屯土各兵如遇鄰省徵調請照綠營征兵之例酌給夫馬一摺所奏是川省屯練降番兵丁因從前甘省蘇四十三滋事及本年勦滅石峯堡逆回兩次俱經徵調會勦該兵丁

等由松潘一帶遠赴軍營俱能踴躍抒誠急公趨事但因向來徵調係在口外地方程站不遠一切背負騎馱自行備辦未經議給夫馬今既由鄰省檄調該兵丁等跋涉維艱自應照綠營兵丁之例一體給與夫馬以昭體卹現在軍務告嚴該兵丁等俱整旅回川嗣後每遇有鄰省調派之事著給予夫馬俾利遄行以示優卹屯番之至意諭軍機大臣等昨召見提督俞金鰲據奏稱逆回經過地方所有廟宇俱被焚燒神像亦多殘燬此皆逆回惡貫滿盈以致獲罪神明自取殲滅其有廟宇未經焚燒而神像殘燬者自當量為修葺裝塑整肅若所燒各廟基址全無者即不必另行建蓋著傳諭福康安查明辦理又據奏稱聞得從前陝甘兵丁平日皆豫備乾糧一遇徵調即可剋期起身自平定準噶爾回部之後遂因循不復儲備等語兵丁乾糧自應平時籌辦以備緩急之需如恐有微朽

原不妨出陳易新抵放兵餉著福康安即留心妥辦以復從前舊制又諭據吏部奏駁明興保舉堪勝知府之王道亨張方理二員均係餽送國泰銀兩案内予調不予陞之員相應扣除等語部駁甚是已依議行矣此等人員餽送上司銀兩本應革職治罪之員因該省現有虧空前經明興奏請停陞勒限彌補降旨允准不加重譴已屬格外邀恩今該撫復將案内王道亨等二員保舉堪陞知府何自相矛盾若此且摺內並未將停陞一層聲敘含糊具奏顯係有心朦混冀圖陞用致開僥倖之漸尤屬不合除將王道亨張方理記名之處扣除外明興著傳旨申飭並著明白回奏尋奏東省同知直隸州內堪膺保薦者甚少惟王道亨張方理二員老成幹練才具出衆雖曾餽送前撫臣國泰然伊二人於庫項錢糧毫無虧缺不在勒限彌補之列故敢冒昧保舉至摺內未將停陞一層奏明實

屬疎忽得旨此次姑恕汝 又諭據阿揚阿等奏稱昆楚克因燕起藏匿在尼雅布沙遣布魯特達爾巴克等赴尼雅布沙誘致燕起等語燕起乃不足輕重之人現匿尼雅布沙亦不過苟延殘喘今若急遽遣人誘致燕起畏罪或更遠颺益難擒獲著傳諭阿揚阿特通額色提巴爾第將此事不必急遽辦理俟明春雪化時阿揚阿等止遣人赴昆楚克處探聽燕起信息如燕起有欲來之信再行審度機宜派昆楚克誘致如燕起無欲來之信不必往彼擒拏即聽其在彼昆楚克如能誘致燕起朕必優加恩賚今雖未能誘致亦不必斥責著色提巴爾第密飭昆楚克令其留意辦理可也 丙戌諭向來宗室惟近支依皇子皇孫輩命名其支派稍遠者命名即不得依此行輩本年因得五世元孫命名載錫將來載字輩下再得六世來孫應用奉字因令宗人府查宗室內載字下一輩遠支已有

希賢覺隆阿二人是自

太祖以下至今已有十一世瓜瓞繁衍本支極盛朕心深為欣慶著加恩依奉字輩希賢賜名奉福覺隆阿賜名奉壽並查其父今當何差著宗人府奏聞以示朕親族推恩仰承天眷啟佑萬年之至意尋奏希賢父峻泰覺隆阿父峻豐俱四品宗室由宗人府帶領引見得旨峻泰峻豐著在四等侍衛上行走 丁亥

上御太和殿視朝文武陞轉各官謝恩 諭據保泰等奏本年到通漕糧二百四十三萬石又北倉截留三十二萬餘石較之上年多收二十二萬石等語前因漕艘抵通稍遲將江廣重船於北倉截留俾得迅速回空今據查明本年漕糧較上年尚多收二十餘萬石所有前項截留米石現於北倉存貯著即將多出之二十二萬石存於北倉作為直省買補倉糧之用毋庸運通 諭軍機大臣等據勒

保奏稱瑪玉爾徇庇盜犯烏拉勒齋正在支吾。適俄羅斯固畢爾納托爾來書云伊將此事交瑪玉爾速結。又將盜犯用大鞭痛責。有立斃者。有逾數日後死者。隨行文與固畢爾納托爾責其食言。違例等語。勒保辦理尚妥。惟咨行固畢爾納托爾文內言詞尚有未盡。如伊稱鞭責即係死罪。自應將盜犯烏拉勒齋帶至邊界。使內地之人持鞭責打。若徒云伊等以大鞭痛責。即係正法。未經內地人目覩。焉知伊非虛詞塞責。如此正言斥之。伊等自難措詞。今勒保業經行文設固畢爾納托爾。尚知愧恥。飭瑪玉爾會同恰克圖之扎爾呼齊將烏拉勒齋照例辦理。則已。若仍支吾抵賴。勒保即照朕所降諭旨申飭窮詰。戊子。

上御懋勤殿。勾到安徽河南情實罪犯。停決安徽斬犯八人。絞犯九人。河南斬犯六人。絞犯十人。餘一百八人。予勾。諭軍機大臣曰。何

裕城奏據鄧州知州張文炯稟稱。盤獲鄰省盜犯劉二彪、李應輝、曹魁三名。係在楚省行劫西洋人銀物之犯。已飛咨湖廣確查。審明定擬等語。此案前據特成額奏到。已降旨令其查明。如該犯等無關。係西洋人傳教。通信不過藉端詐財。即交與該督定擬具奏。今何裕城奏所獲劉二彪等亦係案內逸犯。豫省距京不遠。著傳諭該撫。即將劉二彪等三犯速行解部審辦。毋致兔脫。其劉善等著特成

額仍遵前旨審擬具奏辦理。又諭據保寧等奏本年入覲土司名數開單進呈。其單內所開土司土舍並頭人土守備等共四十餘名人數。何以較上屆為多。且該土司等到京後。非係盡應入宴之人。單內未經分註明晰。至土婦有從前在軍營出力者。其遣來頭人亦應與宴。著傳諭保寧、李世傑等。即將該土司等何人應行入宴及何人不應入宴之處詳悉開單並註明品級年歲有無功績開列。

清單具奏 己丑予解運木植遇風漂沒之  
湖南沅州府通判董啟嘉卹賞如例 庚寅  
上御懋勤殿勾到江蘇山東情實罪犯停決江  
蘇斬犯七人絞犯五人山東斬犯七人絞犯  
七人餘一百十二人予勾 諭昨四庫全書  
恭錄

世宗憲皇帝硃批諭旨內有田文鏡覆奏查拏  
盜犯張大金棍一摺據稱一省有一省之交  
界即一府一州一縣亦莫不有一府一州一  
縣之交界匪類住居交界之處此拏入彼藏  
匿彼拏入此潛蹤誠難捕獲請令嗣後遇有  
應緝要犯移咨隔屬一體密拏如徇縱不辦  
即鄰省州縣亦准移會題叅等語所奏似為  
近理各省凡屬交界地方犬牙相錯奸究易  
於逃往潛蹤而地方官又以境壤毗連往往  
互相推諉誠能遇有案犯一准鄰境咨會不  
分畛域實力協拏其有徇縱不辦之劣員各  
上司即據實叅處則各州縣自顧考成無不

認真緝捕尋常竄竊亦無從竄匿何至命  
盜重案視為海捕具文竟有要犯日久不獲  
者此可見各直省於通緝案件全未實心辦  
理即田文鏡當時雖有此奏亦未必能盡如  
所言田文鏡係河東總督彼時伊所屬豫東  
二省境內豈竟無一犯未獲耶總之此事原  
不在托諸空言必須實力奉行方不至於遲  
緩誤事即如本日湖南巡撫陸燿奏訪察傳  
習天主教之人請於清查保甲時妥協密查  
等語此係概論至一二要犯斷不可不嚴拏  
務獲陸燿素性寬緩業已於摺內批示訓諭  
著再傳諭各直省督撫遇有各緝案件務宜  
嚴飭各屬迅速密拏而於交界地方尤當視  
為一體留心稽察其有意存推諉遷延不辦  
者即嚴行叅處俾各知儆懼案無逸犯庶不  
負朕諄諄訓誡之至意 諭軍機大臣等本  
日勾到山東省內刑部由緩決改入情實者  
七起俱係情真罪當法無可貸如劉希堯用

鐵尺毆傷劉放殞命又孔二糾衆攢毆寧安傷重致斃又溫淮用鎌刀勾斃劉志選又于駱駝助兄攢毆張思賢殞命又徐珍喝衆按住周光舞疊毆致斃又左八刃斃徒手之夏勇元又張欽因圍產毆斃族兄張相俱係傷重情尤無可寬宥之犯該首率行列入緩決試思鎌刀勾斃豈非金刃傷人弟兄攢毆一人致死豈不應論抵而概予緩決將何以示情法之平明興身任巡撫於秋讞大典自應

悉心研究按律定擬乃於此等情罪顯然重案輒行列入緩決是其於刑名案件漫不經心已可概見除照例議處外著傳旨申飭○辛卯命重舉千叟宴諭繫古帝王御世建極凝庥上有數錫之君下享康寧之福洎乎近代史冊敢稱我

皇祖冲齡踐祚統馭寰區仁漸義摩涵濡休養康熙年間曾舉行千叟宴與中外臣民躋壽宇而迂繁禧誠為千載一時之嘉會朕誕膺

丕緒敬紹鴻圖仰承

昊蒼眷顧福佑朕躬年逾古稀尚能康彊勤政惟是歟時錫福期舉世咸登仁壽著於乾隆五十年正月初六日舉行千叟宴盛典用昭我國家景運昌期重熙累洽嘉與中外臣民耆老介祉延禧之至意所有一切事宜著各該衙門敬謹豫備又諭據福康安奏查明逆回自小山起事勾結蔓延賊蹤所過千有餘里搶掠大小村莊一千二百餘處傷斃大

口一千六百九十餘名小口三百三十餘名等語回民等久列編氓即與齊民無異況甘省地方薄瘠時有災歉國家惠愛邊氓蠲賑之事幾於無歲不有其需被恩澤獨較他省為優回民等同隸版章百十餘年受恩最重乃於先天化日之下竟敢創興新教惑衆肆厥鴟張攻城掠堡擾害良民蹂躪村莊一千二百餘處傷斃大小口二千餘名罪惡貫盈神人共憤究其起事之由則實係田五等久

蓄逆謀各處新教回民暗相煽惑肆行不法並非因地方歉薄不加賑卹與夫縱容貪官污吏擾累百姓激變事端可見逆回等狡獪性成膽敢殺害良民梗悖王化前將首逆張文慶等解赴行在親加廷訊刑夾盡法處治按律寸磔其名下家屬亦已誅無孑遺尚不足以洩忿恨而快人心其從逆各犯名下分賞為奴幼孩一經逃逸拏獲後俱立時正法以懲兇孽此皆逆回等自取罪戾所致嗣後各省回衆務宜各知警惕安靜守法勉為良民以田五張文慶等為戒將此通諭中外知之諭軍機大臣等據特成額奏署湘潭縣知縣張朝樂會同守備張浩在文昌閣河下將延請西洋夷人之焦振綱秦祿二犯截獲又私習天主教之周正一犯及龍國珍之父龍成友亦經稟報拏獲現在提至省城訊究再行解部等語焦振綱秦祿以內地民人欲延請西洋人前往西安傳教實為此案要犯

經署湘潭縣知縣張朝樂會同守備張浩於中途截獲尚屬認真緝捕著該督等即給咨送部引見以示鼓勵至此案逸犯蔡伯多祿張永信等尚在潛逃根訊焦振綱等向其嚴究無難躡蹤弋獲著傳諭特成額等俟焦振綱等解到省城審訊明確錄供先行具奏一面派委妥員將該犯等解京辦理仍飭屬上緊查拏逸犯毋使一名漏網陝甘總督福康安奏陝甘原設額兵因節次裁撥移駐新疆乾隆四十六年添兵一萬二千七百餘名合舊額約有七萬惟是甘省自蘭州迤東至涇州一千餘里道長地險外則番族環居內則民回錯處各府州縣大路原設防兵墩戍甚少請酌量添設以資防衛查平涼府為甘省門戶擬添兵一百五十名外委一員額外委三員六盤山要隘處所添一營汛設千總一員外委一員兵一百名靜寧州添兵一百十五名外委一員額外委一員隆德縣

添兵二十四名額外外委一員並於大路汛  
戍空濶處添設墩堡三十九座又通渭所屬  
之馬營監為舊時縣城民稠地衝擬於該處  
酌添一營設遊擊一員守備一員把總二員  
外委三員額外外委四員兵五百名內三百  
名存營餘分派扼要之所安墩堡四十座清  
水縣添兵十名通渭寧遠伏羌漳縣各添兵  
十五名禮縣西和秦安兩當各添兵二十名  
莊浪添兵三十名三角城等處添兵四十名  
又自固原至靖遠四百餘里回民雜處靖遠  
至省三百餘里山險逕紆墩戍寥寥擬添兵  
二百二十名分安墩堡四十四處查陝省下  
馬關一營止設兵二百二十餘名該營有守  
備一員足資統轄其遊擊一員裁移馬營監  
分防管領此外於西安軍標撥出守備一千  
總一把總二經制外委三固原提標撥出把  
總一經制外委二寧夏鎮標撥出經制外委  
一足敷分駐額外外委即在兵數之內所需

兵一千三百四十名於督撫提鎮各標及各  
協營內擇其不近邊關又非大路並無番回  
錯處兵額較多之處將零星尾數裁移抽撥  
已敷應用至應需衙署房間及新添墩堡需  
工料銀二萬四千餘兩酌於新兵緩立馬匹  
節省草乾料豆銀兩內動用建蓋得旨著軍  
機大臣會同該部議奏○諭軍機大臣等據  
福康安奏酌派營汛分駐官弁兵丁於陝甘  
兩省各標營裁移抽撥一摺已交軍機大臣  
會同該部議奏矣但閱奏到圖內如隆德縣  
現添兵二十四名除分防外存城兵只有四  
十名通渭縣添兵十五名存城兵亦只有三  
十名該處地方遼濶究未足以資防守而壯  
聲勢今於該省裁移抽撥之外再准其添設  
額兵三千名著傳諭福康安即通盤籌畫如  
隆德通渭等處係縣城而兵力尚單者即酌  
量增添每處約須有兵百名其餘各要隘處  
所亦一體均勻添派務俾兵勢聯絡足資防



衛稽查方為詳妥此摺暫行存記俟酌議添兵奏覆到日一併議奏再降諭旨尋奏遵奉籌議查河州扼控番回原設二營尚屬單弱今擬增設城守一營添都司一員千總二員把總外委各四員兵四百名共新舊兵二千三百二十名勻派三營隆德縣添足兵一百五十名通渭縣添足兵一百名又靜寧州係在蘭州涇州適中扼要之地擬設立副將營制於前議設兵一百五十名外添設三百五十名共五百名並添設左右二軍守備左駐隆德右駐會寧以成犄角之勢至靜寧所添副將查有慶陽協原設副將一員設協之初係沿舊制因慶陽在北路沿邊是以駐劄大員彈壓今北邊蒙古均係臣僕且寧夏延榆均有總兵駐劄聲息相通擬即令該副將帶同中軍都司移駐靜寧仍於慶陽改設叅將一員中軍守備一員管領原有弁兵又涇州為入甘門戶秦州係南路扼要擬於涇州添

設都司酌增弁目並添兵九十五名合舊設兵共二百名秦州再添兵一百七十九名合舊設兵共四百名其該州所屬之秦安縣擬添兵七十名合舊設兵共一百名並添設千總管領巡防又馬營監底店石峰堡均屬要地前於馬營監已議設兵五百名足敷防守今擬於石峰堡安設一汛撥添弁目駐兵一百名再於底店添設弁目駐兵一百名安定會寧均係衝途要地安定舊有把總一員兵一百名今議再添兵五十名即於此內撥安墩汛其會寧舊有把總一員兵三十名亦擬添足一百五十名又鹽茶同知駐劄之海城前議於附近之西安州營撥千總一員帶兵三十名防守今兵數有餘擬於該處專設千總一員即以西安州營之千總移駐添設兵一百五十名其前議撥防兵三十名仍撥還西安州他如金縣伏羌西和寧遠漳縣莊浪華亭靈臺鎮原崇信徽縣成縣禮縣清水兩

當等十五處舊有之兵均屬短少今議於伏羌金縣莊浪各添足兵一百名餘縣均添足五十名再如瓦亭驛馬家堡黑城白水鎮安國鎮李旺堡孟家墩唐家川等處衝僻各殊酌添兵自五十名至一百五十名並撥弁目管領前議將陝甘各營兵丁零數抽撥茲添三千名兵數儘屬寬餘前議各營內抽裁之兵仍還原數停止抽撥計添官弁五十九員除裁移副將都司千總各一外實添設叅將

一員都司二員守備三員千總十一員把總十一員經制外委二十八員其額外外委即在兵數之內又統計前議抽撥此次加派兵數共有四千二百三十餘名應即召募壯健充伍除舊制各營員弁本係熟手飭令用心教習外其新設營汛弁目應即注附近標營內選擇熟練之員調補得旨原議大臣議奏尋議覆均應如所奏辦理從之 壬辰諭軍機大臣等本年河南省被旱之衛輝府屬汲

縣新鄉封邱獲嘉四縣開封府屬陳留一縣俱收成稍薄並睢州南岸之商邱寧陵鹿邑各縣處漫口下游田禾未免被淹又江西省萍鄉永寧安福三縣福建省建安甌寧南平三縣湖南省茶陵攸縣三州縣因五月間雨水驟注溪河盛漲附近地畝均被淹浸致成偏災又安徽省之亳州蒙城等處雖據該撫奏該處田畝被淹尚不甚重但究經黃水下注即豫工指日合龍低窪地畝恐難立就消

涸俱經降旨令該督撫實力撫卹毋致失所第念各該處被災地方於明春青黃不接之時民食恐不無拮据是否應需展賑蠲緩並此外勘不成災地畝應否量予加恩分別酌借口糧籽種之處著傳諭各該督撫體察情形查明據實覆奏候朕於新正酌量再降諭旨 又諭據閔鶚元奏屬員賢否摺內徐州府知府錢金殿精力稍遜於前等語錢金殿係錢陳羣堂弟在江年久其才具朕所素知

今精力既遜於前則於徐州有河工繁劇之任自非所宜但尚無別過人尚妥當著傳諭薩載閔鶚元於通省知府內揀選精明強幹之員調補徐州府並酌量簡缺知府令錢金殿調補仍當留心察看其精力是否能勉供職不致貽誤地方隨時據實具奏○又諭前據金簡奏盧溝橋下淤沙過甚擬於中泓五孔各為抽溝一道因命金簡會同劉裁前往查勘據奏於中泓五孔之上下游抽溝三道如川字形朕慮其水緩不能刷沙復降旨令依中泓五孔口面全行相連挑挖俾上下游一律寬深河流暢達無阻永無淤沙停蓄之患但據奏該處挑挖之後尚須建築攔水壩並每年另添歲修若不如如此辦理恐伏秋二汛仍難保無衝沙淤墊等語永定河向來原有搶修工程准其開銷具奏若因此次挑挖淤沙復增歲修則年復一年豈不徒滋糜費且恐開工員浮冒之漸但現在大加挑挖

約估需銀五萬餘兩若無歲修設汛水過後仍復日久停淤則此次開挖之費豈不虛擲況數十年未修之事亦未見大為害若再不備必致為害乎前據阿桂奏豫工約於十一月內合龍歲事著傳諭阿桂於回京路過之便即將盧溝橋下各工詳細履勘將該處淤沙是否必須開挖及全行相連挑挖所奏建壩並增歲修方可永無淤墊是否可行可止之處據實具奏所有該處工程俟阿桂履勘後再行辦理並將原奏原圖及朕前降諭旨一併發給閱看○又諭前因伊犁遣犯謝洪貴係金川逃兵自首免死之犯在配脫逃降旨令各督撫上緊緝拏茲據伊犁圖奏業將謝洪貴拏獲即於該處正法示眾等語此等逃兵罪原不赦因其自首免死乃不知感恩畏法復敢乘間脫逃一經弋獲自當即行正法以示懲儆伊犁圖所辦甚是嗣後各省拏獲此等免死發遣逃犯俱著照此辦理○又

諭據伊勒圖奏稱賞給伊犁察哈爾兵丁為奴之逆犯馬氏脫逃等語此犯係甘肅河州逆回江湖之妻今雖脫逃料一婦人曷能遠颺亦不過在伊犁屯田回民隊內隱匿著傳諭伊勒圖務派妥幹官兵潛於屯田回民內搜查務期擒獲即行正法奏聞○癸巳諭昨據福康安奏酌添營汛分駐官弁兵丁於陝甘兩省各標營裁移抽撥以裨地方一摺本日又據軍機大臣會同刑部將甘省解到之賊犯馬守正錄供具奏閱其供內有伊父馬六今年正月間與田五等商同謀反到四月二十日田五約定鎗響為號一齊幫同攻打靖遠城等語是此案田五等久蓄逆謀糾眾起事李侍堯身為總督竟毫無見聞且伊從前曾訪拏堅守新教之馬五等奏聞辦理即當由此而推諸凡留心而田五等即係新教回匪其逆謀顯露何以轉付於不知以致養癰貽患至福康安所請添兵之隆德靜寧各

處皆衝衢驛路為李侍堯往來經過之地該處既屬遼濶兵力單少李侍堯亦何以不早為籌及以資防禦可見其在任諸事廢弛漫不經心李侍堯係曾經獲罪之人經朕格外加恩仍用為總督原欲令其倍加整頓以贖前愆乃竟因循誤事若此即寘之重典亦罪所應得但因逆回蠢動誅及總督轉恐起刁風而滋厲階是以前經王大臣等覈擬斬決具奏時已降旨將伊改為監候向來官犯之入情實者即不予勾亦應鄉赴市曹李侍堯久任封疆尚有出力之處且曾忝廁綸扉其年已邁若照例鄉赴市曹倍嘗苦辱朕心究覺不忍第伊本係獲譴之人現在復罹重辟不但不能再邀錄用即釋放出獄伊亦無顏面對人李侍堯著加恩免其入於情實仍永遠牢固監禁遇赦不赦所有福康安摺及本日軍機大臣等所奏馬守正供詞著刑部堂官持與閱看並宣示朕此次格外加恩諭旨

令其覲坐圜圖自思罪戾 甲午

上御懋勤殿勾到山西情實罪犯停決山西斬犯六人絞犯十二人餘一百六人予勾 諭據富綱等奏雲龍州地方汎江泛漲致將金泉鹽井剝岸衝坍井眼淤塞鹽倉存貯鹽觔俱被淹消竈戶田廬間有漂沒現在查明撫卹等語該州猝被水災竈戶民居均有衝塌情殊可憫所有無業貧民著加恩給予一月口糧先行撫卹被淹房屋及衝失柴碼錫口等項均照例加賞該督等即飭委妥員確查分給務使被災民竈各霑實惠至衝消鹽觔並著通融趲補毋致有妨民食以示朕軫卹災黎之至意 又諭據永保奏黔省逃兵共九十八名節年拏獲投首者二十二名其餘七十餘名全無影響明係地方官平日視為具文現在查取各員職名嚴叅請處並自請交部議處等語各省承緝逃兵經朕屢次加恩展限各該地方官仍視為海捕具文並不

上緊訪緝以致事隔十年拏獲自首之犯統計尚不及半是以特降旨停緝係朕格外之恩但外省風氣如此疲玩最為惡習永保到黔四月有餘以該省逃兵止獲二十餘名自知媿悚並將承緝各員職名據實開叅尚屬留心公事知恥者至陝甘四川湖北湖南等省較之貴州道里更近而雲南與貴州相去不遠何以該督撫等恬不知愧曾未奏及則其平日之漫不經心全不以事為事更可概見此案歷年既久前已降旨停緝著各督撫遵照前旨即將承緝督緝司道府廳州縣各員查明具奏所有貴州省叅奏各員亦著照前旨分別辦理 又諭據書麟奏安省本年各屬秋成豐稔其亳州及泗州等九屬低田被淹未能趕種秋麥等語安省亳州等處經豫省睢州漫水下注田畝未免被淹屢經降旨令該撫確實查明撫卹茲據奏亳州及泗州等九屬被淹低田不能趕種冬麥著該撫

即率屬查明成災分數及應賑戶口照例給賑並將應徵新舊錢糧分別蠲緩其例不給賑者酌給籽種口糧以資接濟至泗州鳳陽長淮三衛被災屯田並著照坐落州縣一律妥協辦理務俾災黎均霑實惠毋令一夫失所該部即遵諭行○又諭向來分賞功臣為奴之罪人即現任外省者亦一併賞給但解往外省沿途難保無逃脫之虞著交值年旗存記嗣後外省大臣不必賞給○乙未

上御紫光閣閱中式武舉騎射○戶部議奏據倉場侍郎保泰等奏稱今歲浙江回空漕船凍阻查明年係全漕到通五十一年係輪蠲停運浙江嘉興一府漕糧請將五十一年停運嘉屬漕船改於明年停運等語所奏自係豫籌速運之策請飭浙江巡撫酌辦或現在停徵即於明年停運如業已開徵難於經年久貯或照從前雇募民船兌運過淮迎船換載之例速奏妥辦並請飭漕運總督倉場侍

郎催趲各船毋誤受兌得旨依議速行○旌表守正捐軀山東東平州民王忝池妻丁氏○丙申

上御紫光閣閱中式武舉技勇○諭軍機大臣等據特成額奏拏獲焦振綱秦祿各犯并查出天主經一本漢字書信四封洋字書信十封等語西洋字內地無人認識焦振綱秦祿由西安赴湖南廣東何以帶有西洋字書信十封是西安必先已有西洋人在彼潛住且必不止一人故起出書信內有西洋字十封之多況西洋人即欲傳教亦當在廣東附近之廣西福建湖南江西等省分何必遠赴西安此皆關係案內緊要情節必須徹底根究已交軍機大臣存記俟案犯解到時詳細研鞫所有焦振綱秦祿各犯據特成額奏飛札湖南臬司解送武昌審訊確供具奏後再行解京著傳諭該督即將焦振綱等犯嚴加審訊務究出西洋字十封係何人所寫寄與何

人之信如有供出人犯一面按名查拏一面將焦振綱各犯遵前旨迅速解京審辦其起出之西洋字書信等件亦著一併解京至畢沅覆奏西安天主堂自飭禁後舊存房屋現係同教之杜興智即杜于牙居住中五間係劉義長賃居房內供有十字架泰祿往來西安亦於此作寓上年泰祿與焦振綱商議欲請西洋人來陝念經相託劉義長修葺等語杜興智本係私習天主教之人劉義長屋內又供有十字架則於焦振綱延請西洋人傳教之事該犯等斷無不預同商議之理自因質證無人狡供抵賴該犯等雖已就獲解京而西安府城內似此私習天主教者必多恐尚有西洋人在彼藏匿並因何西洋人俱欲遠赴陝省傳教又有洋字書信寄往之處俱著畢沅留心嚴密訪查據實具奏又持成額奏審訊搶刦西洋人銀兩一摺內劉二彪等四人俱係現充捕役該縣及典史減少贓數

捏稟顯係圖避處分自應革職究擬其外委司得壽膽敢私赴夷船攫取洋表現經查無下落恐係該弁見事敗露裝點溺水情狀負罪潛逃亦不可不嚴查辦理並著傳諭持成額迅速查明審擬具奏戶部議奏據漕運總督毓奇奏稱本年漕船過津較遲今河西務至張家灣一帶水凍成冰浙江處前等九幫回空船隻於各該處凍阻而江南邳宿運河山東開河皆須空船過竣始能興挑熬壩未便因此貽誤請將該九幫空船即在北河守凍天氣稍煖敲冰趲行亦祇至臨清口外駐泊俟開河開壩後再令迅速歸次並請將浙江例兌嘉興府屬漕糧共有九幫除現在處前嘉白嘉興衛三幫凍阻外餘嚴州所寧波前後紹興前後抗嚴三六幫業已回空南下今覈算該六幫與現在守凍之台州前後金衢所溫前後處後等六幫船數米數多寡相符如嘉興屬明年停運即將已經歸次之

嘉興屬六幫於今冬代兌守凍之湖州屬等六幫漕糧於明春起運庶正供不誤至守凍之船住久則各丁食用加增每船請賞借銀五十兩於山東糧道庫內給發令浙江糧道按數解東歸款即於各丁應領錢糧內分限扣還再杭四杭頭兩幫起米剝船各丁俱隨剝凍阻該兩幫起剝正改兌耗并搭運米五萬九千餘石請即撥入直省為買補倉糧之用兌交就近地方官收領庶趕早回次不誤

新漕均應照所奏辦理得旨依議速行○理藩院奏台吉等襲職前此辦理不均查明更正參奏得旨台吉等襲職一事該院辦理不均實屬大錯今查明更正參奏請罪著將該堂司各官交部分別查議所有自康熙年間初來歸附軍前奮勉所得一二三等台吉出缺時著施恩俱作為世襲罔替彙奏承襲其從前業經降等承襲者著通行查改一體准其承襲原職該院亦著查明彙奏如無軍功

止因進獻馬駝恩賞一二三等台吉出缺時該院查明各原案於奏請承襲摺內夾片請旨著永遠遵辦併通諭內外扎薩克等以示朕一視同仁矜卹有功蒙古台吉之意○丁酉

上御太和殿傳臚賜中式武舉一甲劉榮慶李錫盧廷璋三人武進士及第二甲何之璞等五人武進士出身三甲楊荃等三十七人同武進士出身諭昨據值年旗帶領應補山西太原城守尉人員引見二人皆係宗室朕已將擬正之宗室安慶補授矣晉豫二省城守尉皆屬該巡撫所轄如係宗室遇滿洲巡撫管轄尚可若為漢大臣所屬與體制不合新授城守尉尉宗室安慶頗可造就著與復州城守尉永明對調並交永瑋善為指教安慶辦事其右衛城守尉常慶亦係宗室著與岫巖城城守尉鼎圖對調令鼎圖先赴右衛更換常慶莊浪城守尉額勒恒額亦係宗室俟



盛京所屬各處城守尉缺出即行更調嗣後除東三省外直隸各省城守尉缺出不必以宗室補授著永遠為例諭軍機大臣等據何裕城奏河南省城相國寺藏有大雲輪經現令該寺戒僧設壇宣誦省城連日得雨五寸并附近各屬得雨分寸大略相同等語大雲輪經祈雨最為靈應該處相國寺雖藏有此種經卷但其節次宛恐未能合式現在該省設壇祈禱大河以南已得雨五寸而河北各屬惟考城得雨四寸其衛輝一帶仍未得有透雨已由內取出大雲輪請雨經一部發往著傳諭何裕城即令衛輝道府按照經內圖設儀軌敬謹誦誦以期感召天和俾未得透雨之處一律普霑渥澤

高宗實錄

卷一二一七

大清高宗法天隆運至誠先覺體元立極敷文奮武孝慈神聖純皇帝實錄卷之一千二百十六

高宗實錄

卷一二一七

大清高宗法天隆運至誠先覺體元立極敦文  
奮武孝慈神聖純皇帝實錄卷之一千二百十七

監修總裁官經筵講官太子太傅文淵閣大學士文淵閣領侍衛內大臣稽察欽奉 上諭事件處管理  
吏部理藩院事務正黃旗滿洲副都統世襲騎都尉軍功加七級隨帶加一級尋常加二級軍功紀錄一次 臣  
世襲騎都尉軍功十九級隨帶加二級又加二級 黃祐內大臣戶部尚書鑲藍旗滿洲副都統軍功紀錄五次

世襲騎都尉軍功十九級隨帶加二級又加二級 黃祐內大臣戶部尚書鑲藍旗滿洲副都統軍功紀錄五次

常紀錄十四次 臣總纂經筵講官太子少保工部尚書紀錄六次 臣曹振鏞等奉

敦修

乾隆四十九年甲辰十月戊戌諭京城廣寧

門外普濟堂冬間施捨貧民飯粥所有經費  
米石恐不敷用著加恩將京倉內之小米賞  
給三百石以資接濟 又諭據伊星阿奏江  
西南昌新建等六縣因上游水發濱湖田畝  
被淹雖涸退後業經補種雜糧節候稍遲收  
成未免歉薄等語本年夏間據該撫等奏洋  
鄉等三縣被淹當令其加意撫卹並將無力  
貧民酌量借給籽種無使一人失所今南昌  
等六縣傍水田畝亦緣水退稍遲收成歉薄

若照舊輸將民力難免拮据所有南昌應徵  
糧銀二千一百三十四兩零新建應徵糧銀  
三千三百七十七兩零進賢應徵糧銀一千  
一百三兩零鄱陽應徵糧銀一千二百四十  
三兩零餘干應徵糧銀二千七百三十八兩  
零建昌應徵糧銀三千一百八十七兩零俱  
著緩至五十五十一兩年分年帶徵俾農民  
生計益紓以副朕軫念閭閻有加無已至意  
該部即遵諭行 又諭據理藩院奏汗山盟

長喀爾喀貝子遜都布多爾濟等呈報雲騎  
尉巴雅爾因失火致焚勅書請仍辦給等因  
一摺據稱照例俟巴雅爾出缺後再准承襲  
一次等語巴雅爾之父巴賽因係陣亡賞給  
雲騎尉令伊子巴雅爾承襲此職再襲一次  
襲次即完但朕念內地八旗世僕從前因係  
陣亡所賞之職至該員後裔襲次已完時仍  
有賞給恩騎尉令其世襲罔替之例若蒙古  
世僕陣亡賞給之職至襲次已完時不賞襲

恩騎尉朕心實為不忍著加恩將已雅爾所襲雲騎尉俟其襲次完後即照內地八旗之例賞給恩騎尉世襲罔替仍著該院將內扎薩克喀爾喀等蒙古內如有似已雅爾世職者盡行查出俱著加恩一體辦理永遠為例以示朕軫念蒙古世僕之至意 雲南巡撫劉秉恬疏報昆明縣大關廳乾隆四十八年分開墾成熟田地十九頃七十畝有奇 已亥諭據福康安奏鄂爾多斯貝勒棟囉布色稜之游牧與內地相近毗連沿河一帶居民納糧地畝互相爭訟一案懇請另派遣員會同駐劄寧夏之理藩院章京與棟囉布色稜之蒙古官員一同查辦等語此項地畝因黃河改道致起爭端若派大臣一員會同該貝勒當面清查即可明晰著派賽音伯爾格圖攜帶福康安原摺馳驛前往帶領該處章京地方官等會同貝勒棟囉布色稜親往詳查秉公定擬具奏以服蒙古民人之心 庚子

上幸圓明園 諭原任巡撫李湖歷任封疆有年前在廣東巡撫任內辦理地方事務甚為出力今伊子李采服闋來京謝恩著加恩以內閣中書用 辛丑諭軍機大臣等據孫士毅奏查拏傳習西洋教之西安人曹學孔供稱實有修建天主堂延訪西洋人傳教之事等語前據畢沅奏西安天主堂自飭禁後舊存房屋惟劉義長賃居屋內將供有十字架之房屋兩間畧為粘補裱糊此外並無另建天主堂何以與曹學孔在廣東所供情節不符著傳諭畢沅仍行詳細查明據實具奏至曹學孔之父曹偉已於陝省拏獲解京其蔡伯多祿及謝祿茂為此案要犯現在尚未弋獲仍著孫士毅飭屬嚴密查緝毋致日久遠颺將此由四百里各傳諭知之 諭軍機大臣等據福祿奏稱伊犁之厄魯特置買土爾扈特男婦十二名口脫逃該總管碩通給與路引遣厄魯特佐領特古斯們都領兵二十

名往策凌納木扎勒游牧追捕策凌納木扎勒達佐領博多輝於托里滿山拏獲十一名口交特古斯們都帶回餘仍飭令嚴拏外請嗣後遇有似此緝逃事件均令將軍給與路引等語福祿所見尚是伊犁總管碩通既因厄魯特所買家奴脫逃遣人往捕自應由將軍給與路引今碩通私給路引遣佐領赴策凌納木扎勒游牧伊勒圖自無不知何以竟不奏聞若碩通私往他處滋生事端伊勒圖

亦將推為不知而不奏耶著傳諭伊勒圖嗣後伊犁厄魯特游牧再有追捕逃人事件伊勒圖須豫給印照存貯一面呈報將軍一面追捕又諭據保成等奏撫慰衆布魯特事宜所辦殊屬過當布魯特人等不足重輕其來附者量予施恩賞給頂戴尚屬可行至未來會集之布魯特比等何必喚來賞給頂戴伊等於游牧內遣徙一二站亦可聽其自便設向內移徙侵占喀什噶爾邊卡界內自須

驅逐如於伊等本游牧內遣徙亦必管理寧不慮自此多事耶倘布魯特等心懷疑懼更復成何事體著傳諭保成嗣後遇此不足輕重事件無須過事張皇至布魯特於本游牧內有遷移者更不必管理併傳諭伊勒圖海祿等知之又諭據雅滿泰奏稱本年朝覲之喀什噶爾噶匝納齊伯克莫羅爾咱來至庫車於伊所雇回民韓德車內搜出阿克蘇居住之名喚伊斯邁勒之回民寄與庫車回

民馬起蛟即伊提勒書札經卷將馬起蛟一併解送福康安處審辦等語雅滿泰雖應嚴拏攜帶私玉若將年班朝覲回部伯克行李一概搜查則屬非是年班朝覲回部伯克夾帶些須什物來京售賣有何不可著傳諭海祿曉示回部伯克等云昨將此次雅滿泰搜查回部伯克行李之事奏聞大皇帝蒙大皇帝降旨申斥搜查之非爾等過年班朝覲稍攜什物進京售賣亦聽以此等語曉諭庶可

以杜其疑再新疆地方貿易回民有如馬明心之興起邪教念經惑衆者自應搜查似此經卷皆回民俗習之經若一經搜獲即將回部伯克頭目盡行查辦不特使回部心生疑懼亦殊非朕柔徠回部至意嗣後惟當留心訪查馬明心親眷及伊門徒馬姓回民外再不得於回民內如此紛紛查辦今雅滿泰既將拏獲回民馬起蛟等暨經卷解送福康安即傳諭福康安俟解到訊問如無別項情弊即發往烟瘴如再有馬明心近族須留心防範毋使偷越邊隘併著福康安將此旨曉示年班朝覲伯克等知之○壬寅以故固山貝子弘瞻子永芝襲爵○癸卯諭據恒山保奏古北口協領達蒙阿呈報值班之驍騎校靈什泰盤獲遣犯劉大受即令領催扎拉豐阿都隆阿拏交署把總楊敏成會同訊問並不將該犯解送請將達蒙阿交部嚴加議處等語昨據李國梁奏遣犯劉大受係看關之滿

洲營領催扎拉豐阿及綠營兵丁公同拏獲李國梁意在取和關會旗員遂稱公同拏獲若如恒山保所奏劉大受係領催盤獲而該協領轉將該犯解送提督似非情理所有或該犯本係旗兵盤獲為綠營攘奪居功該協領不即時稟報副都統則其遲延之咎自所應得然亦不至交部嚴加議處但該犯究係何人首先查獲著傳諭恒山保李國梁秉公查明據實具奏毋得迴護 甲辰

上幸皇長孫綿德第視皇元孫載錫還宮○諭軍機大臣等據保泰等奏浙江漕船於楊村河西務一帶凍阻等語通日朕駐蹕圓明園見河道稍有冰凌尚未凝凍堅實而楊村河西務一帶在京城之南天氣自較和暖何以運河早行凍阻或係該旗丁等樂於停泊或竟係該處凍阻難行著傳諭保泰等即行馳赴該處詳悉查明可否隨鑿隨行據實覆奏總之回空漕艘趲行一程則近南一程得

尺則尺不可因河道間有薄凍即株守河干以致逗留不進若實有難於牽挽之處亦即查明具奏不可因有此旨稍存迴護也將此傳諭保泰蔣賜榮並諭阿那布知之、乙巳上御懋勤殿勾到直隸情實罪犯停決斬犯三人絞犯十六人餘六十人予勾、諭本日勾到直隸省內刑部由緩決改入情實者三起如邢三行竊臨時拒捕金八本係竊犯復刃傷看守之人高珩負欠連扎債主斃命細覈案情均屬兇橫可惡必應列入情實刑部所改皆是以本日勾到已將邢三等三犯概行予勾乃劉我辦理杖審時率行問擬緩決殊屬錯誤秋讞大典自應悉心研究務協情法之平劉我曾任州縣臬司何於此等情罪顯然重案竟定擬錯誤若此劉我著傳旨申飭○以浙江糧道王廷燮為湖北按察使、豁除直隸延慶州本年水衝沙壓地十五頃八十二畝有奇額賦、丙午諭據都爾嘉奏

稱審擬拏獲偷挖人漫盜犯王世新曾娶赫哲之女雅郎伊為妻已生一女請將王世新發往烟瘴地方枷號兩個月杖責發落將其妻雅郎伊并三歲之女賞給有勞績之兵為奴等語所辦殊輕且未周到偷挖人漫盜犯王世新擅敢違例娶赫哲之女為妻任意挖漫已經數冬甚屬可惡若發至烟瘴地方始行枷號則無以示懲著將王世新即在吉林烏拉枷號一年以示儆戒俟滿限日再發烟瘴其妻雅郎伊并三歲之女著照都爾嘉所奏賞給有勞績之兵為奴外至進官貂赫哲西貝鈎任意將伊女雅郎伊給與偷漫人犯王世新為妻不得謂為無罪著交都爾嘉將赫哲西貝鈎另行議罪具奏、丁未旌表守正捐軀江蘇碭山縣民王鳳山妻徐氏河南汲縣民郭建東妻徐氏、戊申上御乾清門聽政、諭前據恒山保奏古北口協領達蒙阿呈報值班之驍騎校靈什泰盤

獲遣犯劉大受即令領催拏交把總楊敏成會同訊問並不將該犯解送請將達蒙阿交部嚴加議處等語朕以遣犯劉大受先據李國梁奏綠營兵丁與領催公同拏獲而恒山保又奏專係領催盤獲該協領轉將人犯解送提督似非情理所參亦覺過當是以降旨令將何人首先獲犯之處據實具奏嗣據李國梁恒山保先後覆奏十七日劉大受進口時經領催扎拉豐阿兵丁孟承泰等見該犯面有利字盤住拏獲送至協領達蒙阿訊供稟報李國梁近在同域將該犯提至署內面訊無異即行奏聞恒山保因人犯先解送協領訊供該協領達蒙阿直至李國梁具奏後始行稟報是以參奏等語地方遇有脫逃人犯原應不分滿漢協力查拏此案遣犯劉大受進口時經領催與兵丁盤獲送交協領處李國梁係提督大員近在古北口自應就近提訊即行奏聞若李國梁以人犯既已解交

滿營伊竟置之不問則關口重地又安用此大員在彼駐劄至達蒙阿經李國梁向取人犯即將劉大受解往提署訊明解部以致未經解送副都統提督大員近詢賊犯協領達蒙阿若據而不予成何事體該員既已稟報副都統尚有何過其所請嚴加議處之處著加恩寬免此事總因恒山保以所奏落後恐干處分是以將協領參奏所見小矣朕於諸臣功過一秉大公至正從不稍存偏倚之見嗣後古北口地方遇有此等逃遣人犯當無分畛域協力查拏設營員盤獲即報明提督審訊具奏如係旗員盤獲即報明該管副都統審訊具奏如係旗營會同拏獲即先就近呈報提督會銜具奏亦無不可總之期於獲犯勿使漏網不可彼此耽延推諉致滋疎縱也將此通諭知之○又諭據福康安奏靜寧隆德一帶瘟疫盛行靜寧州病斃犯屬五百四十餘名口隆德縣病斃犯屬二百餘名口

等語。逆回罪惡貫盈，其婦女幼孩本應概予  
駢誅。經朕法外施仁，寬其一綫，免死發遣。茲  
復因疫病斃已伏冥誅，亦其孽由自作，罪所  
應得。但瘟疫既已盛行，則靜寧、隆德一帶良  
民亦必有沾染疾病者。該督曾否設法施藥  
療治？並如何量予拊循之處？朕心深為厪念。  
著福康安飭屬詳查，妥為辦理，以副朕軫卹  
良民至意。此旨。速由六百里馳諭福康安知  
之。又靜寧、隆德以東毗連陝西，該省是否亦

有沾染瘟疫之處？並著傳諭畢沅查明據實  
具奏，勿得諱飾。尋畢沅奏：陝西接遞犯屬病  
故者六十餘名，皆係在甘省染疾中途病斃。  
至陝西一省年豐民樂，並無傳染得旨。覽奏  
稍慰。○又諭曰：福康安奏秦州回民密尚德  
等潛謀從逆，私製刀矛運往伏羌一案，有鐵  
匠牛花等打造鏢刀、裁刀，均係皮匠所用。刮  
刀與本地尋常刮刀較長，信為口外刮皮所  
用，不知即係兵器等語。口外蒙古番衆原賴

牲畜度日，在在皆以熟皮售販。從未聞有向  
內地專買刮刀之事。而甘省向來因循不加  
稽查，以致民間藉口混行製造。刮刀逆賊遂  
從此影射私製軍器，不可不嚴行防範。著傳  
諭福康安飭屬嚴行查禁。如有先經打造者，  
不准出口，仍嚴飭地方官出示曉諭，鋪戶亦  
不得私行賣給。蒙古番回人等如敢違例打  
造售賣，即照私行打造軍器按律辦理。已  
旨。

上御懋勤殿，勾到朝審情實罪犯。停決官犯斬  
犯九人，絞犯十人，常犯斬犯十四人，絞犯十  
六人，餘十五人予勾。諭本日勾到朝審情  
實各犯黃冊內舊事至三十餘案，人數甚多。  
每年各該犯俱照例綁赴市曹，仍概不予勾。  
自應覈其情節，量為末減。各犯有已過三次  
勾到情罪較重者，著加恩改為監候。牢固監  
禁。遇赦不赦。其已過三次勾到情罪稍輕者，  
著加恩改為緩決。將來遇應行減等之時，仍



照例辦理。著大學士會同刑部秉公詳覈分別定議具奏。以副朕清理庶獄至意。諭軍機大臣等。據何裕城奏豫省各處鄉民見春收有望。多將家藏糧石運往衛輝一帶售賣。恐有奸商市儈乘機囤積。隨嚴行禁止等語。商儉希圖牟利。見糧石雲集。賤買貴賣。從中壟斷。居奇最為可惡。不特應行禁止。一經查出。即當從重治罪。俾知懲儆。但衛輝一帶本年收成歉薄。恐遠近商民聞該處查禁過嚴。

奏奉 聖旨

上

或致裹足不前。於貧民生計轉為無益。著何裕城轉飭地方官。當於衛輝境內留心嚴密稽察。如果有奸商在彼囤積。即行查拏治罪。仍出示曉諭。安分商民俾糧石源源運往售賣。以資民食。而平市價。方為妥善。將此傳諭知之。又諭前經刑部審擬內務府郎中海紹任聽筆帖式福德轉求妄斷趙子孝地畝一案。將福德問擬發遣伊犁。於九月二十七日解解。現在此案情節多未確切。已命內務

府大臣再行嚴切審訊。福德係此案要犯。著福康安畢沅於福德行至何處即截留迅速派員解京。倘已過嘉峪關亦係福康安所管轄之地。并著速飭文武員弁上緊截留解京。毋致遲延。免脫自戕。將此由六百里傳諭知之。○庚戌。陝甘總督福康安奏伊犁烏魯木齊巴里坤等處額設同知通判知州知縣並佐雜等官多由陝甘調補。該員等遠赴新疆計程四五百里至七八千里不等。口外物昂

奏奉 聖旨

上

長途費冗。丞倅已屬艱難。佐雜尤形竭蹶。請酌借養廉俾利遄行。不拘何項出身人員按品計程覈借。其同知通判知州知縣自蘭州省赴新疆三千里以外者酌借銀一百五十兩。再遠者每百里加五兩。佐雜遠赴三千里外者酌借九十兩。再遠者每百里加三兩。於司庫耗羨公用銀內借支。俟到任分作四年扣還。如因事離任即移咨旗籍查追得旨。如所請行。旌表守正捐軀福建馬家巷廳民

李敬女李氏李文魁女李氏 辛亥

上詣

奉先殿

壽皇殿行禮。是月總督倉場侍郎保泰等奏今年運河水淺漕船凍阻臣等率員弁晝夜敲鑿併力趲辦因月之十四十五兩日北風勢大下流河身灣淺處愈積愈厚凍合益堅嘉興等九幫共船四百十隻現凍阻在馬頭河西務楊村一帶勢已不能再行計自冬至

春經時既久防守宜嚴冬月乾燥尤宜防備風火茲令次第排勻停泊防護周密又船丁水手人等衆多除令運弁嚴加約束外再飭河西務叅將同知楊村通判就近稽查彈壓並檄通永通通州協頻往查察以免滋事得旨覽爾等亦應輪流來往查看山東巡撫明興奏臣赴曹州府屬太行隄一帶查前年漫水來路及各支幹河渠乾隆四十六七年豫省曲家樓黃水下注衝開太行隄直注東

境曹單城武首受其衝下游金鄉魚臺被淹

最甚其旁流漫及荷澤濮州定陶等處濟寧

在魚臺北為漫水倒漾惟鄆城汶上鉅野嘉

祥黃水未到而各縣洩水溝渠亦與上下游

接連逐一挨查各處俱無崇山峻嶺河渠並

無來源總由伏秋霖潦坡水匯注歸湖其河

身自漫水經過後多淤成平陸難盡挑復現

在曹單城武等處舊河旁各有新衝河身下

流即接入舊河擬因勢利導作為幹河其各

河下游在金鄉魚臺濟寧等境者必將舊河

挑挖量添歸湖之路達南陽昭陽下注微湖

如白花夏月北渠南渠中渠等河統由魚臺

之新開舊運二河及馬連河流歸南陽均係

幹河急應疏治至趙王河自曹縣起至壽張

沙灣口入運惟此河中段於荷澤鉅野交界

處迤南分一支出魚臺之廣運舊閘歸入南

陽此一支中段受淤宜一併挑浚各處估計

需銀五萬餘兩俟漕臣毓奇到東會酌至微

山湖水節經酌量宣放接濟八閘回空之運其大泛口等處山泉入運往往停淤宜再挑深一二尺庶山水挾帶泥沙有所容納不致動形淺阻查各工俱可遲至明春修浚以備伏秋大汎惟八閘挑工必須今冬趕辦然必俟回空過竣始能掣乾河水挑挖今年回空甚遲現今兗州鎮臣柯藩皇赴臺莊催船出境臣赴臨清一帶將北來各幫迎催即與漕臣商辦一切務期利運便民得旨所見已是一切竭力為之

大清高宗法天隆運至誠先覺體元立極敷文奮武孝慈神聖純皇帝實錄卷之一千二百十七

大清高宗法天隆運至誠先覺體元立極敷文  
奮武孝慈神聖純皇帝實錄卷之一千二百十八

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加二級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級 直隸河南大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆四十九年甲辰十一月壬子朔諭朕恭

閱

皇祖實錄康熙四十二年

南巡迴蹕河工告成特頒

恩詔今國家重熙累洽承平百四十餘年朕寅

紹丕基祇承

世德御宇五十年以來無時不以民生為念仰

荷

天眷壽逾古稀五世元孫一堂衍慶明年正月

初六日經

祖武之丕休舉耆筵之盛典又以辟雍肇建於

上丁釋奠禮成後親臨講學所以引年敷教

者既隆且備允宜嘉與中外臣民普沛恩施

用昭敷錫著於乾隆五十年元旦特頒恩詔

所有詔內條款著大學士軍機大臣詳悉開

列具奏 癸丑

上詣

雍和宮行禮 河南道御史馮瑄奏定例選出

各州縣等官如所得缺距原籍住址在五百

里內者聲明迴避扣除誠恐官吏附近家鄉

易滋弊竇故嚴為防範至各省督撫委員暫

署向例未經分晰辦理亦多參差查委署與

實授雖分久暫而臨民任事則一旦委署之

員必俟實授到任交代而實授者或因題補

奉駁往返需時或因事故輟轉稽遲其到任

交代之遲速難以懸定請飭各省督撫凡委

員署理如缺與原籍住址在五百里內者亦

令呈請迴避又凡有委署之員隨時咨部以

憑查覈得旨所奏是依議行該部知之○甲寅遣官祭

先醫之神○諭軍機大臣等前因安徽亳州蒙城等處本年豫省黃河下注田畝被淹是否明春應需酌量加恩展賑蠲緩及借給籽種特降諭旨詢問該撫茲據書麟奏稱現於十一月中旬親往亳州等處查勘體察實在情形如果應需展賑另行具奏等語所奏尚未明晰亳州蒙城各被災地方明春若尚須展賑應於新正元旦後特降恩旨用普春祺今該撫摺內僅稱親往查勘如果青黃不接之時民力拮据再行奏聞未將應否展賑之處詳晰覆奏若俟明春青黃不接始行覆奏請旨加恩則未免遲誤著書麟務於歲內速行奏到候朕屆時酌量降旨將此傳諭知之尋奏前因亳州被水地尚未涸出其災分頃畝及應賑饑口須於放賑後親往確查方能得實茲又據報覈明現親赴該處查賑並體

察情形具奏得旨覽又諭前據長清奏宜未縣採買糧石一摺因思新疆既有收穫糧石何以仍需採買據軍機大臣查奏伊犁塔爾巴哈台等處所獲糧石俱足敷供支並無採買惟烏魯木齊巴里坤吐魯番哈密四處供支尚有不敷向係動支採買糧石又或因秋收豐稔平糶貯倉豫備借給籽種等語採買最易滋弊非浮冒開銷即短價勒買從前經方等獲罪皆由乎此如果供支不敷則烏魯木齊各處隙地甚多與其聽內地民人前往開墾迨收穫糧石地方官又用重價向買殊屬非計何不派兵耕種俾每年糧石多為收穫既可備供支之用無須採買滋弊兼可使兵丁等習勞耕作豈不一舉兩得著傳諭長清永安尚安巴延三穆和蘭即公同籌畫將烏魯木齊等處除現在屯田外尚有地若干作何派兵耕種每歲再得糧石若干嗣後即可永遠停止採買之處詳晰妥議據實會

摺覆奏將此由四百里傳諭長清等並諭伊勒圖令其轉行新疆向無採買各處駐劄大臣知之又諭據孫士毅奏查拏傳習天主教之閩人蔡伯多祿粵人謝祿茂二犯現在督率地方文武嚴緝務獲等語蔡伯多祿等為此案要犯屢經傳諭各該省督撫嚴切查拏何以尚未就獲該犯等俱係內地民人無難躡緝若似此疎漏已隔兩月有餘未經弋獲足見一切廢弛又安用此地方文武為耶特

成額富勒渾孫士毅雅德俱著傳旨申飭至蔡伯多祿等日久未獲或仍於西洋人內潛匿亦未可定此時富勒渾孫士毅自己起程進京著傳諭舒常雅德飭屬嚴密訪拏並著該省督撫於交界地方派委員弁堵截查拏毋致遠颺漏網○乙卯諭前因山東疏濬運河挑挖八閘事關緊要特令毓奇專辦而簽盤漕船亦不可無大員查驗現在睢州漫工指日合龍李奉翰回至南河春夏之交亦無

緊要工程事件且近在淮安所有簽盤漕船事務著即派李奉翰辦理○諭軍機大臣等據明興奏登州府屬榮城寧海二州縣得雪五寸其省城及迤西各府未據奏報得雪已於摺內批示詢問矣連日以來未見該撫續奏昨召見原任左都御史張若淮詢以沿途情形據奏伊自徐州一帶進京經過東省各處尚未見種有秋麥等語是東省迤西各屬此時望澤甚殷著傳諭明興即將濟南省城

及東昌泰安兗州各府屬現在曾否得雪能否趕種春麥之處據實覆奏若該撫意存諱飾經朕另有訪聞則其不是甚大至直隸景州等處接壤山東亦未見劉綏奏報得雪該處農田曾否已種秋麥有無盼望降雪情形並著劉綏查明據實速奏亦不可稍存諱飾將此由四百里各傳諭知之尋明興奏東省八月後雨水稍稀現在省城迤西各府已種秋麥者半已出土未甚青蔥其未種者俟春

天土膏滋潤亦可趕種春麥得旨斷不可存諱災之意慎之劉戡奏直隸各屬陸續得雪惟河間景州一帶望澤頗殷如冬春得雪尚可趕種春麥得旨所奏屢遲以後不可○緩徵河南商邱寧陵睢州三州縣本年水淹地畝及汲縣新鄉獲嘉輝縣淇縣五縣本年旱災貧民額賦○丙辰諭據福康安奏山丹縣有押車縣役劉國臣被毆身死詢據安西營兵馬國棟等有兵丁鄧喜因索車價拉去差役劉國臣之供乃該叅將路德沛飾詞屢稟代兵校辯經節次嚴批始將兵丁鄧喜等交縣訊辦請旨將路德沛革審等語各省驛站向來原有額設車輛如遇差使緊要不敷應用並准其開銷雇辦此次安西營兵赴涼州駐守係官為護送既有車可乘兵丁等又何由向縣役索取車價此必地方官辦理不善或車輛短少有折價情弊以致兵丁得以藉詞訛索著福康安即查明據實具奏至兵丁

等遇有徵調自當安分遵行如果車輛不敷亦應稟明該管將領代為辦理何以額外多索擅自毆斃差役若似此行兇滋事不嚴行懲治其何以申軍紀而肅戎行著福康安於審明後即將毆斃縣役之兵丁一面正法一面奏聞以示懲儆其叅將路德沛既不能約束兵丁致有毆斃差役之事又不即時查出行兇之犯送交地方官審訊似此狡詐迴護之劣員其罪已不止於革職路德沛如果審無別項情弊亦當發往伊犁充當苦差以為營員飾詞捏稟者戒○諭軍機大臣等據孫士毅奏搜捕沙灣茭塘積匪一摺內稱親詣該地方履勘曉諭各村寨居民令其將該處積匪首報嗣據地方文武稟報先後首告訪拏匪犯六十三名分別辦理并聲明此次查拏匪犯之文武各員因從前鍾植當猪船被劫案內失察奸民出口例有處分現在功過足以相抵請旨從寬末減等語粵省沙灣茭

塘盜匪經四十五年查辦之後該處何以尚有餘匪出沒可見積習未除其鍾植當猪船被刦一案所有失察之文武員弁自應照例開叅俟將來部覆時再行酌量降旨此時若遽予寬減殊不足以示勸懲至摺內稱沙灣茭塘新設專營原定額兵六百五十名遇有事故出缺即於就近地方召募壯丁充補此事實為不妥沙灣茭塘地面既多奸匪保無以食糧補伍為由暗中包庇親族是欲防奸而適足以養奸殊非弭盜安良之道又閱所奏嗣後該營各兵出缺後應查明何標所撥之兵仍由本標撥補不准在沙灣茭塘就近召募等語所慮甚是即應如此辦理但該處兵丁既由督撫提標內挑撥充伍自不慮其有包庇情弊而該處文武員弁專以彈壓地方為事若非勇往勤幹之員不足以資巡緝而靖地方現在孫士毅自己起程進京著傳諭舒常即查明該處各員是否足資彈壓其

大小營弁從前設立時係由何處調補現在是否勝任之處詳悉覆奏將此由五百里發往并諭孫士毅知之又諭據農起奏鳳臺縣民人梁旺業委係因瘋外出滋事飭發原籍鎖錮監禁如果數年後病不舉發再行診驗詳釋等語該犯梁旺業於三十七年既染患痰迷病症至本年三月因病稍愈意欲出外營幹以致滋生事端此番鎖禁數年後若仍行釋放該犯病症時愈時發或竟至因瘋殺人更不成事著傳諭農起飭屬將該犯永遠鎖錮監禁毋許出外滋事又諭據佛喜保奏臨清板開南岸向有雞嘴壩一道以挑衝河溜勢比年開外停淤汶水不能衝刷經蘭第錫奏請築鉗口壩一道水小時雖屬有益而南面壩牆正迎衛河大溜若遇盛漲必至衝卸請將開外雞嘴壩仍復舊制挑去西岸淤灘於南水關以下築做挑水壩以資挑溜等語衛河與汶河交會全賴蓄高清水力



足相敵方可衝刷停淤。今大溜西趨開外業已淤成灘形。若盛漲時漫灘而過。清水力弱。必致有倒灌之虞。蘭第錫所築鉗口壩一道。北面迎衝河大溜。遇伏秋汛至。勢難保固。而壩工椿木衝入清口。淤沙更易停積。佛喜保所奏情形。似為近理。著傳諭蘭第錫。俟豫工合龍後。親往該處。會同明興、佛喜保確勘情形。應作何辦理之處。妥議據實具奏。毋因原辦稍存迴護。佛喜保摺著鈔寄閱看。將此各

諭知之。○丁巳。諭軍機大臣等。昨據佛喜保奏。臨清板閘情形。已有旨傳諭蘭第錫。俟豫工合龍後。親赴該處。會同明興、佛喜保確勘辦理矣。因思薩載熟諳河務。本年封篆以前。伊應來京豫備入千叟宴。此時自尚未起程。即或已經起程。亦必距臨清尚遠。著傳諭該督於來京之便。順道前赴臨清。會同明興、佛喜保先行履勘。將蘭第錫所築鉗口壩。是否即有倒灌衝刷之虞。究應作何辦理。可以有

益之處。詳細妥議據實具奏。指日豫工合龍。維時蘭第錫亦可馳抵臨清。公同勘辦也。所有佛喜保奏摺並圖及朕昨降諭旨。俱著鈔寄閱看。將此由四百里傳諭薩載並諭蘭第錫等知之。○戊午。諭曰。福崧奏湖南按察使德克進布前於金衢嚴道任內。承辦海塘椿木。領過司庫銀七萬六千兩。該道發商收領。每萬兩只發銀八千七百五十兩。共侵扣銀九千五百兩。又准令商人將椿木截去水

眼老頭。現在查出木商領狀止領銀六萬五千兩。德克進布勒取同知方體泰全數印領。移司備案。請旨將德克進布方體泰革職。拏問等語。浙省辦理海塘要工。需用椿木。向有估定例價。德克進布承辦此事。業由司庫領取銀七萬六千兩。乃敢短發價值。侵扣銀九千五百兩。且准令商人將木植截去水眼老頭。種種侵貪舞弊。實出情理之外。德克進布著革職。拏問解往浙江。交與富勒渾、福崧會

同秉公嚴審具奏。至同知方體泰於德克進布勒取全數印領時。何以並不稟明督撫。顯有扶同侵混情弊。方體泰亦著革職拏問。一併交富勒渾等審辦。又諭刑部題駁奉天府尹定擬高九收弟媳楊氏應行絞決一本。昨已依議行矣。因思高九亂倫之事。由伊父高志禮主婚為首。男女為從。至死者得減一等。高九楊氏俱得照男女為從減等。是以駁令

該府尹改擬。但似此亂倫重犯減等。即當擬流。覈其情罪尚不足以昭平允。在刑部堂官固係按律定擬。而律意亦殊有未盡之處。此案固由高志禮主婚。但伊子高九何以竟甘心聽從。即使平日無姦。其亂倫之罪已不小。況父母無有不愛其子。卑幼犯法。尊長出而承認主婚。其亂倫之男女。遂得均從末減擬。流將何以正倫紀而弼教化也。嗣後有似此事。由父母主婚者。雖係罪坐主婚。而男女應

行減等者。自應仍擬絞候秋讞。時再行覈其情節輕重。辦理著刑部堂官詳晰定議。增入條例。以副朕明刑弼教之至意。尋議嗣後兄亡收嫂弟亡收弟婦。罪犯應死之案。除男女私相配合及先姦後婚者。仍照例各擬絞決外。其由父母主婚。男女為從者。將為從之男女各擬為應絞監候。秋審時覈其情罪。另行定擬。請著為例。從之。○諭軍機大臣等。刑部議駁奉天高志禮聽從杜士德教誘主婚。將

次媳與長子高九婚配。將高九等問擬絞決一本。前雖照議批發。復細思案內情節。高九與楊氏婚配事。雖由高志禮主婚。但該犯未婚以前。若果與楊氏並無通姦情事。何以高九不顧倫常。遽行聽從伊父之命。自罹重罪。著傳諭鄂寶等。再將高九從前有無通姦之處。嚴切訊問。此事關係罪名出入。鄂寶等必須悉心根究。務得確情。以成信讞。將此并諭榮柱奇臣知之。又諭據農起奏渾源州地

方查獲李培元李榮先李培旺李富先高林五犯稱係相沿傳習私奉天主教之人現在解省根究應否一併解京質訊等語內地民人私習天主教自應嚴密訪拏照例查辦但此等人犯俱係世相傳習尚非蔡伯多祿等勾引入教者可比若訊明與焦振綱等延請夷人傳教一案並無同夥情事即可毋庸解京著傳諭農起提集李培元等研訊明確照例定擬仍著暫行監禁俟焦振綱等各犯解

到時如有應行解京質訊之處再行諭知該撫遵照辦理是日起

上以冬至祀

天於

圜丘齋戒三日已未調安徽按察使福寧為

湖南按察使以湖北糧道郭世勲為安徽按

察使庚申

上詣

南郊齋宮齋宿諭朕長輩內祇有二十三叔

一人明年入千叟宴著給與郡王品級又諭曰弘晷現已自知罪愆在家安靜居住著加恩免其圈禁仍令在散秩大臣上行走并著入千叟宴又諭據福康安畢沅奏革職隴州知州高淳於拏獲竊匪陳四娃並不虛衷研鞠妄事刑求致陳四娃受傷病斃請將高淳發往新疆効力贖罪等語陳四娃於五月二十四日就獲正值甘省逆回滋事之時高淳因該犯曾經行竊恐係賊人奸細原當

留心向其根究緣該犯所供不實加以棒責亦與尋常濫刑斃命者不同高淳著從寬免其發往新疆仍送部引見再降諭旨○辛酉冬至祀

天於

圜丘

上親詣行禮遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵 遣官祭

孝賢皇后陵

端慧皇太子園寢○壬戌諭明歲舉行千叟

宴盛典特命朝鮮國王酌派年在六十以上陪臣二三人充正副使來京與宴茲據禮部奏准朝鮮國王咨稱遵旨將陪臣年六十以上者專差進賀正副使即日登程進京入宴等語該國王恪守藩封最稱恭順接奉前旨即行遴選耆年派充貢使觀光與宴其忱悃甚屬可嘉著加恩特賜該國王宋澄泥仿唐石渠硯一方梅花玉版箋二十張仿澄心堂紙二十張花箋二十張花絹二十張徽墨二

十錠湖筆二十枝即交該國貢使祇領並著

禮部行文該國王毋庸具表謝恩以示朕加

恩無已體卹遠邦至意○諭軍機大臣等據

孫士毅奏西洋人書信往來既有行商經手

即可隨時寄交無庸另設專管西洋人久住

省城以致滋生事端等語西洋人在粵貿易

及進京行藝向所不禁其在省城居住由來

已久但當嚴密稽察勿使內地民人與之往

來勾結若因此次查辦即不准西洋人居住

省城豈非轉示以疑怯殊失撫馭外夷之道

況澳門距省不遠西洋人在省與在澳門有

何分別現據畢沅奏查有呢嗎方濟各在渭

南潛住並據供有西洋人十名往直隸山西

各省傳教此等西洋人皆由廣東私赴各省

可見該省地方官平日毫無稽察乃該撫徒

欲禁止西洋人在省居住豈知其是否滋事

全不在此也又據奏喚咭喇國噲嚨船因送

洋船出口在艙眼放礮轟傷內地民船水手

吳亞科王運發身死。隨派員將該國大班吐噉鎖拏進城。據供出噉手。噉些嘩係無心斃命。可否發還該國。自行懲治等語。所辦甚屬錯謬。尋常鬪毆斃命案犯。尚應擬抵。此案噉些嘩放噉致斃二命。況現在正當查辦。西洋人傳教之時。尤當法在必懲。示以嚴肅。且該國大班吐噉未必果係委員鎖拏進城。噉些嘩亦不必果係應抵正兇。既據吐噉供出。即應傳集該國人衆。將該犯勒斃正法。俾共知

懲儆。何得仍請發還該國。試思發還後。該國辦與不辦。孫士毅何由而知乎。孫士毅於本年封篆以前。應來京豫備入千叟宴。此時諒已起程。今粵省現有此案。正關緊要。舒常病軀孱弱。恐精神照料不周。或致辦理未協。別生事端。更屬不成事體。著傳諭孫士毅。不拘行至何處。接奉此旨。即馳驛兼程回粵。此事該撫辦理錯誤。不准來京入宴。正所以示罰。仍著傳旨申飭。至穆騰額奏。毋庸添設洋人

在省常住一摺。與孫士毅所奏相同。穆騰額係粵海關監督。稅課是其專司。所有此案查辦一切原委。責成督撫。朕斷不問及。穆騰額該監督惟當以徵收稅課約束胥役為事。此案伊竟無庸管理。而舒常久係病軀。現在查辦西洋人彈壓搜緝。專交孫士毅一人妥辦。以蓋前愆。若致稍有疎虞未當。朕必加倍將伊治罪。恐孫士毅不能當其咎也。將此由六百里各傳諭知之。○又諭據畢沅奏。渭南縣

屬油河川等處。徐宗福韓奉材家。搜獲西洋人呢嗎方濟各。即范主教。及馬諾二名。并起獲洋字經本。畫像書信等件。當加研訊。其呢嗎方濟各。係大西洋噫打哩啞國人在陝二十三年。從前有內地人蘇神甫。勾引由洋至廣。復由廣至山西。陝西傳教。其馬諾一名。係澳門人。自幼往西洋學習經典。仍回廣東。有陝西渭南縣人張多明。我接到西安居住。後來又在渭南縣杜興智家內居住。并訊據供

出該省漢中府山西洪洞縣潞安府大同府及山東湖廣直隸等省俱有學習天主教及西洋人在彼傳教本年羅瑪當家寄信內言及現派十人分往山陝湖廣山東直隸等省現在分別解京並分咨各省緝拏等語西洋人天主教於雍正年間即奉嚴禁不許內地人傳習乃呢嗎方濟各等初則為內地人勾引至廣繼則紛紛潛至各省居住傳教時閱二十餘年地則連及數省各地方官何竟毫無知覺且西洋人面貌語言與內地迥別即該犯等形蹤詭秘止與同教人往來而地方有此形跡可疑之人自當即時訪察嚴拏不使鄉愚互相煽惑現在陝省已將呢嗎方濟各馬諾及延請該犯等在家居住之徐宗福等拏獲著畢沅訊供明確後即遵委委員將該犯迅速解京歸案審辦其訊出未獲之劉西滿等各犯著一併嚴拏辦理至山西山東湖廣直隸各省據供俱有西洋及內地人輾

轉傳教最為人心風俗之害著劉我農起明興特成額陸燿一體嚴密查拏將緊要之犯迅速解京毋使該犯等得以聞風遠颺致稽弋獲如各省經此次查辦之後復有勾引西洋人及私自傳習耶教之案則是該督撫查辦不力漫不經心將來別經發覺惟該督撫是問將此傳諭畢沅及劉我等知之畢沅摺並著鈔寄閱看又諭據國棟奏稱保成等由喀什噶爾拏獲靖遠縣貿易回民馬廷祥馬文祿馬儒能馬蒼等四犯解送前來查甘肅緝捕文內並無伊等之名應暫監禁俟行查該督果係無辜或留該處貿易或聽其回籍等語國棟所見尚是若果係靖遠縣逆回緣坐之犯自應治罪今甘肅緝捕文內既無該犯之名保成即將喀什噶爾貿易靖遠回民一律查拏紛紛內解所辦過當豈有將各處貿易之靖遠縣良善回民通行拏審之理保成達福著傳旨申飭國棟既將回民馬廷

祥等暫行監禁行文向福康安咨查著傳諭福康安俟國棟咨文到日查明如馬廷祥等果係無辜良善回民即迅速咨覆國棟國棟接文即詢該犯等或欲在該處貿易或欲回原籍聽其自便即時釋放再行奏聞○癸亥諭據福康安奏哈密所屬塔勒納沁一屯氣候較寒土瘠泉少本年收成覈計每名在十三石以上功過足以相抵若照海祿奏定加增三四分以上另議賞罰則該屯收成分數

勢難及額轉無以嚴考覈而程實效仍請照從前賞罰舊例辦理等語塔勒納沁一屯既係限於地利非人力所能爭如徒增分數勢必逐年虧短仍屬有名無實且兵丁等耕作三時不免頻年受罰亦不足以勵其力穡之心所有該屯收成分數議罰之處著照福康安所請悉依舊例辦理○旌表守正捐軀山東寧陽縣民王玉林妻殷氏○浙江巡撫福崧疏報仁和縣鳴鶴場開墾沙塗地三百三

十六畝有奇甲子

聖祖仁皇帝忌辰遣官祭

景陵

上詣

奉先殿

壽皇殿行禮○諭軍機大臣曰伊勒圖奏伊犁遣犯麻三兒吳棟於本年九月內先後乘間脫逃業經行文緝拏等語麻三兒係內地積匪吳棟係捕役得贓捏稟從重問擬均係情

罪重大改發伊犁之犯膽敢乘間脫逃殊為可惡該犯等籍隸順天福建其脫逃後或潛回原籍亦未可定著傳諭直隸福建及沿途各督撫速派妥幹員役於關津隘口實力嚴密查拏務獲照例辦理毋任遠颺漏網○又諭向來每歲冬季於人淺銀內撥四萬兩分賞侍衛及軍機章京提督衙門內務府等員作為飯食銀兩若因去歲挖淺山場封閉今冬即停止分賞恐伊等不無拮据著加恩於

廣儲司庫銀內賞撥銀四萬兩照例分給

乙丑

上幸瀛臺諭向來秋朝審人犯內有業經緩決三次以上人數積多每屆數年勅令刑部堂官量為查奏減等以示法外之仁今自乾隆四十七年十一月查辦之後至今秋獄擬入緩決者又積有六千三百四十八起人犯六千三百七十二名其數已為不少著刑部堂官將本年秋朝審緩決至三次各犯照前

次查辦之例逐一查明各按所犯情節分別減等發落以昭矜卹○諭軍機大臣等前令各省督撫抽改通鑑綱目續編務將外間翻刻之本一律挖改復因江浙為人文之薈流傳翻刻之本必多曾降旨令該督撫飭屬留心訪查更改現在又係應行彙奏之時據江西湖廣等省奏到查獲通鑑綱目續編照本抽改而江浙二省尚未據該督撫奏到著再傳諭閩鄂元書麟福崧即將本年搜獲幾部

挖改若干部之處詳晰覆奏以兵部尚書

慶桂吏部右侍郎彭元瑞充經筵講官吏部

右侍郎宗室玉鼎桂禮部右侍郎陸費墀署

經筵講官丙寅諭曰順天府府尹所管地

方與刑部交涉事件較多即如昌平州趙子

明爭地自戕一案刑部並未悉心研鞫以致

供情不能詳盡昨又有通州民人侯銳控告

項允之案已交軍機大臣會同刑部審辦胡

季堂現係刑部尚書兼管府尹年久恐司員

等於順天所屬地方案件不免心存迴護胡

季堂不必兼管府尹所有順天府府尹事務

著曹文植兼管諭軍機大臣等據劉戡奏

接奉諭旨查辦西洋人勾引傳教現訪有民

人王天德劉三等均係祖父在日曾經供奉

天主教現在徹底嚴究如與陝省查出漢色

勒木等有傳教接引情弊即將一千人等解

部歸案審辦等語西洋人潛赴內地傳教惑

眾最為人心風俗之害自不可不按名查拏



前所以降旨令該督撫等實力辦理者。原以陝省搜獲西洋人呢嗎方濟各馬諾三人。訊明羅瑪當家本年新派西洋神甫十人。分往直隸山東山西湖廣傳教。是以令該督撫等一體嚴密查拏。蓋專指西洋人至內地傳教者而言。劉莪接奉諭旨。止應飭屬留心訪緝。將分往直省之西洋人漢色勒木阿頭大多等嚴緝務獲。解京收審。其餘如內地民人因祖父傳習供奉業經自知悔改與現在西洋

實錄卷十二

三

人並無關係者。即當將呈出經卷等項銷燬。毋庸深究。仍不動聲色。為之以漸。以期盡絕根株。劉莪此奏未免不審事體之輕重。著傳諭該督所有現獲之王天德劉三等。如訊無與漢色勒木等勾結接引情弊。即可照例辦理。毋庸解京。以省繁擾。將此傳諭劉莪。並諭令特成額陸耀農起明興一體遵照妥辦。○又諭曰。阿揚阿奏稱。衮之伯克沙莽蘇爾沙赫爾格斯兄弟。與西克喃伯克沙旺第等互

相攘奪控告等語。看來沙旺第人衆力強。是以沙莽蘇爾沙赫爾格斯兄弟攜眷請於色呼庫勒地方游牧。阿揚阿遣密喇布伯克頗拉特等前往確查。緣沙旺第沙赫爾格斯素相交好。結為姻親。嗣因沙莽蘇爾沙赫爾格斯將沙旺第之親戚額里布伯克殺害。占據沙克達喇游牧。沙旺第始發兵侵掠。索其妹女。各自挾嫌。互相誣控。夷人等行同鳥獸。絲毫不必管理。沙赫爾格斯親來告請發兵辦理。已經阿揚阿正詞駁飭。姑允伊弟兄所請。准其在色呼庫勒過冬。俟明春雪融。仍回舊地。又沙旺第之弟沙哈薩亦來投控。准其同住過冬。著如所奏。俟明春雪融。即行逐回。外如沙旺第沙莽蘇爾沙赫爾格斯復來控告。阿揚阿即以已意曉示云。爾等均受大皇帝深恩。安居已久。若如此挾嫌互相刦掠。倘將來遇布魯特將爾等蹂躪。我亦斷不救援。爾等寧不慮及乎。布魯特人強。專好刦掠。今惟

實錄卷十二

三

感激大皇帝深恩。畏懼王法。是以不敢刦奪。爾等若不靜處。任意滋事。布魯特必來乘間刦掠。孰得孰失。爾等惟宜自審。嗣後與各部。均宜和輯安居。著將此傳諭阿揚阿。特通額。色提巴爾第妥協辦理。

實錄卷千二百六

二十九

大清高宗法天隆運至誠先覺體元立極敷文奮武孝慈神聖純皇帝實錄卷之一千二百十八

大清高宗法天隆運至誠先覺體元立極敷文奮武孝慈神聖純皇帝實錄卷之一千二百十九

秋修

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次日慶桂  
總裁官經筵講官太子太傅大學士文淵閣領閣事稽察欽奉 上諭事件處管理刑部戶部三庫事務世襲騎都尉軍功加十九級隨帶加二級又加二級 董誥內大臣戶部尚書鑲黃旗滿洲都統軍功紀錄五次尋常紀錄十四次臣德瑛經筵講官太子少保工部尚書紀錄六次臣曹振鏞等奉

乾隆四十九年甲辰十一月丁卯諭軍機大

臣曰薩載

閱鴉元於本年封篆以前應來京

豫備入千叟宴前已有旨令李奉翰兼署督

篆李慶茶護理撫篆矣但思李奉翰現有交

辦簽盤漕船事務若兼署督篆即不能分身

赴淮稽查漕務而江省亦不可無督撫大員

在彼管理地方事件閱鴉元不必來京即著

兼署兩江督篆或仍在蘇州駐劄或前赴江

寧省城聽其自行酌量如該撫業經起程不

拘何處接奉此旨即遵照速回本任將此由

六百里傳諭閩鄂元。並諭薩載李奉翰知之。  
○旌表守正捐軀湖北東湖縣民李谷明妻王氏。○戊辰。

上幸瀛臺。○諭曰。內閣侍讀學士曹學閔。前於御史任內。條奏建立辟雍。經部臣議駁。國學為人文薈萃之地。規制宜隆。業經朕特降諭旨。增建辟雍。現已落成。明春舉行臨雍典禮。曹學閔從前能參攷古制。獨抒所見。其建白亦不可沒。曹學閔著遇有應陞缺出。即行請

旨陞用。以示嘉獎。○諭軍機大臣等。據農起奏。拏獲西洋人安多呢。訊據供稱。係四十六年由京赴晉。在范天保家居住傳教。並不出外。地方兵役。無從查察。近因范天保被拏。恐其到案供出。料難脫逃。自攜包裹。欲赴衙門出首。即被拏獲等語。前已有旨。傳諭該撫等。如西洋人潛赴內地傳教者。必當嚴緝務獲。解京收審。其內地民人。因祖父傳習供奉。業經自知悔改者。俱可照例料理。安多呢本係

西洋人在晉傳教多年。此時因查辦緊急。又自知言語狀貌。易於辨識。難以漏網。其意本欲潛逃。及被拏獲。遂爾坦稱自首。希圖未減其罪。自應解京歸案審辦。總之此案蔓延數省。可見西洋人私在內地潛住傳教。已非一日。不可不實力查辦。著再傳諭農起。凡有實係西洋人似安多呢者。即嚴拏解京。其餘內地民人止係相沿傳習者。仍遵前旨。照例辦理。不必輾轉解送。致滋紛擾。○庚午。

上御乾清門聽政。○諭軍機大臣等。前因畢沅奏。拏獲西洋人呢嗎方濟各等。供出羅瑪當家。派神甫十人。分往山西直隸等省傳教。當經傳諭各督撫。上緊緝拏。而神甫名色。尤當飭禁。昨據農起奏。現獲西洋人安多呢一名。訊供解京。本日又據畢沅奏到。拏獲西洋人王亞各比一犯。乃劉戡覆奏。飭屬查拏。西洋人漢色勒木。阿頭大多。現在尚未就獲。西洋人面目最易辨識。何以山西陝西二省。一經

查緝。即將西洋人安多呢等拏獲。而直隸省之漢色勒木。阿頭大多。尚未訪有蹤跡。自係地方官查辦不力所致。著再傳諭劉我。即嚴飭員弁。將漢色勒木。阿頭大多。及接引傳教之劉必約等。一併訪獲解京。毋令該犯等聞信遠颺。致稽弋獲。○又諭。據特成額奏。通城縣有黎姓叔姪。因爭穀互毆成傷。該令鄭師往驗。哭有十餘人上前。將該縣差役攢毆。并該令亦被毆打。恐其中有別項起衅情弊。特成額現親赴通城查辦等語。黎姓叔姪。爭穀毆傷。鄭師前往該處查驗。正為伊等辨斷曲直。何致轉被毆傷。是其中必另有起衅激毆情節。特成額一聞稟報。即親往查審。所辦甚是。著傳諭該督。即就近拘集人犯。秉公嚴鞫。如該縣並無辦理不善之處。民人等竟敢聚眾毆官。必當從重定擬。以儆刁風。如該令竟有釀成事端情節。亦當據實查辦。不可稍存迴護。○辛未。

上幸瀛臺。○諭軍機大臣等。西洋人蔓延數省。皆由廣東地方官未能稽察防範所致。而各該省又復漫無覺察。以致潛匿各該地方。著再傳諭劉我。等。嚴行飭屬迅速查拏。毋得視為海捕具文。致稽弋獲。西洋人傳教惑眾。最為風俗人心之害。除已獲解京之西洋人吧咤哩映等。定案時。另降諭旨。傳諭該處夷人外。現在各省神甫名目。尤當嚴禁。內地民人有稱神甫者。即與受其官職無異。本應重治其罪。姑念愚民被惑。且利其財物。伙助審明。後應擬發往伊犁。給厄魯特為奴。該犯等曾受其番銀者。其原籍家產。並應查抄入官。所有接引傳教之人。亦應發往伊犁。給厄魯特為奴。以示懲儆。至內地民人。因祖父相傳。持戒供奉。自當勒令悔改。即將呈出經卷等項銷燬。照例辦理。毋庸深究。總之此案皆由西洋人赴廣貿易。與內地民人勾結。以致潛往各省。該省自不能辭疎縱之咎。向來西洋人

情願進京効力者。尚須該省督撫奏明。允准後遣員伴送來京。原不許其外出滋事。何以此次羅瑪當家。竟公然分派多人。赴各省傳教。澳門距省甚近。地方官平日竟如聾瞶。毫無覺察。定案時自有應得處分。倘嗣後仍有西洋人潛出滋事者。一經發覺。惟該督撫是問。即當重治其罪。不能復邀寬典也。將此由四百里各諭令知之。○又諭據薩載奏黃河水頭入境日期。并加長情形一摺。內稱聞豫工已於初八日合龍。穩固等語。薩載此奏。係據淮徐道劉錫嘏等稟報。徐州距豫工不遠。其偵探合龍日期。自非無因。黃水於十三日已過徐州。引河流行暢達。壩工自應剋期堵合。何以十三日阿桂等拜發之摺。又稱合龍之期。當在二十以內。是否此數日內。壩工小有變動。阿桂等未經奏聞。薩載摺著鈔寄阿桂等閱看。仍著速行據實覆奏。以慰廑念。至阿桂等十三發摺後。距今又閱數日。邇來天

氣晴和。合龍自己穩固。佇盼喜音速至。將此由六百里傳諭知之。並令即速回奏。○又諭前因佛喜保奏。請將臨清雞嘴壩。仍復舊制。已降旨令蘭第錫。於豫工合龍後。前往會勘。並諭薩載。於來京之便。至臨清公同勘辦。現在豫工業已堵築完竣。據阿桂奏。漫工合龍後。上下游形勢變遷。必須河臣親為籌辦。且壩工隄工。尚須培土加高。各工此時最關緊要。蘭第錫係本任之事。自當在工次巡查督率辦理。竟不必急於前赴臨清。至雞嘴壩工一事。應否改復舊制。薩載係熟諳河務之人。即可不必俟蘭第錫到工。竟會同該撫等查勘具奏。交明興等遵照辦理。至運河小挑熬壩工程。即著毓奇。佛喜保等。查催督辦。蘭第錫亦可不必分身前往。統俟善後各事宜籌辦妥實。再行回東。於豫省新工。較為有益。將此各諭令知之。尋兩江總督薩載。山東巡撫明興奏。查臨清閘河。為汶河尾閘。設有板閘。

磚閘二座。閘外即屬衛河。衛渾而強。汶清而弱。衛水漲盛。或漫口門而過。或向閘內倒灌。將板閘貼席封閉。蓄高汶水。俟衛河水落。啟板放汶。刷沙。嗣於板閘南岸。順崖築雞嘴壩。挑溜北趨。使汶水暢出抵衛。歷年鑲修挑護。衛河即向西北坐灣。不復灌口門。而閘外兩岸長淤。已將雞嘴壩淤入灘內。上年河臣蘭第錫因外灘漸廣。挑溜不能得力。於汶衛交會處。兩崖接做鉗口草壩。留口門三文。束汶

攻衛。本年伏汛。汶水疊長。因鉗口壩束溜過急。壩頭太長。故被汶水衝蝕。壩頭露出樁木。致礙漕船運行。是以巡漕臣佛喜保。請復雞嘴舊壩。並挑去西岸淤灘。又於南水關下。築挑水壩。以資挑溜。臣等詳勘。雞嘴壩本未廢棄。鉗口壩亦屬有並。惟口門過窄。應展寬六丈。壩頭太長。應收短二丈。壩下舊存樁木。盡行拔除。口門內北首淤腮。酌量挑切。口門外衛南淤灘。留護鉗口。又鉗口當汶衛交會之

衛水漲難免坐壑。應於修竣後。貯料隨時鑲修。庶衛漲。則挑護鉗口攔禦。汶漲。亦可暢出口門。汶弱衛強。仍將板閘貼席。蓄汶衝衛。若如佛喜保議。挑去外灘。則雞嘴孤懸無護。添築挑水。則衛可藉勢灌汶。似不可行。奏請訓示。得旨。如所議行。○壬申。諭。據阿桂等奏。河工自本月初五日。啟放引河。掣溜通暢。至十七日。金門東壩。向西游壑。直抵西壩底掃。隨即乘勢趕辦。分投搶鑲。層層追壓。金門旋即

斷流。並加鑲邊掃。趕澆土戩搶護。於十七日一律穩固。全河大溜。盡歸引河等語。此次睢州漫口。開挑引河一萬二千餘丈。堵築口門三百餘丈。自八月興工。至今兩月有餘。方引河開放之後。壩工正在垂成。忽東壩向西游壑。直抵西壩底掃。隨乘勢追壓搶鑲。金門即已斷流。所謂天然合龍實

天神默佑。而阿桂等在工督飭員弁。相機堵合。藏工尚屬迅速。阿桂李奉翰著交部議敘。蘭

第錫何裕城。於該處漫口。應有疎防處分。現在趕辦堵合事宜。尚均為出力。蘭第錫何裕城亦著交部議敘。其在工出力。及該管專汛之大小文武員弁。並著蘭第錫等查明分別具奏。量予議敘議處。俾功過各不相掩。○又諭前歲隆宗門內班房失火案內。發往新疆之原任侍衛德清同福。色楞齊訥保業經二載。著加恩寬免。令其來京。俟伊等到後。再降諭旨。○諭軍機大臣等。據阿桂等奏。睢州漫

工。十四日天然合龍。皆賴河神佑助所致。於二十日。前赴蘭陽勅建河神廟。竭誠致祭等語。此次漫工。係在黃河南岸。今阿桂等所祭之蘭陽河神廟。乃在北岸。雖河神靈爽式憑。無所不在。而相距過遠。未免百姓無從瞻仰。此時阿桂雖已起程。伊在工日久。熟悉該處情形。著傳諭阿桂。即將蘭陽河神廟是否建在正河隄岸。抑係在新挑引河左近。該處廟工。距現在合龍處所。遠近若干。或南北相距

不遠。民間便於籲祭。即毋庸另行建蓋。抑或應於南岸另建河神廟。或該處附近。舊有廟宇。重加修葺。以答神貺之處。阿桂酌量情形。一面知照蘭第錫等。遵照辦理。一面據實具奏。至此次夫料各價。前據何裕城奏。例價不敷。請照前青龍岡之例。增價辦理。俟合龍後。於通省攤徵。業經允行。但念夫料加價。為數自必不少。雖分年攤徵。民力究恐拮据。從前青龍岡加價。經李世傑具奏。朕即降旨寬免。

此次加價銀兩。自應一體免徵。著傳諭蘭第錫何裕城。即查明實用加價銀兩若干。據實奏聞。候朕另降恩旨。至河工用項。向例銷六賠四。所有疎防之該管大小文武官員。若概予寬免。將來在工人眾。轉致心生疎懈。不足以示懲創。其應得處分賠項。仍著照舊分別著賠。議處。俾知儆畏。又據奏。於高家寨北岸挑挖引河一摺。該處溜勢緊逼南隄。自應往北挑挖。引溜北注。俾南隄不至著重。方為有

益。但此項工程。來春始行興辦。所用夫價。應照例開銷。不得因有現在寬免之旨。一律請增也。將此由五百里各傳諭知之。尋阿桂奏查蘭陽十二堡以下。舊河兩岸。俱有舊建廟宇。近年河流不由彼處。廟貌傾頽。請將舊廟改建於蘭儀。睢寧。新隄適中之地。令河臣撫臣董成。俾官民報賽額祭。得旨嘉獎。

御製蘭陽睢寧新隄南岸

河神廟碑記曰。中州

河神廟之建於北岸者二。曰武陟。曰蘭陽。建於南岸者一。曰中牟。皆以禦災捍患。有功德於民而崇祀者也。茲蘭陽睢寧之間。新隄南岸。復建河神廟者何。乾隆四十九年。秋八月。河決睢州下汛二堡。命大學士阿桂馳往。會同兩江總督薩載。南北總河李奉翰。蘭第錫。河南巡撫何裕城。五臣會勘。詳議築塞。并選帶南河熟練河工員弁赴豫。俾資調遣。嗣據奏請改築南隄。并開挑引河。自蘭陽至商邱。

長一百四十餘里。朕按圖審勢。復命向北展寬引河。因即取土築隄。為一舉兩得之計。阿桂等遵旨督辦。冬十一月。引河成。初五日。啟放。掣溜通暢。至十四日夜。東壩陡向西壑。直抵西壩底掃。遂乘勢鏤壓。至十七日。金門旋即斷流。天然合龍。全河大溜。盡歸引河。是役也。

天庥

神佑。與庚子年儀封之天然合龍正同。在事

文武員弁。以及遠近士民。觀者無不踴躍歡忭。額手稱慶。以為非

河神嘉佑。不及此也。夫

神之靈。盈天地間。臨之在上。質之在旁。昭布森列。無所往而不在。而人之依於

神。將以邀福致敬。冀遂其瞻仰祈籲之私者。則非特建

崇祠。無以昭

靈。貺達羣誠。爰命阿桂等。度地於蘭陽睢寧。



新隄南岸適中之處鳩工飭材鼎新

廟貌就南岸者所以別於北岸也蘭陽睢寧之間者所以別於武陟中牟也當睢州下汎之初決方以漂毀田廬為亟且以稽工曠日為虞蓋自始事以迄成功予之晝夜齋心默禱無可言喻凡賑助撫卹和雇加價不靳千百萬帑金以拯濟我災黎而在事諸臣之竭誠襄事與我民之奔走役作予來恐後實亦不遺餘力是以昨冬合龍誌事詩云天然忽報合龍信

神佑應憐衆力殫蓋不敢謂予之盡心於民而實

神之篤眷於予也且豫省頻歲不登自昨冬昨工合龍後今歲夏秋來連獲甘霽晚禾補種秋苗長發轉歉為豐是

神之篤眷於予實

神之保乂吾民也繼自今亦惟虔覃孜孜永祈安瀾之錫以與吾民遷福於無疆耳廟工

成遂書緣起以勒於石○癸酉諭軍機大臣等去年伊勒圖奏請陞見業經允准但阿布勒比斯物故杭和卓初襲王爵不識游牧寧謐否且有擒拏伯爾格燕起之事伊勒圖可否暫離之處令伊自行籌度著傳諭伊勒圖如果杭和卓游牧寧謐無事擒拏伯爾格燕起事體亦結即於明年七月前來陞見於起程前咨行烏里雅蘇台將軍奎林令伊由彼前往伊犁署理將軍印務伊勒圖接奉此旨

惟宜詳審該處情形以定行止不可因急於陞見致有疎畧也○甲戌諭明歲舉行千叟宴原定四品以下官員年六十五歲以上者始准入宴現在人數已增至三千而官員與兵丁不同如必六十五歲以上方准入宴則年過六十之職官不得邀榮者甚多著加恩凡在京四品以下現任原任各員年過六十者俱准其入宴用昭普錫眷禔加惠耆臣之至意○諭軍機大臣等明年正月舉行千叟

宴。各省總兵有軍功者。已有旨准其一體入宴。李永吉雖係南河副將。曾加總兵銜。且在河工年久。屢經出力。現在豫工漫口。合龍穩固。李永吉自己回本任。著傳諭李奉翰即轉飭該副將。於本年封篆前後抵京。俾與盛典。如尚在豫省。並著蘭第錫傳知。即令就近起程。於封印前抵京。豫備入宴。○又諭據李綬奏。署竹谿縣知縣張其章。因武生陳夢龍包攬教唆。審訊時又恃衿咆哮。將該生杖責致斃。請將張其章革職一摺。細覈此案情節。陳夢龍名列膠庠。理應安分守法。乃因同族陳能申佃種趙雲開山地。主使陳能申抗欠不完。及趙雲開赴縣具控。恃衿挺身具訴。又因李元吉欠方秀萬錢文。該生代作詞稿。教唆方秀萬告狀。牽控行戶。經該署縣拘提審訊。竟敢倚恃生員。咆哮不服。種種恣肆。似此包攬教唆滋事抗欠之劣生。本有應得之罪。與尋常濫刑斃命者不同。惟該署縣不俟通

詳褫革。遽行杖責。其咎實在於此。然亦不過交部議處。止於降留。尚可不至革職。倘該署縣於經手倉庫事件。或有虧那情弊。自當參革審擬。李綬原摺。著暫行存記。著傳諭特成額。李綬查明。據實奏到後。再行交部覈辦。○又諭據順天府尹奏。所有天主堂辦事之劉多默。已經涿州拏獲。解送直省審訊等語。此等要犯。既經涿州拏獲。自當即由該處就近解京審訊。又何必解至保定省城。仍須由省解京。多此一番紆折。著傳諭劉裁。即派妥員將劉多默一犯。迅速解京。嗣後遇有此等應行解京之犯。經近京各州縣拏獲者。即令徑行解送刑部審訊。毋庸轉解省城。致滋往返遲延。將此傳諭劉裁。並諭順天府尹知之。○乙亥。諭明歲舉行千叟宴。現在已數三千之數。所有年逾七十以上各兵丁。在入宴人數之外者。著加恩按年歲賞給銀牌一面。○丙子。

上詣

慈寧宮。

壽康宮行禮。○諭軍機大臣等據特成額奏查明通城縣黎贊武等聚眾毆官起釁情形。並拏獲案犯。現在審辦一摺。已於摺內詳悉批示矣。該縣鄭師因黎明翰被毆。胞姪黎玉教等捆毆成傷。伊妻孫氏赴縣稟報。親往查驗。哭遇黎贊武等攔阻毆打。是該縣並無辦理不善之處。雖有被逼至黎贊武家內勒寫照稿

一節。但此等亂民與叛逆賊眾不同。原不必遽以身殉。該縣即被勒逼從。從權寫給。以為脫身之計。尚近人情。細覈此案情節。該縣竟屬無罪。不可叅處以長刁風。至黎贊武等恃其聚族而居。人多勢眾。竟敢聚眾毆官。並將知縣逼至家中。勒寫字稿。不法已極。即將首犯凌遲。亦不足蔽辜。必須按名弋獲。盡法懲治。方足以靖人心而肅法紀。著傳諭特成額嚴飭各屬上緊查拏。毋使一名漏網。並將現

獲各犯速行究審。從重定擬具奏。今獲正犯否。著即速奏。將此由五百里諭令知之。○又諭據閩鄂元奏拏獲在洋行劫盜犯審擬一摺。已批交三法司覈擬速奏矣。此案盜首沈珍起意出洋行劫。商同陳耀山等糾約陳銀等入夥於崇明縣長安沙洋面行劫。事主宋軼升貨船。事主落水。飄至海門上岸。赴廳具報。經該同知知縣等拏獲首夥各犯。起出原贓。是此案行劫固在洋面。而賊犯則在岸上起獲。前有總兵進京陛見時面奏。近來洋面甚為安靜。乃該處崇明縣地方仍有糾集多人。駕船行劫之案。可見地方文武員弁。不過視捕盜為具文。並未實力防緝。江洋大盜行劫商船。其所搶貨物。斷難久住洋面。自必上岸變賣。地方官固應於洋面巡緝。而於沿江沿海各口岸市鎮村落。尤當設法嚴密稽查。謹防奸匪出入。則水陸俱有兵役躡緝。盜案自無難立時破露。著傳諭閩鄂元。即飭屬留

心查辦。毋得仍視為具文。致奸匪得以潛蹤漏網。將此傳諭閩鄂元。並諭福建浙江廣東各督撫知之。○又諭據富勒渾奏。德克進布承辦海塘橋木。於木商許送加一銀兩之外。又復每萬兩勒扣銀五百五十兩。其為婪扣已無疑義。但案犯抵浙。尚須時日。請先赴京入宴。其德克進布到案。交福崧先審。俟與宴後。飛即回浙會同審辦等語。此案初據福崧奏到。朕恐該撫或不免意存嫌隙。是以特令

富勒渾於順道過浙之便。會同秉公審辦。今據富勒渾奏。德克進布於木商許送一成之外。又復每萬兩勒扣銀五百五十兩。是該員從中短發侵扣。情弊已屬顯然。本日據陸燿奏。於十一月十七日。將德克進布即行解浙收審。但湖南距浙遙遠。到案尚須時日。富勒渾自當即行來京。豫備入宴。如此案人犯迅解到浙。即交福崧嚴行速辦。如案犯不能到齊。尚須徹底清查。即俟該督回浙。會同審辦。

定擬具奏。亦無不可。至德克進布身為滿洲道員。輒敢恣意婪索。實堪駭異。其由浙赴楚之家屬。據陸燿奏。已派員迎截查抄。並著該撫嚴密辦理具奏。毋任絲毫隱匿寄頓。將此由五百里各傳諭知之。○又諭前查抄德克進布在京家產。將伊弟額爾登布伊子英吉名下衣物地畝等項。加恩賞還。茲據陸燿奏。據德克進布供稱。京中現在約存德仁處銀二千兩。制錢七千五百千等語。此項寄存銀

錢。雖額爾登布久已分居。英吉年幼。不能詳知確數。而德仁素與德克進布往來親密。運寄物件。伊等豈無聞見。查抄時。額爾登布等並未將德仁供出。即與隱匿無異。所有加恩賞還地畝衣物等項。著仍行追繳入官。○丁丑。諭現在四庫全書四分造竣。該館書籍。每分三萬六千冊。卷帙浩繁。自第一分書成後。迄今甫屆三年。其二三四分。俱以次進呈全完。辦理尚為迅速。所有總裁總閱總纂等。俱

著交部從優議敘。其提調、總校、分校、收掌、膳錄人等。並著該總裁查明分別具奏。咨部議敘。○又諭。據署貴州按察使覺羅喜崇福奏。接署臬司交代一摺。喜崇福三字。竟似漢人名。旗員取名。尚不應與漢人相仿。況伊係覺羅。尤不宜與漢人名相似。著改為尼堪富什渾。○以福建按察使譚尚忠為雲南布政使。○戊寅。諭曰。尚書慶桂著馳驛前往山東。有查辦事件。所有隨帶之軍機處司員。亦著一

併馳驛。○諭軍機大臣等。據李世傑奏。川省軍需案內。尚有未完刪減各項。及存變鐵觔銀。共二十七萬二千一百餘兩。因其中有離任各員。力不能完。請仍照例。於通省各官養廉項下。攤扣二成歸款等語。此項部駁刪減。及鐵觔各案。應賠銀兩。與民欠商欠不同。自不在豁免之內。但如該督所奏。於通省各官養廉項下。攤扣二成完納。在經手承辦之員。固無可辭咎。若原辦各員。陸續離任。接任各

員。並未經手。亦將養廉攤扣。殊為未協。而離任陞調各員。轉得坐擁厚貲。置身事外。亦非事理之平。至離任各員。如果有身故家貧。及微末員弁。力不能完者。原不妨據實奏明。候朕降旨。加恩豁免。著傳諭該督。即將此項未完銀兩。查明經手承辦各員。分別有著。無著。詳晰開單奏明。除無可著追之項。應加恩豁免外。其中有陞調別省。及回籍而力能完繳者。即傳諭各該督撫。查追歸款。○又諭曰。浙

江處州府同知方體泰。於陞任道員德克進布。侵扣海塘木植價銀一案。不早據實稟報。顯有通同舞弊情節。其任所貲財。業經富勒渾等奏明查封。該員住居涑水。其在籍貲產。著傳諭劉綬。即派委藩司伊桑阿。速赴涑水。嚴密查封。並究明京中各處。有無置買財產。毋任絲毫隱匿寄頓。○以四川松茂道李永祺。為福建按察使。○旌表守正被戕山東商河縣民張儉妻劉氏。○己卯。諭軍機大臣等。

據福康安奏審辦續獲逆匪。及應行緣坐人犯馬希忠等。即行正法一摺。內稱。現又據安定縣知縣陳善儀稟報。在馬家河地方。續行拏獲竄回逆賊馬名正。馬名惠二犯。已飭速行提犯至省審擬等語。此等竄匿餘匪。因賊敗潛逃。希圖漏網。嗣潛回本處。或兵役拏獲。或被親族縛送。俱經該督審明。陸續正法。辦理尚屬認真。但恐地方官因賊平已久。妄意送回已盡殲除。稍存疎懈。著傳諭福康安。通飭各屬。仍應實力嚴密搜拏。將潛匿竄回。及應行緣坐各犯。務獲審辦。按名正法。以淨根株。毋使一名漏網。○又諭。據保寧等奏維州協副將李天佑。因進剿蘭州逆回。勝受石傷。現在傷發。呈請乞休等語。李天佑在川省年久。熟悉夷情。且係曾經出力之人。此時暫准其開缺。如將來調理漸就痊愈。仍可加恩錄用。倘竟因傷成廢。即當照新例給與全俸。俾養餘年。以獎勞績。著傳諭保寧。即將李天佑

受傷復發。將來是否尚能痊愈情形。查明具奏。候朕再降諭旨。尋奏。李天佑。委係年力衰憊。實難再邀錄用。請照例給予全俸。以養餘年。下部知之。○庚辰。諭。博清額駐藏。業經三年。下部知之。○庚辰。諭。博清額駐藏。業經三載有餘。留保住熟習藏務。著伊前往領辦。更換博清額來京。留保住員缺。著福祿調補。駐劄西寧辦事。福祿員缺。著雅滿泰前往。駐劄喀喇沙爾辦事。雅滿泰員缺。著尚安調補。辦理庫車事務。尚安吐魯番員缺。著陽春保調

補。陽春保員缺。著永泰授為領隊大臣。前往烏魯木齊辦事。陽春保接奉此旨。即速前往吐魯番。尚安到庫車之時。雅滿泰即速前往喀喇沙爾。福祿將彼處事務。交代完畢。即行起身。前赴西寧之任。福祿未到任時。著西安副都統敦倫泰。馳驛前往。署理西寧事務。留保住即行赴藏。更換博清額。○以一等子德勒格楞。貴為鑲紅旗蒙古副都統。○兵部議奏。據雲貴總督富綱奏稱。滇省戶稠地闢。昔

受傷復發。將來是否尚能痊愈情形。查明具奏。候朕再降諭旨。尋奏。李天佑。委係年力衰憊。實難再邀錄用。請照例給予全俸。以養餘年。下部知之。○庚辰。諭。博清額駐藏。業經三年。下部知之。○庚辰。諭。博清額駐藏。業經三載有餘。留保住熟習藏務。著伊前往領辦。更換博清額來京。留保住員缺。著福祿調補。駐劄西寧辦事。福祿員缺。著雅滿泰前往。駐劄喀喇沙爾辦事。雅滿泰員缺。著尚安調補。辦理庫車事務。尚安吐魯番員缺。著陽春保調

之險僻處。今成大道。居民行旅。貪趨捷路。舊有官道汎塘。反成虛設。請於宣威恩安永善尋甸併貴州威寧等廳州縣扼要處增添改撥塘汎卡房。共設汎二塘十二卡二十二汎撥千把外委一員。帶兵二十名。塘卡各置兵五名。每月於交界處會哨二次。其會澤宣威開素塘汎裁去。至鎮雄平彝山徑叢雜。酌令弁兵分別巡哨。均應如所奏辦理。從之。○辛巳。諭據理藩院奏。病故科爾沁扎薩克多羅扎

薩克圖郡王納旺色布騰之爵。照例題請帶領伊子喇什端羅布引見承襲。喇什端羅布年已二十歲。著該院帶領引見。承襲王爵。嗣後凡內扎薩克蒙古。查明應襲爵之人。年已及歲。已出痘者。著來京帶領引見承襲。未出痘者。令赴熱河帶領引見。其果幼小不能來者。該院再行照例具題承襲。仍俟其及歲。已出痘者來京。未出痘者。令往熱河。該院補行帶領引見。著為令。○又諭。據特成額奏。查閱

湖北荆宜襄陽一帶營伍。有宜昌鎮總兵官福摺報宜都營都司羅漢保。襄陽鎮總兵伸泰摺報竹谿營守備黃金顯。均稱年力就衰。弓馬平常。隨親加考驗。該二員精力俱已衰頹。請旨將羅漢保黃金顯革職等因。一摺。著照所請。交部辦理。總兵有整飭營伍之責。如所屬營員內有年力衰頹。弓馬平常者。自應隨時體察。據實揭報。何以直至總督查閱營伍時。始行揭報。是該總兵等平時有心姑容。

及督臣巡查營伍。明知不能掩飾。始以一揭塞責。殊屬徇庇取巧。官福伸泰俱著交部嚴加議處。至特成額。身任總督。於通省武職人員。均應時刻留心。乃於該二員年力衰頹。平素既未能查察。而此時校閱後。摺內又未將該總兵瞻徇姑容之處附參。亦屬不合。特成額著交部察議。○諭軍機大臣等。據阿揚阿等奏稱。由葉爾羌盤獲靖遠縣屬回民鐵文喜等八犯。解送甘肅等語。昨國棟奏到。接准

阿揚阿等咨文。即查甘省咨捕冊內。並無伊等之名。請暫監禁。行文咨查。阿揚阿等將此等出外經商之良善回民。必欲盡數擒捕。紛解內地審辦。殊屬錯謬。著傳諭阿揚阿。靜俟國棟查辦。並傳諭國棟知之。○又諭據孫士毅奏。委員伴送西洋人德天賜等四人進京。應用盤費飯食銀兩一摺。已批交該部矣。從前因京城西洋人較少。是以令粵省督撫。選派數人送京。上年有羅機洲等二人。本年復有德天賜。湯士選等四人到京。西洋人已數當差。嗣後可毋庸選派。俟將來人少需用之時。另行聽候諭旨。將此傳諭知之。○又諭據特成額等奏。暹羅國貢使帕史滑里那突等。并馴象二隻。於十月二十八日。送至安徽宿松縣境。交替前進等語。暹羅貢使。赴京瞻仰。及筵宴一切。於新正更屬相宜。著諭書麟。即飭該委員等。並飛咨沿途。妥為照料。務於年內護送到京。但該貢使等俱帶有物件。自

難迅速進行。刻下距年底。尚有一月。亦不必過於催促也。○是月。欽差大學士公阿桂等奏。睢州漫工告竣。前擬於高家寨北岸。官亭舊河。挑深北注。茲詳審該處河形。離大河僅二百餘丈。若行挑浚。大汛時開放向南刷寬。仍歸大河。未必能使溜勢北趨。又不得河頭。難期必成。查儀封迤東七里井地方。今歲刷有河槽。通牛家寨中泓舊河。河頭形勢頗順。內四千四百二十丈。應行挑深。自牛家寨舊河。下至考城東二里廟。現在寬深。自二里廟至林隄口。間段淺窄。應行展寬挑深。以下即達現在大河暢流之處。所估工段。俟春融分段興挑。限四月內辦竣。挑完後。加意防守。河頭俟大汛相機開放。如能掣動全河大溜。距南岸新隄更遠。高家寨及睢洲下汛一帶埽工。可冀全行淤閉。即不能全掣大溜。亦可分溜北趨。俾伏秋大汛。不致併力衝隄。較挑官亭舊河。似更有濟。得旨。應為者。要慎為之。○



兩江總督薩載奏豫省睢工開放引河後黃河水頭於初十日入江南境自十七日合龍豐銅一帶水勢加長大溜暢行二十三日已行至外河老壩工會清歸海上下各廳兩岸埽壩工程一律整齊足資抵禦仍飭加謹防範得旨欣慰覽之○署河東河道總督蘭第錫奏豫省黃河北岸原設四廳內黃沁同知上北河同知曹考通判三缺工程現屬平緩惟下北河同知一缺舊有蘭陽銅瓦廂祥符十二堡十八堡三處險工上年新改蘭陽李六口壩工亦其界內是該廳現有險工四處今年六七月河水陡長陡落四處同時報險均係迎溜頂衝派員分段搶護始獲平穩查一廳四險同知一員誠恐顧此失彼請將上下各廳險工酌量改撥分管祥符十二堡歸上北河同知管蘭陽李六口歸曹考通判管惟留十八堡銅瓦廂二處歸下北河同知庶可專心料理至上北河廳工段里數較遠今

又添撥十二堡更覺加長請將上北河廳原管之原武汛大隄長六千七百四十四丈撥歸黃沁同知管轄以資分理得旨如所議行

大清高宗法天隆運至誠先覺體元立極敷文奮武孝慈神聖純皇帝實錄卷之一千二百十九

大清高宗法天隆運至誠先覺體元立極教文  
奮武孝慈神聖純皇帝實錄卷之一千二百二十

監修總纂官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件總管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣等謹

總纂官經筵講官太子太傅大學士文淵閣領閣事稽察欽奉 上諭事件總管理刑部戶部三庫事務

世襲騎都尉軍功加十九級隨帶加二級又加二級臣等謹將內大臣戶部尚書張照滿洲都統軍功紀錄六次

尋常紀錄十四次臣等謹將講官太子少保工部尚書紀銘六次臣等謹將尋常

敕修

乾隆四十九年甲辰十二月壬午朔

上詣

大高殿行禮。○諭軍機大臣等。據李綬奏。署

襄陽府同知劉具斌。因閩太保等夥竊牛驢

衣被等物。窩住汪成煥家。該署同知將汪成

煥差拘質訊。不認窩夥。用木棒責打左右腳

踝。因傷身死。將劉具斌革審一摺。細覈此案

情節。汪成煥夥同閩太保徐洪太等屢次行

竊。窩留分贓犯案。後又堅供不認。經該署同

知責打。始行供認。雖該犯因傷身死。而該署

同知究因賊匪狡賴翻供。用刑拷打與故勘

平人者。究屬有間。將來定案時。亦不過交部

議以降留。尚不至於革職。倘該署同知於此

案另有故勘索詐枉濫情弊。自當嚴行查審。

李綬原摺著暫行存記。並傳諭特成額查明

據實奏到。再行交部覈辦。○又諭曰。李綬奏

外委楊宗明齎回摺匣行至沙河縣地方被

驟夫馬正元背匣逃匿一摺。此案前據劉我

具奏。馬正元一犯現在飛咨山西及通飭各

屬嚴拏等語。迄今未據該督撫奏報拏獲。著

再傳諭劉我農起遣委妥幹員弁上緊緝獲。

務將該犯速獲。嚴審定擬。毋致日久遠颺。○

又諭。據毓奇明興奏會同勘估韓莊上下及

八閘挑濬工程丈尺銀數一摺。並繪圖貼說

呈覽。韓莊上下及八閘河道逐段淤淺。自應

大加挑濬。俾一律深通。以利漕艘過行。毓奇

等所奏勘辦情形及估挑銀數是否確切。於

河務有益。著將原摺及圖鈔寄薩載閔看令

於北上之便。順道逐細覆勘。將應否如此辦理之處。據實覆奏。如該督接奉此旨。行程已過韓莊八閘等處。則不必趕回。俟與宴回任時。再行覆勘辦理。亦不為遲也。將此由五百里諭令薩載。並諭毓奇等知之。尋毓奇奏。東省運河挑工定例。每年於十一月初間。熱壩將應挑段落估定。俟空乾塘水。即插鉞興挑。扣限八十日完工。於次年正月二十日後。或二月初。開壩鋪水。南糧首進幫船。於二月十五前後。趨進臺莊閘河。查督臣薩載按奉廷寄時。計程已過濟寧。已不及覆返履勘。若俟與宴回任。順道履勘。計須正月二十前後。彼時始行興工辦理。即勒限趕挑。亦必遲至夏初方竣。恐漕船遲滯。奏請訓示遵行。得旨。如此。則爾等上緊做工。不必俟薩載。但期為之以實。有利無弊可也。○又諭。據毓奇等奏。勘估韓莊上下及八閘挑濬工程。現委運河道沈啟震等。上緊查催。又估辦曹濟等屬各州

縣水利河渠。責成沈啟震總理查辦等語。昨據佛喜保奏。旗丁于世祥吞帑累丁一案。伊幕友潘日藻曾受贓銀。該幕係沈啟震表親。現在逃匿。其眷屬係該道收管。自知潘日藻逃往處所等因。已派慶桂前往查審矣。此案係地方事件。與毓奇無涉。而沈啟震既係潘日藻親戚。自有應行質詢之處。現在挑濬韓莊上下八閘等處運河。及州縣水利河渠工程。均關緊要。倘彼時與該員有涉之人。承辦查催。恐致貽誤。著傳諭毓奇另行酌量情形。遴委大員查催接辦。於要工無誤。方為妥協。將此由五百里發往。並諭慶桂知之。○癸未。山西巡撫農起疏報。渾源州開墾成熟地一項九十畝有奇。○甲申。諭據惠齡奏。厄魯特領催巴顏。將厄魯特等失馬六匹蹤跡呈控。土爾扈特盟長阿克薩哈勒。阿克薩哈勒即按蹤跡。將土爾扈特噶綑薩木坦。噶綑楚魯木。噶綑吹哩克等。詢問竊馬是實。拏送前

來復加審訊。將為首之噶綑薩木坦擬為絞決。為從之噶綑楚魯木、噶綑吹哩克定為絞監候等語。惠齡所辨非是從前喀爾喀之人。因將新降杜爾伯特馬匹偷竊。又經派官兵緝拏。是以竊馬止於三匹。即定為絞罪。今厄魯特等失馬六匹。土爾扈特盟長阿克薩哈勒聞知。並未請派官兵緝拏。即按蹤跡將偷馬土爾扈特噶綑薩木坦等拏送前來。豈可定為立絞。惠齡甚屬拘執。除將伊飭行外。其土爾扈特賊犯噶綑薩木坦等僅偷馬六匹。著依蒙古律。照舊例分別定為流罪辦理。其盟長阿克薩哈勒知厄魯特領催巴顏呈控。即按蹤跡將所屬土爾扈特賊犯拏緝。甚屬可嘉。著加恩交惠齡由彼處所貯緞匹內賞給阿克薩哈勒大緞二匹。以示勸勵。又諭曰。劉躍雲現在出差。所有內閣學士員缺。著胡高望署理。其工部侍郎員缺。著韓鏞補授。尋轉工部右侍郎汪承霈為左侍郎。以韓鏞

為右侍郎。○乙酉。

上幸瀛臺。○諭軍機大臣等。據劉我奏。查拏前在沙河縣地方背負摺匣潛逃之騾夫馬正元一犯。已經原籍山西鳳臺縣拏獲等語。該犯受雇外委楊宗明齎摺回楚。乃敢於中途背匣逃匿。甚屬可惡。既經山西原籍鳳臺縣拏獲。何以未據該撫奏到。著傳諭農起。即行審明速奏。○旌表守正捐軀山西蒲縣民武繼周妻段氏。○丙戌。諭軍機大臣曰。特成額等奏。拏獲伴送西洋人之張永信。訊據供稱。本年春間在廣東曾聞蔡伯多祿告知。尚有西洋人五名。欲往直隸。山東傳教係何人接引伴送。並不知情等語。前據畢沅奏。拏獲西洋人呢嗎方濟各等。訊據供出。羅嗎當家曾派西洋人十名往直隸。山東各省傳教當經傳諭各督撫實力緝拏。據山西陝西二省拏獲安多呢、王亞各比二犯。而直隸山東未據奏報。獲犯今據張永信供稱。西洋人於本年

春間始行派往各省傳教。恐該犯等尚在途次行走。未能行抵直隸等處。著傳諭沿途各督撫一體飭屬嚴拏。如尚未起程。或聞查拏緊急。潛回廣東。亦可不必深究。至西洋人向不奉佛。何以劉二彪家又藏有金佛。是否即係十字架銅像。並著特成額一併查明覆奏。將此由四百里各諭令知之。刑部等衙門奏審擬直隸昌平州民趙廷倉由內務府控告趙子孝霸占地畝。致威逼趙子孝之弟趙子明自戕身死。並究出趙廷倉賄囑筆帖式枉斷一案。照例將趙廷倉擬絞。外應將聽信筆帖式福德任意枉斷之內務府承審郎中海紹等分別發落。得旨趙廷倉著即處絞。福德雖經得受贓銀七十兩。係事後酬謝。與婪索舞弊者有間。而此事又由伊到始行供明。所得銀數無多。著改發烏魯木齊充當苦差。海紹任意妄斷。釀成人命。罪有應得。尚無受贓營私情事。亦非始終不具稿呈堂。著加恩

照伊原呈銀數。准其贖罪。內務府大臣取巧應嚴加議處。刑部堂司各官其咎止於不將海紹即行起解。尚屬可原。著從寬交部察議。餘依議。諭軍機大臣等據保成等奏稱布魯特比葉爾鐵拜前來看視伊弟沙米爾紮。請拘留葉爾鐵拜為質。放回伊弟。令同阿爾體拜擒拏燕起。仍將所得翎頂元寶賞與沙米爾紮。遣往等語。燕起並非要犯。祇緣葉爾鐵拜既經擒獲。復致逃逸。十分畏懼。是以遣沙米爾紮來告。願留沙米爾紮為質。籲請赦宥。今復恭順而來。若即將伊拘留為質。轉覺見小。不若藉此將沙米爾紮遣回。令同葉爾鐵拜協力擒捕燕起。或沙米爾紮感激釋放之恩。擒送燕起。亦未可知。伊有釋放燕起之罪。毫無寸功。若即賞給翎頂元寶。轉不肯竭力擒拏燕起矣。著傳諭保成達福鄂斯瑞等宣諭葉爾鐵拜云。我將汝親來喀什噶爾。籲請之處奏聞。今奉諭旨。以汝既知罪愆。恭順

祈請著加恩將汝及汝弟一併放回務於明春雪融。龜勉捕擒燕起贖罪。汝等如果感激皇恩。擒送燕起。另加優賞。以此等語曉示。後即將伊等放回。俟明春擒拏燕起情形。若何之處。再行奏聞。併將此傳諭伊勒圖海祿阿揚阿等知之。○丁亥。

孝惠章皇后忌辰遣官祭

孝東陵。○

上召見皇子。大學士。軍機大臣。諭曰。昨和坤。福

長安。伊齡阿。覆審內務府郎中海紹。妄斷地畝。釀成人命一案。訊出海紹。曾於上年十月具稿呈堂。內務府大臣俱經閱畫。而原叅摺內。未將曾經畫稿之處聲明。實屬迴護。請將內務府大臣。交部嚴加議處。朕以內務府大臣取巧迴護。自應嚴議。乃述旨時。僅寫餘依議字樣。竟未聲明敘入。經朕硃筆添出。蓋因六阿哥兼管內務府。欲為隱諱耳。方今綱紀肅清。諸皇子皆敬慎。小心奉公守法。諸臣亦

斷無有畏憚迎合者。而因有皇子在內。形迹之間。猶不免稍存瞻顧。此甚非也。即朕有錯誤處。不容大臣及御史等明言乎。即如前代之建儲冊立。其流弊不可屈指數。朕近閱

皇祖聖祖仁皇帝實錄。康熙三十六年八月

上諭內務府總管海喇孫等。膳房人花喇額楚

哈哈珠子德佳。茶房人雅頭。伊等私在皇太

子處行走。甚屬悖亂。著將花喇德佳雅頭處

死。額楚交與伊父英赫紫。圍禁家中。一事其

時理密親王尚在年幼。

皇祖何等英明。而膳房人花喇等。即敢心存彼

此。依附覬覦。

皇祖洞燭先幾。將花喇等正法。以示懲創。厥後

羣小復從而蠱惑。遂致屢生事端。上煩

皇祖聖慮。終致廢黜。自理密親王既廢。不復建

儲。迨我

皇祖傳位

皇考十三年。勵精圖治。中外肅清。及朕繼承洪

業五十年間。日理萬幾。朝乾夕惕。重熙累洽。海宇昇平。使理密親王及弘哲父子。繼踐尊位。不數年間。屢遭事故。豈大清宗社臣民之福乎。夫以我

皇祖之慈愛明哲。猶有理密親王之事。設後之人主。未能如

皇祖之仁慈英斷。而為太子者。又不能小心謙謹。必致漸生嫌隙。鮮有能始終獲保萬全之理。可見建儲冊立之斷不可行也。又朕偶閱

續通志

二

續通志載李林甫構陷太子瑛一事。紀載未明。因檢査通鑑輯覽。稱明皇惑於武惠妃之譖。欲廢太子瑛。張九齡犯顏強諫。武惠妃密使宮奴謂九齡曰。有廢必有興。若為之援。宰相可長處。九齡叱之。即以其語奏聞。明皇為之動容。九齡實賢臣。若使明皇能斷。應立抵武惠妃之罪。乃致九齡反罷斥。李林甫專國。阿附宮闈。構陷太子。卒與鄂光二王廢黜。同日賜死。夫以儲位之故。構煽交乘。致明皇一

日而殺三子。天下銜冤。足見儲貳一建。幻起百端。弟兄既多。所猜嫌宵小。且從而揣測。其懦者獻媚逢迎。以陷於辜。其强者設機媒孽。以誣其過。往往釀成禍變。遂致父子之間。慈孝兩虧。而臣工亦必由此身罹刑憲。平心而論。其事果有益乎。無益乎。朕即位之初。即默

告

上天。若蒙

穹蒼眷佑。願如

續通志

十二

皇祖御極六十年之久。不敢復有奢望。其時朕年甫二十五歲。並未計及六十年。當至八十五歲。至過五旬萬壽。後始憶及此。因暇日侍聖母時。面奏及此。曾蒙

慈訓。皇帝如此勤政愛民。天下臣民亦必不肯聽。皇帝歸政。朕因默念。若得

上天嘉佑

聖母壽踰百齡。朕即八十五歲。亦何敢即言歸政。今既始願不遂。追憶斯言。實深悲咽。朕春

秋七十有四。距歸政尚十一年。自當仰體

上天愛養億兆。董治百官。猶日孜孜。不敢稍自

暇逸。倘蒙

嘉貺。將來得歸政。頤養親為授受。豈非古今稀

有之盛事。而朕之心。亦可明於天下後世。朕

辦理天下一切大小庶務。無不宵旰勤求。悉

心籌畫。即安置一物。亦必期其穩妥。寧於繼

體付託之重。轉不早為詳慎定計。是朕非不

立儲。特不肯效立儲之虛名。俾衆人有所窺

實錄卷之二十二

十一

伺。致父子之間。有責善則離之不祥。爾此朕

維持調護之殷衷。

天地

祖宗實鑒朕心。若子子孫孫。皆能以朕此心為

心。則我大清億萬年可永承。

鴻貺於無疆也。總之立儲一事。如井田封建之

必不可行。尚有過之將來書生拘墟之見。必

有心生竊議。且謂今日諸臣有意迎合。不知

此等陽為國家根本之論。而實陰遂其鑽營

結納之私。即億萬年後。朕之子孫有泥古制

而慕虛名。復為建立之事者。亦所不禁。但人

心不古。如江河日下之勢。父子之間。必有為

小人構成釁隙。復啟事端。彼時始信朕言之

不爽。然悔已晚矣。此事前屢頒訓諭。並令皇

子及總師傳軍機大臣等。編緝古今儲貳金

鑑。垂示久遠。茲因恭閱

皇祖實錄。處治膳房人花喇等事。用是再行明

切申諭。並著補載。入古今儲貳金鑑。戊子

實錄卷之二十三

十二

刑部奏直隸東鹿縣民趙崇良。控趙天受。挾

嫌聽從趙俊。喝令趙梓。殺死伊父趙維寧。並

趙高氏。捏供捉姦致死二命。得旨。此案著派

侍郎姜晟。即於本日馳驛前往。秉公審擬具

奏。○己丑

上辛瀛臺。○諭。據福康安奏。督緝金川逃兵。不

力之。各省督撫。現奉諭旨。議罰養廉。福康安

到甘。雖在半年之內。但前任雲貴四川總督

均有督緝之責。自應一體議罰等語。福康安



此次辦理勦捕逆回及善後各事宜均為妥協其督緝逃兵處分若在甘省任內原可免其議罰今係雲貴四川任內之事自未便概予寬免福康安受恩深重即令按年全行扣繳亦必能慎守廉隅但辦公究難免拮据所有福康安前任應罰養廉銀兩著加恩准其支給一半仍分年帶扣完結其督緝之司道府廳及武職各員並著該部照例分別議奏○又諭前經降旨直隸解到旗租銀兩足數普賞八旗兵丁一月錢糧即行普賞一次現在直隸總督解到租銀已足敷賞給之用著加恩普賞八旗兵丁一月錢糧以示朕加惠旗人數布春祺之意○諭軍機大臣等據福康安奏新疆各處屯田固頻年收成分數加增致兵力頗形竭蹶究與邊屯實政無裨請交伊犁將軍烏什叅贊大臣烏魯木齊都統將各該處屯田分數據實查議一摺所奏甚是新疆耕屯日闢歲獲豐登原定賞罰章程

伊犁每兵收獲細糧至十八石烏魯木齊每兵收獲細糧至十五石者官員議敘兵丁加賞嗣經海祿奏准古城吉布庫二處須報至二十四分濟木薩報至二十分如再能加增方准從優敘賞其意雖為裨益倉儲多收糧石急於見長起見但地土有肥磽水泉有盈絀在地肥水足之處或可足額豐收而地瘠水少之區鮮能及額以致屯員顧慮處分虛報分數兵丁懼干責處賠累多端著交伊犁將軍及新疆各處辦事大臣查明各該處每年支放兵餉口糧等項共應需糧石若干每年兵民耕種地畝實收糧石若干通盤籌畫各按該處實在情形酌定屯田收成分數另行妥議具奏期於足敷兵食而止庶可永遠遵行不致拖累至本年烏魯木齊所屬屯田收成有不及分數者屯員兵丁均毋庸照新增之例議處責懲將此由五百里諭令伊犁圖等並諭福康安知之○宗人府奏請封授

考試宗室得旨伊鏗額綿倬恒謹永珠永祥俱著授為三等鎮國將軍綿令成寬慶玉俱著授為三等輔國將軍亮聰著授為二等鎮國將軍明範明昆綿烈永本西清額俱著授為奉恩將軍晉隆伯爾慶阿俱著授為一等輔國將軍果爾豐阿著授為二等輔國將軍積忠額著授為一等奉國將軍文璧恒存俱著授為三等奉國將軍餘依議○庚寅諭前因各省承緝金川逃兵扣至本年九月又屆限滿覈其拏獲及自行投首者仍不及半曾經降旨將承緝接緝之歷任州縣俱革職留任分別八年四年無過方准開復其督緝承緝不力之歷任督撫兩司俱著分別議罰養廉原因此事歷時已久若年復一年伊於何底不得明定處分俾該員等稍知儆惕以完此案夫國家設兵衛民雖可百年不用不可一日不備行軍之道全在紀律嚴明信賞必罰方能克敵致果若兵丁身歷行間不思

爭先効命竟至畏葸脫逃按之軍法自當立正刑誅以彰憲典明季軍政廢弛隨征兵丁每多臨陣恒怯望風潰散皆由平日毫無整飭甚至將不知兵兵不顧將以致國事日非不可不引為殷鑒我朝八旗勁旅凡遇調遣無不踴躍奮興抒忱効蓋自伊犁回部金川用兵以來從無一人脫逃乃綠營兵於金川軍營潰逃數目甚多此等逃兵一經拏獲即應斬決特以人數衆多且大功業已告成是以屢降恩旨寬以年限准其自首免死此實朕法外施仁於無可寬減之中予以一綫生路在逃兵等稍有人心自應及時投首即地方官節次接奉恩旨亦當各發天良深知感奮設法曉諭上緊查緝乃例限已屆緝獲仍復無多可見外省辦事全不認真不過以海捕具文因循塞責如此漫不經心若不嚴加懲處其何以儆玩愒而戒將來即朕亦豈能以罰不及衆再為寬貸耶第念督撫兩司等

自扣罰養廉之後。辦公究難免拮据。其中稍知自愛者。當必能慎守廉隅。否則必至簞簋不飭。且恐不肖之員有所藉口。任意婪索。亦不可不防其漸。所有各省督撫提鎮兩司應罰養廉銀兩。俱著加恩准其支給一半。仍分年帶扣完繳。此係朕格外加恩。嗣後各該地方官。當諸事認真。遇有查緝事件。當實力辦理。若復蹈此惡習。不能再為曲貸也。將此通諭知之。

諭軍機大臣等。據李奉翰奏。副將李永吉。因在豫省幫同堵築。感受寒邪。回南後病勢日增。懇請解任調理等語。李永吉年逾七旬。力疾辦公。以致精神漸次委頓。殊屬可憐可嘉。朕前因未聞其患病。是以降旨特令來京。俾與千叟宴盛典。今該員既屬病勢沉重。自不必使其勉強跋涉。著加恩於河道庫內賞銀五百兩。以資調養。現在南河並無緊要工程。李永吉亦毋庸開缺。即令其在任安心醫治。俾就速痊。將此傳諭李奉翰知之。

○又諭據步軍統領衙門奏。江西進賢縣民人翁大川。控告病守備趙震之父趙上達。違例充當牙行。復挾嫌唆訟。賄囑府縣官吏。將伊父翁運錦擬徒。翁大川擬杖等因一案。請交江西巡撫提犯嚴審等語。此案曾經該犯在本省控告。且供內有趙上達賄囑府縣枉斷之語。若仍交江西巡撫審斷。恐存迴護之見。聞鷄元現署兩江總督。著傳諭該撫。即將人犯或提至蘇州。或提至江寧。秉公研訊。定擬具奏。所有步軍統領衙門原摺。並著發交閱看。其原告翁大川一犯。照例解往。○又諭據劉義奏。直隸各處自夏秋以來。並無異言異貌之西洋人經過。誠如聖訓。該犯等尚在途中行走。未至直隸。或聞查拏緊急。潛回廣東。亦未可知等語。西洋人潛赴各省傳教。屢經諭令各督撫嚴緝務獲。惟山西陝西二省業經拏獲二犯。而直隸等省日久未據奏報獲犯。因思該犯等或尚在途行走。或潛回廣

東。此係朕揣度之詞。該督自仍應實力查緝。何得即以此旨為辭。豫留不能獲犯地步。劉我著飭行。並著飭屬留心訪查。毋得視為海捕具文。致有疎縱。○辛卯。諭曰。尚安。毋庸前往庫車。仍駐劄吐魯番辦事。陽春保著前往庫車。補雅滿泰所遺之缺。○大學士公阿桂等議奏。據尚安奏稱。吐魯番回漢人等。命盜案件。向俱解送烏魯木齊辦理。往返二十餘日。殊多煩費。而本處駐劄大臣。轉似不相干。

實錄卷一百一十

三

涉。嗣後除民間命盜案件。仍解送烏魯木齊都統辦理外。其回漢文涉及尋常案件。應即由吐魯番審明。分別應奏。應詳。辦理。仍具報烏魯木齊都統查覈。又滿營防尉以上官員缺出。奏准。出派四員。前赴烏魯木齊揀選。但吐魯番佐領。防尉共止四員。若闕城官員全赴揀選。本處差事。必致貽誤。嗣後防尉以上官員缺出。應擬派二員。咨送烏魯木齊都統揀選一員。具奏。驍騎校缺出。揀選一員。咨送

烏魯木齊驗看。聯銜具奏。至本處佐領四員內。戴用花翎者二。驍騎校四員內。戴用藍翎者二。嗣後遇花翎缺出。應按其勞績。揀擇佐領一員。咨送烏魯木齊都統驗看。藍翎缺出。揀選驍騎校一員。具報烏魯木齊都統俱用。聯銜具奏。又吐魯番遇有移咨事件。必由烏魯木齊轉行。迂迴千里。徒勞驛遞。嗣後遇有移咨部院衙門。及各處文書。不必移咨烏魯木齊。應即由吐魯番徑行。至補行引見各員。亦由吐魯番就近給與路引。不必前赴烏魯木齊請領。均應如所奏辦理。請交烏魯木齊都統長清。查明巴里坤古城二處。有與吐魯番事同一律者。俱畫一辦理。從之。○壬辰。諭曰。恒瑞之母。現今患病。恒瑞著來京省視。伊母。恒瑞員缺。著派德勒格楞貴前往熱河。暫行署理。副都統事務。德勒格楞貴未到之前。恒瑞即將副都統印務。交與永和。即便起程前來。德勒格楞貴到任時。永和再將印務交

實錄卷一百一十

三

代迅速來京。諭軍機大臣等。前據陸燿奏派委衡永郴桂道世寧。馳至江西萍鄉縣地方迎截查抄德克進布家屬行李。查出皮木竹箱包篋等件共二百六十六號等語。德克進布。不過道員。且在浙省未久。何以箱篋竟至有如許之多。其在任恐別有任意婪索情事。著傳諭福崧嚴密查訪。如德克進布於侵扣木價之外。另有貪黷款蹟。即行據實續參。嚴切審究。毋得存就案完案之見。○癸巳諭。

奉 上 諭

上

據福康安奏。靈臺縣知縣武粵生。到任三年。並無善政。強令百姓製造衣織。以致遠近沸騰。聲名狼籍。請旨革職提審。一摺。已批該部知道矣。地方官在任。百姓製造萬民衣織。致送並離任脫靴等事。最為陋習。雍正年間。久經飭禁。即或居官清正。出自百姓情願。尚應禁拒。乃該縣武粵生。強令製造。以致遠近沸騰。聲名狼籍。尤屬卑鄙不堪。著交福康安。提集犯證。質審究擬具奏。近聞各省督撫有

未經去任。而德政碑早已建豎棘門者。此不過屬員強令百姓歛貲勒石。藉此為獻媚逢迎之具。於吏治官方。大有關係。夫地方官果有惠政及民。去任後閭閻繫戀。自必與頌流傳。口碑載道。若其人並不留心民事。貪鄙不職。即使穹碑林立。百姓將指而唾罵之。是不足以為去思之榮。適足以為子孫之辱。又何能欺世盜名。逃衆人之公議耶。嗣後著通行飭禁。即製造衣織脫靴等事。亦一併禁止。其

奉 上 諭

上

各省地方。無論大小文武各官。現有去思德政等碑。俱著查明。什毀該督撫務須實力查辦。毋得視為具文。致陷陽奉陰違之咎。並著每年年終奏聞。將此通諭知之。○諭軍機大臣等。據慶桂奏。初五日行抵濟寧。將佛喜保奏濟寧州知州王道亨。於承審于士祥一案。意存開脫。及巡撫明興。迴護該州各款。連日查訊情形。先行具奏。一摺。看來此案皆出於佛喜保多事。即所奏王道亨。為明興用人。係

得自茶房鄒義之口。大約亦屬子虛。總非大事。所有廣州一犯業經巡城御史拏解東省。質訊其潘日藻一犯慶桂亦已飛咨江浙督撫密訪嚴拏。自無難就獲。慶桂俟人犯到齊。即將案內情節逐一秉公質對明確。定案具奏。將此傳諭知之。○甲午。以浙江瑞安協副將陸廷柱為閩粵南澳鎮總兵。○乙未。諭曰。仲泰因徇庇營員。現在交部嚴加議處。且其人糊塗。清語生疎。久任外任。深染綠營習氣。難勝總兵之任。著在三等待衛上行走。所有襄陽鎮總兵員缺。著彭之年補授。○丙申。上御太和殿視朝。文武陞轉各官謝恩。○諭曰。前任西寧鎮總兵高天喜之長孫高勇忠。前經賞給難廕千總。並應襲伊父世職。俟伊年及歲時。著該督送部引見。

實錄卷一百一

五

大清高宗法天隆運至誠先覺體元立極敷文奮武孝慈神聖純皇帝實錄卷之一千二百二十

實錄卷一百一

五

大清高宗法天隆運至誠先覺體元立極敷文奮武孝慈神聖純皇帝實錄卷之一千二百二十一

監修總裁官總纂官太子太傅文淵閣大學士文淵閣領事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲副都統功加七級隨帶加一級尋常加二級軍功紀錄一次臣度柱

總裁官總纂官太子太傅文華殿大學士文淵閣領事稽察欽奉 上諭事件處管理刑部戶部三庫事務

世襲副都統軍功加十九級隨帶加二級又加二級臣董浩內大臣戶部尚書鑲藍旗滿洲都統軍功紀錄五次

尋常紀錄十四次臣德瑛總纂官太子少保工部尚書紀錄六次臣曹振鏞等奉

敕修

乾隆四十九年甲辰十二月丁酉諭向來旗

年表卷之十一

十

員効力行間懋著勞績及臨陣捐軀者其子孫俱有應得世職即年未及歲業經承襲尚未當差者亦給予半俸以資養贍而綠營員弁陣亡議卹之例止得難廕一次非奉特旨照旗員加恩予卹不能得有世職而其子孫非年及歲亦不能予襲蓋因綠營人員隨征打仗本不如旗人之奮勇出力而綠營所得俸薪養廉等項較多於旗人其軍功議敘及賞賚一切固不能一律亦所當然至効命疆

場則同一杆忠死事朕不忍稍存歧視嗣後綠營員弁除軍功議敘卹賞仍照舊例辦理外其陣亡人員無論漢人及旗人之用於綠營者總應與旗人一體給與世職即襲次已完亦照例酌給恩騎尉俾賞延於世以示朕獎勵戎行一視同仁至意其應如何酌定章程之處著軍機大臣會同該部詳悉妥議具奏○以故一等順勤侯馬官正子善慶一等子法靈阿子海昌襲爵○戊戌

年表卷之十一

十

上御乾清門聽政○諭曰李奉翰奏總兵銜副將李永吉前在豫省堵築漫口工竣回南患病沉重於十二月初一日病故等語前因李永吉在豫省幫同堵築積勞成疾曾降旨於河庫道庫內賞給銀五百兩以資調養今聞溘逝殊可憫惜所有前賞銀五百兩仍著賞給作為治喪之用以示優恤○諭軍機大臣曰劉秉恬題用藥迷人匪犯周家柏黃士才定擬斬決一本已交三法司覈擬具奏矣至

案內未獲之張速發李四明二犯係傳授藥方之人須速行拏獲從重究辦該二犯原籍湖南著傳諭特成額陸燿嚴飭各屬實力查緝剋期就獲毋使視為海捕具文以致遠颺漏網○又諭據福康安奏於甘涼二府拏獲傳習天主教之張繼勛劉志虞等並起出經卷等物現飭解省審辦一摺同日又據畢沅奏續獲天主教要犯劉西滿薛成林解京審訊等因一摺西洋人私至內地傳教惑眾最為風俗人心之害陝甘湖廣等省現已拏獲多人則其餘各省亦恐所在多有均應徹底查辦近聞西洋人與回人本屬一教今年甘省逆回滋事而西洋人前往陝西傳教者又適逢其會且陝甘兩省民回雜處恐不無勾結煽惑情事著傳諭福康安畢沅務須不動聲色留心防範嚴密訪拏並密諭各省督撫一體遵照妥辦不可視為具文亦不得張皇滋擾其畢沅摺內所稱未獲逃犯曾貴劉必

約張多明我及湖廣人趙安德各犯並著各該督撫上緊飭緝務獲解審毋致遠颺漏網將此由五百里各諭令知之○又諭甘省逆回勦滅淨盡所有小山底店等處該犯名下房屋田畝前經諭令福康安少為估價於甘省漢民內招買居住執業如本省願買人少並准其令附近甘肅之陝西漢民出資認買嗣據福康安奏委員分投查辦迄今已閱數月其作何辦理之處何以尚未據奏及此項房產雖為數稍多或一時不能速變亦當上緊籌辦俾小民得利自必踴躍認買著傳諭福康安即遵照妥辦具奏但不可因欲速售仍令回民託名承買務使各該處皆為漢人居住以便稽察而靖地方至福康安所奏伊犁等處撥解內地馬匹已移咨伊犁圖等挑選解送巴里坤並豫派員弁在彼驗收之處自當如此辦理將此傳諭知之○以故一等公景惠弟景恒一等子僧格多爾濟子寧德



三等男佟璜子達隆阿襲爵。○陝甘總督福康安疏報甘肅鎮原縣開墾成熟地一頃八畝。○己亥。

上至

裕皇貴太妃殯所奠酒。○諭禮部議奏。江西巡撫伊里阿題請已故巡撫李湖應否准入鄉賢祠一摺。李湖歷任封疆。實心實力。清勤懋著。在廣東巡撫任內。辦理地方事務。尤為認真。實係督撫中不可多得之員。李湖著照

李湖

李

李

所請。准入鄉賢祠。並著加恩入祀京師賢良祠。以昭追念前勞。風示有位之至意。○庚子。諭曰。佛喜保現有查詢事件。巡視山東漕務。著阿那布去。該處現有挑挖運河事務。著一體辦理。阿那布著馳驛前往。不必請訓。○諭軍機大臣等。據慶桂奏。連日將佛喜保指出。曾經告知知州苛斂之在籍原任刑部員外楊樞。及在伊轎前喊稟之行戶楊永清。逐細查詢。並無確據等因各摺。看來竟係佛喜保

病瘋多事。其在該御史轎前喊稟之行戶楊永清。所控各款。訊問既屬子虛。此人或即係佛喜保買出。亦未可定。應向切實根究。至佛喜保在濟寧。或別有賄誤多事情弊。並著慶桂據實奏。此案廣州一犯。業經鞫獲解往。潘日藻一犯。亦已於揚州緝獲起解。慶桂俟人犯到齊。即將案內情節。逐一秉公審訊。明確定案具奏。其濟寧巡漕已另派阿那布前往更換矣。將此諭令知之。○以貴州大定協

李湖

李

副將七十。為湖北宜昌鎮總兵。○壬寅。上幸瀛臺。○回部阿克蘇四品伯克邁瑪第敏等十二人。朝鮮國陪臣李徽之等二人。暹羅國陪臣帕史滑里那突等四人。金川木坪宣慰司甲勒參納木卡。及土司土舍頭目等三十一人。於西華門外瞻覲。命隨至瀛臺。賜茶。○諭軍機大臣曰。劉綏奏。古北口倉貯不敷。請於北倉漕米內撥給米一萬石。以為五十年夏秋二季。兵米之需等語。今歲古北口外

熱河一帶收成豐稔米價平減該處所需倉糧自應仍於古北口倉內撥給即可就近採買還倉。若在北倉撥給須由水路運至密雲復由陸路運至口外豈不徒費運脚耶。著傳諭劉綬將因何不在口外採買轉請於北倉撥給之處據實覆奏。○癸卯

上幸寧壽宮御景祺閣賜王公額駙大臣及蒙古王公台吉等食。○諭軍機大臣等據榮柱奏審擬李存義因強姦顧四兒不從逞兇殺

李存義

下

死復因顧四兒堂叔顧二各撞遇用刀砍死李存義因姦逞兇殺死二命又復扎傷二人淫惡已極此等兇惡之犯審明後自應一面正法一面奏聞又何必請旨俟批回後始行辦理致稽顯戮該侍郎所辦殊屬拘泥榮柱由刑部司員出身何不諳事體輕重若此所有李存義一犯著即行正法榮柱著傳旨申飭。○甲辰

上御撫辰殿大幄次賜蒙古王公額駙台吉等

及年班回部阿克蘇四品伯克邁瑪第敏等

十二人金川木坪宣慰司甲勒叅納木卡及各土司土舍頭目等三十一人宴。○諭新正舉行千叟宴所有與宴之官員兵民年在九十以上者俱准其子孫一人扶掖入宴其文武大臣年逾七十者令其自行揣摩如步履稍艱亦准其子孫一人扶掖入宴以示朕優待耆年有加無已之至意。○諭軍機大臣等前召見襄陽鎮總兵仲泰因其年力就衰清

李存義

太

語生疎深染綠營習氣難勝總兵之任已有旨令其在三等侍衛上行走乃昨據特成額奏到各鎮考語單內尚稱該員精力壯健熟悉營伍操演亦勤等語總督統轄通省文武於各該總兵賢否自當隨時體察考覈允當始行具奏方足以備朕揀擇今仲泰考語該督率意填註入告可見其於屬員年力才具平時全不留心特成額著傳旨申飭。○又諭據馮晉祚奏東省彌補虧空一摺首摘敘事

由稱東省虧空。依限彌補清完。乃閱摺內復有參革知縣羅煥章任內未完銀兩。請於現任各上司名下勻攤賠補。及抵墊一款。請依承變之例。立限一年變繳等語。是該省虧空。並未能依限完繳。何以該布政使。即稱彌補清完。况藩司管理通省錢糧。本有奏事之責。如果與巡撫意見參差。及別有袒護徇私情弊。原不妨據實參劾。朕必深為嘉許。即雨水糧價銀兩交代。隨時陳奏。亦屬向例。至籌補

中書李

本

庫項。係地方應辦公事。自應詳稟撫臣察覈辦理。又何必專摺具奏。急於見長耶。看來馮晉祚。竟係意存寬限。為卸責市恩地步。殊屬非是。著傳旨申飭。其所奏攤賠立限二事。著交明興。悉心籌酌。妥議具奏。○乙巳。諭軍機大臣等。據特成額奏。查緝西洋人一摺。內稱劉二彪所供佛像。請候部臣審辦等語。此等佛像。並非案內緊要情節。該督轉於小處用心。殊屬可笑。至蔡伯多祿。為勾引傳教最要

中書李

本

人犯。自應上緊緝捕。乃迄今已閱四月。尚未拏獲。此案西洋人書信。既有蔡伯多祿送至湘潭之供。看來該犯並未回至廣東。亦未潛回閩省。自必仍在湖廣一帶藏匿。此事竟著責成特成額專辦。該督務須飭屬購線。嚴密訪緝。以期速獲。毋得視為具文。仍前疎玩也。○又諭。據劉義奏。河間縣差役陳奉山。挾嫌誣告監生王繼泰。復向索詐銀兩。以致王繼泰忿極戕生。該縣姚邁德。並未訊出實情。朦混具詳。正在駁飭審辦間。該府福喜納等。又據陳奉山之子陳文熾。指告生員王一會。唆訟拏獲。究審隨據該府稟報。王一會在監病故。顯有別情。請將姚邁德革職。福喜納解任。嚴審一摺。此事甚奇。足見直省吏治廢弛。該縣姚邁德。縱役索詐。釀成人命。並不據實究報。心存諱飾。朦混具詳。及經上司駁飭。屍親控告。又偏聽差役陳奉山之子陳文熾之言。將王

一會拘拏監禁致斃實出情理之外如該縣迴護縱役詐贓將王一會妄拏拘禁又復致死滅口則情罪甚重即將該縣擬抵處以立決亦所應得雖在封篆以後亦當按律辦理不可稍存拘泥此案先經該督指駁嚴審臬司梁肯堂亦以事關人命情節支離詳明駁飭提犯查審究出索詐斃命實情會揭請叅自不至稍有迴護是以不復簡派欽差前往審辦著傳諭劉我不必來京即往河間速行提集犯

本年十一月

本

證嚴切究審訊明確情定擬速奏審明後若尚可及初六日入宴之期即速來○是日乙巳年立春順天府進土牛春山寶座○丙午孝莊文皇后忌辰遣官祭

昭西陵○諭古城巴里坤大臣原因訓練兵丁而設並不辦理地方事務嗣因海祿奏查地方官欠項始令兼管但領隊大臣能訓練兵丁復能辦理地方事務者甚屬難得況彼處有烏嚕木齊都統又有道員等官該地方事

務仍著烏嚕木齊都統道員等官管理所有地方事務毋庸領隊大臣督察以專訓練○諭軍機大臣等前據劉我奏飭查拏西洋人漢色勒木阿頭大多現在尚未就獲等語西洋人漢色勒木即顏詩莫阿頭大多即德天賜楊義格拉烏里必約即羅機洲麥守德四人俱係令汪達洪寄信粵東經該督委員伴送來京當差應用者並非汪達洪私行勾引潛赴直省傳教之人著傳諭劉我即通飭各

本年十一月

本

屬停止查拏至接引傳教之劉必約亦據畢沅奏報拏獲解京將此一併諭令知之○是日起

上以歲暮裕祭

太廟齊戒三日○丁未諭曰三姓地方協領奇蘭保夥同凌夫舞弊一案豈得謂明英不知情而無罪耶著將伊公爵并副都統之職革去派松筠都爾嘉質審其所遺三姓副都統員缺即著富珠禮調補○諭軍機大臣等據

長清奏稱烏魯木齊應納地租官錢改納銀兩每兩加增一二錢不等請旨一律辦理等語此皆海祿從前過事苛求是以長清如此釐正尚覺可行惟是烏魯木齊非內地可比長清甫經抵任於一切事宜惟期認真固不可以海祿過於苛求亦不得遇事退縮觀望一味寬簡即如犂獲青山子一帶地方私挖金礦等事此亦海祿任內嚴行辦理之事豈得亦謂之苛求乎凡新疆大臣宜正己率屬遇一切事秉公辦理若果可行朕必允其所請嗣後長清海祿均當仰體朕諭訓練兵丁寧謐地方稽查盜匪正己率屬斷不可過事苛求亦不得逡巡觀望市美沽名將此傳諭長清海祿知之○戊申以歲暮祫祭遣官祭太廟中殿

後殿○諭曰軍機大臣會同理藩院奏請喀喇沁親王品級喇特納錫第巴林親王品級巴圖伊等本身原有之郡王爵仍令世襲罔替

其恩賞親王品級缺出時不准承襲等語此雖照例辦理但喇特納錫第巴圖行走多年甚屬勉力著施恩將賞給伊等親王銜俟缺出時請旨其原有之郡王爵皆令世襲罔替○己酉祫祭

太廟

上親詣行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵○遣官祭

孝賢皇后陵

端慧皇太子園寢○遣官祭

太歲之神。○諭軍機大臣等據舒常等奏將西洋人哆囉解京質訊一摺據哆囉供稱四十八年三月內有西洋二人一名吧哋哩啞嘍一名吧哩噠哩哋來對我說有山東李姓教名吧哆囉嗎要引他二人往山東傳教九月內又有西洋二人要往湖廣四川傳教亦是山東李姓引去等語山東李姓係內地民人乃敢私行勾引西洋人往各處傳教情節甚為可惡從前何以未據明興查拏究辦足

清錄李書

五

見該撫於此案並未認真查辦著將舒常原摺鈔寄明興閱看即將李姓一犯並其勾引前往之西洋二人一併嚴拏務獲解京審辦毋得仍前疎玩致要犯遠颺漏網將此由五百里諭令知之○庚戌

上御保和殿筵宴朝正外藩左翼科爾沁和碩親王恭格喇布坦多羅郡王鄂勒哲特穆爾額爾克巴拜喇什噶勒當多羅貝勒古穆扎布固山貝子班珠爾輔國公納遜巴圖諾

觀達喇公品級一等台吉拉旺和碩額駙雅

喇木丕勒一等台吉色楞丹巴敏珠爾多爾

濟琳沁多爾濟喀喇沁親王品級多羅郡王

喇特納錫第固山貝子丹巴多爾濟輔國公

溫都爾瑚公品級一等塔布囊瑪哈巴拉多

羅額駙扎密揚多布丹滿珠巴咱爾固山額

駙敦珠布色布騰巴林親王品級多羅郡王

巴圖固山貝子德勒克多爾濟喇布坦一等

台吉索特納木多爾濟多羅額駙丹津二等

清錄李書

五

台吉索諾木奈曼多羅郡王拉旺喇布坦蘇

尼特多羅郡王車凌衮布多羅貝勒恭桑扎

勒敦漢多羅郡王齊默特噶瓦固山貝子桑

濟扎勒德威多爾濟多羅額駙巴勒丹固山

額駙扎爾瓦二等台吉色布騰多爾濟烏珠

穆沁多羅貝勒達什衮布土默特多羅貝勒

索諾木巴勒珠爾固山貝子色布騰棟囉布

阿巴哈納爾多羅貝勒瑪哈巴拉翁牛特固

山貝子圖們巴顏二等台吉三濟扎布巴顏

巴圖爾哈斯巴圖爾扎魯特輔國公朋素克  
克什克騰扎薩克一等台吉根敦達爾扎右  
翼科爾沁和碩親王旺扎勒多爾濟多羅郡  
王喇什端羅布喀爾喀和碩親王固倫額駙  
拉旺多爾濟扎薩克圖汗齊旺巴勒齋多羅  
郡王桑齋多爾濟多羅貝勒阿裕爾達克丹  
多爾濟德木楚克扎布固山貝子遜都布多  
爾濟輔國公德勒克多爾濟車登多爾濟巴  
圖濟爾噶勒扎薩克一等台吉達什琳沁貢

實錄奉旨

主

格拉什衮布多爾濟貢楚克一等台吉固穆  
扎布烏珠穆沁和碩親王瑪哈索哈阿巴噶  
多羅郡王喇特納什第衮布扎布固山貝子  
朋楚克浩齊特多羅郡王敏珠爾多爾濟吐  
魯番多羅郡王伊斯堪達爾協理旗務伯克  
拜喇木哈密郡王品級多羅貝勒額爾德錫  
爾回部郡王品級多羅貝勒哈第爾輔國公  
額色尹公品級阿奇木伯克邁瑪第敏翁牛  
特多羅貝勒濟克濟扎布多羅額駙班珠爾

杜爾伯特固山貝子博第扎薩克一等台吉  
布達什哩三等台吉額爾克巴圖爾四等台  
吉尼蘇海青海固山貝子羅布藏色布騰齊  
默特丹巴歸化城土默特輔國公索諾木旺  
扎勒鄂爾多斯輔國公丹津多爾濟郭爾羅  
斯扎薩克一等台吉阿喇布坦並年班回部  
阿克蘇四品伯克邁瑪第敏等十二人又木  
坪宣慰司甲勒叅納木卡及土司土舍頭目  
等三十一人及領侍衛內大臣等召左翼科

實錄奉旨

主

爾沁和碩親王恭格喇布坦多羅郡王喇什  
噶勒當喀喇沁親王品級多羅郡王喇特納  
錫第巴林親王品級多羅郡王巴圖奈曼多  
羅郡王拉旺喇布坦蘇尼特多羅郡王車凌  
衮布烏珠穆沁多羅貝勒達什衮布土默特  
多羅貝勒索諾木巴勒珠爾固山貝子色布  
騰棟囉布教漢固山貝子桑濟扎勒右翼科  
爾沁和碩親王旺扎勒多爾濟多羅郡王喇  
什端羅布喀爾喀扎薩克圖汗齊旺巴勒齋

多羅郡王桑齋多爾濟阿巴噶多羅郡王喇特納什第衮布扎布吐魯番多羅郡王伊斯堪達爾哈密郡王品級多羅貝勒額爾德錫爾翁牛特多羅貝勒濟克濟扎布青海固山貝子羅布藏色布騰等至

御座前賜酒成禮○是月湖南巡撫陸燿奏官員父母年七十以上家無次丁或八十以上雖有次下例准呈請終養是教孝即以作忠若生我之愛尚且淡薄於民風吏治何關痛

實錄卷千五

元

瘡至人子出仕迎養父母在署固為公私兼盡若父母初未隨任不肯告歸在家者轉出求仕皆於名教大有關係臣查屬員內凡例應終養之員勒令告歸請勅各直省督撫通飭現任及試用人員遵例終養以正人心而厚風俗得旨所奏是該部如議行○貴州巡撫永保奏黔省威寧各廠黑白鉛觔由威寧運畢節達川省永寧鉛局查各廠至畢節站遠山多路險徑難不無攬前落後間有逾期

未到如不設法督催設遇各省並年採買勢必挽運不及且難保無中途盜賣情弊現責令近駐威寧之貴西道督率大定府知府將已發各鉛督催收發轉運並委試用佐雜等四員交該道府派於沿途分駐專司催趲每五日將催過號數報該道府及臣衙門其畢節總路另委員駐劄將收到轉發各數按日報查並檄飭永寧局委員將已收者隨時查報以歸覈實得旨嘉獎○是年追予甘肅石

實錄卷千五

年

峯堡出師陣亡叅將孫受一員守備白玉昇一員千總楊曙陳開學二員土千總我什舟日一員把總何德福程銳二員外委任連春田應魁張永福三員馬步土兵趙登雲等三百十四名祭葬卹賞如例俱入祀昭忠祠○旌表孝子江蘇等省民呂正燧等六名守節合例八旗閑散宗室代興妻舒穆魯氏等三口滿洲馬甲噶林妻魏氏等七十七口蒙古官學生布綸妻朱氏等三十口漢軍馬甲董



殿相妻金氏等二十六口。內務府馬甲四達色妻徐佳氏等四口。奉天等省閑散陳維璠妻郭氏等二百二十七口。直隸等省民李蔭妻楊氏等三百二口。夫亡殉節江蘇等省民王懷曾妻陳氏等十四口。未婚守志江蘇等省民馬儀培聘妻毛氏等十六口。百歲壽民婦江蘇等省郭有英等二十八名口。各給銀建坊如例。○一產三男。直隸等省民王三平等五家。○會計天下民穀數。各省通共大小男婦二萬八千六百三十三萬一千三百七十七名口。各省存倉米穀三千九百八十二萬七千三百一十六石六斗三升一合一勺。

實錄李重王

王

大清高宗法天隆運至誠先覺體元立極敷文奮武孝慈神聖純皇帝實錄卷之一千二百二十一

實錄李重王

王

大清高宗法天隆運至誠先覺體元立極敷文  
奮武孝慈神聖純皇帝實錄卷之一千二百二十二

監修總纂官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲副都統世襲騎都尉軍功加七級隨帶加一級尋常加二級軍功紀錄一次臣慶桂

總纂官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲黃旗滿洲副都統軍功紀錄五次

等第紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆五十年乙巳春正月辛亥朔

上詣

奉先殿行禮○詣

堂子行禮○御太和殿受朝作樂宣表如儀○

詣

大高殿

壽皇殿行禮○遣官祭

太廟後殿○御乾清宮賜皇子皇孫親王等宴○

上以乾隆五十年國慶頒詔天下詔曰朕膺圖

建極熙績撫辰恭荷

上蒼篤祐

列聖貽謨遐邇乂安版圖式廓夙夜兢業弗敢

康寧仰惟

皇祖聖祖仁皇帝化成久道仁義漸摩

皇考世宗憲皇帝累洽重熙涵濡休養朕祇承

世德敬迓

鴻釐於今五十年壽逾古稀康彊勤政稽三代

以上帝王御宇紀登久祚者代不數觀洎漢

而後史冊更勘聞焉方今

吳穹申命繁禧茂祉集於朕躬五世元孫一堂

衍慶緝熙純嘏之休決於海宇凡茲中外臣

民咸登仁壽際斯熙會洵千載一時爰循

祖典於上春六日懋舉耆筵麗眉鳩杖集於闕

廷者三十叟二月上丁恭行

釋奠迺臨新建辟雍引年講學用以導揚明

和式茲觀聽上儀具舉丕烈用光我國家億

萬斯年之福申錫無疆惟爾海內羣黎向化

喁喁瞻依彌摯前者朕七旬萬壽曾普頒恩

詔闡澤覃敷。今御極五十年。嘉慶疊臻。尤為  
伊古稀有。朕惟一人有慶。兆民允賴。是宜特  
沛殊恩。下孚輿望。用稱朕敬

天法

祖加惠黎元之至意。所有應行事宜。開列於後。  
一各直省有同堂五世者。著各督撫查明咨  
送軍機處彙奏。給予賞賚。一五獄四瀆等祀。  
及風雨雷火各神。應遣官致祭。著察例舉行。  
一

歷代帝王陵寢

先師孔子闕里。應遣官致祭。著察例舉行。  
王妃以下。奉恩將軍之妻以上。公主以下。鄉  
君以上。年過六十者。俱加恩賜。一外藩王妃  
以下。公扎薩克。台吉。塔布囊。妻以上。年過六  
十者。俱加恩賜。一滿漢大臣命婦。年過六十  
者。俱加恩賜。一八旗滿洲蒙古漢軍兵丁。及  
內扎薩克。喀爾喀等蒙古。未經入宴之年。七  
十八十九十以上者。分別賞賚。至百歲者。題

明給興建坊銀兩。並加賞大緞一匹。銀十兩。  
一滿洲兵丁。係披甲効力行間。年過六十。因  
殘廢疾病。閒住。不能入宴者。著加恩賜。一軍  
民年七十以上者。許一丁侍養。免其雜派差  
役。八十以上者。給與絹一匹。棉十觔。米一石。  
肉十觔。九十以上者。倍之。至百歲者。題明旌  
表。並加賞大緞一匹。銀十兩。一各省儒學。以  
正貢作恩貢。以次貢作歲貢。一國子監貢監  
生。及各官學教習。免其坐監期一月。一內外

滿漢大臣文武官員。俱加一級。試職各員。俱  
准實授。一內外大小各官。除各以現在品級  
已得封贈外。凡陞級及改任者。著照新銜封  
贈。一各直省軍流以下人犯。俱著減等發落。  
一各處養濟院。所有鰥寡孤獨。及殘疾無告  
之人。有司留心。以時養贍。毋致失所。一滿漢  
孝子順孫。義夫節婦。該管官細加諮訪。確具  
事實。奏交禮部覈實旌表。於戲。敘五福。錫厥  
庶民。以洽百禮。式九圖。受茲多祜。曰至萬年。

布告天下咸使聞知○壬子

上御重華宮召大學士及內廷翰林等茶宴以千

叟宴聯句○御紫光閣賜蒙古王公台吉及回

部郡王台吉朝鮮國暹羅國使臣並金川土司

等宴○諭上年安徽亳州因豫省睢州漫工黃

水下注沿河低窪田畝間有被淹業經降旨令

該撫董率所屬切實查勘照例給賑俾無失所

第念今春正賑已畢尚屬青黃不接之時民

食不無拮据著加恩將亳州被災八九分貧

民無論極次於正賑後再行加賑一個月以

資接濟其衛所被災貧民並著循例一體加

賑至亳州七分災極次貧民及泗州等八州

縣成災五分并勘不成災之區有需酌借口

糧籽種者並著該撫察看情形分別酌量辦

理該撫務督率各屬實力妥辦俾閭閻均霑

實惠以副朕軫恤窮黎有加無已之至意該

部即遵諭行○又諭上年豫省衛輝一屬雨

澤愆期農民未能一律趕種秋麥又睢州南

岸漫口下游被水之商邱寧陵睢州等州縣

晚秋尚未收穫及合龍後地畝涸出已不及

播種二麥雖經節次降旨令該撫查明實力

撫卹第念今春正賑已畢該處農民於青黃

不接之時口食未免拮据著加恩將汲縣新

鄉獲嘉輝縣淇縣商邱寧陵睢州等八州縣

內十分災之極貧民再展賑三個月十分災

之次貧並九分災之極貧民展賑兩個月九

分災之次貧及七八分災之極次貧民均展

賑一個月其被災五六分地畝著酌量借給

口糧所有乾隆四十九年民欠錢糧並於本

年秋熟後徵收以紓民力該撫其董率所屬

實力妥辦務使災黎均霑渥澤用溥春祺該

部即遵諭行○癸丑諭據保寧奏四川達州

民人張子翼現年百歲五世同堂一摺張子

翼壽享期頤曾元繞膝洵為昇平人瑞宜加

恩賚以示寵榮茲親製詩章御書扁額以賜

其應賞給銀兩緞匹及建坊之處著該部照

例具題○

御製詩曰西川特地報嘉祥行慶頤齡人姓張  
一老百年登壽表元孫五代喜同堂太和元  
氣

天庥沐寰宇熙春

祖德昌際此繁滋仁壽世益厘懷保念無違○

御書扁曰頤齡衍慶○甲寅諭據李承鄴奏江

西龍泉縣民古朝爵現年百歲五世同堂一

摺古朝爵壽享期頤曾元繞膝洵為昇平人

瑞宜加恩賚以示寵榮茲親製詩章御書扁

額以賜其應賞給銀兩緞匹及建坊旌表著

該部照例具題○

御製詩曰作善應知降百祥西江古並四川張

己看躋壽百年表復喜歡同五代堂食德飲

和

三世永夫耕婦織一家昌新春頻詠繁禧句祇

益持盈敬莫違○

御書扁曰繁頤餘慶○乙卯諭據劉秉恬奏雲

南阿彌州民王國言現年一百三歲請旨旌  
表一摺王國言壽過期頤孫曾繞膝洵為昇  
平人瑞宜加恩賚用示寵榮茲御書扁額以  
賜其應賞給銀兩緞匹及建坊旌表著該部  
照例具題○

御書扁曰南弧垂采○丙辰享

太廟遣恒郡王永皓恭代行禮○遣官祭

太歲之神○

上御乾清宮賜千叟宴親王郡王大臣官員蒙

古貝勒貝子公台吉額駙回部番部朝鮮國

使臣暨士商兵民等年六十以上者三千人

皆入宴屆時

上升座中和韶樂作與宴之王公大臣以下按

班序立行三跪九叩禮興樂止各入坐次行

一叩禮坐丹陛大樂作

上進茶王公大臣以下行一叩禮賜王公大臣

等茶咸跪受行一叩禮丹陛清樂作

上進酒獻爵大臣行一叩禮王公大臣等皆行

一叩禮賜獻爵大臣酒獻爵大臣跪受行一叩禮賜王公大臣等酒咸跪受行一叩禮一品大臣以上及年屆九十以上者

召至御座前

親賜卮酒各跪受行一叩禮樂止賜食各就坐次跪受行一叩禮承應上演劇王公大臣以下咸受饌畢行一跪三叩禮中和韶樂作禮成

上啟座命以千叟宴聯句頒賞如意壽杖繒綺

貂皮文玩銀牌等物有差王公大臣以下咸跪領退至乾清門外行三跪九叩禮○

御製千叟宴恭依

皇祖元韻詩曰抽秘無須更騁妍惟將實事紀

耆筵追思侍

陞髫垂日訝至當軒手賜年君酢臣疇九重會

天恩國慶萬春延

祖孫兩舉千叟宴史策饒他莫並肩○丁巳

世祖章皇帝忌辰遣官祭

孝陵

上詣

雍和宮行禮○諭曰左都御史周煌奉職有年小心勤慎前因年力就衰病體未能痊愈奏請開缺回籍周煌著加恩以兵部尚書致仕並加太子少傅銜用昭優眷左都御史員缺著紀昀補授李紱著補授兵部侍郎所遺湖北巡撫員缺著吳垣調補其廣西巡撫員缺著孫永清補授○戊午諭據雅德奏侯官縣

職員許王臣自曾祖許友至伊孫曾同居七世丁衍百餘洵為盛世庶徵請旨旌表等語許王臣家庭聚順雍睦可風宜推旌淑之恩益廣型仁之化茲特親製詩章御書扁額以賜其應賞給緞匹建坊旌表之處該部照例具題○

御製詩曰數世同居弗一足總緣

恩沐累熙朝詎惟表戶金帛賜合與題篇姓氏昭和睦允稱惇史鮮孝廉漫憶漢家嘲欲長

善善應嘉予匪詗昇平教化調○

御書扁曰海國醇風○又諭曰熊岳副都統德福著留京在散秩大臣上行走所遺員缺著索喜補授福珠禮已調補三姓副都統所遺阿勒楚喀副都統員缺著那奇泰補授○諭軍機大臣等據閔鶚元奏抽改通鑑綱目續編將第七第八兩函改正之本照原板式樣一律刊刻以成完本換給繳書之家俾知一經呈繳即可領得完善之本自必踴躍呈換可期搜繳淨盡等語所辦甚好挖改通鑑綱目續編每頁自數字至百十字不等在書籍較少省分即將收繳原本抽改發還自無不可至浙江江西安徽福建等省人文最盛刊刻書籍流傳必多其收繳之本自應照江蘇一律辦理方為周妥著將閔鶚元原摺鈔寄閱看令其遵照妥辦將此諭令知之○又諭曰何裕城奏豫省各屬得雪情形雖被膏澤尚欠需足已於摺內批示至河北一帶去年雨

水均屬短少現據該撫奏衛輝府屬之淇縣汲縣延津縣各得雪三四五寸此外所屬各縣及彰德懷慶二府曾否一律普霑可以補種春麥如續有稟報即著何裕城查明據實覆奏○直隸總督劉峩覆奏古北口駐防等營兵米如該同知衙門倉貯不敷原應奏明動項在口外各屬採買供支第承德府並所屬一州五縣本年雖屬豐收而朝陽建昌赤峯等縣相距甚遠其餘各屬現有買補本境糧額暨代買承德府備貯米石均未便令其採買且歷年口外買米運至古北口腳價每萬石總須銀二千八百餘兩茲查北倉漕米由水路運至通州再由陸路運至古北口每萬石祇需腳費二千六百餘兩較之口外尚可減省請於北倉存積漕米撥給得旨如所議行○以甘肅按察使汪新為貴州布政使○是日起

上以祈穀於

上帝齋戒三日。○己未。軍機大臣議覆據烏魯木齊都統長清奏稱。烏魯木齊各廳州縣牲稅房租銀兩。經前任都統海祿奏請額定。每歲收銀二萬八十餘兩。以抵經費。今查迪化州。及迤西迤南等處。俱能徵收足額。惟迤東之阜康濟木薩奇台宜禾等處。不敷定額。因從前海祿查辦時。俱係庫貯錢文。而各屬市價。係制錢八百文。合銀一兩。惟吐魯番宜禾等處。係制錢七百文。合銀一兩。該處易銀解庫。必須加平補色。名為個頭錢。每銀一兩。實須錢九百文。其吐魯番地方。業經迤西委員將個頭錢分晰扣算。照依九百文合銀一兩。是以足敷原額。而迤東委員並未扣算個頭錢文。照依八百文。即合銀一兩。覈數具稟。是以於定額多有未敷。應如所請。嗣後交納牲稅房租銀兩。如以銀完納者。聽其自便。若以錢完納。均按照制錢九百文作銀一兩扣算。呈繳。不得仍留個頭錢名目。並令該都統督

飭所屬實力稽查。不必拘定海祿所定額數。仍照臣等原議。儘收儘報。毋許額外多索。從之。○刑部議。山東東平州顏劉氏呈控。故夫堂弟顏士俊。因謀產誣姦逼嫁。控官不究。以致顏劉氏情迫赴京控告。實屬不合。應將該撫交部議處。得旨。此案顏士俊起意圖霸。伊堂兄顏士奇產業。捏造姦情。汙蔑婦顏劉氏。復敢兩次用強逼嫁。搬搶什物。逞兇毒毆。情節甚屬強橫。顏士俊著改發伊犁給厄魯特為奴。顏懷法等。隨同逼嫁。亦屬可惡。雖事犯在恩詔以前。其應犯徒罪枷杖。均不准寬減。泰安府知府於顏士俊兩次謀產誣姦逼嫁重情。先經顏劉氏呈控到案。既未審理。嗣經該撫等節次批飭親訊。遲至二年。不行審辦。殊屬怠玩。著交部嚴加議處。至各省案件。如有赴上司衙門控告者。前經降旨。令該撫遵委公正明幹之道府大員前往審辦。不得仍發交原審官。以致迴護瞻徇。乃明興等於



顏劉氏控告時仍發原地方官審訊又不查  
催亦有不合著文部議處○以甘肅蘭州道  
陳淮為甘肅按察使○庚申

上詣

南郊齋宮齋宿○諭朝鮮國於藩封中臣服最  
久每遇萬壽元旦冬至年節俱備方物呈進  
朕鑒其忱悃俱令該衙門收存仍優加賞賚  
此外遇有奏賀奏謝及陳奏等事亦均有隨  
表貢物向例皆稱不受准為下次正貢並

經降旨令於尋常陳奏事件不必再具貢物  
而該國王仍前備進以致備抵之物輾轉存  
積在該國王恪守成規固屬恭順之道但存  
積日久轉相抵算且仍有餘出者非朕厚往  
薄來體恤屬國之意也所有朝鮮國歷年留  
存各物竟著該衙門悉行收受仍按照原物  
從優加賞嗣後該國於每歲正貢及如千叟  
宴等類特舉曠典自應照舊備物呈進朕亦  
必收受厚加賞賚此外凡遇尋常奏賀奏謝

陳奏等事祇須備具表文其隨表貢物該國  
王務仰體朕意恪遵諭旨概行停止毋事多  
儀以副朕柔惠遠邦以實不以文之至意該  
部即行文該國王知之○辛酉祈穀於

上帝

上親詣行禮 山東巡撫明興奏東省虧那倉  
庫銀項除業已報解司庫外現在惟臨淄縣  
羅掖章名下未完銀一萬六千六百九十一  
兩該員因承審案件經臣叅奏革審此項銀

兩係該員接收前任原虧前經清查共缺銀  
三萬三千兩零該員任內除已彌補銀一萬  
六千餘兩外尚未完銀一萬六千餘兩據該  
府查明任所別無貲財此項銀兩原非羅掖  
章自行虧那今限期已滿該員現已劾叅自  
未便再行流交後任致滋延宕應請於清查  
以後現任各上司名下按股攤賠至各屬抵  
墊一款現已變解銀三萬四千七十七兩五  
錢尚未變解銀二十五萬五千二百七十四

兩五錢此項銀兩從前因係有抵原未計入虧那數內且恐同時併力勒追各州縣力有不支是以未經勒限但歷今已屆三年各州縣實虧之數既已解清則此項銀兩亦應速行歸款不得以原抵之物尚在聽其任意遲延可否照臣原奏請自五十年正月為始凡有應行變抵各州縣統勒限一年盡數變解以清積款再有逾限即照本身虧空嚴叅治罪得旨如所議行○壬戌

上詣

大高殿行禮○詣

安佑宮行禮○幸圓明園○癸亥

上御山高水長賜蒙古王公台吉及回部郡王台吉朝鮮國暹羅國使臣並金川土司等茶果至丙寅皆如之○諭據福崧奏海寧州民顧均玉現年一百一歲顧武恭現年一百四歲又天台縣民林均治現年一百二歲請旨旌表等語顧均玉等年逾百齡精神矍鑠洵

為昇平人瑞其應行旌表及賞給緞匹銀兩之處著該部照例具題○甲子

上御奉三無私殿賜皇子皇孫宗藩等宴○乙

丑

上詣

安佑宮行禮○御正大光明殿賜朝正外藩等宴召左翼科爾沁和碩親王恭格喇布坦旺扎勒多爾濟多羅郡王喇什噶勒當喀喇沁親王品級多羅郡王喇特納錫第巴林親王

品級多羅郡王巴圖奈曼多羅郡王拉旺喇布坦蘇尼特多羅郡王車凌衮布烏珠穆沁多羅貝勒達什衮布土默特多羅貝勒索諾木巴勒珠爾固山貝子色布騰棟囉布敦漢固山貝子桑濟扎勒右翼喀爾喀扎薩克圖汗齊旺巴勒齋多羅郡王桑齋多爾濟科爾沁多羅郡王喇什端羅布阿巴噶多羅郡王喇特納什第衮布扎布回部郡王伊斯堪達爾郡王品級多羅貝勒額爾德錫爾翁牛特

多羅貝勒濟克濟扎布青海固山貝子羅布藏色布騰等至御座前賜酒成禮

大清高宗法天隆運至誠先覺體元立極敷文奮武孝慈神聖純皇帝實錄卷之一千二百二十二

大清高宗法天隆運至誠先覺體元立極敷文奮武孝慈神聖純皇帝實錄卷之一千二百二十三

監修總裁官經筵講官太子太傅文淵閣大學士文淵閣領事領侍衛內大臣稽察欽奉 上諭事件處管理  
吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂  
總裁官經筵講官太子太傅文華殿大學士文淵閣領事稽察欽奉 上諭事件處管理刑部戶部三庫事務  
世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次  
尋常紀錄十四次臣德瑛經筵講官太子少保工部尚書紀錄六次臣曹振鏞等奉  
敕修

乾隆五十年乙巳正月丙寅

上御正大光明殿賜大學士尚書等宴○諭曰朕仰承

天眷上年喜得五世元孫嘉慶駢臻恩施宜渥因令各督撫查明所屬紳士庶民有身及五代同堂者加恩賞賚茲據造冊咨送軍機處彙奏共一百九十二戶內郭有英張羽劉湘鍾君寵四人俱壽逾百齡曾元繞膝洵為昇平人瑞朕親製詩一章分賞四家並各御書扁額以賜用示寵榮所有應賞銀兩緞匹及

建坊之處。仍著該部照例具題。其未屆百齡。五代同堂之張文聚等。一百八十八人。並著各督撫分別年歲。給予扁額。賞給緞匹銀兩。以昭錫福推恩。同登壽宇之至意。

御製詩曰。紀元五十承。

天眷述。

祖乾清。叟宴張。彙報遂教來續續。特章豈獨讓。堂堂京畿齊。粵四氏得。張郭劉鍾五代昌。壽世庶徵真是罕。持盈保泰惕何遑。

御書扁賜郭有英曰。期瑞繁昌。張羽曰。引年鍾盛。劉湘曰。延齡餘慶。鍾君寵曰。養庠衍福。諭軍機大臣等。昨據何裕城奏報。通省得雪情形。一摺。內稱河以南各屬。均已優渥。惟河北之衛輝所屬各縣。究未霑足等語。前因衛輝上年雨澤稀少。秋麥未能播種。是以新正降旨加恩。分別展賑。今據該撫奏。通省俱已得雪。惟衛輝一帶。僅得雪二三寸。尚未優霑。朕心深為廑念。著傳諭何裕城親往查明。該

處實在情形。如麥苗不及趕種。民食或有拮据。於展賑畢。尚有必須接濟之處。即行據實具奏。至衛輝一屬。連年被有旱災。細思之。不得其故。該處泉脈甚多。如百門等泉。皆在其境內。自應設法疏濬。俾山澤通氣。得以應時沾溉。何裕城昨歲在睢州辦理堵築事宜。未能親往衛輝各屬。履勘情形。現在新隄業經穩固。著何裕城即親赴汲縣新鄉等處。詳加履勘。悉心講求。該處因何被旱。即將應行疏

導各泉源。實力躡看籌辦。並督率所屬。虔誠祈禱。以冀感台。

天和仰邀渥澤。農民得以乘時力作。並將該處是否尚須展賑之處。酌量情形。據實具奏。候朕再降恩旨。將此由四百里傳諭知之。

○戊辰。上御山高水長。賜王公大臣。蒙古王公台吉等茶果。諭據和碩裕親王奏。現年已逾八旬。精力就衰。請免所管族長事務。及上朝差使。

停給賞俸等語。即照伊所奏。免其上朝。其所管族長之缺。著交宗人府進牌另行補放。至於俸祿。若全行停止。於其生計未免竭蹶。著加恩賞給半俸。○已已。

上御山高水長。賜王公大臣蒙古王公台吉及回部郡王台吉。朝鮮國暹羅國使臣並金川土司等茶果。○諭著派拉旺多爾濟馳驛前往烏里雅蘇臺。署理將軍印務。拉旺多爾濟到彼接印之後。奎林即可帶伊子惠倫來京。

想此數年以來。惠倫亦稍有出息。奎林來京請訓後。伊子即留京挑取差使。奎林仍馳赴伊犁。俟伊勒圖應起程時。將將軍印務及一切案件明白交付奎林。再來京陛見。○又諭據松筠等奏稱。審訊盜賣官簿奇蘭保一摺。此等要犯。著松筠訊取確供後。即押解來京。候將逃犯王從龍等拏獲時。一同質訊。○諭軍機大臣等。據伊勒圖奏。遣犯岳美因出征金川脫逃。限內自首。發往伊犁。給兵丁為奴。

於四十九年十一月脫逃等語。岳美係金川逃兵。因其自首。免死發遣。已屬格外之仁。今復敢潛逃。情罪甚為可惡。該犯籍隸四川。自必潛回本籍。或沿途隱匿。均未可定。著傳諭各該省督撫。飭屬嚴緝。務獲於拏獲處所。一面奏聞。一面正法。以示懲儆。將此由四百里各諭令知之。○又諭據松筠等奏。查審吉林所屬三姓協領奇蘭保盜賣官簿一案。內有夥同私行分買人簿民犯王從龍等八名。俱

先經脫逃。請勅下各該犯原籍督撫查拏等語。該犯等夥同奇蘭保盜買官簿。復敢先行脫逃。大干法紀。現已有旨令松筠將此案人犯押帶來京。嚴審定擬。該犯等在吉林地方脫逃。自必經由直省潛回原籍。著傳諭各該督撫。即嚴飭所屬。速行躡緝。剋期務獲。解京審訊。毋得視為海捕具文。以致稽延漏網。將此由六百里各諭令知之。○庚午。諭年班來京之回子伯克等所用車輛馬匹。嗣後著覈

定數目。毋得溢額多支。並交該院傳諭回城駐劄大臣。○辛未。諭軍機大臣等。據明興奏山東藩庫充公銀兩。除動支外。實貯銀二十萬二千三百兩零等語。各省藩庫銀兩。於年底循例奏聞。自應將正雜各項銀兩。一併列入具奏。何以明興此次摺內。僅奏及充公一款。若該省藩庫。除充公之外。並無別項錢糧。則藩庫所存銀兩。為數豈不太少。所奏殊未明晰。著傳諭該撫。即將因何止將充公銀兩

具奏。並該省藩庫。此外各項銀兩。共有若干之處。另行詳晰覆奏。○壬申。諭軍機大臣等。昨因明興奏藩庫充公銀兩。未將正雜各銀一併具奏。已有旨詢該撫。本日始據將藩庫實存銀數奏到。所奏總不清楚。已於摺內批示矣。各省藩庫銀數。於年底遵例彙奏。自應將各項錢糧。一併列入。乃明興將地丁等銀與充公銀兩。分為二摺。先後呈進。即此可見其糊塗不曉事體。況摺內既稱酌留經費銀

三百四十四萬八千餘兩。其下剩五十一萬四千餘兩。聽候酌撥。何以又稱此外別無存貯不動之項。亦未明晰。明興著傳旨申飭。仍著該撫將東省藩庫銀兩。究竟實存若干。動撥若干。是否足敷本年經費。抑或另需籌撥。濟用之處。詳晰開單具奏。尋奏。司庫充公銀兩。歲底繕造四柱冊摺。一面具奏。一面報部。係雍正七年定例。藩庫實存銀數。及盤查倉庫錢糧二項。於正月內彙摺具奏。係乾隆四

十四年部議通行。臣拘泥舊例。將地丁等銀與充公銀兩。分為二摺。先後呈進。實屬糊塗。再查東省藩庫。實在存貯各年各案地丁等項。共銀三百九十六萬二千七百餘兩。內酌留銀三百四十四萬八千二百餘兩。即以為本年各項經費。已足敷用。其餘剩銀五十一萬四千四百餘兩。應聽候部中酌撥。至東省春秋二撥冊內。例係將庫貯各年一切正雜錢糧。悉行列入。是以聲明此外別無存貯不

動之項請嗣後東省存庫充公一項。即於實存銀數摺內列款聲明。以省煩瀆。得旨覽。○

癸酉

孝聖憲皇后忌辰。遣官祭

泰東陵。○

上詣

恩慕寺

恩佑寺行禮。○甲戌。諭據保成等奏。與薩木薩克私通書札案內。已經正法之阿奇木伯克

阿里木家口。押解送京等語。此皆係罪人家口。理應給與兵丁為奴。著將阿里木妻孥發往江寧浙江福建三省。將阿里木家人發往熱河。均賞給滿洲兵丁為奴。並著交該將軍副都統等嚴行管束。勿致生事脫逃。○丙子。諭翰林院詹事府應考人員。著於二月初三日。在乾清宮考試。○丁丑。諭據特成額奏。通城縣聚眾毆官之首犯黎贊武。已經委員派出之差役等。馳赴四川大寧縣地方拏獲。該

縣將黎贊武監禁。一面稟請川省督臣批示。再行委員解楚等語。黎贊武糾眾逞兇。毆傷官役。實屬此案罪魁。一經拏獲。自應立即審辦。以彰國憲而快人心。乃大寧縣知縣魏履中。不將該犯即付差役速解。一面監禁。稟請川省督臣批示。再行委員解楚。顯係取巧見長。陋習楚省委員派往差役。緝拏要犯。自必持有印票。斷無假捏之理。有何不可信而必待稟請川省督臣批示。再行委員解楚。萬一要犯羈禁。輾轉稽遲。稍有疎虞。致該犯有越獄自戕等情節。尚復成何事體。外省地方官往往心存吟域。全不以公事為重。屢經降旨飭諭。總不能悛改。著再通諭各省督撫。嚴飭所屬嗣後遇有此等事件。務即不分疆界一體迅速遵辦。毋得拘泥遲延。致要犯稍稍顯戮。○諭軍機大臣曰。特成額奏聚眾毆官在逃首犯黎贊武。究出該犯潛匿四川大寧縣地方。經委員派出戶首同縣役等。馳赴該處

將該犯捕獲據大寧縣稟稱將該犯監禁稟請川督批示再行委員解楚等語此等兇犯當無分畛域實力查拏況湖廣差役赴川自有印票可憑該犯一經就獲該縣即應將要犯交付差役解赴湖廣再行稟知本省總督方為正辦乃必待稟請批示暫行羈禁外省地方官積習惟知在本省督撫前見長邀功全不顧事理輕重最為陋習現已明降諭旨通行飭諭矣至黎贊武一犯如已解赴成都

省城即著該督將該犯審明照例正法若已經湖廣委員解回即著特成額一面辦理一面具奏不得往返稽延致要犯久稽顯戮也將此由五百里各諭知之○以正黃旗漢軍叅領柏廷翰為廣州副都統○戊寅

上臨和敬公主第視疾○諭吏部議處盛京刑部員外郎伊都錯擬罪名失入降調一本因照遵駁改正具題審轉之督撫司道免其議處例未將榮柱議及外省督撫等所轄州縣

較多案件紛繁其審轉失當或因檢點未周業經遵駁改正其失尚屬可原至盛京刑部所管不過奉天等處審案無多司員等原擬如有錯誤該侍郎自應悉心酌覈即飭改正何得率行具題其處分即不至如司員之重然亦未便竟置之不議盛京刑部侍郎榮柱著交部察議著為例○河南巡撫何裕成奏衛輝府百門等泉臣親赴履勘再於各屬境內廣為體訪如尚有泉水可以疏濬者即當

力為籌辦惟查輝縣百泉地形卑下而獲嘉等縣相離較遠且地勢稍高難以紆迴導引其餘汲縣新鄉等處向無泉源臣再三籌度祇有鑿井一法既可灌田亦藉以通地氣已派糧鹽道海廣前往開試至被旱之汲縣新鄉等縣上冬蒙恩賑恤兼施本年又行展賑現在口食不至缺乏如各該縣展賑後或尚有必須接濟之處自當次第酌籌奏辦報聞○又奏嵩山龍潭向遇雨澤愆期即潔誠請



水祈求屢昭靈應。現委署藩司江蘭前赴中嶽禱祀。恭請潭水。至衛輝雨壇。臣當率屬敬謹誠求。以冀甘霖速沛。再查歸德府屬被水各州縣。正在展賑之期。臣飭藩司於請水後。前赴睢州商邱寧陵等處。逐一抽查。俾貧民均霑實惠。得旨。好。竭力誠求。尤要在於毋存諱飾之念。俾民得霑實惠。○己卯諭軍機大臣等。據明興奏查拏夥同奇蘭保私買人蔘要犯於本月二十三日。委員在省城拏獲。王

從龍王瑞龍二名。並嚴行根究。同逃夥犯等語。又據劉義奏。拏獲分買私蔘王敬義一犯。訊供王從龍等已赴山東省城。現在咨會東省嚴緝等語。王從龍王瑞龍俱係案內要犯。既據明興奏報拏獲。即應飭委妥幹員弁。嚴速解京審訊。並飭沿途地方。小心護送。毋致兔脫。其王敬義一犯。亦著劉義迅速解京。交部審辦。至逸犯徐四達等。仍著該督撫嚴飭各屬。實力上緊躡緝。務期弋獲。毋任遠颺漏

網。將此由五百里各諭令知之。○庚辰

上還宮。○諭據鑲白旗蒙古都統奏稱。原任甘肅平涼府同知伯泰。應賠官項。除已交外。尚未完銀八千七百餘兩。請在伊子孫俸內坐扣等語。伯泰所欠銀兩。係勦滅逆回事內分賠之項。非侵欺入己者可比。著加恩免其子孫扣繳。仍交陝甘總督將伯泰未完銀兩。照例分賠。○又諭刑部覈覆閔鶚元題侍衛富明阿家奴推跌張有祿致傷身死。問擬斬候

一本。此案張明於上年閏三月初四日。在南巡差次滋事。該撫理應即行奏聞審辦。以示懲隨從僕役。乃遲至九月十三日始經具題。而閩部遲延於十月十九日始發鈔到部。該部迄今方行題覆。此事有何難辦。而遲延若此。均有不合。著將該撫等及刑部堂司官俱交部察議。且此案係扈從人員家奴滋事。本應即在該地方審明。立時辦理。方足令跟隨人役共知懲儆。况該督撫兩司等俱係隨從

在彼且行在亦有該部不難迅速定案又何必照例審轉遲延十月足見外省習於廢弛也嗣後凡有在庖從違滋生事端者該督撫即行具奏候欽派大臣會同行在法司審明定案迅速辦理毋得拘泥常例即日行事件亦毋得輾轉稽遲若似此被朕看出必將該督撫嚴處將此通諭知之○是月直隸總督劉綎奏北倉存剩漕米八萬五千餘石請撥給直隸各州縣聽其自行雇車運回以補

倉貯所有該州縣等每米一石原存價銀一兩四錢應請即行提解司庫入撥報部下部知之○兩江總督薩載奏東省大挑運道工程除河本寬深未經估挑者計五千八百二十五丈現應挑浚河長一萬八千四百七十五丈原估挑挖口寬五六七丈底寬三四五丈深自一二尺至五尺五寸不等韓莊以上地勢較高總以水深六尺為度八閘以內至黃林莊交界以水深七尺為度又大泛口一

段為山泉湧發入運之處停淤較厚估挑以水深八尺為度大泛口內山河計長二百丈純係積淤估挑口寬十丈底寬六丈深五尺以為囊沙之地臣率同淮徐河道劉錫嘏山東運河道沈啟震等逐段測量其原估寬深丈尺俱屬合式黃林莊與江南接壤河道本窄估挑口面雖止六丈而水深亦以七尺為度上下一律相平將來漕艘往來利便自甚有益其原估土方共用銀五萬八千八百三

十八兩二錢零臣按段查驗照依東省挑河則例分別覈算銀數相符又原估大小攔水蓄岸柴土壩十七道用銀三千二百五十八兩零查驗亦無浮多臣察看東省運河情形在韓莊以上均藉各山泉水發挾沙灌注易致停淤而八閘以內全係砂礮遞年增長以致河底漸高遇水小之年漕船即易淺滯今大加挑濬原係河中挑河若挑挖過寬不惟需費浩繁且河寬遇水小之時仍不免於平

淺茲與江南邛宿運中河估挑情形無異如此辦理自可永資利賴得旨覽奏俱悉○江南河道總督李奉翰奏邛宿挑清運中河各段挑工自上年十二月內築壩興辦目下正當緊要之時臣於開印後即由中河楊家莊起直至邛境逐段察看有已經照估辦竣者有辦至七八分數尚在清底者亦有止挑五六分或數者情形不同工力亦異是以辦理未能一律臣現督令各該員添雇人夫多備

器具加工實力趕辦其已挑成工內細加查看尚無墊崖貼坡諸弊親驗挖起之大小砂礮亦無浮捏牽混情事按日計功月底月初可期全竣報聞○福建巡撫雅德奏福建各州縣自乾隆四十二年起至四十七年止積欠耗羨銀兩全數追完解司造報下部知之○山東巡撫明興奏東省自去年秋冬以來雨雪稀少春月糧價漸增請循照歷年平糶之例量為減糶除穀價每石在九錢以下者

價值本平毋庸減糶外其價在九錢以上至一兩者每石減銀五分一兩以上至一兩一錢者每石減銀一錢一兩一錢以上至一兩二錢者每石減銀一錢五分一兩二錢以上至一兩三錢者每石減銀二錢一兩三錢以上有增至一兩四錢者每石減銀二錢五分其有需酌借口糧者照例先動社穀次及常平雜糧穀石數實給領秋後徵還報聞

大清高宗法天隆運至誠先覺體元立極敷文奮武孝慈神聖純皇帝實錄卷之一千二百二十三

大清高宗法天隆運至誠先覺體元立極敷文奮武孝慈神聖純皇帝實錄卷之一千二百二十四

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次 臣履桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級 臣董誥內大臣戶部尚書鑲黃旗滿洲都統軍功紀錄五次

尋常紀錄十四次 臣德瑛經筵講官太子少保工部尚書紀錄六次 臣曹振鏞等奉

敕修

乾隆五十年乙巳二月辛巳朔禮部題朝鮮

國王李祘遣使進表謝恩并貢方物得旨覽王奏謝並隨表貢獻方物具見惻忱所有貢物該衙門知道仍著加恩賞賚再前遣使西明阿肅回京復命具奏該國王即席賦詩頗知好學並將所賦詩章呈覽朕閱之深為嘉獎著加賞內府仿宋版五經全部並筆墨等物以示優眷○壬午

上御乾清門聽政○遣官祭

闕帝廟○諭據永保奏拿獲逃兵曹士玉究

出營兵席奉聽其央懇捏稱投首情節將曹士玉照例正法席奉問擬發遣為奴一摺所辦甚是已批交該部矣前以各省逃兵飭緝已十餘年兩次加恩予以展限覈其拿獲及自行投首者仍屬寥寥曾經降旨將承緝緝督緝之歷任督撫司道州縣俱分別議處議罰原因此事歷時已久若年復一年伊於何底不得不明定處分俾各員等稍知儆惕以結此案逃兵曹士玉竄匿已十餘年並不

自行投首今因年久潛回被營兵席奉認出始央懇作為投首永保據提督保成咨報情節可疑即提犯至省嚴切審訊究出該犯等懇求假捏實情審明後即將該犯按律正法甚屬公當似此方不愧封疆實心任事之道現任督撫中惟福康安素能公忠整飭地方遇有此等事件朕料其必能如此辦理此外如薩載閔鶚元敬歷最久雖為督撫中出色之員然恐其亦不免以此案已結稍存將就

完事之見矣。永保初任封圻。即能留心認真。若此允宜獎勵。著交部議敘。營兵席奉。如將逃兵盤獲。拏解據實稟報。方當加賞。以示鼓勵。乃聽從該犯懇求。即捏稱自首。尤為綠營欺詐惡習。永保擬以發遣伊犁為奴。實屬允協。夫國家設兵衛民。雖可百年不用。不可一日不備。行軍之道。全在紀律嚴明。信賞必罰。方能克敵致果。若兵丁身歷行間。不思爭先効命。竟敢畏葸脫逃。按之軍法。自當立正刑誅。以章憲典。明季軍政廢弛。隨征兵丁多臨陣恒怯。望風潰散。皆由平日毫無整飭。甚至將不知兵。兵不顧將。以致國事日非。不可不引為殷鑒。我朝八旗勁旅。凡遇調遣。無不踴躍奮興。抒忱効蓋。自伊犁回部。金川用兵以來。無論正身。即伊等僕役。亦無一人脫逃者。乃綠營兵於金川軍營潰逃。數目甚多。此等逃兵。若因竄匿已久。地方官不拏不辦。竟得倖逃法網。其何以懲玩怯而戒將來。各督撫

具有天良。能不捫心自愧。即將此通諭知之。並將永保摺發鈔。令各督撫閱看。○吏部等部議奏。據湖廣總督特成額奏。稱施南一府。先於改土歸流案內。設有同知一員。專駐忠崗。嗣於乾隆二十五年裁改。查該府所轄六縣。惟宣恩一縣。四至俱在楚境之中。此外咸豐來鳳兩縣。北與四川之酉陽黔江及湖南之龍山等處交界。其恩施利川建始三縣。西與四川之石碚奉節巫山等處交界。犬牙相錯。環繞皆山。民人生齒日繁。俗稱刁悍。若非設有專員稽查。易滋事端。現在施南全屬。僅通判一員。駐劄唐崖。其北面來鳳。咸豐宣恩三縣。疆界毗連。巡防較易。其西面恩施利川建始三縣。俱去數百里外。鞭長莫及。請復設同知一員。專司捕務。以重地方。但湖北省丞倅皆關緊要。難以裁撤。惟湖南省辰州府所屬四縣。應有捕務。向來俱係通判辦理。其附府同知。於聽差之外。別無專司。請裁汰改為

施南府捕盜同知均應如所請從之。○以翰林院侍讀學士阿肅為內閣學士兼禮部侍郎。○癸未遣官祭昭忠祠。○考試翰林院詹事府官於乾清宮。○諭此次考試翰詹所有由總校議敘之編修倉聖脈朱鈐吳紹濬檢討何思鈞四員雖係先期告假究未免心存規避著於銷假到齊時補行考試該衙門屆時題奏。○又諭本年恩詔內有遣官致祭風火雷雨各神廟一條雲神舊有專祀著一體

遣官致祭。○甲申遣官祭

先醫之神。○諭此次致祭

先農壇舉行耕耤朕自揣精力康強尚能躬舉三推所有應行事宜著各該衙門照例敬謹豫備候朕親詣行禮。○乙酉諭軍機大臣等據特成額奏黃陂縣典史任朝恩因借山西人劉姓李姓銀兩在署坐索情急自縊斃命現在嚴飭各屬實力追拏並飛咨九門提督就近查拏辦理等語此案已經提督衙門

將劉姓之同夥尚孝拏獲解楚審辦矣。重利盤剝本干例禁乃該犯等甚至以三扣取利在署坐索逼斃職官情尤可惡必應嚴審治罪並將各該犯家私籍沒入官方足以示懲儆。○劉姓等或尚在楚省竄匿或潛回山西原籍俱未可定著傳諭特成額農起嚴飭各屬一體實力緝拏務獲歸案審辦從重定擬具奏。○賑江西萍鄉永寧安福三縣水災飢民。○丙戌諭豫省衛輝府屬上年被旱災民業

經於新正加恩展賑但該處雪澤短少恐春麥未能播種小民生計未免拮据自應再沛渥恩俾資接濟所有衛輝府屬之汲縣輝縣新鄉淇縣獲嘉等五縣不拘被災分數著再加恩普賑兩月俟得雨後仍借給籽種以助耕作至衛輝府屬附近災區之延津濬縣滑縣封邱考城並懷慶府屬之武陟修武陽武原武等九縣被旱農民著加恩酌借一月口糧每畝並借給籽種銀六分其無地極貧下

戶並著賞給一月口糧至各該縣歷年帶徵耗羨等項及本年應徵並歷年緩徵錢糧又民欠未完常平義社等倉穀均著緩至本年秋成後分別徵還以紓民力該撫即飭屬妥速辦理務俾窮民均霑實惠以副朕軫念災黎有加無已之至意○諭軍機大臣等據福康安奏儲辦征兵裹帶並挑演備戰兵丁一摺內稱酌量各提鎮標之大小令其挑出備戰之兵自二三千名以至一千二百名認真

操練常無間斷計將軍督撫提鎮各標共可得二萬餘其各協營兵數在三百名以上者即挑出一半勤加操練計又可得兵萬餘合之兩省足有三萬餘兵訓練精嫻一呼即集方為有備無患等語所辦甚是已批軍機大臣議奏矣國家設兵衛民兵可百年不用不可一日不備陝甘兩省係邊陲要區設兵不為不多乃逆回兩次滋事綠營兵丁怯懦退縮致賊匪得以蔓肆鴟張又從前山東王倫

一案均由京簡派八旗勁旅令大臣帶往督辦勦捕方能迅速勦除此皆承平日久督撫提鎮不能實心整飭各營將弁不加操演講習因循怠玩以致兵備廢弛屢經降旨嚴切訓飭若能如福康安加意整頓於各標營內挑出兵丁一半專意訓練俾軍律嚴明士氣勁銳一變綠營怯懦之習兩省共有三萬餘勁旅設或地方稍有不靖又何患不立時撲滅耶在雲貴四川兩廣福建等省係沿邊沿

海重地自應照福康安所辦於各營內挑選壯健勤加訓習使各有數萬勁兵庶平時可以重操防而臨事可以供調遣即腹地亦當如此留心簡練各省皆係總督專主營政而山東河南山西江西係巡撫兼提督銜著將福康安原摺鈔寄各省總督及山東山西河南江西巡撫一體留心不動聲色皆有精兵之備亦一政要也○又諭曰福康安奏籌辦估變逆產於民人承辦之時照原定價值明

示酌減分年帶交。其歸籍貧民。即於入官房屋量撥棲身。並酌撥地畝承佃等語。所辦均屬妥協。已依議行矣。又夾片奏。此案逆產售變。不准回民承買。惟恐地方官辦理不善。致伊等懷疑。止令於招買時。詳細察問。毋俾影射。並不於告示內明白宣露等語。所辦甚是。可謂留心之至。惟當持之以久。亦於摺片內批示。甘省回民較多。自應隨時防範。尤須不露形跡。俾回衆無所疑懼。今福康安於估變

逆產一事。籌辦周詳。實屬可嘉。除將原摺就近交畢沅閱看外。著賞大荷包一對。小荷包四個。以示嘉獎。○軍機大臣議覆。據烏什叅贊大臣海祿奏稱。烏什現有屯兵四百名。按定例每名種地二十畝。交十五石者。功過相抵。十八石以上者。官則議敘。兵則獎賞。烏什地廣水足。歷年豐收。俱交至十八九石不等。並無賠累情事。所有屯田兵丁交納分數。請仍照舊例辦理。應如所請。從之。○丁亥。

上詣

文廟行釋奠禮。禮成。

御晏倫堂。更衣服。臨新建辟雍。行講學禮。

御辟雍殿。中和韶樂作。王以下各官行二跪六

叩禮。樂止。

召王。公衍聖公。大學士九卿詹事。記注官。入至

聖後裔翰林院五經博士。各氏後裔。及學官。

進士舉人。廩生貢生。監生。並朝鮮國使臣。園

橋肅立。賜講官坐。講官就位。一叩。坐。大學士

伍彌泰蔡新。進講。大學為人君止於仁。為人

臣止於敬。為人子止於孝。為人父止於慈。與

國人交止於信。五句講畢。

上宣御諭曰。此雖言文王之止於至善。而實訓

萬古五倫之要道也。夫文王固身歷為君臣

父子與人交。而各盡其善矣。試思人孰不在

五倫之中。而各有當止於其善之道乎。是故

為君者。匪惟博施濟衆。以為仁。即瘠惡弼教

之義。亦必當本於仁。而出之。所謂止也。人臣



之敬詎其夙夜匪懈恪恭承旨之謂即繩愆糾謬陳善閉邪亦必當本於敬而出之所謂止也生事死葬祭之以禮人子之止於孝蓋終身之事非謂無父母即無子之止於善也若夫父之曰嚴似殊乎母之慈而不知父之嚴正所以行其慈也至於兄弟恭夫唱婦隨皆與人交之義而朋友之信固該其中矣予故云此雖言文王之止於至善而實訓萬古五倫之要道也祭酒覺羅吉善鄒奕孝進

講周易天行健君子以自彊不息二句講畢上宣御論曰天一日一周是行健也然天之運行終古不息不惟不息蓋並不息亦無意於其間所謂健也此應與中庸至誠無息並觀之所謂誠者天之道也若夫法天之君子乃誠之者人之道然亦不外自彊不息而已蓋天之不息無為而為人之不息則在自彊自彊者必本於克己復禮人十己千成已成物胥在乎是聖人之言非特為為君者言蓋人

人皆有法天之道而為人君者益當夕惕朝乾孜孜臺臺不遑暇逸以是為亟耳時王公百官園橋觀聽之進士舉人廩生貢生監生並朝鮮國使臣跪聆

聖訓心悅誠服大學士公阿桂大學士嵇璜跪奏曰

皇上闡揚經書義蘊廣大精微本至善盡倫以法

天行健心法治法訓示萬年不獨發先儒所未

發臣等曷勝欽忭之至進講官暨祭酒司業以下各出就拜位丹陛大樂作王以下各官俱行三跪九叩禮樂止祭酒司業率學官諸生謝

恩丹陛清樂作賜王公衍聖公大學士九卿詹事記注官茶俱行一叩禮中和韶樂作禮成上啟座乘輿出太學門祭酒司業率學官諸生跪送衍聖公至聖後裔翰林院五經博士各氏後裔祭酒司業及觀禮進士舉人廩生貢

生監生並朝鮮國使臣各賞賚有差○

上迴圓明園

御製國學新建辟雍園水工成碑記曰。名者實之實實者名之主為學之方。應務其實以漸循其名不可炫其名。以致亡其實興學之源。綦要於國學國學者天子之學也。天子之學曰辟雍。諸侯之學曰泮水。北京之國學自元歷明以至本朝蓋五百餘年矣。有國學而無辟雍名實或不相稱焉。雖有建議請復以乏水而格部議至今未復。癸卯春始有復建之諭。甲辰冬乃觀新工之竣。將於己巳仲春行釋奠禮。遂臨雍以落成焉。夫北京為天下都會教化所先也。大典缺如。非所以崇儒重道古與稽而今與居也。雖乏水然有不改之井汲以綆而用之無窮亦在人為之而已。於是石之鱗次見圓斯池水之鏡澄見明斯將殿之據中見隆其榱桷之通行見接其基上庠下庠雖難考二典之制而東序西序總不出

三代之規則是工之舉也。又予知過論所謂於不可已者仍酌行之之意。而物給價工給值原非勞民動衆之為。若夫三老五更之說予以為括於養老化俗之儀而非天子臨雍所必應並行而不遺者。蓋弗見於詩書乃特出杜氏通典之私耳。且予向有三老五更之說已明闢其謬茲不復綴乎辭。雖然予更有所懼於是舉者。夫是舉豈非復古興學之懿有何懼而予懼之者。恐後之人執予復古之說於一切衣冠典禮皆欲效漢人之制則予為得罪。

書來未于寺古

十四

祖宗之人匪教伊虐甚慮不宜也。予之子孫臣庶體予此心於可復古者復之其不可復者斷不可泥古而復之。夫徒慕復古之虛名而致有忘祖宗之實失非下愚而何。予不為也。予敬以是告子孫以保我皇清萬年之基也。○御製辟雍講學詩曰。國學由來教化先。北京建

五百餘年空傳中統廟修矣獨惜辟雍典闕然酌古準今圖以叛穿地引井壁成圓崇儒重道心雖疊懼亦在茲記語宣放勲巍蕩未言學教胄命夔始有虞夏序殷宗因遞述文豐武鎬豈相殊橋園莫作徒觀者廷獻應為有用儒却憶永平稱億萬雖云善善畧鄰誣三五昔經著說詳謂他杜撰失荒唐祇宜養老示恩渥難並臨雍贊禮煌韓愈不甘弟子列蔡新或備伯兄行慮其驚懼謝無當王導稱曾喻太陽祭母欲數上丁逢

釋奠禮成臨辟雍舉事率因待時節化民寧渠在儀容五倫知止須勸勗一已自強切戒慵文質彬彬衆和樂重熙茂對志滋恭○御製三老記曰予既為三老五更之說以闢諸家之謬然以三老之稱數典於左氏其何以稱三老則求其解而終不得其辭茲以三餘之暇書辟雍詩冊有三老之語臨池下悵然悟曰三老之言實出孟子所謂老而無妻老

而無夫老而無子此非三老而何孟子雖出左氏後而此語自由古以傳故即繼之曰文王發政施仁必先斯四者可知文王時即有三老之稱左氏提其綱孟子晰其目耳且晏子對叔向歎齊之將為陳氏所云公棄其民三老凍餒乃指一國鰥寡獨窮之民之無恤者設以上壽中壽下壽論之豈八十以下之老即可以弗恤乎其傳會之論愈說愈遠然總於辟雍養老興賢有何涉乎自是而三

老之稱徧於鄉閭所謂三老董公壺闕三老之類不一而足蓋耆艾而長於鄉者即可稱三老而非定三人也夫予三老五更之說成於戊戌逮今又六年求其說而不得而筆下偶得之是不可以不記且此六年中何嘗不讀孟子而未有會茲偶會之益見理不可不日窮書不可不日讀寧渠呈已之是顯人之非以為博聞廣識而已哉○

御製題張廷玉三老五更議曰戊戌年為三老

五更說亦既闢其踳駁而勒之新建辟雍之碑矣。今秋駐避暑山莊檢績書之四庫全書內。文穎集中有三老五更議之篇。而挂漏其名。因命檢文津閣之書。乃知為張廷玉所撰。悵然憶之事在乾隆戊午。為廿七月既閱諸禮畢舉之時。於視學之前。曾向軍機大臣等談及三老五更。而咨其可行與否。彼時鄂爾泰依違其間。張廷玉則斷以為不可。於是奏此議而遂寢其說。蓋鄂爾泰固好虛譽而近

於驕者。張廷玉則善自謹而近於懦者。且二人彼時皆可望登此席者也。以今觀之。則廷玉之議為當。設爾時勉强行之。必有如廷玉所謂資後人之議者矣。若朕戊戌年之所為三老五更說。戊戌去戊午。歷四十年。其事早已忘之。蓋戊午朕方廿八歲。而戊戌則六十有八。此亦足驗四十年間學問識見之效。而年少時猶未免有好名泥古之意。至今則灑然矣。茲觀廷玉之議。與朕之說不約而同。樹

之前旌焉。因命並勒辟雍碑。以識已學之淺深。及弗掩人之善也。夫廷玉既有此卓識。何未見及朕之必不動於浮言。遵

皇考遺旨。令彼配享

太廟。而臨休致歸里時。乃有求入

廟之請。此所謂老衰而戒之在得乎。朕又以廷

玉之戒為戒。且為廷玉惜之。○諭朕此次

釋奠禮成。臨雍講學。諸生觀禮。環集橋門。允

宜廣錫恩施。以昭盛典。著於乾隆五十一年

丙午科順天鄉試。皿字號卷內。廣額十五名。

用示嘉惠膠庠。鼓勵人才之至意。○又諭朕

此次

釋奠禮成。臨雍講學。園橋觀聽。文教覃敷。實

為商皇盛典。且自冬春以來。雨雪尚未霑足。

朕心焦切。茲當俎豆馨聞。恰值春膏霑濡。深

為欣慶。念隨從執事諸臣。及觀禮多士。衣履

霑濡。允宜廣錫恩施。所有執事扈從之王公

大臣。衍聖公。並文武官員。俱著紀錄一次。其

觀禮諸生。及至聖各氏後裔。並著查明。分別加恩賞賚。至臨雍講學禮畢。賜茶時。聽講衆臣皆賜茶。而進講之人。反立殿外。不得賜茶。糊塗疎畧。不至此。所有禮部堂官德保等。不必紀錄。仍著交部察議。○又諭。此次辟雍告成。辦理尚屬妥協。除德保現交部察議。毋庸議敘外。所有承辦之劉墉。金簡。德成。及在工監督等。俱著交部議敘。○戊子祭大社。

大稷遣克勤郡王雅朗阿恭代行禮。○諭京畿一帶三冬以來。雪澤短少。朕心盼望焦切。今自初七初八兩日。得雪盈尺。渥澤優霑。河南山東較京畿尤更望澤。邇日雲氣寬廣。或亦普霑膏澤與否。著該撫各即速奏。因思農民得此透雪。不但已種麥苗長發暢茂。並可趕種春麥。藉卜豐收。朕感荷

天恩。實深額慶。

天既優加愷澤。並當推恩。敘福。敷錫庶民。所有

衛輝府屬被災之汲縣等五縣。並附近災區之延津等九縣。昨經降旨展賑。並將歷年帶徵耗羨等項。及本年應徵。又歷年緩徵錢糧。民欠未完常平義社等倉穀。均緩至本年秋成後。分別徵還。第念各該處被災地畝。即使及時耕種。秋成豐稔。亦止能輸納本年錢糧。若將緩徵各項。同時並徵。民力未免拮据。竟著加恩。將衛輝府屬之汲縣輝縣新鄉淇縣獲嘉等五縣。並附近災區之延津濬縣滑縣。

封邱考城武陟陽武修武原武等九縣。帶徵緩徵民欠等各項。全行豁免。俾農民安心耕作。盡力南畝。共享盈寧。該撫即出示曉諭。咸使聞知。副朕惠愛黎元有加無已之至意。該部即遵諭行。○諭軍機大臣等。京師於二月初七初八連日得雪盈尺。甚為霑渥。現在密雲未止。近畿一帶。自必優霑。而山東河南兩省。久缺雨雪。望澤甚殷。此次雲勢廣被。各該省想必普渥。春膏深為企望。著傳諭明興。何

裕城即將該省曾否俱得透雪。春麥是否播種齊全之處。迅速具奏。將此由五百里傳諭知之。○軍機大臣會同兵部等部議奏。查議卹綠營陣亡官弁。向例止予難廕一次。今照旗員一體議給世職。嗣後文職難廕。應請與武職一體辦理。○文職一品官。給予世職。照叅贊都統例。二品三品官。照副都統例。四品以下。未入流以上。照叅領以下。有頂帶官員以上例。○報部委署文武人員陣亡。均照旗

員例。按其委署品級。議給世職。其候補人員。即照實任官階。議給世職。○綠營人員。有先受世爵後陣亡者。均照旗員例辦理。○文武陣亡人員。襲次完時。均照旗員例。給與恩騎尉。世襲罔替。○陣亡議給世職。應行承襲人員。令該督撫查明年已十八歲者。照例承襲。其年未及歲者。先將宗圖冊結查覈具題。請襲。俟及歲時。補行送部。從之。○以故雲南楚雄府屬鎮南州土州判陳煥錫子瑚襲職。○

己丑諭。此次乾清宮考試。滿洲由別衙門陞用翰詹等官。既閱其繙譯。又驗其人材。分別等第。第一等慶齡一員。二等觀永白麟。二員。三等傅彬。八十二。二員。四等九十四。塘五珠。二員。不入等阿禮謨一員。其考列一等之慶齡。著加一級。三等之右庶子傅彬。著罰俸一年。侍讀八十二。著休致。四等之右贊善瑋五珠。著罰俸二年。左庶子九十四。不入等之左贊善阿禮謨。俱著革職。○又諭曰。朕因修四庫

全書。未免從權優用。茲書既告成。理應循名責實。以清翰苑。是以於乾清宮考試。而切題者。不一二見。祇按其文字優劣。分為四等。一等陸伯焜。吳璫。二員。二等蔡廷衡。陳萬青。瑞保。茅元銘。顏崇。為。吳舒。惟。陳崇本。李學錦。曹仁虎。祝堃。程昌期。查瑩。江德量。曹城。汪鏞。方煒。祁韻士。吳鼎震。百齡。李潢。盧蔭溥。童鳳三。朱紱。萬承風。周瓊。孫玉庭。李堯棟。初彭齡。黃軒。玉保。汪如洋。許兆椿。劉權之。韋謙恒。劉汝

纂二十五員。三等彭冠。俞廷掄。余集。陳嗣龍。蔡善述。莫瞻萊。吳壽昌。張九鐔。汪如藻。俞大猷。李光雲。芮永肩。黃瀛元。張燾。錢棧。王綬章。宗瀛。莊承籤。范來宗。范衷。戴均元。白麟。吳敬輿。劉錫五。勵守謙。秦承業。吳省蘭。甘立猷。五泰。蕭九成。祝德麟。王春煦。陳昌齊。恭泰。戴斯琯。寇賚言。德生。劉種之。秦泉。德昌。邱庭澄。褚廷璋。繆晉。王天祿。朱攸。徐如澍。羅國俊。胡榮。秦潮。戴心亨。五十員。四等羅修源。馬啟泰。曠

楚賢。馮敏昌。張能照。彭元琬。王允中。許霖。孫效曾。王增。高棧生。洪其紳。祥慶。劉校之。施培應。敷森布。李簧。張位。李奕疇。龔大萬。李銘郭。在達。翟槐。周厚。韓閔。思誠。王福清。周興岱。潘庭筠。錢世錫。丁榮祚。何循。闕槐。三十二員。不入等饒慶捷。索爾敏。永德。沐特恩。四員。編修陸伯焜著。陞授侍讀學士。編修吳璥著。陞授侍講學士。侍讀瑞保著。陞授侍讀學士。侍講王保著。陞授侍講學士。編修蔡廷衡。陳萬青。

俱著陞授侍講。編修茅元銘。顏崇瀉。吳舒帷。俱著陞授侍讀。編修陳崇本著。陞授右中允。編修方煒著。陞授贊善。其二等之未經陞用者。俱著記名。遇有應陞缺出題奏。其考列三等之侍讀侍講學士彭冠。褚廷璋。俱著即降為庶子。侍讀侍講等官侍講學士白麟。德昌。俱著即降補侍講。侍讀吳壽昌著。即降補贊善。侍讀張燾。莊承籤。俱著降為中允。贊善等官侍讀恭泰著。即降補贊善。中允陳昌齊著。

降補編修。仍各罰俸半年。編修汪如藻。俞大猷。章宗瀛。吳省蘭。邱庭澄。朱攸。蕭九成。所有在館議敘陞用之處。俱著註銷。仍各罰俸半年。至考列四等之侍讀學士敷森布。侍講劉校之。編修馮敏昌。張能照。祥慶。閔思誠。檢討曠楚賢。洪其紳。李奕疇。郭在達。王福清。俱著以部屬分別錄用。閔思誠。王福清。仍著罰俸半年。編修王增高。棧生著。以知縣用。侍講孫效曾。編修施培應。李簧。周厚。韓。何循。檢討王。

允中許霖張位龔大萬錢世錫丁榮祚俱著  
休致編修李鎔翟槐周興岱潘庭筠闕槐檢  
討彭元琬所有在館議敘陞用之處俱著註  
銷仍各罰俸一年闕槐未曾用韻罰俸三年  
其未經降改之編修羅修源馬啟泰著罰俸  
二年不入等之檢討饒慶捷侍講索爾敏侍  
讀學士永德洗馬沐特恩俱著革職其留館  
者各宜自愧讀正書勵實行勉之○諭軍機  
大臣等據松筠等奏盜賣官優案內之盛京

正黃旗漢軍人朱梅等前往濟寧售賣人優  
又王瑞龍之子王鼎遠或逃往山東或逃往  
山西現已咨緝等語三姓協領奇蘭保盜賣  
官優案內民犯王從龍等八名前經降旨查  
拏業經直隸山東拏獲王從龍王瑞龍王敬  
義三犯已有旨令將該犯押解來京嚴審定  
擬其在逃之徐達程煥彰楊天培姚起順趙  
明等五犯及現在應行續拏之朱梅等王鼎  
遠俱係要犯著該督撫嚴飭各屬實力上緊

躡緝務期弋獲毋任遠颺漏網將此由五百  
里各諭令知之○三姓副都統福珠禮奏上  
年十一月署三姓副都統時將奇蘭保案內  
民人王從龍等所在去處詢出後未曾行文  
吉林將軍查拏實屬非是請交部嚴加議處  
得旨交部嚴加議處○庚寅春分朝

日於東郊遣誠郡王弘暢行禮○諭侍講學士  
員缺著全魁補授圖敏著補授侍讀嵩貴著  
補授洗馬所有滿侍讀學士侍講學士各一

缺滿侍讀侍講各一缺俱著裁去其滿庶子  
員缺著該部照例辦理○又諭滿洲由科目  
出身為翰林者本應認真讀書通達事理為  
國家有用之才方名稱其實向來滿洲之習  
舉業者其文義本屬淺陋及倖登科目列名  
翰苑問以文學則曰身係滿洲豈漢人可比  
及至問以清語騎射又曰我係詞林豈同武  
夫戰卒兩處躲跟進退失據而落於無用之  
流朕所深惡即從前如尹繼善鄂容安鐘音



觀保等在翰林中俱稱出色者止能隨常辦事而於邊疆重務並不能經理裕如雖其中鄂容安曾膺軍旅重寄臨危遇變亦惟知一死塞責究於國家大事何所裨補耶此次考試翰詹朕嚴加甄別滿員出缺甚多除簡擢數人外餘竟無員可補與其濫竽充數毋寧覈實酌裁所有現出之侍讀侍講學士二缺侍讀侍講二缺已另降旨裁汰嗣後滿洲人員益當自知愧勉讀書敦行砥礪成材以備國家器使如果能蒸蒸日上一變從前積習人材蔚興彼時朕自當再補還舊額也○辛卯

孝康章皇后忌辰遣官祭

孝陵○諭曰畢沅著調補河南巡撫其陝西巡撫員缺即著何裕城調補何裕城接奉此旨俟畢沅到豫交代後即赴新任不必來京請訓○又諭曰何裕城奏豫省上年工賑並舉現在庫貯不敷展賑支放之用請撥動鄰省

庫銀五十萬兩解豫備用等語豫省距京不遠所需備用銀兩即著於部庫內撥給銀五十萬兩委員分起解往以備展賑之用該部即遵諭行○又諭嗣後阿哥等前往南苑行圍所派出八旗護軍等著加恩一體賞給路費銀兩僅派一分護軍隨圍到底不必換班俾伊等馬上得以學習○又諭近來外任旗員子弟成丁時多有挑館當差及捐納文職隨任候補此不但挑取拜唐阿侍衛不能得人伊等久隨外任不習清語騎射以至廢弛滿洲故業所關非細嗣後外任旗員子弟無論王公屬下俱一例挑取拜唐阿侍衛若有隱匿經該旗查出叅奏從重治罪著為例○諭軍機大臣等據明興奏拏獲私赴東省傳教之西洋人吧咂哩啞嘜並勾引人李松邵珩等即行解京又另片奏西洋人格雷西洋諾亦已拏獲其吧咂哩啞嘜供出一同勾引西洋人之廣東人李剛義直隸人安哆呢即

安三及伴送之廣東人鄧斯定。即陳姓。已飛咨直隸總督廣東督撫嚴密查緝。解京質訊等語。格雷西洋諾私赴內地傳教。見查拏緊急。復藏匿土溝洞內。甚為可惡。現交軍機處存記。俟該犯解到時。嚴切審鞫。其李剛義等。係內地民人。輒敢為之勾引伴送。亦必須按名拏獲。解京審訊。著傳諭劉義舒常孫士毅。即飭屬嚴拏務獲。解京歸案審辦。至查拏格雷西洋諾之知縣陳鼎鈞等四員。能帶領人役四路追尋拏獲。尚為出力。其究係何人首先搜獲之處。又首能破此案之地方官為誰。並著明興查明。將該員出具考語。送部引見。其未獲之梅神甫。仍著該撫飭屬嚴緝。毋得日久疎懈。致令遠颺。將此由五百里諭令知之。○又諭。現已降旨。將畢沅調補河南巡撫。何裕城調補陝西巡撫。畢沅起程未久。於途次接奉此旨。即由河南衛輝一帶。速赴新任。何裕城俟畢沅到任後。再行起程。前赴陝西。

豫省河工。連年有漫溢之事。於民生大有關係。畢沅尚能辦事。故調此要任。到任後。務將修防事宜。與蘭第錫悉心講求。和衷共濟。必須將新築隄工。加意保護。俾河流數年順軌。庶新隄鞏固。方可共慶安瀾。該撫其仰體朕懷。妥協經理。本日據何裕城奏。疏濬衛輝屬泉源一摺。內稱衛河。厯汲淇滑濬四縣。所有濱河田畝。農民修築隄埝。以防河水漲發淹浸。是以不能導河灌田等語。濱河地畝。修築

隄埝。水大藉資宣洩。水小引以灌溉。東南各省皆如此。隨時啟閉。以資利益。若如何裕城所奏盛漲時。既慮其淹浸。乾旱之際。又不能導以灌田。是徒受水之害。而無水之利。恐究係辦理不善所致。著將原摺鈔寄畢沅閱看。令其由衛輝順道履勘。實心籌辦。至衛輝各屬。連年被旱。朕心甚為廕念。屢經降旨加恩展賑。並將緩徵帶徵民欠各項。普行蠲免。現在京師得雪盈尺。河南各屬。或亦渥澤優霑。

自可及時播種。但據正定總兵全保奏到。正定地方得雪六寸。恐迤南至衛輝一帶。雪勢稍小。仍未得渥被春膏。農民不能乘時力作。情形更為拮据。應如何設法調劑。俾災黎不致失所之處。著傳諭畢沅。妥協籌辦。並將現在衛輝各屬得雪情形。迅速具奏。以慰懸注。將此由五百里傳諭畢沅。並諭何裕城知之。

○壬辰。諭軍機大臣等。昨因豫省河工緊要。衛輝各屬連年被旱。亟宜設法調劑。且聞何

裕城與蘭第錫意見微有不和。已降旨將畢沅與何裕城對調。畢沅抵豫後。自能仰體朕懷。一切妥為經理。至何裕城之調。雖以其與蘭第錫不和。恐於工程無益。亦因衛輝現有災賑事宜。畢沅素能辦事。故將該撫調此要任。並非專為蘭第錫也。地方大吏辦理公務。自當共矢和衷。方無忝協恭之誼。何裕城與蘭第錫不和。何裕城固有不是。但既云不和。諒非何裕城一人之過。即蘭第錫亦必有各

存意見之處。今既將畢沅調補河南。伊係新任。與蘭第錫素無意見。務宜共勉寅恭。將修防事宜。悉心講求。所有新築隄工。尤當同心協力。加意保護。俾河流順軌。以期永底安瀾。設畢沅抵豫之後。蘭第錫又與不和。則是蘭第錫遇事輒存意見。咎有攸歸。不可不知儆省也。所有本日蘭第錫奏籌挑引河摺。並欽寄畢沅閱看。令其會勘妥辦具奏。至何裕城現已調任陝西。蘭第錫亦無可瞻顧。其究竟

因何不和之處。並著蘭第錫據實覆奏。勿稍迴護。將此由五百里傳諭知之。○又諭。昨降旨將陝西巡撫畢沅與河南巡撫何裕城對調。何裕城在河南任內。尚屬小心認真。於地方事務亦無貽誤。第因衛輝各屬連年被旱。且豫省漫口雖已堵築完竣。而一切善後事宜。尚須妥為籌辦。此事甚關緊要。何裕城為人謹飭。亦知奮勉。而畢沅才具較為開展。是以將伊等對調。並無別故。何裕城不必心存

疑懼。即遵照昨降諭旨。赴陝西新任。只須於地方事務。仍前留心辦理。至西安城工。業經畢沅辦定章程。其承辦之司道以下等官。亦俱係熟手。何裕城可即向畢沅面詢一切。前往督率趨辦。以期工帑無虛也。將此諭令知之。○癸巳諭。三姓副都統福珠禮。已經交部嚴加議處。其所遺三姓副都統之缺。著那奇泰調補。那奇泰所出阿勒楚喀副都統之缺。著額勒伯克補授。○諭軍機大臣等。據長清

奏改發烏魯木齊人犯蕭子斌。在配脫逃等語。蕭子斌係屢次行竊。改發烏魯木齊給兵丁為奴之犯。膽敢在配脫逃。情殊可惡。計其逃竄後。自必潛回湖南本籍。著傳諭該省。及沿途各督撫。派委妥幹員弁。實力躡緝。務期迅速弋獲。毋致遠颺。○甲午諭軍機大臣等。據劉戡奏各屬得雪情形。自趙州順德迤南。僅止三四寸不等。等語。看來此次得雪。直省迤南雪勢稍小。豫省河北與大名廣平毗連。

恐衛輝一帶。亦仍未得溼被春膏。該處連年被旱。朕心甚為廕念。雖屢經降旨展賑蠲免。但農民不能乘時力作。情形自更加拮据。著傳諭畢沅。即遵前旨。順道詳悉履勘。如衛輝各屬。此時仍未優霑渥澤。即率屬虔誠祈禱。並問之何裕城。留心訪求水利。其如何設法調劑。俾災黎不致失所之處。該撫務宜妥協籌辦。並將衛輝各屬。現在曾否得有透雪情形。迅速具奏。以慰懸注。至豫省河工。連年漫

溢。關係民生甚大。蘭陽以下。新築隄工。必須加意保護。俾河流數年順軌。庶新河衝刷寬深。隄工益臻鞏固。方可共慶安瀾。畢沅尚能辦事。故調此要任。該撫其仰體朕懷。與蘭第錫同心協力。妥協經理。以副委任之至意。將此由四百里傳諭知之。○軍機大臣議覆。據陝甘總督福康安奏稱。陝甘兩處。為邊陲要區。屢經增添兵額。設汛安營。行伍已為充實。惟是兵多貴精。全在平時儲辦周妥。從前陝

甘兵丁。平日皆豫備乾糧。一遇調遣。即可剋期起身。後因回部平定。遂爾停止。今請每兵各備貯炒麪十五觔。足供半月之糧。設遇調遣。即可立時攜帶。又甘省督標及城守營。共兵三千五百餘名。除撥協應差外。可挑出二千餘名。常行訓練。並酌量各提鎮之大小。令其挑出備戰之兵。自二三千名。至一千二百名不等。又西安將軍標撫標。均照督標操演。共可得兵二萬餘。其各協營兵。數在三百名

以上者。各挑出一半。又可得兵萬餘。合之兩省。足有三萬餘可用之兵。至操演之法。請仿照京城健銳火器等營陣式演習。令每日各照所習之技。在各本營分操。逢五逢十之期。各營會合比試。並操演九進十連環之陣。均應如所請從之。○乙未諭曰。劉秉恬奏鶴麗鎮總兵羅江麟於正月二十三日病故等語。羅江麟從前出師金川。打仗出力。茲因傷病交發。在署身故。情殊可憫。著照從前總兵劉

倬之例。交部議卹。給與千總恩廕。以示朕軫念前勞至意。所遺雲南鶴麗鎮總兵員缺。著劉之仁補授。○諭軍機大臣等。據何裕城奏。豫省河北一帶。初七八日。得有雨雪。未能霑濡等語。前因直省正定迤南。雪勢稍小。恐衛輝各屬。亦未得渥被春膏。已有旨令畢沅順道履勘。設法調劑。今該處雨雪。仍未霑透。畢沅可即遵前旨。乘此地氣已通之時。虔誠祈禱。以冀甘霖續霈。所有賑務及一切籌辦事

宜並率同藩司江蘭等。實力查辦。俾災黎均霑實惠。毋使一夫失所。至畢沅前在陝西。曾往太白山祈禱雨澤。屢著靈應。現在何裕城雖調任陝西。而豫省是其舊轄。衛輝望澤正殷。該撫自不應歧視。著傳諭何裕城。即面向畢沅詢問。伊在陝時。如何向太白山祈禱之法。該撫一到陝時。即遵照前往虔祈。蓋神明靈貺。無分疆域。如此廣為籲禱。或可感召天庥。俾衛輝一帶。亦得普霑渥澤也。將此由四

百里傳諭知之。○旌表守正捐軀河南新鄉縣民王端妻姜氏。

大清高宗法天隆運至誠先覺體元立極敷文奮武孝慈神聖純皇帝實錄卷之一千二百二十四

大清高宗法天隆運至誠先覺體元立極敷文奮武孝慈神聖純皇帝實錄卷之一千二百二十五

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件管理  
吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂  
總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務  
世襲騎都尉軍功加十九級隨帶加二級加二級尋常加二級軍功紀錄五次  
尋常紀錄十四次臣德瑛經筵講官太子少保工部尚書紀錄六次臣曹振鏞等奉

欽修

乾隆五十年乙巳二月丙申諭軍機大臣等

據明興奏。拏獲西洋人吧吡哩啞。並勾引人李松。邵珩。審訊起解一摺。內稱質訊任文臯。胡恒等。供稱梅神甫。於去年五六月間。曾到伊家。聞說此時已往直隸。藁城縣郝保祿家等語。梅神甫既經前往直隸。著傳諭劉義。即速飭屬嚴緝。務獲解京歸案審辦。毋令遠颺。至朱行義妄稱神甫。每年接受西洋人番銀。自必積有家產。何以明興摺內。稱例應抄沒入官。又稱查明該犯並無貲產。自係地方

官並未認真查辦。或竟係蠹役保甲等乾沒。並著傳諭明舉再行嚴切根究。毋任隱匿。○戊戌。遣官祭賢良祠。○己亥。諭軍機大臣等。據明興奏。東省上年秋收。雖稱豐稔。因夏間二麥歉收。民間益藏未能充裕。請暫停採買一摺。自應如此。已於摺內批示矣。看來東省惟登萊青三府。自三冬以來。所得雨雪尚為霑足。至省城及迤西兗州一帶各府屬。其得雪情形。尚不能如直隸。屢經降旨詢問。該撫覆奏。俱以含糊浮泛之詞。敷陳塞責。全未切實查奏。又摺內稱。現屆青黃不接。應行借糶兼行之時。若多為採買。恐市價漸致高昂。反於民食有礙等語。是何言耶。採買最妨民食。東省上年麥秋既未豐收。即不應採買。而現在曾否出借平糶。摺內又未聲叙明晰。且聞該撫所奏糧價單。通省各屬俱開價平。斷無是理。登萊青三府雨雪霑透。尚可言糧價平減。至迤西各府屬秋收既歉。又未普得春膏。

米糧價值自必漸致昂貴。該撫即心存迴護。亦止可言價中。乃一律開寫價平。豈該撫竟全未寓目耶。雨水糧價民瘼攸關。督撫膺封疆重任。理應仰體朕懷。時刻留心。切實陳奏。該撫於此尚不能實心體察。安望其能辦理地方諸務耶。明興著傳旨嚴行申飭。仍將該省雨水糧價以及借糶實在情形。據實迅速覆奏。將此由五百里傳諭知之。○庚子。諭軍機大臣等。據保寧奏。拏獲西洋人馮若望。李多林。解交刑部聽審。其接引之張萬鍾。張萬效。二犯。俟拏獲吧咤哩呖哂一並續解等語。前曾降旨。凡西洋人私赴內地傳教。及內地民人受其神甫名號。得受番錢。為之勾引接送者。必須按名查拏。解京歸案審辦。其僅係祖父以來相沿傳習天主教者。祇須照例治罪。不必再行解京。此案馮若望李多林俱屬西洋方濟亞國人。私赴川省傳教。自應解京審辦。此外各犯著傳諭保寧李世傑即遵照。

前旨。分別辦理。以免稽延。其未獲之吧吡哩  
吠哂。並著嚴飭文武員弁。購緝務獲。毋任遠  
颺。○又諭工部議駁浙江巡撫福崧報銷柴  
塘工段。與原奏不符。將添辦之一百二十號  
柴塘。用過銀三萬六千四百餘兩。不准開銷。  
所有從前承辦估冊。並現在辦理銷案之員。  
應一併查明。交部議處一摺。所駁甚是。已依  
議行矣。工程續估續增。雖難拘定原報。但此  
項柴塘。添辦至二千餘丈之多。該撫自應將

續估之處。專摺具奏咨部。始可報銷。乃該撫  
並未奏咨。輒於估銷冊內。將續報之二千三  
百九十餘丈。列入已經奏明之八百丈內。一  
併估報。殊屬濛混影射。亦從無此理。其管工  
之員。不無藉端浮冒情弊。著傳諭福崧。切實  
詳查。將此項續辦工段。何以未經具奏。及承  
辦工員。有無浮冒之處。據實明白回奏。至福  
崧於此案。並不覈對原奏。率行請銷。固屬錯  
謬。富勒渾係該省總督。辦理海塘已久。何以

亦任工員濛混估報若此。並著傳諭富勒渾  
嚴切查明。專摺覆奏。勿得迴護。將此由四百  
里各傳諭知之。○辛丑祭

歷代帝王廟。

上親詣行禮。○幸圓明園。○

御製祭

歷代帝王廟禮成恭記。曰。予小子既敬遵

皇祖聖訓。增祀

歷代帝王。以今年二月春祭之吉。奉

神主入廟。禮以克成。祭不欲數。於是退而恭

記。曰。

皇祖之聖。允符我

皇考所尊稱大成。有類

先師孔子。而無以復加也。即此增入之

旨。實出大公至明。乃稱歷代之名議。而非有意

於其間也。夫歷代者。自開闢以來。君王者之

通稱。非如配享

先師孔子。有所旌別彰瘡於其間也。夫有所



旌別彰瘁於其間。則必有所進退。而是非好惡紛然起矣。入者主之。出者奴之。將無所底止。且以旌別彰瘁言之。湯武即有慙德。則歷代開創之君。湯武且不若。審如是。

三皇五帝之外。其宜入廟者有幾。是非祭

歷代帝王之義也。故我

皇祖謂非無道亡國被弑之君。皆宜入廟者。義在此。但引而未發。予小子敢不敬申其義乎。蓋自洪武建廟南京以來。北京祖之所祀者

寥寥。及我

世祖定鼎燕京。

幼齡即位。百度畢舉。爾時議禮之臣。於議

歷代帝王廟位次。亦頗有所出入。而我

皇祖之諭。亦因近

大事之際。在康熙六十一年十一月。諸臣未能

仰遵

聖意。其出入亦頗不倫。予小子於昨歲閱大清通禮。始悉其事。因命大學士九卿更議增祀。

而以仲春躬祀。入所增

神主於廟。予嘗論之。洪武之去遼金而祀元世祖。猶有一統帝繫之公。至嘉靖之去元世祖。則是狃於中外之見。而置一統帝繫於不問矣。若

順治初之入遼金而去前五代。則爾時議禮諸臣。亦未免有左袒之意。孰若我

皇祖之大公至明。昭示千古。為一定不易之善舉哉。夫天下者。天下人之天下也。非南北中

外所得私。舜東夷。文王西夷。豈可以東西別之乎。正統必有所繫。故予於通鑑輯覽之書。大書特書。一遵春秋。不敢有所軒輊於其間。以為一時之義。雖權萬古之論。不可欺也。然則

歷代帝王之祀。果即非如配享

先師孔子。漠無旌別彰瘁於其間乎。曰。不然也。

歷代帝王。胥祀於景德之殿。其有德無德。若

南若北曰中曰外。是一家。非一家。章章如昭昭如。孰可以為法。孰可以為戒。萬世之後。入廟而祀者。孰不憬然而思。惕然而懼耶。是即不明示旌別彰瘁。而已寓旌別彰瘁於無窮矣。其有不憬然思。惕然懼者。則是無道之倫。必不能入此廟矣。嗚呼。可不懼哉。可不懼哉。雖然。予更有後言焉。蓋宜入廟。與不宜入。誠昭然應知懼。而我大清國子

子孫孫祈

天永命。所以綿萬禩無疆之祿者。更當以不入斯

廟為棘。安不忘危。治不忘亂。用慎苞桑之固。思及此。有不忍言。而又有不忍不言者。世世子孫。其尚凜難諶之戒乎。○壬寅。諭。粵海關短少盈餘銀兩。本應著落經徵各員。照數分賠。但念上年洋船到關較少。以致稅課短絀。然較之四十四五等年。已多收銀十餘萬兩。

至八九萬不等。所有此次短少贏餘銀四萬九千餘兩。尚因短到船隻所致。著加恩免其賠補。○又諭曰。明太祖為一代開創之主。是以朕南巡時。躬詣孝陵致祭。用彰隆禮勝朝之意。至昌平為永樂以後諸帝陵寢。非若江寧孝陵可比。此次親詣長陵奠醊。其餘諸陵均遣隨從之王大臣前往致奠。○癸卯。諭軍機大臣等。據圖薩布奏。局存低銅不敷。請暫用高銅配鑄一摺。據稱覈之成本。尚屬有盈

無絀。該省鼓鑄既全用高銅。加配鉛錫。仍屬低銅。亦無不可。成本虧與不虧。何足計較。但銅質既高。則奸民鎔化售買。得利必多。保母啟私銷之弊乎。畢沅久任陝西巡撫。於該省局務情形。自所深悉。著傳諭該撫。即將圖薩布所奏。果否屬實。行之有無滋弊之處。據實覆奏。將此傳諭畢沅。並諭圖薩布知之。○甲辰。遣官祭黑龍潭昭靈沛澤龍王之神。玉泉山。

惠濟慈佑龍王之神。○諭烏什協同辦事之慶玉現因病回京。所遺員缺。著穆和蘭調補。其哈密協同辦事員缺。著副都統廣福補授。○大學士公阿桂等奏。工部叅奏浙省報銷柴塘。與原奏不符一案。查此案工部始准後駁。業經該部自請議處。應請嗣後各省。凡屬添辦工程。俱令其隨時奏明。方准報銷。若以未經具奏之案。率行列入估冊題報。工部即當奏駁。將督撫議處。若不行查出。直至銷算時再行奏駁。即將工部堂司官一併議處。其銀兩著落工部。暨題估各員。分別賠繳。不准開銷。以杜浮混。從之。○豁免江南省江寧淮安。揚州。徐州。海州。通州。六府州屬。乾隆四十七年以前。民欠地丁等銀二十八萬八十八兩有奇。民借籽種銀一十五萬二百六十二兩有奇。米豆四萬五千八十五石有奇。○乙巳。清明節。遣官祭

永陵

福陵。

昭陵。

昭西陵。

孝陵。

孝東陵。

景陵。

泰陵。

泰東陵。○遣官祭

孝賢皇后陵。

端慧皇太子園寢。○

上詣

安佑宮行禮。○諭軍機大臣等。據山海關副都統寶琳奏。從前原賞山海關旗員地畝。內餘地三十八頃有餘。每年差兵收取糧石。多有遲延不給者。向交該處地方官轉催交納。嗣後應請將此項糧石。竟交地方官催齊變價。暫存本署。由副都統處。按季出具印結支領。所有口外冷口。喜峯口。二處地畝。亦請一律

辦理等語。所奏是。此項地畝。原為旗人養贍之資。若遲延不給。於旗人生計有礙。與其該處副都統差兵收取。自不若即令地方官催交完納。但直省於旗人地畝租稅之事。漠不關心。多不肯實力辦理。已成積習。著傳諭劉。裁所有此項地畝。應照寶琳所請。竟交各該地方官催繳變價。按季解交山海關副都統收貯。仍嚴飭承催之員。如有奸民托故遲延。不行完納者。即嚴行查辦。毋得稍存迴護。將

此傳諭劉。裁。并諭寶琳知之。○補行乾隆四十九年直隸。奉天。江蘇。山東。山西。河南。陝西。浙江。福建。廣東。雲南。貴州。等省。并江南。河東。河員大計。不謹官十員。罷軟官十六員。浮躁官十二員。才力不及官三十四員。年老官七十三員。有疾官三十三員。分別處分如例。○丙午。

孝昭仁皇后忌辰。遣官祭。

景陵。○工部等部議奏。據山東巡撫明興疏稱。

滕縣添建南沙河。十里鋪。崗山嶺。小莊河等處營房。估需工料銀兩。請於乾隆四十九年耗羨項下動支。給發興修。應如所請。從之。○河南巡撫畢沅奏。臣由保定起身。察看直屬趙州。順德。以北。初七八等日。雪澤優霑。至迤南之邯鄲。磁州。雪勢漸小。一入豫境。自彰德至衛輝。祇得過雨雪一二寸不等。隨落隨化。入土未深。仍然不能耕種。臣現率藩司。江蘭。虔誠步禱。至陝省太白山神。屢昭感應。前奉

旨。令臣將如何祈雨之處。告知何裕城。遵照虔祈。但何裕城到陝尚需時日。而豫省各屬待澤孔殷。臣擬先遣妥員恭齋香帛祝文。即馳赴太白金靈湫。取水來豫。供奉虔求。現今衛輝一帶。被災情形較重。應行籌辦各事宜。即當妥籌奏聞辦理。得旨。覽奏俱悉。○賑福建建安。甌寧。二縣。乾隆四十九年分水災飢民。○丁未。諭。此次親行耕藉。朕躬舉四推。應令諸皇子隨侍觀禮。以昭幼農務本至意。三王

著派睿親王質郡王皇六子儀郡王皇八子。皇十一子皇十五子著隨耕佈種。○漕運總督毓奇署河東河道總督蘭第錫山東巡撫明興奏東省各湖蓄水濟運最關重要。濟寧以北有蜀山南旺馬踏馬場諸湖。濟寧以南有微山獨山昭陽南陽諸湖。其中蜀山馬踏收汶河之水。馬場收泗水。獨山收泗洸兩河。並諸山泉。南陽昭陽收上游曹濟等處坡水。及獨山湖穿運入湖之水。下注微山一湖。以時宣濟。而各湖來源總以汶泗二河為最大。查微山湖面寬濶湖心尚深。且與南陽昭陽兩湖均在運河西岸。從前黃水下注。已經沿路澄清。並未受淤。其上游坡地進水之路。現已於挑浚水利河渠案內估辦。至獨山一湖。坐落運河東岸。尤未受淤。而蜀山馬踏馬場南旺等湖。更在濟寧以北。並非黃水經由之地。但各處湖身週圍高低不一。雖屬地勢使然。總未能與湖心一律相平。迨伏秋水發。汶

泗各河不無挾帶泥沙。而坡地雨水下注。亦有淤積。是以每年汛期過後。即將各湖之進水出水引渠確估挑浚。茲查馬場湖地勢本窪。其所收泗水由安居十里等處斗門宣放。濟運向來並不缺乏。南旺湖在運河西岸。迨東正對分水口。遇汶水盛漲時。南北宣洩不及。即啟各斗門。掣水入湖。藉以洩漲保隄。現在湖身甚寬。儘資容納。均可無庸辦理。至蜀山湖在汶河東南。定誌收水一丈一尺。每年汶水長發。先由臨汶之永定永安永泰三閘。收入外灘。俟澄清後。再啟臨湖斗門。放清入湖。由臨運之金線利運二閘宣濟運行。又馬踏湖在汶河西北。定誌收水六尺餘寸。由臨汶之徐建李家二口收蓄。出新河頭宏仁橋二閘濟運。現在該二湖水甚充裕。即將來秋冬水涸。各湖亦必有底水存貯。且湖中從未做過撈挖之工。而湖身寬廣。均有百餘里數十里不等。其挑出之土。亦不能遠送至百里。

之外。徒費錢糧。查湖邊及各引渠兩傍間段。露有旱灘之處。俟秋汛過後。實力疏濬。即歸入歲修案內辦理。再濟寧以北各湖四面。皆有隄堰。除官隄出水甚高。每年查看修整外。其各處團堰。現飭地方官。勸民培修。務使較前倍加高厚。庶於收蓄湖水。更為有益。得旨。知道了。治河總無一勞永逸之理。隨時補助。惟在以實力妥為之。○又奏。查曹濟等屬。估挑水利河渠。自開工後。上緊挑挖。覈計工程。

已有十分之四。所有勸民疏導各支河工段。辦理踴躍。可期與估挑幹河各工。同時完竣。臣等俟八閘鋪水後。前往督催。務期上下流通。脉絡暢順。於運道民生。兩有裨益。得旨。好。實力妥為之。○山東巡撫明興奏。東省去年麥收雖薄。秋成實係豐稔。臣因通省動缺倉穀。共有九十餘萬石。為數甚多。是以酌量採買。嗣緣入冬雨雪稀少。春雨又未能普徧。糧價漸增。貧民餬口維艱。農民亦需酌借口糧。

以助耕作。現已飭司按照地方情形。減價出糶。有應借口糧者。照例先動社穀。次及常平雜糧。穀石。覈實給領。至東省雨雪情形。登萊青三府。較為霑足。省城及兗沂曹濟一帶。尚未普徧深透。至各屬糧價。正月較冬月稍昂。臣具奏單內。雖經聲明。而總條內。仍填價平字樣。實屬拘泥糊塗。得旨。以後戒之慎之。○命光祿寺卿吳省欽。在尚書房行走。○戊申。上御勤政殿聽政。○大學士公阿桂等奏。上年

奉旨增祀歷代帝王。經大學士九卿會議具奏時。元魏原列在晉宋齊陳之後。乃禮部堂官。於排列龕位時。並未奏明。輒將元魏移在晉代之前。殊屬錯誤。應請將禮部堂官交部議處。並照原議位次改正。得旨。知道了。○漕運總督毓奇。山東巡撫明興疏報。東省八閘大批工程。於上年十二月內勘辦。自江境交界之黃林莊起。至韓莊以上之彭口閘下止。共計估挑河長一萬八千四百七十五丈內。

原估口寬五六七丈。底寬三四五丈。深自一尺至四五尺不等。工分十六段。派委地方州縣。及河工廳備等官三十餘員。分段承挑。嗣據各員於二月十五日以前。陸續具報完竣。臣等於每完一段時。逐細查勘驗收。間有坦坡未平。及露有淤灘。應須加挑順勢者。即飭令上緊收拾。務期處處妥協。現准兩江督臣薩載等知會。江境挑工亦已告竣。即須開壩鋪水。臣等查向來挑工竣後。其每段內攔水

壩埂。稍有留存。即致船行阻礙。現仍飭各工員。帶領人夫。上緊起淨。並責成能事員弁等。分段催辦。至東省汶水大壩。臣等已知會河臣蘭第錫。巡漕臣阿那布。並飭令運河道定期於二十四日。先行開放。計汶水按塘灌注而下。至彭口開時。所有八閘內壩埂餘工。均已收拾淨盡。即可開湖口雙閘。宣放湖水。會汶下注江境之運中河。俾上下水面鋪平。以便新漕趨挽北來。不致稽誤。再查韓莊八閘

一帶。地勢高仰。向來雖每歲間段挑濬。從未有如此次之大。加疏治者。現將挑成河底。與常年相比。已落低二三四尺不等。即較之從前老底。亦覺加深。內惟大泛口等處。為各山泉入運之地。每年水發沙停。仍需隨時挑浚。其餘上下河道。實屬深通。從此漕運往來。可資利賴。得旨覽奏俱悉。○以侍讀學士王保陸伯焜。左庶子芮永肩。右庶子圖敏。劉權之。充日講起居注官。○已酉。

上還宮。○諭四庫全書館。進呈補刊通志堂經解一書。朕閱成德所作序文。係康熙十二年。計其時成德年方幼穉。何以即能淹通經術。向即聞徐乾學有代成德刊刻通志堂經解之事。茲令軍機大臣詳查成德出身本末。乃知成德於康熙十一年壬子科中式舉人。十二年癸丑科中式進士。年甫十六歲。徐乾學係壬子科順天鄉試副考官。成德由其取中。夫明珠在康熙年間。柄用有年。勢燄薰灼。招

致一時名流如徐乾學等。互相交結。植黨營私。是以伊子成德。年未弱冠。夤緣得取科名。自由關節。乃刊刻通志堂經解。以見其學問淵博。古稱皓首窮經。雖在通儒。非義理精熟。畢生講貫者。尚不能覃心闡揚。發明先儒之精蘊。而成德以幼年薄植。即能廣搜博採。集經學之大成。有是理乎。更可證為徐乾學所哀輯。今成德出名刊刻。俾藉此市名邀譽。為逢迎權要之具耳。夫徐乾學成德二人。品行本無足取。而是書薈萃諸家。典贍賅博。實足以表章六經。朕不以人廢言。故命館臣將板片之漫漶斷闕者。補刊齊全。訂正譌謬。以臻完善。嘉惠儒林。但徐乾學之阿附權門。成德之濫竊文譽。則不可不挾其隱微。剖悉原委。俾定論昭然。以示天下後世。著將此旨錄載書首。○是月。兩江總督薩載。江南河道總督李奉翰奏。查運中河上自黃林莊山東交界起。下至楊家莊運口止。間段應挑工長三萬

八千九百五十餘丈。原估口寬八丈。底寬六丈。挑深二尺四五寸至三四五尺不等。派委地方知縣及河工廳營汛弁五十餘員。分段承挑。茲據各工員呈報。於二月初十以內。陸續挑竣。隨率同道將等。逐段查丈驗收。照依原估口底寬深丈尺。詳細測量。間有河底河坡未經全清者。即飭令收拾清楚。河身坦坡高窪不平者。飭令加挑平整。臣等現將上下攔水草土壩工。督令各工員即行啟除。使原估毋庸挑挖。各段所存積水。通流下注。以驗河底之是否一律相平。并咨會漕撫二臣。俟韓莊上下及八閘淺工。驗收完竣。即行開壩放水。俾上下運河。鋪平水面。以便重運漕船。渡黃北上。其邳宿境內。添建王家莊八堡石閘二座。現俱上緊運石簽樁。鋪底趲砌。以期迅速完竣。報聞。○安徽巡撫書麟奏。安省亳州等處。自上年賑卹後。屆茲青黃不接。復奉恩旨展賑。臣現飭司查照正賑銀兩給發。委



員解赴亳州。飭令陸續易換錢文。臨時按口給發。臣仍馳往亳州督率該道府實力妥辦。其亳州七分災貧民。及泗州等八州縣成災五分并勘不成災之區。亦當率同該道府察看實在情形。分別酌借籽種口糧。照例減價平糴。務俾三春口食有資。得旨詳妥為之。俾受實惠。

大清高宗法天隆運至誠先覺體元立極敷文奮武孝慈神聖純皇帝實錄卷之一千二百二十五

大清高宗法天隆運至誠先覺體元立極敷文奮武孝慈神聖純皇帝實錄卷之一千二百二十六

監修總纂官經筵講官太子太傅文淵閣大學士文淵閣領閣事領侍衛內大臣楊家欽奉 上諭事件處管理吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄次 臣慶桂總纂官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務世襲騎都尉軍功加十九級隨帶加二級又加二級 臣董誥內大臣戶部尚書鑲藍旗滿洲都統軍功紀錄五次尋常紀錄十四次 臣德瑛經筵講官太子少保工部尚書紀錄六次 臣曹振鏞等奉

敕修

乾隆五十年乙巳三月庚戌朔諭貴州威寧

鎮總兵敬善年力就衰著來京另候補用。所遺員缺著許世亨補授。○豁除直隸灤平縣張百灣等處水衝沙壓田地一百三十頃有奇。○辛亥

上耕藉詣

先農壇行禮更服至耤田所

躬耕三推

御觀耕臺命睿親王淳穎質郡王皇六子永瑤儀郡王皇八子永璇各五推皇十一子永理

皇十五子○隨耕佈種吏部右侍郎宗室玉鼎柱戶部左侍郎董誥禮部右侍郎陸費墀兵部右侍郎塔琦刑部右侍郎景祿工部右侍郎汪承霈左副都御史哈福納通政使張若淳大理寺少卿劉天成各九推舉順天府府尹率農夫終畝賞賚耆老農夫如例  
上迴圓明園○諭廣西左江鎮總兵薩朗阿年力就衰著來京另候補用所遺員缺著李銓補授○壬子

上自圓明園啟鑾幸盤山○諭曰朕此次巡幸盤山所有沿途經過地方本年應徵地丁錢糧著加恩蠲免十分之三○是日駐蹕湯泉行宮至甲寅皆如之○癸丑漕運總督毓奇等奏東省八閘大挑工程臣等將閘內一切壩埂餘土嚴督工員收拾淨盡隨飭運河道開放汶河大壩及韓莊之湖口雙閘灌注鋪水查各處估挑河渠已有七分工程按工計日於三月初十前後即可一律完工所有上

游曹單城武定陶等縣境內勸用民修之各支河農民自顧田疇無不爭先踴躍可期與估挑各工同時全竣至南旺大壩現在開放過水蜀山馬場等湖所收汶泗之水尚屬充裕微山湖口雙閘亦已開放水頭下注江境即可灌至楊莊運口臣等嚴催過淮各幫銜尾渡黃飛挽北上可無阻滯得旨覽奏俱悉  
○甲寅

上致祭明長陵○諭直隸昌平州為前明陵寢

之地本朝定鼎後我

世祖章皇帝即命以帝禮改葬思陵並勅工部修葺諸陵

親臨奠酌並禁止樵採添設陵戶我

皇祖聖祖仁皇帝亦曾

親臨致奠並飭地方官加意防護所以加禮前代者最為優渥朕此次行幸湯山取道昌平躬詣長陵致奠見諸陵寢明樓享殿多有損壞神牌龕案亦遺失無存為之慨然弗忍視

蓋由明代中葉以後國事廢弛全不以祖宗為念於陵寢並未修葺至末年復經流寇擾亂亦無人守衛以致日就傾圮若其後代之君果能歲加繕治整齊完固逮今不過百有餘年亦何致頽剝若此又諸陵前雖建有碑座均未鐫泐未審彼時是何意見今親臨奠醊周覽之下深為軫惻自應重加葺治增設龕位俾臻完備再我朝開叛之初睿親王以我師克取遼東時明之君臣惑於形家謬說

疑金代陵寢與本朝王氣相關將房山縣金陵拆毀是以爾時亦將定陵享殿撤去停其祭祀然明樓寶城仍存其舊未壞也維時我世祖尚未親政其事實由睿親王建議亦非世祖意也今國家一統已歷百數十年勝朝陵寢自應一體修復所有定陵享殿著仍行修建春秋祀事如故又明世宗永陵前因尹嘉銓條奏將其祭祀裁撤但前明之亡不亡於崇禎而亡於萬曆天啟是以於歷代帝王廟

中徹其位祀而陵寢仍前致祭明世宗雖溺意齋醮尚不至如萬曆天啟之昏庸失德其陵寢自應照前一體致祭以昭大公我國家受

天眷命

世德顯承於前代陵寢繕完保護禮從其厚此次修復諸明陵殿宇等工即費至百萬帑金亦所不靳所有此項工程著派尚書劉墉德保金蘭侍郎曹文植德成董率經理務期完

固工成後飭該地方官隨時稽察小心防護嚴禁樵蘇用副朕隆禮勝朝之至意○

御製讀召誥曰詩三百一言以蔽之曰思無邪予讀召誥之篇求其一言以蔽之者莫若曰曷其奈何弗敬蓋召公因成王始政拳拳致告蔡傳所謂究其歸以誠民為祈天之本而又以敬德為誠民之本一篇之中三致意焉則所謂奈何弗敬者非挈一篇之領要乎夫奈何者一唱三歎之意言有盡而義無窮

奈何者更有不忍人之心以不忍人之心行不忍人之政則敬之施於外者也敬勝怠者吉義勝欲者從然必敬勝而後能義勝則又敬之存乎內者也內外交養誠實無妄祈天永命其弗基於此乎茲因謁明陵而思及受命保命之要必當以奈何弗敬為棘且君者天之子也

天者君之父也父之於子無不亟其愛子之於父當無不亟其敬然及其失父之愛一再失

其敬者猶示以警以訓誨之至於訓誨而弗改則父亦弗愛之而已矣嗚呼可不懼乎可不敬乎歷代遙矣不可屈指數明之事則近可徵也如永樂之篡位大行誅戮應其亡也而天弗亡之正統之北狩應其亡也而天亦弗亡之正德之荒淫失德應其亡也而天尚弗亡之此非慈父之逭其罪而仍有所顧惜乎必至萬歷怠政天啟童駭崇禎有猜忌之失無恢復之能而後亡之讀史而有受命保

命之責者可不知懼知敬乎人莫不飲食鮮能知味也人莫不讀名誥鮮能知要也茲舉其一言以蔽之者於謁明陵之日後之攬者亦可以絜矩知吾意矣○以貴州平遠協副將朱射斗為湖南鎮軍鎮總兵○乙卯直隸總督劉綎奏直屬入春以來正定迤北雨雪均已霑透其廣平順德二府所得雨雪僅二三四寸不等而大名府屬則並未同霑現在各該府米價漸增請將大名廣平順德三府

不拘常例准於三月底四月初間即行平糶並令查明實在粟米市價如在二兩一錢以上者每石准其減價三錢一兩八錢以上者每石減銀二錢如一兩八錢以下仍照常例減銀一錢按州縣之大小准其減糶倉米二三千石以平市價而裕民食得旨如所議行○是日駐蹕三家店行宮○丙辰諭軍機大臣曰特成額等奏楚省毆官傷差首犯黎贊武等前經川省拏獲委員解楚審辦當即添

派文武員弁馳往前途迎提來省並令由川入楚之巴東縣一俟該犯等遞解入境先行稟報迄今旬餘尚未解到等語黎贊武等犯業據保寧奏報委員解楚審辦乃已閱旬餘尚未解到亦未據巴東縣稟報該犯等入境日期特成額等即應迅速查明因何遲滯緣由將該州縣據實奏何僅以咨查了事耶特成額吳垣俱著傳旨申飭並令將黎贊武等催解到省迅速審明辦理具奏將此由五百里發往並諭保寧知之○是日駐蹕大新莊行宮○丁巳祭

先蠶之神遣妃行禮○諭曰朕此次巡幸盤山所有墊砌山道人夫著加恩賞給銀二百兩○是日駐蹕盤山行宮至癸亥皆知之○戊午諭據阿揚阿奏稱特通額現在患病著即來京所遺員缺著派塔琦馳驛前往葉爾羌協同阿揚阿辦事○工部等部議奏據直隸總督劉峩奏稱易州泰寧鎮添建汛房十

八間估需工料銀兩請照急工之例於司庫節年地丁錢糧銀內先行撥建應如所請從之○己未諭曰明興奏據曲阜原任四品執事官孔繼成呈出革職捐復主事孔繼汾著孔氏家儀一書內有增減會典服制並有今之顯悖於古者於區區復古之苦心字樣並將原書粘簽呈送隨傳訊孔繼汾猶復強詞支飾請將孔繼汾革職送交刑部嚴審治罪並將孔繼成一併解部質訊等語孔繼汾曾任司員在軍機處行走其人小有才幹若能安分供職自必早加擢用以其居鄉多事革職本非安分之人故棄而弗用耳彼應安分改過乃敢著家儀一書則因其平日抑鬱不得志借以沽名紓忿其心更不可問若使仕宦通顯必不以著述為能此等進退無據之徒最可鄙恨其書中動以遵聖為詞則伊從前於啟聖林內為伊母豫造生墳上年欲將伊母營葬一節為遵聖乎為違聖乎其居心

行事豈不顯然相背。孔繼汾著革職。拏交刑部交大學士九卿會同該部嚴審定擬具奏。孔繼成亦著解部質訊。至孔繼汾身係聖裔。即其書果有狂妄。亦祇應罪及其身。其子弟族衆均毋庸連及。以示朕尊崇先聖。加恩後裔之至意。○庚申

孝賢皇后忌辰。

上命

皇十五子 瑆 祭

陵寢。○辛酉諭曰。畢沅奏豫省河北一帶各屬倉儲因連年積歉。蠲緩散給存貯無多。請於豫省應行起運米豆內截留十一萬餘石。並於山東漕糧內就近截留八萬石。方足二十萬石之數。以備接濟等語。河南衛輝一帶近歲被有旱災。疊經降旨蠲免展賑。俾窮民得資餬口。現在尚未得有雨澤。朕軫念災黎。無時稍釋。自應寬為儲備。俾倉糧充裕以供賑借之需。竟著於豫東兩省內截留糧三十萬

石。若東省漕糧不敷。著即於南省就近各幫漕糧內撥給。俾資接濟。該部即遵諭行。○諭軍機大臣曰。畢沅奏衛輝一帶被有旱災。請截留漕糧二十萬石。以資賑貸。計截豫省臨前平前平後三幫米豆五萬餘石。臨後徐前徐後三幫米豆六萬餘石。並請在山東起運漕糧內截留粟米八萬石。以足二十萬石之數等語。衛輝一帶被旱已久。窮黎口食維艱。雖屢次加恩展賑。即此時或得雨後。尚須酌

借籽種口糧。不可不急為籌畫。朕正慮及此。而前此何裕城竟未見及。畢沅所奏甚是。已明降諭旨。著於豫東兩省漕糧內竟給三十萬石。若東省漕糧已經起運。不敷添撥。即於附近南糧撥足三十萬石之數。前因豫省河工緊要。衛輝旱災急宜籌辦。是以將畢沅調任該省巡撫。今該撫因河北各屬倉儲連年積歉。蠲緩散給存貯無多。而別府州屬又多不通水路。輓運維艱。即請截留漕糧。並恐軍

船遲重。即酌雇民間小船往返遞運。其所截山東漕糧亦一體雇覓民船剝運。該撫甫經蒞任。所思即能如此。周到實為盡心民瘼。自可感召。

天和以期速霈。膏澤朕深為慰幸。畢沅可嘉。現在畿輔一帶連日得雨。雲氣廣濶。豫東二省或亦當普被甘霖。上年以來山東曹州各屬雨澤稀少。亦不為豐足。今截留山東之米以濟河南。恐山東之民不無向隅之歎。如近日

平泉奏上二六上六

上

得有透雨。麥苗可以補種。齊全無需接濟。則可。若仍未得雨。山東亦有應需接濟之處。亦未可知。著傳諭毓奇。明興會同商酌。密行籌辦。或酌留南省附近漕糧十萬石。以備需用。其應撥豫省糧石。或軍船現已北上。即於首進南糧內照數截留。撥給豫省備用。毓奇。明興務須詳細籌酌。妥協辦理。仍將酌辦情形迅速覆奏。將此由六百里傳諭知之。○旌表守正捐軀江西湖口縣民王儀則妻鄭氏。○

壬戌署河東河道總督蘭第錫等奏。蘭儀廳屬睢州上汛頭堡至四堡高家寨新隄工程。在於七里井地方。就舊有河槽開段。疏挑仍在七里井以下。高家寨以上。陳福莊一帶。作為河頭。上游來路寬展無阻。距高家寨隄工八百餘丈。不為逼近。惟灘面淤平。必須加深挑挖。今細加丈量。自一千丈以下。即係四十八年經行舊路。現有河形寬數丈至數十丈。深三四五六尺不等。東至底莊通連舊時沙河。愈覺寬深。再東至林隄口。即與七里井下游河形併為一股。就下疏浚。頗屬徑直順利。所有林隄口以東。河形內莊基灘嘴。亦須抽切直至瓦崗寺。河形深處為止。現已派員分段興挑。限四月全竣。仍留壩埂防守。俟大汛水勢長高。相機開放。以冀掣動全河大溜。衝刷成河。或分溜北注。俾新隄不致著重。以期保護穩固。得旨知道了。妥慎為之。○癸亥。諭前因山西民人劉姓等重扣放債。索欠逼斃。

黃陂縣典史任朝恩一案。已降旨將劉姓等嚴究辦理矣。前聞康熙雍正年間。外官借債。即有以八當十之事。已覺甚奇。今竟至有三扣四扣者。尤出情理之外。且向來文武官員出京赴任。均有在部借支養廉之例。自道府副叅。以至微末員弁。准借銀數。自千兩至百十兩不等。已屬優厚。此項銀兩。因恐需次人員。資斧缺乏。是以准其借支。原係格外體卹。在各該員果能自行撙節。已足敷用。若任意

黃陂縣典史任朝恩一案

上

花費。正復何所底止。而市井牟利之徒。因得以重扣挾制。甚至隨赴任所。肆意索償。逼斃官吏。似此已非一案。實屬不成事體。嗣後赴任各官。務宜各知自愛。謹守節用。勿墮市儈奸計之中。若有不肖之員。不知節儉。甘為所愚。仍向若輩借用銀兩。亦難禁止。但總不准放債之人。隨往任所。並令各該督撫嚴行查察。如有潛赴該員任所追索者。准該員即行呈明上司。按律究辦。倘隱忍不言。即致被逼

索釀成事端。亦不官為辦理。庶可杜市儈刁風。而不肖無恥之員。亦知所儆戒。○諭軍機大臣等。昨李奉翰奏。淮揚徐海各屬於二月二十四日。得雨一二寸不等。二十八日。又得雨二二三寸不等。尚未十分霑足。現在率屬虔行祈禱等語。江南淮徐一帶。天氣久晴。民間不無待澤。雖於二月二十四二十八等日。節次得雨。僅止一二三寸。未能霑足。深為廑念。著傳諭薩載。閔鶚元。即將該處近日曾否續

得透雨。於麥苗有無妨礙。大田是否可以播種之處。據實速奏。毋得稍存諱飾。將此由五百里傳諭知之。○河南巡撫畢沅。遵旨覆奏。臣前在陝撫任內。查得寶陝局。向定鼓鑄章程。每銅百觔。用高銅七分。低銅三分。復配白鉛九十六觔。點錫四觔。其低銅三分。應加耗銅六觔。十四兩有零。此向來辦理定例。今據圖薩布奏。稱滇省低銅未到。請暫行全用高銅。以期不誤鼓鑄。查從前滇省所辦低銅。不



敷應用曾經通融辦理暫用高銅配搭鉛錫以免停鑪歇卯之虞此項錢文名為全用高銅而每百觔加配鉛錫百觔則仍屬低銅且純用高銅省去低銅加耗之數折實比較成本相去無多即使奸民希圖私銷覈算亦無甚便宜可免滋生弊竇但此不過一時權宜辦法查第十三運滇銅目下計程抵省不遠將來到局自應仍照高七低三鼓鑄以符舊例報聞○甲子諭軍機大臣等據薩載奏江

北淮安徐州海州各屬因天氣久晴糧價稍為昂貴飭屬平糶其淮安府屬之山陽清河桃源各縣於二月下旬得雨一二寸等語江北淮徐海一帶雨澤短少糧價稍昂民食未免拮据自應減價平糶俾小民均霑實惠該督等並應虔誠祈禱以期速沛甘霖至摺內稱大江以南節經得雨均已優渥而江寧省城得雨止二寸試思江寧獨非大江以南乎何以概稱得雨優渥看來江寧亦現在盼雨

該督所奏不免意存諱飾雨澤為民瘼攸關得雨既未深透即應據實具奏並應隨時體察調劑若稍存諱災之見將何以感格

天和得邀渥澤耶著傳諭薩載等即將淮徐海及江寧各屬現在曾否得有透雨農田有無妨礙之處據實具奏毋得諱飾迴護將此由五百里諭令知之尋奏江寧府屬地方或連朝雨澤或數日間得雨一次土膏滋潤大麥現已結穗小麥亦經揚花與淮徐海不同大

江以南各屬現在農田亦無妨礙二麥可望豐收惟淮徐海等處望澤甚殷臣惟有率屬虔禱以期速霑甘霖得旨覽○軍機大臣議覆據烏魯木齊都統長清覆奏烏魯木齊等處加屯撥運酌停採買各事宜查該處屯田隙地無多且缺水灌溉自難加兵屯種即如所議粟穀糜穀抵作麥石供支可敷四年之用四年之外仍須採買徒滋紛更抵撥之煩再查迪化州不敷糧石為數較多向於昌吉

阜康綏來濟木薩等處。雇脚撥運。本不採買。今若由瑪納斯。哈喇巴爾。噶遜。抽兵前往屯種。每歲所收。尚有不敷。仍須照舊撥運。又何必添此數百名兵丁。再所稱改種豌豆一節。查哈密地方。歲獲麥穀。存餘無多。若將地畝劃出。改種豌豆。設麥穀不敷。仍須採買。於事實屬無益。均應令再行詳查酌議。從之。○漕運總督毓奇等奏。東省應運通倉漕糧米豆。共三十萬餘石。現在受兌。尚未開行。今因豫省衛輝一帶被旱。於豫東兩省漕糧內撥給三十萬石。除豫省已截留本省米豆十二萬石外。應在東省漕糧內截留十八萬石。查東省開內開外。本年應徵起運漕米。約共十七萬餘石。臣等酌議儘數截留。如有不敷。請照河南所奏米豆並截。即將東省運通豆石補足撥給。以符三十萬石之數。惟查衛河水勢微弱。軍船運重難行。臣等已飭多雇小船裝運。務令於四月內全數交兌。豫省無誤備用。

再查東省濟南。迤西各府。及臨濟二州屬。雨澤稀少。月內若能普被甘霖。麥收尚可有望。請將濟東泰充曹五府。臨濟二州屬。查明地在二十畝以下者。每畝借給籽種銀五分。以資耕作。所需銀兩。在司庫留撥銀內動用。秋後徵還。歸款下部知之。○豁免江蘇。安東。阜寧二縣。乾隆十一年起。至四十四年止。民欠地漕灘租耗羨等銀四千八十六兩有奇。米四十六石有奇。○是日。駐蹕大新莊行宮。

大清高宗法天隆運至誠先覺體元立極敷文奮武孝慈神聖純皇帝實錄卷之一千二百二十六

大清高宗法天隆運至誠先覺體元立極敷文奮武孝慈神聖純皇帝實錄卷之一千二百二十七

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次 慶豐

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級 董誥內大臣戶部尚書鑲黃旗滿洲都統軍功紀錄三次

尋常紀錄十四次 臣 德瑛經筵講官太子少保工部尚書紀錄六次 臣 曹振鏞等奉

敕修

乾隆五十年乙巳三月乙丑諭各省通緝人

犯向例已屆四十年緝拏未獲者即將原案查銷停緝倘後經緝獲仍行質明辦理嗣又經定例不必概以四十年為限惟計該犯脫逃時年已六十者則定限二十年未獲即行開除年已五十者定限三十年即行開除年已四十者定限四十年即行開除原以廓清塵案而於奉文查緝年久無獲之州縣未經定有處分此等通緝人犯係於該犯脫逃後由該督撫咨會各直省通行各州縣查緝因

思各州縣本任內承緝案件尚不能剋期弋獲其似此奉文通緝之犯不但視為具文且不過目者有之矣是徒滋案牘紛繁總屬有名無實但竟置之不議又不足以示懲朕意嗣後通緝人犯於何省脫逃但應責成該省州縣或問出本犯之原籍亦祇責成其原籍州縣實力緝捕如仍年久無獲即當交部畧與議處此外無干之各直省州縣竟毋庸行文通緝以省案牘而歸覈實其應如何分別年分比較命盜案件酌從輕減予以處分之處著大學士會同該部詳悉定議具奏○諭軍機大臣等前因新疆採買糧石易於滋弊因思該處俱有隙地何不加兵屯種多為收穫既可以備供支兼可以停採買隨經降旨令長清會同永安尚書巴延三等將烏魯木齊等處實在情形詳查妥議具奏茲據長清奏到所稱加屯撥運及改種豌豆各情節不免意存遷就遵旨並未覈實籌辦業經軍機

大臣逐條議駁具奏矣。伊勒圖在新疆辦理有年。於各該處情形。較為熟諳。著傳諭該將軍。於陞見進京之便。經過烏魯木齊時。會同長清等悉心講求。覈實籌辦。各該處所有隙地。是否實堪開墾。採買一事。可否酌量停止。如添兵屯種。需費浩繁。所入不償所出。於經費仍屬無益。且新疆地畝。官田與回民俱係分水佈種。必須渠水充盈。足資灌溉。庶添兵屯種。可期有收。而回民亦得永安生業。若辦理不善。或致有礙回民水泉地畝。尤非所以示體恤。又戶民承種之地。雖據報明畝數。按戶撥給。但開墾日久。如有未盡升科隱匿不報者。亦應一併丈量辦理。此內或有多餘地畝。可以有濟兵食之處。均著伊勒圖詳晰商酌。按照議駁各情節。通盤籌畫。據實具奏。務令邊疆屯種。得以日就充盈。而回民屯戶。亦不致擾累侵占為妥。將此由五百里諭令知之。○又諭。現因豫省河北一帶。連年旱暵。已

降旨截留米豆三十萬石。以資賑貸。京畿麥穀。均屬充裕。惟黑豆一項。恐有短缺。市價不無昂貴。盛京去年豐收。今春雨澤霑渥。著傳諭盛京將軍永瑋等。即在該處採買黑豆三萬石。照例派員運京。以備應用。恐致彼處豆價昂貴。即二萬石亦可。○是日。駐蹕三家店行宮。○丙寅。

上還圓明園。○丁卯。

上詣

安佑宮行禮。○戊辰。諭曰。西安將軍永鐸著授為伊犁叅贊大臣。前往伊犁。協同將軍學習辦事。永鐸接到此旨。不必前來請訓。即由彼馳驛前往。所遺西安將軍員缺。著長清補授。長清所遺烏魯木齊都統員缺。著奎林補授。奎林不必前往伊犁。即行赴任。辦理事務。奎林所遺烏里雅蘇臺將軍員缺。著復興補授。○又諭曰。復興現已補放烏里雅蘇臺將軍。所遺工部尚書員缺。著舒常補授。舒常接奉

所遺工部尚書員缺。著舒常補授。舒常接奉

此旨。即著來京供職。其兩廣總督印務。著孫士毅暫行兼署。候朕另行簡放。○諭軍機大臣等。據長清彙奏。烏魯木齊所屬乾隆四十九年分竊盜命案。已未結一摺。業經照例交部覈辦矣。烏魯木齊所屬。不過數州縣。何以命盜竊各案。有如許之多。且案犯亦多未獲。自係該地方官不上緊緝拏。以致懸案未結。著傳諭奎林。到任後實力整頓。並嚴飭所屬緝犯務獲。審擬完結。以清塵案。不得蹈內地

海捕具文塞責之習。○己巳。諭曰。奎林所遺鑲紅旗漢軍都統員缺。著海祿調補。仍著綿恩署理。海祿所遺鑲藍旗蒙古都統員缺。著伍岱補授。○補行乾隆四十九年甘肅省大計。不謹官二員。罷軟官三員。浮躁官一員。才力不及官三員。年老官十一員。有疾官二員。處分如例。○辛未。諭本年舉行千叟宴盛典。官民耆老。咸得普被恩施。用彰錫福。其直省軍流以下人犯。亦於恩詔內概予減等發落。

惟罪犯斬絞情節。不至予勾。或本擬緩決者。俱著牢固監禁。該犯等因身罹重辟。雖年已老邁。仍不免羈禁囹圄。未得一體邀恩。朕心深用惻然。著刑部堂官。於朝審秋審情實未勾。并原擬緩決斬絞人犯內。詳加查覈。除近年新事及舊案年未及七十者。仍牢固監禁外。其餘年七十以上。未經予勾。及本擬緩決之犯。著加恩分別減免釋放。其應如何辦理之處。著該部詳悉妥議具奏。候朕另降諭旨。

平定回疆

六

○又諭。據畢沅奏。彰德一府與衛輝毗連。開封河南二屬。自冬至今。未霑雨澤。麥苗微細。夏禾不能長發等語。開封等屬。冬春未得雨雪。此時即得甘膏。播種大田。西成尚早。若令將新舊錢糧照常輸納。小民未免拮据。所有開封府屬之祥符陳留杞縣通許尉氏洧川中牟蘭陽滎澤汜水禹州密縣滎陽鄆陵儀封鄭州新鄭等十七州縣。河南府屬之新安澠池偃師等三縣。彰德府屬之安陽湯陰內

黃等三縣。共二十三州縣。乾隆五十年。並四十九年未完錢糧。及一切帶徵錢糧倉穀等項。俱著緩至本年秋後徵收。以紓民力。其中有受旱較重。及連年河水漫溢。被淹積歉之區。並著再行加賑一月口糧。俟得雨後。仍按畝借給籽種。俾資耕作。其無地極貧下戶。即加賑兩月口糧。使一體均霑渥澤。該撫務須董率所屬。實力妥辦。以副朕軫念窮黎有加無已之至意。該部即遵諭行。○諭軍機大臣等。據特成額等奏。襄陽縣訪拏傳習邪教。收徒斂錢之孫貴遠等。並搜出邪經。現在提犯嚴審究辦等語。孫貴遠膽敢踵行邪教。且查出咒內有十口合同。西江月。開弓射箭到長安之語。尤為悖逆。著特成額等。即將現獲之犯。嚴行審辦。定擬具奏。其逸犯曹守隴等。並著該督撫督飭地方文武各員。弁上緊緝拏。務期按名弋獲。毋任遠颺漏網。將此傳諭特成額等知之。○又諭本日軍機大臣會同刑

部具奏。審擬廣東省解到哆囉等犯一摺。已依議行矣。此案西洋人赴各省傳教。業經據該督撫陸續獲犯解京。審明定擬完結。其在逃之蔡伯多祿。最為要犯。至今尚未就獲。該犯係赴粵起意。接引伴送之人。前屢降旨。令各督撫嚴密查拏。迄今半載有餘。乃本案已經辦竣。而要犯轉致潛逃。可見辦理全不認真。該犯原籍福建。而廣東湖廣。係其平日逗留之所。此時畏罪竄匿。總不出此數省。著傳諭孫士毅。特成額。富勒渾。陸燿。吳垣。即速嚴飭員弁。設法購線。務將要犯弋獲。若以案延日久。漸視為海捕具文。則是該督撫等有心疎玩。恐不能當其咎也。○又諭據明興奏。濟南。泰安。武定。兗州。沂州。東昌。曹州。七府。濟寧。臨清。二州。均於十七十八兩日。得雨二三四五六寸等語。覽奏欣慰。但如歷城。淄川。惠民。各縣。得雨五六寸。已為深透。自可乘時翻犁播種。現在大田。曾否一律補種齊全。其得雨

二三寸之各州縣。此時曾否續霑渥澤。著明興即詳晰查明。據實具奏。如各該處已得雨澤。或民力不能補種。尚需借給籽種。俾資耕作之處。即著該撫確查妥辦。一併奏聞。將此傳諭知之。○又諭據畢沅奏。河南省城。於十九日得雨。自午刻至亥刻止。入土二寸有餘。又據江蘭奏。衛輝得雨一寸有餘等語。所奏雨澤尚欠霑足。該撫當乘此地氣已通之時。督率所屬。虔誠祈禱。衆皆一心誠求。或可冀續沛甘霖。不可因現在已得微雨。稍存自滿之意。一俟續得渥澤。即迅速馳奏。以慰朕懷。至所請開封各屬緩徵之處。已另降諭旨矣。將此傳諭知之。○壬申。諭軍機大臣等。前據畢沅奏。豫省不但河北一帶。被有旱災。即開封。河南。陝州。許州等屬。亦以久未得雨。麥秋難望。請截留漕糧。以資賑貸。已降旨給與三十萬石。昨又據畢沅奏。開封。彰德。河南。三府屬。夏禾無望。亦已降旨。將各該處錢糧。緩至

秋後徵收。其被旱較重。及被淹積歉之區。加賑一月口糧。無地極貧下戶。加賑兩月口糧矣。陝州。許州等屬。既已麥秋無望。小民生計難免拮据。該處錢糧。是否應與開封各屬一體緩徵。或酌借籽種口糧。以紓民力。至衛輝府屬之汲。淇等五縣。並附近之延津等九縣。帶徵緩徵民欠等項。業經全行豁免。其開封。河南。彰德三府屬。現在麥秋無望。雖已緩徵加賑。仍恐民力未能寬裕。所有開封等府屬二十三州縣。歷年帶緩民欠。是否亦應豁免之處。俱著畢沅即詳晰查明。據實具奏。候朕酌量加恩降旨。再直隸廣平。順德。大名三府屬。與豫省河北毗連。上年冬間。缺少雪澤。今春亦未得有透雨。前據劉義奏。請於三月底。四月初。平糶糧石。但該處麥田。究竟是否無礙。大田能否播種。有無應借籽種。分別緩免之處。並著該督查明。即行奏覆。將此由五百里各傳諭知之。○癸酉。

上御勤政殿聽政。○諭曰。御史費孝昌奏。酌定終養章程一摺。所奏甚屬錯謬。前據陸燿泰現任及試用人員。凡親年八十以上。及獨子之親。年七十以上。並未迎養在署。通飭自行呈明終養。朕以其意在教孝。當即降旨允行。昨復據吏部奏。官員父母年老。先已迎養在署者。准該員呈明。止停其陞轉。不必概令離任回籍。蓋以人子之心。總以養與不養為重。既迎奉在署。即可朝夕侍養。亦非忘親戀祿。其所以體恤臣工者。已屬公私兼盡。乃費孝昌何得復有此奏。其意不過以一經回籍。便不能有資利祿而已。夫士人讀書明理。策名入仕。自當敬事後食。移孝作忠。為人臣。為人子。均不當斤斤於釜鍾之計。費孝昌獨非人子。何為此貪祿忘親之言乎。且其摺內有君設身以處而探其情一語。君字自係不通文理之泛論。然竟敢形之奏摺。是何肺腑。著大學士同軍機大臣。問明具奏。將此通諭知之。

○諭軍機大臣等。上年據特成額奏。盤獲西洋人吧咤哩映等。私赴內地傳教。因傳諭各省督撫。令其嚴密查拏。嗣據陝西。山西。山東。直隸。拏獲西洋人。王亞各。吧咤哩。啞。安多呢等。又據廣東查訊。哆囉。分派西洋人九名。赴各省傳教。並究出窩留接引伴送之焦振綱。秦祿等。先後陸續解京。特命軍機大臣會同刑部嚴審定擬。向來西洋人進京行藝。原所不禁。但必須稟明地方官。經該督撫奏

明。始准委員伴送赴京効力。至內地民人。傳習天主教者。雍正年間。久經禁止。哆囉。輒敢私派多人。赴各省傳教惑眾。而梅神甫。安多呢等。亦以西洋人藏匿山西。山東。至一二十年之久。殊干例禁。不可不徹底嚴查。此案本應按律定擬。將該犯等即寘重辟。第念伊等究係夷人。免其一死。已屬法外之仁。未便仍照向例。發回該國懲治。因令刑部將各該犯牢固監禁。以示懲儆。現在案已審擬完結。著



傳諭孫士毅將辦理緣由就近傳集在廣貿易之各該國夷人詳悉曉諭俾該夷人等咸知感懼益加小心恪守內地法度如有情願赴京者仍准報明督撫具奏伴送不得仍前潛赴各省傳教滋事如再有干犯功令私行派往者必當從重嚴辦不能再邀寬典也將此諭令知之○又諭據伊犁圖奏伊犁遣犯燕邦獻於本年正月在配脫逃等語燕邦獻係從前木果木潰散兵丁改發伊犁情罪重大乃該犯膽敢乘間脫逃情尤可惡查該犯籍隸寧夏計其逃竄後或即潛回原籍著傳諭福康等嚴飭所屬派委員弁於關津隘口並該犯原籍地方一體嚴密查拏務獲照例辦理毋致遠颺漏網○軍機大臣議覆據烏魯木齊都統長清奏稱烏魯木齊各處地方每年支放兵餉口糧各項約需糧十五萬四千餘石遇閏加增現在升科戶民額徵地糧與屯田官兵所交糧石二項統計每年可得

糧十七萬二千餘石除應用支銷外尚有盈餘自應仍照舊定章程屯田功過相抵議敘加賞成例俾兵丁等不致有虛報分數買糧賠交之累應如所議辦理仍令新任都統奎林暨各該處管理屯務駐劄大臣提鎮等隨時留心查察每年所收糧石儘收儘報無任虛隱滋弊從之○賑湖南茶陵州攸縣二州縣水災飢民○甲戌諭科道職司風憲有奏事之責果有能叅劾大臣指陳時事言有可採者自當准予施行即或所奏失實亦不加之譴責蓋以職業所在若因言事得罪非所以風勵臺司昨費孝昌陳奏摺內有君設身以處并若曰等語該員係科目出身由學正洊陞御史豈不知君臣之際體分尊嚴乃以此等字樣竟比尋常泛論公然直陳朕前乎是費孝昌之罪不在言事不當而在措辭乖體伊在京服官有年而章奏全不知敬謹之道如此糊塗庸鄙之人豈可復令其供職辦

事。但此時若將伊革職治罪。律以大不敬之條。轉不值如此嚴辦。費孝昌著休致。勒令回籍。至其所奏。請定官員終養章程。前經吏部定議。昨又降旨。通諭於教孝之中。仍寓體恤之意。業已周詳備至。中外大小官員。俱當敬遵功令。各盡其臣子之分也。○諭軍機大臣等。朕恭閱

實錄。康熙四十年五月。泗州等處被水。

上諭大學士等曰。六壩堵塞。其水必然注彼。治

東則西即被災。兩方之民。俱同一體。朕閱河工時。見高家堰之水。較隄旁平地高三尺。淮安之水。較地高九尺。今高家堰之水。高於地已至一丈六七尺。豈不可危。朕日夜念此。甚切憂懼。高家堰隄。作何保守堅固。或另有修治善策。著張鵬翮陳奏。欽此。煌煌

聖訓。仰見

宵旰勤思。為澤國生民。求保障安全之計。疇咨深切。朕思高家堰隄工。自雍正年間。改建磚

工。較前已為整繕。朕屢次親巡閱視。規畫講求。命一律建築石工。以期堅緻鞏固。並酌定五壩水誌。以時宣洩。俾盛漲時湖水不致闕壅為患。立法已極周詳。而自陶莊挑放引河以來。河勢趨北。今昔情形不同。現在高家堰之水。較地尚高若干尺。淮安之水。又高於地若干。是否因隄工堅固。及宣洩機宜。周備妥善。湖水不致為患之處。著傳諭薩載。李奉翰詳悉查明。據實具奏。並繪圖貼說呈覽。○又

諭據李奉翰奏。頭進漕船。於三月初九日。全數過淮。較之上年首進幫船。過淮日期。遲二十餘日等語。上年春間。朕巡幸江浙。糧艘自不免畧為停候。何以今歲幫船行走。轉更遲滯。自必因上年回空各幫。歸次受兌較遲。以致開行過淮。不能迅速。現在運中河。及八閘等處。俱已挑濬完竣。一律深通。水勢充足。漕艘經行。自可迅速浮送。著傳諭毓奇。會同沿途各督撫。派委員弁。加緊催趲。各幫船北上。

不致稍有遲滯。方為妥協。將此由四百里傳諭毓奇。並諭薩載明興知之。○以故廣西鎮安府屬向武土知州黃徽猷子坤寧襲職。○乙亥。諭直隸廣平。順德。大名。三府屬。與豫省河北毗連。上年冬間。缺少雪澤。今春亦未得有透雨。河間府屬之景州。交河等州縣。秋冬以來。雨澤稍疎。麥收恐不免歉薄。此時即得甘膏播種大田。西成尚早。若令將新舊錢糧照常輸納。小民未免拮据。所有廣平。順德。大

名。三府屬各州縣。並河間府屬之景州。交河。阜城。獻縣。河間。肅寧。寧津。故城。等州縣。著加恩將乾隆五十年應完錢糧。並四十九年未完錢糧。及一切帶徵錢糧倉穀等項。俱緩至本年秋後徵收。用紓民力。其景州等州縣。並著即行減價出糶。以平市價。該督務須董率所屬。實力妥辦。使一體均霑。渥澤。以副朕軫念民依有加無已之至意。該部即遵諭行。○又諭。向來滿洲世僕等。以侍衛拜唐阿為近

御差使。視為最榮。於挑選侍衛拜唐阿時。則甚欣願。近來在京文武大臣。及外任大臣。官員子弟。多有在館行走。否則捐納。冀圖文職。且跟隨伊父兄任所安逸。不願挑取侍衛拜唐阿者甚多。是以挑取侍衛拜唐阿時。不能得人。及至成丁。尚不當差。在任日久。並不學清語騎射技藝。至廢棄滿洲舊俗。昔

皇祖時。曾經整飭查辦。今在京文武大臣。外任文武大臣官員等。皆受恩深重。得項較多。伊

等子弟長成。更當挑取侍衛拜唐阿。効力行。走方合滿洲世僕之道。是以降旨。命軍機大臣等。詳細查辦。各開名單呈覽。其年已及歲。經朕指出者。即著帶領引見。但年未及歲者。若不酌定年限查辦。則日久。仍至舊習復萌。將此飭諭八旗。所有指出現隨任所。年已及歲者。即行咨取。帶領引見。嗣後著由該旗。五年一次。照此查明。咨送軍機大臣等。彙辦具奏。請旨。至從前准令外任大臣官員等。各帶

一子隨任辦理家務。係朕曲成之恩。乃伊等藉此將所有子孫俱留任所。是誠何心。嗣後飭令八旗嚴查伊等子嗣。年已及歲者。祇准奏請一人隨任。習辦家務。其餘年已及歲之子弟及孫。俱著催令回旗。以備挑取差使。倘瞻徇情面。不行咨催者。將該都統等一併治罪。將此通諭八旗各省。永遠遵行。○又諭江蘭既已服闋。著實授河南布政使。○諭軍機大臣等。據劉我覆奏大名廣平順德三府屬。現在減價平糶。倘再雨澤濡遲。民力稍艱。自當隨時查明。奏請分別寬免等語。已明降諭。旨將大名等三府屬。並景州等州縣。應徵錢糧。加恩緩至秋後徵收矣。大名等三府屬。如此時得有透雨。即可播種大田。若再雨澤濡遲。秋成缺望。農民自更形艱窘。該督屆期。即應查明據實具奏。候朕另降恩旨。將此諭令知之。○豁免直隸霸州保定文安大城涿州固安東安香河宛平大興昌平順義懷柔。

密雲通州三河武清寶坻薊州寧河清苑安肅新城蠡縣安州高陽新安獻縣肅寧任邱交河天津青縣靜海滄州慶雲鹽山藁城永年成安廣平東明長垣延慶蔚州豐潤玉田趙州寧晉四十九州縣。自乾隆四十一年起。至四十九年止。民欠因災出借未完穀米豆麥十三萬六千七百七十八石有奇。○丙子。蠲免河南商邱寧陵永城鹿邑睢州柘城六州縣。乾隆四十九年水災額賦。○丁丑。諭盧溝橋為都會通衢。車馬輻輳。經行年久。多有殘損。茲特發帑鳩工。重加修造。所有此項工程。著派劉墉德保金簡曹文垣德成督辦修理。○戊寅。諭曰。紀昀陸費墀著仍充文淵閣直閣事。阿肅胡高望著以原銜充文淵閣直閣事。其文淵閣校理一缺。著陳崇本充補。至褚廷璋彭冠前因考試降為庶子。讀講等官補用。但文有一日之短長。且褚廷璋承辦館書。彭冠在尚書房行走。均屬年久。俱著充文

淵閣校理並加恩照所降之級准其同現任一體食俸辦事○諭軍機大臣等豫省衛輝一帶連年被有旱災朕心甚為廕念屢經降旨展賑並將緩徵帶徵民欠各項普行蠲免俾災黎不致失所矣京師於二十八日續得雨澤本日據劉我奏報廣平府屬之磁州邯鄲順德府屬之邢臺等縣各於二十四日得雨二寸四寸等語未知衛輝等處曾否得有透雨現在光景如何倘仍未得渥被甘膏農

事錄全書

圭

民不能乘時力作情形自更拮据朕意欲將該處本年應徵錢糧概予蠲免著畢沅查明具奏至於衛輝毗連之彰德府屬及開封河南二府屬前經畢沅奏稱自去冬至今雨雪未霑麥苗微細夏禾不能長發業已降旨將應徵各項錢糧緩至本年秋後徵收但其中有無受旱較重及積歉之區應行一體蠲免本年錢糧者著畢沅詳悉查明據實奏聞候朕另降恩旨並著將衛輝等處曾否得雨情

形迅速奏聞以慰懸注將此由六百里傳諭知之○予福建省巡洋溺水額外外委陳光照並兵丁等賞卹如例○是月兩江總督薩載等奏外河廳屬順黃壩上下黃河南岸存

事錄全書

圭

有木龍五架查第三架木龍係上年七月內紮辦現尚堅整無庸修理惟頭二兩架並四五兩架自四十八年先後改紮兩經伏秋大汛風吹日晒冰凌剝削入春以來臣等留心察看黃河溜勢較前稍有改移各架木龍舊灘之外露有新灘應將各木龍折起在於新灘外首安紮以資挑護并須於舊處上下畧加遷移分別酌減丈尺以順溜勢查頭二兩架木龍原各長三十丈者仍照原長丈尺改紮其第四架木龍原長五十丈應減去十丈第五架木龍原長六十丈應減去二十丈俱折起改紮各長四十丈如此分別減辦錢糧較前節省而南岸新灘得以保護北岸舊灘更可資其挑溜汕刷似於諸處有裨得旨好

知道了。○安徽巡撫書麟奏。亳州等處。自上  
年賑貸以來。本年正月。復將被災稍重之毫  
州貧民。概行加賑一月。茲瞬屆青黃不接。糧  
價漸增。據布政使陳步瀛。議請將上年被災  
各屬市價。每石在一兩四錢以上者。減銀一  
錢。一兩七錢以上者。減銀一錢五分。二兩以  
外者。減銀二錢。如有請糶麥豆者。每石照市  
價減銀一錢。其餘雜糧。每石照市價減銀五  
分。至成熟州縣。應就現在倉貯酌量地方情  
形。如價在一兩五錢以上。每石減銀五分。價  
在一兩五錢以內者。概不准其出糶。倘有存  
倉米穀及麥豆雜糧。實在年久不堪再貯者。  
仍遵存七糶三之例。隨時出陳易新。無庸減  
價。所糶錢文。照市價易銀。解貯司庫。分別麥  
熟秋成。飭發購買還倉。臣覆查所議平糶價  
值。均係酌量情形辦理。應請准其照辦。報聞。  
○河南巡撫畢沅奏。開封省城駐防滿兵。定  
例每年自十月起。至三月止。支領大草料。自

四月起。至九月止。支領小草料。現今糧價翔  
踊。官兵買食維艱。請賞給半年米石。得旨如  
所議行。○四川總督李世傑奏。四川省會城  
垣。年久傾圮。經前督臣福康奏准發帑六  
十餘萬估修。現在外皮城牆將竣。所有城身  
裏皮。亦應次第創築。但查裏皮舊址。根腳穩  
實。且歷年久遠。蔓草叢生。盤結牢固。若照原  
估另行創築。一律加寬。究不如多年舊土之  
堅實。茲擬將城頂原估寬五丈。收為寬四丈。  
宇牆即砌於城身四丈之上。更足以資鞏固。  
并可節省銀七萬六千六百七十餘兩。得旨  
知道了。

大清高宗法天隆運至誠先覺體元立極敷文  
奮武孝慈神聖純皇帝實錄卷之一千二百二十七

實錄卷之二十七

七

大清高宗法天隆運至誠先覺體元立極敷文  
奮武孝慈神聖純皇帝實錄卷之一千二百二十八

蘇修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄次臣慶桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曾振鏞等奉

敕修

乾隆五十年乙巳夏四月庚辰朔享

太廟遣恒郡王永琚恭代行禮○諭據薩載等

奏准徐海三屬今春雨澤短少現在二麥歉

收等語准徐海三屬均為積歉之區上年冬

間久晴土燥種麥無多今春雨澤又復愆期

以致麥苗未能長發民力難免拮据所有准

徐海三屬應完新舊錢糧著加恩緩至本年

秋成後徵收以紓民力其貧民播種無資者

並著按畝借給籽種銀兩俾資接濟該督撫

其董率所屬確查妥辦以副朕軫念民依之

至意該部即遵諭行○又諭朕於五月十八日啟鑾駐蹕熱河秋後入哨所有應派人員及應行豫備各差著各該處俱照例辦理○又諭朕恭閱

開國方略昔

太宗文皇帝時恐我滿洲騎射清語日久生疎曾經

特降諭旨是以朕臨御以來誥誡再三務令各勤舊業今看八旗文武大臣官員子弟射甚

屬平常清語除履歷外再問竟不能答皆由伊父兄等不知訓迪子弟以致本業漸荒因思各旗教場箭亭石碑均刻

太宗文皇帝聖旨諸臣豈未經瞻仰乎自此次朕諭之後八旗大臣官員務嚴飭子弟學習嫻熟倘引見時技藝平常朕必將伊父兄一併治罪將此旨通行曉諭八旗及各省都統官員等知之○兵部議准陝甘總督福康安等奏稱西寧鎮屬貴德營極邊寒苦商販稀

少價值昂貴兵丁月餉不敷食用因而召募維艱請將現設馬兵三百五十九名內酌減一百十九名改設步兵其現設守兵三百六十二名全行改設步兵應如所請其酌減馬兵改設步兵所遺馬一百十九匹應令該督另行咨部報銷從之○辛巳諭曰原任左都御史周煌由翰林洊擢正卿在尚書房行走有年老成端謹奉職克勤今春遽疾陳請解任曾晉秩太子少傅加兵部尚書銜准其回籍調理前兩次祇迎道左特親加存問諭令加意調攝以冀痊可茲聞溘逝深為軫惜著加恩晉贈太子太傅並派出散秩大臣帶領侍衛十員往奠茶酒所有任內降革處分俱予開復其應得卹典仍著該部察例具奏○又諭據陸燿奏邵陽縣知縣魯大治於縣民田貢吉因姦致小陳氏自縊身死一案並不悉心研鞫輒將無辜之田文勝擬罪具詳而淫惡之田貢吉受賄誣證之田嗣翰等轉俱



置之事外致田文勝之弟田學勝忿忿自盡請將魯大治革職寶慶府知府永柱於所屬偏聽枉斷之案不能覺察平反及田學勝自縊屍屬呈報時猶復批縣詳查以致屍身發變請將永柱交部嚴加議處等語魯大治於因姦致命之案偏聽枉斷以致復釀人命非尋常審擬錯誤者可比魯大治著革職交該撫提同案犯嚴審定擬具奏知府永柱既不能覺察於前及田學勝自盡後仍批縣詳查

亦非尋常玩忽可比著交部嚴加議處至另摺稱永柱現在患病委員查驗屬實等語該府於所屬命案瞻徇玩忽現在審辦未結自應歸於議處案內其不能辦事即應委員署理該撫何得准其告病辦理殊屬錯誤陸燿著交部議處諭軍機大臣等據陸燿奏靖州知州馮思道堪以委署沅州府知府一摺已於該員名上用硃筆標出并批示矣該員取名其意欲學馮道試思馮道身事五朝敗

名喪節係一無恥之徒有何可思而必取以命名耶此必係該員不通父師代為取名而該員又復不知更改著傳諭陸燿即令該員將此名另易照例咨部註冊○又諭據畢沅奏盧氏縣民常禮因上年京兵過豫經院司出示通飭毋許派累該犯捏稱院司告示係伊赴省呈請給發欲為院司各暨德政碑斂錢漁利經該縣飭差將碑撲毀查拏嚴究常禮即糾眾拒捕毆傷差役六人先後身死現

將常禮等三十六名拏獲解省嚴審等語兵差過境原恐其累及閭閻是以車輛一切俱准其開銷毋許藉端苛派該撫司能仰體朕意出示通飭嚴禁辦理即屬妥協亦分內應辦之事乃常禮等因有此體卹之事轉思從中斂錢漁利已屬可惡迨經查拏輒敢主使村人拒捕奪犯傷斃差役至六命之多更出情理之外此等案犯不可復以尋常首從而論其主謀首惡及下手傷差從旁助勢各犯

均當從嚴辦理以儆刁風。雖其餘實係隨從附和迫脅同行者其罪即不至於死亦應問擬速遣不可仍留內地著傳諭畢沅即將現獲之常禮等三十六名嚴審明確從重辦理不得稍存姑息之見其未獲之王械等五犯並著飭屬上緊緝拏務獲勿任遠颺漏網至河南民風素稱淳樸狀初閱奏摺尚恐係衛輝一帶災區地方官辦理不善以致激成事端一再細閱乃係陝州盧氏縣之事該縣並非災地乃常禮等意圖漁利輒敢毆差斃命竟係亂民滋事尚非該縣之過且該縣因豎碑違例即飭撲毀一聞該犯等聚眾毆差即親往拏獲多人尚屬能事著畢沅查明該縣謝鍾毓如果平日居官尚好俟事完後即出具考語送部引見將此由五百里傳諭知之

又諭據永瑋等奏遵旨採買黑豆三萬石由海口押運天津等語此次奉天採運黑豆所有應用船隻及到津後一切接運事宜著

劉綬即行照例豫辦再前據劉綬奏直隸磁州等處於三月二十四日得雨三四寸茲京城於二十八日得有二寸雨澤西南一帶濃陰頗廣直隸省城及河間等處是否續得甘膏未據劉綬奏到深為廕念至廣平順德大名三府屬與豫省河北毗連望雨更切現在曾否得有甘澤之處並著傳諭該督即速查明近日情形據實奏聞以慰廕注尋奏奉天採買黑豆船隻一切接運事宜已飭天津道縣豫備查磁州等處據報得雨後迄今尚未續得甘霖三月二十八日僅據京城迤北之昌平密雲順義懷柔等處報得雨一二三寸不等其良鄉迤南不及一寸保定省城於是日濃雲密布旋即被風吹散廣平順德大名三府及河間之景州等八州縣現均未得雨澤臣遍貼膳黃將新舊錢糧倉穀停緩併減價平糶民情實為寧貼得旨今得霑霽恩膏否

壬午吏部奏凡正佐各官現有年屆七

十八十之老親迎養任所如遇卓異保薦即陞俸深俸滿等項應先呈明督撫咨部其應赴引見及在任候陞均暫行停其陞用不必離任回籍俟可以陞用時再行照例引見陞轉如不豫先呈明推陞得缺後始行呈明留原任養親者不准行從之○旌表守正被戕直隸大名縣民陳克文女陳氏○癸未

上還宮○軍機大臣等議覆領侍衛內大臣定郡王綿恩等奏稱景運門委署主事一員向

例六年期滿咨部以各部院主事用額外委署主事二員六年以委署主事用請照侍衛處之例三年調用查景運門比侍衛處事務較簡委署主事一員應改為四年行走期滿咨吏部以各部院主事用其額外二員亦改為四年以委署主事補用從之○是日起

上以常書記

天於

園丘齋戒三日○甲申諭此次巡幸木蘭駐蹕

熱河著多羅質郡王克勤郡王大學士阿桂兵部尚書慶桂留京辦事所有吏兵二部應行引見官員文職知縣以上武職守備以上著於未啟鑾往木蘭之前該部每月派堂官一員輪流帶赴熱河引見其文員內佐雜等官武員內八旗護軍校驍騎校及外省送到之補放水手驍騎校並年滿千總等官升仍著王大臣照例驗放至八月以後月選等官亦照向例辦理其各省督撫提鎮等奏摺著齋摺人前赴行在投遞進哨後著兵部派員駐劄哨門接遞各省奏摺封送行在候朕批示發回仍於哨門交付齋人祇領該部通行傳諭知之○又諭據福康安奏肅州本城於三月初十日酉刻地震情形尚輕玉門縣所屬之惠回堡白楊河等處亦於初十日同時地震均有倒塌房屋損傷人口情形稍重現已飭令藩司浦霖馳赴該處查勘撫卹等語玉門遠在關外本屬瘠土邊氓今猝被地震

以致倒塌房屋損傷人口朕心深為軫念該督即飭令該司作速查明照例妥為撫卹仍先酌借口糧以資接濟務俾災黎早霑愷澤復業安居副朕惠愛黎元無使一夫失所至意該部即遵諭行（乙酉）

上誥

南郊齋宮齋宿○諭軍機大臣等昨據福康安奏玉門縣惠回堡等處地震房屋人口均有倒塌損傷已降旨令該督查明撫卹仍先酌借口糧以資接濟矣玉門地處關外土瘠民貧所屬惠回堡等處同時地震居民房屋坍塌且有損傷人口被災較重夜思此事福康安聞信後自應親赴該處查明被災情形妥為撫卹何以僅令藩司浦霖前往查辦福康安平日辦事認真豈於此事竟未見及耶著傳諭該督即查明該處自初十日地震之後是否旋即寧靜所有被傷人口及坍塌房屋如何酌量撫卹之處據實覆奏以慰廑念若

已無事則亦不必去矣將此由五百里傳諭知之又諭前據薩載等奏報徐屬銅山縣得雨四寸昨謝墉奏徐州得雨前後約有七寸與該督撫等奏報情形稍異本日毓奇奏到漕船過淮日期摺內稱今歲天氣久晴各處湖河存水較少現在虔誠祈禱此後再得大沛甘霖湖河水勢加增漕船可倍加迅速等語看來淮徐一帶得雨竟未霑足謝墉所奏是否屬實日內曾否續沛甘膏河湖水勢有無加增並大江以南各屬近日情形若何著傳諭薩載閱鶚元毓奇一併查明迅速據實覆奏將此由四百里各諭令知之尋薩載奏銅山縣於三月初十一日得雨四寸復於十七日得雨二寸合之學臣謝墉奏日期相同惟所報七寸係約畧之詞是以與臣奏稍異兩旬以來淮徐海未據續報得雨首進幫船自三月十二日渡黃後尚未報入東境日內大沛甘霖不惟淮徐海農田霑足湖河

水勢漸次增長糧船更可迅速過行得旨覽  
又諭昨據伊星阿奏江西屯田應徵餘租  
酌減額數郝碩原奏以加徵兵米折色價銀  
抵補於事理尚未允協應請於糧道存貯庫  
項內每年動撥銀一萬五千餘兩抵補餘租  
減數仍屬以漕濟漕兩有裨益等語已批交  
該部速議具奏矣但思各省漕糧僉丁辦運  
向有成規辦理俱未聞竭蹶何獨江西省屯  
田餘租一項忽增忽減丁力屢形疲乏從前  
郝碩原奏欲加徵兵米折色價銀抵補餘租  
減數事屬加賦且以通省百姓所輸供六縣  
軍丁之用尤於事理未協戶部率行議覆並  
未奏駁亦屬非是今伊星阿請於糧道庫項  
內撥銀抵補雖屬通融調劑但此等要件伊  
星阿自去冬來京屢經召見詢以地方有無  
應辦事件該撫總稱無事可奏何以並不當  
面陳奏直待回任後屬員詳報始行入告耶  
伊星阿著傳旨申飭至此項餘租酌減銀數

似應仍於旗丁屯糧內籌款抵補若以糧道  
庫項餘存每年動撥將來必至不敷備用又  
將如何籌辦耶著傳諭伊星阿再行徹底詳  
查熟籌妥議具奏將此由四百里傳諭知之  
丙戌常雩祀

天於

園丘

上親詣行禮○辛圓明園○丁亥諭豫省衛輝  
一帶連年旱災甚重屢經降旨加恩展賑並  
將緩徵帶徵民欠各項普行蠲免本年錢糧  
緩至秋後徵收矣該處雖兩次得有雷雨仍  
未溼被甘膏農民更形拮据朕心深為軫念  
即使夏至以前得有透雨及時播種大田秋  
禾成熟而當積歉之餘閭閻元氣未能驟復  
仍恐艱於完納所有衛輝府屬之汲縣輝縣  
新鄉淇縣獲嘉延津濬縣滑縣封邱考城及  
附近災區之武陟陽武修武原武各縣本年  
應徵地丁錢糧竟著加恩概行蠲免俾吾民

得安心耕作以待西成。至開封、歸德、河南、陝州、許州等屬雨澤亦屬愆期。麥收失望。從前降旨緩徵之祥符等二十三州縣內受旱較重之祥符、陳留、蘭陽、儀封、滎澤、內黃、六縣所有歷年帶徵緩徵民欠各項著照衛輝所屬之例加恩全行豁免。其次重之杞縣、通許、尉氏、洧川、中牟、湯陰、六縣著蠲免十分之五。鄆陵、滎陽、禹州、安陽、四州縣著蠲免十分之三。至受旱少輕之陝州、靈寶、許州、臨潁、襄城、鄆城、長葛、河內、濟源、孟縣、溫縣、臨漳、林縣、洛陽、鞏縣、孟津、嵩縣、永城、鹿邑、柘城、虞城、夏邑、太康、扶溝、西華等二十五州縣所有乾隆五十年並四十九年未完錢糧及帶徵應徵歷年錢糧倉穀等項俱著加恩緩至本年秋成後徵收以紓民力。其各該州縣內極貧下戶餬口無資者並著給與一月口糧用示優恤。該撫其督率所屬妥協辦理務俾災民均霑實惠。副朕軫念黎元不使一夫失所至意。該部

即遵諭速行。又諭喀爾喀副將軍郡王品級貝勒車都布由換班中途病故情殊可憫著加恩賞銀三百兩辦理喪事。即由烏里雅蘇台將軍庫內支領。○諭軍機大臣曰閏正祥奏三月初十日甘肅地震二次旋震旋止惟肅州惠回堡地震較重民居兵房倉廩衙署多有坍塌其白楊河火燒溝一帶房屋倉廩間有坍塌烟墩望樓城堡均有倒塌現在查明分別借給銀糧其損壞軍械倒塌烟墩望樓亦趕緊修整等語所辦俱好已於摺內批示。此事前據福康安奏到業經降旨照例撫卹仍先酌借口糧以資接濟並諭該督酌量情形親赴該處督率查辦。今據閏正祥所奏惠回堡一帶地方較為遼濶被災情形亦不為輕。福康安當親赴該處詳悉查勘並督飭所屬妥為撫卹毋使兵民失所至倒塌烟墩望樓自應粘補完整其軍械因何亦至損壞著福康安一併查明如果實有損壞即照

例修整將此由六百里諭令知之○戊子諭兵部具奏武職守備以上各官親年八十以上及獨子之親年七十以上者應否照陸耀所奏呈請終養一摺文武本無歧視而職任各有不同文職以教孝為先武職以教忠為重是以古人於兵革之事不妨奪情而武職當出兵打仗時雖遇私艱仍在軍營宣力情形本殊原不必與文職官員一體辦理也嗣後應丁憂之副將以上著照文職一例行其

叅將以下如有因親老呈請終養者仍照舊例辦理其餘親老者無庸概令離任回籍○己丑諭曰福康安奏庫車辦事大臣拏獲攜帶回經出口之回民馬起蛟等審明定擬將馬起蛟等四犯均發往雲南廣西烟瘴地方安插一摺又夾片內奏稱該犯等攜帶經卷實係尋常誦習之經若遽行發遣似稍可矜等語馬起蛟等攜帶尋常經卷出口雖不在查禁之例擬以烟瘴固屬可矜然竟從寬貸

亦不足以示儆烏嚕木齊距甘肅不遠馬起蛟等四犯著改發烏嚕木齊安插管束○諭軍機大臣等前據伊星阿奏江西省屯田應徵餘租酌減額數郝碩原奏以加徵兵米折色價銀抵補於事理未協請於糧道庫項內每年動撥銀一萬五千餘兩抵補餘租減數等語已批交該部議奏並以糧道餘存庫項每年動撥將來必至不敷諭令伊星阿再行詳查妥議矣本日據戶部議覆具奏並令軍

機大臣詢問原任江西藩司馮應榴據稱從前辦理屯田餘租因地土瘠薄疲丁不能完納積欠甚多勢原不能不為減額但非籌款抵補又恐有礙濟運濟造之費若動支糧道庫項則年復一年費帑無所底止是以再四籌酌惟查有兵米折色一項從前原係徵收本色後改折色每米一石僅折收銀六錢合之每月糧價實屬過輕今議加增二錢較之竟徵本色百姓尚多便宜從前寧都州兵米

改徵折色定價每石銀一兩三錢經部議覆准行則現合以加增二錢之數尚止八錢較寧都州所辦尚屬減少又所徵二錢之數係合數千百畝分攤每畝不過徵銀自五絲八忽至一釐七絲不等且以兵米折色之有餘抵補餘租減額之不足事屬以公濟公毋庸另費帑項而於民無擾於丁有益等語兵米徵收折色既止每石六錢定價本輕即增加二錢合算每畝不過在釐毫絲忽之間是尚

非加賦可比若如伊星阿所奏雖屬通融調劑但以糧道庫項抵補雖現在存項儘足敷用而年復一年將來必形支絀又將作何籌辦即屯糧亦係正項是不可以動支抵補著傳諭薩載伊星阿會同毓奇將兵米折色加增二錢是否價值尚輕於民無礙及此外有無款項可以抵補之處再行熟籌妥議具奏朕閱郝碩原奏疑有加賦之失今觀部議似伊星阿又有沽名之舉而馮應榴又或不免

心存迴護總在薩載毓奇秉公查辦朕原無成見也所有戶部議覆原摺著暫存俟該督等覆奏到日再降諭旨將此由四百里各傳諭知之尋奉江西省屯田餘租因南昌九江二衛屯田坐落德安德化瑞昌彭澤星子等五縣濱臨江湖田均瘠薄且疲丁積欠累累信豐所屯田租額過重經前撫臣郝碩奏請將德安縣每畝減銀八分德化星子信豐三縣每畝減銀六分瑞昌彭澤二縣每畝減銀

四分通計各縣共減徵餘租銀一萬五千三百二十五兩零將現徵兵米原額每石徵銀六錢酌加價銀二錢計可加銀一萬五千八百九十兩零以補餘租減數此外別無款項可抵且其數甚微民均樂從實無妨累其每年餘銀五百六十餘兩貯道庫以充漕費得旨下部議○又諭據福康安奏巴里坤屯田加種地畝渠水不敷澆灌鎮屬各營兵少差多暨該處磨夫工價屯車修費等項經前任



都統海祿奏請裁汰之後兵丁苦累又上年短收糧七千餘石係武員借墊典當衣物賠償種種情形據該署總兵和倫列款具稟應請飭交奎林親赴巴里坤處所詳加確勘妥議籌辦等語已批交軍機大臣議奏矣巴里坤等處既屬有地短水兵少差多不能加種地畝及裁汰磨夫工價銀糧等項之後兵丁種種苦累既據該鎮等紛紛具稟自應確勘情形妥協籌辦方於新疆屯務永有裨益但

奎林歷練未久辦事亦不能如福康安之精細福康安現因玉門縣所屬惠回堡等處地震此時自己親往查勘撫卹該處距巴里坤不遠著傳諭福康安即行前往會同新任都統奎林詳加確勘酌定章程自能仰體朕懷妥協辦理俾可永遠遵行並即飭令藩司浦霖速行回省辦事陳淮前已有旨准其陛見亦著俟福康安回省後再行來京至前以福康安未經親赴地震處所查辦曾降旨訓諭

茲聞該督奏到各摺因在蘭州迤東一帶地方勘辦安營設汛事宜是以祇令藩司浦霖前往但該督前奏並未將惠回堡等處在嘉峪關外聲明因有前旨今朕已明悉矣將此由四百里傳諭知之○庚寅軍機大臣奏吏部定例題陞推陞人員引見後始行開缺兵部於題陞推陞人員一經覆議奉旨先行即行開缺辦理未能畫一應請將兵部陞任人員亦照吏部於引見後開缺之例辦理從之

辛卯諭昨據軍機大臣遵旨將八旗大臣等子弟帶領引見經朕降旨指出六部筆帖式中式差使尚勤平日在部果能得力者准該堂官據實保留原銜門乃朕因人器使之至意今閱軍機大臣等奏留筆帖式名單有禮部筆帖式祥泰查祥泰乃巡撫伊星阿之子該部將伊保留並未秉公辦理顯係瞻徇以圖重酬殊屬非是禮部滿堂官德保等著交部嚴察議奏吏部議准湖南巡撫陸燿等

奏稱岳州府屬臨湘縣本定為中簡缺經前撫臣敦福奏准改為衝繁難要缺在外揀選調補查該縣幅輦不廣政事不繁請將臨湘縣改為中缺歸部銓選從之○壬辰

上御演武廳閱健銳營兵○諭據書麟奏亳州等十一州縣本年雨水缺少二麥不能一律栽插本日又據該撫由驛奏報安慶省城於初四日大沛甘霖十分深透等語書麟前摺係初二日拜發因差人齎遞是以與初四日

奏摺同時奏到省城既得甘霖想亳州鳳陽等處自必一律普霑但現在已屆小滿即得有透雨亦止能趕種大田而二麥收成已屬歉薄況各該處均係積歉之區尤應加意撫綏所有亳州鳳陽定遠懷遠靈璧泗州天長五河盱眙宿州蒙城十一州縣民衛應徵新舊錢糧俱著加恩緩至本年秋成後徵收俾民力並臻寬裕該部即遵諭行○又諭據劉秉恬奏查明滇省歷來文武官員去思德政

等碑一百餘座非地方官民所建即營兵衛役所立現在逐一撲毀其拆下碑石亭頂亭座磚瓦等項收貯省城以備官工需料等語所辦甚當已於摺內批示矣地方官吏於一切吏治民生俱係分內專責果能實心整飭亦其職所當為何必立碑紀頌邀譽將來其或任內並不留心民事臨去時強令民等斂資勒石更為無恥之尤於風俗人心大有關係且官員賢否自有朝廷黜陟乃以所屬兵

民等平日曾受私恩輒倡首撰文勒石尤使賢否易淆不可不防其漸又據奏稱滇省歷任督撫如鄂爾泰李湖俱係實心實力懋著清勤為督撫中不可多得之員而合省並無二人碑碣可見私好私惡全不足憑督撫在任之政績並不以去後有無之碑頌為優劣也劉秉恬接奉前旨即能飭屬詳查撲毀毫無瞻顧辦理實屬可嘉劉秉恬著交部議敘至滇省地處邊疆一經查辦即撲毀一百餘

座可見此風相沿日久各省似此者必多而近省各督撫何未奏及此非瞻徇即係自為著各實力詳查仿照劉秉恬所奏辦理具摺奏聞毋得視為具文將此通諭知之○諭軍機大臣等據劉秉恬奏疏濬海口河道情形一摺已批交該部議奏矣但閱奏到圖內滇池迤北有海源河尾而圖南又稱有海口大河一道自石龍壩達安寧富民二州縣匯入於金沙江等語海水為萬派朝宗凡江河大瀆皆以海為尾閭從無海水轉灌入河之理即如浙江等省海口雖俱有潮汐來往而從江河入海正流自屬一定該撫所稱海口乃係滇池口而奏摺及圖說內竟稱為海口並未聲敘明晰轉似海水入江由江入海豈有海入江之理措詞殊為失當著將此傳諭知之吏部議准護理陝西巡撫圖薩布奏稱西安府分設孝義川同知五郎關通判各分轄地界應就近撥給查咸寧縣撥給孝義川

地方係秦嶺以南分界藍田縣之紅石溝廟臺子二處鎮安縣所轄之蔡家莊等十九處均應改撥孝義廳管轄其咸寧縣分撥該廳之石泉溝等二十六處因與鎮安縣接近須抵撥鎮安縣管轄又長安縣撥給五郎廳地方係以南山各峪口分界藍屋縣所轄之紅崖山等一十二處石泉縣所轄之火地嶺等十處洋縣所轄四畝坪等四處鎮安縣所轄之盈纓山等十三處均應改撥五郎廳管轄其地畝錢糧均在各該縣地丁起運項下開除今孝義五郎二廳接收徵解從之○癸巳諭朕恭閱

實錄康熙年間高家堰之水高於淮安平地一丈六七尺

皇祖特命張鵬翮另籌善策陳奏因思開放陶莊引河以來河勢趨北今昔情形自不相同令薩載等將現在高家堰之水較地尚高若干尺淮安之水又高於地若干尺詳悉查明

具奏茲據薩載等奏稱高家堰隄工自酌定五壩水誌以時宣洩四十二年又開陶莊引河黃水無虞倒灌康熙年間湖水較隄旁平地高三尺今則僅高一尺而淮安之水彼時高於平地九尺今則地面轉高於水面二尺九寸此則清口暢消運河刷深之明驗而隄工堅固即遇盛漲時亦不致驟壅為患等語是

皇祖從前之所慮念茲仰荷

天佑河身與湖水已較前漸就低深覽奏少慰然湖水究尚高一尺不可不慎隄防今亦更無別法可令湖水再低於平地惟當加意守護以資保障不可因湖水較低於昔即存疎懈也朕軫念東南黎庶無時稍釋於懷該督等其恪遵此旨倍加儆畏務期妥協經理俾澤國民生永登樂利以副朕念切河防安愈求安之至意 甲午諭直隸河間府屬之景州交河等八州縣秋冬以來雨澤稍疎麥收

恐未免歉薄前經降旨加恩減價平糶並將新舊錢糧一體概予緩徵茲據劉綏奏稱東光吳橋任邱三縣民力雖較景州等處稍為寬裕但現在市集糧價亦未平減等語所有東光吳橋任邱三縣著加恩照景州等八州縣之例一體減價出糶以平市價該部即遵諭行 又諭昨因外任大臣官員等子弟貪圖隨伊父兄任所日久不學清語技藝不顧挑取侍衛拜唐阿多有希圖文職者特命軍

機大臣等查奏朕酌量指出咨取來京帶領引見誠欲使滿洲人等不失舊業教育伊等之至意但外任大臣官員等如有子弟三人者不准俱隨任所若止有一人隨任幫辦家務尚屬可行著命軍機大臣等查明朕昨指出外任大臣官員等子弟內除止有一人奏准隨任或年未及歲隨任未奏者仍准隨伊父兄任所外或有子弟二三人俱經朕指出者著聽其留一人幫辦家務其餘仍著來

京交軍機大臣等帶領引見候朕定奪則伊等任所幫辦家務可以得人而其餘子弟等亦皆可得効力之路但伊等子弟等留任後自當感激朕恩悉心教習清語騎射以副朕曲成施恩之至意斷勿令仍前隨任安逸廢弛技藝

高宗實錄

卷一二三九

大清高宗法天隆運至誠先覺體元立極敷文奮武孝慈神聖純皇帝實錄卷之一千二百二十八

大清高宗法天隆運至誠先覺體元立極敷文奮武孝慈神聖純皇帝實錄卷之一千二百二十九

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣履桂

總裁官經筵講官太子太傅文學殿大學士文淵閣領閣事稽察欽奉上諭事件處管理刑部戶部庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄六

次臣書保鑣等奉

敕修

乾隆五十年乙巳四月乙未諭東省兗州曹

高宗實錄

十

州濟寧三府州屬自去冬雨雪短少春夏以來雖間得雨澤未能接續普遍濟南泰安東昌所屬各州縣亦因雨澤稀少麥收均不免歉薄此時即得有透雨播種大田秋成尚早新舊併徵民力未免拮据所有兗州曹州濟寧三府州屬之帶徵錢糧應徵錢糧倉穀濟南府屬之德州平原禹城陵縣臨邑新城齊河長清東昌府屬之茌平清平冠縣館陶高唐恩縣泰安府屬之泰安新泰東平東阿臨

清州屬之夏津武城邱縣等各州縣本年應徵錢糧及未完帶徵錢糧倉穀等項俱著加恩緩至秋成後再行徵收以紓民力該撫其督率所屬妥協辦理務俾均霑實惠副朕軫念民依之至意該部遵諭速行○旌表守正捐軀直隸曲周縣民司兆通妻耿氏○丙申孝端文皇后忌辰遣官祭

昭陵 諭軍機大臣等兵部奏河南省應添新兵逾限未補請令該撫將辦理未協職名交

部議處一摺已依議行矣摺內稱據畢沅咨覆此案因添兵案內未經議及軍械馬匹並誤將經制外委本身馬糧奏請添補實兵經部行查於上年四月奉部覆准始行陸續募補等語此案係何裕城任內所辦之事新兵軍械馬匹雖未經接准部議其兵數自應於限內添補足數至經制外委本身馬糧即該撫誤行除扣亦止六十餘名何得將應添之兵概不挑補何裕城受朕厚恩擢用巡撫何

以於此等要務漫不經心若此著何裕城明白回奏兵部原摺並發交閱看尋奏臣於四十八年五月初一日抵河南巡撫任查添兵一事經前撫臣富勒渾議設新兵九百七十九名具奏嗣部覆以未將馬匹軍械等項議及行令再議旋據藩司會同南北二鎮將應添馬匹軍械等項逐款酌議并查明富勒渾原奏誤將經制外委名糧併算致多開六十七名止應添兵九百十二名臣於四十九年

正月具奏四月間奉部議准臣即將各營所有募備餘丁挑補入伍臣緣誤以富勒渾具奏在先理應聽候部議且以軍械馬匹尚未奉文製備恐遽行挑補虛糜餉項以致逾限又不將已募未補緣由咨部實屬拘泥請交部嚴加議處得旨下部議○又諭據毓奇奏邳宿一帶雖經大挑各處多有淺阻糧船行走必須節節起剝以致幫船頗形遲滯昨據薩載阿那布均奏及淮徐一帶兩澤稀少上

游湖河存水較少來源不旺重運現須量為起剝各等語運中河及八閘等處既經此次大加挑濬一律深通水勢自必充足漕艘藉資浮送何以又稱各處多有淺阻必須節節起剝若謂因雨澤稀少來源不旺則湖河水勢均須坐待大雨時行方能浮送重運又何必糜費帑金施工疏濬耶況挑浚河道若係水底施工尚可稱難於用力今運中河及八閘等處俱有閘壩皆係挑挖乾渠乃甫經挑浚即形淺阻自係該督等從前並未親身實力督辦一任工員草率偷減所致著傳諭薩載李奉翰毓奇明興務須切實嚴查逐段勘量將河底淺阻及如何浮冒偷減情弊一一指出據實參奏此次朕姑予寬限令伊等徹底查辦若該督等稍存迴護不能認真究辦別經查出恐不能當此重咎試思雨水短少則必須起剝又何必挑濬甚不成事體將此由五百里各傳諭知之○又諭據毓奇奏處

州衛前幫水手聚衆勒加身工錢文並多索銀兩在泊頭地方停泊閘閘不肯開行經該幫守備等會同交河縣主簿南皮汛外委帶兵拏獲水手四名各船水手聚集多人將所獲人犯俱行搶去並將外委及兵丁毆傷等語漕船水手受雇身工例有定價豈容於額外恃衆多索且上年凍阻幫船自應遄回水次迺該犯等膽敢停船勒加身工並聚衆奪犯毆傷弁兵實屬目無法紀尤橫已極必須按名查拏從重辦理直隸山東督撫事務繁多自不能親往督拏著傳諭劉我即派藩司伊桑阿天津鎮總兵王柄並諭明興選派明幹道員會同兗州鎮總兵柯藩於各該省沿河一帶地方督率弁兵嚴密躡緝毋使一名漏網拏獲後即於該處正法示衆必須多辦數人以示懲儆將此由五百里發往並諭毓奇知之若仍有此等事明興毓奇即應帶兵親往彈壓○又諭曰李奉翰奏四月十二日

雷電交作大雨如注自卯至未已得甘霖五六寸等語同日復據毓奇奏本月十二日淮安一帶卯時得有雷雨差查四鄉已經入土三寸等語淮安既經得雨徐海一帶及山東河南接壤之區能否一律普霑並著傳諭薩載明興畢沅即速查明各該處於四月十二日是否得有雨澤一律深透之處即行據實覆奏將此由五百里各傳諭知之尋畢沅奏開封河南及衛輝彰德等於三月十四日得

雨一二寸之後迄今又閱兩旬連日雲氣旋生旋散歸德陳州壤接准徐於本月十二三等日得雨三四寸均可翻犁趕種南汝光三屬亦於是日得雨其許州陝州不過一二寸臣惟再行籲禱冀夏至前得沛甘霖尚可無誤播種得旨覽奏俱悉又批實在無法朕亦每日叩

天代為祈澤也 兵部議准直隸總督劉我奏稱天津鎮標左右兩營存城千把設立本少

左營存城駐劄遊擊一員守備一員額兵四百名止設把總一員並無千總右營存城駐劄守備一員額兵二百名止設經制外委二員並無千把該處為水路通衢巡防差操在在需員兼有新設兵丁不敷操防查河間協左右兩營現有副將都司守備駐劄同城彈壓有餘請將該協右營存城千總一員移調天津作為鎮標左營存城千總仍於津鎮存城外委內撥還經制外委一員同河協左右

兩營千總把總各員巡防又舊滄州汛地處偏僻請將該汛把總一員移駐天津作為鎮標右營存城把總仍於津鎮右營存城外委撥還經制外委一員專駐舊滄州汛以資彈壓從之○丁酉諭曰海昇毆死伊妻吳雅氏一案經步軍統領衙門奏交刑部審訊屍親貴寧以伊姐吳雅氏並非自縊不肯畫供經刑部奏請特派大臣覆檢隨派左都御史紀昀會同刑部侍郎景祿杜玉林帶同御史崇



泰鄭激及刑部熟諳司員王士荼慶興前往開棺檢驗據紀昀等奏稱公同檢驗傷痕實係縊死而貴寧仍以檢驗不實復在步軍統領衙門以海昇係大學士阿桂親戚刑部顯有迴護等情具控又揀派侍郎曹文植伊齡阿前往覆檢則吳稚氏屍身並無縊痕據實具奏隨令阿桂和珅會同刑部堂官及原檢覆檢之堂官等公同檢驗與曹文植伊齡阿所奏相符因即令研訊海昇始據將毆踢致死裝點自縊實情供出是此案原驗覆驗之堂官司官竟因海昇係阿桂姻親均不免意存瞻顧逢迎之見從前刑部堂官於福隆安家人富禮善一案有意瞻徇竟至正先幾於漏網經朕看出疑竇特派大臣復行嚴審方得水落石出彼時即應將該堂官等概予褫革治罪尚以伊等意存迴護究無左驗姑從寬典僅予降三品頂帶從寬留任以觀後效旋復加恩給其原品頂帶不意伊等不知愧

悔悛改竟閱時未久復有此事在阿桂受朕深恩於此等葭莩親誼亦不屑授意於堂司各官而堂司官御史即不免心存瞻顧及朕特派覆檢仍膽敢有意迴護此而不嚴加懲儆又將何以用人何以行政耶此案阿桂業經自行議罪請罰公俸十年並革職留任阿桂於海昇雖無授意囑託之事但伊曾奏及牀檔船艙皆可自縊並貴寧屢控不休如虛即應治罪之語是其意已先存袒庇之見咎實難辭今雖無請託情弊刑部都察院堂司各官尚意存迴護况可先為此袒庇之言耶本應俯照所請姑念此案究非若福隆安之徇庇家人者可比又因其尚有勞績著加恩改為罰公俸五年仍帶革職留任至阿桂由朕拔擢任使造就成全原不可以保全功臣而論其派出之紀昀本係無用腐儒原不足具數况伊於刑名事件素非諳悉且目係短視於檢驗時未能詳悉閱看即以刑部堂官

所言隨同附和其咎尚有可原。著交部嚴加議處。至刑部堂官於富禮善一案降為三品頂帶革職留任。後因辦理秋審尚屬認真。是以甫經一年即予開復。已屬格外加恩。該堂官等理應感激思奮。乃竟復蹈前轍。本應概予革職治罪。但閩部中辦事一時未便概易生手。朕不為已甚。又未免失之水濡矣。喀寧阿胡季堂穆精阿姜晟俱著從寬降為四品頂帶。仍帶革職留任。所有應得養廉飯銀公

費一概不准支給。令其愧悔自新。再觀後效。至杜玉林係屢經獲罪棄瑕錄用之人。景祿由司員不數年擢至侍郎。均非不諳刑名者。可比。乃於特派事件不知秉公嚴審辦理。瞻徇迴護。至於如此。其罪更大。景祿杜玉林俱著革職發往伊犁效力贖罪。不准給驛自力。速往司員業成額李濶係此案原檢之員。即瞻徇海昇係軍機處行走司員。授意仵作任其得贓捏報。王士荼在刑部年久前因出差

回京召見。觀其人尚有才幹。方欲量加擢用。即慶興亦係刑部諸練司員。又係檢驗熟手。乃於覆驗時迴護固執。裝點屍傷。逢迎阿桂該員等均罪無可逭。業成額李濶王士荼慶興亦俱著革職發往伊犁効力贖罪。不准給驛崇泰鄭澂身為風憲遇有冤抑案件尚應風聞叅劾。乃於此案隨同檢驗亦復附會草率。一任刑部官役舞弊瞻徇。本當與司員等一體治罪。姑念二人皆非熟諳刑名之員。著

從寬交部嚴加議處。曹文植伊齡阿經朕派出覆檢。若亦如紀昀等之瞻顧徇隱。惟知迎合阿桂朦混了事。轉相效尤。將來此風一長。大學士軍機大臣皆可從此率意妄為。即殺人軌法亦必無人敢過問者。設果如此。國是尚可問耶。此案曹文植伊齡阿即能秉公據實具奏。不肯扶同徇隱。頗得公正大臣之體。甚屬可嘉。著交部議敘。設伊等亦復隨眾支飾朦混檢驗。以致復經告發。朕必將伊等一

體從重治罪恐二人不能當其咎也朕辦理庶務一秉大公至正諸臣功罪各視其人之自取此案喀寧阿胡季堂等僅予降職留任係格外寬貸伊等嗣後益當激發天良痛自湔悔倘以倖蒙寬宥不知畏懼仍蹈前非再經發覺朕必將伊等立寘重典恐首領不保孽由自作朕亦不能再為曲貸也將此通諭知之○又諭河南糧道海廣係原任陝甘總督明山之子不思在京當差出力惟貪圖外

任今伊弟海昇復有毆妻致斃裝點自縊之案究係明山素無家教子弟皆習於惡海廣不宜外任著來京在藍翎侍衛上行走○又諭光祿寺題請本年秋冬二季分戶部銀一萬兩貯庫備用一本此項銀兩係備本年秋冬二季之用向來皆係四五等月題請德成出差數日內即可回京該衙門有何迫不及待先行具題耶著將光祿寺堂官交部察議○諭軍機大臣等本日梁敦書由山西香

差回京復命詢以沿途雨水情形據稱行次良鄉曾遇雨一次亦不甚大等語京師於十六日得雨二三寸頗資霑潤雲氣甚廣保定等府屬若一律均霑劉莪自應奏報今本日尚未據奏到則保定一帶未經得雨可知著傳諭劉莪即將該處日內曾否得有雨澤麥田有無妨碍情形迅速據實覆奏尋奏保定於十七日得雨二寸所報得雨州縣一二寸者居多惟房山四寸大興宛平良鄉通州正

定等各三寸麥田足資潤澤天津河間等處雨未深透旬日得大霈甘霖大田均可一律播種得旨覽○又諭本日梁敦書由山西香差回京復命詢及該省雨水情形據奏經過汾州平陽蒲州霍州絳州一帶地土甚屬乾燥途次雖遇雨二三次俱係不成分寸二麥多有未種者民情甚屬艱苦已成偏災曾將目擊情形札寄農起等語前據農起奏平陽太原平定絳州等府州屬於三月初一初九

十七等日。均各得雨二三寸。麥苗當長發之時。必需接濟。霑濡農民。甚為歡悅等語。今如梁敦書所言。是農起前奏。竟屬諱飾。該撫向來尚屬留心民事。若地方已至成災。猶隱匿不報。殊屬非是。著傳諭農起。即將該處如何被旱情形。詳細查明。如有已成偏災。應作何撫卹之處。即行據實迅速具奏。毋得稍存諱飾。將此由六百里諭令知之。並將近日情形速行回奏。○以江蘇按察使覺羅琅玕。通政

司參議阮葵生。為刑部侍郎。○以福建興泉永道袁鑒。為江蘇按察使。○戊戌諭曰。大學士蔡新。老成端謹。品學兼優。由乾隆元年進士。游陟卿班。典司冑監。簡任綸扉。在尚書房行走。為諸皇子總師傅。朕視其年齒雖增。精神不減。正資倚畀。茲以衰疾。奏請解職。回籍調理。情辭懇切。覽奏彌眷。於懷第念伊年近八旬。閩省距京路遠。不忍重拂其意。勉從所請。著以原官致仕。並晉加太子太師。親製詩

章。以寵其行。仍於朕幸熱河。啟鑒送駕後。再行束裝給驛回籍。沿途經過地方官。在二十里之內者。照料護行。俾得安適。歸里。怡志林泉。蠲疴頤養。以示朕優眷耆臣至意。○

御製詩曰。建元臚第丙辰年。五十春秋駒影遷。黃閣首行千叟宴。白雲心憶七閩天。慰留弗忍耆而艾。聽去教娛林與泉。祝八旬期仍赴闕。俞哉嘉予意。肫然。○又諭。前據理藩院奏。筆帖式富祥稟報。班禪來使。自京回藏。行至

西直門外盧溝橋一帶。遺失包四個。並所雇騾頭及騾夫。亦不知去向等語。疑係騾夫等竊逃。當飭步軍統領衙門。嚴密究緝。茲據將騾夫屈太王興仁。拏獲到案。審訊則係因騾頭驚逸。屈太王興仁前往找尋。而所失包四個。皆係喇嘛私物。是此案騾夫等尚無情弊。茲聞向來前後藏喇嘛。年班來使進京途中。偶有遺失物件。地方官往往懼干處分。厚為賠償。竟有賠至數百金者。以致來使人等貪

圖便宜屢報失物此則不成事體喇嘛來使如果途中被竊亦止應官為嚴緝原贓給與何得私行賠補致啟詐冒之漸且此次所失又並非賞賜之件不過來使所帶私物即係賞賜之物亦已交來使收領者倘有遺失皆出自彼不小心況伴送之員乃照料喇嘛不准沿途滋事並非為伊等跟隨騾馱而設也今該喇嘛等自不經意以致騾驚遺失此而概為賠補將來喇嘛人等必恃有地方之賠補途次更加疎懈從中捏報藉端訛索此風斷不可長嗣後沿途各督撫凡遇前後藏喇嘛進京經過惟當嚴飭地方照例防護為之嚴禁盜賊俾得安速出境若來使途次有遺失物件止准其呈明代為嚴密緝獲給付不得仍前私相賠補致滋弊端若古之外國使臣無不欺凌內地漢人漢人畏之如虎但求無事以致釀成事端者不可指數本朝德威所被四夷賓服豈有是事耶即衛藏不遠萬

里向化而來朕以其修行出家之人厚加賞賚亦不過厚往薄來之意原非若元季之護庇番僧致有詈罵割舌毆打截手之事現在地方官等不能仰體朕意惟知迴護處分因循賠償轉似畏怯使無知之徒將以本朝或踵元季尊崇喇嘛之習於風俗人心大有關係不可不防其漸倘嗣後該喇嘛等尚不知自愛仍有此貪詐妄為之事朕不難將伊等治罪西洋天主教一案即其明驗況此等久隸臣僕者乎若各督撫因有此旨一切不顧縱令盜賊行竊來使之物貽笑來使則其罪必更不恕總之各督撫非過即不及其能知政體而能得中者鮮矣覲不知愧朕實愧之其務體朕意以副朕德威綏輯之至意將此通諭知之○諭軍機大臣等昨因面詢梁敦書山西省汾州平陽一帶被旱情形業經降旨令農起查明據實速奏矣本日復據梁敦書將經過地方及得雨日期詳細繕摺具奏

朕詳加批閱。自係目擊實情。前此農起奏報。各摺雖微露兩澤短缺之意。並未剴切陳明。其措詞本屬含混。今閱梁敦書所奏。是該撫竟有諱災之事。農起由司道用至巡撫。並非由人保薦。因其平日尚能留心民事。經朕特加拔擢。復由安徽巡撫調任山西。今該省地方被旱已致成災。農起竟意存諱飾。並不據實上陳。又安用此封疆大吏為耶。所有硃批。梁敦書原摺著發交農起閱看。速行明白回奏。將此由六百里諭令知之。仍將該處實在情形詳確查明。如有實在成災地方。毋得稍存迴護。並將如何撫卹辦理之處。迅速據實覆奏。又諭。據明興奏。訪獲邪教人犯。審明定擬一摺。已批三法司覈擬速奏矣。內稱王坦兄弟叔姪近有燒香傳道之事。並聞藏有五女傳道。經本伊等是否天主教內之人。無從識辨等語。燒香傳道與天主教不同。此另是一種邪教。不可不詳細嚴查。豫東境壤毗

連本日據特成額等奏。審擬棗陽縣民孫貴遠等私習邪教一案。內有已正法之李從呼。原入豫省徐國東收元邪教孫貴遠。又從李從呼入教。李從呼將徐國東原給五女傳道邪經一本給與等供。是豫省人民多有此惑。衆斂錢之事。東省所獲五女教。自亦係豫省傳習到彼。現在河南各屬被旱且不必急於查辦。但左道惑人最為風俗人心之害。必當嚴絕根株。著傳諭畢沅密為留心。俟該省得有透雨。民情寧貼。酌量可以查辦時。即飭所屬嚴密查訪。如有私傳收元五女等教者。即速查拏究辦。毋任轉相傳習。致滋煽惑。所有明興特成額奏摺俱著鈔寄畢沅閱看。將此諭令知之。已亥諭曰。袁鑒前經降旨補授江蘇按察使。該員係浙江杭州府人。距江蘇在五百里之內。袁鑒著調補山西按察使。福寧著調補江蘇按察使。其湖南按察使員缺著覺羅長麟調補。又諭。昨因向來前後藏

喇嘛年班來使進京。途中偶有遺失物件。地方官懼干處分。輒厚為賠償。致啟詐冒之漸。已降旨嚴行飭禁矣。但聞喇嘛經過地方。不特來使等不知自愛。多有貪詐妄為之事。即派出護送之筆帖式。領催及喇嘛所帶之黑人等。往往偕伴差為名。藉端訛索。地方官惟求無事。濫行應付。以致不肖之徒。得遂所欲。年甚一年。沿途滋事。妄為尤屬不成事體。在地方州縣等。或不知政體。各存迴護。而督撫乃封疆大吏。何亦不能仰體朕意。漫無約束。任令賠償。此非特為屬員消弭處分起見。其意竟係任聽恣縱。妄行以致釀成事端。激朕嫉厭喇嘛。將來不令進京。地方得省其照料。宣知本朝德威所被。四夷賓服。即衛藏不遠萬里。向化而來。朕所以厚加賞賚者。無非綏輯番衆。厚往薄來之意。斷不肯因一二喇嘛不知自愛。即斷絕前後藏年班進京之人。而封疆大臣。竟不知大體。甚而有意因循釀事。

使無知之徒。幾疑本朝。或踵元季尊崇喇嘛之陋習。有是理乎。所有從前辦理不善之沿途各督撫。俱著傳旨嚴行申飭。嗣後喇嘛來往經過地方。其應如何酌定應付章程。俾不至滋事冒詐之處。著軍機大臣會同理藩院詳悉妥議。尋議。一。西藏來使往來。向例派委筆帖式率領催沿途照料。官職較小。途間呼應不靈。嗣後應添派理藩院主事。或題署主事。帶同領催。令其沿途照料。理藩院於接准駐藏大臣咨報來使啟程時。先行知照。經過各省。令各該督撫於文職內酌派同知。通判一員。武職內酌派都司守備一員。屆期帶領兵役。各在本省一路彈壓護送出境交代。倘沿途仍有遺失包裹等事。即著護送之主事及隨同護送官員。轉交經過地方官。勒限嚴緝尋獲時。仍作速交付來使。倘不能獲。即將護送官員及該地方官一體議處。一向例來使回藏。所有備辦馱送包裹。併領催驛頭均

由理藩院票發京師五城地方雇覓自京至西安驛價向由理藩院全行給發驛夫自西安至西寧係護送之筆帖式沿途按站給發嗣後驛價全交護送之理藩院主事領出照西安至西寧之例沿途按站支給倘中途驛頭疲乏該地方官雇覓其價銀仍由該主事給發不得派累地方。一來使經過驛路文武各員催令按站前進仍報明出境入境日期倘所過之境各該員任其耽延一經發覺即

照銅鉛過境不能實力催趲之例分別辦理。一來使准令馳驛有由四川來京回藏者其須用驛頭及內地沿途護送一切事宜均照年班來使之例一體辦理其由打箭鑪抵藏應行令四川總督飭經過之各塘汛官兵不得濫行供應仍加意護送以免遺失。嗣後駐藏大臣應知照達賴喇嘛並仲巴呼圖克圖等每年來使務擇安分老成稍知禮法者即跟隨亦必挑取馴良之人倘中途不遵法

度滋擾地方許護送之主事會同地方官查辦懲儆從之。諭軍機大臣等昨據明興奏省城地方得雨深透各府州屬得雨二三四五寸不等現仍率屬設壇祈禱等語閱其所開單內得雨二三寸之處居多仍未能普徧優霑東省各屬雨澤稀少土脈久乾其僅得微雨之處未獲優渥自應竭誠祈禱以期速沛甘霖至省城內既據該撫奏稱得雨深透何以又須再行祈禱朕軫念民依勤求宵旰

現因河北衛輝等屬缺雨每日虔心祈禱冀邀

昊貺溥被甘膏至京城本年春雪頗優復經續得雨澤於農田尚無妨礙是以朕所齋心默禱者專以衛輝等處為重該撫愛民之念豈能如朕之牝切乃奏稱省城已得透雨而仍復率屬虔祈其於未得透雨各處轉未親往祈求又不即派熟諳求雨之人迅速前赴該處可見其言不由衷徒以虛詞聳聽本日據



劉我奏順天各府屬五十二州縣於四月十六七等日得雨一二寸至三四寸不等現飭再行虔誠祈禱所奏較為得實非如明興之空文塞責也著將此傳諭該撫遵照昨降諭旨將省城祈禱有驗善於求雨之人或即速親身前往各屬實心虔禱並各該處近日曾否續得透雨情形迅速據實覆奏以慰屢注母稍支飾尋奏勞山道士元本善素能求雨臣於二月間延至設壇祈禱二十餘日間得

小雨三月十七日臣自泰山禱雨回省城始得雨五寸曹州毗連豫省缺雨尤甚即令元本善往該處虔求旋據報雨二寸查省城別無祈雨有驗之人聞離省三十里禹登山有龍潭取水禱雨多應遂設壇於省城令道士誦經取水虔祈於本月十四日得雨深透而各府州屬並未普遍臣因趕辦秋審未能前往各處是以仍在省城祈禱得旨知道了又批道士等有翻壇之法斷不可為祇可令其

竭誠求禱而已譬如汝祈朕恩朕不許汝怒而激之可乎又諭前據梁敦書奏晉省南路雨澤缺少已降旨詢問農起昨又閱梁敦書奏經過山西地方情形及得雨日期一摺已發交農起閱看並令速行明白回奏矣本日復召見梁敦書將晉省如何缺雨情形詳細面加詢問據稱前在滎河縣祭湯陵時途次有老民哭訴無食并有婦人環籲求救者不一而足當即將目擊情形札致該撫該撫卻無一字回覆等語聞之駭然梁敦書素非多事之人所奏自係實情諒非故為張大其詞但農起由司道擢至巡撫朕因其平日尚能留心民事故復由安徽調任山西今該省被旱若此該撫何以並不據實早奏自係屬員等意存諱飾匿不具報而該撫亦竟漠不留心加察以致屢次奏雨各措措詞含混農起著傳旨嚴行申飭並令速行明白回奏仍著將該省現在被旱地方詳悉查明即速行

一面撫卹一面奏聞其被災較重之區應行加恩者亦即據實詳籌妥議迅速奏聞候朕即降恩旨如該撫因業經諱飾於前復存迴護於後將來發露是自取罪戾恐該撫不能當其咎也將此由六百里加緊諭令速辦○又諭昨據毓奇奏處州衛前幫水手聚眾勒加身工錢文並奪犯毆傷弁兵一案已降旨令直隸山東派員速拏嚴辦矣本日據劉戕奏此案前據天津道稟稱處州前幫回空糧

船水手在泊頭地方與南皮外委有爭鬧情事訊係水手明貴等停船看戲過渡時與外委陳起隆口角起衅其磕傷頭顱亦係外委絆跌所致水手明貴等四名現已押帶在省該幫船隻已於四月初七日全行出境等語看來毓奇所奏係據稟報一面之詞未免稍涉張皇現在明貴等已據劉戕拏獲審訊無難水落石出但水手等多係無賴匪徒若果有聚眾奪犯情事不可不徹底嚴究以懲其

後此時糧艘業已回空南下若將此案犯證提至直隸審訊未免往返稽遲著傳諭劉戕將現獲各犯詳悉審鞫據實辦理不得存化大為小之見其糧船過淮時著傳諭薩載前往淮安會同毓奇將此案水手人等提集秉公嚴審務得實情據實覆奏毓奇不可因有前奏稍有迴護薩載亦不可存姑息完事之見將此由六百里傳諭劉戕薩載毓奇遵辦並諭明興知之○庚子

上御勤政殿聽政○諭曰琅玕未到任以前所部議處上年辦理秋審失入一案之陞任湖北巡撫姚成烈失入一案之山東巡撫明興陞任按察使馮晉祚失入二案之陞任江西巡撫李綬失入三案之前任安徽按察使福寧失入一案之廣東巡撫孫士毅等各本已降旨將姚成烈等從寬留任其馮晉祚因不勝藩司之任已照部議降調交該部帶領引

見矣秋審罪名出入為民命所係一經定案死者不可復生是以失入處分重於失出該撫司等自應詳細推究定讞以期無枉無縱乃姚成烈等於民命重案漫不經心致多失入即予以革職降調亦所應得昔宋仁宗於吏部選人凡坐失入死者終身不遷是止不予陞遷而本朝則因人命至重是以處分綦嚴定例降革但今各案失入處分應行降革之員內而尚書侍郎外而巡撫臬司不一而

足皆係國家大員若概予降革一時人才難得既不能遽有如許更換之人且內外辦事大員亦未便因此悉易生手是以從寬留任該撫司等受朕簡任深恩於案情生死出入辦理錯謬既得邀恩寬宥捫心自問亦當知愧姚成烈李綬明興孫士毅俱令其自行議罰具奏福寧並著自行議罰由該撫代為轉奏俱解交浙省海塘公用以稍贖其素餐○諭軍機大臣等據閔鶚元覆奏近日雨澤情

形一摺內稱淮徐一帶晴乾日久現在齋虔率屬竭誠祈禱等語淮徐距蘇州數百里該撫遠在蘇城焉能代為遙禱且大江以南業經得有透雨是該處已無庸祈禱豈有在蘇州衙署持齋禁屠為江北淮徐一帶祈求雨澤之事即如現今京師已經得雨豫省衛輝等屬缺少雨澤朕亦惟每日虔心默籲以期仰邀

昊貺斷無於京師設壇祈禱之理試問該撫愛民之念果能如朕之肫誠耶昨明興奏省城已得透雨仍復設壇祈禱明係虛詞塞責言不由衷已降旨訓飭閔鶚元平日居心尚屬誠實何以亦有此虛詞殊屬非是著將此傳諭知之仍將近日淮徐一帶曾否普得透雨據實具奏○又諭前據薩載毓奇等先後奏到淮徐邳宿等處雨澤稀少糧船行走遲滯業經降旨令該督等查明實在情形具奏昨又據李奉翰毓奇奏淮安一帶於四月十二

日得雨三四五寸等語。是該處雨水已屬霑霈。所有邳宿運中河等處。河水自應較前增長。現在糧艘能否通行。無阻著傳諭薩載李奉翰毓奇。詳細查勘。催趨俾重運源源北上。無致濡滯。並將現在淮徐等處。雨水河道情形。迅速據實覆奏。將此由四百里各傳諭知之。尋漕運總督毓奇奏。淮徐海三屬於四月十二三等日得雨後。未據續報。惟淮安附郭地方間得小雨。雖於農田稍加滋培。而河湖

實無增益。查河口清黃水勢微弱。兼之風色不定。時長時消。必須守風起剝。方能趨渡。未免稍有耽延。現已渡過三十九幫。惟自宿遷南界至山東黃林莊境。各處所應需起剝挖淺。查得雨後運河水勢驟長尺餘。旋即消去。不能長資浮送。微山湖現止存水九尺有零。止留接濟江境。未便啟全板暢放。南旺分水口於十六日長水一尺五寸。自係泰安一帶得有雨澤。此後若連得大雨。河湖水勢日增。

漕艘行走自可遄達。得旨覽奏俱悉。又批。二十八九已大霈甘霖。此後不虞乏水矣。○又諭。據雅德奏。拏獲由江西赴閩傳教之西洋人方濟覺。即唏喃嘶噠噶。審訊堅供。與蔡伯多祿從未識認。現在派員將該犯解京歸案。審辦等語。已於摺內批示矣。此案西洋人私赴內地傳教。業經各該督撫陸續獲犯。解京審擬定案。其在逃之蔡伯多祿。為案內要犯。前屢經降旨。令各督撫嚴行緝拏。何以至今

尚未就獲。該犯係起意赴粵。接引傳教之人。自必尚在粵省澳門一帶洋行潛避。著傳諭孫士毅留心訪查。購線密緝。務獲毋得視為海捕具文。若果訪在洋行藏匿。孫士毅即當傳集在粵之西洋人等。詳細開導。曉諭令其務將蔡伯多祿送出。或令設法辦理。總期必得至雅德奏查出方濟覺身帶銅十字架。銅佛頭等件。著遇便一併送京呈覽。將此傳諭孫士毅。並諭雅德知之。○又諭。據農起奏。太

原省城於四月十六日得雨七寸甚為優渥等語覽奏稍慰太原省城既得透雨其省南缺雨各屬曾否一律普霑著該撫即詳細查明據實速奏以慰厯念至汾州霍州絳州平陽蒲州五府州屬朕連日詢問梁敦書據奏業已因旱成災梁敦書素非多事之人自不至故為張大其詞乃農起前奏摺內僅微露兩澤缺少之意措詞含混並未剴切陳明看來該撫竟不免意存諱飾即如本日另單所

奏各屬糧價於汾州等處米糧尚稱價中該處兩澤缺少米糧自必昂貴本日詢之梁敦書據稱該處乾麪每觔大錢三十七八文至四十文不等小米每市升約需大錢四十文似此市值尚得謂之價中耶可見該撫所奏不實昨已降旨嚴切飭諭著再傳諭該撫查明省南各屬如尚未得透雨即遵昨降諭旨詳籌妥辦迅速奏聞即已得透雨此時將屆芒種麥收無望貧民口食維艱其有應行撫

卹者即速妥為撫卹有應借籽種之處並著查明速行借給俾資耕作倘該撫因業經諱飾於前再復迴護於後是自取罪戾恐不能當其咎也並即速行回奏將此由六百里諭令知之○以四川按察使繆其吉為山東布政使○旌表守正捐軀湖北宜城縣民侯三聘妻柯氏○辛丑諭軍機大臣等據明興阿那布奏南糧首幫於四月十五日入山東境較上年已遲一月有餘所賴八閘一帶一律

深挑水勢通暢足資浮送等語同日據毓奇奏稱南糧自渡黃以來經過鹽河閘窪灣等處節節淺阻撈挖起剝前進是以遲滯等語與明興所奏情形相同是東省運河尚屬深通本年糧艘行走遲滯竟係因楊莊一帶運中河淺阻所致去春朕經過彼處見河身多露淤淺即飭交該督等估挑今挑工甫竣何以即形淺滯此必工員等有浮冒偷減情弊前已降旨令該督等據實查叅著再傳諭薩

載李奉翰毓奇即遵前旨查明該工於何處偷減何人浮冒逐段勘量據實叅奏仍先行督率原辦工段之道廳員弁上緊撈挖以期浮送遙行倘薩載等以身在事中稍存迴護原辦道廳各員經朕特派大臣前往查出惟該督等是問恐不能當其咎也仍將近日淮徐等處河道情形並重運能否可以牽挽北上之處迅速覆奏將此由五百里傳諭薩載李奉翰遵辦並諭明與毓奇阿那布知之

又諭曰江蘭奏服闋謝恩並請陞見一摺所奏非是已於摺內批示矣江蘭因屈服闋照例實授藩司祇須具摺謝恩不應奏請陞見此時河北衛輝及開封一帶在在缺少雨澤朕心深為軫念屢經降旨加恩展賑江蘭身任藩司民事是其專責自當在彼督率屬員實力妥辦豈可遽行請覲而於一切災賑轉不親身經理其勝任藩司與否朕所深悉無俟再須面見若江蘭係冒昧陳奏則是一糊

塗不曉事之人如明知不可故為飾奏尤屬言不由衷二者必居一於此殊不可解江蘭著傳旨嚴行申飭○以吏部尚書劉墉兼管國子監事務○壬寅諭曰御史胡尼琿為四川按察使○元奏查覈本道刑名事件有江蘇如皋縣民孫如傑用灰抹傷徐三兩眼致斃一案細覈情節似與故殺無異該撫將孫如傑擬以絞監候未為信讞請旨將此案駁回交該撫

訊明定擬一摺各道御史遇有刑名會稿原應悉心檢閱其中果有情節未真罪名失當之案不妨於定稿送會時簽商刑部秉公擬議或刑部執持原擬不肯改駁該御史原可專摺入奏今胡翹元摺內並未將刑部如何議覆該御史曾否簽商之處逐細聲明祇稱該撫所擬罪名雖屬按律定擬其中恐有別項情節等語竟似該撫題本一到該御史即率行入奏希圖見長試思各省刑名事件刑

部與都察院會稿者甚多。若各道御史俱如此紛紛入奏。尚復成何政體。且如該御史所稱孫如傑因與徐三爭修補鍋起釁。將石灰揉擦徐三兩眼。越數日即行身死。其情節究非故殺。擬以絞候。入於本年秋審情實。已足蔽辜。亦再無可從重矣。胡翹元此奏。不過以指名新用欲見好求陞之意。何關明弼。原摺著發還。○諭軍機大臣曰。明興奏現派道員陳守訓。知府高天鳳。馳往臨清。究拏回空糧。

書奏卷三十三

奏

船滋事人犯並飛咨兗州鎮總兵柯藩帶兵前往偵緝。如有不法棍徒聚衆生事。即帶兵前往彈壓等語。前因毓奇奏處州衛前幫水手停船勒加身工。並聚衆奪犯毆傷弁兵。是以諭令劉我明興即派大員於沿河一帶地方督率灑緝。昨據劉我奏已將水手明貴等四名拏獲到案。是此案便可審明完結。而現在回空糧船想已全出東境。昨已有旨傳諭薩載會同毓奇查辦矣。該撫接奉諭旨。自應

查明確實情形再行辦理。何得遽派總兵大員多帶弁兵前往駭人聽聞。致滋騷擾。所奏殊失之過當。明興何不解事如此。著傳旨嚴行申飭。所有總兵柯藩及派出之道府即著掣回。將此由五百里傳諭明興。並諭令柯藩知之。○又諭據明興奏省城於十四日得有透雨。各府州屬於十二三四等日得雨二三四五六寸不等。一摺。所奏仍屬不明。已於摺內批示矣。該省得雨之處二三寸者係某州

書奏卷三十三

奏

縣四五六寸者。又係某州縣自應另開清單具奏。況如省城及得雨四五六寸各州縣自即可乘時播種。其得雨祇二三寸各州縣若從前已經得有雨澤。今復得此霑濡。尚足接潤。若該處本屬乾旱。今僅得此二三寸之雨。有何裨益。此等州縣該撫又作何籌辦。均應逐一聲明覽之方能了然。何得僅於摺內籠統聲敘。著傳諭明興即詳細查明另行分晰開具清單。並將未得透雨各州縣如何辦理

之處迅速據實覆奏。尋奏東省共一百一十一州縣。除登萊青三府屬二十八州縣。冬雪本多。春夏雨澤調勻外。其歷城等十七州縣。俱已乘時播種大田。而從前已得雨二十四州縣。亦漸翻犁播種。此外本屬乾旱。霑雨未透者。四十二州縣。衛再得透雨。方可播種。謹將各州縣衛得雨分寸。分晰開單呈報。得旨知道了。又批。茲得透雨否。速奏來。○癸卯上還宮。○諭。昨日召見新放山西汾州府知府

晉來奏于言元

末

達靈阿。看其才具。難勝知府之任。著仍在原衙門行走。汾州府屬。現因雨澤愆期。撫卹需人料理。員缺緊要。著該撫於通省知府內。揀選一員調補。即令其速赴新任。所遺員缺。著乘行簡補授。○又諭。前因梁敦書由山西香差回京復命。詢及該省雨水情形。據奏經過省南汾州一帶。地土乾燥。二麥多有未種者。民情甚屬艱苦等語。即節經降旨。令農起查明據實陳奏。不可稍存諱飾。迴護。本日據農

起奏。晉省本年雨澤雖覺稍缺。二麥不過減收。且上年收成豐稔。民間尚有益藏。現在不至成災。無庸撫卹等語。所奏不實。已於摺內批示。地方雨水短缺。至成偏災。於閭閻生計。大有關係。農起接奉前旨。自應迅速親赴汾州一帶。實力查勘。將地方官有心諱飾。匿不稟報者。叅奏。並一面妥為撫卹。即或勘不成災。梁敦書所言過當。有意沽名。亦不妨將目擊情形。據實入告。但朕從不肯以為百姓告

晉來奏于言元

末

災之人。有所處分也。况梁敦書平素係謹飭之人。實不疑其過當。農起乃竟安坐省城。惟以臆度之見。一奏塞責。是地方官諱災不報。惟知朦蔽農起。而農起又復以地方官之稟報虛詞。支飾陳奏。朕屢念民依。無時或釋。農起為封疆大吏。寧不知之。是竟有心迴護屬員矣。况即如該撫所奏。省城於四月十七日。得雨七寸。各屬於十六七八等日。俱各得雨三四五六寸。及深透不等等語。省城得雨七



寸可云深透其餘各屬得雨分寸農起亦止據地方稟報未必盡皆確實且其中有三四寸者不得謂之需足看來汾州一帶仍未得有透雨而該撫遽稱不至成災含混具奏是農起竟屬有心諱飾從前因該撫尚能留心民事是以特加擢用今於地方災旱竟不知實心查辦殊屬非是農起著交部嚴加議處該撫接奉此旨即親赴汾州一帶詳細確勘據實奏聞其有因旱成災者速即妥為撫卹

實錄卷一百元

甲

毋使災黎失所倘該撫仍前諱匿貽誤地方是自取罪戾不可逭也此旨著由六百里發交農起遵辦并通諭中外知之○甲辰

上御太和殿視朝文武陞轉各官謝恩○辛酉明園 乙巳諭據全德奏海州分司所屬板浦中正臨興三場因去冬今春雨澤愆期晴乾日久產鹽有限請將乙巳綱應徵錢糧懇恩緩徵等語本年海州等屬雨澤稀少麥苗未能長發前已降旨將該處民戶錢糧概予

緩徵至各場竈戶人等亦因晴久土燥產鹽未旺丁力未免拮据所有該竈戶等應輸乙巳綱錢糧亦著加恩緩至本年秋場產旺後再行徵收以紓丁力該部即遵諭行○諭軍機大臣等據薩載奏淮安府屬之山陽清河各縣及海州所屬之沭陽縣於四月初十二等日連次得雨五六寸其桃源阜寧鹽城安東銅山蕭縣宿遷海州各州縣得雨一二寸及一寸五分等語桃源阜寧等州縣得雨

實錄卷一百元

甲

僅止一二寸雨澤自欠需足各該處實在情形究係若何所奏尚未明晰著傳諭薩載等即將各該處農田有無妨碍小民生計是否不致拮据現在情形若何應如何籌酌辦理之處再行詳悉確查據實奏聞將此由五百里傳諭知之並將近日曾否得有透雨之處速行具奏○又諭據農起覆奏晉省缺雨各屬借糶倉糧已屬不少目下又已得雨各屬具報二麥尚可收秋糧漸次播種民情安

帖毋庸先行撫恤一摺仍不免迴護支飾已於摺內詳悉批示矣地方雨水缺少致成偏災於閭閻生計大有關係梁敦書目擊山西汾州等處被旱情形據實入告朕屢念民依無時或釋屢經降旨嚴切飭諭農起接奉前旨自應親赴汾州一帶實力查勘籌辦乃竟安坐省城惟以地方官之稟報虛詞支飾陳奏又安用此封疆大吏為耶即伊摺內所稱榮河一邑僻處山陬梁敦書奉使至彼該處

實錄卷一百一十五

聖

民婦聚集邀賞正值青黃不接是以藉端中訴之語梁敦書吝惜未行賞賚是其家風但農起不可因噎廢食而不恤及飢民若謂梁敦書以民婦邀賞之故未經給與遂爾入奏是不免吹毛求疵矣農起由司道用至巡撫並非由人保薦因其平日在藩司任內辦理安徽偏災尚能留心民事經朕特加拔擢復由安徽調任山西今該省地方缺雨被旱猶復迴護諱飾巧言陳奏豈該撫於司道任內

能知愛民用至巡撫即改絃易轍耶農起並未親赴該處僅令藩司前往已屬非是續經接奉前旨自己馳赴汾州一帶著再傳諭該撫務須詳細確勘將該處實在情形據實奏聞即未至成災亦應速即妥為撫恤或借籽糧或緩徵毋使災黎失所倘該撫仍前諱匿貽誤地方是自取重戾朕不能復為曲貸也將此由六百里傳諭知之並著將如何撫恤辦理之處迅速覆奏 丙午諭向來各省副

將缺出兵部於由部推陞者將本省之合例應陞參將同各省俸深及一等卓異人員開單進呈而於應題之缺外省如無合例人員兵部開列請旨則止將記名及一等卓異者繕單進呈其本省參將及各省俸深人員並不開列雖係向例如此但條例繁多轉易啟吏胥高下其手之弊嗣後各省副將缺出兵部開列時無論部推題補等缺著將本省合例應陞參將及各省俸深人員與記名及一

等卓異者概行開單進呈候朕簡放以昭畫一著為令○諭軍機大臣等據舒常奏接准安南國王黎維禔咨稱乾隆四十八九年遣使齋進表貢蒙賜詩章扁額等項感戴情殷謹繕備儀物專員齋遞咨請代題等語舒常接准來咨即行轉奏其來使人等及貢物等項此時諒尚未起程舒常摺內亦未據聲敘明晰該國王因賞賜詩章扁額等項感戴情殷備物抒忱自可准其呈進但來使人等僕

僕往來究非朕嘉惠體恤之道著傳諭孫士毅如該國使臣及所進物件已經抵關或已在中途即照例派員護送進京如尚未起程即速傳知該國令其俟正貢之使再行一併附進此次毋庸專員齋遞俾免跋涉以示朕優恤藩邦之至意將此由五百里諭令孫士毅知之○又諭據明興奏拏獲處州衛前幫水手楊州徐三張七富四徐萬友鄭德光周德等七名訊問該水手等在泊頭地方與南

皮外委爭鬧起衅根由該犯等供情游移匿不肯吐即將楊州等七名解往直隸聽候質訊一摺此案前據劉我奏稱拏獲處州衛前幫水手明貴等四名訊係該水手等因過渡時與外委陳起隆口角起衅其磕傷頭顱亦係外委絆跌所致現在逐細嚴究斷不敢化大為小顛項了事等語今山東省拏獲水手楊州等七名俱係當日在場之人是又不止明貴等四名矣劉我前此所奏究不免存化

大為小之見不可不徹底嚴究以成信讞著傳諭劉我明興即將案內應訊人犯各派員押解到京交刑部秉公嚴審定擬具奏將此由四百里諭令知之○丁未諭據拉旺多爾濟等奏稱挑取烏里雅蘇台步兵未將兵丁跟役空缺詳報之守備富璉請革去守備等語凡駐防兵丁馬兵二名合給一名跟役錢糧步兵四名合給一名跟役錢糧此從來定例今拉旺多爾濟等奏稱守備富璉將兵丁

跟役等應得糧餉並未分給兵丁惟存貯在公等語其事殊未明晰拉旺多爾濟不知定例是以如此辦理復興現經由京起程此旨到後復興亦將次到彼著交拉旺多爾濟復興將此事會同明白查辦據實奏聞拉旺多爾濟惟宜秉公辦理○諭軍機大臣等據蘭第錫奏濟寧以東雨澤霑足惟迤西至豫省各屬所得雨澤不敵風沙之消耗等語豫省各屬受旱較重總未據該撫奏報得有透雨

雖經節次加恩豁免展賑朕軫念災黎無時少釋前因開封等屬分別蠲緩後民力雖覺稍紓仍恐未能寬裕其中如有被災最重積歉之區亦應照衛輝之例將本年應徵地丁錢糧一體豁免令畢沅查明具奏現在尚未據該撫奏到著再傳諭畢沅即行詳查並各屬曾否得霽甘霖及民情若何之處迅速據實覆奏候朕再降恩旨將此由六百里傳諭知之 兵部議准江蘇學政謝墉奏稱在營

武生恃衿滋事向俱汰革名糧發回本學收管不足示懲請嗣後遇有過犯該營官即按營例責處如所犯情節較重各標上司即行按律辦理咨學斥革從之○旌表守正捐軀山西豐鎮廳民李根昇女李氏○戊申諭據毓奇等奏本月初十日夜間淮安一帶地方陡起暴風大河等衛各幫糧船一時救護不及沉溺軍船三十六隻剝船十五隻碰傷軍船十七隻剝折桅木撞損等船一百七十七

隻計虧折漕米六千九百餘石又濕米五千四百餘石淹斃副丁水手男婦人等十三名口等語內河遭風沉溺漕船漂失米石倒應著落通幫旗丁分攤賠補但念此次漕船猝遇暴風兼值昏夜人力難施尚非該旗丁等疎失所致所有虧折米石著加恩全行寬免其淹斃人口並著照例賞卹餘著照所請辦理 又諭刑部覈覆湖南乾州廳苗民張應琳商同張田氏謀死姪女張舛女并張學能

謀死堂伯母張章氏互相圖賴一案朕細閱情節緣張學能與張章氏有祖遺來步兜山場一處張應璞等本屬無分詎張應璞與弟應琳檢出舊存契紙內載來步兜山場字樣欲行爭占經寨長查明實係張學能祖業將張應璞白契扯毀嗣張應琳同張應璞之妻田氏背負幼孩張躬女赴山檢收桐子被張學能喝阻並聲言報官張應琳遂起意將躬女致死圖賴張學能畏懼因亦將堂伯母張章氏致死

唐抵該部議覆將張學能依謀殺總麻以上尊長律擬斬立決張應琳依故殺姪女圖賴人例發附近充軍固屬照例辦理但此案起釁由於張應琳謀占張學能山場先將躬女致死圖賴是張應琳本屬理曲乃張學能謀死總麻尊長律應斬決而張應琳因故殺卑幼律止發遣不至於死是張應琳家僅傷張躬女一命而張學能之伯母張章氏已經被害張學能以關於倫理又應擬斬

立決是理直之家轉以兩命抵一命未為平允且張應琳係張學能近宗張學能正法之後伊家無人所有產業自必仍歸張應琳家執業該犯既得免死仍獲遂其謀產之心則狡詐充殘者勢必不復知所懲儆且恃長而謀死卑幼者必多矣非辟以止辟之道嗣後除尋常謀死卑幼希圖詐賴不致被詐之家又釀成人命者自應照舊例辦理外其有被詐之家因其謀死卑幼復釀成人命致一死一抵如此案者圖詐之犯即使所殺係屬卑幼亦未便僅照向例擬遣使充惡之徒無所畏懼其應如何改擬絞候之處著刑部另行定議具奏載入則例遵行所有張應琳一案即照新例辦理又諭前因前後藏喇嘛年班進京往來經過地方易滋事端已屢降諭旨明切曉諭茲命軍機大臣會同理藩院將應付各事宜酌定章程具奏應如所議辦理惟派員護送一節該衙門原奏在京派理藩

院主事一員。沿途派同知通判一員等語。主事同知等官。職分尚小。猶不足以資彈壓。著改派理藩院郎中。或員外郎一員。照料護送。其經過地方。著該撫揀派道員一員。會同武職。沿途防護。庶呼應既靈。約束更易。不致藉端滋事。歷觀史冊。漢唐宋明之世。於外國之使。往往上下相蒙。曲意優容。以致恣睢橫肆。此漢人畏縮之性。恐生邊釁。而更致大患者。不可勝數。今我朝中外一家。德威遠被。四夷

罔不賓服。豈肯反效漢人畏縮之為。即衛藏不遠萬里。向化而來。朕撫馭番夷。加恩賞賚。如果來使喇嘛等。不知自愛。有滋事妄為之處。朕亦可將伊等治罪。以示懲儆。經過地方官。又何所畏憚。而不嚴加約束乎。若封疆大吏。不知大體。有意因循。外間無識之徒。不幾疑本朝於喇嘛過事尊崇。如元季之庇護番僧。致有詈罵割舌毆打截手之事乎。更復成何事體。為此再行明切曉諭。嗣後各該督撫

於衛藏來使喇嘛過境時。即照理藩院奏定章程。妥為照料。並飭護送道員等實力彈壓。令其安速出境。毋致滋生事端。其於依限出境日期。仍令派出之道員稟報該省督撫。即據實奏聞。倘有仍前玩愒滋事之處。朕必將派出之道員治罪。將此通諭知之。○諭軍機大臣等。本日據毓奇等奏。四月初十日。淮安一帶地方。陡起暴風。大河等二十幫內。有沉溺軍船。淹斃人口等語。已降旨加恩賞卹矣。

各省漕運船身高大。固為慎重天庾起見。但一遇暴風。往往有沉溺傷損之事。究因船身過於高大。沉重棹輓維艱。人力難施所致。即其尋常輓運。加緯過閘。一切照料浮送。亦覺甚難。况幫船每隻運米。不過五百餘石。商販船隻載米至千石者。其船尚不及糧艘之半。現在豫東二省漕船尺寸。即較他省為小。南漕各船。自可量減船身尺寸。使行駛便利。雖一時未能全事換造。自可於各該船隻屆臨

拆造時將高寬尺寸仿照民船量為減損則船身便捷既可少意外之虞而行走並能迅速於漕運實有裨益至運丁各有土宜向例准其携售或於軍船之外的量隨帶載貨小船數隻隨幫搭配行走亦無不可著傳諭漕運總督毓奇會同有漕省分各督撫將各省幫船或經行江湖或僅由內河行走酌量情形悉心籌畫酌定船式尺寸詳悉妥議具奏若此中或有格碍難行之處不妨據實具奏不必因有此旨稍存遷就

又諭據毓奇奏清河海州沭陽贛榆等處自初十至十三日共得雨自五寸七寸至尺餘不等惟阜寧鹽城銅山宿遷蕭縣睢寧等屬於十二三日僅止得雨一二寸等語又據明興秦東省除歷城等十七州縣衛得雨深透外其僅止得雨二三寸及二三月內未霑雨澤者共四十二州縣衛必需再得透雨方可播種大田各等語淮安海州山東歷城等處雨水已屬霑霈

其得雨止一二三寸各州縣若從前已經得有雨澤今復得此霑濡尚足接潤若該處本屬早乾僅得此一二寸之雨有何裨益農民自未能播種大田朕心深為厯念京師春夏以來屢經得雨今自二十九日子時起甘霖大霈入土已有五六寸現在雨勢未止雲氣寬廣向南一帶尤為濃厚直隸河南山東江南各省或可望一律優霑著傳諭各該督撫即將現在曾否得有透雨之處迅速覆奏以慰懸注將此由五百里各傳諭知之○予故都察院左都御史周煌祭葬如例謚文恭○是月直隸總督劉綎奏保定省城於四月二十八日亥時起至二十九日寅時得雨七寸實為優渥嗣據保定全屬河間天津定州易州冀州趙州各府州屬均於是日得雨六七寸至八九寸盈尺不等惟大名廣平順德等府尚未據報得旨通省諒已霑足所望河南山東耳江南河道總督李奉翰奏茲月初

以來黃河徐城誌橋挑汎內原存水六尺一寸今消存二尺六寸外河老壩口誌橋原存水九尺八寸今消存六尺七寸洪澤湖內今春並未長水高堰誌橋原存水二尺四寸近日消存一尺七寸臣於淺處暫築束水小壩重運漕船每日渡黃三四十隻至六七十隻不等共已過有一千八百八十餘隻計三十六幫查重運頭幫於本月十四日已抵東境後幫現在督催銜尾前進得旨此後諒不愁水短矣目今形勢如何速奏來

奏

書

大清高宗法天隆運至誠先覺體元立極敷文奮武孝慈神聖純皇帝實錄卷之一千二百二十九

實錄卷一千二十九

聖



大清高宗法天隆運至誠先覺體元立極敷文奮武孝慈神聖純皇帝實錄卷之一千二百三十

監修總纂官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二記軍功紀錄一次臣慶桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲黃旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆五十年乙巳五月己酉朔諭軍機大臣

等據李奉翰奏黃運湖河水勢消落情形一摺已於摺內批示京城連日大需甘霖且雲氣向南更覺廣闊淮徐各屬自必普霑此後運中河一帶諒不致復慮水短然運河之水必待雨水充足始資接濟若雨水偶缺即形淺阻又何用挑濬且挑價所費若干何以未據奏明前已有旨令薩載等切實嚴查將浮冒偷減之工員叅奏該督等務遵前旨徹底究辦若再心存迴護更屬不成事體至李奉

翰摺內所稱微山湖存蓄之水因天氣久晴不甚充裕等語前據毓奇明興奏東省湖水充裕微山湖所收之水較定誌尚有寬餘湖口雙閘開放水頭下注江境即可灌至楊莊運口何以現在李奉翰又有微湖存水不甚充裕之奏微山等湖素稱水櫃原為濟運而設即云天氣久晴從未聞此陡形消落之理著傳諭毓奇明興蘭第錫即將微湖從前存水尺寸及現在水勢情形迅速據實覆奏毋得稍存迴護將此由六百里各諭令知之尋毓奇奏微山湖水去秋收水一丈零三寸較之額收本屬不足每年開壩後例將湖口閘板全行啓放三日下注江境本年因運中河一帶大加挑挖底水掣淨湖口閘三日所放之水不足鋪灌復全啟暢放三日始可灌至楊莊運口現實存水八尺四寸有零以每日消水三分計之至六月不過消尺五六寸足敷應用報聞○庚戌諭曰劉鑑係棄瑕錄用

之人昨來京召見時經朕將遊擊李雲彪巡洋販貨一案面加詢問該員並不將從前實在情形據實具奏含糊支飾意存取巧本應照部議革職姑念伊在新疆辦理屯田有年著加恩留京以漢軍副都統補用仍帶革職留任所有烏魯木齊提督員缺仍著彭廷棟補授其降級之案著改為革職留任○又諭據浦霖奏前赴肅州惠回堡等處查勘地震被難居民照例撫卹共用銀一千六百三十

兩九錢五分等語邊氓猝遇地震倒塌房屋損傷人口情形殊可憫惻著加恩於撫卹銀一千六百三十餘兩外再加一倍賞給福康安現在馳赴該處即著督率該地方官加意撫綏務使均霑實惠以副朕軫卹邊地災民有加無已之至意該部即遵諭行○辛亥

孝誠仁皇后忌辰遣官祭

景陵 諭朕恭閱

實錄內載康熙四十三年

諭旨前遣侍衛至鐵索橋挂扁彼處督撫餽銀

六千兩一侍衛而費至此則凡部院司官筆帖式等差遣往來者又不知煩費幾何更有督撫欲扶持屬員每歲暗中助銀教彼掠取清名隨行薦舉似此互相粉飾釣譽沽名尤屬不肖之極等因欽此煌煌

聖訓仰見澄叙官方勤卹民隱實為無微不至我國家承平百有餘年一切吏治民生歷經皇考及朕數十年來整飭釐剔所有餽送煩費

等事早已弊絕風清但恐日久怠生或有不肖官吏復蹈前轍不可不防其漸特再明切申諭恭錄

聖祖諭旨一併發鈔著該督撫敬謹各錄一通入於交代並曉諭各屬使皆知觸目警心務期大法小廉共相砥礪以副朕教誨成全至意將此通諭知之○又諭前據毓奇奏邳宿一帶運河雖經大挑各處多有淺阻等語因思挑工甫竣何以即形淺滯此必工員等有

浮冒偷減情弊隨降旨令薩載李奉翰等據實查叅昨據李奉翰奏江南運河水淺緣長河挑浚深通流行迅駛難於存蓄又貓兒窩以下添建石閘二座因等候運河挑竣始採買石料未能辦完以致水無擎托等語已於摺內詳悉批示本日又據奏中河水勢現深三四五六七尺不等惟運河水勢有數處時深時淺幫船至此尚須起剥等語江南中運河水淺如果因流行迅駛難於存蓄所致則貓兒窩以下添建石閘二座正為關束水勢起見業經上年奏准即當迅速趕辦一面購採石料運送工所一面將應建閘座處所先行挑濬赴上游未經鋪水之先上緊建築完竣方為有裨何得等候運河挑竣始行採買石料試思河已挑竣長河復經鋪水而石料尚未購運到工豈又因此而將漕艘停泊築壩岸水再行建閘耶今該處水無擎托竟致不敷浮送此非誤工而何況邳宿等處運河

朕不惜帑金令該督等逐一測量大加挑濬者原期一律深通若云流行迅駛難於存蓄則運中河自應概行淺阻何以運河水勢又有時深時淺之處以致幫船尚須起剥是承挑各官顯有偷減革率情弊薩載李奉翰久任河防非不諳工程者可比豈於此等緩急機宜工員弊竇不能體察尚待朕於數千里外豫為之籌度指示始行辦理耶是此事該督等實屬咎無可辭薩載李奉翰俱著交部嚴加議處其偷減革率及遲誤工作之員仍著查明據實叅奏毋得稍存迴護致蹈重愆

壬子諭據伊星阿奏因患感冒舊疾復發勢日增劇懇請解任等語伊星阿著准其解任回京調理所有江西巡撫印務舒常現在來京江西係必經之路即著舒常暫行署理候朕另行簡放○又諭豫省被旱地方較廣而衛輝各屬情形尤重業經節次加恩現在京畿一帶已渥被甘膏而該省得雨仍未透

足二麥無收。大田未種。民情更形拮据。朕心深為軫念。所有開封府屬之祥符、蘭陽、陳留、儀封、滎澤、彰德府屬之內黃、六縣。本屬積歉之區。今歲受旱較重。其本年應徵地丁錢糧。著即加恩蠲免十分之五。其情形次重之杞縣、通許、尉氏、洧川、中牟、鄆陵、滎陽、禹州、湯陰、安陽、十州縣。所有本年地丁錢糧。著即加恩蠲免十分之三。至緩徵舊欠各州縣內開封府屬之鄭州、新鄭、汜水、密縣、河南府屬之新安、渑池、偃師、洛陽、鞏縣、孟津、嵩縣、歸德府屬之永城、鹿邑、柘城、虞城、夏邑、陳州府屬之太康、扶溝、西華、陝州並所屬之靈寶、許州並所屬之臨潁、襄城、郛城、長葛。又河北懷慶府屬之河內、濟源、孟縣、溫縣、彰德府屬之臨漳、林縣三十二屬。雖受旱稍輕。現在青黃不接。小民生計亦屬艱難。所有歷年緩徵帶徵各項舊欠。著加恩概予蠲免十分之三。其與災地毗連之商邱、寧陵、睢州、宜陽、登封、永寧、淮寧。

商水、汝州、伊陽、寶豐、郟縣、武安、涉縣等十四州縣。所有麥後應徵舊欠。及本年錢糧。俱著加恩緩至秋成後徵收。以紓民力。該撫其督率所屬妥協辦理。務使均霑實惠。副朕軫念災黎不使一夫失所至意。該部遵諭速行。○癸丑諭軍機大臣等。據海祿奏稱布魯特厄森等呈報。那爾巴圖掠取伯爾克之兄額貝都拉游牧其妻子馬匹。盡被刦擄。情形窘迫。若率眾投誠。請將額貝都拉暫留阿克蘇看守。其屬人等交邁瑪特舒庫爾等管束安插。等語。伯爾克既未投誠。今額貝都拉投誠。即將伊安插阿克蘇。伊屬人交邁瑪特舒庫爾等管束。伯爾克聞之益加畏懼。海祿等應宣諭額貝都拉爾隨伯爾克逃竄。今既投誠。並不治汝以罪。汝當感激。不可再逃。率領屬人赴邁瑪特舒庫爾處所居住。伯爾克聞額貝都拉仍在原牧安居。或亦來投誠未定。並令海祿密諭厄森等加意防範。無任額貝都拉。

復行脫逃並賞厄森緞二匹即由彼處庫內支領將此由六百里傳諭知之兵部等部議准河東河道總督蘭第錫奏稱山東黃運河營原設守備一員協備一員正備衙署建設曹縣望魯集地方協備向無衙署嗣於乾隆四十七年將黃運守備改為專管運河守備以山東黃河統歸協備經管運河守備自不得仍駐舊地請於運河適中之濟寧州城內建蓋運河守備衙署其所遺望魯集衙署

即改為黃河協備衙署從之（甲寅諭甘肅都司福德保代什衣於上年逆回占據通渭縣城時帶兵克復甚為出力前經兵部議給功加紀錄尚係照例議叙不足以示獎勵福德保代什衣俱著交該督以遊擊遇缺陞補其候補吏目朱爾漢並著該督即速給咨送部引見諭軍機大臣等據鄭源璣奏查勘過汾州府屬平遙介休等縣其附近河渠者有水灌溉麥苗長發一望青蔥惟旱地麥田

稍覺力薄顆粒不甚飽綻該二縣均於二十四日續得雨二寸土脉腴潤等語二寸之雨若在前已經得雨之處今復得此需濡尚足接潤該處久經乾旱得此二寸之雨有何裨益乃該布政使尚稱土脉腴潤一望青蔥看來不免迴護巡撫原奏殊屬非是農起現已馳赴汾州一帶著傳諭該撫務須遵照節次所降諭旨詳細確勘即不致成災亦應據實查明具奏有應酌籌辦理者即行妥辦毋得

稍存迴護諱飾自取重戾並將近日曾否續得透雨之處迅速覆奏將此由五百里傳諭農起知之（調貴州巡撫永保為江西巡撫以廣東布政使陳用敷為貴州巡撫雲南按察使許祖京為廣東布政使以貴州按察使張誠基四川按察使巴尼璉對調）乙卯諭軍機大臣等據圖薩布奏陝省各屬現在望雨築壇虔求一摺係於四月十九日拜發差人齎遞昨據何裕城由驛奏報西安一帶於

四月二十三、四等日得雨四五寸，入土深透。等語是省城一帶業經得有透雨，農民可以及時播種。大田圖薩布此摺拜發在前，是以尚殷盼望。至該布政使摺內稱各府州屬如果未獲均霑，仍隨同撫臣何裕城潔誠祈禱，一得透雨即可乘時播種秋禾，以待西成等語，自屬實在情形。而王昶摺內則稱十七、八、九等日得雨三四寸之後，從此土膏潤澤，足以翻犁播種，詞意含糊，未免稍存支飾。地方

雨水收成，於閭閻生計大有關係。藩臬兩司均有惠養斯民之責，著傳諭該司等嗣後務當據實奏報，毋得稍有粉飾。○又諭曰：閔鶚元奏據淮徐海所屬各報得雨一二三寸，并稱現在農民陸續趕種雜糧等語。淮徐海三屬各州縣如清河、贛榆、前經毓奇等奏報得雨五六寸至尺餘不等，今又得雨二三寸，自屬霑潤，可以翻犁播種。若安東、阜寧、鹽城等處久缺雨澤，現止得雨二三寸，未為霑足。馬

能趕種雜糧。閔鶚元所奏情形恐不實。地方雨水民瘼攸關，朕最為厪念。閔鶚元素尚留心民事，自應據實陳奏，何得據屬員稟報含糊入告？耶著傳諭該撫即將淮徐等處此次得雨後雜糧果可以趕種否，確實查明，並將曾否續得透雨之處迅速覆奏。○又諭據書麟奏亳州、鳳陽定遠、懷遠、靈璧、泗州、天長、五河、盱眙、宿州、蒙城等州縣雨澤愆期，二麥已經失望，農民趕種秋禾，尚須透雨滋培，方能

出土長發。現在確查實在情形，如有必須接濟之處，即當會同督臣據實奏明辦理等語。亳州、鳳陽等十一州縣均係上年積歉之區，前因麥收淺薄，曾降旨將各該州縣應徵新舊錢糧緩至秋後徵收，以紓民力。現在望澤惟殷，小民生計自仍未免拮据。如有應行接濟之處，即應一面籌辦，一面奏聞。又何必會同督臣奏明請旨始行辦理？豈未仰體朕厪念民依無時或釋之至意耶？著傳諭該撫查

明各該州縣實在情形或應平糶或酌借籽種以資接濟迅速妥辦並將近日曾否得有透雨據實具奏將此由六百里諭令知之  
以雲南迤南道特昇額為雲南按察使○調湖南鎮草鎮總兵朱射斗為雲南普洱鎮總兵以貴州定遠協副將尹德禧為湖南鎮草鎮總兵 丙辰諭河南衛輝府屬被旱最重之汲縣輝縣新鄉淇縣獲嘉五縣業經降旨於新正加恩展賑之後再行展賑兩月至五月底止但該處至今未得透雨二麥無收大田未種民生拮据深堪憫念著加恩不拘極次貧民再賑三月俾資接濟該撫其督率所屬實力妥辦務使災黎均霑實惠以副朕軫卹窮簷有加無已至意該部即遵諭行○又諭豫省被旱地方較廣而衛輝各屬情形尤重業經降旨節次加恩令該撫竭誠祈禱設法虔求朕屢念民依無時或釋每日清晨齋心默籲仰邀

昊貺溥被甘膏近來京師及直隸各屬俱已大沛甘霖即山西山東等省亦得均霑澍澤惟豫省開封等屬雖得雨數次總不曾深透而衛輝一帶旱象猶甚望澤更殷朕夙夜勤求推原其故實不可解豈豫省黎元不無因久旱缺雨心懷怨憾以致上干

天和耶孔子言不怨天不尤人但祁寒暑雨小民怨咨自古已然則無識愚氓於呼籲之餘激為嗟怨亦人情所不免而該省早暵倍常

即是

上天垂象示警朕惟有省愆思咎惕勵憂勤為民祈請而地方大小官吏尤當時時刻責夙夜盟心至小民雖屬顛蒙亦不可以雨澤愆期稍存怨望即或因地方官吏有貪污不職聽斷不平及於災賑撫卹之事辦理不能妥善以致惠澤不能下逮此則朕之不明用人行政之失小民等寧可怨及朕躬亦斷不可怨及

蒼昊況當今紀綱整飭吏治肅清亦不至有貪枉殃民之事我君臣以及百姓惟當反躬自責以期潛消災沴感格

天恩冀得濃膏速沛現已降旨於展賑之後再行加賑三個月該處如果續得雨澤即可趕種大田雜糧轉災為福設或一二屬未得透雨而附近秋成亦可轉運接濟總之朕愛養黎元如傷在抱斷不使一夫失所為吾民者惟當安靜守分以受國家惠濟之恩著畢沅

將此旨刊刻宣示並明白曉諭務令窮鄉僻壤咸知朕意並將御製分別蠲免河南開封等屬正賦及西安巡撫何裕城奏報得雨詩二章錄寄畢沅閱看將此通諭知之

御製降旨分別蠲免河南開封等府州屬正賦及帶徵積欠錢糧誌事詩曰河南五百里馳郵將謂甘雨被豫州披閱乃覆奏諭旨弗增慰念仍增愁馳摺以月之廿九此需需彼未蒙庥昨為衛輝雖蠲賦不無鄰郡向隅憂因

命方伯查詳悉茲乃一一陳厥由十分之三或其五二府正賦免課收及餘緩徵之舊欠視災輕重次第酬俾我窮黎少蘇息祈優霽被補種秋從來救災無善政盡予心力勒咨

詎

御製西安巡撫何裕城奏報得雨誌事詩曰西安缺雨非游旱茲報甘霖霽霽施甍麥登場堪接食黍禾播隴正資滋幸因少望即愜望以不相宜反受宜豫省依然未霑澤畢沅焦

急為憐之○諭軍機大臣等據富勒渾等奏浙省原辦續辦海塘動用加貼銀兩俟與新工逐款確覈比較亦可酌量刪減等因一摺內稱每釘樁一根加銀五錢有餘與阿桂原奏每日釘樁二根應加銀六七錢之處不符又原辦續辦辦工當時何項必須例外加增何項必須例外添備前督臣陳輝祖未經逐款酌定章程等語海塘釘樁工價前因老鹽倉一帶沙性汕澁經阿桂奏明每日釘樁二



根加銀至六七錢已屬寬為支給今每釘樁一根加銀五錢有餘是釘樁二根竟需加銀一兩有餘似此加增不已伊於何底況所云例外加增者原指例價不敷有必需支用之處方准其酌量增給既係實用實銷則何項應行加增何項毋庸添備不難逐款稽查且富勒渾福崧二人接辦塘工亦非一日何得以陳輝祖未定章程至今始行查辦該督等此奏雖稱比照新工酌量刪減意似從嚴而

將來報銷時或即借此為浮冒地步亦未可知著傳諭富勒渾福崧即查明釘樁工價因何每根加至五錢之多並其餘所用加價何項應准應減之處逐一詳細據實覆奏毋任工員等藉端虛冒致滋弊混尋奏原辦續辦鱗工釘樁工價經大學士公阿桂奏准加貼銀兩嗣經報銷工部駁查行令刪減並令將新工貼價比照先行分晰具奏查現辦范公塘新工只將初限五百丈辦竣實需貼費若

干比照舊工按其浮用刪減新工砌石已至七層如條石脚價新工每石一丈例估加貼銀一兩五錢有零雖因宕深路遠視舊工微有加增但舊工係江浙兩省各半分辦今歸本省採辦較之一丈銷銀二兩有餘大有節省至樁木價值新工所辦較舊工每根省銀四分五釐釘樁省一錢有餘此外各項比較亦多節減更有原定例價敷用者即不准加貼一切應准應減已有章程俟初限報竣逐

一查驗比照裁減報聞○丁巳諭據正黃旗蒙古都統奏稱殲滅甘肅逆回陣亡之西安佐領永德由部議給雲騎尉而永德之子馬甲德順亦於石峯堡打仗陣亡請將此職給與伊孫魁福承襲等語魁福著承襲雲騎尉八旗承襲陣亡所得雲騎尉定例承襲二次後即改為恩騎尉世襲罔替但永德在甘肅殲滅逆回陣亡而永德之子德順亦在石峯堡打仗陣亡殊屬可憫與他人不同著加恩

將永德所得雲騎尉承襲三次後再照例改為恩騎尉世襲罔替此朕矜憫効力行間旗員之至意著交該部八旗永遠為例遇有似此者俱照此辦理○戊午諭豫省被旱最重之汲縣輝縣新鄉淇縣獲嘉五縣昨已降旨再行展賑三個月本日據畢沅奏稱附近災區之延津等九屬亦係連歲積歉之區本年二麥無收大田未能下種等語延津等九屬節經降旨豁免民欠並賞借籽種口糧第念

該處現在青黃不接為時尚長小民生計拮据深堪憫念所有延津濬縣滑縣封邱考城武陟修武陽武原武九縣無論極次貧民著加恩再賑卹兩個月俾資接濟該撫其督率所屬實力妥辦務使災黎均霑實惠以副朕軫卹窮簷有加無已至意至該省現有賑務需費繁多恐庫項不敷應用著於附近河南省分撥銀一百萬兩迅速解往以資散賑之用該部遵諭速行○諭軍機大臣等據畢沅

奏據柘城縣知縣葉大奇稟報拏獲盜犯劉振德一名其黨羽無賴多人希圖入城搶犯該令率領兵役在要路截拏該犯等掠搶當舖聚集胡家莊地方知府穆克登布會同城守營叅將帶兵前往捕捉該撫當即馳回省城帶兵親赴該處查拏並密咨安徽巡撫書麟飛飭州縣一體嚴拏等語所辦是已於摺內批示矣該縣盜犯劉振德業經拏獲其黨羽輒敢糾衆希圖入城搶犯經該縣知縣率

領兵役在要路堵截遂將當舖搶掠不法已極不可不速行嚴拏以淨根株現在畢沅已帶兵前往追拏務須設法將首從各犯立就擒獲不可使一名漏網但總以鎮靜為要毋稍涉張皇致良民轉生疑駭再柘城地聯安徽之亳州太和等處各該犯等一聞本省帶兵查緝即竄入鄰境躲匿尤當嚴行截拏著傳諭書麟即速親率文武員弁於交界處所密緝嚴拏毋使有一名兔脫俾該犯等速正

刑誅即山東亦與河南接壤並著傳諭明與一體留心堵緝防其竄逸將此由六百里各傳諭知之並著將現在曾否獲犯之處各行迅速覆奏 已未

上御勤政殿聽政 諭軍機大臣等昨因豫省被旱較重之汲縣等五縣及附近災區之延津等九屬俱有賑卹事宜需費繁多恐該省庫項不敷應用已降旨著於附近河南省分撥銀一百萬兩迅速解往備用矣兩淮鹽課

實存銀數較多著傳諭全德即於運庫內撥銀一百萬兩派委妥員由臨淮徐州一帶迅速解赴豫省以資賑卹之用所有經過地方並著該撫等派員協同小心護送毋致遲滯將此由六百里發往並諭畢沅閔鶚元書麟知之 旌表守正被戕四川鹽亭縣民勾任珍妻楊氏 庚申

上還宮 以署正白旗漢軍副都統蘇凌阿為鑲白旗滿洲副都統一等侍衛明亮為鑲黃

旗護軍統領 是日起

上以夏至祭

地於

方澤齋戒三日 辛酉遣官祭

闕帝廟 諭曰明興奏曹州東昌濟寧臨清各府州屬雨澤稀少麥收歉薄現在未得透雨地方未經播種者尚有三十州縣將來恐有應需接濟之處東省倉儲歷年蠲緩出借尚未買補還倉積貯無多請截留南糧二十

萬石存貯備用等語東省曹州東昌等處雨澤愆期曾經借給口糧籽種並加恩將應徵帶徵錢糧倉穀緩徵以紓民力各該處未得透雨明興早當奏請截留漕糧寬餘儲備俾資接濟著於南糧頭進在後各幫內截留二十萬石存貯濟寧聊城水次以備應用該部即遵諭行 又諭運中河一帶甫經大挑即形淺阻皆因貓兒窩以下未經早建閘座以致水無擎托薩載李奉翰久任河防於此緩

急機宜不能豫籌妥協貽誤要工實難辭咎已降旨交部嚴加議處仍從寬留任並令將遲誤草率之工員查明據實叅奏茲據薩載等查明將承辦各段工員邱睢同知邱麟閣等五員並督辦之淮徐道劉錫嘏請交部一併嚴加議處所有邳宿運河原估挑工築壩銀十三萬二千六百餘兩一概不准開銷薩載李奉翰各分賠二萬兩劉錫嘏分賠三萬兩下剩銀六萬二千六百餘兩即著落邱麟閣等五員名下分賠以示懲儆等語已批交該部議奏矣開座原為關束水勢而設貓兒窩以下添建石閘二座既經奏准即當迅速趕辦一面購採石料運送工所一面將應建石閘之處同挑濬時趕建完竣則鋪水之時層層皆有節制方為有裨何得等候運河挑濬始行採買石料迨長河業經鋪水開座尚未建完自然流行迅駛水無擎蓄不敷浮送且建閘時又須屏水築壩挑挖月河轉多周

折繁費是薩載以至工員皆未計及此或者有意另開鑪竈為冒銷地步乎貽誤要工莫此為甚所有原估銀十三萬餘兩自應不准開銷著落分賠薩載李奉翰既各認賠銀二萬兩其自行議罰銀二萬兩著加恩寬免至薩載等代劉錫嘏奏稱於分賠三萬兩外再懇罰銀二萬兩以贖前愆等語亦著免其一半其餘一萬兩所有工員內丞倅以下應得廉俸無多分賠銀六萬餘兩未免竭蹶即著將此項代為賠繳餘銀五萬餘兩仍於邱麟閣等五員名下著賠歸款○又諭本日召見新授雲南普洱府知府嵇汝璣奏伊母年逾八旬因歷任州同同知等官俱在邊省未能迎養今題陞普洱知府亦係邊遠之缺未敢陳請終養等語嵇汝璣之母既年逾八旬普洱地方水土惡劣勢難迎養著加恩准其回籍養親以示體卹○又諭曰富綱叅奏遵義協副將張景烈貪安縱酒虐兵丁復違例坐

轎有乖職守請將張景烈革職嚴審等語張景烈前在江西南昌鎮總兵任內因陳奏不實部議降調經朕加恩棄瑕錄用乃不思悔改又復偷安縱酒苦累兵丁實屬任性不職若僅照常審辦不足示懲張景烈著革職交該督嚴行審訊明確解交刑部治罪○壬戌諭刑部奏湖北民人左富佐褚福漢呈控倉書邱高陞等苛徵勒派地方官瞻徇不辦又褚自昌呈控革監江雲漢盜葬違斷抗不遷墳該縣延案不結致拖斃伊伯二命兩案又都察院奏江蘇徐州府監生王萬寧呈控劉維三等誣良為賤又勾合董玉龍串通書吏假債濫拘婦女地方官懸蕩不結一案著派侍郎姜晟馳驛前往徐州秉公審明定案後即赴湖北秉公審辦所有原告左富佐等均著照例解往○又諭姜晟現已出差查審事件著派阮葵生隨往熱河至刑部漢侍郎現在乏人姜晟未回京以前著彭元瑞暫行署

理又諭新疆駐防滿洲兵內有應襲七品恩騎尉之人亦應來京引見向因伊犁等處距京較遠所有滿營自防禦以下應放之官皆不必送京引見佐領以上等官始行送京引見至恩騎尉並非正任乃七品微員亦令其來京引見路途甚遠往還不無多費著施恩嗣後伊犁烏魯木齊巴里坤古城吐魯番等處所有應行承襲之恩騎尉不必令其來京引見即將應行承襲之員騎射如何之處摺內聲明繕寫家譜一併進呈奏明承襲若遇有保舉佐領者再行照例送京引見○刑部奏審訊處州衛前幫水手因索添工價停泊不行經外委陳起隆帶兵往拏送縣該水手明貴等率眾奪犯毆傷弁兵陳起隆即據實移明該縣並非過渡口角起衅得旨知道了此案外委陳起隆因糧船久泊伊管汛地帶兵三名往拏水手送縣懲治尚屬認真其被毆後即據實移明該縣並無不合現在已

無需該弁候訊之處。陳起隆著即釋令回汛。並著該督以千總拔補。○癸亥夏至祭

地於

方澤

上親詣行禮。幸圓明園。諭軍機大臣等。刑

部奏審訊處州衛前幫水手聚眾毆官奪犯

一案。據水手等僉供。實因索添工價停泊不

行。經外委查拏。隨率眾奪犯。毆傷弁兵屬實。

是此案並非因看戲爭渡口角起釁。與劉戕

前此所奏情節迥異。該督平日辦事尚屬認

真。何以於此案竟存化大為小之見。大不類

其平日所為。豈一至總督即心滿意足。欲模

棱乎。所有刑部審訊一摺。并朕折角處著發

交閱。看令其據實明白。回奏。尋奏此案先據

道府獲犯訊係水手看戲過渡時與該外委

爭扭致有跌傷。當即親提審訊。不特水手等

堅稱不敢毆官。即陳起隆亦未將奪犯被毆

供出。是以咨會山東撫臣嚴緝未獲。水手并

查訊旗丁另行根究。茲刑部審明率眾奪犯。毆傷弁兵與臣前奏迥異。臣糊塗昏瞶不能審出實情。請交部嚴加議處。得旨該部嚴察議奏。尋議劉戕應照不據實查辦例降二級調用得旨。劉戕著從寬免其革任。仍註冊。

實錄卷千一百一

五

大清高宗法天隆運至誠先覺體元立極敷文奮武孝慈神聖純皇帝實錄卷之一千二百三十一

監修總纂官經筵講官太子太傅文淵閣大學士文淵閣領事領侍衛內大臣稽察欽奉 上諭事件處管理

大臣經筵講官太子太傅文淵閣大學士文淵閣領事領侍衛內大臣稽察欽奉 上諭事件處管理

世襲騎都尉軍功加十九級隨帶加二級又加二級 董福內大臣戶部尚書鑲黃旗滿洲都統軍功紀錄五次

世襲騎都尉軍功加十九級隨帶加二級又加二級 董福內大臣戶部尚書鑲黃旗滿洲都統軍功紀錄五次

世襲騎都尉軍功加十九級隨帶加二級又加二級 董福內大臣戶部尚書鑲黃旗滿洲都統軍功紀錄五次

較修

乾隆五十年乙巳五月甲子諭直隸外委陳

起隆昨降旨以千總拔補但伊因直隸地方糧船水手滋事到部據實供明特加恩拔用未便仍留直屬陳起隆著交步軍統領以巡捕五營千總補用○諭軍機大臣曰薩載書麟奏拏獲柘城縣匪黨王立山李孟得二犯現在訊供解赴豫省等語王立山係此案首犯業經就獲深為可嘉已於摺內批示惟前據畢沅奏到摺內稱此案王立山李孟得李克長要犯三名已被亳州拏獲而本日薩載

書麟摺內祇稱拏獲王立山李孟得二犯其李克長曾否就獲未據奏及著傳諭薩載書麟即將李克長是否業經拏獲之處查明具奏並將竄逸餘黨飭屬嚴密查拏盡數弋獲解豫質審毋致一名漏網將此諭令知之至薩載所奏亳州知州陳三辰一聞該役稟報即親往督同弁兵拏獲尚屬認真陳三辰著俟此案內辦理完竣後給咨送部引見尋奏臣於十六日抵亳將該州先後拏獲首犯王

立山要犯李孟得及李克長等解豫審辦緣由具奏查柘城匪犯及犯屬竄入亳州境內已被拏獲者五十七名口此外自必尚有逃匿臣已咨詢河南撫臣查開逸犯姓名年貌即督同文武員弁分途查緝斷不使一名漏網報聞 吏部議覆四川總督李世傑奏稱四川通省同知通判州縣共一百五十員無逃兵處分者祇四十員現在陞調乏人請旨照年限分別捐復查承緝逃兵不力處分未

便准其捐復得旨部駁甚是此案承緝接緝逃兵不力本應照部議予以降革朕念人數過多是以格外加恩皆予留任限內予調不予陞用已屬法外之仁若如李世傑所奏准其援例捐復一體陞用是視捐項為重捕犯為輕其見甚鄙將來遇有通緝要犯俱視為海捕具文不肯實力查拏於吏治大有關係且此案逃兵共有七省若因此例一開紛紛奏請捐復更何以示懲儆李世傑率行陳奏

意在沽名著交部議處○乙丑諭現今健銳營進班之大臣短少著護軍統領明亮管理健銳營○諭軍機大臣等前因奎林自京回至烏魯木齊經由山西一帶隨降旨令將該處情形具奏茲據奏到山西平定州至介休一帶得雨二次由介休至汾州霍州平陽絳州蒲州均未得雨百姓多有剗挖野菜採取榆錢充食等語所奏情形與梁敦書前奏相符是農起竟係有心諱飾前已節經降旨令該

撫親往查勘據實具奏即未致成災亦應速即妥為撫卹或借籽種或與緩徵乃農起前次奏報起程後迄今已逾半月何以尚未覆奏著傳諭農起即將所勘實在情形及如何辦理撫卹之處迅速陳奏若心存迴護始終諱飾一經查出必將農起從重治罪恐該撫不能當其咎也並著將奎林原摺發寄閱看將此由六百里諭令速奏○又諭據書麟覆奏亳州等十一州縣雨澤未能霑足雖經

趕種秋禾不能一律出土長發間有得雨一二寸因久晴後立見消涸又霍邱太和等縣仍未續得雨澤如有必須酌籌接濟之處即當分別妥辦奏聞等語已於摺內詳悉批示安徽省本年春夏之交據該督撫等奏到雖間有缺雨地方情形尚不致拮据茲書麟奏亳州等屬望澤孔殷秋禾不能一律長發是該處已成旱象其應如何接濟或減價平糶或酌借籽種該撫即當一面辦理一面奏聞



俾小民生計有資不可稍有延緩朕屢念民  
依如傷在抱似此拯救災黎之事豈可拘泥  
奏聞請旨始行辦理以致稽遲時日耶著傳  
諭書麟即將該處現在曾否得有透雨及被  
旱地方如何撫恤之處迅速據實覆奏以慰  
廑注將此由五百里諭令知之○又諭據蘭  
第錫奏黃河水勢於五月初三四日陸續長  
水三尺餘寸因底水甚小足資容納等語河  
水有時而消即有時而長向來永定河人稱

為小黃河該處每遇春夏水小則秋汛之水  
必大屢有明驗蘭第錫在永定河道任甚久  
自所深悉黃河關係甚大更非永定河可比  
本年黃河上游之陝甘山西等省春夏以來  
雨水稀少是以河東一帶底水甚小現在已  
過夏至正當大雨時行河水日漸增長著傳  
諭蘭第錫加意慎防并嚴飭各廳營員弁於  
隄工一切時刻小心防護務俾河流順軌慶  
叶安瀾毋得稍存懈怠將此由五百里發往

並諭畢沅知之○補行乾隆四十九年江西  
省大計不謹官二員罷軟官一員年老官八  
員有疾官三員才力不及官二員浮躁官一  
員四川省大計不謹官一員罷軟官一員年  
老官九員有疾官三員才力不及官二員分  
別處分如例○舉行本年山西省軍政年老  
官二員罷軟官一員才力不及官四員分別  
處分如例○丙寅

上以秋獮木蘭自圓明園啟鑒○諭朕此次巡  
幸木蘭駐蹕熱河所有經過地方著加恩蠲  
免本年地丁錢糧十分之三○又諭此次密  
雲縣前來接駕之兵丁著施恩賞給半月錢  
糧○是日駐蹕南石槽行宮○丁卯諭據農  
起奏查勘太原汾州沁州遼州隰州平定州  
所屬各州縣從前雖俱缺雨嗣於四月十六  
七八二十八九及五月初一二等日連得透  
雨數次入土六七寸不等甚為優渥麥收尚  
好秋禾播種俱已出土數寸並未成災惟查

各屬地方前次借糶倉糧將已辦竣目下雖經得雨秋收尚早所有太原汾州等屬應請照歉年減價二錢之例再將常平倉穀酌量續糶其平陽蒲州等屬麥收較歉應請於減糶之外再行酌借口糧並請將本年錢糧緩至秋成後徵收等語平陽蒲州等屬麥收既歉著即賞恤兩個月口糧餘著照所請速行分別平糶酌借緩徵以資接濟而紓民力至晉省迤南各屬雨澤短缺農起從前奏報各

摺並未剴切陳明本屬含混是以朕未能深悉該省被旱實情直至梁敦書回京奏及節經傳旨飭諭該撫並諭親往查勘業經降旨將該撫交部嚴加議處並加恩從寬留任矣今據將查勘實在情形詳悉覆奏並稱如果成災該道府州縣共有七十餘員何盡隱匿不報且詢之村莊小民僉稱實未成災倘地方官隱匿不報何難至上司衙門呈控等因農起既經親往查勘所奏自屬實在情形地

方雨水收成朕亦不能不以督撫之言為據農起尚不至有心諱飾但即該撫所奏平糶緩徵酌借口糧之處何以不早行籌辦朕屢念民依如傷在抱似此拯救災黎之事一經督撫奏聞即立時降旨俾小民生計有資早霑一日之惠早得一日之益即如直隸山東安徽湖北等省俱因未得透雨麥收歉薄早經陸續加恩乃晉省缺雨已久直待朕降旨詢問該撫始行親往查勘方行奏聞辦理以

致小民遲霑渥澤此即農起從前含糊具奏之咎封疆大吏當時時仰體朕懷留心民瘼豈應延緩含糊若此耶已經部議從寬留任此次姑寬之倘仍有心迴護虛詞支飾將來一經小民告發及籍隸山西之科道等官叅奏查出實情朕必將農起從重治罪斷不能再為寬貸也○是日駐蹕密雲縣行宮○戊辰吏部奏各省員缺隨時委署其署事久暫不一應照官員到任月報之例按月彙報將

並非五百里以內聲明報部從之。是日駐蹕要亭行宮。已已諭據保成等奏喀什噶爾印務處行走郎中舒明三年期滿所遺原缺請將印務處筆帖式六十八以主事職銜令其辦事等語。舒明係由郎中經部帶領引見差往之員。既三年期滿理應照例奏請由六部另派司員更換保成等。何至將一未補實缺筆帖式越級賞給主事職銜。令其代辦司員事務。況此等越級保奏者。朕曾屢經降旨。而保成等豈不知耶。舒明原缺著該部照例選派能事司員帶領引見差往。保成等所奏著無庸議。並通諭新疆駐劄大臣一體遵行。保成等著申飭。又諭此次接至口外之熱河兵丁著加恩賞給半月錢糧。○諭軍機大臣等據長清奏。巴里坤屯田總兵佛喜於自行開報收成分數後。已經數月。忽稱田禾被災。短少糧七千六百餘石。又未將被災情形豫先報明。迨離任時捐給銀兩。並攤派

員弁湊銀兩買補。若非新舊交代。幾至始終掩飾。釀成虧空。請將佛喜及署屯田遊擊郭崇得嚴加議處。一摺。佛喜辦理此事。種種掩飾。其故殊不可解。長清所奏亦是。前佛喜在京陛見時。朕面詢以屯田事務。其奏對情詞閃爍。如所稱上年估報收成分數後。禾苗受旱。小麥生疸。又被田鼠咬傷。以致短少糧七千六百餘石。一節。禾苗如果被災。屯員即應隨時呈報。該總兵理應據情咨報。何所用其迴護。而通同諱匿。直至催交屯糧。始稱田禾被災。短少糧石。湊銀買補。藉詞賠累。實屬不成事體。況該處戶民地畝與屯田毗連。所種田禾情形自必相同。何以詳查毗連戶民地畝。又並無被災之處。豈受旱生疸。鼠咬蟲傷。獨在屯田更恐無此情理。至買補糧石。佛喜既捐銀二千四百兩。又借與郭崇得銀二千五百兩。佛喜由兵丁出身。在軍營効力。擢至總兵。計其歷任營員所得廉俸無多。安得有

如許銀兩賠墊其任內恐不無勒扣兵餉等情弊且其買補係在本處設果被災屬實何得又有餘糧供其買補耶其中或短發價值或攤派戶民俱未可定種種情節疑竇多端福康安現赴該處查勘屯田事務奎林係新任都統此時諒已到任著傳諭福康安會同奎林秉公嚴查據實具奏所有長清叅奏原摺著暫存俟福康安覆奏到日再行降旨交部辦理將此由六百里傳諭知之○是日駐

蹕兩間房行宮○庚午諭軍機大臣等前因糧船過於高大沉重棹艫維艱一遇暴風易至傷損或可於各該船隻屆臨拆造時將高寬尺寸仿照民船量為減損則行走迅速於漕運不無裨益降旨令毓奇會同有漕省分各督撫酌量情形悉心籌畫詳悉妥議具奏現在尚未據各該督撫奏到著再傳諭薩載毓奇等熟籌妥議迅速具奏如此中或有格礙難行之處不妨據實奏聞不必稍存遷就

之見再朕近閱雍正初年部臣原議成造漕船原有定式如有私放寬大者該漕臣即將糧道題叅從重治罪漕船過淮之日漕臣更加查詢不許多帶土宜等語立法本為詳盡但自定議以來迄今六十餘年恐奉行不力日漸廢弛現在糧船過淮所謂簽盤查驗者諒不過具文塞責尚未必照舊定章程逐艙查驗或船身每屆拆造漸放寬大希圖多載私物有違定式以致喫水過深舟行濡滯種

種情弊皆所不免並著傳諭薩載會同毓奇將近來漕船過淮如何簽盤勘驗之處詳悉嚴查據實具奏毋得稍存瞻顧迴護將此由四百里各傳諭知之○又諭前經降旨將豫省河北被災較重之汲縣淇縣等處展賑三箇月並將御製詩鈔寄畢沅閱看令該撫曉諭該處民人不可稍存怨尤之念以期感召甘霖此旨係初八日由五百里發往迄今已將半月尚未據該撫將如何剴切曉諭民人

及缺雨各處曾否得有渥澤之處覆奏又柘城匪徒聚衆滋事一案前據該撫奏已經拏獲二百餘人首犯王立山等亦經安徽拏獲其如何審辦之處亦未據畢沅續行具奏此案人犯衆多或審辦尚需時日以致具奏稍遲至衛輝等處被旱較重朕軫念災黎無時或釋該撫接奉諭旨自應將該處現在情形迅速奏聞以慰廑念有何可待而遲遲若此也又本日據蘭第錫奏商邱蘭陽等縣於十

二得雨三寸畢沅現在柘城距商邱不遠何以亦未奏及目下甫過夏至若得有透雨大田尚可趕種若再遲至六月即得雨亦不能補種秋禾無望河北災民豈不更形拮据又將如何補救此等情形畢沅於接奉諭旨後何以竟至半月尚未覆奏豈該撫不知朕盼望該省雨澤夙夜焦勞耶著傳諭該撫即將接奉前旨如何出示曉諭民人并衛輝等屬此時曾否得被甘膏大田能否趕種之處即

行查明據實覆奏並將柘城一案迅速定議具奏將此由六百里傳諭知之吏部奏外任官員未經陞任及調任而職銜照舊前次已經給封者一概不准奏請貤封並通行各督撫於冊結內註明查辦從之是日駐蹕常山峪行宮 辛未

孝恭仁皇后忌辰遣官祭

景陵 是日駐蹕喀喇河屯行宮○壬申上詣熱河

文廟行禮○是日駐蹕避暑山莊至八月壬辰皆如之○癸酉諭江蘇淮徐海三屬本年雨澤愆期二麥收成歉薄現距秋成尚遠農民未免拮据所有被旱最重之銅山豐縣沛縣蕭縣碭山邳州睢寧宿遷安東阜寧桃源十一州縣實在貧民著借給兩月口糧被旱次重之清河鹽城海州沐陽贛榆五州縣貧民著借給一月口糧以資接濟再該處州縣倉儲頻年賑貸所存糧石無多其淮安一屬

著該督撫就近酌撥調劑所有徐海二屬鄰近豫東二省地方糧價不無昂貴著於邳州宿遷一帶水次截留漕米十萬石以八萬石分撥徐州各屬二萬石分撥海州各屬以備賑貸之用該督撫其實力奉行以副朕軫念災黎無使一隅失所之至意該部即遵諭速行諭軍機大臣等據畢沅奏歸德府知府穆克登泰現赴京引見所遺員缺濱臨黃河必得熟諳河務之員方足以資防守查有下

北河同知趙載元熟悉河務堪以署理等語穆克登泰因上年睢汎漫淹該員搶禦城隄平穩是以令俟事定送部引見目下將屆大汎而歸德府所屬河工綿長三百餘里尤關係緊要穆克登泰正應在彼督率防護該撫何妨奏明俟過秋汎後再行給咨送部不當於此時令其前來畢沅係曉事之人何亦為此耶今該員既經起程想日內亦即可到京除令吏部堂官俟該員一到速送赴熱河引

見後即飭該員迅速回任以資防守將此傳諭畢沅知之又諭據閔鶚元奏報麥收分數摺內稱淮徐海三屬二麥全境失收無分數可計外江都甘泉通州泰興等通計有四十一廳州縣收成均有十分其收成九分者儀徵如皋并海門計有六縣廳等語淮徐海三屬雨澤愆期麥收失望雖經節次降旨加恩民食究未免拮据其附近之揚州通州如皋泰興等屬收穫豐稔現屆新麥入市價值自

必平減朕意莫若於豐收各處採買新糧數萬石運赴淮徐海三屬歉收州縣酌量借糶以濟民食而平市價於歉收各屬閭閻生計較為有益再江蘇一省二麥十分九分收成者通計有四十六廳州縣各該處市集糧石充盈該督撫可出示曉諭豐收處所商民令其自行前往糶買既不致於陳朽亦可稍獲贏息但不可居奇遏糶務俾糧石流通不特於災地民食藉資接濟而豐收處所更可獲

利商民亦無穀賤傷農之慮是亦調劑補救之一端該督撫等何俱未見及此著傳諭該督撫即酌量情形一面迅速出示曉諭勸導並酌量採買運送散糶一面奏聞將此由六百里諭令知之又諭本日工部進呈節慎庫錢糧月摺朕詳加披閱內有款項細微而開銷甚多者如馴象二隻需用羶被各二牀其布線綿花羊毛已向戶部咨取仍開工價錢九串五百餘文又誠嬪等位金棺奉安園寢其隧道等項俱係舊有工程不過臨時畧加開創何至用銀幾及二千兩之多又昇送純懿皇貴妃金棺用大扛夫價錢一千三百六十串八百零又

地壇內修理望燈套籠等項需用紡絲紅紗顏料已由戶部咨取工部不過辦買羊角片煤炸砂礮為項甚微乃開銷料銀三十六兩五錢零匠夫工飯錢八十六串三百零現今工部雖無大工然每月月摺內一經開銷便爾

盈千累百朕素知工部辦理錢糧不過據各處咨報文書司官開具數目該堂官等即准其支領但金簡伊齡阿二人非不諳工程者可比何於此等款項亦輒隨同然諾並不留心確覈耶著傳諭金簡等即將朕指出各條詳加按例覈計如承辦工員有浮冒情弊即當據實叅奏覈減不得稍存迴護○又諭據閔鶚元奏接准薩載札會豫省有柘城縣聚眾抗官一事案內要犯經上江亳州拏獲薩

載由徐州前赴亳州查拏審辦查徐州所屬之蕭碭等處與豫省之歸德等屬壤地毗連恐匪犯竄入徐境閔鶚元即馳赴該處督率截拏等語柘城匪犯聚眾抗官一案據畢沅奏業經拏獲二百餘人其首犯王立山等亦經安省拏獲是現在已屬無事况薩載既往查拏閔鶚元又何必多此一行曾記雍正年間四川省亦有似此案件維時因總督提督並往經

皇考降旨訓飭今柘城滋事各犯已經就獲即慮餘犯竄入亦祇應派一明幹道員於交界處所駐劄堵截並無需督撫紛紛前往蓋恐跡涉張皇致駭聞聽甚或地方遇有不逞其中奸宄之徒故為誑誘之計督撫遂皆親往而於緊要處所轉不能督率防禦豈不竟墮奸人術中耶封疆大吏俱膺委任重寄凡事當權其緩急輕重辦理方能妥協其有必需親往而竟安坐省城養尊處優者固屬非是

若遇事不能靜鎮輕舉妄動者亦屬不曉事體著傳諭各該督撫嗣後設遇此等地方事件務須留心斟酌持政體而合機宜庶不負朕委用封圻之至意○甲戌諭據何裕城奏陝西一省府廳州縣因有逃兵處分停陞者五十九員之多遇有應陞缺出合例者寥寥無幾又或人地不宜辦理殊覺周章可否按照原定開復年限分別等差量為加重令其報捐開復等語逃兵處分停陞各員前據李

世傑奏請准其捐復經吏部議駁已將該督交部議處今何裕城復有此奏且陝西一省停陞者已多至五十九員似此者尚有六省人數自不相上下若因陞補乏人皆須由部推選一時概易生手未免於地方不能收駕輕就熟之益因思人才難得該督撫既紛紛陳奏想其中實有礙難辦理之處是此事尚屬可行所有李世傑交部議處之處並著寬免但此項緝拏逃兵不力人員本應降革朕念人數過多如思留任俾其陞用今復於格外矜全之後予以及時自効之途若僅令照例捐復實不足以示懲儆自應按照原定年限分別等差酌量加倍令其捐贖其如何按照年限遞加之處著該部分別妥議具奏此事朕因人地相需起見不得已而曲從所請各該員務宜感激奮勵嗣後於地方事件益思實力認真即將來各省遇有別項停陞處分人員該督撫亦不得援此為例 又諭據



薩克慎查奏大凌河牧廠馬匹數目一摺內稱本年二月被風雪倒斃馬匹四千七百二十五匹另行著落賠補並將現在牧廠馬匹數目查奏等語從前據薩克慎奏稱大凌河牧廠馬匹忽被風雪倒斃數千等語朕恐其中有弊降旨著永瑋親身往查因永瑋係該處將軍是以特旨派出令伊據實確查續經永瑋奏稱此項倒斃馬匹俱係該管官員等平時餵養不善以致馬匹倒斃數千請將該

管大臣官員等分別定罪其倒斃馬匹數目著落該員分賠等語業經准行適聞本年二月大凌河一帶地方風雪過大被災屬實民人房屋俱有傷損大凌河一帶地方因遭風雪以致馬匹倒斃其事尚無可疑彼時永瑋等何不據實奏聞若係該員等平時餵養不善有捏災妄報侵蝕之弊又豈止革職分賠而已即應從重治罪若果因雪被災永瑋等據實奏聞朕亦必加恩施何必隱匿朦混塞

責了事永瑋等著申飭外將此仍交永瑋立即親往將本年風雪情形據實查明其應如何減等分賠從輕定罪辦理之處務須會同薩克慎秉公分別定擬具奏永瑋到彼必須傳集官兵等將前次並未確查含糊具奏現經皇上睿鑒指示特降恩旨諭令復行查明施恩之處詳細曉諭○諭軍機大臣等據劉戡奏將宣化縣盤獲面生可疑狀類喇嘛一名解赴行在詢其情形即係阿咱拉喇嘛乃大天竺遊募之僧京城現有此等喇嘛住雙林寺內該督因未悉其語言書字是以未知來歷現已送京交理藩院查詢照例辦理矣將此諭令知之○又諭據特成額奏湖南湖北雨水情形一摺內稱自長沙起程前赴衡州一帶校閱營伍途次接據湖北武昌等處具報先後得雨其安陸荊州黃州等屬未據具報現在節屆芒種急須時雨需濡民情望澤孔殷等語所奏前後總未明晰已於摺內

批示用硃筆點出矣。湖北省與中州壤境毗連。本年豫省雨澤愆期。麥收無望。而湖北則全仗水田。此時正屆分秧插蒔之際。該處農民尚殷望澤。看來南省一帶皆屬缺雨。特成額前次摺內既未奏及。而此次奏報又未將缺雨之處詳晰聲叙。地方暢雨。朕無時不廑於懷。著傳諭特成額。即將硃筆點處。所謂望澤孔殷者。是否即係安陸、荊州、黃州等處。查明據實覆奏。現在節過夏至。如該處尚未得

有甘霖。於播種大有關礙。該督撫不可稍存諱飾。即當妥為撫恤辦理。以副朕廑念民依至意。將此由六百里發往傳諭特成額。並諭吳垣知之。尋奏臣赴衡州。先據武昌、漢陽、安陸、荊州、黃州、襄陽等府俱稱田間望澤。旋於四月二十四日。武昌、漢陽、襄陽三府據報得雨。霑足。臣即行具奏。其安陸、荊州、黃州三府并鄖陽、宜昌於具奏後始據報。五月初二、三、十二等日均得雨。未十分透足。隨於二十六

日具奏。茲於六月初二日省城得大雨。入土五寸。各屬曾否普霑。俟查明另奏報聞。又諭據毓奇奏。東省截留漕糧二十萬石。應於各幫中擇其疲乏者酌派截卸。庶賑貸民食之中并寓調劑疲丁之意。又據阿那布奏。衛河水小。多有淺阻。剝船艱難。船行不能順利。且窮民盼賑孔殷。可否即在南糧首進前數幫內先行按數截留。應用各等語。毓奇所奏本為調劑疲丁起見。但伊身在淮安。未知衛

河水弱。漕船行走濡滯情形。今既據阿那布稱河水淺阻。剝船艱難。自係該處目擊實情。應即在前進前數幫內先行按數截留。應用則漕船既可不至守候待剝。而應賑各屬羣黎嗷嗷待哺。俾得早霑一日之惠。早得一日之益。較為便捷。著傳諭明興、阿那布即將現在東省首進數幫酌量沿河就近水次截留。備用迅速辦理。務使災氓早霑渥澤。副朕勤恤民隱至意。若不敷截撥之數。再於毓奇所

奏省進各幫湊撥足數現又有旨於江南截留漕糧十萬石以備賑需即可再於毓奇所奏將大河等疲乏各幫照數酌留截卸以紓丁力倘此數幫已行過江省亦不必轉為截卸即於續進幫船內酌量妥辦截留以省牽輓之勞總以便兵便民為要將此由六百里各諭令知之毓奇摺並鈔寄明興閱看 乙亥諭據畢沅奏審明柘城縣奸民聚眾拒官一案先將情重要犯審明正法一摺已批交

該部矣此案王金王立山等起意奪犯先糾眾一百二十餘人嗣後焚劫村莊逼脅入夥聚集三百餘人畢沅一聞該縣稟報即馳赴該處督同勦捕先後拏獲首夥要犯二百餘名將為首各犯審明先行正法辦理甚為迅速畢沅著交部議敘至該犯等於四月二十九日滋事之始各攜帶刀棍欲圖刦囚因聞該縣葉大奇率領兵役在要路截拏不能入城復退回胡家莊糾聚多人欲於五月初三

日入城搶犯適該府會同營員往捕王金等持械抵拒當被兵丁等鎗斃賊犯任鴻禮等十五名拏獲張狗等六名是此事畢沅未到之先該府縣及營員等辦理即屬妥協除該府穆克登泰現已來京引見該縣葉大奇前已批令查明送部其營員實在出力可嘉者亦著俟此案辦理全竣後一併送部引見如該員等尚有承辦未竣事件亦不必拘泥亟於送部其餘在事出力之文武員弁著該撫

查明分別等第奏聞交部議敘以示獎勵○又諭本年山東省曹州東昌等府屬雨澤愆期麥收歉薄屢經降旨借給口糧籽種緩徵錢糧並截留南漕二十萬石分貯賑貸以紓民力但現在缺雨州縣大田尚有未能播種者民間口食未免拮据此時急需量為接濟所有濟南府屬之陵縣平原泰安府屬之東平州萊蕪東昌府屬之堂邑茌平清平莘縣冠縣館陶恩縣兗州府屬之曲阜泗水陽穀

壽張曹州府屬之荷澤濮州范縣觀城朝城  
鄆城城武定陶鉅野濟寧州屬之嘉祥魚臺  
臨清州及所屬之武城夏津邱縣等三十州  
縣又播種未能齊全之德州嶧縣滕縣曹縣  
單縣聊城博平新泰平陰東阿等十州縣俱  
即加恩賞給兩個月口糧俾無力窮民藉資  
生計該撫其督率所屬實力妥協辦理以副  
朕軫念災黎有加無已之至意該部遵諭速  
行 諭軍機大臣等河南柘城縣奸民王金

王立山等起意糾衆奪犯拒傷兵役焚劫村  
莊一案該撫等聞信帶兵前往查拏先後鎗  
斃賊犯五十八名拏獲首夥各犯王金等二  
百餘名分別凌遲正法辦理甚為妥速已有  
旨將畢沅交部議敘並令查明在事出力之  
文武員弁送部議敘矣此案王金等因借貸  
不遂起意搶奪並令楊鳳儀李克長等分頭  
糾人沿途搶掠滋擾邨莊四五處糾衆至三  
百餘人若地方文武擒拏稍遲則日聚日多

必致蔓延釀成大案尚復成何事體是以賊  
匪之易於撲滅皆由查辦迅速而各犯初次  
拒捕毆傷兵役時當被兵丁打死賊犯任鴻  
禮等十五名拏獲張狗等六名該犯等即退  
回胡家莊踞守嗣聞省城官兵將至王立山  
等詭言出外糾夥潛行逃逸則賊匪之不敢  
肆行拒抗皆由畏懼官兵施放鳥鎗可見鳥  
鎗實為軍行利器前以綠營官兵施放鳥鎗  
準頭過高且有心存恒怯未經遇賊先行施

放者屢經降旨訓飭令督撫提鎮督率將弁  
操演講習著再傳諭各省督撫務將營伍中  
鳥鎗一項令兵丁時時操演嫻熟并令將弁  
等面為指導高低適中以期施放平準再外  
省兵役緝捕要犯往往有施放空鎗恐嚇者  
夫兵役等如果藉端索詐拘拏無辜致斃自  
當重治其罪如本係應捕重犯而該犯不服  
拘執敢於抗拒即鎗傷致斃賊犯亦屬死由  
自取其各縣捕役民壯亦同此例是以朕於

秋審時凡蠹役詐贓斃命無不予勾若果有應捕之責邂逅致斃者亦量予從寬今以奉差捕賊而徒施放空鎗致奸匪等轉生輕忽無所畏懼所關匪細嗣後各督撫通飭所屬將并州縣曉諭兵役毋得仍前施放空鎗以期共收實效又朕聞各省營伍鎗兵每不得拔補馬戰及外委等以致鎗兵心無向上之念甚或以羸弱充數殊不知臨陣殲賊烏鎗較弓矢尤為得力自應將熟練鎗手一體拔

補俾知上進有階則更爭相鼓勵踴躍演習於整飭戎行勦捕賊盜兩有裨益將此各傳諭知之又諭據畢沅奏審辦柘城縣聚眾賊匪分別先行正法一摺內稱楊鳳儀與劉振德王金等先於四月初旬向作家集監生趙方來借貸吵鬧疑其挾嫌通線商同王金王立山等起意搶奪趙方來家洩忿等語是此案賊匪糾聚由於借貸不遂究因地方災歉所致但該犯竟敢起意奪犯拒傷兵役焚

劫邨莊肆行無忌情罪實為重大不得不盡法嚴辦以示創懲朕批閱之下尚為之哀矜勿喜至該省早曠倍常即是

上天垂象示警小民雖屬愚魯亦各具天良該撫可密行剴切曉諭各地方富戶令其稍存矜恤毋得囤積居奇以至激而滋事但不可使貧民知覺反致長其刁風藉端索詐著傳諭畢沅密為留心妥協辦理其兵丁殷得功等九名因緝拏賊匪受傷殞命殊堪憫惻

並著該撫查明照例賞卹再畢沅另摺奏稱歸德陳州河南陝許各處於十二日得雨二三寸等語二三寸之雨在節次得雨處所尚能積潤今土脈久乾得此微雨飄灑究竟不能霑溉於大田仍屬無益看來豫省惟南陽汝寧光州三屬雨水調勻其餘通省被旱地方甚廣此時若得透雨尚可趕種大田若遲至六月即得雨亦恐無濟朕宵旰焦憂實屬無法惟有思過默禱畢沅當仰體朕懷率同

地方官吏省過思愆痛自刻責虔誠祈禱並  
曉諭羣黎安靜守分毋得稍存怨尤以期潛  
消沴戾仰迓

天庥感召甘和釀膏速需將此由六百里傳諭  
知之 丙子諭曰梁國治著補授大學士吏  
部尚書劉墉著協辦大學士事務戶部尚書  
員缺著曹文植補授汪承霈著調補戶部右  
侍郎仍暫管行在工部事務李紱著調補工  
部侍郎兵部右侍郎員缺著沈初補授 諭

軍機大臣等據全德奏揚州通州一帶雖經  
得雨但田中不能積水運鹽河水淺阻近水  
之田現皆車戽插秧其腹裏高田及各場鹽  
河均望大雨時行現在虔誠祈禱等語揚州  
通州一帶既盼望雨澤何以近日以來總未  
據全德奏聞看來全德自調任兩淮以來坐  
擁豐腴遂爾心滿意足一味養尊處優於地  
方雨暘竟漠不關心即運鹽河道淺阻為鹽  
政所應籌辦之事亦不設法辦理且承辦活

計差使又復粗率疎忽不能合式伊齡阿前  
在江蘇兩淮何以辦理諸務俱妥此非自滿  
即是福薄全德著傳旨申飭嗣後務宜痛自  
湔改事事留心若復仍前玩忽則是不能承  
受朕恩自取罪戾仍著將揚州通州一帶現  
在曾否得有透雨情形迅速覆奏 又諭豫  
省被旱地方甚廣現已節過夏至尚未得有  
透雨朕宵旰焦憂實屬無法惟有虔心默禱  
以冀速沛甘霖畢沅身為該省巡撫目擊地

方被旱農民拮据情形自必益切焦急不肯  
諉為

天災流行無法可救然徒急無益或應各處訪  
求延請異人術士設法祈禳但不可用月孛  
翻壇等過甚之術轉致激怒  
神祇總宜敬禱順求庶幾感格  
天恩遍霑渥澤以慰厘注近又如何已得霑霈  
否速奏來尋奏臣正繕摺覆奏間接河北各  
屬報六月初三日大獲甘霖衛輝所屬得雨

五寸彰德得雨五寸懷慶得雨四寸土膏沃潤農民上緊趕種糜菽及一切雜糧至開封省城及附近州縣自前月廿八至本月初二三等日皆有陣雨霑濡或三四寸一二寸不等民間亦皆乘時播種臣自仲春至今督率文武官凡郊壇山澤以及神祠佛寺在在虔誠籲請幾於靡神不舉他如春秋繁露及諸史志中載有所雨各術擇其近理可行者並仿照舉行今災重之區得有暢雨而久乾後

尚盼續沛恩膏其餘各屬待澤者尚多臣惟有倍矢精誠敬順祈禱得旨以手加額欣慰覽之更虔求

上蒼再霈優渥恩膏不遑弛念也○丁丑諭據書麟奏安省被旱地方較廣旬日內即得透雨雖仍可收而鳳潁泗三屬乃積歉之區必須豫籌接濟請於三進幫船內截留漕糧五萬石以備賑貸之用等語安省亳州鳳陽等各屬上年被水歉收本年又復雨澤愆期

業經加恩分別借給籽種口糧諭令該撫實力妥辦速籌接濟以紓民力今各該處尚未得有透雨農民望澤孔殷未免情形拮据自應寬為儲備俾資賑恤著照所請於三進幫船內截留漕糧五萬石存貯備用該部遵諭速行又諭據鑲黃旗蒙古都統奏請騎都尉伊禮布所出一缺查伊禮布並無子嗣承襲伊族內承襲有分之人惟伊禮布親伯達黑之曾孫現在派往駐防西安之養育兵豐

安閑散慶安僅此二人豐安等甚屬年幼俟承襲時請旨將豐安之母暨弟留京等語八旗世職人員內因絕嗣駐防外省有分之人承襲者若佐領員缺應來京辦事似此等世職何必拘泥亦令來京居住伊等家口在外久已安居偶而承襲世職紛紛來京途次不無耗費而到京安家立業亦必多艱反於伊等無益況各省駐防亦有防禦佐領員缺伊等承襲後果有長進留於本省補用佐領防

禦之缺有何不可伊禮布之缺現今擬正之  
豐安交該將軍酌量年終照例送京承襲後  
仍將豐安遣往西安交該將軍教導俟其年  
壯或遇有防禦佐領缺出酌量對品補用八  
旗嗣後承襲世職除佐領員缺外似此世職  
缺出若駐防外省人等承襲者俱照此辦理  
諭軍機大臣等據孫士毅奏入夏以來飲  
食減少精神遠不及去冬時形委頓所有兩  
廣總督員缺請迅賜簡員補放俟新任督臣

到後另行請覲面乞留京調理等語覽奏甚  
為縈念已於摺內批示矣孫士毅才具幹練  
辦事認真粵東為海疆要地是以將伊簡調  
並令兼署督篆正資倚毗今該撫忽有此奏  
看來皆由於公務殷繁用心太勞所致近來  
病勢如何深為懸注該撫其善為調攝愛惜  
精神任內要務固不可不留心綜覈其尋常  
事件原不妨交藩臬辦理總攝其成以期靜  
養就痊至兩廣總督朕意欲將富勒渾調補

浙閩總督欲令雅德補授但雅德奏請陛見  
須俟富勒渾由浙到閩交代督撫二篆方行  
起程富勒渾雖已自浙赴閩尚未據雅德奏  
報起程現已降旨催令速來亦須俟雅德至  
行在陛見回閩接辦督撫事務富勒渾方能  
自閩回粵計其往返交代總須孟冬仲冬之  
間富勒渾方可抵粵一時人才難得朕用人  
不易孫士毅亦所深知者該撫務仰體朕意  
勉力支持於地方要務妥協辦理著賞給人

淺一觔以資補益但當用不當須問之明醫  
不可錯用也並賞御用大荷包一對小荷包  
二對用示優眷該撫益當感激朕恩加意調  
理整飭地方以副朕委任至意仍將現在病  
體如何迅速覆奏又諭據孫士毅奏入夏  
以來飲食減少肌膚亦削精神遠不及去冬  
所有兩廣總督員缺請迅賜簡放并於新任  
督臣到後另行請覲懇乞留京調理等語廣  
東為海疆重地事務較繁且現在總督缺員



尚未明降諭旨已有旨諭令孫士毅且在任安心調理勉力辦公但該撫既有此奏自必精力不能支持舒常現在江西與粵東接壤著傳諭舒常留心探聽如孫士毅病勢較劇實屬不能支持或竟至不起舒常即將江西巡撫印務交與藩司護理一面奏聞一面速赴廣東接辦督撫事務此時工部不乏辦事之員舒常不必急於回京俟將來富勒渾到任交代後再行來京供職如探聽孫士毅病體尚屬無妨或已漸次就痊舒常亦不必前往仍在江西暫署撫篆俟永保到任交代後再行來京將此由六百里傳諭知之孫士毅奏摺及寄信孫士毅諭旨並著鈔寄閱看○又諭現在節近暑伏正農民趕種晚秋之時數日以來熱河及近畿地方續得透雨霑濡於大田甚有裨益而東省之迤西各府州屬江蘇之淮徐海三屬雨澤愆期農民甚殷盼望本日又據書麟奏亳州蒙城壽州鳳臺等

屬亦未得有甘霽地方暘雨關係小民生計為之廛念綦切現屆大雨時行之際早晚雲氣濃厚想迤南各省必已普被甘膏著傳諭薩載閔鶚元書麟明興即查缺雨地方曾否得雨是否霑足能否趕種秋禾詳悉據實迅速覆奏以慰朕廛念民依惟恐一隅失所之至意將此由五百里傳諭知之○又諭豫省被旱地方甚廣節過夏至尚未得有透雨朕心甚為憂切昨已有旨詢問現屆大雨時行之際早晚雲氣濃厚該省或亦渥被甘膏著傳諭畢沅即行迅速覆奏至該撫抵豫以來籌辦災賑等務俱屬妥協而查拏柘城賊匪一案尤為迅速殊堪嘉獎著賞給御製詩扇一柄並賞御用大荷包一對小荷包一對用示眷注該撫益當仰體朕懷實心妥辦將此由五百里傳諭知之尋奏省城於六月初五日大雨傾注數時衛輝彰德懷慶各府屬均於是日得雨三四寸河南汝州許州各府州

屬於初三日各得雨三四寸不等民情均極  
懽愉得旨與民共慶慰然不敢因慰而放志  
肆意豫省臣民共知之仍勤耕作可也○是  
月湖廣總督特成額奏向來湖北省每年秋  
審臬司分送節畧查覈臨期會同撫臣勘錄  
惟湖南省從未往勘臬司亦不豫送節畧俟  
將審勘之期始彙送一冊備案督臣即有酌  
商已在撫臣題達之後查兩江督臣係輪年  
按赴江蘇安徽江西三省審錄請嗣後湖廣

奏案

奉

北南二省秋審臣按年輪流會勘間歲一往  
藉可稽察地方情形並抽閱營伍得旨允行  
河南巡撫畢沅奏距省城十餘里向有賈  
魯惠濟兩河會集衆流下達安省商運多由  
此出民食攸關乾隆二十二年曾大加濬治  
二十六年及四十三年俱經奏明疏濬今久  
復淤淺自應及時開濬現在衛輝彰德及開  
封河南等屬貧民轉徙省城迤南一帶傭工  
就食者不可勝計趁此青黃不接之時以工

代賑且於民食商販有裨得旨以工代賑亟  
應為者一面辦理不可遲俟部議

奏案

奉

大清高宗法天隆運至誠先覺體元立極敷文  
奮武孝慈神聖純皇帝實錄卷之一千二百三十一

大清高宗法天隆運至誠先覺體元立極敷文奮武孝慈神聖純皇帝實錄卷之一千二百三十二

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理  
吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂  
禮部尚書經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務  
世襲騎都尉軍功加十九級隨帶加二級又加二級 董誥內大臣戶部尚書鑲藍旗滿洲都統軍功紀錄五次  
尋常紀錄十四次臣德瑛經筵講官太子少保工部尚書紀錄六次臣曹振鏞等奉  
敕修

乾隆五十年乙巳六月戊寅朔吏部等部議

准湖廣總督特成額奏稱施南府屬建始縣與四川巫山奉節等縣毗連宵小易藏應添設縣丞一員查來鳳縣縣丞分駐大旺事務甚簡該縣設有卯崗巡檢一員可以就近管理應請以大旺縣丞改為建始縣縣丞移大巖鎮駐劄照舊定為簡缺歸部銓選從之○旌表守正捐軀河南靈寶縣民張太妻屈氏濬縣民焦得貴女焦氏西華縣民張三妻劉氏 已卯諭據福康安奏巴里坤駝廠兵丁

鞋腳口食領馬弁兵鹽菜銀兩前經海祿議裁兵丁等未免苦累請准其照舊支給又烏魯木齊種地遣犯較兵丁減半交糧而巴里坤種地遣犯則與屯兵一律交納且哈密所屬之塔勒納沁屯田遣犯俱有加增口糧並例支鞋腳等銀巴里坤屯田遣犯每名每月止支麪三十觔此外再無貼補又在工馬牛烏魯木齊等處係全支料石每歲每百匹准倒三十匹巴里坤則減半支給料石又每歲

每百匹止准倒八匹亦屬偏枯請酌量加增等語巴里坤兵丁既據福康安查明自裁汰各費之後未免苦累且體察該屯種地遣犯及在工情形稍為竭蹶自係實情所有駝廠鞋腳口食及領馬弁兵鹽菜銀兩著照所請准其照舊支給其在屯種地遣犯口糧鞋腳暨在工馬牛料石及報倒數目並著福康安會同奎林覈實定議奏請酌增以示體恤○諭軍機大臣等據福康安奏巴里坤總兵

佛喜因虧短屯糧自認賠補私挪公項銀三千三百兩實屬取巧舞弊請旨革職迎拏到省審擬具奏等語私挪公項固有應得之罪但佛喜始因要好見長尚屬急公乃並未確覈該處情形扶同都統海祿意見冒昧令兵丁加種地畝以致渠水不敷澆灌新舊田禾俱各受旱歉收虧短屯糧七千餘石又復迴護前情自認賠交除該鎮借當湊交銀一千六百兩外擅動公項銀八百兩又於馬乾內

借給屯員二千五百兩尚非自不出貨僅令營員攤賠而其借動官項究係以公辦公並未侵蝕入己佛喜不過糊塗不曉事體覈其情罪究與貪盜懸殊尚不至於拏問著傳諭福康安即將佛喜解任傳令到省查詢明確佛喜似此謬妄實難復勝總兵之任審明後應定以革職毋庸議罪令其進京該鎮係由健銳營兵丁在軍營打仗出力擢至總兵朕尚欲加恩仍以該營前鋒叅領補用令其自

効福康安接奉此旨即遵照辦理定擬具奏至所奏會勘籌議屯田章程已交軍機大臣會同該部覈議具奏至福康安抵甘以來勦洗底店及辦理善後事宜整頓一切甚為奮勉此次前往惠回堡巴里坤一帶查辦災賑屯田各務不辭勞瘁深可嘉獎因賦詩書扇以賜用示優眷將此由四百里先行傳諭知之詩扇一併發往○

御製詩曰山莊風土好時若雨暘和以此興居

適竟加飲膳多新疆勞跋涉諸政藉規磨書扇思去歲嘉卿著定歌○又諭據倉場侍郎保泰等奏查驗通州幫兌運河南開封等府黑豆六千一百六十石內有四千六百八十五石成色攙雜顆粒兼多蒸溼微變雖詢據運弁供稱上年豫省被災是以豆色未能純淨但查到壩之天津等幫亦係兌運豫省豆石俱屬純潔何以此幫豆色迥不相同應請著落該省糧道及承辦各員分別賠補並將

千總高玉麟革職同知興麟交部議處等語保泰等既查驗天津等幫兌運豫省豆石俱屬純潔而通州一幫豆石攙雜微變自應將此等情節向領運之千總高玉麟押運之同知興麟嚴切根究是否於受兌時成色即係如此或係中途有私行攙和情弊以致蒸濕微變若果受兌時豆石成色攙雜該員弁何以不據實稟明率行領運至所運豆石俱由豫省受兌若天津等幫豆石係河南別府州縣所交而通州幫豆石係衛輝各屬及附近災區各州縣所交則該處被旱較甚豆色未能純淨情尚可原毋庸苛求責備乃保泰等並未詳悉究訊明確遽行奏請著落賠補該省旱災甚重朕屢降恩旨賑恤補救中外咸知寧保泰等獨未之知而率為此奏耶保泰等此奏殊屬非是著傳旨申飭仍著將此項豆石究係在何處攙雜因何蒸濕微變運弁等有何情弊逐一訊明據實具奏候朕另降

諭旨至此項豆石係豫省何府州縣兌交受兌時成色若何並著畢沅查明據實覆奏將此各傳諭知之○庚辰諭軍機大臣等現屆大雨時行之際熱河及京畿一帶屢霑渥霽未知山東迤西各屬及江南之淮徐海三屬曾否普被甘膏朕心甚為懸注至東省之曹州德州等四十州縣已被旱成災業經降旨加恩賞給口糧並截漕二十萬石以資接濟其迤東之登萊青三府屬前據明興奏稱雨水尚屬調勻麥收不至歉薄但該處如果雨澤應時登州鎮總兵自必奏報乃數月以來並未見有該鎮報雨之摺則登萊青三府屬自必情殷望澤若該處亦覺缺雨被旱明興當仰體朕懷加意設法妥辦不可迴護諱飾至淮徐海三屬節次得雨俱未透足近日亦未據薩載閔鶚元及淮關監督福海奏報續得渥澤此時若得透雨尚可趕種大田及一切雜糧否若再遲逾即得雨亦屬無濟民情

自更拮据又將如何設法補救著傳諭薩載  
閔鶚元明興即行悉心熟籌據實奏聞並將  
各該處現在曾否得有透雨之處迅速覆奏  
將此由四百里各傳諭知之吏部等部議  
准署雲貴總督劉秉恬等奏稱雲南土司有  
似貴州省並無兼理地方村寨之責應行更  
改者均應題請畫一查滇省額設文武土司  
一百五十六員內有祿豐縣南平關土巡檢  
羅次縣煉象關土巡檢開化府土經歷鄧川

州青索鼻土巡檢麗江府土通判鶴慶州土  
通判又該州在城土驛丞觀音山土巡檢又  
觀音山土驛丞楚雄縣土縣丞定遠縣土主  
簿鎮南州阿雄關土巡檢又該州鎮南關土  
巡檢廣通縣回蹬關土巡檢又該縣沙矣舊  
土巡檢姚州土州同元江州在城土千總二  
員又該州永豐等土把總又永豐里土千總  
儒林里土千總永善縣檜溪土千戶共二十  
二員伊祖先得授土職世襲並無管理地方

應將各土司接品改授頂帶榮身內惟開化  
土經歷檜溪土千戶二員給有印信應咨銷  
換給號紙其二十員俱換給幾品土官號紙  
又臨安府納更司土巡檢境內土把總當時  
擒獲土賊總兵給以便委者無庸襲替此外  
一百三十三員均有管理地方之責請仍其  
舊從之辛巳諭向來刑部定律凡有私自  
淨身人犯俱問擬斬候因念此等人犯大抵  
因貧所致是以加恩釋放發在熱河當差現

有太監王成一名朕面加詢問伊係直隸安  
肅縣民原報今年十六歲實年纔十三歲前  
年因家中貧苦父母為之淨身問擬斬罪在  
縣監禁一年上年始發至熱河當差初次報  
縣時該縣胥役因向伊父王二格需索不遂  
曾將伊父一併收監四十餘日後因窮不能  
給始將王二格釋放遂捏填王成年十五歲  
定擬詳報等語此事經朕親向詢問且看其  
身軀幼小並應對明白實無虛飾知縣為親

民之官雖不至昧良舞弊貪圖微利若此此必胥役鄉約人等因私自淨身有干例禁希圖訛詐又緣索詐不遂為之加增年歲以入其罪並將伊父無辜久羈聞之殊覺惻然而該縣竟漫無覺察任憑胥吏等勒索捏報種種弊混亦難辭咎現因各處當差太監乏人尚在曉諭召充且向例太監於投進當差時祇賞給銀五兩其每月坐得分例亦不過二兩若未經投進之先吏胥已向需索則是得不償失誰復肯將其子弟充當太監者近日進宮太監短少之故必由於此況王成淨身時實年不過十一自必係父母窮苦無聊遂爾將伊閹割與伊何涉乃擬以大辟而復滋胥役索詐捏飾之端乎此案著劉我詳查叅奏因思私自淨身人犯律擬斬候者雖為慎重傷生起見然一經閹割便成廢人苟非實在窮苦孰肯甘心出此今因有此例而轉致吏胥藉端勒索甚至加增年歲故入其罪况

此輩供奔走掃除之役自古已然是宮闈在所必需而反治之以罪從前定例本未允協所有私自淨身問擬斬候一條竟應刑除並著直隸總督順天府尹嚴飭各屬州縣嗣後如有並無他故自行淨身者准其投內務府派撥當差照例驗看如有他故內務府大臣再行文問之地方官不得竟拘其家屬致滋擾累倘有仍前需索滋擾者即將該州縣等據實叅奏其現因私自淨身問擬斬候已未招解并在監羈禁未經釋放者亦著刑部同直隸總督查明具奏釋放解送內務府分別派撥當差尋劉我奏此案經安肅縣前任告病知縣蔣家養明知王二格無計營生將伊子王成閹割冀圖充當太監免致凍餒遂聽王成狡供自行閹割將王成擬斬不過虛擬罪名一二年即可解送當差免致王二格終身監禁並任胥役郭恕索詐錢文毫無覺察請將安肅縣原任告病知縣蔣家養革職郭

恕應照蠹役索詐十兩以上發邊衛充軍例減一等王二格請遵新例免其治罪得旨下部議又奏查直屬私自淨身問擬斬決已未定案者共有五起任邱縣一名王善澄係聽從王四行竊臨時行強之犯聞孥畏懼自行閹割又大城縣一名郭進寶青縣一名王七俱係行竊被獲情急自閹三犯均經題准部覆問擬斬候該犯等均屬竊匪未便遽請釋放亦未便派撥當差但原犯罪名輕重各異

臣現咨明刑部另行覈辦又文安縣一名王盛武係因貧難度欲充太監自行閹割已准部覆問擬斬候原案內聲明閹割未淨未便咨送應否准予釋放又平泉州一名陳鳳鳴石匠營生因無人傭雇貧苦難度起意淨身已據臬司訊明尚未定擬具題之犯可否釋放咨送內務府派撥當差得旨下部知之○壬午諭據巡漕御史陳桂森奏南漕首幫向於四月過天津關今歲已屆六月南糧尚未

輓入直境等語是本年南糧抵津較之往歲竟遲至兩月其遲誤之故皆因運中河一帶節節淺阻而運中河之淺阻則又因薩載李奉翰雖經疏濬南運河而未經早建閘座水無攔蓄全洩入黃河所致今漕船行走竟至耽遲兩月尚未抵津薩載李奉翰以及工員等之咎實無可辭前已降旨將薩載等交部嚴議分別著賠以示懲儆矣現在南糧各幫及江廣船隻尚未全數過淮該督等務宜督

率所屬上緊撈挖催趲而南運河逆上層層阻淺尤當設法籌辦以期無悞回空稍贖前愆現另降旨傳諭劉我等令其酌量情形當此大雨時行之際若河水長發足資浮送即當迅速催趲抵通若竟實有不能過行之處再行酌量截留交卸以便及早回空受兌除俟該督等奏到另降諭旨外封疆大吏受朕重恩不能豫籌妥辦以致河水淺阻有誤正供致朕為之焦勞籌畫因伊等平日辦事尚



屬奮勉仍予從寬留任薄罰示儆嗣後各督撫等務宜實力留心先事豫籌方不負委任至意當以薩載李奉翰為戒將此通行傳諭各督撫知之諭軍機大臣等據畢沅奏五月二十四五等日河南懷慶陝州各府州屬得雨三四寸其餘河南北被旱各屬雖同日均霑仍不過二三寸等語豫省河陝懷等府州屬得有三四寸渥澤農民及時翻犁播種大田即可冀其有秋而衛輝開封等屬被旱尤劇災區仍未得有透雨覽奏益切憂厯該省地處中州土脈尚厚現在節過小暑熱河迤南一帶雲氣陰濃若於六月中旬以前該處得有連陰透雨或尚可翻種晚秋將來薄有收成閭閻足資口食便於生計無妨朕心望此甚切也又據奏近日民間將頒發諭旨互相傳告各守分敬

天不敢稍存怨尤之念若果如此必蒙上天垂貺即賜甘霖中土民風淳厚受此災稜

揆諸

吳蒼仁愛斯民之心必無久靳膏澤之理著傳諭畢沅仍時時體察輿情率屬朝夕曉諭以冀早霑渥霽並著將現在是否已得透雨之處迅速覆奏以慰厯注將此由五百里傳諭知之又諭據巡漕御史陳桂森天津鎮總兵王柄奏南漕首幫向於四月內過天津關今歲已屆六月據安陵汛報稱南漕輓入直境尚需時日現即前往沿河一帶豫為籌辦等語南漕首幫向於四月內趨過津關今歲漕船因運中河屢形淺阻行走稽遲又值山東一帶雨澤稀少河水不能充足暢流以資浮送現在尚未輓入直境較往年已遲至兩月不但不能依限抵通將來起卸回空又恐不能於今冬趕至水次受兌致誤明年新漕更屬不成事體朕心甚為厯念著傳諭劉蔴毓奇明興嚴飭沿河地方官及將弁等於運河古淺處所速為挑挖深通並多雇小船以

備剥運上緊嚴催務使漕船迅速抵通正供無誤固為妥善倘酌看情形若河水仍然淺阻漕船竟不能催令造行即著該督等妥為籌畫於天津北倉及沿河州縣可以存貯米石之處酌量截留俾漕船得以及早交卸回空毋誤開兌該督等其悉心熟籌據實迅速具奏一面辦理一面奏聞至現屆大雨時行之際熱河渥霪甘霖早晚雲氣濃厚天津一帶曾否得有透雨河水曾否長發之處並著

劉我查明迅速覆奏將此由六百里傳諭劉我毓奇明興並諭陳桂森王柄知之尋劉我奏本年南漕各幫尚無入直確信查南運河水勢內有吳橋縣屬之石馬王家淺小伙鋪南皮縣之化城寺等處向稱古淺現在水深止二尺五六寸其餘各有四五尺糧船可以造行現飭各地方官於古淺處上緊挑挖並豫備剥運一遇南漕抵境務使迅速前進抵通趕緊回空倘八月中旬甫入直境九月初

始抵天津者臣當酌看情形先儘北倉存貯其餘仍令趲行或抵連鎮或抵泊頭以次起卸倘為期已迫即令在安陵鎮起貯俾得迅速回空不致有悞新運現在天津一帶得雨不過四五寸河水未能增長得旨此事總在薩載李奉翰不在山東直隸更無涉又批好諸凡想到妥為之可也○癸未吏部奏請大學士梁國治應定何殿閣及兼何部尚書得旨梁國治著為東閣大學士兼戶部尚書○

甲申諭軍機大臣等據明興奏五月二十九及六月初二三等日各府州屬得雨二三四五六寸以及深透等語朕詳加披閱內得雨五寸以上者少甚屬可憂已於摺內批示又單開登萊青三府屬內惟蓬萊黃縣得雨六寸其餘文登等縣均止二寸東省濟南及迤西各府州屬雨澤愆期麥收失望前據奏迤東登萊青各府屬雨水尚調以此衷多益寡尚可補迤西各府之不足乃登萊青三府續

得之雨不過二寸。是該處雨澤亦屬缺少。現在節過小暑。正農民趕種晚秋之時。以二寸之澤。既缺雨之田。於播種恐無裨益。地方陽雨關係閭閻生計。若此時該處尚未霑足。則將來全省收成均為可慮。小民糊口維艱。已成災象。朕心實切。屢注著傳諭。明興即查明登萊青各府屬實在情形。及迤西各府州屬得雨後能否趕種大田。現在民情是否拮据。如有應行撫卹之處。即一面辦理。一面奏聞。

該撫當仰體朕懷。著實留心體察。不可稍存迴護諱飾之見。將此由六百里加緊傳諭知之。尋奏。六月初一二等日得雨者共四十一州縣。五寸以上深透之處無幾。二三寸者居多。均能勉力補種。登萊青三府屬亦據報得雨三四五寸不等。合計通省未種之地不過十分之二三。正屆大雨時行。數日內再大霑甘霖。晚禾可以趕種。其未經播種及已種未能齊全之各州縣。俱經賞給兩月口糧。民情

均極安靜。倘大暑再不能得雨。竟致成災。即當奏明撫卹。得旨覽。又批。今究得霑透可趕種否。速奏來。○又諭。據農起奏。山西省徵收錢糧一摺。朕閱其單內所有乾隆四十九年分地丁銀兩全數完訖。又節年民欠錢糧亦已續徵全完。晉省平陽蒲州等屬本年因缺少雨澤。麥收歉薄。前據梁敦書回京面奏。經朕降旨。令該撫前往查明。特賞給口糧。並分別平糶。緩徵俾資接濟。茲何以四十九年應徵錢糧。該撫尚按數催徵完竣。即云晉省去歲有秋。民間向有益藏。輸將不至短缺。但平陽各屬收成既薄。亦應酌量緩徵。以紓民力。農起平日尚能留心地方事務。何竟見不及此。若該撫因有梁敦書之奏。轉致心存迴護。甚或以徵收全完為能事。有意見長。遂不顧閭閻追呼之苦。更非朕體卹窮黎視民如傷之意。今該省錢糧既已全完具奏。是以止將原摺照例批發。該撫嗣後務宜仰體朕意。於

民事益加留心。斟酌妥辦。不可稍存輕忽之見。致民力有竭蹶也。將此傳諭知之。○又諭。據毓奇奏。本年重運幫船。緣水勢異常淺小。以致節節阻滯。已入臺莊閘者僅十五幫。計在後尚有七十六幫。按日扣算。二進過津。已在九月下旬。三進江廣各幫。入東更遲。則為時更晚。不特江廣船身笨重。勢難抵壩。且恐浙省船隻到通時。復有阻凍之虞等語。漕運為天庾正供。最關緊要。沿途進行無阻。方能

依限抵通。今歲南漕首幫抵津。較之往歲。已遲至兩月。今據毓奇所奏。二進浙江船隻。按日扣算。過津已在九月下旬。到通即虞阻凍。則三進江廣船隻。為時更晚。其勢斷不能抵通。是今年抵通漕船。看來不過十分之一二。其在途各幫船隻。不能起卸回空。趕至水次受兌。必致貽誤明年新漕。更屬不成事體。究其遲誤之故。皆因運中河一帶。節節淺阻。而運河之淺阻。實因薩載。李奉翰。於興工疏濬

時。即未能一律挑濬深通。又不早建閘座。水無攔蓄所致。若謂因天時亢旱。水勢淺小。則往年豈無雨澤稀少之時。且糧艘轉運。亦斷無坐待大雨時行。方能依限抵通之理。是洩水誤漕。薩載。李奉翰。及工員等之咎。實無可辭。前已將薩載等。交部嚴議。分別著賠。現已無可加罪。朕惟自咎。未早代伊等慮及此。不知伊等慚愧否也。刻下南糧各幫。及江廣船隻。尚未全數過淮。而黃林莊。貓兒窩。古城。溜

淺處甚多。時居六月中旬。大江以北。尚未得有透雨。該督等。務宜督率所屬。上緊撈挖。催趲稍贖前愆。並著劉我。薩載。毓奇。明。樂。閔。鶚。元。通。盤。籌。畫。若此時已經得有透雨。河水長發。足資浮送。即當迅速催趲。計算抵通無誤回空者。共有若干幫。其實在遲滯不能抵通者。共若干幫。即酌量情形。將實在不能回空。而已輓入東境者。或於天津之北。倉截留起卸。其未經輓過臺莊各幫。即於江南沿河各

州縣起截卸輓以無誤回空受兌新漕最為緊要該督撫等務宜悉心籌畫妥協辦理方不負委任至意將此由六百里加緊傳諭知之仍著將接奉此旨酌辦情形及各該處是否續得透雨之處一併迅速覆奏○乙酉諭理藩院尚書博清額前在軍機章京上行走旋擢卿貳宣力年久此次前往西藏駐劄辦事已閱數載因念其年力未衰特命來京供職以資倚任茲聞溘逝殊堪憫惻除已由藏

王五錢文領催紫林代本佐領借貸又用王

王

王

賞銀三百兩料理喪事外所有應得卹典著該部察例具奏○又諭據步軍統領衙門奏正黃旗蒙古佐領重福私用圖記借用民人王五錢文領催紫林代本佐領借貸又用王五之車運米肇起釁端請將重福暫行解任同紫林等交刑部審擬一摺重福身為佐領不知自愛乃私用圖記印約借貸民人王五錢文已屬有乖職守重福即著革職交刑部究審至佐領所管領催不止一人乃重福每

次俱派令紫林赴倉關支甲米而紫林又係重福族叔必有通同舞弊交結情事並著刑部提集人犯嚴審確情定擬具奏○又諭前因江南運河淺阻南漕行走稍遲而山東河南一帶雨澤又復愆期以致運河水少不能浮送本日據畢沅奏河北衛彰等屬大需甘霖農民上緊翻犁播種鼓舞歡騰豫省與山東之迤西各府江蘇之淮北各屬境地毗連今豫省已渥霑甘露則衛河水長漕船足資浮送而山東淮北各處亦必一律優霑湖河灌注糧艘銜尾前行自無難刻期抵通不誤回空受兌著河道漕運總督及沿途督撫嚴飭文武員弁上緊催趲挨次過行務令迅速抵通無誤天庾正供將此通行傳諭順天府府尹及直隸山東江蘇各督撫並河道漕運總督知之○又諭據李世傑奏叅革大寧縣知縣魏履中於拏獲湖北糾眾毆官首犯黎贊武不即解楚審辦妄希優敘擅自解省業

經革職應毋庸議。雖該員尚有拏獲湖北省另案首夥盜犯三名。亦未便以功抵過等語。魏履中前於拏獲黎贊武時。既經總督批飭解楚。乃並不遵奉。擅行解至省中。其急於見長。希圖優敘。固有應得之咎。但該員又有另案拏獲湖北首夥盜犯三名。是其於緝捕事宜認真辦理。尚為知縣中急公奮勉之員。其功亦足以抵過。除將拏獲盜犯審擬一摺。已交行在法司覈擬。速奏施行外。魏履中著加

恩。仍留川省以知縣試用。其革職之案。帶於新任。○諭軍機大臣等。據畢沅奏。河北衛輝彰德等屬。初三日得霈甘霖等語。覽奏實深欣慰。本年山東及江南之淮。徐海三屬。亦因缺雨成災。情殷望澤。但較之豫省地土尚屬潤澤。今河北一帶。已普獲甘膏。況現屆大雨時行之際。山東淮北等處。皆與豫省接壤。自必一律普霑。何以未見薩載。明興等奏報。或因畢沅此摺。係由六百里馳奏。伊等奏摺由

四五百里拜發。未能同日奏到。亦未可定。朕心實切懸望。著傳諭薩載。閔鶚元。明興。即將東省被旱各府州縣。及淮北各屬。現在曾否得有透雨之處。迅速具奏。以慰廑念。將此由六百里各傳諭知之。○丙戌。諭曰。福寧著仍留湖南按察使之任。所有江蘇按察使員缺。著長麟補授。○以理藩院侍郎留保住為理藩院尚書。正白旗漢軍副都統賽音伯爾格圖。為理藩院侍郎。○以工部尚書舒常。為正

白旗蒙古都統。調正藍旗蒙古副都統伊齡阿。為鑲紅旗滿洲副都統。古城領隊大臣伊里布。為正藍旗蒙古副都統。○丁亥。諭軍機大臣等。據薩載奏。淮。徐海三屬。於五月二十七。八。及六月初一二三等日。睢寧等州縣。得雨一二寸。及五分不等。秋糧得此霽雨。可資長發。其餘缺雨地方。是否霑足。現在行查等語。看來總欠霑足。奈何。淮。徐海三屬。濱臨淮河。與山東河南接壤。本年雨澤久愆。若非大

需甘膏於農民播種秋糧難有裨益前經節次降旨令薩載閱鴉元迅速查明覆奏現在節屆伏暑大田望澤尤亟乃睢寧等州縣所得不過一二寸且有僅得五分者該處土脉乾燥如此微雨飄灑不足以資霑溉何能慰乎再豫省衛輝等處已據畢沅奏同時得有渥霽而山東之迤西各府州屬尚未優霑且登萊青三府屬雖稱雨水尚調而所得之澤亦不過二三寸昨已降旨令明興確查覆奏

本日據奏臨清及濟南東昌武定等府州屬俱得透雨沂州登州府屬亦各得雨三四五六寸不等惟兗曹濟三屬被旱之區未報得有透雨朕心深為懸切著傳諭薩載閱鴉元明興即查明各該處現在曾否得有透雨大田能否趕種其業經成災應如何撫卹之處一面辦理一面奏聞毋得諱飾遲延致災黎稍有失所將此由六百里加緊各傳諭知之○又諭據薩載等奏頭二進幫船三千二十

餘隻於五月二十九日全數渡黃較上年渡黃日期遲早相等語因查上年南漕二進尾幫於五月十八日渡黃較往年已為遲滯今薩載等奏二進尾幫於五月二十九日渡黃較上年又遲十餘日乃稱遲早相等所奏不實昨據毓奇奏江南河道淺阻漕船節節起剝將來浙省船隻到津已在九月下旬約計抵通較往年遲至兩月有餘與薩載等所奏迥然不符現在運中河一帶尚未得透雨

水勢並未加長漕船行走自不能迅速著傳諭毓奇即將頭二進漕船渡黃日期是否遲滯之處據實查明迅速覆奏至今歲漕船渡黃日期較上年亦不過遲至十餘日上年各省糧艘俱陸續抵通今歲即使阻滯亦何至如毓奇所奏二進過津須至九月下旬看來毓奇不免因河道淺阻漕運遲延心懷焦急言之過當亦未可定但今年漕運遲逾因薩載李奉翰於挑濬運中河時不早建閘座以

致水無攔蓄宣洩過多實非漕運辦理不善之過該督不必過於惶懼至薩載李奉翰貽誤於前自應將阻滯情形據實陳明設法籌辦以冀稍贖前愆況伊等業經交部議處分別著賠現亦無可加罪前諭旨甚明乃伊等覆奏摺內尚稱漕船渡黃較上年遲早相仿於朕前支離掩飾並稱八閘不能逐日啟放重運即不能迅速過行似欲諉過於上游而於不豫建閘座之處並無一語引咎況據毓奇奏楊莊運口水深止一尺七八寸試思淺處若在黃河以南或因清不敵黃以致沙淤水淺今水淺乃在黃河以北楊莊運口非因水無攔蓄洩入黃河不能刷沙濟運而何該督等尚欲思掩飾迴護伊二人受朕深恩豈應昧良諉過若此薩載李奉翰著傳旨嚴行申飾至漕運為天庾正供所關匪細況京師衆人所用南貨俱附糧艘裝載帶京總以催令抵通多到一幫於國計民生均得其益現

屆大雨時行之際山東已報得雨泉源旺盛更可濟運淮北等處或亦一律普霑河水長發足資浮送不特薩載李奉翰當各矢天良上緊撈挖催趲以期稍贖愆尤即毓奇身膺漕務重寄朕斷不因水淺漕遲加罪於毓奇而毓奇目擊情形徒急無益惟當激發天良會同薩載等悉心籌辦上緊趲催並著蘭第錫明興一體督飭沿河員弁迅速趲行即使全漕不能盡數抵通必須催令一半到通起卸或得十分之三四沉淮北安徽山東各省截留漕糧已有數十萬石漕船較少河道不至擁擠該督等務遵照節次所降諭旨妥速辦理此時斷不可因有酌量截留之旨即心存諉卸必至萬不能催趲抵通之時方可再行奏請截留起卸總期漕艘能得大半抵通而又不致有誤回空受兌方為妥善將此由六百里加緊傳諭知之仍將接奉此旨作何籌辦及河水泉源曾否長發情形由六百里



迅速覆奏尋毓奇奏查上年重運頭進尾幫於前三月十九日渡黃本年於四月初一日渡黃上年二進尾幫於五月初一日渡黃本年於五月二十九日渡黃至上年三進尾幫於六月十九日渡黃本年三進幫未渡黃者二十二幫惟渡黃後至邳宿一帶節節起剥本年重運首幫自三月十二日渡黃至四月十五日方入東省臺莊開迄今已屆兩月其尾幫始將次趨入東境臣前奏二幫過津須至九月以現在四日輪剥一幫扣算恐抵通遲誤是以冒昧陳奏嗣據報東省衛河於六月初二等日長水二尺南漕首進於初七日趨出德州其餘無庸起剥其未入東境之二進幫船於六月十二日邳州一帶水長尺餘且節氣入伏正大雨時行之際山東江南倘得大需甘霖二三進幫船不致守候起剥即可盡數趨入東境北上到通船隻尚可趨至十之六七其旗丁例帶土宜貨物亦有十之

六七不致有礙生計臣萬不能因河水微弱稍存諉卸之念亦不敢因有截漕之旨遽行聲張致兵丁觀望也得旨已有旨了又批何必豫占地步此是汝錯處如再迴護更錯大了又批既如此何須汝豫愁乎臨大事當鎮靜而悉心辦理足見汝器小也○旌表守正捐軀直隸蠡縣民王得榮妻余氏○戊子諭軍機大臣等據蘭第錫等奏五月二十八日辰刻將陳福莊引河啟放水頭跌入甚為奔騰現在水深八九尺至一丈二三尺其迤下高家寨險工一經引河宣放埽前即落水四寸等語所奏尚未明晰上年因新河南岸高家寨一帶埽工頂衝喫緊經朕硃筆指示令將迤北舊河重加挑深取直引溜北注俾新隄不至著重嗣據阿桂等會同察勘定於高家寨北岸開挑引河以防大汎該處開挖引河原為河勢緊逼高家寨行走恐隄工著重是以於對岸挑河引溜北注庶高家寨河形

即可斷流埽工自當淤墊今陳福莊引河業經開放何以高家寨埽前止落水四寸如此則引河並未掣動大溜將來大汛時亦止能分正河之水不能大有裨益而高家寨一帶險工仍屬喫緊可慮此事大有關係目下已屆伏汛著傳諭蘭第錫畢沅督飭在工員弁務將高家寨埽工加意防護不可稍涉大意其陳福莊引河開放後究竟能否掣動溜勢高家寨河形將來能否斷流隄工是否不至

著重並此外有無另行設法妥辦掣溜之處並著該督等會同熟商繪圖貼說詳晰據實覆奏毋稍迴護至現在所開引河是否照朕硃批由舊河淤平之處取直開挑亦著蘭第錫等一併覆奏所有舊存繪出硃批原圖及阿桂等前奏開挑引河圖俱著發交蘭第錫等閱看將此由六百里加緊傳諭知之○又諭據蘭第錫等奏五月二十八日啟放陳福莊引河水頭跌入甚為奔騰現在水深八九

尺至一丈二三尺其迤下高家寨險工一經引河宣放埽前即落水四寸等語高家寨一帶因河勢緊逼隄根行走埽工著重上年經朕硃筆指示令將迤北舊河重加挑深取直引溜北注俾新隄不至頂衝喫緊嗣據阿桂等會同察勘定於高家寨北岸開挑引河以防大汛今該處引河既已開放何以高家寨埽前止落水四寸仍未斷流是引河止能殺勢而不能掣溜無甚裨益此事係阿桂在豫

會同勘定原為豫防大汛保護南隄起見但目下伏汛已屆南岸新工尤關緊要著傳諭阿桂即將陳福莊引河開放高家寨埽工能否不至著重籌度情形據實覆奏或此外另有善策俾大溜全入引河埽工可無患之處並著阿桂一面由六百里行知蘭第錫等遵照速辦一面奏聞所有蘭第錫等奏摺及寄信蘭第錫等諭旨俱著鈔錄寄看尋奏啟放陳福莊引河因高家寨一帶熟路寬暢下汛

大壩外河汕刷極深掣溜較多而陳福莊外灘河面寬行溜分兩股不能全掣大溜止分溜四分有餘臣等復於河頭抽挑接溜並於下脣酌做草壩兜水期大汎淘刷漸次掣溜高家寨埽工八百餘丈上下兩頭河勢寬展埽前漸多淤墊惟中間二百餘丈現係拖溜水深一二丈不等其對灘崖之上抽挑溝槽昨經大水業已衝刷成河隄工不至著重得旨知道了又批此是好機若是掣溜則善矣

今形勢若何○又諭昨據薩載等奏頭二進幫船渡黃日期較上年遲早相等已有旨傳諭該督等設法籌辦上緊催趲矣本日據明興奏現在衛河水勢已長二尺餘寸足敷浮送所有淮安揚州幫船即催令乘水趕幫前進又劉裁奏南北運河長水三四寸現已分委幹員前往古淺處上緊撈挖並嚴飭該管文武大小員弁一俟糧艘入境即依限趲行毋使片刻停留各等語所辦俱是已於摺內

批示矣漕運為天庾正供所關匪細況京師所用南貨皆賴附帶若能趲運抵通必當儘力督催斷不應先設截留之想目今大雨時行衛河水長而臨清一帶亦於初五六等日得有透雨泉源旺盛自必足資浮送該督等務督率所屬實力催趲能令多抵通一幫即多得一幫之米於國計民生均有裨益不特浙省幫船當令其次第前進即江廣各幫船身稍重喫水稍深亦須設法趲行至萬不得已有實在遲滯不能抵通之幫又當計算抵通必不至貽誤回空受兌者方可酌量截留不必令其來至半途而返徒費往返之勞但既經截留與其於山東直隸等境起卸則程途已遠漕船仍不迅速回空莫若於黃河以南水次州縣截留俾得及早回至水次既可省長途輓運之費又可免新漕遲兌之虞至今歲漕運遲逾總因薩載李奉翰於挑新運中河時不早建閘座以致水無攔蓄宣洩山

東之水過多所致並非漕運辦理不善之過。於毓奇本屬無涉。而毓奇前奏不無過甚。為豫留地步之言。但該督身膺漕務專責。目擊情形。心懷焦急。即所言過當。亦為急公之見。朕雖思及此。亦不以此遂加之責備。毓奇不必心存惶懼。惟當會同薩載等悉心籌辦。上緊趲催。此時薩載、李奉翰、毓奇在淮徐一帶。不妨前至交界處。所明興沿河查勘。亦應至交界地方會晤面商。熟籌妥議。設法催趲。總

期以全漕抵通為務。而以截漕為不得已。而思其次之計。方為妥善。朕因此事宵旰廑懸。該督等俱係受恩深重之人。務宜各發天良。實心籌畫。妥速酌辦。方不負委任至意。將此由六百里加緊各傳諭知之。仍將接奉此旨面商後作何籌辦情形迅速由六百里加緊覆奏。尋奏。臣等悉心籌酌。此時惟有儘力嚴催。未便遽行酌定截卸。查三進未渡黃船尚有一百二十二幫。臣飭委中軍副將馬天麒隨同

巡漕臣管幹珍親駐河口。趕緊趲渡。起剝臣毓奇即赴楊莊黃林莊沿河趲催。務期全漕抵通。不敢先設截留之想。於萬不得已之時再行奏請截卸。得旨。汝前所奏冒昧了。既已知過。不必迴護。○己丑。諭軍機大臣等。刑部覈覆陝西省劉張氏謀溺劉金花身死。問擬斬候。一本細閱此案情節。張氏嫁與劉永香為妻。多年並未生育。劉永香因無子欲行娶妾。張氏恐納妾失愛。詐稱已懷身孕。圖買嬰

孩以哄其夫。適有鄰居劉學孟之七齡幼女劉金花。攜抱劉廷禮彌月幼孩至劉永香門首。頑耍旋即睡熟。張氏走出瞥見。竊取幼孩。緊閉街門。劉金花睡醒即叩門尋覓。進內查問。張氏抵賴。適幼孩在房啼哭。劉金花聽聞。嚷罵張氏。即起意致死滅口。隨將劉金花掙入水缸斃命。該護撫覈其情罪。與圖財害命有間。將劉張氏問擬斬候。刑部亦即照擬。覈覆具題。劉張氏雖非圖財害命。但因嫉妒詐

孕竊孩欺哄謀死七齡幼女情殊殘忍即予以立決亦不為過雖未照圖財害命間擬立決亦應趕入本年秋審情實方足以蔽厥辜若以此時題本而論即當入於明年情實辦理豈不使兇殘之婦久稽顯戮刑部僅據該護撫所擬覆覆並不夾簽聲請趕入本年秋審情實豈竟見不到此耶除將刑部覆覆本照簽批發並著該堂官將張氏入於本年秋審情實外將此諭令知之○庚寅諭軍機大

臣等聞省地方向產番薯一種可充糧食民間種者甚多因思豫省近年屢經被旱雖現在已普得甘霖自可趕種晚秋但恐該處土脈久燥雨澤一少即與栽種無益番薯既可充食又能耐旱若以之播種豫省接濟民食亦屬備荒之一法此時雅德想已起程著傳諭富勒渾即將番薯藤種多行採取並開明如何栽種澆灌之法一併由驛迅速寄交畢沅轉飭被旱各屬曉諭民人依法栽種於民

食自屬有裨至富勒渾於四月二十一日自浙起程赴閩本日雅德奏到之摺係五月初八日拜發相距已經半月富勒渾自必到閩何以雅德尚未奏報交代起身前已有旨令其速來熱河陞見著傳諭雅德即遵前旨途次遄行以便陞見後迅速回閩也將此由六百里傳諭富勒渾雅德並諭畢沅知之○又諭據全德奏淮南銷鹽各口岸雖統計存岸在途引鹽俱可銷至八九月內但亦須預為

籌備現將淮北引鹽撥濟淮南轉瞬糧船過竣鹽開啟板北商仍可趕運以還原額等語現在重運銜尾北上運河水勢未能充足各開閉板攔蓄濟運斷不能復行濟鹽但山東安徽淮北等處已截留漕米數十萬石今歲漕船較少刻下諒已陸續過淮鹽引於民食攸關亦屬緊要著傳諭薩載酌量情形悉心籌畫視水勢之盈縮以時節宣濟漕兼以濟鹽固屬妥善如果不能漕鹽並濟則在後之

江廣重運尚復不少。所關尤重。應設法蓄水。儘數趲催。俾迅速進行。多抵通一幫。多受一幫之益。埃糧艘過竣。再行啟板。以濟鹽河之淺阻。該督等務籌酌緩急。妥協辦理。若實在不能抵通之漕船。當豫先算出。即不必令渡黃以省往返。亦可省鹽河之水。以濟鹽運。此亦無可奈何之一法。將此由六百里傳諭薩載。並諭全德知之。尋奏。頭進漕船已全入東境。二進船現入東境者十五幫。二進尾幫已

過宿遷。三進江廣幫船上緊渡黃。未進楊莊口門者僅十餘幫。七月中旬以後。尾船可催過宿遷。距下游鹽河閘已有二百餘里。鹽閘即可開放。以運河之水酌濟鹽河。鹽運不致遲誤。得旨。正為此也。毋又怠而致遲。○旌表守正捐軀湖南桂陽縣民朱佑宗妻何氏。○辛卯諭軍機大臣等。據永保奏審擬屢次翻控之雲南鎮雄州民人廖文明。請改發伊犁。給厄魯特為奴一摺。已批交該部議奏矣。廖

文明前經捏詞控告。審虛問罪。不知改悔。仍敢砌詞遣子赴京翻控。希圖拖累洩忿。殊屬可惡。但其罪亦祇如此。無可復加。著傳諭該撫將廖文明一犯枷號一年。滿日重責八十板。再行發遣。以示懲儆。○又諭本日兵部題覆前任廣東總督舒常請將千總蘇武陞授碣石鎮中營守備一本。已依擬用矣。西漢蘇武節行可佳。人所共知。該守備雖係行伍出身。不諳文義。亦不應以之命名。著傳諭孫士

毅即代為更改咨部。○壬辰諭前兵部將應襲恩騎尉世職之康莊一員帶領引見。摺內止聲明康莊曾祖康泰於康熙三十五年曾隨征厄魯特立功。賞給世職。但向例陣亡者方得恩騎尉世職。隨令查明覆奏。茲據查奏康泰後經出兵西藏陣亡。於乾隆三十二年清查世職案內賞給恩騎尉世襲罔替。是康莊應襲之世職。由於伊曾祖康泰陣亡。乃兵部帶領引見摺內祇稱康泰立功所得之官。

未將陣亡之處叙入實屬疎漏。康莊著准其承襲恩騎尉世職。仍發往該督標下學習行走。將此並諭令兵部堂官知之。○又諭。上年秋審山東省由情實改入緩決者一起。經吏部議陞任按察使馮晉祚照失入一次例降一級調用。凡以失入獲罪之臬司。以其非有心之公過。多有從寬留任者。因聞馮晉祚有不識字且非明練之材。故降旨令其來京。交該部帶領引見。茲吏部將該員帶至行在引

見。召見。向問山東被旱情形。奏對尚屬明白。非甚不通庸碌者。因命查取原案。則係博平縣民人李公掄。曾允借馮學騫牛車。伊孫李金箱以收麥需用。奪回不借。李公掄氣忿。到縣呈首。李金箱畏懼。向伊祖求饒已允。嗣經該縣拘訊。李公掄以伊媳李王氏孀居守節。止此一子。恐到官受責。痛悔自縊身死。該省秋審將李金箱照子孫違犯教令致祖父母父母輕生自盡例。問擬絞候。入於情實。刑部

則以李公掄係憐媳愛孫。追悔告官。遂致輕生。該犯並無觸忤情事。是以將李金箱改擬緩決。而該員遂有失入處分。朕細閱此案情節。原屬可輕可重。李金箱若不將牛車奪回。何至伊祖氣忿呈首。即律以違犯教令。亦無不可。馮晉祚擬以情實。尚屬有因。實無大過。而朕兼聽並觀。實無成見。不肯令一人受屈。以滋無知者之揣摩。意在於此。但晉省通籍在京者。今鮮大員。馮晉祚著以三品京堂。遇缺補用。○諭軍機大臣等。據特成額奏。籌辦訓練兵丁事宜一摺。內有令兵丁於山坡陡處練步。自下馳上。自上馳下之語。馳字不通。當用趨字為是。已於摺內改正。並批示矣。兵丁在山坡練步。並非用馬。在俗語則謂之跑步。行文自當用趨。乃摺內謬用馳字。是竟以步為馬。豈非笑話。特成額文理本屬不通。復聽庸幕隨意砌寫。殊屬失於檢點。著傳諭特成額。以後於摺奏字句。須逐一留心。勿再似

此錯謬至籌辦訓練事宜尤當為之以實毋徒以空言塞責也

大清高宗法天隆運至誠先覺體元立極敷文奮武孝慈神聖純皇帝實錄卷之一千二百三十二

大清高宗法天隆運至誠先覺體元立極敷文奮武孝慈神聖純皇帝實錄卷之一千二百三十三

監修總纂官經筵講官太子太傅文淵閣大學士文淵閣領侍衛內大臣稽察欽奉 上諭事件處管理  
吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂  
總纂官經筵講官太子太傅文華殿大學士文淵閣領侍衛內大臣稽察欽奉 上諭事件處管理刑部戶部三庫事務  
世襲騎都尉軍功加十九級隨帶加二級又加二級臣董誥內大臣戶部尚書鑲黃旗滿洲都統軍功紀錄五次  
尋常紀錄十四次臣德瑛經筵講官太子少保工部尚書紀錄六次臣曹振鏞等奉  
敕修

乾隆五十年乙巳六月癸巳刑部議覆廣州

將軍存泰等奏稱廣東駐防當差遣犯永祥在當差處所酗酒滋事請改發雲南等省並聲請解部轉發應如所擬照例改發惟送部轉發之處似覺紆緩查奉天寧古塔黑龍江等處旗人駐防當差復行犯罪者解刑部改發雲南等省至各省駐防解部發遣向未辦有成案惟各省均有相通驛路非如黑龍江等處必由京師者請嗣後各省駐防有應改發雲南之犯各該將軍都統等接准部覆即



移交該省督撫起解毋庸到部所有永祥一犯即照此例辦理得旨此案永祥因伊父呈送忤逆發遣廣東駐防當差仍不知悛改復敢酗酒滋事即使改發別省亦未必即能安分永祥不必改發雲南徒勞解送即於廣東當差處所永遠枷號示衆遇赦不赦餘依議旌表守正捐軀直隸寧晉縣民侯良銀女侯氏甲午諭近日進宮太監短少由於未投進之先州縣胥役鄉約人等藉端向其家

屬需索所致已降旨令直隸總督順天府尹嚴飭各州縣嗣後如有自行淨身者不得拘其家屬准其由內務府派撥當差原以杜胥役需索之弊但此等淨身之人情節不一必當於其投到時交該司詳細盤詰驗看如實係家道貧苦而舉動又復馴良與現在熱河當差之年幼太監王成相仿者即應准其投進如其人桀驁不馴或言語支離即應行文原籍查其有無別故另行辦理此事全在總

管內務府大臣隨時察看方能妥協朕在京時內務府大臣人多查察或尚能周到若遇朕巡幸熱河等處內務府大臣等留京者少查察恐有未周致多混雜宮禁森嚴所關匪細著諭令總管內務府大臣嗣後於太監甫經投進者必當二三人同看務宜留心驗看查訊明確再行交進當差毋得濫收致有弊混至太監人等向係掌儀司管理其投進時自由該處司官查驗回堂辦理若稽查不密

或領催書役以及司員之跟隨人等又復向其勒索勢必又蹈州縣胥役需索之弊則情願投充太監者仍復短少更屬不成事體並著總管內務府大臣嚴密稽查如有似此指勒需索者即行查明嚴處以示懲儆○又諭據長清奏奏領隊大臣伊里布與協領安格彼此鬭嚷並辱罵協領雙明等語伊里布安格俱屬溺職不必交部議著即革職雙明身為協領庸懦無能著降為佐領仍帶革職留

任古城領隊大臣員缺著博厚以副都統銜補授○又諭察哈爾八旗所出官缺向由該處擬定正陪送京帶領引見補授朕若駐蹕熱河應就近送行在帶領引見嗣後察哈爾及熱河駐防官員缺出除在十月至明年正二月仍著送部引見外三月後之缺俱俟朕來熱河時帶領引見以示體恤○諭軍機大臣等據順天府奏請將盤折營利架詞捏控又假冒職員之寶坻縣武生劉桂請交刑部

嚴審定擬一摺閱李興國供內有合村因公事於四十四年借劉柱銀三十六兩四十九年又因應賠公項緊急只得復向劉柱借高梁一百二十六石等語李興國係鄉村庶民有何公事及應賠公項而向劉柱屢次重利借貸其中必有地方官需索派累情弊此事在曹文植未管以前乃胡季堂任內之事現交刑部審訊胡季堂必心存迴護著交阿桂親提此案秉公嚴切究訊將該縣有何公事

公項而致村民借貸應用徹底查明務令水落石出據實奏聞勿得瞻徇迴護仍將劉柱按律定擬具奏將此諭令知之○又諭據明興秦東省運河水勢現深五六七尺不等重運本足資浮送日內汶河運河分水口泗河俱各長水二三四尺不等現在首進幫船已入東境者二十幫俱通行無滯若在後各幫銜尾入境跟接而來自可迅速過行又據陳桂森奏直境南河一帶水勢俱已長發漕船

行走足資浮送南漕首幫已於初十日輓入安陵汛境各等語直隸山東運河水勢已陸續增長目下正交伏汛大雨時行往後泉源長發運道更可充餘該督撫即當督率沿河文武員弁一遇漕船入境無分晝夜實力催趲務令迅速抵通庶多到一幫即收一幫之益至今年漕運遲逾實因薩載李奉翰於挑濬運中河時不早建閘座以致水無攔蓄直洩無餘朕輾轉思維更深咎二人之貽誤薩

載李奉翰。惟當各矢天良。設法籌辦。上緊趨催。以期稍贖前愆。毓奇。明興。亦應會同悉心籌畫。惟當遵照昨降諭旨。實力趨行。若全漕仍能全數抵通。固屬妥善。至萬不得已。或後幫船隻。遲至八月初間。不能行入東境。回空遲誤。不能趕受冬兌。彼時再當酌量情形。一面即截留起卸。一面奏聞。亦未為遲。該督等務宜遵照諭旨。妥速酌辦。將此由六百里加緊各傳諭知之。明興。陳桂森。摺著鈔寄薩載。

李奉翰閱看。仍將作何籌辦情形。迅速各由六百里覆奏。○乙未。諭據永璋等奏稱。查明大凌河牧馬被災。前此伊等未將風雪情形聲明。請將伊等嚴加議處。所有倒斃馬匹正額照數賠補。滋生馬匹。免其一半。牧廠翼長。牧長等革職之處。改為賞給頂帶。四年之後。如將官馬牧養妥善。另行奏請開復等語。著照永璋等所請行。○諭軍機大臣等。本日畢沅奏開封。河南。陳州。各府屬於初七八兩日。

先後得雨三四五寸等語。豫省於六月初間。連霈甘霖。但被旱較廣。待澤甚殷。必得普徧優渥。方於災區有益。該撫仍應督率所屬。共相勗勵。益矢虔求。其賑恤各務。留心查辦。現在曾否續需恩膏。田禾曾否一律補種。光景如何。著傳諭畢沅。由驛速奏。以慰懸注。又據蘭第錫畢沅奏。黃河水勢長水五六尺。旋復消落。各工平穩等語。目下正交伏汛。大雨時行。不特上游一帶雨澤正多。水勢不無驟長。

且豫省春夏亢旱。正恐此後雨水漸多。河流日長。隄工不免著重。蘭第錫畢沅。務宜加倍敬慎督飭各廳汛。晝夜巡防。以期工程穩固。朕屢念河防。無時或釋。本日聞有蘭第錫六百里報。不免驚疑。及披閱時。係覆奏催趨漕船。方始放心。該督撫身膺重寄。自當仰體朕懷。悉心籌畫。勉思保護良法。不可以水勢旋長。旋消。各工平穩。少有懈弛。將此由六百里諭令知之。○又諭據順天府奏。將盤折營利。

架詞捏控。又假冒職員之寶坻縣武生劉桂。請交刑部嚴審定擬一摺。李興國等係鄉村小民。有何公事公項。緊急需用。而至重利借貸。此必地方官有科歛派累情弊。不可不徹底根究。至李興國兩次向劉桂借貸。係四十四年及四十九年。彼時曹文植尚未兼管府尹事務。係胡季堂任內之事。虞鳴球於此案。或不免有失察處分。曹文植則更無可迴護。著傳諭曹文植切實嚴查。將該村從前有何

公事及應賠公項。致李興國等屢次向劉桂等借貸各情節。詳悉查明。據實奏聞。毋稍徇隱。所有劉桂一案。即交刑部嚴審定擬具奏。○又諭據薩載覆奏。上年興武幫漕船在桃源縣尤家灣被劫一案。前經東省拏獲劉四名。訊出正犯張老。閏四年貌住址。隨諭令桃源縣選派幹役購緝。於五月十三日將首盜張老拏獲。現在未獲者尚有夥犯閏四。王老邵禿子張麻子四名。已飭嚴密躡緝等語。

地方遇有盜劫重案督緝。是督撫分內之事。興武幫漕船於上年四月在尤家灣被劫。薩載等自應飭屬上緊嚴密緝拏。乃直待山東省拏獲劉四。究出各犯年貌住址。該督等始諭令桃源縣選派幹捕於山陽縣地方將張老一名拏獲。而未獲者尚有閏四等四名。盜首張老既在山陽地方就獲。可見此案盜犯仍在江南境內潛匿。何以遲至一年之久。始將張老緝獲而未獲各犯。仍有四名之多。是

薩載閱鴉元於盜劫重案。竟視為海捕具文。全不認真辦理。徒以安靜無事。博取屬員感悅。即自以為盡職。可謂恬不知恥。薩載閱鴉元俱著傳旨嚴行申飭。仍著該督撫即飭所屬添派明幹員弁於沿河一帶。暨各犯原籍嚴密躡緝。務將閏四等四名全數弋獲。辦理毋得仍前懈弛。致滋咎戾。○又諭前因毓奇奏本年重運漕船綠水勢淺小節節阻滯。已入臺莊閘者僅十五幫。覽奏深為屢念。已屢

降旨諭令薩載等上緊撈挽迅速催趲。俾漕船無誤抵通計毓奇此摺於本月初七日奏到距今已十餘日。管幹珍身任巡漕御史。例得奏事催趲漕船是其專責。乃並未將近日該處幫船行走。若何及水勢是否加長。足資浮送。並如何設法辦理之處。具摺陳奏。現在濟寧巡漕御史阿那布天津巡漕御史陳桂森將各該處水勢幫船行走及辦理情形。分晰陸續具奏。何以該御史身任巡視南漕。於

現在漕船淺阻行走維艱。正在彼所管之地。竟一籌莫展。又無一語陳奏。豈竟坐擁廉俸。形同木偶耶。管幹珍著傳旨申飭。仍著將該處水勢漕船行走情形。據實具奏。尋奏。臣巡視南漕。刻以剔弊速漕為務。茲黃林莊以南水淺舟遲。臣未能先事豫籌。僅與漕臣毓奇會奏。剝淺情形。未經專奏。實臣拘泥糊塗。乃蒙僅予申飭。並諭將現在情形覆奏。查本年漕船因去冬回空遲延。又因運中河大挑鋪

水稍遲。南漕首幫於三月十三日始渡黃。邳宿一帶守剝以致入東太遲。頭進船二十五幫。雖於本月十三日全出江境。二三進幫船已入東境者無幾。臣前於瓜口查催江廣渡江幫船過閘時。即酌量水勢。諭令卸起天蓬笨木至清黃交匯處。復諭旗丁將土宜售賣。現在三進之浙江湖北十四幫船均已渡黃。十九日晚大西北風。運口刷深三尺餘寸。湖廣幫船將次渡竣。惟江西十三幫皆抵清河

縣境。七月初可以全數渡黃。臣星馳貓兒窩各處及宿遷一帶嚴催。現有副將馬天麒親駐河口。趨渡得旨。覽此是汝竟未知地方情形。自然觀望無術也。又諭據薩載奏淮徐海三屬內豐沛蕭礪賴榆等縣未據稟報得雨。其餘各州縣陸續得有雨澤。尚未透足。徐州府城及所屬之邳州得雨一二寸等語。又據福海奏淮安地方於六月初五六等日得雨三寸及一寸等語。俱於摺內批示矣。淮徐

海三屬雨澤久愆農民亟盼渥霑今所得不過二三寸雖久旱之區得此時雨霑灑於大田不無裨益但究不能一律深透且分寸較小若非續霑優霖則二三寸之澤豈能偏資霑溉是該處農民此時尚殷望澤於播種秋種甚為要緊著傳諭薩載閔鶚元查明淮徐海三屬現在曾否得有透雨其未種之田能否趕種已種者是否長發即行據實迅速覆奏以慰厘注○又諭據舒常覆奏孫士毅辦理公務從不假手於人每日平明即起夜間三更就寢不無用心太過之處又因胃疾時發飲食減少以致形容較瘦然精神尚可支持等語所奏自屬實情封疆大吏固不可一味養尊處優然大臣不親細事為政亦當知體要若以細瑣之件而皆躬親辦理無論海疆緊要事務繁多勢難一人獨辦且恐精神照料不及轉於要務或有貽誤前已有旨諭令孫士毅善為調攝並賞給人蔭一觔大小

荷包三對以資補益而示優眷粵東地方緊要著再傳諭該撫嗣後務宜愛惜精神於辦理地方事務惟當總攝其成不可過於勞心以副朕委任眷注至意又病勢較前痊否將此傳諭孫士毅並傳諭舒常知之○又諭處州衛前幫水手聚眾毆官奪犯一案前據阿桂等奏訊據水手等實因索添工價停泊不行經外委查拏遂率眾奪犯毆官供認屬實並案內應行質訊之處州幫守備馬麟應行沿途督撫關提解部歸案辦理等語此案迄今已逾一月有餘守備馬麟等諒已解到所有現在續審情形如已研訊確實即可定擬具奏著傳諭阿桂等即將案犯迅速審辦毋使重案久延○又諭據李國梁奏副都統伊里布前往熱河行至古北口忽然心神恍惚語無倫次首告家人謀害自行投河落水似係瘋疾現將該副都統並伊家人交古北口同知明善小心看守照料等語所辦甚好伊

里布竟係瘋病。幸李國梁在彼照料。不然必致自戕。此時且不必令至熱河。即著李國梁派人照料護送至京。交阿桂。以便調理。將此傳諭知之。○補行乾隆四十九年安徽省大計罷軟官一員。不謹官一員。浮躁官一員。才力不及官一員。年老官十三員。有疾官一員。分別處分如例。○丙申。諭軍機大臣等。據明興奏。通省得有透雨地方。俱已播種齊全。其得雨止二三寸。勉力補種者。聊城等十七州

縣。因受旱較重。未能補種齊全。若遇東暑。仍不能普被渥澤。則旱災已成。秋收無望等語。聊城等十七州縣。雨澤缺少。農民不能及時趕種大田。是該處旱象已成。如於大暑以前。得霑渥澤。尚可補種雜糧。苡麥。稍資口食。但本月十七日。已交大暑。現在又逾兩日。該撫此摺。於十五日拜發。如十七日以前。已得透雨。自應續行奏報。或至今仍未渥澤。則該處農民秋收無望。將來餬口維艱。該撫當實心

體察。妥為撫恤。一面奏聞。一面辦理。不可稍存諱飾。致災黎或有失所。至江蘇之淮徐海三屬。安徽之亳州。蒙城等處。均未得有透雨。屢經降旨詢問。各該督撫。令其據實奏報。現在節逾大暑。曾否普被甘膏。得以乘時補種大田。將來是否不致成災。並著該督撫迅速據實覆奏。以慰厯注。將此由六百里各傳諭知之。○又諭。豫省於六月初三。初五。兩日。連霑甘霖。農民自可趕種晚秋。但該省衛輝一

帶。久經旱暵。土脈乾燥。前此所得之雨。尚恐未能透足。必得濃膏續霑。方於災區有裨。昨據畢沅奏。開封河南陳州各府屬。於初七八日先後得雨三四寸。而衛輝等處。未經該撫奏及。朕心深為廕念。著傳諭畢沅。即將衛輝一帶。及附近災區各屬。自初三。初五得雨之後。近日曾否續被恩膏。地脈滋潤。田禾得以一律補種。及光景如何之處。即速由驛覆奏。以慰懸注。將此由六百里傳諭知之。○又諭

據毓奇覆奏催趙南糧幫船情形一摺已於摺內詳悉批示矣毓奇前奏二進南糧幫船過天津關須至九月下旬恐致凍阻不能回空受兌所言過當未免跡涉張皇經朕屢降諭旨訓諭方稱儘催北上不敢豫存截卸之見稍事聲張毓奇早已聲張於前接奏朕旨始改為此言水淺漕遲非毓奇之過而此則毓奇之過然能知過而思奮上緊催趙朕亦不加之責備也至伊摺內所稱親押各幫軍

丁將舵水所帶竹筏筴等物盡令起卸未免過甚又稱例帶土宜亦令其酌量售賣以前進起剥之費等語所辦尤屬非是各幫軍丁貧乏者多安得有資本置買貨物其所載土宜大約俱係商賈附帶軍丁不過得有腳價藉沾餘潤若令沿途售賣則商賈之本利俱虧旗丁將賠償不暇又安能藉此為起剥之費且貨物於途中賣去不能北來商賈聞此信息尤必昂貴居奇辦理殊未妥協漕

艘附帶土宜原有定例自應於正供米石之外酌量船身輕重喫水深淺有一分餘地令帶一分貨物乃向來簽盤查驗該督等視為具文不以國家之事為事任憑旗丁等肆行攬載以致喫水過深行走遲滯及至水勢淺阻船不能行則又盡將所帶客貨押令概行起卸商賈勢必重雇船隻裝載至京腳價繁多京師貨物安得不日漸昂貴耶總之此事該督不能慎之於始飭令旗丁少裝貨物以

期船身輕便易於行走現在又復盡令起卸是其辦理不善由來已久嗣後該督務須實心查辦力挽前非嚴飭各幫運弁旗丁等於受兌時不得多帶客貨簽盤時仍親身加意查驗以期糧歸實載貨得酌裝於公私兩有裨益方為妥善將此由六百里諭令知之○丁酉諭軍機大臣等據薩載李奉翰覆奏本年水無攔蓄漕船不足以資浮送皆因薩載等不能早為督建開工之故雖經議處究有



餘事所有添建兩閘連開挑月河原估工料銀五萬餘兩應請不准開銷各認分賠一面多派幹練文武員弁沿河按段嚴行催趲一面於水淺之處募夫上緊撈挖並於可以引黃接濟之處設法挹注以資浮送總期銜尾前進催令抵通又據毓奇奏悉心詳細覈計本年重運到通船隻尚可趲至十分之六七各等語已於摺內詳悉批示矣今年漕運遲逾實因薩載李奉翰於挑濬運中河時不早

平奉翰等

二八

建閘座以致水無攔蓄直洩無餘伊等前奏尚欲迴護掩飾朕屢經降旨訓飭始愧悔引咎設法嚴催如此方是知過思奮而毓奇前奏亦不免豫占地步今已自認冒昧不敢稍存推諉儘力嚴催現亦無可訓諭著傳諭薩載李奉翰會同毓奇各矢天良感奮自効悉心籌畫設法催趲務期多抵通一幫庶通倉多貯一幫之米至萬不得已後數幫斷不能催令抵通即使抵通亦必有誤回空受兌

者方可再行酌量情形奏請截留起卸此時斷不可遽行聲張致弁丁稍存觀望將此由六百里諭令知之○又諭據蘭第錫等覆奏陳福莊引河分溜四分有餘高家寨埽工雖不能淤墊斷流但該處現係拖溜其對面灘崖之上抽挑溝槽昨經大水業已衝刷成河隄工不致著重等語引河分溜四分高家寨對面灘崖所挑溝槽又已衝刷成河此係絕好機會若能使大溜全掣則高家寨埽工於墊更為妥善近日形勢若何著蘭第錫等即行奏聞以慰廑注再閱圖內高家寨迤東處所埽工過於向南溜勢至此南趨恐成入袖之處或將埽工取直鑲做逼溜北趨隄工更覺易於防守已於圖內用硃筆標示目下正屆大汛礙難難辦理著傳諭蘭第錫畢沅俟秋汎平定後察勘情形將硃筆所標是否可行與隄工有無裨益之處據實覆奏將此由六百里傳諭知之尋奏六月二十及二十一等

日黃河水陡長四尺至六尺七八寸不等。十二日已消一尺餘寸二十四五日又消尺餘。工程平穩。此次長水渾濁。儀封三堡毛家寨埽前均已停淤。大河趨向東北。至儀封舊城之東折而東南。陳福莊引河形勢益順。惟較大河中泓尚窄。目前仍止分溜。未能全掣。現將河頭上唇不時展寬抽挑。以期得勢。至高家寨對灘溝槽掣溜衝刷河面寬至三四百丈。迤西埽工二百餘丈。澄淤最厚。已露旱

灘。迤東埽尾二百餘丈。亦俱漫緩停淤。惟中間二三大因大河與對面溝槽溜分兩股。埽前尚有拖溜。此次長水雖大。已將埽工加高。不致有湧激墊陷之事。至迤東工尾埽工過於向南。現於河灣處疊築土埝。斜長三四十丈。即遇水長不致入袖。刷成河形。俟秋後水落歸槽。再於迤上酌量辦理。得旨覽奏稍慰。又批是好機也。又諭前據畢沅奏衛輝開封等屬缺雨地方俱已陸續得有甘霽。農民

現在及時播種。又據明興奏迤西之充曹濟等府州屬及迤東之登萊青沂各府屬亦俱於望雨孔亟之時先後均霑渥澤。是河南山東二省旱暵較重之區此時均已霑潤。農田可冀有秋。憂厯為之稍慰。而江蘇之淮徐海三屬安徽之亳州蒙城等處與豫東二省境壤毗連。尚未據該督撫等奏報得有透雨。現在節逾大暑。若能於日內優被濃膏。大田或可趕種。倘此時仍未渥霑。則該處災象已成。

閭閻生計甚為可慮。朕心軫念綦切。著傳諭薩載閔鶚元書麟即行查明各該處曾否得有透雨。如有應行撫卹者仍遵前旨一面辦理。一面奏聞。毋使災黎稍有失所。將此由六百里各傳諭知之。又諭刑部覈覆直隸省馬七兒因與蕭得寬頑戲將巴豆給食以致蕭得寬腹瀉身死按律問擬絞候。並稱馬七兒年僅十四應否減等。照例聲明一本。巴豆能毒人致死。盡人皆知。況該犯年已十四。知

識已開不得謂之無心戲殺是以用絞候簽批發若因年僅十四入緩決可也並將此諭令刑部堂官知之○又諭昨據毓奇覆奏催趙南糧幫船情形一摺當經降旨訓諭本日又據毓奇覆奏從前僅按幫船入東情形扣算遽稱抵通恐致遲誤實屬冒昧並據薩載李奉翰覆奏未經早建開座致運河阻淺愧悔認罪兩摺亦已於摺內詳悉批示著將昨降寄信毓奇諭旨及本日硃批薩載毓奇等

摺各鈔錄一分寄與在京大學士九卿閱看但今年糧艘所帶南貨前經毓奇押令起卸沿途售賣辦理實屬過當雖據該督奏途次所銷尚屬有限接奉諭旨後已聽其攜帶抵通售賣究恐今年糧艘所帶南貨抵通者較之往年不免短缺大學士九卿皆朕任用之人此等有闕國計民生之事原無妨共使聞知阿桂當囑令留心慎密不可聲張洩漏使商賈等知抵通南貨短少致啟壟斷居奇之

弊將此諭令知之○吏部議覆山西巡撫農起奏稱歸化城同知常明推陞理藩院員外郎請仍留同知本任照例扣滿三年遇缺題補雖與奏准之案相符但既經推陞復留本任恐啟希圖外任不願京陞之漸應請嗣後直隸熱河等處理事同知通判並山西歸化城理事同知推陞京缺奏請仍留本任之例停止從之○以左副都御史梁敦書為工部侍郎原任山東布政使馮晉祚為左副都御

史○戊戌諭軍機大臣曰富勒渾奏據署晉江縣知縣方維憲稟報該縣差役協同營兵拏獲賊犯魏概吳老二名走過沙塘鄉忽有魏光糾合多人前來搶奪適遇外委蘇日華帶領目兵五名巡查地方上前擒拏魏光等將營兵外委俱行毆傷兵丁放鎗打死首犯魏光衆犯始退先後拏獲賊犯十一名飛提至省嚴審究辦等語漳泉一帶民情本屬犷悍晉江縣刁民魏光等竟敢糾衆奪犯拒傷

官兵實屬目無法紀不可不盡法嚴辦以示懲創著傳諭富勒渾即將已獲各犯嚴切究訊除首惡及持械傷兵者罪在不赦外其餘為從各犯雖罪不至死亦應問擬發遣新疆不可復留原籍其首犯魏光雖已傷斃仍應於犯事地方梟示仍著該督嚴飭文武將蔡吉等各逸犯盡數拏獲歸案審辦毋使一名漏網至富勒渾摺內稱匪夥十四人蘇日華帶兵五名及縣役汛兵八名數亦相等何至

被該犯等傷及官兵五人而奪犯之人止有魏光一名受傷等語未免過於苛求兵丁等突然見有賊犯搶奪即上前擒拏且放鎗將首犯打斃尚屬勇往出力此而更加之吹求苛責恐兵丁等反因此畏葸不前於緝捕甚有關係富勒渾可毋庸再向該兵丁根究至外委蘇日華捕賊受傷後尚能幫同獲犯尤屬可嘉著傳諭富勒渾即將該外委拔捕千總俟得缺後再屆俸滿照例送部引見將此

由四百里傳諭富勒渾並諭任承恩知之○又諭各省大小文武官員私建去思德政等碑前經降旨令查明撲毀嗣據劉秉恬將雲南省毀過碑數詳查具奏復降旨諭令各督撫仿照辦理仍具摺奏聞本日據農起奏山西省共查有去思德政等碑四百三十座最為相沿陋習現俱逐一撲毀等語地方官吏私令民人等代為立碑頌紀邀譽最為惡習必應革除且山西省自康熙年間至今所建

之碑已有四百三十座目今誰復顧視過而問之可見私好私惡全不足憑滇省距京最遠早經查辦而直隸山東河南等處皆係近省何以續經降旨之後僅據農起遵照查明具奏而劉綏等俱未奏及豈該督撫於此等陋習尚復有所繫戀瞻顧而不速為查毀耶著再傳諭令各該督撫務遵前旨實力詳查妥辦迅速覆奏○己亥諭軍機大臣等據徵瑞奏本年長蘆鹽引因災滯銷請將應完正

餘引課除宣化府包課照舊徵完外共銀五十五萬餘兩暫為緩徵於奏銷後分作五年帶完等語長蘆商人行辦直隸河南各州縣鹽引豫省本年兩澤愆期麥收歉薄或致鹽引不能暢銷尚為情理所有至直隸雨水調勻麥收尚屬豐稔何得亦云因災滯銷將長蘆應完正餘鹽課概行奏請緩徵辦理殊未允協現已交行在戶部議駁但究念長蘆商人向非充裕轉輸未免拮据俟部議上時朕欲酌量加恩令分作三年帶完以紓商力至另片所奏長蘆商人應交帑利銀二十餘萬兩與山東帑利銀五萬兩均請分作三年帶完此等應交內務府利銀非正課可比尚屬可行著照所請准其分年帶交並諭內務府知之○庚子遣官祭

火神廟○諭軍機大臣等據劉戡奏盤獲總漕委弁王進朝等究出得錢封貼剝船包攬攜帶南行各情弊且查王進朝並無隨身委

實錄卷一百三十三

三

實錄卷一百三十三

三

牌執照其所戴千總頂帶恐係冒充必須徹底嚴究等語委弁等私帶船隻賺錢使用實為向來積弊現當漕艘北上之時需用剝船甚多王進朝乃從中包攬漁利自當審明辦理俾知懲儆所有此案人犯即著劉戡送交刑部嚴審定擬具奏其吏目竺華邦巡檢劉捷登奉委查催剝船因見王亮公船上所貼封條並無印信訊出王進朝得錢攬帶各情節尚屬留心能事並著劉戡酌量以該吏目等應陞之缺咨部陞補以示鼓勵將此傳諭劉戡並諭刑部知之○又諭據曹文植覆奏李興國等公事緊急重利借貸一案緣寶坻縣有鮑邱河一道兩岸民埝遇有殘缺及汎水泛漲俱係村民自行修築防護李興國等因四十四五等年缺口急需物料堵築設措不及又因應交分賠拆毀房屋錢文拖延未清先後向劉柱借貸地方官並無因公科派情弊等語鮑邱河隄埝乃係例應民修四十

四五等年汎水泛漲所有購買物料堵築等事係百姓自行議辦至票催賠項亦係拆毀房屋應行賠還錢文則皆屬村民保護田廬各自經手事件安得謂之公事公項曹文植前摺措詞殊未明晰故朕恐有因公官派擾民之事以致降旨詢問今既據查明此案實無地方官科歛派累情弊自可聽刑部審明按律定擬完結著傳諭曹文植此後遇有應奏此等事件務留心斟酌毋得仍前含混○

又諭豫省衛輝一帶於六月初三初五兩日連霪甘霖農民自可趕種晚秋但該處久經旱暵土脉乾燥前此所得之雨尚恐未能透足必得續霪濃膏方於災區有裨屢經降旨詢問未據該撫奏及朕心甚為廕念昨召見雲南提督鄂輝詢以所過衛輝一帶光景如何據奏災黎寧帖但情形甚屬拮据可憐等語朕聞之深為憫惻該處被災甚重非數年豐收元氣不能驟復此時即得透雨趕種雜

糧而秋成尚早災民嗷嗷待哺安能即解其愁苦情形朕軫念窮簷無時或釋畢沅惟當仰體朕懷加意撫卹設法補救斷不可以該處已得雨澤民氣畧甦遂謂可以放心稍弛撫卹之念至河北各屬賑卹拊循諸務最關緊要畢沅委江蘭在彼往來督辦甚是近亦據該布政使將辦理情形奏聞尚屬奮勉妥協著傳諭江蘭令其常駐河北往來災區督率地方官實力撫卹務俾窮黎均霑實惠不

使一夫失所俟將來秋成後民食稍充再行回省亦不為遲將此由六百里傳諭畢沅並諭江蘭知之仍著畢沅將近日曾否續得透雨災地民情若何據實迅速由驛覆奏尋奏大河南北自六月初旬得雨嗣於二十三日後續霪甘霖禾苗長發開封衛輝彰德懷慶等府屬俱於二十六七等日一律均霪深透其歸德陳州河南許州陝州等府州屬俱同日得雨三四五寸不等臣查看黃河水勢觀

赴各村並諮詢父老僉稱雨澤普施實為四  
五年來未見惟今春各屬二麥失望之處甚  
多間有秋禾不及普種者將來未免成有偏  
災應一併確實查勘分別辦理倘以雨澤既  
霑少弛寅畏愆難自贖臣心何以自安現飭  
藩司江蘭常駐銜輝率屬妥辦一切荒賑事  
宜其賑卹銀糧及賞借蠲免各項均須派員  
分別嚴查得旨覽奏欣慰又批常存此心自  
獲

天佑 戶部議駁長蘆鹽政徵瑞奏請本年鹽  
課緩徵得旨部駁甚是但念本年直隸各屬  
雨暘應候二麥雖屬有秋而河南被旱地方  
較廣麥收歉薄鹽引不能暢銷亦屬事理所  
有商力究未免拮据著加恩將本年長蘆應  
完正餘引課暫行緩徵分作三年帶完以紓  
商力此後不得援以為例○辛丑諭軍機大  
臣等據黑龍江將軍恒秀奏遣犯王鳳於五  
月二十三日在配脫逃等語王鳳係搶奪為

從免死減等發遣黑龍江給兵丁為奴之犯  
膽敢乘間脫逃情殊可惡計其逃竄後或由  
山海關一帶潛回本籍均未可定著傳諭直  
隸河南湖北各督撫派委妥幹員弁實力躡  
緝務期迅速就獲照例辦理毋致漏網○又  
諭據傅景奏稱伊勒圖自四月以來舊疾復  
發適體沈重精神恍惚等語朕心深為軫念  
著派御前侍衛豐紳濟倫同伊弟薩哈蘇帶  
同御醫前往診視並發往如意一柄及朕所

佩小荷包一對齎賞伊勒圖令安心調養著  
傳諭奎林星速將烏魯木齊都統印務交該  
處領隊大臣暫署馳赴伊犁署理將軍事務  
至伊犁時傳諭永鐸令其即赴烏魯木齊署  
理都統印務伊勒圖即可緩程來京著傳諭  
伊勒圖奎林並諭永鐸知之○壬寅諭據王  
懿德奏鳳陽關稅一年期滿共收正額盈餘  
銀十四萬四千六百餘兩比較四十七年少  
收盈餘銀四萬一千七百餘兩願請賠補等

語闕稅短少。因應照例賠補。第念該闕錢糧盈絀。由於豫省年成之豐歉。豫省連年歉收。民情拮据。所獲籽糧尚不敷本境民食。實無餘糧運販出境。以致船隻過闕稀少。稅課短絀。自係該闕實在情形。所有此次鳳陽闕短收盈餘銀四萬一千七百餘兩。俱著加恩寬免。該部知道。摺併發。○癸卯諭曰。書麟奏。河南柘城縣奸民王金等糾衆奪犯。拒傷官兵一案。亳州距柘城不遠。該州知州陳三辰聞

信。即會同亳州營都司多隆五州同王時亮督率兵役防守城池。並於交界處所先後拏獲首犯王立山等。俱屬奮勉出力等語。除知州陳三辰業經降旨。令該撫送部引見外。其都司多隆五州同王時亮俱著交部議叙。以示鼓勵。又諭據書麟奏。通省被旱各州縣內亳州蒙城太和宿州靈璧五州縣民力不免拮据。泗州五河天長盱眙四州縣有業之戶僅可支持。其鳳陽定遠懷遠三縣雖已得

雨。民力仍屬拮据。鳳陽泗州長淮三衛屯軍情形亦屬相同。等語。亳州等十二州縣因雨澤愆期。農民不能趕種。大田情形均為拮据。著該撫即遵前旨。體察受災輕重。分別酌借籽種口糧。以資接濟。其鳳陽泗州長淮三衛屯軍亦著照坐落州縣一體辦理。亳州等八州縣無業極貧下戶。因亢旱日久。無處趕工覓食。現在餬口維艱。等語。亳州蒙城宿州靈璧泗州五河盱眙天長八州縣無業極貧下

戶口食無資。情形甚為可憫。著賞給一月折色口糧。俾資生計。該撫即督率所屬實力奉行。務使災黎均霑實惠。不致稍有失所。該部即遵諭速行。諭軍機大臣等據書麟奏。柘城縣竄逸之要犯戴文興一名現飭亳州等屬上緊設法偵緝。等語。戴文興為賊匪頭目。刦囚抗官。不法已極。斷不容漏網稽誅。今又月餘尚未據奏報拏獲。該犯在柘城滋事。後見緝拏緊急。非竄往交界處所自必仍於原



籍附近地方藏匿著傳諭畢沅再嚴飭各屬務將戴文興迅速拏獲辦理勿因有鄰省之協同緝捕遂爾日久懈弛致要犯久稽顯戮至豫省衛輝一帶於六月初三初五兩日連霈甘霖農民自可趕種晚秋但該處久經早曠土脉乾燥自前此得雨之後迄今又逾半月必得續霈濃膏方於禾稼長發有益屢經降旨詢問未據該撫奏及朕心甚為厯念著傳諭畢沅即將近日曾否續得透雨田禾光

景若何迅速由驛據實覆奏以慰厯念將此由六百里傳諭知之○又諭據步軍統領衙門奏江西廬陵縣生員郭榜呈控該縣修理志書生員彭寅等經理藉端派累民間銀兩又將不應入傳之劉遇奇濫入志書將劉遇奇所作詩賦呈首等因一摺閱所告情節似係挾嫌呈控但該縣重修志書何至科派民間銀至七千餘兩之多著交薩載會同舒常提集犯證秉公查訊定擬具奏如永保業已

到任著交永保會同薩載審辦舒常即可起程進京將此諭令知之所有原摺並郭榜原呈俱著發寄閱看又諭據書麟奏通省缺雨情形並請將亳州蒙城等積歉之區賞給一月口糧等語已於摺內詳悉批示並明降諭旨矣安省各屬缺雨處所甚多朕早為該省齋心默叩

天恩覽奏更厯憂念現在已交大暑節候已遲如月內普得透雨尚可趕種晚稻雜糧此時曾否得有渥澤農田光景如何即著迅速覆奏以慰懸注其成災各屬著該撫妥為撫卹俾得均霑實惠毋致一夫失所至書麟另片奏稱亳州距柘城甚近民間初聞該縣有糾眾奪犯之案不免驚惶知州陳三辰會同都司多隆五募集回漢鄉勇二千人防守城池等語回人久隸編氓即與百姓無異何必為之分晰即欲分叙亦當言漢民回子豈得率稱回漢此等最為劣幕行文惡習書麟不加

檢點遽爾入奏已用硃筆抹出著傳諭書麟嗣後於陳奏事件務須留心檢點毋得仍前謬誤○以頭等侍衛福寧為正藍旗蒙古副都統○甲辰諭據畢沅覆奏倉場衙門查出兌運豫省黑豆內四千六百八十石成色攙雜即係考城武陟溫縣三屬所交之豆實因去秋歲事不登以致豆色稍減等語此事前據倉場侍郎叅奏朕即以上年豫省因早歉收豆色未能純淨情尚可原該侍郎不應復加苛求傳旨申飭並恐保泰等意存迴護特交阿桂慶桂查明具奏嗣據阿桂等查明此項豆石領運千總高玉麟在豫受兌時顆粒原係大小不一至豆色微變綠楊村雇船起剥途次遇雨未將剥船遮蓋妥當豆石多有潮濕以致成色攙雜請將高玉麟交部議處其揀出微變豆石著落賠補是此項豆石顆粒不勻因由於受早歉收所致而豆色之微變則由於起剥後運弁高玉麟並不小心遮

蓋遇雨潮濕以致成色不好即將該弁議處著賠亦屬咎所應得但念今歲雨澤愆期河水淺阻各省重運俱不能尅期抵通高玉麟所運豆石亦因水淺起剥遇雨潮濕其不能遮蓋妥協尚非有心貽誤者可比高玉麟業經著賠已足蔽辜所有前請交部議處之處著加恩寬免○諭軍機大臣等據藍元枚奏淮徐海三屬連得雨澤雖尚未充足而沿河低處俱已栽插秧苗以冀秋收等語淮徐海各屬總未據該督撫奏報得有透雨何以秧苗俱已栽種藍元枚所奏恐非實在情形或因江省本係澤國其濱臨河湖窪下地畝可以車戽取水者間已及時插蒔而高阜之區恐不能一律分秧插種則於秋成仍有妨礙該處窪區高地通盤計算田畝分數是否足以相當或窪區多於高地或高地多於窪區著薩載等查明據實覆奏本日又據明興畢沅奏到豫東二省均已續得透雨江省淮北

一帶安徽亳州等處境壤毗連此時是否亦  
霑渥澤目下已居中伏正當大雨時行之際  
若該處尚未得有優霽則農民不能趕種秋  
糧閭閻餬口維艱甚為可慮著再傳諭薩載  
閔鶚元書麟即將現在受旱各屬曾否得有  
透雨晚禾能否一律栽種之處迅速據實覆  
奏將此由六百里各傳諭知之○又諭據毓  
奇奏幫船行走及水勢情形一摺已於摺內  
詳悉批示矣據稱江西幫船尚有十五幫約

計六月底七月初旬即可全數渡竣等語如  
此則毓奇前此所奏二進幫船須於九月下  
旬過津即虞凍阻之語不為豫占地步過於  
冒昧乎又稱浙江幫船於七月二十後入東  
者扣算回空亦須截卸則為數更多北倉廩  
座祇可貯米三四十萬石即江廣漕糧亦恐  
不敷堆貯等語此又非毓奇分內應辦之事  
屆時自當斟酌辦理該督又為此豫占地步  
之言足見其器小識卑竟不能擔當大事大

失朕期望之意毓奇所奏皆為迴護之見甚  
屬非是著傳旨申飭仍著會同薩載李奉翰  
等儘力督催務令漕艘迅速過行儘數抵通  
毋得先存截卸之見將此由五百里諭令知  
之○又諭據畢沅奏開封省城於二十二日得  
雨三寸現在雲氣往來雨勢甚廣遠近可冀  
普霑又據明興奏濟南東昌武定萊州青州  
各屬陸續具報於十六十八等日得雨二三  
四五寸及深透不等二十三日臺莊地方得

雨五寸附近之兗沂曹濟等處或可共霑各  
等語豫東二省得此雨澤接潤已種大田藉  
滋長發覽奏稍慰廛念但衛輝一帶被旱尤  
甚必得濃膏疊霈秋成可望有收該撫仍應  
督率文武官員共相兢惕虔事祈求以冀甘  
霖再霈至東省二十三日之雨聊城等十七  
州縣曾否一律普霑農民曾否趕種雜糧蒞  
麥倘此時仍不得透雨則旱災已成該撫即  
當妥為撫卹以安災黎毋使失所將此由六

百里諭令畢沅明興知之。仍著各將現在缺兩各屬曾否又得渥澤普霑農田光景如何之處迅速由驛覆奏。○又諭本日薩載等奏辦理催趲漕船上緊挽運一摺據稱現詣交界處所與毓奇明興會商籌辦路經邳宿一帶催令各幫船晝夜挽運以期全數抵通至本年重運濡滯皆由上年運中河未經早建閘座不能藉收束水之益等語此時言之晚矣可謂不知恥已於摺內批示本年南漕北

上運中河一帶節節淺阻實因薩載李奉翰上年估建閘工後並不豫行建閘及上游放水鋪槽毫無攔蓄一洩無餘以致糧運淺攔稽遲經朕節次降旨嚴飭該督等始行籌辦催趲而建閘遲延貽誤重運之處該督等並不痛自引咎愧悔且稱八閘水短漕船節節拗板意欲卸過於東省屢經降旨申飭此次摺內始據稱從前未曾先事豫籌寸心慚懼何言之不忤也薩載李奉翰著再傳旨申飭

至現在三進江廣幫船未經渡黃者止有十九幫行走尚屬迅速著該督等嚴飭地方文武員弁妥協催趲前行以期全數抵通無誤回空受兌為要。○乙巳諭據全德奏泰州分司所屬伍佑新興廟灣三場坐落淮安府屬之阜寧鹽城二縣地方因天氣久晴糧價昂貴竈戶買食維艱現撥鹽義倉穀石平糶等語本年淮北各屬雨澤稀少業經加恩將錢糧緩徵並賞借貧民口糧以資接濟至該竈

戶等因產鹽有限口食拮据自應一體加恩賑卹所有伍佑新興廟灣三場乙巳已綱應輸折價錢糧著緩至秋鹽產旺時再行徵收并酌借一月口糧俾無力竈丁得資口食該部即遵諭行。又諭前因安徽亳州等屬雨澤愆期農民不能趕種大田情形拮据屢經降旨加恩撫卹並令截留漕米五萬石以備賑糶之用本日據薩載奏當塗巢縣靈璧亳州蒙城盱眙五河滁州來安和州等州縣均於

六月初一初四等日得雨五分至一二寸不  
等其餘寧國旌德廬江霍邱太和天長廣德  
等州縣據報均未得雨等語看來安省亳州  
蒙城等處業已被旱成災將來尚須賑卹口  
糧以資接濟又據管幹珍奏江西十三幫漕  
船現俱抵清河縣境銜尾待渡約計六月底  
七月初可以全數渡黃等語江西各幫船身  
較重現在甫經渡黃恐不能迅速抵通著於  
尾後各幫內再截留漕米十萬石交與該督

撫以備安省賑卹之用該部即遵諭行○諭  
軍機大臣等據江蘭奏雨澤情形一摺內有  
現在仍隨撫臣益相勗勵日事虔祈不敢稍  
萌怠忽等語豫省各屬本年旱暵成祲衛輝  
一府乾燥尤甚朕虔誠默籲屢飭該撫等率  
屬勤祈並令曉諭紳民不可稍存怨尤之念  
今幸

昊蒼靈貺於暑伏前後渥霽頻施大河南北一  
律翻犁播種秋禾出土潤澤青蔥此即

上天仁愛斯民轉災為福朕心實深敬感該撫  
等此時惟當默矢齋心益加寅畏自可感迓  
天恩若復設壇祈籲至再至三是因為民祈澤  
而轉煩瀆於

天神殊非潛孚默感之道著傳諭畢沅嗣後固  
不可稍存怠忽亦不當復有所求現在靈澤  
業已均霑想大田插蒔以後自可續被優霽  
滋長也將此傳諭畢沅並諭江蘭知之○丙  
午諭軍機大臣等刑部覈覆陝西省賈登明

殺死朱隴州兒並勒死伊妻高氏將賈登明  
照謀殺律問擬斬候聲明入於本年秋審情  
實一本朕細閱此案情節賈登明因欲售賣  
伊妻經伊表兄朱學貴正言斥阻輒挾忿將  
朱學貴之子朱隴州兒趕殺立斃又慮殺人  
應抵復將伊妻高氏勒死將頭割放朱隴州  
兒身旁裝點奸情挾忿無恥逞兇連斃二命  
殘忍已極僅擬斬候趕入本年情實尚不足  
蔽辜賈登明一犯即應改擬斬決著將原本

發交刑部改擬具題仍傳諭該堂官等嗣後遇有似此逞兇慘殺二命案件務留心酌覈以期允協○禮部議准山西學政戴衢亨奏稱代州所屬五臺縣文風素優額進十二名不能溢取查右玉縣學額取進十五名應試士子無多且文理平常不能足額應裁去五名撥入五臺縣學從之○又議准陝甘總督福康安奏稱鎮西府屬生童自改歸烏魯木齊都統局試之後往返長途不便請仍復舊

制將鎮西府宜禾奇台二縣生童就近歸府局試仍照例將試卷封送學政按額錄取從之○以內閣學士巴忠為理藩院侍郎○丁未諭據富勒渾奏稱恭將瑚圖禮之叔原任驍騎校烏什泰上年十二月由盛京私行進京又於本年二月間潛至福建欲領執照前往臺灣尋覓伊姪瑚圖禮查烏什泰並未告假私自潛行委員解送刑部辦理等語烏什泰本係盛京旗人即欲往尋伊姪瑚圖禮其

可否之處應在該旗告假豈可私自由盛京進京又由京潛往福建烏什泰於去年十二月進京後盛京將軍並未詳報而自京入閩該旗又未能察出所司何事著將盛京將軍及該旗都統等嚴行申飭外仍著查明緣由各據實明白回奏○諭軍機大臣等據書麟奏宣城縣知縣胡鵬雲詳稱先後接到五經博士東野崇鑄公文四角選得吳靖臣等二十五名堪補奉祀生移令註冊查係太平縣

民人王千尺等串通東野博士書辦李鵬宗包攬代捐現在查拏究辦等語奉祀生例於本省嫡裔內選擇充補咨部給照不得以隔省之人指名濫充乃王千尺等串通書辦李鵬宗包攬代捐宣城一縣已有二十五名之多其中必有假捏印票欺騙取財情弊自應徹底根究以杜冒濫著傳諭明興即將書辦李鵬宗拏獲究訊解赴安徽省交與書麟歸案審辦並查明東野崇鑄是否知情分肥或從

中另有別情一併分別辦理具奏將此並諭書麟知之。又諭據何裕城奏從前抄原任衡州府知府王士瀚原籍房屋地內有地十四畝五分零係王士瀚與伊姪王棟等公共祖墳又墳旁基地五畝五分零上有守墳莊屋二十間應否免其入官等語查抄家產墳地向來例不入官既查係王士瀚與伊姪王棟等公共祖墳自應給還原主此事止須咨部存案何裕城不諳成例是以請旨辦理至

查抄王士瀚家產係四十七年之事何以直至此時始行估變其因何遲延緣由並著該撫查明覆奏將此傳諭知之。又諭據書麟奏五月分糧價單朕詳加披閱內廬州鳳陽潁州泗州等府州屬俱注價中安省本年逆北各府兩澤愆期廬鳳潁泗等屬節據該撫奏報農民不能一律趕種秋田現在分別賞借口糧籽種前後共截漕十五萬石以資接濟是該處民情拮据市集糧價必然昂貴乃

該撫於單內一律俱注價中豈米糧時值竟不因災旱增長耶該撫不過據屬員稟報輒依樣砌寫入奏而於各該處實在情形並未實心體察何辦理疏忽若此著傳諭書麟即查被旱地方現在市集糧價若何分晰據實覆奏毋得稍存隱飾迴護。以署正白旗蒙古副都統泰斐英阿為正白旗漢軍副都統是月直隸總督劉峩奏本年運河水淺糧艘不無阻滯臣分委幹員前往古淺各處上

緊撈挖嚴飭該管文武員弁俟漕艘入境即依限趲行統計重運尚有九十一幫可以抵通者若干幫應於沿途截留者若干幫此時可按程覈計臣已分別咨詢兩江督臣薩載等俟覆到妥協辦理直隸離通較近苟可無誤回空即應趲入直境起卸倘安陵連鎮泊頭等處不敷寄貯當於沿途州縣附近水次之廟宇等收存設法妥辦得旨知道了又批是毓奇所奏不無過甚為豫留地步之言今

既大雨時行衛河水長又非亢旱光景矣○  
廣東巡撫孫士毅奏粵東每年應徵銀米均  
有民欠州縣措墊奏銷藉免處分州縣墊解  
後於交卸離任時將民欠減為六折七折作  
為後任抵項輾轉抑勒挪新掩舊皆由此起  
臣現委員分赴民欠最多之高要保昌等縣  
四鄉將上年未納各戶查對均係實欠在民  
此外如羅定德慶清遠翁源歸善博羅等積  
欠累累其餘俱飭嚴查所有四十年以後民  
欠挨造清冊限三個月掃數全完有實在逃  
亡絕戶者毋庸列入至追出銀米如係現任  
州縣墊解仍給還本任倘追出積欠係接收  
前任移交流抵之項概令入官一體咨部報  
撥得旨不料汝竟能如此勉為之李湖素稱  
風勵何未辦及此耶

大清高宗法天隆運至誠先覺體元立極敷文  
奮武孝慈神聖純皇帝實錄卷之一千二百三十三



大清高宗法天隆運至誠先覺體元立極敷文奮武孝慈神聖純皇帝實錄卷之一千二百三十四

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣等謹

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣等謹將內大臣戶部尚書鑲藍旗滿洲都統軍功紀錄五次

尋常紀錄十四次臣等謹將經筵講官太子少保工部尚書紀錄六次臣等謹將

敕修

乾隆五十年乙巳秋七月戊申朔享

太廟遣豫親王修齡恭代行禮○兵部議准湖廣總督特成額奏稱湖北安陸營汛為滇黔入京水道要衝差繁民悍請將都司一缺改為在外揀調其湖南臨武營守備分駐藍山事務本簡應歸部選從之○已酉諭軍機大臣等據劉我奏順德府屬之唐山等縣於六月二十三、四、五等日得有透雨一摺覽奏稍慰至夾片稱永定河水勢於二十九日長水二尺四寸盧溝橋水深九尺八泓有水等語

殊不可解自係九尺八寸中泓有水脫落寸中二字以致文義不貫已用硃筆點出豈該督於陳奏事件竟不留心檢點乃疎忽遺落若此耶將此傳諭知之○又諭前據畢沅奏續審柘城縣聚眾匪犯分別定擬一摺內請旨正法之李二等六十八犯係被王金等誘逼同行持械助勢並未拒傷兵役覈其情罪尚與王金等有間且此案前經正法者人數已多朕心殊用惻然現據大學士九卿覈覆具奏朕意欲將李二等免死分別發往伊犁及黑龍江等處給兵丁為奴但此內如戴從仲一犯因係戴文興之子該撫一并擬斬立決向來逆案辦理緣坐所有首惡各犯如此案之王金王立山起意聚眾情罪重大者各犯名下應行緣坐之子孫弟姪自當問擬斬決婦女幼孩賞給功臣家為奴其餘黨惡以及脅從各犯即當按律分別辦理今該撫所奏請旨正法之六十八犯內既有戴從仲一

犯。恐其中尚有似此應入緣坐者。未據該撫聲敘明晰。若係緣坐。問擬斬決之犯。向屬從寬。改為監候者有之。又未便一律發遣。著傳諭畢沅。即將李二等六十八犯內。查有如戴從仲之犯。即照例歸入緣坐案內。速行定擬具奏。並將其餘各犯。另行逐一詳細開具供單。逕行咨送軍機處。分別覈辦。迅速具奏。候朕降旨。○戶部議覆盛京禮部侍郎宗室宜興奏稱。供應

三陵祭祀各項差丁。向俱按戶支糧。口數本無定額。請嗣後每戶以五口為率。餘口概行裁汰。其敬昇龍亭祭品之校尉各役。既與厨役人等一體當差。而口糧從未議及。近年差務倍增。丁蕃產耗。自應量予養贍。庶不有誤差徭。請將裁汰舊有口糧抵補外。每年應增餉銀四十二兩。米二百六十石零。稗二百六十石零。鹽一千七百觔零。應如所奏辦理。得旨。依議。至宜興原奏

有近年差務倍增之語。盛京

三陵祭祀各項差丁。自定鼎以來。即有一定章程。近年有何差務倍增。措詞殊屬失當。宜興著飭行。○調閩浙總督富勒渾。為兩廣總督。以福建巡撫雅德。為閩浙總督。甘肅布政使浦霖。為福建巡撫。湖南按察使福寧。為甘肅布政使。調安徽按察使郭世勲。為湖南按察使。以革任甘肅布政使馮光熊。為安徽按察使。○庚戌。以內大臣公西明。為江寧將軍。署

正白旗蒙古副都統佛佳。為正黃旗蒙古副都統。○湖南巡撫陸燿。以病解任。調福建巡撫。浦霖。為湖南巡撫。以福建布政使徐嗣曾。為福建巡撫。河南按察使伍拉納。為福建布政使。直隸熱河道當保。為河南按察使。○辛亥。諭據特成額等奏。湖北省江夏等四十七州縣。因入夏以來。未得透雨。早中二禾。鮮有收穫。糧價未免稍昂等語。江夏等州縣。因缺雨歉收。糧價加昂。民食自不免拮据。著即照

歉收地方之例。將倉穀減價多糶。該督撫其督飭各州縣實心經理。務期小民均霑實惠。毋許胥役稍滋弊竇。以副朕惠愛閭閻至意。該部即遵諭行。○諭軍機大臣等。據特成額等奏。湖北省止施南一府暨荊州。宜昌。鄖陽。三府屬。稟報於六月初二。三。等日。間有得雨。深透數處。可卜有秋。其餘各屬。僅報同時得雨一二寸。或微雨數陣。不成分寸。並有未經得雨者。請將缺雨之江夏等四十七州縣減價平糶等語。已有旨諭部矣。看來湖北省今年缺雨處所較廣。目下已屆立秋。必得甘霖大沛。或可補種晚粟秋苕等項。本日據畢沅書麟奏。河南。安徽兩省。均於六月二十七日。得被濃膏。且雲氣頗廣。湖北與河南安徽接壤。或可一律普霑。著傳諭特成額吳垣。即將江夏等處。立秋以前。曾否得有透雨。晚粟等項。能否補行栽插。迅速據實覆奏。以慰廑念。如此時仍未得有透雨。不及趕種。即當歸於

秋災案內。詳查妥辦。不可絲毫諱飾。至湖南巡撫員缺。昨已降旨令浦霖調補。浦霖到任尚需時日。特成額前往署理撫篆。甚是。該省岳常潭三府州屬。亦有數處未得透雨。並著特成額。即查明湖南缺雨等處。曾否已被甘膏。迅速奏聞。如有應行查辦者。亦即妥協辦理。具奏。將此傳諭知之。○又諭。據書麟奏。安慶省城。於二十七日。大沛甘霖。入土六寸。四野均霑等語。覽奏深為欣慰。惟是該省被旱已久。土脈乾燥。必得濃膏續沛。方於農田有益。該撫仍應督率所屬。共勗誠敬。益矢虔求。不可以業經得有透雨。稍弛敬畏。至安徽省各屬缺雨處所甚多。此次渥澤。曾否普霑。農田曾否一律趕種。民情光景若何。著傳諭書麟。即行查明。迅速由驛覆奏。以慰廑注。如有未經得雨。應行撫卹之處。當仍遵前旨。一面妥協辦理。一面奏聞。毋使災黎稍有失所。○壬子。諭。今歲漕船遲逾。實因薩載。李奉翰於挑

濬運中河時。不早建閘座。以致水無攔蓄。將山東所蓄之水。直洩無餘。而反怨山東不與水。適值山東及淮。徐春夏之間。雨澤稀少。河道淺阻。致漕艘自瘦黃。以及由運中河。黃林莊。猫兒窩。一帶淺滯處所。均須節節起剥。需費甚多。各幫運丁。越形拮据。朕心甚為軫念。自應酌量加恩。以紓丁力。其應如何加恩之處。著該部查照向例。覈議速奏。候朕另降諭旨。○又諭。據劉秉恬奏。滇省近年未完耗羨。

銀兩。均已全完無欠一摺。此事前因安徽省有節年未完耗羨銀兩。該撫書麟奏請派員清釐。分別催徵追賠。經戶部議以直隸各省。亦有積欠耗羨。令即仿照安徽省辦理。朕惟各省耗羨。究與正項錢糧不同。自雍正年間。設立各官養廉後。始行歸公。遇有動支。俱令該督撫等奏明。自未便任其懸宕。但思耗羨一項。係徵收正項錢糧時所加耗羨。斷無正項錢糧全完。而獨欠耗羨之理。此非州縣官私

自那移。即係吏胥從中侵蝕。雖當清釐。豈可以官吏之所欠。復向小民催徵滋擾。自應將未完耗羨實欠在官在吏之處。查明究治。不以累民。方為允協。其應如何分別究治之處。著該部妥議具奏。○軍機大臣等議覆喀喇沙爾辦事大臣雅滿泰奏。稱喀喇沙爾所屬額克爾齊臺。東距庫穆什阿哈瑪臺二百里。西距烏沙克塔勒臺八百里。該處泉水不充。官兵往來未便。查有喀喇赫色勒一處。祇距

額克爾齊四十里。應將該臺移駐。實為近便。又喀喇沙爾迤東布干。托克遜。蘇巴什。庫穆什阿哈瑪四臺。各有吐魯番回人十戶駐劄。前因庫穆什阿哈瑪至蘇巴什臺。相隔遙遠。另於二臺中阿哈爾布拉克地方。添庫爾勒布古爾二城。回人各五戶駐劄。月支口糧。俱由烏沙克塔勒倉領取。往返四百餘里。而庫穆什阿哈瑪臺回人口糧。復踰阿哈爾布拉克。路經戈壁。由吐魯番支領。均苦不便。請將

庫穆什阿哈瑪臺之吐魯番十戶移駐阿哈爾布拉克其阿哈爾布拉克臺之庫爾勒布古爾五戶再增五戶并移於庫穆什阿哈瑪臺應如所請從之○以降調湖南鎮草鎮總兵永安為江西南昌鎮總兵○癸丑雲貴總督富綱等奏滇銅年額遞增運費較多歲撥銅本銀八十五萬兩不敷支放請自五十一年為始加撥一十五萬兩並嗣後丙午京銅工本滇省於甲午具題部中即行覈撥務於乙年夏季到滇以省借墊下部議行○甲寅諭軍機大臣等向例俸滿十總年六十以上者原係候推人員即降為留任其技藝生疎闕冗不堪造就者俱著勒休出缺定例本屬嚴明而近來各省督撫往往心存姑息於應行甄別之期將年滿六十以上十總仍予留任者居多殊不思此等年老十總精力就衰既不能訓練卒伍而姑容戀棧多占額缺徒阻後來壯健兵弁上進之階於戎政大有關

係況此等十總例止勒休尚有頂帶榮身各督撫何所用其姑息而不甄別耶著傳諭各省督撫於每屆甄別時務遵照定例將六十以上十總俱令勒休出缺俾年力精壯技藝出色者得以及時効用以飭營伍而勵弁兵○予故理藩院尚書博清額祭葬如例諡恭勤○乙卯戶部議覆直隸總督劉峩奏稱查勘直屬府廳州縣官旗民各項荒地得旨所有各州縣歷年報荒官旗各項地畝經此次派員履勘查辦即查出可墾地八百餘頃分別年限召墾輸租於旗民均有裨益足見從前荒廢地利地方官不實力查辦所致但恐此後地方官因循日久又復視為具文日漸廢弛仍屬有名無實著交該督董率所屬認真辦理剴切勸諭務令小民踴躍從事以期沃壤日增至地利轉移無定或有此時可耕而日後或致水衝沙壓者或此時難墾而日後漸成膏腴者並著該督隨時察看於此次

查辦後。續有可耕者若干。續行報荒者若干。於每屆年終。彙奏一次。以專責成。○丙辰。諭軍機大臣等。據畢沅奏。河南省錢糧完欠各摺。朕逐加披閱。內地丁項下。已完銀一百五十萬五千七百餘兩。未完銀二十八萬餘兩。雜稅項下。已完銀二十萬二千九百餘兩。未完銀一萬七千七百餘兩。帶徵項下。已完銀三萬一千六百餘兩。未完銀四千二百餘兩。通盤覈計。未完銀數甚少。豫省上年衛輝。歸

德。所屬。俱有被旱被水地方。收成歉薄。本年旱災更廣。已成積歉之區。何以四十九年分。應徵地丁。及各項錢糧。尚能按限徵完。拖欠無多。雖南。汝。光。等屬。雨水調勻。麥收成熟。而歉收處所。已居大半。究係豫省民情淳樸。踴躍輸將。不至因災短缺。但恐閭閻於完納錢糧之後。情形不無拮据。朕體卹窮簷。如傷在抱。著傳諭畢沅。留心體察。據實具奏。再畢沅另摺奏。盤查藩庫。實存正雜等款。共銀二十

一萬五千餘兩。似覺太少。雖據稱。兩淮撥解銀一百萬兩。另立檔案。不入盤查款內。但是否足敷賑恤之用。抑或另須籌撥。現已交戶部詳查豫省實存銀數。並著畢沅將該省究竟實存銀數若干。是否尚須撥銀協濟之處。詳悉查明。據實迅速覆奏。○丁巳。

孝懿仁皇后忌辰。遣官祭

景陵。○諭軍機大臣等。據福海奏。淮安地方。於六月二十五日。得雨四寸。秋禾雜糧。藉資長發等語。地方雨水。關係民瘼。朕宵旰廑懃。福海何不及早陳奏。直至此時。始以一奏塞責。殊屬非是。福海身任監督。地方事件。固不應干涉。而此等雨水情形。乃係分內應奏之事。況伊非督撫屬員。何所瞻顧。而不隨時入告耶。看來福海。惟一味謹飭畏懦。全不肯實心奮勉。著傳旨申飭。○戊午。諭軍機大臣等。昨因今歲漕艘。節節起剝。需費甚多。各幫旗丁。更形拮据。業經降旨酌量加恩。以紓丁力。但

本年河南山東安徽淮北等處先後共截留漕糧七十餘萬石。各進幫船除未及半途即起卸回空等幫外。其節次起剝輓運抵通者。共若干幫。船若干隻。各船幫丁多寡不一。應如何分別加恩。俾各幫旗丁均霑實惠之處。著傳諭毓奇詳悉酌量妥議。迅速奏聞。候朕另降諭旨。並著毓奇先將朕軫念該丁等勞費情形。欲普加恩賚之意。明白宣諭各幫旗丁。咸使聞知。俾各踴躍鼓舞。輓運自更迅速。

於漕務有裨。○又諭據留京辦事王大臣奏。審辦宗室慶愛等捏造假契。誣借銀兩一案。究出宗室福松於本年三四月兩次代慶愛向鑲白旗漢軍披甲馬龍圖承買假契二張。契上圖記印信。係刑部筆帖式通義描摹。現據步軍統領衙門拏獲到案。供認等語。通義身為職官。輒敢捏造假契。描摹印信圖記。冀圖覓利。實屬可惡。將來定案時。自當覈其所得錢文。計贓論罪。不得稍從寬典。至此案情

節業經各犯供吐。必當徹底根究。嚴行定擬。○已未諭軍機大臣等。據何裕城奏。請將丁憂知縣王垂紀留辦西安城工一摺。此事不可行。奪情非所以教孝。古人惟於軍旅之事。不妨權宜行之。是以向來遇軍務緊要之時。州縣官或有在任守制者。至城工非軍務可比。況各省皆有工程。又何必須一人始終經理。而為此破例之舉。徒令該員應職貪榮。致滋物議。所奏不可行。著傳諭何裕城。即飭令該員回籍守制。○刑部議奏。查私自淨身人犯情節各有不同。或因貧圖充。或畏罪自殘。自應分別辦理。請嗣後如實因貧難度日。私自淨身。即令自投內務府驗看。派撥當差。倘係畏罪情急。私割圖免。應按原犯科條上各加本罪一等問擬。請載入例冊。從之。○庚申工部等部議准。江蘇巡撫閔鶚元疏稱。睢寧縣城垣被水衝塌。亟應興築礮臺土牛涵洞。並建護城隄。從之。○以翰林院侍讀學士瑞

保為內閣學士兼禮部侍郎。○謫貴州沉溺乾隆四十三年分運京鉛八萬六千觔有奇。○辛酉諭近有不肖旗人私刻佐領圖記誣騙財物因八旗佐領圖記止鐫清文易於假摹而人又難於辨別以致若輩肆行無忌各衙門印信篆文兼清漢二體若將八旗佐領圖記倣照鐫篆庶辨識了然自無弊竇著交留京辦事王大臣等如改鑄便易即將八旗佐領圖記換給應用或銷去舊有字跡另行改鑄詳酌定議具奏尋奏查八旗佐領圖記計一千三百餘顆若一體另鑄需費較多應將舊有圖記磋去字跡改鑄清漢兩篆並於一年內更番迭換報聞。○又諭據弘勳奏郡王銜二十三貝勒患病朕心軫念著皇八子帶領御醫速往診視並酌看情形令其從容進城俾資調養。○諭軍機大臣等據閔鶚元奏淮徐海三屬自六月下旬以來連次得雨自六七寸至一尺有餘極為優渥已種之秋

禾足資長發等語江蘇淮北一帶本年雨澤愆期伏暑前後農田望澤孔亟今已於立秋前普被甘霖秋禾藉資長發可冀轉歉為豐覽奏為之稍慰至湖北迤東各府屬與江省接壤毗連前據特成額等奏武漢安襄德黃等府屬尚未均霑渥澍該省農利全賴水田現在節近處暑正秧苗盛長之時若非水泉滋養則秋成難望豐收特成額等具奏後至今又已數日尚未據該督等將曾否得有透雨情形續行奏到朕心深為懸切著傳諭吳垣即將缺雨各州縣曾否得有透雨之處查明迅速覆奏如有成災者即酌量賑恤妥協辦理毋得稍存諱飾。○又諭據江蘭奏上年睢州新築大壩龍門前淤成膠泥大灘新河汕刷寬深溜向北趨等語壩前既淤成大灘看來溜勢似已全入引河自是極好機會前蘭第錫等奏伏汎安瀾摺內雖亦稱高家寨以下因對過河形寬展埽工甚為平穩迤東



新隄。加鑲防風。均已漸次掛淤。而於大溜。曾否全入引河之處。未據詳晰聲叙。著傳諭蘭第錫畢沅。即將近日以來大溜。既已北趨。是否全入引河。或入幾分。迅速據實覆奏。○又諭據畢沅奏。薯蕷向以懷慶所出為佳。性與山蕷。番薯同類。番薯藏種在霜降以前。下種在清明之後。計閩省乘時採擇。郵寄此間。尚不為晚。但聞其種易爛。易乾。須用木桶裝。藤擁土其中。方易攜帶。兼聞藤本須帶根者。力

厚易活等語。前雅德來熱河。召見。曾諭以將番薯藤種。採寄河南。據奏。路過山東沂州府。亦見該處種有番薯。而豫省懷慶所出薯蕷。性與同類。此物既可充食。又能耐旱。河南山東三省。頻歲不登。小民艱食。畢沅明興。當即轉飭各屬。勸諭民人。仿照懷慶沂州。廣為栽植。接濟民食。亦屬備荒之一法。至豫省既產薯蕷。則番薯一種。閩省亦毋庸多寄。但必須覓帶根藤本。用木桶裝盛。擁土其中。如法送

豫。方能栽種易活。著傳諭雅德。即行照式妥辦。由驛速寄。將此各傳諭知之。○大學士等會同刑部議覆。河南巡撫畢沅奏。柘城縣匪犯王金等。業經分別斬決。梟示。其李二等六十七犯。被誘同行。持械助勢。又戴從仲一犯。雖未幫同搶劫。究係要犯。戴文興之子。均屬黨惡。應照律擬斬立決。即行正法。得旨。此案王金等糾聚多人。拒傷兵役。焚劫村莊。情罪重大。非尋常聚眾抗差可比。李二等六十七犯。曾經分受王金等所搶財物。被誘同行。持械助勢。均係黨惡。本應依擬。即行正法。但念豫省民風素稱淳樸。李二等俱係鄉曲愚民。被王金等誘逼入夥。於官兵前往查拏時。王金等給與器械。喝令抗拒。該犯等畏懼。祇在胡家莊助勢。並未拒傷官兵。較之王金等公然抗拒官兵者。尚屬有間。且此案先經官兵殲斃者五十八名。拏獲後凌遲斬梟者九十六名。今問擬斬決之李二等。又有六十八名

之多。若概令駢首就戮。雖屬該犯等孽由自作。而朕心究用惻然。除戴從仲一犯。係要犯戴文興之子。應歸入緣坐案內。覈辦外。其李二即李春泗。王合即王會。李克成。隋應書。蔣子貴。王得李舟。張悅。張智。宋仁。李東洪。李東野。任豆。盧東柱。秦幅同。王幅如。石元臣。李宗泗。王天德。藍全。張連。韓幅成。朱台隆。孫可。李于燦。賈洪中。王明。張士賢。張同。張池。曹新發。陳緒先。秦玉。李寶德。劉發財。李有義。陳興。袁發祥。田四。李岳。王唐。王二。張禹順。唐四。俱著從寬免死。發往伊犁。給厄魯特為奴。王士秋。曹祿。邵貴。曹世良。劉勉。張四。張文治。索興。劉振。蔡增。李璫。劉玉。董天來。朱運。張思敬。張網。李元貴。王重良。葛榮。韓文現。趙文仲。朱九德。即朱明德。陳法孔。俱著從寬免死。發往黑龍江等處。給索倫為奴。此係朕仰體上天好生之德。於法外施仁。予以一綫生路。並著該撫畢沅。遍示通衢。詳悉曉諭該省民人。

不可因李二等之倖邀寬典。罔知儆惕。務宜安靜守分。共為良善。以副朕矜恤好生。仁愛斯民之至意。○吏部議覆陝西巡撫何裕城奏。請將承緝逃兵處分。停陞各員。量加捐復等語。查此項革職留任人員。原定開復年限。本屬不同。其應捐銀數。即應分等遞加。此內有曾經陞任降補改補署事各員。應令各照現缺一體報捐。至銜大缺小。銜小缺大。及先經留任。現未補缺。照原職分別捐復。均令以

接准部文。日起。勒限二年捐復。逾限不准報捐。仍由戶部移咨吏部。查明有無別項處分。咨覆後收捐。再行彙題銷案。論俸陞轉。從之。○戶部議覆兩江總督薩載。漕運總督毓奇會同署江西巡撫舒常奏。稱南昌九江二衛屯田坐落德安。德化。瑞昌。彭澤。星子等五縣。瀕近江湖。旱澇均礙。疲丁積欠累累。應酌減餘租銀一萬五千三百二十餘兩。仍於兵米折色項內。每石增價二錢。計可加銀一萬五

十八百九十餘兩。以兵折有餘。補減租不足。自屬以公濟公。其每年餘銀五百六十餘兩。解貯道庫。充漕務公用。得旨。此事以該處兵米折色之有餘。即抵補餘租減額之不足。並非加賦。而於丁有益。於民無累。事屬可行。依議。其中餘出銀五百六十餘兩。不可解貯道庫。充公。仍著按畝除去。此以加增之折色。抵補減額之軍費。閭閻益覺寬紓。用示朕惠愛黎元之至意。○以江蘇布政使李慶葵為貴

州巡撫。福建汀漳龍道李封。為江蘇布政使。

○壬戌中元節。遣官祭

永陵。

福陵。

昭陵。

昭西陵。

孝陵。

孝東陵。

景陵。

泰陵。

泰東陵。○遣官祭

孝賢皇后陵。

端慧皇太子園寢。○諭。據舒常奏。江西省護送錫船出境。向係送至安徽東流縣而止。今廣東委員戴夢華。運錫船隻。經過東流。揚帆順流而下。直至安徽懷寧縣。始行交替。江西營縣。均未失於護送。所有違例越站。咎在委員。請將巡檢戴夢華。咨部覈議等語。錫船過境。如果有違例夾帶情弊。恐該地方官查出。擅行越站前進。自應查明叅奏。若並無情弊。則揚帆順流而下。正可多趨程途。以期迅速。解到。遲因當議處。速亦致議處。則為解員者。實亦難矣。茲戴夢華若因越站致干部議。將來委員人等。勢必畏懼處分。遇有順風。亦卸帆停泊。等候交替。轉致耽延時日。是向例本未允協。嗣後凡遇鉛錫等船過境。該督撫仍飭屬照例護送。如有因風順不及停泊。越站

前進。查無夾帶情弊者。止須將未經按站護送緣由。據實聲明報部。毋庸咨取委員職名附參。所有廣東委員戴夢華。即著免其議處。○諭軍機大臣等。據毓奇奏。督催南糧二進幫船。全入東境一摺。內稱。越此水勢。按日計算。三進浙江。湖廣各幫。於七月二十外。俱可入東境。其江西十幫。有零。為數無多。若跟幫前進。儘可於七月底八月初。全行趨入東省。聞河等語。七月初間。已入東境之二進幫船。

前經覈算日期。行走約須兩月。於八月底。可以抵通。今三進幫船。須至七月底。方能全行趨入東境。即使沿途催趨。銜尾遙行。亦須至九月底。方可抵通。則起卸回空。必不能於今冬趕至水次受兌。致誤明年新漕。亦不可不通盤籌畫。妥酌辦理。著傳諭毓奇。劉綬。明舉。即將三進幫船。計算。可以抵通。無誤回空者。共若干幫。即催令上緊飛輓前進。其尾後數幫。實有抵通過遲。致誤回空者。即於東省水

次各州縣。及直隸泊頭等處。酌量截留。起卸妥協。交地方官存貯。俟明春水勢寬裕時。地方官再行雇覓小船。剝運抵通。亦不為遲。況此截留船隻。僅止三進尾後數幫。不過全漕中十分之一二。已不至如從前毓奇所奏。二進浙江幫船過津。已在九月下旬。即虞凍阻矣。該督等務須酌量情形。悉心籌酌。妥議具奏。

大清高宗法天隆運至誠先覺體元立極敷文奮武孝慈神聖純皇帝實錄卷之一千二百三十四

大清高宗法天隆運至誠先覺體元立極敷文奮武孝慈神聖純皇帝實錄卷之一千二百三十五

監修總纂官總纂官太子太傅文淵閣大學士文淵閣領事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次 慶德

總纂官總纂官太子太傅文華殿大學士文淵閣領事稽察欽奉 上諭事件處管理刑部戶部主事事務

世襲騎都尉軍功加十九級隨帶加二級又加二級實錄內大臣戶部尚書總纂滿洲都統軍功紀錄五次

尋常紀錄四次 監修總纂官太子少保工部尚書紀錄六次 曹振鏞等奉

教修

乾隆五十年乙巳七月癸亥。詔除江蘇吳縣。

坍沒田地一十九頃六十畝有奇額賦。○甲子。諭軍機大臣等。據富勒渾奏。採備小著藤薯。先後送往豫省播種一摺。內稱有閩縣監生陳世元。從前遊歷河南。曾經運種試栽有效。該生情願挈同孫僕。前往教種。已令委員伴送起程赴豫等語。所辦甚好。番薯既可充食。兼能耐旱。今經富勒渾多為採備。並開明種法寄豫。又有陳世元。前往面為講求。試種自必有驗。著傳諭畢沅。即飭各屬。廣為如法

栽種。以期接濟民食。至陳世元年逾八十。自願攜帶著子。挈同孫僕。前往教種。甚屬急公。並著該撫。俟陳世元抵豫後。如果教種有效。即據實奏聞。酌量賞給舉人職銜。用示獎勵。○又諭。據陳步瀛奏。通省雨水田禾情形一摺。內稱。宿州。靈璧。泗州。盱眙。五河。天長等處。雖於六月上旬。各得雨一二寸。未能深透。秋糧未種者居多。現奉撫臣諭令。馳赴各州縣。逐一查勘等語。安徽省缺雨處所甚多。二十六

七等日。省城及桐城。合肥。各州縣。雖得有透雨。而宿州。靈璧等屬。未能一律普霑。將來自不免秋收款薄。以致成災。該撫現委藩司前往各州縣逐一查勘。著傳諭書麟。俟該藩司切實查明成災各屬。不可稍存諱飾。即一面據實奏報。一面妥為賑卹。俾災黎均霑實惠。不致一夫失所。並諭陳步瀛知之。○乙丑。諭前據畢沅奏。豫省藩庫。除兩淮解到銀一百萬兩備賑。不入盤查款內。現實存銀二十一

萬五千餘兩等語。豫省賑卹等項。需用繁多。且藩庫祇存銀二十餘萬兩。亦覺太少。著於部庫內撥銀一百萬兩。照例解往。○諭軍機大臣等。據倉場侍郎保泰等奏。南糧頭進淮安四幫抵通以後。已隔二十餘日。尚未有幫船報過津關等語。今歲運河層層淺阻。糧艘已屬遲逾。今又脫幫多日。自係沿途起剝遲滯所致。前據陳桂森奏。臨清頭二開口於淺。現在多集人夫挑挖等語。是漕船脫幫多日。

又因臨清開口阻淺。以致幫船不能銜尾遞行。朕心甚為厯念。著傳諭劉義明興。務須設法籌辦。迅速催僦。並飭各幫運弁。督率旗丁。加緯飛輓。以期銜尾前進。趕緊抵通。仍著將現在作何催僦情形。迅速覆奏。○河南巡撫畢沅奏。開封懷慶彰德等府本年旱災。請緩徵漕麥一萬石。豆五萬九千石有奇。報聞。○烏魯木齊都統奎林奏。庫爾喀喇烏蘇晶河二營。原設兵八百名。除派屯田軍臺。僅餘兵

一百九十名。不敷差遣。查哈喇巴爾噶遜營僅有二卡。差務亦簡。應於額兵三百名內。撥二百名。添設庫爾喀喇烏蘇晶河二營。報聞。○丙寅。諭據書麟奏。安慶等各府州屬。自五月以後。雨澤愆期。田禾未能播種齊全。秋收勢已歉薄。查安省漕糧。於明年即屆輪免之年。可否改於本年蠲免。俾全省早霑閭澤等語。所奏甚是。本年安省各屬。被旱較廣。業經疊次加恩。緩徵賞給口糧。並前後截漕十五

萬石。以備賑卹。但雨澤既稀。農田秋收。不免歉薄。民間口食。自倍拮据。著照所請。將安省乾隆五十一年應行輪免漕糧。准其改於本年蠲免。俾閭閻無事輸將。得以安心耕作。以副朕軫念窮黎有加無已至意。該部即遵諭速行。○又諭。曰永保奏。台拱同知監內苗人騷亂。起意放火脫逃。被禁卒喊拏。即用木榔頭。將禁卒魏洪志羅忠並同監之絞犯苗老九毆傷。先後身死。當即審明。將騷亂凌遲

處死。並請將同知趙與慎革職。問擬杖徒。鎮遠府知府高兆煌。交部嚴議。貴東道尼堪窩什渾。按察使張誠基。交部議處。並自請議處。其刑書馮陞。杖責革役等語。騷隴係謀死人。命應擬斬罪之犯。膽敢在監起意放火脫逃。該同知聞喊。即親往查拏。當將騷隴拏獲。據該撫審訊。並無賄縱情弊。且禁卒二名。看守一犯。防範尚屬嚴密。該犯於白晝行兇。事起倉猝。實為意料所不到。所有同知趙與慎。著加恩改為革職。從寬留任。其該管之按察使。及道府等。俱免其議處。刑書並著免其治罪。該撫所奏自請議處之處。亦著寬免。該部知道。○諭軍機大臣等。據薩載。李奉翰奏。江西漕船十三幫。正在銜尾渡黃。因六月二十八。九等日。黃水陡落。各船行至河口一帶。間被淤淺。除於此淺滯船內。截留漕米十萬石。為安省賑糶之用。其餘各幫。自應仍行北上。現在設法籌辦等語。江西漕船十餘幫。於七月

中旬。尚淺滯清口。未能全數渡黃。月內必不能全行趨入東境。即使沿途催趲。銜尾遙行。亦須至九月底十月初。方可抵通。則起卸回空。斷不能於今冬趕至水次受兌。自應遵照前旨。於沿途截留起卸。但與其催令渡黃。多行途路。仍須截留。莫若即於淺滯處所。酌量就近起卸。交地方官妥協存貯。俾漕船即行回空。既可免長途牽輓之勞。又得及早回至水次受兌。實為兩便。著傳諭薩載。李奉翰。毓奇。酌量情形。悉心熟籌。一面辦理。一面奏聞。至摺內稱本年淮水未發。洪澤湖上年僅存底水二尺四寸等語。洪澤湖所存底水太少。自不免湖底淤墊。萬一秋雨不時。淮水長發。恐不能容納。所有高堰各工。務宜加意防護。其清口東西壩。著照所定水誌。如應開壩時。即行酌開宣洩。總應先事講求豫備。斷不可因此時水勢消耗。稍存疎忽大意。著傳諭薩載。李奉翰。遵照留心妥辦。仍著迅速覆奏。○

又諭據書麟奏。安省惟徽州一府。雨水不缺。其餘得雨未透。及未經得雨各州縣。望雨尤切。已委藩司陳步瀛。前赴廬鳳等屬。查勘被旱情形。俟藩司回省。即親往池州。寧國等屬。悉心查勘等語。安省今年被旱較廣。想此時或已普被甘霖。著該撫即查明速奏。以慰廑念。但目下已屆處暑。若被旱各屬。仍尚未得雨。即使將來續被甘膏。晚禾亦不及補種。災象已成。此亦無可如何之事。該撫既與藩司

陳步瀛分投前往查勘。所有應行撫卹之處。即當一面辦理。一面奏聞。不可稍存諱飾。並應實力稽查。毋任貪官蠹役。舞弊侵膏。俾窮瘡均霑實惠。此為最要。該撫務督率所屬。實力妥辦。勿使一夫失所。以副朕軫念閭閻。如傷在抱至意。將此傳諭知之。仍著將現在曾否續得雨澤。被旱各處情形若何。迅速據實覆奏。○又諭前據吳垣等奏。江夏等四十七州縣。短少雨澤。節經降旨。令該撫等查明缺

雨各屬。曾否得有雨澤。並是否成災。迅速具奏。乃半月以來。總未據該撫奏報得雨。本日據書麟奏。安徽廬鳳。潁。泗各屬。盼澤甚殷。湖北與安省接壤毗連。情形自必相同。看來今年早象。自北而南。湖北缺雨處所甚廣。況此時尚未得被醲膏。則晚禾又必失望。朕心深為懸注。著傳諭吳垣。即查明江夏各州縣。立秋前後。曾否得被甘膏。秋蕎晚禾等項。曾否補行栽插。迅速具奏。如現在尚未得雨。業致

成災者。即遵前旨。妥為撫卹。一面奏聞。一面辦理。毋得稍存諱飾。○又諭據孫士毅奏。清查通省民欠銀米一摺。內稱。自上年到任以後。即屆奏銷。雖據藩司申報全完。而各屬批解。必待嚴催。情形甚屬竭蹶。當與藩司悉心查究。緣粵東每年銀米二項。均有民欠。州縣自顧考成。未肯甘心墊解。直至奏銷已屆。始行設法措墊。趕上奏銷。藉免處分。及事後向民間追繳。狡黠之徒。揚言奏銷已報全完。有



何民欠。竟爾分毫不繳。年復一年。欠戶恃為得計。通省積弊如此。現在出示曉諭。並委令試用知縣丞倅等官。赴民欠最多地方。逐戶查對。並令通省州縣。挨造四十年以後民欠清冊。詳報覈辦。所有將來追出銀米。如係現在州縣本任內所欠。甫經墊解。尚無別項流弊。仍請給還本任等語。各省解司錢糧。例有一定奏銷之期。州縣官徵收銀米。固不許有絲毫侵蝕。乃以積欠在民之項。竟甘心墊解。冀免考成。而庸懦州縣。不能於事後復向民間追取。粵省民情犷悍。竟至於斯。吏治民風。大有關係。從前李湖素稱風厲。而於民欠一事。何以竟未能辦及。孫士毅由廣西調任廣東。朕謂其人尚屬細心曉事。不料其竟能如此辦理。實屬可嘉。此事業經該撫究出底裏。自當通行查辦。實力追繳。於剔弊之中。勿使稍有滋弊。孫士毅前奏飲食少減。精神恐不如前。此時想已就愈。惟當勉力為之。不可畏

難。亦不可過急。致滋擾累。至所奏追出銀米。如係現在州縣本任之內所欠。仍請給還本任等語。此則不可。州縣催徵錢糧。是其分內專責。乃平時不能振作。致民間積漸拖欠。及至奏銷時。冀避處分。私行墊補。報解全完。此等人員。不治以捏報之罪。已屬寬典。若將追出銀米。仍行給還私橐。則將何以示儆。所有此項錢糧。將來自應歸公充用。不得因欲杜該員等藉口虧賠。為此以公便私之舉。再粵東一省。既查民欠累累。積弊亦非一日。恐各省似此者。亦復不少。此事於地方關係非小。著將孫士毅摺。鈔寄各省督撫閱看。並令妥密查辦。據實奏聞。但須不動聲色。持之以漸。不可使不肖官吏。紛擾滋事也。將此傳諭孫士毅。並諭各省督撫知之。○吏部議覆御史劉湄奏。稱四川等省承緝逃兵未獲各員。現准捐復。俾令及時自効。但其中或有因急於仕進。藉以捐復為名。暗滋那移科歛諸弊。請

嚴定處分等語。應如所奏。嗣後督撫於保陞此項人員摺內。切實聲明。倘准陞後。或有貪婪劣蹟。別經發覺。將本員從重治罪外。其原保之督撫。及主政之藩司。降三級調用。同保之臬司道員。降二級調用。加級紀錄。不准抵銷。從之。○丁卯。諭軍機大臣等。據薩載等奏。會議酌定漕船尺寸事宜。以利輓運一摺。已批交大學士九卿議奏矣。至摺內稱各丁隨帶土宜。定例重運船隻。每船許帶土宜一百二十六石。免其納稅。惟是近年什物。價值每件增昂。長途輓運。用度不無拮据。與其任不肖旗丁暗中舞弊。不若明定成規。俾可遵守。請於例帶土宜一百二十六石之外。加帶七十四石。共成二百石。該丁等得需餘利。自必踴躍歡欣。益加用力。輓輓等語。殊不成話。旗丁應帶土宜一百二十六石。乃係歷年定例。仍不免例外多帶。據該督奏請。此後以二百石為率。可見歷來私帶。明在例限之外。所謂

發盤查驗者何事。旗丁等既可於一百二十六石之外。多帶私貨。此時即加至二百石。安能保其不於二百石之外。又復多帶。似此逐漸增加。伊於何底。且稱與其任不肖旗丁暗中舞弊。不若明定成規。俾可遵守。夫此一百二十六石。豈非向定成規。該督等業既視為具文。任憑旗丁舞弊多帶。而謂加至二百石之後。即能永遠遵守不加。有是理乎。前因漕船高大沉重。喫水過深。易致淺滯。是以令將高寬尺寸。仿照民船量為減損。今欲減漕船之尺寸。而轉准旗丁多帶土宜。則船載愈重。若遇河水淺阻。又須節節起剝。何必多此一番更張。該督等身膺重寄。於漕船多帶私貨。行走濡滯之處。既不能嚴行查禁。竟如聾聵。而又為此夢囈之語。率行陳奏。不知是何意見。薩載久任封疆。尚為歷練曉事。何近來辦事糊塗。若此。豈竟衰病相乘。遂爾精神昏瞶耶。薩載尚然如此。則毓奇之初任漕務者。更

不足論矣。薩載毓奇著傳旨嚴行申飭。並著大學士九卿。遵照諭旨。將旗丁多帶土宜之處。嚴切指駁。又薩載等另片奏稱。河口淤淺處所。撈挖漸深。漕船陸續渡黃等語。昨已有旨。諭令該督等酌量情形。截留起卸。實不能到通阻凍者。莫若早行截留於江南。以省其往返。該督等惟當遵照妥辦。迅速奏聞。以慰厯注。將此諭令知之。○又諭。據薩載等奏。江蘇。淮。徐。海三屬。山陽等州縣。於六月下旬。七

月初間。得雨以後。窪地秋禾。得資長發。高地已未種秋禾。俱可滋長補插。安省之亳州等州縣。亦於立秋前後。陸續得雨。其濱臨江河地方。秋禾均各暢茂。高阜被旱未甚者。尚可轉黃為青等語。江蘇之淮。徐。海三屬。安徽之亳州。蒙城等處。本年被旱較甚。現在雖已得有霽雨。其濱臨湖河低窪地畝。秋糧自可藉資長發。而離水較遠高阜之區。已種者早已黃萎。未種者不能趕插齊全。目下節逾處暑。

轉瞬秋成。即嗣後續霑透雨。豈能望其一律有收。是該處農民。將來口食仍不免拮据。著傳諭薩載。閔鶚元。書麟。即查明被旱州縣。災分輕重。其應如何撫卹之處。妥協辦理。據實奏聞。不得以此時業經得雨。意存諱飾。以致災黎稍有失所。○又諭。據吳垣奏。勘得江夏。武昌。廣濟。黃梅等州縣。早中二禾。俱多黃萎。惟棉花雜糧。尚屬青葱。六月三十日。七月初一日。路經武昌。大冶等縣。連次遇雨。初五日

興國州。途次。又遇陣雨。日內。又據武漢。荊。襄等府。俱報同霑。均未能十分透足。惟德安府。得雨較大。查此番雨澤。雖於已萎禾稻無濟。而田土滋潤。均可翻犁改種等語。武昌等州縣。既連得雨澤。自當趕種秋蕎。晚粟。以冀薄收。俾小民得資餬口。但此次得雨。據該撫奏。惟德安府屬較大。其武漢。荊。襄等府。俱未能十分透足。未審各該處晚禾。能否一律補種。近日曾否續霑甘霖。朕心深為厯念。本日據

姜晟奏。德安府屬於六月三十。七月初。初五。連得大雨。漢陽府屬得雨情形相同等語。著傳諭該撫。即將漢陽府屬。是否亦已得有透雨。其得透雨之各州縣。現在播種情形。若何。迅速據實覆奏。以慰懸注。如有實在趕種不及。災象已成者。即當遵照前旨。妥為撫卹。一面辦理。一面奏聞。毋得稍存諱飾。○又諭。據豐紳濟倫奏。經過沿途地方情形。摺內稱直隸。陝西。雨水俱極調勻。惟山西省經過地方。雨水較少。若續得透雨。於田禾有益等語。計豐紳濟倫。行抵山西時。應在七月初間。而農起於七月十一日。奏到。摺內稱晉省一百一十廳州縣。雨水極為透足。係初三日在省城拜發。與豐紳濟倫所奏情形不符。是否該省續得雨澤。尚未奏到。著傳諭農起。即將晉省各屬現在曾否續得甘霖。秋禾曾否暢發。逐一查明。迅速覆奏。以慰廑念。勿得諱飾。尋奏。豐紳濟倫於本月初八過境。初八以後。連

日大雨深透。田禾有益。得旨覽奏稍慰。○補行湖南省乾隆四十九年大計。才力不及官三員。浮躁官一員。罷軟官二員。年老官六員。有疾官一員。處分如例。○旌表守正被戕安徽鳳臺縣民胡柵妻高氏。○戊辰。諭曰。河南歸德府知府穆克登泰。前經布政使江蘭奏上年睢州黃水漫溢時。歸德地處下游。該府督率民夫。防守護城隄工。城垣得以保固。是以諭令送部引見。本年夏間。因畢沅奏。將該員給咨送部。當傳旨詢問畢沅。該員既係熟諳河工。該處正屆大汛。何必急急給咨送部。據畢沅覆奏。該員初膺外任。於河工事宜。實非所諳。是以令其起程進京。其員缺委熟悉河務之同知趙載元署理等語。本日行在吏部。將該員帶領引見。朕觀其人。不過誠實本分。並非幹練出色之員。畢沅所奏甚公。但伊此次引見。原因黃水漫溢時。守護城隄。著有微勞。且任內並無過失。自應量加恩用。惟歸

德一府。濱臨黃河。又與江省接壤。員缺最為緊要。穆克登泰於河務既非所諳。即地方緊要之缺。恐亦不能勝任。著仍回河南。遇有簡缺。道府缺出。該撫酌量奏補。至所遺歸德府知府員缺。前據蘭第錫畢沅奏。同知趙載元熟諳河工。人地相宜。趙載元著即補授歸德府知府。該部知道。○諭軍機大臣等。上年據江蘭奏。履勘被水地方情形一摺。內稱歸德府寧陵縣。均當黃水衝漫之時。經該府縣率同紳士。多雇民夫。無分晝夜。將護城隄設法搶堵。水未入城等語。朕以該府縣當黃水衝溢時。均能設法防護城隄。其勞自不可沒。是以批令送部引見。前據畢沅奏。將穆克登泰給咨送部引見。其歸德府缺。委令同知趙載元署理。朕因維時正屆大汛。歸德濱臨黃河。穆克登泰自應在彼防汛。何以轉令來京引見。降旨詢問。隨據該撫覆奏。穆克登泰初膺外任。於河務不甚得力等語。本日行在吏部。

將穆克登泰帶領引見。朕看該員不過一誠實本分之人。復查閱該府從前請訓時記載。亦不過註其謹飭。畢沅所奏。甚屬公正。即江蘭前因該員搶護城隄出力。據實陳奏。亦無不是。但歸德一府。不特濱臨黃河。非穆克登泰之不諳河務者所能勝任。且所屬州縣。與江南境壤毗連。人多巧詐。朕素悉該處繁劇難治。穆克登泰才具中平。即於地方事務。辦理亦恐致竭蹶。第念該員並無過失。且有微勞。已明降諭旨。將該員以簡缺道府補用。其歸德府缺。即將畢沅等所奏之趙載元補授。朕用人從無成見。一秉大公至正。惟期與地方有益。繁簡得宜。畢沅久任封疆。自能仰體朕意也。將此諭令知之。○己巳。建陝西褒城縣改設黃官嶺巡檢衙署。從護理巡撫圖薩布請也。○庚午。諭前因步軍統領衙門奏。江西廬陵縣生員郭榜呈控該縣修理志書。生員彭寅等經理。藉端派累銀兩。及將不應入

傳之劉遇奇。濫入志書。將劉遇奇所作慎餘堂集呈首。因交薩載。舒常。秉公審辦。茲據舒常奏。委員起獲慎餘堂集板片。並清風亭集鈔本一帙。逐加校覈。其中實有狂謬語句。粘簽進呈。並將劉遇奇之元孫劉員位。拏獲審訊。從重辦理等語。朕將其書詳加披閱。其簽出之處。如對明月而為良友。吸清風而為醉侯。清風明月。乃詞人引用成語。此而目為悖妄。則欲將清明二字。避而不用。有是理乎。至其餘簽出各處。俱係

廟諱暨朕御名。未經避寫。無論劉遇奇。係順治年間進士。其人身故已久。安能豫知敬避。即現在鄉曲愚民。其不知

廟諱者甚多。豈能家喻戶曉。即偶有未經避寫。亦無足深責。此而指為語句狂謬。將其子孫治以悖逆之罪。則將來挾嫌告訐之徒。勢必吹毛求疵。謬加指摘。使人何所指手足耶。此事舒常辦理太過。已有旨諭令將劉遇奇子

孫省釋。以免拖累矣。外間所著詩文。果有如錢謙益。呂留良等。其本人及子孫。俱登臚仕。而狂吠不法者。自應搜查嚴辦。若並非有心違悖。不過字句微疵。朕從不肯有意吹求。所謂不為己甚之素志。實天下人所共見共聞者。前屢經降旨嚴切申諭。而舒常尚有此過當之舉。各省督撫文理不通者。遇此等挾嫌控訐事件。恐不免拘泥太過。任聽劣員庸幕謬加簽摘。以致辦理失當。滋擾閭閻。殊失朕

不為己甚之意。於吏治民生大有關係。因劉遇奇一案。再行明白宣諭知之。○諭軍機大臣等。據舒常奏。查審江西廬陵縣生員郭榜呈控生員彭賓等。藉修理縣志為名。派累銀兩一案。業經明降諭旨。停其查辦。並通諭各省督撫外。著傳諭舒常。即將劉員位速行釋放。其有因書案牽連者。如已到案。亦速即省釋。如尚未到案者。即不必復行拘訊。以免拖累。至該府縣等於修理志書一事。若果有明

知彭賓等。奇派飲錢。染指分肥情弊。即另行  
參奏。按律定擬。若並無知情分肥情事。亦不  
必因劉遇奇所著書籍。該府縣從前未經查  
辦。遂爾革職解任也。○軍機大臣等議覆。工  
部尚書金簡奏。酌覈節慎製造。兩庫月捐錢  
糧各款。一。

壇

廟陳設器冊及零星油飾各工。均用製造庫食  
糧匠應役。惟鋸石瓦匠三項。臨時外雇。請於

營繕司原設食糧搭材。琉璃等匠四十五名  
內酌減九名。添設鋸石瓦等匠。既可無需外  
雇。並省工價。仍派營繕司製造庫滿漢司官  
各二員。作為值年。專司銷算。一。

壇

廟殿宇。及禁城圍牆各處。拔草添瓦等工。若照  
歷年估計成數添補。不免虛糜。嗣後各該處  
豫期冊報。工部查估。令承辦司員妥辦。仍有  
破壞著落賠修。一。內廷各工。俱歸內務府管

理。惟禁城溝渠。每年工部派員經辦。匠役出  
入。殊多不便。應改歸內務府經管。即令值年  
大臣。專司其事。均應如所奏。至京通十五倉  
座。每年工部派員。經理拔草拘掘。間有用銀  
增至八千餘兩者。殊屬浮費。嗣後應以從前  
至少年分。用過三千餘兩為率。不得過三千  
五百兩。請載入則例。從之。○吏部議覆。雲貴  
總督富綱咨稱。邊疆俸滿應陞人員。若因有  
逃兵處分。遂令久任。非限年撤回之例。意請  
將現任瘴盛留邊之缺。歷俸滿三年者。照例  
保題。一面撤回補用原官。扣限開復。咨請陞  
用。至三年五年。在任候陞。烟瘴稍輕之缺。計  
歷俸應行優敘。加銜陞用者。照例保題註冊。  
俟限滿開復銷案後。分別陞用。應如所奏。辦  
理。至苗疆海疆各缺。俸滿人員。有督緝逃兵  
處分。予調不予陞者。如未經援例開復。統俟  
年滿開復後。再行陞用。從之。○辛未。諭據劉  
我奏。本年直隸大名等十州縣。雨澤愆期。冬

春賑借需用較多。請截撥漕米十萬石。以資賑借等語。著照所請。即截留漕米十萬石。交與該督。分撥大名各州縣。以備賑借之用。該部即遵諭行。○諭軍機大臣等。據劉義奏。請截留漕米十萬石。以資賑借一摺。已明降諭旨。允行矣。但本年河水淺阻。各省漕艘到通較遲。所有頭二進幫船。自應聽其儘數赴通起卸。俾及早回空南下。不可遽行留截。其直隸需截之十萬石。著劉義酌量情形。總於已

入東境北上之最後尾幫內。照數截撥。令各州縣前赴臨清水次兌交。則漕艘既可就近起卸。迅速回空受兌。仍無誤冬春賑借之用。方為一舉兩便。將此傳諭劉義。並諭毓奇。明興知之。○又諭據明興奏。三進浙江湖廣各幫。已入東境者。現已委員分段嚴催。無分雨夜飛輓北上。其江西尾幫。此時尚滯河干。應於江南水次截留起卸。則重運既過韓莊。湖口雙開。無須放水接濟。微山湖底水。亦可稍

為存積等語。所奏甚是。前因江西漕船十餘幫。於七月中旬尚淺滯清口。未能全數渡黃。計算日期。必不能於今冬回至水次受兌。與其多行程途。仍須截留。莫若即於江南水次各州縣。截留起卸。俾漕船即行回空。既可免長途牽輓之勞。又得及早回至水次受兌。實為兩便。業經降旨。令薩載。毓奇等。酌量情形。妥協辦理。今明興所奏。適與朕旨符合。著將原摺。鈔寄薩載。毓奇等閱看。令其遵照前旨。

一面辦理。一面奏聞。至微山湖為運河水櫃。最關緊要。尤應速籌妥辦。著傳諭明興。務須挑溝導引。廣為收蓄。以為明歲濟運之計。仍著迅速覆奏。○又諭據農起奏。勘明代州。寧縣。忻州。定襄。五臺。繁峙。六州縣。因漳沱河水暴漲。濱河兩岸田廬禾稼。間段淹浸。居民搶護家資。衝斃男婦四十三名。口。請先行撫卹。以資安頓。其因沙壓雨衝。及電傷地畝。俟秋成後。查明被災輕重。再行給賑等語。代州



等六州縣地處渾沱之濱。猝因河水盛漲。河槽不能容納。兩岸田廬屋舍。間被倒灌淹浸。且有衝斃人口。雖屬一隅偏災。但該處地勢高寒。節候較早。現在被水村莊。即經涸退。恐難播種晚秋。閭閻生計。必形拮据。農起現在親赴查勘。著將坍塌房屋淹斃人口。查明確數。先行撫卹。其沙壓水浸。電傷地畝。不能補種秋糧者。仍著該撫確查被災輕重情形。酌給賑卹。俾災黎均霑實惠。毋致一夫失所。以副厯念偏災至意。將此傳諭知之。仍著將如何撫卹之處。據實覆奏。○壬申。上御卷阿勝境。賜扈從王公大臣及蒙古王公台吉等食。至丙子。皆如之。○諭軍機大臣等。據孫永清奏。橫州知州繆永垣。於上年安南貢使船隻過境。豫飭大灘屯長陳達俸。領錢雇覓緯夫。詎貢使抵灘。少夫二十名。係該屯長侵吞夫價。躲匿不出。差傳到案。狡辯不服。並出言頂撞。當責十五板。該屯長旋於是

夜身故。請將該州交部議處等語。州縣杖斃人命。原不在板數之多寡。如有心致死。囑令行杖人等故意重責。則致命要害處所。數板亦可以斃命。若並無挾嫌故勘情事。第如法決罰。邂逅致斃。此而將該員議處。則州縣官於杖責薄刑。俱不敢擅用。何以使之管束百姓乎。況屯長陳達俸。侵價誤差。躲匿不出。又復出言頂撞。本有應得之罪。該州僅責十五板。並非違例濫刑。遽行交議。未為允當。此事著交富勒渾詳悉查究。如陳達俸之死。實有該州豫囑致斃情事。自應嚴切查叅。若係如法杖責。邂逅致斃。則議處亦可不必。該督抵任後。務須秉公查辦。據實具奏。將此傳諭富勒渾。並諭孫永清知之。○吏部議覆御史俞升階奏。請將京察叅劾不及之郎中。專以部事經歷寺丞等官降補。不准補用主事等語。查各衙門都事等官。止有四缺。該員一經被劾。補用無期。且都事等官。例與主事一體陞

用員外。此項降調郎中。補用都事等官。果勤慎供職。仍得論俸陞用員外郎。何獨慮其於主事一官。不能稱職。豫立限制。所奏應毋庸議。得旨。部駁甚是。此項郎中。京察降調人員。向例以主事。都事。經歷。寺丞。等官通行補用。若如喻升階所奏。郎中降調。不得補授主事等官。豈不思都事等官。各衙門共止四缺。缺出。又非專用此項降調之員。該員一經察劾。補用無期。是名為降品授官。實則終身廢棄。

夫國家三年京察。所以進退人材。各部院被劾人員。降補後。豈無自知愧勵。勉力供職者。該堂官果視其有志向。上原可保題陞用。或該員等限於材質。仍前闕茸無能。該堂官亦可隨時叅劾。不令濫等。又何必豫立限制。以阻其上進之階。且部院郎中。員外。主事。員缺本多。一司且有數人。一事必經數手。斷無以一主事才力未優。即致一司有公事廢弛之患。喻升階所奏。未為允協。吏部本著如議行。

○兵部議奏。酌改中樞政考各條。一部推副將缺出。祇將金川出師。得有功加叅將。繕單進呈。其另案得有功加之叅將。並未議及。請嗣後凡出師著績。得有功加之叅將。遇應行開列副將缺。將該員一體進單。陸路人員。有素習水性。願改水師者。務於未得缺前。投供時豫行呈明。到班選補後。再奏明開缺。發往該省試驗。其未豫行呈明者。得缺後。不准呈請。降調應用千把人員。毋庸送部。分發

鄰省。俱令該員各就本籍。由該督撫考驗候補。如年力衰邁。弓馬生疎者。即行勒休。一駐防旗員。向未定有赴京回任程期。應令各旗於該員引見後。將起程日期報部。俟該員到任。申明各該將軍等。各部查覈。如有逾限。照綠營官員回任違限例議處。請載入則例。從之。○護理廣西巡撫布政使奇豐額疏報鎮安府屬小鎮安廳。天保。歸順。奉議。四廳州縣。乾隆四十九年分。開墾老荒水旱田一十六

頃九十畝有奇○癸酉諭軍機大臣等據毓奇奏現在二三進幫船踴躍趨行爭先趕緊抵壩倘至楊村時剝船不敷應用恐誤回空請飭下直隸總督派員於天津以至臨清衛河一帶添雇剝船七八百隻乾赴楊村備用等語所奏固為速漕濟運起見但直隸地方向用車馱非江浙之利用舟楫者可比現在已有剝船八百餘隻自係竭力雇備著傳諭劉義嚴飭所屬再行設法多為雇覓如能添

雇船隻俾幫船隨到隨剝固屬妥善如實在無船隻可雇即於山東直隸交界之泊頭安陵等處酌量截留起卸令地方官妥協堆貯再行陸續剝運抵通以便漕船遄回水次此亦迅令回空之一法著傳諭劉義酌量妥辦迅速具奏並諭毓奇明興知之○又諭據明興奏委派專員駐劄大泛口等處一遇水長沙噴即雇夫立時撈挖不使河有停沙以利遄行此時二進首幫已入直境隨後各幫俱

上緊跟接北上三進之浙江湖廣各幫亦俱已入東境惟江西幫船此時尚無入東確信等語明興於催趨漕船一事先期派員於大泛口等處撈挖停沙以利遄行所辦頗好今歲漕艘遲滯之過本與明興無涉惟當益加勉力上緊催趨俾銜尾前進至三進浙江湖廣幫船覈算日期總可趕至津關惟江西漕船十幫有零因渡黃遲滯此時尚無入東信息前已有旨諭令薩載等酌量情形其實在

不能到通並虞阻凍者莫若於江南水次各州縣即行截留起卸俾得及早回空以省其長途往返之勞著將明興摺鈔寄薩載毓奇閱看令其遵照前旨妥協辦理迅速奏聞以慰厯注將此諭令知之仍著迅速覆奏○又諭據德文奏色黑斯烏察克地方拿獲崔學莫一名訊係臯蘭縣人在口外傭工上年五月回家路過涼州人王發告知沙州有金廠兩座囑其前往幫同偷採後聞和闐所產金

沙較好。欲往和闐被獲。並據崔學莫供。止到過沙州小金廠。見廠內有二百人。聞大廠內有三百人。現將該犯解送陝甘總督查辦等語。內地民人私往口外。聚集多人。偷採金沙。久經查禁。乃沙州地方。崔學莫供有偷採金廠兩座。是否竟係奸民私開金廠。抑或本係官廠。該犯等潛赴偷採。均須逐一查明。該處係肅州與鎮迪道所屬交界地方。本應陝甘總督會同烏魯木齊都統彼此設法稽查。方

不至復有透漏。但奎林現赴伊犁。永鐸甫經前往署事。恐其辦理未能妥協。或致滋擾。鎮迪所屬地方。亦係總督管轄。呼應較靈。此事著交福康安督飭該處員弁。嚴密訪緝。如果有聚眾偷採情事。即行查拏懲治。勿任滋生事端。所有崔學莫一犯。並著嚴切審明。定擬具奏。或有當與永鐸商辦之處。亦可咨會辦理。○御史胡翹元奏。外城街道。向委廳員及五城坊官。設立鋪頭坊役。督催鋪戶雇夫平

治。日久因循。又因地勢高下不齊。低窪水集。遇大雨時行。路心低陷。兩旁官溝。滲洩不及。致眾車輦互易。啟忿爭。請飭整理。得旨。知道了。至情民於土道低窪處所。暗掘坑坎。致車行陷入泥淖。及令幫同挽曳。復從中索錢。漁利殊屬可惡。著將原摺交留京王大臣。會同步軍統領。都察院。詳晰妥議具奏。○甲戌。諭據福康安奏。巴里坤總兵佛喜。因虧短屯糧。那借公項賠補。殊負專閫之任。請將佛喜革

職等語。此事佛喜那借公項。係因買糧交官。並無侵蝕情弊。其過止於冒昧見長。以致辦理錯誤。尚不至遽予斥革。所有巴里坤總兵員缺。著和倫補授。其所遺大通協副將員缺。即著佛喜補授。○直隸總督劉綎奏。鉅鹿一縣。與被災較重之廣宗接壤。雨水缺少。秋收必減。請添借貧民一月口糧。得旨。允行。○乙亥。諭曰。蘊端多爾濟等奏。據賽因諾爾部落之璘齊爾瑪卡台吉三都布報稱。親王齊巴

克多爾濟旗下圖魯蒙額等三人出卡打牲竊俄羅斯馬五匹經台吉三都布佐領沙拉布尋踪拏獲嗣俄羅斯密薩爾遣人詰問三都布並未提及偷盜將馬匹給還以示體面辦理錯謬請將三都布革去台吉齊巴克多爾濟交部嚴加議處等語所奏殊屬過當宵小來間竊發不能保其必無該親王旗下所屬甚多能通行稽察耶齊巴克多爾濟毋庸交部議處台吉三都布佐領沙拉布於該犯

行竊即能迅速弋獲又將馬匹給還頗為得體著蘊端多爾濟量加獎賞○又諭據永鐸奏伊勒圖於本月初十日病故等語伊勒圖久任伊犁將軍辦理蒙古厄魯特各處事宜極為鎮靜衆部落亦甚輸服朕前聞伊患病即命侍衛豐紳濟倫持朕御用荷包等物前往賞給並令伊弟薩哈蘇帶領御醫馳往診視乃豐紳濟倫未到之先遽已溘逝朕心軫惻著由彼處庫內賞銀一千兩料理喪事即

著豐紳濟倫馳往奠醊伊勒圖本襲有雲騎尉著加恩晉一等伯世爵令伊子哲臣泰承襲所有應得卹典照公爵例給予以示朕軫念勲臣至意○以烏魯木齊都統奎林為伊犁將軍伊犁叅贊大臣永鐸為烏魯木齊都統正藍旗漢軍都統阿克棟阿為正白旗領侍衛內大臣○丙子諭軍機大臣等據畢沅奏五月分糧價單朕詳加披閱內開封衛輝彰德等府屬黑豆穀子俱較上月稍減惟汝

寧陳州光州三屬糧價俱較上月稍增本年豫省被旱衛輝彰德積歉之區即糧價稍增尚為事理所有乃竟稍減至南汝光三屬雨水調勻陳州府屬亦未缺雨何以糧價轉較上月稍增此自係小民因收成稍稔附近災區商販前往羅賣者多遂爾囤積居奇以致糧價昂貴畢沅當飭令地方官設法勸化諭以該數屬幸而未經被旱糧石充餘若因鄰近州縣收成歉薄因而遏糴居奇是幸災昧

良。豈能仰邀嘉佑。獨享盈寧。如此剴切曉示。小民具有天良。自不敢復萌故智。倘慙不畏法。亦當懲治一二。著畢沅即行遵照辦理。仍將現在糧價情形。據實覆奏。○又諭據德成奏。金簡條陳酌減浮費摺內。陳設

壇

廟器皿。以及拘抵粘補油飾等項工程。嗣後製造庫食錢糧匠役辦理一款。經軍機處查交工部。金簡一人酌定咨覆。殊於體制未合。且

金簡覆片內。酌添鉛瓦石三項匠役九名。多寡懸殊。勢所難行等語。此事如係軍機處止交金簡查覆。自應金簡一人酌定登答。今既交查工部。則不但德成理當參酌咨覆。即各堂官亦應與聞。公同熟商。乃金簡竟自酌定。獨行咨覆。原屬不合。德成固好與人爭執。而此事尚為得理。至此條業經據軍機大臣等。議令將營繕司琉璃等匠內裁去九名。抵補添設鉛瓦等匠役之數。已依議行。諒德成尚

未接閱。而該侍郎又稱。所添鉛瓦石匠役九名。常年有空曠缺乏處。多寡懸殊。勢所難行等語。此事朕亦難以懸定。著將原摺發交留京王大臣。傳集金簡。德成。令其質對是非。並各抒所見。秉公酌議。據實具奏。○又諭留京王大臣等奏。審擬宗室慶愛串通族兄珠豐阿等。捏造假契。誣騙銀兩一案。細閱所擬罪名。殊屬失之寬縱。珠豐阿身係宗室。乃不知安分自愛。輒與伊族弟慶愛。捏契誣借。致騙至同子等錢文。如此敗類。豈容其仍列近支。即舒永阿等均係宗室。永清等俱屬旗人。既已知情分用銀兩。何得止照例圈禁折枷。現已令軍機大臣。逐一分別擬加。發交留京王大臣。遵照改擬具奏外。留京王大臣等。承辦此案。瞻徇情面。定擬寬縱。殊屬非是。著傳旨申飭。○丁丑。諭據舒常奏。審擬因姦毒死親姑之陳桂氏。凌遲處死。姦夫賴耀衿擬斬。請即行正法一摺。已批交行在法司。覈擬速奏。

矣。定律因姦謀死親夫。由姦婦起意者。將姦夫問擬斬候。此案桂氏與賴耀衿通姦。係桂氏起意。將伊姑楊氏毒死。賴耀衿止於代買毒藥。律應斬候。即因其助逆情節較重。亦不過趕入本平秋審情實辦理。已足蔽辜。舒常遽請即行正法。殊屬錯誤。至桂氏係蔑倫重犯。淫惡已極。與謀殺父母者無異。審明後理應恭請王命。即行凌遲處死。何必復行請旨。致往返需時。有稽顯戮。舒常於例應斬候之犯。遽請立決。而於決不待時之犯。轉遲延待旨。殊不知例案輕重。著交部察議。○又諭朕長輩內。惟二十三貝勒獨存。前聞患病。當遣皇八子帶領御醫。前往診視。冀其速痊。茲據弘蟲等奏。已於二十七日薨逝。聞之深為惻惻。仍派皇八子往奠茶酒。應得卹典。照郡王例辦給。○是日予告大學士蔡新奏。起程回籍日期。得旨。好。一路平安。俟再來相見也。○直隸總督劉綎奏。派委鎮道等官。分段催趲。

漕船。得旨。遲滯之過。不在直隸。儘力催解而已。過來雨水畧勤。幸而即晴。田禾無礙。否。速奏來。○漕運總督毓奇奏。本年二進尾後鎮海等十七幫。及浙江十幫。湖廣六幫。雖止渡黃起剝。而邵宿運河。頂阻久候。及水長倍加。艱緯。請每船賞銀三兩。其自頭進淮安頭幫起。至二進寧太幫。共二十八幫。自渡淮至猫兒窩。黃林莊等處。節節起剝。勞費較重。每船加賞銀六兩。得旨。允行。○署河東河道總督蘭第錫奏。運河廳屬南旺迤北。袁口閘。每當汶河發水。首受其衝。因修建年久。金門閘牆等工。諸多損裂。亟應拆建。得旨。允行。○四川總督李世傑奏。請嗣後鎗兵止令專習鳥鎗。至三缺後。輪應拔補馬糧。及千把外委時。即閱看鳥鎗之精熟。比較拔補。無庸兼試弓箭。如拔至千把。即令教演鳥鎗兵。於訓練更為得力。得旨。以實為之。毋為空言。

大清高宗法天隆運至誠先覺體元立極敷文  
奮武孝慈神聖純皇帝實錄卷之一千二百三十五

實錄卷之一千二百三十五

五

大清高宗法天隆運至誠先覺體元立極敷文  
奮武孝慈神聖純皇帝實錄卷之一千二百三十六

教修

乾隆五十年乙巳八月戊寅朔祭

大社

大稷遣怡親王永琅恭代行禮○諭據薩載等  
奏淮安江寧常州鎮江揚州五府屬本年被  
旱收成不無歉薄糧價漸昂請於現在截留  
黃河以南江西漕米二十八萬餘石內酌撥  
十萬石分給淮安等五府屬平糶接濟民食  
所有糶價提貯司庫俟來歲秋收豐稔照數  
買補帶運抵通交納等語著照所請即於截  
留米石內酌撥十萬石交與該督撫等分給



淮安等五府屬以備平糶之用俾民食得資接濟該部即遵諭行○已卯遣官祭

關帝廟○

上御卷阿勝境賜扈從王公大臣蒙古王公台吉等食至辛巳皆如之○諭古樂以宮商角徵羽為五音合諸變宮變徵則為七音今之樂猶古之樂何以樂部所奏樂章僅以五六工尺上等字為音而問之以宮商角徵羽則茫然不知為何事近偶閱張照所奏論樂劄

子辨析頗詳其所謂五六工尺上即宮商角徵羽甚合古意因復取律呂正義再加叅覈本屬相合因思今之五六工尺上與古之宮商角徵羽名雖異而實則同聲音之道原欲避俗趨雅今反援雅而歸俗甚非道也况

郊

廟樂章格

天歌

祖正朝御殿敷政臨民鐘簋元音自應用古制

為節奏今樂部所定樂章俱取便注工尺按諸名義殊乖莊雅但相沿已久若粹令樂工等改習宮商角徵羽則心手俱所未嫻其勢亦有所難朕意俗用工尺既與宮商角徵羽相同嗣後雖令樂工等取用工尺等字而於樂章每章每字下則兼注宮商角徵羽變宮變徵字樣皆令兼知則不但用諸

郊

廟朝廷倍彰莊雅而以此潛移默化漸復古音未始非返樸還淳之一道再古樂中琴瑟與金石並重近來樂部奏樂琴或間能操縵而瑟則竟屬虛陳即業儒之人雖偶有學琴者已非古道至於瑟則未有能鼓者是瑟之為道久已失傳夫八音迭奏琴瑟相宣豈容偏廢向來樂部奏樂俱因笙笛聲壯琴瑟聲細為其所掩絲不如竹古已有其語是以樂工等罕有嫻習者殊非八音咸備之意從前勵宗萬為太常寺少卿時寺丞張樂盛編輯

壇

廟樂章。廟宗萬為之作序。維時已有律呂正義一書。而張樂盛所編書內樂章並不仿照兼注宮商。軌專注工尺。廟宗萬又不為之定。正所謂不學無術。不可與言樂。亦安能窺律呂正義之博洽賅備耶。然律呂正義一書。卷帙既繁。剖析又極精微。樂工未易領會。德保係禮部尚書。太常寺樂部皆所綜理。莊存與則禮部侍郎。而兼管樂部。著德保莊存與。向武英殿咨取律呂正義刻本一部。將律呂正義書內。每字下駢注宮商角徵羽及五六工尺上字樣者。摘出。令樂工按書演習精熟。並著將琴瑟二樂。飭令樂舞生一體用心。嫻習。蓋黃鍾為萬事根本。五音十二律還相為宮。而所謂三分損一。隔八相生之說。其義原可貫乎今之工尺。蓋黃鍾生大呂。至半太呂。而又生黃鍾。夫黃鍾宮也。以宮商角徵羽變宮變徵之位言之。則為七。以其相生之數言之。則

為九。此隔八之說所由來也。如歲時之有八節。遞嬗而歲時成矣。今之五六工尺上四合。合字音之終也。而即以生五生生不窮。自為循環。所謂貞下起元。聲音之道與政通也。著德保莊存與悉心講求。檢閱於律呂正義一書。取要節繁輯為簡要一編。會同軍機大臣酌定。繕寫進呈。刊發。再律呂正義中原有御製補笙詩六首。駢注工尺宮商字樣。著一併入編。頒發學宮肄習。以示作樂崇德。協律同和之至意。○又諭據留京王大臣等奏。審擬宗室珠豐阿等捏造假契。誣騙銀兩一案。已依議行矣。珠豐阿等身列宗室。不思安分。知耻輒敢假捏印契。圖騙銀錢。寡廉鮮恥。莫此為甚。此而不嚴行治罪。則將何以示懲。夫國家優崇宗室。原以屬在本支。皆當顧名思義。謹飭視躬。不屑與齊民為伍。若如珠豐阿等所為。雖齊民之稍知自愛者。尚不肯為。而珠豐阿等乃相率為之。所誣銀錢盈千累百。且

至騙及回子錢文似此敗類實為玷辱宗潢除將伊等削去宗室降為紅帶子仍各加重治罪外嗣後宗室覺羅等各宜愛惜顏面益加謹身寡過以副朕諄切訓勉之至意將此交宗人府通飭宗室覺羅知之○又諭前據何裕城奏請將丁憂知縣王垂紀留辦西安城工一摺已批所奏不可行並諭該撫即飭該員回籍守制昨又據富綱奏請以丁憂雲州知州宋昌瑋接辦寧臺廠務亦批不必令另選合例之員具奏矣奪情起復非所以教孝敦倫古人惟於軍旅之事偶一行之若地方遇有不靖如撒拉爾逆回等事軍務緊要其承辦軍需之各州縣設遇丁憂該督撫自不妨奏請權令在任守制至城工廠銅非軍務可比有何必須一人始終經理而為此破例之舉設遇其人病故又將如何豈必待起死回生而後可不致乏員辦事耶大抵該督撫之為此奏非徇情市恩即係該員干求請

託並非專為地方政務起見徒令此等在任守制之員坐擁廉俸戀職忘親轉藉王事羈留不得稍盡人子之禮資為口實於官方政化俱有關係著通飭各省督撫嗣後非遇軍務不得以丁憂人員奏請留任著為令○軍機大臣等議准陝甘總督福康安奏稱前經寧夏將軍莽古賚奏准涼州莊浪二處添設駐防兵請派寧夏當差之拜唐阿開散五百名移駐涼州另於滿洲蒙古八旗撥兵三百名遣往莊浪所有派往佐領等官請由京補放遣往從之○庚辰遣官祭黑龍潭昭靈沛澤龍王之神玉泉山惠濟慈佑龍王之神○諭國家宗支繁衍瓜瓞綿延皆我

太祖

太宗派系流傳譜列銀潢名登

玉牒朕念本支加恩宗室其閑散年已及歲者近皆給予四品頂戴俾天家子姓俱得邀章

服之榮。凡身列宗潢者。自當顧名思義。謹飭  
禔躬。不屑與齊民為伍。乃珠豐阿慶愛等。竟  
至假捏印契。誣騙銀錢。盈千累百。且騙及回  
子錢文。似此屏宗寡廉。踰閑蕩檢。幾同穿窬。  
不意宗室中。竟有此等敗類。朕深為憤懣。是  
以將伊等削去宗室。降為紅帶子。發遣黑龍  
江。以示嚴懲。但珠豐阿慶愛。削去宗室。及通  
義富貴等。削去旗檔。止罪及本身。而珠豐阿  
等子孫。仍得名收譜牒。通義等子孫。尚在旗  
籍。此朕格外施恩。於按律懲治之中。仍寓加  
惠推恩之意。伊等當如何感激。愧勵耶。著將  
此旨。令宗人府。交宗室各族長。鈔錄一分。諄  
切勸勉。嗣後當以珠豐阿等為戒。各宜安分  
知恥。愛惜顏面。敬念

太祖

太宗支派流傳。益加謹身寡過。永沐恩榮。以副  
朕訓誨成全。睦族展親之至意。○諭軍機大  
臣等。據明興奏。陸耀於山東臬司任內。曾刻

有甘薯錄一編。頗為明切易曉。現飭多為刊  
刻。頒行各府州縣。分發傳鈔。使皆知種薯之  
利。多為栽種等語。所辦甚好。河南頻歲不登。  
小民艱食。前已諭令畢沅。轉飭各府州縣。仿  
照懷慶府屬廣種薯蕷。即直省迤南各府。今  
年亦因雨澤愆期。收成歉薄。番薯既可充食。  
兼能耐旱。且東省各府。既間有種植。自不難  
於就近購採。朕閱陸耀所著甘薯錄。頗為詳  
晰。著即鈔錄。寄交劉綬。畢沅。令其照明興所

辦。多為刊布傳鈔。使民間共知其利。廣為栽  
種。接濟民食。亦屬備荒之一法。將此傳諭知  
之。○又諭據明興奏。拏獲聚眾拒捕毆官要  
犯南玉。張第四。二犯。現在派員押解赴部。歸  
案審辦等語。南玉。係此案首犯。既據山東拏  
獲。其守備馬麟。自早經解到。無難徹底根究。  
逐一嚴訊。著傳諭刑部堂官。俟該犯解到時。  
即迅速審明。定擬具奏。其未獲之張四。禿子。  
吳池等。並著傳諭明興。通飭各屬。於沿河一

帶。仍上緊嚴緝務獲。毋使一名漏網。○辛巳。土爾扈特郡王色楞等三人。阿爾台烏梁海散秩大臣烏爾圖那遜等二人入覲。

上御卷阿勝境。召見賜食。諭軍機大臣等。據毓奇等奏。分派截留漕船事宜一摺。所辦甚是。著即照所請。分撥截留。俾漕艘及早歸次。受兌。以免長途牽輓之勞。至摺內稱淺滯在清口之饒州永建等幫船。現在圍埧庫水。設法推挽。擬將船米全數起空。俟推活得水。再

將米石復載原船。輓回三閘。守候齊幫南下等語。看來現在清口糧艘淺擱。來往俱不能行動。殊屬不成事體。清口阻滯。淮水微弱。停沙淤淺。乃偶然之事。自六月二十八九至今。已逾一月。何以尚形淺滯。况前據薩載等奏。報七月初十以後。黃水盛漲。淮水亦陸續增長。下注洪湖。而清口仍然淺滯。殊不可解。雨澤短少之時。河水未能充足。致有淺阻。尚屬事理之常。今大雨時行之後。黃淮俱長。而清

口仍然淤滯。是長此安窮。該督等專司河務。目擊情形。豈竟一籌莫展耶。薩載李奉翰不早建閘座。貽誤於前。若再不設法辦理。將清口疏濬深通。致誤新漕。恐該督等不能當其咎也。著薩載李奉翰將清口何以淤阻如此之久。究竟作何籌辦之處。迅速明白回奏。至本年漕船遲滯。沿途正須上緊催趲。酌量情形。就近籌辦。毓奇不必前來行在。陛見務期加意往來照料。俾漕船迅速抵通。回空受兌。方為妥善。將此諭令知之。○戶部議奏各省未完耗羨。總由州縣不隨正項錢糧一體申解。遂以已徵作為民欠。應請飭各省督撫將積欠銀兩。分別年分遠近。如事隔多年。即按在任應解未完確數。勒限追賠。其現在各官吏。倘有侵那。即飭該管道府嚴明節年延宕之項。分別在官在吏勒追。外仍嚴叅究治。倘其中有一二實欠在民。該州縣前徵正項時。何以不行覈入。亦著落經徵之州縣賠繳。如

無可著追。即著落失察之歷任各上司。按股攤賠。並請嗣後責成藩司。照原任山東布政使陸燿奏准。隨同正項報解。設不肖州縣。仍有那移一面勒追一面叅處。該司徇隱。臣部查出一併叅處。從之。○禮部議覆四川學政錢樾奏稱。學臣按臨考試。例以府州為提調。稽查彈壓。關係甚重。若委員代辦。每致呼應不靈。應請申明定例。嗣後學政按試時。該府州非有緊要事件出境。不得改委佐貳等官提調。遇有改委代辦。申報督撫查覈。至各府州縣設立書院。以廣學校。所不及。豈容久虛講席。教官本有課士之責。不准兼充。從之。○

上御卷阿勝境。賜扈從王公大臣。蒙古王公台吉等。及土爾扈特郡王色楞等三人。阿爾台烏梁海散秩大臣烏爾圖那遜等二人。食翼日如之。○遣官祭昭忠祠。○諭戶部覈議各省耗羨。務令隨同正項錢糧。一同報解一摺。

已依議行矣。此事曾經陸燿條奏。戶部議覆准行。朕惟各省耗羨。雖與正項錢糧不同。然斷無正項錢糧全完。而獨欠耗羨之理。總因不隨正項錢糧一體申解。司庫州縣遂以已徵作為民欠。希圖從中那移。可以取攜。自便及至上司催解。或那新補舊。或借端重徵。種種情弊。俱所不免。自應著落藩司。催令各州縣隨同報解。如有官吏侵那。惟該藩司是問。再聞各省州縣官。於耗羨內。有自行動支。抵算養廉者。耗羨歸公。原為各官養廉之費。但官員自收自支。其中恐滋影射冒混情弊。此後應一併禁止。令盡數解司。後再行由司庫動支給發。以杜弊混。並令該督撫於年終分晰報部查覈耗羨一事。經

皇考整頓清釐之後。官員各給養廉。既不致辦公竭廢。而徵收皆有定額。閭閻又不至分外苛求。最為法良意美。乃各省辦理不善。拖欠竟有數十年之久者。此時自不得不徹底查

辦。但究念為時已久。官非一任。恐輟轉查追。仍不免累及小民。著以乾隆四十年為限。其乾隆四十年以前。各省所欠耗羨。俱著加恩。竟予寬免。至四十一年以後。拖欠耗羨。令該督撫藩司。於經徵各官名下。嚴切查催。逐一追繳全完。不得向小民重徵滋擾。以示朕惠愛黎元之至意。○又諭。戶工二部議覆。淮安關。短少盈餘銀十五萬七千四百七十六兩。零宿遷關。短少盈餘銀一萬三千八百三十八兩零。請著落該監督照數賠補等語。固屬照例辦理。第念本年豫東二省。俱被旱災。麥收歉薄。客販無多。以致船隻過關稀少。盈餘短絀。尚屬有因。所有此次淮關短少銀十五萬七千四百七十六兩零。宿遷關短少銀一萬三千八百三十八兩零。俱著加恩免其賠補。○又諭。據富勒渾奏。延平協副將王萬里。久病不痊。難以辦理。營伍先行叅奏開缺。仍於舉劾案內附疏。聽候部議等語。王萬里係

總兵王萬邦之兄。王萬邦前在金川出兵陣亡。今伊兄王萬里於副將任內。久病不痊。並無別項劣蹟。若入於舉劾案內。辦理部議。即應革職。但念其弟曾著勤勞。王萬里著加恩。以原品休致。該部知道。○諭。軍機大臣等。本日聞有蘭第錫等六百里之報。朕心深為驚疑。及拆函披閱。知係覆奏水勢緩順。工程平穩。各情形覽之欣慰。不禁以手加額。今年豫工秋汛。因上游萬錦灘疊次異漲。長水至三丈以外。蘭第錫畢沅督率工員。分頭鑲護。得以一律平寧。殊屬可嘉。俟秋汛安瀾。本到。即降旨將伊等交部議敘。至二十八。九兩日。沿河一帶。澍雨綿密。在工之員弁兵夫等。於雨中晝夜搶辦。並未住手。尤為可嘉可憐。所有出力之員弁。著蘭第錫等查明。分別等第。入於秋汛安瀾議敘案內。咨部。其兵夫人等。即著查明。先行酌賞。以示鼓勵。將此諭令知之。○又諭。昨因清口淤滯。漕艘淺擱。來往俱不

能行動。甚屬不成事體。已有旨諭令薩載李奉翰查明。據實明白回奏矣。前據薩載等奏報洪湖內高堰誌樁。於七月十八九日以後。陸續長水一尺五寸。現雖尚未暢出。而通湖引河業已派員一律疏濬。如水勢加長迅速。再當遵照欽定水誌。將清口東西壩酌量豫為拆展。以資暢洩等語。淮水既有日長之勢。該督等將拆展清口東西壩。以資宣洩。何以漕艘經行淺滯如此之久。殊不可解。至清口

自本年三月以來。屢形淺阻。朕輟轉思維。推求其故。或係清水微弱。不能暢出。或又因黃水倒漾。水退沙淤。以致舟行阻攔。均未可定。朕於此事深為懸注。該督等從未奏明。是何故也。該督等斷不可稍存迴護。著即將清口究竟何以如此淺阻。及作何設法籌辦。俾一律深通之處。據實迅速具奏。○癸未。諭據劉我奏。接通永道龍舜琴通協副將蘇寧阿稟稱。自津至通。水勢充足。無須起剥。當即明白

曉諭。催令各糧艘原載抵通。詎有長淮頭大河三兩幫押運官劉鼎鈴盧效廉等商之總漕委弁李守備。聲稱起剥係向來定例。未便因水勢充足。擅停起剥。當即飭發札諭。催令原載赴通等語。剥船原為淺阻而設。今北運河水勢既已充裕。滿載漕船足資浮送。自應上緊遄行。或果遇淺處。再行起剥。庶可及早抵通起卸。既可節省剥費。又可免盤剥耽延。旗丁亦所樂從。斷無辭甘就苦之理。乃押運

官劉鼎鈴等。竟敢商之總漕委弁。因向來漕船至楊村一帶。多因淺阻起剥。習為成例。遂不顧水勢之深淺。藉詞到此必須起剥。以為需索漁利地步。豈有此理。該弁等欲借起剥為名。希圖訛詐。亦尚在情理之內。或可欺以其方。乃北運河水勢既已充足。自應原載直抵通州。若云更須起剥。何以該幫經龍舜琴等押令遄進。於七月三十日酉時開幫。初二日即至河西務。此幫船之無須起剥。而該弁



之有意逗留。更屬顯而易見。似此遷延稽遲。殊出情理之外。其中必有藉端需索情弊。止圖漁利分肥。全不顧漕船行走遲速。營私誤公。情節甚屬可惡。劉鼎鈐。盧效廉。李守備。俱著革職。毓奇。現在江南一帶。攬催糧艘。距直省尚遠。此案若令會同毓奇查審。轉恐遲延。即著交與劉戡。秉公審辦。劉戡不必前來。行在接奉此旨。即速赴通。會同倉場侍郎。將劉鼎鈐等。嚴切究訊。務將該弁等。因何必須起剝。及向來如何需索舞弊各實情。逐一根究。明確定擬具奏。其長淮頭大河三兩幫押運事宜。著毓奇委員迅速前來接署辦理。毓奇差委之人。若不能到。即著劉戡委員署理。原皆國家公事也。至龍舜琴。蘇寧阿。聯銜發札。逕行催令原載赴通。所辦甚好。著交部議叙。○諭軍機大臣等。昨因清口淺滯。非由淮水微弱。不能暢出。即係黃水倒漾。水退沙淤。已有旨諭令薩載。李奉翰。查明實在情形。迅速

具奏矣。朕思自開挑陶莊引河之後。清口距黃已遠。不應復有倒漾之事。而停沙淤滯。若非黃水挾以俱至。此沙又從何處而來。輾轉思維。實不可解。今年漕艘業已淺阻如是之久。明年新運渡黃。又將如何。朕於此事。昕夕懸注。著傳諭薩載。李奉翰。務即將清口究竟因何阻滯。並作何設法籌辦。即可永利。進行之處。據實迅速具奏。以慰廑念。○又諭。前因河北各屬未得透雨。兼有應辦賑事務。是以令江蘭常駐衛輝。督同妥辦。本日據江蘭奏。衛輝一帶。二十八。九等日。復得澍雨。晚禾可以有收。春麥亦藉以播種。七月分加賑口糧。已次第放竣等語。是該處已無必須江蘭在彼籌辦之事。藩司為錢糧總匯。應辦公務繁多。未便久離省署。江蘭此時即當回省辦事。倘因衛輝一帶。究係積歉之區。有尚須親為經理者。該處距省不遠。江蘭俟公務就緒。再行前往稽察。亦屬甚便。毋庸在彼常駐也。

○又諭曰永鐸奏據那旺報稱哈薩克賊匪八人竊察哈爾牧羣馬一百八十餘匹隨派弁兵追獲賊三名馬三十餘匹餘令鄂拓克嚴拏等語哈薩克賊人想聞伊勒圖患病乘間竊發奎林此時諒已到彼務即相機妥辦並諭惠齡一體協拏如未就擒即著那旺逕向杭和卓索取務期弋獲俟獲到時不論首從即行正法以示懲儆仍向鄂拓克罰取馬匹勿稍姑息○直隸總督劉綎奏直省河工

同知通判一十六缺向例缺出如河工無人准於沿河之通州等五州武清等十六縣內揀員陞署惟各州縣均屬要區非礙於處分即格於年限竟至一時並無合例之員嗣後河工南岸等同知通判缺出請將兼河之灤州清苑河間獻縣任邱正定雄縣七州縣一體揀員陞補如仍不得人並於河員出身及曾任沿河之現任繁缺州縣通融奏請陞署下部議行○甲申諭軍機大臣等據管幹珍

奏查催漕船往來河干諸湖隄堰閘座涵洞俱存或湖深而支河不通或湖中存水不多亦有竟至於涸者若不及時經理脈絡漸不疏通恐支河不能達湖以致不能入運萬一明年雨少則更無濟運之方雨多則無容水之地所患又非止漕運一事請令各該管地方將舊有支河隨時疏導無使堵塞淤高據實勘估分別官民相機設法疏通務令諸水匯流由幹達支互相聯絡等語所奏甚為近

理黃河以南之運河恃洪澤湖匯淮抵黃以濟而射陽汜光甍社邵伯諸湖之水匯之黃河以北之運河恃駱馬湖以為儲蓄而臺莊閘內諸泉及河成三閘上下之蒙沂汶尾諸水匯之向來俱藉以利漕濟運至於大江以南運河則恃江湖往來吐納及太湖以為儲蓄而練河東西沅沔諸水爭流分注匯為長渠故南北運河數千餘里漕艘商船均資浮送今諸湖隄堰閘座俱存而支河往往不

通湖水竟有淤涸。雖因本年江省淮徐等屬東省兗沂曹等屬雨澤稀少。但此各處淤淺。尚非一年雨少所致。恐日久因循。疏導匪易。而既經淺涸。若任其年復一年。脈絡漸不疏通。是雨少之年。既不能由支達湖以濟運。而雨多之年。則又湖底淤高。支河閉塞。難免無泛濫之虞。於漕運民田大有關礙。現在南漕之趨入東境者。可遙輓抵通。其江西尾後各幫。亦已令該督等酌量截留沿途水次。但距回空不遠。而明年新運又復接續而來。不可不豫為籌備。以期無誤新漕。永資利濟。著薩載李奉翰蘭第錫明興各就所屬地方。派委大員分頭履勘。及此時湖河水淺。設法相機盡力疏導。務令諸水匯流入湖。由幹達支節聯絡。使水小之年仍可濟運。水多之年不致少有泛濫。妨礙民田。方為妥善。薩載等總宜及早辦理。若至明年重運北上時。復有貽誤。則是伊等籌辦不力。咎無可辭。又據管幹

珍奏。靳家河等處由蘇家山引黃濟運。若得水利充盈。似可不必更分黃水之勢等語。本年因運河水淺。經薩載等於蘇家山引黃濟運。原屬一時權宜之計。若果各處水泉疏浚。節節深通。則糧艘自可遙行。毋庸分黃濟運。俾黃河全力下注。不致停淤。於湖河兩有裨益。自屬河工正辦。將此傳諭薩載李奉翰蘭第錫明興知之。並著將如何勘估籌辦之處。據實覆奏。○又諭據吳垣奏。湖北省被旱各州縣倉穀已減價平糶。并酌借口糧。將來賑濟備糶。存在需用。查四川江西兩省向有米船運楚。糶販現廣為招商。飭令地方官給與照票。分往四川江西採買等語。湖北今年被旱較廣。雖已分別平糶。借給口糧。民情究不免拮据。四川江西與湖北接壤毗連。且該二省上年秋成豐稔。今年雨澤調勻。豐收在望。自應令湖北商賈前往販運。俾資接濟。著傳諭李世傑舒常務須幫同料理。即轉飭產米

地方及關津隘口。遇有湖北商販到境。毋稍留難阻滯。並出示曉諭該省民人。不可因此而遏糴居奇。倘商販前往稍多。市集米糧一時未能應糴。不妨即將常平義倉等穀。先行開糴。俾商賈等速運回楚。以濟民食。俟米價平減時。再照數買補還倉。如此辦理。則該二省糧價自不至驟加。而楚省又得源源接濟。該督等。即當酌量情形。遵照妥辦。並諭吳垣知之。○又諭據毓奇奏。酌定幫船米數。分派截留起卸一摺。自應如此辦理。至所稱直隸截留米石。係派撥於大名府各屬收貯備用。現今尾後之撫州吉安南昌後等幫。輒至臨清住泊。一面知照直隸派員就近迎幫。免收等語。著傳諭劉綎迅派妥員。前赴臨清水次。就近迎幫。上緊兌收。俾漕船迅速回空。而收貯米石。即可備冬春賑借之用。方為一舉兩便。至二進及三進在前之浙江幫船。既可於八月底趨過津關。其三進在後之湖廣六幫。

平糶李士士

子

及江西渡黃在前入東各船。亦可於八月底趕入直境。著傳諭毓奇督押各幫。儘力日夜催趲行走。趕緊抵通。其尾後各幫。有實在遲滯。恐誤回空者。並著毓奇遵照節次所降諭旨。酌量情形。於直隸泊頭安陵等處截留起卸。該督等熟籌妥酌。一面辦理。一面奏聞。總期無誤回空。受兌新漕。方為妥善。○乙酉。土爾扈特親王車凌烏巴什等五人入覲。賞賚有差。○諭據留京王大臣奏。傳詢金簡德成質對製造庫改設匠役一事。彼此辯駁。不能歸於一是。惟當以所費之多寡為斷。既據金簡通盤覈算。添設石鋸二匠。不致空曠糜帑。添設瓦匠一項。較之外雇更為節省。應如軍機大臣原議。准其改設等語。著即照軍機大臣原議完結。至金簡係工部尚書。德成係工部侍郎。皆國家卿貳大臣。如果事關營私舞弊。原不妨互相糾劾。乃以此等改設匠役微細之事。竟至彼此爭執。形諸奏牘。殊屬失體。

平糶李士士

子

金簡於軍機處交查時。固不應一人獨行咨覆。但該司員亦曾將覆片鈔錄。稟知德成。德成果另有所見。必須商酌之處。應即令該司員轉告金簡。或面商。倘金簡固執已見。決意不從。再行另議具奏。亦未為遲。而德成於當時並未明言其故。事後補奏。有類相訐。殊非和衷共濟之道。金簡德成。均有不合。俱著交部議處。以為大臣不能同寅協恭。挾小嫌而失大體者戒。○諭軍機大臣等。本日據蘭第

平定本丁亥

子

錫奏。微山湖水勢。入秋以來。僅長一寸。較定誌尚少四尺有餘。俟重運一過南陽。即將東岸獨山湖。併魯橋荆溝諸泉渠之水。由各水口單開。轉輸微山湖內。以資收蓄等語。看來微山湖水勢淺少。而江南洪澤湖底水亦止存二尺六寸。目下清口尚然阻滯。漕艘淺擱。來往俱不能行動。朕於此事。昨夕懸注。至河南衛輝一帶。本屬積歉之區。今年亢旱異常。秋成失望。雖經疊降恩旨。賑卹拊循。閭閻是

平定本丁亥

子

否安全。不致流離失所。及續經得雨後情形。若何。朕軫念災黎。無時或釋。現在留京無事。阿桂於八月十八日。當上秋審班。二十五。已可辦竣。著不必前來行在請訓。即可於月內起程。先赴衛輝被災各處。逐加履勘。賑卹曾否普霑。民情是否寧帖。據實具奏。地方官若有辦理不到處。即速奏聞。再至睢州工次。將高家寨北灘抽溝引溜之處。及從前修做挑水攔水各壩。與蘭第錫畢沅。悉心講求。設法辦理。務使大溜日漸北趨。新隄益加鞏固。查勘完竣。即由豫省赴江南淮黃交匯處所。以及洪澤等湖。詳悉查勘。洪湖底水如何止剩二尺餘寸。並清口因何屢形淺滯。究係因清水微弱。或因黃水倒漾。據實奏聞。會同薩載。李奉翰。設法籌辦。務令清水暢出。敵黃衝刷淤沙。以期無誤新漕。永資利濟。其管幹珍所奏。疏浚支河。令諸水匯流。由幹達支。俾脈絡貫通之處。亦即會同酌定章程。可行與不

可行。交地方官實力辦理。俟江南各事查辦完竣後。回程順道山東。會同蘭第錫。明興。將臺莊閘內諸泉及河成三閘上下諸水詳悉查明濟運。至微山湖。益當令底水充裕收蓄。以利新漕。永資利濟。以及南陽駱馬昭陽等湖。有無淤淺。相機籌辦。總之河工運務。關係國家大計。而民生疾苦。尤切朕懷。即如吳垣所奏。楚北歉收。藉四川江西兩省米石接濟一事。朕為之酌籌調劑。訓諭周詳。阿桂係受

恩深重之人。自當仰體朕懷。不辭勞瘁。詳查確勘。妥辦熟籌。務期事事盡善。為一勞永逸之計。不必欲速。必須一路輕騎減從。留心和衷商榷。以期兩有利賴。即至年底回京。亦不為遲也。將此傳諭知之。○又諭據蘭第錫等奏。河水續漲。工程平穩。一摺。覽奏稍慰。至摺內稱。現在大溜經由北灘抽溝之處。河面益覺寬展等語。此地是否。即係從前朕硃筆標識。令蘭第錫抽溝使溜勢全歸正河處所。若

能益加寬展。大溜經行。自屬極好機會。摺內未經明晰聲敘。著傳諭蘭第錫等。即行繪圖貼說。據實奏聞。○又諭本日據特成額奏。湖南省糧價雨水情形。一摺。內稱通省雨暘順敘。早稻現已陸續登場。統計收成分數。實有八分有餘等語。是本年湖廣被旱災區。專在湖北之武漢荊襄等府州屬。而湖南一省。州縣中不過有四五縣得雨稍遲。其餘七十廳州縣。則已早慶秋成。米糧漸次入市。湖廣雖

分南北兩省。實與同省無異。今因湖北災區賑糶需用米石較多。尚向四川江西二省越境採買。湖南境壤毗連。該處商民情同桑梓。著傳諭特成額。即於湖南各屬。出示曉諭。不論市集鄉城。遇有湖北商販入境。斷不可居奇遏糶。並勸令該處商民。多運米石。到湖北被旱各府州屬糶賣。似此以南省之有餘。補北省之不足。於商販民食。均有裨益。再本年江蘇安徽二省。被旱地方較廣。該二省地狹

民稠。向來豐收之年。米糧僅敷本地口食。若稍遇歉收。即須仰給於四川湖廣江西之米。其四川商販載米至安徽。江蘇糶賣者。必經由湖北。聞江西商販則由九江一帶。順流逕抵安徽省。江寧蘇州等處。鮮有逆水載往湖北上游者。若因湖北現在採買。或將四川運往江南米船。於中路邀截。不令其東下。或將下游江西之米。令其逆流赴楚售賣。則在商販既非所願。而安徽江蘇二省。現在年成歉薄。

又無商販接濟。該處民食必至拮据。亦非通盤籌畫之道。著傳諭特成額李世傑舒常吳垣。止須督飭所屬。招商出示。一面給粟採買。一面平價應糶。俾商賈等運回楚省。速濟災區民食。其四川省運往江南之米。斷斷不可於中途攔截遏糶。其江西下游商販。亦難強令其逆輓入楚。如此通盤籌畫於湖北安徽江蘇三省民食。均勾接濟。更屬有裨。該督等務宜實力妥辦。毋令不肖官吏奸商等稍有

遏抑攔阻。致滋弊竇也。仍將如何酌籌接濟糶販之處。會商妥協。迅速具奏。以慰廑念。○又諭據特成額奏。湖南桑植縣民郭大至。妄編代宣

聖諭廣訓一本。詞語狂悖。並言湖北施南府屬咽喉累民。現在逐加究訊。業據供認挾嫌誣捏。各情節等語。該犯郭大至。因遷居湖北恩施縣地方。佃種譚心寅田畝。欠租退佃。輒挾嫌誣竊。並將口角爭鬧之唐享珍等。牽控多人。居心已屬險詐。又膽敢編造公狀。希圖洩忿。並妄造序詞。語多狂悖。實屬目無法紀。該督既已審得實情。即應迅速定擬具奏。何尚懸案未結。有稽時日。著傳諭特成額。即將該犯按律速行定擬具奏。毋任稽延。○又諭特成額奏。湖南桑植縣郭大至。妄編狂悖詞語。錄成稿本。於本年三月間。值學臣按試永順府屬。該犯即將稿本呈遞轉奏等語。郭大至狂悖不法。將編造稿本。於學政處投遞。該學

政有奏事之責。此係何等事。自應一面奏聞。一面咨會該督撫臣查辦。何以該學政竟未入告。以一咨了事。著傳諭錢澧將接收該犯編造逆詞。因何不即行奏聞之處。明白回奏。○丙戌。

太宗文皇帝忌辰。遣官祭。

昭陵。○杜爾伯特扎薩克台吉普爾普達爾扎等四人。及唐努烏梁海總管額林沁等二人入覲。○諭據特成額奏。湖北潛江。鍾祥。二縣。

應修民隄。先行借項興修。仍於有隄業戶名下。分別徵還。共用過銀七萬八千五百餘兩。經部駁減銀一萬九千六百餘兩。請於承辦各員名下。勒限催追。俟繳齊時。發商營運生息。以備再有工程。動支給發等語。工程動項興修。自有勘估原冊。及工竣報銷。部中覈減。亦必有一定章程。今湖北省借項興修隄工。動用銀七萬八千五百餘兩。此必因當仍徵於民之項。地方官任意浮冒多估。為營私之

地也。設如部中覈減。不過數千兩。尚在情理之內。乃竟駁減至一萬九千六百餘兩之多。則是七分之二矣。設遇數十萬兩之工程。竟將覈減至十餘萬兩。有是理乎。此在部中。非書吏婪索不遂。藉端苛駁。即係司員希圖漁利分肥。與書吏串同一氣。甚或該堂官等亦思染指。有意苛求。均未可定矣。即使無此等情事。而駁減如此之多。若該省皆實工實料。該督撫等當據實直奏。部駁之苛求。朕亦自

有辦理之法。今竟受之。是承辦工程各員。必有浮冒侵蝕之弊。不然。何甘受覈減。屈意認賠之理。且向來工部遇有此等浮冒。如海塘及韓莊歲修閘壩等工。皆係專摺奏明。查辦有案。此案以七萬餘兩工程。竟至駁減七分之二。何不奏聞請旨飭查。僅照例題本完結。此事著交留京王大臣。傳集工部堂司各官。拘提書吏。並吊齊報銷冊籍。駁減例案。秉公查詢。有無前項情弊。據實具奏。該督撫亦著



明白回奏。其特成額所奏覈減銀一萬九千餘兩。追完時發商營運。以備再有工程動支之處。著照所請行。○諭軍機大臣曰。特成額奏。湖北省鍾祥潛江二縣隄工潰決。借官項興修。仍於有隄業戶名下分年立限徵收完項。共用銀七萬八千五百四十四兩零。經部議駁一萬九千六百三十六兩零。於承辦各員名下追繳。但未便查照民捐原數分晰扣除。按數給還。所有覈減銀兩。請俟繳齊之時。

實錄卷二百六

高

發商營運。遇有大工。再行支給等語。民間隄垸原以保護田廬。今以應追之公項。備待給之工需。於經理隄壩。自有裨益。即照該督所請辦理。但此項隄工用銀七萬八千五百餘兩。報銷時覈減一萬九千六百餘兩。覈計駁減銀數。竟至七分之一。該省承辦各員。亦即遵照追繳。其中必有浮冒侵蝕情弊。是以覈減雖多。祇可隱忍不言。追繳歸項。若果修隄銀數均係實用。而部中胥吏或因需索不遂。

以致苛駁。該督亦應據實奏聞。請旨朕無難徹底查明。從公剖辦。乃該督於部駁後。隨即轉行遵照。不置一詞。設令部中竟將報銷銀七萬八千餘兩。駁至七分之五。該督又將若何辦理耶。或原估實有浮冒。或係部中司官胥吏需索不遂。故為苛減之處。二者必居其一。著傳諭特成額。令其據實明白回奏。毋任迴護瞻徇。○丁亥祭。

實錄卷二百六

高

先師孔子。遣大學士嵇璜行禮。○諭曰。金士松現在患病。著解學政任。回京調理。其兵部侍郎不必開缺。所有提督順天學政著沈初去。不必前來行在請訓。速赴新任。兵部漢侍郎現在乏人。著梁敦彥書即行回京兼署。○兵部議覆雲貴總督富綱等奏。稱滇省臨安府東南一帶。路通安南。南掌等國。前經督臣李侍堯議設那黃渡金子河曲嘴橋等卡。均在藤條江岸。且外有黑江。離城寫遠。地廣兵單。難資防守。查有澧社江一處。為由府至藤條。

江必經之路。形勢扼要。請將那黃渡等卡換班兵停撥。另於灋社江上游之斗母閣地方。設一汛。派把總一員帶兵三十名。下游之大石碕地方。設一汛。派把總一員帶兵三十名。常川駐守。應如所請。從之。○豁除江西新建縣原報開墾被水淤積地六十畝。有奇。額賦。○戊子。

太祖高皇帝忌辰。遣官祭

福陵。○留京辦事王大臣會同步軍統領。都察

院議覆。

御史胡翹元條奏。整理外城街道章程。查管理街道例。應工部步軍統領衙門。各

奏派司官一員。都察院派御史一員。惟工部司員既有部務。難以兼顧。步軍統領衙門。又

止有滿員。其本衙門事務亦繁。即所派之御史。若專止滿員。恐該員住居城內。不能常赴

外城查閱。請嗣後兼派滿漢御史各一員。俾

住居外城之漢員。更得就近稽查。併令巡城

御史。各按所管地方。協同管理。又街道廳例。

係一年更換。未免任事不專。嗣後併請仿照

巡城例。統以兩年為滿。倘司員御史等。不認

真督辦。仍有道路不平。等弊。叅奏議處。從之。

○己丑

上御卷阿勝境。賜扈從王公大臣蒙古王公台

吉等。及土爾扈特親王車凌烏巴什等十一

人。阿爾台烏梁海散秩大臣烏爾圖那遜等

二人。杜爾伯特扎薩克台吉普爾普達爾扎

等四人。唐努烏梁海總管額林沁等二人。食

至壬辰。皆如之。○庚寅

萬壽節。遣官祭

太廟後殿。○遣官祭

福陵

昭陵

昭西陵

孝陵

孝東陵

景陵

泰陵。

泰東陵。○遣官祭

孝賢皇后陵。○遣官祭

顯佑宮

東嶽廟

城隍廟

上御澹泊敬誠殿。扈從王公大臣官員蒙古王公台吉等行慶賀禮。○辛卯諭曰。蘭第錫等奏現在白露已過。黃河水勢漸消。南北各工

一律穩固等語。本年豫省河工於七月下旬。萬錦灘疊次異漲。長水至二丈以外。該省地處南河上游。既無可分洩之路。且上年新築隄工迎溜尤易衝刷。該督等督率工員分投鑲護。得以一律平寧。今節過白露。秋汛具報安瀾。朕心深為嘉悅。蘭第錫畢沅均著交部議敘。所有在工出力文武員弁並著該督等查明一併交部議敘。同日又據薩載等奏黃河異漲漸消。各工保護平穩等語。江南係豫

省下游。即遇河水陡長。出槽漫灘。而峯山等關及毛城鋪等處皆可以分洩殺勢。隄工無難保護。且薩載今年辦理河務種種錯誤。既不於運中河早建閘座。水無攔蓄。清口又復淤淺。以致漕船行走遲滯。實屬有過而無功。尚復何顏仰邀錄敘乎。薩載李奉翰及南河工員均無庸議。敘朕辦理庶務。鑑空衡平。於諸臣功過悉視其人之自取。該督等各宜感激愧奮。以副朕慎重河防之至意。該部知道。

實錄李奉翰

奏

○諭軍機大臣等。據薩載李奉翰奏。洪澤湖內清水漸長。高堰誌橋現存長水一尺九寸。留心察看。如河水盛長。清口東西壩底應行拆展時。即相機辦理等語。前因洪澤湖底水短少。清口屢形淺滯。又有管幹珍之奏。是以諭令阿桂前往該處設法籌辦。今既據該督等奏。湖水現已加長。此後秋雨不時。當必逐漸加增。是洪澤湖水勢可冀漸次旺盛。阿桂到彼查勘時。如湖水果能充足。可以暢出敵

黃衝刷淤沙無誤漕運止須相機調劑自可無庸大興工作徒事騷擾至本年洪湖水短或由上年清口東西壩收閉稍遲以致洩水過多不能存蓄現已批令薩載等查明據實奏聞阿桂到彼再應查察實在情形酌籌妥議具奏又本日蘭第錫奏山東各湖正當收水之時現在拆啓各閘口俾獨山湖水由南陽昭陽湖下達微山湖等語微山湖向稱水櫃蓄自宜充裕獨山南陽昭陽等湖之水

實錄李書奏

聖

既已下達微山湖何不俟微山湖收足之後將獨山南陽昭陽等湖亦一律多為收蓄以備轉輸豈不更善此事亦著阿桂到彼會同蘭第錫等詳晰酌籌辦理將此傳諭阿桂並諭薩載李奉翰蘭第錫知之○又諭曰海祿等奏據保成等報稱燕起伯爾克糾集薩木薩克呼達雅爾人等圍掠喀什噶爾等語燕起等果欲圍掠喀什噶爾亦必先向那爾巴圖葉勒鐵拜游牧攻劫斷無越此二處即至

喀什噶爾之理自係那爾巴圖聞燕起等欲掠伊游牧故意遞信思藉我兵威以資捍衛奎林等斷勿墮其計中若請援兵即行駁斥仍當鎮靜偵探相機辦理勿涉張皇將此諭令知之○壬辰諭軍機大臣等據薩載李奉翰覆奏清口淤淺情形一摺內稱六月以前止於彭家馬頭清黃交匯處淤梗阻黃水未經漾入清口六月下旬黃水陡長始行內漾清口兩腮皆有停淤江西幫船竟至淺擱

實錄李書奏

聖

裏河內亦經黃水漾注等語是清口淤淺竟係黃水倒漾薩載等前此節次摺內並未具奏直待朕降旨詢問知不可掩飾始行奏聞此豈能瞞人之事何愚至此又據稱現在酌放祥符五瑞二閘引黃入湖以為濟運地步等語黃水挾沙而行今引黃入湖豈能使之停沙別處而獨流清水以助湖水之不足恐將來未必能收濟運之益而湖底先受淤墊之害看來薩載李奉翰於此事竟毫無主張

智識昏瞽幾於手足無措必須阿桂迅速前往代為主持以期補救妥善現在清口已因黃水倒漾淤淺今歲漕運遲滯若不力為籌辦明歲新漕又將貽誤且該督等啟放祥符五瑞二閘引黃入湖設使湖底淤高更非人力所能挑挖關係甚大著傳諭阿桂不必俟秋審事竣於接奉此旨後即行束裝起程直往江南清口一帶會同薩載等察看情形熟籌妥辦務期事事盡善以資利濟再薩載等

實錄卷一百三十七

聖

奏洪澤湖底水二尺四寸漸次消落七月下旬誌橋上長水一尺五寸等語所奏殊未明晰洪湖底水消落後尚有若干續經長水一尺餘連底水究有若干前後甚屬牽混並著阿桂親往該處查勘洪湖實在情形繪圖貼說據實覆奏勿稍迴護統俟該處事竣再順道赴山東及河南查勘一切事宜又本日據明興奏東省微湖水深七尺餘現在啟放各閘口下達微湖廣為收蓄等語所辦尚好其

籌辦截留漕船並不拘泥亦為得當看來東省運河或不致大費周章矣將此傳諭阿桂並諭薩載李奉翰明興知之

實錄卷一百三十七

聖

大清高宗法天隆運至誠先覺體元立極敷文奮武孝慈神聖純皇帝實錄卷之一千二百三十六

大清高宗法天隆運至誠先覺體元立極敷文  
奮武孝慈神聖純皇帝實錄卷之一千二百三十七

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲副都統世襲騎都尉軍功加七級隨帶加一級尋常加二級軍功紀錄一次臣等謹

將纂修官經筵講官太子太傅文華殿大學士文淵閣領閣事稽察欽奉 上諭事件處管理刑部戶部庫事理

世襲騎都尉軍功加十九級隨帶加二級又加二級臣等謹將內大臣戶部尚書張廷玉滿洲副都統軍功紀錄五次

尋常紀錄十四次臣等謹將經筵講官太子少保工部尚書紀昀六次臣等謹將纂修

較修

乾隆五十年乙巳八月癸巳

上自避暑山莊啟鑾幸木蘭。諭據毓奇奏接  
准部咨留京辦事王大臣會同戶部倉場侍  
郎議覆截卸漕糧事宜內以通倉兩壩每日  
起米三萬石扣算自八月初間起扣至九月  
十五日止可收米一百三十萬石今頭二進  
幫船共裝米一百六十萬七千餘石自當遵  
照原議全行趕赴通壩儘數交卸等語本年  
漕船行走遲滯其能趕赴通壩頭二進各幫  
米石自應迅速儘數兌收方不致貽誤回空

今頭二進幫船共裝米一百六十萬七千餘  
石而倉場侍郎覈計止可收米一百三十萬  
石是尚有三十餘萬石不能剋期兌收朕極  
力催辦到通之米石若遷延時日各幫必致  
凍阻北河不能及早歸次兌運新漕關係匪  
淺且三進之浙江等幫或因時日較早亦能  
趕緊上壩並應作速起卸該處多收一幫之  
米即可省來歲轉運之煩於事方為有濟但  
起卸糧石例應兌驗不妨量為通融抽兌數

斛即可迅速藏事豈有幫船既已抵壩而該  
處轉不能全行起卸之理看來保泰蔣賜榮  
竟無通變之才並恐各幫運丁抵通後急於  
兌收胥役等即從中勒捐需索該侍郎或不  
免迴護徇庇均未可定著派曹文植伊齡阿  
即行赴通會同該侍郎不必拘例速行通權  
督辦曹文植以戶部尚書兼管順天府尹事  
務較繁且通州係其所轄呼應更靈可以往  
來查辦不致顧此失彼伊齡阿竟須常川在

通督率經理不必拘泥定議總期多收一幫早兌一日。於回空起卸。均有裨益。以副朕慎重漕儲委任之至意。○諭軍機大臣等。據劉戡等審訊運弁劉鼎鈐等。欲在楊村起剝糧米一案。訊出守備劉榮典。因用度不敷。曾向剝船索得規費及長淮等幫抵楊村時。該弁恐不起剝。無從得有規例。是以藉詞欲行剝運各情弊。劉榮典上年經毓奇派委至楊村辦理剝船。因所辦尚妥。本年復派其赴直料理。乃該弁即藉此需索。有意阻撓。種種滋弊。業經劉戡等審明定擬。發遣新疆。實為罪所應得。至毓奇派委不慎。原有應得處分。因其辦理分撥截漕事宜。尚屬妥協。是以免其置議。嗣後該督派委員弁。務須慎加選擇。勿使藉端滋弊。如再有似此者。惟該督是問。將此諭令知之。○又諭。昨據薩戴李奉翰奏清口一帶。於六月下旬。黃水陡落停淤。江西幫船淺阻。擡擱灘上。薩戴等正在臺莊。據報即遣

回清口查勘等語。清口水落停淤。幫船淺阻。若乘河水欲退未淺之時。盡力艤拽設法。推拉深處。船身自可浮動。何至擡擱灘上。彼時薩戴李奉翰等在臺莊會議。遣回清口。自屬無及。但其本船俱有押運總運各員弁。當幫船淺阻時。何以並不趁水未退時及早艤拽。推至深處。任其淺擡。置之不辦。此一節著傳諭阿桂到彼時切實訪查據實具奏。○是日駐蹕中闕行宮。○甲午。諭軍機大臣等。現在南糧頭二進幫船陸續催趲抵通。所有兌收事宜。昨已降旨令曹文植、伊齡阿赴通速行督辦矣。本日召見劉戡。據稱收糧時或轉運不及。即在通州露囤亦可辦理等語。漕艘抵通起卸後。固應運貯倉廩。但本年漕運較遲。必須迅速籌辦。方可無誤回空。曹文植等到彼察看情形。如能迅速兌收倉廩。不誤回空。固為妥善。倘運到米多。各倉一時轉運不及。即酌量露囤。俾多收一幫。早兌一日。即得早

回空一日之益。將此傳諭曹文植伊齡阿並  
諭保泰蔣賜榮知之。○又諭永保奏審訊武  
舉余瑛等妄控通判趙沁勒折浮收等款。分  
別定擬一案。已批交該部議奏矣。至其摺片  
內稱通判趙沁於前任革退之書役漫無覺  
察。任其復充應役。亦屬昏憤。現在調伊署理  
黃平州。俟一兩月後。令兩司以廢弛地方。詳  
請辦理等語。此可不必。余瑛等所控各節。既  
經該撫等審屬虛誣。是該通判尚無不是。或  
其才具不能勝任繁劇。以簡缺酌調。自無不  
可。若竟因此革職。未免過當。倘該員另有實  
在劣蹟。或竟不勝民牧之任。該撫自應據實  
叅奏。不必因有此旨。稍存迴護也。將此傳諭  
知之。○調任貴州巡撫永保奏撫標兩營步  
戰兵內。烏鎗之數本多。向例拔補馬糧及較  
拔外委時。以弓箭三缺。用一烏鎗。是額多之  
兵。反不如額少之兵。可多得拔用。嗣後馬兵  
缺出。摠以一弓箭一烏鎗相間輪拔外委。缺

實錄卷二百五

五

出照此間用下部議行。○是日駐蹕波羅河  
屯行宮。○乙未諭曰。書麟奏安徽省安慶廬州  
等三十三州縣秋禾被旱成災。池州寧國等  
四府州亦多有災傷之處。請將鳳陽關蕪湖  
關應解正額盈餘銀兩暫緩起解。以備賑濟  
之用等語。安慶池州等州縣被旱成災。賑恤  
事宜。自應豫為籌備。所有鳳陽關應解正額  
盈餘銀十一萬六千一百一十二兩零。蕪湖關  
應解正額盈餘銀二十三萬八千六百三十  
八兩零。著照該撫所請。暫緩起解。如賑濟需  
用。即就近動撥。俾小民得資接濟。以副朕軫  
念災區有加無已至意。該部知道。○又諭曰。  
烏爾圖納遜等奏。據世魁奏。裁太僕寺牧丁  
六十名。俟缺出。請旨裁汰等語。此項牧丁。缺  
設已久。該處生齒日繁。俱倚錢糧過活。若遽  
行裁汰。雖於現在有缺人等無甚關礙。而缺  
額減少。究與伊等生計有礙。所有此次請裁  
牧丁六十名。及前此伊靈阿等奏裁牧丁十



四名均著加恩免其裁汰。仍著烏爾圖納遜等勻分各牧廠令其當差續有滋生另行添設牧廠再於中覈其多寡酌量撤出當差。庶與伊等均有所裨益。以示朕軫恤察哈爾蒙古臣僕之至意。○諭軍機大臣等。據保泰蔣賜榮奏現在辦理起卸糧石情形一摺。內稱北河水勢消落靡常。如幫船於九月十五日以前不能如期到通。誠恐有誤回空。並稱於各幫所到水次酌量不拘幫次多寡交地方官

起卸囤貯等語。是該侍郎等未免有過於小心推諉之意。本年漕運遲滯經朕節次降旨催辦到通。自當通權籌辦。不可拘泥成例。方能速行起卸。不至有誤回空。即云運米口袋不敷周轉。何妨通融添置應用。其兌驗米石亦不妨抽量兌斛。作速起卸。無難剋期藏事。必不得已。即酌量露囤。亦未始非權宜之一法。至於經紀胥役等向各幫運丁勒捐需索。自不肯速為兌收。果能查察嚴辦。該經紀等

亦斷不敢從中舞弊。辦理自易為力。保泰蔣賜榮俱無通變之才。朕早慮及此。已派曹文植伊齡阿前往督辦。並節次諭以通變籌辦矣。今閱其奏到之摺。總總過計。且不免有推諉之意。看來保泰蔣賜榮竟無應變之才。此事專責成曹文植伊齡阿二人。到彼察看情形。從權酌辦。惟在不使經紀等從中舞弊。而事歸迅速。務俾各幫船隨到隨收。多多益善。早兌一日。即得早一日回空之益。保泰等摺

著發交曹文植等閱看。並將到通後如何籌辦情形據實具奏。○又諭。據永碩等奏防禦額倫泰於本月初九日。關領俸銀。因伊子阜保等往易州換錢贖當。路遇馬甲仙保同行。至鞍子嶺地方起更時分。忽遇賊匪數人。手持扁擔欲思行劫。經額倫泰等拏獲。解至南石門鄉村。反被該處地方保甲高三郭姓等以額倫泰仙保打傷人口。俱各拴縛。經該總管等查明。請將額倫泰解任。同案內各犯交

刑部審訊等語。此案情節殊屬可疑。

泰陵至易州相距甚近。一日之內。可以往返數次。額倫泰關領俸銀。前往易州換錢贖當。何必於夜間行走。或另有起衅別情。恐其所稱路遇賊匪。拏解南石門。反被地保等拴縛之語未實。或竟係匪人刦伊財物。反行訛詐。均未可定。此案著派按察使梁肯堂。即赴易州會同貝子永碩等提集案內人證。秉公確審定擬具奏。○又諭據阿桂奏本年淮水固屬

微弱。黃水又復盛漲。然亦何至倒漾進口。淤沙梗阻。恐清口受病之故。不止如薩載等所奏。其中或另有迴護掩飾別情等語。黃強清弱。亦從前所有之事。即今歲黃水漲發。較盛常年。然清口亦何至倒灌受淤。若此之甚。此事朕早已見及。節經降旨詢問該督等。總未切實奏明。清口淺阻。關係明歲新漕。若不將受病源委。盡行指出。從何得其受病根由。礙難籌辦。薩載李奉翰久任河防。清口淤墊。即

伊二人始終迴護所致。安得諉為不知。著將阿桂原奏發交閱看。該督等務須激發天良。將清口淤淺根由。據實直陳。毋得再存迴護之見。迅速據實奏聞。一面鈔錄原奏。迎赴途次。知會阿桂。俾阿桂得以洞悉受病之源。從此講求設法妥辦。薩載等於此事含糊掩飾。業經貽誤於前。此次降旨詢問。若再不剴切陳明。和盤托出。尚欲隱瞞迴護。以致阿桂查辦時。不能得其竅要。貽誤新漕。或別經阿桂

查出受病緣由。另行具奏。恐該督等不能當其罪也。將此傳諭薩載李奉翰。並諭阿桂知之。○是日駐蹕張三營行宮。○丙申。

上行圍。○諭軍機大臣等。本年洪澤湖水勢較小。由於淮水微弱。下注無多。因思桐柏山為淮水發源之處。而泉源有時旺盛。亦有時消縮。現在淮水或因來源不旺。是以下游不能暢達。亦未可定。著傳諭畢沅詳晰查勘。如果淮源不旺。或支流有無淤塞。自當設法酌辦。

俾泉流濬發。湖水充足。得以助清敵黃。是亦正本清源之一法。至淮瀆廟亦應虔誠致祭。以冀仰邀

神佑。畢沅如不能親往。或派司道大員。前赴該處實力履勘。並虔申告祭。仍將查勘實在情形。及作何籌辦之處。迅速覆奏。并諭阿桂知之。○是日駐蹕阿貴圖大營。○丁酉。秋分。

夕

月於西郊。遣克勤郡王雅朗阿。行禮。○

上行圓。○是日駐蹕海拉蘇台大營。○戊戌。

上行圓。○諭據鑲白旗滿洲都統奏。請將文綬之弟廷魁二支。擡入正白旗等語。前因文綬在總督任內。辦事尚屬奮勉。朕格外施恩。令擡入正白旗。乃文綬於川省軍務。種種貽誤。以致賊匪滋事。伊子國泰。又獲重罪。是伊父子均負朕恩。不但伊弟廷魁之二支。毋庸補行擡旗。其文綬一支。仍飭駁回本旗。○諭軍機大臣等。前因湖北潛江鍾祥二縣興修隄

工銀兩。報銷時工部駁減過多。恐有別項情弊。特諭留京王大臣秉公查詢。仍令該督明白回奏。茲據留京王大臣查奏。此案用夫一款。則例內開潛江鍾祥二縣。每夫一名。銀三分。今該督冊開。每夫一名。用銀四分。較定例多開一分。工部照例覈減。是以減去銀一萬九千六百餘兩等語。是工部辦理此案。係屬照例駁減。並無不合。至潛江鍾祥二縣。每用夫一名。銀三分。係載在則例。久經頒發遵行。

非無定款之工。可比該督豈有不知之理。乃於估冊內。每夫浮開銀一分。此必地方官因此項隄工銀兩。當仍徵之於民。是以浮冒多估。而該督輕聽工員之言。並不確覈。率行題銷。致干部駁。著傳諭特成額。將何以並不遵照定例。任意浮銷。及工員有無侵冒之處。據實詳查。明白回奏。○又諭。據吳垣奏籌辦採買糴販事宜。接濟民食一摺。內稱四川產米最廣。現仍招商採買。倘彼處商民自行販運。

到楚。如欲速赴江蘇安徽者。毋許攔截阻滯。若自願沿途銷售。亦聽其自便。俾湖北江蘇安徽三省。俱得均勻接濟等語。所辦甚好。為大臣者。皆當如此存心。不分畛域。方是江蘇安徽。向皆仰給於川楚等省。諺云。湖廣熟。天下足。今湖北被旱。地方較多。勢不能不藉川米。以資口食。如湖北商人赴川採買。李世傑當明切曉諭。令川省民人。毋得居奇遏糴。使以川省之有餘。濟湖北之不足。而川省商販米船到楚。湖北民人。不可徂於平日之糧價平減。不肯加增價值。希圖賤糴。致令商販無所獲利。裹足不前。特成額。吳垣當出示勸諭。以湖北民人。因地方繁庶。豐年不知搏節。粒米狼戾。以致上天示譴。被旱成災。今隣省販運到境。災民口食有資。益當共相引咎。激發天良。即販商圖利。索價稍昂。亦應增值糴買。稍費已貲。俾商人得霑餘潤。亦弭災徼福之道。如此明切開

導。庶商販得有利息。自當源源而來。可無缺乏。至川省米船過楚。運赴安徽。江蘇者。湖北省亦不可盡數截留。庶上下兩江。均資接濟。如此則四川江西米船。皆接續前往安徽。江蘇二省米糧。自應湊集。其本省商民。亦不得觀望居奇。過昂其價。薩載書麟。務須飭屬徧行曉諭。俾米糧流通。價值不至騰踊。似此通盤籌辦。彼此照應。則三省歉收地方。均有裨益。將此各傳諭知之。仍將如何招徠勸諭情形。迅速覆奏。○是日。駐蹕呼魯蘇台大營。○已亥。上行圍。○諭軍機大臣曰。蘭第錫覆奏高家寨抽溝情形一摺。內稱八月初旬後。該處溜分兩股。一股仍走北灘。一股由儀封十六堡。至睢州頭堡。將新淤嫩灘刷去。高家寨十埽上下。現有拖溜等語。大河溜勢。經行固無一定。但現在水落後。該處既有分溜。逼近隄根。自不若豫為防護。令其歸併一股。較為妥善。朕

意於該處築一挑水壩。逼令歸入正溜東趨。似於埽工更資保固。已於圖內硃筆標識。著發交蘭第錫等閱看。並著將是否可行之處。俟阿桂到工時。酌量情形。熟籌妥議。據實覆奏。○又諭。據蘭第錫奏。山東各湖。俱以各山泉為挹注。該處設有泉河通判。並分管汛員。不時疏濬。不致淤阻。西岸坡河。春間甫經挑挖。由支達幹均已通流等語。東省各湖。雖前歲黃河北岸漫溢。間有淤墊。此次經蘭第錫次第經理。支幹脈絡。漸已疏通。看來山東湖河水勢。可期充足。不至大費周章。現在最要機宜。自以清口為重。不特淮水微弱。難以敵黃。必須妥為籌辦。而洪澤湖自向年黃河南岸決口灌注。及每年曾開放毛城鋪洩黃。以致湖底未免日漸淤墊。尤須急為籌辦。濟運庶明。歲新漕。可以無誤。阿桂接奉此旨。竟當過程迅速前往該處。會同薩載。李奉翰。悉心籌畫。逐加履勘。俟諸務辦竣。回程。再由山東

前赴河南查勘一切事宜。將此傳諭知之。○又諭。曰。富勒渾奏。浙江省之杭嘉湖三屬。兩澤稀少。晚禾未能插竣。民間望雨甚殷。客米因河路乾淺。艱於運到。糧價漸次增昂等語。江浙民人。素皆仰給四川湖廣客米。今湖北被旱成災。所有販運川米之欲赴江浙一帶者。過楚時。或被湖北省攔截。則商販自不能到浙。朕已早經慮及。節次降旨。令該省督撫。明切曉諭各該地方。毋許遏糴。及截留過境米船。庶米糧流通。小民可資接濟。今閱富勒渾所奏。浙省糧價稍昂。推原其故。或竟係楚省截留過多。是以江浙商販不前。米價踊貴。著傳諭。特成額等。遵照節次所降諭旨。實力辦理。務俾商販通行。災歉之區。均得資口食。方為妥協。至浙省糧價既昂。民力自必拮据。著傳諭。雅德。福崧。即行開倉平糶。俾市價不至日增。並須明切勸諭該省殷實民人。毋得居奇囤積。致妨民食。○又諭。據阿那布奏。三

進漕船。於八月十五日。全行催過濟寧。不過二十五日前後。即可全數出臨清口。其二進尾幫。已於初九日出臨清等語。是東省運河。漕船行走。尚為迅速。各幫既出臨清口。北河水勢充足。更不難浮送過行。昨據保泰等奏。頭進南糧。全數起卸完竣。所有二進各幫。自必陸續抵通。即三進幫船。既於月內全數出臨清口。抵通自速。必須隨到隨收。無誤回空。著傳諭曹文植。伊齡阿。會同劉義務。須不拘

成例。速行兌收。俾得及早回空。或有實在不能兌收囤貯者。再照前奏。於泊頭及北倉一帶。截留收貯。摠之多收早回。不使稍有濡滯。方為妥善。○是日駐蹕納爾蘇台達巴漢西大營。翼日如之。○庚子。

世宗憲皇帝忌辰。遣官祭

泰陵。○諭據何裕城奏。同州府屬朝邑縣。因河水漲發。衝入縣城。瀕河村莊。多被淹沒。業經散給乏食貧民一月口糧。請照上屆之例。再

借一月口糧。又華陰。富平。二縣。亦因被水。田廬間有損傷。現在查明散給銀糧。並酌借籽本口糧。分別撫卹等語。朝邑城鄉被水。田禾房屋。多有淹損。貧民口食無資。殊屬可憫。著加恩於撫卹一月口糧之外。再賞給一月口糧。仍照例分別加賑。以資接濟。其華陰。富平。二縣被水村莊。現已散給銀糧。並借給籽本口糧。仍確查成災重輕。一體照例辦理。該撫務督飭所屬。實力撫卹。俾災黎均霑實惠。以

副朕軫念民艱有加無已至意。該部遵諭速行。○諭軍機大臣等。據圖薩布奏。勘明朝邑縣被水情形一摺。內稱查勘縣城在黃河西岸。相距不過五里。現在河水雖退。而東南北三面。尚未消涸。當令添雇人夫。多用車戽。並將淤泥積厚處所。上緊剗挖。以利宣洩等語。朝邑逼近大河。正當其衝。現在東南北三面。積水未消。自應將淤沙剗挖。以利宣洩。但縣城形勢既屬窪下。其易於被水處所。泥沙淤

積高厚之地。築建護隄。設遇盛漲之時。豈不更資保障。著傳諭何裕城。相度情形。熟籌妥議。將如此辦理。是否於縣城足資捍衛之處。據實覆奏。並繪圖貼說呈覽。並諭圖薩布知之。尋奏該城東南北三面均窪。惟西面緊接華原山。地勢較高。擬自西北隅迎恩堡築隄起繞至西南隅迎聖堡。計長一千六百八十餘丈。環抱三面城身。挖沙築土。務期堅固。得旨。該部速議具奏。○又諭曰。福崧奏浙省田禾兩水情形。及早禾收成。分數二摺。內稱七月二十四、五、七等日。連得霽雨。入土深透。現值晚禾含胎吐穗。得此膏雨滋培。可期顆粒飽滿。又稱通省早禾收成。共有九分等語。昨據富勒渾奏浙省杭嘉湖三府屬。六月以來雨澤稀少。晚禾未能插竣。客米因河路乾淺。艱於運到。糧價漸致增昂。隨批司確覈開糶等語。已降旨令特成額等。毋得將川米截留過多。俾商民得以販運到浙。並傳諭福崧即

行開倉平糶。并勸諭該省民人。毋得居奇囤積。致妨民食。今福崧所奏。缺雨得雨之處。曩與富勒渾所奏。尚屬相符。而於糧價昂貴。及曾否開糶之處。並未奏及。朕廑念民依。無時或釋。福崧寧不知之。何以並不據實入告耶。著傳諭福崧。即將該省現在糧價如何。及晚禾收成。是否不致歉薄。迅速覆奏。毋得稍存諱飾。至應行辦理事宜。昨所降諭旨甚明。更無可諭。該撫惟當督飭所屬。實力妥辦。以副朕軫念災區至意。○陝甘總督福康安。伊犁將軍奎林。奏巴里坤在屯種地。遣犯歲得口糧。不敷生計。請於月支麪三十觔外。增給十觔。並歲給鞋腳等銀。其在工馬牛。每年每百例准倒八匹。嗣後馬每百。准倒十五匹。牛每百。准倒十二隻。下軍機大臣議行。○辛丑上行圓。○諭。戶部議奏。浙墅闕短。少盈餘銀。十二萬三百十七兩零。請著落該監督照數賠補等語。因屬照例辦理。第念上年江浙兩省

歲收豐稔。江廣米船多在上游售賣。又本年兩澤短缺。河道淺阻。南北貨船到闕稀少。盈餘短絀。尚屬有因。所有許墅關短少銀十二萬三百七十七兩零。俱著加恩免其賠補。○諭軍機大臣等。據舒常奏本年湖北省被旱。屢有民人赴江西販賣糧食。當即飭令該府縣留心稽查。毋許遏糴居奇。並揀派道府前往督率妥辦。剴切傳諭。乘時糴糶。遇有川省運往江南之米。不得中途攔截。其江西下游商販亦聽其運赴安徽。江蘇出賣。倘湖北來江商販衆多。產米之地一時未能應糴。即將常平等倉穀石先行開糴等語。所辦俱好。覽奏畧慰。江西係產米之鄉。江浙等處仰給該省。今經舒常妥協經理。因時調劑。并先行開倉出糴。以供轉運。俾商販通行無阻。湖北江浙等省。自當米糧匯集。接濟有資。市價不至騰踊於災區。均有裨益。將此遇便傳諭。特成額等並諭舒常知之。○以正紅旗護軍統領善

德鑲黃旗護軍統領明亮對調。○是日駐蹕都穆達烏拉岱大營。○壬寅上行圓。○諭伊犁叅贊大臣員缺緊要。著明亮補授。速行馳驛前往。不必來行在請訓。福寧著補授領隊大臣。前往伊犁。換傳景回京。○是日駐蹕巴顏布爾噶蘇台大營。○癸卯上行圓。○諭曰。山西巡撫農起。自簡任封疆以來。辦理地方事務。頗能實心整頓。今聞溢逝。殊屬可惜。所有任內降革處分。准其開復。其應得卹典。著該部察例具奏。○工部等部議覆湖廣總督特成額奏稱。湖南鎮筵一鎮。控引苗疆。城垣狹隘。內無井泉。火藥局設於西門城外。位置亦未相宜。查該城西門外山坡一帶。兵民環住。隙地尚寬。並有井泉數處。請自西北城角起。至西南城角止。展建石城二百四十五丈。火藥局一併移建其中。應如所請。從之。○以直隸布政使伊桑阿為山西巡撫。直隸按察使梁肯堂為直隸布政使。調河



南按察使當保為直隸按察使。以江西廣饒九南道穆克登為河南按察使。○以故貴州貴定縣屬小平伐司土官宋德彰子思敬襲職。○是日駐蹕巴顏溝大營。翼日如之。○甲辰。

上行圓。遣官祭賢良祠。○諭據明興奏本年東省春夏以來雨澤短少。兗州曹州東昌三屬得雨尤遲。兗州府屬之嶧縣曹州府屬之濮州范縣朝城觀城定陶荷澤東昌府屬之聊城莘縣共九州縣收成歉薄。止有四分至二分不等。其有衛地坐落各該州縣者亦被旱成災。小民口食維艱。又濟南府屬之德州泰安府屬之新泰萊蕪平陰東阿東平兗州府屬之泗水滕縣陽穀壽張曹州府屬之鄆城鉅野沂州府屬之蘭山郯城蒙陰費縣沂水東昌府屬之恩縣荏平堂邑青州府屬之益都昌樂壽光萊州府屬之濰縣昌邑共二十五州縣並坐落衛地亦因未得透雨現在

收成雖有五分上下。勘不成災。而得半收成。民間僅堪餬口等語。東省雨澤愆期。收成歉薄。民情拮据。軫念殊深。所有收成最薄之嶧縣濮州范縣朝城觀城定陶荷澤聊城莘縣九州縣及坐落各該州縣衛地俱著加恩一體賑卹。並將應徵錢糧查照被災分數照例分別蠲緩。該撫務須率屬詳妥為之。俾災黎均受實惠。其收成五分上下之德州新泰萊蕪平陰東阿東平泗水滕縣陽穀壽張鄆城鉅野蘭山郯城蒙陰費縣沂水恩縣荏平堂邑益都昌樂壽光濰縣昌邑二十五州縣及坐落衛地皆止有得半收成。若將應徵錢糧照舊徵收。民力自未免竭蹶。並著加恩。將本年應徵及緩徵帶徵錢糧籽種銀兩俱緩至明年麥熟後徵收。其本年應徵漕糧及出借倉穀俱緩至明年秋收後開徵。俾窮民口食有資。該撫其實力妥辦。以副朕屢念民依。不使一夫失所之至意。該部即遵諭行。○乙巳。

上行圖。○諭軍機大臣等據劉秉恬奏。訓練撫標鎗兵。並將藤牌兵丁兼習鳥鎗一摺。內稱。軍營打仗。從不需用藤牌。與其專習藤牌。徒務虛名。不如兼習鳥鎗。克歸實際。並請飭部議。通行各省一體遵照等語。前以鳥鎗為軍營利器。特降旨傳諭各省。務將鳥鎗一項。令兵丁時時操演嫻熟。於整飭戎行。勦捕盜賊。兩有裨益。原指通省營伍而言。至撫標之兵。外省向來祇供給使之役。認真訓練者甚少。

其於鳥鎗一項。恐未必時時演習純熟。劉秉恬此奏。亦恐能說而不能行。且國家即遇有調派出征。亦不至調動撫標兵丁之理。然果能實力整頓訓練。凡鳥鎗兵丁。演打準頭。多能中靶。藤牌兵丁。俱能兼習鳥鎗。一兵即收一兵之用。於訓習勁旅。豈不多多益善。著傳諭各省督撫將各該標藤牌兵丁。令其兼習鳥鎗。一律嫻熟。果有實效。亦屬甚善。毋為紙上空言。並諭劉秉恬知之。○又諭。據明興覆

奏。東省湖河情形一摺。稱七月二十八。九等日。連得霽雨。各坡河之水。下注微山湖。已長水四寸有餘。現深七尺餘。其蜀山湖收蓄諸水。已符定則。並將應行疏築之處。挑挖深通。可無虞缺乏等語。看來東省湖河水勢。足敷儲蓄。泉源支幹。亦漸就疏通。於濟運既田。不難經理妥協。此時所急宜籌辦者。自以運河淺阻。洪湖淤墊為最要。前已降旨令阿桂造程前往。迅速會商妥辦。阿桂前赴清口。自必

經由東省。該處水利事宜。雖此時尚不即行查勘。但會晤明興。及接見地方官時。自必將該省湖河情形。及現在疏築濟導之處。先行訪察。其聞見若何。著即據實具奏。以慰廛注。至清口究竟因何受病。及淮水來源不旺。洪湖日漸淤高。關係均為緊要。阿桂前抵該處。務須與薩載等。詳悉講求。逐加履勘。期於事妥善。回程再順赴山東。河南查辦一切。所急者原不在彼也。將此傳諭知之。○又諭。據

李世傑覆奏。籌辦楚省赴川販買米石一摺。稱本年川省均慶有秋。現已剴切示諭商民。毋許囤積。並令量存本家一年口糧外。其餘悉行發糶。兼派司道往來稽察。務使楚省商販到川隨處可以糶買。不致留難。設有不敷。即將倉穀開糶。總期楚省米足敷用。川省價不增昂。其川省運往江南米船。於到關納稅時。即於稅票上。註明前往江南販賣字樣。移明湖北驗票放行等語。所辦甚屬妥協。深慰

實錄卷二三七

主

厘注川省產米最廣。今歲又慶秋成。所有積貯米糧。經該督明切勸諭商民。儘數出糶。復派大員督察。俾商販得以通行。其運往江南米船。均於稅票註明前途可無攔截之慮。且湖南之米。現已陸續運往湖北而安徽江蘇二省。又可取給江西。則各省災區。米糧自當匯集。小民口食有資。著將李世傑奏到之摺鈔寄特成額等閱看。並著該督等將李世傑設法辦理之處。及朕節次所降諭旨。一併詳

晰出示。令知四川江西商販源源而至。米糧日漸充盈。足資接濟。民食可無虞拮据。本地商民。自不致觀望居奇。如此通行剴切曉諭。庶糧價漸就平減。災黎均有裨益。將此各傳諭知之。○是日駐蹕伊綿峪大營。翼日如之。

○丙午

上行圍。○是月署河東河道總督蘭第錫奏。獨山湖之東南。荆溝泉渠。頗為旺盛。臣飭廳員疊築壩埂。引水由滿家口串運入湖。至戴村滾壩。每遇汶水長至五尺以外。聽其漫壩。洩入大河。現據運河道緊靠壩身。另築草壩。高壩面三尺。俾八尺以內之汶水。全歸分水口。由各單閘斗門分收入湖。得旨諸凡皆妥。又奏。微山湖為山東江南水櫃。今年宣洩日久。存水較少。亟應籌蓄。本月初間。東省得有透雨。各坡河水下注。且重運尾幫。已過八閘。東岸微山湖及各泉渠。穿運挹注。自可有長無消。批。尚覺微少。應留心。○河南巡撫畢沅奏。

請俟秋成後。覈計各屬災分輕重。將額徵銀糧。分別應徵應緩。得旨覽奏俱悉。豫省目前。惟以撫字為懷。不可以催科為政。○山東巡撫明興奏。重運幫船。全過韓莊湖口雙閘。即可嚴密閉板。酌將東岸十八水口。西岸十四單閘。悉行啟放。俾獨山湖水。穿運入昭陽湖。下達微山湖。使廣為收蓄。至運河東北。惟蜀山湖為最要。向藉汶水收蓄。本年春夏少雨。不免消涸。現在汶河陸續長水。俱可由各斗門收蓄入湖。即放水之金線利運二閘。均屬河高於湖。亦令開放并蓄。其馬踏南旺等湖。乘汶水盛長。亦可灌注存積。以資明年濟運。得旨嘉獎。

大清高宗法天隆運至誠先覺體元立極敷文奮武孝慈神聖純皇帝實錄卷之一千二百三十七

大清高宗法天隆運至誠先覺體元立極敷文奮武孝慈神聖純皇帝實錄卷之一千二百三十八

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級年滿加二級軍功紀錄一次臣等謹

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級軍功內大臣戶部尚書鑲藍旗滿洲都統軍功紀錄五次

年滿紀錄十四次臣等謹將經筵講官太子少保工部尚書紀錄六次臣曹振鏞等奉

敕修

乾隆五十年乙巳九月丁未朔

上行國○諭軍機大臣等據薩載等覆奏清口淤淺緣由一摺內稱從前黃河南岸之陳家道口漫溢大溜下注洪澤湖由清口而出湖中未嘗積淤皆因經由支幹各河綿遠入湖之水已漸澄清今祥符五瑞二閘由引河入至湖邊相距有四十里之遙所挾之沙亦不過停於引河兩腮及湖西邊岸等語所奏殊屬自相矛盾從前陳家道口漫水下注洪湖既因經由支幹各河綿遠是以漸次澄清湖

中不致淤積今祥符五瑞二閘離洪湖不過四十里相距甚近所挾之沙焉能即行澄清不致淤墊湖底是引黃入湖未必能助清濟運而停沙淤滯恐轉足為洪湖之害薩載李奉翰不過因此時別無善策為此無聊之極思恐伊二人竟茫無主見以致洪湖重受淤墊所聞匪細著傳諭阿桂前抵清口後務將伊等所奏情形悉心籌酌為之主持定議方為妥善至清口淤淺現據薩載等奏稱實因本年湖水極小是以未能出口抵禦黃流以致倒灌入運等語其受病根由是否實係如此及作何籌辦之處並著阿桂熟商妥議務期斟酌盡善一併據實具奏以慰屢注將此傳諭薩載知之○是日駐蹕安巴究和羅昂阿大營○戊申

上行國○諭軍機大臣等前據海祿奏准保威等札稱偵探燕起伯爾克等糾眾掠取喀什噶爾事屬子虛不可深信茲又奏請調伊犁

烏魯木齊兵四千名分防喀什噶爾烏什葉爾羌三城等語。前後自相矛盾。燕起伯爾克等不過么膺竄匪。果能糾衆掠取那爾巴圖游牧實有窺伺喀什噶爾情形。屆時再行調兵備禦。尚不為遲。至烏什葉爾羌等城。則更風馬牛不及。何必急急請兵。徒滋驚擾。海祿身為叅贊大臣。遇有此等事件。惟當鎮靜料理。豫為防範。如此畏葸失措。適為回衆所輕。著傳諭海祿親往喀什噶爾會同保成等。妥酌偵訪。不得稍涉張皇。並著奎林遴派妥員於伊犁各卡帶兵密探。一有伊等侵犯喀什噶爾之信。即將將軍印務暫委那旺護理。一面札令塔爾巴哈台叅贊大臣惠齡速赴伊犁。署理將軍事務。一面具奏帶領弁兵迅赴該處相機妥辦。勿稍輕忽。○浙江處州鎮總兵明安因病解任。以廣西梧州協副將謝斌為浙江處州鎮總兵。○是日駐畢烏蘭哈達大營。○己酉。

上行圍。○諭曰。慶桂現在出差迴鑾在即。所有留京事務著添派定郡王綿恩大學士嵇璜暫行代辦。○諭軍機大臣等。昨據海祿奏請於喀什噶爾等處調兵防守措置失當。若不豫為備辦。轉恐貽誤事機。著傳諭福康安即帶總督印篆速赴阿克蘇一帶安輯回衆。並密為偵探。倘燕起伯爾克等實有侵擾情形。即會同明亮福寧妥為籌辦。調撥該處及烏魯木齊甘肅等處兵迅速前進。仍札會奎林令其統領伊犁兵兩路夾剿。或應需回兵在各處防堵。亦即酌量調用。海祿辦事錯謬。若仍留烏什恐致掣肘。著革去叅贊大臣。在伊犁領隊大臣上行走。以觀後效。明亮久歷行間。著署理烏什叅贊大臣。即赴阿克蘇與福康安悉心辦理。慶桂前在塔爾巴哈台辦事頗為歷練。現在樞廷行走有年。於朕調度軍務係所熟悉。著帶欽差關防迅即起程馳往甘肅暫署總督印務。俟事竣後授為烏什叅

贊大臣明亮仍回伊犁叅贊大臣之任將此各諭令知之○又諭曰福康安現令帶印前赴阿克蘇查辦事件接奉此旨即行由驛速往並降旨令慶桂帶欽差關防前往暫署陝甘總督慶桂未到以前所有總督事務著福康安於福寧陳淮二人內酌量一人令其代拆代行妥為照料將此傳諭知之○又諭前因桐柏山為淮水發源特諭畢沅詳晰查勘支流或有淤塞即應設法籌辦茲據畢沅覆奏該處發源之地河身不甚寬廣易於疏濬倘有須開挖之處即勘明興工又賈魯惠濟二河即係淮水支河現在一律疏濬其淮瀆廟已令藩司江蘭虔修祀事等語江南洪澤湖向藉淮水挹注今淮水發源之處經畢沅勘明疏濬將支港小河一律濬導該處賈魯惠濟二河其下流歸併渦河入淮現在亦加疏濬俾就通暢并於淮瀆廟虔申祭告自當仰邀

靈佑泉源湧發衆水會歸下游湖水日就充足得以助清敵黃至淮瀆廟如果歲久未修或形傾圮即應覈實勘估動項興修俟廟工告竣時朕當親書扁額用答神貺將此傳諭阿桂等并諭畢沅知之○是日駐蹕伊遜河東大營○庚戌上行圍○諭曰圖思義病故殊屬可憫著賞銀二百兩辦理喪事○諭軍機大臣等本日保成奏據在布魯特貿易回人伊布喇伊木等告稱上年聞薩木薩克寄書布魯特愛三呼勒等七人欲同伯爾克等搶取喀什噶爾現在並無舉動惟當靜守邊防密為探訪等語看來此事全無影響前此海祿等輕聽訛言冒昧陳奏過形恇怯轉無以鎮服布魯特之心不可不豫為綏輯福康安接奉此旨不必在阿克蘇久待即往喀什噶爾將布魯特人衆妥協安撫仍回甘肅更換慶桂令其前赴烏什辦事奎林亦不必帶兵前往喀什噶爾

仍在伊犁嚴密防範。將此各諭令知之。○兵部等部議准湖廣總督特成額奏稱湖北鄖陽、宜昌、施南等府、湖南永順、沅州鎮、軍等屬崇山、疊嶂逼近苗疆。向未製有劈山礮。請於北省添製二十位。南省添製二十九位。責令熟諳施放之將備帶兵演習從之。○御史丁雲錦奏。江寧司道大員及首府首縣往往有籍隸安徽之人。其子弟等即在省入場應試。跡涉嫌疑。請嗣後江南鄉試如有安徽籍貫

現任江寧司道等官子弟親族概令迴避。不准入場。再內外簾官不應調取安徽籍貫人員。例無明文。請一併嚴禁。下部議行。○調正紅旗蒙古副都統斌寧為正紅旗滿洲副都統。以武備院卿舒文為正紅旗蒙古副都統。○是日駐蹕六道河大營。○辛亥賜蒙古王公台吉等食。○諭曰。徵瑞奏據長蘆商人呈請捐銀三十萬兩。備造剝船一千餘隻。並請賞借庫項。各商按引均攤。分限十年歸款等

語。此項船隻所需板片木料較多。直省恐不能應手。即著徵瑞開明丈尺數目。知照特成額、吳垣、舒常。令該督撫等於湖廣、江西二省遴派妥員。各趕造五百餘隻。以供剝運。其應用帑項。若由長蘆解往。徒滋煩費。即著特成額等各於該省耗羨閒款等項內各動支銀十五萬兩。辦理工竣據實覈銷。所有長蘆商人分限十年應歸之款。著徵瑞按限催繳。○又諭曰。徵瑞奏請備造剝船以濟鹽漕一摺。

據稱南漕入北河後。剝運船隻向係官為封雇。未免守候需時。且船隻短少。商鹽亦艱於輓運。頗形掣肘。茲衆商請借帑備造剝船一千餘隻。以濟剝運。嗣後不致封雇民船。於商人運鹽甚便等語。所辦甚是。向來南糧入北河後。俱係官為雇船剝運。而糧船未到以前。封剝之船即須先期豫備。自不無守候之累。且船隻既經封剝。於商鹽輓運實屬有妨。自應設法調劑。以期鹽漕兩有裨益。今將此項



剝船另行備造。則南糧一抵北河即可隨到隨剝。不獨便於轉運。而民船得免官封商引。無虞壅滯。即該旗丁等既有官船剝運。較用封雇民船。更可節省浮費。且南糧未到之先。及漕糧運竣以後。該船戶仍可攬載營生。以資貼補。是備造此項船隻。於商民及軍衛各丁。均資利賴。自應如該鹽政所奏辦理。至船隻成造之後。著劉義分交沿河州縣承管。遇有銅鉛及奉天河南麥豆等項。應需剝運。皆可隨時應用。並著該督嚴飭地方官。此後不得再行封雇民船。致滋擾累。該督及該鹽政。仍隨時稽查。如有借端累民者。即行據實參奏。以副朕恤丁愛民至意。○又諭前因永碩等奏據總管尚阿泰翼長法保呈報防禦額倫泰赴易州換錢回歸。途遇賊匪三人行劫。當經拏獲高得受一人。解至南石門鄉村。反被高三等拴縛等語。情節殊屬可疑。特降旨令梁肯堂即赴易州。會同永碩等。提集案內

人證秉公確審。茲據審明。額倫泰捏報被劫。分別定擬具奏。此案竟係尚阿泰等失於管束。與額倫泰扶同捏飾。且高得受亦係旗人。乃指為民人。而永碩等聽信一面之詞。率行具奏。若非諭令梁肯堂前往查辦。則始終迴護。幾至不能審出實情。額倫泰因被高得受誤碰。既將高得受石毆多傷。復行縛至村內打鬧。及被高三等拴縛。心懷不甘。即以爭角細故。捏稱搶刦重情。妄行誣陷。情節甚為可惡。防禦額倫泰著革職。發往伊犁充當苦差。其不能管束妄行呈報之總管尚阿泰翼長法保。著革職。於該處披甲効力贖罪。至永碩綿德。縕布有統轄之責。平時不能管轄。有事漫無覺察。並著交宗人府。及該部嚴加議處。餘著照所擬分別完結。○又諭前因海祿辦理烏什參贊大臣事務。是以授為都統。茲因辦事錯謬。已有旨革去參贊大臣。降補伊犁領隊大臣。不應仍兼都統。海祿著授為副都

統前往伊犁。聽將軍差委。著福康安傳諭海祿。令其感朕格外恩施。奮勉効力。○諭軍機大臣等。據徵瑞奏。據長蘆商人呈請捐銀三十萬兩。備造剝船一千餘隻。已明降諭旨。即著徵瑞。開明丈尺數目。知照。特成額。吳垣。舒常。令該督撫等。於湖廣。江西二省。遴派妥員。各趕造五百餘隻。以供剝運。惟明歲新漕頭二進前抵北河。即需剝船備用。約計彼時湖廣。江西。成造之船。恐未必即能運到。並著特成額等。將此項船隻。趕緊成造。先得一半。或三分之一。於明年二三月前。即派員送到直省應用。免致臨時又須雇用民船。其餘一半。仍飭迅速趕辦。於該二省漕艘開行時。隨幫前抵北河。庶不致遲誤。至成造此船。每船一隻。計用銀三百兩上下。工價已屬寬裕。特成額等。應行嚴飭承辦各員。務將所用工料。切實造辦。期於堅固經久。不致易於損壞。至該船戶除空閒攬載。得有餘貲。足敷養贍應用。

外。其剝運漕糧銅鉛等項時。應如何酌給船戶水手工食。及逐年修艖之處。并著劉義會同徵瑞。一併另行妥議具奏。將此傳諭特成額等。並諭毓奇知之。○以左都御史阿揚阿。為鑲紅旗漢軍都統。○是日。駐蹕張三營行宮。○壬子。補行湖北省乾隆四十九年大計。卓異官四員。議敘如例。○貸安徽宿州。鳳陽。靈璧。亳州。蒙城。盱眙。太和。泗州。天長。五河。壽州。懷遠。鳳臺。定遠等十四州縣。并鳳陽。長淮。泗州。三衛。本年旱災貧民籽種口糧。○予故多羅貝勒允祁。祭葬如郡王例。諡曰誠。○予故伊犁將軍伊勒圖。祭葬如公爵例。諡襄武。○是日。駐蹕波羅河屯行宮。○癸丑。諭軍機大臣等。據保寧等奏。郭羅克竊掠阿哩克牲畜。賊番樓溝吉。班第。松塔爾。卜塔爾。四犯。審擬斬決一摺。郭羅克。番人。素性獷悍。該犯等赴阿哩克邊界。潛肆擄掠。并拒捕傷人。必須從重嚴辦。以昭炯戒。樓溝吉。班第。松塔爾。卜

塔爾四犯自應不分首從即行處斬至叅將李天貴奉派出口查辦督同該土司等拏獲賊番並將臨時捕殺之賊人首級割獻該叅將甚為出力著傳諭保寧等賞緞一匹以示嘉獎再摺內所稱管束不嚴之土司土目本應嚴加議處姑念遵諭拏獲正賊應免置議該土司等尚屬恭順並酌量分別賞給緞匹以示鼓勵該將軍等即宣示諭旨以該土司等獻出賊番尚知畏法不特寬宥其議處并特加賞賚俾知感激天恩實力管束所屬番人不致再出為匪是亦撫馭外番之道其案內尚有不知姓名部落賊番數人仍飭郭羅克並鄰境各土司嚴行緝獲定擬完結將此傳諭保寧等知之○又諭據薩載等奏江南運道情形一摺稱駱馬湖在宿遷西北承受東省諸河之水祇能濟運河之下截其自宿遷以上總以微山湖來源為正支本年因臺莊以至河成三閘一帶水小不得已將水線

河開放原非正辦至淮揚一帶運河祇有分洩之路並不藉支港接濟其大江以南之運河因太湖來源不旺江湖亦小以致運河水勢日淺等語所奏尚未明晰看來本年運道自因雨澤短缺各處湖河水小皆藉大河分潤是以多有淺阻現在漕船已漸次回空明歲新運又復接續而至關係極為緊要其應如何設法疏濬相機籌辦之處著阿桂會同薩載李奉翰務須詳悉講求悉心妥議俾各處來源可期旺盛湖水日就充盈足以抵禦黃流暢出濟運河水不致倒灌停淤於漕運民田均有裨益方為妥善又本日管幹珍前來行在復命詢據稱邳州城北有三汊河匯沙家隅頭諸河之水並入駱馬湖如廣為收蓄則黃林莊邳宿以下之運河均可資接濟等語其言可採與否著阿桂等一併酌覈妥議將此傳諭知之○是日駐蹕中關行宮○甲寅諭據陳用敷奏黔省向例臬司經管錢

局收支數目。按月造報。年底由藩司盤查詳報。彙入藩庫實在銀數。而於臬司新舊交代時。並不造冊移交。新任亦不具結造報。如接任之員。查有未清。即將上次盤查之藩司具奏之巡撫。叅處辦理。似未平允等語。局庫關係錢糧。自應一體交代。方為詳慎。嗣後各省錢局。無論藩臬及道員經營者。於新舊交卸時。俱著前任造冊移交新任。並具結造報。巡撫倘有款項未清。即將前往經營之員叅處。

庶足以專責成而昭慎重。該部知道。○諭軍機大臣等。據全德奏。海州。泰州。各場及通州所坐落東臺縣各場。因本年雨澤稀少。運鹽河道日就消耗。剝運艱難。現飭該分司會同東臺縣將東岸范隄舊閘開放數處。引潮入河。設法蓄蓄。以資浮送。至通州場河地勢轉高。鹽船益難行走。亦須相度籌辦等語。運鹽河道關係緊要。必須乘時蓄水。足敷浮送。方可無誤民食。今淮南地方。自運河金灣六閘。

至泰州東臺等處各場俱因本年缺雨。河道淺阻。以致船滯難行。雖經鹽政開放閘座。引潮入河。為一時權宜之計。所辦尚屬妥協。但節近霜降。河水日就枯涸。運送倍難。不可不急為籌畫。著傳諭阿桂。會同薩載等將通泰海三屬被旱各場。竈及河道情形。悉心查勘。熟籌妥商。務期鹽運早得通行。毋致濡滯。仍將設法辦理。或令地方官求雨之處。詳細具奏。○又諭刑部。進呈湖北省秋審情實招冊。

內由緩決改入情實者五起。朕詳加披閱。如魏全道因細故爭罵。叔姪持械謀毆。一死一傷。又沈欽祿因贖地不允。逞兇疊毆。亦係一死一傷。又魏大忠逞兇疊毆雇工致死。復燒房捏誣圖脫已罪。甚屬兇狡。又聶在陽理曲逞兇毆斃兄妻。均屬罪無可逭。至賈則仕因衣物被竊。輒疑蔣長頭為賊匪。捆縛疊拷。此人雖曾犯竊。此案實非。其為致斃無辜。尤出情理之外。此而列入緩決。何以昭情法之平。

至如湖南省陸燿所擬緩決刑部改入情實之趙開熙一起。覈其情節。尚在可緩可實之間。而湖北省所改五起。均無可緩之理。該撫曾任刑部司員。伊父吳紹詩。伊弟吳壇。俱係刑部出身。一家父子兄弟。歷任刑曹。秋獻大典。自皆講求有素。該撫於此等兇惡重犯。何所見而概從末減。豈該撫因年老欲積陰德。遂至寬縱若此耶。吳垣著傳旨申飭。○豁貴州沉溺乾隆三十九。四十等年運京銅六萬

二千二百觔有奇。○是日。駐蹕避暑山莊。至辛酉。皆如之。○乙卯。諭軍機大臣曰。阿桂奏清口淤墊情形一摺。稱本年湖水極小。不但黃強清弱。至六月以後。竟至清水涓滴無出。黃水又值盛漲。以致倒灌入運。直達淮揚。現在薩載等所開祥符五瑞二閘。自引河至湖邊。有四十里之遙。或可不致淤湖。且任其權時開放。為今之計。惟有借已灌之黃水。以送回空蓄積弱之清水。以濟重運。此時湖水不

能復出。竟應築壩煞住。使湖水停蓄。明春重運北上時。即可啟壩。下注引河。抵出清口。以資利濟等語。亦祇可如此辦理。本年春夏以來。既因雨澤短缺。湖水甚小。六月後清水至涓滴無出。薩載等即應先事豫籌。將清口兩壩酌量收束。以為蓄水地步。何以並不籌及。亦並未奏聞。伊等之意。不過以築做壩工。未免需費。遂爾因循不辦。不知彼時築壩。所費尚屬有限。今黃水倒灌。淤沙梗墊。始議煞壩。

蓄水。已屬遲悞。漕運將來清挖。非易。所費更屬不貲。豈非因小而失大乎。是薩載李奉翰於此一事。實難辭咎。著阿桂查明。據實奏。現在清口既已淤墊。自祇可借已灌之黃水。俾回空得資浮送。俟回空船過完。即當築壩。令黃水不復倒灌入湖。庶湖水日漸停蓄。以濟明年重運。阿桂即當相度機宜。迅速妥辦。俾明歲新漕。庶有裨益。又據阿桂奏稱。江北之淮徐等處。麥收失望。秋禾俱未補種。目下

正屆播種秋麥之時。必須九月內得有透雨。方可乘時翻種等語。江北一帶。既久經缺雨。田禾未能播種。地方官早應設壇虔祈。以冀甘膏速霈。何以薩載總未奏及。看來伊等因湖河淤墊。一錯百錯。知識昏瞽。竟至諸事茫無所措。阿桂必須為之主持定見。並傳諭薩載。李奉翰。當安心勤事。倍加奮勉。以期補過。仍著該督等。將何以並不收束兩壩。及曾否飭屬虔祈雨澤之處。據實回奏。○又諭。據福

崧奏。浙江杭嘉湖三府屬雨澤愆期。秋成不免歉薄。外省米船到浙稀少。糧價較前漸增。體察情形。歲內民食。尚不至於缺乏。至明歲青黃不接之時。恐米少價昂。請照乾隆四十年之例。招商販運閩省臺灣倉穀。以資糶濟等語。前浙西杭嘉湖三府屬缺雨歉收。已節次降旨。令該撫飭屬開倉平糶。俾市價不至日增。雖現在民食有資。而明歲青黃不接之時。本境米糧漸少。外省商販不前。必須豫

為籌畫。今該撫請招商販運臺灣倉穀。以資接濟。是亦籌辦之一法。閩浙境壤毗連。雅德係兩省總督。浙西民食。該督亦應悉心籌辦。著傳諭雅德。飭屬俟浙省商人至臺灣販運時。妥為照料。俾商販迅速開行。得以源源赴浙。米糧充裕。於糶濟方為有益。至福崧奏請派員赴四川採買。所辦亦屬可行。前已節次諭令李世傑。遇有各省赴川販買米糧。該處不得居奇。並諭湖北省毋得攔截。則販運可

以流通。浙省米糧自更為充足。將此傳諭雅德。仍將籌辦情形。速行具奏。並諭福崧知之。○丙辰

上御依清曠。勾到秋審官犯服制。及雲南貴州情實罪犯。停決官犯七人。服制斬犯二十八人。雲南斬犯三人。絞犯九人。貴州斬犯一人。絞犯七人。餘三十六人。予勾。○黑龍江將軍宗室恒秀奏。黑龍江職官內。凡年老殘疾告退員缺。例於本處題奏。後候部覆到。始行揀

員送部引見往返需時以致久懸額缺請嗣後遇有告退缺出即於題奏時揀員送京其告退人員應否予俸仍聽部咨得旨允行○丁巳諭曰王杰前已補授兵部尚書現在服闋前來行在陞見已令其即行回京辦事伊係新任且在外城居住所有兵部印鑰仍著劉墉帶管俟福長安回京接任後再行交卸○又諭據書麟奏安省桐城廬江等處紳士有誼篤桑梓者或出餘米減糶或醵金稟縣

請粟前赴江西販米至本籍減糶等語安省安慶廬州等府屬被旱成災該處紳士誼敦任卹減價出糶甚屬可嘉著該撫查明共有幾人據實奏聞照例賞給議叙以示優獎至江西四川二省節據李世傑舒常履奏俱已遵照節次所降諭旨設法調劑俾商販通行無滯各災區自當米糧匯集市價日就平減小民口食足資接濟畧紓朕南顧之憂矣○又諭前因湖北省報銷潛江鍾祥二縣興修

隄工銀兩經工部駁減至一萬九千六百餘兩之多疑部中胥吏或因需索不遂有意苛求特命留京辦事王大臣秉公查訊嗣據王大臣以工部覈銷此案係照則例駁減並無不合復諭特成額將何以並不遵照定例任意浮銷及工員有無侵冒據實詳查具奏茲據該督覆奏此項隄工係四十四年興修四十五年工竣題銷節據工部駁飭刪減經前任督臣富勒渾等以此次築隄取土較遠兼

有應填坑塘是以夫工遞有加增請仍照原冊覈銷題覆在案至承辦工員有無侵蝕之弊現在切實查叅奏等語該省鍾祥潛江二縣隄工既據特成額查明經歷任督臣四次題銷有案其應減銀兩自應遵照部例不得以民價浮銷業經該部行令在承辦各員名下追繳已可完案所有從前工員毋庸再行查究至此項銀兩繳齊之日該督請發商營運遇有大工勘明支給之處應如特成額

前奏辦理該部知道○又諭前因湖南桑植縣民郭大至妄編狂悖詞語在學政處呈遞該學政錢澧因何並不奏聞僅咨撫臣查辦令其明白回奏茲據奏稱接收該犯呈詞即移咨督臣撫臣究辦未經自行陳奏實屬糊塗請交部嚴加議處等語學臣本有奏事之責况遇此等編造狂悖詞語既在該學政處投遞自應一面奏聞一面咨送督撫查辦乃錢澧並不自行具奏其咎實無可辭錢澧著

交部嚴加議處○諭軍機大臣等據孫永清奏恭城縣地方盤獲遊僧元采元貴二名起出護身榜文捏寫明時諭旨大臣銜名及地藏路引各一紙據供路引係安徽青陽縣九華山僧人月朗及在九華山出家之江西贛州僧人道立給與募化其榜文係義寧縣僧人廣盛給鈔一面將元采元貴嚴審定擬一面飛咨各省緝拏月朗道立廣盛各犯等語遊僧募化編造榜文路引輾轉傳播最易滋

生事端安徽青陽縣僧人月朗江西贛州僧人道立俱在九華山出家捏造路引妄行傳給均非安分之徒自應查拏嚴辦至元采等所攜榜文係義寧縣僧人廣盛給鈔該犯欲赴江西湖廣各處募化其榜文來歷又係湖廣僧人洪慧所遺該犯等妄以護身榜文互相傳播必須徹底嚴究以杜煽惑著傳諭舒常書麟特成額吳垣一體飭屬躡緝務獲嚴審定擬具奏○以故四川建昌道屬普濟州

長官司吉廷桂子榮秋襲職○予廣東出洋遭風淹斃吳川營把總傅君召兵丁鄭國荃等十六名卹賞如例○豁雲南沉溺乾隆四十四年分運京銅六萬六千觔有奇○戊午上御依清曠勾到四川情實罪犯停決斬犯十人絞犯十人餘一百一十人予勾○諭據李世傑奏現在欽遵諭旨將附近水次各州縣常平義倉等穀先碾動三十萬石令各州縣收貯俟楚販到境設市集之米不敷應糶



即將倉米按照每月報部時價發糶等語。所辦甚好。前因江浙等省。皆仰給川米。惟恐湖北商民赴川販運。該省產米。或有未敷。特諭李世傑。即將常平義倉等穀。先行開糶。以資接濟。今據該督奏到。已遵旨將倉穀碾動三十萬石。俟楚販到境。按照時價發糶。又同日據舒常奏。楚省商船過境。已有一千三百餘隻。從江西販去米穀。約有數十萬石等語。是楚省米糧已經匯集。四川江西二省。自必將

餘米運往江浙販賣。安徽江蘇浙江各災區。既有兩省之米源源接濟。小民口食有資。免朕南顧之憂。覽奏為之稍慰。將此通諭知之。○又諭刑部具題江蘇省秋審緩決人犯一本。朕詳加披閱。內有絞犯范開勝一起。該犯因伊妻王氏嫌伊貧窮吵鬧。妻母孫氏護女將伊逐出。嗣王氏與鮑四通姦。孫氏知情縱容。該犯聞知起意捉姦洩忿。乘鮑四走出。用刀戳傷肚腹。並見孫氏站立門首。亦用刀戳

傷肚腹。復至廚房戳傷王氏肚腹。均各殞命。聲明殺雖三命。均屬罪人。實係出於義忿。范開勝應緩決等語。范開勝之妻王氏與鮑四通姦。伊妻母知情縱容。范開勝一時逞忿。將姦夫姦婦殺死。雖殺非姦所。其情尚有可原。至伊妻母縱姦。該犯原可鳴官究治。乃竟擅行殺死。不得謂之激於義忿。從末減。范開勝著改入情實。勾到時原其情不予勾足矣。即如昨日所進浙江緩決本內。馮阿才一案。因

王學泗等欲圖占種油菜。晝夜糾衆過渡。私行拔毀。馮阿才等知覺追捕。王學泗等奔擁下船。翻跌落水身死。經刑部將馮阿才等問擬緩決。此案雖淹斃多命。但究因王學泗等私行拔毀油菜。及被追趕。又以船小人多。以致擁擠覆溺。馮阿才等尚無欲殺之心。是以即照擬緩決。至范開勝一案。其情節固自不同。自當問擬情實。朕於命案可緩可實。務期準情酌理。一歸允當。從不肯畸重畸輕。亦不

固執已見也。○又諭步軍統領衙門奏宗室公永芝棍責木匠吳國祥因傷身死一摺。已交宗人府會同刑部查審定擬具奏矣。此案據三達子供。因伊主人永芝令木匠吳國祥修葺房屋。原議工料銀一千七百兩。先領過銀一千兩。吳國祥陸續止葺房十七間。八月間永芝向該匠詢問。吳國祥要找發銀七百兩。纔肯修理。永芝因所修房屋不值所領銀一千兩之數。不肯再發。吳國祥倔强不服。遂

令三達子毆責。并自用棍責打。以致因傷身死等語。吳國祥既領銀一千兩。承攬修屋。如果止葺屋十七間。不值所領銀數。又復勒措找發價銀。倔强不服。則吳國祥本有不合。永芝用棍責打。尚非無因。但恐永芝因吳國祥業經被責身死。自干罪戾。思欲避重就輕。所供情節未免捏飾。不可不切實查究。著傳諭宗人府。刑部堂官。即應派員前往永芝家中。勘明吳國祥所葺房屋是否與所領銀兩相

值。且吳國祥雖已身死。其鋪夥陳如有現在到案。即可向伊詢問。所葺房屋實在值銀若干。其餘有無侵冒。自無難研究得實。以成信讞也。○又諭據穆精阿奏。刑部因辦理直隸河南等省軍犯定地發配一事。胡季堂就其現配地方。計程發配。穆精阿則以應由籍定地商之。胡季堂不允。軍犯發配。刑部辦理。歷有成案。乃胡季堂穆精阿並不和衷商議。各執一見。阿桂出差後。為日無幾。而該部堂官

即如此爭執聚訟。殊屬可笑。除現在傳訊胡季堂琅玕。並令軍機大臣詳查妥議。以歸畫一辦理外。將此遇便諭令阿桂知之。○又諭本日李慶茶前赴行在。陛見。召見時。詢據奏稱。江南無錫一帶。河水現在乾涸等語。該處為運道所經。本年糧艘回空在即。若河水乾涸。漕船何以浮送。所謂罔水行舟。殊屬不成事體。薩載等何以並未豫行籌辦。亦並未奏及。此事最關緊要。非可顛預混過。即云該處

居民灌田車戽亦何至竟成乾涸况現在亦車水灌溉之時薩載等竟智識昏庸一籌莫展諸事不知所措矣著傳諭阿桂即將無錫一帶河道因何乾涸詳晰查明據實具奏並一面設法籌辦或趕緊挑挖或將支幹來源疏濬江南向稱澤國果竭力挖挑俾泉源湧發或再遇雨水河道自可漸冀深通此事關係現在回空及明歲重運阿桂等務須迅速查辦毋致貽誤並令薩載等將因何並不豫

行辦理並總未具奏之處據實回奏○諭軍機大臣等據舒常奏楚省商販米船過境已有一千三百餘隻從江西販去米穀約有數十萬石嗣商販陸續採買官為照料更可迅速無價昂之弊等語湖北災區急需客米接濟前已節次降旨令江西湖南四川各督撫幫同料理遇有湖北商販到境毋稍留難阻滯並出示曉諭各該省民人毋得居奇又因安徽江蘇浙江等省必須川米接濟其商民

販運者必經由湖北該省毋得中途攔截似此通盤籌畫方於各省民食有裨今江西省商販赴楚已有一千三百餘隻米穀約有數十萬石嗣後陸續採買官為照料更可迅速運往本日又據李世傑奏將常平倉穀碾出三十萬石應糶是商販運楚米石日漸充裕民間可無虞艱食其有運往安徽江蘇浙江糶賣商船該省斷不可於中途遏糶務俾商販流通災歉之區均資接濟以副朕廑念民

依一視同仁之至意將此傳諭特成額吳垣書麟閔鶚元福崧並諭舒常知之○軍機大臣等議覆刑部侍郎穆精阿奏稱軍流各犯在配所脫逃拏獲後改發應由原籍定地向有就配所定地者均係錯辦臣等酌議應將軍罪脫逃改發人犯均照流罪人犯脫逃就配所改發例由配所定地交刑部載入例冊庶軍流改發條例均歸畫一若現配地方應配之所即與原籍相近又地處邊境別無可

以改發者。仍從原籍改發。倘原籍改發之所。又較原配相近。則視其孥獲地方改發。請行知各該督撫照辦。並於咨文內。將由配所改發。及較原籍地方遠近里數。聲明報部從之。

○以江西巡撫永保。陝西巡撫何裕城。對調。

○已未。諭軍機大臣曰。阿桂奏。籌辦清口情形。一摺。據稱。擬於陶莊河尾近溜。另開口門。過水較深四五尺。並築兜水壩。以蓄其勢。至湖水出路。自築壩攔截後。日內高堰誌椿。已長水寸餘等語。清口既經淤淺。若又引黃灌湖。自非善策。阿桂等既相度形勢。於陶莊河尾。另開口門。並築兜水壩。以蓄其勢。即使黃水消落。口門不致淺阻。此亦調劑補救之一法。著繪圖貼說呈覽。至洪湖水勢。自築壩攔截後。漸已長水寸餘。可見早應如此辦理。薩載等於清水消縮時。果能豫行籌辦。則兩壩收束一丈。湖水即可得一丈之益。何至日漸淤墊。乃竟置之不辦。並不攔截收蓄。以致清

水益日弱。黃水倒灌。停沙淤梗。前已降旨。詢問薩載等。再著阿桂傳旨面行申飭。並令薩載等。將因何並不及早籌辦。並亦未具奏之處。據實回奏。至無錫一帶河路乾涸。昨據李慶棠奏。及已降旨。令阿桂查明妥辦。該處為漕運經行要路。若竟至乾涸。即日漕艘回空。何以行走。此事所關尤為緊要。並著傳諭阿桂。務須悉心籌辦。設法疏治。務俾今歲回空。及明歲新漕。均無貽誤。方為妥善。○又諭據徵瑞奏。北河剝船。必須喫水不過二尺。仍可受載二三百石者。方為得用。現在開明丈尺做法清單。並燙樣進呈。以便江西湖廣二省照辦等語。所辦甚好。北河楊村一帶。多有橫淺。剝運船隻。自應製造合式。方能行駛便利。今徵瑞燙樣貼說進呈。辦理頗為周到。即將所進燙樣一分。寄交吳垣。令其趕緊照辦。再著徵瑞照式燙樣一分。速送軍機處發往江西。令其照式成做。仍遵前降諭旨。先造一半。

或三分之一。送到直省。自可無誤。其應造船隻數目。及板片厚薄分寸。俱經徵瑞酌定咨明。該督撫務飭承辦各員。如式造辦。毋得草率貽誤。將此傳諭吳垣。舒常。並諭徵瑞知之。○又諭。昨據穆精阿奏。軍流各犯在配脫逃。拏獲後改發。應由原籍地方。向來辦理。就配所定地。均係錯辦。商之胡季堂。不允。應請檢舉一摺。當令軍機大臣。詢問胡季堂。琅玕。並公同酌議。軍罪改發。亦照流罪改發由配所定地之例。均歸畫一。將此條載入例冊。並行知各省督撫一體辦理。已依議行矣。部中辦理案件。該堂官等自應和衷商酌。即有例意未明之處。不妨聲明具奏。增入條例。畫一辦理。何至彼此意見不和。齟齬若此。若使阿桂在京。該堂官等必無此爭執聚訟之事。喀寧阿係刑部尚書。亦應主持一切。何以任意置身局外。此事竟係穆精阿過於拘泥。而喀寧阿又茫無主見所致。均屬非是。俱著傳旨申

飭。○庚申。

上御依清曠。勾到廣西廣東情實罪犯。停決廣西斬犯四人。絞犯二人。廣東斬犯八人。絞犯十人。餘七十八人。予勾。○諭軍機大臣等。據畢沅奏請銷支給赴甘官兵車船價值。廩給口糧銀兩一摺。已批交該部議奏矣。此案係上年甘省逆回滋事。派調京兵。勦捕豫省供支之項。軍務久經告竣。其支給銀兩。何以直至此日。始行奏銷。自因前任撫臣何裕城。已經遲延。畢沅又復延緩不辦。即云今歲該省有災賑事宜。未能覈銷。其未辦災賑以前。為時甚寬。何以並不趕緊辦理耶。著傳諭畢沅。將此案因何至今始行奏銷之處。據實回奏。○吏部議覆。御史劉紹錦奏稱。佐雜等官。例不引見。惟俸滿卓異薦舉者。俱令赴部引見。微員往返。資斧維艱。應如所請。嗣後從六品至未入流。除奉特旨調取引見。及舉人出身之鹽場大使。期滿並教職俸滿保題。凡係留

部以知縣陞用者。仍送部引見。其佐雜內保薦卓異人員。該督撫具題。俟奉旨後。准其加級註冊。按原班陞用。統俟陞至知縣以上等官。再行送部引見。如因才具平庸。不准保薦。即將歷經薦舉之督撫。司道各官。分別議處。至投効河工。佐雜人員。應一體停其送部。再各督撫有奏請揀發佐雜各員。照各館期滿人員例。由欽派大臣驗看發往。均無庸引見。從之。○建直隸提標屬古北口新添兵五百

三十九名。應需營房三百五十間。從總督劉綎請也。○辛酉。諭軍機大臣等。節次據阿桂奏到籌辦清口情形。借黃水以送回空。蓄清水以濟重運。並於清口築壩紮住。及陶莊河尾另開口門各節。已屢經降旨。令其相機妥辦。繪圖貼說呈覽矣。從前治河之道。惟有導清攔黃。不使倒灌。今轉引黃水入清口。以資浮送。自屬下策。但該處既經淤沙梗塞。舍此別無引水善策。亦不得不如此辦理。然其事

究屬可暫而不可久。必須設法疏治。俾清水日漸旺盛。以期暢出刷沙。於事方有裨益。又無錫一帶河路。竟至乾涸。不特明歲新漕可慮。目下回空船隻。何以行走。所關尤為緊要。應如何酌籌辦理之處。更當及早施工。俾漕艘得以通行無滯。至一切收蓄疏濬事宜。非一時可以完竣。阿桂自不能久稽該處。著將清口及無錫一帶緊要處所。料理妥協。定有章程後。即交與薩載。李奉翰遵照妥辦。阿桂

酌量情形。於今歲回空。及明年重運。均可造行無誤。不須在彼久稽。即當回至山東。閱視湖河。再赴豫省查勘新隄。及災賑事宜。於年底。可以順道回京。將此諭令知之。仍將現在洪湖清口情形。及無錫一帶作何籌辦之處。迅速覆奏。以慰廑注。○又諭據毓奇奏。截却江南各州縣存貯之江西漕糧十八萬餘石。若交明春江南糧船搭運。一卸一交。即有折耗。旗丁不無賠補之累。請撥給江寧省倉七

萬石支放兵糧其餘米十一萬餘石一併交江南省以備冬春平糶賑借之用酌定所值價銀即行全數解交江西省於今冬十月採買之期照數買米貯倉於新漕開兌時一同兌交該省各幫搭運赴通交納等語所辦是江寧省倉例支八旗及各標營歲需米石向係江寧府屬及安徽省屯漕米款徵收濟放本年安徽等屬被旱成災無米可徵而淮揚一帶亦係被災之區恐無餘糧以供採買自應覈計江寧應需支發兵米若干即於此項截卸漕糧內撥給六七萬石應用再安徽省歉收州縣甚多前已截留漕糧平糶以資民食今冬明春恐尚需接濟亦應即於截卸漕糧內撥給十餘萬石以備平糶賑借之用至江西省本年秋成豐稔採買米石不至昂貴應酌定撥給江南米石所值價銀若干全數解交江西省採辦交該省幫船帶運似此一轉移間既免江南省截貯日久耗折之累而

江西省應行搭運米石即於該省幫船兌收辦理較為妥協著傳諭薩載書麟舒常迅速籌辦仍各速行具奏並諭毓奇知之

大清高宗法天隆運至誠先覺體元立極敷文奮武孝慈神聖純皇帝實錄卷之一千二百三十八

大清高宗法天隆運至誠先覺體元立極敷文奮武孝慈神聖純皇帝實錄卷之一千二百三十九

監修總裁官經筵講官太子太傅文淵閣大學士文淵閣領事領侍衛內大臣稽察欽奉 上諭事件處管理

吏部理藩院事務正黃旗滿洲副都統世襲騎都尉軍功加七級隨帶加一級遇常加二級軍功紀錄一次臣慶桂

總裁官經筵講官太子太傅文華殿大學士文淵閣領事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲黃旗滿洲副都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆五十年乙巳九月壬戌

上自避暑山莊迴鑾○遣官祭

歷代帝王廟

都城隍之神○諭據曹文植等奏北河糧船全行卸竣回空一摺內稱二進抵壩各幫業於九月初八日卸竣飭令回空其全用剥船輪轉迎卸之三進各幫迅速催趲并因淺灣處所祇容一舟南下未便令剥船於該處同時北上致有停避稽遲即將在前之剥船起卸露囤俾軍船得以銜尾南下而此後剥船

仍令以次抵壩速行兌收所有三進漕糧剋期於本月二十內起卸完竣軍船可以一律及早回空等語所辦好本年漕艘行走濡滯視往年抵通日期遲至數月而今歲回空較之上年十月中回空者尚早各該幫銜尾南下竟無守凍之虞可見事在人為果能實力籌辦自必立見成效前諭曹文植等赴通令其察看情形通權辦理茲漕船俱已起卸完竣一律回空洵不負朕委任之意曹文植伊

齡阿俱著交部議敘以示嘉獎○諭軍機大臣曰曹文植伊齡阿等奏本年三進在後糧船於本月二十日內起卸完竣漕船一律回空自出江家廠以下河道深通無虞淺阻等語前因糧船抵通後恐該倉場等收兌遲延特派曹文植伊齡阿前往督辦今三進幫船業經全行起卸計其回空日期轉較去年尚早且自江家廠以下河道深通無虞淺阻是回空船隻可以接續遄行北河一帶竟無守



凍之慮。若入江南境後。轉因河路乾涸。不能行走。以致稽遲。凍阻有誤。歸次日期。更屬不成。事體江南無錫等處。相距蘇州不過數十里。其河水來源。係由太湖注入。非若江北運河。有藉旁湖坡水支港。委輸灌注者可比。太湖古稱三萬六千頃。為東南巨浸。即今歲雨澤較稀。來源不能旺盛。該處河道亦何至竟成乾涸。自必另有致此之由。著阿桂務須查明實在情形。是否支幹不通。及別有受病之處。一面查訪具奏。一面趕緊設法妥辦。俾無錫一帶運道。日就深通。漕船經行時。不至守候濡滯。方為妥善。又本年夏秋缺雨。江寧常鎮等府屬。田禾被旱。收成未免歉薄。並著傳諭薩載。閔鶚元。詳晰查勘。其成災處所。應如何分別撫卹之處。即行奏聞。照例辦理。毋使災黎失所。○又諭曰。何裕城奏。創驗城工。覈實辦理一摺。據稱。該處原築土牛。間有堅實之處。若照初估。盡行創切另築。甚為可惜。現

在逐段拆創。詳看舊土情形。分別堅鬆。覈定應創應留。加緊趕辦等語。西安城垣工程浩大。必須覈實辦理。方可永期鞏固。今何裕城親加查勘。分別土性堅鬆。覈定工料做法。所辦尚為妥協。著傳諭永保。接任後即可查照督率工員。實力趕辦。俾帑項不致虛糜。鉅工益資堅實。○是日駐蹕喀喇河屯行宮。○癸亥。浙江巡撫福崧奏。杭嘉湖三屬本年收成歉薄。請借鹽庫銀十五萬兩。派員赴川採買。以備明歲二三月平糶。得旨允行。○緩河南汲縣淇縣新鄉。獲嘉濬縣輝縣。封邱延津滑縣考城武陟。修武原武陽武。祥符陳留杞縣蘭陽儀封。滎澤湯陰等二十一廳縣。本年旱災。應徵錢糧。並通許尉氏洧川中牟鄆陵滎陽禹州鄭州新鄭汜水密縣林縣安陽臨漳武安涉縣河內濟源孟縣溫縣洛陽偃師鞏縣孟津登封許州長葛等二十七州縣。本年徵餘一半漕米。商邱寧陵鹿邑夏邑睢州永

城。虞城。柘城。西華。扶溝。太康。光州。光山。固始。息縣。內黃等十六州縣。本年漕米及新安。澠池。嵩縣。宜陽。永寧。淮寧。商水。臨潁。襄城。郟城。等十縣。舊欠錢糧等項。均予緩徵。○是日。駐蹕常山峪行宮。○甲子。

上御行殿。勾到福建情實罪犯。停決斬犯七人。絞犯七人。餘九十一人。予勾。○諭曰。明興泰。濟南府屬之長清。濟寧州屬之金鄉。魚臺。嘉祥。四縣。於八月下旬。天時乍寒。被霜較早。晚禾尚未結實。一經霜打。收成頓減。民情未免失望等語。長清。金鄉等縣。本年春收本屬歉薄。今又被霜較早。晚禾收成頓減。殊堪軫念。著加恩將長清。金鄉。魚臺。嘉祥。四縣。及坐落衛地。照德州等二十五州縣之例。將本年應徵及緩帶徵錢糧籽種銀兩。緩至明年麥熟後徵收。其本年應徵及緩帶漕糧。出借倉穀。亦緩至明年秋收後開徵。俾窮黎各安衽席。不致一夫失所。以副朕軫念災區有加無已。

至意。該部即遵諭行。○又諭。據特成額奏。酌撥湖南倉穀。碾運湖北。俾下游民食得資接濟。又督催川南米船。由湖北速下江浙。並恐商賈趨利。見湖北米糧價昂。就近糶賣。不即東下江浙。即將官穀發往糶濟。以平市價。庶商賈見楚省糧價減落。多趨江浙。更可獲自然之效。現在飛飭鄰近水次州縣各倉內。動穀碾米。并於兩省各派道府大員。迅速妥辦等語。所辦甚好。該督能如此存心。不分畛域。

仰體朕節次降旨。一視同仁至意。方得大臣之體。甚屬可嘉。特成額著交部議敘。以示獎勵。湖北米石。既有湖南接濟。而江西。四川。各商販又可源源而下。是湖北江浙災歉之區。均可無虞缺乏。商販流通。自可以平市價而裕民食。畧紓朕南顧之憂矣。將此通諭知之。○諭軍機大臣等。據吏部奏。湖北漢陽府審解興山縣捕役巫宗等。聽從在逃之周大順。誣指李替升為竊。捉拏拷打。周大綱誣告曹

望蔭殺死周大順一案。曾經臬司批府提訊。前任宜昌府知府汪思蔚。遲至三月之久。仍未審詳。請將汪思蔚降三級調用。旋據汪思蔚在部呈稱。四十八年在知府任內奉委審訊此案。即親提各犯。連審數次。據巫宗等供出周大順未死。現在四川萬縣飯店傭工。具結求關。其曾望蔭實因該縣刑逼誣認。並無戮死周大順情事。當即專差赴四川關緝。並將承訊情節。通稟上司等語。此等誣告人命案件。汪思蔚既經承審。如果遲至三月之久。玩延不結。事後具呈。思免處分。自應照例降調。但現據該員呈內。有提訊巫宗。供出周大順。現在四川萬縣飯店傭工。專差關提。及通稟上司等語。是否屬實。不可不查明究辦。著傳諭李世傑。即將巫宗所供之周大順一犯。飭屬迅速查緝。是否實有其人。如果尚在川省。即行解交湖北歸案審辦。並著吳垣詳查汪思蔚從前審辦此案時。果否將所訊供情。

通稟各上司。並出差關提。及因何遲延三月之久。據實查明具奏。以憑覈辦。此案係特成額任內叅奏。吳垣並未承辦。自無所用。其迴護也。將此各傳諭知之。○是日。駐蹕兩間房行宮。○乙丑。諭本年運河水淺。漕運不無濡滯。毓奇往來催趲。分別截留。剝運。俾漕船迅速抵通。回空較上年尚早。頗為出力。毓奇著交部議敘。以示鼓勵。○又諭據阿桂奏。清口東西壩。向來欽定機宜。原視湖水長落尺寸。以定拆收分數。上年九月。薩載收築壩工時。湖水既見消落。即不應尚留口門三十丈。李奉翰自豫省回江時。誌樁存水。祇有二尺四寸。彼時接做壩工。亦不應仍留口門二十丈。以致本年春夏缺雨。淮水未經長發。六月以後。湖水遂涓滴無出。黃水倒灌。運道淤淺。又不隨時據實具奏。其因循貽誤。咎實難辭。請將薩載。李奉翰。交部嚴加議處等語。清口向定誌樁。原為湖水平常滿足之時。而設上年

九月以後湖水既已消落。薩載、李奉翰先後到彼察看時。即應將清口兩壩酌量倍加收束。豫為蓄水地步。乃並不先事籌及。仍留口門二三十丈。以致清水日弱。黃水倒灌。運道竟成淤淺。又並不據實具奏。直待降旨詢問。知無可掩飾。始行入告。是伊等辦理不善之咎。實屬百喙難辭。薩載、李奉翰俱著交部嚴加議處。○又諭。據孫士毅奏。拏獲拒捕傷官兇犯。嚴審定擬一摺。除首犯李章豪、黃迪亮。

黃禮亮業經恭請王命正法外。其餘各犯分別絞斬各罪定擬等語。已批交行在法司覈擬速奏矣。廣東茭塘地方向為盜藪。民情兇悍。經從前屢次嚴懲之後。今復敢拒捕傷官。糾眾至三四十人之多。實屬目無法紀。自應速行嚴辦。俾濱海民人共知警戒。該撫辦理此案。既能迅速查拏。且使案內兇犯不致一名漏網。伊係文人。不意其竟能如此。可嘉之至。孫士毅著交部議敘。仍著賞戴花翎。並賞

御用大荷包一對。小荷包二對。以示獎勵。其在事出力人員。著該撫查明咨部分別議敘。○諭軍機大臣曰。阿桂等奏會勘洪澤湖淮河情形一摺。據稱。盱眙縣境金家崗至大王廟二十餘里。前估引河一道。原為利漕起見。此時高堰誌樁長水三尺一寸。湖水又淤壩閉住。該處河水現有四五尺。重運儘可通行。毋庸亟籌挑辦。至盱眙以上淮水情形。詢據王懿德稱。目下臨淮關河內水深丈餘。即前露淤淺各處。亦已水深四五尺。是淮河現在水勢均屬流通。實可無庸大興工作等語。洪湖自此次築壩煞住後。高堰水誌日漸增長。重載足敷浮送。金家崗一帶原估引河。自可無須挑辦。至洪湖情形。朕於上年南巡經過時。見太平引河已有淤淺。是其受病已久。今雖將次挑竣。築壩煞住。究恐未能得力。朕意清口東西兩壩。若於回空過竣後。竟行築住。方能黃水涓滴不至灌入。但恐未免有礙行

旅往來。或較今清口倍加收束。如運河開座之寬。止留一口門。使經過船隻無礙行走。則口門收束一丈。湖水即可得一丈之益。似於儲蓄機宜。較為有裨。又本年淮水上游被旱。水勢甚弱。今臨淮關河內水深丈餘。此水又係何時所長。並著阿桂查明。一併據實覆奏。○又諭。據閔鶚元奏。江揚常鎮等屬。因夏秋以來。雨澤稀少。又農民昕夕車戽。致河道俱有淺阻。現在車戽已停。蘇松常鎮各路江湖。匯入運河。是以無錫伍牧等處最淺處所。亦得水三四尺。不特回空糧艘。可以通行。即中等重載貨船。亦足資浮送等語。所奏甚遲。前聞無錫一帶河水乾涸。恐礙重運回空。屢經降旨詢問。該處夏秋之間。河路淺阻。閔鶚元早應據實陳奏。乃並未入告。直至此時。知朕已經詢問。事難掩飾。始將情形奏及。則何如。不奏之為愈耶。閔鶚元平日尚屬留心民事。不應遲延若此。著傳旨申飭。至所奏曉諭江

蘇各屬商販。多齎貲本往江楚販運。其由上游販往浙西一帶者。毋許攔阻截留。及察看水勢情形。確估開挖等語。所辦尚是。該撫務悉心籌酌。妥協辦理。以慰厘注。將此傳諭知之。○補行廣西省乾隆四十九年大計。卓異官五員。才力不及官一員。不謹官三員。罷軟官一員。浮躁官一員。有疾官二員。年老官三員。議敘處分如例。○是日。駐蹕要亭行宮。○丙寅。

上御行殿。勾到奉天陝西情實罪犯。停決奉天斬犯三人。絞犯六人。陝西斬犯五人。絞犯十人。餘七十人。予勾。○諭本年考試翰詹。其講讀等官。考列三等者。應以中允贊善降補。但該員等本以文理平常。因考降職。若仍以翰林補用。將來再遇考試。恐仍不免於降官。且中允贊善員缺本少。降補之後。得缺亦屬無期。轉致淹滯。嗣後翰詹等官。凡遇考試。應行降補者。俱著對品以部屬補用。俾得及時

自効。若果能勤奮供職。自可仰邀甄拔。是亦造就人材。量才器使之道。著為令。所有此次接駕之張肅。莊承籤。即著對品。以主事改補。○又諭曰。薩載。李奉翰。於清口東西壩。不能及早收束。以致運道淺阻。經阿桂查明。參奏。已降旨。將薩載。李奉翰。交部。嚴加議處。第思部議。不過革任。現在一時任使之。人。亦不即予罷斥。仍可從寬留任。恐伊等益無顧忌。不知儆戒。薩載。李奉翰。辦理河務。種種錯謬。其過甚大。如運中河。已經挑竣。猶兒窩應建閘座。並不迅速趕辦。以致山東所放之水。並無攔蓄。一洩無餘。重運不敷。浮送。又本年雨澤短缺。薩載等於上年。前往洪湖查勘時。湖水已經漸弱。即應將清口東西兩壩。漸加收束。豫為蓄水地步。若收束十丈。湖水即可得十丈之益。乃並未先事籌辦。仍留二十丈之清口。聽其散漫下注。至黃水倒灌入運。停沙淤阻。又並未將淤阻情形。據實具奏。直待降旨。

詢問。知不能掩飾。始行陳明。實為因循貽誤。又無錫一帶。為漕運及商賈經行要路。該處河道乾涸。並不早行奏聞。設法辦理。伊等職司地方河務。乃智識昏替。漫無主見。若此。其咎實百喙難辭。薩載。李奉翰。竟無庸交部議處。著照從前內外大臣降職之例。俱降為三品頂帶。以示懲儆。而觀後效。至閔鶚元。於河道雖非專管。但河路乾涸。不特漕艘難行。即往來商旅船隻。亦多不便。此獨非地方事務。而竟置之不問耶。乃無錫一帶。乾涸已久。閔鶚元並未專摺具奏。直至事難掩飾。始於陳奏事件摺內。帶敘數語。且所稱農民。昕夕車戽。以致淺阻等語。亦屬非是。該處農田。被旱。戽水灌漑。原所不禁。但灌田固所以為民濟。運亦關係緊要。昨據嵇璜奏稱。江南佃戶。遇乾旱。年分。戽水灌田。即可向田主折算工價。少納租銀。是佃戶固樂於車戽。而地方官。不可不為之酌立限制。即如河南衛河。百泉等。

處於濟運灌田俱各定有分數不使偏畸該撫身任封圻乃竟視同膜外亦屬咎無可諉閔鶚元著交部議處至該督撫等於此等地方要務並不據實直陳其意不過謂奏聞後恐致朕心焦勞殊不知朕臨御以來日理萬幾於地方水旱雨暘豐歉情形凡有關於國計民生者宵旰勤求五十年如一日今雖年踰古稀披覽奏章運籌指示從不以為煩瀆較前有過之無不及該督撫等寧不知之如

果隨時入告正可洞悉機宜得其竅要我君臣先事疇咨使民生政務均有裨益豈不甚善又何必過為仰體匿不上聞若至地方廢弛貽誤始行奏達轉增事後籌畫之煩亦豈朕委任封疆之意且果如此將來設有貪官污吏以及不逞滋事等要務亦將抑擱而不以入告耶此番治薩載李奉翰之罪之意正在此將此通諭各省督撫一體凜遵咸喻朕意倘從而效尤則薩載等即其前車之鑒也

○是日駐蹕密雲縣行宮○丁卯調任貴州巡撫永保疏報涇潭天柱二縣乾隆四十九年分開墾額內外田一百五十畝有奇○建陝西紫陽縣添設二州垣主簿衙署從巡撫何裕城請也○是日駐蹕南石槽行宮○戊辰

上詣

安佑宮行禮○幸圓明園○諭本年江南清口淤阻無錫一帶河路乾涸漕運民船俱行走阻滯全德福海四德成善身為鹽政關差織造駐劄各該處於彼處情形均所目擊伊等原有奏事之責雖地方公事不得執行干與而於該處水旱河路淤淺情形自應隨時據實陳奏乃清口無錫俱形淤塞而全德等漠不關心並未奏及豈伊等養尊處優竟不體朕宵旰勤求之意耶全德福海四德成善俱著交內務府嚴加議處○已巳諭軍機大臣等據奎林奏察哈爾左翼馬匹被竊所有未經就獲之哈

薩克匪犯經那旺等先後緝拏祇有一名尚未  
弋獲已飭杭和卓緝捕等語所奏與朕意符  
合實屬可嘉嗣後遇有此等事件當照此辦  
理著傳諭知之○庚午河南巡撫畢沅奏中  
州為心腹重地並無險阻可恃向來額兵最  
多節次用兵未經徵調技藝生疎自應挑備  
戰兵以成勁旅現挑撫標兩營及城守尉駐  
防滿營兵各五百名南陽河北兩鎮標營兵  
各二千名仍檄各營專派弁兵如式訓練得  
旨好為之以實持之以久可也○辛未諭據  
吳垣奏本年湖北江夏武昌等州縣民田軍  
屯夏秋被旱成災內應行輸漕州縣共計有  
三十餘處自開徵月餘完納無幾體察情形  
民力實為拮据懇請照四十三年緩徵成案  
分別辦理等語著照所請將成災較重有漕  
之江夏武昌咸寧嘉魚蒲圻漢陽沔陽黃陂  
孝感荊門廣濟黃梅應城隨州江陵公安監  
利十七州縣本年應完漕糧正耗米石銀款

等項緩作三年帶徵成災較輕有漕之興國  
大冶崇陽潛江天門黃岡蘄水蘄州羅田安  
陸雲夢應山石首松滋十四州縣本年應完  
漕糧正耗米石銀款等項緩作兩年帶徵至  
被災稍輕之通城及毗連災區之通山當陽  
又成災之黃安等州縣所有本年應徵漕糧  
并折漕隨漕銀款俱著一體緩作兩年徵解  
其該處屯田分坐災地應徵等項亦著一併  
寬至下年一年帶徵俾軍民均得從容輸納  
口食益資充裕以副朕軫念災黎無使一夫  
失所之至意該部遵諭速行○又諭朕披閱  
本年秋審黃冊內直隸省王明吉殺死張柱  
兒一起覈其情節王明吉被張柱兒揪住髮  
辮欲行雞姦復詈罵拚命該犯頓起殺機將  
張柱兒連戳立斃刑部以年歲相同拒姦無  
據將王明吉問擬情實但死者與兇犯既年  
俱二十一歲又安知非王明吉圖姦張柱兒  
不遂致死滅口復因其已死無據反誣死者



圖姦希圖避重就輕亦未可定著刑部即行咨提該犯到部詳細訊鞫務得確情以成信讞○諭軍機大臣等據阿桂奏現於順黃壩尾稍上另開口門挑倒勾引渠引黃入運較高家馬頭口門現可多過水四五尺即至黃水消落總可過水二三尺實為臨時調劑補救之法並將清口東西兩壩酌量移建以之禦黃束清並酌定將來湖水消落將口門收束尺寸等語亦再無過此法者矣惟引河濟運係一時權宜之計一俟清水漸長時究宜將口門堵閉至上年冬間及本年春夏清水消縮薩載等並不攔截收蓄清日弱而黃日強以致倒灌淤阻其咎實無可辭非朕指出阿桂亦未曾言也再所奏無錫一帶運河兩岸民田車戽灌溉晝夜不停以致乾涸等語江南運河本藉江潮為吐納以太湖為來源從未聞淺涸斷流漕運商船俱形阻滯者本年夏秋缺雨農民戽水灌田不停晝夜以致

日就消落但官渠之水原以濟運通商與農田均關緊要當天氣亢旱時固不能禁民車戽亦當照衛河之例立以限制毋許農民任意車戽使通渠竟成淺梗蓋農民取水灌苗意在多多益善彼時自當於運河一帶仿照徐城高堰等處設立誌樁明定尺寸河水消落若干即毋許農民車戽雖遇缺雨不致淺涸庶於漕運民生均有裨益此事關係非小薩載李奉翰閔鶚元從前並不據實奏聞其不是甚大前已降旨將薩載李奉翰降為三品頂帶閔鶚元交部議處矣著傳諭阿桂將此旨面加曉諭令伊等知獲咎之處實在於此並著阿桂將運河戽水如何定立限制添設誌樁之處交薩載等妥協辦理具奏○壬申上詣大高殿壽皇殿行禮○還宮○軍機大臣等議覆湖廣總督特成額湖北巡撫吳垣奏稱南北兩省

備造剝船。請於武昌、漢陽、長沙、常德等府聚木之處。鳩工集料。責成漢陽、長沙等府縣。分領承辦。仍令藩司、永慶、秦承恩總催趕造。辦竣。將承辦各員於船旁刊刻何處成造字樣。如有草率浮冒。即行指參。應如所奏。得旨。依議。速行。○賑江蘇、長洲、吳縣、常熟、昭文、武進、陽湖、無錫、金匱、江陰、宜興、荆溪、丹徒、丹陽、金壇、溧陽、山陽、阜寧、清河、桃源、安東、鹽城、銅山、豐縣、沛縣、蕭縣、碭山、邳州、宿遷、睢寧、海州、沐陽、贛榆。上元、江寧、句容、溧水、高淳、江浦、六合、高郵、泰州、東臺、江都、甘泉、儀徵、興化、寶應、如皋等四十八州縣。並淮安、大河、徐州、揚州、鎮江、蘇州、太倉、儀徵、八衛。本年旱災。飢民口糧。並緩徵本年漕糧。漕項銀米。及蠲剩銀米。其勘不成災田地。應徵新舊漕項銀米。及漕糧同舊欠災緩漕糧。均予緩徵。○詔雲南沉溺乾隆四十六年分運京銅四萬四千四百觔有奇。○癸酉。

孝慈高皇后忌辰遣官祭

福陵。○諭曰。喀什噶爾四品伊什罕伯克愛達爾。辦理一切事務。懋著勤勞。深可嘉尚。著加恩賞給三品頂帶。以示獎勵。○諭軍機大臣等。前經降旨。雅德令其飭屬。俟浙省商人至臺灣販運時。妥為照料。俾迅速開行。本日據雅德奏。浙省各屬缺雨。現在開倉平糶一摺。另片稱。閩省晚禾茂實。糧價平減。並未言及海運米石接濟浙省。看來雅德猶有畛域之見。閩浙兩省俱係總督所轄。遇有地方災旱。自應視同一律。酌量挹彼注茲。今浙西秋成既薄。米販復稀。閩省境壤毗連。本年秋收又屬豐稔。自當以閩省之有餘。補浙省之不足。乃福崧已籌辦具奏。而雅德竟無一語奏及。殊非通融調劑之道。各省總督往往於駐劄之省。意存護庇。而於兼轄省分。不免稍為歧視。殊不知同一總督所轄。而不為之通融調劑。設小民以災旱失所。總督能追其責耶。將

此傳諭知之。並著速飭所屬於浙省商販到臺時。平價應糴。不使守候。居奇以資接濟。○甲戌諭。明歲新漕。關係緊要。本年巡視漕務之各該御史。現已差滿。若另行簡派。轉屬生手。所有明歲巡視。瓜儀。濟寧。天津。通州。各漕務。仍著今年派出之管幹珍。阿那布。陳桂森。色爾布。前往。該員務須實力督催。妥協辦理。俾漕船迅速抵通。毋致遲滯。○諭軍機大臣等。據盛住奏。北新關徵收盈餘短絀一摺。內稱。本年浙西地方。天氣久晴。杭州。嘉興。一帶河道間段消涸。商販觀望不前。即杭城貨物。販運北上者。亦停消過半。以致歲課盈餘短絀等語。盛住係布政司兼管織造事務。原有奏事之責。非僅如藩司不應越分奏事者可比。浙省雨澤愆期。河道淺涸。盛住自應及早陳奏。乃至關稅一年期滿。短絀盈餘。始將該處商販稀少緣由。聲敘入奏。豈伊於地方災旱。竟漠不關心。一味坐擁優厚而已耶。昨因

四德等。不將江南清口。無錫。一帶淺阻情形。據實陳奏。是以將伊等交內務府嚴加議處。至本年許墅。淮宿等關。短缺盈餘銀兩。亦因旱災。米船不通。俱即加恩免其賠繳。此次盛住關稅短少一摺。將來該部照例覈議短絀若干。著落照數賠補。具奏時原可一例加恩寬免。但盛住於地方災旱。並不及早陳奏。實屬意存膜視。所有此項短絀盈餘銀兩。當依部議。令伊照數賠補。以示懲儆矣。將此傳諭知之。○是日起

上以孟冬享

太廟。齋戒三日。○乙亥。

孝敬憲皇后忌辰。遣官祭

泰陵。○諭前命阿彌達。前往青海。迤上。窮溯河源。旋京具圖呈覽。隨御製河源詩文。並令館臣編輯河源紀畧。錄入四庫全書。以昭傳信。四庫書中。從前言河源者甚多。從未有探本窮源。以及方向山川。皆能符合者。近偶閱河

防迷言一書。卷首冠以河圖。朕詳加檢閱。內所載源流方向山川形勢。與阿彌達所奏相符。此圖為張靄生所著。其書則採述陳潢議河之言。彙輯成編。頗為精當。因思河源之說。從來疑信參半。歷數千百年。今始考詢明確。而張靄生之圖。在數十年之前。適與今圖脗合。乃其書沒而不彰。非所以揚善誌美也。著四庫館總裁。即將河防迷言一書。錄入四庫全書。附于新輔治河奏續一書之後。以示朕

博採羣言。片長必錄之至意。○諭軍機大臣等。據工部奏。攔黃壩後填塘工程。與原奏情形不符一摺。內稱薩載。李奉翰原估此項工程。需用銀十三萬七千餘兩。工部按照原奏所估水深丈尺。覈計只需用銀十萬四千九百餘兩。今報銷冊內。又開攔黃壩東西中三段。水深丈尺加增。較原估多開土方銀一萬六千六百餘兩。又中間塘底甚深。隨填隨墊。應再行加築填平。需用土方銀一萬五千三

百餘兩。加此二項。始與原奏之十三萬七千銀數相符等語。上年朕南巡時。閱視攔黃壩其底渦處。所原介在可填不可填之間。今此項工程。既已派辦。則銀數亦應較原奏加增。乃有續添土方銀三萬餘兩。始與原奏銀數相符。豈續添水深丈尺工銀。已經於初奏時豫先估定在內。有是理耶。是從前所奏工員等。顯有浮冒情弊。本年薩載。李奉翰。辦理清口運河。種種貽誤。昏憤已極。今此項題估。又

復不行詳查。冒昧具題。是該督等糊塗錯謬。一至於此。殊不可解。著傳旨嚴行申飭。仍令其據實詳悉。明白回奏。並傳諭阿桂。即將此項工程。從前料估時。有無浮冒之處。詳細查覈。據實具奏。○大學士等議覆。禮部尚書姚成烈奏。稱近數科鄉會試二場。祇以性理命題。士子以孝經為功令所不及。反置高閣。應如所奏。申明舊制。以下次鄉會試為始。二場論題。孝經與性理二書。按科輪出。請著為令。

載入條例從之。○丙子。諭軍機大臣曰。畢沅奏。查濬淮源一摺。稱淮瀆廟東里許。有石砌基地一方。挖深三尺許。有泉源湧出。共計三處。當即趕緊淘浚。引歸河身。下注暢達等語。所辦甚好。至圖內所繪淮水發源之桐柏山處所。有無池泉匯湧。應行疏濬之處。前江蘭查勘時。曾否親至其地。著將原圖發交閱看。令將該處情形。據實具奏。並繪圖貼說呈覽。又淮瀆廟。已據畢沅勘估興修。其桐柏山下之禹廟。是否不至傾圮。如應行葺治。並著畢沅委員勘明。一併興修。以昭誠敬。而妥神佑。將此傳諭知之。○吏部議覆。御史梁景陽奏。稱。月選人員。州縣而外。上有道府。下有佐貳。員缺均關緊要。乃因定例。病限三月。遂至缺出經年。迄無本員到任。恐啟規避之漸。應如所請。嗣後月選人員告病。無論何項官員。概予限一月。如前月告病。至次月截缺時不痊。即行開選。病痊仍坐補原缺。倘有畏避開缺。

於一月內暫報病痊。旋告病者。亦即開缺。無庸再限一月。從之。○是月。欽差大學士公阿桂奏。時昭縣境龜山上淮瀆廟。年久傾圮。請一體修理。又裏河廳屬運口。亦有淮瀆廟。現尚完整。臣阿桂親詣瞻禮。得旨是。○又奏。自京起程。經過直隸等屬。惟大名一府。秋收歉薄。東省德州至郟城。得雨稍遲。補種未齊。近日普得透雨。惟江北淮徐等處。現屆種麥。望雨甚亟。得旨。地方官求雨否。何總未見奏及。想薩載等一錯百錯。竟至諸事茫然矣。當令其安心勤事為要。○又奏。清口舊有東西二壩。蓄清抵黃。為全河關鍵。節經改於惠濟祠前建築。但距清黃交匯處。尚有五百餘丈之遠。應再移下三百丈。於福神菴前建設。遇黃水過大。即將口門收窄。如清水過大。迤下兜水壩。相機拆展。該壩亦一體展拓。俾資暢洩。並將東壩做長。以攔黃水。迴溜西壩收短。使清水直出。抵黃批。此法極是。又奏。東西壩口。

門水深溜激所留不能過窄。嗣後按高堰誌  
橋如湖水消落四尺。將口門酌留二十丈。湖  
水三尺。留口門十二丈。湖水二尺。留口門八  
尺。批。早應如是。今年伊等若如此辦。豈有黃  
水大灌之事。但朕未思及此。乃朕之過耳。不  
知薩載等愧否乎。○又奏。擬於湖水出路築  
壩攔蓄。以冀清水日旺。但將太平河。裴家場  
通湖引河。集夫趕挖。並於通湖河尾起。至滙  
黃一路。抽挑子溝。俾易於刷沙。俟重運到時。

實錄卷五十九

五

再行啟放。批。此法是。若一瀉無餘。又恐明春  
難以為繼。蓄其力而發之。甚好。○兩江總督  
薩載等奏。秋田被旱。現在查勘妥辦。得旨。督  
率屬員。詳妥為之。俾受實惠。爾等所奏已遲。  
再不受辦。太無良心矣。慎之。○漕運總督毓  
奇等奏。漕船回空。全過津關。得旨。欣慰。覽之。  
事在人為。不期今年回空。尚早於去年。若非  
朕屢次督催。設法辦理。爾等斷不能及此。○  
江蘇巡撫閔鶚元奏。江寧。蘇州等府屬。頻得

雨澤。得旨。秋末有喜雨之奏。足見夏旱。爾等  
未詳奏也。不以為慰。以為愧。

實錄卷五十九

五

大清高宗法天隆運至誠先覺體元立極敷文  
奮武孝慈神聖純皇帝實錄卷之一千二百三十九

大清高宗法天隆運至誠先覺體元立極敷文奮武孝慈神聖純皇帝實錄卷之一千二百四十

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理吏部理藩院事務兵部滿洲都統世襲騎都尉軍功加七級隨帶加一級尋常加二級軍功紀錄一次臣履歷世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次尋常紀錄十四次臣德瑛經筵講官太子少保工部尚書紀錄六次尋常紀錄尋奉 上諭事件處管理刑部戶部主簿事務

乾隆五十年乙巳冬十月丁丑朔享

太廟

上親詣行禮遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵○遣官祭

孝賢皇后陵

端慧皇太子園寢○頒乾隆五十一年時憲書○諭庫掄現在無事勒保駐彼亦久勒保松筠俱著回京仍在軍機章京上行走所有庫掄事務即著副都統佛住駐彼會同蘊端多爾濟妥協辦理○諭軍機大臣等前以本年大河淮安等幫有遭風沉溺之事據阿桂

奏稱漕船過於高大棹挽維艱似應酌量改小等語朕以其所言或與漕運有益因降旨令薩載毓奇會同有漕省分各督撫悉心籌畫或可將船身酌量改小以期行走便利嗣據該督等酌減尺寸會同具奏並經大學士九卿等議覆准行今又據嵇璜面奏薩載等所定尺寸據現在出運漕艘船身不過收小一丈上下其寬深亦祇改減一二尺是大小不甚相懸恐屬無益且重運北上總藉河水

浮送。若運河水足。歷來糧運船隻。並未濡遲。貽誤。若運河水淺。即再行收小。恐亦難以行駛。不若仍舊於漕米貨物。均有裨益等語。所奏亦屬近理。且船身收小。旗丁等例帶土宜。或至不敷裝載。自斷無將漕米減去。轉載貨物之理。而漕船所帶貨物。俱民間日用所需。若令其減帶。則京師百物。不無騰貴。殊非便民恤丁之道。前此薩載等於議改漕船時。曾奏請令該旗丁於例外加帶土宜七十餘石。

試思船既收小。其例帶土宜。尚恐不敷裝載。又安能於例外再行加帶。益可見薩載等前奏之非是。已降旨申飭。况河水設遇短淺。無論現改船式。減去尺寸無多。難以行走。即使再行收小。亦斷不能小於民船。豈能行走迅速耶。著傳諭阿桂等再行詳晰會商妥議。與其更張煩擾。自不若仍舊毋庸改造之為便也。阿桂等當乘此未經改作之時。即行妥速定議。據實覆奏。尋奉現在改減各船丈尺足

數裝載土宜。并有空餘。以備灑帶米石。應照原議。江浙漕船長八丈。深六尺。喫水以三尺四寸為度。江廣漕船長九丈五尺。深六尺九寸。喫水以三尺九寸為度。立定限制。旗丁不致私增尺寸。及例外多帶貨物。遇水淺可無阻滯。得旨是不必屢經改議矣。○戊寅。

上御乾清門聽政。○諭曰。國史館總裁嵇璜。現兼三通館總裁。伊年老精力恐不能兼顧。所

有三通館總裁著王杰充補。○又諭曰。當保現在病故。直隸按察使。刑名案件繁多。員缺緊要。副都統英善係刑部司員出身。律案自所諳習。即著以副都統銜補授直隸按察使。○諭軍機大臣曰。江蘭奏查濬淮源一摺。據稱淮瀆廟東里許有砌石基址。試挖至三尺許。有三大泉湧出。查一統志稱淮水伏流數里湧起三泉。濬為井。與現在查出之源相合等語。該處則出三泉。既與一統志所載相合。則所稱淮水伏流源泉自必有本。前於圖內



用硃筆圈出處所。當是源泉之處。江蘭查勘時。自未必親至其地。已降旨詢問。並將原圖發交閱看。著再傳諭江蘭。即赴該處。勘明淮水伏流三泉。其發源究在何處。如有壅塞。應行疏濬之處。即當迅速辦理。至禹廟亦已諭令畢沅派員查看。如應行修葺。即著遵照前旨。勘估興修。以昭妥侑。將此傳諭畢沅。並諭江蘭知之。○已卯。諭據永多叅奏。管理晶河糧務筆帖式職銜五明安。擅自行文。欲將運販伊犁鹽勛路票。改在晶河換給。任性乖張。罔知法紀。請將五明安革去職銜。充當苦差等語。五明安前在奉天知縣任內得罪。發往烏魯木齊効力贖罪。並不勤慎供職。稍贖前愆。乃擅用印文。欲將運鹽路票。改在晶河換給。此不過欲因換票。借端需索耳。該都統所奏。尚未明晰。五明安竟著革去職銜。發往伊犁充當苦差。以示懲儆。○又諭據錢澧奏。查出綏寧學應貢廩生陳四書。從前因乘醉入

小功服弟陳盛士之妻藍氏。廚房與藍氏交談。被藍氏夫胞兄陳英賢責罵。致藍氏自縊身死。報縣審無別情。經學臣李汪度發學戒飭完結。又平江學廩生王昇平。因該縣民人徐文達欠伊銀兩。該生勒將山地作抵。寫立賣契。包利作價。繼又捏控案外多人。致被牽累。學臣姚頤將該生戒飭扣貢等語。王昇平因索債勒契。捏控失實。其事尚在可輕可重之間。至陳四書乘醉入有服弟妻藍氏廚房交談。致釀人命。雖訊無別情。亦應即予斥革。乃該學政僅將該生發學戒飭完結。殊屬寬縱。李汪度著交部議處。至所奏嗣後廩生犯事。應覈其情罪輕重。分別斥革戒飭。並將現行扣貢定例。酌為變通之處。係為學校勸懲起見。著交該部議奏。尋議。嗣後廩生除本身過犯。照例斥革外。若因人波累。情節本輕。既經戒飭。後於挨貢時。仍准其一體考充。從之。○庚辰。賑卹湖南巴陵。臨湘。華容。武陵。桃源。

龍陽安福。岳州等八州縣衛並坐落巴陵。臨湘。華容。三縣之湖北武左。黃州等二衛屯田。本年旱災貧民。蠲緩額賦有差。○辛巳。

上御太和殿視朝。文武陞轉各官謝恩。○軍機大臣等議覆署江西巡撫舒常奏稱。本年江西省。截卸江南漕糧十八萬石。前經議准。定價交江西採買。附新漕搭運。查江西漕船裝載米石較多。喫水太重。恐運河行走遲滯。請將應運米。分二年搭運赴通。應如所請。從之。

○又議覆。綏遠城將軍積福奏稱。綏遠城額設滿洲官學五處。各選教習四員。教訓養育閑散兵丁。現在子弟日多。不甚有益。且止學清文。於考取筆帖式及書寫漢字文移俱不得人。請將五學裁汰。於將軍衙門內設立繙譯官學五處。每學額設教習二員。學生三十名。即以原設五學公費支給。應如所請。從之。○予故和碩裕親王廣祿祭葬如例。諡曰端。○予故江寧將軍萬福祭葬如例。諡莊靖。○

予故山西巡撫農起祭葬如例。壬午。

上御懋勤殿。勾到湖廣情實罪犯。停決斬犯七人。絞犯十二人。餘五十八人。予勾。○諭本日勾到湖北省情實人犯內。經刑部由緩決改入情實者五起。朕詳加披閱。如魏全道。因細故爭罵叔姪持械謀毆人命。又沈欽祿。因贖地不允。逞兇疊毆。均係一死一傷。又聶在陽。理曲逞兇。毆斃兄妻。又賈則仕。因被竊衣物。致斃無辜。均屬罪無可逭。至魏大忠。逞兇疊

毆雇工致死。復燒房捏誣。圖脫已罪。尤出情理之外。而列入緩決。何以昭情法之平。吳垣曾任刑部司員。刑名自所諳練。乃於此等重犯。並不悉心定擬。概從末減。實屬疎縱。吳垣著交部議處。○又諭曰。畢沅奏。閩省監生陳世元。赴豫教種番薯。因感受風寒。抵省後旋即病故等語。前因閩省番薯既可充食。又可耐旱。特令富勒渾等採寄河南栽種。陳世元因熟悉樹藝之法。情願赴豫教種。年老遠涉。

頗屬急公。今患病身故。殊堪憫惜。陳世元著加恩賞給國子監學正職銜。俾該生得邀身後之榮。並著畢沅妥為照料。交伊子護送回籍。其子服滿。願來引見。亦聽。○諭軍機大臣等。本年直隸大名。廣平。順德三府屬各州縣雨澤愆期。農民佈種較遲。又江蘇淮徐海等府州屬州縣並淮安等各衛。因雨澤愆期。秋成歉薄。現雖得有透雨。究屬稍遲。恐明年春麥不能一律趕種。又安徽亳州等州縣春夏雨少。二麥歉收。又浙西杭嘉湖三府屬高阜遠水之區。得雨稍遲。禾苗未能暢發。又山東兗曹濟寧等府州屬。旱久成災。麥收歉薄。又山西忻代。陝西朝邑等州縣。因河水漲發。田畝村莊被淹。又河南祥符等縣及衛輝等府屬麥苗被旱。又湖北江夏等州縣並武昌等衛所。因今夏晴日較多。夏收無望。湖南巴陵等縣衛。得雨較遲。中晚二稻不能一律成熟。雖經節次降旨。分別蠲賑。令該督撫實力撫

卹。毋致失所。第念各該處被災地方。於明春青黃不接之時。民食恐不無拮据。是否應需展賑蠲緩。並此外勘不成災地畝。應否量予加恩。分別酌借口糧籽種之處。著傳諭各該督撫體察情形。查明據實覆奏。候朕於新正酌量再降諭旨。將此由四百里各諭令知之。○浙江巡撫福崧疏報常山。安吉。孝豐。瑞安等四縣開墾額外塘田地八頃五十二畝有奇。○癸未。諭前因御史劉紹錦條奏各省保題卓異佐雜人員。毋庸送部引見一摺。經部議覆准。並請嗣後各省奏請揀發佐雜人員。由欽派大臣揀選。照數發往。亦毋庸帶領引見。已依議行矣。今思各省佐雜人員。職分本微。若令其赴京引見。往返盤費未免竭蹶。且該員等陞補正印時。仍須送部引見。則現在停其赴京。正所以體卹微員。至各省奏請揀發人員。向例欽派大臣揀選帶領引見。候朕欽定發往。今將此項佐雜人員。亦一體停止。

引見。在欽派大臣。俱係深受朕恩之人。自不致稍涉徇私。任意揀選。然行之日久。不能保其必無。而外間議論。將謂朕倦於庶務。故將此等人員。一概毋庸引見。殊失朕惟日孜孜之意。朕御宇五十年。綜理萬幾。久而不懈。今雖年逾古稀。精神如舊。豈因數丞倖微員。而即倦於察看耶。所有各省保題卓異佐雜人員。應照部議。毋庸引見。以省其盤費外。其各省奏請在京揀發佐雜微員。由欽派大臣揀

平定縣志卷之四

十一

選者。仍著照舊帶領引見發往。○又諭據福康安奏甘肅皋蘭金縣伏羌安定會寧平涼靜寧隆德鹽茶秦安平番莊浪等十二廳州縣縣丞地方。間被雹水偏災。請將銀糧草束蠲免等語。甘省地瘠民貧。上年逆回滋擾。業經降旨。將通省額賦概免徵輸。以紓民力。其皋蘭等十二廳州縣。復間有雹水偏災之處。著再加恩。將皋蘭金縣伏羌安定會寧平涼靜寧隆德鹽茶秦安平番莊浪等十二廳州。

縣縣丞地方。所有應徵正耗銀二千七百一十兩六錢七分糧一千一百八十二石七斗七升。草二千三百四十二束。概行蠲免。以示朕軫念邊黎有加無已之至意。該部即遵諭行。○諭軍機大臣等。據鄂寶等奏奉天所屬地方。本年秋收豐稔。一切市糧價值較前均有減落。現在查禁奸商收買囤積等語。奉天收成豐稔。米穀豆麥各項糧價較前更減。小民當此屢豐之後。其視米糧不甚愛惜。必致

燒鍋釀酒。與其粒米狼戾。自不若轉輸隣省。以資接濟。方為有益。况稻米價賤。亦非奉天日用所需。至本年直隸山東被旱之區。秋收歉薄。均需米糧接濟。奉天海運可達山東登州及直隸天津舟行最為便捷。現在直隸山東各該省一切撫卹平糶米石。多多益善。除動用本省倉穀及截留漕糧之外。尚需接濟米石若干。其奉天所屬地方。覈計民間日用約有餘糧若干。可以應糶著傳諭鄂寶奇臣

劉我明興務將各該省情形通盤籌畫妥議會商俾糧石可資挹注以裕民食而節糜費彼此均有裨益至直隸山東各省商販亦必有由天津登州赴奉天貿易者並著查明妥為照應并須曉諭奉天居民毋得居奇方為妥協並現在直隸山東商民有無前往奉天貿易糧石之處著劉我明興查明據實覆奏尋奏現查天津航海商船領照赴奉者八百餘隻其運回糧石不下數十萬石俱經運赴

直隸之大名廣平河南之臨漳以及山東德州東昌臨清濟寧一帶糶賣報聞○署河東河道總督蘭第錫河南巡撫畢沅奏豫省黃河大隄經汎漲停淤應早籌辦現飭藩司河道等丈量估計各要工共需銀三十八萬三千六百七十兩零查濱河一帶積歉之區貧民藉資力作兼可以工代賑請即於今冬明春動帑辦理得旨依議速行 甲申

上御懋勤殿勾到浙江江西情實罪犯停決浙

江絞犯六人江西斬犯三人絞犯六人餘二十六人予勾 諭前因西洋人吧咤哩映等私入內地傳教經湖廣省查拏究出直隸山東山西陝西四川等省俱有私自傳教之犯業據各該省陸續解到交刑部審擬定為永遠監禁第思此等人犯不過意在傳教尚無別項不法情事如呈明地方官料理進京者原屬無罪因該犯等並不報明地方官私在各處潛藏轉相傳引如鬼蜮伎倆必致煽惑滋事自不得不嚴加懲治雖坐以應得之罪朕仍憫其無知僅予圈禁今念該犯等究係外夷未諳國法若令其永禁囹圄情殊可憫所有吧咤哩映等十二犯俱著加恩釋放如有願留京城者即准其赴堂安分居住如情願回洋者著該部派司員押送回粵以示矜恤遠人法外施恩至意○諭軍機大臣曰阿桂查奏清口淺攔漕船一摺已批交該部議奏矣至摺內稱清口兩岸淤住船隻現已推

活挽拽南下。其張福口天然引河淤船。前已於河尾築壩止。可明春啟壩時拉出。其應運米石。已咨明漕臣通融搭解等語。此項淤阻漕船。明歲運通之米石。雖已通融搭解。但該處業經築壩淤船。須至明春啟壩時拉出。是本年已不能回空歸次。於明歲新漕何以受兌。或係明歲不出運之船乎。著傳諭阿桂。即將此項淤淺船隻。是否不至誤運之處。據實覆奏。尋奏。此項淤船。本年不能回空。明歲新

漕應行灑帶查江西浙江兩省漕船將及二千隻。所有各淤船新漕不過二萬餘石。以之搭解不至遲誤。報聞。○又諭本日勾到浙江省情實人犯內。由緩決改入情實者五起。朕詳加披閱。如鄭琪袒護伊弟。刃斃徒手。又江春孫兄弟攢毆多傷斃命。又丁元章縱姦無恥毆斃族孀。又林河三細故糾毆疊傷立斃。又鄭曰周攢毆斃命。賄和捏報刑部改入情實。均屬情真罪當。乃該撫於此等兇犯概從

末減殊失輕縱。前因湖北省秋審人犯改實者共有五起。吳垣曾任刑部司員。不應失出多案。已降旨將該撫交部議處。福崧身任巡撫於秋讞大典自應悉心定擬。何至寬縱若此。但念其尚非刑部出身。不諳律例。著傳旨申飭嗣後該撫務須準情定罪。以明刑法之平。毋得再事姑息。○欽差大學士公阿桂奏覆運河一帶農田戽水遵旨照衛河例酌立限制。請嗣後沿河分段設立誌樁。河水深至

四尺以外。許農民戽水灌田。如消存四尺。即不准車戽。得旨。如所議行。欽差大學士公阿桂兩江總督薩載江南河道總督李奉翰等奏覆遵旨查辦通泰海各場竈河道情形。現在海州河水暢行。其鹽運改由高家堰過壩入洪湖。最為通順。泰州場河水少。仍築壩引潮足敷浮送。惟通州場河久涸。查通鹽為數本少。除呂四餘東二場奏請江運外。餘鹽尚在可緩。現據鹽政全德委員抽挖河槽引

江濟運得旨知道了。摺內稱倘再得大雨。各運道自可通順。批。今續得雨澤否。速奏來。

乙酉。諭。昨據孫士毅奏。前請貤封曾祖父。母於具奏後。接准部咨。始知前次陳請與現例未符。據實陳明等語。因令軍機大臣交部查覈。孫士毅四十五年業已請過巡撫封典。此次不准重封。業經該部照例扣除。又查孫士毅四十五年恩詔後。旋經緣事革職。定例不准請封。是該撫上次所請封典已屬違例。而

從前吏部堂司各官。未經詳查。率行准給。均有不合。孫士毅並吏部堂司官。俱著分別察議。孫士毅上次所請誥軸著繳銷。此次照新銜另行給與封典。○又諭。奏蒙古事三等侍衛德勒克扎布著授為頭等侍衛。領隊大臣。馳驛前往伊犁。更換德寧來京。○諭。軍機大臣等據保寧等奏。拏獲刦盜殺人之番犯德勝保等。審明恭請王命正法。梟示一摺。自應如此辦理。至摺內稱鄂克什土司色達克拉。

不能約束所屬。實難辭咎。姑念將人犯速行就獲。從寬免議等語。色達克拉究係土司。於所屬番人行兇盜刦後。即同官役將兇犯拏獲。起出贓物稟報。尚知奉法。不特寬其議處。並應予以獎賞。著傳諭保寧。李世傑酌量賞給。以示鼓勵。○又諭。本月初八日。據臺灣鎮總兵柴大紀差弁齎摺奏報。收成雨水情形。係七月二十五日拜發。今初九日又有該鎮奏進之摺。朕以為必係地方要件。故連日疊發兩摺。及閱之。乃係該鎮奏請貤封。並非緊要。而摺內則書七月二十七日。與前摺日期不同。因命軍機大臣傳詢該鎮差弁。據稱起身時。兩摺俱交伊齎進。但令其將摺分日呈遞等語。如此。則柴大紀用心小巧。已可概見。總兵為專閫大員。臺灣又地處海外。必得持重識大體之員。方資彈壓。乃柴大紀將一次奏摺。日期故為分別。并令差弁分日呈進。如此存心。糊塗取巧。於海疆要任。尤非所宜。著

傳諭雅德留心訪察。如該鎮辦事局面。果與此任非宜。即據實奏聞。候朕更調。以重海疆。不可稍存瞻徇。○又諭昨據柴大紀差弁齎摺。奏報收成雨水情形。摺內書七月二十五日拜發。今日又有該鎮奏到之摺。閱之係自請貶封。而摺內則寫七月二十七日。與前摺日期不同。地方遇有緊要事件。雖遠隔重洋。亦應隨時專差奏報。若止係尋常之件。斷無從臺灣地方。僕僕差人齎摺者。今所奏乃該鎮自請貶封。非關緊要。則其為一次拜發之摺。該鎮令差弁分日呈進無疑。因命軍機大臣傳詢該弁所稱。果不出朕所料。總兵為專閫大員。且臺灣地處海疆。尤須留心大體。彈壓撫綏。方於地方有益。乃柴大紀將一次奏摺。分別書寫日期。令差弁分日呈進。如此用心。糊塗取巧。殊屬非是。柴大紀著傳諭嚴行申飭。○丙戌。諭曰。福崧奏。仁和等十七州縣。並杭嚴嘉湖二衛田畝。歉收。請將應徵漕米。

錢糧等項。分別緩徵等語。本年浙西一帶。雨澤愆期。田禾間有被旱之處。收成不無歉薄。民力未免拮据。所有仁和錢塘海寧餘杭臨安嘉興秀水海鹽於潛石門桐鄉烏程歸安長興德清武康安吉等十七州縣。並杭嚴嘉湖二衛。歉收田畝。應徵地漕錢糧。著加恩緩至五十一年麥熟後徵收。其漕米及新舊漕截等銀。亦著緩至次年秋成後徵收。帶運以紓民力。該部即遵諭行。○吏部議奏。嗣後現任官員。繼父母已歿。本生父母年老。准其終養。其兄弟同登仕版者。無庸一概勒令歸養。從之。○以山海關副都統寶琳為杭州將軍。署正藍旗滿洲副都統琳寧為山海關副都統。○丁亥。上御懋勤殿。勾到安徽江蘇情實罪犯。停決安徽斬犯五人。絞犯七人。江蘇斬犯七人。絞犯六人。餘七十八人。予勾。○諭曰。大學士九卿議覆學政錢澧酌定苗疆學額一摺。內衡州。



府屬之衡陽清泉二縣遇選拔之年仍照舊例於二學內酌取一名毋容添額固屬照例議駁但念該省為民苗雜處之地而衡陽清泉二學既據該學政奏稱烟戶錢糧稍多且文風較為出色自應隨時量為酌變著照錢澧所請准其於選拔之期每縣各拔一名以示鼓勵○諭軍機大臣等據江蘭覆奏查勘淮源至淮水伏流處所淘濬得泉眼三個湧發下注河流旋即加長似係當日導淮之所至胎簪山腰有古廟一座前有水池一泓詢之土人據稱係淮水泉源旱潦總無消長等語淮水發源胎簪山伏流微細今既於出現處所淘濬泉眼湧注河流自即係當日導淮遺址至所稱胎簪山腰有古廟一座不知何年所建胎簪為桐柏支山當時建廟所奉何神是否即係淮瀆或係禹王神像摺內並未查明聲敘著傳諭畢沅即查勘明確一併葺治以昭誠敬其廟前水池一泓據稱水潛行

山內相傳至禹廟前流注成河該處既有水池潛行無涸自係淮水真源亦著畢沅畧行疏濬毋致淤壅更於全淮有益將此傳諭畢沅並諭江蘭知之○戊子

上幸圓明園○己丑諭曰劉秉恬具題叅革石屏州舉人車為翰推跌小功服叔車王相致傷身死問擬斬決一案已批交該部及三法司覈擬具奏矣但該撫於此案將叅革舉人及問擬罪名之處分為兩本且係同日具題

殊屬無謂舉人職分本微遇有應行斥革之事原不值特題一本況審辦人命重案或因該犯恃符不肯吐露實情自不妨先行咨革以便刑訊此案車為翰推跌小功服叔致傷身死業經供認不諱自可於問擬具題本內聲明革去舉人又何必分作兩本同日題達未免過於拘泥劉秉恬著飭行○又諭前據工部奏江南省攔黃壩後填塘工程陸載等題報冊內所開方價與原奏不符因降旨令

阿桂詳查具奏。茲據查明該處係舊河心。多有稀淤。隨填隨蝕。曾經該道廳請加方價。李奉翰駁飭不准。止給銀三千兩。仍籌款還補。並非將續添之銀列入原奏。又據薩載李奉翰奏。此案從前未曾分晰奏明。具題時又未詳查聲敘。請交部嚴加議處。並請將工部所減方價分賠等語。此項填塘工程。所估方價。薩載等原奏。既未分晰。又未於題銷時詳悉聲明。致與原估不符。實難辭咎。今既據阿桂查明。尚無冒銷情弊。又念薩載李奉翰現在應賠之項。為數較多。所有伊等自請交部嚴加議處。及分賠方價之處。著加恩寬免。該部知道。○諭軍機大臣等。據阿桂奏。攔黃壩後填塘河工。勘量丈尺。提查案卷。尚無別項情弊一摺。因念薩載李奉翰現在應賠之項。為數較多。已明降諭旨。寬免議處。其工部所減方價。准其開銷。毋庸伊等分賠矣。至此項工程。上年南巡時。朕親臨閱看。本在可辦可不

實錄卷三

五

辦之間。若薩載等彼時奏明。所費如許之多。可以不辦。則亦止矣。今至糜費如許之多。而無當河工要務。薩載等原不能辭咎。但業已辦理。亦毋庸再議。惟現在壩後深塘。既經填壓平實。又係久淤之土。地脈必肥。既未便令百姓耕種。致滋爭占。若聽其閒隙。又覺可惜。或竟令官為召墾取租。所收餘息。即歸入河工項下動用。是否可行。著薩載等詳悉妥議。據實具奏。並將該處所填塘工情形。繪圖貼說呈覽。將此由四百里諭令知之。尋奏復勘填塘地。共五頃七十畝。除緊靠壩後六十八畝。零應栽柳護隄。其餘即招墾取租。歸入河工項下動用。報聞。○辛卯。諭京城廣寧門外普濟堂。冬間施捨貧民。所有經費米石。恐不敷用。著加恩將京倉內之小米。賞給三百石。以資接濟。

實錄卷三

五

大清高宗法天隆運至誠先覺體元立極數文  
奮武孝慈神聖純皇帝實錄卷之一千二百四十

實錄卷之二十一

聖

大清高宗法天隆運至誠先覺體元立極數文  
奮武孝慈神聖純皇帝實錄卷之一千二百四十一

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣履歷

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董浩內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆五十年乙巳十月壬辰調河南南陽鎮

總兵黃秉淳為江南狼山鎮總兵以服闋江

南壽春鎮總兵袁敏為河南南陽鎮總兵○

旌表守正捐軀四川捷為縣民余麟妻董氏

○癸巳

上還宮○諭軍機大臣等現在江南狼山鎮總

兵缺出已降旨將黃秉淳調補狼山鎮雖係

水陸兼轄然究以水師為要黃秉淳係黃仕

簡之子伊自幼生長閩省隨任提督署內於

水師操防事宜聞見自熟但現在所調之缺

究係生手著傳諭黃仕簡即行寄信伊子將一切訓練水師及應行辦理之事詳晰告知令其留心學習或黃仕簡有跟隨巡洋熟諳家人不妨酌遣一二人前往俾伊子可以隨時詢問亦於營務有裨並著勉勵伊子務宜留心水師認真操演如果能熟悉將來尚可畀以水師重任也○又諭據保成奏稱詢問索勒屯部落比尼沙之子多里雅特據稱薩木薩克等會集一處前往呼達雅爾并向伊

等求助等語從前朕以此等流言或係鄂斯瑞編造以惑保成故令福康安前往訪查酌量情形將伊調往葉爾羌今多里雅特之言亦復如是看來鄂斯瑞尚無別情若據將伊調遣轉屬不妥著傳諭福康安到彼相機籌酌不必拘泥前旨○甲午

上御懋勤殿勾到河南情實罪犯停決斬犯五人絞犯二十人餘七十八人予勾○諭曰李侍堯於辦理逆回滋事案內玩誤因循因念

其歷任封疆於地方事務尚屬諳練是以從寬未將伊寘重典今其覲坐圜牆自思罪戾今念伊獲譴以來已經緩決監禁兩年著加恩釋放出獄令其引罪家居捫心自愧以示朕格外矜恤之意○又諭據書麟奏奏玩視驛站之前署靈璧縣知縣楊復業經降旨將該員革職矣但摺內稱該縣差務紛繁以致馬匹疲乏倒斃等語措詞殊屬失當安徽省分非如陝甘等省之往新疆經過差務繁多

者可比該縣因驛站馬匹短缺疲乏遂藉詞差務紛繁希冀避重就輕而該撫亦並不權度該處情形一任庸劣幕友於摺內率行敘入此實未曾留心檢點所致嗣後各督撫於章奏一切務須揆度事理毋再措詞失當循官官相護之惡習將此通諭知之○又諭三法司覈覆雲南石屏州叅革舉人車為翰推跌小功服叔車王相身死將車為翰擬斬立決一摺朕初閱劉秉恬題本以車為翰身為

舉人不顧倫理輒推跌小功服叔致斃是以交法司速行覈擬定罪今日議上細閱此案情節車王相欲圖種胡姓地畝令車為翰之父車轍代為幫奪車轍不允遂心懷忿恨復於醉後尋釁即用磁片劃傷額門用頭向碰車為翰情急推跌致傷復經車轍用柴塊連毆是車王相本屬理曲除車轍以兄毆弟自可照律勿論外車為翰亦係一時情急推跌伊叔並非有心干犯尚有一線可原朕辦理

庶獄務期平允從不肯稍存成見致使畸重畸輕著再交九卿議奏諭軍機大臣等據富勒渾叅奏潮州運同王建中年老衰邁辦事玩愒請旨革職一摺內稱調查該運同報冊多係含糊開報旋據潮州府知府稟稱該運同所開存鹽數目多有不符已未給曬價亦多懸絕所開支放各冊及海運水腳均無的實隨發給運司詳查稟覆隨據該司會同藩臬兩司具揭請叅等語潮州運同管轄潮

州嘉應及福建汀州江西贛州等府一切徵收課曬及監掣等事皆係該運同經理乃王建中年力衰庸於一切產配銷運事宜種種錯謬是其貽誤疆務已非一日此次經富勒渾路過接見調查報冊多有不符隨發給運司詳查始據該運司會同藩臬將王建中揭叅而前此並未據實詳報則該運司等之姑容徇庇咎無可辭運司係專管鹽務之員藩臬兩司亦有兼轄之責乃王建中如此衰庸誤公而運司等若無聞見可見粵省疆政廢弛日久此案著富勒渾徹底清查據實辦理結案時所有現任運司及藩臬兩司俱應一併叅奏至王建中在粵年久其歷任上司有無徇庇並著富勒渾查明叅奏再本日又據孫士毅覆奏查辦新寧州知州金垣等積欠稅項未將捏報全完之鹽法道周廷俊一併効叅自陳愧悚一摺已於摺內批示此案既經孫士毅查出周廷俊承辦西稅奏銷代該

州捏報全完。自應即將該道効參。乃僅奏請將未完稅項著落賠補完案。實屬辦理未周。此事若孫士毅不行舉發。則其徇庇之咎。實無可逭。今此案由其叅出。將來部議上時。原可從輕末減也。除此案交該督撫嚴查辦理外。將此傳諭知之。○又諭曰。富勒渾奏。廣東潮瓊廉等處。皆係沿海口岸。而澳門一帶。尤為民夷雜處。恐奸商串通夷商。潛行不法。現在派委員弁密訪偵捕。并恐西洋邪教案內。

逸犯蔡伯多祿等。附搭洋船出口。遠颺亦得立時拏獲等語。蔡伯多祿久經嚴緝未獲。此時想早已遠颺矣。但該犯由閩省潛赴粵東。勾引傳教。或因事已日久。緝捕稍緩。仍潛來粵省。改裝易服。混入洋船。希圖出洋藏匿。亦未可定。著傳諭富勒渾。務須不動聲色。密飭所屬在於各海口留心查察。嚴密訪拏。或得弋獲。亦未可定。將此諭令知之。○旌表守正捐軀四川富順縣民廖文祥妻趙氏。○乙未。

諭軍機大臣等。據明亮奏。於嘉峪關外遇見福康安。仍即馳驛前往喀什噶爾等語。昨海祿奏。伊已抵和闐。明亮於前途遇見時。即接受烏什叅贊大臣印務。不必遠赴喀什噶爾。○軍機大臣議奏。海塘工程石料。除面石一層。應用一尺厚石材。其餘厚薄搭用。合兩層符二尺之數。至薄以八九寸為率。從之。○丙申。諭軍機大臣等。據保成奏。稱烏帕爾搭什密里克地方。有布魯特百餘人前來盜馬二

百餘匹。鎗傷兵丁五名等語。此項盜馬之人。恐即近日投降之布魯特等五十戶。或係燕起屬下。使之前來窺探消息。亦未可定。保成務須上緊追拏。毋使一名漏網。拏獲時。審明有無勾通。若果係燕起遣來之人。喀什噶爾應如何嚴設卡座。加意防範之處。著福康安妥協籌辦。并傳諭阿楊阿色提巴爾第等。遣派妥人探聽信息。據實具奏。○兵部等部議准。四川總督李世傑奏。稱川省地處邊隅。各

州縣存城防兵不多。藉額設民壯。互為聲助。請將民壯揀派十分之六。演習鳥鎗。與兵丁一體訓練。從之。○旌表守正被戕山東昌邑縣民張某女張氏。○丁酉。諭。每歲春三月。應祭。

先農壇。行耕耤禮。禮部俱先期將祭祀日期。及耤田一應事宜。豫行具題。雖屬照例辦理。但國家典禮。以實不以文。朕臨御以來。兢兢以敬。

天勤民為念。

郊

壇大祀。無不躬親。即耤田親耕。亦從未嘗稍憚煩勞。雖本年壽已七十有五。猶親舉三推之典。惟是春秋已高。或恐步履稍遜。若二三年後。自揣精力如常。偶一舉行。豈非熙朝盛事。至本年甫經親行耕耤。明歲應否躬蒞。自應候朕酌行。乃禮部仍照例具題。竟似每歲俱親詣行禮者然。豈不轉為具文耶。我國家受

命延洪。純嘏敷錫。世世子孫。若能皆似朕之敬勤不倦。自必景祚綿長。享國久遠。朕所用古稀天子之寶。特於乾清宮存貯一分。若我子孫內有享永祚而登上壽者。亦得鈐用此寶。洵為社稷靈長之福。嗣後我子孫繼承奕禩。惟當不懈益勤。凡遇親耕典禮。若年在六十以內。禮部自應照例具題。年年躬行耕耤之禮。若年逾六十。令禮部先期以親蒞。或遣官之處。具本題請。庶鉅典不尚虛文。而展禮益昭誠恪。著為令。所有此次禮部具題一本。即著照此旨改繕進呈。○又諭。○畢沅奏。開封府屬之鄭州。有因隄壓水衝。不能耕種地畝。共一百五十頃。有零。覈計無著糧銀一千二百七十七兩零。小民艱於輸納等語。地畝既因水衝。隄占錢糧無著。若仍令輸將。民力未免拮据。所有此項廢地錢糧。一千二百七十七兩零。著加恩概予豁免。以示朕惠愛黎元體恤民隱之至意。○諭軍機大臣等。特通額

家人郭三挾帶私五一案。已於葉爾羌正法示衆。此時特通額。因患病昏沉。旋即病故。未經治罪。新疆大臣各當以此為戒。嚴行管束。家奴如有似郭三作弊者。即應從重定擬具奏。倘或容隱。必一併治罪。著將此旨寄與新疆大臣等。令各存一分。作為歷任交代事件。仍交該部照樣刊刻。遇有派往新疆大臣。照發給勘合例。各給一分。以為炯戒。○兵部議准。山西學政戴衢亨奏稱。右玉縣應試武童。

較五臺縣人數減半。請將右玉縣武童原額十五名內裁撥五臺縣三名。從之。○戊戌。上御懋勤殿。勾到山東情實罪犯。停決斬犯八人。絞犯十人。餘五十六人。予勾。○禮部奏。冬至節。應行慶賀禮儀。得旨。今年冬至著停止行禮。○己亥。諭前據富勒渾查奏。廣西新寧州知州金垣。將應徵西稅虧缺一千七百餘兩。原任鹽道周廷俊。並不揭報。乃於金垣卓異時。代為捏報全完。聽其請咨送部。叅請革

審等語。已降旨將周廷俊革職。交刑部審訊。並派伊齡阿。將其家產查抄。茲據伊齡阿查封周廷俊及伊弟周廷元家產具奏。周廷俊本業祇係徇庇屬員。各省地方官似此者不一而足。即被上司劾叅。後其罪亦不至查抄家產。因周廷俊前於熱河召見時。面奏伊弟周廷元在甘肅知州任內。並未折色報捐。及經查明。周廷元實有捏結折捐之事。所奏已屬欺飾。今在鹽道任內。復代屬員捏報稅項。

全完。實屬有心徇庇。且在道府任內。於地方正務。從未見認真辦理。伊係包衣世僕。欺隱營私至此。非尋常徇庇屬員者可比。是以加倍懲治。將其家產查抄。刑部審訊定案時。仍應按律治罪。不必因有此旨。從重問擬。至伊弟周廷元。於此案尚無關涉。所有伊齡阿另單查封家產。仍著賞還。以昭平允。○禮部等部議覆陝甘總督福康安疏。稱循化廳設立學校。請建。



文廟一所。祭器舞器。動項製造。每年額設祭祀銀四十五兩。於公項內動撥。應貯書籍。由部頒發。新設訓導。定為調缺條記。由部鑄給衙署。將裁汰河州訓導署移建。歲科考。各取進文童四名。歲考。取進武童四名。應設廩增於河州州學廩增內。各撥二名。作為額缺。六年一貢。均應如所請。從之。○旌表守正捐軀河南嵩縣民張朋妻趙氏。○庚子。

上御乾清門聽政。○御懋勤殿。勾到山西情實

罪犯。停決斬犯十一人。絞犯十二人。餘八十七人。予勾。○諭曰。德文在和。聞已逾四載。今復緣事議處。理藩院郎中博興。著授為頭等侍衛。領隊大臣。馳驛前往更換。○諭軍機大臣等。前據徵瑞奏請備造剝船一事。已交江西。湖廣二省。趕緊成造。分別運送直省。其剝運漕糧銅鉛麥豆等項時。船戶水手工食。及逐年修艙之處。早經降旨。令劉我會同徵瑞詳悉妥議。何以至今尚未據該督等議奏。向

來漕船水手俱係官給工食。至此項剝船起運漕糧及銅鉛麥豆等項。既例有貼費。空閒時。又准攬載營生。儘可得有餘資。用資養贍。黏修自無須照漕船水手之例。官為發給。再此項船隻成造。送到直省之後。應交該地方官。小心經管。其如何分派管束。應需剝運時。如何分別派撥之處。著傳諭劉我。即會同徵瑞酌量情形。並將一切章程。迅速妥議具奏。○賑卹直隸平鄉廣宗藁城開州元城大名。

南樂。清豐。東明。長垣。冀州。衡水。新河。趙州。隆平。寧晉等十六州縣。本年水旱災貧民。並予緩徵。○廣東巡撫孫士毅疏報新會三水恩平陽春開平遂溪等六縣開墾額外荒地三十六頃十二畝有奇。○辛丑。加賑安徽亳州蒙城太和阜陽霍邱宿州潁上靈璧定遠懷遠壽州鳳臺鳳陽泗州盱眙五河天長滁州全椒來安廬江巢縣合肥舒城無為銅陵貴池東流建德青陽宣城南陵旌德寧國涇縣。

太平。懷寧。桐城。宿松。太湖。潛山。望江。和州。含山。廣德。建平。當塗。蕪湖。繁昌。六安。霍山等。五十一州縣。并鳳陽。長淮。泗州。滁州。廬州。安慶。建陽。宣州。新安等。九衛。本年旱災貧民。並蠲緩漕項銀米有差。○壬寅。諭。本年河南。山東。江蘇。安徽。湖北等省。春夏之間。雨澤缺少。被災處所較多。業經節次降旨。分別蠲賑。各該處災黎。餬口有資。自不致復虞。失所。惟是被災地方。米糧價值昂貴。該處兵丁所得月餉。恐不敷買食。生計未免拮据。著傳諭河南。山東。江蘇。安徽。湖北。各督撫。即查明坐落災地各營兵丁。其被災較重者。賞借兩月餉銀。於明年夏秋兩季扣還。被災稍輕者。賞借一月餉銀。於明年夏季扣還。俾得養贍身家。無虞食費。該督撫其實力體察奉行。以副朕體卹兵丁之至意。○癸卯。諭。吏部議覆李世傑奏請將承接緝逃兵處分。現在遵例捐復之崇寧縣知縣孫念祖等十二員。陞署資州直隸

州等缺。分別准駁一摺。所議甚是。孫念祖等十二員。前經奏准陞署資州直隸州等缺。尚未引見。因該員等俱有承接緝逃兵處分吏部照例扣除。嗣因各省人數較多。予以及時自効之途。准其分別加倍捐復。已屬格外施恩。但該員等雖准贖鍰自効。而其本任內有叅罰案件。違礙陞遷者。仍應照例扣除。今李世傑以孫念祖等奉旨准其捐復。續行奏請陞署資州直隸州等缺。經部查覈。此內合例准陞者。止有永川縣知縣沈璉等三員。其餘崇寧縣知縣孫念祖等各員任內。俱有別案違礙處分。是該員等即使本無逃兵處分。原不合例應陞。乃李世傑並不詳查。輒行奏請。是該員等因得邀恩捐復。又欲陞遷。於俸獲之中。更思倖獲。李世傑不應為屬員乞恩。至於知進而不知止也。除照吏部所議沈璉。程煜。潘邦和等三員。俱准其陞署。其孫念祖。潘成棟。張官五。高瑛。楊崇鼎。高塘。周澄。徐麟趾。

胡廷章允員。不准陞署外。著通諭各省督撫。於題請陞補各員時。務宜詳覈任內叅罰處分。毋得違例陳請。致開僥倖之漸。○賑卹河南永城。虞城。夏邑。柘城。商邱。寧陵。鹿邑。睢州。內黃。西華。太康。扶溝等十二州縣。本年旱災貧民。並予緩徵。○甲辰。

上御懋勤殿。勾到直隸情實罪犯。停決斬犯三人。絞犯十四人。餘八十二人。予勾。○豁免遭風沉溺貴州運京白鉛七萬觔。○旌表守正

捐軀河南鎮平縣民丁五妻李氏。○乙巳。諭曰。兵部侍郎沈初。現在出差。金士松尚未銷假。本日署侍郎梁敦書。又因病請假。所有兵部漢侍郎辦事乏人。著李綬暫行兼署。○又諭。宗人府進己革鎮國公永芝。朝審黃冊。細閱此案情節。永芝護衛三達子。曾借用木匠吳國祥錢文。吳國祥承辦房屋。即行歇工。永芝氣忿。令三達子責打。致吳國祥受傷身死。此事係永芝年幼無知。聽人慫恿所致。永芝

著加恩改為緩決。若使另有起釁致死別情。永芝雖近支宗室。朕亦斷不肯稍為寬貸。至三達子侵用錢文。吳國祥藉詞歇工。該犯是。否有挾嫌致斃之處。刑部並未將此情節。詳細究明聲敘。即草率定案。已屬非是。又本年刑部覈覆浙江省己革金衢嚴道德克進布。侵盜海塘樁木銀兩一案。伊家人劉三。扣銀至一千二百兩之多。即與實犯竊盜滿貫無異。該省僅將劉三問擬杖流。該部即應按律

駁改。乃僅加定外遣。亦屬輕縱。其已經發遣之三達子。著刑部提回。另行審擬。該犯係聽從主人指使。所侵用錢亦不多。但吳國祥之歇工。觸怒永芝。釀成人命。實由該犯侵用錢文。以致伊主犯殺人之罪。三達子自應問擬絞候。朕原其情。亦不至予勾。其已發伊犁之劉三。侵扣木商銀兩。數至盈千。該犯以旗下家奴。膽敢肆行剋扣。恣不畏法。與特通額家人。私販玉石。亂法圖利之郭三無異。自應嚴

加懲治。且劉三指稱伊主名色。向木商誑騙。以致德克進布受其所愚。身罹重辟。該犯實為此案罪魁。劉三本係家奴。若僅發遣新疆。亦不過止於為奴。更復何所畏懼。著刑部將該犯另行定擬具奏。後行知伊犁將軍奎林。將劉三即於該處正法。以為家奴藐法釀事者戒。朕辦理庶獄。從不稍存成見。並非輕於三達子。而重於劉三。惟在準情定讞。務期刑法之平。所有承辦此二案錯誤之刑部堂官。

及浙江之督撫。著交部嚴加議處。○諭軍機大臣等。據伊桑阿奏。承辦陝西咸寧韓城等處引地商人應永豐欠課一千六百五十餘兩。正在嚴追拘比。聞該商於九月二十五日潛逃等語。應永豐既欠引課。又復潛逃。殊難輕縱。該犯籍隸浙江慈谿縣。計其逃逸後。自必潛回本籍。著傳諭福崧飭屬嚴密查拏。務期弋獲。毋使遠颺匿跡。就獲後即解交晉省。歸案審辦。至河東鹽務。自農起設法整頓後。

已有起色。何以復有欠課逃逸之事。即應永豐不知撙節。任意花消。該鹽運使亦應隨時管束。勿令欠帑誤課。且該商等辦理引務。如果漸形疲乏。即應另行發派。乃聽其充辦。並不豫為更換。該鹽運使所司何事。著伊桑阿詳晰查明。據實具奏。將此各傳諭知之。尋奏應永豐所欠課項。已據保商尉世隆等代繳得旨。覽摺內稱。該運司有無容隱情弊。已飭河東道景安。馳赴詳查。批。何不叅奏。又稱各

商情形。惟有留心體察查辦。又批。是農起所辦頗好。何致有此。或因其病故。另有別故乎。○又諭晉省舊刻清涼山志內。採輯經典多有紕繆之處。現在另行纂辦。所有該省流傳刻本。著傳諭伊桑阿。飭屬查明。將板片一併解交軍機處。至清涼山原委。五臺縣志內所載。自當詳悉。並著該撫查明縣志一併送京備查。○賑卹兩淮板浦。中正。臨興。富安。安豐。梁垛。何垛。東臺。廟灣。拼茶。角斜。丁溪。草堰。劉

莊伍佑新興等十六場本年旱災電民並予

緩徵○丙午

上詣

奉先殿

壽皇殿行禮○是月湖廣總督特成額奏湖南

省城藩庫暨各獄額設防兵五十名向於長

沙協派撥嗣因額兵不敷遂在撫標左右二

營撥濟查現在標兵充裕請即將代防庫獄

兵五十名歸入長沙協管轄得旨好如所議

奉先殿

十

行○又奏前因湖北歲歉奏請於湖南撥穀

十萬石碾運平糶現在催趲碾竣運交武漢

二府各一萬七千石荊州府一萬石黃州府

六千石至沿江客米自九月後到過湖南船

九百餘隻四川船二百餘隻米價較前漸減

得旨覽奏稍慰該部知道○調任陝西巡撫

何裕城奏陝西省城設有軍器局存貯礮位

鎗刀等項年久多有損壞臣派員清釐分作

可用可修及不堪用三項即以不堪用項內

之銅鐵變價作為修補之費得旨知道了

○四川總督李世傑奏浙省杭嘉湖三府歉

收奏請來川採買查委員到川於民間購買

未免遲滯請將奏定碾備楚糶倉米十五萬

石先撥十萬石兌交浙省俟湖北官商到時

除存米五萬外如不敷用再籌動碾得旨所

辦好該部知道

實錄卷一百一十五

圭

大清高宗法天隆運至誠先覺體元立極敷文  
奮武孝慈神聖純皇帝實錄卷之一千二百四十一

大清高宗法天隆運至誠先覺體元立極敷文奮武孝慈神聖純皇帝實錄卷之一千二百四十二

監修總裁官經筵講官太子太傅文淵閣大學士文淵閣領事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲黃旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

教修

乾隆五十年乙巳十一月丁未朔兵部議準

貴州巡撫陳用敷奏稱千總甄別時年逾六十以上遵例勒休查未經俸滿之千把總外委雖未逾六十其年力已衰亦應一體勒休從之○戊申吏部議准雲南巡撫劉秉恬等奏稱滇省郡治前經大學士傅恒等酌議裁改所有分巡之迤東迤西迤南三道原頒傳勅與現行事宜不符請將迤東道勅書內改為管轄曲靖潞江昭通開化廣南東川六府迤西道勅書內改為管轄大理楚雄麗江永

昌順寧五府并蒙化永北景東三直隸廳迤南道勅書內改為管轄普洱臨安二府并鎮沅元江二直隸州各字樣從之○已酉

上詣

雍和宮行禮○庚戌諭向來京師需用麥石俱藉豫東二省接濟本年春夏之間該二省雨澤短少收成歉薄未必更有寬餘以資商販糴運恐京中麥石入市稀少價值或致昂貴不可不豫為調劑今歲奉天各屬雨水調勻

平糶全書卷十一

麥收豐稔著永瑋鄂寶等查照向例採買麥二萬石委員運京以備支放糴糶之用○又諭曰海祿今已補授領隊大臣遣往伊犁矣海祿係蒙古旗分之人從前曾在西路等處行走多年尚能洞悉厄魯特情性所有管理伊犁厄魯特部落之領隊大臣事務即著海祿管理德寧員缺亦不必另行遣往更換俟海祿到伊犁後奎林即將德寧所管厄魯特部落事務交付海祿管理遣令德寧回京○

又諭據奎林奏審明偷盜察哈爾部落牧放馬匹一案。現在拏獲賊盜。分別治罪。並將在逃賊人指仔敗。交與杭和卓嚴行緝拏等語。奎林審擬完結。尚屬近是。即照所奏辦理。至副管長伍巴什。於馬匹被盜時。膽敢多報馬數。後復拘泥所報數目。向哈薩克等索取馬匹。殊屬非是。伍巴什。僅予革去副管長。充作兵丁。不足蔽辜。伍巴什。著再枷號一年。在大路卡上示衆。○又諭。從前宗室珠豐阿。慶愛。膽敢私用假契。騙借銀錢。曾經降旨。將珠豐阿等。削去宗室。作為紅帶子。發往盛京黑龍江等處。嚴行管束。但珠豐阿等。身係宗室。行此下賤不堪之事。情節甚屬可惡。從前累次加恩宗室。伊等不知感激。安分度日。乃至有玷宗室。深負朕恩。殊為可恨。伊等所犯之罪。即處死。亦不為過。所有從前定擬罪名。只行發遣。不足蔽辜。著交該將軍。自接得朕旨。為始。將珠豐阿。慶愛。即在該發遣處所。獄中圈

禁三年。滿日再行嚴加管束。諸宗室等各應以珠豐阿。慶愛。為戒。安分守己。以期永受朕恩。○又諭曰。德勒格楞貴。著前往喀什噶爾辦事。達福。即由喀什噶爾前往葉爾羌。更換阿揚阿來京。○軍機大臣等議覆。直隸總督劉莪等會議。備造剝船事宜。一。剝船一千二百隻。交沿河州縣。召募船戶。於空閒時。准其攬載營生。剝漕期近。不許遠行。一。各船編列字號。以示區別。不得攬載出境。仍知照山東臨清關。到時即令起卸。毋許南下。一。剝船原為濟運。倘南漕與銅鉛等項。同時需剝。以一千一百號。專剝漕糧。一百號。分剝銅鉛。一。漕運既有剝船。一切民船。不許封雇。一。船戶舵工水手人等。平時即以水腳為工食。其剝運漕糧。自楊村至通州。除給飯米一石二斗外。向例腳價六千文。減半發給。餘一千文。為歲修。二千文。給還旗丁。一。歲修每船油艙銀五兩。三年小修銀二十兩。即於扣存剝價動用。

一。剝船到壩後。限三日兌收。即令回空輪運。  
一。剝船責成船戶照管。以期經久。至十年排  
造時。即在直隸脩。分三年折造。均應如所  
請。從之。○蠲免遭風沉溺貴州運京白鉛七  
千五十觔。○辛亥。諭。前因樂部所用樂章。僅  
以五六工尺上為音。問以宮商角徵羽。茫然  
不知為何事。因命德保。莊存與。將律呂正義  
一書。取要節繁。輯為簡要。會同軍機大臣。酌  
定繕寫進呈。今據將各樂章酌定按語。開單

平定二十二年二

上

呈覽。朕詳加披閱。與從前張照所論。原屬相  
合。不過拘泥黃鐘為宮之說。各調俱以羽字  
起。羽字止。其實如

郊壇及御殿。萬壽所用樂章。自應以黃鐘為宮。  
羽字起。止。至每月所用樂章。則應以每月本  
律為宮。如太簇為正月主宮。正合人生於寅  
之義。其餘逐月。皆依律呂相生。所謂旋相為  
宮者此也。今閱所進清單。按照樂章。將五音  
配合兼註。已屬明晰。毋庸另為一編。著與旋

宮圖。俱附入律呂正義後編。並於四庫書內。  
一體補入。並將前降諭旨。及此旨。冠於律呂  
正義後編篇首。俾講求樂律之士。及肄習伶  
官。俱曉然於宮商角徵羽五音。共知避俗趨  
雅。援今入古。而仍不禁其五六工尺上。俾雅  
頌各得其所云爾。○又諭。前因留京王大臣  
等。審擬宗室珠豐阿慶愛。及松筠等。捏造假  
契。誣騙銀兩一案。定擬罪名。失之寬縱。曾經  
降旨申飭。珠豐阿慶愛。身係宗室。乃不思安

平定二十二年二

上

分自愛。輒敢捏契。誣借。騙至回子錢文。如此  
敗類。豈容其仍列宗支。又旗人永清等。既已  
知情。分用銀兩。何得止照例折枷。經朕降旨。  
逐一分別加重。問擬定案。茲閱刑部所進松  
筠朝審黃冊。該犯與珠豐阿等。捏造假契。串  
通誣騙。是珠豐阿。慶愛等。寡廉辱宗。莫此為  
甚。朕心深為憤懣。細閱情節。從前定擬之處。  
尚覺罪浮於法。因復令軍機大臣。會同刑部  
堂官。詳覈案犯情罪。以次遞加。除宗室曇林



奎璧雖經作保。究不知情。仍照前擬圈禁一年。毋庸加增外。其餘各犯。從重加擬。始足蔽辜。似此定罪。方足以懲詐偽而安良善。且辦理刑名案件。自應會同刑部堂官。於律例較為諳悉。留京王大臣及宗人府堂官等。辦理此案。未經會同刑部。殊屬非是。况緣情定罪。經朕兩次覈改。始為平允。所有承辦此案之王大臣等。俱著交各該衙門議處。○又諭曰。各部院衙門。保送京察一等人員。例應凡照上屆之數。咨送吏部。向來辦理。未能畫一。殊失慎重程材之意。夫三年京察一次。原以激揚黜陟。期於無濫無遺。現屆明年京察之期。著各該堂官。將屬員才具賢否。秉公察看。照上屆四十八年保送一等之數。出考送部。毋許濫額。致啟濫觴。以後即定以為例。但向來有人數比上次多者。吏部必駁之語。此則不可。或該堂官因一等人少。不能足額填送。即於咨部時。聲明缺額幾員何妨。至下次京察。

若果出色之員較多。仍許其補還原額。吏部亦不必以上次既經缺額。即行予駁也。若一次少一次。則將來無人可舉。成何政體。若各部恐致數少。勉強足數。以符上次。是又徇情虛應故事。總成笑談矣。今應定例。率以不溢四十八年一等原額為準。至各省舉行大計。與京察事同一例。前屆甘肅。湖北。江西。等省。因各屬內處分人員較多。是以比歷次卓薦人少。自不可援以為例。而向來各督撫保薦人員。本未明定限制。亦非慎重考績之道。且各省卓異人員。有正薦附薦之名。同一卓薦。而分正附。是名為區別。實易開僥倖之漸。殊不足以澄叙官方。著吏部詳覈各省大小缺分多寡。酌中定制。除有處分不合例人員。毋許保薦外。其某省應行卓薦幾員之處。按其缺分多寡定額。並將附薦之名裁去。勿使庸材濫膺薦剡。而才能之員。不致稍有沉抑。該部即詳晰妥議具奏。尋議嗣後大計卓異。

人員計省分大小缺分多寡分州縣以上至道員為一項佐雜教職為一項俱比照上三次酌中定額至附薦一項即歸入正薦數內不得仍存附薦名目如不敷原額准其聲明下次仍照定額辦理倘保舉不實將原保上司議處從之○又諭正紅旗漢軍原任雲騎尉德明心疑其妻與人通姦妄用小刀扎傷他人情罪較重伊身原有世襲雲騎尉本應予銷但念德明高祖李如通軍功所得世職而德明近支又無應襲之人此官著暫行存記俟德明身故後該旗再行請旨令伊子李時綬承襲○廣東巡撫孫士毅疏報清遠恩平陽春等三縣開墾額外水田十三頃六十九畝有奇○壬子

上御懋勤殿勾到朝審情實罪犯停決官犯斬犯八人絞犯四人常犯斬犯三人絞犯三人餘二十四人予勾○諭本日勾到朝審官犯內故殺妻之海昇一案該犯情節與尋常毆

妻至死者不同朝審情實黃冊新舊各案朕無不詳加披閱如舊事內殺妻之滿成素卜東阿等或因妻忤逆伊母或因伊妻持刀撒潑死者本屬理曲是以量為寬減即不予勾海昇之妻並無此等情罪即云有詈罵之語不過夫妻角口亦毫無憑據况因爭鬪細故一時氣忿致死伊妻尚屬情理所有乃海昇既已殺妻仍復裝點自縊情形希圖避重就輕居心已為狡詐伊係阿桂姻親阿桂又不

免意存袒庇以致刑部堂司各官均有瞻徇迴護之見若非屢次派員覆檢幾致始終朦混且由此釀成重案衆人皆因之獲罪該犯殺妻雖非必死之罪而實有必勾之情外間無識之徒或以現在勾到時阿桂尚未到京無人為之解救以致予勾則更屬可笑試思朕何如主豈阿桂在朕前竟能執法救人而朕即聽信其言竟置人命重案於不問耶是海昇之死阿桂非惟不能救之而適足以殺

之也。朕於獄獄大典。斷不肯稍有偏聽。務期刑法之平。將此通諭知之。○人諭曰。原任將軍伊勒圖。委任封疆。宣力有年。今伊靈樞將屈到京。著加恩於入城之前一日。出派散秩大臣一員。帶領侍衛十員。迎接伊勒圖靈樞入城。俟其到家之後。仍派十七阿哥前往奠祭。以示朕軫念功臣之至意。○諭軍機大臣等。據保成奏稱。審訊多連拏獲賊犯和扎什。供稱盜馬人衆。係燕起帶來之人。燕起現在阿賚地方。力甚困窮。已密遣雅斯。潛覓與燕起有隙之占圖爾。令其擒獻等語。此等賊犯。既非從前來歸之布魯特。又非薩木薩克伯爾克之黨羽。從前流言。竟屬荒唐。今燕起力竭技窮。仍敢前來盜馬。實乃天奪其魄。若能乘此拏獲。即可盡絕根株。前聞喀什噶爾傳播流言。朕尚恐鄂斯瑞妄生疑懼。因特派福康安前往酌量調遣。今據保成審出情節。鄂斯瑞竟可不必更調。此旨到時。即著福康安

明白宣示。仍曉諭鄂斯瑞。嗣後一切事體。仍宜照常奮勉。○甲寅。遣官祭先醫之神。○諭九卿議覆御史梁景陽條奏。滿漢雜項考試。應酌歸貢院一摺。內稱。嗣後各項考試。人數在五百名以內。仍在午門考試。如五百名以上。應歸貢院等語。所議未為允協。午門為朝會之所。考試人數較多。不但稽察難周。且於觀瞻有礙。嗣後人數二百名以內。仍在午門考試。如逾二百名。即歸貢院考試。著為令。○諭軍機大臣等。刑部議駁敦倫泰等參奏。已革佐領德全等。因買補倒斃馬匹。動用馬圈錢文。復向民人借錢抵項。扣餉償利各款。該署將軍原奏。未經分叙明晰。所擬罪名。亦屬輕縱。請勅下永保。會同該將軍長清。另行查審等語。部駁甚是。此案德全等擅動馬圈錢文。或係藉端侵用。或係私自挪移。數倫泰等未曾明晰分叙。又坐扣餉銀。是否入己。原奏內並未查明。所擬罪名。亦多

錯謬著傳諭永保會同長清另行秉公逐款詳審按律定擬具奏刑部摺並著鈔寄閱看○乙卯諭軍機大臣等據鑒儀衛奏現在象隻較少請勅交雲南督撫選辦數隻送京等語著傳諭富綱劉秉恬採辦二三隻照例委員起解並知會沿途地方護送進京以備馴養應用不必過多○丙辰諭軍機大臣等據明興奏本年東省雨澤愆期各州縣被災地方酌量本折給賑所有截留南漕二十萬一千餘石現在不敷給發請將五十一年應運通米一十六萬九千六百一十一石零黑豆五萬四千八百四十七石零儘數截留分撥各州縣均勻賑糴等語已批屆時有旨矣此因地方災賑截留漕糧以濟民食應俟新正另降加恩諭旨但此時現屆仲冬若至明年新正已值漕船起運之期著傳諭明興即將該省本年應徵各州縣米豆停運散給各州縣出示曉諭於明春青黃不接之時均勻賑

糴以資災黎餬口惟是此項米豆係正項漕糧本應起運交通若於該省截留不為設法補運則通倉存貯較少於天庾正供有缺前據薩載等奏請於截留江西漕米內酌撥十萬石分給淮安等屬平糴俟來歲秋收照數買補帶運抵通今東省事同一例著該撫於明年秋收後仿照江蘇辦法將前項截留給賑米豆照數採買酌量兌交各幫船搭運赴通以還正項將此傳諭知之○又諭據都爾

嘉奏發往吉林人犯在逃未獲舊犯五百三十九名新犯二十名咨行各省嚴緝等語此等人犯必由該處卡座出境始能回籍守卡官兵果慎於防守何至遠颺皆由該將軍等並不嚴飭官兵實力查拏之故著傳諭各將軍大臣等嗣後須不時防閑如有此等逃犯即派官兵先在附近處所嚴查務獲毋僅以海捕塞責○又諭前聞伯爾克現在奇特瑞都伯藏匿此地乃伊犁南山係吹塔拉斯地

方著傳諭奎林留心訪查。即由伊犁派出官兵嚴拏務獲。○浙江巡撫福崧疏報大嵩場開墾塗田五頃四十八畝有奇。○旌表守正捐軀江蘇金壇縣民曹沅妻臧氏。○丁巳諭朕於明年二月十八日啟鑾前往五臺。所有應行豫備事宜著交各該處豫備辦理。○戊午諭據明興奏浙江湖州白糧回空尾幫於十一月初八日全數趲出東境較上年尾幫出境早十七日等語。本年重運北上因江南河道淺阻以致遲延。經朕節次降旨飭辦始能抵通不誤回空受兌且尾幫全出東境較上年趕早半月有餘。固由朕豫飭籌辦始能迅速而直隸山東二省於接奉諭旨後能實力趲催尚屬認真。所有該二省派出催漕文武員弁著該督撫查明咨部分別議叙。○諭軍機大臣等據富綱奏雲南提標向有大會等五莊田畝收存租息為養贍營中孤寡兵丁眷屬之用嗣因本邦土司線覓團等投誠

安插大理府將漾濞上下二莊田畝撥給另於營中積存租穀變價銀內酌留銀六千五百兩另買田畝取租贍給。今線覓團已經改遷東川府安插所有年徵租息既經報部充公而前項租息因無田可買久未買足營中提存銀兩孤寡不敷贍給請將漾濞上莊田畝仍撥還提標為贍卹之用即以提存藩庫田價銀兩作抵上莊原價等語。此項田畝本係該營自置今仍舊發還提標而以提存藩庫銀兩抵還原價其事尚非不可但摺內稱提標現在年收租米孤寡兵眷不能普給有實應支口糧而不得者尚有一百數十戶等語果如所言則購買未得田畝已經十有餘年此百數十戶孤寡不得口糧又何所賴以存活情節殊未明晰難以遽准著傳諭富綱再行詳悉查明據實覆奏尋奏查該標自乾隆三十八年按所買莊田歲科定額每孤寡兵眷月給米一斗五升其時祇有一百八十

戶。此復遞年增添。後有一百三十餘戶。除動支租米外。餘係營員捐辦。是以奏請將漾澤上莊田賞還。為贍卹之用。得旨。依議可也。○戶部尚書。兼管順天府府尹曹文植奏。遵旨派撥順天府樂舞生肄習。

御製補笙詩樂章。查春秋丁祭及鄉飲酒禮。因順天府樂舞乏人。久係太常寺樂舞生。及樂部署史承應。殊於體制未協。且鄉飲酒禮。自乾隆二十六年以後。久未舉行。亦屬廢弛。現

飭大宛兩縣挑取樂舞生四十名。送太常寺按譜肄習。其鄉飲典禮。仍照例舉行。請自五十一年丁祭。及舉行鄉飲時。即令新選樂舞生承值。報聞。○己未。

聖祖仁皇帝忌辰遣官祭

景陵。○

上詣

奉先殿。

壽皇殿行禮。○諭軍機大臣等。直隸滹沱河向

來經行正定城外。相距甚近。曾經修築泊岸保護。今歲河水漲發。距城遠近。究有若干里。著傳諭劉義。即行查明該處情形。據實覆奏。並繪圖呈覽。朕明春巡幸五臺。至正定後。尚駐蹕一日。或就近親臨閱視。亦未可定。尋奏。現在河身離府城南門四百餘丈。計二里二分。報聞。○庚申。

上御乾清門聽政。○以兵部尚書王杰。充經筵講官。○以通政使張若淳。為左副都御史。光

祿寺卿吳省欽。為順天府府尹。○辛酉。諭。據奎林等奏。尼魯特副長額穆齊碩通病。故等語。額穆齊碩通。行走多年。頗屬奮勉。今經病故。深為可憫。著加恩賞銀一百兩。以作好事。將伊子丹巴策璘。即作為佐領。交奎林。遇有彼處缺出。坐補。○諭軍機大臣等。據孫永清奏。審擬叅革新寧州知州金珣。代商辦埠。拖欠稅項未完。旋於計典卓異。經前任鹽法道周廷俊。代為捏報全完。將金珣照例問擬杖

徒一摺已批交部議矣。金垣既有稅項未完。即不應於計典內卓異。其保舉之各上司。並不詳查該員經手錢糧有無未清。任憑捏報。濫列薦剡。自有應得處分。何以該撫摺內並未叙及。著傳諭孫永清。即將濫舉金垣之督撫。司道。及該管知府。詳悉查明。據實叅奏。交部分別議處。○旌表守正捐軀江西星子縣民段英發妻蕭氏。

大清高宗法天隆運至誠先覺體元立極敷文奮武孝慈神聖純皇帝實錄卷之一千二百四十二

大清高宗法天隆運至誠先覺體元立極敷文奮武孝慈神聖純皇帝實錄卷之一千二百四十三

監修總裁官經筵講官太子太傅文淵閣大學士文淵閣領侍衛內大臣稽察欽奉 上諭事件處管理吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣履桂  
總纂官經筵講官太子太傅文華殿大學士文淵閣領侍衛內大臣稽察欽奉 上諭事件處管理刑部戶部三庫事務  
世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次  
尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆五十年乙巳十一月壬戌諭據奎林奏

藍翎侍衛發往伊犁効力贖罪之阿爾經阿三年期滿請旨仍留住一班給與鹽菜銀兩令其効力贖罪等語阿爾經阿自發往伊犁尚知罪戾思蓋前愆奮勉行走著照奎林所奏給與鹽菜銀兩再留住一班令其効力行走外其餘年滿各卡侍衛等缺著交領侍衛內大臣照例於記名人員內具奏發往○又諭據奎林奏請發往伊犁充當苦差之原任協領奇德十年期滿送部查辦等語奇德前

在協領任內因本身事故膽敢將兵丁應得之項侵扣情節殊屬可惡今雖十年期滿即行遣回不足示懲奇德仍再留五年令其効力贖罪再行遣回○賑卹山東嶧縣荷澤定陶濮州范縣觀城朝城聊城莘縣等九州縣本年旱災貧民○調江西按察使姚梁為廣西按察使以陝西潼商道額樂春為江西按察使○癸亥

上以冬至祀

天於

圜丘是日起齋戒三日○甲子諭軍機大臣等本日據黃大謀奏請陞見溫州為海疆重地一切行伍軍政關係緊要黃大謀於四十八年調任溫州鎮已經陞見距今未久且不必來將此傳諭知之○又諭據書麟奏阜陽縣共有荒地六千餘頃僅據報出三十餘頃其餘已墾未報者尚多請寬限設法清釐一摺所奏可嘉已於摺內批示矣此係歷任督撫

未經辦理之事朕亦不深追究該撫務督率所屬以實為之母徒事空言但不可欲速當為之以漸至此項未陞科地畝多至六千餘頃自立法清釐之後辦至幾年方可畧有頭緒該撫亦應酌定年限實力查辦以期漸復舊額方於賦稅有益○又諭曰薩載等奏估辦移建清口壩工一摺據稱擬於兩頭先築柴土壩基再接做鐵心壩酌留口門八丈並乘此水勢未發之前豫為辦就以資攔禦俟

工完後將用過錢糧確估具題等語已於摺內詳晰批示清口東西壩為全河最要關鍵今歲清水甚小若薩載等蚤為籌辦將口門收束則收小一丈即可得一丈之益乃並未計及致有淤沙淺阻之事伊等寧不羞愧耶今將兩壩往下移建自應乘此水勢未發之前上緊趲辦庶於束清禦黃均有裨益但現築壩工係在淤灘之上將來清黃盛長自難免汕刷之慮該督等務須督率工員實力創



槽鑲築以期工歸實用永資鞏固稍贖前愆  
總須清水暢出運河一帶俱復舊觀方紓朕  
南顧之憂也○乙丑

上詣

南郊齋宮齋宿○丙寅冬至祀

天於

圓丘

上親詣行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵○遣官祭

孝賢皇后陵

端慧皇太子園寢○丁卯

上幸瀛臺○軍機大臣等奏請嗣後出征立功  
在軍營病故人員無分旗員綠營曾否議叙  
均准照原保等第給予廕監旗人分護軍校  
藍翎長改用漢人分外委把總拔補從之○  
賑卹甘肅河州靖遠寧夏寧朔靈州中衛平  
羅等七州縣本年水雹災貧民並緩徵皋蘭  
金縣狄道渭源隴西伏羌安定會寧肅州玉  
門等十州縣被旱地畝額賦○戊辰諭刑部  
題覆四川省永川縣高楊氏踢傷伊夫高元  
伊身死擬斬立決一本細閱此案情節高楊  
氏係聽伊翁高玉禮因田禾乾旱請人戽水  
令其豫備飯食而伊夫高元伊酒醉回家斥  
罵拳毆死者本屬理曲且楊氏被伊夫摑住  
咽喉撐挺壁上該氏踢傷伊夫殞命亦係出  
於一時情急所致與尋常有心毆夫至死者  
情罪有間高楊氏著從寬改為斬監候秋後  
處決○又諭據孫永清奏盤獲河南柘城縣

糾衆搶奪案內逸犯李有孫有焦克從等三名。解豫審訊一摺。又奏稱本年粵西大獲豐收。現當接濟隣省之時。若本省各屬紛紛採買。市價必致昂貴。請暫停採買。以期兩省價平食裕。一摺。所辦俱好。已於摺內批示矣。孫永清接准豫省通緝柘城案內逸犯咨文後。即嚴飭各屬。詳慎訪拏。並於各要隘處所。密派妥幹人役。留心偵緝。果能盤獲李有等三名。而當本省市集糧石充裕之時。計及正當接濟隣省。即暫停採買。俾得流通。挹注。以期隣省價平食裕。如此不分畛域。處處留心。方合封疆大臣實力辦公之道。殊屬可嘉。孫永清著交部議叙。其盤獲逸犯之平樂縣典史呂泰著送部引見。至查拏出力之文武各官。並著該撫查明送部議叙。其兵役等。亦著一併酌量獎賞。○諭軍機大臣等。據孫永清奏盤獲河南柘城縣糾衆搶奪案內逸犯李有等三名。解豫審訊一摺。閱該犯等所供。俱於

本年四月間。在新鄉尉氏等縣。各自糾人搶奪糧食布匹。後聞柘城縣人搶王家集。纔趕去入夥等語。可見豫省本年夏初。因年歲荒歉。飢民糾約搶奪。不止柘城一案。後因王金王立山等辦理迅速。正法多人。匪徒聞風畏懼。各自竄逃。地方寧靜。但各案俱係四月間之事。其時畢沅甫經到任。非該地方官隱匿不報。即係該撫未經奏聞。現在粵省盤獲之李有等三名。亦祇可歸於柘城逸犯案內。審辦完結。已明降諭旨。但地方官於飢民搶奪之案。竟敢隱匿不報。恐長刁風。該撫即不以此事叅劾。亦當另以別事。將該員叅處。以為玩事諱飾者戒。設或該縣曾經稟報。而該撫未經具奏。亦屬非是。此等案件。該撫自應不動聲色。迅速辦理。而其啟釁根由。原不妨據實陳奏也。著傳諭畢沅。即將李有等所供是否確實。地方官曾否稟報。詳悉查明。據實覆奏。毋得稍存迴護。將此由四百里諭令知之。

孫永清摺並鈔寄閱看。○又諭近閱四庫全書館進呈江西通志內載蔡士英封禁山一疏內稱其山連亘上饒永豐二縣歷代以來皆行封禁等語。此等封禁山塲原為箐密林深路徑幽阻。奸匪易於藏匿。是以歷來俱行封禁。但該處地連閩浙。林家山深材木自不可勝用。或地方官因係久經封禁之山。不復於要隘處所巡邏稽查。保無附近居民潛往該處私行採伐。且恐奸匪逸入轉得遠避緝捕。是封禁山塲適足為奸宄逋逃之藪。且該處谿壑綿延。其中豈無可畊之土。即所產材木亦足資利用。乃以地勢幽邃。竟成廢棄。亦屬可惜。此時何裕城業經陞見赴任。不日可到江西。著傳諭舒常於交印卸事後。即選明幹司道一二員。酌帶兵役。親身前往該處。遍行履勘。將山形路徑逐細繪圖。於回京時呈覽。至其中有無奸匪藏匿。居民有無偷入私採。如該處山林之外。竟有可畊之田。所產木

植可以取材適用之處。並著一併查明據實具奏。將此由四百里傳諭舒常知之。○旌表守正捐軀四川邛州民高泗奇妻楊氏。○已。

上幸瀛臺。○諭軍機大臣等。據富綱奏。查明現修騰越州城工段。尚屬酌量變通增減一摺。已於摺內詳悉批示矣。該督稱州城舊有土牛貼護。上窄下寬。斜坡而下。形若河隄。建自明季。歷年久遠。草樹根莖。縈互盤結。甚屬堅固。如此何必補築。該督復奏。委員勘估。新修工那動後。又遇本年夏秋雨水淋漓。復多坍塌。處所以致於原估之外。又有加添續估工段。此所謂非曰愛之。其實害之。足見外省習氣甚為惡劣。於地方要務。全未切實查辦。其中恐不無藉端開銷。那彼移此。以為浮冒侵漁地步。大凡估修工程。最易滋弊。即京師尚所不免。何況外省。耶。著傳諭富綱再行遴委司道大員。前往履勘。將應修工段逐一確估。

並派委明幹之員妥協辦理務期工歸實用。帑不虛糜方足以垂永久而資鞏固。勿任劣員從中冒混滋弊。○庚午諭軍機大臣等本日富綱單銜奏請揀發雲南貴州叅將遊擊等一摺。又與巡撫會銜奏請揀發同知知州一摺。該督撫同在省城兩摺又同日拜發。且俱係奏請揀發之事。何妨叙入一摺。不過以武職係總督專政。而貴州非劉秉恬所轄。殊不知朕披覽章疏。從不憚煩。該督等如遇地方緊要事務。或彼此互相糾劾。自應各自具摺陳奏。似此照例奏請揀發員弁。又何必拘泥分銜。意存畛域耶。富綱。劉秉恬俱著傳旨申飭。○以江西南城縣狀牛司巡檢移駐新豐市。寧州州同移駐渣津。從署巡撫舒常請也。○辛未。

上詣

壽康宮行禮。○諭從前土爾扈特和碩特台吉等入覲。皆由各遊牧處自備資斧。至烏魯木

齊自烏魯木齊動用官項。由哈密肅州涼州一帶前來。曾經議准。伊等生計充足。應自明年為始。令其自備資斧。但念各該遊牧處至熱河道里遙遠。究恐不免拮据。著加恩嗣後應行來覲之土爾扈特和碩特等。各由遊牧處自備資斧。行至哈密再動用官項。由肅州涼州一帶沿邊前往熱河。此係朕格外施恩。體恤外藩之意。奎林將此傳諭知之。俾各感恩守法。樂享昇平。○壬申諭本日鑒儀衛衙門帶領引見冠軍使之雲麾使李慶徵。係總河李奉翰之子。伊曾經隨任。略知河工情形。李慶徵著發往河東。交與蘭第錫以河營叅將用。○又諭現屆嚴冬。沍寒。貧民赴所投養者必多。何以四城收養俱有一二十名不等。而西城獨無一名。其中恐有情弊。都察院叅奏。未為明晰。著將正指揮萬朝宗解任。交刑部審訊。其失察之巡城御史著交部查議。○又諭據浦霖奏。湖南省各縣衛有勘不成災。

田畝收成僅及六分。民間蓋藏鮮少。稍形拮据。等語。前因該省巴陵等縣。衛得雨較遲。秋收不無歉薄。業經降旨。分別蠲賑。此外各縣。衛被旱田。畝雖勘不成災。但令照舊徵輸。民力究形拮据。著該撫查明。將現年民屯地丁錢糧。均緩至次年秋成後徵收。所有隨正徵收之漕項等雜款銀糧。並緩至正項開徵時一體補徵。俾敷收農民生計。益資寬裕。以副朕軫念災區有加無已之至意。該部即遵諭

行

上

○諭軍機大臣曰。浦霖覆奏。查明被旱州縣情形一摺。其勘不成災各縣。衛已降旨緩徵矣。至摺內稱。明年正月散賑既畢。其被災貧戶。及被災不及五分。僅請緩徵之戶。民力或有未齊。請俟查明酌借口糧籽種等語。該省巴陵等縣。衛本年被旱。原屬一隅。偏災。其被災戶民。既據該撫查請酌借籽種口糧。自不必俟新正特降諭旨。著傳諭浦霖。即督飭所屬確實查勘。其實在缺乏貧戶。即行分別

借給籽種口糧。以助春耕。俟秋收後。再行按數徵還。該撫務須實力妥辦。俾貧民均霑實惠。○甲戌

上幸瀛臺。○諭軍機大臣等。據保寧等奏。別思滿屯守備阿忠佈木。年老患病。請予原品休致。查照向例。即以伊子郎爾結頂補屯守備。缺等語。阿忠佈木。曾在軍營帶領土兵打仗出力。今因年老患病。著加恩賞銀一百兩。即令伊子侍衛阿結帶往看視。至阿忠佈木所遺屯守備一缺。按例自應令伊長子阿結襲補。今郎爾結係其第三子。該將軍等或因其為人尚能管束屯衆。伊父願令頂補。原不妨順其所請。即以郎爾結補授屯守備。仍令阿結赴京當差。若伊父及番衆等。以阿結係長子。例應襲補。並無必欲郎爾結承襲之意。該將軍等即奏明。將阿結留在川省頂補屯守備缺。並仍准戴原賞藍翎。保寧等即可詢問阿忠佈木。再查看番衆情形。酌量辦理。不必

因阿結在京當差。轉不令其襲職也。將此傳諭知之。○河南巡撫畢沅奏。前請履勘淮源。臣親赴桐柏山。至陽口地方。乃淮水伏流發見之所。似非初源。遂行至山頂。見大石盤陀。廣十數畝。石旁有潭。圍徑丈許。泉深尺餘。汲之不竭。其為淮瀆真源無疑。計自山頂至陽口。上下三十餘里。中間井泉不一。俱匯陽口入河。得旨知道了。○

御製淮源記曰。今歲豫旱於春夏。荆欽旱於夏秋。因循淮水弱而清口淤。既而豫得雨於夏末。則更黃水盛。而清口有倒灌之患。其間晝夜卜度。往來疇咨。蓋不可屈指數矣。因思淮之弱。必其源之微。或有沙石壅塞。以致遏其流乎。其時撫臣畢沅。以辦理賑卹事宜。不能分身往。則命布政使江蘭往。致禱淮瀆祠。且相其源之形勢。既而江蘭奏。淮瀆故有祠。更有禹廟。並得三大井。於禹廟東。引歸正河。遂成巨川。因具圖貼說呈覽。朕觀其圖。溪澗縈

繆。山林深秀。所謂三泉者。未必即真源也。其時賑卹章程已定。廼命撫臣畢沅親往。以窮其實。茲畢沅親至胎簪山山頂。遂得真淮源。具圖以來。於是導淮自桐柏之言始信。蓋胎簪即桐柏之中峯。桑欽水經非誣也。酈道元注。以為淮澧同源。西流為澧。東流為淮。則今之分水嶺。實在胎簪峯下。按圖可求。淮澧分流。此又一證也。夫天下之理。豈易窮哉。若據江蘭之奏。定三井為淮源。則胎簪之真源湮矣。然弗湮也。桑欽酈道元之語固在也。今偶湮之。而後世必有執水經注。以笑我君臣之不讀書矣。茲不惟喜瀆源之得真。更以佳古人之用心勤。而千載之下。必有相知之人也。江蘭向在部中。為能馳馬耐辛苦之能員。是以屢陞用之。今職而於登峯造極。跋涉以求得真源。乃讓身軀孱弱。佔畢之儒臣。斯則在立心之堅定。與不堅定。及讀書與不讀書之分耳。既記其顛末。並以嘉畢沅也。沅其勉之。

○成都將軍保寧等奏。新疆撫邊營額兵五百四十二名。該處地汎廣袤。原設守備千把總。外委等八員。不敷分布。應請添設額外外委二員。即於該營馬兵內拔補得旨。如所議行。○調閩粵南澳鎮總兵陸廷柱。為福建臺灣鎮總兵。福建汀州鎮總兵武隆阿。為南澳鎮總兵。臺灣鎮總兵柴大紀。為汀州鎮總兵。○乙亥。諭。明年元旦日食。著停止朝賀筵宴。所有救護典禮。著該衙門敬謹豫備。○又諭。五十一年正月初一日日食。業經頒諭停止朝賀。其救護典禮。禮部遵例奉行。朕仍於內殿恭設香案。虔申祈禳。以答上天垂象。儆惕修省之意。至於下詔求言。史冊所稱。朕以為轉涉虛文。蓋事

天以實為人君者敬  
天勤民躬理庶務日慎一日乃職分所當然即  
大臣言官應行陳奏事件原當隨時入告豈  
待日食然後求言況今每日御便殿聽政批

答章奏大學士軍機大臣及九卿科道等不時召見諮詢政務即外省自督撫至道府無不隨到宣召未致民隱壅於上聞詎因日食方始下詔求言耶至薄蝕天變日時度數有定昔宋仁宗康定元年正月丙辰朔應日食先是日官楊維德等請移閏於庚辰年則日食在前月之晦帝曰閏所以正天時而授民事其可曲避乎不許所見甚為合禮蓋凡日食必以合朔移於晦日尤為非是又考漢唐

以來如光武帝建武二年北魏孝文帝延興四年太和十四年唐太宗貞觀六年均以正月朔日食昔我

皇祖時以康熙三十一年及五十八年正月朔日食且三十一年有錫伯瓜爾察達呼爾等來歸喀爾喀格楚爾喀亦以屬裔來歸之事可見日食為定數而君人者則當因此益加戒懼至於以改移為消弭之說則尤斷斷不可朕踐祚之始即叩

天默禱以若蒙

天佑享國至六十年即當傳位歸政不敢如

皇祖之數逾花甲今幸五十年來壽逾古稀康

強如昔惟有宵旰勤求不遑暇逸以仰副

上天眷顧之殷

祖宗付託之重設以天變為可消弭即於今歲

歸政則是欲移咎後人圖卸已責如宋高宗

年未六十傳位孝宗置軍國大事於不問不

獨無以對天並無以對子朕豈肯出此乎從

前推算天行度數乾隆六十年乙卯亦當正

旦日食與今歲同若於是年歸政則值嗣子

首歲元正尤屬非宜朕心亦有不忍何若以

是歲為朕臨御六十年頤和錫福之餘即以

次年為嗣子迎

麻改元之始國祥家慶

天日重光以符朕首祚之祈以紹我大清億萬

年之寶命不其懿歟然此願亦不敢期必總

以猶日孜孜以靜俟

上天垂佑耳將此通諭中外臣民咸知朕意○

又諭據畢沅奏豫省賑恤事宜及河工修防

等項均需動用銀兩現在庫貯不敷請於附

近隣省撥協銀一百五十萬兩以備工賑等

語豫省收成歉薄屢被偏災河工修防亦關

緊要所有賑卹工需自應早為籌備著於山

西藩庫地丁項下撥銀一百萬兩長蘆鹽課

撥銀五十萬兩交該撫鹽政各派委妥員解

赴河南以備工賑之用該部即遵諭行○諭

軍機大臣等工部議駁豫省儀封大工加價

案內豫備庚子年歲麻浮多請旨飭查一摺

所駁甚是該省每年歲搶修所用蘇麻不過

一萬五千七百餘觔而乾隆四十四年豫備

四十五年歲麻竟辦買至一百五十三萬五

千觔河工歲修料物備用固應充裕亦不過

多至一倍或十倍而止何以該省是年所備

之數較所用之數加多將近百倍且該省既

有此項蘇麻存積即應於每年歲搶修撥用



而歲搶修。又另有開銷。則此項豫備麻觔堆積工次。作何動用。殊不可解。著傳諭蘭第錫畢沅。詳悉查明。據實覆奏。此係四十四年採買豫備。均非蘭第錫畢沅任內之事。該督等無所用其迴護也。將此由四百里傳諭知之。工部原摺並鈔寄閱看。○是月。浙江巡撫福崧奏。浙西杭嘉湖三府。因旱歉收。米粒未純。請將該三府屬應徵粳米之十一州縣一體紅白兼收。私粳並納。以速兌運。得旨。著照所請行。該部知道。○山西巡撫伊桑阿奏。晉省常平倉應買缺額穀三十五萬三千四百餘石。查本年平陽等府屬夏麥歉收。秋間忻代等州被水。若將倉穀買補。糧價必致騰貴。應請緩至五十一年秋成後。如數糴買歸倉。得旨。如所議行。○甘肅布政使福寧奏。寧夏府屬漢延唐來大清惠農四渠。關係民田。因夏間黃水漲淤。應行修濬。靖遠縣糜子灘隄埂被水衝塌。亦應補築。請照借項大修例辦理。

分年徵還。又靈州橫城堡地方。護城堵水壩三道。石防風三道。俱各衝損。應照例動項修整。報聞。○廣西巡撫孫永清奏。粵西各屬。徽折倉穀。本年應買十萬八百餘石。現因粵東及楚省商販絡繹。市價漸昂。應請暫停採買。以便接濟隣省。得旨。如此方是所見。可嘉。○雲貴總督富綱。貴州巡撫李慶棠等奏。貴州水城廳屬福集廠額運京楚鉛二百二十餘萬觔。向由該廳運至四川畢節。仍由畢節轉運永寧。查該廳長運雇用畢節夫馬。呼應不靈。請照威寧鉛運之例。由廠運畢。到日即併歸畢節接收轉運。得旨。好。妥為之。

大清高宗法天隆運至誠先覺體元立極敷文  
奮武孝慈神聖純皇帝實錄卷之一千二百四十三

大清高宗法天隆運至誠先覺體元立極敷文  
奮武孝慈神聖純皇帝實錄卷之一千二百四十四

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理  
吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂  
總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部主事事務  
世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次  
尋常紀錄十四次臣德瑛經筵講官太子少保工部尚書紀錄六次臣曹振鏞等奉

欽修

乾隆五十年乙巳十二月丙子朔

上詣

大高殿行禮○諭據閔鶚元奏。溧水縣盜犯越  
獄案內。有該學武生俞士宏。經劉添成在江  
寧府控告該犯。誘姦伊媳田氏。並謀害伊子  
劉尚達。勒寫婚書。逼買為妾一案。將俞士宏  
收禁。該犯在獄。復同行劫。溧水縣盜犯潛逃。  
旋經地方官拏獲一摺。該撫將俞士宏審為  
其夫縱姦。已不無袒衿。且以同強盜越獄之  
犯。定以發往伊犁充當苦差等語。各學生員。

既身列膠庠。即當整躬飭己。安分守法。為齊民表率。其有志向。上者。自應加意培養。若蕩踰閑檢。不安本分之徒。亦應倍加懲治。方足以端士習。而安良善。若文生係讀書知禮義之人。尤不當有此。今俞士宏。雖係該學武生。乃與劉添成之媳通姦。已屬行止不端。又勒寫婚書。逼買為妾。經該撫訊明收禁。後復膽敢隨同盜犯。越獄潛逃。實屬無恥不法。早經降旨。令該督撫等。飭屬迅速查拏。今已據緝獲。僅擬發伊犁充當苦差。不足蔽辜。俞士宏著交該部改發伊犁。給厄魯特為奴。以示懲儆。嗣後文武生員。務宜砥礪廉隅。束身寡過。毋自蹈愆尤。以致身罹重罪也。將此通諭知之。諭軍機大臣等。據謝墉奏。回空漕船。經借黃浮送。現在銜尾南行。雖無停滯。惟是積沙日多。未免河身漸高。淤墊益增。所宜先事亟籌。以利明年重運等語。此係再無別法之事。但期今冬蓄清。明春足用。為無聊之極思。

已於摺內批示矣。前經薩載。李奉翰奏報。回空糧艘。於十一月十八日。全行渡黃完竣。銜尾南行。俟催出江口。即照從前阿桂在清口時。議定將黃水築壩煞住。挑渠放水各事宜。次第辦理。以濟來年重運等語。至無錫一帶。運河淤淺之處。亦經阿桂會同該督撫籌議。於糧艘過完丹徒。築壩大挑時。一併興工挑挖。現在回空糧船。俱已渡黃南下。清口曾否築壩。將黃水堵住。不令倒灌。通湖各引河。曾否一律挑挖寬深。並淤沙作何籌辦。清水自築壩收蓄後。高堰誌樁。已陸續長水三尺五寸。日來曾否續有增長。及無錫一帶運河。現在曾否勘估興挑之處。皆未據該督撫奏到。朕心深為廕念。著傳諭薩載。李奉翰。閱鄂元。即各將現在辦理情形。詳悉查明。據實迅速覆奏。將此由四百里傳諭薩載等。並諭謝墉知之。尋奏。回空漕船渡黃後。已將各壩基趨築。酌留口門。俟各幫全出江口。即啟放清水。

次第堵合。裏河各處。並無淺滯。高堰誌。橋現存水四尺。通湖引河五道。業經挑竣。得旨覽奏俱悉。○丁丑諭曰。御史左周奏。請清查四庫全書。繕字總數。並各省採進捐交書籍。分別辦理一摺。所奏是。著派劉墉。福長安。王杰。胡季堂。蘇凌阿。勒保。將該館字數書籍。逐細詳查辦理具奏。○又諭曰。御史富森阿條陳各款。其言似是。而於事皆斷不可行。如所稱民間徵收地丁。請免收本色。以準錢糧。以代採買等語。地丁錢糧。款項紛繁。俱有定例。歷久遵行。今欲以米易銀。不特更張煩擾。且地有肥磽。米有貴賤。一鄉一邑。已各不齊。如按例定官價。則民間應交銀一兩。即需交米一石。斷非所樂從。而以時價折算。則市集交易。貴賤隨時。又將何所折衷。作為定準。轉啟官吏抑勒侵漁諸弊。況各省地丁錢糧。不下千餘萬兩。若盡以易米。堆積既多。陳陳相因。必致紅朽。此其事之斷不可行者也。又所稱勸

民捐輸社穀。計其穀石所值。足敷捐納貢監之數。即予以貢監。及報捐人員。並恩准贖罪之人。俱照監糧之例。以糧準銀等語。以糧准銀。捐納貢監。最易滋弊。行之甘肅一省。而王亶望已構成大案。今該御史竟欲各省踵而行之。其流弊尚可問耶。至所稱禁止燒酒造麴。及不准栽種菸草二事等語。此二物固屬無益。但菸草一項。不特徧天下皆然。即外藩諸部。亦無不相習成風。燒酒一項。雖為糜費穀食。而已為閭閻食用所不可少。況此項多係高糧。並非米穀。此二物民間藉以貿易圖利者。不可勝數。雖欲禁止。而勢所不能。徒滋胥役藉端需索諸弊。究於實政。有何裨益。該御史職司言路。如果有關於國計民生之事。原應據實直陳。若似此撫拾浮詞。毛舉細故。不過如明季科道藉建白為沽名。其言雖若娓娓可聽。而於政事毫無所補。亦安用此條奏為耶。富森阿係旗人。乃沾染習氣。愈趨

愈下更屬不合。亦不值將伊治罪。但其識見如此迂謬。豈可復勝御史之任。富森阿本係員外郎。改授御史。著以員外郎用。原摺擲還。○旌表守正被戕山西霍州民李法曾妻朱氏。○戊寅。

上幸瀛臺。○己卯。諭曰。明興題堂邑縣張季之妻梁氏。因劉娘出語褻狎。自縊身死一案。此案審係張季同妻梁氏。赴地拔取高糧。梁氏見劉娘捆縛不堅。令其另換。劉娘復拔秫稻。

一顆。向梁氏出語褻狎。梁氏疑為有心調戲。含忿不解。旋即投繯殞命。該撫以劉娘本無圖姦之心。不過出語褻狎。問擬杖流。向來調姦案件。凡但經調戲。致本婦自盡者。俱問擬絞候。入於情實。然其但以語言調戲。未經手足勾引者。從不予勾也。今劉娘因梁氏令其捆縛高糧。穢言嘲謔。非調戲而何。乃該撫據該犯供稱。並非有心圖姦。即照出語褻狎之例。定擬流罪。夫語言調戲。與出語褻狎。總不

過此等穢褻之談。有何區別。乃一則問擬絞候。一則問擬杖流。情同罪異。則語言調戲。問擬絞候者。豈不反覺屈抑耶。其應如何酌覈定例之處。著該部另行妥議具奏。尋議。嗣後凡婦女因人褻語戲謔。羞忿自盡之案。如係靚面出語相狎。不論有無圖姦之心。均照語言調戲。致婦自盡例。擬絞監候。其因他事詈罵。或並未靚面。止與其本夫及親屬等語言戲狎。致婦自盡者。仍依出語褻狎本例。問擬

滿流從之。○諭軍機大臣等。據步軍統領衙門奏。山西高平縣捐職未入流陳銑。呈控該縣富戶朱秉春等六十一家。藉修本縣鼓樓。私斂錢文二千餘串。止用錢四百八十串。其餘盡行侵蝕。又戶書宋廷彥等串通銀匠申嘉錫等。包收錢糧。每銀一錢。收制錢一百二十七文。又鄉長崔雁峯。指官勒派每里捐銀二百兩各款。從前曾在本府及巡撫藩司臬司衙門控告。經本府看押訊問。逼出誣告甘

結情急來京控告等語。陳銑所控各款。如係屬實。自應嚴審究治。以安地方。該府縣何得僅令出結完案。而巡撫藩臬亦竟置之不問。但該縣既有此等殃累之事。合縣民人均受其害。何獨陳銑一人挺身募越來京控訴。其中保無包攬誣捏情事。亦須徹底根究。以儆刁風。著傳諭伊桑阿。即將案內人犯提集。秉公嚴審。據實定擬具奏。不可稍存迴護。將就之見。步軍統領衙門摺並著一併鈔寄閱看。

○以革職陝甘總督李侍堯著正黃旗漢軍都統。○庚辰。

上幸瀛臺。○諭軍機大臣等。前據伊桑阿奏。承辦陝西咸寧韓城等處引商應永豐欠課潛逃。該犯籍隸浙江。恐其潛回本籍。當經傳諭福崧飭屬查拏。本日據該撫奏。應永豐即應斗文。訊據應斗文之弟應斗魁供稱。應斗文三十餘年。並未回家。有四川定遠令薄宗渠係應斗文之子。應德麟妻父。應斗文現攜子

前往該處就婚等語。應斗文前因有心遲繳伊祖未完官項。斥革捐納道銜。今又欠課潛逃。殊難輕縱。著傳諭李士傑。即將應斗文一犯嚴密查拏。解交晉省。歸案審辦。毋任聞信遠颺匿跡。將此由四百里傳諭李士傑。並諭伊桑阿。福崧知之。○旌表守正捐軀山東荷澤縣民陳遂妻趙氏。○辛巳。

孝惠章皇后忌辰。遣官祭。

孝東陵。○諭據特成額等奏。派委漢陽府知府

德泰承造剥船。已於十一月十五日造竣二百隻。其餘一百五十隻。十二月初間即可一律完工。又湖南長沙等縣陸續造竣一百三十六隻等語。此項剥船該督等飭委知府德泰趕緊成造。於十二月初間即可全竣。辦理甚為妥速。德泰現經該督派令押船運送直省。俟送至北河著就近來京。交該部帶領引見。特成額吳垣並著交部議敘。其該督等派出在工出力人員亦著查明咨部分別照例

議敘○諭軍機大臣等。刑部議駁吉林將軍都爾嘉等。奏派往巡查和林山之佐領和善等。扣留兵丁錢糧。夾帶偷挖人獲米石一案。審擬不明。甚屬含糊。請交該將軍另行審明。送部定擬具奏等語。所駁甚是。都爾嘉未曾經歷此等案件。是以審擬未能妥協。所有刑部奏駁一摺。著鈔寄都爾嘉等。照依該部指駁之處。另行詳審擬定。送部完結。○又諭。上年回匪滋事。攻擾靖遠縣城時。城內軍流人犯。幫同守城禦賊。並拏獲內應賊犯多人。尚屬出力。自應酌量加恩。以示獎勵。著傳諭慶桂。即查明該犯等情節。奏明於軍流罪上。分別量予寬減。至各處城堡。被賊滋擾時。如有似此守禦出力之軍流人犯。亦著一併查明辦理。○旌表守正捐軀廣東番禺縣民區賢勇妻李氏。○壬午。兩淮鹽政全德奏。通州鹽河久涸。所有九場鹽運。除呂四。餘東二場。暫改江運外。餘七場。惟拊茶角斜掘港最大。

已存鹽二十餘萬引。應先裝運。現將河底抽槽引水。寬二丈。深三尺。計正河二百六十里。拊角二場河一百里。掘港河三十里。業已竣工。可用小船剝運。餘四場。即照此興挑。得旨。知道了。○癸未。

上幸瀛臺。○四川總督李世傑疏。報犍為縣新開鹽井三十二眼。徵課如例。○甲申。諭軍機大臣等。前因直隸。江蘇。安徽等省。本年被旱成災地方。於明春青黃不接之時。是否應需展賑蠲緩。降旨令各該督撫體察情形。據實查奏。候朕於新正酌量加恩。嗣據各該省陸續查明。俱經奏覆。惟安徽省尚未據該撫奏到。現距新正不過二十餘日。著傳諭書麟。即行查明。迅速由驛覆奏。以便屆時降旨。將此由五百里諭令知之。○又諭。據福康安奏。稱伊至喀什噶爾。確查該處情形。回人俱各安靜。惟宜添兵駐防等語。福康安甫到彼處。即能詳查裁定。深合機宜。從前傳播流言。竟成

子虛。即薩木薩克等。亦未必能滋生事端。看來別無可慮。若更添兵駐防。似為流言所囑。不如即由伊犁派索倫兵二百名。遣往駐劄。似可得力。著交福康安相機妥辦。此時保成所遣之雅斯。如已見占圖爾。等獲燕起甚妥。福康安亦不必因此事在彼久候。即將應辦事件。交付保成遵照辦理。福康安仍回本任。○以署正紅旗蒙古副都統七十五為歸化城副都統。○旌表守正捐軀浙江江山縣民柴秉五妻柳氏。○乙酉諭軍機大臣等。據侍郎德成奏。盛京大城外有八邊門。向係土築。應照州縣城垣高寬丈尺。用磚改砌等語。留都重地。規制宜崇。著照所請。交與永瑋宜興確實勘估。從容妥辦。以期工程堅固。將此傳諭知之。○漕運總督毓奇奏查淮安衛頭二兩幫運丁原有八所。從前因防禦海州。撥往兩所。僅存六所。倉運現在海州久立營汛。無須該丁守禦。自應仍歸衛所。茲據該州查出

一千一百六十二戶。先行造冊咨部。俟清查全竣。即勻派備僉得旨。實力妥為之。○丙戌諭本日召見四川保寧府知府趙文興。據奏伊父母俱年逾七十。情愿留京侍養等語。趙文興以知府內用。例應補用員外郎。念伊父趙鏌在京供職。尚屬勤勉。趙文興亦曾在軍營効力。著加恩以四品京堂補用。○又諭前經降旨。烏什叅贊大臣員缺。著慶桂前往辦理。但平素坐辦事務。慶桂優於明亮。若行走處所。慶桂並未經歷。自不如明亮。奎林自補授伊犁將軍以來。辦理一切事務尚好。奎林處不必叅贊大臣協辦。明亮著為烏什叅贊大臣。總理回部各城事務。慶桂於塔爾巴哈台地方情形熟悉。哈薩克亦皆知曉。惠齡駐劄塔爾巴哈台年久。且伊母年老。著慶桂前往塔爾巴哈台。換回惠齡來京。如此一轉移間。人地相宜。福康安所辦喀什噶爾一切事務完竣。即回任所。到任後。慶桂將一切應行



交代事件。交代完結。即由彼馳驛前往。諭軍機大臣等。據劉莪奏。本年豫東二省。以及大名等府。秋收歉薄。全賴天津海運奉糧。暨直省糧食。必須商販流通。方資接濟。請將北倉截存漕米。暫緩轉運。俟新造剥船到時。再行運赴通倉。所有北河現在淺阻。商販船隻。一俟冰泮。即全行催赴天津。以資商民雇用。等語。所奏是。已於摺內批示。豫東二省。及大名等府。本年收成歉薄。自須商民船隻。源源運販。庶災黎不致乏食。北倉截存漕米。露囤者。業經運竣。其存貯廩內米石。若明春仍用民船運輓。則商民缺少船隻裝載。販運於災地轉不足。以資接濟。所有北倉未運米石。竟著俟新造剥船到後。再行運赴通倉。至現在清口。及山東運河。俱已煞壩。湖北省所造剥船。前據特成額奏。已經成造三百餘隻。派員運送直省。並著傳諭該督。飭令委員。趕緊行走。務於明春開壩後。即行遄進。迅速抵直。以

便剥運北倉米石。除就近傳諭倉場侍郎外。將此諭令劉莪。特成額。知之。○丁亥。

上御乾清門聽政。○諭。本日召見蘇州布政使李封。據奏蘇州。常州。鎮江等處紳士。有誼篤桑梓者。或捐貲煮賑。或湊銀稟縣。請票赴四川。江西。販米至本籍減價平糶等語。蘇州等府屬被旱成災。該處紳士。誼敦任卹。捐貲賑糶。甚屬可嘉。著該督撫查明。共有幾人。據實奏聞。照例賞給議敘。以示優獎。此外各府屬有似此者。並著一併查奏。○戊子。諭。前經降旨。直隸解到旗租銀兩。足敷普賞八旗兵丁一月錢糧。即行普賞一次。現在物價稍昂。直隸解到租銀。已足敷賞給之用。著加恩普賞八旗兵丁一月錢糧。以示朕加惠旗人。俾生計益臻充裕。該部即遵諭行。○蠲緩山西代州。五臺。崞縣。繁峙。忻州。定襄等六州縣。本年水災地畝額賦有差。○旌表守正捐軀直隸南樂縣民趙良克妻蔣氏。○己丑。諭。戶部議

駁伊桑阿奏。河東運鹽成本不敷。請將續增二釐。作為定額一摺。因屬照例辦理。第念河東池鹽。全係陸運。需費浩繁。今戶口日增。物價胥貴。則運鹽之食物腳價。較之往年。自必有增無減。該撫既稱現增之價。不致有妨民力。而該商等亦藉得稍為舒展。著照所請。將續增二釐鹽價。加恩准作定額。以紓商力。○  
庚寅。

上御太和殿視朝。文武陞轉各官謝恩。○諭本

日兵部奏。將患病回旗。病痊仍在本旗行走之原任山西忻州城都司明保。帶領引見一摺。明保係患病回旗之員。病痊引見時。因該員才具不勝外任。是以令其在本旗行走。自應即以旗員補用。乃該旗輒於年終咨部。該部復將伊奏請引見。未免影射。除明保一員。徹出毋庸引見外。嗣後回旗病痊武職各員。如有奉旨以旗員用者。俱不必於年終復行帶領引見。○賑貸陝西朝邑。華陰。富平等三

縣。本年水災貧民。○豁除江蘇清河縣挖廢田地五十七畝。有奇額賦。○旌表守正捐軀河南新安縣民陳生新妻田氏。

大清高宗法天隆運至誠先覺體元立極敷文奮武孝慈神聖純皇帝實錄卷之一千二百四十四

大清高宗法天隆運至誠先覺體元立極敷文奮武孝慈神聖純皇帝實錄卷之一千二百四十五

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣履桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆五十年乙巳十二月辛卯諭據保寧等

奏鄂克什土司色達克拉年老久病呈請辭

休懇將伊子斯丹增甲木楚承襲土職等語

色達克拉前在金川軍營帶領土兵打仗出

力曾經賞戴花翎並賞給二品頂帶今因年

老久病懇請辭休著加恩賞給二匹准其辭

休並准戴原賞花翎頂帶所有鄂克什安撫

司土職即著伊子斯丹增甲木楚承襲至斯

丹增甲木楚襲職後自應按照土司品級頂

帶第念伊父前在軍營著有勞績伊亦曾經

出力著加恩准其戴用伊父二品頂帶以示

獎勵○又諭據福康安等奏多連帶領回子

布魯特等將盜馬賊匪追至赫色拉特地方

即行趕及賊匪遂施放烏鎗衝擊經回子邁

瑪第敏鎗斃一賊布魯特阿布里克將賊匪

之馬放鎗打倒一匹多連之子愛勒推即生

擒賊匪伊等俱盡力奮勉應請旨可否賞給

六品頂帶藍翎以示鼓勵等語布魯特阿布

里克多連之子愛勒推回子邁瑪第敏跟隨

多連追及賊匪既用鎗斃賊又復生擒甚屬

可嘉著加恩將布魯特阿布里克多連之子

愛勒推回子邁瑪第敏各賞給六品頂帶藍

翎以示鼓勵○諭軍機大臣等閱鴉元奏屬

員賢否一摺內江寧布政使劉墀據稱人尚

謹飭惟覺年力衰老等語劉墀歷任司道為

人謹飭朕所素悉但江寧藩司事務繁劇該

員年已就衰恐難勝任著傳諭薩載閱鴉元

如劉墀果精力衰頹不能辦理藩司事務即

行據實具奏。候朕另行簡放。○蠲緩直隸衡水縣本年水災竈地額賦有差。○壬辰。諭。據毓奇等奏。十二月初三日回空各幫船隻。正在渡江。行至金山蒜山之間。忽發異常風暴。江濤汹涌。各船收口不及。人力難施。共碰損沉溺江淮四幫船五隻。泗州前幫船十隻。淮安頭幫船三隻。杭嚴四幫船一隻。並有淹斃男女人口等語。此次回空漕船。渡江猝遇暴風。人力難施。以致碰損沉溺。殊堪憫念。所有淹斃人口。著查明加倍賞卹。餘著照所奏辦理。○命一等超勇公正白旗蒙古都統海蘭察。兵部尚書王杰。工部尚書舒常。署正藍旗滿洲都統綽克托。署正黃旗漢軍都統李侍堯。在紫禁城內騎馬。○陝甘總督福康安。疏報平羅縣開墾熟地四十五頃八十六畝。以故三等子阿勒京阿子瑞祥襲爵。散秩大臣覺羅萬福子覺羅吉慶襲職。○癸巳。諭。軍機大臣等。康熙年間。戴名世私刻南山集。悖

逆不法。方式濟代作序文。曾經審明治罪。並將書集板片銷燬。但閱時久遠。恐伊子孫親族尚有私自收藏者。該犯等籍隸桐城。著傳諭書麟密行訪察。如其族姓中尚有留存者。即行據實具奏。送京銷燬。務期收繳淨盡。但須不動聲色。妥為查辦。○以故三等勇勤公明英弟和色布。一等子布達雅子敬達克二等男那慶弟如意。各襲爵。○甲午。諭。曰。舒常奏。江西省應造剝船。業經造成三百隻。委員於十二月初九日起程運送赴通。其餘三百隻。亦趕緊製造。於明春運通應用等語。此項剝船。該署撫派員經理。現已造成三百隻。其餘船隻。明正即可全竣。辦理甚為妥速。舒常著照湖廣之例。交部議敘。其派出在工出力人員。亦著查明咨部。分別照例議敘。○諭。軍機大臣等。前經降旨。令直隸。河南。安徽等省各督撫。將被災地方。於明春青黃不接之時。應否展賑蠲緩之處。查明實在情形覆奏。候

朕於新正酌量加恩。嗣據各省陸續奏齊。惟安省尚未據該撫奏到。前已降旨飭催。現距新正為日已近。著再傳諭書麟。即行查明。迅速由驛覆奏。候朕降旨。○予告大學士蔡新。奏報抵里日期。得旨。欣慰覽之。即成詩一首。卿其和之。摺內稱。祝

釐舞蹈之初心。實願有此福分。批。自然。

天加錫佑。我君臣共祝之。又稱。閩省毗連浙東數郡。年穀豐登。又批。浙東實好。浙西則不然。

矣。宵旰為之調劑。想卿亦見之鈔報矣。

御製詩曰。康健還鄉路八千。披章既喜復生憐。

喜卿桑梓堪娛老。憐我宵旰未歇肩。綠野堂

開園子姓鰲峰山。映教英賢。中誠庚戌重來

祝。願共期然。或信然。○豁除雲南趙州。太和

二州縣。水衝沙壓田地一項二十七畝。有奇

額賦。○乙未。諭據畢沅奏。歸德陳州彰德。三

府屬。因秋禾被旱成災。現在賑卹倉糧不敷。

動撥。請將明春應行運通漕糧三萬一千九

百餘石。停其起運等語。豫省災區需米放賑。且地方米石充餘。則市價不致昂貴。著照所請。將明春應行運通漕糧三萬一千九百餘石。停其起運。留為歸德陳州等各災屬賑卹之用。該部仍查照辦理。○豁除河南祥符陳留儀封三縣。水衝沙壓地一千一百六十頃九十五畝。有奇額賦。○續修大清一統志并遼金元三史國語解告成。承辦纂修等官議敘有差。○旌表守正捐軀湖北房縣民陳萬

一妻戚氏。湖南衡山縣民劉世平妻陳氏。劉

某妻張氏。○丙申。

上幸瀛臺。喀爾喀扎薩克多羅郡王桑齋多爾

濟。土爾扈特台吉悟琅海杜爾伯特台吉策

伯克。及年班回部阿奇木伯克穆喇特伯格

等入覲。○丁酉。

上御寧壽宮。賜王公大臣及蒙古王公等食。○

諭軍機大臣等。據畢沅奏。廣西省盤獲柘城

縣糾眾搶奪案內逸犯李有等三名。據供。於

本年四月間曾在新鄉尉氏等縣糾人搶奪。現委員密往該縣境內細訪。如李有等所供搶奪情事屬實。即遵旨劾參。統俟廣西省拏獲各犯解到。嚴訊得實。從重按擬等語。本日又據浦霖奏。拏獲張永一犯。據供。於四月二十六日在河南楊橋地方。與本處人楊先。山西陽城縣人王衛。高平縣人王福。到柘城縣胡家莊。跟同王姓在扈家溜。王家集。搶劫。五月初三日。經官兵追拏。逃竄到湖南湘潭地方被拏。現飛咨河南省確查。以憑究辦等語。柘城案內逸犯。經隣省先後拏獲。且張永。又供有在扈家溜搶奪之事。亦未據畢沅奏及可見豫省本年夏初。因年歲荒歉。飢民糾約搶奪。不止柘城一處。此時廣西省所獲李有等犯。自己解到。著傳諭畢沅。即歸於柘城案內審辦。速行完結。仍究明啟釁根由。據實覆奏。如新鄉。尉氏等縣。果有匿報情弊。即遵前旨。另以別事將該員參劾。毋稍迴護。至張永

一犯。既經湖南省盤獲。此等惡犯。業已供認搶奪屬實。自應速行定罪。何必輟轉詳查。以致耽延時日。著傳諭浦霖。即將張永一犯。迅速定擬具奏。止須行文豫省存案。毋庸再俟。該省咨覆。始行辦理也。至楊先。王衛。王福。三犯。曾否就獲。作何審辦。並著畢沅一併查明具奏。將此由四百里諭令畢沅。浦霖。知之。又諭工部奏。駁東省大挑運河工程。所估砂礮土方。與歷次成案不符。駁令刪減一摺。已依議行矣。摺內稱。歷來挑挖運河成案。八閘以內。所估土方。俱係按照小砂礮例。估銀一錢五分。並未開有大砂礮方價二錢之例。迺毓奇等奏稱。八閘以內工程。盡係大砂礮。而薩載驗收工程時。奏稱。或係淤土。或係大小砂礮。是該處挑挖工程。明有小砂礮土方。何毓奇所奏。又盡係大砂礮情形。既有不同。即薩載所稱。有大小砂礮之處。亦與歷次准銷成案不符。且該督等奏稱。大泛口內。緣山

水漲發挾沙入運停淤亦應一律估挑此等停淤尤非砂石硬礪可比何得亦照大砂礪之例開報覈計共多用銀一萬四百餘兩恐工員有冒銷情弊著傳諭蘭第錫明興確查八閘以內及大泛口等處挑挖工程情形究係若何詳晰查明並諭薩載毓奇一併據實覆奏毋得稍存迴護工部摺著鈔寄閱看○山東巡撫明興奏東省嶧縣等九州縣災民奉旨加賑兩月本折各半給發除十一月先放折色外十二月應賑本色米十四萬餘石查各該處倉穀無多應於截存漕米內支放但思來春借糶兼行需用正多現在司庫貯存買補虧空倉穀價銀請動支與漕糧各半兼放得旨事屬可行知道了○湖南巡撫浦霖奏湖南坐落災地兵丁如提標常德岳州等營業經奉旨酌借一月餉銀此外未經被災營分原不在應借之列惟查撫標左右二營澧州一營長沙辰州二協及鎮筵鎮標或

附近災區或地處苗疆兵食維艱請一體酌借一月餉銀於明歲月餉內分三季扣還得旨如所請行○戊戌

上御撫辰殿賜蒙古王公等食○軍機大臣議准察哈爾都統烏爾圖納遜奏稱獨石口千家店二處生齒日繁所有孀婦孤子及殘廢閑散等戶請照京城例支給養贍孤子至得差時即將錢糧裁汰從之○己亥諭軍機大臣等據長清等奏覆審數倫泰等叅奏德全等因買補倒斃馬匹動用馬圈錢文復向民人借錢抵項扣餉償利各款一摺已批交該部議奏矣此案前因數倫泰等原審未曾明晰所擬罪名亦多錯謬經刑部議駁飭交該將軍等另行詳審今該將軍等查審案內情節既將各該犯分別另行定擬乃摺內止聲明將從前失察之將軍副都統等職名查開咨部議處而於現在數倫泰等原審有無錯謬之處並未聲敘殊屬意存迴護除將長清

等原摺交部覈議外長清永保俱著傳旨申飭仍著據實覆奏。兩江總督薩載江南河道總督李奉翰等奏查回空漕船現已全出江口三汊河迤下壩口及黃河倒勾引渠均行堵閉將濟運壩開寬二丈五尺啟放清水俟揚州儀河水足即將三溝閘南樓二處壩門堵截高堰誌椿水存四尺二寸得旨是資刷黃否。陝西巡撫永保奏朝邑縣護城隄工經前任撫臣秦隄於環城三面築隄一道

計長一千六百八十餘丈現在親往履勘應照原奏辦理惟所估隄身頂高二丈寬二丈五尺底寬五丈與河工二五收分之例不符應改為頂高一丈二尺寬二丈五尺底寬八丈五尺減高加厚與原估土方亦無增減得旨覽奏俱悉妥為之摺內稱若於沿河築隄恐水勢過緊必致衝缺奪溜批所慮是 庚子

孝莊文皇后忌辰遣官祭

昭西陵○諭據毓奇等奏查明回空漕船在江

遭風情形一摺內稱旗丁王黃朋許顯仁兩船已十年滿運例應給價成造其餘被風各船皆歷四五六七八運不等應分別賠造買補足運但念該丁等遭風之後未免拮据請派入災減數內令於下年從容造補等語此次回空漕船渡江猝遇暴風人力難施以致碰損沉溺殊堪憫念所有應賠船隻著加恩免其賠補俱動官項成造以恤丁力至淹斃人口前經降旨加倍賞卹其例無賞卹之婢女火夫等七名口亦著加恩照所請減半卹賞○又諭所有各省城將軍副都統等每年俱輪班來京若係將軍一員副都統二員之省分每人相隔二年輪班一次若係將軍一員副都統一員之省分二人即相隔一年輪班一次則限期急迫自不免拮据嗣後除將軍一員副都統二員之省分仍著三員輪班來京外若僅副都統一員者仍照舊例俟三



年期滿來京一次。其餘將軍一員副都統一員者。著將軍來京後。相隔一年。再著副都統來京。副都統來京後。亦相隔一年。再著將軍來京。將此通諭各省一體遵行。○調吉林副都統伍靈阿為齊齊哈爾副都統。以署鑲黃旗蒙古副都統雅爾泰為荊州左翼副都統。吉林總管索柱為吉林副都統。○辛丑。諭軍機大臣等。據舒常奏。江西撥解湖北銀六十萬兩。分起運送。有車夫孫家厚裝運二鞘。行至德化縣離城十五里。時已傍晚。孫家厚即將鞘車推至空屋內。起意與壽州人馬六貴等。劈開二鞘。竊銀二千兩。俵分逃逸。已將各犯拏獲。並起出原銀一千八百十兩。請將疎防之巡檢倪文煥革職等語。已批交該部矣。該犯等膽敢夥竊餉銀。目無法紀。情節甚為可惡。著傳諭何裕城。即將各該犯及押解兵役。嚴切究審。不必拘泥封篆。速行定擬具奏。將此由五百里傳諭何裕城。並諭舒常知之。

○又諭據福康安奏稱。遣往訪拏燕起之薩爾察。現已回程。據稱燕起逃往喀爾提金地。方復派和扎什及伊喇斯拜等往拏等語。燕起乃無足輕重之物。然究係在逃罪犯。理宜捕緝。今福康安悉心籌畫。復令那爾巴圖交各布魯特部落協緝。不日自可就獲。至所奏添駐兵丁。此刻似可不必。且俟明春雪融。燕起尚未拏獲。即添派伊犁兵六百名。於四月前抵喀什噶爾駐劄。此際如有拏獲燕起之信。即此六百名兵。亦可停其遣往。福康安起程後。保成但遵奏定章程。妥協辦理。○是日起。○

上以歲暮禋祭

太廟齋戒三日。○壬寅。諭從前廣東督撫及粵海關監督。每年進呈貢品。俱令洋商採辦物件。賠墊價值。積習相沿。商人遂形苦累。上年欽派尚書福康安前往查辦。將已延三等分別治罪。明降諭旨。嚴飭該督撫等嗣後不准

呈進鐘表洋貨等物。並嚴禁地方官向商人墊買物件。以杜弊端。今粵海關監督穆騰額奏稱該商等感戴恩施。代為呈貢物件。但粵省洋商究非兩淮可比。此次例進物件業已到京。姑准留用。外嗣後不准該商等再行呈進貢物。俾商力益得寬裕。至粵海關監督向不呈進貢物。自德魁由如意館出任監督。備物呈進。李質穎等遂相沿辦理。第念該監督每年養廉不過二千五百兩。辦公及家用外。未必能多有餘貲。不可與三處織造及鹽政養廉豐厚者比。嗣後該監督亦不准備物呈進。至該督撫及監督等不得因洋商現已停止進貢。復藉端令其墊買物件。致滋擾累。以示朕體恤遠商之至意。若日久廢弛。故智復萌。必重治其罪。○諭軍機大臣等。現因粵海關監督穆騰額代洋商呈進例貢。已明降諭旨。令其嗣後毋得再行呈進矣。粵東洋商非兩淮可比。從前督撫監督因購買物件。往往

令該商等為之墊辦。致有賠累。上年經欽差徹底清查後。將已延三等分別治罪。並特降諭旨。令該督等毋許復行呈進鐘表等物。正所以杜藉端派辦之弊。現在該商等備進物件。亦經降旨停止。原為體恤洋商起見。但恐該督撫等因商人停止進貢。仍私令購辦物件。致滋擾累。尤不可不防其漸。著傳諭富勒渾務須嚴行飭禁。留心查察。毋得再踵前轍。如該督等陽奉陰違。經朕聞知。或別經發覺。必將該督等照已延三等加倍治罪。不能稍從寬貸也。至該省向有發價官辦物件之事。目今內府所存鐘表及洋貨等物。儘數陳設。備賞之用。若再為採辦。徒然堆積日多。殊屬無謂。並著該督等嗣後一併停止採辦。其節省價銀。逐漸累積。即可留供賑卹之費。易無用為有用。豈不甚善。設將來偶有需用之件。原可傳令隨時購買。於稅項下開銷也。除俟孫士毅、穆騰額到京。面諭遵行外。將此傳諭

知之○癸卯以歲暮祫祭遣官祭

太廟中殿

後殿○諭據吳垣奏湖北省現有展賑事宜連前加賑不敷銀兩除動支正雜各款分給各屬外尚不敷銀一百六十三萬兩請於隣省撥解以備支放等語湖北今歲被災較重賑卹銀兩不敷自應早為籌備著於浙江地丁撥銀三十萬兩兩浙鹽課撥銀二十萬兩湖南地丁撥銀三十萬兩長蘆鹽課撥銀三十萬兩許墅關稅撥銀十萬兩九江關稅撥銀四十三萬兩共撥銀一百六十三萬兩該撫等各派委妥員解交湖北以備賑卹之用該部即遵諭行○甲辰祫祭

太廟

上親詣行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵○遣官祭

孝賢皇后陵

端慧皇太子園寢○遣官祭

太歲之神○乙巳

上御保和殿筵宴朝正外藩左翼科爾沁和碩親王恭格喇布坦旺扎勒多爾濟多羅郡王鄂勒哲特穆爾額爾克巴拜喇什噶勒當輔國公哈達公品級一等台吉拉旺和碩額駙敏珠爾多爾濟一等台吉琳沁多爾濟奈曼多羅郡王拉旺喇布坦一等台吉巴勒楚克敦漢多羅郡王齊默特魯瓦固山貝子垂濟扎勒德威多爾濟和碩額駙密扎特多爾濟一等台吉固山額駙沙津阿爾畢特瑚二等

台吉巴勒珠爾喇布坦。濟克濟扎布。土默特多羅貝勒索諾木巴勒珠爾。阿魯科爾沁多羅貝勒阿爾達什第。巴林固山貝子德勒克和碩額駙布彥圖。一等台吉固山額駙賽尚阿。喀喇沁固山貝子丹巴多爾濟。公品級一等塔布囊瑪哈巴拉。和碩額駙索諾木巴勒丹多羅額駙滿珠巴。咱爾。固山額駙敦珠布色布騰。二等塔布囊格勒克薩木魯布。阿巴哈納爾。固山貝子達克丹朋素克。翁牛特鎮

國公達瓦什哩。右翼喀爾喀和碩親王固倫額駙拉旺多爾濟。多羅貝勒阿裕爾。固山貝子車登多爾濟。輔國公德勒克多爾濟。噶爾瑪。達布拉車琳。巴勒達爾扎布。貢楚克扎薩克。一等台吉齊巴克扎布。索諾木敦多布。阿拉善和碩親王旺沁班巴爾。喀喇沁親王品級多羅郡王喇特納錫第。回子郡王品級多羅貝勒哈第爾。輔國公託克託伊巴喇伊木額色尹。翁牛特多羅貝勒濟克濟扎布。茂明

安多羅貝勒丹丕勒。巴林固山貝子薩木丕勒。多爾濟。鄂爾多斯固山貝子布延泰。色旺喇什。扎薩克一等台吉旺扎勒車布登多爾濟。綽羅斯固山貝子富爾納。烏喇特鎮國公車布登棟。囉布。扎魯特鎮國公色梭扎布。青海扎薩克一等台吉根敦扎布。杜爾伯特協理台吉策伯克。四等台吉固爾固木。土爾扈特三等台吉額琳沁達瓦。及領侍衛內大臣等。左翼科爾沁和碩親王恭格喇布坦。旺

扎勒多爾濟。多羅郡王喇什噶勒當奈曼多羅郡王拉旺喇布坦。敦漢多羅郡王齊默特魯瓦。固山貝子垂濟扎勒土默特多羅貝勒索諾木巴勒珠爾。阿巴哈納爾。固山貝子達克丹朋素克。右翼喀爾喀和碩親王固倫額駙拉旺多爾濟。固山貝子車登多爾濟。阿拉善和碩親王旺沁班巴爾。喀喇沁親王品級多羅郡王喇特納錫第。翁牛特多羅貝勒濟克濟扎布。茂明。安多羅貝勒丹丕勒。巴林固

山貝子薩木丕勒多爾濟鄂爾多斯固山貝子布延泰色旺喇什等至

御座前賜酒成禮。是月湖廣總督特成額奏奉旨坐落災地各營兵分別輕重酌借月餉。查本年楚北受旱較廣其應領兩月餉銀兵丁若概給折色恐糴買糧石易致騰貴應請借給一月餉銀外賞給倉穀一石得旨如所議行。摺內稱兵丁得穀一石可換雜糧一石數升足資日食批甚可之事。湖北巡撫吳

垣奏楚北本年旱災前經川督奏准碾動倉米十五萬石豫備商糴查楚省招商赴川不下百餘人而買回官米者僅止一名餘俱向民間販運川省官米除撥濟浙省外尚存四萬餘石應請委員赴川官買以備春糴得旨如所議行。河南巡撫畢沅奏豫省賈魯河前經奏准開挑覈實丈估共需土方礮工銀十三萬六千七百餘兩於藩庫動撥現在附近窮民雲集河干不下萬人實可以工代賑

得旨覽奏俱悉摺內稱現飭各工員搭蓋窩鋪聽民棲宿以便傭工批一舉兩得好。兩廣總督富勒渾奏粵東省河商欠鹽價通計三十一萬餘兩查此項商欠緣先期支帑收曬掣配後於鹽價內歸還是帑本輒轉在場所以隨徵隨欠現在通盤清釐將正雜各欠一概劃清請自五十一年為始於每季交納新價時連舊欠帶交按限催徵年清年款得旨有治人無治法勉為之。又奏粵東運鹽

艚船招募修復現得一百餘號可裝鹽十五萬餘包惟是商疲本薄所需場本水腳應籌款接濟除將運庫存公各項借動飭發外請賞准於四十九年徵存課銀內酌留十萬兩陸續給發曬本以速配運得旨知道了。是年旌表孝子浙江等省婁東等四名守節合例八旗宗室煥章妻佟佳氏等十口覺羅五福妻介爾佳氏一口滿洲馬甲阿克東阿妻李氏等九十三口蒙古馬甲興保妻富察

氏等三十五口。漢軍馬甲皮曰意妻王氏等二十四口。內務府護軍六十一妻譚氏等五口。奉天等省駐防領催豐昇額妻烏扎拉氏等一百八十口。直隸等省民張商霖妻沈氏等四百一口。夫亡殉節江蘇等省民郭長祿妻梁氏等十九口。未婚守志八旗滿洲閑散富明聘妻伊爾根覺羅氏一口。江蘇等省民顧學龍聘妻管氏等十四口。百歲壽民婦直隸等省杜旺奉等四十八名。各給銀建坊如例。

（一）產三男。直隸等省民劉丕服等八家。會計天下民穀數。各省通共大小男婦二萬八千八百八十六萬三千九百七十四名。各省通共存倉米穀三千九百一十七萬五千六百三十石五斗七升九勺。

大清高宗法天隆運至誠先覺體元立極敷文奮武孝慈神聖純皇帝實錄卷之一千二百四十五

大清高宗法天隆運至誠先覺體元立極敷文奮武孝慈神聖純皇帝實錄卷之一千二百四十六

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣履桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲黃旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆五十一年丙午春正月丙午朔日食○

上詣

奉先殿行禮○詣

堂子行禮○詣

大高殿

壽皇殿行禮○免諸王百官朝賀○遣官祭

太廟後殿○丁未諭戶部議覆兩淮鹽政全德

奏請展限帶徵一摺內准將淮南乙巳綱展

限半年奏銷之處著依議行其淮北丙午綱

引目提出銑銷將課項分作十年帶徵一節

部議祇准其三年帶徵固屬酌覈辦理但念淮北一帶近年以來河湖淺阻運艱銷滯以致綱引遞年積壓尚屬實在情形所有丙午綱引目准其提出銑銷以疏積引其該年應徵鹽課著加恩分作五年帶徵俾轉輸益資充裕以示朕體恤商力至意該部即遵諭行○戊申諭上年安徽亳州蒙城等州縣雨澤愆期被旱成災業經降旨賑卹蠲緩俾窮黎口食有資不致失所第念今春正賑已畢青黃不接之時民食恐不無拮据著再加恩將被災較重之亳州蒙城太和泗州盱眙天長五河滁州全椒來安和州含山建平銅陵廬江巢縣宿州定遠靈璧等十九州縣被災九十分貧民無論極次於正賑後再行加賑一個月此內亳州蒙城太和泗州盱眙天長五河宿州定遠靈璧等十州縣均係積歉之區著將被災八分極貧加賑一個月所有衛所飢口及貧生兵屬並著一體加賑其餘被災

五。六。七。八分貧民。及勘不成災地方。有應行酌借口糧籽種。並減價平糶之處。著該撫察看情形。酌量辦理。至該省散賑需用銀兩甚多。除鳳陽蕪湖兩關。本年應解稅銀。准其留用外。著戶部再於就近酌撥銀一百萬兩。照例解往。以備賑卹之用。再該省應解還江西截卸漕米價銀二十二萬餘兩。該省現在賑項不敷。此項銀兩。毋庸移解。著江西省將墊買米價。作正開銷。所有安省糶出米價。即留貯備用。俾經費益資充裕。該撫其督飭所屬實力經理。以副朕軫念災黎。恩加無已之至意。該部即遵諭行。○又諭上年浙西杭嘉湖三府屬之仁和等十七州縣。並杭嚴嘉湖二衛。得雨較遲。收成歉薄。業經降旨。將應徵地丁漕項銀米。緩至次年分別帶徵。以紓民力。第念今春東作方興。農民播種翻犁。未免尚形拮据。著再加恩。將杭嘉湖三府屬之仁和錢塘海寧餘杭臨安於潛嘉興秀水海鹽石

門桐鄉烏程歸安長興德清武康安吉等十七州縣。並杭嚴嘉湖二衛。再行緩至秋收後。按例徵收。並查明實在貧民。酌借口糧籽種。以資接濟。該撫務董飭所屬實力奉行。使茅簷蔀屋。均霑實惠。以副朕軫念黎元。普錫春祺之至意。該部即遵諭行。○又諭上年湖北江夏等州縣。並武昌等衛。因早暵成災。夏收無望。節經降旨。糶賑兼施。俾災黎口食有資。不致一夫失所。第念現屆東作方興。青黃不接。民食恐不無拮据。所有成災七。八。九。十分之江夏武昌咸寧蒲圻嘉魚漢陽沔陽黃陂孝感漢川廣濟黃安麻城黃梅鍾祥荊門應城隨州江陵公安監利襄陽棗陽穀城光化宜城等二十六州縣。並坐落各該州縣衛所屯田之極次貧軍民。著加恩於正賑散畢後。再行展賑一個月。其成災五。六。七。八。九。十分之興國大冶黃岡蘄水蘄州羅田潛江京山天門當陽安陸雲夢應山石首通山松滋枝江宜



都均州。鄖縣。崇陽等二十一州縣。並勘不成。災之通城。南漳。東湖。三縣。以及坐落各該州縣衛所軍民。俱著加恩。分別賞借口糧籽種。以資耕作。該督撫其董率所屬。實力體察奉行。務使閭閻均霑實惠。以副朕軫念民艱。恩加無已之至意。該部即遵諭行。○諭軍機大臣等。據福康安奏。喀什噶爾地方。仍由伊犁。烏魯木齊。調兵一千名添駐外。毋庸另行多派等語。從前福康安擬定添兵。奏到時。朕即降旨。由伊犁調撥索倫兵二百名添駐外。再添伊犁兵六百名。足敷應用。烏魯木齊滿兵。豈如索倫。本年雪化以前。如已獲燕起。即將此索倫兵二百名。作為換防兵丁。駐劄喀什噶爾。其伊犁兵六百名。即不必遣往。如仍未獲燕起。計其時日。於四月以前遣往。想此際福康安自必遵辦。今薩木薩克各處行乞。未必能惑衆心。惟緝燕起一人而已。如已就獲。除添派索倫兵二百名外。其伊犁兵竟可停

撥。將此傳諭奎林。明亮。保成。鄂斯滿。知之。是日起。

上以祈穀於

上帝。齋戒三日。○己酉。諭上年江蘇淮安徐州海州所屬。雨澤愆期。夏秋二熟。均屬失收。江寧揚州鎮江所屬。府州縣秋成亦多歉薄。業經降旨分別給賑。並截漕平糶。以資接濟。俾災氓不至失所。第念今春正賑已畢。青黃不接之時。民食恐不無拮据。著再加恩。將被災較重之徐屬蕭縣。碭山。二縣。十分災。極次貧民。展賑兩個月。其淮安。徐州。海州。江寧。揚州。五屬之八。九。分災。極次貧民。展賑一個月。其餘各府州縣。七分災以下。及勘不成災地方。所有實在乏食農民。酌借籽種口糧。俾艱食者得資餬口。乏種者無誤翻犁。該督撫務董飭所屬。實心經理。以副朕軫念窮簷。普錫春祺之至意。該部即遵諭行。○又諭上年陝西朝邑等州縣。因河水漲發。田畝村莊被淹。業

經降旨分別蠲賑。令該撫實力撫卹。毋致失所。第念該處被災地方。今春正賑已畢。正屆青黃不接之時。民食恐不無拮据。所有被災較重之朝邑。富平。二縣。極次貧民。著加恩於正賑後。再行展賑一月。俾資口食。其被災較輕之華陰縣。並勘不成災各縣。秋收既稍歉薄。現屆青黃不接。所有拮据貧民。亦著加恩酌借口糧。以待春田成熟。該撫其督飭所屬實心經理。俾被水災黎均霑實惠。副朕軫念窮簷。恩加無已之至意。該部即遵諭行。○庚戌。

上詣

南郊齋宮齋宿。○是日立春。順天府進土牛春

山寶座。○辛亥。祈穀於

上帝

上親詣行禮。○諭。豫省開封衛輝等屬。頻歲不登。上年入春後。雨澤愆期。麥收失望。夏秋雖經得雨。田禾究未免歉薄。業經節次降旨。蠲

賑頻施。閭閻口食有資。不致復虞失所。惟是積歉災區。元氣未能驟復。今春青黃不接之時。農民生計。未免尚形拮据。著再加恩。將被旱較重之汲縣。新鄉。獲嘉。淇縣。輝縣等五屬。極貧下戶。於今春賞給兩月口糧。其被旱稍輕之延津。封邱。考城。濬縣。滑縣。原武。陽武。武陟。修武等九屬。極貧下戶。賞給一月口糧。至秋災較重之歸德府屬永城。虞城。夏邑。柘城。四屬。無論極次貧民。俱著展賑兩個月。其秋

災稍輕之歸德府屬商邱。寧陵。鹿邑。睢州。彰德府屬之內黃。陳州府屬之西華。太康。扶溝。八屬。無論極次貧民。俱著展賑一個月。再開封。陳州。許州。光州等府州屬。上年雖勘不成災。而秋成祇有五分。現屆青黃不接。如有拮据貧民。亦著酌借口糧接濟。以待麥秋。該撫務董飭所屬。實力體察奉行。俾災氓均霑渥澤。以副朕惠愛黎元。春祺普錫之至意。該部即遵諭行。○又諭。上年山東兗。曹。濟寧等府

州屬雨澤愆期被旱成災。業經降旨賑卹。緩徵俾窮黎口食有資。不致失所。第念今春正賑已畢。青黃不接之時。誠恐民食不免拮据。著再加恩。將嶧縣。定陶。濮州。范縣。觀城。朝城。荷澤。聊城。莘縣。九州縣。並坐落衛地。被災七八分之極貧次貧。於例賑外。再展賑一月。以濟民食。其六分災之貧民。及勘不成災之德州。長清。新泰。萊蕪。東阿。東平。平陰。泗水。滕縣。陽穀。壽張。鉅野。鄆城。蘭山。郯城。費縣。蒙陰。沂水。堂邑。茌平。恩縣。益都。昌樂。壽光。昌邑。濰縣。金鄉。魚臺。嘉祥等二十九州縣。並坐落衛地。著該撫查明。實在無力農民。酌借一月口糧。以資接濟。至該省散賑需用米石甚多。即勘不成災各州縣。亦須借糶兼行。所有截留南漕二十萬一千餘石。尚恐不敷給發。又豆石一項。亦為民間口食所必需。著再加恩。將東省本年應行運通米豆。儘數截留。該撫務飭所屬實力妥辦。以副朕軫念窮黎。恩加無已。

之至意。該部即遵諭行。○又諭。上年山西省忻。代。定襄。等六州縣。被水成災。業經降旨照例給賑。並酌量借給口糧籽種。以濟民食。第念春耕肇始。青黃不接之時。民力不無拮据。著再加恩。將代州。五臺。崞縣。繁峙。忻州。定襄。等六州縣。乾隆五十年未完錢糧。並春借倉穀。緩至本年秋李徵收。又文水縣之西莊等三十三村莊。汾陽縣之瀟城等三十一村莊。雖據該撫查明。勘不成災。但業經被水恐難照舊輸將。所有乾隆五十年未完錢糧。均著緩至麥熟後徵收。以紓民力。該撫其督率所屬實心經理。以副朕軫念窮簷。有加無已之至意。該部即遵諭行。○壬子。世祖章皇帝忌辰。遣官祭孝陵。○上詣雍和宮行禮。○諭。上年直隸大名。順德等府屬雨澤愆期。被旱成災。又正定。冀州等州縣。因

漳沱等河上游盛漲。田禾間有被淹之處。業經降旨令該督分別蠲緩賑借。實力撫卹。俾無失所。第念春耕肇始。佈種翻犁。民力不無拮据。著再加恩。將被旱成災之大名。元城。開州。清豐。南樂。東明。長垣。平鄉。廣宗。併被水之冀州。藁城。衡水。新河。趙州。隆平。寧晉等十六州縣內之有地無力貧民。著該督按戶計畝。借給籽種。並著查明。借給一月口糧。俾資耕作。其勘不成災之正定。晉州。清苑。安州。望都。

蠡縣。高陽等七州縣。以及成災五分以下各村莊。有需酌借籽種口糧者。一併察看情形。分別辦理。至成災州縣內之無地無力乏食貧民。於停賑後。三月間再行摘賑一個月。以資生計。所有本年應徵新舊錢糧倉穀。俱緩至秋後開徵。以紓民力。該督其董率所屬。實力妥辦。務使災黎均霑渥澤。用普春祺。該部即遵諭行。○癸丑。享太廟。遣肅親王永錫恭代行禮。○遣官祭

太歲之神。○

上御紫光閣。賜蒙古王。貝勒。額駙。台吉。及喀爾喀。扎薩克。多羅郡王。土爾扈特。台吉。杜爾伯特。台吉。年班回部。並朝鮮國。琉球國。使臣等宴。○召大學士及內廷翰林等茶宴。以五福五代堂聯句。○甲寅。江南河道總督李奉翰奏。江蘇邳睢廳屬黃河北岸睢寧縣沈家湖地方。向產青蘆地二十五頃九十畝。乾隆四十五年後。兩經黃水。沙壓不能種蘆。請改種秫稻。自本年始。每畝輸稻二十束。仍令睢寧河營守備經營。責成邳睢同知運工。報聞。○乙卯。

上詣

大高殿行禮。○詣

安佑宮行禮。○幸圓明園。○丙辰。諭朕於二月初六日御經筵。所有應行典禮。著各該衙門照例豫備。○又諭。朕於二月十一日前往南苑。十五日進宮。所有應行豫備事宜。各該處

照例豫備。○戊午。諭朕於二月十八日起鑾恭謁

泰陵。

泰東陵。禮成後。由彼巡幸五臺。所有應行豫備一切事宜。著交各該處照例豫備。○己未。

上御奉三無私殿。賜皇子。皇孫。皇曾孫。諸王等宴。○諭軍機大臣等。本日據書麟覆奏定限

清釐荒地一摺。該省阜陽縣地方。荒田六十餘頃。節年僅報出三十餘頃。前經書麟奏請

寬限。設法清釐。朕以其事屬應辦。是以降旨

詢問。辦至幾年。方可畧有頭緒。繼思該省上

年被有旱災。收成歉薄。現在蠲賑兼施。閭閻

元氣未復。若遽行查辦荒地。恐民間轉不無

滋擾。是以昨於召見廣東巡撫孫士毅時。諭

令其於回任路過安省時。面見書麟。傳旨令

其暫行緩辦。今據書麟覆奏。接奉諭旨。酌量

設法清釐。請以五年為限。責成該府縣實力

妥辦等語。該撫以積年荒地。清釐不易。定以

五年之限。可以查辦無遺。為期亦屬從容。但安省甫被旱災。此時正在辦賑之時。即今年夏秋二熟。得獲豐收。稍資接濟。若即於本年起限墾荒。升科納賦。則災地人民。不免拮据。著傳諭書麟。此事且無庸急辦。俟至五十二年。再行起限。設法清釐。以期次第報墾。漸復舊額。亦不為遲也。○庚申。

上詣

安佑宮行禮。○御正大光明殿。賜朝正外藩等

宴。召喀喇沁親王品級多羅郡王喇特納錫

第。教漢多羅郡王齊默特噶瓦。固山貝子桑

濟扎勒奈曼多羅郡王拉旺喇布坦。土默特

多羅貝勒索諾木。巴勒珠爾。翁牛特多羅貝

勒濟克濟扎布。茂明安多羅貝勒丹丕勒。巴

林固山貝子薩木丕勒多爾濟。阿巴哈納爾

固山貝子達克丹朋素克。鄂爾多斯固山貝

子色旺喇什。布延泰。阿拉善和碩親王旺沁

班巴爾。喀爾喀固山貝子車登多爾濟。輔國

公伊什扎木楚。至御座前。賜酒成禮。○命順天府復行鄉飲酒禮。○

御製復行鄉飲酒禮詩曰。千叟昨年宴禁中。情敦養老擴而充。勅行京兆鄉飲酒。義宅熙朝首善風。佳政寧容廿年闕。賓筵適舉上元融。補笙詩并註宮徵。入雅心期引俚同。○諭。上年湖北安徽江蘇等省。被旱成災。屢經降旨。加恩賑卹。並為之籌酌調劑。令將四川江西米石。接濟各省。俾商販流通。以平市價而裕民食。各該督撫。均能仰體朕懷。督飭所屬。盡心經理。實力妥辦。甚屬可嘉。此內如李世傑。先行碾動常平倉穀。按照時價發糶。接濟災區。不分畛域。深得封疆大臣之體。書麟。於各屬應行放賑時。輕騎減從。比戶親查。災氓得以均霑實惠。殊堪嘉獎。李世傑。書麟。著交部從優議敘。舒常。特成額。閔鶚元。吳垣。俱著交部議敘。

大清高宗法天隆運至誠先覺體元立極敷文奮武孝慈神聖純皇帝實錄卷之一千二百四十六

大清高宗法天隆運至誠先覺體元立極敷文奮武孝慈神聖純皇帝實錄卷之一千二百四十七

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次日廣達  
總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務世襲騎都尉軍功加十九級隨帶加二級又加二級軍功內大臣戶部尚書鑲藍旗滿洲都統軍功紀錄五次尋常紀錄十四次臣德瑛經筵講官太子少保工部尚書紀錄六次臣曹振鏞等奉  
敕修

乾隆五十一年丙午正月辛酉。

上御正大光明殿。賜大學士尚書等宴。○諭軍機大臣等。上年山東。河南。江蘇。安徽。浙江。湖北等省。因有災賑。截存漕米甚多。本年山東。河南等省。亦俱有截留糧米。兼有輪免省分。應行停運者。所有各省新漕。及江西省搭運上年漕米。實應運抵通倉。共有若干萬石。著傳諭毓奇。通盤覈算。查明確數。即行具奏。○又諭。清口東西壩。朕從前南巡。親臨閱視。所定水誌。原為平時湖水滿足而設。至蓄洩機

宜。理應隨時通變。視湖水長落尺寸。以定折收分數。如遇湖水盛漲。則亟應折展。以資宣洩。湖水消落。則口門收束一丈。湖水即得一丈之益。操縱在人。節宣有制。最為良法。前年九月以後。湖水日漸消落。薩載。李奉翰。即應將清口兩壩。酌量倍加收束。豫為蓄水地步。乃意存惜費。並不攔截收蓄。以致清水益弱。黃水倒灌。停沙梗阻。運道竟成淤淺。不得已將湖水築壩閉住。借黃濟運。乃係一時權宜。可一不可再之舉。此皆薩載。李奉翰。因循貽誤。屢降諭旨甚明。今清口東西壩。既經酌量移建。並將口門。按照高堰誌椿。酌定收束尺寸。現在洪湖清水。已據該督等具奏。蓄至四尺二寸。日來是否續有增長。所蓄清水。較黃水高有若干。重運經臨。啟壩放水時。能否足以衝刷淤沙。敵黃濟運。著傳諭薩載等。即將現在情形。據實詳悉覆奏。至將來湖水長落。該督等務須隨時察看。一遇清水漸消。即應

將口門收窄。以資儲蓄。毋再惜費貽誤。將此由四百里傳諭知之。尋奏。開放太平河。分注清水入運。已將一月。高堰誌椿。仍存水四尺二寸。未見消落。通湖引河以外。至臨黃處。前經逐一測量。河稍高仰處。業挑成建瓴之勢。所蓄清水。現高黃水二尺五寸。重運經臨。開放通湖五道引河。足衝刷淤沙。敵黃濟運。報聞。○又諭。據浦霖奏。拏獲河南柘城縣王金等。糾衆不法。案內逸犯張永。審明正法一摺。已批交該部知道矣。張永供稱。與河南民人楊先。山西陽城縣人王衛。山西高平縣人王福。同住祥符楊橋口地方。係王衛等帶見李三。轉見王姓。糾約入夥搶刦。其李三。王姓。堅供實不知名等語。該犯所供王姓。或即係此案已經正法之王金。王立山。族黨。亦未可定。至逸犯楊先等。黨惡搶奪。抗拒官兵。情罪重大。著傳諭各該撫等。嚴飭所屬實力躡緝。務期弋獲。以正刑誅。毋使一名漏網。○以吏部

右侍郎彭元瑞。為禮部尚書。宗人府府丞寶光。竊為吏部右侍郎。內閣侍讀學士曹學閔。為宗人府府丞。○壬戌。諭朕此次恭謁西陵。就近巡幸五臺。著怡親王質郡王大學士阿桂。嵇璜。留京辦事。至迴蹕日期。不過月餘。所有月選官。文職知縣以上。武職守備以上。俱候朕迴鑾。帶領引見。其餘俱照向例。著王大臣驗放。其各省應進奏摺。俱著齎赴行在投遞。該部通行傳諭知之。○癸亥。諭曰。寶光。鼐著仍留浙江學政之任。所有吏部右侍郎事務。著李綬暫行兼署。○乙丑。閩浙總督雅德奏。浙江杭嘉湖三府屬。因上秋收歉米貴。經奏明先撥福建福州。興化。泉州。福寧。四府屬倉穀十萬石。招浙商買運糶濟。如數運臺。灣穀歸還在案。茲屆青黃不接。浙江三府屬倉糧糶缺。請再撥臺灣府縣倉穀十萬石。每石定價六錢。令浙商在浙交銀。給照赴運。運費聽商自給。商交穀價。由浙解貯臺灣府庫。



秋收後。酌買還款。得旨。如所請行。○丙寅。諭朕於五月駐蹕避暑山莊。御前乾清門行走之蒙古王公等。俱來接駕。此內相距地方。遠近不等。如喀喇沁王喇特納錫第。游牧較近。自應前來迎接。其游牧隔遠。行走需半月者。往返勞費。嗣後七月間該班人等。內有事屆期不能來者。聽其五月先來朝覲。餘俱按期前來。不必五月至喀喇河屯接駕。今年有閏七月。即令於閏七月二十日前。來避暑山莊。著該院曉諭各盟長等。以示朕軫恤蒙古奴僕之至意。○又諭曰。普福著馳驛前往西寧辦事。更換福祿來京。理藩院侍郎事務。著勒保兼署。○吏部帶領三品京堂宗人府府丞曹學閔等十一員引見。得旨。肅。普洞。阿著休致。餘著照舊供職。○又帶領王大臣京察驗看之四五品京堂翰林院侍讀學士陸伯焜等四十一員引見。得旨。陸伯焜。鐵保。吳璥。慶齡。童鳳三。扎郎。阿。覺羅吉善。李廷欽。俱准其

一等。賚圖哈齡。昌。戴第元。福志。誠速。沈琳。或年老有疾。或才具平常。俱著休致。餘依議。○丁卯。諭曰。三阿哥之子綿懿著晉封貝勒。其出府事宜。著交內務府總管。照例辦理具奏。○又諭。今年京察屆期。吏部開列在京各部院三品以上大臣。奏請甄別一本。向來大學士例不開列。第念大學士阿桂等。或襄贊綸扉。或兼統部務。均能懋著勤勞。敬公稱職。宜加優敘。以昭恩眷。阿桂。嵇璜。伍彌泰。梁國治。俱著交部議敘。協辦大學士尚書和珅。劉墉。尚書曹文植。彭元瑞。王杰。金簡。留保住。左都御史阿揚阿。署尚書侍郎福長。著侍郎董誥宣力中外。均能勤慎稱職。宜加優獎。俱著交部議敘。其禮部侍郎莊存與。內閣學士塔彭阿。伯興。年力就衰。難以供職。均予原品休致。餘著照舊供職。○又諭。今年京察屆期。吏部將各省督撫開列名單進呈。請旨甄別。總督劉我。福康安。富勒渾。李世傑。河道總督蘭第

錫漕運總督毓奇巡撫閔鶚元畢沅孫士毅劉秉恬均宣力封疆。克稱厥職。著交部議敘。餘著照舊供職。○諭軍機大臣等。據富勒渾奏。饒平縣在界連閩省之黃岡地方。盤獲妄佈邪言。吳國一犯。搜有刷印字跡板片。上刻南肇道人示勸字樣。中間刊符一道。並有五官下凡。不信者行逢災難語句。訊據該犯供稱。係閩省刻字匠林忠刻造。現在飛咨查辦等語。該犯膽敢妄託神祇。造作符籙。倡言禍福。播散惑眾。甚屬可惡。著富勒渾即行嚴審定擬。其所刻南肇道人示勸符籙。上有江西廣信府天師曉諭字樣。除就近詢問正一真人張起隆外。著傳諭何裕城嚴切根究。板片是否係廣信府刊刻。曾否傳播。並查南肇道人實係何人名號。有無夥黨。一併查拏審辦具奏。至此項不法字跡。刻自閩省。且據該犯供稱。係上年九月刊刻印賣。閩省流傳必多。並著傳諭雅德。徐嗣曾。督飭該道府等。嚴切

查拏審辦。據實覆奏。又思所稱南肇道人。或係肇慶府之人。隱名為之。富勒渾亦應留心物色。將此由五百里各傳諭知之。○又諭。昨據浦霖奏。逃遣向忠夏。即向占貴。年籍不符。請查明以便跟緝一摺。因交刑部詳查速奏。茲據該部查奏。乾隆四十八年。據四川總督李世傑咨報。自首逃兵向忠夏一名。原籍係湖南寶慶府人。現年二十九歲。因自首免死。發伊犁為奴。嗣於五十年。在伊犁脫逃。據該將軍咨報。該犯籍貫年貌。亦與川省咨部時相同。今據浦霖奏。檢查四十三年。川省移送逃兵冊內。開載向忠夏係湖北黃州府人。年三十五歲。與伊犁咨報不符。自係川督從前移送湖南省冊內。開寫錯誤等語。向忠夏係金川逃兵。因自首免死。發往伊犁為奴。復敢在配脫逃。殊屬可惡。必須拏獲。辦理何以川省前後咨緝冊內。開載該犯籍貫年貌。互相歧異。著傳諭李世傑。即速查明逃遣向忠夏

原籍。究係何省。年歲若干。徑行移咨楚省。嚴緝務獲。仍將開報錯誤之處。一併查明。速奏刑部。摺著發交閱看。○吏部帶領京察保送一等之內閣侍讀學士富崑等二百八十四員。引見。得旨。富崑。李學錦。蔡廷衡。黃軒。俱准一等。西精額。圖畢赫。隆興。方大川。達年。雙慶。富勒赫。那淇。永啟。景昌。富克進。愛星阿。常明。揆文。阿霖。傅勒赫。潘奕雋。顧宗泰。沈琨。吳樹萱。隆善。富勒善。佛住。瑚唐阿。薩喇善。富倫達。舒祿。宗室吉爾通阿。宗室廣敏。宗室玉慶。宗室伊冲阿。宗室雅爾通額。宗室明繩。宗室多善。張敦培。宗室蹈福。富勒理。齊克慎。恒寧。金汝珪。李鏡圖。宜經額。覺羅哈豐阿。福克精阿。阿爾景阿。德興。承熙。經文。良柱。圖桑阿。包懷。崔修紳。沈丙。李鉉。和寧。吉陞保。圖桑阿。安盛額。李廷敬。雷輪。慶元。阿克棟阿。福昂。鄭安詳。富陞額。圖明阿。保住。查郎阿。俸祿保。存住。關明。多隆阿。常善。持廉。常齡。觀麟。薩炳阿。六十

九。秀林。覺羅恒慶。成林。和騰額。覺羅體德。德超。玉麟。明安。德文。德明額。扎拉豐阿。賡音布。甘立德。嵩慶。岳興阿。常格。覺羅德興。舒山。舒昇阿。濟蘭。海福。王慶奎。富盛。福至。福慶。百慶。奇明。徐長發。阿彰阿。那郎阿。福重。和精額。王錕。穆爾薩理。白琳。景善。長齡。福德。福昌。福炳。赫本。蘇蘇爾通阿。覺羅麟祥。明安。泰。懷謙。五格。明祿。祥林。牆見。羹。陸瑗。范鰲。張華甫。姜開陽。李大翰。同興。德敏。塘瑞。楊芳春。清安。泰。伍爾恭阿。那綰。覺羅德銘。希明。舒進。公義。武陵岱。德寧。特通阿。伽藍保。五英阿。長春保。老格。羅山。永保。德昌。恩慶。重安。邱文愷。王慶長。和琳。廣厚。恭安。薩克素。高齡。覺羅福壽保。覺羅永興。海洪阿。慶安。慶城。富色。賀。穆英。福來。柏潢。榮德。全福。湛露。特克慎。奎舒。常齡。貢。楚克扎布。臨保。奎保。四達色。雙德。景昌。豐盛。額。安福。溫都遜。永善。佛爾卿額。佟福。覺羅麟喜。評德。宗室祿康。阿爾呼達。馮墳。李翮。潘曾起。圖

敏和齡。王廷瑛。峻鳴達。冲阿。富爾德赫。盛露。  
英保。文溥。武什杭阿。安福。陳昌圖。宗室僧保。  
佳。德成。孟生。蕙德賓。訥清額。伯岱。隆安。八忠。  
阿。伊精阿。扎拉芬。鄂祺。陞額圖。馬廷模。劉種。  
之。俞大猷。曹城。汪如藻。戴均元。五泰。孫玉庭。  
善寶。庫蒙額。赫倫泰。允德。明啟。張曾效。倭什。  
洪額。巴彥布。本善。富保。多永武。永良。博爾多。  
福興。覺羅和泰。那沛。文通。官亮。台澤布。彩柱。  
慶格。果興阿。德慶。圖敏。張景運。景木。通阿。  
虞友光。楊桑阿。田起莘。伊克坦布。明泰。何廷。

璣。金廣義。德靈阿。伊存。和隆武。鄂雲布。赫保。  
泰。費音。毓通。克蒙額。書勲。巴尼泰。科布通武。  
覺羅百善。陳守詒。鄭成基。馬雲龍。那蘇圖。善。  
保。俱准其一等加一級。員承寧。准其於教習。  
七品官任內一等加一級。○戊辰。

孝聖憲皇后忌辰。遣官祭。

泰東陵。○己巳。諭曰。工部覈議薩載等覆奏。東。  
省大挑運河工程。開報大沙礮情形。與原奏。

及原冊不符。仍駁令刪減一摺。固屬照例辦。  
理。第念東省運河。此次大挑。以五尺為度。必。  
須將老底一律挑深。非如往年挑挖。僅止數。  
寸尺餘者可比。而大泛口等處。每遇山水陡。  
發。急溜奔駛。沙去礮留。亦屬事理應有。該督。  
等所奏。自係實在情形。所有此次開報大沙。  
礮。多用銀一萬零四百餘兩。著如恩准其開。  
銷。嗣後不准援以為例。○京察本年各部院。  
等衙門滿漢各員。年老官六員。有疾官八員。

才力不及官三員。分別處分如例。○陝西巡。  
撫永保奏。上年因廣東巡撫孫士毅奏。該省。  
州縣有墊解民欠情弊。奉旨令各省督撫一。  
體查奏。查陝西民風醇樸。額賦俱年清年款。  
地方官無墊解情弊。惟常社二倉米穀積欠。  
不能如數通完。現飭藩司道府確查各屬欠。  
數。分別立限催徵。得旨實力妥為之。○以署。  
鑲黃旗蒙古副都統達明阿為鑲紅旗蒙古。  
副都統。庚午諭曰。淑慎公主薨逝。其所居。

房間。既已空閒。著賞給價銀一千兩。將房入官。賞給三阿哥之子貝勒綿懿居住。如有應行修理之處。著交總辦工程處。量加修理。○又諭曰。何裕城奏。江西省市糧價值。近日稍昂。由江楚商民。販運過多所致等語。上年江楚等省。被旱成災。收成歉薄。全賴隣省米糧接濟。商民均向江西。四川等省。販運糧石。以資口食。費朕許多苦心。節次降旨。令各該省督撫。實力經理。設法調劑。務俾商販流通。不致稍有阻遏。方為妥善。今何裕城。因該省糧價加增。歸咎於商民販運過多。是意存遏糴。此何言耶。民間遇有災歉。自應以此省之有餘。補彼省之不足。為督撫者。皆當以民食為心。不分此疆彼界。籌辦得宜。俾得均勻接濟。且隣省到境採買。小民等得價售賣。可霑餘潤。尚不應稍有居奇。何況封疆大臣。迺竟存彼此之見耶。前據李世傑奏。因商販赴川。即碾動常平倉穀應糶。所辦甚合機宜。又據舒

常奏。江楚等省商民。赴該處販買米石。官為照料。令其迅速運回。該督撫等。皆能無分畛域。辦理妥協。是以將該督撫等議敘。何裕城。甫經到任。何以即有商販過多之慮。甚屬非是。何裕城。著飭行。○又諭曰。哈密辦事大臣。廣福病故。員缺。著派范建中。馳驛前往。協同巴延三辦理。○諭軍機大臣等。據薩載等奏。凌汛已過。各處工程水勢情形。一摺。內稱。邳宿運河。上年挑浚之後。汶河。沂河。入運各水口。并王母山。砂礮溜等處。係屬古淺。仍有浮沙流積等語。上年運河大挑工程。以五尺為度。將老底一律挑深。工鉅費繁。非如往年挑挖。僅止數寸尺餘者可比。是以該督撫等。於東省題銷土方冊內。一律開報大沙礮。經工部節次議駁。朕格外加恩。降旨准其開銷。今王母山等處。甫經上年挑浚之後。仍有浮沙流積。則是估辦挑挖。仍係虛應故事。若砂礮挑後復存。又何必大興工作。徒滋糜費耶。該

督等所辦。殊屬不成事體。著據實覆奏。至該督等從前奏准。於邳宿運河。貓兒窩以下。添建石閘二座。收蓄水勢。上年因建閘遲緩。以致水無擎托。不敷浮送重運。今二閘已經建成。是否於束水有益。若因運中河一帶路長。河水流行迅駛。兩閘仍不足擎蓄。該督等不妨將實在情形奏明。於兩閘之外。再行酌量添建一兩閘。以資收蓄。但不可又蹈覆轍。辦理遲延。致滋貽誤也。將此由四百里諭令知之。

尋奏。邳宿一帶運河。上年大挑。係中泓老底。現在深通。惟汶河。沂河。入運各口。並王母山。沙礮溜等處。水過即流。沙停積。是以乘新沙顯露時。派員挑淨。以待重運。工僅十餘段。不敢糜費。至運中河。邳州境。原有河清。河定。河成。三閘。宿遷境。上年於貓兒窩迤下。添建二石閘。於束水已屬有益。但今歲山東尚未放水。俟來水鋪足時。再加察看。如河流迅駛。兩閘尚不足擎蓄。奏明添建。報聞。○又諭。據

何裕城奏。江西省市糧價值稍昂。皆由江楚商民販運過多所致等語。意存畛域。殊非封疆大臣之體。業經明降諭旨。飭行矣。至摺內所稱酌糶常平倉穀。以裕民食一節。前據李世傑奏。因商販赴川。即碾動常平倉穀。發糶接濟。甚合事宜。今江西省糧價稍昂。該撫酌籌調劑。何不即將常平倉穀。出糶鄰省。所有糶價。即存貯藩庫。以備將來價賤時。買補歸倉。似此一轉移間。則鄰省既得資接濟。而市

價亦不致昂貴。何裕城何計不及此耶。著傳諭該撫。嗣後務須遵照妥辦。不得仍存畛域之見。○安徽巡撫書麟奏。安徽上年秋災各屬。現值青黃不接。米價自二兩至三兩四五錢不等。照平糶定例。多不過減價三錢。糧價最昂處。民食仍艱。請將米價自二兩五錢至三兩者。每石減三錢。三兩一錢上。減四錢。三兩三錢上。減五錢。糶價解貯司庫。秋成後。發各屬買糧還倉。得旨。自應如此。○辛未諭曰。

御前侍衛副都統阿彌達著馳驛前往江南清口一帶致祭

河神○又諭此次京察一等加圈人員著交各該堂官將各員是否堪勝外任及應留之處各出具考語交吏部照例帶領引見 諭軍機大臣等據四德奏蘇州府城於正月初六日得雪四寸同日據長麟奏蘇城得雪四寸附近各州縣亦經具報得雪三四寸不等未見閔鶚元奏報自因該撫現往淮徐一帶

查賑距蘇稍遠是以尚未奏聞昨又據薩載由驛具奏元和長洲吳縣常熟昭文崑山新陽陽湖宜興荆溪東臺寶應崇明如皋等縣於正月初六日得雪二三四寸不等等語淮徐一帶未經該督奏報得雪想來初六之雪惟蘇城較為優渥往北即覺稍減而淮徐竟未得同霑該處為上年被旱之區盼澤尤殷朕心深為懸注著傳諭薩載閔鶚元即查明淮徐等處近日曾否普被恩膏麥苗能否一

律長發迅速覆奏以慰厯念 又諭現屆春和正清口啟壩放水之時必須各處雨水充足來源旺盛匯注洪湖啟放時方能刷沙濟運而土膏脈動東作方興凡我農民情殷望澤宜申告祭以冀仰邀

神佑現派御前侍衛副都統阿彌達恭齋御香前往陶莊清口兩處

河神

惠濟祠

淮瀆

風神廟及龜山之

淮瀆廟共六處虔誠致祭著傳諭薩載李奉翰不必疑朕或派員查工心存惶惑惟當豫備祭品俟阿彌達到時一同虔誠行禮齋心默禱以迓

神庥上年淮徐一帶旱暵異常屢祈不應由該督等不能虔誠所致至湖水曾否啟壩宣放現在有無續長啟放時能否衝刷淤沙著

傳諭薩載等。先將現在情形據實詳悉奏聞。俟阿彌達到彼。再行會同履勘。回京覆奏。將此由五百里諭令知之。○又諭曰。工部議覆蘭第錫等覆奏。乾隆四十四年。儀封大工案內。豫備四十五年。歲麻浮多一摺。已依議行矣。內稱豫省河工則例。開載鑲墊工程。每長一丈。高一丈。止用秫稽三百八十束。土五方。並無開用礮麻之例。歷來辦理已久。今據該督等奏稱。騎馬麻繩。向來歸於秫稽夫工內造報。總不出每單長一丈。用銀一兩一錢六釐之數。並未將每丈用麻若干。及應扣抵秫稽若干之處。詳晰聲明。仍難覈辦等語。所奏自為近理。該省歷來鑲墊工程。並無開用礮麻之例。自雍正十三年以來。歷任經管河道之督撫等。均係按例報銷。從無聲明應行多用礮麻之案。何以此次降旨詢問後。始據蘭第錫等奏稱。此項騎馬麻繩。歷來歸於秫稽夫工內造報。並請嗣後埽工加鑲。將用過麻

繩。據實開報。而於加鑲每丈應用麻若干。及應扣抵秫稽若干之處。又未詳晰聲明。部中無從覈辦。著傳諭蘭第錫畢沅。再行詳查。據實具奏。或工員等有冒銷弊混之處。即指名查叅。蘭第錫等不可為之迴護也。工部摺著鈔寄閱看。○壬申。實授積善為正紅旗蒙古副都統。○癸酉。

上還宮。○吏部議覆御史梁景陽奏。稱翰詹大考。改補主事人員。吏部以無班可歸。俱歸雙單月五缺後。選一人查主事選法內。雙單月學習進士。現空一班。請照庶吉士散館改部例。先令掣部行走。俟學習進士到班。照例抵選。又各項小京官。惟內閣中書。另班內外陞用。餘或兼用外陞。或專班京陞。辦理參差。請照內閣中書。六年甄別。引見內陞者。仍歸京陞本班。外陞者。照主事京外輪陞例。分別陞用。應如所請。嗣後大考。改部翰詹。准作正班。將從前雙單月選法內。學習進士一人。按翰



詹原考名次抵補一人未補時仍准分部行走無庸給俸勤習部務者該堂官隨時甄別留部與各項留部人員較奏留奉旨日期先後補用至小京官應陞主事人員共十九項內應陞主事兼陞同知者八項專陞主事者十一項舊例參差誠未平允請嗣後除內外兼陞之京縣知縣兵馬司指揮專陞內任之欽天監五官正軍軍秋官正均照舊例陞用外其專陞主事之部寺司務太常寺典簿通政司經歷知事國子監監丞博士助教漢軍中書漢軍太常寺博士令與舊例論俸推陞同知之大理寺評事太常寺博士中書科中書光祿寺署正鑾儀衛經歷內閣漢軍典籍共為一班照內閣中書例六年期滿吏部行文截取令該堂官分別內用外用出具考語送部帶領引見記名內用者歸京陞本班陞用外用者照內閣中書截取外用例較奉旨日期另立一班歸雙月五缺後以同知通判

按缺兼用從之○甲戌諭軍機大臣等據奎林奏稱伊犁索倫兵內年壯閑散餘丁甚少遇有缺出現將幼丁一并挑取除本處駐卡及派往塔爾巴哈台換班外不敷撥用俟臨時再為通融辦理等語前此應撥喀什噶爾兵二百名奎林業經如數派往塔爾巴哈台戍兵又未撤回伊犁所餘索倫兵自必短少且照料該部落戶口牧場等務在在需人自不能再行出派所有應添撥喀什噶爾兵六百名此時如已拏獲燕起即不必派撥如尚未弋獲喀什噶爾必須添兵即於錫伯察哈爾厄魯特兵內如數派往○又諭據毓奇覆奏本年應運通漕數目一摺尚未明晰各省起運正供本年因災蠲緩雖比較每年定額共短少一百八十二萬八千餘石而例應起運之正耗漕白米尚有二百七十九萬七千石零若令歲雨暘時若河水充足自當全數趲挽抵通但閱該督摺內奏稱現督飭各省

糧道。慎選乾潔好米。受兌來。准盤驗等語。上年江浙等省。俱被有偏災。其所收米色。自不能如向年之乾潔。毓奇寧不知之。前據福崧奏。浙省海寧等州縣。漕糧請紅白兼收。私稂並納。朕以該撫所奏。自係實在情形。當即批允。豈毓奇亦未接准福崧咨會。而尚有此慎選好米之奏。殊未明晰。著傳諭該督。於各省漕糧受兌。人抵淮盤驗時。如果有攙襍潮濕等弊。自應查明辦理。其米色稍減。及顆粒未能純淨。尚可備供支放者。即當免收盤放。不必過事苛求。以示朕體恤災區至意。○又諭據雅德奏。福建水師提督黃仕簡。自上年失跌。染患風疾。乍痊乍發。心神恍惚。氣體虛弱。一時恐難全愈。已委福寧鎮總兵何俊前往廈門。幫辦水師提督事務。並據該提督具奏患病情形。懇請解任調理。各等語。黃仕簡久任水師提督。經理妥協。而查辦臺灣械關一案。尤著勞績。方資倚任。今因失跌染患風疾。

朕心深為廬念。著賞給人獲二觔高麗清心丸二十九。御用大荷包一對。小荷包二對。用示恩眷。並諭令該提督。加意調攝。不必開缺。以冀就痊。至該提督宣力年久。偶患風疾。固不忍即令解任開缺。但海疆重地。關係緊要。若該提督在任綜理營務。仍不免勞動精神。朕心更有所不忍。現在雅德已委何俊前往代辦水師提督事務。廈門距漳州不遠。該提督自揣於病勢有益。不妨與雅德商酌。竟行回籍調理。即令何俊暫署提督事務。現已傳諭薩載。令伊子黃秉淳。速回閩省看視。俾得朝夕侍養。俟伊父病痊。再行回任。黃仕簡聞之。自當慰喜也。將此由五百里諭令知之。並著雅德將該提督近來病勢如何。曾否痊愈。迅速覆奏。以慰懸注。○又諭本日據黃仕簡奏。在廈門公署。染患風疾。精神恍惚。氣力大不如前。請簡員接任。得以回籍醫治等語。已降旨賞給人獲荷包等物。令其安心調養。無

庸開缺矣。伊子黃秉淳現任江南狼山鎮總兵。著傳諭薩載即令該鎮迅速回閩。省視伊父。俟病勢痊可再行回任。所有狼山鎮總兵員缺著薩載遴員署理。吏部等部議覆。閩浙總督雅德等奏稱閩省海口出入船隻前經調任總督富勒渾等奏請將福寧府通判改駐蚶江口。臺灣府理番同知移駐鹿仔港。稽查驗放。所有一切未盡事宜應加籌定。一。蚶江附近之鴻江。安海。圍頭。永寧等澳應隸該通判管轄。除居民命盜重案仍歸晉江縣審解外其餘戶婚田土等項均就近訊結。並兼司督捕該管各澳海洋失事叅處。一。蚶江濱臨大海此外日湖祥芝古浮東店厝上等澳迫近外洋向歸鷓鴣司巡檢分管該巡檢原隸晉江今蚶江既設駐通判應改歸管轄。一。蚶江通判額設皂快僅二十九名請於惠安縣民壯內撥添民壯二十名。一。理番同知移駐鹿仔港海口地方請令其就近管轄。彰

化縣所轄海洋事件及命盜等案俱令該縣詳報該同知查覈均應如所請從之。以故和碩裕親王廣祿子輔國將軍亮煥照例襲封郡王。○是月兩江總督薩載等奏江蘇淮安清江一帶因洪湖儀徵三汊河等處築壩蓄水備運米商不到市價日昂查安徽各州縣應運回截卸江西漕糧尚剩二萬餘石兌泊山陽清河二縣境請留此米平糶接濟將糶價歸江西省採買搭運得旨如所議速行。○湖廣總督特成額奏湖北宜昌府屬之鶴峯州水田甚少常平倉向貯包穀粟穀二千三百九十餘石乾隆四十年前撫陳輝祖奏明將有漕而倉穀充盈之江夏等縣附貯糶缺穀價分發隨州等州縣買穀貯倉。鶴峯州酌增糶穀七千六百餘石迄今僅買三千五百石餘未領買查該州不通舟楫改買本地包穀性難久貯且合計新舊貯穀已六十有奇請將未買糶穀停止價存司庫前請添建

倉廩無庸估建。報聞。○又奏。湖北衛昌營坐落苗疆。產稻甚少。歲需兵米。除春夏二季。撥江陵等縣南米供支外。秋季將鶴峯。長樂。二州縣官穀碾供。不敷。該二州縣。每石領價七錢買供。冬季。按每石七錢價。折銀給兵自買。乾隆元年。前署督臣史貽直。因兵買維艱。題明每石。寬給銀三錢。俟五年後。田墾米多。仍照七錢原額折給。嗣後五年一題。迄今五十一年。俱因米貴。未復原額。現查米價仍昂。與其存待復原額虛名。不若將寬給折色。賞為定額。於公項內動支。得旨。允行。

實錄卷一百一十五

三

大清高宗法天隆運至誠先覺體元立極敷文奮武孝慈神聖純皇帝實錄卷之一千二百四十七

實錄卷一百一十五

庚

大清高宗法天隆運至誠先覺體元立極敷文奮武孝慈神聖純皇帝實錄卷之一千二百四十八

監修總裁官總纂官太子太傅文淵閣大學士文淵閣領事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功七級隨帶加一級尋常加二級軍功紀錄一次慶桂

總裁官總纂官太子太傅文淵閣大學士文淵閣領事稽察欽奉 上諭事件處管理刑部戶部三庫事務

世襲騎都尉軍功九級隨帶加二級又加二級尋常加二級軍功紀錄五次

尋常紀錄十四次臣德瑛總纂官太子少保內閣書紀錄六次臣曹振鏞等奉

敕修

乾隆五十一年丙午二月乙亥朔遣官祭

平定公三十一

關帝廟○是日起

上以祭

社稷壇齋戒三日○丙子遣官祭昭忠祠○諭

曰吏部議請州縣以上官員病痊及親老終

養服滿引見照例用者均不准其捐免坐補

原缺一摺所議甚是此等人員引見時朕看

其才具較優者即降旨以原官補用本無庸

坐補原缺如其人才具平常乃令其照例坐

補原缺已為甄別矣若降旨照例坐補之員

仍准其捐免坐補又何庸於引見時朕之悉

加甄別乎其佐貳雜職等官本係微員非正

印可比其有終養親老服滿及病痊起用者

向來例不引見應仍准其照例捐免坐補原

缺吏部摺著如所議行○又諭曰劉莪奏審

擬茂倫重犯常王氏一摺內有該州許牧公

出及靜海縣劉令過境字樣此等於外省申

詳文內則可至聲敘入奏自當出名乃該督

竟以許牧劉令等字樣繕入摺內殊失敬謹

平定公三十一

對君之體若於本內即應飭行議處今該督

於摺奏事件一任庸幕濫將原詳聲敘殊屬

非是劉莪著申飭並通諭各督撫於應奏事

件俱留心檢點毋得率忽以致文義舛謬○

禮部題朝鮮國王李祘遣使表賀

萬壽冬至元旦三大節及進歲貢方物賞賚筵

宴如例○琉球國中山王尚穆遣使表貢方

物賞賚筵宴如例○丁丑祭

先師孔子遣協辦大學士劉墉行禮○諭軍

機大臣等。據福海奏。淮安地方。入春以來。二麥雖出土長發。而晴霽日久。待澤滋培。現在設壇祈禱等語。看來淮徐一帶。入春以來。未得雨雪。望澤甚殷。該處上年被旱日久。土脉乾燥。非如京畿去歲雨水調勻。地土滋潤。入冬又連得雪二次。現在雖未得雨雪。尚堪稍待者。可也。若淮安等處。此時再不得透雨。麥苗何以滋培長發。朕心深為懸注。該督等目擊情形。自當虔誠思過。竭力祈禱。並延能祈雨澤之人。設法虔求。方能仰邀澍澤。該督等前奏地方雨雪。甚屬含混。殊非仰體朕軫念民依之意。著傳諭薩載。閔鶚元。務須蠲潔誠求。齋心籲禱。以冀甘霖速霑。並將各屬曾否得有雨澤之處。迅速覆奏。至山東各屬。雖據明興奏報。於正月初六日得雪。看來亦未深透。而河南安徽湖北等省。入春以來。俱未見各該督撫奏報得有雨雪。是各該省均不免望澤。今年此數省之望澤。不比常年也。著傳

諭特成額。畢沅。書麟。明興。吳垣。各將現在麥苗情形。及曾否得有雨雪之處。迅速覆奏。以慰廑念。將此由五百里各傳諭知之。○又諭前據富勒渾奏。饒平縣盤獲妄佈邪言吳國一犯。搜有刷印字跡板片。上刻南肇道人示勸。中間刻符一道。有江西廣信府天師曉諭字樣。據該犯供稱。係閩省刻字匠林忠刻造。現在飛咨查辦等語。已傳諭富勒渾嚴行審辦。並令雅德。何裕城等。一體飭屬查拏矣。該犯妄託神祇。造作符錄。傳播惑眾。甚屬可惡。所刻南肇道人示勸文。雖據供稱。刻自閩省。恐係支飾之詞。未可憑信。其南肇道人。或即係廣東南雄肇慶等處之人。隱名為之。託詞於福建江西傳刻。冀圖事發無從根究。亦未可定。著傳諭孫士毅。抵任後。嚴飭所屬。留心查察。毋使倡教匪徒。得以隱名潛匿。○戊寅祭

大社。

大稷。

上親詣行禮。○詣

大高殿行禮。○已卯。

上御太和殿視朝。文武陞轉各官謝恩。○諭曰。永珊賠補銀九千餘兩。俱係伊父弘景時應賠之項。與伊既係無干。今尚有未完銀六千餘兩。永珊由俸坐扣之處。著加恩寬免。○諭軍機大臣等。據雅德奏。接臺灣道永福稟報。淡水同知潘凱。因赴貓裏社相驗命案。回至中途。被人殺死。并殺死跟從十餘人。頭顱俱行割去。現已飭委臬司李永祺。帶領幹員。即日起程。前往淡水會同該鎮道查拏兇犯。並據黃仕簡奏。雖風疾未愈。一聞稟報。立即帶兵渡臺。前往督同查拏。勦辦各等語。本日朕聞有雅德、黃仕簡。五百里奏報。恐係黃仕簡病勢加劇。深為軫惻。及披閱奏摺。乃係此事。轉覺慰幸。但官員竟被殺害。不法已極。不可不嚴加究治。如係刁民謀害。裝點生番形跡。

即嚴拏首從各犯務獲。嚴審確情。立正刑誅。毋使一名漏網。若係生番所殺。即帶兵搜捕。速拏正犯嚴辦。以儆兇頑。黃仕簡一聞信息。力疾前往。甚屬奮勉。可嘉。但伊風疾尚未全痊。且臺灣遠隔重洋。未免更增勞頓。該提督於正月望間。若已動身。則已。若此刻尚在探聽。未及起程。接奉此旨。即不必前往在署督辦。以資調攝也。至廈門水師提督。前據雅德飭委福寧鎮總兵何俊。前往幫辦。究屬生手。臺灣鎮總兵柴大紀。因其才具平常。是以簡調總兵陸廷柱。該鎮尚未到臺。若辦理未能妥協。轉覺不成事體。著傳諭雅德。前往廈門駐劄。就近督辦。至此案該督已派委臬司李永祺。前往審辦。如果係刁民謀害。自當盡法懲治。但恐該廳或另有婪索別情。以致激成事端。亦未可定。並著雅德飭知李永祺。徹底根究。據實呈報。毋得稍存諱飾。將此由六百里加緊諭令知之。並著將查辦情形。迅速覆

奏。李永祺亦有奏事之職。在臺所辦一切情形。即當速奏。一面報該督。不可遲誤也。○吏部帶領京察二三等官。年六十五歲以上之內閣侍讀學士明祿等六十六員。引見。得旨。明祿。明泰。五靈阿。吉夢熊。韋謙恒。玉麟。依蘭泰。西平。賦泰。福克進。覺羅拴住。素卜。東阿。永清。慶安。邁蘭。武隆。額良成。睦騰。額富成。額何廷璿。圖拉。哈拉爾岱。覺羅五明阿。富森布。福保。李世裕。伍正額。文祿。豐盛阿。赫敏。順海。察郎阿。栢齡阿。岱保住。宗室蘇成。額快亮。覺羅都爾松阿。富勒賀。伊靈阿。高謙。張烈。韋馱保。阿麟。蘇爾德。沈鎧。黑達色。保住。巴金泰。佟泰。額倫泰。蘇楞額。石海。瑚雅善。圖豐。額圖浚。額爾謹。永熙。誠格。塔永阿。阿林。郎志寧。多隆武。巴蘭泰。管繼敬。和德瑪。涵泰。俱著留任。○以故多羅順承郡王恒昌子倫桂襲爵。○轉禮部右侍郎陸費墀為左侍郎。以大理寺卿藍應元為禮部右侍郎。太常寺卿扎郎阿。禮科

給事中宗室僧保住為內閣學士兼禮部侍郎。鴻臚寺卿孟邵為光祿寺卿。太僕寺卿將良駢為通政使。○庚辰。以舉行仲春經筵。遣官告祭。

奉先殿

傳心殿

上御文華殿。講官暨侍班之大學士九卿詹事等。行二跪六叩禮。分班入殿內序立。直講官四人出就講案前。行一跪三叩禮。復位。直講官德保。彭元瑞。進講論語仁者安仁。知者利仁。二句講畢。

上宣御論曰。安仁利仁。朱子解之。謂安其仁。利於仁。蓋引而未發也。雙峯饒氏謂與仁一。故曰其仁。其者。謂已也。與仁猶二。故曰於仁。於者有間也。亦即發之矣。然曷不於顏淵子貢觀之乎。子以為顏淵安仁。子貢利仁。簞食瓢飲。回不改其樂。是安仁也。賜不受命而貨殖焉。是利仁也。回之安仁。易知而難行。茲不贅



論。若夫賜之不受命。非富貴貧賤之命也。蓋天命之謂性。率性之謂道。率性即安仁也。不受命。即未能安仁也。貨殖者。見有利於仁。如貨殖之生財耳。若謂子貢為貨殖生財之倫。則孟子尚不言利。而謂孔子以是論賜。且與回相提並較乎。史記直以子貢為好廢舉。轉貨貨。是誠牟利之為。甚矣其不知孔門之道矣。程子以為子貢之貨殖。非豐財。然亦少時事。至聞性與天道。則不為矣。然未明言子貢之貨殖。為利於仁。葉氏則云。或者不喻。乃謂子貢真好利。而亦未明言子貢之利於仁。是二子之論。胥為近之。而於子貢之利仁。尚有未達一問者。茲故申而明之。講官暨侍班官跪聆畢。興。直講官宗室玉鼎柱王杰。進講書。經正德利用厚生。惟和一句。講畢。上宣御論曰。六府三事。皆養民之政。而惟修惟和。則各有其序。有由。已有不能由已者焉。何言之。五行之相克相生。皆一定之理。洩其過。

補其不足。皆可以由有養民之責者之修之也。若夫三事之正民之德。利民之用。厚民之生。雖由於養民者之和之。而和豈易言哉。正德在於利用。利用在於厚生。厚生何在乎。在乎使有菽粟如水火。耕九餘三。或可由善政以致之。而時若雨暘。綏豐錫屢。不可由人力以致之也。故惟修可以由已。而惟和不能由已。必在陰陽之和。雨暘以時。則此和豈易致哉。亦惟祈年慎德。飢溺在懷。而尤重於察民隱。不諱災。或庶幾其致和。此勸歌勿壞之意乎。講官暨侍班官跪聆畢。大學士公阿桂。大學士嵇璜奏曰。皇上德全仁智。治洽中和。本生知安行而益徵樂壽。因民恬物阜而彌勑幾康。洵所謂道協升恒。化成悠久者矣。臣等幸侍講筵。親承聖訓。不勝欽服。奏畢。諸臣出就拜位。行二跪六叩禮。禮成。

上御文淵閣賜茶還宮復賜講官暨侍班官等宴於文華殿東廡之本仁殿工歌

欽定新譜抑戒詩樂章歲以為例○辛巳諭向來在京文武官員有罰俸處分者止罰俸銀其俸米仍准支領而降革留任人員因處分較重是以降級留任者照所降之級支領俸米革職留任者停其支領第念在京官員多仰藉祿糈以資辦公若將俸米一併停減當差未免拮据其令自今以後凡在京文武官員有降級革職留任者止將俸銀分別停減其應得俸米俱准其照原品支領以示朕體恤臣工祿以養廉之意且京師多米流通亦一善事也○又諭曰福建水師提督黃仕簡久任海疆平日辦事甚屬認真前因染患風疾奏請解任調理特降旨賞給薄葯荷包令其安心養疾無庸開缺今於查辦生番一案該提督一聞稟報即力疾前往督辦實屬奮勉出力殊堪嘉獎黃仕簡著加太子太保銜

以示優眷○又諭據雅德奏臺灣竹塹司巡檢楊馨右營守備李希仁於該管隘口平時漫無稽察防範以致淡水同知潘凱因相驗在途夜間被生番哭出戕害並殘殺跟役多人該巡檢等聞報往拏又不迅速追捕任聽兇番竄匿無獲非尋常疎玩可比請旨革職拏問等語楊馨李希仁俱著革職拏問交與該督撫嚴審確情具奏其餘應參各員並著查明據實參奏其潘凱若無生事別情究係死於官差仍應按例子卹該部知道○諭軍機大臣等據雅德奏查明淡水同知潘凱實係夜間在途猝遇生番致被戕害一摺生番潛住內山本與禽獸無異今黃夜擁眾直入隘口殘殺多人傷及官役不法已極自應嚴拏窮究不可稍存姑息該督已派臬司李永祺參將特克什布等前往查拏搜捕務須將動手各番盡數殲除毋使一名漏網以彰國法而儆兇頑但生番向係巢處內山何以輒

敢黃夜糾聚。突入隘口。殺害官役。其中恐另有勾引起釁別情。尤宜徹底根究。至黃仕蘭風疾未痊。一聞此信。即力疾帶兵。渡臺督辦。殊堪嘉獎。已降旨加太子太保官銜。以昭恩眷。現已查明實係生番滋事。派員帶兵。儘可前往搜拏。無難盡數殲除。黃仕蘭即遵照前旨。在署加意調理。無庸前往。雅德仍當駐劄廈門。就近督辦。至摺內稱潘凱被害地方。係樹林隘口。向設隘藁一間。隘丁十名防守。藁外即係生番。是夜生番突出隘口。隘丁亦被殺傷等語。此等界連生番隘口地方。最關緊要。即或因隘口地窄。不能多駐兵丁。亦應於隘藁附近處所。添設弁兵。俾聲勢聯絡。嚴密巡邏。以資接應。今止有隘丁十名。不敷防禦。致生事端。自係從前經畫未能周妥。著傳諭雅德。於此案完結。辦理善後事宜內。一併酌籌妥議具奏。將此由六百里傳諭知之。仍著將現在查辦情形。迅速覆奏。○以國子監祭

酒鄒奕孝。兼管樂部。○旌表守正捐軀直隸南宮縣民邱大妻張氏。○壬午。上御乾清門聽政。○諭。朕因幾餘詠物。有嘉靖年間器皿。念及彼時嚴嵩專權煬蔽。以致國是日非。朝多裨政。復取閱嚴嵩原傳。見其勢燄熏灼。賄賂公行。甚至生殺予奪。皆可潛竊威柄。顛倒是非。實為前明奸佞之尤。本朝家法相承。紀綱整肅。太阿從不下移。本無大臣擅權之事。即原任大學士于敏中。因任用日久。恩眷稍優。外間無識之徒。未免心存依附。而于敏中亦遂暗為招引。潛受苞苴。然其時不過因軍機大臣中。無老成更事之人。而福隆安又年輕未能歷練。以致于敏中聲勢畧張。朕非不知。而究之于敏中。亦止於侍直樞廷。承旨書諭。不特非前朝嚴嵩可比。併不能如康熙年間明珠。徐乾學。高士奇等。即寵眷聲勢。亦尚不及鄂爾泰。張廷玉。安能於朕前竊弄威福。淆亂是非耶。朕因于敏中。在內廷

供職尚屬勤慎。且宣力年久。是以於其身故。仍加恩飾終。並准入賢良祠。以全終始。迨四十六年。甘肅捐監折收之事敗露。王亶望等侵欺貪黷。罪不容誅。因憶及此事。前經舒赫德奏請停止。而于敏中於朕前。力言甘省捐監應開。部中既省撥解之煩。而閭閻又得糶販之利。實為一舉兩得。朕以其言尚屬有理。是以准行。詎知勒爾謹如木偶。為王亶望所愚。遂通同一氣。肥橐殃民。竟至釀成大事。設非于敏中為之主持。勒爾謹豈敢遽行奏請。即王亶望亦豈敢肆行無忌。若此。是于敏中擁厚貲。亦必係王亶望等賄求賂謝。種種弊混。難逃朕之洞鑒。若此案發覺時。設于敏中尚在。朕必嚴加懲治。雖不至如王亶望等之立寘重典。亦不僅予以褫革而已也。因其時于敏中先已身故。不加深究。曲示矜全。但于敏中如此營私舞弊。朕不為已甚。不肯將其子孫治罪。已屬格外恩施。若賢良祠為國

家風勵有位。昭示來茲。盛典攸關。豈可以不慎。廉隅之人。濫行列入。朕久有此心。茲因覽嚴嵩傳。觸動鑒戒。恐無知之人。將以嘉靖為比。朕不受也。于敏中著徹出賢良祠。以昭儆戒。朕用人行政。一秉至正大公。從不稍涉偏私。亦豈肯意存迴護。前明嚴嵩之營私植黨。嘉靖非無聞見。第已用之於前。不免迴護。遂以釀成其惡。朕寧受乏知人之鑒。斷不使天下後世謂朕有為于敏中始終蒙蔽之名。刑賞黜陟。彰瘡所繫。賞一人而天下知勸。罰一人而天下知懲。是以不得明白訓諭。俾天下後世咸知朕意。將此通諭知之。○諭軍機大臣等。據黃仕簡奏。查明淡水同知潘凱等實被生番戕害。現擬帶兵親往督勦一摺。此事節據雅德。黃仕簡奏到。已有旨傳諭雅德。駐劄廈門。就近督辦。黃仕簡風疾未痊。宜在署加意調理。無庸前往。今據該提督奏。俟官兵調齊。點明軍裝。即登舟由蚶江徑渡前往。

等語。黃仕簡病尚未痊。不宜遠涉勞頓。如前旨到時。該提督尚未起程。自應仍遵諭旨。不必前去。但前旨係初五。初七日發往。恐該提督業已登舟赴臺。則到彼後。務宜善自調攝。不可過於勞苦。黃仕簡為老成重臣。朕所愛惜也。至於督飭將弁。嚴密搜捕。將動手殺害官役之生番等。盡數殲除。痛加處治。使附近番衆。知所懲儆。黃仕簡自能為之。將此由六百里傳諭黃仕簡。並諭雅德知之。○以光祿寺卿德璘為太常寺卿。○癸未。

上詣

大高殿行禮。○諭前經降旨。凡在京文武官員。有降級革職留任者。其應得俸米。俱准照原品支領。原所以體恤臣工。且令京師米石流通。俾民食充裕。糧價亦得平減。實為兩有裨益。第恐市僧逐利之徒。一聞此信。即暫將米價減落。以遂其賤買壟斷之私。迨販糶入手。又復囤積居奇。米價仍恐不能平減。是朕加

惠臣工之舉。轉為奸商牟利之資。其流弊不可不嚴行禁絕。朕因米糧價值。民食攸關。凡可以設法調劑者。無不豫為籌畫。且商人亦係四民之一。皆當激發天良。改其壟斷惡習。今流風日下。但知為利。無怪天時之和。朕亦愧誠感之不至。道德之未淳。天下之商人。皆當各發其天良。而尤臨民之官。所當加之意者也。此次曉諭之後。若仍有奸販賤糶貴糶。其情甚屬可惡者。著交步軍統領。順天府。都察院衙門。嚴密訪拏處治。以示懲儆。其通州近倉處所。商販尤易居積。並著一併嚴查飭禁。此旨著通行各督撫知之。○諭軍機大臣等。據特成額等奏。武昌省城。於正月二十一日。二十三等日。連得雨五寸。麥苗長發等語。覽奏甚為欣慰。河南。安徽等省。與湖北接壤毗連。該處既經得有雨澤。則河南。安徽。毗連省分。自可一律普霑。該二省上年被旱日久。望澤更殷。必得春膏霑濡。麥苗方滋榮長發。

前經降旨詢問。日內尚未據該撫奏報。朕心深為懸注。著傳諭畢沅。書麟。即將該省近日曾否得有雨澤之處。迅速查明。由驛覆奏。以慰廑念。將此由五百里傳諭知之。○又諭據孫永清奏。續獲河南搶刦餘犯孔繼發。馬才二名。一併解豫質訊一摺。閱摺內孔繼發供。在柘城縣王家集搶奪之處。曾經畢沅奏及而馬才又供。有在族叔馬寅家。及麻衣箱王姓家。搶得高粱等語。可見豫省上年因被旱災。飢民搶奪。不止柘城一處。今孔繼發等二犯。既經粵西拏獲。解赴豫省。著傳諭畢沅。即歸案迅速辦理。並轉飭各地方官。善為安頓。毋再使糾搶滋事。至孔繼發等。逃至粵西。該地方官。即能留心盤獲。所辦甚好。並著孫永清。查明實係出力拏獲人員。即將該員出具考語。送部引見。將此傳諭知之。○甲申。遣官祭

先醫之神。○諭據大學士九卿等奏。請續修

會典一摺。內稱自乾隆二十二年。命修會典後。至今又三十年。應重加編勒。以昭遵守等語。國家之有會典。昉之典謨官禮。俾一代大經大法。細目宏綱。無不瞭如指掌。用以昭示法守。而垂信來茲。今大學士九卿等。合詞奏請重修。係為慎重典章起見。其事原屬應行。但朕御宇五十一年。仰承

昊蒼靈貺。眷佑朕躬。今雖年逾古稀。精神如舊。默計自踐阼以來。一切用人立政。無時不以

敬

天法

祖為念。今幸版圖式廓。海宇敦寧。嘉興中外臣民。共享昇平之福。而朕兢兢業業。一心永肩。終不以久而稍懈。蓋所以迓

天庥。紹

祖烈也。若以上屆重修會典後。節年法制典章。規模增廓。即為編勒成書。固足以昭美備。惟是從前節次降旨。朕年八十六歲時。即當歸

政。若果仰膺

天眷。獲遂斯願。誠為國家延洪上瑞。夫自古帝王。有父子內禪者。非其君怠荒厭事。即其時事故相乘。是以倉猝授受之間。畧無典禮可採。今國家正當全盛。將來歸政時。勅下禮官。詳議典禮。一切祭

天告

廟。受朝頒詔諸大儀。實為千古未有之盛事。甚鉅典也。則當於是時重修會典。將歸政典禮。

一併編入。俾我奕世子孫。有享遐年。而親相授受者。得所遵循法守。豈不休歟。所有大學士九卿等奏請重修會典之處。此時且不必行。至各部院衙門。前次會典告成後。所有更改則例。仍著各該堂官。陸續另冊詳晰編輯。以俟將來彙入會典。將此通諭中外知之。○諭軍機大臣等。據雅德奏。接臺灣鎮道稟報。查明兇番滋事。係直加未南。及目懷二社之番。在山射獵。行至樹林口地方。見有隘丁堵

禦。當即追殺。致害官役。現在兵分三路。選派熟番前引。進山勦捕。無需調派內地兵丁前往。致涉張皇。並據黃仕簡奏。俟福寧鎮總兵何俊來厦幫辦。即面商帶領官兵。赴臺督辦等語。生番深居山箐。本與禽獸無異。該鎮道相度形勢。分路進勦。所辦尚合機宜。現在雅德已派委臬司李永祺。叅將特克什布。前往調度搜勦。自無難剋期蕆事。黃仕簡風疾未痊。屢經有旨。諭令該提督在署加意調理。無庸前往。如前旨到時。該提督尚未起程。自應仍遵諭旨。不必前去。但恐前旨發往。該提督業已登舟赴臺。則到彼後。即會同臬司。鎮道督飭將弁。將動手殺害官役之生番等。盡數殲除。痛加懲治。至兩社生番。不過數百名。就近酌調臺灣鎮協各營兵丁勦捕。足資應用。內地官兵。自可無庸調撥。致涉張皇。設使查辦未淨。尚有必需添派內地官兵之處。再行酌量調撥。亦不為遲也。將此由六百里諭令

雅德等知之。○吏部等部議准。山東巡撫明興奏稱。山東黃縣。距掖縣一百八十里。解犯護鞘。須中途寄宿。該縣巡檢雖經移駐黃山館。僅稽查海口。無地方之責。呼應不靈。請將黃山館本社。及附近之官莊馬亭小阜莊。北馬等五社地方。分撥該巡檢管轄。一切解犯護鞘。逃盜奸匪等事。俱有責成。疎虞叅處。從之。○戶部等部議覆。閩浙總督雅德奏稱。福建同安縣轄之六小埕鹽場。界連馬巷。南安。各境。有附近居民。於舊埕旁另開鹽坎。委員勘丈。將已未成坎各段落。折坎成埕。共五千八百七十六坵。每年可產鹽九萬餘石。照舊埕原則。應徵銀五百八十七兩零。請就現開各坎收曬額課。即於本年按例起徵。再該處山海交錯。鹽埕散布。地面遼濶。若令地方官帶管。鞭長莫及。請專設大使一員。巡查彈壓。應建衙署。及俸工役食等費。即於本場徵收長價銀內籌辦。應如所請。惟六小埕名目。並

舊徵課額。鹽課奏銷冊內。無可稽查。從前彙入何款項造報。應令該督報部查覈。從之。○乙酉。

孝康章皇后忌辰。遣官祭

孝陵。○

上幸南苑。○詣

永慕寺行禮。○行圍。○諭軍機大臣等。據雅德奏。浙省乍浦。舊有臨海礮臺一座。上建閱操官廳三間。安設大礮四位。防禦海洋。於乾隆四十六年。猝遇風潮。礮臺官廳。盡被衝卸。礮位亦沉入海內。當經派撥弁兵撈獲。加謹收貯。必須另行建復礮臺。以重防禦。共估需工料銀三千九百餘兩。請於司庫餘平款內動用等語。朕先閱摺奏。即不明晰。繼覽圖說。更覺未當。臨海建築礮臺。本易受風潮衝刷。今所繪圖。乃作月牙形兜灣出於海。不易致衝刷乎。自當將臺基與石隄取直。使海水順過。尚可經久。覽圖內。乃係坐灣受衝。則水勢洶



湧。逼近臺根。朝夕汕刷。無怪其易於坍却。又據稱。舊料業已漂沒無存。今臨海施工。用料石。逐層安砌。是工鉅費繁。所請動用銀三千餘兩。以朕觀之。若如所繪圖。雖費萬金。尚恐不敷用。又安能蓋造廳樓。安砌城垛。外省估勘工程。每多不實不盡。其中或有捐貲幫貼等情事。亦未據該督奏明。但如該督所進圖樣。如式建蓋。仍不免為風潮衝却。徒費無益。著將硃筆原圖。發交閱看。令福崧親往相度形勢。將臺基取直。不受頂衝。方為妥善。並著另行覈實勘估具奏。至摺內滿洲。綠營。何須省此二字。乃庸幕省文惡習。已用硃筆抹出。前屢經降旨訓飭。雅德於陳奏事件。何不留心檢點。疎忽若此耶。將此傳諭知之。○又諭據畢沅奏請。前赴行在接駕一摺。朕此次巡幸五臺。迴鑾經由正定。該處與中州接壤毗連。畢沅請俟旋蹕時。趨赴行在。往返固屬不遠。但豫省衛輝一帶。上年被旱較重。歸德

陳州等處。又有應辦賑事務。且該省入春以後。尚未得霑雨雪。朕心正切懸注。畢沅自當在豫省督率撫綏。虔求雨澤。何必拘例前赴行在。將此傳諭知之。○是日。駐蹕舊衙門行宮。○丙戌。駐蹕南紅門行宮。○丁亥。諭軍機大臣等。京師於十二日巳時起。密雪續紛。直至戌時止。除融化入地。尚有六七寸。甚為優霈。現在天氣濃陰。雲勢廣遠。本日據劉我奏報。保定省城。得雪三寸。迤南一帶。或亦一律均霑。河南。山東。與直隸境壤毗連。但恐迤南勢畧小耳。該二省上年被旱日久。望澤尤殷。必得春膏普遍。麥苗方得滋榮長發。朕心深為懸注。著傳諭畢沅。明興。即將十二三等日。是否得有雨雪之處。迅速覆奏。將此由五百里傳諭知之。○是日。駐蹕團河行宮。○戊子。諭據慶桂奏。永固協副將張兆璠患病。呈請解任。回籍調理等語。張兆璠歷任總兵。緣事降革。朕加恩復用為副將。乃不知感奮圖

報。偶因患病。輒思解任回籍。自係該員因甘  
省地瘠民貧。意圖規避。將來病痊之後。仍可  
復用內省。殊為綠營取巧惡習。張兆璠著革  
職勒令回籍。○諭軍機大臣等。據慶桂奏。奉  
環縣知縣汪琳因縣民俄其盛承辦鹽引。欠  
課不完。另將殷戶王登第等。押充代完。旋將  
俄其盛商名革退。續因練總李漢耀。蕭玉文。  
以環縣民少屯多。欲令屯民均納。捏寫民戶  
慕銳等姓名。公呈投遞。該縣輒將李漢耀杖  
責致斃。請將汪琳革審等語。練總李漢耀等。  
因欲將民屯均勻完納鹽課。輒敢捏寫姓名。  
具呈投遞。原有應得之罪。但該縣民戶俄其  
盛。充商辦課。已非一日。或因辦鹽賠累。私賄  
該縣革退商名。而該縣復派令殷戶。押充代  
完。以致練總李漢耀等。捏呈投遞。釀成事端。  
其間恐有藉端派累。分肥入己情事。自應革  
職研審。現在福康安。不日即可回蘭。著將此  
案人犯提集。嚴切究訊。務得確情。據實定擬。

平定回疆方略卷八

三

實錄卷一百一

三

具奏。將此傳諭福康安。並諭慶桂知之。○是  
日。駐蹕新衙門行宮。○己丑。

上詣

大高殿行禮。○還宮。○遣官祭賢良祠。

大清高宗法天隆運至誠先覺體元立極敷文  
奮武孝慈神聖純皇帝實錄卷之一千二百四十八

大清高宗法天隆運至誠先覺體元立極敷文  
奮武孝慈神聖純皇帝實錄卷之一千二百四十九

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功七級隨帶加一級尋常加二級軍功紀錄一次 臣度柱

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部工部事務

世襲騎都尉軍功加十九級隨帶加二級又加二級 量給內大臣戶部尚書鑲藍旗滿洲都統軍功紀錄五次

尋常紀錄十四次 臣德瑛經筵講官太子少保工部尚書紀錄六次 臣曾振鐸等奉

敕修

乾隆五十一年丙午二月庚寅諭軍機大臣

欽此

等據保寧等奏打箭鑪口外噶達城地方有  
雍正年間建造惠遠廟一所年久未修上年  
冬間又因地震致多坍塌現確加勘估除大  
殿四層共三百餘間及大門二門等處仍照  
舊整理外其僧房可減去六十三間另蓋二  
百間已足資僧衆諸番棲息等語雍正年間  
因準噶爾尚未平定西藏一帶防其滋擾是  
以於噶爾當地方建造惠遠廟一所給達賴  
喇嘛居住今準噶爾地方久經平定中外一

家衛藏咸歸版籍達賴喇嘛遠住西藏其在  
廟住持者不過每年派出之堪布喇嘛暨徒  
衆人等此時補行修建殿宇自無庸沿舊規  
式過於宏敞即所需住房亦無須二百間之  
多著傳諭保寧等另委妥員前往搏節勘估  
止須畧存舊規足敷現在喇嘛人等居住量  
為酌減建蓋不必照前寬大致滋閒曠糜費  
也將此傳諭保寧李世傑遵照妥辦並令將  
原有地盤圖樣及酌減補建圖樣各繪一分  
呈覽○又諭據薩載等奏湖北先造撥船二  
百隻現已輓進瓜州運口應俟首進頭幫一  
抵鎮江淮河上下開壩即令此項撥船在於  
重運之前行走於將次渡黃時知會河東河  
臣開壩酌放河水接濟催令撥船先行等語  
湖北新造撥船現需撥運北倉米石今既輓  
進瓜州運口自應俟首進幫船抵鎮江等處  
開壩時即令在重運之前行走但撥船非重  
載可比喫水不多入山東境後雖需微山湖

水接濟。亦祇須酌看空船喫水尺寸。足資浮送。樽節酌放。不可照浮送重運。一律開放。過於宣洩。致湖水消耗。有礙重運行走。方為妥善。薩載等。何見不到此耶。著傳諭蘭第錫。明興。樽節妥辦。並諭薩載。李奉翰。毓奇。知之。○

又諭。據李世傑奏。籌備楚省委員赴川。採買官倉米石一摺。所辦固屬周到。惟所稱川省碾出倉米十五萬石。以備楚商採買。自上年十月以來。川省赴楚米糧。已運出三十八萬餘石。皆係楚商糴販前往。而到官請買者。止有潘乾順一名。可見楚商交易。各圖其便。不欲赴官承買等語。此事李世傑竟為屬員所愚矣。該省碾動官倉米石。豫備楚商採買之需。若果地方官妥協經理。平價出糴。禁止胥役需索。則楚商自必踴躍赴買。何至自上年十月以來。赴官承買者。止有潘乾順一名。其餘俱向民間市集。採買運楚。此必係地方官於楚商赴川時。並不妥速辦理。而奸胥蠹役。

從中舞弊勒掇。以致該商等。守候稽累。裹足不前。紛紛俱向民間交易。前因李世傑碾備官米。協濟隣省。辦理甚為妥協。是以將伊議敘。何於此等情弊。竟不能見及耶。李世傑雖為其所愚。而朕斷不為其所蔽也。著傳諭該督。務須嚴密訪查。如有官吏勒索刁難。即據實嚴叅懲治。毋得稍存迴護。再據奏。現接楚省來咨。委員赴買川米四萬五千石。現飭各州縣豫期趕備。照數兌交等語。自應如此辦理。倘嗣後楚省復需米石。及有商販赴官請買者。著李世傑留心訪察籌備。俾楚省得資接濟。毋得仍受屬員弊混。再蹈故轍。將此由四百里傳諭知之。○大學士公阿桂等奏。纂辦石峯堡紀略告成。遵旨將

御製遲速論。錄冠卷端。並恭錄

御製詩彙帙進呈。俟發下交武英殿刊刻。並補寫入四庫全書。報聞。○福建海壇鎮總兵董果。因病解任。以服闋建寧鎮總兵郝壯猷。為

海壇鎮總兵。○辛卯。諭據全德奏。海州之板浦。中正。臨興。三場。極次貧窶。現在正賑已完等語。海州場地。上年被旱較重。曾經降旨給賑。俾災丁口食有資。今屆青黃不接之時。正賑已畢。該丁等生計不無拮据。所有海州之板浦。中正。臨興。三場。極次貧窶。著再加恩展賑一月。其餘被災七分以下。及勘不成災各場。實在乏食貧窶。亦著照例酌借口糧。以資接濟。該部即遵諭行。○又諭。昨據福崧奏。浙

省各屬倉庫虧缺之項。為數較多。實難依限全補。懇請分別展限。並於新正傳齊司道。各府公同立誓。務期同心協力。共砥廉隅等語。所奏實屬不成事體。各省倉庫錢糧。自

皇考世宗憲皇帝御宇十三年。徹底清釐。大加整飭。將從前虧空積弊。一概消除。各省庫項倉儲。俱歸實貯。朕御極以來。雖間有不肖官吏。侵欺貪冒者。無不加以創懲。蓋因

皇考一十三年整綱飭紀。旋乾轉坤之力。以充

裕盈寧之天下。付託於朕。朕若不能隨時整頓。稍涉顛預。是

皇考剔弊覈實之苦心。至朕而竟有廢弛。朕甚懼焉。浙省地方。向無虧缺之事。四十六七年。王亶望。陳輝祖。貪黷之案。相繼敗露。經富勒渾等將浙省倉庫虧缺之處。據實奏明。朕因該省王亶望。陳輝祖之案。甫經查辦。不值更興大獄。是以降旨。令其勒限彌補。已屬失之姑息。該省大小官員。自應激發天良。上緊設法籌補。乃歷三四年之久。竟未彌補全完。尚敢覲顏奏請展限。且稱率同司道各府。公同立誓。尚復成何政體耶。且浙省除王亶望。陳輝祖之外。未有勒索貪婪如國泰。郝碩者。即王亶望之黷貨營私。係在甘省侵蝕捐監銀兩。而陳輝祖亦祇於竊換官物。並無如國泰婪贓肥橐。派累各屬之事。國泰在山東。肆行勒索。虧空至二百餘萬之多。業據明興奏報。於二年限內。已經彌補全完。浙省虧缺之數。

非山東可比。何以立限已逾。尚復宕延虧帑。是該省大小地方官。恃朕有不為己甚之旨。竟敢玩視帑項。一味稽遲。若以虧空止於倉糧一項。伊等或藉口穀貴。不及買補完足。已屬非是。然其穀價銀兩。自必存貯在庫。斷無銀米兩無之理。此而不嚴加懲創。各省紛紛效尤。伊於何底耶。此事著派尚書曹文植。侍郎姜晟。伊齡阿。並隨帶司員。馳驛前往浙省。將各州縣倉庫。徹底盤查。究竟虧缺若干。彌補若干。或銀或米。俱歸有著。並將因何遲延。不即補足之處。查明務使水落石出。據實具奏。所有富勒渾福崧奏到各摺。暨福崧現奏摺片。通行發鈔。俾衆共知之。○諭軍機大臣等。據明興奏。山東濟南泰安兗州曹州等府。屬於本月十二日。得有雨雪二三寸不等。又據畢沅奏。河南南陽汝寧光州各屬。於正月二十三。四。二月初六七等日。得雨二三寸不等。語覽奏甚為欣慰。豫東二省。與江南淮

徐等處。境壤毗連。前據薩載等奏。江南蘇州。常州。揚州等府。雖得有雨雪。而淮徐一帶。總未均霑。該處上年被旱較重。望澤尤殷。前屢經降旨詢問。日內尚未據該督等奏報。朕心深為廕念。著傳諭薩載。閔鶚元。即查明淮徐等處。近日曾否得有雨澤之處。迅速覆奏。○又諭。本日據何裕城奏。各屬倉庫錢糧一摺。此係照例彙奏之件。外省不過視為具文。屆時以一奏塞責。江西省前經郝碩在彼勒索貪婪。合省逢迎。通同一氣。各州縣倉庫錢糧。保無侵挪虧空情弊。昨據福崧奏。浙省虧空。自四十七年。勒限彌補後。至今尚未全完。奏請再行展限。而於實在虧短若干之處。並不據實聲明。已派欽差前往查辦。至江西一省。各屬倉庫錢糧。如有虧短。係前任之事。何裕城到任未久。不值為之任咎。此時當及早清查。據實奏明。勒限彌補。俾庫項倉儲俱歸實貯。方為有益。若此時隱忍不奏。將來別經發

覺何裕城恐不能當此重戍也。將此傳諭知之。○又諭據黃仕簡奏於二月初一日自厦門登舟赴臺。會同按察使李永祺等嚴督勦捕等語。前因黃仕簡病尚未痊。不宜遠涉勞頓。屢經降旨。諭令該提督如尚未起程。即無庸前往。今據該提督奏。既已登舟渡臺。自當到彼督飭將弁。嚴密搜捕。將動手殺害官役之生番等。盡數殲除。使附近番衆。知所懲儆。至該提督所患風疾。現在曾否痊愈。朕心甚為縈念。該提督更宜善自調理。不可過於勞苦。且此舉不過生番滋事。該鎮道等既已帶兵分路入山勦捕。無難盡數殲除。黃仕簡俟辦有就緒。即先行起程。回至厦門。加意調攝。無庸在彼久駐。致滋勞頓也。將此由六百里諭令知之。○以大理寺少卿劉權之為大理寺卿。內閣侍讀學士吉夢熊為太僕寺卿。○士辰。上啟鑒謁。

泰陵

泰東陵巡幸五臺。○諭朕此次恭謁

西陵後。巡幸五臺。所有沿途經過地方。著加恩蠲免本年地丁錢糧十分之三。○諭軍機大臣等。據阿彌達會同薩載等奏。清口一帶。於二月十一。十二。十三等日。陸續得雨。入土共有八寸。雲氣濃厚。所及甚遠。土脈悉皆滋潤。二麥可期。暢發等語。覽奏欣慰。益當共勵誠敬。不可自滿。已於摺內詳悉批示矣。清口一帶。已得渥澤。而淮揚徐海各屬。是否一律普霑。朕心尚為廕注。又本日據書麟奏。南陵鳳陽。滁州。建平。等州縣。僅得微雨。不成分寸。其餘亳州。蒙城。十五州縣。尚未得有雨澤等語。查安徽省上年被旱較甚。雖節次加恩賑卹。全賴麥秋。以資接濟。今雨澤稀少。麥苗未能長發。關係民依。朕心深為焦思。仰惟天心仁愛斯民。該撫惟當齋心籲禱。並延能祈雨澤之人。設法虔求。自可速沛甘霖。以蘇民

瘼。並將現在各屬。是否得雨之處。迅速據實覆奏。將此由五百里發往。並諭李奉翰。毓奇。福海。知之。○又諭曰。雅德奏。盤查閩省藩庫。實存銀兩一摺。殊不可信。外省於此事。不過視為具文。俱以倉庫無虧。一奏塞責。如浙省。即係該督所管。其倉庫虧短。昨據福崧奏到。至今並未彌補全完。即其明驗。是閩省庫項。其所稱實用實存數目。亦不過照例彙奏。並未確實查覈。現在浙省。已派欽差前往查辦。閩省各屬倉庫錢糧。如有虧短。該督當及早清查。據實奏明。俾庫項倉儲俱歸實貯。方為有益。若此時猶隱忍不奏。含糊支飾。若將來似浙省差人查辦。恐雅德不能當其咎也。將此傳諭知之。○是日。駐蹕黃新莊行宮。○癸巳。諭軍機大臣曰。富綱奏。覆勘騰越州城工一摺。據稱。現已檄委藩司譚尚忠前往。將應添工段。及從前原估。已未修各工。一併詳加覆勘。另行照例覈辦等語。騰越州城界在極

邊。既因年久坍塌。隙裂。自應修葺。今已派藩司前往覆勘。當確實查估。以期要工永資鞏固。毋致屬員藉端浮冒。方為妥善。至各省倉庫錢糧。尤關緊要。現在浙省。據福崧奏到。虧缺之數較多。至今尚未彌補全完。實為從來未有之事。已派欽差前往查辦。滇省非腹地。可比。倉儲庫項。為數本屬無多。向來並無虧短。富綱等。當隨時留心查察。俾倉庫盡歸實貯。倘稍事因循。不能實力整頓。以致各屬倉庫。或有虧缺之事。惟富綱。劉秉恬。是問。恐伊等不能當此重戾。該督等。務須時加警惕。共相戒勉。雖程途遙遠。何難欽差大臣前往查辦。不可存希圖倖免之心。致貽將來後悔也。再滇省辦運京銅。數年以來。俱已依限開幫。尚無貽誤。該督等亦當加意督辦。實力催趲。毋得日久疎懈。復至遲延積壓。有誤期限。則獲咎滋重。將此一併傳諭知之。○是日。駐蹕半壁店行宮。○甲午。諭曰。已入八分。宗室公



等。均係寶石頂。用藍韁似無區別。著加恩已入八分宗室。公賞用紫韁。○諭軍機大臣曰。李世傑奏查明伊犁逃遣向忠夏。即向占貴。年籍不符一案。據稱該犯向忠夏。從前營中造移年籍清冊。本係湖北黃州府民人。嗣經該犯赴本營投首。始據供出本名向占貴。原籍湖南寶慶府人。實年二十九歲。於三十六年到川。頂充督標新兵。伊繼父向忠夏名糧。未曾更換名冊。亦未於咨緝冊內聲叙。以致年籍不符等語。此案逃兵向占貴。先既頂充伊繼父向忠夏名糧。後因自首免死。改發伊犁。復敢在配脫逃。情罪甚重。乃川省咨部發遣時。並未將該犯過繼頂名各情。詳晰聲叙。以致年籍不符。無憑跟緝。可見外省於此等案件。並不認真覈辦。已批交該部嚴察議奏矣。至該犯向占貴。既據該督查明。實係湖南寶慶府人。其在配脫逃後。自必潛回原籍藏匿。此事著責成浦霖嚴飭所屬。實力查緝。務

期弋獲。毋致遠颺漏網。又該犯曾過繼湖北向忠夏。頂充名糧。或仍復藏匿湖北。亦未可定。並著傳諭特成額。吳垣。一體飭屬嚴拏。務獲。逮正刑誅。倘該督等視為海捕具文。不行實力查緝。以致重犯日久稽誅。或經別處拏獲。惟該督撫是問。斷不能少為輕貸也。將此由四百里各傳諭知之。○是日。駐蹕秋瀾村行宮。○乙未春分朝。

日於東郊。遣果郡王永璘恭代行禮。○諭軍機大臣等。據書麟奏。安慶省城及桐城。寧國等二十餘州縣。於正月二十三。四。二月初六。七。十一。十五等日。陸續得雨。麥田暢茂。豐稔可期等語。看來安省入春。雨水較為霑渥。覽奏稍慰。但該省上年春間。亦於二月得雨。該撫等即心存滿足。不復再事虔祈。後仍缺少雨澤。被旱較甚。今歲雖已廣被甘膏。二麥得資長發。該撫正不可稍存自滿之見。惟當益勵誠敬。若將來雨水尚欠優霑。務須齋心籲禱。

以冀疊沛恩膏。農田接潤。庶幾豐稔可期。至所奏南陵鳳陽等州縣得雨較微。亳州蒙城等州縣尚未據報得雨。現在各該處曾否續得雨澤。如尚未霑被深透。即應及早虔祈。冀獲應時甘霽。並此時應否酌借籽種及開倉平糶之處。著該撫查明。一面辦理。一面迅速據實覆奏。將此由四百里諭令知之。○是日駐蹕梁格莊行宮。○丙申。

上謁

泰陵。

泰東陵俱未至碑亭。即降輿慟哭。步入

隆恩門。詣

寶城前行禮。躬奠哀慟。王以下文武大臣官員

隨行禮。○諭。

陵寢補種各色樹木。長成尚屬整齊。此皆縕布帶同兵丁等。留心栽種。縕布著交部議叙。其兵丁樹戶等。每人著賞給一兩重銀鏤一個。○又諭。此次直隸派出辦差兵丁。著加恩賞

給一月錢糧。○是日駐蹕東北溪大營。○丁酉。諭此次恭謁

西陵。巡幸五臺。經過直隸地方。已加恩蠲免本年地丁錢糧十分之三。惟念直省順德廣平大名三府。與豫省衛輝彰德等府屬。境壤毗連。上年俱被有旱災。衛輝等府屬。業經節次降旨蠲賑。頻施。今直省順德廣平大名。雖屢經賑卹。民力稍紓。但尚有上年被旱。因災出借銀米。若仍令一併帶徵。小民輸將。未免尚形拮据。著再加恩。將順德廣平大名三府屬。乾隆五十年分。因災出借米七萬六千八百八十餘石。折色銀二十二萬一百餘兩。概行豁免。用示朕一視同仁。有加無已至意。該部即遵諭行。○諭軍機大臣曰。阿彌達奏查看湖河水勢一摺。據稱新建禦黃東西壩。已經完工。壩中抽挑引渠一道。直至臨黃處。現亦築壩攔禦。引渠內何以又有水五尺餘寸。渠內現有積水。於將來啟壩時。固屬有益。但此

水從何而來。阿彌達現已啟程。著薩載等查明據實具奏。又據阿彌達等另摺奏稱。本月十五。六日。清江。淮安等處。連得霽雨。入土深透。清口一帶水勢。自當益加增長。現在蓄存湖水尺寸。究有若干。並著薩載等一併查奏。將此諭令知之。尋奏新建東西壩中間抽挑引渠一道。直至臨黃處築壩攔禦。引渠水所從來。係前於引渠挑竣後。將張福口攔湖壩酌開數尺。使湖水由引渠灌臨黃壩根。以測清黃水勢。高低尺寸。是以阿彌達到時。引渠內有水五尺餘寸。經臣等會同測量。壩內清水。高壩外黃水二尺五寸。隨因引渠內水勢尚平。仍即堵閉張福口攔湖壩。留濟重運。現因漕船報於本月二十二日渡江。又開放張福口並太平河兩道。引河俾湖水灌注淮揚一帶。以資浮送。其新建東西壩外之臨黃壩。尚未啟拆。俟撥船漕船近淮。即開放。使清黃交會。以便各船渡黃。至洪澤湖自連得雨。湖

水漸旺。高堰誌樁現存長水四尺六寸。報聞。○吏部議覆御史蘇楞額等奏稱。五城坊官偵緝竊案。定例一年內五案以上。未獲一名者。降一級留任。十五案以上。未獲一名者。降一級調用。限內獲一二案者。免議。向例計案不計贓限內未獲一案。雖五案亦議處。偶獲一二案。雖數十案亦免議。殊未平允。請嗣後五城竊案。令各城御史估贓。隨案報明存案。年終彙辦時。分別贓數百兩上下若干案。已未獲若干案。十案內獲二案。免議。不及十分之二。贓少量予查議。贓多。仍就未獲之案計案議處。不准以贓少獲案抵算。又五城彙冊截案。向無定限。請嗣後截至每年十一月止。限五日彙齊。其十二月各案。歸下年彙送。查竊案計贓。原為分別賊罪輕重。若官員處分。既計案數多寡。又覈贓數輕重。恐該坊官等轉抑勒事主。以多報少。請嗣後仍照舊例。無庸計贓。惟多至三十案以上。未獲十分之二

者。照例降一級調用。不准以已獲一二案。概予免議。餘應如所請行從之。○是日駐蹕龍山村大營。○戊戌諭軍機大臣等。據何裕城查奏南肇道人示勸符籙一案。稱飭委建昌府知府徐鎮等。馳往龍虎山查辦。該山並無廣東查出符籙式樣。亦不知南肇道人。並將檢出符籙底本。一併呈覽等語。此案係廣東饒平縣盤獲。因其示勸符籙上有江西廣信府天師曉諭字樣。是以諭令何裕城查究此項板片。是否係廣信府刊刻。曾否傳播。乃何裕城即派員馳赴龍虎山查辦。並將該山符籙鈔本一併起出。所辦太過。現在張起隆諒尚未啟程。著傳諭阿桂。將伊傳到。諭以此案係何裕城不知事體輕重。冒昧查辦。與張起隆並無干涉。不必心存畏懼。令其安心回山。並起出符籙原本。一併交還。將此傳諭阿桂。並諭何裕城知之。○又諭本日浦霖奏各屬倉庫無虧。及藩庫實存銀數兩摺。係屬照例

彙奏之件。外省於盤查庫項錢糧。往往視為具文。俱以實貯無虧一奏塞責。現在浙省據福崧奏到。虧缺之數較多。至今尚未彌補全完。實為從來未有之事。已派欽差前往查辦。至湖南省向來倉庫未聞虧短。該撫尤當以浙省為戒。於此時及早清釐。俾倉庫盡歸實貯。倘仍復因循。不能實力整頓。以致各屬或有虧缺之事。將來朕或派人前往盤查。設有虧短。惟該撫是問。恐浦霖不能當其咎也。將此諭令知之。○又諭昨據蘭第錫奏請由豫工前赴正定行在請訓一摺。已批令不必來矣。本日據明興等奏運河大挑工程現已挑竣。除微山湖之湖口大壩。俟南漕幫船渡黃後再行察看情形。擇節開放。其南旺分水口一處。擇於二十五日啟放。先將濟寧迤北水勢逐塘鋪灌。以通開外商販船隻等語。並聲明已咨會該督矣。現在東省挑工已竣。重運將臨。所有微山水勢有無增長。及啟放湖

口大壩並運河開壩鋪水事宜均關緊要該督正應親往詳悉查勘妥為料理此時豫省距防汛尚遠並無應辦之事著傳諭蘭第錫接奉此旨即速回東察看微湖水勢將來開壩後重運經臨是否足資浮送俟勘明情形辦理妥協再赴豫省工次督率修防該督此時正有應辦之事又何必前來行在徒滋耽誤耶將此由四百里傳諭蘭第錫並諭明興等知之○又諭據富勒渾奏稱廣東省藩庫

正雜各項錢糧收支實存銀數及應撥應留各款數目一摺此皆刻板文書竟難憑信富勒渾前在閩浙總督任內曾經具奏浙省各屬倉庫虧短分限彌補斷不敢少有遲緩並云福建省情形大概相同業經會同撫臣督率藩司實力清釐務俾庫項倉儲皆歸實貯迺浙省各屬虧空迄今逾限尚未彌補已欽派大臣前往徹底查辦富勒渾前任閩浙總督時所辦何事實屬咎無可辭應俟結案時

另行辦理外該督此時尚復何顏具奏廣東省之倉庫無虧耶著傳旨嚴行申飭廣東各屬向未聞有虧缺該督若不於此時及早實力清查務歸實貯倘僅循例以一奏塞責將來或派人查出則該督獲罪更重朕不能屢為之曲貸也○又諭曰富勒渾奏據廣西布政使奇豐額稟稱廣西省塘房每屆大修之期各州縣往往潦草完工以致旋修旋壞該州縣又不隨時查明移催修葺任其倒塌殊屬闕茸自當著落地方官修理擬令試用從九品吳崇戴等及試用吏目王一夔等分派前往會同該州縣查明辦理等語殊屬不成事體廣西省即係該督所管該省塘房旋修旋壞各州縣既玩誤若此自當特派道府大員前往切實查辦呼應較靈若因廣西本省大員未免或有徇庇屬員之處不便派辦何妨於廣東省派道府前往實力查察督飭賠修完固於事方為有濟若僅令佐雜微員前

往會辦。各州縣豈肯聽其指使。勢必將就完  
事。仍滋弊混。富勒渾久任封疆。何見不及此。  
雖云嚴飭該司查究。迺並未派令道府大員。  
前往覈實辦理。何見識不到若此耶。著傳旨  
嚴行申飭。並諭富勒渾於廣東廣西兩省中。  
酌量派委道府。前往各處。逐一查明。有應行  
著落賠修。及叅處之處。據實具奏。勿令稍滋  
弊混。○是日駐蹕五郎村大營。○己亥。以陝  
西布政使圖薩布為湖北巡撫。調湖南布政  
使秦承恩為陝西布政使。以直隸按察使英  
善為湖南布政使。刑部員外郎同興為直隸  
按察使。○是日駐蹕東渡亭大營。○庚子。  
孝昭仁皇后忌辰。遣官祭

景陵。○諭。朕此次恭謁

西陵。巡幸五臺。昨經過滿城完縣。一帶地方道  
路。凡遇低窪舊路。並無積水處所。概行建搭  
橋座。甚屬無謂。橋梁原為行旅而設。其本非  
河渠水道。不過因地勢窪下。即搭蓋橋座。以

為平坦飾觀。則蹕路所臨地形高下不一。於  
經行本屬利便。又何必為此無益之費。況現  
在並非大雨時行之候。明係地方官藉此為  
開銷地步。殊屬非是。著總理行營嚮導處。及  
行在工部。於所過地方。將無水有橋處所。逐  
一查明登記。將來報部時。本應全不准銷。姑  
念向未明降諭旨。此次橋座俱已搭就。著將  
似此無水橋座。祇准其開銷一半。嗣後倘仍  
妄行建搭橋座。即概不准銷。以杜浮冒。至每

日駐蹕營盤。亦祇須計算網城布城環衛地  
步。已敷周列足矣。無取過寬。此次所築營盤  
地面過於寬敞。雖係動項辦理。已覺徒滋糜  
費。若地方官或因此有所賠墊。則更無謂。況  
此等地面。即係民田。過事寬廣。既於耕作有  
妨。且輕用民力。亦非所以示體卹。朕於一切  
經費。從不使稍有浮冒。亦不肯令人賠墊。惟  
期公私各得其當。嗣後該督等務須妥協經  
理。稱朕意焉。○又諭曰。湖北巡撫吳垣。自簡

任封疆以來。操守謹飭。辦事奮勉。上年查辦災賑事宜。實心經理。茲聞溘逝。深為軫惻。所有應得卹典。著該部察例具奏。○是日。駐蹕隆村大營。○辛丑。諭。朕此次巡幸五臺。所有直隸山西駐蹕行宮。雖俱係從前發帑修建。但自上屆巡幸以來。已閱數年。不無黏補糊飾之費。山西地方。座落較多。著賞給銀一萬兩。其直隸地方。賞給銀七千兩。俱著於長蘆運庫應解廣儲司項下撥給。○諭軍機大臣等。本日據畢沅奏。豫省二月十一。二。至十四。五。等日。連得雨雪。大河南北一百八廳州縣。無一屬不均霑透足。麥苗勃然長發。其歸德陳州。二屬被災地方。現在分別展賑。災黎不至失所等語。覽奏欣慰。豫省積歉之餘。農民望歲尤切。今通省得此甘膏普渥。二麥可冀豐收。實與吾民共深慶幸。著將硃批畢沅摺發鈔。並交在京大學士九卿閱看。至日內蹕路。經行曲陽縣一帶地方。得雨三寸。又據英

善奏。保定省城得雨一寸。京城現在望澤。日來曾否續得甘霽。未據奏報。朕心深為廕念。著將此由六百里發往。並著將京師日內曾否得有透雨之處。仍由六百里覆奏。以慰懸注。○又諭。據李世傑奏。盤查司庫實存銀數。及各屬倉庫無虧一摺。外省於此等循例彙奏之事。往往視為具文。現在浙江省各屬倉庫虧缺。未能依限彌補。已派大臣前往徹底查辦。四川省向未聞有虧缺。福康安前在四川總督任內。實力整頓。李世傑到任後。亦能盡心經理。惟在持之以久。隨時加意嚴察。不使稍有虧挪。方為妥協。倘日久因循。各屬倉庫或漸有虧缺之處。一經查出。則於該督顏面關係非小。慎毋蹈浙省之覆轍也。將此傳諭知之。○戶部議准。安徽巡撫書麟奏。稱安徽撫標左右營。安慶潛山寧國池州蕪米廣德遊兵等九營。應支兵米。安慶新安宣州建陽廬州滁州長淮等七衛幫丁。應支行月苦

蓋等米向俱在本省徵收屯南米內動支宣城涇縣貴池銅陵東流和州等六州縣編解道倉米向在本省屯南隨漕行月等米內動支現俱因災停徵各項米無款支給請於安徽截卸江西漕米內分別撥支撥剩米按災屬輕重派領存倉以備賑糶從之○以禮科給事中伊蘭泰為光祿寺卿○旌表守正捐軀山東堂邑縣民張李妻梁氏○是日駐蹕王快大營○壬寅諭前據雅德奏淡水同知

潘凱

奏

潘凱因赴貓裏社相驗命案回至中途夜間被直加未南目懷二社生番突出戕害并殺死跟役十餘人當經提督黃仕簡臬司李永祺會同該鎮道等先後帶兵渡臺查拏勦辦茲據雅德等奏接據該鎮道稟報文武員弁進山捕剿於正月十八九等日殺獲兇番首級二十六顆又於二十六七等日殺死直加未南等社兇番十二名餘番四竄奔逃等語此等生番深居山箐官役平民皆所不識本

與禽獸無異其兇悍之性往往見人即加殺害此次適與官役相值遂爾橫肆兇殘但似此冥頑不法自不可不大加殲戮以示懲創今該鎮道等入山搜捕先後勦殺兇番三十餘名較之被害官役為數已屬加倍餘番畏懼望風逃匿足以彰國法而儆兇頑該處徑路陡險自無庸過事搜剿至同知潘凱相驗回程適遇生番滋事冒昧往拏以致突被戕殺固由自取但念其究係因公猝然遇害情殊可憫潘凱著交部照例議卹○諭軍機大臣等據雅德等奏勦殺兇番情形一摺據稱正月十八九二十六七等日先後殺死兩社兇番三十餘名等語此等生番原非人類逞兇戕殺本其素性今既經搜剿三十餘名較之被害官役數已加倍足以儆兇頑而示懲創業經明降諭旨著發寄雅德等閱看至此次生番滋事因石山射獵至樹林口地方見有隘丁堵禦當即追殺致害官役此等界連



生番隘口。安設兵丁。原所以資防禦。但恐該隘丁等。或因此私占番界。以致滋生事端。亦未可定。著傳諭黃仕簡等。查明該處情形。如可無須安設隘丁。不若竟行撤去。俾該番等相安無事。倘因地方緊要。必須設隘巡防。則舊設隘丁十名。於巡防仍屬無濟。自應酌量地方情形。多為添設。俾聲勢嚴肅。足資守禦。並應嚴禁滋擾生番地方。方為妥善。其應如何酌籌辦理之處。著黃仕簡等於善後事宜內。一併悉心妥議具奏。將此由六百里各傳諭知之。○又諭據雅德等奏查拏廣東省妄佈邪言吳國案內。究出捏稱南肇道人。並刊刻符像之正犯林文東等。委員解送粵省。歸案究辦。一摺。所辦微欠周到。此等妄造名號刊印符像。惑眾斂錢。情罪可惡。既據閩省拏護訊究。與粵省盤護之吳國一犯。供情符合。即可在閩省定擬完結。况此外亦並無再須質證之犯。何必輟轉解送。倘該犯或自知罪

重。乘隙自戕。或沿途另有疎脫等事。更屬不成事體。此等遇事推諉。最為外省惡習。雅德徐嗣曾身任地方大吏。豈宜存此諉卸之見。俱著傳旨申飭。至此案業據將該犯等解赴粵省。自屬無及。嗣後該督等。凡遇此等案情。既得正犯。無須鄰省人犯質證者。即當在本省定案辦理。毋得互相推諉。致滋延宕。至該犯起解後。現在亦應解到。其作何審辦之處。何以尚未據富勒渾奏到。著傳諭該督速行歸案嚴審。定擬具奏。將此各諭令知之。○是日。駐蹕法華村大營。○癸卯。賜扈從王公大臣。及蒙古王公。額駙。並直隸。山西。官員等食。○諭朕此次巡幸五臺。所有經過山西地方。已降旨蠲免本年地丁錢糧十分之三。惟念該省忻。代。等六州縣。上年被有偏災。雖經給賑。並酌借口糧籽種。民力稍紓。但該州縣尚有應行緩徵銀米。茲當清蹕時巡。宜敷渥澤。所有忻州。代州。定襄。五臺。崞縣。繁峙。乾隆五

十年分應緩徵銀三萬三千九百七十餘兩。米豆三千八百六十餘石俱著加恩豁免。以副朕惠愛黎元。省方行慶至意。該部即遵諭行。○又諭朕此次巡幸五臺。所有山西辦差兵丁著加恩賞給一月錢糧。○又諭曰伊桑阿奏據河東商人呈稱現在恭逢巡幸五臺情殷報効願備賞銀二十萬兩稍抒忱悃一摺該商等情詞懇切姑允所請昨面詢伊桑阿據稱晉省辦理五臺差務所有橋梁及黏補行宮座落等項向來例無開銷自撫臣以下至知府共捐養廉銀八萬兩等語外省大小臣工全藉養廉辦公若令捐貲未免竭蹶著即於此項銀兩內賞給銀八萬兩以作黏補行宮建搭橋梁道路之費不必另捐養廉以一萬兩交章嘉呼圖克圖分賞五臺各廟喇嘛以為熬茶念經之用昨經降旨賞山西省辦差銀一萬兩直隸省辦差銀七千兩亦即以此項銀兩內撥給無庸長蘆運庫領解

除各項分賞之外尚餘銀九萬三千兩著交與直隸總督劉我存貯酌量上年被災之順德廣平大名各屬或尚有應行撫卹接濟需用之處即行奏明動用至該商等踴躍急公殊為可嘉著交部照例議叙○又諭曰戶部彙奏各直省動用錢糧報銷舊案未結事件一摺內有經部駁查二次未覆及至三次未覆者各省動用錢糧報銷俱有定則該督撫等自應覈實速行具題乃經部駁查後復輟轉行查遲至數次尚未題覆實屬延玩所有駁查二次未覆者姑免議處其駁查三次尚未題覆者俱著交部議處著為令嗣後該督撫等務須覈實查辦妥速題結毋得任意遲延致干吏議○又諭曰戶部議覆揚州關由關徵收贏餘比較上三屆短少銀五萬九千六十餘兩請著落管關各員按經徵月日分別賠補等語因屬照例辦理第念上年豫東二省俱被旱災豆麥歉收兼之夏間河水乾

淺。商販無多。以致船隻過關稀少。贏餘短絀。尚屬有因。所有揚州關由閘短少贏餘銀五萬九千六十餘兩。著加恩寬免一半。其餘一半。著該管各員。按經徵月日分賠。○諭軍機大臣等。據步軍統領衙門奏。山東黃縣民人李友梅。呈控同縣民人王鵬。欠錢不還。反被辱毆。伊赴府控告。伊母林氏。在王鵬家大門內身死。不明一案。看來此案。竟與上年海昇致死伊妻吳雅氏情節相似。不可不詳細研

實錄卷一百四十九

三

究。著派侍郎琅玕。前往山東。秉公審辦。即自京起程。不必前赴行在請訓。至琅玕與明興俱係旗人。不可稍存迴護之見。上年海昇之案。因景祿杜玉林檢驗不實。復經派出曹文植。伊齡阿。前往覆檢。始將裝點情節。據實究出。得成信讞。是以將曹文植。伊齡阿。加恩議叙。景祿。杜玉林。發往新疆効力。以示懲勸。此次琅玕。務須實心查辦。審出實情。自可仰承恩眷。若少存瞻顧。稍有不實不盡。致李友梅

冤抑莫伸。復又翻供控告。別經審訊得實。則景祿杜玉林。即其前車之鑒。禍福惟其自致。琅玕當自行審度擇取也。將此傳諭知之。步軍統領衙門原摺。一併發寄閱看。○是日。駐蹕大教場行宮。○甲辰。遣官祭黑龍潭。昭靈沛澤龍王之神。玉泉山。

惠濟慈佑龍王之神。○是日。駐蹕臺麓寺行宮。○是月。河南巡撫畢沅奏。河南河內。武陟。兩縣境。沁河兩岸隄工。北岸連黃河大隄。地

實錄卷一百五十

三

勢外高。內窪。易引黃倒灌。南岸原村等處。應加高培厚。兩岸殘缺處。修補此項隄工。向係民修。豫省頻歲歉收。民力拮据。請確估借項興修。分十年攤徵還款。得旨。如所請行。○署河東河道總督蘭第錫奏。豫東兩省境黃河大隄。內外官地。雖零星不成片段。上冬委員清查。除現種葦柳。及浮沙鹽城外。舊坍新淤。及空隙可種地。約一百餘頃。又乾隆四十八年。改築南隄。舊隄自考城六堡以東。至河尾

五十餘里。已屬廢棄。召募墾種。可清出官地  
二三十頃。又曹縣舊河身內。新丈出無糧灘  
地。六十四頃十二畝。除撥補新河占用民地  
外。尚餘二十二頃有奇。各地若由官招佃徵  
租。於工用民生兩益。懇請恩准。咨會兩省巡  
撫。委員會丈名耕。分別議賦。原係工員管理  
者。仍交工員徵解。續查出地。由地方官徵解  
統貯各河道庫。按年報部。遇工奏請動用。得  
旨。此係有益於民之事。爾等妥為之。○兩廣

實錄卷三十三

三十五

總督富勒渾奏廣東各屬倉穀缺數查明勒  
限彌補現已補過四十萬二千四百六十餘  
石。尚缺二十五萬七百二十餘石。飭該司將  
各州縣原未缺額並續買補各穀。先派道府  
彼此互查結覆。覆齊日。親與該撫孫士毅督  
同抽盤。虛捏著落互查出結道府分賠得旨  
浙省現有虧空。已差人往查。汝在彼所司何  
事。則此奏亦不可信矣。與孫士毅豫辦為是  
朕實不願屢興大獄。若外省習氣不改。激朕

不得不辦。則朕亦非不能辦之主也。慎之。

實錄卷三十三

三十六

大清高宗法天隆運至誠先覺體元立極敷文  
奮武孝慈神聖純皇帝實錄卷之一千二百四十九

大清高宗法天隆運至誠先覺體元立極敷文奮武孝慈神聖純皇帝實錄卷之一千二百五十

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆五十一年丙午三月乙巳朔諭據惠齡

奏稱病故官兵多領錢糧米石照例請寬免等語新疆所辦事件應用清字摺奏此事清語無多豈惠齡不能清語耶即有關涉地方事件如清字摺奏有不明晰亦應如盛京用清漢字兼寫具奏惠齡著飭行至伊犁烏魯木齊二處多係民間事件亦應清漢字兼寫具奏不可單用漢字奏摺將此通行伊犁將軍烏魯木齊都統新疆駐劄大臣等一體遵辦○蠲緩長蘆屬衡水縣竈地上年水災額

賦有差○四川松茂道屬毛革阿按寨土千戶郎哥扎化故無子以其叔出納考襲職○是日駐蹕白雲寺行宮○丙午軍機大臣等奏訊問叩閣之陝西府谷縣已革監生劉爾琛據供乾隆四十八年該縣典史王俊串通署縣張恒將應碾賑倉穀發碾戶勒令多交米石碾戶復與胥吏作弊將粗腐米散賑倉穀賣與富戶販運又該縣每年出借倉穀春放一米秋收二穀放米每石不足五斗收穀每石勒令倍交俱有倉書花戶鋪戶等可證等語應將案內人證質鞠得旨此案著派尚書舒常帶同臬司袁鑒馳驛前往陝西秉公查審所有隨帶司員亦著一併馳驛其原告劉爾琛一犯交巡捕營派委妥員由驛解往○是日駐蹕菩薩頂行宮至庚戌皆如之○丁未遣官祭歷代帝王廟○賜扈從王公大臣及蒙古王公額駙直隸總督山西巡撫學政並官員等

食。○戊申。諭軍機大臣曰。薩載等奏現在新建東西壩以外之臨黃壩。尚未啟拆。應俟撥船漕船。將次到淮。即行開放。臨黃壩工。以便各船渡黃前進。並繪圖貼說呈覽。臨黃束清等壩。朕節次降旨指示。原為收蓄湖水。藉以敵黃濟運。撥船漕船。將次抵淮後。自應即行開放。以資浮送。但啟壩時。若將東西兩壩一齊拆動。恐清水散漫力弱。黃水或仍倒灌。所關非細。已於圖內用硃筆點出。著傳諭薩載等。於開放束清臨黃等壩時。務將束首壩工。照硃筆標出處所。啟拆。使清水向東北順趨下注。自不致有倒灌之虞。方為妥善。著將此由六百里傳諭知之。所有硃筆標識原圖。並著發交閱看。○甘肅肅州鎮總兵任學周。緣事革職。以頭等侍衛德光為肅州鎮總兵。○己酉。賜扈從王公大臣。及蒙古王公額駙直隸總督。山西巡撫學政。並官員等食。○諭軍機大臣等。據步軍統領衙門奏。領催韋馱保。

呈控伊妻父湯作新。囑令伊女收藏毒藥。給伊姑服食。解救未死一摺。已批交該部速行詳審。定擬具奏矣。此案湯氏之父湯作新。如果欲設計謀害。自應囑令其女。將伊夫及伊翁一併毒死。尚近情理。今止令湯氏毒死伊姑。則伊夫及伊夫之父尚在。豈肯干休。是毒死伊姑。於事仍屬無益。況湯作新接回湯氏夫婦。伊家轉增養贍之人。亦屬非計。種種情節。殊不可解。恐竟係韋馱保及伊父母。與湯作新別有嫌怨。通同設計。令湯氏捏造此等情節。希圖陷害湯作新。亦未可定。著傳諭阿桂等。將此案悉心研鞠。務得實情。以成信讞。○庚戌。清明節。遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵○遣官祭

孝賢皇后陵

端慧皇太子園寢○諭朕巡幸五臺途次有原任雲南巡撫裴宗錫之子候選主事裴正文及原任吏部侍郎田懋之子監生田玉麟前來迎駕裴宗錫前在巡撫任內於地方事務尚能實心經理伊子裴正文現係候選主事念其得缺為期尚遠著加恩交部遇缺即行補用至田玉麟之祖田從典曾任大學士服官有年奉職亦稱勤慎但其父田懋人本平庸氣質又復乖張在侍郎任內曾經獲咎伊子田玉麟自當聽其自勉進身之階不應邀恩特用朕於舊臣子孫酌量施恩務期公當惟視其祖父生前功過以為去取從不豫存成見也○又諭據松筠奏稱官設卡座馬

一匹驚入俄羅斯卡座經俄羅斯等尋獲交還即通行傳知各卡如有俄羅斯馬匹誤入官卡者務須尋獲交還俄羅斯以示大方會同蘊端多爾濟商辦等語松筠所辦殊屬盡心妥協上年松筠前往庫倫時曾經奏准不領盤費銀兩今著加恩松筠駐劄彼處應得盤費銀兩照例支給其以前未經支領盤費銀兩亦著按月照數全行補給以示鼓勵○諭軍機大臣等據福崧奏籌備柴塘歲修經費一摺稱每年柴工應需修費未便再動正項錢糧請將生息銀五十萬兩分借蘇局銅商及令浙商承領按年繳本息銀兩又據浙商請捐銀三十萬兩分年繳納歸還借帑以後轆轤借發永為柴塘歲修之用等語所奏殊屬不成事體浙省海塘工程原係朕意欲一律改建石工既可保障民生且可節省歲修柴塘為一勞永逸之計昨於四十九年親臨閱視見章家巷一帶柴塘石塘之間溝槽

一道有存水。特令填築堅實。栽種樹株。俾石塘柴塘連為一勢。即以柴塘為石塘之坦水。意亦不必更修坦水也。其范公塘一帶。亦添建石工於內。亦欲以舊有柴塘。即可為坦水。作重門保障。不必更修也。今看福崧等所奏。是竟應仍每年修坦水。不能一勞永逸。以符前言。轉深愧懣。況改築石工後。仍須常修坦水。是前後費此千百萬帑金。改建石塘。竟係虛擲無用之地。有是理乎。朕於民生國計。所關即多費帑金。原所不靳。但既建石塘。復又需添築坦水。歲修柴工。是欲省有限之費。而轉不免無窮之累。即云坦水柴塘亦為衛護鱗工起見。何若不修石塘之為愈耶。此等無益之費。日復一日。伊於何底。況商借商捐。是欲便民而先以累商。尤為非計。此事殊不可解。朕前後思維。實覺憤懣。無可訓諭。若果如福崧等所籌。則是不必建此石塘。當日何不如此批諭執奏。以為不可行。徒多費乎。且現

在浙省倉庫虧缺。迄今並未彌補全完。是該撫所奏歲修經費之事。總難憑信矣。此事即著交曹文植等於查辦。虧空之便。親赴該處會同地方官。詳晰履勘。將從前石塘是否當建。及柴塘坦水。如何又須添建歲修。並福崧另摺所奏。石料厚薄。配搭成砌。是否可行之處。一併據實覆奏。毋得稍存迴護。曹文植等皆係曉事之人。必能仰體朕意也。將此硃批曹文植等攜與福崧看後。即由驛發往富勒渾看。並令其明白回奏。○辛亥祭

先農之神。遣怡親王永琅行禮。○諭據薩載奏。交春以來。兩腿漸覺浮腫。由於氣血兩虧。今已多日。尚未痊愈。飲食漸減。精神疲憊。請解任調理。仍暫駐清江。會同河臣料理河務等語。薩載自簡任兩江總督以來。辦理地方事務。及河工一切。皆為奮勉。正資倚任。今聞患病。深為廑注。已派御前侍衛阿彌達帶同御醫。前往診視。並賞大荷包一對。小荷包二



對以示優眷。因思薩戴從前挑挖運中河。不知早建閘座。以致水勢一洩無餘。又於清口東西壩。不能及早收束。運道淺阻。種種錯謬。屢經訓飭指示。該督且愧且懼。心力未免勞瘁焦急。該督因辦事錯誤。經朕訓飭後。能知愧懼。尚有本心。前曾有旨。降為三品頂戴。今念其因此致疾。仍著加恩。復還原品頂戴。令其安心在任調理。以冀痊愈。再李奉翰與薩戴。皆因籌辦河務。未能妥協。同時獲咎。今薩戴業經加恩。李奉翰亦著加恩。賞還原品頂戴。該督務宜感激奮勉。以觀後效。至兩江總督事務。關係綦重。所有總督事務。著閔鶚元代為辦理。江寧等處地方。皆係該撫所屬。閔鶚元或移駐江寧。或即在蘇州料理總督事務。聽其自行酌便。諭軍機大臣等。昨據福崧奏。籌備柴塘坦水。歲修經費一摺。業經降旨。令曹文植等會同地方官親往履勘。將該處情形據實具奏矣。浙省海塘工程。關係民

生保障甚重。是以不惜千百萬帑金於老鹽倉范公塘。舊有柴塘後。一律添建石塘。仍留柴塘為重門保障。既可衛護閘閫。且可節省歲修。為一勞永逸之計。昨於甲辰春南巡時。親臨閱視。見章家菴一帶。石塘之前。土塘之後。留有溝槽一道。中有積水。並無去路。恐石塘根腳勢必淹浸刷滲。特令填築堅實。並將柴塘後之土順坡填平。於其上栽種樹株。俾石塘土塘聯絡一勢。即以土塘為石塘之坦水。其范公塘一帶。於舊有柴塘後。一律添建石工。亦以柴塘為坦水。俾作重門保障。自無須另砌坦水也。今據福崧等所奏。似不修坦水柴塘。將來海潮衝刷。或致浸損石塘。不能永資鞏固。是添築石工後。仍須歲修柴塘坦水。則前後所建石塘。竟屬無益。徒費千百萬帑金。虛擲無用之地。又曷若不修石塘。祇照舊歲修柴塘坦水。為補偏救弊之計。亦可以資抵禦之為省便耶。且富勒渾等。如果真知

灼見該處添建石塘後。坦水柴塘亦難偏廢。雖建石塘。仍不能一勞永逸。何不於彼時據實面陳。朕亦豈肯復令續建范公塘石工。又增無益之費耶。即云老鹽倉一帶工程。係王亶望陳輝祖等任內奏明辦理之事。為已成之局。富勒渾等已屬知而不言。而范公塘則係該督撫任內之事。雖係朕意如此。該督等身為地方大吏。果知其不可。何妨當面執奏。乃始而依違不言。徒增此勞民傷財之舉。今又欲歲修柴塘坦水。亦應將不得已之故直陳無隱。方不負朕委任之意。復又迴護其詞。託之商捐生息。以飾其始終隱昧之咎。朕反復思維。倍深愧懣。昨雖有旨傳諭曹文植等。令其親往履勘。據實籌辦。但恐曹文植等未會朕意。猶或稍有迴護遷就之見。著將柴塘坦水以及添建石塘究竟孰得孰失。及現在必須發帑辦理。方足以資鞏固。兩有裨益之處。熟籌妥議。曹文植等務須親往秉公詳

細籌畫。據實具奏。不得稍存諱飾也。將此由六百里傳諭曹文植等。並諭富勒渾。福崧令其激發天良。各抒所見具奏。候朕另降諭旨。○吏部議准。江西巡撫何裕城奏稱。江西督糧道向定為衝繁中缺。驛鹽道向定為衝繁難要缺。嗣驛務改歸臬司兼管。缺改為鹽法道。於繁簡未曾議及。查督糧道轄十三衛所。兼巡南撫建。劇郡鹽法道。僅稽查引地催收商課。兼巡瑞素。臨簡郡。請將督糧道改為衝繁難要缺。請旨簡放。鹽法道改為衝繁中缺。歸部銓選從之。○是日。駐蹕白雲寺行宮。○壬子。諭軍機大臣等。據書麟奏。太湖縣唐家山地方。鄉民掘挖藏根。見土內雜有黑米。磨粉攪和好米煮食。頗可充飢。民人聞風踵至。刨挖等語。此項刨出黑米。或係從前窖藏之物。但唐家山地方。並無民人居住。或竟係天地生出。以濟民食。亦未可定。該處既有此自然之利。為數較多。恐遠近居民聞風刨挖。以

致攘奪紛爭。亦所不免。現在雖有該縣駐彼彈壓。但必須妥協管束。俾小民既得藉資貧乏。仍不致忿爭生事。方為妥善。著傳諭該撫飭屬加意彈壓。勿令滋生事端。並查明該處民人。則挖時。有無爭競滋事之處。據實覆奏。尋奏。太湖縣唐家山鄉民掘出黑米。自正月十二至二十七日。共獲一千數百餘石。時該縣在彼彈壓。民無攘競。嗣因僅存雜土零粒。即已無人挖掘。得旨覽。

御製誌事詩曰。草根與樹皮。窮民禦災計。敢信賑恤周。遂乃無其事。茲接安撫奏。災黎荷天賜。挖蕨聊餬口。得米出不意。磨粉撓以粟。煮食充飢。致得千餘石多。而非村居地。縣令分給民。不無少接濟。並呈其米樣。煮食親嘗試。嗟我民食茲。我食先墮淚。

乾坤德好生。既感既滋愧。愧感之不勝。違忍稱為瑞。郵寄諸皇子。令皆知此味。孫曾元永識。愛民慈予志。是日駐蹕臺麓寺行宮。癸

丑。諭軍機大臣等。據阿揚阿等奏。稱葉爾羌和闐。遣犯上年一年內。並無脫逃等語。因思發往新疆。暨給厄魯特為奴人犯。俱各有專管之人。管束若嚴。何至脫逃。即逃一二名。亦不能一時越境遠颺。該管大臣等。果嚴飭各卡查拏。自無不獲。乃伊犁烏嚕木齊等處。節據奏報。遣犯脫逃。明係該管大臣等。平日不以事為事所致。著傳諭駐劄新疆大臣等。嗣後各宜留心。飭屬管束。以期如葉爾羌和闐。一年內並無逃犯。間遇逃犯。即嚴拏重懲。示衆。是日駐蹕大教場行宮。○甲寅。諭軍機大臣等。據持成額奏。浙省赴川買米。委員杭州府司獄徐道所押第四號船隻。載米一千一百三十餘石。於巴東縣地方。遇風碰破。船身僅搶獲濕米一百三十石等語。米船經過險灘。猝遇暴風。沉溺米石。雖非有心。究由於該委員管押不慎。而且沉失米石。為數較多。殊覺可惜。著傳諭福崧。將該司獄徐道所停

陞三年以示懲儆○旌表守正捐軀直隸昌黎縣民孫步武妻王氏○是日駐蹕法華村大營○乙卯

孝賢皇后忌辰

上命

皇十五子額驤祭

陵寢○諭軍機大臣等據阿桂等奏審訊韋馱保之妻湯氏收藏毒藥給伊姑服食一案種種情節殊不可解看來此案或竟係湯氏被伊翁姑及伊夫抑勒出於不得已始終執證伊父但父子天性湯氏即聽從夫家之言亦何至忍心竟陷伊父以謀害人命重罪現經用刑嚴訊又堅不吐實其中恐另有別情況據韋馱保呈出藥包試驗並非毒藥其包藥紙張又即係韋馱保之弟字仿其為捏飾顯然且湯作新於韋馱保踰門吵鬧後即令伊子赴城喊告韋馱保何以遲至數日後始行具控看來韋馱保必係刁惡之徒與湯作新

必有嫌怨情節故商同假捏以圖誣卸地步至凌三既同韋馱保往湯作新家踰門尋鬧則其啟釁設計之由凌三自必知情亦應向伊嚴加根究著傳諭阿桂等虛衷體察加意研鞫迅將案內疑實逐一訊明務得實情速行定擬具奏○是日駐蹕王快大營○丙辰諭曰兩江總督薩載久任封疆老成練達河防宣力懋著勤勞前因該督患病特遣御前侍衛阿彌達帶同御醫前往診視以冀就痊茲聞溘逝深為軫惜著加恩晉贈太子太保所有應得卹典著該部察例具奏○調四川總督李世傑為兩江總督以成都將軍保寧為四川總督雲南提督鄂輝為成都將軍調廣西提督烏大經為雲南提督以陝西興漢鎮總兵三德為廣西提督○是日駐蹕楊家莊大營○丁巳祭

先蠶之神遣妃行禮○諭據永瑋等奏稱從前德成所奏盛京城外一帶舊邊牆改用磚

砌之處。帶領素習風水之員。詳加查看。毋庸改砌等語。從前朕意以德成止將門樓改展。以壯觀瞻。今閱永瑋等所奏。全行改築。碑城此斷不可行之事。且一時亦難燒多磚。況近在

昭陵。其地多關風水。除已於摺內批示停止外。此舊邊牆。歷經年久。著交永瑋等。遵旨竟行停止。不必改砌。並交工部知道。○又諭江南淮徐道。有管理河務之責。原任道員劉錫嘏

降調後。懸缺已久。尚未據該督等奏調。自因該省道員內。熟諳河務者。一時乏人。薩載。李奉翰。未敢具奏。況今薩載已故。李奉翰更不敢一人專奏。但現在防汛之期。員缺緊要。未便懸宕日久。且遽易生手。於河防一切。亦屬非宜。因念劉錫嘏。在河道任內已久。仍著留淮徐道之任。第劉錫嘏。於屬員科派重案。有心徇庇。非尋常因公錯誤可比。著改為革職留任。俟十年無過。方准開復。○諭軍機大臣

等現在薩載病故。已降旨令李世傑調補兩江總督。其四川總督員缺。即著保寧補授矣。保寧平日辦事。尚能小心謹慎。操守亦尚可。信是以特加簡用。但新授總督。不可存自滿之見。稍涉高興。川省外通金川西藏。內地向有囑匪滋事。前經福康安實力整頓。李世傑亦能盡心經理。該省地方事務。頗見整飭。保寧惟當以此二人為法。實心任事。嚴加管束。庶不負朕簡任之意。至兩江總督事務。關係緊要。著傳諭李世傑。接奉諭旨後。即行速赴新任。不必前來請訓。○又諭昨已降旨。令李世傑調補兩江總督。並令即赴新任。不必前來請訓。第念兩江事務繁劇。兼管河務。且川省情形。朕亦有應須面詢之處。著傳諭李世傑。於接奉諭旨後。將地方緊要事件。詳悉告知保寧。令其妥協辦理。李世傑即著馳驛來京。朕見後。再赴新任。現在兩江總督事務。前已令閔鶚元代辦。李世傑未到以前。所有兩

江總督印務著閔鶚元暫行署理該撫曾屢署督篆且在江南年久地方河務皆所熟悉。自當盡心經理。至李奉翰於河務是其專責。今薩載業經病故無可商榷之人。現屆春汛之時。甚關緊要。一切機宜。李奉翰應與閔鶚元悉心商辦。至伏汛時。李世傑已可到任。此時李奉翰等務須和衷共濟。加意防護。毋致稍有貽誤。將此由五百里各傳諭知之。○又諭昨經降旨。將三德補授廣西提督。所遺陝西興漢鎮總兵員缺緊要。若由他省人員簡補。恐未諳該處情形。著傳諭福康安於陝甘兩省副將人員內揀選一人奏聞。候朕補放。○以故廣西思恩府屬舊城司土巡檢黃瀚源子桂襲職。○旌表守正被戕四川蓬溪縣民梁茂文女梁氏。○是日駐蹕樺皮村大營。○戊午。諭據保寧等奏稱。成都將軍副都統今年按舊例輪班保寧應來。新例輪班佛智應來。伊等二人內請指令一人前來等語。保

寧補放四川總督。所遺將軍一缺。已著鄂輝補授。鄂輝到任後。自應前來覲見。著傳知鄂輝。伊接奉諭旨。此時不必前來覲見。俟年終再來。即作為年班。○又諭據永慶奏稱。各省駐防有近親父子兄弟。同一佐領者。請照文員例。迴避調轉等語。京城八旗滿洲官員內。近親父子兄弟。在一佐領同作旗員者甚多。向無迴避之例。且各處俱有將軍副都統本旗協領屬員等。倘互相瞻徇舞弊。上司等即應隨時嚴查。從重叅奏。原無庸迴避調轉。況各處駐防官兵。均係多年。或彼此一族。或結成親眷。若均令迴避。必滋繁擾。永慶所奏。不可行。該部知道。○諭軍機大臣等。此次巡幸五臺。至靈鷲峯文殊寺。御製七言律詩一首。已繙出滿洲蒙古西番字。著發交伊桑阿於文殊寺內建立四方石幢一座。鐫泐四樣字。熱河向有石幢。著即照式辦理。並著將滿洲字刻於碑之東面。漢字刻於南面。蒙古字刻

於北面西番字刻於西面不必建蓋碑亭。該寺東邊原有空閒屋宇。或改一碑亭。不必高大。或不用碑亭。即在殿前院內俱無不可。著伊桑阿酌量地址繪圖進呈。並將石幢大小尺寸一併開明再行如式書寫發往按照四面鐫刻。將此諭令知之。○

御製至靈驚峯文殊寺詩曰。開塔曾聞演法華。梵經宣教率章嘉。臺稱以五崇標頂。乘列維三普度車。縈繆抒誠陟雲棧。霏微示喜舞天花。曼殊師利壽無量。寶號貞符我國家。○又諭。上年安徽省被有旱災。業經蠲賑兼施。民氣漸舒。入春以來雨澤優霑。麥秋可望。稍紓朕南顧之憂。而江南河務關係緊要。昨因薩載病故。已令李世傑調補兩江總督。但該督於河工素非諳悉。將來修防事宜。必須經理妥協。方可無誤。因念書麟係高晉之子。從前高晉辦理河工。伊隨侍任所。自應有所見聞。若令赴江省幫同經理。更為易於學習。著傳

諭書麟酌量該省情形。如大田佈種齊全。可無須親在該省籌辦。該撫於伏前可至淮安清江一帶。與李世傑李奉翰將河防一切事務彼此熟商。加意料理。在該處多一人則多一人之心思智慮。而該撫亦正可藉此習諳河務。至該撫帶印駐劄淮安清江於安徽省緊要事務。原可辦理。其尋常事件即可令陳步瀛代拆代行。倘有必須至省城料理之事。安慶距淮安清江不遠。該撫儘可往來其間。總期彼此兼顧。於公事均有裨益。方為盡善。若該撫揣度情勢。有不能離省他出之處。亦不妨據實具奏。不必因有此旨。稍存遷就。也將此傳諭書麟。並諭李世傑李奉翰知之。尋書麟奏。安屬春雨優霑。陂塘水足。俟大田種齊。將要務豫辦。即遵旨於伏汛前。至淮安清江徐州一帶。隨總督總河熟商修防機要。藉習河務。得旨。好。勉力學習。○是日駐蹕正定府行宮。翼日如之。○己未。

上詣

河神廟行禮○閱漣沱河○閱正定鎮兵於  
行宮門外。賞賚如例○諭據畢沅奏。原任汝  
寧府知府蘇爾芳阿。前因審轉命案。失入降  
調。該員自去秋至冬。查辦河工賑務。甚屬奮  
勉。請准其捐復所降一級。仍留豫省差遣。委  
用等語。蘇爾芳阿。前在知府任內。於審轉本  
屬命案降調。事關失入。本不應准其捐復。第  
念豫省河工賑務。均關緊要。熟手經理。較為  
得力。此次姑照該撫所請。蘇爾芳阿。准其捐  
復降級。留於該省差遣委用。此後不得援以  
為例。該部知道。

大清高宗法天隆運至誠先覺體元立極敷文  
奮武孝慈神聖純皇帝實錄卷之一千二百五十



大清高宗法天隆運至誠先覺體元立極敷文奮武孝慈神聖純皇帝實錄卷之一千二百五十一

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級日望路內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆五十一年丙午三月庚申諭曰豫親王

甲子年二月二十一日

一

一

修齡所遺鑲藍旗滿洲都統一缺著怡親王永琅調補其所遺鑲藍旗漢軍都統一缺著李侍堯補授仍署理正黃旗漢軍都統○諭軍機大臣等本日據劉我奏涿州等二十五州縣於三月十二三等日各得雨雪二三四五寸等語看來近日得雨之處俱在涿州以南一帶地方至京城前據留京王大臣奏報本月初一二日得有雨雪入土五寸土脈已為滋潤但十二三日正定一帶復得雨雪霑

甲子年二月二十一日

二

一

足入土極為深透今日本報到來未據王大臣等續行奏報京城得雨現在農田是否不至望澤麥苗長發情形若何大田曾否一律播種及土脈有無尚覺乾燥之處著由四百里傳諭王大臣等即速查明仍由四百里覆奏以慰廑注○是日駐蹕趙村大營○辛酉諭曰曹文植現在出差所有武英殿總裁事務著彭元瑞署理○軍機大臣等議准河南巡撫畢沅奏稱豫省河工購料向係沿河州縣發價民買運交嗣經前撫阿思哈奏准動款官辦稽一勛民貼運費錢一文即在沿河州縣地糧內徵還乾隆四十三年後黃河屢溢添險工十三處前糧銀一兩徵運費六十文今則幾及銀三錢盡歸沿河州縣攤徵未免偏重且各屬連年歉收正項錢糧既經緩徵工料幫費不得不於司庫墊濟計自四十四年至五十年各屬民欠運費銀共六十八萬餘兩若仍照舊攤徵積累愈重請於通

省各屬分六年徵還。嗣後此項幫費並於通省各屬按糧勻徵從之。○是日駐蹕衆春園行宮。○壬戌。

上詣

堯母陵。

帝堯廟行禮。○四川松茂道屬七布寨土千戶郎塔爾故子早卒。以其孫郎卡革勒襲職。去骨寨土千戶查得孝故無子。以其弟郎仲佈襲職。○是日駐蹕膏腴鋪大營。○癸亥。諭

曰。曹文植現在出差。所有戶部漢尚書事務著李侍堯署理。夏間朕駐蹕熱河時和坤隨往。所有戶部印鑰仍著李侍堯帶管。俟迴鑾後再行文卸。○又諭。此次巡幸五臺路過直隸。有差綠營兵等。業經加恩賞給一月錢糧。所有保定府駐防滿洲兵丁。雖無隨營差務。俱係滿洲兵丁。朕既臨幸至此。著加恩各賞半月錢糧。○諭軍機大臣等。本日據劉綰奏。直隸廣平大名二府於二月十二十五及三

月十二三等日。雖連次得雪。然每次不過一二寸。至三四寸。未能透足等語。廣平大名二府與河南衛輝接壤。該二府得雪尚少。未能透足。則衛輝一帶雨雪。恐亦未必優霑。現在畢沅已當行抵衛輝。著將該處曾否得有透雨。麥苗長發情形若何。及大田曾否一律播種之處。即行據實覆奏。以慰廛注。將此傳諭知之。尋奏。河北衛懷彰三屬。本月十三四等日。得雨雪一二三寸不等。雖未普透。三月後

天氣連陰。土脈尚潤。二麥現已盛長。河南開封歸德陳州一帶。與河北情形相同。餘屬雨足麥茂。至各屬大田。雖未全行播種。閏年節氣較遲。已飭屬督令乘時耕作。並酌借籽種。令將應補種秋田。俱於四月前一律種齊。得旨。今雖光景衆皆以為可待。而朕見晴已旬餘。且有灰塵。時時作風。又為之望雨不寧矣。汝應同此心。不可慢視也。○又諭。日前述次召見舒常。詢以富勒渾操守如何。伊不敢具

保昨穆騰額來行在。陛見時。詳加詢問。並令軍機大臣等。詢其有無實據之處。據稱。看其衙門熱鬧。信用家人。并有家人李姓。在衙門外邊居住。不免招搖。有駭觀聽。至其操守。雖無實據。亦不敢下保等語。富勒渾。歷任督撫多年。雖其才具。僅止中人。但於地方事務。可稱老練。是以調任兩廣。而其操守之好否。則從未聞也。今據舒常穆騰額。皆稱不敢具保。是其平素。必有蓋蓋不飭之事。今歲新正。孫

士毅在京時。朕曾經面詢富勒渾。操守如何。伊所奏。亦屬含糊。因思浙省虧空一案。現在欽差大臣。前往查辦。但富勒渾。曾任閩浙督撫有年。伊又與福崧。甚為不睦。何所用其迴護。不行據實奏。是其在閩浙任內。亦恐有不能自信之處。慮及巡撫攻訐其短。是以隱忍不言。今證之二人所奏。不為無因。况穆騰額。又係小心謹慎之人。若伊任內。別有情弊。恐富勒渾。奏為先發制人之舉。則伊起身

以後。富勒渾。自必查明奏。何以今日摺奏事件。並無提及穆騰額之處。是其尚無別項情弊。已可概見。著將詢問穆騰額奏片。發交孫士毅閱看。令其據實密奏。候朕酌量降旨。孫士毅。向有良心。受朕深恩。委任。自不肯代人受過。亦不忍在朕前。尚有欺隱。雖伊與富勒渾共事未久。但近在同城。不得誣為全無聞見。著傳諭孫士毅。將富勒渾如何操守。難信。及家人如何滋事。並此外有無別項需索

情弊。據實密陳。毋稍徇隱。至孫士毅。前在雲南。不能參奏李侍堯。朕加恩寬宥。仍用至巡撫。若不感發天良。少存隱飾。則雲南。即其覆轍。是其良心。盡泯。從前所言。皆不可信。斷不能復邀錄用。甚可畏也。將此由五百里傳諭知之。仍著迅速覆奏。○是日。駐蹕保定府行宮。翼日如之。○甲子。賜扈從王公大臣。及蒙古王公。並直隸官員等食。○諭賢良祠之建。原所以覈其人品政蹟。嘉予明禋風勵有位

歷來滿漢大臣有靖共夙夜。敷歷封疆。未經入祀者。自應量為增入。以示獎勵。所有原任大學士徐本。高斌。伊犁將軍伊勒圖。直隸總督方觀承。兩江總督薩載。俱著入祀賢良祠。○諭軍機大臣曰。曹文植等奏查辦浙省倉庫錢糧一摺。詢據福崧稱。四十七年清查各屬虧空。據報具奏。共一百三十四萬兩。經節年彌補外。實有未完虧空三十三萬餘兩。現在公司酌議分派清查。如有別項情弊。隨時嚴行參奏等語。浙省虧空前經福崧奏明。立限彌補。但所稱除節年彌補外。現止有未完銀三十三萬餘兩。係一面之詞。未足憑信。曹文植等務須切實清查。將各屬冊報數目。逐款覈對庫貯銀兩。是否相符。其倉穀一項。即使未經買補。亦應查明穀價。是否實貯在庫。如虧缺之項。與藩司冊報之數。多寡相懸。顯有別項情弊。自應嚴行參究。倘銀米俱歸有著。亦即據實奏明。再治以不實力催辦及公

堂設誓。不成政體之罪。朕向不欲為己甚之舉。亦不為姑息之政。至現在福崧報出未完虧短數目。安知非該州縣等。因有欽差查辦之事。畏懼敗露。始行設法彌補。以圖掩飾一時。及事過之後。其不肖之員。或仍挪移侵用。致倉庫復有短缺。尤屬不成事體。曹文植等。於此次查辦後。當悉心籌酌。或將現在彌補銀兩。及所存穀價。盡行提存藩庫。或如何明定章程。俾庫貯倉儲。俱得稽覈。不肖官吏。無從影射侵用。方為不孤此番查辦。將此由五百里傳諭知之。仍將盤查後。有無虧缺情弊。據實具奏。○加賑陝西朝邑華陰富平等三縣。乾隆五十年水災飢民。○旌表守正捐軀廣東始興縣民陳士元妻李氏。○乙丑諭曰。直隸按察使缺出。前已將京察保送記名之刑部司員同興補放。同興係員外郎。例應以知府用。即越級遷擢。亦不過道員。朕以該員係刑部所保一等。於刑名自必熟習。是以逾

格用為按察使。今於途次召見該員。清語甚屬生疎。詢以刑名事件。亦不能諳習。直隸臬司事務繁劇。現屆辦理秋審之時。非該員所能勝任。所有直隸按察使著託倫補授。其熱河道員缺著富尼善調補。天津道員缺著玉成調補。所遺霸昌道員缺。現有承辦明陵工程。聞該員在京係現修石道監督。或工程尚所諳悉。即著同興補授。以觀後效。○諭軍機大臣等。據穆騰額奏稱暹羅國每年正副貢船到關。其隨帶之船至十餘隻之多。又有藉名探貢船隻。俱屬內地商船。所帶貨物甚多。該監督查明應徵稅銀若干。報明督撫具題。概行寬免。殊非杜弊防奸之道。請將正副貢船各一隻。照例免其納稅。其餘船隻俱按貨徵稅等語。暹羅國修職抒誠。遣使呈進方物。其正副貢船自應免其徵納稅銀。豈容內地商船藉名影射。希圖免稅。此等商船到關時。該監督原可逐船履勘。除貢物之外。若有私

帶船隻。無難一望而知。自應按貨徵稅。該監督即當商之督撫。分別辦理。何得概予具題邀免。此係該督撫監督等分內應辦之事。何必形之章奏。候朕降旨始奉行耶。除就近傳知穆騰額遵辦外。著傳諭富勒渾孫士毅。於該國貢船到關。所有正副貢船各一隻。仍照例具題免稅。其餘若果查係夾帶客商私船。俱逐一查明。按貨納稅。以杜奸商取巧。通同弊混之計。○又諭現據穆騰額奏稱暹羅國貢船到關。每有隨帶船十餘隻。及藉名探貢船隻。俱係內地商船。夾帶貨物。向來該監督查明應徵稅銀。報明督撫具題。概行免其納稅等語。外藩呈進方物。其正副貢船自應免其徵納稅銀。至內地商船藉名影射。何得概行免稅。已傳諭該督撫監督等。不必形諸奏牘。惟當於該國貢船抵關時。除正副貢船照例具題免稅外。其餘夾帶客商私船。俱逐一查明。按貨納稅。以杜弊混。因思福建省亦有

琉球貢船到閩海關。有無似粵省夾帶商船情事。該將軍向來如何辦理。倘亦有夾帶船隻。一例免稅之事。該將軍應遵照現降諭旨。於貢船到關時。逐一查驗。除正副貢船。仍照舊辦理免稅外。所有夾帶商船。俱著查明一體按貨納稅。將此傳諭常青知之。此原管關者應辦之事。不必傳旨。並著將寄信富勒渾孫士毅諭旨鈔寄閱看。○是日駐蹕新莊大營。○丙寅。諭前因緝拏燕起等。緯克托保成等。冒昧調遣各處兵丁。前往喀什噶爾。所有支給兵丁盤費鹽菜銀兩等項。該部議駁尚屬近是。自應照部議著落原辦錯謬之大臣等分賠。但念當時伊等所辦。雖屬冒昧。究係因公起見。今若將此項支給盤費鹽菜銀兩等項著落分賠。恐邊疆遇有緊要事件。務須調兵。伊等未免拘執掣肘。以致貽誤。且易於藉口推諉。所關甚鉅。著加恩將此次支給調遣兵丁款項。免其著落賠補。官為如數開銷。

嗣後駐劄新疆將軍大臣等。遇地方細事。固不可不審輕重。冒昧辦理。若遇要事。亦當酌量機宜。熟思妥協。毋稍觀望推諉。致有貽誤。○刑部奏。審明領催韋馱保。因與妻父湯作新口角。誣告湯作新給藥。令伊妻湯氏謀毒伊母。並勒令湯氏誣證各情。分別擬罪。請旨得旨。此案湯氏誣證伊父湯作新。給與毒藥。謀害伊姑張氏。雖係伊翁姑丈夫勒令允從。但以子女誣告其父以死罪。事關倫紀。未便以迫於抑勒。竟從寬減。湯氏著改為應絞監候。秋後處決。至韋馱保。因口角微嫌。輒誣告湯作新。以謀命重情。又逼勒伊妻執證。致陷湯氏以逆倫死罪。情節殊屬可惡。僅發伊犁充當苦差。不足蔽辜。韋馱保著削去旗籍。發往伊犁。給厄魯特為奴。○是日駐蹕紫泉行宮。○丁卯。諭據李奉翰奏。河營守備劉建功。在清口河尾督辦春工。因向埽外探量水勢。失足落水。被淹身故等語。劉建功因辦理河

工。測水失足。致隨溜身故。殊可憫惜。著照例議卹。該部知道。○蠲緩安徽懷寧。桐城。潛山。太湖。宿松。望江。宣城。南陵。涇縣。寧國。旌德。太平。貴池。青陽。銅陵。建德。東流。當塗。蕪湖。繁昌。無為。合肥。舒城。廬江。巢縣。壽州。宿州。鳳陽。懷遠。定遠。靈璧。鳳臺。阜陽。霍邱。亳州。蒙城。太和。六安。霍山。泗州。盱眙。天長。五河。滁州。全椒。來安。和州。含山。廣德。建平。及新安。宣州。建陽。安慶。廬州。鳳陽。長淮。泗州。滁州等五十九州縣。衛。乾隆五十年旱災。額賦有差。並緩徵各州縣被災五分以上之附近鄉莊成熟田地。及勘不成災之賴上縣錢糧。○是日。駐蹕涿州行宮。翼日如之。○戊辰。諭曰。佐領和善。富明德。奉派巡查遼山。輒敢扣留兵丁銀兩。並夾帶創謾民人米石。串通舞弊。實屬有心玩法。和善。富明德。著發往伊犁充當苦差。候滿十年。該將軍再行請旨。○又諭曰。伊犁叅贊大臣。現在懸缺。自應補放。大臣一員。協同奎林

辦事。海祿著授為叅贊大臣。協同奎林。妥為辦理。其海祿之缺。著賞給火器營翼長訥音副都統職銜。授為伊犁領隊大臣。馳驛前往。管理厄魯特部落事務。○又諭。據黃仕簡等奏。同知潘凱。被直加未南目懷。二社生番殺害。當經會同總兵柴大紀。按察使李永祺。臺灣道永福。督率兵役。分投勦捕。先後殺獲兇番首級三十八顆。中鎗著箭。跌落崖坑身死者。百數十名。業將二社兇番巢穴。勦洗無餘。等語。直加未南目懷。二社生番。膽敢乘夜戕害官役。實屬兇頑。黃仕簡。李永祺。聞信後。即渡臺。會同該鎮道。督率官兵。進山勦捕。殲戮無遺。辦理甚為妥速。黃仕簡。柴大紀。李永祺。永福。俱著交部議敘。所有在事出力之文武員弁。著交黃仕簡。雅德。查明咨部。分別照例議敘。○又諭。前因柴大紀。差弁齎摺。屬今分日呈遞。意存取巧。恐於臺灣重地。難以勝任。是以將該員調補汀州鎮總兵。其臺灣鎮總

兵。以陸廷柱調補。今柴大紀於生番滋事一案。督率弁兵進山搜勦。頗為出力。且殲戮生番甚多。遠近番衆自必憚其威名。聞風斂戢。今甫經事定。遽行更調。恐非所宜。柴大紀著仍回臺灣鎮總兵之任。其汀州鎮總兵。即著陸廷柱調補。朕用人行政。惟求公當。不存成見也。○諭軍機大臣等。前因黃仕簡感患風疾。特令伊子黃秉淳前往省視。茲據雅德奏。黃秉淳已抵廈門。即日前赴臺灣。至伊父駐劄處所。隨侍等語。現在黃仕簡所患風疾業已漸次就愈。如尚須伊子隨侍。即多留旬日。亦屬甚善。倘自揣精力已覺平復。一切俱可照常辦理。無須黃秉淳在彼。即令其仍回原任。亦無不可。總聽該提督自行酌量可也。將此諭令知之。○軍機大臣等。會同行在刑部議奏。湖廣總督兼署湖北巡撫特成額奏。湖北黃岡縣賊犯陳其方等。行竊拒捕。傷斃緝役。陳其方擬斬立決。同拒捕而未傷人之郭

彥春。照為從例。擬杖流。陳其方應如該署撫所擬處決。郭彥春情節較重。請改發伊犁給厄魯特為奴。得旨。此案竊賊陳其方拒捕殺人。脫逃被獲。自應如所擬即行處斬。其幫同拒捕並未傷人之郭彥春。該署撫因係為從之犯。照例於斬罪上減一等。問擬杖流。經軍機大臣會同行在法司覈其情節較重。將該犯改發伊犁給厄魯特為奴。所擬甚是。向例凡於拒捕為從者。俱於為首斬罪上減一等。問擬杖流。但為從之犯。雖同一拒捕。而事主之與官差。究有區別。如犯罪事發。業經官司差人拘捕。該犯仍敢藐法抗拒。較之事主追逐臨時抗拒者。情罪自為較重。若概以為從並未傷人。一例減流。不足以儆兇頑而昭法紀。嗣後抗拒官差為從者。即照此案定擬。其餘仍照舊例辦理。著為令。○己巳吏部等部議准。兩廣總督兼署廣東巡撫富勒渾奏。廣東南海縣江浦司巡檢向轄十八堡計村庄



一百八十七處。內有九江一堡。界連四縣。戶  
密人稠。商賈輻輳。僅責一巡檢管轄。查察難  
周。請於九江適中地。添設主簿一員。將附近  
之大同。沙頭。河清。鎮涌等堡。及各該水利圍  
基。俱撥歸管轄。並責令稽查一切奸匪。不力  
照專管例。叅處其缺。定為在外揀調。將事簡  
之南海。三江。司巡檢。改歸部選。再雷州府司  
獄。僅管監犯。請裁汰。歸該府經歷兼管。從之。  
○兵部等部議准。雲貴總督富綱奏。稱貴州  
安南營遊擊。前經改為普安營遊擊。安南營  
守備。改移普安營。分駐亦資孔。普安營都司  
裁。改為安南營都司。所有關防傳劄。劄付應  
各按現改職守。分別換給。再普安營平彝所。  
居民稠密。應添一卡。駐兵四名。巡查馮家莊  
陸官屯。上寨站。應各添一塘。每塘安兵四名。  
接遞公文。老鶯巖。添一卡。花市寨。添一塘。各  
駐兵四名。巡緝從之。○予故和碩豫親王修  
齡。祭葬如例。謚曰良。○旌表守正捐軀直隸

冀州民陳智妻李氏。河南汝州民孔玉旺妻  
陳氏。山東壽光縣民韓長妻呂氏。○是日。駐  
蹕黃新莊行宮。○庚午。  
上詣  
安佑宮行禮。○還圓明園。○辛未。諭曰。彭元瑞  
前於侍郎任內。遇覃恩。例不准請尚書封典。  
但念其在公勤勉。所有應得封典。著加恩。准  
其照尚書請封。○又諭。前據福崧奏。浙省各  
屬倉庫。虧缺尚多。難以依限全補。請分別展  
限。並於新正。傳齊司道各府。公同立誓。共砥  
廉隅等語。所奏殊不成語。并恐該省。竟有別  
項虧空情弊。因命尚書曹文植。侍郎姜晟。伊  
齡阿。前往徹底查辦。昨據曹文植等奏。浙省  
虧空。據福崧等開報。從前共一百三十四萬  
兩。除已彌補九十六萬餘兩。未完三十三萬  
二千餘兩。擬俟分投盤查。再行具奏等語。浙  
省倉庫。業經曹文植等。委員先行盤查。並親  
自抽盤。虛實無難立見。如查有別項虧短情

弊。自應將福崧等從重治罪。即無別項情弊。該省虧缺。自前次清查之後。該撫等果能督飭所屬。上緊籌備。自當依限全完。何至以巡撫而與屬員公堂立誓。實屬不成政體。此而得邀寬宥。不特福崧顏留任。莫知愧懼。將來封疆大吏。益復無所儆畏。至盛住。身任藩司。錢糧是其專責。於該省虧缺。既不能督飭所屬。依限全完。又復隨同設誓。亦不可仍留藩司之任。福崧著來京候旨。其浙江巡撫員

缺。著伊齡阿補授。盛住著革去藩司。留內務府郎中之職。專辦杭州織造事務。其浙江布政使員缺。著顧學潮補授。所遺直隸清河道員缺。著朱瀾補授。浙省范公塘一帶。改建石工。尚未告竣。此事原係盛住承辦。應仍令監修。以贖前愆。○又諭曰。劉墀年力就衰。著來京。以京堂補用。江寧布政使員缺。著袁鑒補授。所遺山西按察使員缺。著虔禮寶補授。○又諭曰。御前侍衛副都統台蒙阿。因足疾不

能行走。當差。著原品休致。令回本處。台蒙阿効力多年。著加恩賞銀五十兩。以資調理。○又諭。前已降旨。將柴大紀仍留臺灣鎮總兵之任。其汀州鎮總兵。即著陸廷柱調補矣。陸廷柱原係南澳鎮總兵。武隆阿原係汀州鎮總兵。今柴大紀已留臺灣。武隆阿著仍回汀州。陸廷柱著仍回南澳各本任。武隆阿且不必來京。陸見侯。屆三年時。再行奏請。○諭軍機大臣等。前據福崧奏。籌備柴塘坦水歲修

經費一摺。業經降旨。令曹文植等會同地方官。親往履勘。將該處情形。據實具奏矣。浙省海塘工程。改建石工。既可保障民生。且可節省歲修柴塘。亦無須採辦薪芻。於民間更為有益。實屬一勞永逸之計。前於四十九年南巡時。親臨閱視。見章家巷一帶。石塘之前。土塘之後。有溝槽一道。中存積水。並無去路。恐石塘根腳。勢必淹浸。滲刷。特令即取後層土。備塘之土。將溝槽填築堅實。於其上栽種樹

株俾石塘土塘聯絡一勢。即以為石塘之坦水。而此外復有舊有之柴塘。柴塘之外又有舊有之竹簍。是重重保障。又何慮海潮之遽行衝刷至石塘耶。況潮汐往來。向有定候。來急退速。非如黃河伏秋大汎。水長至數丈。溜勢湍急。逼近隄根。晝夜射注者可比也。若如該撫所言。添築石工後。仍須歲修柴塘坦水。則前後所建石塘。竟屬無益。徒費千百萬帑金。虛擲無用之地。又曷若不修石塘。祇照舊歲修柴塘坦水。為補偏救弊之計。亦可以資抵禦之為省便耶。至范公塘一帶。本係土塘。向歷多年。並未聞衝塌之事。今復於柴塘後亦一律添建石工。即以舊范公塘為坦水。足資重門鞏護。更無須另砌坦水。且海塘本設有塘兵。即使稍有坍塌。塘兵即應隨時修葺。亦如京師步軍修理街道。設有用費。地方官不過略為補苴。乃福崧所奏。竟須每年歲修柴塘坦水。且籌及商借商捐。欲每年生息五

萬餘兩。作為歲修經費。從前歲修柴塘。每年報銷數十兩。至二三萬兩不等。今既費此千百萬帑金。改建石塘。而歲修之費。轉多於前。此明係福崧受屬員慫恿。為將來浮冒開銷地步。殊屬不成事體。況福崧於屬員虧空。不能依限彌補全完。乃與屬員公同立誓。有乖政體。難勝封疆之任。業經明降諭旨。令福崧來京候旨。將伊齡阿補授浙江巡撫。矣。總之浙省改建石塘後。柴塘坦水。不加歲修。十年之內。朕可保安然無事。伊齡阿既任浙江巡撫。海塘是其專責。不可不實力妥辦。伊係內務府人員。久任鹽政。俸廉甚厚。自必積有餘貲。今既擢用浙江巡撫。若再於地方鹽務內。稍思染指。不但不能承受朕恩。並恐不能保其素有。伊齡阿受朕委任。伊尚明白曉事。務須仰體朕意。實力整頓。以福崧為前車之鑒也。前於途次。屢經降旨。傳諭曹文植等。令其親往履勘。據實籌辦。但恐曹文植等。不能有

一定主見有費周章。著再傳諭曹文垣。茲示以大端。伊等務須親往。秉公詳細熟籌妥議。據實具奏。曹文垣等皆係曉事之人。必能善會朕意也。至曹文垣等接奉查辦海塘諭旨。何以尚未將勘辦情形。迅速覆奏。前雖有旨。令曹文垣於查辦虧空海塘諸事完竣後。回籍為伊母祝壽。但浙省盤查虧空。既須逐細清釐。而海塘事宜尤關緊要。著傳諭曹文垣務須悉心籌畫。一切查辦周妥。覆奏後。再行回籍。即使稍逾伊母壽期。於六月內回籍補祝。多住數日。亦無不可。先公後私。為分所當然也。將此由六百里傳諭知之。○又諭前據步軍統領衙門奏。山東民人李友梅呈控伊母在王鵬家身死不明一案。因派琅玕前往秉公查審。該侍郎於本月初三日。自京起程。迄今幾及一月。東省距京不遠。何以尚未見具奏。即或因案涉疑似。遽難定擬。亦應將現在審訊大概情形。先行奏聞。著傳諭該侍郎。

將此案秉公研鞫。迅速具奏。○又諭曰。顧學潮現已降旨。補授浙江布政使。該省現在查辦虧空。係藩司專管之事。並有海塘工程甚關緊要。顧學潮甫經行在。召見。亦朕所素知之人。著傳諭該司。接奉此旨。即迅速前赴浙江任事。不必來京請訓。○以署正藍旗蒙古副都統阿蘭保。為正黃旗蒙古副都統。調正黃旗漢軍副都統隆興。為荊州左翼副都統。以署鑲黃旗漢軍副都統劉鑑。為正黃旗漢軍副都統。○壬申。諭曰。工部叢議。臨清工關比較上屆。短少盈餘銀二十六百餘兩。請著落該撫等。照數分賠一摺。固屬照例辦理。第念上年春夏缺雨。閘河水淺。商販稀少。以致徵收盈餘短缺。自屬實情。且該關短少戶關盈餘銀兩。業照部議。著令賠補。所有此項短少工關盈餘銀兩。著加恩寬免。○兩廣總督兼署廣東巡撫富勒渾奏。粵東沿海沙坦。前督李侍堯。以關係水道。禁民圍墾。嗣巡撫孫

士穀。以無礙水道。請弛禁給墾。以杜盜占爭訟。茲委員確勘。南海番禺東莞順德新會香山等六縣沙坦。約有六百餘頃。均邊海。距水口甚遠。亦無圍築與水爭地之勢。開墾有利無害。請准民承墾。按例計科。得旨允行。○癸酉。

上御勤政殿聽政。○軍機大臣等議。覆陝甘總督福康安奏。甘肅敦煌縣沙州地產金砂。前經獲辦偷挖各犯。並聲明詳勘後。官為開採。

茲查沙州南北兩山。土雜金砂。雖節年封禁。貧民趨利如鶩。難免偷挖。不若官明立廠募夫。照烏魯木齊金廠例。夫五十。設夫頭一名。給票入山試採。儘收儘報。並派文武員弁彈壓。應如所請。並令試採兩三月後。統覈得金多少。再酌定規條奏辦。從之。○以署吏部侍郎蘇凌阿為工部右侍郎。轉禮部右侍郎。藍應元為左侍郎。以內閣學士朱珪為禮部右侍郎。實授胡高望為內閣學士兼禮部侍郎。

○調鑲黃旗蒙古副都統塔琦為鑲紅旗滿洲副都統。以伊犁領隊大臣富景為鑲黃旗蒙古副都統。○是月。漕運總督毓奇奏。江南江淮衛頭二七幫。興武衛三幫。向無贍運屯田。乾隆四十八年。經總督薩載奏准。承買入官田畝。為隨船公產。價銀分四年呈繳。該丁承領後。四十九年應繳價。按限清完。五十年應繳價。因早災歉收。且該丁等連年運船。守淺起剝。費用倍常。無力清繳。請將未完三年應繳價銀。自五十一年起。分六年完繳。得旨。如所請行。○江南河道總督李奉翰奏。湖北湖南委員押解撥船。本月初七八等日。先後抵淮。淮安常州鳳中等三幫。漕船跟幫前來。初八日。開放裴家場通湖引河口。門過水深五六尺。並將束清臨黃及新建東壩。遵圖內硃筆指示處。相機啟拆。清水直向東北順趨出口。會黃下注。形勢順暢。兩湖撥船。先令渡黃。進楊家莊運口北上。隨令漕船接進。開放。

運中河內古城壩工。並將撥船喫水尺寸。飛咨東省。博節酌放。微湖之水。先送撥船。後濟重運。得旨。好。爾等諸事。若皆似朕豫計。何致有誤。又奏。洪澤湖清水。自前月啟壩。迄今未見消動。誌椿仍存水四尺六寸。往後江廣重運。足資浮送。且先後得雨六次。各處山泉可期漸長。濟運無虞。缺水得旨。且莫為此滿足之言。但長存敬畏之心。思患豫防可也。又批。上天仁愛。應以敬承之。又奏。淮揚運河兩腮浮

淤。日見滌除。新建東西壩上下新灘清水。下注。亦即刷動。得旨。覽奏稍慰。○湖廣總督特成額奏。湖北上年旱災。各屬展賑事宜。現輕騎減從。親赴武昌。漢陽。德安等府屬抽查。得旨。此語人皆能言。但未必能如書麟也。汝係舊家。又總督。應實力嚴管家人。又奏。沿途麥苗。均因春雨及時。青蔥暢茂。得旨。覽奏欣慰。又奏。駐防荊州滿營兵米。向撥湖北各州縣額徵南米供支。新徵南米。未解荊時。於存貯

平糶文二二二

二二

荆倉襄漕米內借給。上年各屬被災。蠲贖南米。徵解踰期。致去年十二月。並本年三月初七以前。滿營兵米。不敷支放。請均於荆倉存貯。裏漕米內借支。其三月初七。至七月初二。應支米。因災蠲撥。給折色。秋成未屆。兵買維艱。請照調支冬月本色例。並於支贖襄漕及添貯兵穀內碾放。又武昌。東湖。鄖陽。襄陽。均州。穀城。等六倉。應支綠營兵米。亦因災徵解不齊。請照荆倉例。一律借各本倉裏漕米穀支放。得旨。如所請行。○河南巡撫畢沅奏。豫省上年秋災。各屬除已成災之永城等十二州縣。及不成災之祥符等十一州縣。業經分別題緩。新舊錢糧外。其汲縣。新鄉。獲嘉。輝縣。淇縣。延津。封邱。濬縣。滑縣。考城。武陟。修武。原武。陽武。杞縣。蘭陽。儀封。滎澤。通許。尉氏。洧川。中年。鄆陵。滎陽。禹州。鄭州。新鄭。汜水。密縣。許州。郟城。商水。項城。沈邱。等三十四廳州縣。雖未成災。但連歲積歉。請將本年錢糧展至本

平糶文二二二

二二

年五月麥熟後開徵。其舊欠耗羨並蠲。騰帶徵節年各項舊欠錢糧。緩至本年秋後開徵得旨。如所請行。○又奏。上秋被災各屬。除永城等十二州縣。業經題明借給籽種。其連年積歉及去秋不成災而收歉之祥符等十七州縣。現派員勘明。無力農民酌借籽種。令於四月前補種。各項秋禾得旨。好。妥為之。俾受實惠。○又奏。駐防開封省城之滿洲官兵。年久丁繁。生計拮据。請添設步兵一百名。每名月支錢糧銀一兩五錢。於成丁閒散內挑取。飭該佐領等。按期勤操。將年老及弓馬平常原額兵。酌移令稽守城門街道。得旨。如所請行。

高宗實錄卷二二五二

五

大清高宗法天隆運至誠先覺體元立極敷文奮武孝慈神聖純皇帝實錄卷之一百五十一

高宗實錄卷二二五二

五

大清高宗法天隆運至誠先覺體元立極敷文  
奮武孝慈神聖純皇帝實錄卷之一千二百五十二

監修總裁官經筵講官太子太傅文淵閣大學士文淵閣領事侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆五十一年丙午夏四月甲戌朔享

實錄卷一千三百三十二

太廟遣恒郡王永皓恭代行禮

上還宮○諭軍機大臣等上年據閔鶚元奏屬

員賢否單內稱劉墉精神漸不如前朕恐其

難勝藩司之任當經傳諭該撫等令其據實

具奏嗣據該撫等覆奏江寧淮徐一帶有應

辦賑務未便遽易生手俟賑務完竣再行具

奏等語目下賑務已經完竣何以尚未據該

撫奏請另行簡放江寧藩司員缺緊要前年

南巡親見其年力就衰已恐不能勝任今該

撫亦稱劉墉精力既衰於地方事務恐有貽

誤昨已降旨將袁鑒補授矣至該撫之遲遲

不奏非瞻徇劉墉即係因該員為劉墉之兄

看顧情面封疆大吏豈宜似此存心尚可用

為江南總督乎莫懷不足之意慎之閔鶚元

著傳旨嚴行申飭○又諭前因淮徐道懸缺

已久未據該督等奏調已降旨將劉錫嘏仍

留原任矣淮徐道有管理河務之責況現屆

防汛甚關緊要該省道員內如有熟諳河務

實錄卷一千三百三十二

能勝此任者該督即應迅速奏調或一時乏

人亦應據實奏明懇請將劉錫嘏降級留任

乃心存觀望以致要缺久懸直待朕念及降

旨令其留任李奉翰身任河防豈因薩載病

故遂置要務於不辦耶著傳旨申飭○又諭

前據陝西已革監生劉爾琰呈控前署府谷

縣張恒等於放賑時將好米易換腐米一案

因派舒常帶同臬司袁鑒前往秉公查審舒

常等於三月初二日自行在起身迄今已有



一月何以尚未見具奏。即或因案內人證衆多。一時未能到齊。質審定擬。亦應將查出大概情形。先行奏聞。著傳諭舒常。即將此案秉公查辦。迅速具奏。○欽差戶部尚書曹文植等奏查勘柴石兩塘情形。自章家庵西至范公塘一帶。計工二千一百一十丈。其間十段至十三段。更當頂衝。受水最重。餘亦迴溜直逼塘根。尤非石塘不能永固。應列為急工。其外衝之柴工。更須透過石塘工尾。往西接築二三百丈。並於塘外添建挑水壩一座。其范公塘西至烏龍廟一帶。原砌石工二千九百三十丈。查該處土塘一道。高五尺至八尺。底寬二丈五尺至三丈五尺不等。頗為堅固。塘外沙塗。由烏龍廟起。漲沙已寬至四百餘丈。其迤東如三官塘等處。舊漲熟地七百餘丈。子沙又二百餘丈。桑麻廬舍。彌望相連。為潮汐所不能到。應列為緩工。暫行停修。再新建石塘。若照老鹽倉以東舊有石塘。一律修建。

坦水所需工料價銀。不下一百數十萬兩。未免過多。應俟石工告竣之後。即以柴工為坦水。無須另建。惟是老鹽倉西石塘坦水。舊有歲修之例。則作為坦水之柴塘。亦應一律籌辦。此項銀兩。即於該省餘存項下銀六十萬兩內。撥出五十萬兩。酌借商人一分行息。歲可得銀六萬兩。專作老鹽倉西新舊柴塘歲修經費。再上年議准石料厚薄。面石厚一尺。餘配搭成砌。俱以八九寸為率。今石料寬窄。應與厚薄一例辦理。得旨。所議是。如所請行。該部知道。○是日起。上以常雩祀。天於。園丘齋戒三日。○乙亥。諭軍機大臣等。據派出收馬大臣奏。此次回京。隨從騎坐馬匹。倒斃甚多。一摺。朕巡幸五臺。所有隨從人員馬匹。需用草料較多。雖五臺地方僻小。產草無多。但遇有此等差務。上幾屈該地方官。俱係豫

為辦運。臨時平價售賣。方能不誤飼秣。今聞該處草價騰貴。隨從人員艱於購買。不敷餵養。是以官私馬匹倒斃甚多。伊桑阿何得總不過問。難辭辦理不善之咎。此項草料。雖不用巡撫親身經管。但委辦官員。何以並不妥協儲備。以致草價增昂。不敷應付。或屬員等有藉端剋扣情弊。該撫即應查明叅處。伊桑阿何漫不經心。若此。著傳旨申飭。○又諭據曹文植等奏。前往海塘詳細履勘。公同商酌。所議是已。批如所請行矣。但該處柴塘之外。舊有竹簍裝貯碎石。以為坦水。潮汐往來。汕刷。自不無坍塌。朕意該省每年若一律粘補柴塘。則是間閭日用所需柴薪。未免逐漸昂貴。於生民殊有關係。今所議不過隨時墊陷。加鑲所用無多。且坦水係竹簍裝貯碎石。在在可以拾取。事不勞而工易辦。與民生日用無涉。更為一舉兩得。再從前歲修柴塘。每年報銷不過數千兩。至二三萬兩不等。今雖定

以經費銀六萬兩。伊齡阿仍須督飭所屬。據實報部覈銷。年終彙奏。不得因經費充餘。致滋工員視為例。有冒銷侵蝕情弊。至浙省虧空。據曹文植等奏稱。現擬分投前往各府清查。此事若巡撫藩司未經離任。或恐屬員等心存瞻顧。未肯和盤托出。前已降旨令福崧來京候旨。盛佳革去藩司。是撫藩皆已離任。各州縣更無所容其迴護。著傳諭曹文植等。務須切實嚴查。並曉諭各屬。令其據實呈明。無難底裏畢露。斷不可稍涉顛預。致有其實不盡。至於浙省虧空。福崧等既不能督飭所屬及早籌補。依限全完。乃與屬員公堂立誓。有乖政體。雖已令其離任。將來定案時。自有應得之咎。此等倉庫虧缺。各省難保必無。若不示以懲創。相率效尤。亦復無所儆畏。豈朕委任封疆。整飭吏治之意耶。此案俟曹文植等查明覆奏到日。再降諭旨。將此由六百里傳諭曹文植等知之。○禮部奏酌定陪祀

各氏後裔條例。貢生准以本身應考職銜掣簽。武生俊秀俱准作監生。奉祀生向准作恩貢。究與考取者不同。應改作監生。至聖裔向止帶山東曲阜五人。今添浙江衢州二人。元聖裔向止帶山東東野氏二人。今添陝西姬氏二人。有子裔向係江蘇崇明縣奉祀生有氏帶領。未為允協。應扣請以山東肥城縣有氏承襲博士。嗣後即以博士帶領。朱子裔向係帶安徽婺源縣籍二人。查福建建安亦有額設博士。應定為婺源一人。建安一人。從之。丙子。

上詣

南郊齋宮齋宿。○以正紅旗蒙古副都統積善鑲黃旗蒙古副都統傅景對調。○丁丑。常雩祀。

天於

園丘

上親詣行禮。○幸圓明園。○以陝甘督標中軍

副將王彙為陝西興漢鎮總兵。○戊寅。諭曰。章嘉呼圖克圖。掌印多年。聞揚黃教。安撫衆生。留心經律。昨據佛爾爾卿額奏。稱呼圖克圖於四月初二日圓寂等語。朕心深為悼惜。著製造金塔一座。從其素願。永於鎮海寺供設。一切事宜。妥為照料。並於前藏施銀一千兩。後藏施銀五百兩。交留保住。阿旺簇勒提木。令為熬茶誦經費用。此項銀兩。即動用該處庫項。至所管印信。亦從其遺言。令阿旺簇勒提木掌管。聞阿旺簇勒提木每有欲來京師之願。前因彼處事關緊要。未從其請。今值呼圖克圖之事。留保住奉到此旨。即令其急速前來。併將此旨諭令閱看。○諭軍機大臣等。據福崧奏。查勘乍浦礮臺。酌擬將天后廟前空閒樓屋拆卸。就此屋基改建礮臺。增設礮口。分安礮位一摺。所辦非是。前因雅德奏。進建復礮臺圖說。係長堤沿海。作月牙形。坐灣受衝。恐易致風潮衝刷。是以諭令

福崧前往相度形勢。酌量改建。今閱福崧奏到圖樣。與舊圖迥然不同。且既舊有山西嘴礮臺。止須修葺完整。以備閱操足矣。又何必於

天后宮前那移改建。既徒滋糜費。又將廟宇遮蔽。更非所以妥侑神明。宜其獲罪離任也。著傳旨申飭。此事著交伊齡阿遵旨。仍於舊處妥辦。將此傳諭伊齡阿。並諭福崧知之。○漕運總督毓奇奏。江南江淮衛頭二七等幫。

興武衛三幫。從前認買官田。價銀四萬四千五百九十四兩零。分作四年呈繳。除已完初限外。下欠三限。實係年早歉收。且官田坐落泰州東臺等處。地較瘠薄。歲入租銀。不過四千餘兩。丁力疲乏。請自本年為始。分作六年完繳。得旨。著照所請行。該部知道。○己卯。諭朕恭閱

皇祖聖祖仁皇帝實錄。其時主考學政。往往有蕩檢踰閑。交通關節。賄賣生童之事。俱經身

罹重辟。雍正年間。俞鴻圖復效尤舞弊。賊私累累。我

皇考將伊立行正法。以昭炯戒。乾隆年間。山西學政喀爾欽。有賄賣生童之案。順天監試蔡時田。有交通關節之案。亦俱盡法懲治。自此人知畏懼。迄今數十餘年。從無有似此骫法之事。國家設科取士。期於虛心秉鑑。慎重掄才。主考學政。簡任衡文。果能砥礪廉隅。矢公矢慎。為國家鑒拔真才。不至貪黷敗檢。干犯憲典。固屬甚善。但恐日久因循。其中或有見利忘義之徒。故智復萌。不自檢束者。亦未可定。且主持衡文者。本無多人。除簡用試差外。其得與分較之員。原可揣摩而得。夤緣奔競。勢所不免。惟在該員等潔清共矢。不至自貽伊戚。本年鄉試屆期。各省學政。亦例應更換。著通行飭諭。凡得膺衡文之責者。當念為國樹人之義。秉公取士。同深敬凜。時時觸目警心。不負任使。以前事為鑒。倘有仍蹈故轍。以

身試法者。一經發覺。典章具在。斷不姑為寬貸。母謂朕言之不豫也。將此通諭知之。○又諭曰。大學士阿桂著馳驛前往清口。籌辦河工事務。○又諭曰。徐嗣曾奏審擬拏獲海洋刦殺多命兇盜一摺。已批交三法司覈擬速奏矣。此案盜犯施九九等行刦海洋。殺斃多命。自應盡法懲治。至陳昌敏一犯。雖未知情分賊。但將自置領照船隻給與各盜犯駕坐。以致施九九等出洋肆行刦殺至十七命之多。情節甚重。該撫僅擬發遣不足蔽辜。著交刑部於覈擬時。將陳昌敏一犯照為從例問擬死罪。以為海洋行刦殺傷多命者戒。○諭軍機大臣等。據書麟奏。安省常平豫備二倉存貯麥豆。若照向年平糶章程。每石減銀二錢。未免仍虞食貴。請按照市價。分別減銀二錢三錢等語。安省上年被旱成災。麥豆價值昂貴。自應減價平糶。以資接濟。原為災黎之計。但從前京師平糶時。多有鋪戶私自雇人

充作貧民。前往糶買。藉以囤積漁利。轉致百姓不得實惠。今安省減價平糶。恐此等奸商漁利在所不免。著傳諭書麟。務須加意留心。督飭所屬實力稽查。毋使奸商刁販假充貧民。藉端取利。俾窮黎得以賤價糶買。口食有資。方為妥善。○又諭據書麟奏。安省太湖縣民人創挖黑米。泗州災黎挖掘葛根。經該縣周兆蘭及知州鄭交泰在彼彈壓。毫無爭競滋事等語。該省貧民創挖黑米。葛根。該州縣等董率營汛佐雜等官。稽查彈壓。小民不致忿爭生事。辦理頗為妥協。著傳諭書麟。俟該二員於地方應辦事宜全行完竣後。送部引見。○辛巳。諭軍機大臣等。據富勒渾覆奏。柴塘應行酌量修補一摺。浙省塘工原為民生保障。關係甚重。是以諭令曹文植等會同地方官詳細履勘。公同商酌。嗣據曹文植等奏到。業經降旨照所請行矣。今據富勒渾奏。柴塘作為坦水一節。既欲藉資保障。自應酌量

黏補。庶石塘常得藉柴塘為護身。而柴塘亦得永資石塘為依靠等語。所有富勒渾奏到之摺。著鈔寄曹文植等閱看。或更有酌議處。即奏來。○又諭。據李世傑奏。楚省採買官米之委員。袁純德等。先後抵川。現在承領腳價。受兌開行一摺。所辦尚好。又據另片奏稱。楚商自潘乾順領買後。續有羅隆盛一名。領買官米一千石。嚴飭司道等訪查。如有官吏勒指刁難之弊。當即嚴叅等語。所奏似畧遲。川省碾動官米。豫備楚商採買。接濟民食。前經降旨。令該督等妥協經理。毋使胥役從中舞弊。指勒。以致楚商裹足不前。茲據李世傑覆奏。楚省委員。現已受兌米石。換船裝載開行。李世傑經理尚屬妥協。著傳諭保寧嗣後。如有楚商赴川請買倉米之處。保寧務須遵照李世傑現辦章程。督飭所屬。妥為照料。並嚴密訪察。如有官吏胥役。藉端勒指刁難情事。立即據實嚴叅。毋稍徇庇。俾楚省商民聞風。

踴躍糴販。以濟民食。將此由四百里傳諭保寧。並諭李世傑知之。○壬午。諭軍機大臣等。近日京師天氣晴霽。幾及二旬。地土稍覺乾燥。直隸迤西一帶。春間所得雨澤。俱屬優霑。自過保定後。及迤南廣平大名等屬。與豫省毗連地方。尚未得有透雨。現在曾否普霑甘膏。朕心深為廕念。再河南本年雨雪霑足。其衛輝等屬。尚未能一律深透。雖有閏月之年。節氣較遲。於麥田不無妨礙。至東省各府屬。入春以後。節次得有雨雪。其臨清東昌及濟南省城。雨澤尚少。此時正當二麥長發之際。該處是否得雨深透。著傳諭劉綬。單沅。明興。將各該省是否均霑雨澤。農田現在情形。及有無妨礙之處。迅速查明。據實覆奏。以慰廕注。○又諭。前據李奉翰奏。桃汛長發。黃水高於清水四尺餘寸。又復倒漾入口。將攔清壩仍舊堵築。此事甚屬憂慮。已遣阿桂前往會同熟籌辦理。茲復詢據阿桂奏稱。現在黃水

倒漾恐浮沙漾入引河是以復將攔清壩堵築俟黃水消落清水長發再行啟放等語今藉黃水濟運出於無奈之下策淮揚一帶運河日久必致淤墊實屬不成事體但目前權宜之計不得不藉以浮送重運朕思毛城鋪王營減壩俱為伏秋大汛宣洩黃河盛漲之用此時若將該二處開壩啟放則黃水自見消落清水即可暢出於漕運或較為有益是否可行若此時黃水已落清水暢出固可不必也著傳諭李奉翰先行詳悉履勘具奏並著阿桂酌量情形據實奏聞將此由六百里各傳諭知之○予故湖北巡撫吳垣祭如例○癸未諭軍機大臣等本日據李奉翰奏現在桃汎已過黃水漸次報銷往後再落尺餘清水即高於黃水攔湖壩工又可啟放等語昨以黃水高於清水四尺餘寸又復倒漾入口是以令阿桂前往會同李奉翰熟籌妥辦並令將毛城鋪王營減壩查勘是否可以啟

放俾黃水由此宣洩消落今據李奉翰奏現在桃汎已過黃水漸就消落如此則清水有漸高之勢所有攔清壩工即可相機啟放使湖水暢出以資敵黃濟運所有李奉翰奏片及朕硃批並著鈔寄阿桂閱看○諭據富勒渾奏廣行商人潘文巖等稟稱開江浙一帶現有荒歉動撥帑金賑濟商等情殷報効願捐銀三十萬兩以資公用請在藩庫借支起解等語所奏殊可不必上年江浙河南山東湖廣等處被旱地方較多節次降旨蠲免並不惜數百萬帑金以為災黎賑卹之用今富勒渾以商人潘文巖等願捐銀三十萬兩輒以入奏殊屬見小封疆大吏於地方緊要事件自應實心整頓乃富勒渾意存見好殊非朕委任之意試思各省賑濟銀兩俱出自帑金先後已盈數百萬亦何用此商人些微捐助為耶該部傳諭富勒渾知之○甲申上幸靜宜園駐蹕至丙戌皆如之○乙酉諭八

旗漢軍鳥鎗馬甲。每年自八月起至十二月操演鳥鎗。若止令各該旗大臣等監視演放。豈能上緊嗣後著交管理火器營大臣等輪班會同本旗加意訓練。○又諭據寶光鼎奏。浙省各州縣倉庫虧缺未補者多。蓋因從前王亶望、陳輝祖貪墨繼踵。敗露時督臣富勒渾僅以倉庫虧缺具奏。並未徹底查辦。祇據司道結報之數。渾同立限。各州縣遇有陞調事故。輒令接任之員代為出結。辦理殊屬顛預。聞得嘉興府屬之嘉興、海鹽二縣。溫州府屬之平陽縣。虧數皆逾十萬。應查明何員虧缺若干。分別定議。指名嚴參等語。所言皆屬公正。浙省自王亶望、陳輝祖在彼貪婪繼踵。而其敗露則係監糧官物二案。其時富勒渾福崧以合省倉庫虧缺具奏。朕因不欲復興大獄。准令設法勒限彌補。已係朕格外之恩。該省大小官員。稍有人心。自當即時彌補。乃自立限後已屆五年。而福崧仍以各屬未能

彌補全完。懇請展限具奏。又復公堂設誓。成何政體。是以派尚書曹文植等前往徹底查辦。昨據曹文植等奏到該省虧缺倉庫。自勒限彌補後。尚虧缺三十三萬餘兩。現在酌議清查等語。是所奏與福崧等原報之數相符。今據寶光鼎奏嘉興、海鹽、平陽三縣虧數皆逾十萬。則是此三縣虧空已有三十餘萬。其餘通省州縣虧缺自不止此數。而曹文植等所奏合省尚虧三十三萬餘兩之處。殊非實在確數。似有將就了事之意。而未喻朕不為已甚去其甚之意也。此事從前富勒渾等僅據司道結報之數。渾同立限。並未徹底清查。而此時曹文植等到彼亦僅就福崧盛佳開報數目。據以入奏。看來曹文植等亦欲就案完事。殊非令徹底清釐之意。伊等係朕派委前往查辦。自應將該省何處虧缺若干。何處彌補若干。何處竟未彌補。何處不但不能彌補。且有增多之處。逐一詳查根究底裏。方為



不虛此行。若祇就福崧等開報之數。顛預結局。則將來該省官員。以倉庫虧缺為前任之事。輾轉推諉。而不肖之員。且以此挾制上司。更肆其侵蝕伎倆。將復成何事體。且據寶光。奏嘉興海鹽平陽三縣。每處虧數各逾十萬。曹文植等。即當先就此三處徹底盤查。更無難立見底裏。曹文植等。俱係公正之臣。且伊齡阿。已為該省巡撫。即伊任內之事。更不可為之姑容隱忍。致將來自貽伊戚也。又據寶光。奏去歲杭州嘉興湖州三府秋收歉薄。倉庫正需平糶。而倉內有穀可糶者。無幾。浙東八府。歲行採買。惟折收銀兩。以便那移等語。曹文植等。亦未奏及此也。州縣設立常平義倉。收貯穀石。原為偶遇荒歉。臨時平糶散賑之用。乃杭州等屬。竟至無穀可糶。而浙東採買。且有折收銀兩之事。尤堪駭異。寶光。為該省學政。經朕批詢。據實指陳。必係耳聞目睹。所奏不為無據。著將原摺鈔寄曹文

植等閱看。令其查照寶光。所奏各款。逐一秉公詳細盤查。務將該省數年積玩虧缺實數。及原虧續缺。裝點各情弊。並虧空數逾十萬之嘉興等縣。及平糶無穀折銀。那移之杭州浙東等屬。逐一查明。據實嚴叅辦理。倘曹文植等。仍有迴護瞻徇。不實不盡。將來別經發覺。朕惟伊三人是問。恐曹文植等。不能當其咎矣。著由六百里速行傳諭。曹文植等。並令速行回奏。富勒渾福崧。各令其明白回奏外。將此通行傳諭知之。○加賑山西代州五臺寧縣繁峙忻州定襄等六州縣。本年水災饑民。並緩征額賦。○丙戌。雲貴總督富綱。奏杉木籠千崖。二汛應徵官兵。於三月初一日為始。分起撤回。三臺山氣候較暖。於二月二十五日。全行撤回。差操。至杉木籠。汎應留備弁七員。兵二百名。馬四十四匹。千崖汎應留千把外委六員。兵一百名。馬二十四匹。令騰越鎮總兵高瑤。於應徵員弁內。妥為辦理。得旨。覽

奏俱悉○丁亥

上迴圓明園○諭曰明興奏濟南泰安東昌等屬得雨未能深透現屆青黃不接之時糧價稍昂民力未免拮据等語東省上年秋收歉薄節經降旨賑恤緩徵今濟南等府州屬春夏又復短缺糧價較昂若令照例輸將民力不無艱窘所有歷城章邱鄒平長山齊東淄川肥城博平臨清九州縣及坐落衛地本年應徵新舊錢糧俱著加恩緩至秋成徵收以

紓民力該部遵諭速行○諭軍機大臣等據明興奏該省濟南等屬春雨短缺現在節屆立夏正二麥長發大田播種之時尤須膏澤滋培明興具奏後此數日內曾否得有甘霽朕心深為廕念現據畢沅奏河南省城得雨四寸歸德陳州等屬得雨一二寸等語豫省既經得雨山東境壤毗連或可一律均霑著傳諭明興即將曾否得雨情形迅速由驛覆奏以慰懸注倘此時尚未得雨該撫務須率

屬竭力祈禱或往泰山取水虔求以冀甘霖速沛將此由五百里傳諭知之○戶部議准調任四川總督李世傑疏稱鹽源縣屬甲子夸豹子溝月花樓銅鉛等廠近年產銅無幾抽收乾銅課銀不敷供支該處要隘有巡役十二名足可盤查請將原設外委一員兵十名裁撤從之○旌表守正捐軀湖北京山縣民李錫云妻曹氏○戊子諭據海寧奏將盜馬七匹之賊鄂衣達巴彥吉爾噶勒等審明定罪請旨一招此次著照依所擬完結但思此等新降之人究非舊蒙古可比俟二十年後即屬朕之蒙古舊奴矣嗣後如有偷竊牲畜應如何分別定罪之處著交軍機大臣刑部理藩院妥議具奏尋議凡新降之土爾扈特杜爾伯特厄魯特和碩特輝特烏梁海蒙古人等偷竊馬牛駝三項牲畜數滿十匹以上者悉照從前改定偷竊牲畜例不分首從均擬絞監候秋審均入情實其一二匹至九

匹者亦仍照從前改定例不分首從分別發遣至羊隻一項仍以四隻計算科罪俟二十年後再照新例辦理並通行新疆等處辦事大臣遇有新降蒙古犯偷竊牲畜之案悉准此例毋得濫引舊例亦不得援照五十年新定現行之例從之

實錄卷一二五三

三

大清高宗法天隆運至誠先覺體元立極敷文奮武孝慈神聖純皇帝實錄卷之一千二百五十二

大清高宗法天隆運至誠先覺體元立極敷文奮武孝慈神聖純皇帝實錄卷之一千二百五十三

監修總裁官經筵講官太子太傅文淵閣大學士文淵閣領閣事領侍衛內大臣稽察奏上諭事件處管理吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂  
總裁官經筵講官太子太傅文華殿大學士文淵閣領閣事稽察奏上諭事件處管理刑部戶部三庫事務總辦騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆五十一年丙午四月己丑諭刑部奏酌

改雇工致死家長條例一摺立意雖覺近是但向來雇工謀故殺家長者例應問擬凌遲原所以重主僕名分若僅雇倩佃戶及店鋪雇覓傭作之類並無主僕名分亦未服役者俱照雇工之例概擬極刑則雇主毆死雇倩平民皆得援例問擬杖徒輕罪殊未允協自應分別科斷但雇工與雇倩平民如何區別主僕名分及是否服役之處必須明立界限庶問擬兩不相混刑部所奏尚未詳盡著交

軍機大臣會同該部詳晰酌議具奏尋議嗣後除典當家人隸身長隨以及立有文契服役之雇工仍照舊例定議外凡官民之家如車夫廚役水火轎夫及一切打雜受雇服役者平日起居不敢與共飲食不敢與同並不取爾我相稱係聽其使喚之人是有主僕名分無論其有無文契年限均照例以雇工論若農民佃戶雇倩耕種工作之人並店鋪小郎之類平日共坐同食彼此平等相稱不為使喚服役者此等人並無主僕名分亦無論其有無文契年限及是否親族俱依凡人科斷從之○又諭曰德成奏浙省倉庫虧缺一案據學臣竇光鼎奏稱嘉興海鹽平陽三縣缺數已有三十餘萬通省虧缺自不止此與曹文植等所奏迥不相同請將此案即令竇光鼎會同曹文植等徹底清查等語所奏是朕意原欲如此辦理竇光鼎現任浙省學政其於該處倉庫虧缺情形見聞自當確實方

行陳奏此案即著竇光鼎會同曹文植等秉公據實徹底查辦所有德成原摺並著發交曹文植等閱看○諭軍機大臣等據李奉翰奏桃汛已過黃水消落清水現高一尺三寸先將太平河攔湖壩工啟放壩門拆寬三丈二尺湖內清水暢出直注流行迅疾重運遄行無滯等語覽奏稍慰太平河攔湖壩工既經啟放清水暢出已可藉以抵黃其迤西之天然等四引河朕意此時且暫行堵閉俟伏汛盛漲之時再行開放俾清水力旺於敵黃濟運較為有益是否可行著阿桂會同李奉翰酌量情形據實具奏再此時清水暢注糧艘固無慮稽遲但黃水消長無定必須隨時料理阿桂親承訓諭有應面行告知李奉翰者且善後事宜亦須熟籌妥辦阿桂仍須親赴清口會同講求辦理現在該處止有李奉翰一人恐頭緒紛繁照料不到阿桂至彼為之主持商同籌畫俟諸務料理妥協即行起

程於朕啟鑾巡幸熱河以前回京亦不遲也將此由六百里傳諭阿桂並諭李奉翰知之

○庚寅

孝端文皇后忌辰遣官祭

昭陵○諭刑部具奏審訊梁張氏呈控伊子梁冀州身死不明一案究出梁冀州實係被王中和用棍毆傷致死原驗之大興縣縣丞任聽仵作王全受賄捏報跌傷事關罪名出入現在提齊犯證嚴切訊究等語仵作受賄匿傷關係生死出入自應嚴切究訊按律定擬但上年海昇踢死伊妻吳雅氏一案原驗及初次覆驗之仵作俱稱係自縊身死及朕派曹文埴伊齡阿前往覆驗經帶往之大興縣仵作驗出實係踢死情形始行定讞該仵作於兩次檢驗之後尚能指出真傷不敢扶同捏報是此案之得以昭雪該仵作不為無功今梁冀州被毆身死係大興縣仵作王全捏報跌傷朕披閱時疑其即係驗出吳雅氏真

傷之仵作或刑部堂司官以及書役仵作人等未免有意搜求以為報復之計亦未可定因命軍機大臣查看則果係其人朕於庶獄庶政往往因此而觸彼即始而見終豈謂誠則生明蓋由更事多而成見不存之故耳此案仵作王全受賄捏報跌傷固有應得之罪第念其上年覆驗吳雅氏屍身能指出真傷此次尚可以功抵罪所有梁冀州被毆身死一案著刑部審明後照律定擬其王全一犯著從寬免其治罪至仵作受賄捏報自所不免而刑部之究出此項情節其為有心無心朕亦不復深究但朕一經指出竟即係上年覆檢吳雅氏屍傷之人事之湊合如此朕亦不能必刑部之竟屬無心今就案論案刑部辦理尚無錯誤所有該部堂官及承辦此案之司員姑免其治罪○諭軍機大臣等昨據李奉翰奏先將太平河啟放之處辦理尚屬妥協若將迤西四引河暫行堵閉則清水力

旺於運道河工更有裨益嗣後每年屆期俱可照此永遠遵辦俾黃流益慶安瀾而清水長資濟運豈不甚善再閱舊存河圖內中河口迤下有淤沙一處已用硃筆記出黃水與清水在高家馬頭交匯東趨該處正當頂衝遇此淤沙勢必回溜南行易致黃水倒灌現在伏秋大汛未過難以施工俟將來水退歸槽時究須將此處淤沙挑挖俾河流遄行迅駛不虞頂阻倒灌斯亦欲清上游先疏下游之一法也至對岸兜水壩處所向有老淤一段正可藉以逼溜下趨且以助兜水壩之勢自當仍存毋動著將原圖寄與阿桂等會同閱看籌酌是否可行詳悉據實覆奏將此由五百里諭令知之○辛卯

上御勤政殿聽政○諭此次西巡接駕之廢員據吏兵二部查開履歷案情朕詳加檢閱其緣事情節稍輕之文職劉嗣煥郭棟泰二員武職李肇英一員著該部行文調取來京帶

領引見再降諭旨○又諭據閩鶚元毓奇奏蘇州府押運通判劉叔楓管押蘇州府屬起運幫船攜帶眷口多人乘坐白糧幫船六隻到淮殊屬違例玩公請旨革職勒令回籍等語運員職司押運例應自雇民船上下查催趨運乃該通判劉叔楓輒敢攜帶眷屬乘坐糧船至六隻之多殊干例禁且現因上年南北運河淺阻正在相機蓄洩並成造撥船豫備臨時起卸原為浮送糧船迅速赴通起

見而該通判乃敢攜帶眷口乘坐多船不特違例玩公且船身著重即與漕運有礙看來該員竟係耽戀家口攜帶同行摺內所稱希圖自省水脚至清江浦即欲起旱回籍之語殊為捏飾此等劣員僅予革職不足蔽辜劉叔楓著交刑部定擬發往烏魯木齊効力贖罪以示懲儆至蘇州幫船過江時係由瓜州入口似此事竟係管幹珍在彼查出咨會閩鶚元毓奇伊二人始行入奏巡漕職任稽查

原有奏事之責。何以管幹珍並未奏到。而閔鶚元毓奇摺內。乃隱約其詞。並不聲明何處查出。殊屬非是。著伊等三人各據實明白回奏。○湖廣總督特成額奏。荊州駐防滿營所。有派支上年十二月起。至本年三月初七日。止兵米及上年八月九月豫放之裹漕。共五萬九千三百二十三石零。均待徵收。南米歸款支放。查被旱各屬。輸將稍後。裹漕已收之米不敷。均請於裹漕存剩米內動給。如再不敷。將荊倉添貯兵谷。動碾湊放。得旨。著照所請行。該部知道。○予故兩江總督薩載祭墓如例。謚誠恪。○壬辰諭四庫館進呈八旗通志一書。朕詳加披閱。其忠烈傳提要內。詳載開國以來。

列祖

列宗褒獎功勳風勵忠節之典。而於乾隆年間。恩卹諸大政俱闕而不載。如八旗陣亡官員。世職襲次已完。朕特降恩旨。賞給恩騎尉。世

襲罔替。而綠營官員陣亡議卹之例。止得難磨一次。非奉特旨加恩。不能得有世職。昨年降旨。凡陣亡人員。無論漢人及旗人之用於綠營者。總與旗人一體給與世職。即襲次已完。亦照例給恩騎尉。俾得賞延於世。蓋以官員等力戰敵愾。効命疆場。其義烈實堪嘉尚。是以特沛殊恩。使其子孫永承恩澤。懋答前勛。甚盛典也。乃通志內竟未登載。則將來此書之傳。何足以羽翼國史。昭示來茲。再志內所載。壯尼大即護軍校。他如昂邦章京阿思哈尼哈番之為子男。阿達哈哈番之為輕車都尉。拜他拉布拉哈番之為騎都尉。拖沙拉哈番之為雲騎尉。雖不便擅改原文。亦當加按注明。或請朕指示。使後人開卷曉然。方為傳信。豈多人無一思及此。但知遷延其事。以為領臬餼之計乎。是鈔史非修史矣。前因遼金元三史。人地名原文。俱係當時國語。而後之修史者。不諳文義。率以不善語言為之譯

寫是以數年來特命館臣按照各史不改其事。但將語言詳加改正。鋟板重修。遂使當時名爵山川。瞭如指掌。今以本朝之書。乃止仍原文開載。不為分晰。注明開列凡例。以定章程。是為前史盡心改正。而於本朝反不經意。不幾貽笑將來。傳疑後世。辦理太屬踈漏。此書著交軍機大臣會同該館總裁重加輯訂。詳悉添注。加按進呈。候朕閱定後。再將文淵等閣陳設之書一體改正。所有原辦此書之總裁及纂修等。俱著逐一查明。交部議處。○諭軍機大臣等。本年桃汛旺盛。黃水漸致倒漾。當經該督李奉翰將攔湖壩工堵閉。為蓄清禦黃之計。但現在湖水已高於黃水一尺三寸。且近日淮安一帶雨水霑足。湖水自必日漸增長。昨廬鳳道王懿德來京引見。面據奏稱。安徽鳳頤各屬雨澤優渥。現在祈晴等語。是該處為淮水上游。洪湖水勢更當旺盛。而太平河迤西之四引河攔湖壩工尚復堵

閉。湖水自必充裕。設遇西北風鼓盪。高家堰石工豈不著重。高堰為淮揚保障。關係非淺。該督職任河防。並未計慮及此。總待朕憶及為之籌畫指示。然後遵辦耶。著傳諭阿桂到彼會同李奉翰詳悉察看。裴家場等四引河酌量於何時啟壩。現在洪湖水勢較前是否增長。究與高堰石工有無妨礙之處。查明據實覆奏。將此由六百里諭令知之。○又諭據富勒渾奏柴塘固限之外。仍應隨時粘補一摺。著鈔寄曹文植等閱看。令其查照前奏。有無可採擇酌辦之處。悉心籌畫。據實具奏。至浙省倉庫虧空一事。昨已有旨添派寶光鼎會同秉公據實查辦。前據曹文植等奏分派隨帶司員前往各府屬清查倉庫。至今又有十餘日並未據曹文植等奏到。浙東八府距省較遠。或一時不能逐款查清。尚需稍稽時日至嘉湖二府地方。接近省城。往返不過五六日。有無虧空。不難立見。至杭州則曹文植



等現在彼處。尤可就近盤查。將現在情形先行覆奏。豈必待彙齊始行入奏耶。著傳諭曹文植等。即將現已查清各府屬倉庫虧缺若干。實存若干之處。迅速先行覆奏。又諭昨據阿桂奏。在山東齊河途次。經明興告稱。東昌濟南臨清泰安等屬。雨澤短少。民食未免拮据。不可不設法籌備。利津海口。有自奉天航海販買糧食者。已密諭各屬派人前往平價糴買。可得數萬石。酌撥缺雨各屬存貯。以備賑糴等語。東省上年秋收歉薄。本年東昌濟南等屬。又復缺雨。雖節經降旨賑卹。緩徵但麥收未能接濟。民食維艱。朕心深為廛注。該撫所稱。前往海口糴買糧石。是亦籌辦之一法。第現在缺雨地方。仰資餬口。實為刻不容緩之事。奉天節年豐稔。糧食充足。若俟東省派人前往糴買。尚恐往返稽時。著傳諭永瑋等。即行豫備糧石。派委妥員。由海道運至東境。明興仍當派員前赴海口一帶。照料接

運。俾得迅抵東省。以備分撥賑糴。如此設法調劑。庶使糧石早到一日。貧民即早受一日之惠。永瑋等務須兩處相商。悉心妥辦。迅速奏聞。以副朕軫念民食。惟恐後時之至意。將此由六百里各傳諭知之。○以睿親王淳頤為宗人府宗令。○甲午。予福建因公猝遇生番戕害之淡水同知潘凱。賞卹如例。○乙未。諭江南鄉試。向係安徽江蘇巡撫輪赴江寧入場監臨。本年丙午科鄉試。輪應安徽巡撫前往。但書麟現在淮安清江一帶幫辦河務。計八月入場之期。正值秋汛。未便遠離該處。彼時李世傑早經到任。所有本年江南鄉試監臨事務。即照從前陳宏謀代辦之例。著閔鶚元入闈監臨。○實授陳大用為浙江提督。○緩徵山西永濟榮河二縣上年水災額賦。○丙申。諭我朝中外一家。蒙古各札薩克俱為臣僕。效悃抒忱。歷有年所。朕恭閱聖祖仁皇帝實錄。康熙五十二年。有鄂爾多斯

請於察罕托輝之地暫行遊牧遣尚書穆和倫等前往勘明以黃河東西定界一事此即如內地之鄉里小民貪得便宜控爭阡陌無關緊要而總兵范時捷張大其詞形諸章疏遂若有越界爭占之事鄂爾多斯遊牧之地即係前明河套處所恐彼時無知之徒未必不疑有如明季河套故事者然一經指定疆界直至今數十年永遠凜遵至乾隆四十九年陝甘總督福康安奏稱該處黃河改向西流原在河西民人反在河東鄂爾多斯蒙古貪利濫以現行黃河為界謂民人占據伊等游牧地方呈控隨派侍郎賽音博爾格圖前往履勘仍照從前所定黃河舊流之地為界釘樁立碑辦理完結鄂爾多斯蒙古等俯首遵依可見此等事件原如內地百姓互爭隴畝細故並非若前明之河套為末季邊疆構釁失算者之可比也朕閱及此因恐無識不諳外藩情形之徒未能深悉其故妄生疑議

特此明白宣諭俾眾共知之○又諭據明興奏雲南委運京銅之保山縣知縣潘鈺行抵武城縣地方在船病故隨發給護牌檄飭試用知縣馬衍宗馳往接運等語銅鉛起運鼓鑄攸關設遇運員在途病故其家人跟役等往往乘機舞弊以致虧缺正額不能如數兌交全在沿途督撫迅速派員接運俾得稽查管押方免疎虞嗣後各省地方如遇解運銅鉛委員在境病故俱著照明興所辦即行派撥兵役小心防範並飭委妥員星往接運沿途催趲照料赴京交兌不致有家人跟役偷賣虧缺等弊方為妥善將此通諭知之○諭軍機大臣等前因浙省虧空派曹文植等前往查辦時曾諭知富綱劉秉恬留心查察俾倉庫盡歸實貯倘稍事因循不能實力整頓以致各屬倉庫或有虧缺惟伊二人是問該督等接奉諭旨後迄今已兩月有餘何以尚未將實在情形覆奏近聞該省倉庫竟有虧

缺之事殊堪駭異。滇省非腹地。可比倉儲庫項為數本屬無多。何至竟形虧缺。此必不肖屬員侵欺貪黷。而富綱等為之徇隱掩飾。其咎甚大。朕不忍更興大獄。著傳諭富綱、劉秉恬、實力查辦。設法彌補。其中州縣虧數稍多。即當嚴叅治罪。追產抵項。黔省亦係該督所轄。亦當會同該撫實力查辦。總以年內為限。務令滇黔二省倉庫皆歸實貯。絲毫不容虧欠。倘該督等接奉此旨後。仍敢因循諱飾。希圖幸免。一二年內。朕必欽派大臣到滇徹底查辦。無難水落石出。一經敗露。必將該督等從重治罪。斷不稍為寬貸。毋謂朕言之不豫也。聞李世傑在川省三年之中。不動聲色。將虧空皆補完。爾等何不仿為之。將此由五百里諭令富綱、劉秉恬知之。仍著激發天良。據實明白回奏。○以內閣學士趙鏌為工部右侍郎。左副都御史張若淳為內閣學士兼禮部侍郎。○旌表守正捐軀山西襄陵縣民祁

大順妻劉氏。○丁酉。

上詣

大高殿行禮。○還宮。○戊戌。

上御太和殿視朝。文武陞轉各官謝恩。○幸圓明園。○軍機大臣議准。陝甘總督福康安疏稱。敦煌縣沙州南北二山。深崖邃壑。每有金沙。攪雜土內。無業貧民。潛往偷挖。誠恐日久滋釁。請明立官廠。令地方官出示招募人夫。俟春夏之交。給票入山。按烏嚕木齊開設金廠。例每五十名設夫頭一名。遴派文武員弁彈壓。將採出金沙。儘數儘報。俟兩三月後。統覈成效。酌定條規。奏明辦理。從之。○已亥。諭曰。尚書舒常著馳驛前往廣東查辦事件。○又諭曰。富勒渾現有應行質詢事件。著解任候質。其兩廣總督印務。著孫士毅兼署。○又諭據福康安奏烏嚕木齊所屬兵丁各項差使。向無盤費。例給鹽菜口糧。自經裁汰兵力。未免拮据。請照舊支給等語。著照所請。所有

烏魯木齊差兵照哈密巴里坤日給鹽菜口糧之例准其照舊支給○以福建福州城守副將李文鑑為浙江衢州鎮總兵○庚子命兵部尚書王朮為尚書房總師傅○辛丑諭軍機大臣等據阿桂等奏現在清水未旺所有張福口等處引河遵旨暫行堵閉其王營減壩今歲必須開放但應在湖水大長之後方可不煩再舉並擬將雲梯關下二套地方開挑引河於大汛時開放改作海口更可得久遠之利等語雲梯關外既已漲成沙地海口距關甚遠以致下游壅阻黃水倒漾勢不能不為改圖今關外二套地方為北潮河歸海之路形勢較為徑捷若開挑引河於大汛時開放或能衝刷寬深黃水竟行全掣由茲東注則相距海口較近自屬最便亦祇可如此辦理但朕所慮者不在清口而在高家堰蓋盈虛消息理有固然黃水清水強弱情形往往迭為消長連歲黃水盛漲清水弱極將

來清水必有旺盛之時高堰所關非細恐李奉翰等狃於年來清水弱小於高堰一帶隄防工段或稍存大意設遇清水盛漲猝不及備尤不可不豫為慮及不可拘於蓄清之說也阿桂將此切囑李奉翰務須先事熟籌公同商榷慎之又慎毋致臨事周章方為妥善至現在二套地方開挑引河黃水多一分洩之路自可暢達下注但將來衝刷寬深後若無隄防關束恐大汛盛漲時河流散漫水緩沙停仍不免有舊時淤墊之慮阿桂等不可拘泥惜費之見應詳晰察看該處情形相機妥辦以為久遠萬全之計將此由六百里傳諭知之○是月安徽巡撫書麟奏安省上年旱災平糶恐奸商串役漁利貧民轉致向隅臣於查賑時先令各州縣豫備米票即於散賑之日按戶分給並刊刻初一至三十日木戳於開糶時令各戶持票赴廠驗明糶給蓋用本日本戳仍將原票給還每戶每日以二

三升為率。如老弱不能日事奔馳者。併買三五日。亦於票內連用戳記。其被災稍輕。例不給賑。及勘不成災之區。無賑冊可稽者。亦令各持門牌赴廠給票。一體按日加戳給買。得旨好。自係實言。○湖廣總督署湖北巡撫特成額奏。前買川米四萬五千石。將次抵楚。查武昌漢陽二府地連省會。戶口殷繁。各撥米一萬二千石。荊州係滿營駐劄。上年撥運南米。現將糶竣。今撥一萬石。黃州襄陽二郡。尚可少減。共撥一萬一千石。均查明市價酌減出糶。再查採運川米。先過荊州。所有撥荊米石。於過境時。即令量收。其襄陽米石。亦令就近往運。免致稽遲。至黃州一郡。即在省城下游。可期迅速。糶濟得旨嘉獎。○山東巡撫明興奏。大清河為東省鹽運必由之路。亦名鹽河。因數十年未經挑濬。河身淤淺。茲商人等捐資建閘挑疏正河。以深三尺。寬六尺為度。自東阿之魚山下。大橋口。外山口。長清之沙

河門頭齊河之曹家營七里閘。歷城之丁家口。褚家窩花兒莊。共建新閘八座。相距自十里至三四十里不等。或係河形陡直之區。或係支河歸入之處。形勢俱屬相宜。修砌亦皆如法。報聞。○陝西巡撫永保奏。西安火藥鉛丸等項。現存清軍廳局庫者。共有火藥三十萬八千數十觔。火繩三十四萬一千三百餘丈。積貯年久。恐致朽壞。請酌撥各營。以供操演之用。除延綏鎮屬距省較遠。無須議給外。餘俱均勻撥給。火藥酌給三年。火繩酌給二年。俱照陝省製造報銷例。價在各營公費銀內扣貯。司庫報聞。○四川總督保寧提督成德奏。新疆五營額兵二千六百七十八名。現設鳥鎗手一千五百名。今擬添一百五十名。即從弓箭守兵改補。舊存鎗筒。除炸損改農具外。現有堪用者一百五十桿。無庸另製。藥彈等項。現存章谷大板昭等處。取攜不便。查各營俱有演武廳倉廩局庫。均極寬敞。應照

各營兵數分領回營得旨嘉獎

大清高宗法天隆運至誠先覺體元立極敷文  
奮武孝慈神聖純皇帝實錄卷之一千二百五十三

實錄卷之一千二百五十三

卷一

大清高宗法天隆運至誠先覺體元立極敷文  
奮武孝慈神聖純皇帝實錄卷之一千二百五十四

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲副都統世襲騎都尉軍功加七級隨帶加一級尋常加二級軍功紀錄一次 及慶遠

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級 量授內大臣戶部尚書鑲藍旗滿洲副都統軍功紀錄五次

尋常紀錄十四次 臣德瑛經筵講官太子少保工部尚書化錄六次 臣曹振鏞等奉

敕修

乾隆五十一年丙午五月癸卯朔諭軍機大

平定五十二日

一

臣等戶部議駁江西巡撫何裕城奏臨川縣  
查抄西洋神甫艾球三由房等項估變價值  
短少一摺所駁是已依議行矣。入官家產例  
應按照實在時價估變今艾球三查出田畝  
估變價值按照科則多寡懸殊房屋什物估  
價亦均短少該撫何以漫不經心若此著傳  
諭何裕城查照戶部指駁各條逐一另行據  
實確估具奏將此傳諭知之戶部摺並著鈔  
寄閱看、甲辰諭軍機大臣等據閔鶚元毓

奇覆奏查叅蘇州押運通判劉叔楓攜帶家口擅坐漕船一事。係毓奇於簽盤時查出。其巡漕管幹珍移會之文。實係在毓奇查出。委審之後。前摺未經聲叙明晰等因。劉叔楓攜帶眷屬乘坐糧船。殊干例禁。該督等原應查辦。叅奏。但前摺內有接准巡漕管幹珍咨會等語。似此事係管幹珍查出。咨會閔鶚元。毓奇始行查辦入奏者。是以降旨詢問。今據該督等奏稱。此事毓奇先有風聞。嗣於簽盤漕

船查明屬實。發府審究。隨接准巡漕管幹珍咨會各情節。則何不於前摺內詳晰叙明。聯銜入奏。朕自一目了然。何必又令伊等明白回奏耶。將此諭令知之。○乙巳。

孝誠仁皇后忌辰遣官祭

景陵。○丙午。諭盛住現有質訊事件。著即解任候質。所有杭州織造事務。著和琳署理。○諭軍機大臣等。前據明興奏山東省城於四月二十日得雨四寸。各屬於十四五及十九二

十等日得雨者二十九州縣。其從前短雨之厯城齊河等處。止得雨一二三寸等語。看來東省雨澤。仍未能一律霑足。京師於二十五日得雨優渥。至今未據該撫奏報。想是日之雨。東省未獲均霑。本年春夏以來。直隸及河南安徽等省。俱經普被甘膏。惟東省之濟南臨清東昌等屬。雨澤短缺。二麥恐致歉收。朕心深為焦切。著傳諭明興。即將該處近日是否續得透雨。農田有無妨礙。及現在如何設法度祈之處。據實奏聞。以慰厯念。將此由六百里諭令知之。○又諭據曹文植等奏。續查過寧台衢處四府庫項倉儲。連前七府共虧缺銀二十七萬二千餘兩。覈之冊報數目。有減無增。現飭將各州縣存貯之銀。盡數提歸藩庫。並與藩司一切卷宗。逐款覈對等語。自應如此。與竇光鼐和衷詳查辦理。至竇光鼐另摺所奏。仙居黃巖等七縣。前任知縣徐廷翰等虧缺數目。多至累萬各條。其在此虧缺

之內抑不在內。或另有別故。並未奏明。如該縣等虧短倉庫。俱係四十八年以前之事。彼時王亶望、陳輝祖貪黷婪賊肆行勒索。其虧缺尚屬有因。此時既已彌補全完。自可毋庸深究。若現在所有虧數。尚係徐廷翰等彼時虧欠。輾轉遺留。自當飛提各員。徹底根究。不可顛預完結。但寶光鼎係該省學政。現在科試未竣。且屆鄉試之年。掄才大典。未便貽誤。著傳諭寶光鼎仍即按期考試。未經考竣。府分所有盤查事件。現在已派阿桂馳赴浙省督辦。阿桂到彼。辦妥後。原不妨會銜具奏。此案重大。恐曹文植等不能收束完案。昨據阿桂奏到。清口河道流通。糧艘無虞阻滯。其挑濬二套引河。於估定工段。酌立章程。後原可交與李奉翰等妥辦。似無須阿桂常川在彼督辦。浙省虧空一案。關係緊要。阿桂接奉此旨。即行速赴浙省。會同曹文植等徹底查辦。庶主持定見。能仰體朕意。妥協辦理。不蔓延。

亦不至疎漏。方可至寶光鼎摺內所稱盛住上年進京攜貲過豐。外間頗有煩言。又督臣過往嘉興嚴衢上下游地方。供應浩繁。門包或至千百等語。此事大有關係。不可不嚴切查究。現已降旨將盛住解任候質。令和琳暫署織造事務。並俟福崧到京。就近詢問。盛住以藩司兼管織造。養廉本屬豐厚。若伊進京攜帶係屬已貲。雖至十萬何妨。亦不致外間嘖有煩言。若有勒索之事。豈可不問。寶光鼎摺內。即有上司進京屬員餽贐之語。是寶光鼎之奏。即係因盛住而發。昨歲盛住進京。止經由嘉興一府。無難就近根究得實。現已將伊解任候質。該府等自無所容其瞻顧。代為掩飾也。至富勒渾家人在粵。有招搖婪賄之事。朕意富勒渾到粵。不過數月。何以家人貲產即有數萬兩之多。必係其在閩浙任內。任聽家人婪索所積。節經降旨令孫士毅嚴訊確情。先行覆奏。今據寶光鼎所奏。則此事已



屬有據富勒渾前年來京與千叟宴時嘉興為必由之地而回任赴閩嚴衢一帶又所經過其家人收受門色勒索銀兩各情節嚴訊上下游各州縣無難水落石出福崧盛住與阿桂毫無瓜葛富勒渾雖係阿桂族孫阿桂斷不至稍存迴護之見致負委任此二事總俟阿桂到彼後會同查照寶光鼐原奏逐款嚴訊據實覆奏再阿桂到浙後可前往海塘詳悉履勘所有范公塘原定緩工二千九百

餘丈已據曹文植等奏請停止是否毋庸辦理足資保護之處將實在情形親往履勘據實覆奏阿桂回至淮徐想即伏汎時矣亦可便中詳看面奏不為無益將此由六百里各傳諭知之寶光鼐摺並著鈔寄阿桂閱看○緩徵湖北江夏武昌咸寧嘉魚蒲圻崇陽興國大冶通山漢陽漢川黃陂孝感沔陽黃岡蘄水麻城黃安羅田蘄州黃梅廣濟鍾祥京山潛江天門荊門當陽安陸雲夢應城隨州

應山江陵公安石首監利松滋枝江宜都襄陽襄陽宜城均州光化穀城鄖陽等四十七州縣並屯田坐落之武昌武左沔陽黃州蘄州荊州荊左荊右襄陽德安十衛上年旱災額賦建直隸密雲營中軍千總衙署從總督劉戡請也添建廣東沙灣茭塘地方弁署兵房二百四十二間添造巡船三隻從總督富勒渾請也○丁未諭朕此次駐蹕熱河巡幸木蘭著怡親王質郡王大學士阿桂嵇璜留京辦事阿桂現在出差其未回京以前著伍彌泰代辦所有吏兵二部應行引見官員文職知縣以上武職守備以上著於未啟鑒往木蘭之前該部每月派堂官一員輪流帶赴熱河引見其文員內佐雜等官武員內八旗護軍校驍騎校及外省送到之補放水手驍騎校並年滿千總等官弁仍著王大臣照例驗放至八月以後月選等官亦照向例辦理其各省督撫提鎮等奏摺著齎摺人前

赴行在投遞進哨後著兵部派員駐劄哨門接遞各省奏摺封送行在候朕批示發回仍於哨門交付齎摺人祇領該部即通行傳諭知之○戊申諭軍機大臣等據李慶茶奏到三月分糧價單朕詳加披閱其糧價之最貴者如黎平府屬上米中米每倉石自一兩七分至一兩五錢零不等而單內則註價中其貴陽及安順府屬上中米每倉石不過五錢有餘乃單內亦一律註價中字樣貴州米糧本賤其市價一兩有零者在他省已不為昂該撫註價中字樣尚屬有因至市價五錢有零之府分較之一兩以外者價值大相懸殊自應分別註價平字樣而該撫亦一例開寫價中殊屬非是地方糧價關係民生口食李慶茶何漫不經心若此將此傳諭知之○欽差大學士公阿桂江南河道總督李奉翰江蘇巡撫閔鶚元奏洪澤湖水現已漸長查通湖五道引河原估並展挑丈尺寬處不過七

八大窄處三四五丈不等未免狹隘出水不暢今酌擬將原寬者加展各以十丈為率其天然河張家莊裴家場三道引河會總處各展以二十丈為率並照現在河身一體挑深至黃河歸海之路前經奏明於二套地方開挑引河該處在雲梯關外由北潮河歸海應挑河長八千八百三十丈口寬自二十丈至十五十二丈不等底寬十丈至六丈不等深自七八尺至一丈二尺不等該處近海人稀且要工必須趕辦應於例給方價內每錢再加五分又河頭應築攔河二尾應築攔潮各柴壩因工程緊急派委河廳州縣各六員分作十二分按股承挑均限四十日報竣得旨如所議行○庚戌上御勤政殿聽政○諭軍機大臣等據阿桂奏山東江南等處雨水情形摺內稱山東之濟南九屬尚在盼雨麥收或至歉薄等語即日續又接閱明興奏到之摺則東省於五月初

五日省城及齊河長清等地方已得雨三四寸不等。是該省業經續得雨澤。雖二麥不免歉收。而已種大田。得此積潤滋培。可期一律長發。稍慰厯注。將此諭令阿桂知悉。又據富勒渾奏。浙省海塘歲修經費一摺。稱該省鹽務外輸款內有交接鋪墊二項。係屬相沿陋習。若改歸塘工。作為修費。每年可多得銀三四萬兩。又粵省尚有洋船到粵貿易。繳到放關分頭銀兩。現在查覈外銷款項。甚多浮費。已飭藩臬兩司查明。歷任經管各道。有無捏報侵蝕。會同孫士毅查奏。各等語。此事相沿辦理。俱非一日。富勒渾到粵後。何以並不查辦。乃因現在獲咎。始行陳奏。其意不過為見好救過之地。可笑也。著將原摺發交阿桂。孫士毅閱看。並著查明辦理。又諭據何裕城奏。晴雨農田一摺。內稱江右往歲不乏春膏。如今春之雨晴相間。不少不多。為近年所罕。有何其言之夸也。江西省節年以來雨水均

屬調勻。不聞有缺雨之事。乃何裕城到任未久。輒謂今歲春膏為往年所罕有。竟似伊甫經莅任。即能感召。

天和。則該撫前在河南巡撫任內。衛輝一帶旱熯。頻仍。何以獨不能感召。

天庥。早邀渥靈耶。此等語句。不過屬員填砌具稟。取悅上司。該撫即據以入奏。而不知其夸飾過當。何裕城平日居官。尚屬小心謹慎。操守亦可。但聞其不能振作。有為。屬員不知畏懼。封疆大吏。固不可擅作威福。若一味柔懦。

則地方事件。日久必致闌茸。何裕城當慎之。戒之。不可因該省向來晴雨應時。遽謂無事。輒生耽逸。自滿之意。益當諸事留心。將此傳諭知之。又諭據蘭第錫奏。八閘一帶。宣放微山湖水。接濟水深。總有四五尺。迤北閘座俱令上啟下閉。均資浮送。現因江境水弱。多備剝船。起剝前進。又據李奉翰奏。此時邳宿運河。因上游微山湖來水不甚充裕。幫船行

走未能迅速各等語現在重運糧船跟幫北上蘭第錫既稱江境水弱李奉翰則又言上游微山湖來水不旺看來均不免意存推諉殊屬非是該督等身任河防當此重運過行之際惟應公同籌辦俾南北運河之水均各充裕足資浮送又何必各分畛域存此疆彼界之見耶至李奉翰所稱將茅家山引河照舊啟放過水三尺四五寸流入運河長水一尺二寸漕船甚為得濟等語茅家山引河既

係上年運河水小時曾經啟放頗資接濟自應照舊辦理現據明興奏省城及附近之齊河長清等縣於初五日得雨三四寸不等從此甘霖疊沛湖河水勢自必充裕著傳諭李奉翰蘭第錫務須和衷共濟上緊催趲俾糧艘迅速北上依限抵通方為妥善○以大理寺卿劉權之為左副都御史○以廣西思恩府屬下旺司告休土巡檢韋尚禮子繼勲襲職○蠲免江蘇上元江寧句容溧水高淳江

浦六合山陽阜寧清河桃源安東鹽城高郵泰州東台江都甘泉儀徵興化寶應銅山豐縣沛縣蕭縣碭山邳州宿遷睢寧海州沐陽贛榆如皋長洲吳縣常熟昭文武進陽湖無錫金匱江陰宜興荆溪丹徒丹陽金壇溧陽等四十八州縣並淮安大河揚州徐州蘇州太倉鎮江儀徵等八衛上年秋禾旱災額賦並緩徵山陽縣學租屯田津貼銀兩○癸丑旌表守正捐軀江蘇宿遷縣民崔士俊女崔

氏豐縣民李子秀女李氏安徽合肥縣民劉素川妻李氏福建詔安縣民王珠妻賴氏湖北天門縣民邱志禮妻姚氏河南滑縣民劉合羣妻張氏廣東順德縣民岑立敬妻周氏守正被戕山東蓬萊縣民王克仁妻邢氏甲寅諭軍機大臣等據阿桂奏現將二套口開挑引河並展挑通湖五道引河各事宜詳細會商勘定交李奉翰等照估興挑其啟閉蓄洩各機宜亦與李奉翰面為講定無可留

江籌辦之事。即於初七日起程回京等語。前因浙省虧空一案關係緊要。傳諭阿桂即行連赴浙省。會同曹文植等徹底查辦。約計阿桂於初八日接奉此旨。後自當仍往浙省。現在留京無事。且已派伍彌泰代辦。阿桂到浙後。會同曹文植等將寶光鼎原奏逐款詳悉訊究。不必蔓延。亦不至疎漏。方為妥協。至阿桂於浙省各事宜審辦完結。回至淮徐。想即屆伏汎時。再行順便履勘收工。並將修防事宜。

宜與李世傑李奉翰講求籌辦。回京面奏。更為有益。將此傳諭知之。○直隸總督劉綎奏保定駐防兵丁牧放馬匹。從前撥給任邱縣屬無糧官荒地五十一頃。近因淤泥漸積。春草不生。查該地土脉鬆浮。尚易開墾。請招墾升科。至牧放馬匹。現有上年勘報荒地坐落靜海縣之四黨口村一千三百餘頃。內水草茂盛者三十餘頃。堪作牧廠。即請改撥。報聞。乙卯遣官祭

關帝廟。○丙辰諭今日帶領引見學習贊禮郎鷹犬處拜唐阿勒爾僧額令其試念。竟不能熟習。且人亦平常。即他人似此者尚不可入選。德明竟將伊子專摺奏請引見。顯係欲令伊子同署行走。躲避鷹犬處拜唐阿差使。德明著交部嚴加議處。此事雖係伊自行奏請。但德保含糊帶領。亦屬瞻徇。著交部察議。勒爾僧額著令每年隨圍行走。○又諭前據孫士毅奏富勒渾家人殷士俊等有招搖婪索之事。降旨將富勒渾解任。令舒常會同孫士毅秉公審究。並諭四德長麟將殷士俊蘇州原籍家產嚴密查抄。茲據四德等奏前赴該犯住居常熟地方。於住房內查出現存並借出銀錢共二萬餘兩。田六百三十餘畝。房屋三所。並起出殷士俊之子殷孝基捐監部照一張等語。殷士俊以微賤長隨。擁貲數萬。且父子濛混捐納。濫膺頂帶。計其一切貲財俱係跟隨富勒渾為長隨後所得。富勒渾若

果無知情故縱聽其乞恩浸潤之事則其伎倆止於如部中書辦詐騙招搖地方官吏見其久而不靈斷不肯多給銀錢豈能積貲累萬蓋各部書役遇有案件往往設計撞騙然所得者無多亦斷不能顛倒是非作奸軌法計其家私積至千百者容或有之斷無積累鉅萬之事且朕日理萬幾常在朕前使令之總管太監奏事太監輩如伊等欲婪索銀錢必須積壓外省文報奏摺或於朕前揣探意旨假作威福方能婪得厚貲今之總管奏事太監等不過藉每月錢糧養家餬口其家貲之至多者或不過千金從無與中外官吏結交招搖之事朕為天下主尚不肯假手近侍任擁厚貲乃殷士俊不過跟隨總督之長隨積貲竟如許之多必係平日屬員中有託其營求陞調富勒渾曲意聽從或勒索不遂富勒渾即不假辭色該犯有所恃而不恐始敢恣意勒索而屬員中因其夤緣有效觸忤蒙

愆相率送給銀錢是以數年以來乃至擁貲累萬父子俱捐納頂帶官職且該犯於富勒渾在藩司任內始行跟隨及為工部尚書伊即辭去至四十五年富勒渾復為湖廣總督伊又跟隨前往反覆狡獪昧盡天良富勒渾何所取而受其愚弄一心委託耶覈其情罪較之從前安寧家人李忠更屬可惡若謂富勒渾於該犯如此婪索竟同木偶若罔聞知夫誰信之此即童穉尚不可欺安能逃朕之洞鑒乎即此一節富勒渾之罪已不可逭富勒渾著革職若此時孫士毅已另行審出別項情節即發交阿桂等辦理孫士毅接奉此旨即派委妥幹道府大員將富勒渾解往浙江交與阿桂等秉公質訊審辦至富勒渾到粵未久殷士俊所得銀錢必係在閩浙地方勒索者居多著阿桂等就近徹底查究據實定擬具奏毋得少有徇隱再昨廣東右翼鎮總兵施國麟來京陞見朕面加詢問復令軍

機大臣詳詢據稱富勒渾縱容家人及家人李姓狂妄滋事等語並將原詢奏片發交阿桂等閱看歸案質審著將此旨由六百里傳諭阿桂孫士毅等並令舒常毋庸前赴廣東即赴浙江會同阿桂等審辦將此通諭知之○諭軍機大臣等據富綱等奏遵員督辦寧臺廠務及富綱奏滇黔兩省春收豐稔情形二摺富綱前在福建巡撫任內辦理地方事務未見認真及擢用總督以後辦事亦復悞弱經朕屢加訓飭尚知奮勉近年趨辦銅觔皆能依限開幫並無貽誤劉秉恬歷任巡撫其初到雲南聲名甚屬平常近聞伊能遵朕教誨痛自改悔無似前聲名平常之事而於辦理銅鹽諸政亦能迅速妥協督撫大吏身任封疆總應潔己奉公實心辦事期於無忝厥職該督等果能事事留心改過從善豈惟伊等之福且亦朕之福也似此方能長荷朕恩而朕亦實不願伊等有執法營私之事近

因富勒渾家人殷士俊等有招搖婪索等事查抄該犯家產貲財竟至數萬若非富勒渾知情縱容家人等斷不敢恣意婪賄若此現已降旨革職解赴浙省交阿桂歸案審辦可見天理昭彰督撫等一有昧良玩法情事無不立即敗露朕亦不能為之曲加寬貸富綱等務須慎之又慎即以富勒渾為前車之鑒蓋劉秉恬應慎之在已持之以久而富綱尤應慎在家人以富勒渾為戒庶不負朕教誨成全諄諄誥誥之至意所有本日硃批富綱等摺亦著伊二人同看將此由五百里諭令知之○以編修秦潮為雲南鄉試正考官宗人府主事章煦為副考官檢討蕭九成為貴州鄉試正考官中書潘奕雋為副考官○緩徵山東嶧縣荷澤定陶濮州范縣觀城朝城聊城莘縣東昌十州縣衛上年旱災額賦○丁巳諭今年派出後撥隨園章京人員看射布靶時文官內多有指稱患病臂痛不射者

伊等雖屬文員。但係旗人。豈可在朕前推故不射。此風斷不可長。若不嚴加禁止。久則漸染漢習。竟至忘失滿洲本來技藝矣。此次推故不射人員。著交各該衙門存記。下次京察時。不准列入一等。著為例。○又諭。昨因四德等查抄富勒渾家人殷士俊貲財累萬。富勒渾顯有縱容照應情弊。已降旨將富勒渾革職。解赴浙江。交阿桂等歸案秉公審辦矣。富勒渾久任封疆。受恩深重。前於舒常回京召

下集卷三十四

五

見時。詢及富勒渾居官若何。據奏。操守實不能保。及穆騰額來京。陛見復加詢問。所奏與舒常相符。是以密降諭旨。令孫士毅訪查。據實具奏。旋據孫士毅奏到。富勒渾長隨殷士俊等在外婪索招搖。富勒渾不能約束。當即降旨。將富勒渾解任候質。及四德等查抄殷士俊原籍貲財。銀錢累萬。其為富勒渾縱容婪索情弊顯然。是以將伊革職。解赴浙江審辦。是此案之敗露。雖係孫士毅訪查具奏。而

其實始於舒常。繼以穆騰額。並非孫士毅首先舉發。孫士毅經朕降旨嚴切詢問。焉敢復顧情面。不行據實直陳。以避舉發之名。自取重戾乎。設此案先為孫士毅所舉發。朕亦不肯即以原叅之人。畀以被叅之缺。致起攻訐之風。今此案係舒常穆騰額先後陳奏。朕兼聽並觀。原不以一人之奏。即斥棄大臣亦不肯任大臣等營私。聲名狼藉。置而不問。為保全也。且孫士毅承朕密諭。是以查叅究辦。原

清獻堂書

五

屬秉公。所有兩廣總督員缺。即著孫士毅補授。仍兼署廣東巡撫。今春孫士毅進京。陛見時。曾面奏粵東水土潮溽。與病體非宜。情願留京供職。屢次懇切乞恩。但現在乏人。孫士毅自當勉力任事。俟朕將來酌量得人時。再行更調。其廣東巡撫員缺。著圖薩布調補。李封著補授湖北巡撫。其蘇州布政使員缺。著長麟補授。特成額著來京。陛見。其湖廣總督印務。著圖薩布留彼。暫行署理。李封著即赴



湖北新任。至廣東巡撫。現係孫士毅兼署。圖薩布侯特成額回任後。再赴廣東新任。並將朕用人苦衷。明諭中外知之。○諭軍機大臣等。前據孫士毅奏。富勒渾向伊索取廷寄。因係密諭。不敢將覆奏摺稿給與閱看。即疑怒交作。始則詰伊在京或有異言。繼則以近來陞見。祇有舒常穆騰額二人必居其一等語。富勒渾身為總督。縱容家人在外招搖。婪索滋事。今查辦貲財至數萬之多。凡為臣子者。苟有見聞。無不可指名參奏。茲因舒常穆騰額先後到京。經朕面加詢問。俱各據實陳奏。隨降旨。令孫士毅密行查辦。始據查出伊家人殷士俊等。飭法營私情弊。富勒渾惟當痛自慚恨。又何顏怒及舉發查辦之人。似此居心行事。不僅有乖大臣之體。更為昧盡天良。其不是甚大。著傳諭阿桂侯解送富勒渾到浙時。將此情節。嚴切詢問。據實覆奏。勿得稍存諱飾。所有孫士毅奏片。並著鈔寄閱看。將

續錄卷二十五

三

此由六百里諭令知之。○又諭據劉峕奏。直屬八夏以後。保定易州等處。得雨透足。正定等府。亦時雨頻霑。二麥收成。自九分至五六分不等。惟廣平府屬。約收僅四分有餘等語。本年春夏之間。直隸所屬地方。俱節次得有甘膏。麥收分數。約計五六分至八九分不等。至廣平府屬。據該督奏稱。僅止四分有餘。恐二麥竟致歉收。民食不無拮据。深為軫念。該處近日是否獲霑雨澤。二麥收穫情形。究竟若何。現在應否酌借籽種口糧。以資接濟之處。著傳諭劉峕。詳悉查明。據實覆奏。不可稍存諱飾。○以山東濟東道陳守訓。為江蘇按察使。○予故喀爾喀扎薩克輔國公雲丹致祭如例。

續錄卷二十五

三

大清高宗法天隆運至誠先覺體元立極敷文  
奮武孝慈神聖純皇帝實錄卷之一千二百五十四

實錄卷之一千二百五十四

書

大清高宗法天隆運至誠先覺體元立極敷文  
奮武孝慈神聖純皇帝實錄卷之一千二百五十五

監修總裁官經筵講官太子太傅文淵閣大學士文淵閣領閣事領侍衛內大臣侍衛欽奉 上諭事件處管理

吏部理藩院事務正黃旗滿洲副都統世襲騎都尉軍功加七級隨帶加一級尋常加二級軍功紀錄一次臣履桂

總裁官經筵講官太子太傅文華殿大學士文淵閣領閣事侍衛欽奉 上諭事件處管理刑部戶部三庫事務

世襲騎都尉軍功加十九級隨帶加二級人加二級臣董誥內大臣戶部尚書領侍衛內大臣副都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆五十一年丙午五月己未諭都察院奏

臣等謹將

據湖北江陵縣民蔣魯玉等控告縣書蘇秉  
六等剋扣賑項舞弊侵吞一摺上年湖北被  
旱成災疊經降旨糶賑兼施並飭該督撫董  
率各屬實力稽查妥協辦理俾災黎均霑實  
惠今據該縣民蔣魯玉等所控各款如果屬  
實則是朕軫念災氓不惜數百萬帑金俱為  
蠹吏奸胥中飽殊出情理之外該地方官所  
司何事此案關係甚大著派李侍堯勒保馳  
驛前往徹底查辦嚴審定擬具奏所有隨帶

司員著一併馳驛其原告蔣魯玉等交該部照例解往昨經降旨令特成額來京陛見湖廣總督印務著調任廣東巡撫圖薩布留彼暫行署理湖北巡撫已將李封補授李封奉到諭旨著即赴新任特成額接奉前旨自己起程圖薩布著俟李侍堯到彼將總督印務交李侍堯暫行署理即行起程前赴廣東新任李侍堯俟特成額陛見回任再行來京復命○又諭戶工二部議奏龍江西新兩關徵收盈餘比較上三屆短少銀五萬二千三百餘兩請著落該管監督照數賠補並請交部議處等語因屬照例辦理第念上年江寧等處雨澤愆期年歲荒歉商民挽運維艱客販無多以致船隻到關稀少盈餘短絀尚屬有因所有西新關短少戶稅盈餘銀二萬二千八百餘兩龍江關短少工稅盈餘銀二萬九千五百餘兩俱著加恩免其賠補並從寬免其議處○辛酉諭軍機大臣等據竇光鼐奏

盤查過嘉興桐鄉海鹽等六縣倉穀有缺穀數百石及百餘石者隨飭該府轉令各該縣按數補足惟桐鄉縣倉內實無儲穀所有之穀乃借自社倉又借米三千石開報平糶掩飾一時嘉興縣社倉空虛呈控紛紛是該二縣社倉辦理皆不妥協並據曹文植等奏前赴紹興杭州所屬各縣指出一二廩盤斛其餘按厰簽探丈量折算惟山陰嘉興縣多穀十三石此外各縣厰口俱有短少自一二石至五六石不等各等語著將原摺鈔寄阿桂閱看到浙後即將竇光鼐所奏各條款與曹文植等逐一覈辦如各該縣果查有侵那捏報情弊自應據實嚴叅辦理又竇光鼐所奏塘工經費宜責成塘工大員督率海防同知承修一節是否可行亦著交與阿桂於履勘海塘後一併酌議覈辦至所稱於沙灘地栽種蘆葦三年之後將不可勝用遇有衝刷處所即以葦易柴塘工愈加堅牢等語則所見

殊屬迂謬。按之事理不通之極。海水性鹹。不能生物。是以沙灘餘地棄而不用。若果可以栽種蘆葦。民間豈有不早行栽種。聽其間曠之理。朕屢次巡幸浙江。鑒輅所經。亦並未見有葦田。且蘆葦易於糟爛。不比柴性之堅勁。若用以鑲築塘工。豈能鞏固經久。或竇光鼐別有所見。可備採擇之處。阿桂等務須悉心商榷。據實具奏。不可稍存迴護。仍將抵浙後會同曹文植等審訊各情節。迅速具奏。將此

由五百里傳諭知之。○又諭據富勒渾奏。粵省鹽務添設運艘。按季徵收餉價。及頂補革商。清釐積欠一摺。其意自因現獲罪愆。具摺陳奏。以為塞責之計。但此等款項。皆係照例辦理之事。何必專摺奏聞。且所奏情節。亦未明晰。李侍堯在粵年久。於該省鹽務。自所熟悉。所有富勒渾摺著鈔寄李侍堯閱看。並將所奏各款。是否係照例應辦之事。或係另有所見。當更改之處。著李侍堯於奏事之便。據

實覆奏。尋奏。運鹽船隻添募修補。各埠應完餉課。如數交庫。已革疲商。召募頂補。歷年商欠。或催徵或攤賠。各等語。俱係按例辦理。倘嗣後有應行調劑之處。新任總督孫士毅原可隨時具奏報聞。○壬戌。諭據奎林等奏。拏獲李國興等逃犯三名。照例辦理等語。逃犯事件。若非朕嚴加訓飭。豈能緝獲如此之速。著通行新疆將軍大臣等。嗣後遇有逃犯。務須一體嚴行查拏。斷不可仍前塞責。○予江

南辦工淹斃之河營守備劉建功。賞卹如例。○癸亥。以江蘇糧道王兆崇為江蘇按察使。四川建昌道陳奉茲為四川按察使。○緩徵河南商邱。寧陵。永城。鹿邑。虞城。夏邑。睢州。柘城。內黃。西華。太康。扶溝等十二州縣。上年旱災額賦。○甲子。諭據明興奏。東省濟南。東昌。臨清所屬及毗連地方。春夏以來。雨水缺少。麥收不無歉薄等語。該省上年缺雨。被旱成災。今歲雖獲甘膏。其短雨州縣。麥收仍有歉

薄。民力不免竭蹶。朕心深為軫念。著加恩將被旱稍重之歷城、德州、齊河、禹城、平原、陵縣、長清、聊城、莘縣、堂邑、東平、東阿、平陰、陽穀、壽張、觀城、范縣、朝城、臨清州等十九州縣及坐落衛地查明借給兩月口糧。被旱稍輕之章邱、鄒平、長山、新城、淄川、齊東、冠縣、恩縣、館陶、博平、茌平、清平、樂安、博興、壽光、萊蕪、肥城、蒲臺、霑化、汶上、邱縣、濮州等二十二州縣及坐落衛地查明借給一月口糧。以資接濟。至各該地方應徵新舊錢糧除歷城等十五州縣業經緩徵外。其餘德州、齊河等二十六州縣及坐落衛地現在應徵新舊錢糧並著加恩緩至秋成後徵收。俾貧民既資口食並免催徵。該撫務董率所屬實力經理。以副朕軫念羣黎惟恐一夫失所之至意。該部遵諭速行。○又諭據阿桂奏查詢浙省各屬倉庫情形及竇光鼐所稱盛住上年進京攜帶過豐各情節。如竇光鼐原奏永嘉、平陽二縣借穀勒

派之事。阿桂面詢該學政係何人告知。該學政不能記憶姓名。是竇光鼐既欲於朕前見長。又恐得罪衆人。竇屬進退無據。至所稱盛住進京攜帶銀兩及總督收受屬員門包各節。詢之該學政亦不能指實。阿桂等傳詢盛住。則因上年進京時有應解優價銀三萬九千餘兩。盛住自行裝匣攜帶。到京後即赴廣儲司兌交有案。是盛住攜帶銀兩係屬官物。豈可指為贓私之證。而竇光鼐因見所帶銀匣數多。遂疑為盛住私貲。若如此。疑人天下竟無一清廉之官矣。尤為可笑。至盛住所稱進京時並無送給十五阿哥物件。阿哥亦從不許其幫助等語。阿哥等素常謹慎。宮中廩給亦優。本無需伊等幫助之處。盛住所言自屬可信。朕閱之深為嘉悅。至總督藩司收受屬員門包餽送事。關大員婪索。若並無確據。何得率行陳奏。乃詢問該學政毫無指實。是竟係信口誣人。若竇光鼐欲誣人謀反。將不

論其實有無將人治罪。有是理乎。此案若非朕特派阿桂前往查辦。則竇光鼐與曹文植等爭執扳引。即經年之久。辦理亦不能完結。更復成何事體。今阿桂與曹文植等公同面詢。逐層駁詰。俱確有可據。竇光鼐竟不能復置一詞。現復檄調嘉興所屬州縣質詢。自可無難得實。至富勒渾家人在粵招搖滋事。及在浙有無勒索門包之處。阿桂現在提集富勒渾進京時經過之嘉興嚴衢各地方官到省。剴切開導。令其據實供出。該州縣等知事難掩飾。自必和盤托出。所辦尤為得其要領。現已令孫士毅將殷士俊嚴切鞠訊。計日內可以奏到。再寄信阿桂。兩面質對。自然水落石出。著將此旨由五百里傳諭阿桂等知之。所有硃批阿桂各摺。並交與曹文植等公同閱看。○乙丑。

孝恭仁皇后忌辰遣官祭

景陵。

上還宮。○是日起。上以夏至祭

地於

方澤。齋戒三日。○丙寅。諭。據富綱劉秉恬覆奏。滇省各府廳州縣倉庫錢糧。前經查有虧空。約共銀一百餘萬兩。自督臣福康安設法催追。各屬竭力措辦。彌補尚短。少銀六十餘萬兩。富綱到任後。會同劉秉恬督率司道上緊勒追。不遺餘力。又彌補銀共四十三萬三百餘兩。尚未完銀十八萬三千餘兩。細加體察。各員非不知畏懼奮勉。亟思完補。無如滇省地瘠民貧。缺多清苦。若催追過緊。復恐該員那新掩舊。於事仍無實濟等語。所奏殊不成話。滇省非腹地可比。倉儲庫項。為數本屬無多。何致竟形虧缺。皆係不肖屬員。侵欺貪黷。以致虧那累累。朕不忍更興大獄。寬予一線之路。令其自行籌畫。已屬格外寬典。該省大小官員。自應激發天良。上緊設法彌補。乃歷

四五年之久。竟未彌補全完。該督撫所辦理者何事。若福康安此時尚在雲南任。或可早已完案。富綱劉秉恬。獨非督撫乎。乃尚恬不知恥。諉之於滇省地瘠民貧。飾詞具奏。是誠何心。州縣倉庫。係各該員自行經管。其虧缺那移。皆由各該員侵欺舞弊。自應著落各州縣依限完公。變產抵項。與民何與。而乃以滇省地瘠民貧。為彌補難完。託詞自解乎。朕屢經降旨。嚴禁各省。不許因彌補虧空。科派累民。如有派累。一經敗露。及被人告發。必將該州縣及上司。從重治罪。若如富綱劉秉恬所奏。是彌補庫項。皆出閭閻。是令貧官飽私橐。貧民為賠補。有是理乎。富綱劉秉恬此奏甚屬非是。著傳旨嚴行申飭。並傳諭富綱劉秉恬。務須激發天良。董率所屬。遵照奏定限期。於年內一律全完。不使絲毫虧欠。毋得稍有累及閭閻。加結具奏。以副朕法外施仁。懲吏愛民至意。並將此通諭各省督撫知之。○諭

軍機大臣等據梁肯堂奏大名等三府屬得雨情形一摺。內大名廣平兩府屬元城各州縣。或得雨深透。及二三四五寸不等。實為應候甘霖。惟順德府屬。僅稱得雨一二三寸。看來尚未一律優霑。該處因去歲歉收。望澤甚殷。此次雨澤稀少。恐二麥收成。竟致歉薄。現在應否酌借籽種口糧。以資接濟之處。著傳諭劉我詳悉查明。據實覆奏。不可稍存諱飾。將此由四百里傳諭知之。○以故奉恩將軍善志長孫國柱襲職。○丁卯。御史祝德麟奏通州額設米袋。向歸坐糧廳管理。每歲換造。但恐支領錢糧時。書吏暗中扣剋。經紀等任意侵漁。將舊抵新。以致破損。該管官因袋數繁多。遂不加覈實。請嗣後於每歲換造時。報明戶部。派滿漢司員四員前往。將新製口袋逐一點驗。出具甘結。倘額數不敷。呈明該堂官。將坐糧廳叅處。或司員扶同徇隱。一併從重治罪。仍於袋面印用某年製造字樣戳記。

再脚夫散處五閘坐糧廳稽察難周請就近歸於通流度豐兩閘閘官管束如有破損米袋即標記送通抵換得旨所奏是該部速議行○戊辰夏至祭

地於

方澤

上親詣行禮○幸圓明園○已巳

上御勤政殿聽政○諭戶部議駁徵瑞奏山東

商鹽滯銷應完課項請分作三年帶徵一摺

固屬照例辦理但念東省商人資本較微且上年引地歉收而行銷地方亦因旱成災商鹽不能照常售賣鹽滯課缺尚屬有因所有山東商人本年應完課項著加恩照該鹽政所請分作三年帶徵以紓商力○諭軍機大臣等據孫士毅奏審訊富勒渾家人殷士俊等婪索各款如巡捕伍光玉供稱富勒渾到任衆商餽送家人李世榮花錢一千圓方准各回安業等語又洋商潘文嚴等稱殷士俊

勒派各商分買人獲一觔浮賣價銀四千七百兩又李世榮令洋商購買物件短發價值一百圓又點派口岸令書巡等繳銀一萬九千六百餘兩交殷士俊李世榮轉交內署各款蹟俱經殷士俊李世榮供認不諱殷士俊等係富勒渾家人乃勒派需索洋鹽兩商贓款累累若非倚仗主勢何至恣肆自由全無忌憚若此至勒派各口岸銀兩富勒渾先以幫貼公費為詞收受入署迨發覺之後將前

項銀兩交監督衙門解京充公明係事已敗露自知不可掩飾為此先侵後吐之計又據孫士毅奏署南雄府知府孔繼棟因截留富勒渾幕友李王二姓行李富勒渾挾嫌遷怒欲將孔繼棟以保昌縣劣紳倡議抗糧一案叅革經孫士毅作札勸阻富勒渾不允於解任後專銜叅辦等語孔繼棟於劣生抗糧一案係富勒渾兼署巡撫任內之事孫士毅欲於結案時將該員附叅以免增長刁風所辦



未為不是。乃作札勸阻。富勒渾執意不允。如孔繼棟必應叅辦。富勒渾何不於兼署撫篆時早行具奏。今於解任後始行單銜劾叅。非挾私洩忿而何。又據富勒渾奏吳胡氏託殷士俊照應退埠一節。係四十九年批准之案。伊尚未到粵。又陳通照為積債託殷士俊照應給予花錢四百圓一節。係撫臣批結之案。陳通照既託殷士俊照應。孫士毅因何不據實將此案敘入。轉輕輕帶過。代為掩飾等語。此二案。如果與殷士俊無涉。何以富勒渾身未履任。長隨即可先有關說受謝之事。而以數年已結之案。富勒渾初到。即有意為之翻案。又於摺中隱躍其詞。所言督撫非舒常。孫士毅而何。揆其意。伊本疑舒常首先舉發。又恨孫士毅據實查辦。故於解任後。為此一齊拖入之舉。所謂欲蓋彌彰。適足以自益其罪耳。又據孫士毅奏。訪查富勒渾應解河南省。充公銀二萬兩。暗派督標千總楊中興等往

閩省。向省城道員衙門支取。私下繞道押赴河南兌繳等語。富勒渾已離閩省半年有餘。何以尚有私囊寄存閩省道員衙門。以上各條款著傳諭孫士毅嚴切根究。暨常青等嚴密查辦。並傳諭阿桂等於富勒渾解到時。逐款詳晰質訊。務期水落石出。富勒渾雖係阿桂族孫。但事關大員婪索重案。阿桂自當秉公研鞫。斷不敢稍存迴護之見。舒常日內想已抵浙。會同審辦矣。至曹文填伊齡阿。上年辦理海昇一案。頗能持正。此案亦著伊等會同辦理。曹文填伊齡阿皆係曉事持正之人。必不至少有阿比。調停其間也。現在刑部乏人。又屆辦理秋審之期。姜晟在浙省亦無甚應辦之事。著於接奉此旨日。即先行來京辦理秋審案件。又據富勒渾摺內稱。藩司許祖京臬司姚荼將審訊殷士俊供詞送給閱看等語。尤為非是。司道係督撫屬官。若於總督未解任以前。於地方公事。自當稟聞辦理。今

奉撫臣委審案件。即係總督家人得贓訊法之事。自應嚴密辦理。何得將所訊供詞送給富勒渾閱看。將來定案時。亦應將該司許祖京等分別嚴叅。以儆外省惡習。至富勒渾氣本粗率。性情乖張。孫士毅奉旨飭交查訊。伊家人受賄。皆已供證明白。乃不知愧悔。靜候質訊。輒敢怨及承審之人。憤戾之氣。形諸詞色。又復於解任後。嘵嘵剖辯。飾奏尤屬非是。看來孫士毅不免意存畏憚。心懷顧忌。試思

朕為何如主。而能任人徇隱。翻案乎。此時若有能叅孫士毅之人。即係保奏孫士毅而自求得罪之人。孫士毅何所容其顧忌。而不據實查辦耶。此事除就近交大學士九卿閱看外。將此由六百里加緊傳諭阿桂等。秉公嚴切審辦。所有寄信孫士毅等諭旨。及孫士毅奏到各摺。併富勒渾原摺。俱著鈔寄閱看。仍將現在查訊經過各屬。有無需索情弊。據實先行覆奏。○又諭。朕前因舒常等奏富勒渾

操守不能具保。即疑其前在閩時。伊家人殷士俊等亦必有與伊主關通婪索情事。是以密諭雅德。據實查奏。雅德不但不能據實查明。轉力為保奏。已屬昧良袒護。是以此次不令雅德查辦。今富勒渾事已全行敗露。若雅德不知畏懼愧悔。復敢始終迴護。授意屬員。不令據實呈報。反從中為之彌縫掣肘。致常青等辦理不能詳盡。則雅德首領恐不能保。思之慎之。雅德當擇利而行。毋致自貽伊戚。

也將此由六百里加緊傳諭常青伍拉納即行嚴切詳查。迅速由驛覆奏。不可稍存瞻顧。至伍拉納到閩未久。此事與伊無涉。伊當隨同常青秉公查辦。不值稍有迴護。並令雅德將從前因何不據實查叅。轉行保奏。及現在寄存銀兩。是否知情之處。激發天良。據實先行明白回奏。○戶部議准漕運總督毓奇奏。稱淮安衛頭幫額船五十隻。因節年黃水漫溢。屢次遭風。丁力疲乏。查有入官田畝三十

項三十畝有奇。報銀一萬四千四百兩。請令該幫各丁承買。隨船贍運。應徵價銀。照安慶衛借帑贖屯例。先在江安糧道庫內借漕項解交藩庫。仍於各丁每年額支行月等項銀內繳還。自乾隆五十二年始分八年扣完。從之。○以太常寺卿趙佑為大理寺卿。○庚午諭朕簡任封疆。向來由旗員中擢用。總督者如黃廷桂、尹繼善、高晉、薩載等。皆能實心任事。著績宣猷。為封疆得力之人。十數年來。總督中富勒渾資格較深。歷練亦久。在近來總督中上之列。是以由閩浙調用。兩廣委以海疆繁劇重任。方資倚毗。今春舒常回京。於途次召對。詢以各省督撫聲名。舒常即稱富勒渾操守平常。朕猶意舒常甫離兩廣。總督來京。或不免意圖復任。移動富勒渾。以為覬覦回任地步。因疑信兼半。及穆騰額來行在。陛見。復經面詢富勒渾居官辦事如何。伊止言現在總督中操守可信者。惟李世傑、薩載而

已至於富勒渾之操守。不敢深信。因令軍機大臣詳加詢問。方將伊家人長隨在外居住招搖生事情節說出。而於如何受贓舞弊之處。亦無指實。朕意彼時舒常若尚扈從行在。彼此會晤相好。或豫有先入之言。穆騰額隨同附和。亦為事之所有。然其時舒常早已於臺懷即派往陝西查辦案件。並未與穆騰額謀面。而該監督奏對之語。與舒常不謀而合。則其言似非無據。始密諭孫士毅據實查奏。即孫士毅今春來京。陛見時。亦從未奏及富勒渾之聲名。操守平常也。嗣據孫士毅遵旨查奏。富勒渾實有縱容家人殷士俊等在外招搖滋事之處。猶以富勒渾不過身同木偶。止失於約束家人。未必有知情染指之事。俟訊明定案後。將富勒渾子以薄懲。將來尚欲令其戴罪自贖。更換福康安陝西之任。尚不疑其有貪婪侵隱款蹟也。今據孫士毅節次查奏。則富勒渾竟與殷士俊等關通婪索。贓

蹟累累。如殷士俊、李世榮聽從吳胡氏陳通照囑託，照應得受花錢，及派洋商分買人、獲購買鐘表等物，浮賣價銀，短發價值等事。即云該家人等營私舞弊。富勒渾漫無覺察，已屬形同木偶。乃富勒渾因點派各口岸，令書役等攤繳銀一萬九千六百餘兩，交進督署。又因應解河南充公銀二萬兩，暗令督標千總楊中興等潛赴福建，向省城道員衙門支取解豫。是富勒渾一則先侵後吐，一則身已離閩，尚有私囊存寄。其操守果不可問矣。前已降旨將富勒渾革職，令孫士毅詢問確實，解往浙省，交阿桂等歸案審辦。乃富勒渾心疑舒常、孫士毅、穆騰額等有心傾陷，於孫士毅傳旨詢問時，疑怒交作，其忿戾之氣形於詞色。且於解任後，並不自知悔懼，靜候質訊，猶復以從前案件，哢哢置辯。並因署南雄府孔繼棟於孫士毅查辦殷士俊贓款時，將富勒渾幕友行李截留，心懷嫌恨，欲將孔繼棟

另案叅革。經孫士毅札阻不允，竟以解任之後，單銜瀆奏。且於事已發覺，將勒派各口岸銀一萬九千餘兩，交監督衙門解京，以掩飾其先侵後吐之跡。且其信任家人李世榮等，闢通說合，聲名狼籍。即大學士嵇璜學政寶光、總兵施國麟衆口一詞，是孫士毅查奏各情節，實係遵奉諭旨。秉公查辦，確有證據之事。並非有意吹求。而富勒渾受朕深恩，種種情節，殊出情理之外。此皆由富勒渾辜恩昧良，天奪其魄，是以所為顛倒錯亂，自速其罪。乃至如此。朕從來不肯存逆詐億不信之見，而不肖者營私亂法，自然敗露。朕亦不能稍為曲貸。此實朕用人不得已之苦心。中外臣工所共見共聞。然朕細思之，為大臣而受家人之累者不少，而惟旗人更多。即如福隆安家人富禮善，毆命頂克一案，福隆安心存庇護，經朕特派大臣審明，將富禮善抵法，並將福隆安治罪。此亦福隆安平日不能管束

家人致伊等恣意妄為自蹈法網累及伊主并致家遭回祿身亦短折可見此輩宵小奴隸獲罪於天福善禍淫之理捷如影響其實欲庇護家人適足自貽伊戚而藐法家奴仍致自罹大辟福隆安幸而在京供職近在輦轂之下是以敗露旋踵若使擢用外任則富禮善之恣縱妄為豈在殷士俊等之下而福隆安之受其累者亦未必不如富勒渾之甚而朕亦不能曲護也特此明白宣諭内外大

臣嗣後務須正躬潔已嚴肅馭下當以前事為戒設有不知儆懼仍蹈覆轍當事情敗露之後朕必不肯僅令罪坐奴隸置家長於不問而為家主者亦何所愛護而輕以身家為奴隸計也將此通諭中外知之○豁除陝西華州東北西北兩鄉乾隆四十九年沙壓民屯更名地畝額賦○辛未

上以秋獮木蘭自圓明園啟鑒○諭據保寧奏打箭鑪化林坪瀘定橋等處於五月初六七

等日同時地震城垣衙署兵民房屋均有倒塌人口亦有傷斃現在馳赴各該處親加查勘等語此次打箭鑪一帶地震情形較重該處係出藏南路要口為官員兵民聚集之地所有城垣衙署被震倒塌者應即確估修理至民間坍塌房屋并傷斃人口情殊可憫著該督等即行詳悉查明照例分別撫卹即土司若同被災亦當量為周卹該部知道○中鄰省富民準折牟利之禁○諭據畢沅奏豫省連歲不登凡有恒產之家往往變賣餬口近更有於青黃不接之時將轉瞬成熟麥地賤價準賣山西等處富戶聞風赴豫舉放利債藉此準折地畝貧民一經失業雖遇豐稔之年亦無憑藉現在飭屬曉諭勒限報明地方官酌覈原賣價值分別取贖毋許買主圖利占據等語所奏實屬可嘉豫省頻歲洊饑閭閻元氣消耗全賴業農之民家有恒產一遇豐年口食即可充裕乃山西等處豪強富戶

越境放債。賤準地畝。且將麥收在望之田。乘機圖占。一經準折。即攘為已有。此更酷於王安石之青苗矣。似此乘人之危。以遂其壟斷之計。其情甚為可惡。各省黎元。何一非朕之赤子。今因河南災旱。而山西富戶。乘以為利。是富者日益其富。貧者日見其貧。及遇豐年。輒轉增價售賣。而中州元氣。竟為隔省豪強兼併侵剝。災區氣象。何由得復舊觀。將來豫省貧民。日漸流徙。田產皆為晉民所有。成何事體。此事關係民生衣食根本。畢沅籌辦及此。實屬盡心民事。但摺內所奏。猶有未盡周到之處。若非明降諭旨。嚴定章程。恐地方官力量有所不及。而為富不仁者。尤無所畏懼。仍屬有名無實。此事著交畢沅。率同江蘭。悉心籌畫。飭屬詳查。此等賤買貴賣之田。覈其原價。勒限聽原主收贖。其連麥準價之地。仍令原主收回。刈割除原價歸還外。酌量給與一二分利息。毋許買主圖利占據。不行放贖。

致失業之民。有歲無田。坐聽豐年。枵腹倘有財力。不贍不能給與。本利回贖者。在買主已獲厚利。自當於本利十分之中。酌減三四分聽贖。方合人情。天理。該富戶等。同為朕之子民。亦當各具天良。乃視人之饑寒。以為厚利。以天理論之。豈得長享富厚。甚可畏也。但遽繩以法。朕亦有所不忍。經此次降旨。明切諭勸之後。倘伊等仍思牟利。不放原主收贖。或勒取重利。不肯減價。則是圖利之民。怙終不悛。一經查出。必當寘之於法。勿謂朕不教不戒也。畢沅接奉此旨。即多行榜示。通衢僻壤。使眾共聞知。至地方官查辦地畝。倘有不肖書役吏胥。從中藉端勒索。滋擾閭閻。以致富戶貧民。兩受其累。則是該撫等辦理不善。一經發覺。除將本人嚴行懲治外。必將該撫藩等一併治罪。畢沅江蘭務宜實心籌畫妥協辦理。以副朕惠愛一方。災黎調變變通之至意。○又諭上年江蘇安徽山東湖北等省。被

早較重。民氣未復。如江蘇之揚州。湖北之漢口。安省之徽州等處地方。商販聚集。鹽賈富戶頗多。恐有越境買產。圖利占據者。不可不實力查禁。著將明發諭旨。鈔寄各該督撫。閱看。倘各該省有似此牟利者。即行遵照諭旨。並查閱畢。沅原奏辦理。以副朕惠保如傷至意。將此由五百里各諭令知之。仍著各將所屬災區。有無似此賤買漁利之處。據實覆奏。○又諭。前欲將富勒渾調往陝甘。更換福康安。今富勒渾已獲罪革職。除將富勒渾獲罪所降諭旨。併寄阿桂之旨。鈔寄福康安閱看外。一時尚不得更換之人。福康安暫在甘省多住數日。為朕辦理該處事務。候有妥人。即發往更換。將此諭令福康安知之。○是日。駐蹕南石槽行宮。○壬申。諭。此次由口外來接駕之熱河兵丁等。著加恩賞給半月錢糧。○又諭。昨因畢沅奏。豫省連年荒歉。凡有恒產之家。將地畝賤價售賣。山西富戶。聞風赴豫。

乘機放債。準折地畝。取利已明。降諭旨。令畢沅等實力查辦矣。朕於各省黎元。視之如子。遇有水旱偏災。無不即時賑卹。俾不致一夫失所。數十年履念民依。不分畛域。人所共見。共聞。即如上年山西汾州絳州一帶。偶被旱災。經欽差大臣梁敦彥。差竣回京。面奏情形。當即降旨。飭令該撫農起確勘災分。賞給口糧。以資餬口。晉省素稱充裕。而偶有偏災。即與各處被災省分。一體亟為賑恤。朕之愛民。晉民獨不知乎。今因河南去歲被災。而晉省富戶。恃其素積多貲。遂乘中州荒歉。前往舉放利債。準折地畝。而原業之戶。因救目前之急。坐失恒產。其情可憫。雖遇豐年。元氣亦不能復。則其為害甚酷。試思晉省民人衣食豈能不出之田畝。設使該省或遇災荒。民饑鮮食。而中州之民。亦前往乘機圖占地畝。則災黎無田可耕。其拮据之狀。即與河南無異。朕亦必移治河南之法。以治山西。茲故降旨明

切勸諭。令其減利聽贖者。蓋以易地則皆然。而非獨厚於中州之民也。該富戶等祇欲壟斷牟利。而不顧天理人情。朕此時不遽繩之以法。且與畧朝廷之尊。即如慈父教子之舉。不厭再三訓誨。伊等亦當激發天良。咸知大義。蓋慈父無不愛之子。為子者亦當仰體親心。凜遵訓誡。若經朕如此勸諭。尚不知悛改。則是伊等止顧身家。惟利是圖。全不知任恤憫災之義。即與不孝無異。朕亦無如之何。必

當寘之於法矣。著將此旨。同昨降諭旨。寄交伊桑阿刊刻。遍行榜示。通衢僻壤。使晉省富戶紳衿。共相媿勵。敦勉一洗壟斷漁利之習。並著留京王大臣。傳集籍隸晉省之在京大小官員。將諭旨宣示。各令其寄信原籍鄰里親黨。俾共知警勸。以示朕救災恤民。一視同仁至意。是月。兩淮鹽政全德奏。上年因清口築壩蓄水。鹽船不能入湖。改由運河外之支河運往。惟是去冬今春。臨淮關以上溪河

淺阻。舊在瓦埠起旱者。改在壽州之石頭鋪。計多陸運一百六十里。頗形艱滯。計所運鹽。僅供逐月銷售。未能將本年夏季之鹽運足。查上年通州場河淺涸。曾將近河之呂餘二場鹽。暫改江運。至今存場之鹽。盡行運出。今廬州各口岸。亦俱可通江。當即飭令該商等。將廬州鹽由運河出瓜州。徑往沿溪之裕溪口入廬州。分運各岸。俟將來上游水暢。仍即停止。嗣後遇有難於接濟之處。照此權宜

辦理。得旨甚屬可行。該部知道。○河南巡撫畢沅奏。嵩嶽廟中。舊有配殿四所。塑泰華衡恒四嶽帝像。竊思五嶽並尊。今將四嶽配享典禮未協。且建在二門之外。尤為輕褻。查山門外迤南有空房一所。堂宇寬敞。擬移奉神像。改為五嶽靈祠。其廟中舊有配殿。改塑風雲雷雨四神配享。得旨甚當。如所議行。○貴州巡撫李慶棠奏。黔省錢局鼓鑄。因從前銅鉛阻滯。遞壓卯額。積至四五年之久。現在所





致技藝生疎毫無紀律實為辜負職守且武隆阿身係旗員經朕擢任總兵尤宜實心訓練總兵除操兵之外又無地方之責乃竟自耽安逸貽誤全營遊擊張啟林等相習因循竟無一人稍能振作若不嚴行懲治何以勵軍紀而肅戎行總兵武隆阿遊擊張啟林六十三彭朝龍俱著革職拏交刑部治罪其守備以下甘朝綱等各員亦著革職此等微末武弁不值交部治罪即著該督照營規捆打

軍機處

三

以示懲儆至該鎮三營遊守六員既全行革職若候部選人員到彼人地未免生疎且恐稽延時日亦著照該督所請分別揀補遺缺再行歸選以重職守又該督另奏酌定總兵考覈官兵以收實效一摺著交部議行○以直隸河屯協副將普吉保為福建汀州鎮總兵○是日駐蹕要亭行宮○甲戌諭昨據雅德參奏汀州鎮武隆阿在任七年廢弛營務將備相習成風共耽安逸以致兵丁技藝生

疎全無紀律已降旨將總兵遊擊革職拏交刑部治罪守備以下各弁革職交該督就近責懲矣夫國家設兵衛民雖可百年不用不可一日不備全在平時訓練演習紀律嚴明方能有勇知方臨陣克敵各省綠營兵弁惟知虛糜廩餉遇敵每多怵怯退縮並有潰散脫逃者最為可恨我朝用兵以來平定伊犁回部金川及山東王倫一案甘肅逆回兩次滋事均由京簡派八旗勁旅前往奮勇爭先

軍機處

三

抒忱效盡方能集事原不藉綠營兵丁之力但該兵等籍隸戎行月糜糧餉豈竟自安於無用並差操亦不為意耶至各鎮總兵專司行伍平時尤宜督率弁兵加意訓練俾軍律嚴明技勇兼備方為無忝厥職乃竟貪圖安逸玩愒營務又安用此專閫大員為耶總因承平日久即各省總督提督均不能留心整飭恐各省如武隆阿之廢弛怠玩者正復不少此次雅德特因富勒渾獲罪自知從前力

為保奏之非。故為此嚴叅奏辦。以為救過見長地步。否則未必不為之姑容徇隱。但既經叅奏。朕不得不嚴行辦理。懲一儆百。嗣後各省督撫。及兼提督銜之山東河南山西江西各巡撫。當以營政為要。而提鎮尤應朝夕簡練。俾各兵步馬鎗箭俱臻純熟。進退有節。度平時可以資捍衛。而臨事足以供調遣。如再有似汀州鎮之廢弛者。一經查出。必將該營鎮將等。較武隆阿加倍治罪。毋謂朕言之不豫也。至任承恩為福建陸路提督。汀州鎮是其所轄。該鎮如此廢弛。平時既漫無覺察。迨總督查閱叅奏後。該提督豈無聞見。亦應具奏請罪。乃竟置若罔聞。身如聾聵。所司何事。任承恩著交部嚴加議處。並令其將因何不效叅之處。據實明白回奏。將此通諭知之。○是日。駐蹕兩間房行宮。○乙亥。諭富勒渾之子內閣侍讀查隆阿著革職。拏交刑部。○諭軍機大臣等。據閔鶚元奏到江蘇省四月

分糧價清單。內開蘇常兩府屬米麥價。及太倉州屬麥豆價。俱比上月加增等語。江蘇上年雨澤短缺。歲收稍歉。民間糧價較增。尚為事所應有。至本年蘇常等屬。前據該撫等奏報春雨霑渥。麥收約計十分。當此民食充裕之時。一切米麥等項。市價自當漸就減落。即或未能頓減。應亦不過照前。斷無轉比上月加增之理。此必係奸商為富不仁。知本年春熟豐收。糧食勢在必減。豫行增價糶賣。至麥收穀賤時。少為減價。尚可與上月相同。似此有增無減。伊於何底。市僧伎倆。最為可惡。朕屢念民依。無時暫釋。過各省陳奏糧價。一一詳加檢閱。先事咨籌。督撫身任封疆。於關係民生事件。尤宜時刻留心。如該處有奸商擡價居奇之事。務須訪查確實。嚴行究辦。懲一儆百。使奸商無所施其伎倆。而窮民得需實惠。方為妥善。著傳諭李世傑。閔鶚元。即飭屬嚴密查辦。並將蘇常太倉各屬糧價。因何開

列價增之處。據實覆奏。尋奏江蘇地方全賴客米接濟。糧價增減。視以為準。本年自正月。起至四月止。正值蘇杭糧艘北上之時。河道擁擠。江楚米商來蘇者。僅販到五萬餘石。彼時二麥雖豐。尚未刈穫。是以價值翔湧。至四月後。商販絡繹。麥已豐收。遂漸次平減。查五月下旬。已較四月減去三四錢不等。報聞。○是日。駐蹕常山峪行宮。○丙子。湖廣總督特成額奏。荊州駐防兵丁。歲需口糧。向以徵存南糧支給。不敷者折色。本年南糧因歲歉。蠲多。且遇置閏。應支折色過多。不敷買食。應於襄漕米內。暫借兩月口糧。並於司庫內。借給一月餉銀。米自閏七月至十一月。分作五個月支放。於來歲應支本色內。分作八個月扣還。銀需一萬一百六十四兩。於清還口糧後。分作三季接續扣收。得旨。著照所請。行該部知道。○廣西巡撫孫永清奏。四頂山廠向產白鉛。供本省及廣東鼓鑄之用。近因馬鞏冷

崗三廠煤餉漸乏。不敷煎煉。出鉛漸少。部議。問年採買。兼買楚鉛補足。查羅城縣屬長安官山。有新產煤礦。鉛商試採。每鑪每日煉砂一百二三十觔。每砂百觔。煉鉛十八九觔。至二十觔不等。計每歲可得鉛七萬觔。有奇。除以二分半歸商作本。可抽正課五萬餘觔。兩年可得十萬餘觔。若以此項鉛觔。並收買馬鞏冷崗三廠餘鉛。湊撥廣東。共有鉛二十餘萬觔。足抵舊額。且廣西鉛價。每觔二兩七錢。較之楚鉛四兩二錢。亦屬便宜。於鼓鑄實有裨益。報聞。○旌表守正捐軀湖北鄖縣民陸喜妻龔氏。○是日。駐蹕喀喇河屯行宮。○丁丑。

#### 上詣熱河

文廟行禮。○諭。此次隨出一百八名校尉內。長班二十四名。每人各賞給一個月錢糧。回京之八十四名。各賞給一兩重銀。○又諭。熱河駐防兵弁。看守避暑山莊之千總兵丁。

等俱著賞給半個月錢糧。○是日駐蹕避暑山莊。至八月乙卯皆如之。戊寅諭軍機大臣等。本日何裕城奏特參廢弛不職之鄱陽知縣潘衡。及訪拏誘賭冒差匪船七隻獲犯三十餘名。搜獲銀錢贓據。究出厯犯案蹟。解省審辦。並酌定章程二摺。具見留心。向聞該撫不能振作。有為屬員不知畏懼。曾經降旨訓飭。今此二事頗見整頓。似改從前柔懦氣習。甚屬可嘉。嗣後當益加奮勉。以察吏安民為要務。事事留心振作。方能長受恩眷也。將此諭令知之。○己卯諭熱河建蓋土城子。移駐河屯協右營兵房在蹕路之旁。朕經行閱視。係每兵給房一間。不敷居住。著加恩每名再各添給一間。以示體恤。至熱河地方綠旗營兵。本有教場。此項移駐兵丁。即可就近操演。毋庸另建演武廳。○壬午諭昨據順天府尹吳省欽奏都察院屢次向順天府借用件。作因將縣役王全飭退。此飭退之語甚不明

著吳省欽明白回奏。又吳省欽以兩縣件作實不敷用。並請勅五城各自按額募充。已交都察院查奏矣。因思兩縣五城各自額設件。作自應各自著役當差。何以都察院屢次向順天府撥件作應用。此必紀昀因大興縣件作王全上年驗出吳雅氏真傷。意欲挾嫌報復。將王全設法處治。故屢向咨取應差。而王全既已得罪刑部。都察院昨經刑部於梁冀州一案奏請治罪。經朕看出交軍機大臣查明。即係驗吳雅氏真傷之件。作王全。是以特降恩旨釋放。今都察院又復傳撥不休。是有意折磨。以為報復之地。王全告退。明係畏避所致。上年派令紀昀檢驗屍傷。隨同附和。本應一體治罪。朕念其於刑名事件素非諳悉。格外加恩。仍留原任。紀昀當愧悔感悚之。不暇。且君子不念舊惡。紀昀讀書人也。而鰥鰥下與件作為仇。不甚鄙乎。德保現署總憲。乃一任紀昀之挾私尋隙。竟同聾瞶。所司何事。

德保紀昀俱著傳旨嚴行申飭並各令據實明白回奏所有忤作王全著順天府仍令復充縣役不准告退自後五城自行募充忤作應用不得復向順天府借撥○癸未諭軍機大臣等據明亮等奏稱新調喀什噶爾索倫兵二百名已安插游牧前欲由伊犁調取兵六百名今無所用現咨奎林停派等語辦理尚屬合宜著奎林暫不必派撥俟必須用時再行出派○又諭本日據書麟奏到各摺止

於清查安省民欠摺內有雨暘時若麥收豐稔二語此外並未奏及安省近來曾否續得雨澤及麥收分數若干因命軍機大臣檢查該撫前數次所奏各摺則自四月二十二以後屢次奏摺均無地方情形該撫尚能留心民事不應若此雨水收成於閭閻生計大有關係安省災後朕屢念民依無時或釋該撫豈不知之乃本日於清查民欠錢糧摺內帶敘麥收豐稔雨暘時若數語並未另摺詳悉

具奏著傳諭書麟即將該省現在雨水情形麥收分數迅速詳悉具奏○以翰林院侍讀顏崇為為四川鄉試正考官中書費振勲為副考官侍讀恭泰為廣東鄉試正考官宗人府主事鮑之鍾為副考官編修劉種之為廣西鄉試正考官編修羅修源為副考官內閣侍讀毛鳳儀為福建鄉試正考官編修李堯棟為副考官編修鄭際唐為湖南鄉試正考官中書羅錦森為副考官○旌表守正捐軀

直隸曲周縣民吉三雞妻尹氏山東鄆城縣民孫大聘女孫氏○甲申諭兵部議駁雅德酌定考覈兵丁技藝一摺已照議行矣至另摺奏將提督任承恩革職之處固屬照例辦理提督為專閫大員各鎮將備兵丁俱其所轄如果平日玩愒廢弛於操演事宜有心貽誤自應即予革職以肅戎行但今此案雅德參奏汀州鎮總兵武隆阿廢弛營伍彼時朕即看出係因前經保奏富勒渾操守可信及

聞其業經敗露。故特將武隆阿嚴叅具奏。以為救過見長之地。且摺內稱武隆阿到任七年以來。貪圖安逸。以致將備相習成風。兵丁毫無紀律。因閱內廷所貯該督上年摺奏總兵考語。則武隆阿考居上等。稱其營伍整飭。乃閱時未及半載。而即奏其營伍廢弛。忘其前奏。可見該督祇知以劾奏補過見長。而不顧其自相矛盾。是以前次降旨明白宣諭。任承恩為該省陸路提督。於所轄鎮屬營伍廢弛不行及早叅奏。置若罔聞。予以革職。亦屬罪所應得。姑念雅德此奏。係為救過見長起見。並非實心整飭軍伍。由此觀之。任承恩尚非實在有心玩誤。徇庇者可比。著從寬改為革職留任。嗣後該提督務宜實力整頓。俾所屬將備兵丁咸知訓練。以贖前愆。倘復仍前因循玩忽。經朕察出。必當加倍治罪。不能再為寬貸也。○又諭據吳省欽奏京城糧價漸增。而米豆二價尤為翔貴。請將京員秋俸先

支領十分之六。以冀民食流通等語。所見甚是。京員秋俸向例以中秋前後起支。今遇閏又遲一月。米石不能及早流通。價值未免日漸昂貴。自應設法調劑。但該府尹所請先支十分之六。則京員須作兩次支領。多費腳價。非所以示體卹。所有八旗及在京文武各員俸米俱著移前於閏七月初一日起一體開支。至所稱黑豆一項。每倉石例價八錢。請於市價現昂時將此次官豆酌量增作一兩四錢之處。著交戶部將現在存倉豆石通盤籌畫。足敷官用之外。所餘豆石即照該府尹所定價值儘數照例官賣。一面奏聞一面辦理。仍行令盛京買補運送還倉。並著步軍統領衙門會同順天府嚴加訪察。如有奸商買囑微員賤價糴買米豆囤積居奇。仍復擡價糴賣者。即與莠民無異。當拏為首之人從重處治。懲一儆百。務使米豆流通。糧價平減。而市儈無所施其伎倆。官民兩有裨益。方為妥善。

○諭軍機大臣等。本日御史莫瞻菴奏請申明豫省贖地收麥事宜一摺。已於摺內批示矣。該御史所稱豫省已賣地畝。回贖時若不按照現在收成分數。當官判給。恐胥役高下其手。如麥已糶出。即照月報麥價。於贖價內坐扣等語。莫瞻菴籍隸河南。所奏似有所見。著將原摺發交畢沅閱看。令其查照該御史所奏。如有可行之處。即一面妥協辦理。一面迅速由六百里覆奏。將此由六百里諭令知之。○乙酉。諭前經阿桂等查明浙省虧空。已未彌補實數。詳覈定議。並請將雅德福崧等。交部嚴加議處。一摺。已交軍機大臣會同該部議奏矣。浙省虧空一案。大局已定。所有倉庫彌補未完銀二十五萬三千七百餘兩。與福崧初報二十七萬餘兩之數。有少無多。足見其尚無隱飾。至福崧在浙江巡撫任內。若有別項劣蹟。實光霽必形之章奏。况阿桂等在彼查辦日久。如有所聞。亦必據實叅劾。看

來福崧尚無貪黷敗檢情事。其咎在於不能實力督催。以致逾限不完。已失之柔懦。又復公堂設誓。有乖政體。其過尚輕。所有應得之罪。俟定案後。另降諭旨外。現在伊桑阿丁憂。其山西巡撫員缺。著加恩暫令福崧前往署理。伊亦無顏見朕。不必前來熱河請訓。即由京速赴新任。此後務當益加感奮。諸事實力整頓。倘再因循玩愒。朕必將伊加倍治罪。不能再邀寬典也。勉之慎之。○又諭據畢沅奏

接奉諭旨。廣為宣布。使災區賤賣地畝。毋許晉民霸占。令原主備價回贖。一摺。所見甚是。已於摺內詳悉批示。其所稱此番奉旨查辦。恐有中州無籍之徒。希圖白退地畝。不償原價。准令買主呈控。照數退還。以昭平允一節。此論甚公。誠不愧公正大臣之誼。前因晉省富民乘河南荒歉。前往舉放利債。準折地畝。以為壟斷兼并之計。於災區生計大有關礙。是以節經降旨。剴切曉諭。令該撫等於僻壤



通衢遍行刊刻宣示俾富戶等各知警勸以敦任卹之風朕之為豫民計者不啻至再至三夫豈獨厚於中州之民蓋以各省黎元皆吾赤子不欲令此省之有餘利彼省之不足故為調劑變通設法籌辦所謂教養兼盡易地皆然非有所偏枯於其間也在山西富戶固應各矢天良聽原主照價回贖而河南業戶倘因朕如此加恩竟欲白退地畝不償原價則地方無籍之徒志在希圖便宜此風亦不可長試思從前棄產時原因災旱頻仍饑寒洊迫故將地畝賤值售賣以救目前之急晉民在彼雖係乘機賤買究非白占人田今因地方官查辦輒思不交原價歸還舊產有是理乎著畢沅率同江蘭盡心經理實力稽查除令買主到官呈繳原買文契聽原戶具價回贖外如有不肖之徒冀圖白退地畝強占便宜亦即懲辦一二以儆其餘以體朕一視同仁毫無偏畸之至意○諭軍機大臣等

昨據御史莫瞻菴奏豫省已賣地回贖時如麥已糶出即照月報麥價於贖價內坐扣一摺已降旨令該撫查照所奏是否可行之處酌量辦理矣今據畢沅奏此項準折地畝倘有勒捐不行放贖者許賣主將原價呈繳當堂押贖或恃有此番查辦希圖白退地畝不償原價亦許買主呈控照數退還等語所見甚屬周到但恐一經州縣之手胥吏藉端舞弊轉屬於事無益此事專責成畢沅督率藩司江蘭秉公妥辦前因豫省荒歉貧民失業致令準折地畝而晉省豪強希圖牟利乘機占據是以降旨令酌減原價取贖以賣斷之產仍得收回在原業已屬便宜若再欲退還地畝不償原價則是無籍之徒希圖白占此弊亦不可不慮著傳諭畢沅督同藩司江蘭實力查辦任怨任勞務令買主與賣主各得其平以昭允協並查照莫瞻菴所奏如果有可行之處即酌量妥辦倘若徒滋紛擾於事

無益。即行奏駁。不必因奉有諭旨稍為遷就也。除另行明降諭旨外。將此傳諭知之。○軍機大臣議准。四川總督保寧疏稱。上孟董下孟董九子寨等寨。生齒日繁。從前額設員弁不敷。請照雜谷乾堡三寨之例。各添守備一員。並於五寨內。每寨添千總一員。把總一員。外委二員。其養贍銀兩。於鼓鑄餘息項下支給。此項增設人員。即於曾經出征著有勞績之屯練內。層次拔補。將來遇有缺出。隨時選充。毋庸頂襲從之。○刑部議覆署陝甘總督慶桂疏稱。甘肅逆回滋事。攻擾靖遠伏羌二縣。及靜寧一州。該處出力之軍流人犯等。今查明拏獲內。應擊斃多人。列為頭等者四十名。應免罪釋放。其搬運木石。巡邏守禦。列為次等者七十七名。減為杖一百。徒三年。遞籍充配從之。○丙戌諭前因畢沅奏豫省頻歲不登。民饑鮮食。山西富戶。聞風前往放債。準折地畝。災黎遇有豐年。無田可種。節經降

旨。剴切曉諭。令該富戶等減利聽贖。並令河南山西巡撫。各將諭旨刊刻。徧行宣布矣。昨又據畢沅覆奏。現在查辦災區。賤售地畝。恐中州無籍之徒。恃有查辦諭旨。竟思白退地畝。不歸原價。應令買主將原契呈出。官為追價等語。所言甚屬公正。深得大臣為國之體。當經降旨宣諭。夫晉民之與豫民。雖分兩省。而自朕視之。則同一赤子也。赤子之安危肥瘠。無一不在慈父愛惜之中。故以此之有餘。籌彼之不足。變通調劑。並無畛域。可分而封疆大吏。為朕綏輯一方。即當仰體朕心。熟籌通計。不使澤有偏枯。今因中州災旱。饑黎輕棄其產。以致有歲無田。畢沅奏請令山西富戶聽原主備價回贖。毋許霸占。兼并該撫為中州生計起見。籌辦及斯。已屬盡心民事。及經朕節次降旨。勸諭復恐棄產之家。冀圖白退地畝。不歸原價。奏請官為追出償還。似此居心公正。並不袒護豫民。尤為深識大體。夫

水旱災荒事所常有。為督撫者往往一意卹災不思通盤籌畫鄰省暗受其病而不知試思晉民逐利係其習俗使然當其赴豫放債準折地畝時原屬以母權子欲為倍蓰之息若豫民因官為查辦輒欲空手退還膏產是既得地值又歸舊業斷無此幸中獲幸之理畢沅計慮及此實屬可嘉其幫同查辦之藩司江蘭亦能盡心經理著一併交部分別議敘至山西富戶前經朕節次降旨諄切勸諭並令該省京紳寄信原籍鄉里親黨勸其共敦任恤毋許霸占中州田畝該富戶等具有人心自當激發天良一洗為富不仁之習今因豫民圖得便宜竟欲不償原價退還舊業朕復降旨令該撫藩等秉公懲辦毋致稍有偏袒朕於天下黎元一視同仁不分彼此晉民富戶等尤宜益加感愧痛悔從前壟斷之非而豫省棄產之家亦當備價回贖不可稍存貪圖便宜之見方不負朕慈父教子之苦

心著將此旨同昨降諭旨交河南山西巡撫刊刻刷印徧示通衢僻壤俾眾共聞知以副朕普愛元元教養成全之至意○又諭據毓奇等奏江浙兩省幫船上運餘米請暫緩帶交一摺前因邳宿運河淺阻起撥耽延將乾隆四十九五十年江浙省幫船應交餘米准其遞年分限帶交今該督等以兩省上年早歉之後米價昂貴採買維艱且本年沿途河道仍多淺阻幫船起撥丁力未免拮据奏請遞緩帶解自係實在情形著照該督等所請浙省本年應交四十九年未完一半餘米緩至五十二年其五十年緩交餘米遞緩至五十三四兩年搭運交倉完納至江南漕船所有帶交四十九年未完一半餘米著照浙省之例一併遞緩以紓丁力該部即遵諭行○諭軍機大臣等據李世傑奏現在感冒暑邪連服葭苈幾及半月雖飲食漸已照常而神氣虧損遇事用心即覺頭目昏眩恐於地

方公事有誤請解任調理等語覽奏甚為懸注本日又據李奉翰奏報李世傑感冒後即延醫調治外邪漸已平復飲食言語皆已如常若再加調養可冀復元等語此摺係初八日由驛馳遞距李世傑初二日所奏已後六日看來該督現在病勢漸已就痊况該督素日氣體尚屬強健即偶然感冒致損元神若加意調養自必即見痊可至地方公事原可坐辦何必遽請解任且目下書麟已到清江所有開挖引河工程及籌度糧艘渡黃北上事宜現已降旨令書麟幫辦該督儘可在寓料理不必僕僕往來力疾任事致受風日反為不便著傳諭該督務須安心靜攝以冀速痊副朕眷注至意仍即速奏以慰懸注○又諭據毓奇等奏頭二進重運漕船共渡過黃河四十一幫自五月初七日清口水勢陡耗嘉興白糧幫趨渡之船皆為淺滯當經河臣李奉翰親往河口相度機宜築壩兜束並集

夫撈挖無如清口一帶水緩沙停隨挖隨淤幫船不能前進現在設法疏導日內已將交伏汛大雨時行清水長發各船亦可乘時趨渡等語是河口淺阻糧船已不能陸續渡黃而本日李奉翰所奏河湖水勢情形摺內何以又稱清水暢注力雖未足抵黃而流入淮揚運河衝刷寬深重運足資浮送銜尾前進無虞淺阻即云此摺係五月二十七日拜發專差齎遞具奏在前則該督由驛奏到之摺係六月初八日與毓奇等同日拜發乃止奏報連得澍雨及高堰誌棹長水尺寸而於糧船淺阻情形並無一字提及殊不可解看來該督目擊水淺舟膠心懷惶懼又如上年茫無主意徒思迴護掩飾此大不可漕運為天庾正供所關非細李奉翰身任河防責任綦重當此河口淤淺糧艘阻滯之際不思設法籌辦據實奏聞乃坐視遲延徒懷憂畏竟一籌莫展惟思掩飾於目前倘又如上年之貽

誤其罪豈能再追乎現在李世傑患病未愈已有旨令其安心調攝不必以河務繁懷致增勞勩此時書麟已到清口自能留心講求河務且年力壯盛上年辦理安省災賑諸務認真妥協著傳諭李奉翰不必心存惶懼惟當會同書麟悉心籌畫督率工員上緊設法疏通務令尾後各幫及早渡黃全數輓抵通倉不可以今年有閏為期稍寬畧存大意此時大雨時行清口一帶連得甘澍清水自必更日漸增長該督等即應酌量情形將通湖引河除現開放之兩道外再行啟放一二道俾清水暢出敵黃則河口淤沙自可刷深重運得以銜尾趲渡李奉翰毓奇書麟務宜同心協力設法妥辦催趲不誤抵通方為盡美將此由六百里加緊諭令知之仍將河口曾否通順重運渡黃者又有若干幫不可仍存諱飾迅速由六百里加緊覆奏以慰廑注○吏部等部議覆調任四川總督李世傑疏稱

順慶府屬東觀場鹽大使專司稽查井竈事務無多儘可歸南充縣兼管該員缺應裁李渡場地方民刁事繁距縣遼遠即以東觀場裁缺改設主簿定為調缺其移駐衙署即將東觀場舊署移建原設吏攢二名門子一名馬夫一名足資辦公原設皂隸四名改為弓兵名目再添弓兵二名快役二名又永寧縣赤水河縣丞一缺向係要缺在外調補查該處錢糧無幾且行之已久俱有一定章程應改為簡缺歸部銓選應如所請從之○以故奉國將軍莽古賚子來齡襲爵○丁亥諭據俞金鰲奏湖南常德府自五月二十六至六月初一二三等日連日大雨上河水發匯集朗江暴漲二丈有餘近城西北廬舍多有浸灌民舍間有衝塌初四日雨時落時止所漫之水漸已退歸大河其被水之處有無淹損田畝傷斃人口及衝塌房屋俟水退清查等語常德府城因連日大雨江水暴漲隄工漫

溢田畝廬舍。猝被淹浸。情殊堪憫。著交該督撫督率所屬。上緊查明淹損田畝衝塌房屋。照例妥為撫卹。毋致失所。至刷損隄埝。即行修築完整。以防秋漲。該部遵諭速行。○諭軍機大臣等。據御史曹錫寶奏。和坤家人劉禿子。本係車夫。游管家務。服用奢侈。器具完美。苟非侵冒主財。剋扣欺隱。或借主人名目。招搖撞騙。焉能如此。一摺。當即面詢和坤。據奏劉禿子名全兒。並無禿子之名。本係世僕。有旗檔可查。因家人眾多。宅內不敷棲止。是以令其在宅西附近興化寺街居住。一向派在崇文門稅務上照管一切。素昔尚為安分樸實。平時管束家人甚嚴。向來未聞其敢在外間招搖滋事。或因扈從出外日多。無人管教。漸有生事之處。亦未可定。請旨飭派嚴查重處等語。和坤家人全兒。久在崇文門代伊主辦理稅務有年。其例有應得之項。稍有積蓄。亦屬事理之常。若伊倚藉主勢。實有招搖撞

騙。或於額稅之外。擅自加增。以肥私橐。或如富禮善毆斃人命頂兇各情節。亦未可知。應令曹錫寶指出實據。若徒空言。何以入人罪乎。著留京辦事王大臣。會同綿恩都察院堂官。即傳曹錫寶。令其逐條指實。如果有以上情節。即一面從嚴審辦。一面據實具奏。或曹錫寶及伊親友有應過稅之物。全兒多索稅銀。或有挾伊不肯免稅之嫌。架詞聳聽。尚為情理所有。若曹錫寶竟無指實。不過撫拾浮詞。博建白之名。豈有以無根之談。遽入人罪之理。況曹錫寶與和坤之家人。何能熟識。伊於何處得知詳細。亦應詳問實在。方成信讞。並據和坤稱家人全兒。因有家務。已於十三日起。身前來熱河。現在未到等語。伊既不在京中。若有情弊。更可不致聞風掩飾。尤易查辦。著將原摺發交留京王大臣。除伍彌泰係和坤至親。應行迴避外。著添派綿恩及都察院堂官。發派番役。嚴行訪察。如全兒果有

借端撞騙情事。即據實叅奏。從嚴辦理。不可因和珅稍存迴護也。

實錄卷一百一十六

五八

大清高宗法天隆運至誠先覺體元立極敷文奮武孝慈神聖純皇帝實錄卷之一千二百五十六

大清高宗法天隆運至誠先覺體元立極敷文奮武孝慈神聖純皇帝實錄卷之一千二百五十七

監修總纂官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理  
吏部理藩院事務正黃旗滿洲都統世襲騎都尉軍功加七級隨帶加一級尋常加三級軍功紀錄一次臣度桂  
總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務  
世襲騎都尉軍功加十九級隨帶加二級又加二級量指內大臣戶部尚書鑲藍旗滿洲都統軍功紀錄五次  
尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆五十一年丙午六月戊子月食○諭據

實錄卷一百一十七

慶霖奏青州馬甲等每月請各加賞三名口糧。仍減半折給。德州請添設步兵五十名。每月應得錢糧照青州步兵之例支給等語。青州德州駐防兵丁生齒日繁。於生計未免拮据。著加恩於青州馬甲等每人按月再加三名口糧。共作為八名口糧。仍著減半折給。德州所添五十名步兵應需錢糧米石著照青州步兵一體支給。俾資生計。又諭前據曹錫寶奏和珅家人全兒服用奢侈器

具完美。恐有招搖撞騙等事。一摺。已交留京王大臣等查辦矣。曹錫寶如果見全兒倚藉主勢。有招搖撞騙情事。何妨指出實據。列款嚴參。乃徒託諸空言。或其意本欲叅劾和珅。而又不敢明言。故以家人為由。隱約其詞。旁敲側擊。以為將來波及地步乎。或竟係紀昀因上年海昇毆死伊妻吳雅氏一案。和珅前往驗出真傷。心懷仇恨。嗾令曹錫寶叅奏。以為報復之計乎。此乃朕揣度之意。若不出此。則曹錫寶之奏。何由而來。著留京王大臣詳悉訪查詢問。務得實在情節。朕於此案。總期根究明白。並非因此一虛言。欲治和珅。更非欲為和珅開脫。留京王大臣等。不可誤會朕旨。將曹錫寶加以詞色。有意吹求。使原告轉成被告。亦無是理。務須平心靜氣。虛衷詳問。如曹錫寶果能指出全兒借端撞騙款蹟。訪查得實。即一面從嚴審辦。一面據實具奏。不可因和珅稍存迴護。若稍存迴護。是乃陷和

珅。且自陷也。又據和珅稱家人全兒已到熱河。曾面加詰問。伊供不但從不敢招搖滋事。交接官員。即所謂房屋寬敞。器具完美容或有之。亦非可挾以出外之物。我於曹御史名姓。素未聞知。彼又何從進宅。目覩等語。雖係一面之詞。亦尚近理。曹錫寶身為言官。必不至下交奴僕。其車馬衣服。尚可云遇諸途路。至房屋寬敞。器具完美。非身臨其地。何能知悉乎。至全兒代伊主辦理崇文門稅務。有年。稍有積蓄。蓋造房屋數十間。居住亦屬事理之常。從前及現在。內外大臣家人中。似此者恐亦不少。若無似殷士俊等之有真贓實據。概以車服房舍之故。查拏治罪。則在京大臣之奴僕。安得人人而禁之。且必人人側足而立。亦斷無此政體。設或全兒在崇文門代伊主經管稅課。於額稅之外。私有加增。苦累商民。以肥私橐。綿恩簽派番役。一經訪查。更無難得實。倘王大臣等嚴查密訪。全兒並無生



事款蹟而曹錫寶徒入無根之言遽行陳奏以博建白之名朕又何能以空言遽入人罪乎將此由四百里諭令留京王大臣等並令紀昀知之即將查訊情形先由四百里馳奏不必俟本報之便○庚寅諭留京辦事王大臣等奏傳詢御史曹錫寶所有叅奏和珅家人全兒車服房舍一摺據曹錫寶稱我與和珅家人全兒向來從不認識即伊在崇文門管理稅務我亦並不知道伊於額稅之外有無擅自加增及別項情弊亦未有人說過我因聞全兒住屋服用甚是完美於路過興化寺街留心察看見其房屋甚是高大我想伊係家奴焉有多貲造此華屋恐有借主人名目招搖撞騙之事是以具奏等語曹錫寶既云全兒情弊從未有人說過又未親到伊家何以又稱聞全兒住房服用甚是完美究竟聞自何人必有著落若非有人說過則曹錫寶何以知全兒住在興化寺街而經過時即

留心察看況京城內外大街小巷房屋甚多御史又無逐戶查問之理若非中有成見何以獨於全兒住屋如此留意耶看來該御史意欲叅劾和珅而又不肯明言故為此奏隱約其詞以為旁敲側擊之計及傳旨詢問則又遁詞掩飾不自覺其自相矛盾殊不知朕辦理庶務於是非虛實總須徹底究明從不肯顛預完結示人疑案著留京王大臣等再行詳詢曹錫寶如果和珅有營私舞弊款蹟不妨據實指出朕必質詢明確如果得實不妨將和珅治罪仍著王大臣等將全兒滋事不法之處究竟聞自何人據實明言毋再任其狡飾至天下各處關權不免皆有羨餘況全兒代伊主辦理稅務多年稍有積蓄蓋造房屋數十間亦屬人情之常現在內外旗員大臣中如阿桂福隆安福康安德保豐紳濟倫金簡李質穎伊齡阿永安等或久居顯要或洊歷封疆或曾任鹽權或家本充饒其管

事家人住屋如全兒者。諒亦不少。即承安家之管家安岐。亦未聞康熙年間。有以家貲富厚。參劾者。著都察院堂官。並令綿恩。派步軍統領衙門司官一員。帶同曹錫寶。先至全兒家。看視住屋。究有若干。並告以不過履勘房屋。並非查抄家產。不必疑畏。倘伊家有高樓廣廈。儼同府第之處。即其罪案。若不過照常齊民房舍。稍覺整齊。亦難律以專條。再至阿桂等管家及用事家人住處。周歷查看。並傳

諭各家主僕。告以此故。不必心存畏懼。如各大臣家人住居。並無如全兒之多。即治以越制之罪。伊亦無從置喙。若阿桂等各家管事家人住房。有比全兒多且大者。則當詰詢曹錫寶。何以轉不參劾之故。一經比較。情偽立見。且如揚州鹽商。皆係平民。因擁有厚貲。其居室園囿。無不華麗崇煥。即安瀾園寄暢園等處。雖云為朕巡幸而設。豈非伊等之產。而何而山西富戶。百十萬家。貲者不一而足。亦

豈得概以華侈富厚而罪之乎。朕任用大臣等辦事。而大臣等亦不能無驅使之僕。若無似殷士俊等之招搖滋事實。據真贓。而第以睚眦浮言。遽將中外大臣家人。概行查拏治罪。有是為政之理乎。將此通諭知之。仍著留京辦事王大臣等。將查看詢問情形。即行由驛覆奏。○又諭。據紀昀覆奏。向順天府借用件作王全一摺。看來件作王全。自上年覆檢海昇妻吳雅氏屍身。驗出真傷。刑部都察院

堂司書役。挾嫌尋隙。有意吹求。本年梁冀州一案。初驗屍傷不實。刑部具奏時。經朕看出。即係覆驗吳雅氏屍傷之王全。因其於前案有功。從寬將伊釋放。該件作經朕加恩。其心恐刑部都察院從此遇事尋隙。將來又經入罪。朕豈能屢屢為之留心寬釋。是以告求退役。亦屬小人畏事之常。但王全係順天府正身件役。經朕免罪釋放。並降旨不准退役。仍著照常當差。嗣後該役惟當益加勤慎。小心

倘伊恃朕釋放之恩於命案屍傷有心捏混勒索銀錢一經發覺必將伊加倍治罪不能再為寬宥。至紀昀職任臺司於王全驗出吳雅氏真傷心懷嫌怨。鯁與忤作為仇不忘芥蒂殊屬可鄙。德保署理總憲有年於都察院諸事不能約束料理。僅以飾詞覆奏均屬有乖大臣之體。德保紀昀俱著嚴飭行。辛卯諭據保寧奏請陞見一摺。內稱新任成都將軍鄂輝已經到任。所有總督印務應交何人署理等語。向來四川總督陞見印務皆交將軍署理。保寧由將軍甫經擢用總督。其於地方事務尚恐不能熟諳。况鄂輝由營弁洊擢提鎮。甫陞將軍。向來俱任武職。於地方情形素未經歷。安能遽署總督印務乎。且保寧到任未久。原可不必急於來京。陞見此時當將邊務夷情與鄂輝時時講習。或於明歲察看該將軍果能熟悉該處情形。於總督印務堪勝署理之處。即先據實奏聞。再行奏請陞

見亦不為遲。若鄂輝才具不勝署理督篆亦當據實具奏。不可稍存迴護。將此諭令知之。○壬辰諭各處拜唐阿內。每年常隨圓行走。且差使亦屬緊要。乃所食錢糧較馬甲反少甚屬不均。今加恩食二兩之拜唐阿等著交各該旗本佐領管領內。遇有甲缺即行坐補。以裕生計。著為令。○諭軍機大臣等。本日據李奉翰書麟由驛奏到各摺。係河湖水勢及雨澤情形。而摺內不列李世傑銜名。是否因李世傑病勢未痊。不能會銜。或已回至江寧省城。暫行調養。清口距江寧稍遠。是以李奉翰等俱各單銜具奏。朕心深為懸念。著傳諭李奉翰等。即將因何不會總督銜名。及李世傑此時病體曾否全愈之處。即行迅速覆奏。以慰廑念。將此傳諭李奉翰書麟。並諭李世傑知之。○又諭據畢沅奏豫省開封等十府州屬路當孔道。向各設有驛站。所夫額編工食。以應往來差使。如差務一時並集。即須添

雇以資供送。所有額支工食勢不敷用。只得官為借墊。即將此項長支銀兩入於流抵項下交代。積累既久。墊項日多。急須及早清理。請將前項長支銀兩分為三股。一股於所夫額編工食銀兩分三年扣還。其餘二股於濫行出借及歷任不行清理之各員名下各分賠一股。限一年歸款等語。已批如所議行矣。河南雖地當衝途。不過為雲貴兩湖廣西數省經由之地。各屬所夫工食已屬不敷。致有代墊長支銀兩。若直隸為各省總匯。山西陝西甘肅路當新疆孔道。差務絡繹。自更倍於豫省。額設所夫更不敷用。向來作何辦理。著將畢沅原摺鈔寄山西陝西甘肅各督撫閱看。有無似此代墊長支之項。是否應照畢沅辦理之處。各行據實覆奏。將此諭令知之。○又諭前據新點福建副考官李堯棟廣西副考官羅修源由本報具摺奏請告假。已降旨允准矣。各省試差簡派後自京起程。原有十

日之限。為期尚寬。請假私事也。前來行在親身遞摺。方合敬謹之義。乃僅交與留京王大臣隨報具奏。其意不過為吝惜數日之盤費起見。殊屬見小不恭。著諭留京王大臣即傳李堯棟羅修源當面傳旨。令赴熱河親行遞摺。如伊等仍吝惜盤費。不願前來。即不准其告假。以後似此試差欲告假者。皆令親身前來遞摺。○以光祿寺卿孟邵為太常寺卿。○癸巳諭前因御史莫瞻菴奏請申明豫省贖地收麥事宜一摺。朕以該御史籍隸河南。所奏或有所見。當即降旨令畢沅查照辦理。繼思畢沅等已經辦有章程。未便復事更張。續經降旨令畢沅酌量不必拘泥迴護。茲據畢沅覆奏。該省賤買賤賣地畝。自奉旨減利聽贖以來。愚民俱有良心。各知保家畏法。其已經收麥之地。現據各屬稟報陸續贖回者甚多。兩造並無異詞。若照莫瞻菴所奏以月報糧價為憑。於原價內坐扣麥收之值。辦理轉

屬紛紜等語。如此甚好。朕心甚為嘉悅。此項賤售地畝。俱係豫省災民衣食恒產。朕節次降旨。諄切勸諭。為之調劑變通。不過欲貧民復還故業。原無取乎煩擾更張。蓋多一法。即多一弊。全在地方官實力經理。使買者賣者兩不偏枯。胥役無從需索。則閭閻自受其福。今據畢沅奏。現在回贖者紛紛。並無以麥價低昂互相爭執者。則是該撫藩等辦理已有成效。即無庸另立規條。苛求滋弊。所有莫瞻萊奏請按照月報糧價坐扣地值之處。不必行。畢沅摺及莫瞻萊原奏著一並發鈔通諭知之。○又諭。朕問及特成額。上年湖北被災情形。據其面奏。去年江夏等州縣早曠。被災夏收歉薄。該處紳士。誼篤桑梓。或出餘米減糶等語。上年江夏等州縣被旱成災。該處紳士誼敦任卹。減價出糶。甚屬可嘉。著該督撫查明共有幾人。據實奏聞。交部照例賞給議叙。以示優獎。○又諭。據都察院堂官奏。現在

名募件作。於堂官六員及巡城科道十員內。公同捐辦。如有赴城應募者。即給與貲費。以便報充等語。五城名募件作。與各衙門書吏皂役充補無異。該堂官等止須飭屬召募充額。何必形諸章奏。向來內外衙門曾有因補充書役皂隸而專摺奏聞者乎。即據所奏於堂官科道中捐給貲費。亦屬自行辦理之法。而德保等乃以此等煩瑣小事。瀆奏意圖討好。實屬見小。不知輕重。著嚴飭行。○諭軍機大臣等。畢沅奏通省各府州屬稟報俱於初五六兩日得雨。自三四寸至深透不等。至初七八日。各屬亦有間段得雨。處所等語。昨特成額前來。陛見。朕面詢前途雨水。據稱經過衛輝各屬。較之迤南一帶。並北來之直隸境內。尚欠霑足。今據該撫奏各屬亦有間段得雨之處。看來必是衛輝一帶。上年該處被災較重。田禾歉收。今歲必須膏澤應時。田禾可期豐稔。而畢沅摺內尚有得雨三四寸者。恐

生計未免拮据。著傳諭該撫即查明該處是否得雨深透。大田有無妨礙之處。迅速據實覆奏。不可稍存諱飾。將此由五百里諭令知之。○又諭都察院奏。據盱眙縣童生蔚起元控告該縣知縣王本智寵任奸吏秦灼。王桁上年勒捐萬餘兩。婪賄至數千兩。又因災酌借口糧。縣令領銀一萬二千餘兩。奸吏通同舞弊。放銀不滿千兩。疊經縣民李書樓等呈控。俱被捏結風戾完案。伊父生員蔚楷。口稱要上京控告。即被知縣掣去嚴刑拷逼等語。上年安徽被災較重。節經降旨賑卹兼施。不惜數百萬帑金。務俾災黎均霑實惠。又因該撫書麟查辦認真。曾經交部優敘。今據蔚起元所控。該縣竟敢侵蝕賑銀至一萬一千餘兩。又婪索勒捐銀數千兩。殊堪駭異。如果屬實。則是官吏通同舞弊。侵帑殃民。大干法紀。必應從嚴審辦。盡法處治。以示懲儆。况蔚起元年甫十九。驀遠赴控。未必無因。著將都察

院原摺及原呈。發交姜晟。該侍郎於接奉諭旨後。即取道前赴江浦。會同李世傑徹底查辦。嚴審定擬具奏。如李世傑自揣病已全愈。即可會同前往該縣查審。若該督精神氣體尚未復元。不宜勞頓。必遵旨而行。且盱眙距清江浦不遠。提集案內一千犯證。至該處審訊。亦無不可。該總督宜酌量而行。不必力疾從事。務須會同姜晟。秉公查辦。徹底根究。此案本非該督任內之事。不可稍存迴護也。除將原告交部照例解往候質外。將此由五百里各諭令知之。○甲午。戶部尚書仍管陝甘總督福康安奏。安西廳屬英莪峽。松子巖地方。自停採鉛勛以來。迄今十有餘載。庫貯鉛勛。截至去年年底。領賣全完。茲查英莪峽鉛苗仍旺。又州屬普城山。亦產鉛苗。現在試採英莪峽。每日可得一百餘勛。普城山。每日可得一百三十餘勛。應准其開採。再甘省標營需用鉛勛。向俱在安西州庫領買。但距肅州

六百里口內領買多費腳價莫若兩處分貯將英峽鉛觔令商人運交安西州庫普城山鉛觔照前年採買礦觔例徑由廠所運赴肅州俾領買各就其便價值照三十六年每觔銀六分例辦理再口外山廠不便久開俟兩廠採足四十萬觔之數即行停止得旨如所議行○乙未遣官祭

大神廟○諭軍機大臣等前據李奉翰奏清口一帶大雨時行洪澤湖水逐日加長高堰誌椿已長至七尺三寸通湖五道引河已倍加展挑寬深已開之太平張福兩道引河宣泄頗暢等語是清水未嘗不逐漸加長乃本日毓奇奏到重運渡黃情形一摺內稱連日甘霖疊沛淮揚運河水勢深通惟河口仍屬黃強清弱淤沙梗阻會同李奉翰等督飭員弁提集人夫及各幫水手併力疏通隨挖隨行並將船上所有蓬桅器具盡行起剝自初八日起至十七日止僅拉過台州前幫船十

隻渡黃北上等語若以船計算是一日止渡一隻空船此外尚有二十七幫計船一二千隻如此挽渡伊於何底況此時清水既長仍不能暢出敵黃刷沙濟運推原其故究係上年借黃水以送回空朕即以為無異引賊入室浮沙淤墊河底漸高清水頂阻不能暢出其受病實由於此現已六月下旬重運未渡黃者尚多李奉翰等現將王營減壩開放洩黃引清以資浮送未知是否有濟且恐水分則流緩不能衝刷浮沙轉致河底愈覺淤高朕心甚為焦慮此時富勒渾等已將次解送到浙阿桂於審辦完竣後迅速回程至清口一帶與李奉翰等詳悉講求為之主持定見於事自更有益現在作何設法籌辦俾重運不致稽遲之處著傳諭阿桂熟思審計據實奏聞至本年有閏七月為期究寬李奉翰等惟宜同心協力設法催趲不必心存惶懼以致茫無主張並將上年此時已渡黃者若干

幫未渡黃者若干幫。計算日期。比較遲早。是否無誤。抵通之處。據實覆奏。不可迴護。再從前陳世倌奏。設造混江龍。為疏濬浮沙之需。海口雖無用處。現在河口淤沙梗阻。或仿照此法。用小船往來帶犁爬沙。令其活動。以便隨水衝刷。似亦疏導之一法。著李奉翰等酌籌辦理。將此由六百里加緊。各諭令知之。仍著六百里加緊覆奏。○旌表守正捐軀河南遂平縣民郭呼南妻張氏。○丙申。兩淮鹽政全德奏。淮北鹽務積引太多。前經奏准。提出丙午綱。免其捆運。以期疏銷。惟是停運一綱。場竈產鹽。又復多積。查淮南通泰各場。係煎鹽。與淮北之曬鹽不同。上年被旱歉收。煎熬較少。產鹽不能足額。請酌撥淮北餘鹽。令淮南各商買運。俟漕船過竣。即從海州出鹽。開一路入運河。至儀徵改捆。比場竈鹽。既可得價。南商綱地。亦不致缺銷。得旨嘉獎。○丁酉。諭軍機大臣等。據內務府奏。本月二十一日。

員外郎福昌。帶領筆帖式伊昌阿。將該衙門堂印鑰匙領去。由協和門行走。不意中途遺失。請將伊昌阿等分別罰俸等語。協和門係禁城內地。自無閒雜人等往來之理。即遺失鑰匙。亦易找尋。看來竟因朕駐蹕熱河。王大臣等並不加意管理。穿窬宵小。從而混入。以致內地遺失物件。無從尋覓。關係匪淺。著傳諭留京辦事王大臣等。嗣後務須嚴行稽查。小心防範。毋得仍前疎忽。以昭慎重。○又諭。據李奉翰等奏。將王營減壩開放。減掣黃水。并裴家場等處引河。次第開放。後十三四等日。大雨時行。洪澤湖水。長至八尺二寸。正值連日西南大風。湧送清水。刷滌浮沙。河口通暢。十九日已過台州。前幫船三十九隻。現在後幫跟接前進。渡黃迅速等語。覽奏欣慰。該督等將王營減壩。及通河各引河。次第開放。又將河尾新開之引渠。築壩堵截。在於新建東西壩外。正河內導引清水直出。會黃東注。



所辦皆妥。正值湖水加長。又連日西南大風。湧送清水。暢流出口。刷滌浮沙。河道寬深。重運幫船。得以迅速渡黃。此皆仰賴

風神

河神顯佑。朕欣慰之餘。益深欽感。現在發去御香十束。著該督等即親赴各廟。虔伸叩謝。以答神庥。此後該督等尤宜同心協力。上緊催趲。俾糧艘迅速北上。依限抵通。方為妥善。至此次清水暢出。糧艘趲渡情形。何以未據疏奇奏到。是否該督因乘坐小船南下。至寶應平橋一帶。盤驗江西等幫船。是以未及會銜之故。著傳諭疏奇。遇便據實覆奏。將此由六百里諭令知之。仍著將清水曾否續長。糧艘續行渡黃者。又有若干幫。迅速覆奏。以慰廑念。○欽差大學士公阿桂。遵旨覆奏。范公塘西烏龍廟一帶。二千九百三十丈。該處老土塘。從前建築時。即向東北以漸收進。而老土塘迤西之江塘。又自西北斜向東南建築。

挑溜南趨。該處民人。復於老土塘外。添築土塘一道。即名范公塘層層欄禦。且塘外沙塗。有寬至千餘丈者。詢之在塘弁兵。數十年來。從未見有刷動。所有原定石塘緩工。若照曹文植等前議暫停。將原定急工。接續興建。再將外衛之柴工。透過石塘工尾。往西接築。暨塘外添築挑水石壩一座。實已足資保護。至塘外沙塗。坍漲無常。倘大溜漸有趨近之勢。應交該撫隨時察看。有應須改建石工者。奏明辦理。得旨。如所議行。○戊戌。諭軍機大臣等。昨據吳省欽奏。京城糧價。自有旨令在京文武各員。移前一月關支俸米之後。當即平減。每斗減價數十文等語。前經降旨。所有八旗及在京文武各員俸米。俱著移前於閏七月初一日起。一體關支。現在六月下旬。距秋成之時尚遠。何以米價即能平減。此必奸商市儈。豫行減落。以圖關俸米時賤價糴買。囤積居奇地步。其所減數目。屆期必不止此。此

等壟斷伎倆。最為可惡。吳省欽係書生。一見減價。即以為喜。所謂知一而不知二也。著留京辦事王大臣傳知該府尹。務宜留心嚴查密訪。並著步軍統領衙門。會同順天府嚴加訪察。此時且聽其減。待俸米出時。若有減糴後而貴糴者。將倡首擡價奸僧。查拏一二。從重處治。以儆其餘。至王公大臣。及各官員領出俸米。自食之餘。不能不糴賣資用。亦應於會晤時。面行告知。務當待價而沽。不可急於求售。賤價賣去。致墮奸商街中。將此諭令知之。○已亥。諭軍機大臣等。孫士毅奏。潮州府海陽縣拏獲拐騙幼孩。傷殘肢體之匪犯陳同彪。訊據拱稱。係福建閩縣人。向與同縣陳古董作伴。至潮郡乞食。商同拐取幼孩。適見謝阿淺在街戲耍。隨拐至閩省。並究出陳古董前在侯官縣誘拐卅三幼子卞和尚在連江縣太保廟內。用灰水泡浸致死。埋在山坡等語。陳同彪等。騙化銀錢。膽敢拐誘幼孩。毀

傷肢體。不法已極。即與採生折割無異。情節最為殘忍。著傳諭孫士毅。務須徹底嚴審。從重定擬具奏。至陳古董誘拐卞和尚致死埋藏一案。並著雅德。徐嗣曾。飭屬查明。侯官縣是否有卅三其人。四十九年九月內。伊子是否被人誘拐。連江縣埋藏卞和尚屍身處所。亦一面履勘檢驗確實。並查明陳古董等前在閩省。尚有夥黨誘騙別案。及行使邪術情事。逐一根查。飛咨粵省。歸案審辦。或案犯衆多。亦不必拘泥解粵。致滋疎脫。即由閩省審訊定擬。將此各傳諭知之。○又諭。據明興奏。本月二十二日。省城地方。自午時起。至申時止。大雨如注。四野深透。并附近之齊河等處。及東昌兗州一帶。亦俱得雨露足。河水自必增益。重運不致淺阻等語。覽奏甚為欣慰。上年山東被災較重。因降旨令盛京將軍永瑋等。豫備糧石。由海道運至東省。以備分撥賑糴。本日據永瑋等奏。將動撥倉糧兌竣。分船

裝載。委員運送。自五月二十九。至六月初六等日。陸續開行出口等語。計奉天至山東利津縣海岸。路程不遠。此時已抵東境。著傳諭明興。於各處船隻抵口時。即驗明接收。妥協辦理。並將如何籌辦之處。迅速覆奏。再昨據李奉翰等奏。清水暢達。漕船已可迅渡。該省又普得透雨。泉源增長。運河水勢。自必旺盛。無虞淺阻。並著該撫。於漕船過境時。上緊催趲。俾迅速過行。早能依限抵通。方為妥善。又微山湖。增長水石。將此傳諭明興。並諭蘭第錫知之。○庚子。諭軍機大臣等。據明興奏。東省各屬災區。當糧貴食缺之際。貧民迫不及待。即恒業亦作絕產求售。而有力之家。亦未免乘人之急。圖賤絕買。應照豫省之例。一概准令回贖。如有轉行典賣。多得價銀。應令買主將浮得之價。歸出轉贖。不得多行取值。其有帶麥出售之地。已經收割者。酌量所收多寡。均勻各半分給等語。所辦尚好。東省災歉

之區。雖無晉省等處富商大賈。越境放債。準折地畝之事。但該省民人。誼屬桑梓。尤宜共敦任卹。若因貧乏食。急於售產。遂致乘機賤買。希圖占為己有。即與晉民之利債準折無異。著將原摺鈔寄留京王大臣。傳籍隸山東之在京大小官員。令其閱看後。即寄信原籍親族鄉黨。俾各知大義。互相警勸。毋蹈為富不仁之習。以副朕訓誨成全至意。將此諭令知之。○辛丑。諭曰。富勒渾久膺簡畀。歷任封疆。方資倚毗。初不料其縱容家人。恣意婪索。又關口勒派銀兩。先侵後吐。款蹟累累。實屬昧良負恩。朕於春間。曾經密諭雅德。將富勒渾在任操守若何。有無家人在外滋事之處。令其密查覆奏。乃雅德不但不能據實查明。而且力為保奏。伊豈不見諭旨。內有並諭孫士毅詳查之語。能保不別處發覺。而竟甘心徇隱。此其面欺之罪。已百喙難辭。及富勒渾諸事敗露。雅德方覺從前保奏之非。即以汀

州鎮總兵武隆阿在任七年。廢弛營伍。嚴行  
叅奏。以顯其諸事留心。為救過見長地步。因  
查閱伊去歲所奏。福建省總兵考語單內稱  
武隆阿實心任事。營伍整肅。今以該鎮在任  
七年。廢弛怠玩。叅奏。不自知其自相矛盾。是  
其所為顛倒錯亂。止圖補過一時。而武隆阿  
之是否廢弛。尚難憑信矣。又本日據常青等  
查奏。富勒渾差委弁員。向閩省取銀解交河  
工一事。係富勒渾調任兩廣時。將應繳分賠  
豫省河工銀一萬五千兩。發交藩庫收貯。又  
雅德陸續扣存司庫養廉銀一萬兩。係抵還  
富勒渾借項等語。督撫大員。同膺封疆。重寄  
有互相稽查之責。如有營私舞弊情事。理應  
據實糾叅。方為不負委任。若如富勒渾雅德  
之通那扣抵。則督撫聯成一氣。不但婪贓納  
賄。可以彼此通同。甚至交結情深。又何事不  
可為。朕將何以用人乎。即此一事。雅德之過  
甚大。在富勒渾人本粗疎。用度奢侈。其縱容

家人婪索多贓。及勒派書役銀兩。先侵後吐  
各情節。尚為從前犯案所有。若雅德以密諭  
傳詢之事。竟敢昧良徇隱。公然飾詞保奏。且  
為富勒渾代還借項。是止知下睦。而不顧大  
義。其情節較富勒渾尤為可惡矣。若尚因循  
留任。督撫不知懲創。從而效尤。流弊伊於何  
底。此而不加嚴辦。何以飭吏治而整官方。雅  
德著革職。所有閩浙總督事務。著常青兼署。  
並令常青派委妥員。將雅德解送浙省。交阿  
桂等歸案審辦。閩浙總督員缺。著富綱調補。  
特成額著調補雲貴總督。所遺湖廣總督員  
缺。著畢沅補授。江蘭著補授河南巡撫。畢沅  
自調豫省以來。辦理災賑河防。事事妥協。且  
在巡撫任內。資俸已深。是以擢用總督。江蘭  
上年查辦災賑。不辭勞瘁。奮勉可嘉。實係藩  
司中出力之員。資俸已深。是以加恩擢用。但  
豫省現有令晉民聽贖地畝。一切修防等事。  
皆關緊要。不可不資熟手經理。此時河南藩

司印務。仍著江蘭管理。畢沅亦不必交卸巡撫印務。仍留豫省。會同秉公實力經理。將諸事辦完。畢沅酌量可以起身時。即行奏聞。候朕簡放藩司。再行交卸巡撫印篆。前赴湖廣新任。楚省有李侍堯在彼署理。原不至乏人也。特成額接奉此旨。即行前赴雲南新任。富綱俟特成額到彼。再行交卸起程。朕辦理庶務。一秉大公至正。禍福惟其人之自取。身任督撫大員者。平時瞻顧徇隱。及至降旨密詢。尚復代為隱飾。似此而得從寬宥。其何以用。人行政耶。著將雅德保奏富勒渾原摺。及飭詢雅德所出總兵武隆阿考語諭旨。一併發鈔。俾衆共知之。○又諭。前據俞金鰲奏常德府河水暴漲。隄工漫溢。已明降諭旨。令該督等查明。妥為撫卹。並將刷損隄埝。即行修整。今浦霖奏到。勘明被水情形。據稱武陵首邑田畝。多被水淹。民房人口。各有損傷。已查明照例撫卹。其被衝隄障。請動支司庫公項。給

領興修。至龍陽縣被災較輕。應修各障。請於司庫存公銀內借給。分作二年繳還等語。武陵居民。猝遇水災。殊堪憫惻。除照例撫卹外。所有衝決隄障。自應動支庫項興修。其龍陽被淹田畝。旋即消退。雖與武陵情形有間。第念被水之後。民力究不無拮据。該處應修各障。著加恩於司庫存公銀內。一體動項修築。不必徵還。以示軫卹災黎至意。該部即遵諭行。○諭軍機大臣等。據毓奇等奏。李奉翰遵旨將五道引河開放後。洪澤湖水勢暢出。力足敵黃。其在前淺阻之台州等幫。並浙江漕船。自本月十九日至二十四日。已共渡過一百餘隻。至停泊淮安以南之江西饒州等十二幫漕船。現已簽盤完竣。飭令跟接過淮。上緊催令趲渡。約計七月初十前後。重運即可全數渡黃北上等語。現在黃水消落。清水日漸暢出。且又值甘霖疊沛。泉源增長。運河水勢。益加旺盛。從此各幫漕船。自可迅速北上。

依限抵通。朕心甚為欣慰。但前據王柄陳桂森奏南糧頭進首幫。於本月初八日已抵天津。查驗後。飭令飛輓北上。此時想早抵通貯倉。何未據保泰等奏到。著傳諭保泰等。即查明該幫漕船。已於何日抵通。現在是否盤兌貯倉。比較上年遲早若何之處。迅速查明覆奏。將此傳諭保泰等。並諭毓奇知之。○又諭據王懿德奏。鳳陽關稅務一年期滿。將徵收短絀緣由。據實縷細陳奏。並願請賠補一摺。王懿德見關稅缺額。心存惶懼。未免見小著急。鳳陽關稅全賴安徽。河南秋收豐稔。商販流通。過關報納。錢糧始能豐旺。上年該二省被早成災。麥收歉薄。正額盈餘短少。亦屬情理之常。況每年各關遇有徵收短絀。朕無不俯念情形。格外施恩。分別寬免者。王懿德又何必條分縷晰。反覆瀆陳耶。除將原摺交部。俟覈覆到日。再降寬免諭旨外。將此諭令知之。○緩徵陝西朝邑。華陰。富平等縣上年秋

禾水災額賦。○旌表守正捐軀安徽績溪縣民章長輝。聘妻程氏。○是月。直隸總督劉綎奏。直屬有驛州縣。向有額設損夫。自十餘名至一百五六十名不等。所需工食。係同夫馬工料等項。在地糧項下留支。不敷者赴司庫請領。均照額設夫數。按八成支給。扣留二成。名為留二。以為添雇夫役之用。查係年清年款。並無長支代墊。致有虧缺之弊。報聞。○長蘆鹽政徵瑞奏。商人牛繩祖。因捐輸川餉。議敘知府。遂具呈將引地交官。以抵欠項。查該商為長蘆大商。欠交帑利等銀十六萬餘兩。本應清理。乃僅以房屋一所抵報。意存通網。代為彌補。居心巧詐。應請革去職銜。交天津縣監追限一年完繳。逾限不交。照商人欠課十分之例治罪。屆時覈明實在無著銀數。歸於通網。應交二錢項下。彌補清款。得旨。此奏甚公正。著照所請行。該部知道。○兩廣總督孫士毅。粵海關監督穆騰額。奏。粵海關管理

總口七處。以省城大關為總匯。以澳門為聚集重地。向設防禦二員分駐。其一切關稅事務。於大關澳門兩總口。又分為附省十小口。向由監督及兼管稅務之督撫分派家人帶同書役管理。此外惠州潮州高州瓊州及雷廉五總口。並分隸五總口之各小口。四十餘處。監督亦分派家丁書役查察。仍每一總口委佐雜官一員約束。查附省之總口小口。夾船貨物。在在經由。一切出入點驗。及防範走私短報各弊。必需家丁驅遣往來。應仍照舊派遣。其餘五總口。及分隸之小口。係內地本港船隻出入。距省自數百里至二千餘里不等。所有每年詳委之佐雜。本非熟習關務。且家丁書吏。未能遵其約束。應概行停止。請改令就近之丞倅督率經理。其本任廉俸足資辦公。毋庸議給飯食銀兩。再查監督庫內從前貯餉。不過二三十萬至四五十萬。近年增至七八十萬。向例止設庫書二名。經理其事。

殊非慎重錢糧之道。請照藩運兩司庫例。添設庫大使一員。得旨。如所議行。

大清高宗法天隆運至誠先覺體元立極敷文奮武孝慈神聖純皇帝實錄卷之一千二百五十七

大清高宗法天隆運至誠先覺體元立極敷文  
奮武孝慈神聖純皇帝實錄卷之一千二百五十八

監修總纂官經筵講官太子太傅文淵閣大學士文淵閣領事領侍衛內大臣楊寶欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次 日慶桂

總裁官經筵講官太子太傅文華殿大學士文淵閣領事領侍衛內大臣楊寶欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級尋常加二級軍功紀錄一次 日慶桂

尋常紀錄十四次 日德琿經筵講官太子少保工部尚書紀錄六次 日曾振鐸等奉

敕修

乾隆五十一年丙午秋七月壬寅朔享

書錄卷之五十五

十一

太廟遣怡親王永琅恭代行禮。癸卯諭向來親王郡王固倫公主和碩公主門上總管首領太監俱無給與頂戴之例。原以此等太監在親王等門上服役。非承值內廷者可比。是以向來雖有總管首領名色。並無官職。但親王郡王為宗潢屏翰。公主係皇帝親女。其諱達太監總管首領太監內。即酌量給與頂戴一人。尚不為過分。從前親王郡王公主家太監亦有特恩賞給頂戴者。嗣後親王郡王固

書錄卷之五十五

十一

倫公主和碩公主太監內各准給八品頂戴一人。將姓名報禮部內務府備查。不得私有增益。至固倫公主和碩公主均為皇女。敵體藩封。一切禮儀護衛會典內並未定有等級。遂至體例不一。互有增損。嗣後固倫公主品秩著視親王。和碩公主品秩著視郡王。其額駙品級頂戴仍照會典舊例。至公主下嫁時一切禮儀護衛員數固倫公主即照和敬固倫公主之例。和碩公主即照和嘉和碩公主之例。著禮部內務府會同定議具奏。載入會典則例。永遠遵行。又諭據奎林等奏稱伊犁附近地方接連數日地震。城垣倉庫兵房多有坍塌倒塌等語。此次伊犁地方自五月二十三日。起至二十七日。接連數日地震。既城垣倉庫官兵住房致有坍塌倒塌。凡應行官修者。著動用公項銀兩修理。官兵住房除在城外游牧各部落外。其城內居住者。官員各有俸銀。著交奎林等酌量伊等住房內倒



壞多寡。分別借給一二年。或數年俸銀修理。兵丁俱賴錢糧生理。著交奎林。據實查覈。計算多寡。或賞給一二個月。或數月錢糧修理。以示朕優卹。甲辰。諭據阿桂等奏。查明寶光鼐所奏。永嘉平陽等縣。那移勒派各款。俱經嚴密訪察。並無其事。一摺。已批該部知道矣。其實光鼐所奏。平陽縣知縣黃梅。丁憂演戲一節。查係本年正月。黃梅為伊母慶九十九生日演戲。伊母一時痰壅。適於演戲之夜猝故。而寶光鼐稱伊母死之後。在署演戲。人子即忤逆不孝。母死不知悲哀。亦斷無迫不及待。於母死之日。演戲為樂者。今據阿桂等查明。黃梅為伊母演戲慶壽。伊母於是夜痰壅身故。是其演戲在未丁憂之前。況伊母年已九旬。風燭無常。猝然身故。亦屬情理所有。此事關繫名節。寶光鼐輒行入告。並不確細訪查。若此事果實。則真如原奏所稱。行同禽獸。不齒於人類矣。該學政不顧污人名節。以無

根之談。冒昧陳奏。實屬荒唐。寶光鼐著飭行。仍令據實明白回奏。○諭軍機大臣等。據李世傑等奏。二十三等日。大雨如注。洪澤湖內。雨後復長水一尺二寸。連前長至一丈五寸。水勢浩瀚。山盱五壩封土。現仍實力堅守。其運口以外束清壩。已展寬五十餘丈。新建之禦黃東西壩。共展寬二十餘丈。俾清水暢達。刷沙敵黃。漕船剋日可以渡竣等語。前因黃水盛漲。清水弱小。朕洞悉盈虛消長之理。知清水必有旺盛之時。曾諭令李奉翰等於高家堰一帶隄防工段。先事熟籌。慎之又慎。今湖內現已陸續增長。高堰誌椿長有丈餘。果不出朕所料。該督等更宜時刻留心。應將禦黃東西壩。再行展寬十餘丈。俾清水暢注有力。既可刷滌浮沙。而又不至壅遏生患。方為妥善。不可膠柱鼓瑟。第拘泥蓄清之說也。至山盱五壩。雖應堅守。但上年亢旱日久。高寶諸湖。俱經乾涸。足資儲蓄。朕意若將智信。

二壩開放。俾清水宣洩入湖。豫備將來水小時濟運。足資容納。似更有益。著傳諭該督等相度機宜。酌量辦理。不可固執。亦不必遷就也。再阿桂在浙。諒必因河口水小。籌慮著將李奉翰等。節次奏到清水長發各摺。及現降諭旨。鈔寄閱看。又諭據常青雅德等奏。查究殷士俊得受署泉州府鄭一桂餽送金葉一節。據鄭一桂供稱。與殷士俊原係親戚。上年富勒渾調任兩廣。殷士俊跟隨同往。路過

泉州。曾將金葉五十兩。託殷士俊轉送等語。富勒渾受朕深恩。歷任督撫。竟敢明目張膽。收受屬員餽送。營私翫法。實出情理之外。前據孫士毅續審出。殷士俊上年經過泉州。收受鄭一桂餽送金葉五十兩。富勒渾曾經查出。因該犯與鄭一桂素有親誼。是以饒了。方以富勒渾知情縱容。尚不疑其有染指分肥之事。今此項金葉。既係富勒渾自行婪得。又何怪其饒恕殷士俊。如此貪黷敗檢。尚得如

阿桂等前次所奏。一任家人長隨招搖婪索。自不知情。可乎。昨經降旨。以富勒渾縱容家人婪索多贓。及勒派書役銀兩。先侵後吐。各情節。尚為從前犯案所有。較之雅德以密諭傳詢之事。竟敢昧良徇隱。公然欺飾者。其情較輕。今富勒渾於去任後。尚收受屬員金兩。則其在任時。恣意婪索可知。實出意想之外。已諭令常青等詳查此外。有何婪索情節。據實速奏。今看富勒渾之罪。又浮於雅德矣。著

將常青雅德原摺。並朕折角處所。鈔寄阿桂等。嚴切審訊。諒富勒渾亦無從狡賴。一俟雅德解到浙省。即速行定擬具奏。發摺後。曹文垣可即順道回籍。看視伊母。阿桂舒常。即押解富勒渾。並全案人犯。前來行在候質。將此由六百里傳諭知之。仍將現在審訊確情。迅速覆奏。乙巳諭刑部具題。楊張氏與周萬全行姦。因被年甫八歲之李么兒窺破。聲喊起意。致死滅口。將楊張氏照謀殺例。擬斬監

候一本所辦未為允協。李么兒年甫八歲。童稚無知。其撞遇姦情。並非出於有心。乃楊張氏恐其向人告知。輒起意致死。於周萬全逃避之後。將李么兒誑進房內。用稻草塞口。並用麻繩纏勒咽喉。立時斃命。其淫克殘忍。實出情理之外。刑部擬以斬候。入今年情實。不足蔽辜。楊張氏著即處斬。嗣後有謀死幼孩。如年十歲以上者。仍照向例辦理。其在十歲以下者。即照此案問擬立決。以儆兇殘而示懲創。

○諭軍機大臣等。前據孫士毅奏。殷士俊供內。有上年跟隨富勒渾由閩赴粵時。鄭一桂曾送伊金葉五十兩。富勒渾得知。欲加訶斥。因其與鄭一桂素有親誼。是以饒了之。語朕彼時尚信為殷士俊在外婪索招搖。富勒渾之罪止於知情。故縱。今據常青等究出鄭一桂金葉五十兩。竟係餽送富勒渾之物。此事大奇。從前殷士俊所供得受金葉之處。意欲一身承當。為富勒渾任罪。豈非怪事。當

鄭一桂餽送富勒渾金葉時。富勒渾已離閩。浙總督之任。乃猶如此逢迎餽送。則其在任時。必有通同交結。納賄營私。不止鄭一桂一人。餽送之事。不可不徹底查辦。以成信讞。此時常青現署總督。徐嗣曾係該省巡撫。當以雅德為戒。屬員皆其所轄。即著伊二人嚴密訪察。從前富勒渾在閩時。除鄭一桂之外。屬員中有無似此交接餽送款跡。即據實嚴查覆奏。毋得稍涉瞻徇。致有不實不盡。將此由

六百里傳諭知之。並著迅速覆奏。○實授官福為正紅旗蒙古副都統。○丙午。諭軍機大臣等。昨據常青雅德等奏。查訊鄭一桂。曾將金葉五十兩。託殷士俊轉送富勒渾。此事大奇。已諭令阿桂等嚴切審訊矣。今思此中情節。尚有須逐細根究者。前據孫士毅查奏。彼時朕即疑鄭一桂餽送總督家人。或銀數十兩至百兩。容或有之。何至餽以金葉五十兩。本非情理。今據常青等究出此項金兩。竟係

餽送富勒渾之物。無怪其知情。饒恕實出意思之外。但富勒渾在任時。必不止鄭一桂一人餽送之事。現已諭令常青等嚴查覆奏。著傳諭阿桂等。提集富勒渾。逐一嚴訊。層層究詰。務得確情。毋任狡飾。並祇坐家人受賄而已。不知富勒渾婪索款跡。俱已敗露。斷不可稍存開脫地步。再昨因富勒渾昧良敗檢。情節可惡。諭令阿桂等於定案後。押解前來。行在親審。今思富勒渾久任督撫。且年已就衰。

朕亦不忍親加廷鞫。阿桂等如將各款審訊明確。按律定擬。情真罪當。阿桂舒常即將富勒渾押帶到京。交刑部監禁。再赴熱河復命。倘阿桂等聽信富勒渾一面之詞。諉罪於殷士俊等。為之開脫。勢必將全案解赴熱河。親加廷鞫。不但富勒渾身罹重典。即阿桂等亦從而獲咎。是激朕不得不從嚴辦理。所謂愛之適以害之也。將此由六百里諭令知之。丁未。諭軍機大臣等。據孫士毅奏查訊富勒

渾前稱。運司張萬選送銀三萬兩。當經申飭阻止一節。將張萬選之家人長隨。并督署兵役人等。逐一按名提齊。親加研鞫。非惟張萬選下人供稱。並未見伊主送過銀兩。即督署弁兵人役咸稱。不特未見其事。實亦未聞其語。現將運司張萬選。暫行解任。赴浙對質等語。張萬選既究訊並無送銀之事。則富勒渾何以向孫士毅稱。上年到任時。運司張萬選送銀三萬兩。當經申飭阻止。或張萬選許而

未送。即係富勒渾一時信口誣指。掩飾為家人婪索。並未染指分肥。均未可定。張萬選現已解浙。一經與富勒渾當面質對。無難水落石出。著將孫士毅原摺。並朕折角處。鈐寄阿桂等閱看。提集富勒渾等。務須質對明確。據實具奏。毋任支飾。再此時富勒渾早已解送到浙。阿桂等亦應將查審大概情形。速行馳奏。何以尚未據奏到。著傳諭阿桂等。遵照節次諭旨。逐一研訊。迅速覆奏。戊申。蠲免河

南商邱寧陵永城鹿邑虞城夏邑睢州柘城內黃西華太康扶溝等十二州縣乾隆五十年分旱災地畝額賦有差。已酉諭據特成額奏現已調補雲貴總督雲南按察使特昇額係伊胞兄例應迴避等語特昇額係特成額胞兄自應迴避且向聞其居官平常質之伊弟特成額言亦相符難勝外任著來京以部屬補用所遺雲南按察使員缺著王懿德補授。又諭據恒秀等奏稱拏獲脫逃罪犯等語前據伊犁將軍奎林等具奏脫逃許多罪犯因嚴降諭旨後屢將逃犯拏獲在案以此觀之如果速行嚴緝何致始逃之犯逾境遠颺屬員等誠能遵奉嚴拏上緊留意拏獲後除將罪犯正法警衆外於拏獲之官兵量加微賞其限內不能拏獲者亦記其過則屬下自知懲勸將此交東三省將軍大臣等嗣後即遵旨分別辦理。諭軍機大臣等前據鑲紅旗滿洲都統綿恩等奏據刑部主事佛

喜保呈稱山東濟寧衛前幫旗丁張大禮等呈控頭船旗丁于士祥包攬侵漁一案前欽差審辦時未將幕賓書吏得受贓銀之處查出及伊於巡漕任內曾令衛守備白興貴出具巡漕並未受賄甘結等款一摺因令軍機大臣詳查此案前後卷宗茲據查明佛喜保所稱幕賓書吏得受贓銀之處從前伊曾奏過經慶桂前往查明俱屬子虛惟所稱令守備白興貴出具巡漕並未受賄甘結一節從前並未奏及慶桂在濟寧查辦此案時佛喜保亦未將甘結呈出先後亦並無告發之人請令姜晟於查辦安徽盱眙一案完竣後順道至濟寧就近查詢此案于士祥包攬幫船銀米久霸侵漁早經審明定擬正法乃佛喜保屢次嘵嘵不已若僅令姜晟順道查訊恐不足以服其心著傳諭阿桂舒常於押帶富勒渾來京之便即順道至濟寧就近查訊如此案佛喜保果有應行質訊之處即奏明令

該員前赴濟寧質對。庚戌命增定武職官階及封典處分。諭三通館進呈皇朝通志職官畧一門。朕詳加披閱。其中所載文武官階諸多未協。國家設官分職。文武兼資。在文職則內而閣部院司外而督撫以至守令丞尉。階級等差。互相維制。至武職為國干城。同膺心膂之寄。其階級自應與文臣相埒。方足以重閫寄而勵戎行。今志內文職則係正一品起。而武職則係從一品起。既顯然少予一階。且文職自正一品至從九品共十八階。武職自從一品至正七品止十二階。多寡顯有懸殊。體制即暗為隆替。非所以著朝章垂令典也。大抵議定官制。編纂志書。多出於文臣之手。其意在乎重文輕武。殊不知國家設立武職。原欲其折衝捍衛。其責並不輕於文臣。有明之季。文臣用事於中。武臣宣力於外。一三臺閣本兵。科道書生。構謀倡議。俱足以掣武臣之肘。卒致武備廢弛。疆圉孔棘。國事遂不

可為。此皆重文輕武之流弊。不可不引為殷鑒。所有武職人員。現在所缺正一品之階。應照朕前次欽定領侍衛內大臣將軍為正一品之例。增入一階。其自正七品以下。較文職所少之五階。亦應於內外武職衙門微末員弁內。按其職守酌定正從。照文階一體釐正。以昭畫一。再志內載舊例。武官正從一品俱封榮祿大夫。正二品至從五品俱封將軍。未為允當。嗣後更定新例。則皆稱大夫。因思將軍為專閫主帥。大夫係文臣之稱。乃舊例則封將軍。而今又更封大夫。名義殊覺混淆。嗣後武職正一品至從二品俱應封為將軍。正三品至從九品應分別酌與都尉騎尉校尉等字樣遞為差等。以示區別。至向來文職遇有降級處分。如降一級者。俱以正從計算。止於正降為從。而武職則降一級即降一品。辦理既不畫一。而武職官員遇有處分。即官階較大者。轉瞬即降至末弁。相形未免偏枯。嗣

後武職處分亦應照文員之例以正從覈計議降庶為平允。夫文武初無重輕官聯要於整肅必當詳行更正較若畫一載入典章所有一切增改事宜著軍機大臣會同大學士吏兵二部詳晰定擬具奏尋議奏查中樞政考內外武職共十六階較文職少正九從九二階應請將藍翎長為正九品太僕寺委署固山達為從九品綠營經制外委千總為正八品外委把總為正九品額外外委為從九品以足十八階其各階內請增烏魯木齊都統為從一品委署前鋒侍衛下五旗包衣叅領為從五品委署步軍校內務府領長為從六品委署親軍校前鋒校護軍校驍騎校副護軍校為從八品請改包衣佐領察哈爾副叅領佐領為從四品營千總為正六品衛千總為從六品其正四品之駐防叅領正六品之監造火藥官正七品之弓匠固山達請裁再降調處分提督至遊擊本以正從遞降都

司以下有正無從擢用時陞一級即陞一品降調照此亦屬適均至封典名號請將一二品為建威振威武顯武功等將軍三四品為武義武翼昭武宣武等都尉五六七品為武德武德佐武畧武畧佐武信武信佐等騎尉八九品為奮武奮武佐修武修武佐等校尉纂入例冊咨三通館增定從之又諭據明興奏六月二十七日戌刻臺莊地方陡遇暴風興武四幫漕船沉溺四隻磕損七隻淹斃水手等共七名沿河居民草房被風刮去上蓋百餘間現在親往該處勘辦等語此次漕船猝遇大風兼時值昏夜以致船隻沉溺損傷淹斃人口殊為可憫著加恩照例賞卹其居民被風掀揭草房著照該撫所奏查明辦理以示體卹諭軍機大臣等據李世傑等奏自六月二十八日起至七月初二日湖水又接續加長連前共長至一丈三尺餘寸暢出清口之勢既大分注淮揚運河之水亦覺

驟湧。隨將禦黃東西兩壩。復加拆展口門。共寬五十餘丈。其山盱五壩內先開之義字一壩。尚不足以資分洩。復將智字壩封土。啟除過水等語。已於摺內批示矣。朕早慮及今年湖水必有盛漲之時。曾諭令該督等。將山盱五壩內先開兩壩。以資暢洩。今兩壩已經啟放。過水。下游高寶諸湖。儘可容納。而湖水仍有加長之勢。若再將仁禮等壩啟放。又恐宣洩過多。下河一帶。田畝受淹。於小民生計。亦大有闕礙。此數壩尚應謹守。朕意若清水再長。莫若將清口東西壩口門。再行拆展。俾清水暢出。毫無阻滯。既可將淤墊浮沙。刷滌淨盡。而下河田禾。不致有礙。更為兩有裨益。再瀕臨運河之車邏等壩。朕屢經臨視。洞悉情形。亦應加土謹守。不可令其過水。淹及下河民田。該督等務宜相度機宜。妥協辦理。以副朕意。又諭。據劉秉恬覆奏。晉省乘機放債。越境買產一節。摺內稱。此等賤買之人。一聞

官為經理。必致匿而不出。畏法潛逃。及至事過之後。復行出認。致起爭端。請勅令河南撫臣等嚴行禁止。酌量辦理等語。此事經畢。沅具奏後。節次降旨。令該撫妥協籌辦。嗣據畢沅覆奏。該省賤買賤賣地畝。自奉旨減利聽贖後。愚民各知保家畏法。其陸續贖回者甚多。兩造並無異詞。所辦甚為允協。得理。今劉秉恬又復奏請於執照內註明不得冒認。索價字樣。以免葛藤糾纏之弊。雖亦調劑之一

法。但恐多立科條。轉滋紛擾。劉秉恬既有此奏。著將原摺鈔寄畢沅閱看。辛亥

孝懿仁皇后忌辰遣官祭

景陵。諭軍機大臣等。昨據明興奏到臺莊地方。於六月二十七日。猝遇暴風。興武幫船沉溺。損傷並有淹斃人口一摺。已降旨照例撫卹矣。本日據柯藩阿那布奏。該幫張國興。陳上達。一船遭風沉溺。衝失米七百八十七石。又撈起濕米五百一十九石等語。內河漕船



沉溺。漂失米石。例應著落通幫旗丁賠補。雖此次陡遇大風。人力難施。但若遽邀寬免。恐將來旗丁等虧缺漕糧。不免有捏報被災。希圖豁免情弊。所有張國興等衝失米石。著加恩多分數年帶交。以紓丁力。其應行撫卹之處。仍著遵照前旨辦理。以示體卹。將此傳諭。毓奇。明興。並諭柯藩。阿那布。知之。又諭曰。雅德於富勒渾家人婪索等事。不但不據實陳奏。且力保富勒渾操守謹飭。已降旨將雅德革職。解赴浙江。交與阿桂等歸案審辦矣。雅德以密諭傳詢之事。竟敢昧良徇隱。飾詞保奏。且與富勒渾通那銀兩。聯成一氣。其情節甚為可惡。但究非侵貪款跡可比。其罪不至如富勒渾查抄。前經阿桂等定議。將浙省清查虧空案內。流抵銀十三萬九千餘兩。著落富勒渾雅德福崧名下分賠歸款。除雅德本分應賠之外。所有富勒渾家產已經查抄。伊名下應賠銀兩。即著落雅德全數代賠。以

示懲創。再富勒渾自己久經解浙。阿桂等亦應將查審情形。速行馳奏。何以尚未據奏到。前已有旨飭催。著再傳諭阿桂等。即將各款逐一審訊。務得確情定擬。迅速覆奏。壬子諭。據李世傑等奏。初三四等日。大雨滂沱。異常傾注。清水黃水。并中河之水。同時並漲。山安黃河北岸。李家莊工尾。及湯家莊二處。先後漫塌。隄工五十餘丈。及八十餘丈不等。清江迤上北岸二井縷隄。淮關迤下南岸之周家莊縷隄。均於初四日已刻漫溢。過水各塌寬十六七丈。又將清江南岸千根旗桿迤下之五孔橋隄工漫缺。水從玉帶河旁溢。以致清江一帶被淹等語。此事朕於春間早經慮及。蓋盈虛消長。理有固然。連年黃水盛漲。清水弱極。即知清水必有旺盛之時。曾諭李奉翰等。於高家堰一帶隄工。加意修防。熟籌妥辦。毋致臨時周章。今果有此數處漫溢。朕更事已多。於盈虛消長之理。隨時體察。先事訓

諭該督等謹守高堰隄工。啟放智信二壩。折展東西壩口門。以資宣洩。該督等亦能凜遵朕訓。逐一妥辦。先事豫防。現在雖有漫溢處所。而高堰隄工得保平穩。漫水所過。人口不致損傷。此實先事豫防之效。此次漫溢。究因清水陡漲。又值疾風暴雨。人力難施。以致搶護不及。朕實不忍治伊等之罪。所有李奉翰奏請交部治罪。李世傑書麟奏請交部嚴議之處。均著加恩寬免。即疎防各員。亦著一

體寬免。上年李奉翰於運中河內。不早建閘座。以致水無擎蓄。又不將清口東西壩口門收小。清水宣洩無餘。節節貽誤。是以降旨將該督等降為三品頂戴。以示懲儆。今歲該督於防守宣洩各事宜。尚能遵朕指示。妥協辦理。雖有現在漫工。究非去歲貽誤可比。是以免其治罪。此時該督等亦不必驚惶無措。惟當公同熟籌。一面先將漫口兩隄頭盤鑲裹護。不令塌寬。一面購備料物。及早興工堵築。

以期迅速。歲事至。漫水經過地方。民田廬舍。未免被淹。淮安各屬。上年被旱本重。今歲幸賴麥收接濟。秋禾又有被水淹漫者。小民生計更加拮据。朕心深為憫惻。該督等即飭派出各員分投查勘。酌給口糧。實力妥為撫卹。務使均霑實惠。毋致一夫失所。以副朕軫念災黎至意。所有淺攔漕船。並令設法籌辦。俾剋期度竣。迅速遄行。除已諭知該督等妥速辦理外。所有四月內。朕早慮及清水增長。豫

令留心寄信諭旨。著交留京王大臣大學士九卿閱看。並著發鈔通諭知之。○又諭曰。李侍堯等奏審擬江陵縣民蔣魯玉等控告該縣及書吏侵蝕賑銀一案。訊係江陵縣書吏蘇秉六等雖無吞賑侵蝕情弊。而於覆查戶口勒索保正銀六十餘兩。五人分用。知縣孔毓檀於災賑銀兩尚無侵蝕。但於領到銀穀先放附近各垸。其較遠處所。直至本年正月始行放給。以致災民情急呈控。請將孔毓檀

革職從重發往軍臺効力贖罪書吏蘇秉六等從重改發烏魯木齊為奴等語朕細閱此案情節該縣於災賑銀兩不能按戶發給以致災黎情急控告該縣如果實有侵蝕入已情弊自應從嚴治罪即立寘重典亦不為枉今孔毓檀領到賑銀不按初賑二賑之例使遠近同時均霑實惠其咎止於辦理不善與侵蝕入已者有間予以革職已足蔽辜其發往軍臺効力之處著加恩寬免至書吏如另有欺壓百姓藉端嚇詐贓款數多自應即行正法今蘇秉六等於跟隨本官承辦賑務勒索保正銀兩每人分得十餘兩其呈報戶口尚無增減情弊即照李侍堯等所擬完結亦足示儆餘著該部議奏諭軍機大臣等據李世傑等奏清口一帶初三四等日大雨滂沱異常傾注黃河北岸李家莊湯家莊等處先後漫溢已明降諭旨將該督等所請治罪之處加恩寬免矣該督等此時不必過於驚

惶以致茫無所措惟慮上緊購備料物堵築各漫口並實力撫卹被水災民至河水消耗糧艘淺擱尤關緊要朕心深為廕念該督尤應會同毓奇設法辦理俾尾幫剋期趨渡北上以期依限抵通再上年山東河南安徽等省被旱成災朕軫念窮黎加恩賑卹所費不下千百萬帑金今湯家莊李家莊等處漫口興工堵築以及撫卹被災處所其費用較之上年不過二十分之一著傳諭李世傑等將此次堵築漫口約費若干通盤覈計據實覆奏所有本日所降諭旨及李世傑等原摺著鈔寄阿桂閱看於審辦富勒渾一案完結回至清口彼時漫口自己合龍就緒阿桂當親至該處與李世傑等熟商會勘於善後事宜更為有益將此由六百里各諭令知之仍著李世傑等將現在漫口曾否裹住不致塌寬及被水災民作何撫卹江西尾幫已經過行無阻之處迅速覆奏以慰廕注又諭本日

又據毓奇奏。初四日。淮關迤南周家莊南岸。縷隄。水勢漫過隄頂。所有尾後之江西南昌。前等幫漕船。正在銜尾行走。忽因正河掣溜。同時淺擱。糧船六十餘隻。現在督撫諸臣。趕緊籌辦。堵閉漫口。一俟正流通順。即嚴督被淺各幫。飛輓前進等語。周家莊在淮關下游。而江西南昌前等尾後幫船。尚在周家莊之下。該處因上游漫口。正流掣溜。水勢頓耗。以致漕艘淺擱。此時自當上緊修脩。俟正河通順。即行催趲遄行。但運河隄工。非外河可比。施工尚易為力。現在李世傑等督率弁夫。購料堵築。想不日即可堵閉斷流。俾正河一律通順。毓奇即可督催淺擱船隻。上緊飛輓。迅速抵通。上年因南北運河淺阻。且江南山東河南地方。被災較廣。需米賑卹。是以將漕船沿途截留。以致抵通之船較少。又因沿途起剥。致將貨物掀卸。京師所需南貨。俱由糧船裝載北來。未免物價騰貴。本年係閏七月。糧

船抵通。較早於去年。而現在淮安淺擱尾後之船。止有六十餘隻。為數無多。著傳諭毓奇。一俟漫口堵閉。即將尾後各幫船。催令飛速渡黃北上。抵通交倉。以期無誤正供。不可因牽挽維艱。又將貨載掀卸。以致貨少價昂。殊為未便。又另片所奏。派委將弁。將淮安新舊城門。設法防護之處。辦理均屬妥協。並著毓奇。李世傑等。實力趕辦。諸凡總以妥速為主。癸丑諭軍機大臣等。昨據李世傑等奏。初三四等日。黃運兩河隄工。同時漫溢數處。已明降諭旨。令妥速辦理堵築撫卹諸務矣。從前老壩口漫工。淮安城內被淹。此次五孔橋隄工。漫缺。水由玉帶河旁溢。清江浦一帶。被淹情形。輕重若何。現在水勢。自己漸次消退。該督亟應將官員衙署。及居民房屋。上緊整理。所有被水災民。尤應實力撫卹。酌給口糧。毋使少有失所。至河水消耗。糧艘淺擱。尤關緊要。該督等務即會同設法辦理。先將運河

隄工補築。俾河水歸槽。未過江西各幫。以次  
過行。渡黃北上。毋誤抵通。方為妥善。再昨據  
毓奇奏。淺攔糧船六十餘隻。止於淺攔。在灘  
者。令其即時修艖。以待漫口堵閉。正河水長  
時。即行裝載。跟幫前進。其有受傷過重。不堪  
駕駛者。即令拆板。以清河道等語。此等拆卸  
板片之船。究有幾隻。除拆板船隻。不能抵通  
外。所有本年可以抵通漕船。究有若干。比較  
上年。多寡遲早如何。著毓奇通盤覈算。詳悉  
覆奏。再李世傑病體。尚未全愈。今又遭此漫  
溢過水之事。目擊情形。自不免驚惶焦急。朕  
心頗為懸注。著傳諭該督。不必過於勞勩。務  
須寬心調攝。坐辦一切。愛惜精神。以期氣體  
復元。副朕眷念。至黃河北岸李家莊。係在湯  
家莊迤下。從前高晉欲將運口移改。此處係  
清口下游。辦理不致棘手。尚易堵閉。該督等  
應即查看漫水一過。迅速集料鳩工。剋期堵  
築。並著將各漫口。及被水處所。詳悉繪圖貼

說。進呈御覽。仍將漫水曾否消退。江西尾幫  
是否過行。及被水災民。作何撫卹之處。近日  
光景若何。迅速覆奏。又諭據福海奏。初三  
四等日。運河暴漲。裏河二井隄工。及周家莊  
五孔橋等處。先後漫溢等語。從前外河老壩  
口隄工漫溢。淮安為下游頂衝。衙署廬舍。被  
水淹漫。此次二井。周家莊等處漫口。地處清  
江浦之衝。是以猝被淹浸。地勢不同。但淮安  
係清江下游。昨據毓奇奏。現在派委將弁。將  
新舊城門。設法防堵。本日又據福海奏。派委  
書巡家役。保護冊檔錢糧等語。淮關距郡城  
不遠。著傳諭該監督。即將淮城。是否有漫水  
波及城垣衙署。以及居民房屋。有無被衝之  
處。據實速奏。以慰廑注。甲寅。諭軍機大臣  
等。據蘭第錫等奏。新隄各挑水壩工程。並各  
工平穩一摺。覽奏欣慰。秋汛即至。更宜加意  
敬慎。已於摺內批示矣。朕閱圖內所繪毛家  
寨一帶隄工。係屬頂衝。且形勢生灣。未免著

重。應於此處築挑水壩一道。挑溜北趨。以分其勢。庶免喫重。因用硃筆標記。著將原圖發該督等閱看。若可即遵照安速辦理。庶秋汛更資鞏固。尋奏。毛家寨隄工。係昔年沈隄舊基。形勢向北灣環。連年修埽。挑溜北趨。六月間。蘭陽十四堡頭壩埽外刷深六丈。該處相距僅十里。甚為喫重。現漸就平穩。挑水壩似可緩辦。得旨。欣慰覽之。乙卯。諭軍機大臣等。本日福崧奏到六月分糧價單一摺。內開

太原各府州屬米麥等價值與上月相同。及較上月稍為增減等語。各屬每月糧價。隨時增減。情形不同。自應將價中價貴價平等字樣。於各屬米麥等項。分別詳注。庶可一目了然。今該撫僅稱與上月相同。及畧有增減之處。開報殊未明晰。著傳諭福崧嗣後奏報各屬糧價清單。務將價中價貴價平等字樣。分晰填注。毋得仍前籠統開報具奏。又諭。前據李世傑等奏初三四等日。黃運兩河隄工。

同時漫溢數處。已節次降旨。令該督等實力安速辦理。堵築撫卹諸務矣。現在水勢曾否漸次消退。漫水所過田畝廬舍被淹者。究係何處。上年淮安各屬被旱較重。今秋禾又有被水淹浸者。小民生計更加拮据。不可不實力撫卹。再上年淮徐一帶及湖北安徽等省被旱地方甚廣。此次淮安所屬即有被水處所。亦不過一隅中之一隅。其撫卹所用及堵築漫口約費若干。著李世傑等通盤覈計。據

實速奏。至河水消耗糧艘淺擱。該督等亟應會同設法辦理。先將運河隄工補築。俾河水歸槽。未過江西各幫。以次邁行。渡黃北上。此事尤關緊要。該督等自前次奏報之後。又閱數日。尚未見有續奏。諒欲俟漫水消退。諸務稍有就緒。再行奏聞。朕宵旰廑懸。無時或釋。著傳諭該督等即將近日光景若何。漫口曾否裹住。不致塌寬。江西尾幫是否已經邁行。及被水災民作何撫卹之處。迅速覆奏。以慰

懸注 又諭據孫士毅覆奏富勒渾派差口岸書役先令繳賠補幫貼銀兩實係先侵後吐並查抄富勒渾家口船行李貨物及李世榮父子貲財訊出李約羅等供詞各摺著鈔寄阿桂等歸案查對審辦俟李約羅等犯到浙時一併嚴切究訊至富勒渾及伊家人殷士俊等於五月二十九日及六月初二等日先後由粵解赴浙江六月內自己早經解到何以阿桂等尚未將大概情形具奏即案內情節不能一時審明定擬亦應將訊出現在情形先行入奏前已降旨催令迅速審辦今復經數日著再傳諭阿桂等即遵節次諭旨並查對孫士毅先後奏到各款速行嚴訊具奏 丙辰中元節遣官祭

永陵。

福陵。

昭陵。

昭西陵。

孝陵。

孝東陵。

景陵。

泰陵。

泰東陵。遣官祭

孝賢皇后陵。

端慧皇太子園寢 諭據書麟奏安慶鳳陽

廬州滁州泗州各府州屬於六月內雨澤過

多山水長發低窪地畝及臨湖灘地俱被水

淹房屋間有坍塌人口尚無損傷現在飭屬

查明妥為辦理等語上年安徽被旱較重收

成歉薄今又因雨水過多以致安慶鳳陽滁

泗等府州屬民田廬舍俱被淹浸朕心甚為

廕念該撫即飭屬查明被水地方上緊設法

疏消其被災窮黎務須加意撫卹不可拘於

常例倘有應行借給籽種口糧者即酌量借

給該撫即督飭所屬實力經理俾災民均霑

實惠以副朕軫念窮簷至意該部即遵諭行

諭軍機大臣等本日據陳步瀛等奏報雨水田禾情形一摺內稱懷寧桐城及鳳陽定遠等處於六月十一二等日大雨如注山水漲發一時宣洩不及以致濱臨江淮低窪地畝間有積水等語與書麟所奏相符現在書麟駐劄清江距安省稍遠往來詳報恐不能周到迅速著傳諭陳步瀛等即查明被水地方督飭所屬設法疏通現在積水處所曾否消退於田禾有無妨礙其亟應撫卹之處即加意撫卹妥協辦理副朕懸注較之去歲民間光景究竟如何著即速奏此後倘有必須應行亟奏事件不妨據實先行奏聞再行稟報該撫以免稽延又諭據李世傑等奏河湖水勢續長初八九兩日桃源廳屬南岸之司家莊及外河廳屬北岸王營減壩迤下煙墩兩處又復漫溢該處隄內逼近鹽河漫水為鹽河頂阻分溜無多其桃源之司家莊與洪湖僅隔一隄隄內湖水本已漲滿今隄工

雖經漫開而測量黃水尚高尺許溜勢甚屬平緩黃河先後漫口兩處均不致於奪溜仍走中泓迅行東注等語閱所進圖內司家莊漫口雖止四十餘丈而河湖連成一片勢甚浩瀚究屬可虞此處應速行堵閉該處接連張福口引河去冬今春業經挑挖深通今經黃水平漫又不免淤墊一俟漫工堵閉後即將浮沙疏濬方不至前功盡廢淮關對岸之周家莊分溜湍激以致運河下游糧船間有淺阻尤關緊要此處急應首先堵閉俾河水充裕未過江西各幫以次過行渡黃北上方為妥善至黃河北岸李家莊湯家莊王營減壩迤下煙墩漫口數處距海不遠且有鹽河頂阻分溜無多口門水勢平緩自易堵閉不妨以次辦理再萬錦灘於六月底又長水五尺昨據蘭第錫等奏報豫省新隄各工在在危險竭力搶護而下游老壩工誌橋長至二丈三尺洪澤湖內誌橋亦長至一丈六尺三



寸。河湖同時異漲。實為數十年來所未有。今李家莊等處。有數處漫溢。以殺其勢。上游不致潰決。為患尚小。且高堰隄工。得以保護無虞。未始非不幸中之幸。朕方感荷。

神庥。以手加額。該督等。斷不可稍生舛望。惟當益矢虔恭。以祈

神佑。至被水居民。有應撫卹者。實力撫卹。漫溢處所。有應趕辦者。上緊趕辦。該督等。務須同心協力。次第妥協經理。以副朕意。將此由

書奏奉 上諭

奉

十

六百里諭令知之。仍將近日堵築漫口。及淺阻尾幫。災地賑卹。各事宜。迅速覆奏。以慰懸注。○又諭據阿桂等奏。查訊富勒渾等供詞。摺內稱。據富勒渾供。實不知鄭一桂有致送殷士俊金葉。訊之殷士俊。堅供實係送伊之物。鄭一桂並未託其轉送主人。及嚴訊鄭一桂。則供稱實係送給殷士俊等語。此事朕早疑其未必。屢向軍機大臣言之。金葉五十兩。為數無多。富勒渾即或收受數百金。尚為貪

書奏奉 上諭

奉

十

黷饜。既所有。且其時富勒渾已離閩省。鄭一桂更不值復行餽送。其所稱並非致送富勒渾。尚為可信。即此項金葉實係餽送富勒渾。而殷士俊因平日受其惠深重。希圖代為隱瞞。且自知款蹟累累。俱經敗露。必獲重罪。即將此項擔承。於罪亦無可加。是以堅執前供。亦屬人情之常。但富勒渾業經離任。而屬員尚有此事。則其在閩時。必有收受賄賂情弊。此時若再加深究。則輾轉蔓延。案難速結。且非朕平日不為己甚之意。所有鄭一桂致送金葉一節。竟不必再為推求。即可就此完結。惟摺內稱。富勒渾派各口岸先繳銀一萬九千餘兩。據富勒渾供。於兼署監督時。值各口岸未經解到銀兩甚多。恐賠項無著。是以豫籌墊解。及穆騰額回任交收。適殷士俊等事發。是以具奏歸公等語。據此。則富勒渾先侵後吐。已屬百喙難辭。閩稅係監督專管。總督不過兼轄。即使稅課缺額。自有該監督回

任料理。富勒渾何必豫為總總過計。酌籌墊項。令書吏先行繳出。上年該關稅課充盈。本年亦斷無缺額之理。則此項銀兩。又將交還何人。其為侵吞入己。實屬顯然。及殷士俊等款蹟敗露。始行具奏報解充公。此等伎倆。豈能掩人耳目。適自形其前後矛盾耳。富勒渾之罪。實在於此。著阿桂等嚴行詰訊。毋任支飾。或富勒渾聽殷士俊等慫恿。謂此等口岸書吏之銀。儘可收受。富勒渾受其愚弄。以致

實錄卷一百一十五

吏

昏瞽顛倒。先侵後吐。亦著阿桂等嚴行訊究。務得確情。至運使張萬選。送富勒渾銀三萬兩。未收一節。據奏富勒渾供。上年到粵後。張萬選曾說要送銀三萬兩。因其尚是空話。面加嚴飭。後來罰他賠修漕船。以示懲儆等語。因空話而嚴飭。可知若實有則受之矣。此事前經孫士毅奏傳詢張萬選。據稱並無此事。因係一面之詞。當將張萬選解任。押赴浙江。質對該員。此時定已到浙。著阿桂等即行嚴

訊。並令與富勒渾當面質證。若張萬選從前實有此語。後因富勒渾事已敗露。恐說出與受同罪。是以狡賴。則張萬選係卑鄙狡猾小人。即應革職治罪。若果係富勒渾信口誣扳。更為可笑。至所奏富勒渾呈出廣東藩臬兩司錄送殷士俊等口供一節。此事孫士毅亦經奏及。詢之藩司許祖京等。據稱並未將口供私行錄送。則此富勒渾呈出之供。又係從何而至。除降旨令孫士毅嚴切詢問藩臬兩

實錄卷一百一十五

吏

司外。著阿桂等面訊富勒渾。此供係何時送給何人傳遞。一并歸案具奏。看來富勒渾之罪。重在勒派口岸書役銀兩。先侵後吐一節。阿桂等惟當秉公確訊定擬。想富勒渾亦難掩飾。阿桂等斷不能為之曲蔽也。又據常青等奏。截拏富勒渾差弁及管解銀兩摺內稱。有富勒渾寄江蘭信物。著將原摺鈔交阿桂等。令其查對審辦。再本日續據李世傑等奏。司家莊烟墩。又有漫口之事。湖河局面大變。

著將原摺及所降諭旨一併鈔寄阿桂閱看  
○又諭前據孫士毅奏訊問藩司許祖京臬  
司姚棻將審問殷士俊等供詞呈送富勒渾  
閱看一節據稱外省呈送督撫供詞係鈔錄  
一分呈送備查並非送看之後仍行取回若  
兩司果曾送過供詞此時尚在富勒渾處何  
難取出作證明係省城人多暗竊風聲託言  
兩司送給以實其事等語本日阿桂等奏訊  
據富勒渾稱供詞實係許祖京姚棻稟見時

書錄卷一百五十五

五

親送閱看若果係探聽豈能一字不錯現有  
原送供詞可證一併呈繳等語富勒渾呈出  
殷士俊供詞係藩臬兩司鈔送已有確據何  
以孫士毅詢問時兩司俱不承認此案孫士  
毅奉旨密查飭令兩司審辦自應加意嚴密  
乃許祖京姚棻將供詞私送富勒渾閱看事  
後經孫士毅詰問又復強詞支飾自有應得  
之咎况供詞鈔本已據阿桂等附摺進呈許  
祖京姚棻尚何置喙耶著傳諭孫士毅即將

兩司如何呈送情節嚴加詢問令其據實登  
答迅速覆奏○以編修吳省蘭為浙江鄉試  
正考官編修邱庭澂為副考官侍講陳萬青  
為江西鄉試正考官編修汪學金為副考官  
編修吳敬輿為湖北鄉試正考官編修關槐  
為副考官

書錄卷一百五十五

甲

大清高宗法天隆運至誠先覺體元立極敷文  
奮武孝慈神聖純皇帝實錄卷之一千二百五十八

大清高宗法天隆運至誠先覺體元立極敷文奮武孝慈神聖純皇帝實錄卷之一千二百五十九

監修總裁官經筵講官太子太傅文淵閣大學士文淵閣領事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣等謹

將欽此遵行在案臣等謹將 上諭事件處管理刑部戶部三庫事務

世襲騎都尉軍功加十九級隨帶加二級又加二級臣等謹將內大臣戶部尚書鑲黃旗滿洲都統軍功紀錄五次

尋常紀錄四次臣等謹將太子少保工部尚書紀錄六次臣等謹將

秋修

乾隆五十一年丙午七月丁巳諭據劉秉恬

奏審擬曲靖府南寧縣武生尹在奇在平彝縣中菁地方被賊搶奪財物並毆傷挑夫孫起瓏一案已批交三法司覈擬速奏矣細閱摺內情節尹在奇貨物被李小六等搶奪之後各犯由南小路奔逸而尹在奇等誤從北路跟追遂誣指毛奉儀賈朝相趙有保為正賊彼此不服扭結呈控經曲靖府知府巴尼琿催銅旋郡集犯審訊因賈朝相趙有保堅不承認各加刑責隨俱誣服該府復因催銅

公出檄發署需益州知州戴書紳收審亦照原審情由錄供通詳趙有保賈朝相受杖傷重先後身故復經審訊別案究出正賊按律定擬請將未能審出誣告實情之前任曲靖府知府巴尼琿交部嚴加議處填報不實瞻顧上司之前署需益州知州戴書紳革職所擬殊覺有意軒輊巴尼琿於屬邑搶奪重案並不虛心審理究出誣告情由輒拷訊致死無辜二命雖決責如法究係原審之員其咎較之依樣具詳瞻顧上司之知州戴書紳較重該撫即或因該員催銅公出尚屬有因亦當與戴書紳處分相同方為平允何得意存開脫轉將原審從輕有是理乎即如朕辦理富勒渾一案雅德徇隱面欺通那銀兩情節雖為可惡然將來定案時其罪豈能轉重於犯案之富勒渾耶劉秉恬等審辦此案殊失允當著交部分別議處 諭軍機大臣等昨據阿桂等奏到審訊富勒渾等供詞各摺已

降旨令其速行嚴訊定擬具奏矣。看來富勒渾之罪。重在勒派口岸書吏銀兩一節。按其派繳及勒令書吏出結。奏請充公各月日。其為先侵後吐。形跡顯然。富勒渾亦百喙難辭。阿桂等即可就此定案。至鄭一桂致送金葉一事。現在殷士俊及鄭一桂堅供並非送富勒渾之物。亦止可就此定供。不必再行推求。富勒渾用度奢侈。貪圖安逸。平日任用家人招搖婪索。佯為不知。且沿途經過地方。尚有致送金葉之事。則富勒渾於閩浙任內。必另有營私納賄情弊。但其平日屬員中。曾經逢迎餽送者。各知與受同罪。此時誰肯說出。若再輾轉追求。則蔓延無已。亦非朕不為己甚之意。且富勒渾久任督撫。習於侈靡。金葉五十兩。為數無多。伊若婪索。必不止此。其為餽送殷士俊之物。尚屬可信。阿桂等即可就現在實訊明確各款。速行定擬具奏。現在江南清口一帶。黃運並漲。先後漫口數處。而司家

莊漫溢處所。湖河連成一片。運河周家莊一處。關係漕運經行。現在江西尾後幫船。在彼淺擱。此二處尤關緊要。此時李世傑等自覩漫溢情形。未免心存惶懼。必須有人為之主張。方能於事有濟。著傳諭阿桂。速將富勒渾一案。定擬完結。發摺後。即先行速赴清口。會同李世傑等辦理堵築事宜。以期妥速。歲工俟大局已定再來。舒常即押帶富勒渾等案犯。解京交與刑部收禁。再赴行在復命。曹文植即由杭州回籍。省視伊母。侍養十餘日。再行起程。將此由六百里傳諭知之。仍著將審訊確情。迅速覆奏。又諭。據李世傑等奏。雲梯關外估挑二套引河。現已加添人夫。上緊趕辦。勒限七月望前。照估挑挖。如式寬深。一律完工。逐細驗收等語。該督等此摺。於初二日拜發。差人齎遞。尚在未經漫溢以前。之奏。今河湖水勢。同時並漲。以致李家莊等數處漫溢。該督等自應實力妥速辦理。堵築撫卹。

諸務二套挑工。又非所急矣。至此次漫溢。共有數處。其黃河北岸李家莊等地方。距海不遠。且有鹽河頂阻。溜勢平緩。尚可以次籌辦。惟桃源廳屬南岸之司家莊。與洪湖僅隔一隄。雖止漫溢四十餘丈。而河湖連成一片。汪洋浩瀚。究屬可虞。此處應速行堵閉。又淮關對岸之周家莊。分溜湍激。有礙運道。尤關緊要。急應首先堵築。俾未過江西各幫。以次進行。波黃北上。現已傳諭阿桂。速行審辦。富勒

渾等一案。定擬後。即赴清口。會同熟商籌辦。該督等此時。即應集料鳩工。將司家莊周家莊。二處漫工。上緊堵築。剋期蒞事。以慰厘注。將此由六百里傳諭知之。仍著將近日堵築漫口。是否興工。糧艘尾幫。曾否過行。及被水災地。作何撫卹之處。迅速覆奏。朕為此事。時刻不忘於懷。勉之以紓遠念。戊午諭。近日雨水稍多。本報屢次遲誤。看來因蘭溝土溝。各河水發。橋衝所致。霸昌道駐劄懷柔。止能

往來照料。密雲至古北口一帶河道橋梁。其蘭溝等處。已屬鞭長莫及。著兵部堂官。遴派滿洲司官一員。駐劄蘭溝。豫備人夫船隻。遇本報發來及各處文報。即照料令其速行。毋致再有遲誤阻滯。或於十日半月後。一行更換。即兵部滿堂官。遇有大雨時。亦當輪換一人。來往查看。何必在家高坐養驕也。嗣後朕每歲駐蹕熱河。照此辦理。諭軍機大臣等。本日因本報遲誤。經兵部叅奏。請旨飭查一

摺。因思前月二十四日。應到本報。遲至二十五日。始行遞到。亦經兵部具摺叅奏。並請飭交劉綏。查明報部辦理。迄今已及二旬。何尚未據該督將遲誤緣由查覆。本報往來設立臺站。自應剋期遞送。即因雨水稍多。以致遲誤。亦應即行查明咨報。何以劉綏並不上緊查覆。任意延宕。殊屬不合。著傳諭該督。將兩次本報遲誤。究於何處臺站。及因何遲延之處。迅速查明。馳奏尋奏。六月二十日本報。二

十三日站員遞至懷柔縣七渡河山水陡發船不能渡二十四日水勢稍平遞至雁溪小白等河又因橋衝浪急已時始遞交密雲縣站本月十五日本報十六日辰時據東華門站員遞至南石槽又因雨大水漲雁溪等河橋座衝失十七日水勢稍退已時遞交密雲縣站除東華門遲滯站員聽兵部查辦外謹將水阻緣由及臣等查覆遲延之處請交部議處得旨該部察議具奏已未諭吏部議

處御史曹錫寶奏和珅家人劉全兒一事並不能指出實據僅以虛詞入奏應照參奏不實降二級調用一摺曹錫寶奏和珅家人全兒房屋完整等情該御史如果訪有全兒招搖撞騙實據即應列款參奏審訊得實即擬以正法亦屬罪所應得設或和珅有營私舞弊情事該御史果能據實指出參奏朕亦必質訊明確將和珅治罪乃曹錫寶第以和珅家人住屋服用完好恐有借主人名目

招搖撞騙等情入奏似此虛詞朕將如何辦理耶因命留京王大臣等節次詢問伊並不能指出實據又傳彼前來行在朕面加開誠詢問亦無指實惟以杜漸防微之語搪塞夫全兒代伊主人辦理稅務多年稍有積蓄蓋造房屋數十間居住亦屬人情之常天下各處關權其管理之員必派家人分管稅口自不免皆有羨餘即吏胥等亦得藉需餘潤其服用居室稍事潤飾亦屬事理所有若無剋扣侵肥情弊豈得概絕之以法乎即如賈誼所言絲繡偏諸天子之后緣其領庶人嬖妾緣其履彼時習俗所移即漢文帝亦豈能執途人而均加以嚴刑峻法乎因細詢其必有實蹟該御史乃稱原要和珅先事約束杜漸防微庶將來不致受家人之累等語曹錫寶無故欲於和珅前盡其忠告之言甚無謂也且朝臣相與致書論政甚非美事韓昌黎且不能不求進況其他乎其事果有必啟門

戶黨援之端甚且並無其事。而竊為虛文。以  
為我曾與彼言之。擾亂國政。前明之所以亡  
也。朕用人行政。一秉大公。從不肯存逆詐億  
不信之見。若委用臣工。不能推誠布公。而猜  
疑防範。據一時無根之談。而遽入人以罪。使  
天下重足而立。側目而視。斷無此政體。且我  
朝綱紀肅清。大臣中亦無攬權藉勢。竊弄威  
福之人。此所可自信者。即如富勒渾縱容家  
人殷士俊等。招搖婪索。擁有厚貲。伊亦有勒  
派關口銀兩。先侵後吐。款蹟其負恩昧良。天  
理昭彰。無不立時敗露。朕亦不能為之曲貸。  
而其未經發覺以前。雖以殷士俊等家貲富  
厚。亦斷無即予查拏治罪之理。況曹錫寶曾  
經派員帶同前往各大臣家人住居。周歷查  
看。其中儘有與全兒住屋相同。且過之者。何  
以獨將全兒參奏。伊亦自認冒昧。蓋今年為  
鄉試之年。伊不過欲因進摺。或記其名而出  
差耳。所見甚鄙。若照部議降調。亦所應得。第

念該御史究屬言官。一時未察虛實。以書生  
拘迂之見。託為正言陳奏。姑免實降。著加恩  
改為革職留任。並將此通諭知之。又諭據  
普福奏。遵旨於青海之阿什幹等處。應設五  
卡之處。於會盟之便。親行察閱。並將此曉諭  
索諾木多爾濟等。索諾木多爾濟等心悅誠  
服。從前設卡派兵駐劄。並未分別遠近。將西  
南兩路人等。調於極遠之阿什幹等處。今酌  
量伊等力所能及。改定就近駐防等語。普福  
如此更定。甚屬得宜。看來從前並未計及伊  
等勞苦。率意調遣分駐。以致該游牧人等。力  
不能支。始行請徹卡座。福祿在彼。何不親往  
查驗。即率行代奏耶。著交普福照伊所奏。辦  
理外。仍將普福奏摺。鈔寄福祿閱看。諭軍  
機大臣等。前據李世傑等奏。初三四等日。清  
黃並漲。又值疾風暴雨。以致黃運隄工。同時  
漫塌數十餘丈。又於初八九日。河湖水勢續  
長。司家莊煙墩兩處。復經漫溢。已節次降旨。



令該督等實力妥速辦理堵築並查明被水災民妥為撫卹矣。今據閔鶚元奏聞信後即於初十日自蘇起身兼程星赴清江及各下游處所督率所屬實力籌辦等語。黃運兩河同時漫溢清江一帶文武衙署及居民房屋均被淹漫。司家莊復有漫口河湖連成一片浩瀚可虞。該撫自應會同李世傑等同心協力妥為經理俾漫口速行堵閉被水災民毋致失所方為妥善。再李世傑等自兩次奏報後迄今又閱數日何尚未據續奏朕宵旰懸切無時或釋著傳諭該督等即將近日光景若何漫口曾否裹住不致塌寬及被水災民作何撫卹之處迅速覆奏以慰廑注。又諭據毓奇奏興武幫旗丁張國興等於臺莊遇風磕溺漕船所有衝淌沉濕米石該旗丁未能一時買補請緩至今冬採買搭運來歲抵通交完等語前因明興等奏報興武幫船沉失米石情形已明降諭旨將該旗丁張國興

等應行賠補米石加恩多分幾年賠繳以紓丁力該督想尚未接奉前旨所以此次奏請將各船衝淌沉濕之米緩至來歲交完恐為期太迫丁力不免拮据尚非所以示體卹著傳諭該督等仍遵前旨酌量多分幾年其淹斃人口分別卹賞之處並著照所奏辦理。○辛酉蠲緩安徽全省五十九州縣衛乾隆五十年分旱災地畝額賦有差。○壬戌諭明史紀事本末一書係谷應泰所撰朕從前在書房時即曾見其書以其舉有明一代之事仿袁樞通鑑紀事之體逐事貫穿始末俾覽者瞭然而逐段所論四六文頗佳茲因四庫館鈔出進呈復詳加披閱其中所載李自成攻陷京師挾太子二王東向永平吳三桂頓兵山海關悉銳出戰擊殺數千人大清兵繞至三桂之右所向披靡自成遁走三桂復率大兵追賊連戰於保定正定西度固關入山西等語其言不足傳信當流賊攻陷京城時吳三

桂以一族偏師頓兵山海關外而賊方以太子二王為奇貨載之馬上東行且欲招致三桂執其父襄脅令作書以誘其子其時三桂之懼賊不啻風鶴皆驚一軍膽懾其所以乞兵復仇皆藉本朝兵力及我睿親王奉命統率義師入關討賊我兵奮勇衝殺賊人望風披靡自相蹂踐自成遂棄京師西走而英親王復率師驅逐賊即狼狽竄死

實錄所載甚明是李自成之竄敗皆係本朝滿

洲兵力使三桂彼時果能辦此伊尚將攘為已有安肯復請本朝兵乎此自成之敗非三桂之力更為彰明較著者也而谷應泰乃稱三桂頓兵山海關悉銳出戰擊殺數千人追奔逐北似賊人之敗於三桂而非敗於本朝谷應泰係漢人猶及明末未免意存迴護故為左袒而非當日實在情事不足傳信著軍機大臣詳查

開國方畧所載入關殺賊實事將書中此一節

重行改正以昭正論信史又諭太僕寺少

卿順海著在阿哥等教清語諸達上額外行

走如遇缺出即行坐補諭軍機大臣等據

李世傑等奏七月十三日啟放二套引河日

來黃河內已消水一尺三寸洪澤湖內亦消

水九寸裏河漫口三處周家莊一處首先趨

堵現已辦有七八分工程數日內即可竣事

該處一經堵合水歸正河下注攔淺糧船即

可浮動前進等語所辦甚好已於摺內批示

矣二套引河原以備水大時掣溜減黃之路

既已挑濬完工正當乘時啟放現在引河內

掣動大溜暢流歸海黃水湖水漸次消退看

來大局已定所有桃源之司家莊漫口與洪

湖僅隔一隄此處應速行堵閉庶河湖不至

聯成一片而彌漫汪洋之勢可減至周家莊

運隄業經首先趨堵辦有七八分工程日內

是否竣事糧艘曾否通行該督等尤當勉力

設法辦理令江西尾幫及早遄行北上以慰

懸注。其被水災民。務須實力查辦。妥為撫卹。再前日據福海奏。二井周家莊等處漫口水。由護城河直通白馬竇。應高郵邵伯等湖。得所歸宿。淮安城並無漫水。波及閭閻安堵等語。高寶諸湖。為各處漫水匯注。亦恐不能容納。該督等前奏有將車邏南關等壩啟放。以資宣洩等語。此時曾否已經啟放。恐下河一帶田畝。亦有被水漫淹者。小民生計可憫。著傳諭該督等。務須查明一體妥為撫卹。毋致失所。

○癸亥。諭戶部議覆孫士毅奏粵東省糧道衙門。歷年外銷公項銀兩。著落歷任糧道等。按數分賠。並請酌定章程。嗣後歸於報部冊內。覈實報銷一摺。此事係富勒渾因其家人殷士俊等招搖婪索。款跡敗露。自知獲咎。故以此奏為見好救過之地。彼時朕即洞悉其隱。是以傳諭孫士毅查辦具奏。今既據查無捏報侵蝕情弊。且款項繁多。自乾隆二十四年起。相沿辦理。已非一日。若因富勒渾見

長救過。而將歷年外銷過銀五萬九千餘兩。在於歷任造冊之糧道及覈銷之督撫名下。著落按數分賠。是不過慷他人之慨。為取巧之計。即如雅德。奏汀州鎮武隆阿。廢弛營伍。亦不過因未曾奏富勒渾反代為具保。欲以此為救過見長地步。同出一轍。朕豈能受其欺蔽。已屢次降旨通諭矣。今此項外銷銀兩。歷年久遠。歷任糧道及覈銷之督撫。陞遷事故不一而足。亦何必逐一追賠。致滋紛

擾乎。朕辦理庶務。一秉公平。固不肯以人廢言。亦不肯竟聽罔以非道。此內外大小臣工之所共見共聞者。所有此項外銷銀五萬九千餘兩。著加恩免其賠補。諭軍機大臣等。據李世傑等奏。此次清江浦被淹。比之昔年老壩口漫水被淹情形。實為輕減。周家莊已做有七八分工程。兩三日內即可堵合。此時漫口迤下。運河水已增長。漸次寬深。糧船足敷行走。未過江西各幫。現在上緊催趲。以次

遙行出口。波黃北上等語。覽奏稍慰。惟閱圖內所繪司家莊漫口。與洪湖僅隔一隄。現已聯成一片。汪洋浩瀚。幸溜勢未掣。亦無淹及田廬之處。亟應首先堵閉。庶河湖不至通連。而張福口引河。亦不致逐漸淤墊。此處最為緊要。該督等於何時堵築完竣之處。即速行覆奏。其餘各漫口。集料鳩工。以次堵築。亦可剋期集事。不致曠日持久。至二套引河。現已啟放。掣動大溜。暢流歸海。勢甚通順。其歸海之路。亦較近捷。從來河不兩行。從此倘能將大溜全掣。竟由此處入海。則竈工尾六套處所隄工。亦可歲省修築。自為兩有裨益。此時天氣晴霽。水已消退。其被水災民。務須分投實力確查。妥為撫卹。周家莊漫口。現在自己堵築竣事。所有未過江西各幫。該督等應即上緊催趲。俾以次遙行出口。波黃北上。及早抵通。方為妥善。再上年江蘇安徽被旱成災。撥用賑卹銀共七百餘萬兩。此次各漫口。昨

據該督等約畧估計。共需正雜料物夫工銀五十餘萬兩。即加以清河安東桃源山陽等各屬撫卹所需。合計似亦不過在二百萬兩以內。著傳諭該督等再行通盤約畧覈算。據實覆奏。至李世傑病勢。雖未見增。亦未能減。自因驚懼焦勞所致。此時大局已定。可以安心靜養。不必過於勞動也。又諭前因雅德奏委汀州鎮總兵武隆阿。在任七年。廢弛營伍。任承恩為福建陸路提督。該鎮是其所轄。是以將任承恩交部嚴議。並諭令該提督明白回奏。茲據任承恩覆奏。於四十九年到任後。即將沿海泉漳汀建等鎮。先後巡閱。查得汀州界接江廣。各兵丁漢仗膂力。實不如漳泉之勁健。其弓馬鎗牌各技。亦未能出色。當經列為次等。並時囑該鎮武隆阿。加意訓練等語。此事前經雅德奏後。朕以該提督為專閫大員。汀州鎮是其所轄。如果平日玩愒。有心貽誤。自應照部議革職。但此事係雅德

因不能參奏富勒渾。反代為具保。不免為救。過見長起見。而有此奏。並非其實。心整飭軍伍也。安能欺朕。任承恩尚非有心玩誤。部議上時。已將該提督從寬留任矣。任承恩嗣後務宜實力整頓。益加奮勉。若因此次邀恩寬貸。稍事玩愒。必當加倍治罪。不能再邀寬宥也。甲子。諭據孫士毅奏。擊獲外洋行竊盜匪譚華瑞等八名。搜獲匪船一隻。並過山鳥一桿。噴筒三枚。火藥一觔。嚴究來歷。據供。係

外委趙承恩兵丁吳有亮得錢租賣。現從重究擬。請將該管員弁。及署鎮副將王延春革職。示儆。提督寶璜交部嚴加議處。一摺。海洋一帶。奸宄潛藏。盜劫固所不免。至弁兵等有緝匪安良之責。軍火利器。藉以防奸捕盜。最關緊要。乃外委趙承恩兵丁吳有亮竟敢私將火器火藥租賣與譚華瑞等行使。此與藉寇兵而齎盜糧何異。其藐玩實出情理之外。所供因譚華瑞等託稱鹽船防夜須用。實不

知伊等為匪之語。斷不可信。該督務須徹底根究。即使審無平日。誘賊養奸。彼此分贓情事。亦應與盜犯一律科斷。以示懲儆。至該管員弁漫無覺察。所司何事。均著照所請革職。寶璜係專閫大員。亦難辭咎。著交部嚴加議處。并著通行飭諭各省營弁兵丁。嗣後務知守法防奸。倘再有貪利不法。誘縱盜賊。偷賣火器火藥等情。即照此案嚴辦。各該管營弁亦應時刻嚴查。毋得疎縱。將此通諭知之。

諭軍機大臣等。行在步軍統領衙門奏。據江西民人童如忠呈控。旗丁方文華賄買饒州幫押運千總鄧昌禹。捏稟伊叔童賜誠等係屬軍籍。經江西糧道審訊。勒令伊叔幫給運費等款。請飭交江西巡撫何裕城審辦等語。此案歷年久遠。訐訟不休。如童如忠果係民籍。自應詳覈究辦。不得反令童賜誠等幫貼運費。以致童如忠慕遠呈控。或竟有賄囑枉斷情弊。亦未可定。但據童如忠供稱。伊係童

以仲後裔現有與伊同姓不宗之童以仁後裔本屬軍籍等語而其家譜內則以義禮智信等字樣排行。是其長房自應以仁字居首。何以居長者轉名以仲。顯有將仁字竄改仲字。為冒脫軍籍之弊。不可不覈實根究。著將原奏及原呈鈔案譜系一併交何裕城。令其親提案犯秉公研鞫。定擬具奏。乙丑諭軍機大臣等。前據李世傑等奏周家莊漫口。首先堵築。已做有七八分工程。兩三日內即可

堵合等語。此時運河周家莊漫口。自己堵築竣事。水勢歸入正河。糧船足敷行走。該督等即應設法催趲。俾未過江西各幫。以次進行。出口渡黃北上。至司家莊漫口。河湖相連。亦關緊要。亟應首先堵閉。屢經降旨諭令妥速辦理。該督等將糧船曾否進行。及司家莊何日可以堵築完竣之處。即速行覆奏。以慰懸注。再該督等前因河湖水勢浩大。將仁義禮智信五滾壩全開過水。又恐五壩減下之水。

高寶諸湖不能容納。將南關車邏等壩封土。全行起除。俾湖水下注。當洪湖盛漲時。自不得不廣籌去路。以資宣洩。但一過秋汛。湖水自逐漸消落。又應將各壩以次堵築。蓄清洩水。倘宣洩過多。清水弱小。不能敵黃。來年恐又有淺阻之虞。不可不早為慮及也。該督等身任河防。全在相度機宜。節宣有制。務宜仰體朕諸凡先事豫防之意。不可徒顧目前。坐失事機。方為妥善。以禮部右侍郎朱珪為

江南鄉試正考官。編修戴心亨為副考官。翰林院侍讀韋謙恒為陝西鄉試正考官。編修陳嗣龍為副考官。丙寅諭據御史諾穆福奏。京倉開放八旗兵米。例於每月初一日。赴戶部掣定旗分。即行開放。今於二十日前後始行開放。無故遲延多日。殊非辦公之道。請勅下倉場侍郎。嚴飭各倉。遵照定例辦理。如有稽遲。即交倉倉都統。及御史。叅奏議處等語。所奏是。兵丁關支月餉。本有定期。乃各倉

無故遲延多日始行開放以致兵丁等一時雇覓多車赴領車戶居奇昂價非所以示體卹著照所請交倉場侍郎嚴飭各倉遵照定例按期開放毋得仍前遲延並著查倉都統及御史不時稽察如有稽遲即據實叅奏交部議處又諭戶部議覆鳳陽關徵收一年期滿短少正額銀一萬七千六百餘兩盈餘銀七萬二千九百餘兩著落該監督等名下各按經徵月日照數追賠并請將該監督王

懿德護理關務鳳陽府知府喬人傑交部從重議處一摺固屬照例辦理第念該關錢糧全賴安徽河南秋收豐稔商販流通過關報納稅銀始能豐旺上年該二省被旱成災收成歉薄實無餘糧運販出境以致船隻過關稀少稅課短絀自係該關實在情形所有此次鳳陽關短收正額盈餘銀共九萬零五百餘兩均著加恩寬免并免其議處又諭禮部奏朝鮮國王李祘差齋咨官沈樂洙等赴

京投咨稱該國世子李暉病故請照例備物遣官致祭等語朝鮮國王恪守藩封歲修職貢於屬國中。最稱恭順。今聞其世子李暉病故朕深為悼惜著加恩於例賞祭品之外加一倍賞給以示優卹該國王正在壯年亦不必過傷俟得有子嗣即行奏明冊封世子承續宗祧用行國慶餘著照該部所請行諭軍機大臣曰李世傑等奏近日水勢畧消各漫口現在分頭裹護次第堵築以及撫卹災民籌送糧船各情形一摺已於摺內批示矣此時漫口漸次消退大局已定各漫口業經分頭裹護該督等上緊集料鳩工務須遵照節次諭旨將司家莊湖河連成一片漫口首先堵築其餘各漫口亦以次興工堵閉剋期集事至運河周家莊漫口據稱現在晝夜加緊趕鑲務期一二日內堵閉堅實等語一俟隄工堅實溜勢全歸正河該督等即應上緊催趲俾淺攔各船跟幫前進及未過江西各

幫。以次遄行。渡黃北上。全數迅速抵通。方為妥善。其漫水所過。被淹民田廬舍。該撫閱鴉元。現已率同藩司袁鑒。分投周歷各屬。切實查勘。妥為撫卹。現在情形若何。是否不致失所。朕厯念災黎。無時或釋。著傳諭該督等。將現在查辦情形。作何撫卹。被水災民。曾否均霑實惠之處。迅速據實覆奏。以慰懸注。丁卯。諭朝鮮國王世子李暉病故。著派工部侍郎蘇凌阿。為正使。內閣學士瑞保。為副使。馳

驛前往致祭。戊辰。諭軍機大臣等。據李世傑等奏。現在籌辦堵築各漫口。催趲糧船渡黃情形。及查辦災地輕重。分別撫卹事宜。各摺。已於摺內詳悉批示矣。前當清黃並漲時。該督等廣籌分洩。將仁義禮智信五壩。及南關車運等壩。盡行啟放。以資宣洩。朕早慮及減下之水。下河一帶。必有被淹。曾諭令該督等。妥為查辦。撫卹。今據奏稱。五壩南關等壩。開放之後。不但頂衝之高。寶兩州縣民田。難

免受災。即江都甘泉等縣。亦具報沿河低窪民居田畝。盡被水淹等語。應即一體詳查。撫卹。毋致失所。至黃河漫口下注之水。據奏安東一縣最重。清河桃源山陽三縣次之。該縣屬上年被旱成災。今二麥甫收。又復遭此淹浸。實堪憫惻。該督等務須仰體朕懷。實力撫卹。俾災黎均霑實惠。其安東城內水深八九尺至丈餘。目今曾否消退。城垣衙署倉庫。是否無恙。如有坍塌處。即應於水退後。趕緊修

築完整。至裏河之周家莊漫口。攸關漕運。桃源之司家莊漫口。毗連洪湖。此二處亟應首先堵築。屢經傳諭該督等。妥速辦理。運河周家莊漫口。前據奏稱。已做有七八分工程。一二日內即可竣事。何以至今十數日。尚未收工。一俟漫口堵合。溜勢全歸正河。即催趲未過江西各幫。以次遄行。前進毋任片刻遲延。其餘各漫口。亦即趲辦料物。以次興工。刻期集事。再上年江蘇省被旱成災。共用撫卹銀



三百四十餘萬兩。此次被水各屬約用撫卹銀若干及堵築各漫口所需工料等銀合計若干並著該督等約畧覈算比較據實覆奏。仍著將現在辦理情形迅速覆奏以慰厯念。已已諭。前據孫士毅奏拏獲外洋行劫盜匪譚華瑞等究出外委兵丁有將火器火藥得錢祖賣與盜犯行使之事已明降諭旨令從重究擬並將該管弁員及署鎮副將王延春革職提督竇瑣交部嚴加議處矣。本日竇瑣具摺檢舉先將認真緝匪及此案上緊購線躡拏正賊正賊務獲等虛文作為由伊訪出者然累累聲叙希圖支飾其意甚屬取巧提督為專閫大員該管弁兵平日不能緝匪安良轉將火器火藥租賣與盜犯行使此與藉寇兵而齎盜糧何異其漫無覺察咎實難辭。即如汀州鎮武隆阿廢弛營伍為雅德參奏任承恩係該省提督汀州鎮是其所轄如果平日玩愒有心貽誤自應照部議革職但

此事係雅德因未曾參奏富勒渾反代為具保以此為救過見長起見並非實心整飭營伍是以將任承恩從寬留任今竇瑣既失察於前又復飾詞取巧於後難膺專閫之任何必更俟部議所有廣東提督員缺著高瑑補授其雲南騰越鎮總兵員缺係屬沿邊緊要著孫起蛟調補所遺開化鎮總兵員缺係腹地事務較簡著加恩以竇瑣降補仍帶革職留任八年無過方准開復。又諭曰蘇凌阿瑞保現在出差舒常不日即到所有行在工部事務著和珅暫行兼管瑞保員缺補派扎郎阿於後班前來。庚午諭曰阿玉什患病一時不能痊愈乾清門侍衛興福著補放察哈爾副都統即行前往接任興福到任後阿玉什著回京調理毋庸前來熱河。辛未封閉奉天省義州屬七里河煤窑從盛京將軍宗室永璋請也。是月直隸總督劉峩奏直屬滹沱滏河沙河唐河瀋龍尤龍等河均發

源山西七月中上游山水陡發宣洩不及民  
埵間有漫溢據趙州寧晉隆平曲周望都蠡  
縣安州高陽肅寧清苑等十州縣報近河田  
畝被淹又宣化府屬萬全縣四角屯等十一  
村雨雹秋禾被傷現飭員查勘設法疏消分  
別辦理其餘各屬雨澤調勻可冀豐稔得旨  
覽奏稍慰有成偏災者亦加意撫卹○又奏  
上年因糧艘遲滯飭直屬廳備等官分段嚴  
催頗為得力現仍分派同知通判都司守備  
等官沿途催趲外並委鎮協道員或赴入直  
首站駐劄迎催或於南北兩運河往來催督  
並照料起剥等事一遇空重各船到境即督  
率弁兵但視風水平順不拘程限趲行得旨  
嘉獎○兩江總督李世傑奏六月以來據江  
蘇安徽江西各屬稟報雨暘時若早稻結  
實晚禾亦已揚花吐穗豐稔可期糧價日就  
平減惟江蘇之揚州淮安海州安徽之鳳陽  
泗州滁州俱因洪湖泛漲低窪處疏洩不及

積水在田但不過一隅中之一隅其高阜地  
畝早晚兩禾亦俱暢茂得旨被災之處不可  
使其向隅詳妥撫卹之○署河東河道總督  
蘭第錫奏東省六月底大沛甘霖微山湖存  
底水五尺一寸陸續增長二寸其上游獨山  
湖亦長水至一尺五寸現汶泗等水大發南  
北運河均深五六尺七八尺不等似此充餘  
八開河道及江境一帶無須湖水接濟已將  
湖口閘下板以免旁洩之虞其重運漕船嚴  
飭員弁催督乘此水勢遄行以現在之迅速  
補從前之遲緩得旨知道了此後又愁其過  
不愁不及矣慎之○陝西巡撫永保奏陝省  
長安等二十三廳州縣積年長支所夫工食  
銀六萬五千餘兩經前撫畢沅奏准在額支  
銀內分作三年扣還外餘著原借各員賠補  
限內均可全完請嗣後遇新舊交代時如前  
任有此借項新任詳報上司飭前官賠補倘  
私行流抵查出著落接受之員完繳庶流弊

可除庫項不致懸宕得旨有治人無治法全在汝實力為之

實錄卷一百五十九

一

大清高宗法天隆運至誠先覺體元立極敷文奮武孝慈神聖純皇帝實錄卷之一千二百五十九

大清高宗法天隆運至誠先覺體元立極敷文奮武孝慈神聖純皇帝實錄卷之一千二百六十

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理  
吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂  
總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務  
世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次  
尋常紀錄十四次臣德瑛經筵講官太子少保工部尚書紀錄六次臣曹振鏞等奉

乾修

乾隆五十一年丙午閏七月壬申朔諭據實

光鼎奏前任仙居縣知縣徐延翰有臨海縣學生員馬寔倒填月日捏飾情形詳革旋報在監病故一事朕詳閱此案情節馬寔身為生員夥合匪徒陳天河邵能文等向各僧寺弔紙圖謝又嫌謝錢數少誣首賭博復與僧人鬪毆實屬膠庠之敗類其罪已應滿徒該縣徐延翰將馬寔掌責收禁並無不合至馬寔在監病故屢經檢明確實係死於病非死於傷其餘延翰倒填詳報月日又不關傳屍

親眼同相驗收檢。規避諱飾之咎實所難辭。將來議處尚不止於革職。亦足以服屍親之心。乃竇光鼐必欲加該縣徐延翰以故勘濫禁。因而致死之罪。並將參奏徐延翰摺與曹文植閱看。聲言汝等辦理此案。若不將徐延翰照故勘濫禁治以重罪。我必將汝等參奏。並令告知阿桂。伊齡阿等語。是其袒護劣衿偏執已見。不自知其言之狂妄若此。設如所言。將來劣生必致武斷鄉曲。目無官長。適足以成惡習而長刁風。尚復成何政體耶。又竇光鼐覆奏。平陽縣黃梅。母喪演戲。係閩邑生童所言。及平陽虧空。自黃梅始。該縣以虧空之多。挾制上官。久據美缺。縱令伊子借名派索濫用。而抗不彌補。且指阿桂等於議處虧空各員。未將黃梅從重辦理等語。浙省虧空一案。業經阿桂等查辦完結。將乾隆四十三年以後。歷任各員。擬以革職。暫行留任。按照在任日月分賠。勒限一年不完。照虛出通關。

律治罪。黃梅之罪亦與他州縣相仿。若獨予從重。不特無以服其心。天下有此辦事之法乎。至所奏母喪演戲一節。前經查明係本年正月。黃梅為伊母慶九十生辰演戲。伊母一時痰壅。適於是夜猝故。而竇光鼐尚執前言。夫人子即忤逆不孝。母死不知悲哀。亦斷無迫不及待。於母死之日。演戲為樂者。況黃梅之母年已九旬。風燭無常。於演戲之夜猝然身故。亦屬情理所有。此事關係名節。古云善善欲其長。惡惡欲其短。竇光鼐係讀書之人。亦何心污人名節。致禽獸之不若耶。據稱派往之司員海成。為地方官所朦。今伊竟自親赴平陽縣訪查。如果能查明。自當另辦。若至生事。陵夷地方官。是伊自取咎耳。且阿桂曹文植。伊齡阿屢蒙任使。皆係素能辦事之人。朕之信竇光鼐。自不如信阿桂等。即令竇光鼐反躬自問。亦必不敢自以為在阿桂上也。今竇光鼐固執已見。嘵嘵不休者。以為盡職。

乎。以為劾忠乎。且竇光鼐身任學政。校士是其專責。現當賓興大典。多士守候錄科。平陽去省往返二千餘里。該學政必欲親往訪查。而置分內之事於不辦。殊屬輕重失當。且其固執辯論。意在必伸其說。勢必蹈明季科道盈廷爭執。各挾私見。而不顧國事之陋習。不可不防其漸。竇光鼐著交部議處。並將此通諭知之。○諭軍機大臣等。本日據竇光鼐奏。黃梅丁憂演戲。該府范思敬嘗面稟前撫臣福崧。以接任之李大鼎。不受交代。欲俟查明虧數。方行嚴叅。又該員以虧空太多。挾制上司。久據美缺。縱令伊子借名派索。抗不彌補。通省共知。前任温州府方林亦嘗赴省揭叅。現在親赴平陽查覈確實。再行回奏等語。福崧前在浙江時。方林曾否以該員抗不彌補。赴省揭叅。范思敬是否以所聞丁憂演戲之事。據情面稟。著傳諭福崧。即將實在情形。據實具奏。毋得稍有迴護。○又諭本日據阿桂

等奏到覆訊富勒渾。並查審竇光鼐所奏徐延翰將生員馬真監斃。並黃梅丁憂演戲各案。已明降諭旨。將竇光鼐交部議處矣。阿桂等。自上月十五日奏到各摺後。迄今半月有餘。朕盼望奏摺甚為焦急。若以富勒渾案內。閩粵解犯未齊。自不能不稍遲具奏。至於仙居縣知縣監斃生員等款。案犯俱在浙江。阿桂等審明後。自應先行具奏。乃又遲遲至今。始行奏到。豈不知朕盼望綦切耶。至江南黃運隄工漫口數處。前已降旨令阿桂於查辦富勒渾一案完竣後。即速赴清口。會同李世傑等籌辦堵築事宜。連日據李世傑等陸續具奏各處漫口。業已裹住。水勢有消無長。看來大局已定。著傳諭阿桂。於閩省雅德粵省張萬選。李約羅。解到審明定擬發摺後。即速赴清口。勘辦堵築工程。及籌畫善後事宜。舒常。即遵前旨。押帶人犯進京。便道過濟。查訊佛喜保控訴一案。即行前來復命。曹文植。即

由杭州回籍省視伊母。至賓光鼐曉陳辨不已。現親赴平陽查訪。著伊齡阿密行留心訪察。設於地方有多事咆哮之處。即行據實奏。○又諭前據書麟奏安徽鳳廬滁泗等屬。因六月間雨澤過多。山水長發。民田廬舍被淹。已降旨令該撫飭屬查明被水災黎。加意撫卹。不可拘於常例。或酌借籽種口糧。以資接濟。茲據陳步瀛等覆奏。安徽廬州兩屬雖有被水之處。現已漸次涸復。惟鳳陽泗州。

滁州三屬。積水未能驟退。補種不及。難免一隅偏災。現在馳赴各處查看。實在情形。奏聞辦理等語。鳳陽滁泗等屬。上年被旱成災。秋收歉薄。今歲二麥甫獲豐收。復因積水淹浸。雖據奏稱高阜處所。秋糧仍屬暢茂。可冀有收。而該處低窪之處。未能即涸。不可獨令向隅。所有鳳陽泗州滁州三屬。應行加恩。借給籽種口糧。及坍塌民房酌借修費之處。著傳諭書麟即行飭知藩臬督率所屬。悉心妥為

辦理。務俾災民均霑實惠。毋致一夫失所。以副朕軫念如傷有加無已至意。並諭陳步瀛等知之。○又諭據四德奏徵收許墅關稅額。比較上年。又短少盈餘至十七萬兩之多。請旨交部議罪一摺。已批交該部議奏矣。據摺內稱。上年湖北安徽等省。收成歉薄。而豫東二省。亦因被旱失收。商販稀少。以致過關船隻無幾。稅課短絀。固屬有由。但該關得項較多。非他處可比。每年經徵稅課。自有定額。即

云上年商販稀少。亦何至比上年仍短絀盈餘至十七萬之多。將來部議上時。朕自當另降諭旨。令酌量賠補。該織造不必心存惶懼。本年江浙安徽等處。甘澤頻霑。麥收豐稔。商販流通。到關貨物。自必漸多。嗣後惟當實力稽查。毋令書役人等乘機侵隱。及商販偷漏情弊。以期稅課日增。不致仍前短絀。方為妥善。○癸酉。諭軍機大臣等。據李世傑等奏運河周家莊漫口。收存二丈五尺之後。淮關一

帶水勢湧盛。兩岸各工。在在險要。若一堵合。恐致又有他虞。况溜勢歸入正河。已有十分之七。糧船足資浮送。現存口門二丈餘尺。過水無多。不若留此分洩其勢。與減水閘壩無異等語。亦祇可如此辦理。該督等前奏。一二日內即可竣事。原不免稍露欲速之意。今口門收存二丈餘尺。而淮關一帶水勢湧盛。恐堵合之後。又有他虞。且溜勢已歸正河。糧船足資浮送。自應留此以為分洩之路。俟糧船過竣。水勢消落平緩。再將口門堵合。方為妥善。至各處漫口。大局已定。盤頭俱已裹護穩固。其司家莊與洪湖僅隔一隄。亟應首先堵閉。屢經降旨。諭令該督等妥速辦理。一俟料物備齊。即日興工。剋期竣事。毋致曠日持久。再摺內稱。南關車邏等壩分洩之水。尚不致驟湧為患。惟下河一帶田畝。地勢低窪。難免被淹等語。朕早慮及南關車邏等壩減下之水。下河一帶。必有被淹。正為此慮。然亦無

善處之法。現在閔鶚元已赴該處。著傳諭該撫實力查辦。加意撫卹。毋致災民失所。其周家莊迤下淺濶各船。現在水勢充裕。足敷行走。應即僅令飛挽趲渡。跟接遄行。迅速抵通。究比上年遲早若何。著傳諭毓奇查明比較。迅速覆奏。○甲戌。諭據明興奏。七月二十五日。歷城縣監禁斬絞重犯許四妃等九名。同時擗脫刑具。打傷禁卒。扒牆越獄。緹練逸出城牆。請將該管各員嚴加議處。並自請交部嚴議等語。歷城係省城首縣。該處監獄為解審要犯彙禁之地。理應嚴密防範。毋得稍有疎虞。乃斬絞重犯。輒敢同時越獄。緹城而逸。則是該地方官平日漫不經心。毫無防範。以致多犯黃夜脫逃。實屬懈弛已極。典史朱連傑著革職拏問。知縣宋其煒著革職。留於地方協緝。知府李昭平日不能稽查防範。著革職。一併留於地方協緝。按察使楊廷樞有通省監獄之責。歷城近在同城。尤非隔屬可比。

乃省城同日越獄之犯多至九名則其平日之廢弛玩縱已可概見。楊廷樺前於福建布政使任內因事降調。經朕加恩以按察使銜補授臺灣道。今其隨同黃仕簡辦理臺灣械鬥一案。彼時賴有黃仕簡辦理妥協。伊不過因人成事。朕尚念其微勞。事竣後復簡用山東按察使。自應感激朕恩。愈加出力。以益前愆。今於省城監獄。並不小心稽察。可見其從前辦理臺灣一案。並無片長自効。不過隨同出名而已。楊廷樺實屬辜恩曠職。僅予嚴處。不足蔽辜。著革職。掣交刑部治罪。明興為該省巡撫。於省城監獄廢弛至此。其平日漫無表率稽查可知。咎實難辭。著交部嚴加議處。至逸犯四出。城守弁兵所司何事。著明興查叅治罪。並令督飭文武員弁上緊躡緝。務期迅速弋獲。勿使一名漏網。其刑禁人等有無賄縱情弊。著一併審明具奏。○諭軍機大臣等。據畢沅奏查明開封歸德衛輝懷慶等

府屬俱臨河濱。並多水塘灘地。間段生有螞蚱。現飭地方官盡力捉捕。漸見稀少等語。看來此時尚未捕滅盡淨。已於摺內批示矣。蝗孽為害禾稼。民食攸關。今歲豫省雨澤調勻。似不應有。或因去年亢旱日久。鬱積而生。現在秋禾正當收割。關係非小。著傳諭畢沅再行查明生蝗各屬。現在曾否撲淨。於秋禾有無妨礙。其尚未淨盡處。務即嚴飭員弁遵照向來捕蝗成法。迅速撲除。務期一律淨盡。並將地下蝻子設法刨挖。以免春復生。方為妥善。本日畢沅奏審明伊陽縣奸民拒捕戕官。將起意謀害之常二等七犯照謀叛律分別斬決。凌遲一摺已批交三法司覈擬具奏矣。其未獲之秦國棟係此案要犯。情罪最為可惡。並案內在逃未獲之各餘犯著該督飭委員弁分路追拏。務期即行全獲。毋令稍稽顯戮。又細閱摺內劉廷玉係劉大毛之父。本應緣坐。因臨時畏懼未經在場助勢。僅擬



發遣伊犁為奴。未為平允。向來緣坐人犯。從不以卑幼之罪。波及尊屬。今劉廷玉先已聽從常安邦糾約入夥。不過以臨事畏懼。躲避未經同行。與不知情緣坐者。情節較重。何得以並未在場助勢。稍為寬縱。所有劉廷玉一犯。著傳諭刑部堂官。仍按照緣坐律定擬。至衙役家人。雖據供見勢兇橫。受傷逃避。但目覩本官受傷。不思抵死救護。輒敢四散竄逸。情殊可惡。將來畢沅緝獲。審明定擬具奏時。亦應照兵不顧將臨陣先逃。從重問擬。以示懲創。○又諭。前據鑲紅旗滿洲都統等奏。刑部主事佛喜保具呈。前於山東巡漕任內。辦理旗丁于士祥一案。伊幕友潘日藻得受賄銀等款。一摺。當經降旨。令阿桂於辦理富勒渾一案完竣。回京時。順道赴濟寧查辦。昨據阿桂等奏。現在江南黃運漫口。籌辦堵築事宜。將審案完結。即遵旨前赴清口籌辦。尚須稍稽時日。擬令舒常先行進京。順道赴濟寧。

查辦佛喜保具呈一案。其案內太僕寺員外郎華連布及伊家人德兒廣州俱在京中。請飭步軍統領。先行傳詢等語。著傳諭綿恩即查佛喜保呈內所稱各款。就近傳訊華連布。並德兒廣州等供詞。一面具奏。一面咨會舒常。令其查照辦理。阿桂等原摺。并著鈔寄閱看。○又諭。據常青奏。派員將雅德解赴浙江。於七月十五日。自福建起程等語。此時雅德自己解到。其罪惟在代為欺隱。始終迴護。此外亦無可審訊之處。著傳諭阿桂等速將此案定擬完結。發摺後。阿桂即赴清口。會同履勘商辦。該處自啟放二套引河後。溜勢暢順。河湖二水。日見消落。大局已定。阿桂止須將堵築事宜。與李世傑酌定章程。交與該督等妥速辦理。即行起程。前來於萬壽前趕到。行在復命。亦可無須在彼久稽也。至曹文植。於定案後。即由杭州回籍。省視伊母。舒常順道赴濟寧。查審佛喜保所控一案清楚。再來行。

在復命○以山東鹽運使錦格為山東按察使○乙亥諭據明亮等奏烏什喀什噶爾等處自五月二十四日起至二十七日節次地震尚不甚重並未倒塌城垣房屋惟恐上厯聖念是以未奏等語此事何得隱匿前據奎林奏到伊犁地震朕即慮及烏什一帶地方當亦不免因特降旨詢問今明亮等知難隱匿始行具奏豈不知朕平時辦理政務從無倦怠乃於邊疆災青竟思隱匿不報明亮等

著傳旨申飭○諭軍機大臣等據李世傑等奏司家莊漫口與洪湖僅隔一隄亟應首先堵閉先撥各工存料採割青楷攬搭動用在於上壩斜挑進占使溜勢挑歸正河少入洪湖以期張福口一帶免致濁流淤墊等語採青應用事屬難行前據該督等奏及朕即為此厯念目今民間所種秫楷尚需半月方能成熟若遽行採割不特嫩而易折做工既不得實用而民間將次成熟之糧不能刈獲充食僅

得青料之價亦屬可惜不得不暫為等候但前據該督等奏稱上游兩岸各工存料現秋汎尚須備防搶護不能多餘撥運是以欲採青撥用等語今節逾處暑盛漲將次已過秋汎之期河湖二水日見消落大局已定各工自無需搶險所有舊存物料自當酌量先儘撥用何以未據該督等籌辦及此汎清口各工亦應有積存料物何以該督等節次摺內從無一字提及殊不可解看來南河各工豫備料物未能充裕恐屬有名無實倘有虛捏情弊則每年備料之說適足為工員等浮冒侵漁地步不可不徹底嚴查著傳諭該督等即將現在各工及清口所存舊料究有若干是否如數實貯在工並何以未曾奏撥充用之處通盤詳查覈算據實覆奏若仍稍有不實不盡此而有虧空恐該督等不能當此重戾也又摺內稱周家莊一處漫口收存二丈餘尺口門以為分洩之路口門既經收窄溜

勢益覺洶湧。雖加埽追壓到底。而急浪衝動。不無復有塌墊等語。此則該督等並未著意督催所致。周家莊係屬運河隄岸。非黃河可比。該督等屢次奏稱。做有七八分工程。一二日內即可竣事。乃迄今尚未堵合。留此二丈餘尺口門。猶溜勢洶湧。時有塌墊。內河隄岸堵築多日。尚如此難於蔽工。則黃河各漫口。又何從措手耶。看來該督等及各工員。因朕加恩寬免治罪之後。轉心存懈怠。貽誤要工。殊屬非是。著傳諭該督等。督率工員。上緊趲辦。毋得仍前因循玩愒。自干咎戾。朕恩未可輕恃。而生懈怠之心也。○以故貴州麻哈州屬平定司正土官吳啟泰堂兄來奏襲職。○丙子。湖廣總督仍管河南巡撫畢沅奏豫省賈魯河節奉諭旨疏濬。今自鄭州京水莊至中牟縣張胡橋。又自祥符縣至扶溝縣雙泊河。共三萬四千六百八十餘丈。又自中牟縣至祥符縣交界故道。一萬六千一百餘丈。分

段挑挖。一律深通。查賈魯河發源滎陽大周山。會京索諸水。從鄭州中牟祥符等處下注數百里入淮。現自發源及下游一帶。河流暢順。舟楫通行。民間大有裨益。得旨欣慰。覽之。○以翰林院侍讀德昌為河南鄉試正考官。中書吳樹萱為副考官。修撰汪如洋為山東鄉試正考官。編修邵玉清為副考官。翰林院侍讀吳舒帷為山西鄉試正考官。中書陸湘為副考官。○丁丑。諭據明興奏。拏獲歷城縣越獄重犯張五。供稱七月二十三日。鉅野縣犯人許四妮等在天棚下商量越獄。至二十四日三更時。該犯等擰斷銹鐐。打開木籠。抽取天棚杉槁。接腳上牆跑逸等語。監獄係羈禁罪囚之所。理宜防範嚴密。一切刀石木棍等項。俱不准置放。原防其有行兇自戕逃竄等弊。若於院內搭蓋天棚。適足以資其扒牆上屋。今歷城縣監犯許四妮等於擰開刑具後。即抽取天棚杉槁。接腳上牆。是該監搭蓋

天棚該犯等即因此起意逃逸。實為疎縱已極。且天棚為席片竹木支搭之物。易於引火。況重囚皆係兇惡之徒。亦不宜體恤。若此嗣後刑部監及各省縣監。俱不准搭蓋天棚。致啟疎虞。再許四妃等。俱係斬絞重犯。理宜收禁。按察司獄方為慎密。按察司職分既大。禁卒人等較多。楊廷樞專管刑名監獄。乃於此等重犯。輒交縣監收禁。希圖卸責。可見其平日漫不經心。懈弛疎縱。昨已降旨革職。拏交刑部實屬罪由自取。嗣後各省斬絞重犯。俱著收禁按察司監。如有仍前在縣監收禁。以致疎脫者。一經發覺。惟該督撫臬司是問。勿謂朕言之不豫也。將此通諭知之。○諭軍機大臣等。前據明興奏。歷城縣越獄人犯至九名之多。迄今已逾十日。僅止拏獲張五一犯。可見該撫平日公事懈弛。既不能豫先防範。以致要犯脫逃。及至越獄後。又不能督率員弁。上緊躡緝。俾各犯即時全獲。實屬無能。明

興著傳旨申飭。仍令派委員弁督同兵役。將未獲各犯分投嚴拏。務期迅速弋獲。○又諭據閔鶚元奏。查勘湖河減水。匯注下河各州縣被災情形。一摺。內稱被水較重之寶應高郵甘泉。在運河以西各村莊。先行撫卹一月口糧。以資接濟等語。該縣屬上年被旱成災。今二麥甫收。又復被水淹浸。實堪憫惻。該督撫務須仰體朕懷。督率屬員。實力撫卹。俾災黎均霑實惠。其受水較輕之寶應高郵甘泉運河以東村莊。與甘泉毗連之江都及下河之興化東臺泰州等屬。雖據該撫勘明無庸先行撫卹口糧。統俟秋成後。查明成災輕重。分別給賑。但恐不無向隅。仍應實力詳查。妥為辦理。毋致一夫失所。再上年江蘇省被旱成災。共用撫卹銀三百四十餘萬兩。現在被水高寶一帶各屬。較之去歲通省被旱者有間。此次約用撫卹銀若干。及堵築漫口所需工料等銀。合計若干。並著該督撫約畧覈算。

比較據實覆奏。○戊寅諭戶工二部議覆淮安關徵收一年期滿短收正額銀一萬八千七百七十五兩零並短少盈餘銀八萬一千三百九十四兩零又海關短少盈餘銀二千四百二十四兩零又宿遷關短少盈餘銀一萬二千八百七十八兩零均請著落該監督照數賠補並請將該監督福海交部從重議處一摺固屬照例辦理第念上年豫東安徽等省俱被旱災收成歉薄兼以河道淺阻商販船隻過關稀少以致徵收短絀尚屬有因所有此次淮關短少正額銀一萬八千七百七十五兩零盈餘銀八萬一千三百九十四兩零海關短少盈餘銀二十四百二十四兩零宿遷關短少盈餘銀一萬二千八百七十八兩零又於正額內提解內務府辦公銀一萬兩均著加恩寬免賠補並免其議處○諭軍機大臣等據步軍統領衙門奏直隸永年縣民人王天才呈控刑部貼寫陶殿侯唆使

伊表兄閻培禮來京欲控該縣工房江西周等藉差折銀派累等事繼又不令呈告復私行寄書通知該縣以致閻培禮在京病斃一案細閱情節陶殿侯陳聖佐俱係吏刑二部書吏乃代王良佐包攬捐職又潛赴永年縣通同王良佐多寫借票銀數希圖誑騙銀兩而陶殿侯聞該縣民人閻培禮因本縣書役藉差派累短交折夫銀兩私受刑責輒乘機唆令來京告狀將閻培禮等留住京城廟中給以日食又復差人寄書永年縣通信令知縣出銀二三千兩送京安頓即可不告以致閻培禮在京病斃種種情節甚屬狡惡至永年縣知縣唐培洙當蠹吏陶殿侯等私赴該縣滋事之時並不拏究反斷令給與盤費回京後聞閻培禮赴京告狀竟與陶殿侯交接往來寄書通信殊屬骫法此案事關重大著派綿恩彭元瑞金簡勒保秉公嚴審定擬具奏現已傳諭劉我將該縣唐培洙及案內應

訊人證迅速解京。看來該府清格。亦有知情。故縱情事。如有應行質訊之處。亦即一面具奏。一面行文劉我。令其解任來京候質。再閱原控呈內。有該縣各房書役。藉辦差為名。勒派民夫。折價入已。倉穀散賑。皆有情弊。等語。朕巡幸所經。一切俱動官帑。絲毫不以累民。乃該縣書役。通同舞弊。藉端派累。該縣豈有不知之理。如果屬實。殊出情理之外。不但該管道府有應得之罪。即總督藩司。亦有重咎。非尋常失察可比。著傳諭綿恩等。先就在京諸犯。秉公徹底究辦。以成信讞。毋得稍有實不盡。○又諭本日何裕城奏。到六月分糧價單一摺。內價中者甚屬寥寥。餘俱價貴。自係該省實在情形。蓋緣去年湖北安徽江浙等省。前往糴買米石接濟。該省米石運出稍多。以致市價昂貴。亦未可定。是否如此。著傳諭何裕城。遇便據實覆奏。嗣後該撫所奏糧價單。均應照此覈實開報。毋得因朕有此旨。

稍存虛飾也。○以陝西按察使王昶。為雲南布政使。雲南迤東道陳大文。為貴州按察使。○已卯。熱河副都統恒瑞奏。避暑山莊。共設堆撥二十八處。一堆撥設兵十名。巡邏遇雨雪昏夜。殊難周察。酌添堆撥十二處。再此項當差兵。懇恩添賞馬甲。及養育兵。缺各一百。得旨行宮環列間。添堆撥。尚屬合宜。著加恩添馬甲百名。俾裕生計。毋庸議添養育兵。缺。○諭軍機大臣等。據李世傑等奏。司家莊漫口。已將兩頭裹護穩固。一面集料接手進占。祇因交秋未久。稗梁尚未成熟。採青未得實。用。即民間將次成熟之雜糧。先為採割。亦屬可惜。計至初十外。稗梁即可全熟。一俟林楷刈穫。即行採運交工等語。採割青楷。在做工既不適用。而民間將次成熟之雜糧。不能刈穫充食。先為採割。更屬可惜。此實無可奈何。不得不暫為等候。前已有旨諭及矣。但目今盛漲已過。河湖二水。日見消落。大局已定。各

工無需搶護。所有積存舊料。自應酌量先儘撥用。何以未據該督等籌辦。及此看來。南河各工。豫備料物。未能充裕。恐屬有名無實。倘有虛捏情弊。如各省之虧空。致差公正大臣往查。恐該督等不能當此重戾也。前經有旨詢問。諒該督等亦難於登答也。此時林楷已將次登場。該督等即應上緊採辦。集料興工。先儘緊要處所堵築。其餘陸續辦理。務督率工員。妥速堵辦。剋期竣事。毋致曠日持久。再據毓奇等夾片奏稱。浙江尾後湖南及江西在前各幫。均已過閘渡黃。漫口以上。僅南昌前等三幫。日內均可次第上閘。其漫口以下八幫。現在多雇撥船。分起撥運。俟撥過漫口。即竭力催趲。不使一船脫空。務期於本月望間。全行挽出三閘。渡黃前進等語。漫口迤下水淺處所。既須起撥。難免稽延。而三閘金門。又因溜勢湍激異常。幫船迎溜而上。每船須用夫八九名挽拽。更屬費力。看來又恐有誤。

抵通之期。朕心甚為廕念。此時漲水漸消。溜勢日見平緩。該督等務會同設法。上緊催趲。俾以次遄行。並將是否不誤抵通之處。據實覆奏。○又諭據常青徐嗣曾奏。查出富勒渾家人李世榮。跟隨富勒渾。上年自京回閩。並自閩入粵。沿途需索州縣站規。共花銀一千七百餘圓。已飛咨阿桂等查辦等語。總督家人經過州縣。輒敢需索銀數十兩至百餘兩不等。李世榮家貲富厚。看來自不獨上年在閩粵二省招搖婪索。今款蹟業經敗露。定案時。已應問擬大辟。所有常青等查出該犯得受站規花銀一千七百餘圓。即無此項銀兩。李世榮之罪。並不能輕減。有之亦無可加重。即富勒渾從容家人之罪。亦不能更加其身犯之罪。前經降旨。傳諭阿桂等於雅德等解到時。速將此案定擬具奏。即行起程。著即遵旨迅速定案。不必因常青等此次查出李世榮需索銀數。輾轉詰訊。致稽時日。況李世榮

係應解交刑部之犯。即有不實不盡。將來解京後。不難就近審訊。無須阿桂等在彼耽擱也。至富勒渾呈出廣東藩臬兩司親送供詞一款。其時富勒渾尚未解任。藩臬俱其屬員。將所訊殷士俊等供詞。索看送與尚屬人情之常。並非此案緊要情節。若因此而究詰不已。勢必將藩臬兩司解任質對。則此案何時完結。再前據孫士毅奏。富勒渾曾有將來致我離任。必使衆官皆受拖累之語。此係富勒渾暴戾乖張。口出不遜之言。伊一到浙省。即呈出口供底稿。由此觀之。未為不欲行其一齊拖入之計。況與富勒渾之罪名無關輕重。計此時雅德等早已抵浙。阿桂等即可定擬完結。發摺後。阿桂即遵旨速赴清口。會同李世傑等查勘漫口工程。○又諭。據常青徐嗣曾奏。查出富勒渾家人李世榮需索站規等因。一摺。常青徐嗣曾聯銜俱稱奴才。殊不知政體向來旗員督撫奏摺。除請安謝恩外。俱

一體稱臣。今常青係將軍署理督篆。於此等奏摺。自應照例稱臣。況同為臣僕。尊親原不係此。即稱奴才。於尊君之道。亦非有加。至徐嗣曾。原係漢員。聯銜具奏。尤不應如此。著傳諭常青。嗣後除請安謝恩外。凡遇地方事件。俱照例一體稱臣。不得仍稱奴才。並諭徐嗣曾知之。○以湖北糧道周樽為陝西按察使。○庚辰。諭太學士伯伍彌泰老成端謹。奉職中外。歟歷多年。簡任綸扉。兼司旗務。實心宣力。倚毗方殷。茲因值宿禁城。陡患疾。昇回私宅。旋即溘逝。深為悼惜。著贈太子太保。派散秩大臣一員。帶同侍衛十員。前往奠醊。仍賞給銀一十兩。俾治喪事。其任內降級罰俸處分。均予開復。所有應得卹典。著該部察例具奏。○又諭。前據寶光鼎奏。平陽縣知縣黃梅。丁憂演戲一事。該府范思敬曾面稟前撫臣福崧。又該員虧空甚多。調任溫州府。方林亦嘗赴省揭參等語。當即降旨詢問福崧。茲



據福崧奏稱在浙時並未聞有黃梅丁憂演戲之事。該府范思敬亦未面稟。至虧空一案。時刻嚴催。僅據該府方林等以催迫太甚。誠恐有累閭閻。稟請展限。亦未據揭報等語。是此事范思敬等從前並未具稟福崧。何以竇光鼐奏竟似福崧亦知其事者然。竇光鼐惟以先入之言為是不加詳查。率行誣扳。漬奏其意何居。著將福崧原摺發竇光鼐閱看。令據實明白回奏。勿再仍前固執。自干咎戾也。

○吏部議雲南巡撫劉秉恬奏南寧縣武生尹在奇被賊搶奪誣告無辜一案。請將原審覆審各員及參奏失當之該撫分別降革。諭曰。巴尼璉於屬邑搶奪重案。並不虛心審理。究出誣告情由。輒拷訊致死無辜二命。非尋常錯謬可比。巴尼璉著照部議革職。劉秉恬參奏原審知府知州意存軒輊。實屬有心偏袒。況查本內該撫從寬免其革任之案。不一而足。若此次再行留任。則外省督撫益不知

所懲儆。但念劉秉恬平日尚能辦事。且在京大員中。籍隸晉省者甚少。沈初現在出差。劉秉恬著即來京署理兵部侍郎事務。所遺雲南巡撫員缺著譚尚忠補授。富綱著降一級留任。○調鑲紅旗漢軍都統阿揚阿為鑲白旗蒙古都統。以西藏辦事大臣留保住為鑲紅旗漢軍都統。○辛巳諭曰。阿桂等奏嚴審富勒渾散法營私縱容家人各款跡及徇私曲法並不據實直陳之雅德等分別定擬斬候一摺。已批交軍機大臣會同三法司覈擬具奏矣。惟摺內將家人李世榮問擬絞候殊未平允。殷士俊李世榮俱借主人名目招搖滋事。厥罪惟均。而李世榮則係富勒渾家人。尤非殷士俊長隨可比。且沿途婪索。昨又據常青查出。由浙赴閩。及由閩赴粵時各州縣得受銀兩數目不為不多。其罪無可少減。所有李世榮一犯將來定議時著與殷士俊一例定擬絞決。○又諭據孫士毅奏拏獲假借

官親名色。詐騙魚戶之匪徒楊茂林等。審明定擬發遣。並請將左翼鎮總兵施國麟交部嚴加議處一摺。已批交該部議奏矣。此案楊茂林係施國麟族甥。該總兵平日任聽出入衙門。流寓境內。與斥革把總都司吳振龍等結交往來。並給以銀錢。以致該犯假借官親名色。在外滋事。實屬不合。施國麟難膺專閫之任。即部議上時。必係降革。所有廣東左翼鎮總兵員缺著李化龍補授。○諭軍機大臣等。據步軍統領衙門具奏。傳訊佛喜保呈訴案內。員外郎華連布及伊家人德兒廣州等供詞一摺。內稱佛喜保供出濟寧州王道亨原送過銀三百兩。伊未收受。隨分給家人衙役幕友等語。知州致送銀兩。佛喜保雖未入已。而家人衙役幕友非佛喜保者。而何與自己收受無異。乃事隔數年。現在並無入舉發。方將掩飾之不暇。而佛喜保哓哓呈辯。自行供出此等情節。殊不可解。看來佛喜保竟無

福承受主事官職。是以猜疑。督惑如此。著將步軍統領衙門原摺及所取供詞一併鈔寄舒常閱看。○又諭據孫士毅奏。暹羅國長鄭華遣使進貢請封。俟八月中旬。委員伴送赴京。其所稟懇恩欲在粵東置辦銅甲二千。領回本國防禦緬匪一節。殊屬不知分量。擬檄稿駁飭等語。所見甚是。自當如此辦理。兵丁禦敵自古皆用鐵甲。從未聞有銅甲之名。蓋銅質本脆。鎗箭易入。不能如鐵性之堅。何以該國欲於粵東置備銅甲。自係該國須用銅。勛因例禁出洋。是以捏稱備禦緬匪。須用銅甲。以掩其跡。尤屬非分干求。現已令軍機大臣將該督所擬檄稿添改發往。該督即可遵照檄諭傳示。檄曰。兩廣總督孫士毅檄諭暹羅國長。接閱該國長來稟。遣使進貢。懇請封號等因。現委員伴送來使。恭齋表文方物。由驛入都。藉副遠悃。至稱與緬匪成敵。欲在廣東置備銅甲二千。殊屬非是。天朝功令森嚴。

銅劬例禁出洋查乾隆四十六年爾父國長存日曾請買銅盤銅鑪等物前任督撫以事屬違例未經代奏今請辦銅甲更非尋常器用可比國長甫經襲職尚未得受封號宜事

恩眷不應忘分越請上瀆

聖聰且從古及今俱用鐵甲該國長豈不知銅質之脆不如鐵性之堅難資抵禦明係爾國缺少銅劬託言置備銅甲冀邀恩允尤屬非

是本部堂職任封圻惟知恪遵成憲何敢違例代奏致干愆戾用是明白檄知嗣後國長其益勵恪恭承受天朝恩寵○以陝西河州鎮總兵興奎為烏魯木齊提督○壬午諭軍機大臣等今年江南黃運兩隄俱有漫溢處所業經降旨將該督等所請治罪議處之處加恩寬免將來該督等即督率工員上緊堵築迅速歲工功過僅足相抵自不得復邀錄敘至豫省地處南河上游盛漲所過各工雖

間有陡墊該督等督率員弁兵夫分投加鑲穩固得以一律平寧殊屬可嘉俟秋汛安瀾本到屆時再降諭旨將伊等交部議敘該督等當益知感奮加意修防以承受恩眷也○以貴州銅仁協副將巴彥圖為陝西河州鎮總兵○癸未諭據浦霖奏六月二十三四等日風雨驟至洞庭湖水倒漾常德府屬之武陵龍陽二縣岳州府屬之華容縣澧州屬之安鄉縣同時被水旋即消退並未損傷人口廬舍現已修復安居無庸動項撫卹惟田禾被損及積水未消之處亟應設法宣洩乘時補種以冀有秋等語武陵龍陽等縣先因湖水陡漲田廬被淹業經降旨加恩撫卹今湖水倒漾田禾又被淹損民力更不無拮据著該撫督率所屬實力確勘查明無力之戶酌借工本口糧以資力作俾得趕緊補種晚禾至前次被水武陵龍陽二縣民修隄障業經降旨動項官為修築以示體卹此次被水隄

障有應加高培厚。向例民修者均著加恩一體動項官修。以紓民力。該部即遵諭行。○豁江蘇太倉震澤二州縣捐置義塚。元和縣淹廢田地共五十六畝。有奇額賦。○甲申諭軍機大臣等。前據步軍統領衙門奏直隸永年縣民人王天才呈控刑部貼寫陶殿侯唆使閻培禮來京。欲控該縣工房江西周等藉差派累一案。茲據綿恩等奏審訊此案一摺。內稱永平府知府清格於供事書辦前赴該府署中並不立即嚴拿。轉飭縣代為斷給盤費等語。看來該府清格顯有知情故縱情弊。其罪轉浮於知縣。必須解京審訊。著傳諭劉義即一面委員署理永平府印務。一面將清格解任。派員迅速解京。歸案審辦。並諭綿恩等解到。即秉公徹底根究。務得確情。定擬具奏。○又諭據李世傑等奏。司家莊漫口與洪湖相連。亟應首先堵閉。李奉翰書麟現駐該工。督催物料一俟採運交工。集有成數。即行興

工進占。以期剋日竣事等語。採青既於民食有礙。物料自不能即時辦有成數。該督等何不將各工積存料物先儘撥運興工進占。以俟新料陸續運工。乃坐待採青購料殊不可解。看來南河各工豫備料物恐屬有名無實。前屢經有旨詢問。何以未據該督等覆奏。該督等一俟料物備齊。即督率工員上緊堵築。剋期竣事。毋致曠日持久。至該督等所奏下河一帶州縣其被淹較重者撫卹一月口糧其餘東岸村莊及泰州東臺興化江都各州縣被水情形尚輕。民間二麥亦有蓋藏。可以無庸撫卹等語。但恐不無向隅。前於閏鶚元奏到業經降旨。該督等務須仰體朕懷實力妥辦。毋使一夫失所。此旨亦著阿桂同看。○又諭據明興奏前因衛水長發與臨清閘背相平。恐有倒灌之虞。未便啟放閘板。數日以來衛水已漸消落。汶高於衛。勢足相敵。幫船出口。銜尾遙進。無虞阻滯。運河水勢充裕。蜀

山湖水深九尺一寸。微山湖現深五尺六寸。等語。衛水連次長發。雖未灌入臨清閘口。而一經消退。該處箱口壩一帶。必有新淤。仍須趕緊疏撈。俾汶水暢出抵衛。方於目前重運。將來回空。兩有裨益。至微山湖為運河水櫃。韓莊八閘等處。全賴湖水灌輸。今年東省雨水充足。而此時湖水僅深五尺六寸。收蓄尚嫌其少。著傳諭蘭第錫明興。即督飭該道廳營。將微山湖水再行收蓄。以備今歲回空。明年重運之用。方為妥善。○又諭據陳桂森奏。上年南糧頭進幫船。於七月二十六日。全過津關。今年頭進二十三幫。於閏七月初九日。全過津關。較上年遲十三日。而二三進尚有四十七幫。計算日期。雖有閏月。竊虞遲誤等語。又據毓奇奏。現在親督弁丁。趲挽尾後各幫船。迅速過閘渡黃。其未過周家莊漫口之船。尚有六幫。覈計本月二十以內。可全行渡黃。北上等語。本年雖有閏七月。而目下節屆

白露。若在無閏之年。已是八月中旬。乃南糧頭進。甫過津關。而江南周家莊漫口以下。江西尾後。尚有六幫。此時即趕緊過閘渡黃。較之無閏之年。為期已遲。此事甚關緊要。朕心屢念綦切。因思南糧為天庾正供。固不可再議截留。但節氣已遲。若令其全數抵通。於回空受兌之期。必致貽誤。且今年天氣較涼。河凍必早。不可不豫為籌畫。著傳諭毓奇。俟將來江西尾後各幫過津時。仍照去年酌量於北倉起卸。暫行存貯。俾回空迅速。進行抵次。如可得早一日。即受一日之益。而北運河現有江廣新造撥船。明年由北倉陸續運通。更為省力。將此傳諭毓奇。並諭劉我保。奏將賜祭陳桂森。知之。並著將如何酌量起卸之處。迅速覆奏。○又諭據畢沅奏。汝州伊陽縣拒捕戕官一案。續獲在場助勢之賈端劉小黃周升等三犯。並訊出首犯秦國棟及伊弟秦國仕等。已逃往伏牛山內之丁河店。華陽關

一帶等語。該處與陝西商州湖北鄖陽地界毗連。恐該犯等聞查拏嚴急。竄入鄰境。自應一體飭屬嚴拏。著傳諭陝西湖北督撫。即選派員弁。分投嚴密躡緝。務期迅速弋獲。毋任逸颺。稍稽顯戮。○乙酉。諭軍機大臣等。據畢沅。江蘭奏。此番蝻子發生之所。共二十餘屬。而一屬之中。所種晚穀糜子。不過十分之二三。於通省秋成。並無妨礙。現仍嚴督各屬。實力搜尋。設法刨挖。地下所遺蝻子。務期淨盡。等語。蝗孽傷損禾稼。最於民食攸關。地方官果能時刻留心。思患豫防。於未生之前。將蝻子搜剔淨盡。何至遺孽遽能飛躍蔓延為害。此皆開封等所屬各州縣。不能留心民瘼。玩愒因循所致。著傳諭畢沅。江蘭。將有蝗各州縣。通行申飭。此次姑免其治罪。仍嚴飭各屬。乘此尚未播種冬麥之先。實力搜尋。設法刨挖。將所遺蝻子。剔除淨盡。毋得稍留餘孽。倘搜挖不盡。致來歲復有萌生。即應嚴叅治罪。

不能再為寬貸也。○丙戌。諭長班隨住校尉人等。每人著賞一月錢糧。○諭軍機大臣等。據李世傑等奏。節逾處暑。黃河下游水勢比前盛長時。雖已消落二尺餘寸。而上游仍見旺盛。上下工程。猶在在險要。所有存工舊料。均應留為搶護防備之用。實未能轉撥。惟銅沛廳工。少料多。前已酌撥三十堆。運赴司家莊。其外河汛內料物。亦就近撥赴王家營煙墩漫工。以為裹頭邊埽之需。均已隨時酌撥接濟。今堵築漫工。每處用料須六七百堆。及千餘堆。非另行添辦。不足濟用。此係實在情形。等語。河湖水勢浩瀚。處處既需用料。紮枕鑲而漫口既多。存工料物止可為鑲護裹頭所用。且黃水依然旺盛。上游各工存料尚應留為搶護。未能轉撥。此亦無可奈何之事。不得不暫為等候。但該督等屢次所奏摺內。何不詳悉聲明。必俟朕降旨垂詢。始行分晰具奏耶。此時新料漸已登場。該督等一俟購辦

齊全即督率工員將緊要處所首先堵築其餘亦以次辦理。剋期集事。至此次黃運兩隄漫口較多。李世傑病體尚未全愈。不能赴工督辦。若非朕於春間豫先降旨。令書麟赴清口幫辦河務。則止有李奉翰一人。斷不能彼此兼顧也。現在該督等務須同心協力。上緊督辦。書麟亦不必心存畏怯。事事留心學習。方為妥善。又據袁鑒奏查勘淮揚二府屬被水情形。摺內稱此時山盱來源未斷。下河興化泰州等處受淹之寬窄淺深難以懸擬。統俟水勢大定後。按照災賑章程。屆期確勘成災輕重。分別給賑等語。淮揚所屬各州縣上年被旱成災。今二麥甫收。田禾又復被水淹浸。朕南望災民。實堪憫惻。著傳諭李世傑督同袁鑒務須確勘成災輕重。分別給賑。實力妥辦。並嚴禁吏胥中飽侵漁。務俾災民均霑實惠。毋致一夫失所。再阿桂於初三日自浙起程。杭州至清口計程一千餘里。七八日可

到。何以李世傑等於初十日發摺時。阿桂尚未到彼。或係伊瘡疾發動不能遽行。或係渡江守風耽擱。甚為厯念。著傳諭阿桂。遇便據實覆奏。至毓奇奏未過漫口船僅止四幫。現在督令晝夜起剥趲挽。兩三日內定可剋期全竣等語。今歲漕艘北上較無閏之年。又已遲逾。恐誤回空。受兌前已有旨。傳諭該督等酌量於天津北倉起卸。該督等務於沿途儘力趲催。迅速抵津起卸。俾早一日回空。多受

一日之益

大清高宗法天隆運至誠先覺體元立極敷文  
奮武孝慈神聖純皇帝實錄卷之一千二百六十

實錄卷之一千二百六十

聖

大清高宗法天隆運至誠先覺體元立極敷文  
奮武孝慈神聖純皇帝實錄卷之一千二百六十一

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲黃旗滿洲都統軍功紀錄五次

尋常紀錄十四次臣德瑛經筵講官太子少傅工部尚書紀錄六次臣曹振鏞奉

敕修

乾隆五十一年丙午閏七月丁亥諭據保泰

蔣賜榮奏今年天氣較涼河凍必早當以八月十五日為斷如其時三進重運均過津關即將官造剝船分起全撥令軍船於楊村概行回空設或其時江廣等幫尚未過關即將在前之幫先行截住全撥其過津稍後之幫酌於北倉截留等語所奏甚為妥協前因陳桂森等奏今年頭進幫船較之無閏之年轉遲十餘日是以降旨令毓奇等酌量俟江西尾幫過津時暫行起卸存貯北倉原為回空



迅速無誤受兌起見。今據保泰等奏。如八月中旬三進幫船。全過津關。即可將官造剝船分起全行起剝抵通。如此則更省北倉截留起卸之煩。而回空亦得及早抵次。於事自為有益。著該侍郎等臨時酌量妥協辦理。諭軍機大臣等。據步軍統領衙門奏。直隸沙河縣生員董昌呈控。伊妹嫁與同縣民人李欽為妻。因伊妹身死。看有被毆傷痕。件作驗係投井而死。呈控縣府。不為究辦。請交直隸總督審訊一摺。著交劉棻提集犯證。詳加究訊。秉公定擬具奏。外省於控官之案。往往發交本管道府審辦。最易迴護。屢經降旨飭諭。此案劉棻務委隔屬明幹道府檢驗審訊。不可仍發原審府縣致蹈迴護積習。戊子。兩江總督李世傑。江南河道總督李奉翰。安徽巡撫書麟。奏。桃源司家莊漫口。奉諭首先趙堵。臣等查該處對岸上游顧家莊。灘勢兜灣。得吸川形勢。擬挑引河一道。引黃河大溜北趨。

俾司家莊一帶河槽。去洪湖較遠。不致內外通連。堵築自易。謹繪圖貼說呈覽。得旨。早應如此。尚覺遲矣。應速辦。閩浙總督雅德奏。浙江安吉營守備係湖州協外標。分防安吉孝豐三縣。安吉本州治。鈐記係安吉州守備字樣。今改州為縣。應改鑄安吉營守備鈐記。得旨。允行。下部知之。己丑。諭前因浙省倉庫虧空。不能依限彌補。特派大臣前往查辦。并於寶光鼐奏到考試摺內。批令就所聞見。據實具奏。此朕兼聽並觀之公心也。嗣據寶光鼐節次奏到。浙省倉庫虧缺。浮於報明之數。且將仙居縣知縣徐延翰。收禁生員馬寔。及平陽縣知縣黃梅。丁憂演戲等款。一同入奏。維時朕以其不避嫌怨。逐款敷陳。曾於摺內批諭。褒其公正。迨阿桂等查明該省虧缺較之從前原報之數。有減無增。而黃梅丁憂演戲等款。俱係寶光鼐誤聽人言。其實並無其事。朕以寶光鼐原係風聞入奏。即使不實。

尚不欲遽加以罪而竇光鼐仍復執辯不休  
曉曉瀆奏且現當賓興大典多士守候錄遺  
竇光鼐輒置而不辦親赴平陽等處自行訪  
查意在必伸其說而置分內之事於廢弛是  
以將伊交部議處嗣據都察院會同吏部具  
奏以該學政袒庇劣生擅離職守議以革職  
朕以竇光鼐親赴平陽等處訪查或果黃梅  
等實有情弊則竇光鼐前奏尚不為無據是  
以將原摺暫留今據伊齡阿奏竇光鼐於未  
到平陽之先潛差人赴平陽一帶招集生童  
呈控地方事件及行抵彼處於明倫堂招集  
生監詢以黃梅在任款跡生監等答以不知  
竇光鼐即發怒咆哮用言恐嚇并勒寫親供  
鎖拏該縣書役用刑逼喝等語生監把持唆  
訟學政方將約束之不暇而竇光鼐招告於  
未到之先逼嚇於既到之後咆哮發怒紛紛  
若狂實屬大孤厥職若生監等因此挾制官  
長顛倒是非實足以長惡習而助刁風而竇

光鼐執意妄行竟欲以生監等筆據為驗是  
其舉動乖張贅亂朕亦不能為之曲庇矣竇  
光鼐科分較深學問亦佳從前未經陞用者  
即因其性情偏執遇事輒挾私見是以遲遲  
耳近念其學問尚優歷俸最久仍用至侍郎  
留學政之任理宜安分守職承受朕恩乃於  
浙省一案執辯不休無故陷人於忤逆名節  
有虧之事今復招集生監逼令指實而置目  
前錄科之事不辦徒令合省生監守候多時  
幾誤場期如此若再姑容則何以為曠職生  
事者戒竇光鼐著照部議革職其吏部右侍  
郎員缺著金士松調補所遺兵部左侍郎員  
缺即著劉秉恬補授其浙江學政著顧學潮  
暫行署理今年為更易學政之年屆期有旨  
另補諭軍機大臣等據李世傑等奏各廳  
舊料每工俱有存貯實無虧缺祇緣漫口較  
多在在需料前已酌撥附近各工舊料以為  
各處盤護裹頭并堵築周家莊及碧霞宮等

處口門之用。堵築黃河各漫口。需料尤多。不得不廣為籌計等語。此亦無可奈何之事。但該督等屢次摺內。何未詳悉聲明。前經降旨諭知矣。碧霞宮係朕南巡時。經臨拈香之處。昨經阿桂奏稱。此時缺口。雖已堵閉。而該處地屬低窪。積水無從宣洩。現辦車庠以冀速行洩出等語。是現在積水尚未全消。碧霞宮受淹已久。難保無坍塌損壞。著傳諭該督等。即將碧霞宮廟宇。有無浸損之處。迅速據實覆奏。並繪圖貼說呈覽。再該處大小衙署。水過後。各官自行料理。尚可居住。此外居民房屋。何能經水淹浸至月餘之久。坍塌必多。將來洩出後。該督等如何妥為料理。俾災民得以安居。并慎防將來遇水大之處。並著酌籌覆奏。又諭據毓奇等奏。江西重運漕船前因周家莊漫口掣溜。陡遇淺攔。共攔傷船五十四隻。除搶起乾米裝運赴通交納外。其微漚米九千八百五十四石。即就近在山陽清

河一帶減價賣給災民充食等語。所辦甚是。此次江西幫船淺攔。該丁等庠救修船。不無多費。其情形已屬可憫。所有微變米石為數較多。若如該督等所奏。令於通幫餘米內買補交納。恐該丁等力有難支。至各幫食米有限。即令通盤易換。仍屬不敷。運丁尚覺拮据。朕心有所不忍。著傳諭毓奇等。悉心籌酌。或照前屆每船酌量賞卹。或分別借給之處。即速酌定奏聞。候朕再降諭旨。至摺片稱。尾幫或有不及抵通者。將應在楊村全數起剝回。空若干。應在北倉截卸若干。另行具奏請旨等語。前因本年重運較遲。恐回空受兌。或致遲誤。已有旨諭令於尾後各幫過津時酌量在北倉截卸。該督等即遵照前旨。會商妥辦。總期無誤回空。俾得遄行抵次。仍著速奏來尋奏。江西攔損丁船五十四隻。懇恩每船賞銀八兩。以示優卹。再本年江西漕船十三幫自輓進江口。即值河口淤淺。後又因漫口掣

溜阻滯月餘現沿河加緯趕趨仍需起剝上壩以速回空費倍往昔並懇恩每船借給銀二十兩分作兩年扣繳歸款得旨允行下部知之又諭據明興奏歷城縣重犯越獄一案審明禁卒兵役人等分別治罪一摺已批交該部議奏矣此案越獄人犯多至九名節經降旨令該撫嚴行躡緝乃前據奏到僅獲張五一一名迄今又隔半月尚有逸犯八名之多何未據該撫將拏獲之處續行奏報足見漫不留心著再傳諭明興派員上緊根緝俾要犯速行就獲立正刑誅毋使遠颺漏網庚寅諭本日據御史祝德麟條奏江浙漕務水利地畝等事又徐如澍奏請將本年廣額十五名於北皿南皿中皿試卷內一體分派二摺朕披閱之下俱係無關緊要本年係鄉試之期近來御史奏事者頗多並非留心建白不過觀覲出差地步即如祝德麟條奏江浙漕務水利等事不過尋常事件早何不奏

必待此時條陳甚至徐如澍竟不顧科場處分條例輒行入告其非希冀入簾而何所有祝德麟條奏雖為無關緊要之件其是否可行之處著交該部議奏至徐如澍明知科場條例處分輒行陳奏且於摺內聲明籍隸貴州並無兄弟親戚應試等語試思徐如澍籍隸貴州即無兄弟親戚豈無同鄉故舊及相識應試者更屬取巧徐如澍著交部議處嗣後科道等凡遇鄉會兩試屆期前一月之內係陳奏特參大員申寃理枉迫不及待者准其入奏外其有關科場事務及尋常事件一概不准屆期違例具奏以杜僥倖陋習著為令又諭據李世傑等奏本年黃運兩河漫口數處一切修築撫卹及善後事宜需費甚鉅請暫開捐例等語納貲授官本非善政如川運軍糧之事需用浩繁偶一行之旋即停止而自停止以來十有餘年亦從未有人再以開捐奏請者方今帑藏充盈足敷供億李

世傑等何必鯁鯁過計為言利之請乎。朕思泉貨本流通之物。與其聚財於上。毋寧藏富於民。朕即位初年。戶部銀庫計不過三千餘萬兩。今五十餘年以來。仰蒙

上蒼嘉佑。年穀順成。財賦充足。中間普免天下地丁錢糧三次。蠲免漕糧兩次。又各省偏災賑濟及新疆兩金川軍需所費。何啻億萬萬。即去年江南等處賑費。亦至千餘萬。然現在戶部庫銀尚存七千餘萬。較之即位初年。已多一倍有餘。朕壽已高。距歸政之期。屈指九年。若非因上年各省荒旱。賑卹所需。用去帑銀一千四百餘萬兩。則尚欲於此數年內。設法施恩。以散帑項。至歸政時。庫藏較即位時。自必尚有盈餘。又何必於此時轉以要工費用。稍為靳惜乎。況現在科目出身人員。足敷任使。而川運軍糧報捐之人。尚有未經銓用者。內外職官。額缺止有此數。若捐例一開。正途必至壅滯。有早歲登科。至皓首不得一登

仕籍者。朕方為寒畯疏通進身之階。每屆數科後。即舉行挑選一次。又豈肯令賢郎壅其仕路乎。在捐納中。原未嘗無人才可用。而難泝。即因之並進。且博得臚任。一兩年內。其所得廉俸。即可贏於所出之貲。在國家並無實際適足以遂其壅斷之私。於銓政官方兩無裨益。此奏斷不可行。並將此通諭知之。又諭曰。富勒渾受朕深恩。簡任封疆。擢用總督。歷練亦久。資格較深。是以由閩浙調用兩廣。委以海疆繁劇之任。乃伊竟志得意滿。縱容家人長隨。闊通婪索。營私舞弊。浸無覺察。形同木偶。已屬知情故縱。又於兼署粵海關印務時。聽從家人長隨等慫恿。勒令書吏豫繳銀一萬九千餘兩。存貯私宅。希圖侵蝕。及見家人贓私敗露。始奏請歸公。勒結存案。為掩飾推卸之計。其先侵後吐。罪無可寬。著依擬應斬監候。秋後處決。至雅德於富勒渾家人招搖婪索。亂法營私各款。舒常遠在隔省。尚

有風聞。豈伊與富勒渾久在同城。轉毫無見聞。經朕降旨密訪。並不據實直陳。且反飾詞保奏。其昧良徇隱。甘心面欺。情節甚為可惡。即應照故出人罪律。與富勒渾同擬斬候。亦屬罪所應得。但念其僅止徇隱。尚無侵貪款跡。與富勒渾之真贓實犯者有間。雅德著加恩免其治罪。從前阿桂等定議。將浙省清查虧空案內。留抵銀十三萬九千餘兩。著落富勒渾雅德。福崧名下。分賠歸款。除雅德本分應賠之外。所有富勒渾家產。已經查抄。伊名下應賠銀兩。即著落雅德全數代賠。以示懲儆。仍俟伊到京後。再行派差贖罪。以觀後效。至福崧在浙江巡撫任內。尚無別項劣蹟。其咎在於不能實力督催。以致逾限不完。又復公堂設誓。有乖政體。前經加恩。令其署理山西巡撫。部議革任時。降旨俟富勒渾雅德定案後。一并另降諭旨。福崧著從寬免其革任。仍註冊。俟八年無過。方准開復。至殷士俊。李

世榮。借主人名目。招搖滋事。厥罪維均。且李世榮係富勒渾世僕。尤非長隨可比。何以阿桂等轉將該犯定以絞候。實屬寬縱。阿桂曹文植舒常伊齡阿俱著交部察議。殷士俊李世榮俱著即處絞。辛卯諭軍機大臣等。據陳桂森奏。本年漕船尾後浙江湖南江西等幫。現已陸續渡黃。抵直時。恐為期較遲。遵旨仍照去年在北倉起卸存貯。一面即在北倉剝運等語。前因倉場侍郎保泰等奏。南糧如於八月十五日全數過津。即可將撥船起剝。抵通。毋庸截留北倉。若其時江廣等幫尚未過關。即將已到之幫。先行起剝。其續到幫船。再行酌量截留北倉。所奏似屬可行。已明降諭旨。令該侍郎等臨時酌辦。陳桂森想尚未接奉前旨。著傳諭毓奇等。仍照保泰等所奏辦理。於八月中旬以前。三進幫船如已全過津關。即可省北倉截卸之煩。而回空亦得迅速。抵次。總期得早一日。即受一日之益。將此

傳諭毓奇劉我並諭保泰蔣賜榮陳桂森。知之。又諭據孫士毅等奏。詢問藩司許祖京。臬司姚棻。將審問殷士俊等供詞。呈送富勒渾閱看一節。該司等堅稱。若實在曾經送過。則明知供詞在富勒渾處。前次何敢供稱。令富勒渾交出作證。自取敗露。況每進見必與督糧道吳延瑞。南韶道德爾炳阿。同見。實未送過。供詞等語。孫士毅派委兩司審訊。殷士俊。李世榮。招搖婪索各款。其時富勒渾尚未解任。藩臬皆其屬員。將所訊供詞送看。或富勒渾索看。不敢不與。皆屬人情之常。並非緊要情節。於富勒渾罪之輕重無涉。富勒渾即閱看後。亦斷不能於罪名私有增減。且前據孫士毅奏。富勒渾曾言。將來致我離任。必使衆官皆受拖累。此係富勒渾暴戾乖張。口出不遜之言。而伊一到浙省。即呈出口供底稿。是明係富勒渾乖戾性成。不顧體面。借呈送供詞一節。陷害兩司。欲行其一。齊拖入之計。

朕若窮加究詰。勢必將藩臬兩司解任來京。令與富勒渾質對。豈不轉墮其術中乎。成何事體。著傳諭孫士毅。即諭知許祖京。姚棻。以此事無關緊要。即曾經呈送。亦非大咎。令伊等安心供職。不必心存畏懼。俟詢問富勒渾後。再降諭旨。至許祖京。姚棻。既堅稱未經呈送。供詞。則富勒渾呈出底稿。又從何得來。或係承審府縣各官。及承行書吏。私行錄供。呈送。亦未可定。著將孫士毅原摺。鈔寄舒常閱看。遵照此旨。向富勒渾嚴切根究。令其據實登答。迅速覆奏。毋任支飾。又據孫士毅等奏。粵東近來雨水畧稀。虔申步禱。於閏七月初二三日。得雨入土。計有四五寸等語。現在曾否續得雨澤。田禾有無妨礙。並著孫士毅等迅速覆奏。以慰廛念。尋奏自閏七月中旬。以後。連得陣雨。淋漓高低田畝。晚禾一律長發。得旨覽奏欣慰。又諭據劉我奏。據大名。元城二縣知縣稟報。本月十四日夜。有賊人手

執器械擁入縣署。砍死該縣家人監夫刑書人等。並同時擁入道署。該道熊恩紱出堂喊令家人把守庫門。遇賊被殺。衙役家人火夫傷死者共十六名。賊衆旋即逃逸。當於廂房內搜出匪犯五名。草帽三十九頂。其餘賊衆俱聞拏奔竄。殺死守門兵丁三名。逸出城門。現在尚無弋獲。請將大名協副將舒通額革職。拏問大名縣知縣吳之珩。元城縣知縣沈雲尊革職。留於地方協緝等語。大名元城二

縣衙署同在府城。而道府副將又同城駐劄。該處衙役兵丁必多。非山僻小縣可比。乃賊犯等輒敢多人。晝夜擁入縣道衙署。殺死本道。並砍殺家人兵役多人。出城逃逸。實屬罪大惡極。目無法紀。該署副將舒通額近在同城。並不即時帶領兵丁堵禦截拏。竟任其肆行無忌。結衆奔逃。並無一名擒獲。則其畏葸無能。已可概見。自應革職拏問。以示懲儆。至賊衆等聚集多人。其平時必有糾約商謀情

事。該縣知縣既漫無覺察。而於廂房內拏獲匪犯五名。草帽三十九頂。又不即時訊取供詞。究出為首何人。黨與何人。乃僅以一稟塞責。殊屬糊塗。自應即予革職。俟劉戡前往查詢確情。具奏辦理。至大名一帶與豫東二省毗連。該犯等逃逸後。必越境奔竄。著傳諭畢沅。明興。迅速選派明幹員弁。各於交界處所嚴密堵截。如擒獲一名。即先行訊供。一面奏聞。一面即於該處正法。毋庸解送直隸。以致

輾轉疎虞。此時劉戡已率同臬司。遊擊帶兵前往全保。亦由正定起身。前赴大名著傳諭該督等。務須上緊搜緝。先將現獲之五人。訊究何處人氏。是否案內正犯。平日如何商同糾約。即從此根究。躡緝。或熊恩紱平日有殃民劣蹟。以致如此。亦未可知。不可隱諱。況道縣二署同時皆有賊人進內。又欲刳囚搶庫。同夥賊匪自必衆多。不可因其搜獲草帽三十九頂。遂信為實數。以致賊衆漏網。務俟



不畏死之徒。悉就拏獲。以正刑誅。不可令其遠颺。致稽顯戮也。將此由六百里各傳諭。知之大名距省不遠。想劉莪此時自己早抵該處。仍將查明起釁情由。並續獲要犯幾名之處。迅速馳奏。壬辰。諭據蘭第錫等奏。現在節逾白露。黃河水勢安瀾。工程平穩等語。本年豫省河工。自七月中旬以後。屢次報長。各工在在險要。蘭第錫。單沅。督率員弁。分投搶護。江蘭亦常川在工查辦。不辭勞瘁。各工得以一律平寧。現在節過白露。秋汛具報安瀾。蘭第錫。單沅。江蘭。俱著交部議叙。所有在工出力文武員弁。並著該督等查明。一并咨部。照例議叙。諭軍機大臣等。據劉莪奏。據大名。元城。二縣續稟。會同營員督率兵役。拏獲王國柱。王八。二名。同前獲之許三等五名。嚴加究問。據稱。向隨八卦會。會首係山東單縣人劉洪。現在單縣監禁。頭目係廣平縣段文經。元城縣徐克展。伊等均入其會。於十四日

齊集許三家內。夥同殺官搶庫。刦獄。再救單縣劉洪等語。該犯等以邪教餘孽。竟敢夥同殺官搶庫。刦獄。實屬罪大惡極。據供欲救單縣劉洪。此時或竟潛往彼處。滋事不法。亦未可定。著傳諭明興。迅速前往單縣。監提劉洪。究問黨與何人。伊弟二洪。現逃往何處。一面遴委員弁。分投緝拏。究訊一面。即將劉洪帶至省城。嚴行監禁。以便訊究。至劉莪現在自己馳抵大名。務將此案逸犯。迅速嚴拏。務獲盡法懲治。毋使一名漏網。以致復留餘孽。其大名。元城。兩縣知縣。能督率兵役。拏獲要犯。尚屬能事。且大名縣吳之珩。曾經受傷。著加恩。均各暫行革職留任。令其戴罪自効。以資駕輕就熟。緝捕較為得力。俟此案完結。劉莪查明起釁緣由。具奏到日。再降諭旨。至該犯等供稱。八卦會頭目。係籍隸廣平。元城。二縣。此二犯現曾否就獲。何未據奏。及熊恩紱在任。未能先事查拏。該督前稱伊幹練。今觀其

諸事廢弛。竟有取死之道。現在新放大名道陳昌圖。昨來熱河。召見。朕觀其才具。係屬書生。且甫經外用。恐於緝捕要犯。整頓地方。不能得力。已降旨。將龍舜琴調補大名道。陳昌圖調補通永道。朱瀾仍令暫回清河道之任。該員即不能勝任。與總督藩臬同城。亦未必遂至貽誤。俟將來事定後。再行更調。未為遲也。再鉅鹿縣越獄一案。現已拏獲五犯。應速行定罪。尚有一犯未獲。或即係此案匪犯。勾通滋事。先試其伎倆。亦未可定。著傳諭劉莪一體留心究問。至此案克犯人數衆多。借燒香念經邪教為由。煽惑鄉愚。竟敢糾衆劫囚。搶庫害官。若果係欲救劉洪。自當在單縣剗牢。何乃舍近就遠。轉在大名滋事。或竟有豫謀叛逆起事等情。均未可定。劉莪至彼。當先就獲犯嚴切審訊。明與亦當向劉洪嚴加根訊。不可任其狡飾。再此等克犯多條不逞之徒。劉莪至彼。訊得實供。即先行正法。多辦數

人。以儆克逆。不可久留羈禁。或又致有搶剗脫逃之事。亦不可任其輾轉扳引。多有拖累。以致人情不安。或生別事。更屬不成事體。將此由六百里各傳諭知之。又諭曰。劉莪奏八卦會會首劉洪。係邪教劉省過次子。伊三子三洪。已賞給功臣為奴等語。三洪係賞給何人。著傳諭留京王大臣。即行查明。拏交刑部監禁。毋致聞信脫逃。又諭據李侍堯等奏。奏急玩廢弛之利川縣知縣陳象渭請旨革職一摺。內稱。該縣民人李谷池妻周氏。自縊身死一案。係四十九年報縣驗訊通詳。其致縊情由。迄今兩載。未據審詳等語。特成額。在湖廣總督任內。於地方命案事件。自應飭令速行審結。乃此案係四十九年詳報。該督並未催查。一任該縣遲延不結。不行參奏。其於公事廢弛。已可概見。現在調雲貴總督。地方事務較繁。尤宜加意整頓。事事認真。若復仍前怠忽。則是自取愆尤。殊負朕委任封圻

之意並將李谷池一案從前何以不行參奏之處據實覆奏。癸巳禮部內務府遵旨會奏查會典載固倫公主冠服儀衛視親王福晉和碩公主視親王世子福晉再恭查

欽定皇朝禮器圖式所載公主朝冠金約等制甚詳謹繕單進呈請嗣後照禮器圖製辦公主儀衛會典載銀頂轎朱輪車諸制與親王同亦繕單進呈請嗣後照會典製造至護衛一項查和敬固倫公主下嫁時陪送人等十

二戶內頭等護衛二員二等四員三等四員五六品典儀各一員和嘉和碩公主陪送人等十戶內二等護衛二員三等四員六七品典儀各一員請嗣後各照例揀放其辦理家務長史一缺例於內務府廢員內簡放固倫公主長史給三品銜和碩公主長史四品銜諭曰固倫公主分內著定為三品翎頂長史一員頭等護衛一員二等護衛二員三等護衛二員六品典儀二員和碩公主分內著定

為四品翎頂長史一員二等護衛二員三等護衛二員六七品典儀各一員不必拘定陪嫁人戶聽從公主隨便揀放餘依議。又諭現在三公主府內官員護衛等不必照新定之例即行裁減俟將來出缺時毋庸再補以符新例。又諭戶部議駁徵瑞奏請長蘆商人應完正餘引課展限八年一摺固屬照例辦理但念該商等應完課項為數較多若同時並徵未免竭蹶所有長蘆應完正餘引課原分三年帶徵者著加恩分作六年帶徵以紓商力。又諭戶部議覆潯墅關徵收一年期滿短少盈餘銀二十九萬四千七百七十餘兩請令四德照數賠補並請將該監督交部議處一摺固屬照例辦理第念上年湖北安徽等省收成歉薄而豫東二省亦因被旱失收商販稀少以致過關船隻無幾稅課短少尚屬有由著加恩寬免銀二十八萬其餘銀一萬四千七百七十餘兩著令賠補並從

寬免其議處。諭軍機大臣等前據步軍統領衙門奏傳訊佛喜保及伊家人廣州德兒等供詞已鈔寄舒常閱看。順往該處查辦。如舒常業抵濟寧查訊清楚。於發摺後速來行在復命。若此時人證未齊。或舒常以押帶富勒渾一案人犯行走稍遲。現尚未到濟寧。即毋庸繞道至彼。徑至行在復命。再於此處查辦。亦無不可。無須為此不關緊要之事。徒耽時日也。又諭大名府邪教餘孽段文經等糾衆殺官一案。已節次傳諭該督等上緊查拏審辦矣。該處道縣二署同時皆有賊人進內。又欲刦囚搶庫。同夥賊匪自必衆多。即以搜獲草帽三十九頂而論。現在止獲七名。尚有三十二名未獲。劉莪此時自己抵彼。曾否續獲要犯幾名。務須督率兵役上緊搜捕。若躡緝稍遲。該犯等四散竄逸。改裝潛匿。恐更難追捕也。現據明興奏得信後。已親赴冠縣交界處所一體截拏。該督等務彼此咨會。設

法搜緝。俾逸犯盡數拏獲。正法毋使一名漏網。至該犯等所供頭目段文經。徐克展。籍隸廣平元城。此二犯尤為案內首惡。居址姓名確鑿。無難躡緝。現在獲否。何以尚未據該督奏到。劉莪當先就現獲各犯嚴訊確情。迅速覆奏。不可任其支吾狡飾。甲午諭曰。沈初現出學差。劉秉恬尚未來京。兵部漢侍郎乏人。所有沈初右侍郎事務著汪承需兼署。諭軍機大臣等據毓奇奏江西漕船十三幫計算到津時日已遲。但北倉廩座不敷收貯。擬令在前之贛州等六幫所裝米三十二萬餘石。趲抵楊村。盡令新造撥船撥運上壩交納。其江西在後之安福等七幫裝米三十二萬餘石。即在北倉起卸等語。前據倉場侍郎保泰等奏南糧如於八月十五日全數過津。將撥船起剝抵通。毋庸截留北倉。若其時江廣等幫尚未過關。即將已到之幫先行起剝抵通。其續到幫船再行酌量截卸一摺。所奏

事屬可行。已明降諭旨矣。今毓奇所奏亦為酌籌調劑起見。著將原摺鈔寄保泰等閱看。令其會商妥辦。總期糧艘迅速起卸回空。得早一日抵次受兌。即受一日之益。將此傳諭保泰。蔣賜榮並諭毓奇知之。乙未諭曰。和珅著補授大學士。管理戶部事務。福康安著補授吏部尚書。協辦大學士。仍留陝甘總督之任。其吏部尚書事務仍著和珅兼管。戶部尚書員缺著福康安補授。兵部尚書慶桂出差之缺著綽克托署理。行在兵部事務仍著福康安帶管。戶部左侍郎著諾穆親轉補。其右侍郎員缺著松筠補授。松筠現在出差。錢法堂事務仍著諾穆親兼署。諭本日據伊齡阿奏。寶光竄在平陽城隍廟。多備刑具。傳集該縣書吏追究原任知縣黃梅款蹟。生監平民人等一概命坐千百成羣。紛紛嘈雜。及由平陽回省。攜帶多人坐船。由溪河晝夜行走。以致水手落河淹斃。抵省時稱黃梅款蹟。

不是丁憂演戲。乃另有呈控之案。曉曉執辯。並有不欲做官。不要性命之言等語。此事之始。朕因寶光竄為該省學政。適該省有虧空之案。因令就所見聞陳奏。此朕明目達聰兼聽並觀之意耳。即使所言不實。亦祇係風聞入奏。斷不以此遽加之罪也。今伊所稱黃梅丁憂演戲等款。皆節外生枝。况業經阿桂等審係寶光竄誤聽虛誣。朕亦並未加之譴責。寶光竄當知感激朕恩。安靜供職。乃現屈竇興大典多士在省城守候錄科。伊竟親赴平陽咆哮生事。而置目前錄科之事於不辦。是以將伊革職。此寶光竄自貽伊戚。其罪並不在于言事不實也。茲復據伊齡阿奏。寶光竄回省時攜帶丁憂典史及生監等多人。以為質證。且言不欲做官。不要性命等語。看來寶光竄竟係病瘋。是以舉動顛狂。若此。伊於黃梅丁憂演戲一節。始則誤聽人言。欲以忤逆不孝之事污人名節。今赴平陽訪查此事屬

虛復言黃梅任內另有別項款蹟以實其說如此乖張贅亂不但有乖大臣之體且恐煽惑人心致啟生監平民人等訐告官長效尤滋事之風不可不嚴行懲儆僅予革職不足蔽辜實光寵著拏交刑部治罪諭軍機大臣等據劉我奏接據大名元城二縣稟報拏獲匪犯徐克展之母徐李氏據供有廣平郝潤成去說徐克展同段文經往山東單縣通天寺集村呂棟家藏匿等語匪犯等既藏在單縣呂棟家無難跟蹤緝獲前已有旨令明興速往單縣監提劉洪究問此時自己馳抵該處因何尚未奏到著傳諭該撫迅速親往集村呂棟家將要犯徐克展段文經及呂棟一并嚴拏務獲並會首劉洪各訊取確供速奏再廣平郝潤成往來通信亦屬此案要犯此人曾否就獲何以劉我摺內並未據奏及至大名元城兩縣查拏要犯家屬究出潛逃蹤跡看來竟屬能事前已有旨將伊二人從

寬留任劉我到彼當督令盡拏餘黨以贖前愆其二人中誰為辦事出力亦著奏明至該犯等借焚香念咒邪教為由煽惑鄉愚竟敢糾眾殺官刦囚搶庫其黨與自必眾多該督等務彼此咨會設法搜緝嚴究夥黨將逸犯盡數拏獲正法毋使一名漏網再劉二洪一犯前據劉我奏業經在逃本日據留京王大臣奏審訊分給果昇阿家為奴之劉永慶據供伊兄二洪已經早故想是遮飾之詞著劉我明興查明該犯是否病故屬實一併迅速覆奏又諭本日據江蘭奏片內稱蘭陽十四堡挑水壩頭溜勢坐灣漸已刷深時有墊陷當即趕鑲穩實等語看來黃河水勢長發各工多有墊陷之處何以從前並未據蘭第錫等奏過現在節逾白露河流順軌前已降旨將該督等交部議叙並將任工各員一併查明照例議叙矣嗣後該督等益當慎重修防俾隄工永資穩固至本年秋收分數前已

於摺內批示令畢沅等即行奏報何日來尚未據奏到著傳諭畢沅等即將本年通省秋成約有幾分及江蘭所奏蘭陽十四堡工程是否堅實穩固之處據實覆奏以慰廛念丙申

上御卷阿勝境賜扈從王公大臣蒙古王公台吉等食至己亥皆如之諭軍機大臣等據福崧奏晉省路當孔道差務較繁額設所夫遇有不敷即須隨時添雇以資應付所有平

樂等八州縣節年以來共長支過工食銀一萬零七十五兩請分為兩股在於濫行出借及歷任不行清理之各員名下分賠一股勒限一年完繳等語此項銀兩自係歷任巡撫不能及早清釐以致濫支流抵况臬司有專管驛站之責若第於各州縣名下追賠而巡撫臬司轉得置身局外未為允協著將前項銀兩分為十成在於歷任不行清理之巡撫名下分賠三成臬司分賠二成其餘五成即

著落各員名下分賠仍勒限一年完繳以清庫項又諭據實蹟奏粵東惠州等府早稻收成通計八分有餘又據孫士毅奏七月以前雨水未能霑足民間望澤甚殷現在齊潔祈禱等語是粵東省城目下正在祈雨而該總兵尚稱雨水調勻未免意存文飾但該總兵或因駐劄惠州距省稍遠祇就該處情形查報具奏致與督臣所奏不同尚屬情理所有惟實蹟前於弁兵租賣火器火藥與盜犯譚華瑞一案漫無覺察咎實難辭已加恩降補開化鎮總兵當益加奮勉整飭營伍自贖前愆若因降補總兵更復因循玩愒則是自取重戾恐不能再邀寬宥也丁酉諭據毓奇奏浙江金衢所幫旗丁胡公安船湖南頭幫旗丁熊之都船二隻於迎溜上閘時緣溜勢涵湧掙斷頭纜搶救不及登時傾覆在船漕米衝淌無存共淹斃男女大小五名所有應賠船隻請官為給造其淌失米石情願同

該糧道照數賠補等語。此次漕船上開實因黃運同時並漲溜勢涵湧以致傾覆非長河行走挽駕不慎者可比。所有應賠船隻著准其給料成造。衝淌米石著加恩免其賠補。其淹斃人口殊堪憫惻著於例賞外加倍賞卹。諭軍機大臣等據阿桂等會奏查勘漫口水勢情形分別先後酌籌堵築並將收蓄事宜豫行籌定一摺諸凡皆妥如所議行已於摺內批示矣。阿桂現已起程來京。李世傑李奉翰等即應遵照議定章程督率工員分投趕辦。按日計工務期於九月內將各漫口一律堵築完竣毋致曠日持久所需工料銀八十餘萬兩亦已照所請飭部撥給。至前摺稱先行堵築司家莊漫口於對岸顧家莊灘上抽挑引河引溜北趨等語此處引河工成後能否引溜並著該督等於挑完開放時即行速奏。至阿桂等另摺奏稱黃運兩河卑矮隄工應行加培高厚及臨湖浪掣石工應行修

補完整約估需銀三十四萬餘兩一摺修築隄岸原所以為河濱民生永資捍衛豈可惜費。但期實工實料庶幾帑不虛糜該督等務勉力為之母使工員稍滋浮冒。又諭據畢沅奏續獲伊陽縣拒捕害官案内在場助勢之奸民秦蘭等三名供稱要犯秦國棟等現逃往陝西。雖南湖北鄖西等語前因秦國棟逃逸後已降旨湖北陝西各督撫上緊緝拏今已閱半月何尚未據該督等奏報拏獲本日雖據永保奏派委臬司王昶前往查拏亦祇係空言並未弋獲。今豫省訊出該犯逃至雒南鄖西等處。雖南係商州所屬鄖西係鄖陽府所屬均與豫省毗連著再傳諭李侍堯李封選派員弁分投前往永保再飭知王昶嚴密躡緝務期迅速就獲毋任再行遠颺致稽顯戮。又諭據劉綬奏於二十二日馳抵大名據革職副將舒通額差弁前赴肥鄉會同該縣王步瀛拏獲素與段文經徐克展等



來往人犯十名。又續獲人犯五名。連前獲七名。共已獲二十二名。審訊大概情形。並搜獲許三家所藏字紙咒語。進呈一摺。該犯等邪教餘孽。借焚香念咒為由。竟敢編造逆詞。煽惑鄉愚。公然糾衆殺官。搶刦監庫。看來竟有謀為不軌情事。實屬罪大惡極。不可不徹底根究。翦滅根株。此時自又續獲幾名。為首之段文經。徐克展等。曾否就獲。著傳諭劉裁。即將已獲各犯。審明正法。後餘犯交與該道龍

舜琴。上緊緝捕。務獲即可起身。赴行在。毋庸在彼久住。轉駭觀聽也。若尚不可離。即在彼嚴辦。或竟往單縣。同明興速辦。不必以遵旨來行在為急。至此案匪犯籍隸大名元城者多。且為首之段文經。即係大名道衙門。卑頭。其往來糾約。必非一日。該道熊恩。緣黃夜被殺。固屬猝不及防。而其在任時。不能先事訪察。及早查拏。實有取死之道。再署副將舒通顯。差弁跟緝。拏獲匪犯多名。且賊匪滋事

之夜。各賊聽聞鎗聲。始行跑到西門。砍傷門軍。逃逸。被兵役追趕。鎗傷數賊。是兵丁尚知奮勉捕賊。其被賊殺傷。由於衆寡不敵。事起倉猝。非平日廢弛怠玩者可比。著傳諭劉裁。查明該署副將。於賊匪滋事時。如曾率兵擒捕。將來定罪時。即可稍為輕減。至該犯等糾衆不法。據供欲救單縣劉洪。況段文經在外。歛銀托呂棟送入單縣監內。轉交劉洪。是該縣監獄。竟毫無防範。匪犯得以肆行出入。已

可概見。前經有旨。令明興速往單縣。監提劉洪。究問。並查拏段文經。徐克展。呂棟等。此時自早已馳抵彼處。何尚未據該撫奏到。著傳諭明興。即將現獲幾犯。及訊問劉洪口供。迅速覆奏。此外未獲要犯。著將劉裁奏到名單。鈔寄閱看。各按姓名住址。令該撫。躡緝務獲。審明正法。毋使一名漏網。以淨根株。又據劉裁奏到單內。未獲逸犯張均德。一犯係肥鄉縣人。據稱已赴河南汝陽縣東。西韓洞集村。

趙姓家藏匿等語。著傳諭畢沅迅速飭屬嚴密查拏。務獲審明取供具奏。戊戌諭據寶光鼐奏親赴平陽查出黃梅以彌補虧空為名計畝派捐。每田一畝捐大錢五十文。又每戶給官印田單一張。與徵收錢糧無異。又採買倉穀並不給價。勒捐錢文。洎任八年所侵吞部定穀價與勒捐之錢計賊不下二十餘萬。並據各生監繳出田單印票收帖各檢一紙呈覽等語。前據伊齡阿奏寶光鼐回省攜帶生監多人以為質證舉動顛狂且恐煽惑人心啟訐抗告官之漸。是以降旨將寶光鼐拏交刑部治罪。今觀寶光鼐所奏又似黃梅實有勒派侵漁之事。且有田單印票借票收帖各紙確鑿可據。豈可以人廢言。前因浙省勒限彌補虧空恐該州縣中有不肖之員藉端勒派擾累閭閻屢降諭旨飭禁。今黃梅借彌補而勒捐既勒捐仍不彌補以小民之脂膏肥其慾壑婪索不下二十餘萬似此貪官

汙吏而不嚴加懲治俾得網漏吞舟不肖之徒轉相效尤於吏治大有關係。若寶光鼐果有賄買招告及刑逼取供各情節一經質訊得實其獲戾更重。今觀其呈出各紙此事不為無因。又有原告吳榮烈隨伊到杭願與黃梅對質。若朕惟阿桂曹文植伊齡阿之言是聽而置此疑案不明白辦理不但不足以服寶光鼐之心且浙省現值鄉試生監雲集衆口藉藉將何以服天下輿論。此事關係重大不可不徹底根究以服衆懣貪。阿桂現已起程在途接奉此旨仍著回至浙江秉公審辦。此時寶光鼐業已由浙起解阿桂於途次遇見即將伊帶回浙省以便質對此案若止派阿桂伊受朕深恩為大學士自不肯心存迴護但究係原審之人著添派閔鶚元會同審辦。閔鶚元以科目出身久任巡撫辦事認真且籍隸浙江見聞更為真切自當秉公無所迴護該撫現在江寧監臨鄉試著布政使長

麟馳驛前往代辦監臨事宜。閔鶚元即回至蘇州等。候阿桂經過時。一同馳往。務將實光竄摺內所奏黃梅勒派貪黷各款。逐一根究。其稱黃梅母死。緩報丁憂。借演戲。以便催糧。似非人情所有。且此案內緊要關鍵。亦不止此。阿桂。閔鶚元。總須將黃梅勒派累實。在情形審訊明確。且實光竄進呈田單印票飛頭穀領收帖。借票各件。俱係黃梅勒派勒借。及採買倉穀。不發價值。虛填收領。實在憑據。

實光竄進呈者。不過每樣各檢一紙。其留浙省者甚多。以此觀之。則伊齡阿不免為屬員所欺矣。此事却有關係。伊齡阿尚可。朕與阿桂。可受其欺乎。必應審明。朕不迴護。惟有大公至正而已。閔鶚元亦應知此。阿桂等到彼止。須就此各項字帖。并吊齊控案。逐款根究。即無難水落石出。况票內一半鈐有官印。及伊私用圖記。斷非捏飾。黃梅如采有此種種劣跡。即應審明定罪。以儆奸貪。不可顛預完。

結。致滋物議也。將此通諭知之。諭軍機大臣等。本日實光竄復有五百里馳奏之摺。朕猶謂其不過仍執前見。具摺陳辯。意在必實其說。及詳閱摺內所奏黃梅貪黷款蹟。並將借票捐單呈覽。看來竟係顯有憑據。並非捏飾之言。其隨摺進呈田單領票等字帖。始閱之。未能明晰。因令軍機大臣詳加閱看。逐紙查對。並傳詢熱河地方官。有無似此給用票單之事。當據逐一覆奏。朕再加詳閱。其催帖。

係催徵錢糧之用。或為無弊。即飛頭印票。領紙收帖。摺內稱黃梅採買倉穀。並不給價。止將此項印票等紙。為設法收錢之具。或尚推實光竄招告所得。其間虛實未定。猶可抵賴。至向戶民按畝派捐錢五十文。公然寫給印票。又借部民吳榮烈等錢文。於借票上用。貽穀堂圖記。俱係證據鑿鑿者。若謂該戶民等捏造字帖。希圖訐告。止可捏造字跡。豈圖記亦能捏造乎。即此二款。黃梅斷無從抵賴。而

實光鼐今日之奏。不得謂之欲實其事。妄誣人矣。朕辦理此案於實光鼐並無絲毫愛憎。豫設成見於中。前因阿桂等查審此案完竣。實光鼐仍復執持已見。親赴平陽訪查。續據伊齡阿兩次參奏實光鼐。抵彼處招告。傳集生監人等。於明倫堂逼寫親供。千百成羣。紛紛若狂。恐其煽惑人心。致啟訐訟之風。是以將伊革職。拏問。是政體國法。必當如此。辦理者。非朕之憎實光鼐也。今據奏到黃梅贓款。

確鑿。則是阿桂等前此在彼查審時。竟為地方官瞞過。然朕知阿桂必非有心為黃梅開脫。不但阿桂無此心。伊齡阿甫任巡撫。亦無所用其迴護。想亦為地方官所朦蔽。即派往訪查之司員海成。與黃梅素無交識。亦不值代為掩飾。祇以地方事件。猝往查辦。不能得其底裏。而知府范思敬。為之詭詞遮飾。海成即墮其術中。此等情節。朕無不洞悉。原諒也。但此時既經實光鼐按款陳奏。並將田單借

領等紙呈覽。而該處生監戶民等呈出。未經進呈者。尚有二千餘張。朕豈肯稍為迴護。將就留此疑案。顛預了事。而阿桂前往查審。又豈可迴護原辦。俾貪污敗檢之劣員。仍得倖逃法網乎。且實光鼐性情堅執。而浙省士子。議論風生。若阿桂等稍存袒護。不將黃梅款蹟徹底查辦。以服人心。仍復含糊結局。將來實光鼐到刑部時。豈能箝其口而不言。而該處輿論藉藉。倘經御史復行參奏。朕將何以

中止。阿桂等亦不值為此劣員任咎也。著傳諭阿桂。閱鶚元會同前往浙省。將黃梅款蹟逐一根究。并將該處生監等。傳集質對。無論各款俱實。固應將黃梅按律定擬。寔之典刑。即有一二款得實。亦應從重治罪。以為州縣勒派殃民。虧缺倉庫者戒。倘實光鼐所奏。竟屬虛誣。諸借票捐單。皆實光鼐所偽為。亦必得有實在虛誣逐款確證。使實光鼐俯首心服。而該處輿論亦再無異詞。方為信讞。否則

阿桂等惟當不設成見。平心確究。使黃梅在任八年。種種劣蹟。徹底查出。明正其罪。方不失為公正。而免後患也。此事之始。原非案內緊要情節。而此時則為重大之件。關係匪輕。且黃梅如果贓款屬實。從前歷任督撫。因循不辦。及阿桂等前此審辦時。又為地方官所欺。幾至吞舟漏網。而實光寵執辦。不撓獨能列款入奏。雖其舉動乖張。固有應得之咎。而始終不肯附和。亦屬人之所難。如果所奏不

誣。朕尚欲加恩原宥。阿桂遇彼時。不妨即以此旨給其閱看。令伊心服也。阿桂係受恩深重之人。自不致稍有迴護。聞鶚元素能辦事。亦當深體朕懷。秉公查訊。朕因此事。思之再三。本日三次召見軍機大臣。恐阿桂因從前未經查出。稍存偏袒芥蒂之見。故特再為逐層諄切開導。阿桂等當知朕辦事之苦心。總無成見也。將此由六百里傳諭知之。仍即由六百里加緊回奏。朕計日以待也。又諭據

常青等奏接奉諭旨。查審粵省海陽縣拐騙幼孩。傷殘肢體之陳同彪案內。夥犯閩縣人陳古董。誘拐侯官縣卞和尚致死一摺。內稱訊據卞和尚之母卞官氏稱。伊子卞和尚。三歲時。因患毒瘡。爛去兩腳左右手指。四十九年八月。被拐無蹤。與粵省究出陳古董。將卞和尚用灰水泡浸。割下一手之供不符。而訊之陳古董。則供陳同彪帶同行乞之殘廢幼孩。即係卞和尚。並不知有謝阿淺。供詞互異。

顯係事涉兩省。該犯等各自狡展。現已將陳古董卞官氏及應質犯證委員押解赴粵質審等語。匪犯拐騙幼孩。毀傷肢體。與採生折割無異。情節最為可惡。乃以事涉兩省。該犯陳古董供稱卞和尚即陳同彪所拐之謝阿淺。冀圖影射。欲嫁禍與陳同彪。其情尤屬狡黠。但謝阿淺與卞和尚究竟是一是二。孰真孰贗。必須徹底根究。方成信讞。現在閩省應質人犯已據常青等全解赴粵。著傳諭孫士

毅秉公嚴審究出實情實據定擬具奏。常青等摺并著鈔寄閱看。吏部議准。署河東河道總督蘭第錫奏稱。新設睢寧通判。前議建署於孔家集。以防寧陵汎要工。後因四十九年睢州下汎。二堡漫溢。該處築壩圍隄。比孔家集更為緊要。請將該廳衙署改建睢州下三堡駐防。從之。賑貸湖南武陵、龍陽、二縣續被水災貧戶。已亥諭。據陳步瀛奏查明安省被水各處。如定遠等九州縣。因夏間雨

水過多。河湖並漲。民間田禾房舍。均被淹浸。秋收失望。其靈璧等四州縣。亦因山水陡發。田廬多有淹浸。請旨分別賞卹等語。上年安省旱災較重。該州縣俱係積歉之區。今夏復因雨水過多。河湖並漲。兼之山水長發。以致民田廬舍。均被淹沒。民力實屬拮据殊堪憫惻。所有定遠、鳳陽、懷遠、鳳臺、壽州、五河、泗州、盱眙、天長等九州縣。被災較重。奏請賞給一月口糧者。著加恩賞給兩月口糧。其靈璧、滁

州、來安、全椒、四州縣。被災較輕。小民亦不無失所。若僅借給一月口糧。尚恐民力維艱。著加恩賞給一月口糧。並交該撫督率陳步瀛飭屬妥辦。俾災黎均霑實惠。毋任胥吏從中侵漁滋擾。以示體卹。餘著照該藩司所奏辦理。該部即遵諭速行。諭軍機大臣等。據劉我奏。現又續獲馬廷選、李培元二名。均係前開未獲單內有名之犯。又據差往單縣緝犯之千總楊三泰稟稱。已將呂棟拏獲。呂棟家

查無段文經等蹤跡。惟搜獲元城縣人李得祿。范縣人張理。現解來直候訊等語。本日又據畢沅奏。聞大名府有糾衆殺官之案。即飭委臬司穆克登馳赴彰衛一帶。於大名交界地方。嚴拏逸犯等語。此案段文經、徐克展首先起意。糾合匪衆殺害道員。搶刦監庫。本欲謀為不軌。恐同教之人不肯同行。故以救單縣劉洪為煽惑同教之計。實屬首惡罪魁。而段文經又係大名道署皂頭。尤為可惡。必須

將此二犯緝獲。速正刑誅。方足以快人心。而伸國法。現已將單縣呂棟拏獲。即可向此人根究。段文經等切實下落。此時明興自己馳抵單縣。而單沅所委臬司穆克登亦在彰衛一帶。與大名境壤毗連。堵截查拏。著傳諭劉裁畢沅。明興。務即督率所屬嚴拏首犯段文經。徐克展。及單內未獲各犯。按名務獲。審明正法。毋使一名漏網。以淨根株。至豫省伊陽縣拒捕害官一案。正犯秦國棟。何以至今尚

未弋獲。並著畢沅飭屬上緊躡緝。毋致遠颺漏網。又諭據刑部奏。候補道吉天申。呈控原任巡撫裴宗錫之子。候補主事裴正文。負欠代墊房價不清一案。細閱情節。裴正文此項房屋。既於乾隆四十五年攤賠。伊父巡撫任內鹽課等項。查封變抵。何以此時仍自居住。若係裴正文租住。尚屬情理之常。如係裴正文自行備價贖回。則當年查封時。顯有不實。不盡情弊。而吉天申代裴宗錫置買房屋。

既短給價銀二千餘兩。彼時裴宗錫現任巡撫。何以不向彼索取。直至十餘年後。裴宗錫病故已久。始向伊子索討。其中亦不無訛詐別情。此案人證卷宗。俱在山西原籍。著交福崧秉公查辦。此係從前之事。福崧係現任巡撫。無用其迴護也。刑部原摺。並著鈔寄閱看。又諭據舒常奏。馳抵濟寧。查訊佛喜保在京呈訴各款。其于士祥案內。濟寧州書吏徐漢光等得受賄銀之處。訊係虛誣。守備白興貴。出具巡漕並未受賄等結。亦無情弊。即濟寧州王道亨。送給佛喜保規禮銀三百兩。亦訊係佛喜保向其告借。以為幕賓束修。家人賞賜之用。其銀旋於應領廩給銀內扣還。而伊家人廣州在京供出佛喜保得受知州規禮顯係誣陷。現已飛咨江蘇查拏幕賓潘日藻到案。並請將知州王道亨解任。與案內人證一併解京候質等語。此事係佛喜保多疑屢次曉曉呈辯。今據舒常查明呈內各款。俱

屬子虛。而知州王道亨送銀三百兩。係佛喜保向其告借。旋於廩給銀內扣還。是佛喜保原非收受賄賂。而王道亨亦未餽送巡漕。即幕賓潘日藻所得銀一百兩。亦係應行致送之束修。此事業經查訊清楚。並無尚須與佛喜保質對之件。著傳諭舒常。即押解富勒渾。案犯進京。前來行在復命。知州王道亨。並案內人證。俱無庸解京。亦不必解任。其幕賓潘日藻。亦著舒常即速札知江省。停其起解。至

佛喜保家人廣州所供佛喜保得受知州規禮一節。係挾嫌誣陷。自有應得之罪。著傳諭綿恩。即提佛喜保及家人廣州派員解赴行在。交軍機大臣質訊定案。又諭本日姜晟前來行在復命。召見。詢及沿途雨水情形。據稱。經過直隸任邱。鄭州一帶。大路被水淹浸。坐船行走者。約有二十里。聞係淀河開有決口。以致漫水下注。淹沒官路等語。本年夏秋以來。雨水較多。該處既有漫溢之水。田禾廬

舍自必有被淹處所。何以劉我未經奏及。著傳諭該督查明附近淀河各地方。被水情形。是否成災。於民生有無妨礙之處。迅速據實覆奏。以慰廛念。毋得稍存諱飾。尋奏本年立秋後。因滹沱。瀕龍等河盛漲。民捨間有漫溢。業據委員勘報。被災村莊止四五分。不等。除酌量借助外。餘各豐收。毋庸議賑。至趙北口至鄭州一帶。地本低窪。官路被淹。即係瀕龍河漫水下注。非淀河另有決口。報聞。庚子

諭軍機大臣等。本日又據賓光鼐覆奏。黃梅在任匪喪三日。假稱慶祝。以便追糧。該員在任八年。虧空累累。知府方林於四十九年五月。曾經揭參。離任後。任金仁接署。曾不逾月。復委汪誠若接署。而黃梅旋於十一月內。復回原任。總因空倉空庫。各員不敢接收。黃梅遂抗不彌補。以為自固之計。巡撫福崧並無沾染。是其所優。而姑容劣員似失之懦弱。姑息等語。朕反覆閱看。黃梅劣款。看來竟係屬



實並非實光龜架詞虛捏而前此之再三奏辯不得謂之風聞誣陷矣如黃梅各款全係子虛則前日實光龜隨摺進呈之田單領借等紙尚可云出自實光龜捏造然捏造字跡容或有之至於印信圖書豈能捏造即或描畫一二紙亦斷不能造至二千餘張之多且字帖內俱有業戶花名排號實光龜豈能逐戶問之而偽為填寫又豈招告勒供之所能捏造乎此事除是田單糧票借約皆為實光

龜假捏方可信其為否否則印據確鑿黃梅將何從抵賴此事理之顯然者也朕於實光龜因其偏執已私哢哢瀆奏而於阿桂等查辦虧空後復親赴平陽招告滋事並據伊齡阿兩次參奏是以將伊革職解部治罪今既據查出田單領借等紙二千餘張則是證據確鑿朕從不迴護雖欲不查辦而不能看來竟大有關係朕不為己甚亦不肯聽其已甚常論之語阿桂自知也即如所奏黃梅匪喪

三日假稱慶祝三日以便追糧其事出乎情理之外由今觀之貪夫之心慾壑無厭昧盡天良未必非實在情形矣朕於此事毫無成見惟以查辦得實為主阿桂閱鶚元到彼時惟當共體朕心秉公嚴審且據實光龜奏黃梅任內虧空累累經該府方林揭參後任署知縣金仁汪誠若等未肯接收黃梅旋復回任等語州縣離任接任俱有月日可查而金仁汪誠若俱在浙省更不難就近質對阿桂

等即當提訊嚴質則黃梅之始而虧空既而勒派勒捐捐派之後仍不彌補種種劣蹟自可水落石出矣該員在任八年借彌補之名以肥私橐甚至母死匪喪借稱慶祝以便催糧即此二款屬實黃梅已罪不容誅而該省上司竟同龔贊一任劣員如此敗檢貪婪此而不嚴行懲辦何以為虧帑殃民者戒且實光龜摺內稱福崧操守是其所優而姑容黃梅是其所短亦見其持論之公如伊偏執已

私即當將福崧牽連參奏。今伊所奏如此。即不得謂之欲實前奏。架詞誣陷也。著傳諭阿桂。於遇見寶光鼎時。即傳朕旨。將伊除去刑具。免其拏問。著即帶往浙省。隨同查辦此案。並將此旨。給其閱看。至黃梅在任。既有贓款。則伊任所私蓄必多。除傳諭孫士毅等。將伊原籍家產查封外。著阿桂等。即將黃梅任所貲財。一併查封。若其家貲豐厚。則即借彌補。為名。攤派肥橐之實據也。並查伊長子究係何名。逃往何處。即行緝拏。提審至黃梅任內。有無別項劣蹟。亦著一併嚴審具奏。再伊齡阿兩次參奏寶光鼎。未必不受屬員慫恿。此案伊可無庸會辦。以免迴護。又諭據明興奏。拏獲直隸殺官搶庫劫獄案內人犯王七等八名。訊取確供具奏。一摺。閱該犯所供。俱稱段文經為教主。首先起意。糾衆殺官。竟欲圍占城池。謀為不軌。實屬首惡罪魁。而徐克展四處糾人。至許三家聚會。分給器械。號帽。

亦屬同惡相濟。必須將此二犯速行拏獲。以正刑誅。方足以快人心。而伸國法。昨據劉我奏。已訪有該二犯數處下落。差弁跟蹤躡緝。現在曾否就獲。至現獲各犯。俱係隨同進署。動手殺人之犯。並非賊首。亦無可待訊之處。著傳諭劉我。明興。於審明後。先行正法。不必久留羈禁。或又致有搶劫偷放脫逃之事。亦不可聽其輾轉扳引。希圖苟延殘喘。至劉洪一犯。雖據東省各犯供稱。並無欲救單縣劉洪之語。明係段文經借為煽惑同教之計。但該犯素稱教主。且在單縣監禁時。尚有餘黨。暗行資助。私送銀兩。其黨必多。若往返解送。又恐中途滋生事端。著明興於劉洪解到時。訊明平日是否知情同謀。嚴究黨與。並詢伊弟二洪。現逃往何處。得有確供後。即先將該犯正法。再此案張均德。王成功。動手殺官。亦屬要犯。前據劉我。單開張均德。已赴河南汝陽縣東西韓洞集村趙姓家藏匿。曾諭畢沅。

飭屬嚴拏。此時曾否就獲。並著傳諭畢沅。如拏獲此案要犯及餘犯。審訊後。即在河南正法。再前據劉我奏大名元城二縣拏獲許三。據供徐克展等糾集多人。在該犯家空房內聚集等語。徐克展等既在該犯家會聚。其平時糾衆商謀及殺官後逃逸蹤跡。許三必知其詳。劉我應向該犯逐細根究。訊明後。即行正法。此皆要處。何以劉我未奏一言耶。此等匪犯何必久留羈禁。致稽顯戮。至段文經係

實錄卷二二

七

大名道皂頭徐克展係元城縣快頭。俱係在官人犯。該犯等私習邪教。糾衆多人。圖謀叛逆。且有刀鎗器械。暗行運送。地方官平時漫無覺察。所司何事。其秦賊養癰。廢弛已極。並著劉我於定案後。嚴行查叅。以示懲儆。又諭據李世傑等奏碧霞宮慈雲寺斗姥宮等處。因清江漫水。俱被淹浸。一摺。現在該處漫口已漸次堵築。而積水尚未全涸。亟應設法疏消。速行宣洩。使戶民俱得安居。方為妥善。

其碧霞宮慈雲寺斗姥宮等處。均被淹浸。積水日久。無不坍塌。亦應一律修理。以安神佑。至碧霞宮各廟宇。朕南巡時。俱親詣拈香。所有懸掛佛像。御筆扁額。是否完好。著傳諭李世傑等查明覆奏。尋奏清江積水。現於南隄安設水車。雇夫車戽。不日涸出。俾戶民早得安居。至碧霞宮各廟。

實錄卷二二

七

御筆扁對。俱高懸完好。報聞。是月。河南巡撫仍管布政使江蘭奏。開歸各屬生有螞蚱。地方官未能豫防。蒙寬既往之愆。策以後效。現飭督率鄉保。搜挖螞蚱。按旬報驗。以所獲多寡。定各員勤惰。另委幹員查勘。如搜捕未盡。即先叅奏。得旨。是實力為之。山東巡撫明興奏。東省四月以後。晴雨應時。秋禾雜糧。十分暢茂。現據各屬報通。省秋收合計九分有餘。得旨。欣慰。覽之。歉歲後。幸遇豐年。毋使暴殄。蓋藏為要。至於催科。更不必急。全民之力可也。又奏。東省上年被旱。今歲春杪夏初。

雨未霑足。蒙恩令將奉天豫備糧石。由海道運東備賑。現大田豐稔。即從前短雨各屬亦因秋成在即。領借無多。此項糧石請分撥附近州縣存貯。以備明歲青黃不接時糶借得旨嘉獎。署河東河道總督蘭第錫奏查濟寧迤北蜀山湖現收水一丈三寸。迤南獨山湖收水四尺三寸。惟微山湖本月初止續長水二寸。共深五尺七寸。今將昭陽微山兩湖水淺處及兩岸通湖各引渠飭道廳竭力疏濬深通。俟重運一完即拆除東岸獨山湖之十八水口。啟放西岸昭陽湖之十四單閘。俾上游各湖河水灌輸於微山湖。可期不誤儲備。得旨覽奏俱悉。又批。此甚要務。莫誤明春濟運也。廣東巡撫圖薩布奏番禺縣屬沙灣茭塘向為盜藪。臣蒞任後親往巡視。沿途傳集鄉保耆耄。誠以守分安居。村中如有盜匪。不自行舉首者。一經捕獲。鄉保等必加倍治罪。并飭文武員弁實力稽查。得旨覽奏俱

悉為之以實。要之以久可也。

大清高宗法天隆運至誠先覺體元立極敷文奮武孝慈神聖純皇帝實錄卷之一千二百六十一

大清高宗法天隆運至誠先覺體元立極敷文奮武孝慈神聖純皇帝實錄卷之一千二百六十二

監修總裁官經筵講官太子太傅文淵閣大學士文淵閣領侍衛內大臣稽察欽奉 上諭事件處管理

吏部理藩院事務正黃旗滿洲副都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領侍衛內大臣稽察欽奉 上諭事件處管理刑部副都統

世襲時都尉軍功加十九級隨帶加二級又加二級量跡內大臣戶部尚書鑲藍旗滿洲副都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆五十一年丙午八月辛丑朔諭據塔琦

等奏擎獲行竊回人交該管伯克審訊因盜犯抗橫不承責打殞命請將承審之帕察沙布伯克沙密爾革職等語回人行竊經該管伯克審問時仍敢抗橫即責打殞命亦無甚罪乃塔琦比照內地之例辦理外夷案件殊屬拘執塔琦著傳旨申飭其沙密爾職銜即行開復並諭新疆大臣一體遵辦諭軍機大臣等前因竇光鼐於黃梅丁憂演戲彌補虧空等款執辯哢哢再三瀆奏且親赴平陽

招告聚集生監千百成羣經伊齡阿兩次參奏摺到朕原憎其煽惑人心有類風狂是以節次降旨將伊革職等因是竇光鼐在浙省咆哮多事不特阿桂伊齡阿等憎其為人即朕亦厭其舉動乖張汚人名節及伊前昨兩日回奏摺到將黃梅任內劣蹟逐款羅列并於生監平民等呈出捐派領借等印信圖書字帖二千餘張內每樣進呈一紙朕詳加閱看並命軍機大臣查對俱係黃梅劣蹟之確

鑒可據者則竇光鼐之奏並非捕風捉影撫拾誣陷已可概見伊係硯硯自守之書生若謂於此事意圖捏造以實其言則二千餘張之印信圖書字帖必俱係竇光鼐憑空造作想竇光鼐未必有此伎倆朕於竇光鼐始則憎之而此時則覺其言之確鑿惟欲將黃梅劣蹟徹底查辦以正其罪所謂無固無我不存成見前之憎竇光鼐乃憎其所可憎今之信竇光鼐亦信其所可信也阿桂等前在浙

省查辦時。目覩竇光鼐多事咆哮。性情執拗。自為心懷厭惡。今復令其前往查辦。斷不可仍執前見。稍涉私嫌。惟當以朕之心為心。逐款秉公研訊。俾貪員劣蹟。一一審出。實之重典。所謂懲一可以儆百。政體國法。必當如此。阿桂想必與朕同心也。至竇光鼐在平陽招告。聚集生監千百成羣。且平日固執性成。闔省官吏。自必皆與伊不睦。伊齡阿據其稟揭。即行叅奏。在伊齡阿亦不無憎惡竇光鼐之心。至阿桂受恩深重。為國重臣。必能通曉大義。非伊齡阿之新進者可比。阿桂當效朕大公無私之心。前往查辦時。毫無芥蒂。一秉至公。此案自不難水落石出矣。阿桂於途次遇見竇光鼐時。即遵昨旨。寬其拏問。解去刑具。告以朕意。帶往浙省。隨同查辦。並著阿桂接奉此旨。即速兼程行走。朕惟計日以待也。將此傳諭阿桂。並諭閔鶚元。知之。閔鶚元亦當善體朕意也。又諭前據留京王大臣奏查

訊劉省過之第四子劉永慶。據供伊兄二洪早故之語。當即降旨詢問劉莪等。茲據劉莪奏稱。劉二洪即劉齊年。於乾隆三十六年定案時。即稱在逃。並未拏獲。伊弟劉永慶。何以知其早故等語。劉二洪既在逃未獲。何以伊弟劉永慶供稱早故。既知其已故。則何人給伊送信。必有下落。該犯等現在刑部監禁。著傳諭留京辦事王大臣。會同刑部堂官。監提劉永慶。向其嚴切根究。伊兄究係何時身故。伊從何得知。抑係捏飾在逃情形。現逃往何處。實在下落。並伊到京後。有無伊父同教之人。來往私通信息。各情節。務得確供。由本報之便覆奏。又諭據劉莪奏。現於二十六七等日。續獲原單有名之楊進。并原單無名之史明等十一名。統計直隸拏獲共三十八名。內已據供認同夥入署搶刦者二十六名。其雖未入署。而窩留主謀。法難寬貸者二名。再行究質明確。即一面辦理。一面奏聞等語。該

督前後獲犯雖有三十餘名皆係此案餘犯其首先起意糾衆殺官之段文經徐克展及往來通信之郝潤成動手殺官之張均德王成功各要犯尚無一名就獲於事何益不可謂嚴緝能事現在明興攜帶兵役在冠縣截拏畢沅亦委臬司穆克登至彰衛一帶搜緝著傳諭劉戡畢沅明興嚴飭所屬上緊跟蹤躡緝務將首要各犯按名拏獲審訊明確速正刑誅以彰國憲倘緝捕稍懈該犯等得以遠颺漏網尚復成何事體況段文經徐克展以衙役而謀殺本官尤為可惡總之首犯一日不獲此案一日不能完結也再昨據明興奏拏獲徐克展之妻妻子女五名口監禁俟將來定案時照例辦理等語段文經豈無家屬何以本日劉戡奏到已獲各犯單內止有段文經之弟段文周一名未將該犯妻子一併拏訊追究段文經下落著劉戡查明即行覆奏至現獲餘犯多名並非賊首亦無可待

訊之處不可聽其輾轉扳引遠處之人希冀查拏往返延挨時日又致有搶刦偷放脫逃等情事著傳諭劉戡畢沅明興獲犯審明後即於各該處正法不必久留羈禁致稽顯戮至段文經係大名道皂頭徐克展係元城縣快頭該犯等私習邪教糾合多人圖謀不軌私製刀鎗器械用秫秸包紮運送至許三家剋期起事其圖謀必非一日而該道熊恩紱竟如聾瞽漫無覺察廢弛已極現新調道員龍舜琴平日尚能辦事著劉戡嚴飭該道實力整頓地方嚴拏邪教餘孽毋再如熊恩紱之因循玩愒自貽伊戚又諭據伊齡阿奏題銷范公塘迤西石壩四座沿塘堆壘竹簍石塊工程一摺內稱前撫臣福崧於四十九年五月泐水情形摺內僅稱堆壘竹簍石塊以護塘根而丈尺未經聲敘等語海塘工程例應將工段丈尺及估需銀數先行奏明以便工竣後報部覈銷福崧在任時何以不詳

細專摺具奏。又伊齡阿摺內稱。石塊塘五百三十五丈內。另有柴塘三百一丈。係四十六。八兩年潮水歸塘。土隄衝失。要工迫不及待。經歷任撫臣督令司道籌項趕築。以資保護。亦未具奏等語。此項柴工。雖未動項修築。報銷。但當時如何籌辦。經費若干。該撫何以亦未奏明。著傳諭福崧。令據實明白回奏。士寅。

上御卷阿勝境。賜扈從王公大臣蒙古王公台。

吉等食翼日如之。秋分夕。

月於西郊。遣克勤郡王雅朗阿行禮。署湖廣總督李侍堯奏。湖南臨武營把總李光斗。赴省領餉。途次被竊。請將僉差。不慎各員。分別治罪。諭各省營員。領解兵餉。理宜僉派都司。守備等員。赴省關領。方為慎重。乃湖南臨武營請領本年夏秋二季餉銀。僅派把總關領。把總係微末之弁。以致中途失去餉桶。實屬疎玩。嗣後各省營員領餉。應如何按照銀數。

僉派大員之處。著該部一併議奏。諭軍機大臣等。據李侍堯等奏。漢陽縣知縣胡金門。宋維翰。於縣民劉相臣。搶傷余方得身死。續經翻供。驗明余方得實係自縊。並不即時審結。犯證久禁拖累。又湖南臨武營僉派把總李光斗。赴省領餉。中途失去餉桶。代辦臨武營中軍守備事李廷璧等。僉派不慎。致有疎虞等語。此二案俱係特成額任內之事。特成額在任有年。於屬員承審案件。任其闕冗。玩延。並不即時奏。以致案犯羈繫拖累。至營員領餉。自宜小心防護。乃臨武營僉派把總微弁。赴省關領。以致中途餉桶被竊。可見特成額在任。並不實力整飭。一味玩延。遂致文武廢弛。朕若早知其如此。斷不將伊調雲貴邊疆要地矣。著將李侍堯摺。鈐寄特成額閱看。令其將因何如此。諸事廢弛之處。明白回奏。並著自行議罪。又諭據明興奏。研訊呂棟供認。同入八卦教。本年四月。沒文經曾。



有逆詞寄到。令其轉遞劉洪。伊不敢遞給。轉送秦法祥閱看。秦法祥即將字燒燬。閏七月十五日。李得祿張理至伊家傳言。段文經定於八月十五日起事。令其豫先糾人。將劉洪刳去。送至大名。該犯因手下無人。尚未糾約。不知段文經等因何即行動手等語。首犯段文經等。竟敢編造逆詞。謀占城池。圖為不軌。糾聚黨夥。剋期起事實屬罪大惡極。幸而該犯等先期動手。殺官刳獄。後聞兵役擒拏者漸多。即畏懼逃散。陸續就獲。倘待單縣糾約同時起事。雖係么麼小醜。易於撲滅。然搜拏擒捕。究不免稍覺費手也。閱呂棟所供。將段文經逆詞。送給秦法祥閱看。秦法祥即將字紙燒燬。是該犯尚知畏法。著明興再提秦法祥嚴訊開導。究明燒燬逆詞。係何主意。如秦法祥審非入署殺官正犯。將來定案時。尚可不至立決。至直隸山東三省。獲犯雖多。皆係此案餘犯。首犯段文經。徐克展至今未獲。實

屬緝捕不力。現據李得祿供稱。段文經。徐克展曾向河南虞城縣麻孟村李老五學習拳棒。或逃至伊家等語。著傳諭畢沅。速委幹員跟蹤躡緝。李老五等一千人犯。毋任遠颺。或江蘭親往查辦。更覺有力。並著劉戡。明興。督飭所屬分投搜捕。務將首犯段文經等拏獲。正法方能完結此案。又諭大名匪犯段文經。克充大名道皂頭。徐克展。充元城縣快頭。該犯等私習邪教。煽惑鄉愚。其造謀起意。必非一日。伊同班衙役朝夕相聚。豈無一二知其逆謀。此皆緊要關鍵。劉戡何不向該兩處皂役快班中。嚴切究訊。或可得其實在下落。並起事根由。再呂棟供稱。閏七月十五日。李得祿張理至伊家傳言。段文經等定於八月十五日。起事。令其豫先糾人。何以閏七月十四日。即行糾眾動手。其中必有迫不及待別情。著傳諭劉戡再向已獲各犯嚴行審訊。務得確供。迅速覆奏。總之此二犯一日不獲。此案

一日不能完結。朕時厯於懷。劉幾獨不能仰體朕意。上緊緝捕耶。況首犯段文經。若跟緝稍遲。或潛竄他處。別生事端。尤不可不慮。著傳諭劉幾。務督率各員實力緝獲首犯。審明正法。以彰憲典。又諭本日又據明興奏。拏獲呂棟。究訊劉二洪下落。據供。伊於四十五年。曾同閔得山至京。在西城帥府衙門鄂家。見過劉洪之母李氏。聞劉二洪已改方姓。在前門外小椿樹衙衙。開古董鋪。現是否尚在該處。問東直門內南小街開家伙鋪劉賓。便知等語。呂棟與劉二洪既係同鄉。且於四十五年。曾經見過劉洪之母。並知劉二洪改姓開鋪等情。是劉二洪脫逃後。實有與伊母及伊弟劉永慶潛行往來之事。則該犯並未身死。可知何以劉永慶在京供稱。伊兄已經早故。顯係捏飾。著傳諭留京王大臣會同刑部堂官。監提劉永慶嚴訊。究出劉二洪實在下落。並呂棟閔得山。曾否來京幾次。有無通信。

糾約各等情。毋任狡飾。再劉永慶既分給果昇阿家為奴。伊主曾否配與妻室。生有子女。留京王大臣即交該旗嚴密一體查明。拏交刑部收禁。勿令餘孽漏網。至明興奏。劉二洪已改方姓。在前門外開古董鋪。而劉永慶捏稱已故。或暗中給伊兄信息。令其潛逃。亦未可定。至劉賓既係知情。自是同教。此二犯亦關緊要。著交綿恩。即遴委員役嚴密查拏。務獲。毋任聞風遠颺。並搜查該二犯鋪內。有無彼此通信字札。一併迅速錄供具奏。癸卯。遣官祭賢良祠。諭軍機大臣等。據阿桂覆奏。接奉諭旨。即於山東平原途次。回程前赴浙江。查辦黃梅貪贖各款一摺。所奏俱與朕相合。朕因此事數日以來。厯懷不置。阿桂等到彼時。惟當化去成見。秉公查審。無難得其實在底裏。現在賓光鼎查出之印信圖記字帖。即係黃梅指派確鑿證據。若云皆係賓光鼎捏造。則又大奇。想賓光鼎未必有此伎倆。

也。從前阿桂等在杭州查辦虧空。竇光鼐咆哮多事。舉動乖張。且其平日性情固執。合省官員。必懷憎厭。及其親赴平陽招告伊齡阿。兩次將伊參奏。未必不受屬員之慫恿。然是非黑白。必令較然分明。朕於竇光鼐毫無愛憎成心。惟欲此事之查辦清楚。阿桂自能仰體朕心。斷不肯蹈迴護偏袒之習。至海成前往平陽查訪。在縣堂放告三日。並無首告之人。海成係欽差帶往司員。其勢自孤。外省官官相護。通同一氣。牢不可破。欺海成一人甚易也。知府范思敬姑容屬員勒捐勒派婪贓至二十餘萬兩。即平時與黃梅並無交結賄賂之事。而一經發覺。知府豈能脫然事外。則其於海成招告時。必有攔阻情弊。而海成即為其所欺。外省惡習。其伎倆大約不出乎此。今既據竇光鼐查出印信圖書字帖二千餘張。阿桂等到彼。即就此嚴切審究。其虛實真贗。無難立辨。將來定案時。不但黃梅應真之

重典。知府范思敬之罪。亦復不輕。歷任上司亦不得無過也。惟在阿桂等虛公研鞫耳。阿桂必能以朕之心為心。閱鶚元亦當深體朕意。著於抵浙時。將此案迅速查訊。大概情形先行具奏。以慰廑懷。又諭大名匪犯段文經等。糾眾殺官一案。已節次降旨。令該督撫等嚴加查拏。究辦矣。該犯等所習八卦會邪教。流傳年久。且以八卦為名。各分支派。愚民謂可以念經消災。受其煽惑者必多。此時若欲究辦根株。任該犯等輾轉扳引。勢必蔓延數省。不但偏處搜拏。人心惶懼。且此案無時可以完結。而要犯轉得延挨時日。殊非安輯閭閻。懲治邪教之道。著傳諭劉綬。畢沅。明興。現在止就殺官刦獄一案。有名人犯究辦。如審明實係隨同進署。動手殺官。及平日與段文經等往來謀逆者。自當按名拏獲。嚴切審訊。速正典刑。以懲兇頑。不可任聽該犯等扳扯株連。查拏追究。致滋擾累。俟此案辦完時。

或於今冬明春再密令各該地方官不動聲色密查究辦以淨邪教根株亦不為遲至段文經徐克展身為官役敢謀為不軌剋期起事圖占城池實為罪大惡極不可不搜緝務獲以正顯戮前據劉義奏已訪有段文經等數處下落差弁跟蹤躡緝何以尚未見具奏拏獲恐此時已逃往豫東二省藏匿亦未可定著再傳諭劉義車沅明興務須彼此協同上緊實力嚴緝將段文經徐克展勒限務獲不可稍懈以致遠颺漏網再此案餘犯拏獲後即可訊明於各該處正法至段文經徐克展為首惡罪魁必須解至行在嚴行究訊盡法處治方足以快人心而彰國憲但此等首逆其黨與必多恐中途有劫奪竄逸等事著傳諭劉義車沅明興不拘何處拏獲該二犯即將足筋剔去以防竄逸訊後即派委妥幹員弁多帶兵役解送行在沿途小心防範毋致稍有疎虞甲辰土爾扈特貝子恭坦等

入覲

上御卷阿勝境召見賜食並賜扈從王公大臣蒙古王公台吉等食至丁未皆如之遣官祭黑龍潭

昭靈沛澤龍王之神玉泉山

惠濟慈佑龍王之神諭軍機大臣等前因

常青奏摺內銜名書寫奴才業經降旨申飭本日又據常青奏到各摺仍稱奴才而摺內與徐嗣曾會銜處則又稱撫臣一摺之內書

寫互異殊與體制不合向來旗員任用督撫凡遇奏摺除請安謝恩外俱一體稱臣今常青現在署理督篆於此等奏摺自應照例書寫臣字即伊本任將軍職分亦大獨不可稱臣耶著再傳諭該署督嗣後除請安謝恩外凡遇地方事件俱照向例稱臣以符體制又諭據劉義奏審明夥同入署殺官之兇犯王治忠等十四名先請王命正法尚有情罪較重之許三邢士花等十四名俟再行究質

明晰另行辦理具奏等語。此等兇惡匪犯既經審訊明確自應即行正法。至暫留質訊之許三等十四名。羈禁囹圄該犯等惡不畏死。狡惡性成。恐又有搶刦脫逃情事。不可不嚴加防範。或將該犯等足筋剔去。牢加鑕鍊。此等兇徒。原不妨令其多受刑苦。以示懲儆也。至段文經。徐克展。以在官人役。竟敢於光天化日之下。借邪教為名。糾衆多人。陰圖叛逆。許封官職。謀占城池。實屬罪大惡極。覆載難容。務須搜拏全獲。前據劉義奏已訪有段文經等數處下落。差弁跟蹤躡緝。何以至今尚未就獲。本日據畢沅。穆克登各將分投查緝情形具奏。亦俱係空言。未能拏獲一二要犯。於事何益。段文經等俱係衙役緝捕之法。自所素知。且其人必狡詐兇頑。斷不肯潛藏本境。此時自必竄入豫東二省。或竟改裝由運河潛逸。逃入江南淮徐一帶。亦未可定。阿桂現已行抵江境。沿途可告知地方官。留心查

察。並傳諭李世傑。嚴飭所屬一體實力搜緝。至劉義畢沅。明興。尤應彼此咨會。上緊追拏。設法購線。務將段文經。徐克展及各要犯。按名弋獲。解送行在。毋致遠颺漏網。再閱該犯等供內。有已將元城縣內外監門砍開。刑房殺死。各犯鎖鑰砍斷。犯人不肯走等語。是監犯尚知守法。不肯隨賊同行。甚屬可嘉。著傳諭劉義查明元城縣監禁各犯。原案事由分晰開單進呈。其原犯死罪者。即減等改為杖流。原犯軍流等活罪者。即加恩釋放。並著先行曉諭元城縣監犯。俾知感激歡忭。俟奏到奉有諭旨後。再行分別減等釋放。至大名縣監。既因該典史把守未動。該監人犯自不在此例。前因大名元城二縣典史奮力保護監獄。曾諭令該督俟定案後。將該二員送部引見。今詳閱該犯各供。大名縣僅將監門打開。典史王學書抵拒受傷。內監未動。是該典史尚能奮勉出力。至元城縣已砍入內監。幸

而各犯畏懼未動。是該典史有過無功。無庸送部引見。且爾時該典史究竟在何處。並著劉戡於定案後。照例叅處。又諭據畢沅奏。續獲伊陽縣害官案內要犯張肅彥等三名。審明正法。一摺。內稱逸犯秦國棟等七名。尚未弋獲等語。秦國棟起意害官。伊弟秦國仕。同惡相濟。均為此案正犯。前據該督奏稱。跟緝秦國棟等蹤跡。已竄入伏牛山。現飭文武員弁。上緊追捕。迄今又閱半月。何以仍未見奏報。竄獲該犯等。一日不獲。此案一日不能完結。若地方官偵緝少弛。該犯等得以遠颺漏網。更屬不成事體。著傳諭畢沅。即嚴飭各屬。四路截拏。務期按名速獲。急正刑誅。以彰國典。乙巳遣官祭

關帝廟

諭曰。奎林等接奉賞卹伊犁地震之旨。覆奏一摺。第稱兵丁感恩。而於該處人心安靜與否。竟未提及。朕於中外民生。無不厪念。伊豈不知何憤憤至此。奎林著傳旨申

飭。嗣後一切事務。宜留心學習。仍著將地震後。人心安靜與否之處。遇便奏聞。諭軍機大臣等。據留京王大臣等奏。將邪教案內劉省過在逃。次子劉二洪。改為方姓。即方孝拏。訪審訊一摺。該犯在逃多年。改姓隱匿。伊弟劉永慶到案後。又捏稱病故。希冀漏網。綿恩接准東省來咨。選派番役。即行拏獲。不致聞風脫逃。所辦甚好。該犯係例應緣坐斬決之犯。輒敢於犯事時。負罪遠颺。復敢潛逃來京。詭充方姓子嗣。與伊母伊弟往來通信。實屬狡惡。若久留羈禁。又恐別生事端。著傳諭留京王大臣等。將劉二洪。劉永慶審訊明確後。若無應行待質之處。即先行正法。其劉賓及劉二洪之妾並所生子女。仍照例辦理。又諭。前據留京王大臣等查奏。從前八卦會邪教案內。劉省過之三子劉把。即劉三洪。分給鄂岳家為奴。鄂岳現任福州副都統。劉三洪現在鄂岳任所。已經刑部行文提拏解京。歸

案辦理等語。劉三洪係劉省過三子。本係逆案。應行緣生人犯。從前未經正法。今此案餘孽復行滋事。所有劉三洪一犯。若提拏解京。恐路途遙遠。復有疎虞。著傳諭常青將劉三洪審訊明確。一面具奏。一面即在該省正法。不必解京。致有疎脫。又諭前據陳步瀛奏查明鳳泗等屬及鳳壁等州縣俱被水災。請分別賞借口糧一摺。已降諭旨。將被災較重之定遠等九州縣賞兩月口糧。其靈璧等四州縣賞給一月口糧。並諭知該撫遵辦矣。本日又據李世傑等奏鳳泗等屬被淹撫卹緣由。分別辦理一摺。想此時該督等尚未接奉前旨。著傳諭李世傑等務督同藩司實力妥辦。俾災黎均霑實惠。毋任胥役從中侵漁。滋擾。方為妥善。至該撫夾片內稱安徽通省秋成可期。一律有收。覽奏稍為欣慰。但去年上下兩江俱被旱災。今歲黃運二河皆有漫溢。不免被淹。民力恐更拮据。著傳諭該督等將

上下江秋成通省合計。究有幾分之處。查明迅速覆奏。以慰廑注。○又諭據伊齡阿覆奏傳詢寶光鼐自平陽帶回省城之丁憂典史李大璋供出寶光鼐前後誘令寫供及變臉發怒各情節等語。典史李大璋於黃梅勒派勒捐匪喪演戲等款。或竟有見聞。向寶光鼐說出。及伊齡阿傳至署內面訊。伊係微末之員。如何敢於巡撫前翻案。是以止將寶光鼐逼供發怒情形。順巡撫之意。搪塞支飾。而於黃梅貪贖款跡。概不吐露。其所供未可為憑。此事業經寶光鼐查出印記圖書等字帖。若竟係寶光鼐全行捏造。則將來審明時。其罪更大。然字跡或可捏造。而印信圖書斷不能描摹假捏。至二千餘張之多。由此觀之。此案竟有變局。今日伊齡阿之奏。僅據李大璋一面之詞。且受通省屬員慫恿。仍有憎惡寶光鼐更不免迴護前奏之意。阿桂閱鴛元前往查辦時。務遵照節次諭旨。將現在查出之印

信圖書字帖。確切根究。則黃梅在任貪婪各款。無難水落石出。朕於此案。毫無成見。惟欲查訊得實。阿桂等自當仰體朕心。秉公辦理也。伊齡阿摺著鈔寄閱看。○又諭據永保奏接奉嚴拏秦國棟諭旨。復添派兵役在於通達豫省關津隘口查緝。尚未報有獲犯等語。緝拏鄰省要犯。自宜上緊設法。立即躡獲。方為認真。何以該撫摺內。惟敘查緝情形。空言敷奏。況畢沅查明該犯已逃往伏牛山。與陝

省商州毗連。果能於通達關隘及林菁偏僻處所。嚴密搜捕。安有不即行拏獲之理。現在大名又有殺官劫獄之案。其首犯段文經徐克展。亦尚未就獲。或由河南陝州一帶竄入陝西。亦未可定。著傳諭永保一體留心嚴飭各屬。購線訪拏。務獲切弗視為海捕具文。僅以一奏塞責。空言無補也。○丙午遣官祭昭忠祠。○諭軍機大臣等。據劉義明興奏。審明無須留質各犯。先請王命正法二摺。此等匪

犯既經審訊明確。並無應行待質之處。自應照例先行辦理。但俱係案內餘犯。首犯段文經徐克展。迄今尚未就獲。伊等所辦何事。據奏訊出各犯供稱。該二犯有逃往河南虞城縣麻孟村李五家之語。前曾傳諭畢沅飭屬嚴拏。且有穆克登在交界處所堵截查緝。何以不能剋期弋獲。實屬緝捕不力。該二犯曾充衙役。躡緝之法。是所素知。且狡詐兇頑。此時或竟改裝由運河南下。抑或往北逃出口

外。均未可定。再朕細思該犯等於大名滋事之夜。在馬號竊馬七匹。分騎逃竄。續經跑回四匹。其三匹終無下落。自即係段文經等盜騎竄逸。但彼時兵役四路截拏。諒該犯等必不敢公然騎馬遠逸。或逆料兵役必向遠處追拏。轉在直隸附近同教人家潛行藏匿。亦未可定。著傳諭劉義明興。務即多方購線設法躡緝。將二犯懸賞勒限拏獲。解送行在。盡法處治。方能完結此案。再閱明興奏到



拏獲各犯姓名單內有徐克展之子徐文仲一名年止九歲此等犯屬年未及歲向例止發功臣家為奴但該二犯以邪教為名輾轉糾約竟欲謀為不軌占踞大名又許封偽職誘人入夥實屬罪大惡極非尋常叛逆可比著傳諭劉幾明興將來定案時所有段文經徐克展應行緣坐子孫即年未及歲亦應一併正法以淨根株毋致復留餘孽至署副將舒通額曾經督率兵弁拏獲匪犯多名且賊

匪滋事之夜聞兵丁放鎗擒捕始行逃散跑至西門砍傷門兵逃逸亦有兵丁追趕鎗傷者是該管營兵尚知奮勉而逆犯潛謀為叛自必形蹤詭秘無從覺察舒通額署任時尚無廢弛怠玩之罪著劉幾照大名元城兩縣之例將舒通額加恩改為革職仍留叅將之任○軍機大臣等議覆湖南巡撫浦霖奏稱湖南界連黔粵民雜苗徭地隣江湖易藏奸匪除常澧等屬或附近標營或腹地民俗淳

良者仍令民壯專習弓箭刀矛等技餘請依川省例揀派十分之六演習鳥鎗查州縣城守墩汛弁兵演習鳥鎗火藥俱係按名支給平時存貯各營以杜民間私買私借至額設民壯原以防護倉庫監獄身雖充役實則齊民令習鳥鎗保無輾轉借租及私賣火藥等弊請將該撫所議分別地方改習之處及從前部准川督所奏一併停止行咨各省遵照從之○順天鄉試以府尹吳省欽為監臨官

禮部尚書彭元瑞為正考官內閣學士阿肅胡高第為副考官○以福建澎湖協副將魏大斌為浙江温州鎮總兵○丁未祭先師孔子遣協辦大學士劉墉行禮○諭軍機大臣等據留京王大臣等奏連日將劉二洪嚴切審訊究出從前在逃時有伊父同教張世英湯林等輾轉伴送資助銀錢及伊詭托方姓住居京師又有山東章邱縣同教劉三朱二攢湊銀兩送給現已開明年貌住址

飛咨直隸山東嚴拏務獲等語留京王大臣等將劉二洪詳細審究逐層駁詰究出邪教黨夥分咨查拏所辦甚好至劉二洪供出之湯林即在大名府大壠地方居住平日自必與段文經徐克展往來糾約將該犯拏獲究訊或可得段文經等蹤跡或該犯即在此等同教家中藏匿亦未可定其張世英劉三朱二等藉隸山東既係劉省過同教於劉二洪在逃潛匿後尚敢往來通信幫助銀錢亦係

案內要犯著傳諭劉義明興即照單開年貌住址督飭嚴拏務獲設法盤詰究明首犯段文經下落跟蹤躡緝迅速就獲解送行在盡法處治以彰憲典再昨據劉義奏邢士花一犯係學習占卦段文經請伊為軍師是日謀為不軌係該犯代為占卦案內未獲有名各犯該犯俱認識是以暫留待質等語該犯既為段文經占卦且認識匪犯多名實為此案要犯著傳諭劉義即將邢士花一犯剔去足

筋派委妥員帶領兵役解送行在審訊沿途小心防範毋致稍有疎虞至劉二洪供出海子南門外居住之王世俊一名綿恩已派番役前往查拏現在自己拏獲著即訊取確供具奏○戊申祭

大社

大稷遣怡親王永琅恭代行禮杜爾伯特汗瑪克蘇爾扎布等及烏梁海散秩大臣莫羅穆達爾扎等入覲

上御避暑山莊宮門召見吏部議覆廣西巡撫孫永清奏稱柳州府屬羅城縣三防塘與黔省接壤西林縣八渡墟與滇省毗連皆徭獠雜居商賈駢集為極邊要地其三防塘向設之通道司八渡墟向設之潞城司兩巡檢俱相距遼遠且微員不足彈壓請裁通道鎮巡檢於三防塘適中地方改設主簿一員管轄其西林縣潞城為滇粵孔道巡檢未便議裁請將南寧府屬果化土州吏目所管事務

歸隆安縣典史就近兼管。裁汰吏目。改設主簿一員。分潞城巡檢原轄之上林亭等一帶地方。就近歸主簿管轄。命盜重案。移各該縣審詳。仍照烟瘴地方例。三年俸滿。應如所請。其改鑄關防。移建衙署。飭該撫題咨辦理。從之。吉林將軍都爾嘉奏。吉林烏鎗營左右兩翼。新舊漢軍佐領缺出。向按翼以驍騎校揀補。現出有正黃鑲藍二旗佐領缺。本翼驍騎校不敷揀選。請於八旗驍騎校內通融補放。並請嗣後勿拘按翼之例。從之。己酉。

太宗文皇帝忌辰。遣官祭昭陵。諭軍機大臣等。本日據福崧奏。太原駐防滿營。現在成丁閒散。可挑差使者約有三百餘名。請添設馬甲六十名。步甲四十名。即在成丁閒散內挑補訓練。所有增添兵丁經費錢糧。即於晉省各州縣支領繁費銀兩。裁減支給。歸於兵餉動用等語。又據另摺奏。靈石縣知縣周漢。在京違例借用重利扣債。

至數千兩。任聽債主到任所索取。恐其借端擾累。請旨革職等語。晉省滿營兵丁生齒日繁。歲支錢糧俱有定額。生計未免拮据。今即於成丁閒散內挑補添設額兵。而於各屬繁費銀兩內。裁減支給錢糧。作為滿兵經費。一轉移間。以無用為有用。所辦甚是。已批如所議行矣。伊桑阿在晉年餘。於滿營兵丁調劑事宜。何以未經籌及。奏請辦理。至靈石令周漢。於上年七月到任。其所借重利債主。隨任索討。伊桑阿豈竟毫無聞見。何以不曾參奏。著留京王大臣。即傳諭伊桑阿。令其據實登答覆奏。又諭本日據何裕城奏。到七月分糧價單。各府屬縣分開註價。貴者居多。本年江西省收成尚屬豐稔。即鄰近各省。亦俱雨水調勻。並未有前赴該省糴運糧米之事。何以各屬米麥豆價轉昂。著傳諭何裕城。將該處情形據實具奏。亦不可因有此旨。輒將價貴者改為平減。致有諱飾也。尋奏。江西糧價。

查自去年至本年七月。因運往湖北。安徽等省米穀共一百餘萬石。市值因此稍昂。現晚稻豐登。糧價日就平減。嗣後惟有覈實具奏。不敢虛飾。報聞。又諭本日據明興奏。審明劉洪李得祿。甄漢傑。呂棟等四名。先行正法。一摺。內稱李大善一犯。未見逆書。亦未在教。應行免議等語。李大善既屬無干。從前何以將該犯查拏。前據該撫奏稱。呂棟供出知情之黃連公等各犯內。有李大善之名。係劉洪外甥。其是否知情。未經在教之處。務須研訊確實。無任狡飾漏網。又奏片內稱。秦法祥業經監斃等語。秦法祥燒燬段文經逆書。尚知畏法。是以諭令該撫研訊。將來定案時。尚可免其立決。今該犯忽於初二日。據縣報在監病故。或該犯竟係畏罪乘間脫逃。該縣所報監斃之處。恐未必實。明興曾否於具報後。親身驗視。著傳諭該撫詳悉驗明。據實覆奏。又諭據畢沅奏。拏獲伊陽縣拒捕戕官案。秦

國仕一犯。訊係正犯秦國棟胞弟。並供稱秦國棟本與該犯一同逃出。旋因沿途查緝嚴緊。各自分散。秦國棟曾云。欲向陝西商南。湖北鄖陽三處逃竄等語。秦國棟係案內正犯。今既據伊弟秦國仕供明。欲往商南鄖陽逃竄。則秦國棟竟在該二處潛匿。亦未可定。著傳諭李侍堯。李封。永保。即行督飭所屬。於關津要隘。及偏僻處所。嚴密偵緝。務期就獲。毋使遠颺。潛匿稽誅。又諭大名府糾眾殺官

業內段文經。徐克展。二犯實首惡罪魁。已節次諭令劉綏。畢沅。明興等。嚴密查緝。迄今尚未弋獲。因思現在正值糧艘絡繹之時。沿途雇用緯夫。人數猥雜。最易藏奸。該犯等或聞各省查拏緊急。竟改裝易服。充作短緯人夫。潛行混入。希圖跟隨回空南下。亦未可定。今歲糧船抵通。已比往年較遲。毓奇押送抵通。後竟不必前來。行在即押送回空糧艘迅速南下。並於沿途隨處留心。飭令員弁等。於所

雇緯夫內。嚴密查察。如有潛行混入者。即行拏獲。毋使要犯得以越境潛匿。遠颺漏網。所有段文經。徐克展。年貌並著傳諭劉義。詳悉開明。飛咨毓奇。以便按照查緝。庚戌。喀什噶爾叅贊大臣保成等。奏喀什噶爾各卡駐防滿兵。因巡哨差繁。向令換班進城操演。今新設各卡。又需添派駐兵。如將滿兵常川調駐。不行操演。恐致技藝生疎。臣等議。揀綠營兵。分遣駐卡。更換滿兵操演。庶技藝不致生疎。駐防亦有裨益。報聞。辛亥。

太祖高皇帝忌辰遣官祭

福陵。諭直隸大名府匪犯段文經等糾衆殺官一案。前開該犯等供內。有已將元城縣內外監門砍開。將各犯鎖鑰砍斷。犯人都不肯走等語。該犯等於砍開監門後。不肯隨賊同行。尚知畏法。因令劉義查明原犯案由。開單進呈。候朕酌量加恩。今據該督查明元城縣監犯有已入秋審至三次二次緩決者三名。

甫入本年秋審二名。現審關毆及共毆致死。尚未定擬者十名。現獲竊賊罪應杖徒枷責者四名。著加恩將已入秋審緩決三次二次之尚驢等三名。改為滿流。其問擬滿徒枷責之牛東亮等四名。即行釋放。其甫入本年秋審之單二等。及應入下年秋審之薛文德等五名。俱著交部查覈原犯案情。照例減等發落。至靳有旺等十名。俱尚未經審結者。著該督速行審明定擬。後即照此例一體減等發落。以示寬典。諭軍機大臣等。據李世傑等奏。黃河四處漫工。內烟墩頭一處。已於八月初一日堵合斷流。其李家莊一處。現已乘時先為趕辦一摺。黃河漫工數處。現節屆寒露水勢日就平減。鑲做壩工較前自易為力。司家莊漫口係湖河相連一片之處。最關緊要。必須趕緊堵築。所有該督等奏稱司家莊對岸顧家莊灘上。抽挑引河。曾否挑竣。開放引溜北趨。此時各處林樾。俱經成熟。採辦新料。

自必源源接濟。著傳諭該督等。速將該處漫工督飭工員。上緊趕鑲堵合。其李家莊等處壩工。現已鑲做幾分。是否於九月內一律完竣之處。迅速覆奏。以慰厯注。並著該督等。將現在堵合之烟墩頭壩工。及挑挖司家莊對岸顧家莊引河。一併繪圖貼說呈覽。又諭曰。明興奏。前據李得祿供出河南虞城縣麻孟村李老五。係段文經。徐克屢學拳棒教師。隨飛咨河南。嚴密拏解。今據覆稱。虞城縣查

無麻孟集地方。惟商邱縣有馬收集。查無李老五其人。惟有李姓行五者二人。並未學習拳棒。亦未與段文經等識面等語。前據匪犯李得祿供係麻孟村。何以明興摺內。又稱麻孟集。究竟是村是集。亦當根查著實。不可聽信委員查訪不實之言。致首犯得以漏網。至虞城縣既無麻孟集。而馬收集李姓。又並未認識段文經等學習拳棒。是從前李得祿所供。顯係捏指遠處地名。支吾狡展。希圖稽延。

時日。俾首犯得以乘間潛逸。或該犯等並未遠去。轉在大名附近地方潛匿。俱未可定。著傳諭劉巖。嚴飭文武員弁。務須在附近處所嚴密查拏。設法偵緝。務期剋日就獲。畢沅當即飭查虞城。是否另有麻孟村。不可僅信有名同之馬收集。轉致首犯聞信遠颺。至李得祿一犯。前據明興具奏。已經正法。當再於拏獲同教逆犯內。李得祿之表姪張理等。切實根究。從前李得祿何以如此藉詞支吾。或係

段文經等授意。令其妄供。以圖潛脫。或竟係該犯等有意為之遮飾。務須令其逐一供吐。必得段文經等實在下落。方可完結此案。壬子。

上御卷阿勝境。賜扈從王公大臣蒙古王公台吉及土爾扈特貝子。杜爾伯特汗。烏梁海散秩大臣等食。諭軍機大臣等。據黃仕簡奏。七月初九日。訪聞得閩安協把總余殿侯等。有在後壠地方。拏獲盜犯葉邦卿。被該處鄉

民奪犯毆傷官兵而逸之事。未據該副將稟報。隨委遊擊施如憲。馳往查辦。旋據該副將徐鼎士等稟報。該協把總余殿侯等。拏緝盜犯解至中途鎮岐地方。被葉邦昂等追至。打奪人犯。余殿侯等俱各受傷等語。此案前經常青等。將拏獲各犯。審明定擬具奏。業經分別正法。至把總余殿侯等。拏盜被傷。該副將徐鼎士。何以直至黃仕簡聞信。派委遊擊查拏後。始行稟報。從前常青等摺內。並未查明辦理。著傳諭該署督。將該副將何以稟報遲延之處。據實查明。奏。並諭黃仕簡知之。

癸丑。

萬壽節。遣官祭

太廟後殿。遣官祭

福陵。

昭陵。

昭西陵。

孝陵。

孝東陵。

景陵。

泰陵。

泰東陵。遣官祭

孝賢皇后陵。遣官祭

東嶽廟。

顯佑宮。

城隍廟。

上御澹泊敬誠殿。扈從王公大臣。蒙古王公台

吉。及土爾扈特貝子。杜爾伯特汗。烏梁海散

秩大臣等。行慶賀禮。御卷阿勝境。賜宴。

甲寅。

上御卷阿勝境。賜扈從王公大臣。蒙古王公台

吉。及土爾扈特貝子。杜爾伯特汗。烏梁海散

秩大臣等。食。翼日如之。諭軍機大臣等。本

日據劉我。畢沅奏。到各摺。俱係查拏匪犯大

概情形。而於段文經。徐克展。總未就獲。殊益

憤懣。前據劉我。審訊大名道縣衙役。以道署

值宿皂役有被段文經等砍傷者似無與知謀逆情事。但段文經、徐克展俱係道縣衙役。伊等同班皂快平日共事一處。該犯等謀為不軌。必有形跡透露。伊等即未必同與逆謀。斷無一人不知之理。况前已就獲之劉興邦。即係單縣禁卒。著傳諭劉興邦再於該道縣衙役中切實訊究。正犯下落不可因有值宿衙役被砍之事。遂信以為俱不知情。聽其狡展支飾。再單沅奏段文經、徐克展二犯聞拏緊急。或轉裝緝捕人等朦混過境等語。段文經、徐克展等曾充衙役。此等鬼蜮伎倆亦屬事之所有。並著毓奇、明興、李世傑於沿河一帶一體飭屬留心。遇外來緝捕人役細加訪察。毋任偽裝頂帽得以朦混逃竄。又據穆克登奏訊據郝潤成供稱大名府東門外王綸係會內人。借賣花紅線為由。四路相通。拏到王綸。即知段文經等下落等語。王綸既係同教。且廣為通信。自屬案內要犯。著劉興即於大

名一帶嚴密查拏。設法躡緝。務期弋獲。以便根究正犯蹤跡。至邢士花、郝潤成三犯早經批諭令其解赴行在。即當遵旨迅速派委妥員小心押解。熱河聽候審訊。再前據留京王大臣審訊劉二洪供出之張世英、劉三、朱二、三犯已諭令明興查拏。尚未據奏到。拏獲並著明興飭屬嚴拏務獲。乙卯軍機大臣等議覆四川總督保寧奏稱川省督標三營向有馬廐地坐落華陽縣沙河鋪。給民墾種。收租採買麩豆。價貴時給兵餽馬於馬乾銀內扣還。節年餘銀一萬五千九百餘兩。查馬兵每名冬春月給大乾銀一兩二錢。夏秋小乾每月五錢。加給米二斗。照米值算。比大乾尚少三錢。請遇小乾月分再加米一斗。俾兵力益得寬裕。再該廠水田租穀每年餘米一百四十石。請於青黃不接時借給步兵於該兵米折銀內扣還買貯。仍借步兵支食。再每年採買麩豆止需銀五千九百餘兩。其餘一萬



兩請交典生息分給廠租無餘之撫提二標及未設馬廠之城守營各步兵庶羨項不致虛懸營伍皆有裨益應如所請其尚有餘銀飭仍貯督標備修製軍裝之用從之

實錄卷二二六三

聖

大清高宗法天隆運至誠先覺體元立極敷文奮武孝慈神聖純皇帝實錄卷之一千二百六十二

大清高宗法天隆運至誠先覺體元立極敷文奮武孝慈神聖純皇帝實錄卷之一千二百六十三

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄二次臣履歷總載官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務世襲騎都尉軍功加十九級隨帶加二級又加二級 董誥內大臣戶部尚書領侍衛內大臣都統軍功紀錄五次尋常紀錄十四次臣德瑛經筵講官太子少保工部尚書紀錄六次臣曹振鏞等奉

欽修

乾隆五十一年丙午八月丙辰

上自避暑山莊啟鑒幸木蘭○諭據李侍堯奏奏施南協守備陳興龍自京引見回楚捏報到任日期藉稱護送特成額家眷輒行赴滇請旨革職拏究等語向來督撫家眷赴省自有家丁跟隨即千把外委微弁亦不應私行派令護送守備職任較大有經管兵馬錢糧之責陳興龍引見回楚自應依限到營任事乃將部文憑限票託都司詳繳捏報到任日期轉以護送前督家眷為詞私自赴滇自應

革職審究其是否特成額派令該弁護送家眷赴滇抑係私自隨行之處著該督嚴切究訊務得確情定擬具奏○諭軍機大臣等施南協守備陳興龍自京回楚李侍堯既未派委其稟稱奉派護送特成額家眷赴滇之語自非無因著傳諭特成額將曾否派令陳興龍護送家眷赴滇抑係該備私自隨行之處據實明白回奏毋得稍存諱飾○又諭據毓奇奏江西省丁力疲乏遇幫丁應領錢糧酌借接濟等款支放維艱請於道庫解貯餘存銀內撥銀八萬兩永存道庫以備遞年支放等語毓奇所奏為調劑疲丁起見但摺內所稱撥銀八萬兩免其報撥是竟不報部矣措詞殊屬牽混此項銀兩該處留存以備遞年支放之用部中自可無庸撥動別處若竟不報部則每年支放竟由該督自行外銷又何憑查覈耶雖摺尾聲敘有支放動墊隨時咨部之語亦必當量其實在應行動用者方可

支銷咨部不可謂有此一奏竟得牽混任意取攜致干部駁也將此傳諭知之○又諭據閔鶚元奏接准阿桂札會於初十日星馳赴浙查訪黃梅劣蹟並將任所貲財嚴行查封等語此案總以竇光鼐查出黃梅所發捐單借票為據此項捐單借票前經竇光鼐查出二千餘張止將每樣一張進呈其未經進呈者是否竇光鼐隨身攜帶抑留交浙省地方官阿桂等到浙務須詳細查看此項單票既經竇光鼐查驗明白具奏該地方官自不敢私行抽換但不肖之員或竟有私行銷燬抽換希圖朦混狡飾更屬不成事體阿桂等率同竇光鼐詳加驗看自無難水落石出也至伊齡阿兩次叅奏竇光鼐亦未免為屬員所朦雖所奏情節未為無因但亦應查問明確再行入奏何得據屬員一面之辭即將竇光鼐連次叅劾耶朕辦理此案並無成見惟期公當斷不肯將竇光鼐治罪便為了結此案

再據閔鶚元奏稱。遇見寶光鼐令其在常州等候阿桂到。隨同赴浙等語。想此時阿桂自已馳抵該處。遵照前旨。將伊寬釋矣。著傳諭阿桂等務須仰體朕意。秉公查訊。將黃梅種種款蹟。嚴切根究。以成信讞。以明朕心。又諭據江蘭奏。連日因飭屬嚴拏段文。經據商邱縣知縣德瑞。拏獲形迹可疑三人。內有王二一名。供稱係山東歷城縣監犯。於本年七月二十四日。隨同監犯八人。絕城脫逃。並與同縣監犯侯偏分路逃走。現委員解赴山東。歸案治罪等語。山東歷城監犯。同時越獄一案。緝捕已及兩月。獲犯僅止二名。今因嚴緝大名首犯。始據豫省將王二一犯拏獲。而東省至今並未續有拏獲之犯。可見外省緝捕全屬具文。明興倍宜慚愧。飭屬上緊躡緝。毋任要犯漏網。久稽顯戮。又據江蘭摺內奏稱。同時拏獲南濟泰李國珠三犯。影帶紅花瘦馬一匹。長刀二把。訊供合夥赴安徽鳳臺縣

下蔡鎮生理等語。此二犯形迹殊屬可疑。如果係合夥赴安省貿易。何必攜帶刀馬。前據劉莪奏。大名匪犯。曾有搶騎號馬逃逸者。著該督詳查案內人犯。是否有此二人名姓。且號馬俱有毛片。可以識別。該縣號內。是否有此毛片馬匹。經匪犯搶去者。詳加覈對。自無難辨其真偽。至段文。經徐克展二首犯。何尚未獲。殊深煩悶。該督等務即設法查拏。剋期弋獲。勿任久稽顯戮。將此傳諭劉莪。明興。並諭江蘭知之。○是日。駐蹕中關行宮。○丁巳。諭軍機大臣等。據福崧覆奏。黃梅勒派捐錢。並借用部民銀兩等款。既據寶光鼐查叅。並有印票確據。自非無因等語。此案黃梅勒派捐借。印票累累。至二千餘張之多。是其貪黷款蹟。已顯有證據。阿桂等祇須將印票查驗屬實。則黃梅之罪。自無可置喙。而該撫等亦自有應得之咎。此項印票。若果出自寶光鼐捏造。即將寶光鼐真以重典。亦所應得。但圖

書印信。實光鼎斷不能描畫至二千餘張之多。況字帖內俱有業戶花名。實光鼎又焉能憑空偽為填寫。此事理之顯然者。況派捐勒借。證據確鑿。黃梅又何從抵賴。即阿桂。伊齡阿。欲稍為迴護。亦斷不能將有作無。強為無方之欺也。朕辦理此案。一秉公正。惟期案情確實。並不稍存成見。已節次明切宣諭。阿桂此時自已到浙。當與閔鶚元。東公究訊。速將查審實在情形具奏。想阿桂自能仰體朕心。不存偏護芥蒂之見。至福崧奏摺內稱。平陽距省千有餘里。誠恐耳目未周。但在浙時。並未據該管道府揭報等語。平陽距省城雖道里稍遠。但福崧身任巡撫。通省屬員。皆應留心查察。平陽豈獨非該撫所屬。而可以距省較遠。接為不知耶。如是則雲南。伊犁。不啻數萬里。朕亦付之不知可乎。姑且俟之。將此傳諭阿桂等。並諭福崧知之。○又諭據福崧覆奏。范公塘一帶形勢頂衝。柴工屢鑲屢墊。沿

塘堆壘竹篾。以護塘根。其丈尺深淺。一時難以拘定。未敢懸擬聲敘。逮工竣後。因司道冊報工料浮多。屢經飭駁刪減。以致在任時未能分別題報等語。范公塘距省城甚近。既因工險。堆壘竹篾。以護塘根。該撫應於工竣時。親往查驗。丈尺深淺。無難一目了然。設該工員等。果有浮冒減工之弊。即可立時查出。覈減叅處。乃僅據工員等詳報冊內。往返飭駁。則該撫當時並未親往查勘。已可概見。福崧身任巡撫。於此等要工。豈得不行親往。惟以駁查了事可乎。將此諭令知之。○是日。駐蹕波羅河屯行宮。○戊午。諭刑部覈擬大名府糾衆殺官案內韓直之父韓蘭一犯。照大逆緣坐律。擬斬立決。一摺。向來大逆緣坐人犯。如其尊長訊不知情。雖律應緣坐。從不予勾。蓋非特罪人不孥。亦不忍因其子為逆。而使其親受戮。是以概從寬典。至此案韓蘭於伊子韓直入署殺官後。既訊知前情。復敢商同

逃逸。照例緣坐本屬罪所應得。但念韓蘭究係韓直之父。亦不忍因伊子從而罪及其父。韓蘭著從寬發往伊犁。給厄魯特為奴。交該管官嚴加管束。如該犯起解後。中途乘間脫逃。或到配所竄逸。一經拏獲。即於該地方正法。○諭軍機大臣等。昨據劉戡將邢士花一犯解赴行在。令軍機大臣嚴切究訊。據供段文經。徐克展。逃走地方。他曾提錢占卜。似在東方。且段文經等曾資助劉洪錢文。想來在單縣附近藏匿等供。雖係該犯懸揣之詞。未足為據。但段文經等常遣人與劉洪通信幫助。必與劉洪熟識。且單縣地方伊等同教必多。段文經。徐克展或在該縣同教人家藏匿。或竟改裝逃竄。或沿河南下。均未可定。著傳諭明興。於單縣嚴切查究。並將就獲同教各犯再行嚴鞫。或於江南交界地方。究明段文經等實在下落。速行緝獲。○是日。駐蹕濟爾哈朗圖行宮。○己未。諭曰。雅德著加恩賞給

副都統職銜。前往烏什。更換穆和蘭。協同明亮。辦理事務。明亮雖善於訓束兵丁。攻戰亦勇。而於辦理事件。或未能盡善。烏什係總理回部地方。雅德前在葉爾羌等處。曾經歷練。自必感戴朕恩。協同明亮。勉出力。雅德到烏什後。即將此旨。曉諭明亮。穆和蘭。著往土魯番辦事。更換尚安。尚安著往喀喇沙爾辦事。更換雅滿泰。雅滿泰著往西藏辦事。更換留保住。回京。慶麟乃係公爵。在藏既久。著慶麟領辦事件。雅滿泰係蒙古人。數年以來。亦曾歷事。務須協同慶麟。和衷商議辦事。雅德接奉此旨。不必前來行在謝恩。即日馳驛前往。○是日。駐蹕阿穆呼朗圖行宮。○庚申。上行圍。○諭。綏遠城將軍員缺緊要。蒙古等事。件亦繁。綏遠城將軍著嵩椿調補。寧夏將軍著積福調補。○是日。駐蹕卜克大營。○辛酉。上行圍。○兵部等部議准。署湖廣總督李侍堯奏。稱各營官兵俸餉米折等銀。請責成該管

鎮將等。覈計每月應領銀數。在一萬兩以下者。派守備一員。一萬兩以上者。派都司一員。赴司請領。其離省遙遠營分。按兩月及一季。或兩季應領銀數。於都守外加派千總一員。其分防營分銀數無多。派安幹千總一員。加派外委一員。協同照料。再請照州縣領銀之例。數在一千兩至一萬兩者。首縣移會前途一體撥兵一民壯四一萬至二萬兩者。撥兵二民壯四二萬兩以上者。酌量添撥逐程護送。如有疎失承領之員革職原委上司降二級調用。沿途文武員弁及該管將備道府廳等官。均照餉鞘被失例議處。所失銀兩著落承領之員賠十分之六。失事地方官賠十分之四。如承領之員力不能完。即著落僉差不慎之上司賠補。以示懲儆。從之。○是日駐蹕巴顏陀羅海大營。○壬戌

上行圍。○諭軍機大臣等。據畢沅奏。馬收集李

法。向習離卦教。能使拳棒已飛。剗江蘭密速

查緝等語。馬收集既有李法其人。係同教離卦支派。且素習拳棒。或即李得祿所供之李老五。亦未可定。該犯曾否就獲。訊究著畢沅迅速覆奏。至段文經。徐克展。身為官役。竟敢於光天化日之下。糾眾多人。謀為不軌。實屬罪大惡極。必須查拏全獲。明正典刑。已節次諭令該督等設法搜捕。迄今尚未弋獲。該督等原無自往緝捕之理。必當嚴密飭委地方員弁。上緊設法躡緝。但該員弁等勤惰不一。能事與否。亦異該督等必須加意查察。如果屬員中有認真出力者。何妨據實保奏。以示鼓勵。其並不實力奉行者。即行指名叅劾。俾知懲儆。庶該員等各有責成。咸知奮勵。不至有名無實。或於派委員弁之外。另委誠實明幹之員。密為訪察。其執勤執惰。更可得其底裏。劉義畢沅。明興素日俱非不能辦事之人。倘因循日久。致屬員等視為海捕具文。此案正犯竟不能拏獲。漏網稽誅。該督等將何顏

見朕也將此各傳諭知之。又諭大名糾衆滋事案內首犯段文經、徐克展等，輒敢倡立邪教，殺官劫庫，實屬罪大惡極。雖緝月餘，尚未弋獲。殊增煩悶。陝西與河南接界，恐該二犯聞警緊急，或由河北一帶竄入秦隴，亦未可定。著傳諭永保，即派幹練官弁，並嚴飭各該地方官，密行訪拏，設法偵緝。務使鄰省要犯不致漏網。稽誅朕必嘉其能事，予以獎勵也。所有該二犯年貌住址，傳諭劉我令其即行知照該撫若能緝獲，即速奏來。○是日，駐蹕哈里雅爾大營。至甲子，皆如之。○癸亥。

世宗憲皇帝忌辰遣官祭

泰陵。○諭軍機大臣等，據李世傑等奏黃河漫口司家莊東西壩工，現在做成六十餘丈，口門尚寬一百九十餘丈，其李家莊漫工業已做成七十餘丈，口門僅寬四十餘丈。月底月初即可堵合等語。前因司家莊漫工係河湖相連之所，是以諭令該督等上緊堵築。目下

節屆霜降，不久立冬，水勢日就消落，歸槽於進占下埽事宜，自更易於著力。且據奏顧家莊引河亦已挑有一半工程，八月底可以挑竣。所需正雜物料，現在源源運工，應用無難。剋期堵合。其湯家莊等處，亦可次第趨築。迅速藏事。著傳諭李世傑等督飭工員趕緊堵築。務於九月內一律竣工。俾黃水速歸故道，以慰厘注。本年清黃並漲，所有堵築漫工賑卹各款應用若干，前已諭令該督等通盤覈計，實在應需數目。此時自己已有確數，並著該督等即行據實覆奏。○又諭據伊齡阿覆奏黃梅勒索款蹟一摺，用紫硃謄寫批閱，殊為詫異。伊齡阿現在入關監臨，雖例不應攜帶墨筆，但遇陳奏事件，伊豈無幕友在外，自可照常繕寫，何必竟用紫硃？伊齡阿何不諳體例？若此著傳旨申飭。至此案據伊齡阿所奏，其意亦自覺前此奏奏不無冒昧，看來今日所奏似有退悔之意。是實光霽所參竟有八

分屬實。此時阿桂、閔鶚元俱已先後到浙。惟當不存成見。秉公查訊。此事不獨阿桂前此查辦時。因耳目難周。致被地方官朦蔽。並非有心開脫。本無不是。無所用其迴護。即海成係差往查辦司員。其勢自孤。外省官官相護。伊在縣堂放告三日。並無首告之人。海成自無從得其底裏。又何怪其墮伊等術中。是以朕於海成尚不加責備。況伊齡阿甫經到任。黃梅種種劣蹟。俱在福崧巡撫任內。伊齡阿未經到任以前。將來審明定案時。朕惟福崧是問。至伊齡阿於此案。祇不審虛實。聽信屬員一面之詞。兩次將寶光羅查出田單印票各項。確實錯謬。其受屬員慫恿。朕自能洞悉。原諒其咎較輕。伊齡阿亦無庸畏葸也。此時阿桂、閔鶚元。自己將寶光羅查出田單印票各項。確實查究。務令水落石出。以成信讞。以服衆心。所有審訊情形。即行迅速覆奏。將此傳諭阿桂等。並諭伊齡阿知之。○甲子。

上行圍。○諭明歲春闈後。著加恩將應試舉人照例大挑。分別等第。帶領引見。錄用。俾得乘時筮仕。以示加惠。寒畯之意。所有辦理事宜。該部臨期奏聞。請旨。○又諭。據劉綏奏。審擬鉅鹿縣越獄各犯一摺。已批交軍機大臣會同行在法司。覈擬速奏矣。至案內喬興旺一犯。雖原犯罪止滿杖。但該犯先經擄鎖。欲逃經官責處。復敢起意越獄。糾約張金祿等。代為擄開項鎖。先後出籠。挖牆逃逸。以致擬絞情實之張金祿在逃未獲。實屬不法。已極該督拘泥原犯罪名。僅擬絞候。餘犯概擬發遣。殊屬輕縱。目今越獄之犯頗多。未必非水懦民狎所致。正宜猛以濟寬之時。且越獄者多。則獲罪者必多。亦非所以成其寬也。現在元城縣監犯。被逆匪砍開監門。該犯等不肯隨賊同行。因諭令劉綏查明。特降恩旨。將原擬斬絞重犯。俱從寬典。減等發落。其情罪稍輕者。概予釋放。可見該犯等於獲罪監禁後。果



知安分畏法無不予以矜全。若守法者得邀寬宥。而兇狡藐法者並不寘以重典。又將何以示勸懲耶。此等越獄兇悍之徒。即為亂民。拏獲後原不應按其所犯本罪定擬。若越獄脫逃就獲。又因原犯情節較輕。再予寬縱。則兇頑何所警懼。刦獄搶犯之事。由此而起。皆姑息之念釀成之。不可不防其漸也。況近來直隸山東屢有越獄之事。尤不可不從嚴辦理。以示懲創。再此案張金祿一犯逃竄日久。迄今尚未就獲。又大名案內與段文經等通信之王綸。業經豫省獲犯郝潤成供出在大名府居住。自應實力緝拏。乃據該督奏到查緝仍無下落。豈因為日稍久。視為海捕具文。該督所司何事。除此案已令軍機大臣等從重改擬外。劉莪著傳旨嚴行申飭。所有未獲各犯。該督倍當遵奉節次諭旨。嚴飭所屬。上緊查拏務獲。迅速具奏。將此傳諭劉莪。并宣諭各省知之。○諭軍機大臣等。大名糾眾滋

事案內張均德王成功二犯同入道署動手殺官在逃。未獲。茲據劉莪訊據獲犯常有良供稱。張均德王成功俱逃往山西潞安府一帶。業經劉莪開明年貌清單。飛咨外著傳諭福崧嚴飭所屬於潞安一帶設法密拏務獲。即行訊取確供。並向該二犯究明段文經徐克展逃竄實在下落。迅速具奏。○乙丑上行圍○定越獄罪名。諭近年以來各省越獄之案不一而足。所謂水懦民狎。正宜猛以濟寬之時。且該犯等狃於法輕。肆行越獄。就獲後轉致身罹大辟。是亦非辟以止辟之義。其故由於越獄之案向來辦理並未明定專條。無以示懲。嗣後如有越獄人犯。既逃就獲。其本罪係屬斬絞。應入情實者。俱即行處決。如本罪係斬絞。緩決者。俱入於秋審。情實其原擬軍流以下人犯。無論原犯罪名。概行問擬。絞候入於秋審。緩決。此非於法外有所加重。蓋法輕則民易犯。此等兇頑不法之徒。必如

此嚴立條例。庶不致輕蹈前轍。著交刑部載入則例。通行內外問刑衙門。一體遵照辦理。並著各督撫等。交臬司將此旨刊刻。發交各屬。於監獄處所。懸掛曉示。俾各監犯等。知越獄脫逃。非特不能倖免。偷生轉足自速其死。庶獲罪犯。咸知警懼。此亦刑期無刑之意。所有直隸鉅鹿縣越獄一案。著軍機大臣會同法司。即照此定擬具奏。並通諭知之。○諭軍機大臣等。據毓奇奏。前因督催幫船渡黃。感受風寒。半月以來。精神委頓。請解任回旗調理等語。覽奏深為廕念。該督偶感時疾。加意調理。自可痊愈。毋庸解任。至本年重運。現在陸續趨過東境。正需人料理。俟將來船隻回空。較為易辦。管幹珍在彼兩年。於督催一切。尚為熟諳。著傳諭管幹珍。竟毋庸前赴行在。復命於接奉此旨後。即由京馳驛前往臨清一帶。幫同毓奇辦理漕運事宜。俾毓奇更可安心調攝。以冀速痊。○是日駐蹕濟林烏

里雅蘇大營。○丙寅。

上行圍。○諭向來固倫和碩公主。俱乘坐銀頂輜。嗣後固倫公主。著乘坐金頂輜。和碩公主。仍著乘坐銀頂輜。十公主。著加恩亦乘坐金頂輜。○兵部議准。江西巡撫何裕城奏稱。江西各標營。共設字識四百五十六名。其中馬步守三項兼備。而支食步糧者獨多。查馬步例於守兵中。遞拔字識。例免操防。不嫻弓馬。因與本官親近。遇缺生補。且支糧餉較優。應請止食守糧。果有習練鎗箭。兼能書寫者。方許該管官保送考拔。再申報地方盜竊案件。率將州縣通詳之口供看語。全行鈔錄。字識不敷書寫。輒派操防兵幫辦。實屬繁複。請嗣後止敘失事日月。犯名職數。餘俱從刪。毋許另派幫寫。致誤操防。應飭各省將軍督撫提鎮。一體遵辦。從之。○是日駐蹕永安。○大營。○丁卯。上行圍。○諭曰。阿桂等奏。審擬原任平陽縣知

縣黃梅向部民勒借錢文并按田科派二款已供認不諱一摺黃梅以彌補虧空為名向部民勒借派捐業有確據其貪婪不職殊出情理之外黃梅著革職拏問温州府知府范思敬著解任一併質審定擬具奏○又諭曰伊桑阿於八月十九日已滿百日服制前此直隸樂亭縣知縣率意刑斃罪人失察案內經部議伊係從寬留任之員無級可降請旨革職今若仍著伊桑阿前赴山西巡撫之任又似旗人留任矣伊桑阿之罪尚輕著賞給副都統職銜前往哈密更換巴延三伊桑阿到哈密時巴延三將一切事務交付後即著回京伊桑阿接奉此旨即馳驛前往不必前來行在謝恩○諭軍機大臣等前因上下兩江去年俱被旱災今歲黃運二河皆有漫溢民田不免被淹曾經降旨令該督等將上下江通省秋成分數合計約有幾分之處查明覆奏現在節逾霜降禾稼漸次登場其秋成

約收分數自可查得何至今尚未覆奏豈不知朕屢念民依無時或釋耶又大名府二賊犯有消息否著傳諭李世傑即行查明迅速據實具奏以慰廑注○又諭據阿桂等奏審訊黃梅大概情形一摺黃梅勒借部民錢文及將各書役收繳田單錢文入已侵用業據供認不諱是實光鼐所奏各款已有二款屬實已降旨將黃梅革職拏問至該府范思敬於所屬知縣黃梅如此貪婪斁法並不早行揭叅顯有徇庇情事但徇庇屬員亦有不同或因屬員才具可用思欲曲為保全或恐貽累規避處分遂至心存庇護不肯揭叅今黃梅如此貪贖乃范思敬竟為袒庇置若罔聞自必得受黃梅賄賂是以隱忍姑容並不據實揭報阿桂等務將此情節切實審訊定擬具奏至阿桂等查辦此案尚有未中竊要之處黃梅以彌補虧空為名肆其貪婪派捐勒借即使將科欵銀兩實在彌補倉庫已有應

得之罪。况藉端派借。並未彌補虧缺。俱以侵漁肥橐。是其貪黷營私。實出情理之外。此一節最關緊要。阿桂等當從此根究。令其據實供吐。毋任狡飾。並將黃梅採買倉穀。私收水脚。朋貼各情節。逐一嚴究。務得實情。以成信讞。至黃梅長子黃嘉圖。民皆號為石板礮。是黃梅縱容伊子。在外招搖婪索。貽害地方。必有實在款蹟。以致衆怨沸騰。混號即其實據。並著阿桂等一併嚴審究擬。迅速具奏。所有此案漫無覺察之上司。及該管道府均著阿桂等。於定案時。分別查參。○又諭。大名糾衆滋事一案。首犯段文經。徐克展。二犯。緝拏將及月餘。並未就獲。雖據劉戡等多方設法搜拏。但至今尚未得實在下落。殊深煩懣。此案黨夥各犯。現經先後拏獲。分別正法者。已有數十人。固屬罪所應得。但究係該二犯首先起意。煽惑糾合。以致株連多犯。且在官人役被其所害者。亦復不少。若黨惡者。駢首伏法。

無辜被害者。俱受沉寃。而該二犯竟得遠颺漏網。於天理亦所不容。至該二犯設謀聚衆殺官刦庫。當其起事之初。斷未有不商及事之成敗。若事不成。逃往何處潛藏。其黨與親信之徒。必有與聞其謀者。即如逆犯許三。係該二犯心腹。影黨俱聚伊家。無不向其商謀之理。該督本不應將許三先行正法。以致首惡奸謀。無從根究。今許三既已就誅。自應再向其同黨要犯嚴究。著傳諭劉戡。於現在監禁各犯中。與該二犯平日親密者。嚴行根究。務得其實在潛匿處所。分咨緝拏。使首逆速正典刑。以彰國憲。至該二犯此時。或在單縣潞安一帶。及鄰近各省潛匿。並著傳諭山東山西河南陝西各督撫。仍各一體上緊躡拏。設法偵緝。毋得以日久視為具文。○是日。駐蹕齊爾博庫昂阿大營。○戊辰。上行圓。○諭曰。巴圖之第四子扎沁扎卜。已施恩賞戴花翎。伊應得職銜。著該衙門照例給

予嗣後蒙古王公子弟有雖未及歲經朕在園已賞戴花翎者應得職銜該衙門即照此給予其未賞花翎者仍俟及歲再行給予著為令○蠲免安徽寧國涇縣銅陵建德當塗繁昌無為舒城鳳陽臨淮定遠盱眙滁州廣德等州縣乾隆五十年分旱災學田八十一頃六十六畝有奇額賦○是日駐蹕僧機園大營○已已

上行園○諭軍機大臣等大名案內段文經徐克展二首犯屢經降旨令該督撫密速查拏迄今月餘伊等節次奏到之摺祇屬空言並未得有實在下落殊深煩懣劉義明興遠離省會久住大名冠縣督率搜捕仍屬有名無實伊等寧不知慚赧尚有何顏面在彼久駐現屆勾到之期該二省秋審人犯正須辦理劉義明興竟著回至省城但不知伊等當如何羞愧所有二首犯該督等應飭令該處道府仍行嚴密根緝不得因督撫已離該處稍

生懈怠視為具文且段文經等或潛匿附近處所今聞督撫各回省城或意謂緝捕稍緩希圖潛回亦屬事之所有正宜乘此時密行訪緝以期弋獲至劉義抵保定後惟當實力整頓地方若日內能將二首犯拏獲准其前來行在瞻覲若仍無下落伊亦無顏見朕竟毋庸前赴行在也將此各傳諭知之○又諭大名府案內正犯段文經徐克展日久未獲因思京師為四方會萃之區恐二犯聞拏緊急不敢遠颺轉潛行竄匿京師以冀苟延殘喘或竟情急自宮冒為太監希圖朦混掩飾耳目亦未可定著傳諭綿恩嚴飭番役於京城內外密速偵緝務期弋獲並著內務府大臣於投到太監內一體留心查察毋任該二犯得以混冒潛匿倖逃法網並傳知各王公大臣等遇有新收太監務將來歷根究明白如遇有與段文經徐克展年貌語言相似形迹可疑之人即行報出以憑究辦王公大臣

等皆係承受恩眷之人。自當竭力留意訪查要犯也。○又諭昨據毓奇奏。因督催漕艘渡黃。感受時疾。請解任回旗調理一摺。已諭令安心調理。毋庸解任。並降旨令管幹珍馳驛前往幫同辦理漕運事宜矣。至毓奇督催幫船北上。近在臨清一帶。該撫與彼相距不遠。自必悉其情形。何以未據奏及著傳諭明興。即將毓奇病體究竟若何。是否於督運事宜尚能支持。抑或精神委頓。竟不能辦理公務。

難冀速痊之處。迅速據實覆奏。尋奏漕臣病體不致委頓。於督運事宜尚可辦理。報聞。○是日駐蹕克爾穆特昂阿東大營。○庚午上行圍。○諭大名道熊恩紱。於逆犯段文經。徐克展等。糾眾滋事。搶劫道庫。黃夜砍入道署。被殺身死。固由該道平時漫無覺察。不能先事豫防。致被本管之役。逞兇殺害。原有取死之道。非臨陣捐軀。及因公落水淹斃者可比。但熊恩紱究因在公被害。猝不及防。其情尚

屬可矜。著交該部照臺灣同知潘凱被生番戕害之例。賞給卹典。至大名元城兩縣。前已有旨從寬留任。令劉莪察看二人。誰為辦事出力。據實具奏。又該二縣典史。前令劉莪於定案後。送部引見。後因大名縣典史拒賊受傷。內監未動。尚能奮勉出力。其元城縣監獄匪犯已砍入內監。該典史有過無功。毋庸送部。並著劉莪查明該典史彼時究在何處。照例叅處。迄今何尚未奏到。至該處疎防文武

員弁。並著劉莪查明據實具奏。○又諭本日刑部具題四川省緩決人犯一本內劉興一犯。因私行砍伐伊伯劉奇章竹子。劉奇章指為盜竊。欲拉送官。劉興情急。隨用砍竹之刀。自砍顙門。昏暈倒地。劉奇章恐其身死拖累。亦取劉興之刀自砍。傷重殞命。經刑部覈擬以劉奇章死由自砍。並非劉興逞兇逼迫所致。將劉興列入緩決。殊未允協。此案劉興並無逞兇逼迫情事。但劉奇章之死。實因劉興

私行砍竹。忿激所致。且以卑幼而致尊長自戕。事關服制。自應入於情實而不勾。乃列為緩決。殊屬失當。刑部堂官著傳旨申飭。劉興著改入情實。仍於勾到冊內引旨聲明。不予勾也。○是日駐蹕安巴。究和羅昂阿大營。○是月漕運總督毓奇奏。接准直隸督臣劉義咨稱。前議奏將最後江西幫船分撥剥船六百隻。趕赴入直首站。全行剥載赴通。如剥船不敷。即於安陵地方豫備房屋起卸。再行輪轉裝運。以速回空。奉批與漕臣及倉場等相商。隨便妥辦。一面奏聞。今有剥船實屬得用也。臣等悉心籌酌。湖南及江西在前各幫。於八月二十五以前過津者。或於楊村起剥。或於北倉截卸。其二十五以後入直者。祇可於安陵起卸。囤貯剥船輪到通。庶免回空凍阻。除截卸各丁應貼繳耗米飯米及箇兒錢等項。照北倉定例辦理外。其安陵至通較北倉水程多六站。應酌加剝價。令幫丁繳出。以

免偏累得旨。如所議行。○署湖廣總督李侍堯奏。准兵部咨。州縣民壯派十分之六。演習鳥鎗。查湖北省與湖南苗徭雜處者迥異。即施南鄖陽宜昌近山各處。均在腹地。無須使用鳥鎗。況民壯有協同兵丁緝盜解犯等差。未便再令隨營演習。再鳥鎗民間禁用。應請無庸演習。以杜奸民影射私藏等弊。得旨。所議是。近有旨一概禁習矣。○河南巡撫仍管布政使江蘭奏。豫省民間賤價售產。蒙恩諄切曉諭。晉省民人皆知畏法聽贖。現據州縣具報。共已贖歸三十萬五百餘畝。其實在無力取贖者。先令退還一半。餘俟陸續贖回。俾失業者不慮無土可耕。買產者亦不致本貲無著。旁批。此一辦法好。又奏。現高家寨蘭陽十四堡等工。加鑲堅固。惟儀封六七堡。閏七月溜勢南趨。埽段續有平墊。飭員趕築。日來亦已平穩。報聞。○四川總督保寧奏。川省產米較饒。外來商販常年動計數百萬石。間

遇他省災賑又需協濟而通省一百三十餘  
廳州縣額貯穀共止二百八萬餘石應乘今  
歲年豐穀賤於附近水次州縣分買穀三十  
萬石照例每石不得過五錢九分設遇撥濟  
鄰封即可碾運而本省額儲不減仍足以備  
不虞得旨好妥實為之○兩廣總督孫士毅  
廣東巡撫圖薩布奏粵海關奏准添設庫官  
一員應裁通省佐雜一缺查南雄府屬僅有  
二縣解審人犯無多司獄事簡請歸經歷兼  
管裁司獄缺改設粵海關庫大使酌添俸銀  
八兩即將司獄舊署變價另建得旨該部知  
道

實錄卷一百零二

十

大清高宗法天隆運至誠先覺體元立極敷文  
奮武孝慈神聖純皇帝實錄卷之一千二百六十三

實錄卷一百零二

十一



大清高宗法天隆運至誠先覺體元立極敷文奮武孝慈神聖純皇帝實錄卷之一千二百六十四

監修總纂官經筵講官太子太傅文淵閣大學士文淵閣領事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣廣桂

總裁官經筵講官太子太傅文華殿大學士文淵閣領事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董浩內大臣戶部尚書保德滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆五十一年丙午九月辛未朔

上行圖○遣官祭

歷代帝王廟○遣官祭

都城隍廟○諭各省學政現屆差滿應行更

換之期順天學政著金士松去江蘇學政著

沈初去浙江學政著朱珪去江西學政著翁

方綱去福建學政著陸錫熊去山東學政著

胡翹元去山西學政著童鳳三去河南學政

著劉種之去安徽學政著徐立綱去湖北學

政著張燾去湖南學政錢澄著留任陝甘學

政著為永肩去四川學政著邵洪去廣東學  
政著曹仁虎去廣西學政著潘曾起去雲南  
學政著吳俊去貴州學政著吳壽昌去此內  
有現在已出試差人員事竣即由該省前赴  
新任不必來京請訓○又諭曰黃仕簡奏諸  
羅縣奸民捐貢楊功懋即楊光勳監生楊功  
寬即楊媽世兄弟二人因爭財起釁各立會  
名糾眾樹黨經臺灣鎮道飭屬查拏該汛把  
總陳和拏獲會匪張烈一名夥黨搶奪陳和

被殺現督飭員弁緝獲首從各犯楊功懋等  
五十餘名從重辦理等語此案楊功懋等釁  
起家庭膽敢私立會名結黨聚眾經把總陳  
和拏獲匪犯張烈復敢奪犯傷官實屬不法  
所有現獲之首從各犯楊功懋等五十三名  
著常青黃仕簡等審訊明確一面具奏一面  
將首要各重犯即在該處正法示眾至把總  
陳和因獲犯解審中途被刦遇害著交部照  
例議卹至臺灣鎮柴大紀臺灣道永福辦理

此事尚屬迅速妥協。著交部議敘。其在事出力文武員弁。亦著該督等查明。分別咨部議敘。○又諭。據全德奏。滁州生員駱愉呈遞書策。語涉狂誕。請交督臣嚴審究擬一摺。已於摺內批令將駱愉嚴拏。送交刑部聽審。不必累及所控矣。至該犯所呈書策詞語狂誕。實出情理之外。據全德稱。春間該犯曾向伊投書。彼時全德見此等狂誕詞語。即應向其究詰。據實陳奏。乃竟置之不問。直至該犯又向

運使處呈送。據該運使具稟。全德知事不可掩。始行奏聞。是該鹽政遇此等妄言生事之徒。竟置不辦。況該犯書內稱。戊戌年有訛傳賜宮妃一事。揚州城內衆口喧傳等語。該犯本年春間遞書全德。揚州城內自己開傳全德身任鹽政。豈毫無見聞。竟同聾聵。惟以養尊處優為事。又安用此鹽政為耶。全德著傳旨嚴行申飭。並令其自行議罪。所有駱愉一犯。著即拏解刑部。交軍機大臣會同嚴審究

擬。○是日駐蹕烏蘭哈達大營。○壬申。

上行圍。○諭曰。穆騰額著來京。有另行簡用處。所有廣東粵海關監督著佛寧前往。佛寧接奉此旨。即速前來。行在請訓後。再行速赴新任。穆騰額俟佛寧到粵交代後。再行啟程。迅速來京。○諭軍機大臣等。昨據全德奏稱。滁州生員駱愉呈遞書冊。詞語狂誕。已令將駱愉拏解刑部候訊。至駱愉所呈書內有戊戌年春訛傳賜總商宮妃一事。揚州城內衆口

闕傳等語。其語雖屬妄誕。不經。但揚州既已宣傳。自非一日。伊齡阿雖於四十四年復任鹽政。此等訛傳之語。自必有人傳說。此事頗有關係。豈伊齡阿毫無見聞。竟同聾聵。何以並不查明具奏。置若罔聞。伊齡阿著傳旨申飭。令其據實明白回奏。勿得諱飾。○是日駐蹕伊遜河大營。○癸酉。

上行圍。○諭工部等衙門。議駁御史祝德麟條奏。江浙二省講求水利。禁止浮收漕糧。並族

築墳地各款一摺。朕詳加批閱。該御史所奏竟無一款可行之處。如江浙水利近年以來。歷經欽派大臣會同該督撫等籌辦疏濬。屢次講求。該御史所條奏原不出此範圍。至江浙二省漕賦本多州縣中如有浮收情弊。將軍提督學政織造等本俱有奏事之責。果確有聞見。原可據實奏。亦何待定為章程。令其兼管地方耶。且地方事務既有督撫等辦理。復令將軍學政等越職稽查。亦無此政體。至所奏族葬墳地一節。尤為無理。地方土俗因時制宜。何必更張煩擾。且自古塋葬從未聞有妨耕種之事。乃亦為此迂論。該御史殊屬不曉事體。且屆科場之期。以此條奏不無希冀出差之意。實屬非是。祝德麟著交部議處。○諭軍機大臣等。據李世傑奏狼山鎮總兵黃秉淳於閏七月初間染患齒痛。足腫八月。愈甚。於二十一日病故等語。黃秉淳係黃仕簡長子。今患病身故。黃仕簡聞知自必傷

感。但修短有數。亦屬無可如何。且黃仕簡病愈未幾。不宜過於悲悼。勉自節攝。以慰厪注。著賞給黃辦大荷包一對。小荷包一對。以示體卹。至黃仕簡辦理海疆事務甚屬出力。所有公爵將來應令何人承襲之處。著黃仕簡自行酌量。或於伊諸子中揀擇一人。或令其長孫承襲。俱聽黃仕簡之便。酌定具奏。朕自當俞允也。○以巡捕營副將陳杰為江南狼山鎮總兵。○是日駐蹕布敦昂阿大營。○甲戌。

上行圍。○諭軍機大臣等。據劉我奏查拏段文經徐克展等犯。文武共有三十餘員。分佈四路。尚未弋獲一摺。此案迄今已及月餘。劉我若果如此派員實力搜捕。何以尚未得該二犯。實在下落。況與直隸山東附近之河南山西陝西江南以及京師。凡該犯等可以逃竄之路。俱經朕早為慮及。節降諭旨。令各該處一體飭屬嚴拏。是該二犯更無可逃匿。乃尚

不能拏獲。豈有翼飛向外國之理。直隸山東二省該犯同教甚多。是以尚在大名單縣一帶潛藏。且教首劉洪係單縣人。而劉我即係該縣鄉紳。豈無親族佃戶鄉黨鄰里。可以向其密行訪查。況該犯等竄匿該處。經地方官飭役查拏。其民人等雖有知其蹤跡者。或畏事不肯據實吐露。若劉我於鄉人中暗行體訪。或轉可得其消息。即量出已資。令伊鄉人等設法購線。多方偵得。以期就獲。亦屬該督分內應為之事。此朕代為籌及者。不知劉我曾否想到。若果能想到如此。辦理自必早經奏及。劉我以單縣非其所轄。耶。恐伊束手無策。未必能籌計及此。乃尚於奏摺中。覘顏稱不至漏網。實可謂無能。代為羞愧。不知劉我更有何顏面也。至山東單縣一帶。係該犯等傳播邪教之地。尤易藏奸。著明興督飭所屬實力嚴緝。毋以日久稍有怠玩。倘經別處擒獲。明興將何顏對朕也。將此傳諭劉我並諭

明興知之。○是日駐蹕阿貴圖大營。○乙亥賜扈從蒙古王公台吉等食。○諭軍機大臣等。據徵瑞奏。現在剝船一千二百隻。尚不敷用。請於每年商交二錢款項內。撥銀九萬兩。添造剝船三百隻。仍交江西湖廣。即於今冬趕造。來春南漕未到之先。運送至津備用。等語。剝船多為豫備。於漕運事宜。更為有濟。著傳諭李世傑。何裕城。浦霖。即照上年辦送剝船之例。就近動項。飭委熟諳幹員。迅速妥造。務於開春南漕未到以前。運送至津備用。並著傳諭徵瑞。查照舊式燙樣。分咨各省。照樣成造。○又諭。據河南省將郝潤成解到。行在令軍機大臣審訊。據供。閏七月十四日。隨段文經等入署殺官。聞喊逃散。後至十七日夜。同邢有富到西張孟村段文經家。遇見徐克展。問其欲逃往何處。據說廣平馬頭集山東冠縣。皆有同教。可以藏匿。回家後。開邢有富被獲。隨於廿四日。同叔郝士起。逃至河南武

安被獲等語。是段文經等殺官劫獄之後。並未速竄。十七日尚潛匿家內。若彼時地方官即能迅速查拏。早可就獲。乃劉我於十八日接稟。由保定起身。二十二日始抵大名。劉我年老。固不能騎馬。獨不當乘輜連夜速行。乃行走遲緩。稽延時日。而大名。元城。二縣。因見本道被殺。畏蒞昏瞽。手足無措。以致該犯等得以潛匿多日。安然遠颺。劉我實不能辭其罪。至署副將舒通額。係專閫大員。當賊衆殺害官役之時。即當查明首犯。立時擒拏。況段文經。徐克展。俱係在官人役。其住址人所共知。易於查究。乃不於彼時督率弁兵。及早搜捕。一任要犯兔脫。其咎尤無可貸。著劉我一併查明。因何並未立即查拏之處。據實明白回奏。並諭明興。於冠縣一帶。訪查有無同教之人。或段文經等。竟仍在該處同教人家藏匿。嚴密查訪。務期弋獲。倘此時不能緝拏。以致日久不獲。將來若經別省訪獲。供出曾

在直隸山東地方藏匿。則劉我明興罪戾愈增。恐不能當此重咎也。慎之勉之。將此由六百里加緊諭令知之。○是日駐蹕張三營行宮。○丙子。諭。據復興等奏稱。車臣汗。及土謝圖汗。兩部落游牧處。距圍場路遠。嗣後請分年更換入圍。俾人馬俱得休息等語。復興等所奏。雖是。尚有未盡之處。車臣汗。及土謝圖汗。兩部落。距烏里雅蘇臺俱遠。而與庫倫相近。嗣後將此兩部落。應習圍場之人。即交駐劄庫倫辦事王大臣等。率領習圍。其賽因諾延。扎薩克圖汗。兩部落人。仍交烏里雅蘇臺將軍大臣等。率領演習。嗣後兩處著一年各帶一部落人入圍。則伊等人馬從容。且可省自游牧遠地調取往返矣。將此交復興等遵照辦理。再每年烏里雅蘇臺將軍大臣等處。輪流值班之四部落王公扎薩克台吉等。原因軍營遇有事件。易於調取屬人而設。此係軍營舊例。非演習圍場可比。著復興等傳諭

四部落仍舊輪班前往駐劄。再自烏里雅蘇臺派隨木蘭之十名善射。均係微末台吉。如有職銜較大者前來。朕亦可得熟識。擇其中出色。龜勉者。挑取乾清門行走。賞給花翎黃褂。於伊等亦屬有益。將此交復興等。嗣後於各部落內。自汗王至各。各揀派一人。台吉內各揀派四人。率領職銜較大者二名。微末台吉八名。仍作十名善射。輪班前赴木蘭圍場。著為令。○又諭此次烏爾圖納遜等。保送挑補侍衛內。經御前大臣等揀選十六人。帶領引見。朕閱伊等技藝。均屬去得。因悉挑補分撥乾清門八員。餘在二等三等及藍翎侍衛上行走。但從前察哈爾尚有挑取閑散侍衛七人。烏爾圖納遜應將此等閑散侍衛送帶引見。以備挑補乾清門行走。而此次所保之人。請挑閑散侍衛。乃未見及此。實屬含糊錯謬。除將烏爾圖納遜飭行外。嗣後乾清門侍衛員缺。著將閑散侍衛引見補放。閑散侍衛

若少。再將官員數舊人等。保送閑散侍衛。則伊等陞階有別。而亦可示鼓勵矣。著為令。○諭軍機大臣等。本日據書麟奏。安徽通省秋成約收分數一摺。至下江各屬收成約計若干。屢經降旨。令李世傑查明具奏。何以迄今尚未覆奏。豈不知朕屢念民依。無時或釋耶。著傳諭李世傑。即將下江收成分數。究有若干之處。詳晰查明。迅速具奏。以慰厯注。○又諭據蘭第錫奏。請拆建閘座一摺。內稱八閘內。有六里石閘一座。為韓莊德勝兩閘擎托之關鍵。閘牆蟄裂。多有塌卸。且過於低矮。閘底高於河底。應較舊制加高。並請移在舊基以上數丈外。另建等語。六里石閘既經坍塌。閘底淤高。該督酌請移建。自為便漕起見。但如此辦理。是否於河道裨益。及移在舊基以上。是否足資擎托之處。著阿桂於浙省審案完竣回京時。順道至該處。會同蘭第錫親行察看。於蓄洩機宜。更有裨益。阿桂等前奏。平

陽提犯於月底可到此時自己質訊得實定擬具奏也。蘭第錫摺着鈔寄閣看。○又諭據李世傑奏現在病勢稍痊惟目力步履尚覺澀滯請將考試武闈移交撫臣閔鶚元前往江寧辦理等語。李世傑病體雖愈精神尚未復元。所有武闈事宜如閔鶚元審訊浙案完竣回江即着代辦或彼時尚未回任即諭令長麟代辦。○是日駐蹕波羅河屯行宮。○丁丑諭軍機大臣等據明興奏重運尾幫於初三日全出臨清時值霜降水勢漸消恐衛河一帶多有古淺之處等語。本年重運尾幫過東較上年已屬遲滯現在節逾霜降水勢日漸消落衛河一帶既有古淺處所自應酌量挑挖俾回空糧艘迅速南下毋誤兌運之期方為妥善將此各諭令知之。○又諭據管幹珍奏江西前後各幫現在起剝不能盡抵直境所有各船土宜應令紮筏或用划船起淨飛催漕船晝夜行走仍許划船直抵通津並

知會關稅各口照漕船土宜過關舊例辦理等語所奏甚為合宜。南來貨物皆京城日用所需自應准其帶運但須無礙漕艘迅速進行方為妥善。所有各船土宜着照所請准其划筏直抵通津一帶並知會各關口照漕船土宜過關舊例辦理仍令報明幫數毋致冒濫。○又諭前據實光鼎奏黃梅到任八年所侵吞部定穀價與勒捐之錢計贓不下二十餘萬經上司勒限催追仍悍然不顧又平陽縣倉應貯穀四萬七千一百餘石倉內實無貯穀等語現在曹文植前來行在復命經朕面詢稱平陽縣庫項每年額徵銀兩現在無虧業已提貯藩庫其倉穀一項除借放兵糧及營借交還穀價並黃梅繳出穀價五千六百餘兩外實在虧缺穀石數計價銀一萬七千三百九十餘兩等語是黃梅於倉穀一項既任意虧挪並不彌補乃復借彌補為名派捐勒借據實光鼎所奏計贓不下二十餘

萬是其婪索銀兩已浮於原報虧空之數即使以此彌補已屬違法侵肥況經上司勒限催追仍復延宕虧短並未彌補實出情理之外著傳諭阿桂等務嚴切根究實在侵蝕若干據實定擬具奏○又諭據新授雲南藩司王昶奏請陞見一摺王昶前經派委在伏牛山一帶督緝伊陽縣匪犯秦國棟又直隸大名案內首犯段文經徐克展等亦俱逃匿遠颺屢經降旨令陝西一體實力偵緝均未據奏就獲王昶現在商州等處督率嚴密查拏竟暫且毋庸前來陞見至雲南藩司自己有人署理亦無須急於到任王昶平日辦事尚屬認真目下務須督飭員役上緊躡緝要犯以期迅速弋獲俟獲犯後再行來京亦不為遲若該省屬員或因王昶已陞別省非其管轄有呼應不靈之處永保當豫為飭誡王昶亦不妨據實叅奏也○又諭河南省解到郝潤成一犯經軍機大臣覆加研訊據供係震

字號教由王廷引進尚有同縣邢有富李朝棟張均德王成功陳時中梁學文梁學中梁爾傑梁有義梁趙生張耀顯張昆等俱是王廷引進入教又有震字教頭目焦風德住大名縣祝兒莊伊在教年深若問段文經徐克展下落自然知道等語段文經等傳佈邪教由王廷引誘入夥據郝潤成供出者已有十餘人可見轉相煽惑黨類必多現供陳時中等八犯該督等節次奏摺內俱未有該犯名姓既經王廷引入邪教其為黨惡可知但若於此時即行查拏恐輾轉扳引人數較多且大名等府連值歉收地方百姓不無驚擾所有陳時中等八犯著傳諭劉我暗中訪察密行存記且勿露端倪俟此案辦竣民情大定於明歲再行留心緝拏究治亦不為晚至山東冠縣單縣一帶伊等同教亦復不少並著明興一體察訪總須不動聲色嚴密查拏勿令民情疑畏轉致匪犯聞風遠颺至郝潤成



供焦風德一犯在教年深係震字教頭目能知段文經徐克展下落伊有一子名焦成旺等語焦風德實為案內要犯不可不即行查拏劉我己離大名著文龍舜琴迅速密緝務將該犯父子一併拏獲即遣員解赴行在候訊毋任免脫劉我明興既已失察於前嗣後須隨時留心查察實力整頓務將首犯擒獲並將邪教匪徒逐漸搜除淨盡以期地方寧謐倘再辦理不善致生事端則伊二人不能當其咎也再本日據明興奏覆訊徐克展家屬據供伊等於閏七月十九日逃至館陶縣伊姨母陳衛氏家是日徐克展亦到向陳衛氏借雞刀雞去鬚鬚並有陳衛氏房主王振齊見其向東北逃去等語是該犯等事起大名復得逃脫竟係劉我踈緩所致實不能辭其罪若使彼時早行緝拏又安能逃往館陶今據王振齊供稱向館陶東北逸去自必竄往登萊青一帶由海道逃往盛京除飭諭永

璋等查拏外著傳諭劉我照明興所開難改面貌速行查緝並著明興於館陶東北及登萊青一帶通往海口之處嚴飭各屬密速偵緝以期弋獲○又諭曰徐克展等脫逃未獲著傳諭永璋鄂寶委幹練員弁於盛京沿海一帶及各州縣認真密速偵緝以期弋獲毋任久稽顯戮或恐該犯等自逃往館陶東北一帶後仍竄入鄰近省分潛藏亦未可定並著傳諭李世傑毓奇畢沅福裕永保等仍各照明興咨內所開難改面貌嚴飭各屬上緊查拏以期迅速就獲○又諭據劉我奏現獲王成功一犯係與段文經等入署動手殺官案內要犯即著該督遣員迅解行在候訊王成功既據該督訊供稱因逃避日久回家探聽消息行至永平被獲則此外各犯或因劉我已離大名查拏稍緩亦潛回探聽俱未可定劉我當飭龍舜琴督率所屬嚴密偵緝勿因日久稍有怠玩致令久稽顯戮並著將段

文經徐克展年貌單開寄山海關副都統琳寧於大小口隘多派官兵一體密訪嚴拏毋致該犯等得以朦混出口○是日駐蹕中關行宮○戊寅諭兵部奏乾隆四十九年五月內派赴甘肅勦捕賊匪京兵及凱旋回京經過直隸沿途所需車馬廩糧等項迄今已逾兩載未據該督題報等語此次京兵過境往回車馬廩糧等項自凱旋至今已逾兩載經部屢次行催該督並不查明迅速題報實屬延緩○諭軍機大臣曰劉我於大名案內正犯段文經等糾眾滋事後在境潛匿多日既不立即查拏任其竄往東省館陶一帶復屢經諭令該督嚴緝迄今尚未得該犯等實在下落已屬無能而於任內應辦錢糧報銷事件又復延宕兩載之久經部節次行催仍未題報該督身任封疆所司何事著傳諭劉我令其即行明白回奏尋奏此項京兵車馬廩糧

銀兩經臣節次嚴催冊報據藩臬兩司稟稱因各站舛錯不符輾轉駁查是以延緩請將臣等查催不力之處交部嚴加議處下部議○又諭直隸大名府道縣衙役段文經徐克展等糾眾殺官四散逃逸至今未獲恐由登萊青等處渡海逃至盛京著傳諭薩克慎嚴飭官兵於濱海要處及各關隘口留心訪查如遇蹤跡可疑之人即行盤究並將段文經等籍貫年貌另造漢字冊發往若能緝獲迅即具奏○旌表守正捐軀安徽宿州民許娃妻張氏○是日駐蹕避暑山莊至乙酉皆如之○己卯陝甘總督福康安奏寧夏各渠蒙恩借帑普修嗣後每年培濬請派府佐州縣春分前赴各渠點檢料物清明動工立夏報竣飭道府水利同知督辦如有玩悞一併叅處倘遇停淤渠長即時稟報各渠口撥正開水手一廳役一住宿防守得旨允行○以甘肅涼州鎮總兵蘇靈河州鎮總兵巴彥圖對

調○庚辰

上御依清曠勾到秋審官犯服制及雲南貴州省情實罪犯停決官犯五人服制斬犯二十一人雲南斬犯二人絞犯八人貴州斬犯二人絞犯六人餘四十七人予勾○諭據海紹奏九江關向有協造二員幫辦差務似屬冗設請令景德鎮同知統率巡檢就近稽查所有協造二員一併裁撤等語協造二員原為幫辦密務該處既有同知分駐又有巡檢一

員皆係該道所屬足資彈壓所有協造二員著照所請准其裁撤○諭軍機大臣等本日據劉我奏訊究王成功據供在邯鄲重正鎮地方遇徐克展已將鬍鬚薙去騎匹赤馬段文經騎匹青白馬張均德劉勤步行西走該犯記張均德曾言山西潞安府張村趙二與伊相好或伊四人都投張村趙二處已委員馳赴潞安查拏等語前直隸獲犯常有良供稱張均德逃往潞安又據明興訊據王振齊

供稱徐克展等從館陶東北逸去業經節次諭令該撫督飭各屬並於潞安一帶實力緝拏今據王成功所供該四犯隨同潛赴山西自必在彼藏匿且段文經等既有乘騎馬匹毛片可以認識尤易蹤跡著傳諭福崧速委幹練員弁在潞安府張村地方嚴密搜查並將趙二速拏嚴究自可得該犯等實在下落無難迅就擒獲並著於獲犯後迅速覆奏○又諭據永保奏臬司王昶已陞授雲南藩司應行交代赴任現委潼商道德明於商州潼關一帶督飭查拏秦國棟等令王昶回省趨辦任內事件以便交代起程其臬司印務請以糧道顧長紱兼署等語前因伊陽縣逸犯秦國棟及大名案首犯段文經徐克展等查拏未獲已降旨令王昶不必急於來京陞見應在彼督飭員役上緊躡緝要犯務期弋獲並恐該省屬員或因王昶已陞別省有呼應不靈之處諭令永保豫為誡飭勿致掣肘今

兩案要犯尚未就獲。正應令王昶在彼竭力悉心督飭搜捕。乃永保以該司陞任雲南。遽派潼商道德明前往商州一帶更換王昶。試思王昶前赴新任。與拏獲要犯孰為緩急。乃並不權其輕重。即派遣員吏調於奉旨督緝案件。視為海捕具文。何拘泥不曉事體。若此所有陝西臬司印務。即著顧長紱兼署外。至王昶此時。毋庸令德明更換。應仍在商州潼關一帶上緊嚴緝。恭國棟段文經等。俟獲犯後。再令交代起程。亦不為遲。將此傳諭知之。

○辛巳。諭前據吳省欽奏。本年順天鄉試諸生中年屆八十以上者。侯鏐等五名。三場俱已完卷等語。現在榜發。俱未中式。但念該生等年逾八袞。猶能踴躍觀光。宜沛渥恩。以廣作人雅化。著加恩將侯鏐、蘇彩飛、王濬、梁元鈺、劉子旭俱賞給舉人。准其一體會試。使皓首窮經者得償夙志。用昭嘉惠耆齡至意。

諭軍機大臣等。豫省解到郝潤成一犯。經軍

機大臣覆訊據供。本係離卦教內人。王廷引入震字教。離字卦中。總頭目高二。住河南高家樓地方。副頭目楊老五。住肥鄉縣葫蘆營。邱智遠。住大名縣北小隆化村等語。該犯等傳播邪教。分布八卦。引誘多人。現據郝潤成供離字教總頭目高二。住河南高家樓地方。未知屬何州縣。自應查明拏究。但恐同教衆多。民情不無驚擾。著傳諭畢沅。將高二一犯暗中訪察。密行緝捕。勿致張皇滋擾。其楊老五、邱智遠著劉綏侯大名一案辦完後。再行訪緝。至該犯等邪教係分別八卦名目。除所供震離兩卦教外。其餘六卦黨與。自必不少。該督等務須不動聲色。於平時留心稽察。密行訪查。務淨根株。勿使仍留餘孽。潛滋暗長。以期地方寧謐。方為妥善。

○壬午。諭據恒秀奏。每年於興安山後精奇哩江烏拉等處捕貂。貂鼠皆竄境外。嗣後請令捕貂人等在松花江南山中夾捕。自可多獲。於索倫人等生

計亦有裨益等語。此奏尚屬可行。著照恒秀所請。行知都爾嘉。遇捕貂時。酌派官兵互相嚴查。管轄捕貂人等。倘生事偷竊。即著拏交恒秀治罪。○諭軍機大臣等。大名糾衆滋事一案。首犯至今未獲。恐該犯聞山東山西隣近各省查拏緊急。或竟由豫省潛竄入湖廣襄陽一路藏匿。俱未可定。著傳諭李侍堯嚴飭湖南北各屬文武員弁一體購線設法偵緝。李侍堯辦事尚屬認真。自能實力查緝。若將首犯段文經等迅速拏獲。豈不更見出力耶。段文經徐克展年貌單著鈔寄閱看。並諭李封一體留心。勿任久稽顯戮。○癸未上御依清曠勾到四川省情實罪犯停決斬犯十二人。絞犯十人。餘八十五人予勾。○諭軍機大臣等。本日勾到四川省秋審情實人犯共八十八起。覈其情節多係鬪毆搶奪兇頑不逞之案。看來究因該省囑匪餘習積漸相仍。民情習於兇悍。是以此等案件較他省為

多。著傳諭保寧於該省刑名事件務須留心辦理。毋任畸重畸輕。以期明刑弼教。使強悍之徒革面洗心。民風漸臻醇化。無有枉縱。方為妥善。○又諭前據管幹珍奏江西幫各船土宜應令紫筏或用划船撥運抵通。並知會各關口照漕船土宜舊例辦理。已降旨允行。並令徵瑞妥協辦理矣。江西幫船所攜土宜皆係京城日用所需。上年因南漕截卸起撥南貨到京者少。價值未免稍昂。今江西幫船所帶南貨已於中途起撥。時划筏載赴通津。自可源源到京。著傳諭綿恩舒文留心訪察。南來貨物是否已逐漸流通。運京售賣近日價值能就平減。不至昂貴之處。據實覆奏。○甲申諭據明興奏本月初四日於梁家淺途次接據按察使錦格稟報九月初二日三更時分司監斬犯單大經等二十名脫械反獄。當即督率兵役擒拏該犯等持械拒捕。經兵役砍斃于犯等五名擒獲單大經等十三名。

尚有顧狗。張曰虔二犯未獲。除砍斃及傷重已死各犯外。恭請王命。即行正法。請將司獄王德。送革職。拏問。按察使錦格。革職。並自請嚴加議處等語。司監係會禁要犯重地。現屆勾到之期。尤應嚴密防範。乃監犯二十名。同時反獄。實屬廢弛已極。司獄王德。送革職。拏問。明興著交部嚴加議處。至按察使錦格。監獄是其專責。前此歷城縣越獄一案。臬司楊廷樺。係革職。拏問。交刑部治罪。今該撫何得僅將錦格。請旨革職。錦格亦著革職。拏交刑部治罪。藩司繆其吉。雖非專管。但近在同城。且值撫臣公出。不能先事查察。著交部察議具奏。所遺山東按察使員缺。著王德補授。王德曾任山東道員。今又棄瑕錄用。畀以臬司重任。倍應感激。朕恩益加奮勉。該省越獄之案。已有兩次。前任臬司因此均獲重譴。王德當以為戒。隨時留心實力整頓。倘再有疎虞。楊廷樺。錦格。即其前車之鑒。王德接奉此

旨。即行速赴新任。此時且不必前赴行在。請訓。其拏獲脫逃監犯高觀燈。判來子。萊蕪縣章典。寧陽縣張士琛。尚屬留心奮勉。著明興於此案辦竣後。將該二員送部引見。至該司東南二監房人犯。於軍大經等反獄時。俱安靜未動。著交軍機大臣會同行在刑部酌予末減。該撫查明各犯姓名案情。及原擬罪名。迅速開單。送軍機處覈辦。○諭軍機大臣等。東省歷城縣越獄之案。事隔未久。且案內逸犯尚有七名未獲。乃司監又有反獄之事。可見該撫平日。於地方事務。竟不能認真整頓。以致疎懈廢弛。若此。尚得謂之有人心者乎。且臬司於監獄。是其專責。前此歷城監犯越獄。係在縣監。尚將楊廷樺。革職。拏交刑部治罪。今乃在該臬司衙門監獄。該撫僅請將錦格。革職。已屬錯謬。非徇庇而何。至軍大經等三名。該撫以業經受傷身死。應毋庸議。尤屬糊塗已極。著嚴行申飭。軍大經係起意反獄。

首犯。何得因其身死。即置不議。所有軍大經一犯。著即戮尸梟示。看來明興迭經此等案件。竟已神識昏瞶。手足無措。但地方事務緊要。該撫於此時。轉不必過於惶懼。務宜安靜料理。毋致張皇失措。其業內逃犯顧狗。張曰虔二名。即速嚴飭所屬四路偵緝。務期就獲。明正典刑。若再致遠颺潛匿。漏網稽誅。則明興罪上加罪。恐不能當此重戾也。○乙酉。諭據明興奏。東省舊欠錢糧米穀籽種等項。

遞年積壓款項繁多。若同時並徵。恐小民力有未逮。請將上年被旱各州縣。歷年未完錢糧。及民借籽種銀兩。並上年緩徵漕糧等項。分年帶徵等語。山東省歷年歉收。今歲幸獲豐稔。民間舊欠。自應稍緩催徵。以紓民力。所有上年秋禾被旱成災之嶧縣。聊城。莘縣。濮州。范縣。觀城。朝城。定陶。荷澤等九州縣。並坐落衛地。除五十年錢糧。照例按成災分數。分年帶徵外。其未完四十六七八九等年舊欠。

銀九萬七千一百五十五兩零。又上年被旱勘不成災之德州。長清。新泰。萊蕪。平陰。東阿。東平。泗水。滕縣。陽穀。壽張。鄆城。鉅野。恩縣。茌平。堂邑。益都。昌樂。壽光。昌邑。濰縣。蘭山。郯城。蒙陰。費縣。沂水。金鄉。魚臺。嘉祥等二十九州縣。並坐落衛地。未完四十六七八九五十等年舊欠銀八十八萬一千九百三十兩零。又嶧縣等三十八州縣。積年未完民借常社米麥易穀。共五十六萬二百一十七石零。民借。

未完籽種銀二十九萬六千八百三十二兩零。並各該州縣五十年分尚有緩徵漕糧米十萬一千七百五石零。及漕倉銀兩。俱著加恩。准其分作兩年帶徵。以紓民力。而裕蓋藏。該部即遵諭行。○諭軍機大臣等。本日據王柄奏。現在北倉截卸漕船。所有湖廣幫船業已起卸完竣。江西在前等幫。跟接入境。即可趲卸等語。此次湖廣及江西在前各幫業已陸續行抵北倉。即可起卸完竣。雖據劉我奏。

稱所有江西後幫已用剝船一千二百隻迎赴前途全數起撥徑運通倉但現在天氣尚早或此項剝運漕米全行抵通後尚覺節氣和暖不至凍阻所有剝船已屬空閒正可乘此時再將北倉截存漕米陸續運通俾早運一日多得數石即可早抵通倉一日明年又省數石剝運之煩豈不甚善著傳諭保泰將賜祭即行酌籌辦理○又諭據明興奏拏獲焦玉坤一犯訊與段文經等並不相好伊子

焦成芳曾說徐克展約往大名有事商量伊並不知所商何事該犯又名焦義坤恐即係焦風德嚴究堅不承認現解赴軍機處候訊等語焦玉坤之子焦成芳既經直隸咨緝復與郝潤成供出之焦成旺名姓相仿其焦玉坤是否即係焦風德拏到後該撫自應切實根究訊取確供乃以質證無人即行解送軍機處以為諉卸之地已屬非是至該省歷城越獄案犯迄今幾及三月祇獲許四妮張五

二名其餘七犯何以至今尚無一名就獲又司監反獄人犯雖當經擒捕十八人其在逃二犯亦並未即時就獲況昨據奏知縣章典張士琛聞信即行拏獲逃犯高觀燈荆來子二名則從前歷城越獄之案為時已久豈所屬州縣轉不能訪拏就獲可見該撫平日政務闕冗廢弛全不認真整頓明興身任封疆所司何事著傳旨嚴行申飭再該省司監內東南兩監房各犯於單大經等反獄時安靜未動昨已諭令明興查明原案罪名速行開送軍機處現居山東省勾到之期著再傳諭明興迅速查明務於月內送到以憑覈辦勿致遲誤○又諭據圖薩布奏審究海陽縣拐騙幼孩傷殘肢體一案訊據卞官氏及幼孩等供陳同彪所拐幼孩實係卞和尚並非謝阿淺自幼生瘡爛去手足遇陳同彪將伊背往漳泉一路求乞打罵受苦不過後至海陽被拏適謝實煌幼子被拐報縣遂妄認為父



母嗣見親生母官氏。前來識認。只得據實供明。並非陳同彪用灰水泡爛。割斷手足等語。此案陳同彪。若果誘拐幼孩。採生折割。情罪重大。自當按律定擬。乃該撫等將現獲幼孩與卞官氏等三面質對。委係誘拐屬實。並無折割情事。則原問官何以即據捏指証供。率行具詳。此與從前該省用藥迷人。故入人罪一案何異。恐又係原審之員。並不確覈案情。用刑誣服。希圖保薦。送部引見等事。不可不確實查究。以成信讞。著傳諭圖薩布。即將此案係何員承審。因何妄稟陳同彪用灰水泡爛傷殘肢體。有無故入周內等情。於定案時據實查明具奏。並諭孫士毅知之。○又諭前據全德奏。滁州生員駱愉。呈送書策。條陳鹽務積弊。及戊戌春間。有賜總商宮妃一事。揚州衆口闕傳等語。已諭令全德將駱愉解送刑部候訊矣。因思恒豫於四十四年二月調任揚州府。距駱愉所稱戊戌春間。僅隔一載。

此事揚州早經傳播。自必人言藉藉。該府到任後。曾否有所聞。其駱愉所稱鹽務弊端。恒豫在揚州莅任有年。於釐政利弊。自當熟悉。著傳諭李世傑。即密傳該府赴清江浦。面為詢問。令其據實登答。至李世傑由江蘇佐雜。歷任府州。於兩淮鹽務。尤應知其詳細。駱愉書內所陳各節。是否屬實。及應作何釐剔之處。亦不可以人廢言。並著李世傑就其所見。據實覆奏。駱愉書策副本。著發交李世傑閱看。尋奏。臣於本年五月莅任兩江。訪問州縣及鹽務各員。俱稱按照舊章辦理。即有一二處。因今昔情形不同。詳請增價。亦經鹽臣照例或駁或准。隨時酌辦。不聞長價病民。再詢問恒豫。據稱調任揚州時。從未聞有人傳說賜妃一事。至所稱兩淮鹽務。亦與臣所訪相符。得旨。大概駱愉捏造。速解審訊。即明。

大清高宗法天隆運至誠先覺體元立極敷文  
奮武孝慈神聖純皇帝實錄卷之一千二百六十四

實錄卷之一千二百六十四

五

大清高宗法天隆運至誠先覺體元立極敷文  
奮武孝慈神聖純皇帝實錄卷之一千二百六十五

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣等謹

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣等謹將內大臣戶部尚書鑲黃旗滿洲都統軍功紀錄五次

尋常紀錄十四次臣等謹將經筵講官太子少保工部尚書紀錄六次臣等謹將鑲黃旗

敬修

乾隆五十一年丙午九月丙戌

上御依清曠勾到廣西廣東情實罪犯停決廣  
西斬犯三人絞犯六人廣東斬犯九人絞犯  
十二人餘六十五人予勾○是日

上自避暑山莊廻鑾駐蹕喀喇河屯行宮○丁  
亥諭前因浙省倉庫虧空不能依限彌補特  
派大臣前往查辦並因寶光鼎為該省學政  
見聞較切因令就所聞見據實陳奏此朕兼  
聽並觀之意嗣據寶光鼎覆奏浙屬之嘉興  
海鹽等倉庫虧缺浮於報明之數並以平陽

知縣黃梅丁憂演戲。列款入奏。朕以其不避嫌怨。曾褒其公正。迨阿桂等查明該省虧缺。較原報之數有減無增。所叅黃梅款蹟。謂係竇光鼐誤聽人言。實無其事。而竇光鼐執辯不休。且據伊齡阿兩次叅奏。竇光鼐自赴平陽。招集生監。逼寫親供。咆哮生事。其時朕以此案業經阿桂等審明。竇光鼐固執已見。聚集生童招告。恐煽惑人心。致啟訐訟之風。竇光鼐不得為無罪。是以將伊革職拏問。此政體國法。必當如此辦理。非朕之憎竇光鼐也。嗣據竇光鼐將黃梅貪贖款蹟。逐一查出。並將借票捐單呈覽。贓款鑿鑿。是其言並非無據。而阿桂等前次在彼查辦。竟為地方官瞞過。伊齡阿又復聽信屬員一面之詞。受其慫恿。遂爾冒昧叅奏。不可不徹底根究。因即降旨。將竇光鼐寬釋。並令阿桂帶同竇光鼐。回至浙省。並派閔鶚元會同前往查辦。茲據阿桂等將黃梅在任婪索各款。嚴切審訊。黃梅

勒借吳榮烈等錢二千一百千文。侵用田單公費錢。暨朋貼採買錢一萬四千餘千文。而於原報虧缺穀價。僅彌補四千餘兩。仍未有限補足。是竇光鼐所奏。惟黃梅匿喪演戲。及侵用廩生餼糧。並短發老民銀兩三款屬虛。其餘三款。已為確實。是伊從前冒昧固執之咎。尚屬可寬。現在陸錫熊已出學差。所有光祿寺卿著加恩。令竇光鼐署理。即行來京供職。至黃梅於乾隆四十三年調任平陽。在任八年。種種貪贖營私。歷任上司漫無覺察。實難辭咎。但四十三年以後。督撫如王宣望、陳輝祖俱已另案治罪。法無可加。惟福崧在巡撫任。已歷數年。乃於此等劣員。執法侵貪。並不據實叅奏。豈可復膺封疆之任。前任藩司盛倬所屬州縣錢糧。是其專責。伊在浙較之福崧尤為最久。亦復置若罔聞。姑容闕冗。是盛倬亦不應仍任織造。伊等現交部嚴議。自係革任革職。難邀寬宥。福崧盛倬先著革去。

翎頂俱著來京候旨。所有山西巡撫員缺著勒保補授。勒保接奉此旨即赴新任。不必前來行在請訓。其杭州織造著額爾登布去。至伊齡阿於黃梅婪索一案雖非其任內之事。但聽屬員之言兩次將寶光鼎冒昧奏。是其錯謬。伊已自請交部嚴加議處。著在任聽候部議。其餘失察之各上司俱著交部查取職名分別嚴加議處。朕辦理庶務一秉大公至正。總期案情覈實。從不稍存成見。及諸臣

功過惟視其人之自取。除將阿桂等審擬一摺交軍機大臣會同行在該部覈議具奏外。將此通諭知之。○又諭嗣後行在勾到本著隨報發京。不必由驛單發。○又諭據普福奏青海唐古忒喇嘛龐布諾們汗欲赴藏禮拜達賴喇嘛。臣以從前呼圖克圖之呼畢勒罕須入覲後始可赴藏等因。曉諭乃伊不遵此例。徑自私行前往。應請議處等語。龐布諾們汗係出家人。尚非扎薩克王公可比。如扎薩

克王公等未經入覲即赴藏禮拜達賴喇嘛自屬不可。今龐布諾們汗或因未經出痘不可前來。其違例不遵曉諭私行前往著從寬免議。且朕深悉黃教喇嘛原有赴藏學藝之例。嗣後無論已經入覲與否有欲赴藏者照例給與路引。毋庸拘呼圖克圖之例。留保住普福等將此傳諭達賴喇嘛及青海游牧喇嘛蒙古等知之。以示朕廣興黃教至意。並著普福於龐布諾們汗自藏回時嚴加申飭令

其勿再妄行。嗣後有欲赴藏者毋得不領路引私自赴藏之處一併宣諭知之。○諭軍機大臣等。山西巡撫員缺已令勒保補授。該省向屬安靜無事。現大名一案首犯段文經徐克展等及伊陽縣逃犯秦國棟皆未就獲。或向晉省逃竄亦未可定。是該省此時須查拏鄰境逆犯最為緊要。勒保接奉此旨著速赴新任毋庸前來行在請訓。到任後務須實力上緊督率所屬員弁將段文經等各犯迅速

搜捕。按名擒獲。毋使遠颺潛匿。漏網稽誅。以副簡用之意。○又諭。據明興奏。在鉅野縣張家樓地方。訪獲越獄絞犯顧狗一名。現在解省審辦等語。此案同時越獄重犯二十名。雖陸續拏獲正法。及在監斃斃者共十九名。尚有逸犯張曰虔一名。未經就獲。又歷城縣越獄案犯迄今幾及三月。祇拏許四。倪張五二名。其餘七犯尚無一名就獲。可見該省緝捕全不認真。各屬州縣。因循日久。又視為海捕具文。乃明興摺內。尚稱設法購線嚴拏。剋期務獲。毋許一名漏網。其意不過撫拾虛詞。一奏塞責。豈要犯多名。歷久未獲。猶得謂之上緊偵緝。實力督拏者乎。明興著再傳旨嚴行申飭。歷城逸犯並大名二首犯。仍著該撫嚴督所屬盡行訪拏。速正典刑。庶可稍贖前愆也。○西藏辦事大臣普福奏。黃河北岸奎屯西哩克等五卡。為巡防貴德循化。河州。洮州。松潘等處番衆偷渡而設。向不論遠近。均派

納罕達爾濟等五旗兵駐守。今據扎薩克郡王台吉等請將納罕達爾濟察罕諾們汗隆本等三旗就近駐奎屯西哩克等卡。羅布藏丹津衮楚克等二旗就近駐郭羅克等卡。既免兵丁換班往返。且於熟悉之地防範易周。仍飭納罕達爾濟統轄。不時稽察報聞。○是日駐蹕常山峪行宮。○戊子。上御行殿。勾到福建奉天情實罪犯。停決福建斬犯八人。絞犯六人。奉天斬犯三人。絞犯四人。餘八十人。予勾。○諭曰。福康安現於十月內起程來京。陞見。永保著署理陝甘總督印務。俟福康安回任後。永保即前往塔爾巴克台辦理。參贊大臣事務。換慶桂回京。其陝西巡撫員缺著巴延三補授。○又諭曰。額爾登布已放杭州織造。所有熱河總管員缺著全德補授。徵瑞著調補兩淮鹽政。其長蘆鹽政員缺著穆騰額補授。徵瑞接奉此旨後。即前赴新任。不必來行在請訓。其鹽政印務著交

王柄暫署。全德著即來京。所有兩淮鹽政印務著交李世傑兼署。穆騰額著將粵海關監督印務交圖薩布兼署。即赴長蘆新任。不必俟佛寧到粵交代。○又諭曰。海寧徐績在外年久。應派員前往更換。保泰著授為叅贊大臣。前往科布多更換海寧。福崧著加恩授為二等侍衛。前往和闐更換徐績。協同博興辦理事務。昨伊犁出有辦理糧餉章京二缺。其一缺著佛喜保前往。其餘一缺著加恩賞給盛住主事職銜。交與奎林差遣。令其効力行。走無庸由部另派廢員。福崧盛住。於何處接得此旨。即於何處自備資斧前往。不必來京謝恩。○又諭。凡遣往新疆大臣等。所兼京缺。既已均不開出。嗣後駐藏辦事大臣等缺。亦著不必開出。○又諭。上年刑部堂官喀寧阿等。於審訊海昇致死伊妻吳雅氏裝點自縊一案。意存瞻徇。是以降旨。將伊等降為四品頂帶。以示懲儆。今事隔經年。該堂官等奉職

尚為勤奮。且辦理本年各省秋審案件。亦俱覈擬妥協。喀寧阿。胡季堂。穆精阿。姜晟。俱著加恩復還原品頂帶。○又諭。昨阿桂。閔鶚元。奏寶光鼎事。已經降旨。今復思之。浙省倉庫虧空。未能依限彌補。特派阿桂。曹文植。姜晟。伊齡阿。先後前往該省。徹底查辦。伊等自應將各州縣虧空實在情形。及有無借彌補為名。藉端勒索侵肥之事。詳晰查究。據實奏報。方不負委任之意。何得祇憑地方官結報。就

案查覈。遽為了事。即如黃梅貪黷營私。贓款累疊。實由借彌補虧空為名。侵漁肥橐。而於原報虧短穀價。僅彌補四千餘兩。仍未依限補足。阿桂等從前查辦時。即應將此等情弊。詳悉訪查。切實根究。方足以服衆懲貪。豈黃梅種種婪索之事。乃在虧空本案之外耶。即使案外之事。欽差大臣。猶當查辦。何況案內之事乎。阿桂等以該省虧缺較原報之數。有減無增。即謂可以完案。而於黃梅借端派欽

各弊並不虛心察訪。若果如此。則此等案件。祇須令督撫等照常查訊。由地方官出結具詳。已可完案。又何必特派欽差前往辦理。今因竇光鼐將黃梅借票田單查出。據實具奏。經朕復令阿桂。會同閔鶚元。前往覆審。并再四申諭。令阿桂毋得稍存迴護芥蒂之見。始據阿桂等將黃梅在任勒借部民錢文。及侵用田單公費。朋貼各款。據實審出。試思此等情弊。非從前阿桂等遺漏未曾查出之事乎。

阿桂等此次查審時。如竇光鼐所叅黃梅各款。俱涉虛誣。尚可藉口。今既審實。則阿桂等豈無應得之咎。乃並不自行檢舉。且竇光鼐所叅黃梅款蹟。雖有三款審實。但前此查辦黃梅時。節據伊齡阿等奏稱。竇光鼐曉曉執辯。咆哮生事。並有不要性命。不要做官之語。亦殊乖大臣之體。又稱黃梅母死演戲。家人竊物外逃。透漏信息。並逼令典史李大璋書寫呈詞。以為證據。今已審明。並無其事。是竇

光鼐亦不得為無過。是以現在祇令署理光祿寺卿。若無此等情節。朕必將伊仍以侍郎補用矣。阿桂等定案時。亦應將竇光鼐所叅黃梅款蹟。雖已審實。而從前性情偏執。舉動乖張。不合之處。分晰陳奏。乃並未經議及。可見阿桂等。始則因竇光鼐堅執多事。心懷憎惡。及事已審實。則又妄臆朕曲護竇光鼐。不復置議。尤屬非是。使阿桂等於竇光鼐曉曉爭執時。果能虛心採納。從此訪查。則黃梅款蹟。未必不早經得有根據矣。況阿桂日侍禁廷。寧不知朕辦理庶務。惟期覈實。從不稍存愛憎成見。即下至匹夫匹婦。亦不肯使之稍有冤抑。豈於大臣轉有所愛憎於其間。而不為之辨白耶。又黃梅調任平陽。在任八年。贓私累萬。其歷任本管道府。瞻徇袒庇。並不揭叅。本省撫藩。亦俱置若罔聞。非尋常失察可比。其罪甚大。設各省效尤。國政尚可問乎。是以降旨。將福崧盛。伴俱行革任。阿桂等定案。

時自應將各該上司道府等查明嚴行叅奏。乃僅於摺內照常請交部查取職名。分別嚴議。此一節阿桂等亦難辭瞻顧迴護之咎。但朕意不為已甚。故如此完案耳。至閔鶚元。因其本係刑部司員出身。且久任巡撫。辦事尚為認真。是以令同阿桂前往。此案既經審出實情。即應將阿桂等原審未實之處。附摺叅奏。否則亦應於定案具奏時。將此一節。提及阿桂。令其自行請罪。方為不負任使。乃亦默無一言。隨同列銜具奏。閔鶚元係封疆大臣。又非隨出司員。何得委隨若此。應交部議處。至伊齡阿。於實光竊冒昧叅奏。及今案情審實。其自請議處摺內。祇以不應叅奏實光竊為詞。而於從前審辦失察之處。亦無一言引咎。豈伊齡阿獨非原審之人耶。阿桂曹文植姜晟伊齡阿俱著交部嚴加議處。朕臨御五十餘年。壽逾古稀。猶日孜孜。於批覽奏摺。事無鉅細。無不準情酌理。處以大公。阿桂等豈

於此等處忽而不察。可以將就完案。遂將顛預混過耶。將此通諭知之。○以工部右侍郎蘇凌阿為總督倉場侍郎。○是日。駐蹕兩間房行宮。○己丑。諭曰。毓奇等奏。江西幫船。今年歲回空較遲。存船食米無多。請將各該丁等應交三升八合餘米。本年先行交納一半。其餘一半。俟下年買米搭運。再行交納等語。江西漕船。較別省幫船。程途稍遠。今歲因江境漫口阻滯。抵直較遲。各該丁等將來回空日食無餘。丁力不無拮据。所有應交三升八合餘米。著加恩本年免其交納。竟於五十二三年內。每年分交一半。以示體卹。該部遵諭速行。○又諭曰。蘇凌阿所遺鑲白旗滿洲副都統員缺。著保泰補授。保泰現在出差。著德成署理。○諭軍機大臣等。前因豫省伊陽奪犯拒捕案內。首犯秦國棟。逃遁未獲。及直隸大名案內。段文經。徐克展。二首犯等在逃。恐該犯竄入豫省。節經降旨。令畢沅等督率嚴



拏並諭江蘭在彼緝捕。更為得力。迄今尚未據奏拏獲。其段文經徐克展二犯該督等猶可諉為鄰省之事。未能即時查拏就獲。至秦國棟一犯。獨非該省戕官首犯乎。且該犯情罪重大。乃亦不能實力偵緝。該督等所司何事。所有秦國棟一犯及段文經等。竟責成畢沅。江蘭專心在彼督率查拏。若不能拏獲。現在湖廣總督有李侍堯署理。並不需人。畢沅且不准前赴新任。江蘭亦不准遽卸藩司之

任。來京陛見。其段文經等二犯。仍著該督等一體嚴密偵緝。毋得視為具文。以致正犯潛匿稽誅。倘經別處拏獲。恐該督等不能當其咎也。○又諭據李侍堯等奏河南伊陽案內逸犯杜三於樊城地方盤獲。現解豫審辦等語。杜三係伊陽拒捕戕官案內逸犯。今在該省盤獲。則同案在逃之秦國棟等。或亦由河南竄入該省潛匿。李侍堯須嚴飭各屬實力查拏。務期弋獲。再大名案內段文經徐克展

二犯潛逃未獲。前已降旨諭令李侍堯等於湖南湖北兩省嚴飭文武員弁一體購線設法偵緝。李侍堯辦事尚屬認真。務將此二案首犯實力查緝。以期迅速就獲。無負委任之意。并諭李封知之。○又諭本日據福崧奏前赴潞安張村將趙二即趙貴拏獲。訊供於四十七八兩年曾在直隸蘇漕集販賣燒酒。兩次見過張均德嗣後並未往來。亦從不認識段文經徐克展劉勤等語。趙二因賣酒屢次與

張均德相會。且據王成功供張均德同徐克展豫商要往趙二家藏避。是該犯必知段文經及張均德逃竄蹤跡。現在自因質證無人支吾狡飾。著傳諭勒保再將趙二嚴訊。務得段文經徐克展張均德劉勤四犯實在下落。並即飭屬於潞安及與直隸交界一帶實力偵緝。趙二此時且毋庸解京。著勒保將該犯提禁省監。嚴加鎖鑰。毋致疎脫。自戕。俟拏獲張均德等再令質對。該犯自無能狡展也。○

又諭大名糾衆滋事正犯段文經徐克展及伊陽拒捕戕官之秦國棟俱在逃未獲已節次降旨令鄰省各督撫一體嚴緝第恐該犯等聞拏緊急改裝易服或由山東江浙一帶海口竄往臺灣希圖潛匿該處地隔重洋最易藏奸著傳諭常青嚴飭臺灣鎮道及廈門等處沿海地方文武員弁留心查察實力偵緝毋任要犯潛蹤漏網至常青現署閩浙總督浙省亦其所轄所有浙江乍浦寧波一帶亦著一併嚴飭所屬上緊截拏以期弋獲並諭伊齡阿知之○是日駐蹕要亭行宮○庚寅

上御行殿勾到陝西浙江情實罪犯停決陝西斬犯七人絞犯十二人浙江絞犯七人餘一百四人予勾○諭前據伊齡阿奏據溫處道張裕穀永嘉縣知縣程嘉鑽稟竇光鼎未到平陽之先即差人先赴平陽招集生監呈控及抵平陽當堂詢問生監以黃梅在任款蹟

生監答以不知竇光鼎即發怒咆哮用言恐嚇又續奏據平陽縣知縣田嘉種稟竇光鼎詰該縣城隍廟令其多備刑具傳訊書役並因鎖拏吏役未到發怒咆哮等語黃梅婪索各款如果審屬虛誣該道等所稟尚屬有因今黃梅款蹟既經審實則該道等於竇光鼎前往平陽查辦時遽以咆哮發怒具稟明係迴護知府范思敬及黃梅迎合上司且督撫遇有訪查事件身在省城不能不委之屬員

而為屬員者並不訪查明確據實稟報乃竟官官相護聯為一氣率行裝點情節扶同具稟希圖蒙混上司使各省從而效尤相率為偽則為督撫者將何以釐弊剔弊察吏安民耶此等外省惡習最為可惡不可不嚴加懲治所有溫處道張裕穀永嘉縣知縣程嘉鑽平陽縣知縣田嘉種俱著交部歸案一併嚴加議處○諭軍機大臣曰書麟現在清口幫同李世傑等辦理漫工事務自未便遽離該

處。但安徽省現屆秋審勾到之時。近來直隸山東等省。重犯越獄之事。共有三案。書麟既未能親回本省。著令嚴飭藩臬兩司。加意稽查。並飭標營官兵。及司監禁卒人等。一體小心防範。毋致稍有疎忽。至本日李世傑等奏報司家莊等處。做過漫工分數。及未堵口門。現在趕辦等語。是司家莊等三處口門。正須上緊鑲做。趕辦堵合。現今已交冬令。正屬水落歸槽之時。該督等務須分投速辦。惟期各工及早堵合妥竣。以慰厯注。○又諭。前大名糾衆滋事一案。據王成功供。在邯鄲重正鎮見段文經徐克展各騎馬匹。劉勤張均德。隨向西走等語。正定距大名稍遠。猶可推議。至邯鄲與正定較近。該犯等明目張膽。乘騎馬匹。結夥逃竄。該處營汛弁兵。毫無偵察。任其逡巡出境。全保所司何事。著傳旨嚴行申飭。並著該鎮於山西河南交界處所。實力督率。嚴密查拏。務期弋獲。○又諭。前明興奏。續獲

司監越獄顧狗一犯。本日明興又有由驛馳奏之摺。閱之。不過將顧狗審明正法。殊屬無謂。此案逸犯。尚有張白虔未獲。又前歷城越獄在逃七犯。迄今已及三月。尚無一名就獲。至大名首犯段文經等。屢經降旨。令該撫嚴飭各屬。設法搜捕。況該犯等又有由館陶東北逸去之語。至今亦並無下落。明興尚有何顏面。為此敷衍搪塞之奏。著再傳旨嚴行申飭。仍著將段文經徐克展二要犯。及兩次越獄逸犯八名。飭屬留心盤詰。嚴密查拏。務使悉就擒獲。不至漏網。庶可稍贖萬一。毋得僅以空言瀆奏。致干重戾也。○是日。駐蹕密雲縣行宮。○辛卯。諭。據畢沅奏。豫省開封衛輝歸德等屬。連年積歉。現屆開徵之期。查歷年緩借各項甚多。請展至五十二三年。秋後帶徵等語。豫省開封等屬。連歲歉收。今秋又有蝻孽萌生。晚穀不無稍減。若此時新舊並徵。民力未免拮据。所有秋收稍歉之祥符陳

留杞縣尉氏洧川中牟蘭陽鄭州新鄭延津封邱陽武原武長葛等十四州縣並歷年積歉之汲縣新鄉獲嘉修武內黃通許鄆陵儀封滎澤商邱睢州柘城鹿邑湯陰許州襄城十六廳州縣除本年應徵地丁錢糧及應納漕米照例徵收外其歷年緩徵蠲剩帶徵未完地丁正耗及有漕地方緩徵帶徵舊漕并未完節年出借籽種口糧春借倉穀等項俱著加恩准其展至五十二三兩年秋後帶徵

俾得次第輸將民力益臻寬裕該部即遵諭行○諭軍機大臣等據特成額奏准督臣李侍堯咨摺守備陳興龍一摺稱本年七月道過荊州陳興龍前來謁見稱赴施南本任並未言及李侍堯委令護送臣之眷屬臣亦無令其護送之事等語前據李侍堯以守備陳興龍自京引見回楚捏報到任日期藉稱護送特總督家眷赴滇將陳興龍叅奏當經降旨詢問特成額曾否派令該備護送家眷抑

係該備私自隨行之處據實覆奏今特成額奏稱在荊州遇見陳興龍伊並未言及李侍堯委令護送之事是何言乎豈有李侍堯既差該備護送特成額家眷赴滇又將該備叅劾并咨雲貴截留之理此非特成額幕友文理不通即係特成額故作不知以為誣却地步陳興龍斷無自欲護送家眷之理著該督據實明白回奏勿得諱飾仍著李侍堯將陳興龍所稱護送特成額家眷一節究係何人

差委抑係該備藉詞捏報之處訊取親供據實覆奏○又諭據畢沅奏藩司江蘭護送移駐官兵事竣現在起程進京陛見等語前因該省伊陽縣戕官首犯秦國棟在逃未獲又大名滋事案內首犯段文經徐克展亦日久未獲曾降旨責成畢沅江蘭專心查緝若不能拏獲畢沅不准前赴湖廣新任江蘭亦不准遽卸藩篆來京陛見該督等此時自己接奉前旨秦國棟係該省戕官首犯查拏日久

迄今並無蹤跡。非段文經等犯。尚得諉為鄰省者可比。該督等所辦何事。覽奏甚為憤懣。乃江蘭不知慚愧。飭屬盡心緝拏。輒欲榮膺陞任。進京陛見。試思要犯久稽顯戮。並不能實力躡獲。尚有何顏面。來見朕耶。所有秦國棟。段文經。徐克展等犯。仍著責成畢沅。江蘭專心在豫督率查拏。並著傳諭江蘭。於何處接奉此旨。即自該處速行回藩司本任。務須嚴飭所屬。設法購線上緊訪緝。仍遵前旨。俟要犯拏獲。方准來京陛見。至畢沅另摺奏。盤獲大名戕官逆黨許三之子許三更。一名解交直隸質訊等語。許三更係要犯許三之子。著畢沅派委妥員。解京審訊。毋庸轉解直省候質。致有狡展也。○又諭本日軍機大臣審訊山東解到焦玉坤一犯。供稱伊子焦成芳。當聞外間查拏同教。就各逃散。不知藏匿何處等語。前據明興奏。訊問焦玉坤供。伊子焦成芳。與段文經等在大名鬧事後。即逃往曲

周縣土路莊馬德良家藏匿等語。焦成芳既經伊父焦玉坤供隨段文經等在大名滋事。情罪重大。自應迅速嚴拏。立正刑誅。乃明興輒信焦玉坤一面供詞。僅咨直省拏緝。而於該處原籍地方。轉不嚴密偵緝。以致焦成芳日久未獲。所辦何事。除就近傳諭劉綏於曲周地方嚴拏外。著明興仍在館陶一帶。嚴密查緝。務將焦成芳弋獲。毋任遠颺漏網。○軍機大臣等議覆。御史劉紹錦奏。稱各省監候要犯。請仍發原處。毋庸概禁省監。以致人數衆多。商謀逃逸。又四川總督保寧奏。稱請將留省重犯。分禁府監。添設禁卒防範。臣等酌議。請將逆匪刦盜。案情重大者。留禁司監。并交該督撫量撥省城府縣分禁。酌添禁卒巡察外。至尋常謀故殺等案。仍發原監候部文到日。本處正法。其應入次年秋審者。亦發回原處。俟次年秋審。再行留禁省監。並請通行各省遵辦。從之。○是日。駐蹕南石槽行宮。○

壬辰。

上詣

安佑宮行禮。○幸圓明園。○欽差大學士公阿桂。河東河道總督蘭第錫。遵旨議奏。查韓莊德勝。張莊閘一帶。溜急直下。向於德勝。張莊兩閘間。建六里石閘。以資擎托。前經黃水浸泡損裂。又因運河挑深。閘底高於河底。舟行被攔。應將閘底落低二尺。其金門以下。亦因底高跌深。舊基不能釘椿安石。須移上數丈。另建於形勢並無更改。再該閘視上下各閘較低。前因河形直下。恐水漲衝擊。不敢加高。止於閘背用草加鑲攔護。查舊閘牆一丈八寸。今移建酌加石四層。連河底落低二尺。統計一丈五尺六寸。與各閘收水丈尺相符。即水漲亦可不受衝擊。至該閘月河。僅容一舟。現議展寬四丈。水大開放暢行。閘座亦不致著重。閘背可停加鑲。得旨允行。○癸巳。諭軍機大臣等。據書麟奏。安省各屬秋禾。約收分

數一摺。內稱懷寧等四十二州縣。統計約收八分。其定遠等十七州縣。因被水成災。現在委員確勘。分別辦理等語。該省懷寧等四十二州縣。據稱約收八分。而於通省收成。總共約有幾分之處。未經奏明。所有定遠等十七州縣。成災分數。此時自己查勘明晰。著傳諭書麟。即將通省收成總數。統計若干之處。迅速據實覆奏。以慰廑注。○又諭。據勒保覆奏。抵任後。即將趙二一犯。嚴切審訊一摺。前據

趙二供認。素與張均德熟識。又據王成功供稱。親見張均德。隨段文經等。說逃往潞安。尋找趙二。是該犯係案內要犯。必須嚴切實訊。著傳諭勒保。即將趙二一犯。派委妥員。迅速解京審訊。至段文經等。現有逃往潞安之語。該撫務須實力躡緝。督飭文武員弁。上緊查拏。毋任潛蹤漏網。○甲午。諭曰。綽克托著補授戶部尚書。所有慶桂未到京以前。兵部尚書事務。仍著福長安署理。○又諭。現在京察

記名應用道府人員。將次用完。遇有缺出。不敷簡放。應令各省豫行保舉。以備簡用。除直隸山東河南三省。查拏大名糾衆滋事段文經徐克展二首犯。及河南伊陽拒捕戕官之首犯秦國棟。迄今未獲。可見各該省緝捕全不認真。上下因循怠玩。竟成積習。浙江各府州縣倉庫虧空。俱有應得處分。且官官相護。扶同朦混。吏治甚屬廢弛。俱不准其保舉外。所有江蘇安徽陝西甘肅湖北湖南廣東廣

西八省。著各保舉堪勝道員者二員。堪勝知府者四員。四川福建江西山西四省。著各保舉堪勝道員者一員。堪勝知府者三員。雲南貴州二省。著各保舉堪勝道員者一員。堪勝知府者二員。各該督撫秉公慎重揀選。據實具奏。並出具切實考語送部引見。候朕酌量簡用。○又諭著傳諭索住直隸大名道縣衙役段文經徐克展等。妄立邪教。糾集匪徒。將該道戕害。屢經嚴緝未獲。索住所屬打牲烏

拉等處人夫冗雜。最易藏奸。今將該二犯年貌原籍咨會務嚴飭所屬。留心訪查。倘有可疑。即行盤究。再吉林地方每年挖獲人夫叢集。現值放票之時。著都爾嘉一體留心。如能拏獲。朕必獎勵施恩。勉之。○諭軍機大臣等。據全德奏。場竈間有被水。前往查勘一摺。內稱坐落淮安之廟灣一場。經五壩諸水下注。後獨為衆水所歸。被淹將及兩月。其海州三場低窪處所。亦間有被淹等語。鹽場全恃蕩

草若水涸之後。仍可收著。傳諭徵瑞。於抵任後。即前往各該處。詳悉查勘。督率疏洩。其已經涸出之地。飭將池井漸次修復。至極低處所。水尚未退者。即確勘是否成災。據實奏聞。又全德奏本年海州場河。於鹽開未開之時。即遇黃水泛溢。永豐壩垣被衝。及水退後。鹽河已多淤墊等語。並著該鹽政。飭屬上緊挑挖。一律深通。以期無誤。釐運仍將辦理情形。據實覆奏。○又諭前據全德奏。滁州生員

駱愉呈遞書策。語涉狂誕。已降旨令其將該犯解京。交軍機大臣會同刑部審訊矣。該犯書內稱。戊戌年由兵部驛遞傳賜總商江廣達宮妃一事。揚州東口喧傳。此事既經流播。其言必有所自來。業經降旨。令李世傑密行查訪。並將駱愉所進副策發寄閱看。徵瑞此時已往東省。自應由彼赴任。到揚後即將此一節留心訪察。究係何人傳說。據實具奏。至駱愉書內。戊戌年春間。由兵部驛遞之語。現在

在交查兵部。戊戌春間。止有因鹽泉曾寄信鹽政諭旨二道。其間有無夾帶私書。無從查辦。該犯既有此言。或彼時竟有私帶書信之事。亦未可定。再該犯條陳鹽政弊端。是否可行。現在該處。或實有此等弊竇。應須釐剔之處。亦不可以人廢言。徵瑞與此事毫無干涉。自必無所用其迴護。著到任後一併查明。據實覆奏。除駱愉所呈鹽法策稿。已寄李世傑外。所有全德奏到各摺。俱著鈔寄徵瑞閱看。

○又諭。連日審訊焦玉坤一犯。據供有素識之張寬。引進徐克展。拜伊為師。並稱張寬於本年業已病故等語。此係該犯一面之詞。張寬是否病故。殊難憑信。著傳諭明興。在館陶一帶嚴密訪查根究。據實具奏。勿任狡飾。致令遠颺漏網。並該省二次越獄人犯八名。曾否弋獲。一併迅速覆奏。○乙未。諭上年海昇毆死伊妻吳雅氏。裝點自縊一案。刑部司員業成額。李濶檢驗不實。特派刑部侍郎景祿

杜玉林。帶同司員王士榮。慶興等。前往檢驗。該堂司官。以海昇係阿桂姻親。意存瞻徇。復派侍郎曹文植。伊齡阿覆審。始究出致死實情。因降旨將有意迴護之堂司各員。發往伊犁効力贖罪。以示懲儆。實屬咎無可寬。今思阿桂係滿洲大臣。景祿慶興業成額等。俱係旗員。逢迎瞻顧。自所不免。漢堂司官。不過隨同附和。緘口不言而已。且旗員在新疆地方。該將軍尚可各處差委。漢員在彼亦不能得



力姑念杜玉林等。於刑名事件。平日尚能熟習。除景祿慶興業成額。仍留伊犁當差外。杜玉林。王士恭著加恩釋令回京。交軍機大臣帶領引見。再降諭旨。至李濶係此案原驗之員。因素與海昇認識。輒授意伴作。令其捏報所謂罪之魁也。非僅如王士恭之扶同徇隱者可比。雖同係漢員。情節較重。仍不准釋回。○又諭曰。畢沅。江蘭。王昶。雖俱經朕降旨。各加陞擢。但河南伊陽戕官首犯秦國棟。及大名滋事案内。首犯段文經。徐克展。俱日久查拏未獲。可見該撫等緝捕並不認真。尚何顏復膺陞擢。著遵前旨。責成畢沅。江蘭。專心查緝。若不能拏獲要犯。畢沅不准前赴湖廣新任。江蘭亦不准遽卸藩篆。來京陛見。倘秦國棟。經別省拏獲。畢沅等俱不能辭咎。至王昶係隔省臬司。經永保派委。在商州潼關一帶督飭查拏。即秦國棟別經拏獲。亦於王昶無涉。尚可來京陛見。再赴新任。江蘭則前經專

派伊捕緝要犯秦國棟。段文經等。至今查拏日久。尚無一名就獲。乃並不在彼盡心設法根緝。竟奏請陞見。榮膺陞任。覲顏以巡撫自居。試思要犯久稽顯戮。並不能實力躡獲。尚有何顏面前來覲見。亦何顏忝居顯職耶。江蘭並非才具出衆。別有出力之處。不過因其上年查辦災賑事務。不辭勞瘁。尚屬奮勉。是以加恩將伊擢任巡撫。乃竟志得意滿。輒思養尊處優。不以緝捕要犯為事。甚屬非是。江蘭著交部嚴加議處。至畢沅素係曉事之人。江蘭即欲來京。亦應阻止。乃竟代為陳奏。亦屬不合。畢沅著交部議處。○又諭。前因山東省監犯單大經等。脫械越獄時。東南二監房禁犯俱安靜未動。特令該撫查明各犯名姓案由。及原擬罪名。分晰咨送。本日據軍機大臣會同刑部。將明興開送單內。分別情罪。酌擬減等具奏。朕詳加閱定。已依議行矣。因查山東省除越獄已經正法之單大經等。及尚

知畏法。分別加恩減等之李倫等。此外尚有情實應行予勾之犯二十二名。向以秋審人犯。擇其情罪重大者。於秋審時。即將各犯羈禁司監。不必發回本處。原為慎重起見。本年直隸山東二省。有越獄之案。內而御史劉紹錦。外而總督李世傑。保寧。輒紛紛條奏。多以留禁司監。人犯衆多。為未便。試思秋審人犯。若果俱存留司監。則今山東省。何以尚有應行予勾。不在司監者二十二人之多。可見外

省辦理此事。竟屬參差。並不畫一。上下通同。虛詞掩飾。已可概見。無一實心任事者。實為愧慙。殊不知直隸山東。皆由於平日怠玩廢弛。不能上緊稽察。以致有越獄脫逃之事。若如輿論。以為司監犯多所致。則直隸山東二省外。尚有十餘省。又何以俱無此等越獄之事耶。地方事務。總在各督撫等實心實力。認真辦理。苟不如是。蚩蚩愚民。何事不可為耶。將此通諭知之。又諭前據阿桂等審擬黃

梅婪索一案。業經節次降旨。並將阿桂等交部嚴加議處矣。今思伊齡阿。於黃梅種種勒派貪婪。雖非伊任內之事。但曾經奏實光鼐未到平陽之先。即差人先赴平陽。招集生監呈控。及抵平陽後。當堂詢問生監等。以黃梅在任款蹟。生監答以不知。實光鼐即發怒咆哮。又續奏實光鼐詣該縣城隍廟。令該縣多備刑具。傳詢書役。因鎖拏書役未到。發怒咆哮等語。伊齡阿。於實光鼐親赴平陽招集

生監逼罵親供。咆哮生事之處。則屢經查出。奏奏。而於實光鼐所奏黃梅在任勒借部民錢文。及侵用田單公費。朋貼各款。豈竟毫無聞見。何以不能查出。况借票田單。證據確鑿。一經訪察。無難得實。乃竟置之不言。豈伊齡阿。但能訪查實光鼐。而不能訪查黃梅乎。即使所奏實光鼐情節。係溫處道張裕穀等官官相護。聯為一氣。率行裝點。扶同具稟。伊齡阿。為其所蒙蔽。然為督撫者。釐奸剔弊。是其

專責。豈舍此張裕穀等數人之外。別無可寄耳目。又何以察吏安民耶。總之伊齡阿。因竇光鼐屢次嘵嘵爭執。心存憎惡。成見一聞。屬員之言。不察虛實。遽行叅奏。而於黃梅。則不免意存瞻徇。雖有侵貪款蹟。亦置若罔聞。以為前任既已辦過。若再明辦。恐累及前任。即此一見。豈可復膺封疆之任。現在交部嚴加議處。應聽候部議外。念伊係內務府人員。歷任關差。於榷稅事務。尚為熟悉。況和珅於乾隆四十三年。兼管崇文門監督。迄今已有八載。現係大學士。亦不便兼理榷稅。從前曹錫寶叅奏和珅家人全兒一事。未必非因此。而又不敢直言。亦可鄙也。伊齡阿著來京。在總管內務府大臣上行走。並兼管崇文門監督。所有浙江巡撫員缺。著琅玕補授。長麟著補授刑部侍郎。英善著補授江蘇布政使。所遺湖南布政使員缺。著郭世勳補授。其湖南按察使員缺。著恩長補授。○諭軍機大臣等。據

永保奏稱商州山陽地方。盤獲伊陽縣人夏璜一犯。訊係伊陽縣書辦。因鐵鑪營有戕官之事。即於次日同其兄夏璉。並伊姪逃至山陽。覓親居住。並不知秦國棟等逃往何處。亦並非此案逸犯等語。夏璜既係伊陽縣書辦。何以一聞秦國棟等戕官之事。即行踉蹌逃竄。且伊陽就近之地。豈無該犯親戚。乃踰越數縣。遠赴陝省。覓親居住。其形跡甚屬可疑。自即係該縣孫岳灝帶赴鐵鑪營之人。當日

見本官遇害。倉卒潛逃。及聞同夥丁役多已嚴拏治罪。遂與其兄姪越境遠颺。以為避罪之計。亦未可定。著交畢沅嚴行根究。務得確情。無任狡飾。至所獲秦國棟案內王進城一犯。並著永保派委妥員。解赴豫省。交畢沅歸案辦理。此案首犯秦國棟。迄今三月有餘。未經弋獲。而大名首犯段文經。徐克展。又尚在逃。著畢沅等督飭文武員弁。上緊查拏。實力偵緝。剋期務獲。毋任要犯遠颺漏網稽誅也。

○丙申。

上詣

大高殿

壽皇殿行禮。○還宮。○丁酉。

孝慈高皇后忌辰。遣官祭

福陵。○諭軍機大臣等。昨阿桂奏堵築漫工。據李世傑等告稱。所有黃河漫口四處。除烟墩一處。業經堵合斷流。其李家莊一處。僅存口門十一丈。即日亦可堵閉。司家莊漫工。已做

成一百餘丈。築壩進占。斜帶挑溜。現在溜勢已漸逼歸正河。堵合尚不為難。惟運料船隻較少。不能如期趲辦。總可於十月初十以內。堵築完竣。湯家莊又須稍遲數日等語。前因司家莊漫工。係河湖相連處所。節次諭令該督等。上緊堵築。並經該督等奏。督飭工員趲辦。於九月內一律完竣。何以司家莊。湯家莊兩處。又須展至十月初旬。方能堵合。目下節交冬令。水落歸槽。於進占下埽事宜。自更易

於著力。著傳諭李世傑等。嚴飭各工員。晝夜上緊堵築。務期期完竣。俾黃水速歸故道。以慰廛注。至該督等前奏。需用銀五十餘萬兩。係專指堵築漫口。需用錢糧。其災區賑卹。應用若干。前經諭令該督等。通盤覈算。所有被災分數。現已據袁鑒詳悉。查明具奏。其需用銀兩。自己覈有確數。將來兩項費用。該省庫貯。是否足敷。著李世傑等。即行查明。據實覆奏。○戊戌。諭軍機大臣等。據王昶奏。督緝伊

陽匪犯秦國棟。及直隸大名滋事首犯段文經。徐克展。現擬馳赴楚。陝。豫。三省毗連處所。督率員役。上緊躡緝。合三省力量。盡心設法。四面搜查。總使兇犯無可潛藏。自不致久稽顯戮等語。要犯迄今尚未就獲。何云盡心。畢沅。江蘭。王昶。雖經降旨。各加陞擢。但伊陽戕官首犯秦國棟。及大名滋事首犯段文經。徐克展等。俱經責成伊等督飭搜緝。乃查拏日久。至今並無一名就獲。可見該督等緝捕全

不認真。外省廢弛惡習。可惡已極。畢沅。江蘭。王昶。尚何顏復膺陞擢。若要犯一日不獲。畢沅。江蘭。王昶。均不准各赴新任。至段文經。徐克展等。經該督等多派員弁。廣為搜捕。其與直隸山東附近之河南山西陝西湖廣江南以及福建盛京口外京師。凡該犯等可以逃竄之處。俱經朕早為慮及。節次降旨。令各該處一體飭屬嚴拏。何以至今尚未得該二犯實在下落。朕心甚為煩懣。昨以無聊之極。思

令吉夢熊占六壬課。據稱賊當在近水處藏匿。應於正北往南畧近西追捕等語。近水處所。自係運河一帶。而往南畧近西。則又在湖廣陝西等省。並著傳諭李世傑李侍堯毓奇李封嚴飭各屬一體留心偵緝。前因劉義明興遠離省會久駐大名冠縣。雖名為督率搜捕。仍屬有名無實。是以降旨。令其各回省城。且段文經等或潛匿附近處所。聞督撫已回省城。該二犯或意謂緝捕稍寬。希圖潛回原

籍。亦屬情之所有。該督等雖身回省城。心應仍在該處。不時嚴飭文武員弁。乘時密行訪緝。以期弋獲。乃該督撫回省。又將一月。段文經等仍未拏獲。若果各該省盡心實力。設法廣為搜緝。該犯等豈有翼飛向外國。何致日久稽誅耶。劉義明興江蘭俱著傳旨嚴行申飭。仍著各飭所屬嚴行躡緝。毋得漸生怠玩。致干咎戾。○是日起。

上以孟冬享

太廟齋戒三日。○己亥。

孝敬憲皇后忌辰。遣官祭

泰陵。○諭曰。十一阿哥現在校閱各館。應進清漢書籍甚多。不必兼辦四庫全書館總裁事務。○又諭曰。綿德阿哥病逝可悼。著加恩賞銀二千兩。辦理喪事。准其靈柩進城。○又諭曰。何裕城奏本年江西鄉試貢生涂紅鵬年八十八歲。三場試畢。文藝平順等語。該生年過八袞。猶能踴躍觀光。宜沛渥恩。以廣作人

雅化著加恩將涂紅鵬賞給舉人准其一體會試俾皓首窮經者得償夙志用昭嘉惠者齡之至意○庚子諭曰保寧秦忠州梁山縣生員彭省非現年八十六歲敘州府南溪縣生員譚諭美現年八十歲鄉試三場完卷等語彭省非等俱年躋耄耄志切觀光宜沛渥恩以廣作人雅化彭省非譚諭美俱著賞給舉人准其一體會試俾皓首窮經者得償夙志用昭嘉惠者齡至意○諭軍機大臣等據畢沅奏續獲伊陽拒捕害官夥犯李殿士審明正法一摺內稱該犯同逃赴楚之杜三一犯經汝州差捕會同襄陽縣拏獲現准署湖廣督臣李侍堯咨會已解豫歸案審辦等語李殿士一犯係伊陽縣差役在襄陽縣地方盤獲杜三一犯前據李侍堯奏係襄陽縣兵役於樊城地方盤獲而畢沅則又稱汝州差捕會同襄陽縣拏獲外省遇有緝捕案件往往有功則相攘奪有過則相諉卸最為可惡

杜三一犯究係何處差役首先盤獲著傳諭李侍堯畢沅查明據實覆奏毋蹈外省朦混邀功積習至杜三李殿士俱在湖北襄陽地方拏獲則同案在逃之秦國棟及大名案內首犯段文經徐克展或由河南一帶竄入該處潛匿亦未可定前已節次傳諭李侍堯嚴飭文武員弁一體購線設法偵緝李侍堯辦事向屬認真若能將各該首犯按名拏獲豈不更見其出力朕必格外嘉獎將此傳諭李

侍堯畢沅並諭李封知之○是月調任長蘆鹽政徵瑞奏糧船所帶南貨上年因河道淺阻中途起卸過津關者十無二三本年江浙湖南幫船緣上年客貨附搭無利是以除旗丁土宜外攬載甚少此時京師南貨仍恐未能充足其未過津關各幫臣蒙恩調任兩淮當轉囑署鹽政臣王柄俟到任後抵津遵前諭辦理得旨祇可如此○兩江總督李世傑江南河道總督李奉翰安徽巡撫書麟奏九月

望後。天氣清明。人夫雲集。顧家莊引河。業挑竣。開放。引溜入河。頗見順暢。堵築司家莊漫工。止存口門四十二丈。湯家莊止存口門八十餘丈。此後料物。催趲較易。惟有嚴飭工員趕辦。務令十分穩固。得旨。知道了。慎重為之。朕豈不日夜焦思。盼速合口。但亦不肯欲速。督飭爾等。爾等相機為之。○書麟又奏。安省本年雨澤過多。湖河並漲。五河。定遠。鳳陽。鳳臺。懷遠。泗水。盱眙。壽州。天長。靈璧。來安。全椒。滁州。合肥。廬江。巢縣。無為。等十七州縣。蒙恩撫卹外。茲據藩司陳步瀛確勘。已成偏災。應請給賑。再鳳陽。長淮。泗州。滁州。廬州。五衛。被水屯田。照坐落州縣辦理。其新舊錢糧。請概予緩至來年徵收。得旨。一切賑卹。實力為之。○署湖廣總督李侍堯奏。湖北督撫。及武昌城守三標營。共募補新兵一千二百二十名。查各該營舊兵。前奏准。動武昌關口岸餘銀。照市價。每兵一買米九斗。存貯義倉。備青黃

不接時。借給。於秋冬月餉內扣還。兵丁得此接濟。無虞食貴。今新兵事同一例。仰懇於赴滇兵差恩賞餘銀內買貯報聞。○又奏。邇來直隸。山東。屢有越獄之案。司監防範更應嚴緊。臬司固有專責。勢難時刻親查。若以一司獄常川經管。日久難免疎防。擬於在省候補佐雜。並督撫兩標千把總外委內。各派一員。酌給飯食。協同司獄查驗。如有疎虞。一體嚴處。更昭慎重。得旨。嘉獎。○署河東河道總督蘭第錫奏。微山湖水勢。上廛宸衷。臣屢飭道廳。將各處通湖引渠。實力疏濬。現勘昭陽湖尾。遞達微山之路。尚覺淺狹。飭令再加展寬。挑深。俾一律通暢。今查湖口誌梅水深六尺。將來回空過竣。上游湖河之水。儘力收儲。足資春運。得旨。好。勉為之。○四川總督保寧奏。川省直隸州廳。凡遇軍流以上重案。例應解道。由道解臬。川省地方遼濶。輾轉解送。中途恐有疎虞。統計合省九州五廳。除程站相近。

毋庸置議外。若松茂屬之雜谷。懋功二廳。建昌屬之印。眉。一州。川東屬之達州。永寧屬之資州。相距本道駐劄處。皆數百里。至千餘里不等。請嗣後徑解臬司。以免稽遲疎脫。得旨。允行。下部知之。

大清高宗法天隆運至誠先覺體元立極敷文奮武孝慈神聖純皇帝實錄卷之一千二百六十五

大清高宗法天隆運至誠先覺體元立極敷文奮武孝慈神聖純皇帝實錄卷之一千二百六十六

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理吏部理藩院事務正黃旗滿洲副統世襲騎都尉軍功加七級隨帶加一級尋常加二級軍功紀錄一次臣慶桂  
總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務世襲騎都尉軍功加十九級隨帶加二級又加二級臣董誥內大臣戶部尚書鎮彝滿洲副統軍功紀錄五次  
尋常紀錄四次臣德瑛經筵講官太子少保工部尚書紀錄六次臣曹振鏞等奉

敕修

乾隆五十一年丙午冬十月辛丑朔享

太廟

上親詣行禮遣官祭

永陵

福陵

昭陵

昭西陵

孝陵

孝東陵

景陵



泰陵。

泰東陵。遣官祭

孝賢皇后陵

端慧皇太子園寢。○頒乾隆五十二年時憲書。○順天府行鄉飲酒禮。○諭據李侍堯等叅奏前署孝感縣知縣秦樸任內有縣民劉務孝劉金立烏老么等因上年歉收乏食各攜器皿向本處村民及伊等族姓借貸糧食不遂即將穀麥等物搬搶旋有並未被搶之

草生梅調元慮及被累。令伊子梅應奇邀同楊維智及各村居民劉成烈等。公立議單。派人防守。先捉獲劉大么等四人。網至僧寺拷問。逼令各報同夥姓名。即著多人分途捉獲張又咏等一十九人。梅調元父子起意商同劉成烈等。於本年三月初十日主使村民將兩次捉獲之劉大么張又咏等二十三人活埋於查家山地內。並將劉金立等房屋燒燬。經巡檢袁學澄稟報。該署縣秦樸並不查拏。

亦不通報。請旨革職嚴審等語。此事大奇。殊出情理之外。上年湖北省被旱成災。朕軫念災黎。疊經降旨蠲賑兼施。該督撫等於賑卹事宜開銷帑銀至五百餘萬兩。朕因該督等查辦尚屬認真。曾經降旨交部議叙。乃督撫以及布按不能實心督率。各屬妥協料理。俾災氓均霑實惠。以致有貧民乏食搶奪米糧之事。其被搶居民理應呈報官為辦理。乃該處劣衿竟敢糾眾逞兇。活埋生命。至二十三人之多。似此兇殘不法。何事不可為。乃該署縣秦樸經巡檢稟報。既不嚴速查拏。並不通行詳稟。有心諱匿。而該管道府及藩臬督撫等亦俱置若罔聞。竟同聲贖。是該省吏治闕冗廢弛已極。此事較之直隸大名逆匪糾眾戕官一案更為駭異。大名匪犯滋事。即經該督據實奏報查拏。尚不敢扶同朦隱。至此事則竟通同諱匿。置重案於不問。且此外又有李谷祥等將堂兄李道亨等七命一併網埋。

而梅調元於埋斃多命之後慮及官司查究輒令劉金立捏造書寫白布名單內開七十五人有同心竭力誓同生死字樣並滴灑雞血誣死者以歃血訂盟之據其居心更屬狡險如此兇徒竟得漏網地方大小官員所司何事此而不嚴加懲創督撫等無所儆畏因循怠玩其流弊伊於何底將何以整官方而飭吏治耶除湖北巡撫吳垣僥倖已經病故外特成額在湖廣總督任內諸事廢弛屢經飭諭令明白回奏其咎尚輕此事則更在情理之外若再姑容無所示警況雲貴係邊疆重地尤非湖廣可比特成額著革職拏問交刑部治罪永慶王廷燮於此等重案不行查辦亦難勝藩臬之任俱著革職拏問交刑部治罪所有署孝感縣事漢川縣知縣秦樸著革職拏交刑部治罪其該管道府交李侍堯查明係何人任內之事一併革職拏交刑部治罪巡檢袁學澄既經稟報著送部引見近

年各省督撫遇有交部議處降革之案朕因一時乏人多有從寬留任者伊等習以為常不知儆畏此即水懦為朕之咎此案不得不嚴加整頓矣大名滋事一案首犯段文經徐克展迄今未獲山東省兩次越獄要犯尚有八名未經就獲劉義明興俱應照部議革任河南戕官一案正犯亦尚未獲但念該督等現在督率各屬設法查拏未便遽易生手劉義畢沅明興江蘭等現經部議革任革職降調之處俱著暫行留任俟將來各犯有無拏獲定案完結時再降諭旨所有雲貴總督員缺仍著富綱調補富綱前經奏准來京陛見八月初九日自滇起程計此時自己行至河南附近直隸一帶接奉此旨著即速兼程來京候朕將地方應行整頓事件面加訓諭再行速回雲南本任常青著即補授閩浙總督此次懲創之後各省督撫務宜各知戒懼實心實力整頓地方毋負委任至意勿謂恩眷

可以長恃。留任可以屢邀也。將此通諭知之。  
○以甘肅按察使陳淮為湖北布政使。廣東  
惠潮嘉道雙鼎為湖北按察使。○以熱河副  
都統恒瑞為福州將軍。兼管閩海關事務。  
壬寅。

上御乾清門聽政。○諭昨據李侍堯等參奏孝  
感縣草生梅調元等糾眾逞兇。活埋多命。地  
方官諱匿不辦一案。已明降諭旨。將特成額  
等革職。拏交刑部治罪矣。去年湖北荒歉。已  
發五百餘萬帑金賑卹。若地方官辦理得宜。  
何致尚有搶掠之事。即以為發帑不足用。何  
妨再請。朕豈惜而不與乎。此必有貪官污吏。  
侵冒其間。以致饑民有不受實惠者耳。所關  
甚大。亦可惡。且乏食貧民。向各隣族借貸。亦  
情事之常。但不得邀約多人。強行搶取。如有  
此等案件。理應報官究治。以儆其餘。乃梅調  
元父子並未被搶。特以家擁厚貲。恐致將來  
受累。輒敢糾約劉成烈等。同日網埋二十三

命之多。屍身多有毆縛傷痕。骸骨俱有悶蒸  
血暈。甚至絕人父子。慘及無辜。似此殘忍不  
法。何事不可為。乃經巡檢袁學澄稟報。該署  
縣秦樸並不查拏。亦不通報。有心諱匿。而該  
管道府及藩臬督撫等。亦俱置若罔聞。試思  
此等大事。一省之中。豈無風聞。諉為不知。是  
何心也。幾至兇徒漏網。多命含冤。李侍堯等  
到任後。據署知府王希曾查出稟報。即派委  
大員前往查辦。拏獲兇犯多名。起出屍身。皆  
有憑據。據實參奏。具見留心認真。整頓地方。  
甚屬可嘉。李侍堯李封俱著交部議叙。至此  
案雖係該署縣心存隱匿。未經稟報。然為督  
撫者安民察吏。是其專責。所屬有慘殺多命  
之案。且孝感距省不遠。豈無聞見。乃竟同聲  
贖。形如木偶。若以州縣未經稟報。即諉為不  
知。則朕日理萬幾。於民隱無不洞悉。且伊犁  
雲南。不啻數萬里。朕亦付之不問。不知可乎。  
即如大名逆匪滋事一案。劉戡一聞稟報。即

具摺奏聞。親往查拏。特因首犯未獲。交部嚴議。特成額等之廢弛怠玩。更出情理之外。是以俱行革職。拏問設湖廣亦有此等戕官重案。亦將隱匿不報。矣。督撫受朕恩眷。委以封疆重寄。豈徒令其養尊處優。而於地方重案。一切置之不問。又安用此督撫為耶。特成額於湖廣總督任內。諸事闕冗。而此案則獲罪更重。是以嚴加懲治。在外間無識之徒。見李侍堯屢次查叅該省事件。未必不以為有意搜尋。欲覲覲實授總督之任。督撫等前後交代。如果心存傾陷。有意叅劾者。其隱微亦難逃朕洞鑒。似此不法重案。倘李侍堯等瞻顧特成額情面。不行查辦。將來別經後任發覺。則李侍堯李封。俱係曾經獲罪棄瑕錄用之人。更非特成額可比。將首領不保。李侍堯等安敢為特成額迴護。而不據實入告耶。李侍堯等此奏。豈得謂之過事吹求乎。朕於諸臣功罪輕重。悉視自取。真偽難逃。照鑒此。皆五

十餘年來。天下臣民。所共見共聞者。而近來恐因老而或疎於志。所為猶日孜孜。益加精勤。以待歸政。以保末路。想衆人亦無不知也。著將辦理緣由。再行明白通諭知之。又諭前因大名滋事首犯段文經徐克展。及河南伊陽首犯秦國棟。俱日久查拏未獲。又山東省兩次越獄要犯。尚有八名未經就獲。劉戡畢沅。明興。江蘭等。俱應照部議分別降革。因念該督等現在督率各屬。設法查拏。未便遽易生手。另尋頭緒。是以降旨將該督等俱從寬暫行留任。第該督等平日既不能整頓。以致釀成此等案件。又不能實力偵緝。俾要犯即時弋獲。尚復何顏坐享豐厚。徒忝素餐。所有直隸。山東。河南三省。督撫藩臬。除新補人員外。俱著停其養廉。不准支領。此案查拏日久。至今並無一名就獲。可見外省緝捕惡習。全不認真。若不予以嚴限。恐該督撫等仍生怠玩。視為海捕具文。以致要犯遠颺漏網。殊

屬不成事體。此案著定以本年十二月底為限。該督等若能上緊根緝。於限內拏獲。尚可邀恩開復。倘不能督飭所屬實力躡緝。俾要犯逾限不獲。是該督等自干咎戾。朕亦不能再為曲宥。所有此三省之督撫藩臬等。俱著吏部於年底查明屆期請旨。又諭曰。刑部議覆劉秉恬奏命盜等案逃犯請徑檄隣省交界州縣截拏一摺。已依議行矣。近來各省地方官遇有承緝事件。輒視同具文。全不認真躡緝。即如大名首犯段文經。徐克展。及伊陽首犯秦國棟等。緝捕已有數月。並無一名就獲。可見外省緝捕要犯。尚然如此疎懈。其餘尋常通緝人犯。自必廢弛玩延。不肯實力嚴拏。更屬顯然。朕亦別無他法。嗣後惟責成各督撫。並各該州縣。於承緝各犯迅速查拏。務期弋獲。倘日久因循。仍踵海捕故習。致要犯逾限不獲。惟有繩之以法。斷不稍為寬貸。各省大小官吏。各宜痛加振作。一洗從前怠

玩惡習。方能常受恩眷。毋貽伊戚。莫謂朕不教不戒也。將此通諭知之。又諭曰。達明阿著調補鑲黃旗蒙古副都統。協同鄂勒哲特穆爾額爾克巴拜辦事。所遺鑲紅旗蒙古副都統員缺。著舒濂補授。諭軍機大臣等。上年湖北省被旱成災。朕軫念災黎。疊經降旨蠲賑兼施。動用帑項五百餘萬兩之多。該督撫及藩臬等。果能督率府州縣實心料理。何至復有貧民乏食。搶奪糧食之事。況該省被災處所。不過幾府州縣。其應賑人口。有極貧次貧。大口小口之別。且其中尚有不應予賑者。斷無有五百餘萬人口之數。即使果有此數。每人各給銀一兩。亦可均霑實惠。何致釀成事端。可見該督撫司道等。並不認真查辦。一任不肖之府州縣官。侵吏蝕。澤不下逮。以致窮黎乏食。搶奪逞兇。實出情理之外。著傳諭李侍堯李封。即行嚴密訪查。湖北成災各屬。正賑展賑時。該地方官及吏胥人等。有無

混冒開銷。侵肥入已情事。據實嚴叅具奏。倘李侍堯等。瞻徇情面。不行嚴查叅奏。或將來別經發覺。該督撫恐不能當其咎也。至該犯梅調元。李谷祥。並未被搶糧食。輒敢糾約多人。綑縛劉大么等。活埋多命。兇惡不法已極。在尋常殺死一家非死罪三人者。尚應凌遲處死。況梅調元一案。絕人父子。傷殘骨肉。其兇悍殘忍。莫此為甚。但能糾約黨羽多人。聲勢必大。若將該犯定擬後。又候部覆。輟轉稽延。恐又有結夥刦囚越獄等事。更屬不成事體。著傳諭李侍堯等。速將此案首要各犯。審訊明確後。或當凌遲斬決。即於該處先行一面正法。一面具奏。勿得拘例耽擱。致滋事端。再署漢陽府王希曾。於本年八月奏署。從前係何人署理。曾否將此案稟報。特成額及藩臬等。並著李侍堯一併查訊明確。仍遵前旨。據實叅奏。○又諭。據劉我奏。大名道龍舜琴。具稟緣坐人犯段文經之弟段文周。徐克展

之父徐旺。於九月十四并二十二日。先後在元城縣監內病故等語。此事甚屬可疑。元城監內。羈禁此案人犯甚多。何以病故者。偏係首犯親屬。雖訊無凌虐致死情弊。恐係禁卒人等。稟報一面之詞。但是否該道龍舜琴。親加檢驗。摺內並未聲敘。且段文經。徐克展。俱曾充官役。或現在刑禁人等。竟與通同一氣。安知不因其罪重。或令自斃。脫逃得以倖免。顯戮。更屬不成事體。劉我亦曾思及此乎。著

傳諭劉我親往查訊該道及該知縣。並禁卒人等。將該犯段文周。徐旺是否實係因病身死。及有無徇情故縱。是否該道知縣親加覆驗之處。逐層嚴切根究。據實覆奏。毋稍諱飾。○又諭。曰。穆克登前經畢沅派往彰衛一帶緝拏大名案犯。迄今日久。尚未就獲。是在彼久駐。亦屬無益。該省現屆秋審勾到之時。倘司監人犯。或因臬司公出。亦有似山東直隸圖謀越獄之事。更屬不成事體。著傳諭穆克

登即行速回省城加意稽查監犯並著嚴飭兵役禁卒人等小心防範毋致稍有疎忽以給事中宗室祿康為內閣學士兼禮部侍郎司經局洗馬嵩貴為詹事以山西河東道景安為甘肅按察使調密雲副都統恒山保為熱河副都統正紅旗蒙古副都統積善為密雲副都統○予故直隸大名道熊恩紱贈太僕寺卿廕一子如例○癸卯諭曰朕愛養黎元勤求民瘼各省偶遇地方偏災一

經稟報即降旨蠲賑兼施並屢諭該督撫實心實力督率各屬妥協辦理不惜千百萬帑金務俾災黎均霑實惠此朕五十餘年如一日亦天下臣民所共見共聞者上年湖北荒歉已發五百萬帑金賑卹若地方官辦理得宜何至復有貧民乏食搶奪糧食之事乃劉金立等因借貸不遂輒將穀麥搬搶而劣衿梅調元父子竟敢糾眾逞兇活埋多命此必該督撫司道並不認真查辦一任貪官污吏

浮冒侵漁以致朕恩不得下逮閭閻乃有饑民乏食搶奪滋事及釀成重案之後大小各員恐從此究出弊端遂爾通同諱匿聯為一氣吏治如此實出情理之外試思活埋三十人俱經起出屍身尚有毆縛傷痕及悶蒸血暈證據確鑿是豈李侍堯等所能捏造者而籍隸湖北之御史等並無一人奏及科道為朝廷耳目之官各省閭閻疾苦及官吏侵貪諱匿命盜各事理應據實直陳方為不負言

職今湖北省竟有此不法重案本省輿論本省之官必有風聞該員等家信鄉親中豈無言及而得諉為不知可乎若該科道等能將此事據實糾參朕必深為嘉獎斷無迴護總督特成額之理乃緘默不言而第撫拾浮詞毛舉細故如曹錫寶參奏和珅家人全兒一事以下賤奴僕委辦崇文門稅務藉需餘潤有數十間住屋於國計民生有何關係即現在查抄特成額家產其家人黃永等名下俱

有房屋貨財典當價值累萬該御史又何以置之不問耶所有未能奏湖北搶掠活埋人命二案之隸籍該省前任給事中梁景陽御史許兆椿著交部議處其餘各省有無似此重大案件而地方官諱匿不辦者著軍機大臣傳詢各科道令其據實直陳朕必嚴加懲治倘各科道因朕有此旨遂心存挾制本省督撫致令地方諸事掣肘亦難逃朕洞鑒一經查出亦必重治其罪將此通諭知之○

諭軍機大臣等據毓奇奏各省領運銅船過境一摺內稱雲南委員楊有祐李達等領運乾隆乙巳年三運一二起京銅行至巴東宜都等縣地方沉溺未獲銅觔頗多等語各省領運京銅沿途沉溺固不能保其必無但此次沉溺京銅多至八九萬觔而撈獲者僅數十至一萬餘觔不等自係地方官不能督飭丁役水手實力撈獲而奸民等又復從中圖利將沉溺銅觔詭稱撈獲無多俟委員過境

後潛行撈取私自售賣俱未可定此等奸民伎倆在委員呼應不靈無從杜其弊竇且領運限期有定不能在境坐候撈獲以致奸民等得行其詐全在各該督撫實心實力嚴飭各該州縣督率夫役上緊探撈庶沉溺銅觔或可多獲委員亦不致多有賠累著傳諭沿途各督撫凡遇銅船過境時加意護送如有沉溺銅觔並責成地方官嚴行督飭人夫竭力撈獲毋任奸民藉端漁利方為妥善○以

甘肅永昌協副將寧古奇為浙江衢州鎮總兵○甲辰

上御懋勤殿勾到湖廣江西情實罪犯停決湖廣斬犯二十人絞犯十二人江西斬犯十一人絞犯七人餘七十五人予勾○諭曰阿桂和珅皆管吏部一部兩大學士尚無此例阿桂著管理兵部事務和珅著管理吏部事務○又諭曰戶工二部議覆壯新關徵收稅課比較上屆短少銀一萬二千兩零南新關徵



收稅課比較上屆短少銀一萬七千四百四十兩零俱請著落該監督等按經徵月日照數賠補一摺固屬照例辦理第念和琳係隨欽差前往之員署事未幾且於經徵事宜究屬生手祇將伊在任時得過養廉令其按數繳出已足償其經徵不善之咎所有和琳名下應賠北新關短少銀二千一百八十兩零及應賠南新關短少銀一千五十兩零俱加恩免其賠補此項銀兩即著盛住照數賠繳

○又諭據永保奏拏獲豫省伊陽拒捕戕官案內首犯秦國棟之弟秦三又秦國棟之子秦即兒當即親提審明將秦三凌遲處死秦即兒擬斬立決等語所辦甚好秦即兒一犯係秦國棟之子例應緣坐向來遇有此等應行緣坐人犯雖已問擬斬決朕無不加恩量從寬減但此案秦國棟拒捕戕官膽敢於光天化日之下肆行不法實屬罪大惡極所有該犯之子秦即兒自應照該撫所擬即行斬

決以淨根株而示懲創近來各省奸民不法之案節次發覺未必不因朕屢加恩宥愚民習見法網之寬遂致無所敬畏若此時不急齊之以刑則水懦民玩轉非辟以止辟之意也將此通諭中外知之○諭軍機大臣等據李世傑等奏秋汛內搶辦黃河新埽及收蓄運河水勢情形一摺所辦尚合機宜本日阿桂到京與李世傑等公同列銜具奏勘得玉皇閣下河勢向東北坐灣迎溜請於該處挑引河一道俾黃流從此直注由順黃壩下木龍對過處所歸入陶莊新河東注會清形勢較為徑捷等語此是極好機會即當為者著交李世傑等妥協辦理至堵築各漫口司家莊湯家莊二處前奏於十月初旬可以一律堵合現在進占下埽做長壩工若干何日可以掛纜合龍告竣著傳諭李世傑等嚴飭各工員晝夜上緊堵築務照奏准限期完竣俾黃水速歸故道以慰廑注○又諭曰畢沅奏

據委員太康縣典史毛師沆於安徽亳州地方盧姓茶館內據所帶眼目李振德認係徐克展當即拏獲亳州人役聞信趕至截留經該州王家幹帶回州城現委開歸道蔣果等馳赴亳州會審等語徐克展既經拏獲甚屬可嘉該犯係大名牋官案內逆惡渠魁為緊要首犯著傳諭該督等即將該犯剔去腳筋遴派幹員迅速解京聽候嚴訊仍飭該委員嚴行鎖鑰沿途加意防範毋致稍有疎虞免

脫之事至此犯經典史毛師沆帶同眼目在亳州盧姓茶館認拏看來自係河南委員拏獲而亳州人役又復趕至截留帶回州城此必係該州人役因見重犯盤獲希圖爭功攘奪外省惡習往往有此並著畢沅書麟詳細查明是否實係河南委員首先盤獲之處據實具奏不可隱飾現在徐克展既經拏獲則段文經一犯更可根究實在下落易於搜捕畢沅書麟當各無分畛域督率各屬密速查

拏以期迅就弋獲毋任潛匿稽誅又諭本日軍機大臣具奏審訊駱愉所呈書策內各條該犯供雖得自傳聞但皆係有證名姓自應嚴切根究其所供戊戌年二月在散商吳姓家見伊夥計黃稼培說外間傳說江蘭由驛寄信來說康山主人蒙賜宮妃一事係黃稼培向伊告知現另降諭旨令將黃稼培等解京質訊自無難得其實在情節將來如果有與江廣達江蘭干涉之事亦應切實查辦

但此時祇應嚴密訪查是否江廣達家中存有江蘭原信且恐江廣達聞知消息或情急畏懼另生事端更屬不成事體著傳諭徵瑞不動聲色留心密訪毋致驚擾實在有無風聞根據密行具奏至駱愉供出江吳二商人呈控運判陳炯姚思康二案現已諭令將原案送京查辦但該二員是否實有情弊徵瑞即行密速訪查勿使該員等聞信致有意外之虞至駱愉所供現在商人運鹽每包每引

夾帶多至一百餘觔鹽院運司俱屬不知其餘官員都是通氣知道等語鹽觔弊實所關頗大不可不徹底查究嚴加整頓亦著徵瑞將該犯所供夾帶鹽觔等項情弊是否確實嚴行查察秉公辦理以期鹽法肅清此係前任之事與徵瑞毫無干涉不必心存迴護朕原不以人廢言也昨據李世傑奏該處商運尚無情弊等語殊未可信徵瑞平日辦事尚屬明白認真非全德不曉事者可比此時徵

瑞務將兩淮鹽務有無弊端及駱愉所呈各款是否可行之處據實查明即密行覆奏所有駱愉供詞並著鈔寄閱看將此由六百里加緊傳諭知之仍即將大概情形速行奏聞

乙巳

上御太和殿視朝文武陞轉各官謝恩 諭據明亮等奏請將喀什噶爾地方額外倒斃馬匹賠補等語本年喀什噶爾地方乘用馬匹差務較多又遇瘟疫著將額外倒斃之馬二

百四十餘匹內豁免一半其一半著落管牧官員賠補 禮部題冬至節應行慶賀禮得旨今年冬至次日著停止行禮 丙午

上御懋勤殿勾到安徽江蘇情實罪犯停決安徽斬犯十人絞犯七人江蘇斬犯十一人絞犯六人餘六十六人予勾 諭上年山東被旱成災節次降旨將舊欠銀兩穀石並五十年分緩徵漕糧准再予分限二年帶徵以紓民力茲據明興奏稱截留東漕又計有二十

餘萬石若將難借二項全行徵收買補而賑濟動用者復一併動項採買恐同時並徵小民力有不逮請將出借米石分作二年帶徵其賑濟動用米石請俟明年秋收再行買補等語東省本年雨澤應時秋收豐稔所有舊欠漕糧自應買補歸款第念該處積歉之後民力未臻充餘著照該撫所請將出借米一十一萬一千餘石加恩分作二年帶徵至賑濟動用米八萬二千餘石著緩至明歲秋收

再行買補起運俾民間蓋藏益資饒裕以示朕體恤閭閻有加無已至意諭軍機大臣等前經降旨令福康安於十月內起程來京陛見永保署理陝甘總督印務計此時永保自己將次啟程前往蘭州接署督篆陝甘兩省皆其所轄陝省現有查拏伊陽首犯秦國棟及大名首犯段文經二事著傳諭永保仍督飭陝省文武員弁設法搜捕上緊偵緝務期弋獲不得以身在甘肅鞭長莫及又以接

任有人稍存諉卸之見致干罪戾至已延三曾任總督因庸懦無能獲咎今復加恩擢用巡撫該撫抵任後務須痛改前轍實力整頓地方並督率各屬緝拏兩案要犯倘仍因循怠玩以致吏治廢弛朕一經查出必將已延三加倍治罪不能復為曲貸也豁免浙江瑞安縣坍田八頃五十六畝有奇額賦丁未諭據畢沅奏河南本年鄉試諸生中年屆九十者王協恭一名年屆八十以上者程鳴

岐等四名年屆八十者王輝祖等二名俱已三場完卷並未中式等語該生等年逾耄耋俱各踴躍觀光宜沛殊恩以廣作人雅化著加恩將王協恭程鳴岐韋元勳閻選齡毛景燧王輝祖全恩義七名俱賞給舉人准其一體會試俾膠庠耆耄得償窮經夙願用昭嘉惠耆齡至意又諭曰永保奏陝西西安城垣於本年九月內一律修理完竣請欽派大臣帶領熟諳工程之員來陝驗收等語西安

省會城垣前因歷年久遠多有坍塌於乾隆四十六年降旨令前撫臣畢沅動項興修並派德成前往勘估籌辦現在此項工程已於九月內普津完竣著仍派侍郎德成馳驛前往西安將該處城工履勘查收是否如式堅固之處據實具奏又永保另摺所奏西安四門箭樓城臺卷洞原估本係黏補嗣因東西北三面各磚塊酥離經前撫臣畢沅勘明令工員全拆改修完竣增估銀一萬八千五百

餘兩請旨查勘驗收等語並著德成一併查勘歸案驗收辦理所有隨帶司員著一併馳驛又諭據永保奏接商州營遊擊張濯商州知州杜錡稟稱於柿坪地方拏獲首犯秦國棟并伊子秦周兒二犯現已委員星往迎提解省審辦屬實等語秦國棟係伊陽戕官案內逆惡首犯逃竄日久今經永保督飭所屬文武員弁於商州地方拏獲甚屬可嘉永保著交部議敘所有拏獲該犯之遊擊張濯知州杜錡俱屬出力著永保將該二員一併送部引見並查明究係何人首先拏獲或係兵丁聞信抑係捕役訪拏之處據實查明覆奏同日畢沅又奏稱據河陝道王鑾等稟報馳赴商雒協同商州營遊擊等查至劉嶺地方將秦國棟并伊子秦周兒一併拏獲等語秦國棟一犯實係陝省兵役盤獲業經永保提解至省訊得確供而豫省委員王鑾等尚腴頗攘為伊等拏獲希圖避罪邀功實屬可

鄙前經畢沅奏豫省委員毛師沆在亳州地方盤獲徐克展一犯經該州王家幹截留帶回州城因該州攘奪爭功最為外省惡習業經降旨令書麟查叅今畢沅復蹈此轍自係該委員捏飾稟報希冀爭功並著畢沅一併查明據實叅奏至秦國棟糾眾拒捕竟敢戕殺知縣實屬罪大惡極乃竄匿稽誅至三月之久畢沅江蘭督飭所屬文武員弁設法偵緝購線追拏終未得該犯實在下落今經隣省盤獲究係豫省緝捕不力畢沅江蘭豈不知愧何顏覲邀陞擢畢沅著仍回河南巡撫本任江蘭仍回河南布政使本任畢沅江蘭仍著交部議處至李侍堯歷任封疆三十餘年才具幹練素能辦事前於雲貴總督任內收受銀兩陋規及屬員銀兩是伊志滿氣盈所致是以嚴加治罪定以重辟嗣因撒拉爾逆回滋事乏人任使而李侍堯才具究屬可用復畀以陝甘總督之任令其戴罪自贖自

任事以後。地方諸事尚能整飭。後因逆回田五不法。滋擾地方。李侍堯辦理乖謬。擒捕遲緩。復獲重譴。但伊於軍旅。本非所長。且經朕屢次嚴諭督飭之後。尚能愧奮。親歷戎行。一同滿兵打仗。尚有漢軍舊家風氣。究與庸懦畏蕙者有間。是以加恩寬釋。重加錄用。令其署理部旗事務。夏間湖北呈控該地方官。侵蝕災賑一案。派令前往查訊審辦。俱屬允當。適因湖廣總督缺出。即令在彼署理。李侍堯自署督篆以來。將該省積年未結盜案。及孝感縣搶掠活埋多命。諱匿不辦之案。查出據實叅奏。具見留心整頓。知過認真。且現在各省巡撫內。非資格尚淺。即係才具難勝。總督之任者。一時乏人。所有湖廣總督員缺。即著李侍堯補授。李侍堯屢獲重愆。今又破格棄瑕錄用。此朕不得已用人之苦心。李侍堯當知感愧奮勉。痛改前非。嗣後倍宜潔清自矢。正已率屬於地方諸務。實力整飭。毋謂已補。

實缺。始勤終怠。致負委任。至意倘該督不知警省。心存滿足。以至再蹈愆尤。必當加倍治罪。斷不能再為曲貸也。諭軍機大臣曰。秦國棟係伊陽案內拒捕戕官首犯。著傳諭永保。即遴派幹員迅速解京聽候嚴訊。愈速愈妙。仍飭該委員沿途小心管押。加意防範。毋致稍有疎脫。其馮萬良王進城二犯。現經永保解豫審辦。並著傳諭畢沅。將該二犯及前此拏獲留省候質之犯。一併派委妥員解交刑部。歸案質審辦理。至王昶前經諭令在商州一帶緝拏要犯。今秦國棟業經拏獲。王昶著仍遵前旨。即來京陛見。後再赴雲南藩司新任。所有大名案內段文經一犯。著責成新任臬司周樽親往商州督飭各屬實力查拏。周樽甫經加恩擢任。務須認真出力。將要犯上緊拏獲。勿任潛匿稽誅。方為不負任使。戊申。

上御懋勤殿。勾到河南山東情實罪犯。停決河。

南斬犯四人絞犯十一人山東斬犯二十八人絞犯十四人餘五十七人予勾。諭據李侍堯等審訊叅革守備陳興龍因感激特成額提拔私恩欲護送家眷往滇遂捏報到任日期私赴荊州見特成額面稟經特成額諭以職官不便隨往又不前赴施南新任潛回省城逗留殊屬欺詐應發往伊犁充當苦差並請將贍徇捏報之都司梁煥等交部嚴加議處一摺。陳興龍既經面見特成額懇請送

眷赴滇經特成額飭止從前降旨詢問時特成額何以並未據實陳奏乃兩次覆奏摺內俱稱在荊州遇見陳興龍伊並未言及李侍堯委令護送之事是何言乎豈有李侍堯既差該備護送特成額家眷赴滇又將該備叅劾之理明係特成額飾詞諉卸俟伊解到後著刑部一併詢問令其據實登答。特成額在湖廣總督任內種種廢弛於搶掠活埋多命一案且置之不辦此一節尚其罪之輕者所

有李侍堯等共奏該叅備等分別定議之處著該部議奏。己酉實授李承鄴為江西布政使。旌表守正捐軀湖北黃安縣民方萬采妻詹氏。辛亥

上御懋勤殿勾到山西情實罪犯停決斬犯十人絞犯十一人餘五十八人予勾。諭曰薩布奏本年廣東省鄉試年屆九十以上者三人內謝啟祚一名已經中式舉人彭一猷中式副榜謝璜三場完卷未曾中式等語除

謝啟祚業經中式舉人外彭一猷謝璜俱著加恩賞給舉人准其一體會試俾膠庠耄耄得遂窮經素願以副朕加惠耆齡至意。諭軍機大臣等前據李侍堯等奏孝感縣草生梅調元父子糾合多人逞兇不法活埋至二十餘命之多且慘及無辜絕人父子似此殘忍兇悍何事不可為地方有此奇聞異事一時斷無不輿論喧騰而該處距省不遠亦必有傳揚至省者乃督撫司道置若罔聞實

出情理之外至巡檢袁學澄曾經稟報是否專稟該署縣泰樸其道府藩臬及督撫曾否通詳即使該省大小官員聯為一氣有心諱匿或將原稟銷燬該巡檢處自有原詳稟稿可查著傳諭李侍堯等徹底詳查如果該巡檢未經通稟特成額等豈無聞見乃諉為不知不行查辦已屬身同輩贖形如木偶若曾經詳稟有案而特成額等欲化大為小化有為無心存諱匿置重案於不問其罪更大李

侍堯等當詳悉檢查據實具奏固不可有心周內亦不可瞻顧特成額等稍涉迴護也再署漢陽府王希曾到任後即將此案查出稟報是否係李侍堯等先有風聞交該署府查辦或係屍親控告抑係該署府自行檢出舊案查報之處並著李侍堯一併查詢明確迅速覆奏將此由六百里諭令知之此案亦應速結○以署光祿寺卿寶光鼎為宗人府府丞○壬子諭軍機大臣等本年江蘇淮揚等

處因河水漫溢下游安東山陽清河桃源等縣田禾被淹又安徽省安慶鳳廬滁泗等府州屬夏間雨澤過多山水長發低窪地畝亦被淹浸雖經節次降旨分別蠲賑令該督撫等實力撫卹毋致一夫失所第念各該處被災地方秋成歉薄於明春青黃不接之時民食恐不無拮据是否應需展賑蠲緩並此外勘不成災地畝應否量予加恩分別酌借口糧籽種之處著傳諭李世傑閱鶚元書麟即

行體察情形查明據實覆奏候朕於新正酌量加恩降旨○以戶部尚書綽克托為鑲藍旗漢軍都統○癸丑

上御懋勤殿勾到直隸情實罪犯停決斬犯三人絞犯十三人餘八十一人予勾○順天武鄉試以翰林院侍讀學士全魁為正考官編修戴均元為副考官○甲寅

上幸圓明園○諭據書麟奏大名戕官案內逆犯徐克展經豫省委員在亳州拏獲該署州



王家幹並未稟報復將該犯帶回州城顯有攘奪爭功之事。亳州距豫省較近。豫省所委之開歸道蔣果自己馳抵亳州。遵旨押解等語。又據另片奏稱據潁州府知府雙保稟稱於九月初二日率同王家幹押解徐克展赴清江浦候審。徐克展係應解京要犯。該府繞道解至清口。殊堪詫異。已委員迎解至浦。會同督臣訊明。即就近委員解京。並將該府州另行參奏等語。所奏是。徐克展係應迅速解京要犯。經豫省委員在亳州地方躡獲。該州王家幹意圖攘功避罪。輒行截留。輾轉解訊。以致稽遲。實屬可惡。設或中途有疎脫之事。必當將王家幹立寘重典。今幸而書麟委員迎解至浦。要犯自不致疎脫。但王家幹邀功攘奪之罪。自不可逭。即蔣果以道員特派前往。雖該州王家幹已將典史毛師沆拏獲之。徐克展先行奪回。解赴潁州。但毛師沆以典史微員。不能與知州爭競。其咎尚屬可原。且

有拏獲要犯之功。蔣果係監司大員。其職分之大於知州。即猶知州之大於典史。豈王家幹能將要犯奪回。而蔣果獨不能趕赴潁州親提押解。乃一任王家幹將要犯輾轉解訊。殊屬無能。設該道所屬地方。遇有此等緊要事件。亦將如此推諉觀望。尚復成何事體。蔣果不勝監司之任。已可概見。至潁州府知府雙保。於徐克展解到潁州時。並不一面具稟。一面即將要犯就近解京。乃復繞道解至清江浦。亦屬不知事體輕重。除王家幹蔣果業經降旨交部治罪。並嚴加議處外。雙保候該撫查叅到日。再交部議。其徐克展一犯。於九月初六日解至鳳陽。此時自己前抵清口。著傳諭李世傑書麟。即遵前旨。訊明段文經下落。飛速咨解。一面錄供。由驛具奏。一面即派委幹員。妥速解京。並將於何日起解約計何日。可以到京之處。先行奏聞。此旨著由六百里加緊。寄交李世傑書麟遵照。妥辦外。並將

朕辦理此案。晝夜焦思。代為伊等設法籌畫。無微不至。各緣由。通諭知之。諭軍機大臣等。據李國梁奏。山永協副將達色稟報。冷口關盤獲形跡可疑之蘇晏宇郭安清二名。搜出順刀符咒。又古冶汛盤獲胡大猷一名。榛子鎮盤獲孫有禮一名。俱係形跡可疑。已解交地方官辦理等語。大名糾衆戕官案犯。尚有段文經等未經拏獲。東省司監及歷城越獄各犯未獲者亦尚有八名。保無私竄口外。希圖漏網。今經李國梁嚴飭官弁。盤獲形跡可疑各犯。具見留心。著傳諭劉我於各犯解到後。即嚴提審問。是否係大名。應城。伊陽等案要犯。務須究出實情。毋得任其支吾狡飾。將此傳諭劉我並諭李國梁知之。調雲南鶴麗鎮總兵劉之仁為騰越鎮總兵。騰越鎮總兵孫起蛟為開化鎮總兵。開化鎮總兵寶瓚為鶴麗鎮總兵。

大清高宗法天隆運至誠先覺體元立極敷文奮武孝慈神聖純皇帝實錄卷之一千二百六十六

大清高宗法天隆運至誠先覺體元立極敷文奮武孝慈神聖純皇帝實錄卷之一千二百六十七

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣履歷

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級正黃旗內大臣戶部尚書鑲藍旗滿洲都統軍功紀錄五次

尋常紀錄十四次臣德齡經筵講官太子少保工部尚書紀錄六次臣曹振鏞等奉

敕修

乾隆五十一年丙午十月丙辰諭據徐嗣曾

奏本年鄉試諸生中年屆八十以上者林復

發曾錫嘏二名三場完卷並未中式等語該

生等年逾耄耄踴躍觀光殊堪嘉尚林復發

曾錫嘏俱著加恩賞給舉人准其一體會試

俾膠庠耆耄得償窮經夙願用昭嘉惠耆齡

雅化作人至意○又諭禮部所奏綿德修理

塋地銀一千兩仍著賞給○丁巳諭軍機大

臣等昨據徵瑞覆奏駱愉指出之從前見證

黃稼培等俱已身故而喧傳各款密行查訪

毫無影響等語因覆令軍機大臣嚴加審訊該犯已供認索詐不諱看來駱愉造言生事必非安分之徒雖前據全德奏已於該犯寓所檢查並無不法字跡但恐所查尚有未到之處其寓所自有房主著傳諭徵瑞再赴駱愉揚州寓所向房主嚴切根究毋得稍有不實不盡該犯原籍安徽滁州此種不法字跡其家中或尚有存留該犯妄造逆詞覈其情罪即律以大逆緣坐亦不為過姑念究係愚

妄所致祇須罪及其身不必將伊家屬緣坐

著傳諭書麟即派員前赴該犯滁州原籍詳

細檢查有無別項違礙字跡據實覆奏○又

諭據李侍堯等奏拏獲逃遣危朝選一名審

明正法一摺內稱危朝選與同配之金雙六

商同潛逃危朝選於閏七月十三日逃至荊

州地方憶及金雙六係湖南華容縣人料其

逃回原籍欲往尋覓求助行至石首地方被

獲現飭屬一體嚴緝金雙六務獲究辦等語

金雙六既係湖南華容縣人脫逃後自必潛回原籍藏匿李侍堯等即應專飭華容縣密速查拏乃通飭各屬一體躡緝豈不又成海捕具文耶著傳諭該督等即責成華容縣務將金雙六一犯搜緝就獲審明辦理不得以通緝了事至孝感縣劣生梅調元活埋人命一案節經降旨令該督等嚴查各上司有無延捺不辦各情節並將此案迅速定擬何以至今尚未見奏到著再傳諭李侍堯等遵照

節次所降諭旨嚴切根究迅速據實定擬覆奏戶部議覆直隸總督劉綎稱安州高陽肅寧任邱四州縣秋禾成災五分應照例蠲額賦十之一餘各州縣村莊應查明被災之處照例緩徵舊欠舊借統待明年麥秋後徵解被災者准借籽種口糧得旨依議速行○戊午諭軍機大臣等據明興秦益都縣知縣姚龍光於縣民蘇文成毆死文瀾一案諱匿欺飾請旨將姚龍光革職一摺已批該部

知道矣第詳閱此案情節疑竇頗多據稱蘇文成因向文瀾借錢不允心懷忿恨於夜間瞰知室內無人攜帶拐棍踰牆入室將文瀾毆死等語蘇文成既帶有拐棍自係年老之人何能夤夜踰越牆垣摺內未將該犯年歲聲敘殊屬含混且拐棍不踰徑寸數尺非他木棍金刃可比未必遂有致命重傷何以即時身死而文瀾於被毆之時豈竟毫無聲響又稱蘇文成帶縣覆訊倏又翻供不認其所

翻之供是何情節亦未經敘入所奏殊未明晰近來該撫辦理地方事務每以糊塗了事即此可見著傳諭明興即將此案實在情節詳悉查明據實覆奏○已未

上還宮○諭軍機大臣等從前袁守侗等查審鎮遠府知府蘇壩侵隱稅課控揭上司一案內稱鎮遠關稅連年既有盈餘四五千兩不等若不另定報解數目仍不免有侵漁情弊應令該督撫詳查會議等語鎮遠關稅從前

每年既有盈餘四五千兩。自蘇橋侵隱敗露後。彼時自必增定解額。迄今十有餘年。所有委管關務各員。是否按照定額徵收。盡數歸公。抑或尚有不完不盡。逾額私徵之處。著傳諭李慶棠。切實詳查。據實覆奏。○庚申。

上御懋勤殿。勾到朝審情實罪犯。停決官犯內。斬犯七人。絞犯六人。常犯內。斬犯四人。絞犯五人。餘十九人予勾。○訓飭封疆大吏。諭向來督撫大臣中。營私執法。貪縱婪索者。惟王

曹望奇貪殃民。是以即行正法。其餘因其曾為大臣。祇賜令自盡。不忍肆諸市曹。而其中情罪可原本。可不至予勾者。亦必先期降旨。免其綁赴市曹。不令與衆囚為伍。此朕明罰勅法中。仍寓養恥之道也。富勒渾於督撫中。資格較深。歷練亦久。是以由閩浙調用兩廣。委以海疆繁劇重任。以為將來能勝任陝甘總督者。尚無出其右。今春舒常回京。於五臺途次。偶爾詢及舒常。即稱富勒渾操守不敢

深信。朕猶疑信兼半。初不料其有貪婪侵隱款蹟也。又值穆騰額來行在。陞見。復經面詢。據奏富勒渾操守平常。且有不能約束家人之語。復令軍機大臣詳加詢問。方將伊家人長隨在外居住。招搖生事情節指出。夫以封疆大臣。其聲名操守之平常。經兩人具奏。不謀而合。則其言必非無據。朕若置之不問。又何以肅吏治而儆官邪。是以密諭孫士毅。據實查奏。彼時和珅即在朕前奏稱。不如將富

勒渾調回。徐行查察。即可不至遽興大獄。是和珅未免意存消弭。為迴護富勒渾地步。及孫士毅節次查奏富勒渾縱容家人殷士俊等。關通婪索。招搖舞弊。富勒渾漫無覺察。已屬形同木偶。且家人贓蹟累累。家私巨萬。焉得委為不知。又因點派各口岸。令書吏攤繳銀一萬九千六百餘兩。交收入署。豫備賠補關稅。迨事已敗露。始行奏請歸公。明係本欲希圖肥橐。先侵後吐。試思管理關務各員。豈

有先斂銀入已而藉口為將來短少彌補之地有是辦法乎及派阿桂前往審訊定案時止稱其未經豫先奏明於先侵後吐之處並未切實根究而又於伊家人擬罪失之寬縱且富勒渾在粵時經孫士毅奏奏後朕諭令查訊即係特派之人富勒渾身為大臣理應安分待罪聽候質訊乃敢咆哮割辯悖戾之氣形諸詞色並有我若得罪合省官無一得免者此何言耶是今日富勒渾之隨同眾囚

鄉赴市曹者實阿桂和珅心存迴護有以釀成而亦富勒渾之罪由自取自不顧顏面朕尚為存其顏面乎然究念其非賣官鬻爵貪黷不法且歷任封疆宣力有年尚知奮勉而當金川用兵時督辦糧務亦有微勞是以從寬免其勾決仍牢固監禁富勒渾才具本不如李侍堯且性情剛愎將來斷不能復思又邀錄用令其待罪囹圄愧悔思過朕敬思皇考世宗憲皇帝臨御十三年綱紀肅清內外

臣工亦俱小心惕勵其時封疆大臣以奸貪犯法者止年羹堯一人朕御極五十餘年未嘗不時時以整飭官方為務而貪縱執法如恒文蔣洲良卿方世儒王亶望國泰陳輝祖郝碩諸人接踵敗露此皆朕水懦民玩而用人不當未嘗不引以自愧嗣後各省督撫務宜整躬潔己嚴肅馭下以前事為戒設有不知儆懼仍蹈覆轍一經敗露朕必執法重懲毋謂寬典可以倖邀朕恩可以長恃也將此

通諭知之又諭據永保奏陝省鄉試士子房彥貴喬任俱年踰八旬又浦霖奏湖南貢生葉有聲年踰九十生員何紹怡王澤週俱年屆八十以上均各三場完竣未經中式等語該生等俱年登耄耄尚能踴躍觀光殊堪嘉尚房彥貴喬任葉有聲何紹怡王澤週俱著加恩賞給舉人准其一體會試俾膠庠耆耄得償窮經夙願用昭嘉惠耆齡壽考作人至意諭軍機大臣等據戶部奏兩淮鹽引

自乾隆四十六年前任鹽政圖明阿奏請豫提壬寅綱引目二十萬道後未據該鹽政復請豫提經部行查該鹽政以歷年尚有未銷積引至本年丙午新綱亦以覈計鹽引有盈無絀俟暢銷後再行請領為辭殊難憑信請勅交新任鹽政詳查具奏等語兩淮鹽課向來俱於正引之外豫提下綱引目二十萬至四十萬道不等分帶疏銷所以濟民食而裕國課該處淮南淮北引鹽本向湖廣江南等省銷售上年湖北安徽等處年歲歉收鹽引積壓未能暢銷尚屬事之所有至四十七八九等年湖廣安徽收成豐稔該處引鹽何至有積年滯銷不能豫提引目之事看來係該商等額外夾帶私行銷售竟如駱愉所稱加勛重綱割引歸商等弊不為無因矣否則何以積至四年額引尚不能暢銷並未豫提引目兩淮鹽引國課所關即以四十六年豫提鹽引而論係二十萬道以一引三兩不等計

算應納課銀六十餘萬兩若該商等以應提引目之鹽而於正引內私行夾帶售銷以無課之鹽私銷入已復藉口於引鹽積滯將提引停歇是將課賦之羨餘為賈販肥橐之私計日復一日伊於何底不可不切實查辦但此事俱非李世傑徵瑞任內之事與伊等並無關涉即該商等果有夾帶私銷情事亦不過責令賠繳無所用其瞻顧迴護著傳諭該督等務須切實查察並將駱愉所稱三百六十勛之外私自通同割引加勛等弊徹底詳查據實具奏不可以人廢言俟查明後再行降旨酌辦戶部原摺并鈔寄閱看將此諭令知之由五百里驛寄仍令先將大概情形速奏○旌表守正被戕山東新城縣民王偉妻王氏○辛酉諭曰李慶茶奏本年鄉試諸生中年居八十以上者孫彥葛維楠李良棟三名俱三場完卷未經中式等語該生等年逾耄耋踴躍觀光殊堪嘉尚孫彥葛維楠李良

棟俱著加恩賞給舉人准其一體會試俾皓首窮經者得償夙志用昭嘉惠耆齡至意又諭據李世傑奏湯家莊漫口於十六日堵築合龍等語本年湖河並漲以致隄工漫溢多處曾降旨將該督等疎防治罪及開叅各員弁職名之處加恩寬免現屆冬令水落歸槽易於工作該督等不能早為集事今雖堵築完竣究屬遲延豈得仍邀議敘原摺著交該部知道○又諭據勒保奏抵任後有代州

民孟鵬程呈稱孟木成扎傷張光裕身死問擬絞候一案從前指伊為證係畏刑誣認其扎傷致死伊並不知情理合稟明現在孟木成一犯奉到部文業蒙勾到案關出入未便遽行處決致有冤抑請將孟木成暫緩行刑提齊犯證嚴訊確實再行辦理等語所奏甚是此案孟木成扎死張光裕之後從前定案時原因孟鵬程指證確鑿是以將孟木成擬抵今孟鵬程復以指伊作證之處係畏刑誣

認代為呈辯伸冤恐其中尚有別項情節人命重情自應詳慎不可不徹底究訊以成信讞但事隔兩載孟鵬程並無一言申訴本年秋審時孟木成又不自行鳴冤直至此時孟鵬程方為辯訴亦難保無賄囑翻異情事現在該撫提訊各犯證如果孟鵬程所控屬實自應即為平反以申冤獄若審係虛捏即將孟木成立行正法並將孟鵬程從重治罪以儆刁頑○諭軍機大臣等據李世傑等奏報湯家莊漫工於本月十六日堵築合龍一摺覽奏欣慰已明降諭旨矣前據阿桂到京時曾面奏二套引河於夏間挑挖完竣適及上游湖河並漲隄工業經漫溢水由湯家莊等處旁洩後二套引河始行開放分減異漲不能大資衝刷寬深專力東注應於各漫口合龍後將二套口暨行堵住再加收拾豫備明年大汛時開放若能黃河大溜併一歸注則更有益等語從來河不雙行且二套較雲梯



關入海之路更為近捷若大溜能從此直注歸海自屬極好機會。但現屆冬令。水力綿弱。恐易停淤以致明年大汛時流行不能暢達。不可不慮。該督等正在辦理善後事宜。務須悉心籌酌。將二套引河築壩堵住。詳悉履勘。應大加展挑寬深。以資暢達。即行勘估興工。妥協辦理。務俾明年大溜得以全行掣動。由此東注歸海。方為妥善。仍將作何籌辦之處。先行定議覆奏。又諭據李慶棠奏新疆改

發內地遣犯高均添陳長長於本年八月在配脫逃。旋經該巡檢差役各處追拏。業於九月初一日在湖南武陵縣地方協同該縣捕役拏獲。請將疎防之巡檢上官永昇知縣費承勲。交部議處。一摺。已批該部議奏矣。黔省脫逃遣犯既在湖南武陵縣地方拏獲。何以未據浦霖具奏著飭行。且此等新疆改發內地遣犯。一經逃脫。拏獲例應即行正法。李慶

辦理之語亦未聲敘明晰。外省惡習。每遇緝獲要犯。即稱協同該縣捕役同拏。希圖邀功。卸罪最為可惡。著傳諭浦霖。即提該遣犯審訊明確。一面奏聞。一面照例即將該犯正法。並將拏獲遣犯何以不行具奏之處。據實覆奏。以故和碩豫親王修齡長子裕豐襲爵。

（壬戌）

上御乾清門聽政。諭軍機大臣等。據海紹奏。協造德純自縊身死。遺存訴呈一紙。自認侵

用浮開各弊不諱。現將應訊經手書役匠頭等。申送撫臣審訊。並將馳赴景德鎮。檢點窯廠庫存物件等語。協造德純承管窯廠。所有燒造瓷件。係前任監督虔禮寶自出已貲捐辦。但已發過工價銀四千數百餘兩。辦理已屬裕如。該協造尚可藉資潤。何至侵用官項。又復畏罪自戕。其中恐另有別情。著傳諭何裕城率同該道。將應訊經手書役人等。嚴切究訊。據實覆奏。癸亥。以總管內務府大

臣伊齡阿為兵部右侍郎。甲子。諭據毓奇奏。年滿六十以上千總。例應勒休出缺。但衛千總。職司漕務。與營制稍有區別。若拘定例。概與勒休於漕務無裨。請將各衛幫領運千總。年至六十歲者。察看精力。如果就衰。仍照例勒休外。倘其中實有精力壯健。為漕運中得力之員。准令出具考語。送部引見等語。年老千總。俱令勒休出缺。俾年力精壯。技藝出色者。得以及時効用。原所以飭營伍而勵弁兵。至運弁職司辦理漕務。非若營員之專事弓馬者可比。倘其中實有精力壯健。諳練漕運之員。而限於定例。概與勒休。未免難資熟手。况一經引見。其人之應否去留。難逃洞鑒。該督亦斷不能行其瞻徇姑息之私也。毓奇所奏。尚屬近是。著照所請。行仍將應留各員。送部引見。○諭軍機大臣等。昨日委員解到徐克展一犯。令軍機大臣嚴行審訊。據該犯供。於閏七月二十四日。由磁州彭城鎮。統道

同至段文經家。復又商同逃往冠縣城南宓家鹽村。同教董玉麟家。因查拏緊急。不敢同行。遂與段文經。劉勤分手行走。八月初三日。到董玉麟家。而段文經等。已於初二日到董玉麟家。要錢二千文。小車一輛。又逃至單縣崇天寺同教的黃亮公家去了。我由僻路往東南。逃走到亳州。就被拏獲。至段文經究竟到黃亮公家去沒有。實不知道等語。董玉麟既係八卦教內人犯。而段文經等。又由伊家逃往單縣。雖係該犯一面之詞。不可不嚴拏究訊。又崇天寺同教黃亮公。是否即係從前拏獲候訊之黃連公。著傳諭明興。即迅速徹底查明。務究出段文經等實在下落。跟蹤躡緝。無難弋獲。至徐克展。既在亳州地方潛匿。盤獲。則段文經或在亳州。及豐沛一帶藏匿。亦未可定。並著傳諭李世傑。書麟。仍上緊緝拏。不可因徐克展業經拏獲。稍存疎懈也。將此由六百里傳諭知之。仍即速覆奏。又諭

本日廷訊徐克展據該犯供張均德在大名滋事後與段文經劉勤及該犯一同逃走旋因查拏緊急伊等分投逃散張均德逃往山西潞安府躲避等語張均德係動手殺官要犯前據王成功供出已節次降旨令該撫飭屬查拏何以尚未拏獲今徐克展亦供稱張均德逃往潞安與王成功所供相符是張均在潞安一帶嚴密查拏務期就獲毋任要犯

潛匿稽誅若竟由該處又復他往更屬不成事體又諭本日盤獲徐克展之典史毛師沆隨犯來京親加面詢觀其才具將來尚有出息已格外加恩降旨將毛師沆仍發往河南以知縣即用並命軍機大臣傳旨令其速行啟程回豫矣現在段文經劉勤張均德等要犯尚未就獲而伊陽戕官案內餘犯亦尚有未經弋獲者著傳諭畢沅俟該員回豫即可委令躡緝該員自必感激愈加奮勉倘再

能拏獲一二要犯該撫將毛師沆出力之處據實奏聞將來同知通判皆可邀恩錄用即用至知府亦無不可該省得一幹練之員任使於地方亦屬有益也○乙丑諭曰西林保因係陣亡施恩賞給騎都尉伊子莽官保富明德俱已獲罪革職此等世職雖不可令罪人之子承襲若即行削除朕心殊屬不忍莽官保之罪稍輕定例陣亡賞給騎都尉世職襲次已完者仍應賞給恩騎尉承襲著施恩

賞給莽官保之長子明福恩騎尉令其承襲○又諭據永鐸奏稱商州民王廷順將商民石應網毆斃情殊可惡王廷順兇惡已極請將王廷順擬斬趕入本年秋審情實等語永鐸甚屬錯謬勾到日期已過多時永鐸至今始行奏到已趕不及矣永鐸豈不知之新疆之事似此兇惡之徒既過勾到日期即當正法示衆轉令緩至次年秋審有是理乎永鐸如此草率陳奏其屬不曉事體著嚴行申飭

仍令伊接奉諭旨即將王廷順正法示衆。又據永鐸將該處糧價業經繕片具奏又復繕摺。是何道理著一併飭行。諭軍機大臣等理藩院奏據照看西藏來使堪布之理藩院郎中靈倫呈報經過直隸地方並未派委道員前來亦無營汛大員照料。止有外委一員與定例不符等語。西藏喇嘛過境時前經降旨令各該督撫派委道員護送以資彈壓。今各省俱照奏定章程派委護送何以直省止派微末武弁殊違定例。即或該省道員現有承辦事件不能分身前往豈無知府同知等官可以派令代往況營員中亦有參遊大員儘可派令護送何至僅派外委。如果該督業經派有大員而該員竟玩諉遲延未經前往即應據實查叅倘該督並未派委豈劉綏因要犯未獲遂至諸事廢弛遺忘耶著該督據實明白回奏勿得稍存迴護將此諭令知之。○丙寅諭曰明興奏本年山東省鄉試諸生

中年居九十以上者李宏道一名年居八十以上者朱渭揚等三名年居八十者李晃等三名俱三場完竣並未中式等語該生等年逾耄耋奮志觀先殊堪嘉尚李宏道朱渭揚桑振東軒轅圻李晃方永祥王家賓俱著加恩賞給舉人准其一體會試俾膠庠耆耄得遂窮經素願用昭嘉惠耆齡壽考作人至意。諭軍機大臣等步軍統領衙門奏山東民人趙濟呈控伊姪趙士玉被齊元喝令多人攢毆身死賄囑頂兇。歷控不辦一案請交山東撫臣親提審辦等語此案既經呈控臬司何以不辦係何人任內之事現任伊齡阿自浙回京著即派該侍郎順道前赴濟南會同明興提齊案內人證秉公詳晰審擬具奏原摺並著鈔寄閱看。又諭據何裕城奏協造德純自縊身死遺存訴呈一紙內有侵用銀兩金腳私造瓷器等情節現在委員前往查驗並提緊要人證來省研究實情等語此案

前據海紹具奏已傳諭該撫率同該道嚴切究訊矣。至何裕城摺內所稱該協造侵用金脚。係何物件。且燒造瓷器何以需用金兩。並著傳諭何裕城一併查訊。明確據實覆奏。以協辦大學士吏部尚書管陝甘總督福康安為內大臣。戊辰諭軍機大臣等。據劉我奏。翟治元一犯。曾於乾隆四十三年。被張九錫呈控。係義和拳邪教。嗣經審係誣指。擬以枷責完結。前據郝潤成供稱。該犯係離卦副頭目。隨差拏到案。該犯堅不承認。因係侯大名案完後。明春辦理之人。未敢竟行釋放。亦未便先行監禁。取具該犯住房親鄰的保在案。等語。翟治元一犯。既經郝潤成、徐克展供。係離卦頭目。且曾經徐克展糾約入夥。自係邪教黨惡。知情同謀。要犯前被張九錫呈控。派往審訊之人。即被該犯狡供混過。今既拏獲到案。自因無人質證。輾轉狡飾。堅不承認。乃該督聽信一面之詞。不將該犯監禁。輒行

取保釋放。彼係離卦教首。一經釋放。何弊不可為。何跡不可掩。該督不當思及此乎。設或該犯乘間脫逃。尚復成何事體。不意劉我竟不曉事。年老糊塗。若此。著傳旨申飭。所有翟治元一犯。著該督即遵委妥員迅速解京。聽候審訊。沿途小心押解。毋致疎虞。又劉我另摺奏。審訊遷安縣冷口地方盤獲形跡可疑之蘇晏宇、郭安清一摺。該犯等既帶有符咒邪書。自非安分之人。並著一併解京交刑部

審辦。又諭。據勒保奏。盤獲甘肅狄道州生員廖珂一摺。內稱廖珂在該州開設歇店。本年八月二十三日。有一過客。自稱李虔炳。係本京武解元。實名附天保。是駙馬侯爺曾署西安將軍。奉旨往甘肅密訪回民動靜。與廖珂結為弟兄。囑其送信至京。併云伊母可以入宮奏事。保薦廖珂做官。給與玉扳指一個。為伊母認識之物。仍令廖珂告知南城兵馬司富永年。將翎頂黃馬褂送至涼州滿城大

佛寺相會已飛咨甘肅督臣將附天保飭屬嚴拏等語實屬大奇。廖珂與附天保甫經會面即結為兄弟許其保薦而廖珂即為帶信送京且所供情節荒誕不經恐有別樣情弊著傳諭勒保將廖珂即行派員解京候訊併附天保所給玉扳指亦著一併送京認證其店內起身聲稱欲往洮州岷州等語該犯雖聲稱欲往洮岷或在山西陝西沿途一帶逗

留亦未可定並著傳諭永保勒保秦承恩各飭所屬嚴密查拏務獲一併解京究訊除所供南城兵馬司富永年及附天保住址已令步軍統領衙門訪查辦理外將此由五百里各傳諭知之勒保摺著鈔寄永保秦承恩閱看○是日起

上以冬至祀

天於

圜丘齋戒三日○已已諭軍機大臣等昨據勒

保奏盤獲甘肅狄道州生員廖珂與附天保結為弟兄受其愚騙進京送信一摺已有旨諭令勒保將廖珂解京並傳諭永保等將附天保查拏務獲一併解京究訊矣該犯自稱駙馬侯爺曾署西安將軍且其所送書信封面上寫東四牌樓二條衛衙住址必係冒充福康安弟兄名姓希圖招搖撞騙實屬可惡務須拏獲懲治毋任潛匿稽誅該犯既有年貌籍貫且福康安現任陝甘總督有年而該

犯即前往洮岷一帶豈非自投羅網其人之愚妄可知自屬易於蹤跡著傳諭永保已延三秦承恩一體飭屬嚴密訪緝查拏務期弋獲解京質訊至該犯在廖珂前捏稱奉旨往甘肅密訪回民動靜恐其到處招搖滋事或致搖惑甘省回民之心於地方甚有關係並著傳諭永保已延三於拏獲該犯後將附天保所稱密訪回民動靜之處實係該犯假捏希圖哄誘愚民撞騙財物並無其事回民等

勿為所惑將此明晰曉諭各回民令其安居樂業毋致稍生疑懼方為妥協將此由五百里諭令永保等再福康安現已起身來京陛見並著一併傳諭知之仍將曾否獲犯緣由迅速覆奏 庚午

上詣

南郊齋宮齋宿 諭前據李侍堯等奏孝感縣革生梅調元等因饑民搶掠糧食糾眾逞兇活埋多命地方官諱匿不辦一案因思湖北

因災發帑至五百餘萬為賑濟饑民之用即有所不足再請亦所勿靳也必係該省辦理災賑事務有不肖官吏從中侵冒情弊使恩不下逮故降旨令該督等嚴查具奏茲據李侍堯等查奏黃安縣上年放賑該縣經承王炳王言綸勾串知縣陳玉之子虛開戶口侵冒賑項又興國州叅革知州溫有光於上年承辦撫卹加賑領銀易錢查對所放數目竟有易多散少侵漁入己情弊請將知縣陳玉

革職同叅革知州溫有光提同應訊人等一併嚴審按律定擬等語已發者如是未發者更不知幾何也上年湖北因旱成災朕軫念災黎蠲賑兼施動用帑金至五百餘萬兩令特成額等督率所屬加意撫卹今據李侍堯等查奏該省不肖州縣竟有浮開戶口冒賑侵漁之事此皆由特成額在湖廣總督任內諸事廢弛而藩司永慶臬司王廷燮亦俱因循怠玩於賑卹要務全不認真查辦一任不

肖州縣侵漁舞弊以致災民不能均霑實惠若非令李侍堯李封前往接任督撫徹底清查則此等劣員皆得飽其慾壑不至敗露其何以肅吏治而懲貪墨耶是特成額永慶王廷燮前此之身獲重譴解京治罪實屬天理彰著昭昭不與可為封疆大吏廢弛不職者炯戒除令軍機大臣存記俟特成額等解到逐款訊究外所有黃安縣知縣陳玉著革職同叅革興國州知州溫有光一併拏問交李

侍堯等提集應訊人證。嚴切根究。一經審訊。質證得實。即將該州縣及陳玉之子。並經承王炳。王言綸等。一併解交刑部審訊。按律定擬。以示懲儆。○是月。直隸總督劉綎奏。銅船沉溺。地方官不加意督撈。易為奸民漁利。直隸運河。無江湖險灘。偶遭風暴。船沉不難撈獲全數。現飭該管道。於過境時派兵防護。遇沉貴州縣親督人夫撈獲。得旨。外省惡習不止此。爾等全不實心整飭。朕亦無如之何。但就其甚者懲一警百耳。○泰寧鎮總兵兼總管內務府大臣溫布奏。

西陵樹戶。並交松樹雜樹。力恐不逮。請自本年始。令僅交松樹。其雜樹官為採辦。所需價。即以本處廣恩庫存備種樹銀一千兩。交易州發商生息。解交買樹報銷。從之。○江西巡撫何裕城奏。查江西境內河路二千四百餘里。額設巡船。僅敷壯捕駕巡。現在訪獲河匪。均已分別問擬。即以犯船加修作巡船。分派員

弁嚴緊查緝。得旨。好。以實為之。

大清高宗法天隆運至誠先覺體元立極敷文奮武孝慈神聖純皇帝實錄卷之一千二百六十七

末



大清高宗法天隆運至誠先覺體元立極數文  
奮武孝慈神聖純皇帝實錄卷之一千二百六十八

監修總裁官總纂官太子太傅文淵閣大學士文淵閣領事領侍衛內大臣稽察欽奉 上諭事件處管理

吏部理藩院事務正黃旗滿洲副統世襲騎都尉軍功加七級隨帶加一級尋常加二級軍功紀錄一次 臣慶桂

總裁官總纂官太子太傅文華殿大學士文淵閣領事稽察欽奉 上諭事件處管理刑部戶部工部事務

世襲騎都尉軍功加十九級隨帶加二級又加二級 監修內大臣戶部尚書鎮遠侯滿洲副統軍功紀錄五次

尋常紀錄十四次 臣德瑛總纂官太子少保工部尚書紀錄六次 臣曹振鏞等奉

欽修

乾隆五十一年丙午十一月辛未朔冬至祀

天於

圓丘

上親詣行禮遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵遣官祭

孝賢皇后陵

端慧皇太子園寢壬申

上幸瀛臺召見諸皇子軍機大臣等諭曰人君

者

天之子當以敬

天勤民為首務方可以承

昊貺而迓

鴻庥設於對越之事心生懈怠不能敬謹將事

是不成其為

天之子而

昊蒼亦斷不錫之嘉祐也朕臨御五十一年以

來恭遇

郊壇大祀無不祇肅躬親冬至

南郊親詣五十一次上辛

祈穀親詣四十九次惟乾隆五年及四十九年

因朕躬偶爾違和。遣皇子親王恭代。而當臨祀時。一切儀文典禮。悉本誠恪之心。恭申虔敬。以期

昭格。近來雖年逾古稀。壹志

明禋。益勤勿懈。是以仰蒙

上蒼鑒朕忱悃。得有期頤之壽。精神強固。猶日

孜孜。萬幾親理。於

郊祀大典。俱能肅將裸獻。升降周旋。勿愆於儀。

緬維

上天如此。篤耥惟有益懋寅恭。豈忍以年壽已高。稍耽安逸。致精意或有未孚。朕世世子孫。續緒膺圖。若能以朕之心為心。無刻不以敬天為念。於

郊壇大祀。嚴恭寅畏。盡敬盡誠。自亦必仰邀

昊穹眷顧。錫以大年。實我大清億萬載無疆之

祚。倘不能凜承朕志。永矢虔恭。稍存怠忽。即

非朕之子孫。

天亦斷不錫之以福也。向來致祭

郊壇。於

壇之二成。設有幄次。以備拜跪行禮迎

神上香。進爵供胙。上

壇行禮畢。仍回降至拜次。嗣因朕年屆六旬。恐

精力不能如前。將亞獻終獻。飲福受胙諸儀。

改於

壇上讀祝。位次行禮。以節登降之勞。仍不致或

愆儀節。此朕因欲每次躬親祀事。是以稍從

簡易。非敢於

郊祀大典。存耽逸之見也。惟念將來朕春秋日

高。誠恐步履或稍遜於前。意欲於

壇上讀祝。拜位添設小幄次一分。俟朕年至八

旬。即於此內行禮。設此二三年中。遇風雪沍

寒。亦可稍資蔽禦。如果仰邀

上天眷佑。仍能精力如舊。至八旬而不衰。尚必

照常行禮。所有添設幄次。原可備而不用。著

軍機大臣會同工部。太常寺。敬謹詳勘。將應

添幄次尺寸。比二成之幄次收小。酌擬呈覽。

再行備辦。此非朕之敢萌逸念也。蓋

郊祀大典。蠲潔躬承。惟期誠意感孚。虔申寅恪。倘因儀節繁重。或至精力不勝。勉強將事。或令人恭代。則於精一凝承之意。轉有未盡。此後

郊壇大祀。朕必歲歲躬行。至八十六歲歸政時。始終勿懈。以伸朕敬

天法

祖之志。我子孫若能繼承無斁。方可永膺

洪貺。垂裕萬年矣。尋議查

天壇二成。原有拜次一分。面寬一丈五尺。現擬添設拜次。面寬九尺。搏小六尺。原進深七尺七寸。現進深六尺。搏小一尺七寸。原頂高八尺八寸。現高七尺五寸。搏低一尺三寸。候命下。交工部敬造。並交太常寺候屋

大祀。應否安設。請旨行。得旨。添設拜次。著照二成原有拜次。面寬搏小七尺。進深搏小二尺。頂高搏低一尺五寸。著用金黃色。餘依議。

又諭。現今貝子綿德。應降一等。將伊子奕純封為鎮國公。但從前和親王薨逝後。伊子永璧未嘗降等。仍令承襲親王。而綿倫薨逝後。綿循亦未降等。仍令承襲郡王。今綿德係朕長孫。而奕純。又係朕之長曾孫。若拘泥成例。令其降等襲封。似朕有意不令承襲。奕純。著令仍襲封貝子。不可為例。將此通行曉諭宗室等。俾知朕意。○又諭。據劉我叅奏。定興縣知縣馮觀祚。於縣民楊鳳鳴呈伊父楊生佩。

被旗人陳廷蘭指告。指霸旗產。致令杖責楊生佩斃命。請將馮觀祚革職等語。所辦未免過當。此案楊生佩。係已革刑書。於應行追出入官旗地。私自收回。不肯繳價。經該縣當堂傳訊。復敢咆哮頂撞。原有應得之罪。該縣雖兩次決罰。尚係依法。其咎止在失察書吏何瑞藉端詐騙一節。而於杖責刑書。邂逅致死。尚非有心杖斃。若竟將該員革職。適足以長刁風。未為平允。馮觀祚著不必革職。劉我止

須於定案時將馮觀祚附奏聽候部議。○河東河道總督蘭第錫河南巡撫畢沅奏蘭儀新陟請添設同知一員分管蘭儀。昨三汛工程得旨著照該督等所請行。○癸酉諭據弘謙等奏奏齋送

陵寢供獻奶餅比原定額數欠少等語。凡供獻陵寢物件關係甚重。理宜豫先照原定額數敬謹備辦齋送。今光祿寺竟將供獻奶餅比原定額數欠少。且又遲誤。著將光祿寺大臣官員等交部分別議處外。此項供獻奶餅該衙門如何備辦齋送之處著交軍機大臣等查明另行妥辦。○又諭據畢沅奏湖北咨解盤獲之秦懷玉到豫隔別嚴訊。不特秦國棟姪輩內並無秦懷玉之名。即伯叔兄弟內亦無其人。因在湖北地方傭工被差役盤獲。逼令承認。即隨口混供等語。前經陝西拏獲之王進城一犯解至豫省。亦經審明。實名王興元。並非王進城。向來誤拏人犯之地方官例有

處分。但秦國棟糾眾戕官情罪重大。又復潛行竄逸。希圖免脫。該州縣選派差役躡緝查拏。遇有形迹可疑之人。不得不盤查根究。況此等被獲之人。亦非善類。即監禁數日。審明後再行釋放。亦不為拖累。且現在段文經尚未就獲。若將誤拏之地方官議處。恐該州縣畏避處分。心存觀望。不能實力緝捕。轉致首逆漏網。所有此二案內誤拏人犯之各州縣俱著從寬。免其交部議處。該地方官等尤應

感激奮勉。上緊搜緝。段文經等務期按名弋獲。毋得稍存瞻顧。致滋疎縱。○又諭河南伊陽縣奸民秦國棟等。奪犯戕官一案。知縣孫岳灝親往查拏。猝被戕害。念其事實屬因公。情尚可憫。著加恩照潘凱之例議卹。其隨往之官親柴廷桂同時砍斃。亦屬可憫。著一併加恩交部酌量給予議卹。○以故奉國將軍永勳子綿果襲封奉恩將軍。○賑貸安徽合肥廬江。無為巢縣鳳陽懷遠定遠壽州鳳臺

靈璧、滁州、全椒、來安、泗州、天長、盱眙、五河、十七州縣衛被水災。民緩徵新舊額賦及舊欠籽種口糧。○甲戌遣官祭

先醫之神。○諭軍機大臣等。前據勒保奏。盤獲廖珂。究出與附天保結為弟兄。受其愚騙。進京送信一摺。即經降旨。令永保等嚴密緝拏。與附天保膽敢影射福康安兄弟名色。希圖招搖撞騙。甚屬可惡。若不上緊嚴拏就獲。致該犯得以到處哄誘愚民。更屬不成事體。

著傳諭永保等各嚴飭所屬。實力躡緝。務期迅速就獲。解京審辦。毋任要犯久稽顯戮。○乙亥諭據閔鶚元奏。江南本年鄉試諸生中年屆八十以上者。趙有為等六名。俱已三場完竣。並未中式等語。該生等年臻耄耋。俱各踴躍觀光。宜沛殊恩。以廣作人雅化。著加恩將趙有為。金有光。許承恩。趙宏誠。張家賢。陳詩六名。俱賞給舉人。准其一體會試。俾膠庠耆耄得償窮經夙願。用昭嘉惠耆齡至意。○

又諭據伊齡阿奏。上年仁和等十七州縣緩徵漕糧。請酌分二年徵收。帶運一摺。上年浙西杭嘉湖三府屬之仁和等十七州縣暨杭嚴嘉湖二衛。秋禾被旱。歉收節經降旨。將應徵漕糧緩至本年秋收後徵收。第念該省本年收成雖屬豐稔。而民間元氣未復。若同時新舊並徵。民力不無拮据。所有緩徵漕糧並改徵漕米二十四萬五百餘石。著照所請。本年徵收一半。其餘一半。加恩俟次年徵足帶

運。以紓民力。該部即遵諭行。○丙子諭據曹文植等查出宛平縣長新店一帶鋪戶有囤積雜糧。及買空賣空情弊。請將各鋪戶治罪一摺。著交軍機大臣會同該部議奏。至此項應追買空賣空制錢一萬九千三百餘串。何必入官。著賞撥普濟堂育嬰堂功德林金臺書院等處。以示惠恤。○諭軍機大臣等。據保寧奏。四川省會城垣工程俱已全行完竣。請派大臣驗收等語。前經降旨。令工部侍郎德

成。前往西安。將該處城垣。履勘查收。現在想已將次勘估完竣。該處距川省不遠。著傳諭德成。於驗竣西安城工後。即前往四川。將該處城垣各工。是否如式堅固。及從前估計。有無浮冒之處。據實查勘具奏。○開國方畧清文告成。承辦各員。分別議敘有差。○于因公淹斃江蘇吳淞營外委王懋功。賞卹如例。○丁丑。諭軍機大臣等。據永璋等奏。通計額貯倉糧。尚有贏餘。運東米石。無需買補一摺。該處倉貯既有贏餘。可以通融支放。且豆石亦難以久貯。自應停止買補。適閱所開九月分糧價單內。米穀豆麥等項。俱較上月昂貴。該處上年及本年收成。俱屬豐稔。況九月正屆秋成之候。新糧入市。何以價值轉增。前據都爾嘉奏。吉林地方。因隕霜畧早。收成稍薄。奉天各屬。境壤毗連。或亦因霜早。致傷禾稼。有無歉收。應須設法接濟之處。著傳諭該將軍。府尹等。詳悉查明。據實覆奏。毋得稍存諱飾。

○旌表守正捐軀直隸南皮縣民劉聖用女劉氏。○戊寅。

上詣

雍和宮行禮。○諭據鄂輝等奏。新疆屯練民戶。應還牛價口糧。請寬限徵收。以恤屯戍一摺。四川新疆屯練承墾地畝。業經照例升科。其所借牛價口糧。原分作三年徵還。除上年已按款徵收外。其餘借項。若與升科額糧三項並徵。屯衆不無拮据。著加恩將該屯練等未

完五十一二年分。應徵牛價口糧。概予豁免。其民戶所借牛價口糧。亦著一併寬免。以示體恤。○吏部等部議准。湖廣總督李侍堯等疏稱。江面應改轄者。巴陵縣城陵磯。至金泊港。歸該縣典史轄。金泊港起南至磊石。西至蒼梧臺等處。歸鹿角主簿轄。荆河腦城陵磯以下。向隸臨湘監利二縣。改白螺磯巡檢轄。荆河腦西以下等處。歸朱家河巡檢轄。城陵磯以下至荷葉洲補度洲。歸長安司巡檢轄。

岳州營毛圻頭至新洲水道三百九十餘里。應以左司把總為專防。石山門。天花塘二汛。以外委把總二員協防。荊州水師營侯索腦等汛之協防外委。應改專司巡緝。荊河腦北岸。歸駐防監利縣汛弁管理。監利添設巡船二。責成白螺磯巡檢。會營弁巡查。武家嘴塘船一。撤回岳州營。各員弁照例存記功過。疎防叅處。至臨湘新淤洲。各烟戶魚船。應就近改隸監利。所有漁課。仍歸巴陵臨湘二縣完納。從之。○己卯。旌表守正捐軀山東單縣民張賢友女張氏。○庚辰。諭軍機大臣等。段文經一犯。前既據徐克展供出。同劉勤逃往潁州城東。五六十里外之二十里鋪地方。李自榮家躲避。其事自非無因。今書麟查勘該處。止有七里鋪。十八里鋪。至六十里鋪。而獨無二十里鋪。殊非情理。或係地方官因見王家幹獲罪。心存畏懼。將二十里鋪地名改易。隱瞞不肯說出。冀圖規避失察處分。亦未可定。

殊不知段文經等。如果潛匿該處。此時若能及早拏獲。該州縣等雖有失察處分。尚可以功抵罪。不至革職拏問。倘既失察於前。又復掩飾於後。致要犯遠竄。稽誅經別處緝獲。究出曾在該處潛匿。則該州縣等獲罪甚重。並不止於革職拏問矣。著書麟將此詳晰曉諭開導各該州縣。令其深思利害。據實查報。毋得稍存規避迴護之見。轉致自罹重譴。且潁州所屬地方甚多。亦不止潁上一縣。雖查明潁上縣。並無二十里鋪。其餘該府所屬州縣。有無二十里鋪地名。亦應詳細挨查。嚴切根究。將李自榮緝獲。究出段文經實在下落。以便躡緝追拏。再段文經於亳州娘娘廟地方。與徐克展遇見後。或聞查拏緊急。不敢前至潁州。即逃往安徽別府州縣。及下江一帶地方。或仍回竄至豫東。直隸地方。同教處所。希圖藏匿。亦屬事之所有。並著傳諭劉義李世傑。書麟。明興。畢沅。一體飭屬。密速偵緝務獲。

毋任展轉逃匿。漏網稽誅。再河南委員毛師沆。於緝捕要犯。頗為能事。已加恩擢用知縣。仍令回豫矣。並著畢沅。仍派該員。改裝易服。於潁毫一帶。上緊躡緝。自更當得力。若該員復能將段文經等緝獲。更可邀恩超擢也。○又諭據山西委員。將廖珂一犯解到。令軍機大臣審訊。據供於八月二十四日。與附天保相遇。結拜兄弟。二十六日。他起身要往洮州。岷州一帶。附天保年三十二歲。圓臉無鬚。穿

藍布羊皮袍。頭帶草帽。係京城人口音。相貌尚屬軒昂等語。附天保既有年貌服色。又係京城人口音。看來自易識別。且該犯既在狄道州。哄騙廖珂。自必尚在甘省一帶。逗留撞騙。受其愚惑者。亦必不止廖珂一人。著傳諭永保。嚴飭各屬。並在洮岷一帶。密速查訪。務期緝獲。解京究訊。或附天保欲往洮岷之語。係哄騙廖珂。該犯仍潛行回京。自必經由陝西一帶。並著已延三等。一體飭屬嚴拏。毋任

聞信遠颺漏網。○辛巳。諭軍機大臣等。本年東省雨雪情形。雖節據該撫明興奏報通省得雪。自一二寸至三四寸不等。但目下正值新麥出土之際。該省雪澤。是否一律優霑。並聞濟南一帶。竟未得有大雪。秋麥所種亦少。未據該撫查明奏報。朕心深為厯念。著傳諭明興。將濟南各屬。曾否續霑甘膏。麥田有無佈種。未全之處。即速查明據實具奏。毋得稍存諱飾。尋奏各屬地高窪不同。種麥參差。覈

計通省。共種至六分。入冬以來。屢得雨雪。滋潤麥苗。盤根可冀有收。得旨覽奏。畧慰。○壬午。諭軍機大臣等。現在大名案內首犯段文經。尚未就獲。前據徐克展供稱。該犯逸往安徽潁州二十里鋪。李自榮家藏匿。曾諭令書麟。親往查拏。嗣經該撫覆奏。潁州並無二十里鋪。亦無李自榮其人。因思該犯或聞查拏緊急。復從潁毫一帶。潛行逃逸。又竄至湖北地方潛匿。亦未可定。著傳諭李侍堯。督飭所



屬密訪嚴拏。務將首惡渠魁。速就弋獲。毋任輾轉逃匿。稽誅李侍堯向來辦事認真。若能將段文經拏獲。豈不更見出力耶。○又諭據浦霖奏。估修武陵縣白沙隄工一摺。已批該部議奏矣。但所進圖樣。自應以南向北為順。方可一目了然。今浦霖呈進之圖。南北倒置。不便閱看。該撫嗣後當留心檢點。勿致再有舛錯。○禮部奏。直省府州縣同名者六十五處。請俟各處換印時。於印文上冠以各該省

名鑄給。從之。○以故奉恩將軍靈松子星安。天師保子長永襲職。○以湖南永順協副將伊里布為浙江衢州鎮總兵。○癸未。

聖祖仁皇帝忌辰。遣官祭

景陵。

上詣

奉先殿。

壽皇殿行禮。○諭軍機大臣等。據張若渚奏。請申伐蛟之令。以除民患。並請於江浙地方。學

種甘薯。以濟民食等語。江廣一帶。每於大雨時行。間有起蛟之事。深為民害。自應搜尋挖除。防患未萌。至甘薯一項。廣為栽種。以濟民食。上年已令豫省栽種。頗著成效。此亦備荒之一法。著傳諭各該督撫。將張若渚所奏二事。酌量辦理。於地方興利除害。亦屬有益。將此遇便各諭令知之。張若渚原摺。並著鈔寄閱看。○旌表守正捐軀河南固始縣民楊得妻張氏。○甲申。

上御乾清門聽政。○乙酉。月食。○諭軍機大臣等。據奎林奏。哈薩克汗之弟阿哈岱。並台吉扎達克之弟嘉拜。於十月十九等日。由伊犁起身來京入覲等語。現屆年班朝覲之期。阿哈岱等起程。業已稍遲。此時途中必須行走迅速。方可無誤。著傳諭陝甘山西直隸各督撫。豫飭所屬將應用車輛馬匹。妥為料理。俟阿哈岱等到境。俾得遙行前進。不致耽延。能於十二月二十日以前到京。方為妥協。

大清高宗法天隆運至誠先覺體元立極敷文  
奮武孝慈神聖純皇帝實錄卷之一千二百六十八

平定回疆方略卷一百一十八

五

大清高宗法天隆運至誠先覺體元立極敷文  
奮武孝慈神聖純皇帝實錄卷之一千二百六十九

監修總纂官經筵講官太子太傅文淵閣大學士文淵閣領閣事領侍衛內大臣稽察奉  
上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次  
慶桂

總裁官經筵講官太子太傅文榮殿大學士文淵閣領閣事稽察奉  
上諭事件處管理刑部戶部工部事務

世襲騎都尉軍功加十九級隨帶加二級又加二級  
黃祐內大臣戶部尚書兼理滿洲都統軍功紀錄五次

尋常紀錄十四次  
德瑛經筵講官太子少保工部尚書紀錄六次  
曹振鏞等奉

敕修

乾隆五十一年丙午十一月丙戌

上幸瀛臺。○諭軍機大臣等據湖北委員將署

知府尹良鼎知縣秦樸解到特令軍機大臣

會同刑部審訊據秦樸供稱本年三月間在

省城審辦案件六月間巡檢袁學澄向我稟

說他訪得縣民梅調元有私埋命案當即令

其查明人犯姓名確實證據再行通稟至七

月二十七日我在省聞得屍親劉傳氏在本

府具控隨即星夜回縣選差役劉勝張恩嚴

拏於閏七月初五日下午晚拏獲劉成烈梅調

元等十一名。我因新任知縣高為濟業已到任。交卸在即。於原差稟帖內。親批移送新任。審訊。後來我見高為濟說及此案。他還說原差稟內。將新任擡寫。是給他虛體面的話。這俱可以行查質對得的。又據尹良鼎供。本年七月二十七日。據孝感縣民婦劉傳氏。控告伊子劉金立等。被劉成烈活埋多命一案。我立即查訊。究出起意唆訟之楊維芝一犯。押交秦樸審辦。並於閏七月十六。八月初五日。

兩次札催。未據稟覆。我即於八月卸事。後來接署知府王希曾。如何摧提究辦。我已卸任。實不知道等語。此案如果秦樸等諱匿不辦。情罪甚重。今既據秦樸等供出。從前聞得屍親劉傳氏在本府控告。即派差役查拏劉成烈。梅調元等共十一名。並有親批移交後任。審訊差稟。似屬有據。再王希曾詳稟各該上司時。或係捏稱訪聞究辦。抑係因有移交案卷。訊問詳報。並未將前任府縣查拏多犯之

處敘入均須徹底查明。著傳諭李侍堯等再行提集案卷。並傳訊王希曾將尹良鼎秦樸所供情節。是否確實。逐一詳細檢查。覈實覆奏。毋稍迴護。若仍不得實情。即將王希曾送京。以憑質對方得明白。再前召見由湖北一帶回京復命試官。將該省辦賑情形。面加詢問。據奏辦理賑務。全在各上司實力稽查。飭屬妥辦。雖有一二不肖劣員。自不敢稍有侵漁情弊等語。所言似屬有理。上年湖北被旱

成災。朕不惜五百萬帑金。加恩賑卹。原欲百姓等均霑實惠。該上司等果能逐層查覈。州縣等自無由滋弊。現在興國州溫有光。黃安縣陳玉。即於辦賑案內。有侵肥舞弊之事。可見該省賑務。實有辦理不善。冒賑分肥之處。並著李侍堯等於嚴審溫有光等時。再行詳晰研訊。如果各該上司等有通同侵肥之弊。即行據實嚴參。毋得稍存諱匿之見。○丁亥。諭。本年夏間。因京城米價稍昂。又遇閏月。特

降旨。將京員應領秋季俸米。已移前一月。於閏七月開支。因念各官員關領俸米既早。若明年春季俸米照例於二月支放。必須至三個月內。始行放竣。恐接濟不及。所有乾隆五十二年京員春季俸米。著再移前。於正月開印之次日。即行開放。務於二月二十日以前。全行完竣。以示體卹。○戊子。諭禮部奏朝鮮國王。因賜祭該國世子。具表謝恩。並另進方物等語。向來該國王。遇有謝恩事件。隨表備進

方物。俱加恩准作正貢。但該國王素稱恭順。誠悃真摯。今業經備物遠來。若不予收受。徒滋往返。該國王意必不安。即循例抵作正貢。亦屬虛文。轉非朕推誠嘉惠之意。所有該國王此次隨表呈進貢物。著該部收受。照例折實。仍傳諭該國王。嗣後遇有具表謝恩事件。遵朕屢次所降諭旨。俱無庸備進方物。以示體卹。該部即遵諭行。○諭軍機大臣等。前據李侍堯奏。請於封篆後起程來京。陛見。湖廣

地方緊要。近聞李封年老。龍鍾。易於遺忘。辦理巡撫事務。已恐不能裕如。若令兼署督篆。或更致竭蹶。浦霖人較明白。尚能辦事。湖南同一楚省。所有總督印務。令其兼署。亦屬便易。著傳諭李侍堯酌量情形。如李封精力尚能兼署。督篆不妨。仍令李封署理。如李封不能兼署。即將督篆交浦霖暫署。先行據實奏聞。以便交印起程來京。陛見。此際等段文經之信如何。速奏來。○己丑。諭軍機大臣曰。畢

沅奏。查訊陝省盤獲伊陽縣人夏璜等一摺。據夏璜供稱。與秦國棟素不相識。因聞知縣被鐵鑪營人戕害。居民畏累逃避。伊亦與堂兄夏璉等外出躲避。至陝西山陽縣被獲。並未幫同秦國棟等拒捕戕官等語。夏璜一犯。雖據畢沅訊明。並非秦國棟夥黨。畏累遠避屬實。但該犯名夏璜。伊堂兄又名夏璉。其所取名字。竟與大阿哥。二阿哥相同。雖取名原無一定。但何以不名瑚璉。而適取璜璉二字。

恐該犯亦係邪教有心僭犯並著畢沅留心訪察毋因該犯非秦國棟夥黨即任其朦混狡飾也。又諭曰穆克登前經畢沅派往彰衛一帶緝拏大名案犯嗣因該省秋審人犯勾到屆期司監緊要是以降旨令其回省稽查防範今勾到已過省城亦無必須該員等專辦之事大名首犯段文經等至今未經就獲其東省越獄人犯亦尚有八名在逃豫省與直隸山東安徽境壤毗連恐該牧令等因

無大員查察督拏於緝捕事宜久而生懈著傳諭畢沅仍派江蘭穆克登二人輪流前往各要隘處所督飭所屬上緊購驪務將各要犯按名弋獲毋使漏網稽誅以故四川松茂道屬麥雜蛇灣寨土千戶安幹子折旺亞雲南騰越州屬大塘隘土把總劉世舉子學先各襲職。庚寅諭據永保奏莊浪土司魯璠現隨年班伯克入覲請酌給驛馬赴京等語魯璠係內地土司來京朝覲雖向無乘騎

驛馬之例但該土司曾在軍營頗為出力且現隨年班伯克行走若令自雇腳力未免拮据魯璠著加恩准其一體乘驛並著沿途支予廩給不拘該土司行至何地接奉此旨即行支給仍照例沿途妥為照料俾與年班伯克一同抵京嗣後該省各土司有情殷瞻覲者俱照此例賞給驛廩以示體卹。諭軍機大臣等據永保奏查拏附天保一犯於廖珂家內搜出該犯給存詩稿一紙並訊據廖珂

之弟廖玠供稱廖珂亦曾送給附天保羊皮袍等件並曾在官堡楊宗振店中住宿現在飛拏楊宗振到案並提同廖珂家屬詳悉追究務得實在下落飛速追拏等語現令軍機大臣將廖珂一犯再行嚴切訊究矣附天保既曾在官堡住歇則往還認識者必不止廖珂一人從此跟蹤購線躡緝無難得其實在下落著傳諭永保即速設法嚴拏務期弋獲毋任遠颺漏網至所奏出示曉諭回民一節

遵照前降諭旨。俟拏獲附天保雷訊明確。有無向回民招搖滋事之處。宜頒發與不頒發。再行斟酌辦理。辛卯諭據謝墉條奏賑濟暨水勢情形一摺。朕詳加披閱。內有礙難施行者。如所稱賑濟請除去錢米統用銀兩。按照戶口定為一次給發等語。自古救荒本無善策。惟平時於常平社倉詳細講求。務期積貯充盈。以備歉收賑濟之用。蓋荒歲收成失望。米糧價值自必昂貴。小民嗷嗷待哺。非散給米穀。不足以充飢。朕軫念窮黎。每遇各省奏報偏災。不惜千百萬帑金。加恩賑卹。仍恐各該省倉貯不敷給賑。屢經降旨截留漕糧。並諭各該督撫於鄰近豐收省分設法採買糧石運往災區源源接濟。所以籌畫民食者無微不至。而銀米兼放原屬不得已之計。若如謝墉所言除去錢米統用銀兩。則小民計口給銀。所得無幾。勢必不能於穀貴之時市易升斗。以資養贍。且災歉之區米糧難購。

是名為賑饑。而於小民生計轉無裨益。又所稱賑銀在五十萬兩以上者請派近信大臣一員前往查察等語。地方辦理賑務原難保不肖官吏侵漁中飽。惟在督撫司道督飭所屬層層周密稽查。自不致滋生弊端。若又揀派大臣前往。是該督撫皆不可信矣。如果派往之人公正實心。於事不為無益。而一省州縣村鄉亦必不能分身周歷。設其人於外省情形不能熟悉。徒生枝節。轉致掣肘紛更。甚或扶同瞻徇。一味模稜。地方官徒增酬應之繁。而於賑務究不能查出弊竇。是簡派大臣仍屬有名無實。此皆揆之事理。斷難准行者。其餘所言或有可採。仍著大學士九卿詳議具奏。諭軍機大臣等。昨據明興委員將董玉麟閩法等三犯解到。當令軍機大臣審訊。據董玉麟等供。八月初二日劉勤段文經先後到伊家中。留住一夜。次日送給小車一輛。大錢二千文。即起身由朝城至河南歸德一

帶躲避等語。本日劉我奏廣平肥鄉縣拏獲張均德一犯。亦有從前逃至河南躲避之供。該犯等俱供逃往河南。復至東昌。拉小車度日。又到過江寧一帶。因討喫不能度日。又由歸德所屬周家口回家。兩次行走豫省地方。並未緝獲。可見外省地方官於偵緝要犯。全不認真。實屬可惡。董玉麟等既有此供。看來段文經劉勤此時竟尚在豫省歸德一帶藏匿。亦未可定。著傳諭畢沅。務即飭屬上緊查拏。迅速就獲。若既失察於前。又復懈弛於後。倘又逃至他處。別經拏獲。恐該撫及該地方官不能當此咎戾也。○又諭曰。劉我奏據肥鄉縣知縣王步瀛。將大名逆匪案內要犯張均德拏獲一摺。已令將張均德迅速解京審訊矣。大名案內首要各犯。潛逃未獲。前因該犯等或聞拏緊急。逃往江南一帶藏匿。屢經降旨。令李世傑飭屬嚴密查拏。乃前此徐克展一犯在亳州潛匿。該省地方官既不能查

緝。經河南委員盤獲。今張均德一犯又供出在江寧一帶討喫。該地方官又並不能搜查捕獲。本日又據明興奏到。歷城縣越獄逃犯候偏。經東省委員。又在亳州北關外躡獲。可見亳州地方。為奸宄逋逃之藪。江南省於承緝要犯。並未認真辦理。該督等所司何事。李世傑素能辦事。不當出此。現在段文經劉勤及山東越獄七犯。均尚未獲。該督等務須督飭所屬。密訪嚴拏。務期弋獲。以贖前愆。○壬辰。諭軍機大臣等。據李世傑彙奏並無換帖。燕會及屬員餽送上司家人門包等事一摺。此等彙奏事件。外省視為具文。每屆年底。不過以一奏塞責。殊不可信。積習相沿。陽奉陰違者。正復不少。李世傑平日尚屬實心任事。務將此等惡習。嚴行飭禁。俾吏治肅清。毋得徒事空言。仍蹈故轍。再昨據劉我奏拏獲張均德一犯。究出曾在江寧逗留。可見該省諸事。並未認真。已降旨飭諭矣。李世傑雖在清

江查辦河務。而江寧現有藩司道府。及督標中軍副將。伊等俱有地方之責。乃一任張均德在彼潛匿。並不能留心盤獲。所司何事。著傳諭李世傑據實查明。奏。現在段文經。劉勤。及山東越獄七犯。尚未就獲。或尚潛匿該省。亦未可定。該督務須督飭所屬。密訪嚴拏。按名弋獲。毋再任其竄匿。稽誅。致干咎戾也。○又諭曰。劉幾奏。審訊張均德。據供本年六月。段文經曾向我說。大名東南上。約六七百

里路。有個大湖。那湖中與卦的人最多。大半是使船的。他去年三月內。曾到過那裏。他如今或竟逃到那湖中潛匿等語。已據劉幾派委文武員弁。分往南陽。微山。蜀山等湖。會同該地方官。躡緝矣。大名東南。與東省毗連。湖中村民。既據張均德供稱。多是與卦邪教。段文經又曾去過。該犯或竟逃往該處潛匿。亦未可定。且湖中係屬水鄉。最易藏奸。恐直省委員。不能熟悉路徑。抑且呼喚不靈。著傳諭

明興。即速派委妥幹員弁。幫同直省委員。於該省湖泊處所。密訪嚴拏。務將該犯緝獲。再前令太僕寺卿吉夢熊。占卜賊犯。稱在近水地方藏匿。今張均德所供。與吉夢熊所占。尚屬符合。逸犯段文經等。或竟在該處。不可錯過。該撫尤應嚴飭所屬。迅速查拏。毋令聞信。又致他竄。自取咎戾也。○軍機大臣議覆。兩江總督李世傑。兩淮鹽政徵瑞。奏。查商人實無額外夾帶私銷。但提引空至四年。自係前

任鹽政。鹽道辦理不善。應交部議處。並如所請。自丁未綱為始。每間一綱。豫提一次。少則二十萬。多則隨時酌增。應完課項。原非本綱正額。准緩至下綱補交。其前四年未經豫提。即照此例。派提兩年課餉商補納。分作五年清款造報。得旨。豫提鹽引一事。總以正引暢銷為主。如正引實在疏銷暢速。即每年豫提一次。自無不可。倘遇額引滯銷。原不妨間一二年。或三四年。再請豫提。亦無不可。無庸拘



定年限惟在該鹽政查察情形隨時覈實奏請辦理至前四年未經豫提年分派提兩年課項分作五年補交之處著加恩寬免以紓商力餘依議戶部議准前任西安將軍長清咨稱西安滿營馬兵原設馬二匹六分三釐請仍以馬乾全數歸兵毋庸扣銀二兩其本色草豆歸園養馬過出青下厰時本色有餘准通融作添買麩草及人工等項用從之○癸巳諭曰八旗兵丁有應追伊祖父任內

各種賠欠之項內有查明家產變抵者有於餉銀內坐扣者其間情節不同若係伊祖父任內侵虧貪贓案情較重者自應勒限嚴追若不過分賠代賠攤賠之項事屬因公原可量為寬減且有應追之數甚多而所得餉銀有限扣至百十年不能完清者况近年京城米價稍為昂貴若復將賠項扣抵所餘餉銀無幾於生計未免拮据著軍機大臣會同該部詳悉確查分別奏請豁免以示體卹尋議

兵丁代扣祖父賠項凡事屬因公情節較輕扣項多而子孫錢糧少者免其家有官有兵免扣錢糧仍扣俸侵貪等案情節重者按數扣追從之又諭據閔鶚元奏蘇松常鎮太五屬本年雨水調勻收成豐稔惟因八月內霜信較早以致米色未能一律純潔而米粒堅實完好於倉儲存貯實屬無礙等語漕糧為天庾正供理應慎選純潔好米交倉但蘇松等府屬因被霜較早米色未能一律純潔

自係實在情形且米質堅實顆粒完整原於倉儲無礙所有各該府屬應徵本年漕糧及分徵上年緩帶之米著該總漕及倉場侍郎驗明運通收貯毋庸過事苛求俾小民易於輸將副朕軫卹閭閻至意該部即遵諭行○又諭據弘謙等奏查出虧空官當舖銀兩該承辦章京畏懼窺隙自行扎傷身死請將此項銀兩照數分賠等語弘謙等因平日並不留心管理以致該承辦章京膽敢作弊虧空

官銀且一經察出又不派受人看守以致該章京佟保柱自戕此皆由弘謙等不以事為事怠忽所致除將弘謙等申飭外其虧空銀兩即照伊等所奏分賠完結以示懲戒○甲午。

上幸瀛臺○諭軍機大臣等前據李侍堯等奏革審興國州知州溫有光黃安縣知縣陳玉辦理賬務扣剋浮冒一案節次降旨令該督等嚴切根究定擬速奏乃迄今已將一月何以尚未據該督等審訊奏到著傳諭李侍堯等即遵照前旨嚴審確情迅速具奏毋再遲延再據劉戡等將大名案內要犯張均德解京審訊供稱曾到過漢口由該處從河南回家即被拏獲等語該犯既到過漢口若該地方文武員弁認真緝捕即應立時盤獲何以任其來往自如該地方官竟置之不問所司何事李侍堯向來辦事認真不應如此現在段文經劉勤二犯尚未就獲屢經諭令李侍

堯等飭屬嚴拏或該犯等亦逃往漢口武當山一帶潛匿著該督等即選派幹練員弁改裝覓線實力搜捕以期弋獲該督等既失察於前又疎縱於後將來若經別省緝獲究出又在該省潛藏經過則獲咎滋重矣將此由六百里諭令知之仍即迅速覆奏○乙未。

上詣

壽康宮行禮○丙申諭吏部議駁李世傑等保送堪勝知府之夏家瑜袁秉義二員於例不符應扣除引見一摺固屬照例辦理第念此次因記名道府人員將次用完不敷簡用是以特降諭旨令各督撫豫行保送外省堪勝道府之人原不能盡皆合例人才難得若於例不合即行扣除恐將來送部引見者無多仍致不敷簡放所有此次李世傑等所保之夏家瑜袁秉義仍著送部引見該部於帶領引見時將各員於例不符之處聲明請旨嗣後別省續行奏到之保送道府如有似此不

合例者俱照此辦理。○軍機大臣議准倉場侍郎蘇凌阿等奏大通橋改置官車各事宜。一運送倉糧應置車二百輛。牲口八百。並一切器具共需銀二萬八千兩。於通庫借支。即扣腳價還款。車及牲口俱火烙印記。一安放車輛買地造廠及馬棚馬槽等項需銀五千六百兩。亦借支通庫銀。腳價扣抵。一散給腳價各事。令大通橋監督專司。該侍郎與巡漕御史按月查覈。一擇勤慎車戶八名充當頭役。分管四廠既經例發腳價無庸再給馬乾工食。嚴查頂替諸弊。一先於漕項內酌發二千兩。按車勻給。以為買補牲口修理車輛用。仍於腳價內扣歸。一遇漕船脫幫及陰雨日。每一車按日給銀一兩。先於腳價銀內扣存六千兩。交監督備用。至漕竣時聽其攬載養贍。並將各車編號及開報車戶姓名備查。一舊欠長支新支置車設廠銀共五萬八千餘兩。自五十二年為始分限十年全行歸款。從

之。○又議覆倉場侍郎蘇凌阿等奏製辦運糧口袋需銀四萬二千四百餘兩。查經紀車戶腳價每石酌減銀四釐至八釐不等。計得銀一萬八千六百四十餘兩。又殘袋變價計得銀九千八百兩。尚不敷銀一萬四千餘兩。請於通濟庫輕齋項下支銷。應如所請。惟殘袋一項係奏抵舊欠之款。今改製新袋其舊欠應於腳價內扣還。俟扣完後仍照例辦理。從之。○丁酉諭軍機大臣等據明興奏拏獲

大名集內咨緝之呼守才一犯。審明正法。一摺內稱該犯自大名滋事逃奔出城回家。肩挑小鑪擔各處謀生。十月初三日潛回元城探信。即被朝城縣差役拏獲等語。前經直隸拏獲之要犯張均德亦係逃竄各省。仍回本籍被拏。可見各該犯等即遠竄他省亦無可謀生餬口。勢必潛回原籍。且此等罪大惡極之徒。天理難容。亦斷不能倖逃憲典。現在段文經劉勤二要犯尚未就獲。或仍竄歸大名。

及附近一帶探信亦未可定。著傳諭劉戡嚴飭該道府等倍加留心。上緊偵緝。勿因段文經等業已逃往他省。轉於本地稍存疎懈。若該犯等潛回。後不能即時盤獲。又復遠颺。恐該督等不能當此重咎也。○戶部議准漕運總督毓奇疏稱。大河衛前幫承兌淮安府海州。糧船三十五隻。又帶兌揚州府屬泰州。東臺縣。糧船三隻。赴兌道遠。得米後。需趨程趕幫。遇凍竭蹶。請裁去其米。就近歸併揚州三幫。九十六船。灑派兌運。從之。戊戌。

上幸瀛臺。○諭曰。劉戡奏慶雲縣知縣王宗綱才不勝任。請照例改補教職等語。知縣有民社之責。原不應才不勝任者濫竽其間。但如分發試用之員。及年滿赴選舉人等。未經得缺以前。該督撫察其才具平常。奏請改教。尚屬可行。若業經補缺之員。果其才職迂鈍。難膺民社。即司鐸有教士之責。亦豈能勝任。此等人員。即應令其休致。何得復請改補教職。

以為庸材。養拙地步。從前定例。究未允協。嗣後各省知縣。除未經得缺到任。經派出之驗看大臣及督撫甄別。應行改教。或該員願就教職者。仍照舊例辦理外。其已經得缺到任數月後。不勝民牧者。即以原品休致。概不准復請改教。所有劉戡奏之慶雲縣知縣王宗綱。即照此例行。○己亥。諭前因各省承緝金川逃兵。屢經展限。數其拏獲。及自行投首者。仍屬寥寥。因降旨。將承緝接緝督緝之文

武員弁。俱著革職留任。分別年限。方准開復。限內准調。不准陞用。原因外省於查緝要犯。全不認真。不過以海捕具文。因循塞責。不得。不明定處分。俾該員等稍知儆惕。以完此案。第念自查緝以來。各省俱有拏獲及自首者。而承緝督緝之文武官員。屢議停陞者甚多。此內不無可用之才。若因礙於處分。不得陞用。亦覺可惜。且歷時已久。所有此案各省承緝接緝督緝之文武官員。逃兵處分。俱著加

恩寬免。此朕愛惜人才恩施格外之意。嗣後各該地方文武遇有查緝事件倍當認真。毋謂恩澤可以屢邀。處分可以倖免。仍不改海捕因循陋習以致自干重戾也。夫兵可百年不用。不可一日不備。行軍之道全在紀律嚴明。信賞必罰。八旗滿洲索倫從無一人逃匿者。綠旗兵丁皆國家養養之人。亦應知效法。知羞恥矣。此皆由領兵將弁平時不能訓習使之有勇知方。及至臨事又不能嚴加約束所致。其咎甚重。而將軍叅贊領隊以至偏裨將領雖有專統之分。俱任領兵之責。反得置身局外。豈為情理之平。自當按照逃兵多寡分別專轄兼轄統轄。定以處分。且兵丁自軍營脫逃後帶兵員弁勢不能舍敵愾而親自追拏。其經過及原籍地方文武各員理應實力查緝。倘逾限不獲亦有應得處分。應較親身領兵之員稍示區別。不致畸重畸輕。方為平允。必當逐層分晰。明定章程始可行之久。

遠而勵戎行其應如何分別酌定處分之處著軍機大臣會同吏兵二部詳悉妥議具奏。尋議軍營逃兵於五日內獲者免議逾限專管官罰俸一年。兼轄官三月。一月內不獲三名以上專管官降三級調用。兼轄官降一級留任。統轄大員罰俸半年。十名以上專管官革職。兼轄官降一級調用。統轄大員罰俸一年。逃日不報遲至兩三日者罰俸三月。捏報本日者降一級調用。匿報革職。軍營卡座失察偷越一二名者專管官罰俸三月。兼轄官一月。五名以上者專管官降一級調用。兼轄官罰俸一年。十名以上者專管官革職。兼轄官降一級調用。倘續立戰功降罰處分議敘時准抵。有超等功績者准奏請開復原籍文武各員接咨日起限一年不獲三名以上專管官罰俸九月。兼轄統轄官半年。五六名以上專管官罰俸一年。兼轄統轄官九月。十名以上專管官罰俸二年。兼轄統轄官一年。再

與限一年不獲。加重議處。督撫提鎮藩臬。分別罰俸。獲時。訊明所過失察。專管官罰俸一年。潛匿境內。不能查拏。專管官降一級留任。該上司罰俸一年。曾到原籍原營未查拏者。專管官降二級調用。兼統官降一級留任。該上司罰俸二年。從之。○諭軍機大臣等。據永保奏。審訊馮喇嘛供詞一摺。內稱廖珂當時送附天保至何處分手。約畧係何路而去。臨別更有何言。請行知到甘。以便跟蹤躡捕等

語。前經軍機大臣訊問廖珂。已據供稱。於八月二十四日。在我飯店內。與附天保相遇。結為兄弟。於二十六日。他起身要往洮岷一帶。我送至五里之外。即行分手等語。前已降旨諭令該督。按照該犯所供。飭屬尋蹤躡緝。密訪嚴拏。想此時該督尚未接到。本日復令軍機大臣提訊廖珂。據供與附天保自官堡送至五里之外。他說由洮岷至甘涼一帶去了。此外並無他說。嚴加刑鞫。堅供不移。今該督

既稱馮喇嘛等與該犯素相識認。令委員帶往分投躡捕。自可跟蹤尋跡。易於緝獲。著傳諭永保。即嚴飭所屬。務於洮岷及甘涼一帶。上緊偵緝。務期迅速。弋獲。毋任要犯遠颺漏網。○是月兩江總督李世傑。江南河道總督李奉翰。奏請於馬莊集及宿汛坡墩各添設石閘一座。以資擎蓄。得旨。如所議速行。莫復似昨年誤事也。○河南巡撫畢沅。奏上年截留漕米。為歸德陳州二府賑恤用。今歲應買

還京倉。查開封衛輝等屬。近水州縣。秋稼蟲傷。現徵本年漕糧。若將前項買補。恐市賈居奇。請緩至明年。得旨。嘉獎。○署河東河道總督蘭第錫。奏運河輪屈小挑額支外。仍不敷銀四千餘兩。請於道庫節省八束項內動支。得旨。以實為之。挑河最易滋弊也。○山西巡撫勒保。奏晉省產穀有限。節年平糶。應買補之數太多。同時採買。糧價必昂。省會尤甚。請令陽曲縣先買補一萬五千餘石。各屬分買

二十三萬八千餘石。餘俟明年併買足額。得旨允行。兩廣總督孫士毅廣東巡撫圖薩布奏稽覈買補倉穀事宜。一缺穀州縣數少者限本年買補足額。多者限一年至二年。該管道府遴員代買交倉。由府州遞報督撫查覈。一穀經盤存。顆粒毋許擅動。每年借礮兵米徵還時零星小戶。例准折價。立即將價買穀貯倉。責該管上司稽查。一新舊交代。不准什物作抵。缺穀者揭叅。盤折者舊官依限買交。遇青黃不接。價繳府州庫。俟秋成買補。後任通融並叅。一州縣實存數。造冊申府州。遞報督撫。司道風聞虧那。立即盤查。叅處。瞻徇並叅得旨行之在人。持之以久可也。署廣東提督潮州鎮總兵彭承堯奏遵例巡閱營伍。各府州縣歲收七八分不等。新獲雨澤。雜糧蔬菜長發。得旨聞廣東米貴。此奏或不實乎。

大清高宗法天隆運至誠先覺體元立極敷文奮武孝慈神聖純皇帝實錄卷之一千二百六十九

大清高宗法天隆運至誠先覺體元立極敷文奮武孝慈神聖純皇帝實錄卷之一千二百七十

監修總纂官經筵講官太子太傅文淵閣大學士文淵閣領閣事領侍衛內大臣稽察欽奉

吏部理藩院事務正黃旗滿洲都統世襲將軍都尉軍功加七級隨帶加一級尋常加二級軍功紀錄一次臣廣柱

總辦官經筵講官太子太傅文華殿大學士文淵閣領閣事稽察欽奉

世襲將軍都尉軍功加十九級隨帶加二級又加二級量給內大臣戶部尚書張鑑滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆五十一年丙午十二月庚子朔

上詣

大高殿行禮。諭軍機大臣等據琅玕奏查勘海塘工程一摺。內稱章家巷以西接築柴工一千五丈。塘外漲沙日漸坍塌。現俱臨水。其中段迴溜。更為衝激。應即遵旨於硃筆圈記處添築挑水大石壩一座等語。該處形勢兇灣。塘外漲沙。既日漸坍塌。迴溜逼近塘根。恐致著重。自應遵照前旨。於硃筆圈記處所添築挑水大石壩一座。俾潮水至此分溜南行。

於塘工倍資保護。並將原定急工。依限上緊趕辦完竣。毋致遲逾。再閱圖內所繪頭圍迤西一帶。前此原因該處溜勢漸開。沙塗寬廣。且據阿桂奏。曾詢之該處老民。俱稱潮水從未至此。是以將原定石塘緩工二千九百餘丈。暫行停止。今該撫摺內。雖亦奏稱范公塘外沙塗。仍屬寬廣。石工可緩。但思沙性坍塌。無常。現在接連頭圍章家巷迤西一帶。漲沙坍塌。大溜漸有趨近之勢。恐頭圍處所沙塗亦不免剝動。所有停築石工二千九百餘丈。著傳諭該撫隨時履勘。詳加體察。如水勢漸近土塘。難資捍衛。即當奏明。仍行接築。永期保障。若該處沙塗。如前寬濶。溜勢不至逼近。則當仍照前議停止。惟在該撫酌量情形。相機妥辦。不必稍存拘泥之見也。尋奏范公塘外頭圍緩工。現無溜逼。尚可停辦。倘水勢漸近。隨時奏請興工。得旨。若有此情形。即當速奏。一面備料請旨。 辛丑



上御乾清門聽政。諭軍機大臣等據任承恩奏漳州所屬南靖縣獅頭山與龍溪平和兩縣連界有匪徒陳薦等糾夥聚集山中屢出行劫傷人隨委鎮道親率兵役上山拏獲賊匪二十餘名搜獲器械多件又游擊馬應璧等在平和縣琯溪地方拏獲首犯陳薦等七名連日又搜獲賊匪歐敢等十餘名現在嚴究確情錄供連犯解省審辦等語所辦好已於摺內批示矣漳泉一帶民俗素稱刁悍今匪犯陳薦等竟敢糾集夥黨藏匿山中且有蒙洞器械屢次行劫傷人出沒無定其行蹤詭秘恐有蓄謀為匪聚眾不法之事非尋常劫盜可比現在首夥各犯已拏獲多人著傳諭常青等即提集各犯嚴切審訊究明聚眾滋事實在情節從嚴辦理盡法懲治並將逃未獲各犯速飭文武員弁上緊查拏按名弋獲毋使稍留餘孽以儆刁悍而靖地方將此由五百里各諭令知之仍將現在審辦情

形迅速由驛覆奏。又諭據伊齡阿等奏審擬壽光縣民趙濟控告齊元賞囑頂兇一案已批交該部議奏矣惟初閱奏到之摺首稱審擬參奏似趙濟所控已有翻案之事續閱齊珊一犯又經勾決竟似此案失入人死罪已決為之詫異及細加閱看趙士玉實係齊珊毆斃與齊元無涉趙濟所控皆屬虛誣業經該侍郎等將該犯從重問擬極邊充軍並非將無辜之人正法是此案與從前審斷並無翻異之處即該縣褚廷琛詳報時未將趙濟誣控情節一併通報亦止係摺尾附參何必於摺首特稱參奏字樣該侍郎等於審擬具奏事件何亦不諳輕重牽混聲敘若此伊齡阿明興俱著飭行。士寅諭據常青等奏匪徒陳薦等糾夥行劫該鎮道等一經訪聞即率領文武兵役四路截拏將首夥各犯盡數擒獲尚屬能事可嘉所有漳州鎮總兵常泰汀漳龍道朱元會著交部議敘其餘在事

出力文武員弁。並著常青等查明咨部。分別議敘。諭軍機大臣等。漳泉一帶民俗刁悍。匪犯陳薦等。行蹤詭秘。必有蓄謀為匪。聚眾不法之事。非尋常劫盜可比。此案已拏獲首夥四十餘犯。監禁候質。若因案犯供吐贓證不實。輾轉行查。稽延時日。恐致別滋事端。著傳諭常青等。即速提犯嚴審。將聚眾不法各情節。究訊明確。一面定擬具奏。一面先請王命。即將首要各犯正法。毋稍延緩稽誅。仍查明在逃未獲各犯。速飭文武員弁。上緊查拏。按名弋獲。歸案審辦。○又諭本日據李侍堯等覆奏。署孝感縣知縣秦樸。於梅調元活埋多命之案。並未審辦。又捏寫批稟。移交後任一摺。當令軍機大臣提訊秦樸等。據供我於閏七月初五日。據差役劉勝。張恩稟稱。拏獲劉成烈等十一名。我因初六日卸事。隨於原差稟內。親批移送新任審訊。是實。今李總督說我是捏造的。我移交時。如無人犯。祇有空

稟。高為濟如何肯收。祇求將原差刑書等提來質訊等語。此案秦樸。始終並未通稟查辦。自有應得之罪。但所供拏獲劉成烈等十一犯一節。於閏七月初五日拏到。初六日卸事移交。似毋庸捏寫批稟。或刑書朱士珩等。扶同高為濟。見秦樸業已解京。遂將從前秦樸任內批稟。供稱捏寫。亦未可定。若不將案卷人證。提集質對。無以成信。讞而服秦樸之心。著傳諭李侍堯等。即將原差劉勝。張恩。刑書朱士珩。張明玉。並傳訊高為濟。錄取確供。及全案卷宗。一併委員。迅速解京。以憑質訊。○癸卯

上幸瀛臺。○命整飭苗地邊防。諭軍機大臣等。朕恭閱

皇考硃批諭旨。雍正十年。普洱鎮屬思茅地方。有苦葱聚眾不法。並勾通擺夷。煽動滋事。經高其倬調兵籌剿。分路撲滅。其貴州古州苗民。亦經鄂爾泰戡定。目今承平日久。邊境極

為寧謐。但普洱思茅古州等處為苗民錯處之所。不可不於平時豫為留心防範。現在滇省銅鹽諸務俱已遵循辦有章程。地方無事。富綱不過謹飭之人。祇能循分辦事。於軍旅非其所長。若因該省地方無事。遂心存疎懈。竟至文恬武嬉。設猝有似雍正年間梗化滋事之處。辦理必形支訕。所關甚重。富綱務須平時會同該提鎮等。留心講求。訓練士卒。整飭營伍。於邊防事務。時刻加意。以期苗疆永靖。即或無知蠢類。偶有不逞。亦無難隨時懲辦。不致臨事周章。所謂兵可百年不用。不可一日不備者此也。富綱接奉此旨。惟當督率文武。實心查察。先事豫防。仍須不動聲色。撫綏鎮靜。無得稍涉張皇。轉致苗民驚懼。則獲戾滋重也。甲辰

上御太和殿視朝。文武陞轉各官謝恩。鑄給新設四川南充縣李渡場主簿關防。從總督保寧請也。乙巳

孝惠章皇后忌辰。遣官祭

孝東陵。諭據永保奏陝省拏獲伊陽首犯秦國棟之商州州同李景蓮。遊擊張濯二員。應遵旨送部引見。惟查伊陽一案。尚有夥犯王進城等三名未獲。並大名首犯段文經等。亦尚稽誅。擬將該二員暫緩送部。仍責令督率兵役。上緊查拏。並應行議敘各員。暫緩開送等語。所辦過當。已於摺內批示矣。秦國棟係豫省滋事首犯。若係本省地方官盤獲。功過

僅足相抵。原不得濫邀錄敘。至鄰省派委協緝之員。若能將要犯拏獲。固屬有功。即未能拏獲。亦無大過。今李景蓮等。既將秦國棟父子盤獲。實屬能事。可嘉。是以降旨准令引見。乃永保因大名案犯段文經及伊陽夥犯王進城等。尚未就獲。奏請停其送部。未免失之過刻。所有該二員。仍令遵照前旨。即行送部引見。其應行議敘之商州知州杜錡等職名。並著咨部照例議敘。朕辦理庶務。準情酌理。

務得其平。固不肯失之不及。亦不肯稍有過當。各督撫等當善體朕意也。○又諭據鑲白旗滿洲都統奏前經在逃革職雲騎尉莽喀。今復投回本旗。呈稱伊叔祖並伊父均經陣亡。伊因患瘋疾。躲避在外遊蕩。今漸覺明白。痊愈。念及伊祖父祭祀。是以復行投回。請將莽喀仍為滿洲世僕。交該佐領嚴行約束等因。莽喀身係旗員。殊屬無賴。混行逃竄。久經游蕩。以致艱窘。毫無生計。始自行投回。今復

膽敢捏造緣由。妄稱因念伊祖父祭祀。復行投回。尤難憑信。如果有人心。於逃竄之時。何不念及伊之祖父耶。此不過因思家屬。希冀世職。縱使本身不能得官。而伊之子孫猶有可望。顯係希圖僥倖。向例逃旗自行投回者。充發黑龍江。今若將莽喀照例充發。反似將伊入於旗人之例矣。從前既經銷去旗檔。僅可聽其自便。將此傳諭八旗。凡滿洲世僕。俱當以莽喀為戒。○丙午。諭軍機大臣等。前據

明興奏派委道員齊克慎等。帶領兵役飛赴南陽。昭陽等湖。查拏段文經。迄今已將半月。並未據該撫將該員等前往搜拏有無蹤跡。及查緝情形。續行奏報。現在東省秋審早已辦竣。省城亦無應辦緊要事件。明興於查緝要犯。並不能實力督辦。剋期就獲。豈尚思安坐省垣。養尊處優。雍容度歲耶。著傳諭明興。即速親往南陽等湖一帶。於湖泊處所。查明巽卦邪教人等。逐細根究。務得段文經。劉勤

及該省越獄逸犯七名。實在下落。跟蹤躡緝。以期弋獲。毋得稍存疎懈。致干重戾。○丁未。上幸瀛臺。戊申。諭喀什噶爾地方緊要。而事務亦屬殷繁。應將叅贊大臣駐劄喀什噶爾。即令明亮雅德移駐協同辦理。所有應行移駐人員事宜。著明亮等議定具奏。特成額著加恩賞給副都統職銜。充領隊大臣。駐劄烏什。著德勒格楞貴協同辦理。保成將一應事務交代明白。即行回京。○又諭曰。永慶王廷

樊福森泰緣事犯罪雖應發往伊犁効力贖罪但伊等到新疆亦屬無用而永慶現已有目疾王廷燮又係漢人著施恩將永慶王廷燮遣往浙江交與琅玕留於海塘工程効力當差聽候委用福森泰為人拘謹而於道員任內未久著加恩仍以戶部員外郎補用以觀後効其革職之處帶於新任俟八年無過再行開復○諭軍機大臣等據李世傑在京面奏江南虧空尚屬無多伊到任後不動聲

色不久即可彌補完竣等語該督抵任已逾半載通省倉庫自己逐細查明虧缺究有若干現在彌補若干未據該督奏及李世傑病已全愈現由淮揚一帶查勘營伍賑務順道回至江寧省城其各屬虧缺實在數目作何設法籌辦並何時可以彌補全完之處著傳諭該督即行詳悉查明據實覆奏○旌表守正捐軀直隸武邑縣民單二聘妻李氏已酉諭前經降旨直隸解到旗租銀兩足數普

賞八旗兵丁一月錢糧即行普賞一次現在直隸解到租銀已足敷賞賚之用著加恩普賞八旗兵丁一月錢糧以示加惠旗人俾生計益資充裕該部即遵諭行○以故貴州銅仁府屬省溪司副土官戴世祥子應貴西寧管轄洞巴族百長索諾木吹札子卓特巴色布騰多倫尼托克典巴族百長遷奔孫恭噶拉素隆各襲職○庚戌諭曰特成額巴賞給副都統職銜令其前往烏什効力贖罪伊尚

有何顏面見朕著不必請訓即行束裝作速前往向來發往新疆効力贖罪人員均係自備資斧第念路途遙遠著加恩令其馳驛○予故四川威遠縣知縣贈太僕寺卿李南暉入祀昭忠祠○辛亥諭軍機大臣等據永保奏查附天保蹤跡該犯曾於狄道州地方向流犯張享成就醫自稱李潛斌係直隸完縣人等語該犯既籍係直隸完縣在甘省招搖誑騙為日已久或該犯聞知甘肅各屬查拏

緊急潛回原籍。著傳諭劉裁遠委幹員。即速前往完縣查明該處有無李潛斌其人。及平日居鄉有無招搖生事款跡。如該犯業已潛回。即行拏獲解京審訊。並此外有無夥同出外誑騙之犯。一併徹底根究。又據永保奏查有岷州民人楊應強。曾被附天保誑騙馬匹錢物。令其寄送書信之事。經該州訪拏。現在迎提解省審究等語。楊應強被附天保誑騙。赴京寄送書信。行至山西訪無喬天成下落。

知係被騙。即行回家。其人較廖珂尚為明白。若向其嚴切根究。或可得附天保實在下落。且附天保既在岷州一帶誑騙。受其愚哄者。必不止楊應強一人。或該犯此時尚在洮岷等處逗留滋事。著傳諭永保嚴飭所屬。仍於洮岷一帶設法偵緝。以期速獲。毋任遠颺漏網。○禮部奏查繙譯鄉會試已屆三年之期。應否舉行。恭候欽定。得旨准其照例舉行。命修撰汪如洋提督雲南學政。○壬子諭據

畢沅奏。豫省漕船行抵濬縣。凍阻不能前進。現在檄飭該道等加意稽查防守。即日交春一俟冰融。即行加緊嚴催。依限趲運等語。上年豫省漕糧因災蠲免。未經出運。本年新漕一交冬令。自可及早兌運開行。且秋間遇閏節氣較早。河路冰凍。該撫亦早應計及。豫為籌辦。督飭漕務各員迅速受兌。催趲前進。何得仍照往年之例開行。今該省漕船既在途凍阻。若俟冰融凍解始行趲運行走。已屬稽

延。將來經過臨清一帶。必至與東省及南糧各幫擁擠攔阻。殊屬不成事體。此皆由該省承辦漕務各員不能豫為籌畫。上緊兌運。以至中途阻滯。著該撫即行查明據實奏。大學士梁國治遺疏聞。諭曰。大學士梁國治學品端醇。小心勤慎。敷歷中外。簡直內廷。襄理機務。游擢綸扉。方資倚畀。前以感患痰喘。屢遣御醫診視。並派御前侍衛豐紳濟倫前往傳旨存問。令其安心調理。以冀速痊。茲聞

溘逝。深為軫惜。著晉贈太子太保。派皇十七子帶領散秩大臣一員。侍衛十員。前往奠醊。仍賞給銀一千兩。俾治喪事。其任內降革罰俸處分。均予開復。所有應得卹典。該部察例具奏。又諭。據刑部覈擬貴州省蘇萬卷夥竊衣物。敗露。戮死伊妻李氏一案。因蘇萬卷供內有恐被拏解。起意戮傷其女。希圖抵嚇。誤傷伊妻。殞命之語。如所供屬實。自有誤傷之條。未便照故殺律問擬。駁令再審。固屬照

重慶李氏

李

十

例辦理。但夫毆妻至死者。故殺與誤殺。均應問擬絞候。即使駁交覆審。於罪名並無增減。且該犯因夥竊敗露。恐事主前往起贓。拏送。明係有意戮死伊妻。以便挾制圖賴。情節自難寬縱。貴州距京較遠。若復往返駁查。明年辦理秋審時。此案即不能列入。轉使免匪。得以稽延時日。亦不足以示懲。所有蘇萬卷一犯。即著照原擬應絞監候。秋後處決。諭軍機大臣曰。李侍堯奏。據鹽道張廷化稟稱。接

徵瑞札知聞段文經已上鹽船逃匿之語。當即降旨。令李世傑徵瑞查明此信。究竟得自何人。據實覆奏。茲據徵瑞奏。段文經由江南上鹽船逃匿之語。係十一月初十日。接准李世傑咨會。稱係河南汝寧府。札知安徽鳳陽通判轉稟之信。一面派員查拏。一面飛咨湖廣等省。按船稽查等語。前因徐克展供稱。段文經在潁州藏匿。節經諭令李世傑等於上下兩江地方。嚴密查拏。今李世傑既據河南

重慶李氏

李

十

札知安徽段文經有上鹽船逃匿之語。自應一面奏聞。一面飭屬查緝。何以李世傑祇札知徵瑞。並未專摺具奏。且徵瑞今已回奏。而李世傑尚未奏到。明係該督祇視為海捕具文。並不上緊設法躡緝。李世傑非如此不經心之人也。著傳諭李世傑。即將因何不先行具奏之處。據實奏聞。並將段文經現在有無實在下落。跟蹤躡緝。以期弋獲。毋得稍存疎懈。致干咎戾。又諭。據畢沅奏。豫省漕船在

濬縣途次凍阻一摺。已明降諭旨。令將辦理遲緩各員。查明參奏矣。該省漕船。既在途凍阻。約計化凍開行。尚需時日。行走自不免遲滯。恐將來經過臨清一帶時。正值各省漕船絡繹前進。或致攔阻難行。更屬不成事體。著傳諭畢沅。豫飭督運文武員弁。設法辦理。一俟春融凍解。即上緊督催。迅速開行。或能由黃河行走。免致臨清擁滯。亦不得已之一策。並著該撫悉心籌畫。相機妥辦。仍將如何籌

辦情形。先行覆奏。尋奏查現在守凍處。距出豫境之張兒莊。止百二三十里。剝運雖艱。為程尚近。自張兒莊至山東臨清。河寬可以順流遄進。交春令。冰凌漸薄。嚴催員弁打冰設法趲行。正月內可全過臨清。按日計程。南糧幫到臨清時。豫糧業將抵通。向例糧道押運出境。即回。現飭送至臨清大員催趲。較為得力。報聞。又諭從前諸羅縣奸民楊光勲等兄弟。結會樹黨。剗囚滋事一案。業據常青等

將首要各犯陸續拏獲正法。其案內逸犯張烈。賴榮。葉省。蔡福。張員等五名。現據柴大紀等奏。尚未就獲。張烈等係幫助楊光勲等。劫囚害官重犯。恐因臺地查拏緊急。自必潛逃至漳泉一帶。內地藏匿。著傳諭常青等嚴飭所屬將張烈等五犯嚴密偵緝。務期迅速弋獲。以正刑章。毋任遠颺漏網。○雲南巡撫譚尚忠奏。雲南徒犯專發有驛地方。積多羣聚。為匪。請照軍流例。於通省州縣。勻撥安插。約束其發多羅松林等十二驛。並情重者分別迤東迤西發并。嚴煎鹽熬鉛之例。均請停止。庶徒犯散處通省。既易防範。并廠等處。停其分撥。於公事亦免貽誤。並請飭他省畫一查辦。下刑部議。○命兵部尚書王杰在軍機處行走。○癸丑諭曰。紫禁城內領侍衛內大臣。值宿之職。亦屬緊要。不可無一閱歷老練之人。今伍彌泰所遺員缺。著派綽克托。俟再有缺出時。著派阿揚阿。○諭軍機大臣等。前李



侍堯奏據鹽道張廷化稟稱接徵瑞札知段文經已上鹽船逃匿之語。當即降旨令李世傑等查明此信究竟得自何人。據實覆奏。茲據李世傑覆奏。段文經由江南上鹽船逃走之語。係河南汝寧府札知安徽鳳陽通判轉稟等語。段文經至今尚未就獲。朕心深為憤懣。節次諭令該督撫等上緊嚴密查拏。今汝寧府致鳳陽通判札內既有段文經同教之人供出該犯已在江南上鹽船逃走之語。該

府自必稟知本省上司。畢沅即應究明段文經同教係屬何人。此語是否確實有據。一面奏聞。一面飛咨李世傑。徵瑞等一體查緝。乃該撫並未專摺具奏。畢沅平日辦事尚屬認真。何以於此等逆惡首犯祇視為海捕具文。漫不經心。若此著傳諭畢沅即切實根訊。此信究竟得自何人。是否確實有據。並因何不即奏聞之處。據實覆奏。○又諭據工部奏直隸省修墊橋道等項。本年未經報銷。逾限六

月以上者共十五案。應令該督將遲延各職名開送吏部查議一摺。此等按例報銷事件。無難隨時覈辦。依限造冊送部。乃逾限六月以上者。至十五案之多。經部屢次行催。迄今未據造報。可見該督於地方諸務任意延緩。尚不認真辦理。安望其能實力緝捕要犯耶。劉戡著傳旨申飭。其承辦遲延各員該督即將職名開送吏部查議。勿再延緩。○又諭本日明興奏到各摺俱係年終彙奏之件。朕逐加披閱。內甄別教職等官一摺。於俸滿教職則總列為十四員。復將循分供職及老病勒休員數分晰聲敘。至佐雜又屬一例敘入。並未提敘。總之眉目不清。可見該撫平日於地方要犯尚不能認真緝捕。況此等刻板文章更不過照例繕寫。並未經心。其所稱革除陋習豈尚可信耶。明興著再傳旨申飭。○增甘肅宜禾縣學廩增生各二名。從陝甘總督福康安請也。○甲寅諭據琅玕奏浙省本年鄉

試諸生中有年逾八十之章宸衛等四名俱三場完卷。未經中式等語。該生等年臻耄耋。踴躍觀光。宜沛殊恩。以廣作人雅化。章宸衛張啟瀟任際泰周岸登俱著加恩。賞給舉人。准其一體會試。俾膠庠耆耄得遂窮經夙志。用昭朕嘉惠耆齡至意。○又諭據勒保奏查審孟木成扎死張光裕一案。檢明屍骨。並非刀傷。請將原審之州縣革職嚴審。併請救部揀派賢能司員帶領仵作來晉覆檢一摺。此

案原因孟鵬程指證確鑿。是以將孟木成擬抵。今孟鵬程既以指伊作證之處係畏刑誣認。代為呈辯伸冤。而檢驗屍骨又係跌傷。並非刀扎身死。其中必有別情。不可不徹底究訊。以成信讞。著派侍郎姜晟揀帶明幹司員並諳練仵作馳驛前往會同詳悉覆檢。秉公查審。定擬具奏。其所叅相驗不實之崞縣知縣高虞祥承審錯誤之原任告病代州知州吳重光均著革職。交該侍郎會同該撫一併

嚴審究辦。○又諭伊齡阿仍著管理圓明園八旗及包衣三旗官兵兼管造辦處事務。

諭軍機大臣等據御史莫瞻菴奏段文經未經就獲必係沿途官弁兵役於關隘通衢稽查嚴密而僻遠地方轉或疎脫以致該犯等得以竄跡請飭令各該督撫轉飭所屬於一切僻遠之處尤須訪緝周匝等語。段文經等在逃未獲屢經降旨飭令各督撫實力購緝並代為籌畫指示無微不至想該督撫及地

方文武員弁亦自必嚴密查拏不敢以僻遠之區心存疎懈。但大名首犯段文經劉勤至今未就弋獲即山東越獄河南戕官案內逸犯亦尚有多名在逃朕為此事殊深憤懣今莫瞻菴既有此奏或該地方官等於窮鄉僻壤搜捕尚有未周以致要犯未能就獲現屆年終題奏之期為日已迫該督撫等寧尚不知惶遽悚惕以期自贖罪愆耶著再傳諭劉我等務再通飭所屬於僻壤處所加意留心

並多方設法躡捕將各要犯按名速獲勿得  
仍有疎懈致干重戾○又諭據巴延三奏陝  
省寶陝局鼓鑄錢文需用銅觔請敕下滇省  
督撫查照向例趕辦酌撥以便委員赴領等  
語此項銅觔向係滇省豫為撥定咨陝赴領  
道路遙遠亟須鼓鑄未便稽遲著傳諭富綱  
等即將陝省應買第十五運銅觔查照向額  
數目於近省各廠撥定迅即咨會陝省一俟  
委員到日即行兌領運回以資鼓鑄○兵部  
議准廣西巡撫孫永清奏武鄉試步箭向例  
十人一班各輪射一矢易於藏拙應改每人  
連射六矢再撫臣帶武巡捕入闈恐滋弊端  
請禁止文闈一體辦理從之

大清高宗法天隆運至誠先覺體元立極敦文  
奮武孝慈神聖純皇帝實錄卷之一千二百七十

大清高宗法天隆運至誠先覺體元立極敷文  
奮武孝慈神聖純皇帝實錄卷之一千二百七十一

監修總裁官經筵講官太子太傅文淵閣大學士文淵閣領事領侍衛內大臣侍衛處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次

總裁官經筵講官太子太傅大學士文淵閣領事侍衛處管理上諭事件處管理刑部戶部工部事務

世襲騎都尉軍功加十九級隨帶加二級又加二級重慶內大臣戶部尚書鑲藍旗滿洲都統軍功紀錄五次

尋常紀錄十四次臣德興總纂官太子少保工部尚書紀錄六次

乾隆

五十年丙午十二月乙卯

上御乾清門聽政○諭軍機大臣等據保寧奏  
打箭鑪城自建築以來屢修屢圯緣其下皆  
係浮沙滾石根腳本不堅實易致傾頽查打  
箭鑪地方東界垵里等土司直接內地西南  
西北關隘重重捍禦層疊外衛已屬謹嚴本  
無庸築城請仍照舊制建立東南北三門各  
築城牆四五十丈等語所奏甚是已照所請  
行矣打箭鑪地方西南北一帶倚山為固卡  
隘星羅本足以資捍衛是以從前止建東南

北三門後經建立全城屢致傾圯徒滋勞費  
無裨保障之實今保寧詳查舊案細察情形  
將續增城工停其修築而於東南北三門各  
築城牆四五十丈以符舊制所辦可嘉著賞  
給鹿肉一分並照賞御前侍衛等年例荷包  
賞給一分以示優獎再閱圖內東西兩面接  
築護岸洋圈一百七十餘丈係為保護城根  
及附近居民起見固應如此辦理惟所建閘  
橋一座自為攔束水勢而設但該處憑臨大  
山水勢湧激又無舟楫往來設遇水勢陡發  
閘座必致被衝實屬無益朕意似竟可無庸  
建閘已用硃筆圈出是否如此情形並著保  
寧詳加覆勘悉心籌酌據實覆奏以戶部  
尚書綽克托充經筵講官○丙辰諭曰朕披  
閱朱載堉樂律全書所論音律算法稱引繁  
賾但其中較律呂正義一書疎漏歧誤之處  
正復不少蓋樂律算法義本相通必須講求  
貫串以期畫一即如樂律以黃鍾為本而尺

度之長短視累黍為準但黍有縱橫亦有大小顆粒若用縱黍則較長若用橫黍則較短其大小顆粒亦如之原難定以為準也是書所論橫黍百粒當縱黍八十一粒之說尚為牽強又書中所載樂譜內填註五六工尺上等字並未兼註宮商角徵羽字樣未免援古入俗自應仿照律呂正義逐細添註方為賅備蓋古樂皆主一字一聲如關關雎鳩文王在上等詩咏歌時自應以一字一音庶合聲

依永律和聲之義若如朱載堉所註歌詩章譜每一字下輒用五六工等字試以五音分註未免一字下而有數音是又援雅正而入於繁靡也即以琴瑟而論上古操縵亦係一字一音後世古樂失傳而製譜者多用鉤擘掃拂等法以悅聽者之耳遂使一字而有數音幾與時曲俗劇相似更失古人審音知樂能使人人聲入心通之意且如殿陛所奏中和韶樂從前未免沿明季陋習多有一字而

曼引至數音者聽之殊與俗樂相近經朕特加釐正俾一字各還一音目今朝會大典鐘簾鏗鏜備極莊雅業經載入律呂正義彰彰可考獨不可融洽貫通乎著交管理樂部算法館之皇六子永瑤及德保鄒奕孝喜常會同精覈朱載堉所著此書分門別類務將樂律全書較律呂正義疎漏歧誤之處分列各條公同詳悉訂證如書中凡例體裁逐加考評載於提要之後以垂永久而昭釐定○以

故三等伯伍彌泰子伍彌烏遜一等子鍾惠孫慶祥各襲爵以廣東三江協副將尚維昇為廣西左江鎮總兵旌表守正被戕河南夏邑縣民穆二玉妻許氏是日丁未年立春順天府進土牛春山寶座戊午封鄭華為暹羅國王制曰我國家誕膺

天眷統御萬方聲教覃敷遐邇率服爾暹羅地隔重洋向修職貢自遭緬匪破滅之後人民地土悉就摧殘實堪惻憫前攝國長事鄭昭

當舉國被兵之後。收合餘燼。保有一方。不廢朝貢。其嗣鄭華克承父志。遣使航海遠來。具見忱悃。朕撫綏方夏。罔有內外。悉主悉臣。設暹羅舊王後嗣尚存。自當擇其嫡派。俾守世封。茲聞其舊裔皆因兵革淪亡。鄭氏攝國長事。既閱再世。用能保其土宇。輯和民人。該國臣庶共所推戴。用是特頒朝命。封爾鄭華為暹羅國王。錫之誥印。該國王尚其恪修職事。慎守藩封。撫輯番民。勿替前業。以副朕懷柔

海邦。興廢繼絕之至意。○又諭據寶琳奏。杭州滿洲駐防兵丁。生齒日繁。艱於生理。請將現在庫內存貯銀二萬兩。交鹽道令其生息。每月所得利銀。於貧乏成丁之閑散內。挑取二百名。每人給與銀一兩。令其行走當差。遇有挑取甲缺者。再另行挑人充補等語。滋生利息一項。原不成事體。但念杭州駐防滿洲兵丁。生齒日繁。既艱於生理。又不得不代為籌畫。寶琳所奏。交鹽道銀二萬兩。著不必交

與鹽道。琅玕係兼管鹽務之人。即以此項銀兩。交琅玕會同寶琳妥協辦理。○又諭據琅玕奏。審訊溫州鎮標外委周鼎等。出洋巡緝。鎗斃閩民紀昂等五命一案。將周鼎照私放烏鎗殺人例。問擬斬候。兵丁等擬流杖。所辦殊未允協。此案周鼎等。若有勒索情弊。以致鎗傷多命。即立正典刑。亦所應得。今該弁係奉文巡緝。適見紀昂等駛船前來。喝令下蓬查驗。詎紀昂等見該弁兵所乘。非巡緝船隻。

並不答應。反行駛避。及至弁兵追趕。又復用石擲打。以致周鼎愈疑為盜。放鎗斃命。事屬因公誤傷。不應以之擬抵。致使嗣後巡洋弁兵。心存疑畏。轉於海洋緝捕無益。即紀昂等亦是互疑為盜。情急擲石。尚非有心不聽官兵招喚。與拒捕者不同。且被鎗斃五命。將該弁兵等分別責革。已足示儆。所有外委周鼎。兵丁吳廷桂等。俱交該撫分別責革。示懲其治罪之處。俱著寬免。以昭平允。○諭軍機大

臣等署蘇州藩司王兆崇將蘇松等五府州屬乾隆五十一年分錢糧完欠各數開單彙奏一摺閱單內所開各項未完銀數尚多上年蘇松等處因災歉收民力未免拮据各項未完銀兩如果實欠在民尚屬情理之常第恐地方官吏巧於騰挪以完作欠移補掩飾影射牽混種種弊竇亦不可不防前因江蘇各屬倉庫虧缺究有若干現在彌補若干降旨令李世傑實力查辦據實覆奏倉庫虧缺

固須設法上緊彌補而各省動有虧空亦不可為訓其中倘藉填補虧空為名於正項錢糧又有那新補舊以完作欠等弊更屬不成事體著交李世傑閱鶚元確實覈查將各項未完銀兩是否實欠在民之處詳悉據實覆奏朕不喜紛差大臣屢查虧空也若激至不得不查則督撫當知自懼又諭據明興奏赴南陽一帶查拏段文經等並督率各員改裝易服於湖泊處所及漁船內逐細搜捕實

無蹤跡亦無異卦之人等語此奏殊不可信前據張均德供稱段文經或逃往南陽等湖一帶藏匿該省湖泊處所係屬水鄉漁人出沒之區最易藏奸段文經行蹤詭秘恐該撫前往搜查尚未認真根緝以致日久未獲前因該省越獄之犯及大名案內要犯俱未弋獲曾降旨諭令該部於年終提奏請旨現在已屆封篆為期甚迫朕方為伊等憤懣焦急豈該撫等轉不知上緊搜捕畏懼惶急耶倘

此等要犯經別省拏獲究出曾在該省潛藏經過則該撫罪上加罪更不能當此重戾矣又諭曰劉莪奏勘明大陸澤地畝酌議徵租一摺已批交該部議奏矣惟摺內稱現在認租之戶每畝僅輸租二分零未免過優若每畝徵銀一錢未免過重等語地畝徵銀比較多寡自應寫輕重字樣試思優與重字義相仿何所區別已用硃筆改正劉莪雖非科甲出身然於奏摺措詞何未留心若此豈幕

友亦不通文義耶嗣後該督於摺奏事件當加意檢點勿再率忽錯誤○又諭據琅玕奏拏獲私自出京之旗員傅嵩安及家人百級解送刑部審辦一摺所奏是傅嵩安身係旗人因家貧輒敢違例私自出京希圖向伊同年借貸並找尋伊父舊日長隨望其資助殊屬可惡恐此外尚有招搖生事情節著琅玕派員小心解送至傳嵩安先赴山東聊城縣知縣王鴻任所因王鴻陞任東平州未及會面前赴揚州尋伊父舊日長隨沿途逗留已非一日東省地方官及兩淮鹽政揚州府豈竟毫無聞見何以並不查拏均有失察之咎著傳諭李世傑閱鴛元明興一併查明據實叅奏○已未諭據奎林等奏遣犯史二莫紹仁在崆郭爾鄂博山後拏獲逃犯徐四照例辦理將史二等賞勵等語史二等係獲罪發遣人犯在配所知罪靜居並能將逃犯徐四拏獲實屬奮勉欲贖前愆之人與皂役人等

拏獲犯人有間雖經賞給尚不足示鼓勵著交奎林等詢問史二莫紹仁如伊等願入彼處民籍即免罪入於彼處民籍如願回原籍即各遣回原籍再有似此者即著為例○諭軍機大臣等本日永保奏到謝恩一摺係因拏獲豫省伊陽案內首犯秦國棟議敘加級並據稱嚴督所屬文武員弁將伊陽未獲餘犯及大名首犯段文經上緊緝捕等語秦國棟係豫省要犯經永保實力盤獲是以交部議敘至段文經現在尚未拏獲此係鄰省之犯或該犯未經逃至陝甘一帶尚非永保專責若附天保一犯現在該省哄騙廖珂又經永保查出在洮岷地方撞騙楊應強等有案是附天保在甘省逗留多時又有蹤跡可據無難根究查拏何以尚未據永保拏獲具奏著再傳諭永保即行嚴飭各屬躡緝務獲此係本省要犯倘將來或經他省盤獲永保不能辭其咎也又諭據琅玕覆奏查勘海塘



情形一摺內稱頭圍沙水形勢仍係如前。現在遵旨添建挑水大壩。並將急工二千一百餘丈。趕辦完竣。足資保護。所有緩工二千九百餘丈。實可停辦。但沙性坍塌。漲靡常。惟有隨時履勘。相機籌酌。如水勢漸近土塘。即將緩工奏請仍行接築等語。所見是已。於摺內批示矣。范公塘外沙塗。仍屬寬廣。所有原定緩工二千九百餘丈。自可停止不辦。該撫應督飭工員。將現定急工二千一百餘丈。上緊趕辦完竣。以資捍衛。但漲沙既有坍塌。水性靡常。倘日久頭圍處所沙塗。一有刷動。該撫即應一面集料鳩工。一面將實在情形。迅速具奏。候朕降旨。將停辦緩工。再行接築。以資保障。惟在該撫隨時履勘。相機妥辦。毋稍存拘泥之見。以湖北驛鹽巡道張廷化。為按察使。庚申。

上幸瀛臺。賜喀爾喀親王車登扎布。杜爾伯特台吉鄂邁。土爾扈特台吉桑噶巴拉。哈薩克

汗和卓之弟阿哈岱。年班回部。三品阿奇木伯克阿克伯克。甘肅土司魯璠。暹羅國使臣丕雅史滑里遜。通那突等。食。諭曰。朕恭閱皇考世宗憲皇帝實錄。有嚴禁建造生祠等項一條。煌煌。

聖訓。所以禁革陋習。杜絕虛浮者。至為明切。即如各省德政去思碑。並換帖宴會。以及坐省家人。門包押席等事。從前歷有明禁。通行頒發。過行之日久。地方官遂心存玩忽。視為具

文。我

皇考勵精圖治。十有三年。整綱飭紀。政治肅清。如耗羨歸公。添設養廉諸大端。無不定立章程。著為令典。凡皆我

皇考旋乾轉坤之力。實為萬世法守。若至朕躬而稍有懈弛。朕甚懼焉。況建造生祠。及換帖宴會等事。經

皇考飭禁之後。至今未逾六十年。何致又煩朕屢降諭旨。申明訓誡。此非督撫過目不警於

心乎。我

皇考承

皇祖六十餘年深仁寬大之後。加意釐剔。因時制宜。所謂一張一弛。原有不得不從嚴者。至於此等禁革陋習。澄飭官方之事。實為至當不易。不但我君臣皆當時時謹凜。即我世世子孫。亦當永遠遵循。嚴飭臣工。守而弗替。此即我大清億萬年無疆之祚。若該督撫竟敢陽奉陰違。將頒定科條。因循廢弛。即屬變易

成法。罪莫大焉。著各督撫等。將此旨入於交代。永遠凜遵恪守。毋負朕諄諄訓諭之至意。○又諭曰。王進泰因伊年邁有疾。惟恐貽誤公事。奏請休致等語。王進泰宣力中外。行走多年。現年八十三歲。今既懇請休致。王進泰著加恩賞給內大臣職銜。令其原品休致。仍賞給全俸。俾得安心靜養。永沐朕恩。○諭軍機大臣等。據譚尚忠奏。盤獲自緬地脫回之廣東民人林阿新等五名。請解交廣東就近

查辦一摺。所辦甚是。已於摺內批示矣。林阿新等。出赴暹羅貿易。如係私越外境。例應治罪。今據供稱。船主陳岱。領有執照。納稅掛號。以及出口月日地名。歷歷可稽。粵省自有檔冊。無難質訊得實。著傳諭孫士毅。俟滇省將林阿新等解到。即嚴切查究。照例辦理。至林阿新等。既自緬甸脫回。其被裹民人潛行進口者。恐不止此一處。並著譚尚忠。分飭沿邊關隘各員。并及內地州縣。嚴密巡查。遇有此

等脫回之人。即行拏獲。解省審訊具奏。其失察林阿新等入口之關隘員。并並著查明咨部議處。所有譚尚忠奏到原摺。著鈔寄孫士毅閱看。○以正白旗漢軍副都統福長。安鑲紅旗蒙古副都統喀寧阿。對調。○辛酉。

上幸寧壽宮。御景祺閣。賜王大臣及蒙古王貝勒。台吉等食。○壬戌。

上御撫辰殿。大幄次。賜蒙古王公等宴。○癸亥。諭前因王進泰年老。奏請解任。已降旨賞授

內大臣原品休致仍給予全俸以資頤養伊子王柄現任天津鎮總兵該鎮雖距京不遠但究不若在京供職得以朝夕侍奉向來總兵內用多有令在侍衛上行走者但王進泰出力有年王柄亦屬勤勉著來京加恩以漢軍副都統用俾得就近侍養用示眷注又諭曰給事中劉紹錦條奏各省失察西洋人處分請歸畫一一摺經軍機大臣會同該部查議將已經留任之廣東等省道府以下各員仍行送部引見其藩臬以上任內處分俱定為降留罰俸至現任雖係藩臬以上而在道府以下任內失察者仍照例議以降調請旨定奪已依議行矣此等失察西洋人傳教經過各案各省陸續查取應議職名送部經部臣分別議處由閣臣票擬依議並送部引見雙簽進呈其藩臬以上例應出名者及道府以下各員或照發降調或改為留任俱經朕隨時酌覈情形權衡輕重分別辦理並非

閤部諸臣所得高下其手於其間也如果部中將同一處分之案辦理參差而內閣票擬亦有心輕重以致處分有畸重畸輕之弊科道等能據實糾彈朕必於閤部諸臣徹底查辦究出弊端明治其罪並將該科道嘉獎方今綱紀肅清大小政務悉由乾斷太阿從不下移朕實可保閤部諸臣於此等議處之案斷不敢稍存軒輊況人才難得此等失察處分究屬公過若概予降調未免可惜即如李封陳淮等俱係在道府任內失察而議處時已擢為撫藩等大員自不能因有處分即行更易且案內道府州縣離任引見者朕量其才具仍多加恩錄用此乃朕用人不得已之苦心自有一定權衡原不能執定成案拘泥辦理也況現在失察西洋邪教議處之案亦將次辦竣是以即照議准行此後凡有地方因公失察處分自應仍照定例覈辦不必因有此奏轉致紛更至劉紹錦條奏此事內稱

辦過各案。已經奉旨者。毋庸再議等語。在該給事中之意。以為如此立言。可見其無所瞻徇。而其巧為飾詞。實係揣摩朕意向來辦事。從不肯稍存遷就。既有數省邀恩留任者。必將已經降調離任各員一體加恩從寬。而此內保無該給事中親戚故舊年誼。可以覲覲邀恩者乎。朕於言官條奏。有可施行者。無不採納。而該給事中此等取巧隱衷。亦不能逃朕洞鑒也。將此通諭知之。諭軍機大臣等。

據戶部奏本年年底應彙奏各省乾隆四十五年地丁完結之期。內惟河南一省未能依限完結。應請將承辦遲延各員職名。交部從重議處等語。此項地丁奏銷事件。既經勒定年限完結。每月彙奏。自應依限趕辦。何以豫省四十五年地丁未完案件。已屆例定期限。尚未據造冊報部。著傳諭畢沅。即飭承辦之員。迅速查辦清結。造冊送部。以便歸入下年彙奏。毋得再有遲延。仍令將遲延各職名速

行送部查議。甲子。

孝莊文皇后忌辰遣官祭

昭西陵。

上詣

慈寧宮。

壽康宮行禮。調直隸宣化鎮總兵托賓泰為

天津鎮總兵。以西安將軍標中軍副將保興

為宣化鎮總兵。乙丑。諭據總管內務府大

臣奏。乾隆五十五年。值朕八旬萬壽。請循照

前例。諸王內外大臣。虔造無量壽佛。延禧祝

嘏等語。因思朕六旬七旬萬壽。該管大臣。俱

先期奏請。成造佛像。以申慶祝。惟時朕恭侍

聖母皇太后慈闈。疑禧薦祐。內外臣工。共抒忱

悃。是以俯允所請。藉用承

歡錫慶。茲因朕八旬之慶。先期備辦。非朕所喜

且迴思。益增悵然。朕仰邀

昊眷。年逾古稀。康彊勤政。惟期日慎一日。敬迓

鴻庥。以俟八旬有五之歸政。朕一人之福。即億

兆臣民之福。又何必循用具文徒滋繁費乎。所有該管大臣等奏請成造佛像之處。著不必行。○諭軍機大臣等。據李世傑覆奏查覈上下兩江虧空。共有二十七萬二千餘兩。現在已彌補銀十七萬五千餘兩。未彌補銀九萬七千餘兩。內淮安揚州兩府本年間被偏災。民力既多拮据。徐州則素稱積歉。以致彌補之項。較各屬多寡不一等語。所辦尚未周到。已於摺內批示矣。倉庫係州縣自行經管。

其虧空皆由各該員那移舞弊。與民何與。豈得以間被偏災。民力拮据。飾詞藉口。且地方即遇災歉。該州縣所有應得養廉等項。仍照常給領。何至遽行支絀。乃率以因災民欠。影射聲敘。殊屬牽混。若州縣任意虧挪。而借彌補為名。科派累民。是令貪官飽其私橐。貧民代為彌補。有是理乎。著傳諭李世傑等務須分晰查明。上緊辦理。依限全完。倘有藉口彌補而累及閭閻。及逾限不完者。一經敗露。朕必

將該州縣從重治罪。即該督撫亦不能當其咎也。○軍機大臣會同刑部議准。步軍統領衙門。並大理寺奏。京城各門監內。及各省永遠枷號之犯。請交刑部按罪輕重。分別發遣伊犁。烏魯木齊。黑龍江等處為奴。如犯事原在伊犁等處者。互相調發。仍分別旗民數辦。在中途與配所脫逃。及滋事擾害者。審明即行正法。枷未及十年者。滿日擬發。並通行各直省。及新疆。嗣後遇此等人。犯照新例辦理。從之。○是日起。

上以歲暮祫祭太廟。齋戒三日。○丙寅。諭軍機大臣等。據孫士毅奏。屬員賢否一摺。單內稱按察使姚榮。於獄案極為認真。近似熟於趨避。其剛正稍不如前等語。昨圖薩布來京。陛見。朕面加詢問。據稱辦事尚好。並未見有趨避情事。並詢以督撫平日辦理地方事務。是否和衷。意見有無參差之處。復據稱到任以來。與孫士毅遇

事商榷甚屬和協實無意見不同之處姚荼前於汀漳龍道任內朕知其辦事結實是以擢任臬司今孫士毅奏該員熟於趨避稍不如前及面詢圖薩布又稱該員辦事尚好圖薩布未起身以前孫士毅曾否與該撫商酌抑係圖薩布起程後該臬司於辦理案件有一二不妥亦未可定著傳諭孫士毅即行詳晰據實覆奏朕於兩司大員賢否兼聽並觀留心考覈從不肯稍存遷就之見孫士毅接奉此旨祇據實直奏不得因圖薩布現有此奏心存迴護也○又諭據穆克登奏現在彰衛一帶派委文武各員帶領眼目嚴密躡緝如果逆匪段文經等竄匿在境必能就獲等語豫省與直省境壤毗連段文經至今未獲必在該省附近地方藏匿穆克登奉派前往專司督緝不能設法拏獲理應倍加愧悚並嚴飭所屬實力偵捕乃摺內輒稱如果字樣竟似段文經並未逃至該省豫存疎懈之見

在穆克登既存此心則所屬州縣又安肯認真出力將要犯上緊緝獲耶所奏殊屬非是已用硃筆點出著傳旨嚴行申飭至緝拏人犯總在嚴密稽查購線躡蹤庶要犯不至透漏前據畢沅奏將段文經畫影圖形到處懸掛如此張皇辦理是使該犯聞風愈加藏匿於事更無裨益著再傳諭穆克登務當督同所屬實力嚴拏以期必獲毋再徒事空言心存疎懈致干咎戾○閩浙總督常青奏臺灣

彰化縣賊匪林爽文結黨擾害地方十一月二十七日知縣俞峻在大墩拏賊遇害縣城失陷臣聞信飛咨水師提臣黃仕簡領兵二千名由鹿耳門飛渡進剿並派副將叅將都司等帶兵分路夾攻臣駐泉州與陸路提臣任承恩居中調度委金門鎮總兵羅英筴赴廈門彈壓飭沿海州縣防範咨廣東浙江督撫嚴查海口堵拏得旨即有旨諭諭軍機大臣等臺灣地隔重洋民刁俗悍屢次滋事今

有彰化縣賊匪林爽文等糾眾騷擾殺害官長攻陷城池尤為罪大惡極不可不痛加殲戮以示懲創彰化知縣拏匪被害該縣不能嚴密防範雖失之疎懈但帶兵緝犯事屬因公並著該督撫查明該縣如平日並無別項劣蹟及激變情事即據實奏聞候朕降旨交部議卹至黃仕簡甫經病愈一聞匪犯滋事之信即帶兵渡臺殊屬奮勉可嘉著賞給荷包等件以示優眷並著於辦理搜捕諸務外仍加意調攝勿過勞勩至賊匪么膺烏合黃仕簡到彼督率該鎮道盡力堵剿無難立就撲滅但恐餘黨四散竄逸或偷越內渡常青任承恩現駐蚶江一帶著嚴飭沿海口岸地方文武員弁實力巡防最為緊要常青徐嗣曹等總須不動聲色妥協辦理若因外洋遇有此等案件該督撫紛紛調遣跡涉張皇轉至內地民人心生疑駭殊有關係該督撫不可不處以鎮定也丁卯以歲暮裕祭遣官

祭

太廟中殿

後殿○諭曰吏兵二部將直隸山東河南三省緝拏要犯未獲暫行留任之督撫藩臬及總兵等各員具奏請旨此內直隸山東二省武職各員所屬營汛兵丁緝捕賊匪綏輯地方尤其專責大名段文經等糾眾滋事全保係正定鎮總兵大名是其專轄一聞稟報自應迅速帶兵前往搜捕乃行走延緩直至劉戕聞信到彼該鎮始抵彼處以致首犯脫逃不能即時拏獲迄今已逾數月該鎮又不能督率兵弁將段文經等查拏實屬有乖職守至東省監犯越獄署叅將王一魁等近在同城既疎防於前又不能實力查緝均屬咎無可辭全保王一魁等俱著照部議降調至劉戕身任封疆所屬地方有此等邪教傳布煽惑既漫無覺察及聞該犯糾眾滋事又不能星速馳往督率查拏且段文經等潛匿多日又

逃後復回家中該督並未即時擒獲以致遠颺節經降旨令該督設法偵緝迄今仍未弋獲明興於段文經等未能拏獲尚可誣為鄰省協緝之案至該省兩次越獄重犯查拏日久尚有七名未獲其咎與劉莪相等若照部議革任實所應得姑念該督等現在督率各屬設法查拏首要各犯未便遽易生手劉莪明興梁肯堂託倫繆其吉及府縣等俱著暫行留任俟獲犯後究明何處逗留藏匿再行

分別辦理另降諭旨至該督撫等邀恩留任已屬格外從寬尚復何顏坐享豐厚徒忝素餐所有直隸山東二省督撫藩臬等除新任臬司王德係事後到任外其餘各員明年應得養廉俱不准支給至河南省伊陽縣拒捕戕官一案首犯秦國棟係陝西拏獲該撫等難辭疎縱之咎而徐克展一犯經該撫派員緝獲功過尚足相抵但伊陽案內尚有逸犯三名在逃且段文經等亦並未督拏就獲畢

沅江蘭穆克登亦俱著暫行留任所有明年應得廉俸准其支給一半統俟獲犯日再降諭旨閩浙總督常青奏賊匪滋事臺灣郡城緊要臣與陸路提臣任承恩會籌調提標兵千二百名由提臣帶領於鹿耳門前進並撥各營兵候調先為保守郡城計且與水師提臣黃仕簡聲勢相援臣於泉州蚶江廈門等處往來督察派道府經理糧餉得旨總以鎮靜內地為要着爾等俱屬張皇失措為此

朕卻牽念臺灣常有此等事此次何至汝等如是張皇畏懼又奏臺灣匪徒聚眾滋事地方官平日全無防範罪實難辭得旨此應事定後嚴查但非目前急務目前惟當鎮靜內地速勦滅逆賊又奏逆首林爽文係漳州人其附從率籍隸漳屬保無內外勾連情事漳泉尤為內地根本除加意防範外並咨兩廣督臣於連界處一體防範得旨是應留心又奏水師提臣黃仕簡已領兵開渡鹿耳門為



臺地咽喉尤須厚集兵力現添派各標營兵候風出口得旨看來爾等皆過於張皇矣豈有因一匪犯使合省以及隣疆皆懷恐懼之理○以直隸督標中軍副將朱泰德為正定鎮總兵○戊辰裕祭

太廟

上親詣行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵○遣官祭

孝賢皇后陵

端慧皇太子園寢遣官祭

太歲之神御重華宮賜喀爾喀親王車登扎布杜爾伯特台吉鄂邁土爾扈特台吉桑噶巴拉哈薩克汗和卓之弟阿哈岱年班回部阿奇木伯克阿克伯克等茶果賞賚有差○福建陸路提臣任承恩奏彰化縣被賊匪攻陷俟督臣到泉日臣即登舟渡臺協同黃仕簡勦辦得旨豈有兩提督往辦一匪類之理若不誠是巧詐若誠是至愚又奏查臺灣賊即漳州頑民屢次滋事懇簡重臣到閩督

辦得旨更不成話不料汝亦如此至愚諭軍機大臣等此等奸民糾眾滋事不過么膺烏合上年臺灣即有漳泉兩處匪徒械鬪滋擾等案一經黃仕簡帶兵前往督辦立即撲滅今林爽文等結黨橫行情事相等該提督到彼匪黨自必望風潰散即使該提督病後精神照料未能周到亦止可添派能事總兵一員多帶兵丁前往協勦乃任承恩竟欲親往豈有水陸兩提督俱遠涉重洋辦一匪類置

內地於不顧之理。至所請簡派欽差督辦。更不成話。督撫提鎮俱有綏靖地方之責。設一遇匪徒滋事。輒請欽派大臣督辦。又安用伊等為耶。從前康熙年間。臺匪朱一貴滋擾一案。全臺俱已被陷。維時止係水師提督施世驤帶兵渡臺進剿。總督滿保駐劄廈門調度。不及一月。即已收復。歲功伊等豈竟未聞之乎。又據常青馳奏。詢悉淡水同知程峻之子程必大。彰化失陷。文報梗塞情形。已派兵二

千二百名。令任承恩及叅將福蘭泰等。由鹿耳門前進。會同夾攻等語。與前奏大概相同。任承恩本不應前往。今既已渡臺。亦不須拘泥回任。務須實力勇往。會同黃仕簡分路夾攻。速擒逆匪。以期剋日歲功。常青仍祇須駐劄蚶江。廈門一帶。調度策應。此時總以鎮靜內地為要。已已。

上御保和殿筵宴。朝正外藩。左翼科爾沁和碩親王恭格喇布坦。多羅郡王鄂勒哲特穆爾

額爾克巴拜。羅布藏占散。喇什噶勒當。固山貝子錫第鎮國公薩木丕勒扎木素。輔國公色當噶瑪勒。公品級一等台吉拉旺。一等台吉色楞丹巴。琳沁多爾濟。敏珠爾多爾濟。多羅額駙索諾木雅喇木丕勒。烏珠穆沁和碩親王瑪哈索哈喀喇沁親王品級多羅郡王喇特納錫第。貝子品級一等塔布囊敦珠布色布騰。和碩額駙索諾木巴勒丹多羅額駙垂巴勒。及爾滿珠巴咱爾。巴林親王品級多

羅郡王巴圖。固山貝子德勒克。一等台吉賽尚阿。多羅額駙丹津奈曼多羅郡王拉旺喇布坦。阿魯科爾沁多羅貝勒阿爾達什第。敕漢固山貝子桑濟扎勒德威多爾濟。鎮國公納木扎勒多爾濟。多羅額駙伊拉瑚。固山額駙巴顏巴圖爾。三等台吉色布騰。多爾濟濟克濟扎布。扎魯特輔國公朋素克克什克騰。扎薩克一等台吉根敦達爾扎。翁牛特二等台吉三濟扎布。巴顏巴圖爾。歸化城土默特

二等台吉巴勒丹多爾濟右翼科爾沁和碩親王旺扎勒多爾濟多羅貝勒三音察袞喀爾喀和碩親王固倫額駙拉旺多爾濟和碩親王車登扎布多羅郡王貢楚克扎布多羅貝勒車布登納木扎勒袞布多爾濟固山貝子巴爾準多爾濟鎮國公丹津多爾濟額琳沁多爾濟貢楚克多爾濟輔國公德哩克多爾濟丹巴旌準達什朋楚克拉沁蘇龍車登扎布納木扎勒多爾濟扎薩克一等台吉班第扎木巴勒多爾濟教漢多羅郡王齊默特魯瓦阿巴噶多羅郡王喇特納錫第輔國公齊巴克扎布土默特多羅貝勒索諾木巴勒珠爾杜爾伯特固山貝子博第協理二等台吉鄂邁三等台吉察克都爾翁牛特固山貝子圖們巴顏鄂爾多斯固山貝子丹巴達爾濟喇什達爾濟四等台吉拉旺多爾濟厄魯特固山貝子納木扎勒烏喇特鎮國公濟克默特多爾濟蘇尼特輔國公羅布藏車凌察

哈爾厄魯特輔國公巴勒濟二等台吉敏珠爾多爾濟三等台吉達什納木扎勒四等台吉達什沙木巴勒達瑪琳扎布回部輔國公託克託伊巴喇伊木額色尹青海厄魯特扎薩克一等台吉薩木都布扎木索土爾扈特四等台吉桑噶巴拉及領侍衛內大臣等台左翼科爾沁和碩親王恭格喇布坦多羅郡王鄂勒哲特穆爾額爾克巴拜喇什噶勒當烏珠穆沁和碩親王瑪哈索哈喀喇沁親王品級多羅郡王喇特納錫第巴林親王品級多羅郡王巴圖固山貝子德勒克奈曼多羅郡王拉旺喇布坦教漢固山貝子桑濟扎勒右翼科爾沁和碩親王旺扎勒多爾濟多羅貝勒三音察袞喀爾喀和碩親王固倫額駙拉旺多爾濟和碩親王車登扎布教漢多羅郡王齊默特魯瓦阿巴噶多羅郡王喇特納錫第土默特多羅貝勒索諾木巴勒珠爾翁牛特固山貝子圖們巴顏鄂爾多斯固山貝

子丹巴達爾濟等至

御座前賜酒成禮。是月安徽巡撫書麟奏阜陽縣荒地奉旨五十二年起限清釐本年麥熟後民情踴躍首報升科者四千二百餘頃請於五十三年入額輸賦又領墾坂荒地二十七頃零請照旱地十年升科從之○江西巡撫何裕城奏豐城縣鎮平隄中段險要土隄不足資捍禦請動支積存鹽規銀改建石隄得旨如所議速行毋致誤工○山東巡撫

實錄卷一百一十五

五

明興奏遵例年終彙奏東省州縣無訛故赴省換帖宴會等弊得旨汝諸事不認真況此等刻板文章可信乎○是年旌表孝子江蘇等省民周家瑞等六名守節合例八旗滿州馬甲額爾登額妻畢魯氏等九十八口蒙古領催托倫保妻李氏等三十三口漢軍馬甲丁得雲妻魏氏等二十五口內務府莊頭佟學禮妻金氏等四口奉天等省駐防閑散丁國棟妻張氏等八十四口直隸等省民屈自

明妻王氏等五百五十三口夫亡殉節江蘇

等省民年子瑞妻吳氏等十三口未婚守志八旗滿洲閑散烏點聘妻崔氏等三口江蘇等省民鄒洛聘妻施氏等二十口百歲壽民婦直隸等省葛桂發等二十九名口各給銀建坊如例○一產三男河南等省民鄭順等三家○會計天下民穀數各省通共大小男婦三萬九千一百一十萬二千四百八十六名口各省通共存倉米穀三千七百四十六萬四千一百五十四石五斗三升八合零


實錄卷一百一十五

五

大清高宗法天隆運至誠先覺體元立極敷文  
奮武孝慈神聖純皇帝實錄卷之一千二百七十一

實錄卷一千二百七十一

五



統一書號:11018·1355—24

定 價: 54.00 元